



2. 4. 47.

HUGONIS
DONELLI
OPERA OMNIA.

U
S
S
R
S
S
R

—

HUGONIS DONELLI

IURISCONSULTI

ET

ANTECESSORIS
OPERA OMNIA.

Tomus Septimus.

ET

COMMENTARIORUM

IN CODICEM

IUSTINIANI

Volumen Primum.

Accedunt Castigationes Theologicae.



LUCÆ MDCCLXV.

Typis JOANNIS RICCOMINI.
CENSORUM PERMISSU.



LECTORI BENEVOLO

JOANNES RICCOMINI

S. P. D.



Nitegrum non ita pridem, absolutumque quoad licuit, meis typis editum accepisti benevole Lector Opus celeberrimi I. C. DONELLI laudatissimum, quod ille COMMENTARIOS IURIS CIVILIS appellatum voluit: illudque a me, ut tute et optimus testis, eruditissimis Hülligeri Notis locupletatum, auctumque summa-riis. Qua ex re huic Editioni mea & tuo, aliorumque præclaro iudicio honos & commendatio minime vulgaris accedit. Commendationem nibilo minorem, si

de tuo in Donelli iurisprudentiam studio singulari vere iudico, habebunt apud te cultu licet, ornatuque impares superioribus hæ, quas tibi recens offero, Donelli in Codicem recitationes: modo tibi vigiliarum mearum fructus constiteris.

Illud te Lector Eruditissime non ignorare arbitror; qua temporum iniuria, quo iniquissimo fato vel in ipso ortu suo premebantur; & dein quomodo typographorum male habitis sive incuria sive imperitia, deformes & squallidi, una & altera vice omnes hi fere prodierint in Codicem Commentarii. Qui nibil tale meriti tanto iniquius dedecus illud ferre videbantur, quanto se ingenuos, ut ita loquar, & nobili patre genitos, reliquis sub disciplina patris liberaliter educatis fratribus, Commentariis videlicet ab ipso DONELLO castigatis, impolitos magis conspiciebant, atque ignobiliores. Potissima igitur causa, cur hi lucem aspexerint multo præ cæteris rudes, & horriduli, ea procul dubio; quod hi POSTUMI prodire, nec squallore detergi ab auctore suo, & elegantiori ut ceteri specie formari minime potuerunt. Eo accessit, teste Clariss. Viro Nicolao Reusnero, in præfatione Operis, quod ille Paralipomena Donelli Commentariorum inscripsit; quod nec isti sue-re Donelli manu exarati, sed illo distante ab Auditoribus suis propeante calamo exscripti, & ex horum chartis, ut comicere licet, incuriose lectis aut imperite, impressi a typographis. Unicum restabat istis in illa sua orbitate presidium: Videlicet Clariss. Viri Jacobi Scheckii, qui eos magno studio collegerat, & edenda Palibenio tradiderat, cura vigil, & accurata re-censio. Sed hic fato nescio quo, importuno certe, in ipso pene ordiendi ope-ris ingressu fuit immatura, ut Palibenius ipse deplorat, & inopina morte præreptus. Supererat Palibenius nihilominus. Quid ille præstiterit, incertum est. Idem certe in Epistola dedicatoria Operis ab illo editi minus diligentem ope-ram mole ingruentium sibi negotiorum excusat. Hinc qui fuerit operis exitus & fortuna, facile coniectura assequi licet, & ipsa comprobata eiusdem operis lectio. Multas propterea maculas & nævos eidem illi operi & Commentariis aspersos agnoscere videtur idem, qui supra laudatus Reusnerus loc. ibid. citat.

Tom. VII.

Quid

Quid tu ista? inquit aliquis. An talium in Codicem prælectionum dignitatem elevabis, ut inde tua hæc qualiscunque appareat in iis corrigendis industria? An vero quod alii multo doctiores non præstiter, ut commentationum istarum maculas eluerent, & natos & suo candori redderem, præstare te posse confidis?

Ego vero minime omnium dignitatem horum Commentariorum elevare, quod est ab instituto meo alienissimum, sed potius, quantum in me est, & auctoris dignitati consulere, & ab hoc illius Genuino Opere vel minimam quamlibet falsi suspensionem amovere in animum induxi meum. Quamquam nec tali auxilio, nec defensoribus istis tempus eget, ut inquit Lyricorum princeps. Nec vero egent hi Commentarii, qui, etsi non habent eandem quem cæteri elocutionis nitorem; habent nihilominus quam ceteri eosdem nervos, succum & sanguinem Donellianæ orationis. Quippe in his etiam apparet & cernitur beata illa rerum copia & doctrina, præclara item & solida, & viro digna eruditio, eadem differendi exquisita ratio, mira illa ingenii vis in difficilibus iuris nodis ubique pervestigandis, iisque dissolvendis mira facilitas.

Quod ad me attinet, qui tali in re, ardua porro & difficili versor, quamquam plus oneris habere me sentio, quam viribus sustinere queam, subit tamen, atque iterum subibo quodcunque illud est. Es si ingenii mei tenuitate opera hæc maior, subsidio mihi tempus & diligentiam comparabo; & ubi locus & res posset, doctorum virorum, quod hætenus feci, consilio utar atque opera. Quamobrem & me saturum opera pretium non despero, & tibi probatum iri confido meam hanc operam atque industriam amicissime lector. Cuius quasi arram & pignus forte non ignobile trade tibi PRIMUM hoc quod initio laudavi, in Codicem Commentariorum VOLUMEN, quod non longo post intervallo duo alia consequentur. PRIMUM hoc vero tanto alacrius excipere debes, quanto magis integram, sanamque tibi præstant non minima ex parte Commentarii in secundum Codicis librum ab auctore emendati, & ab illo CONSULUM, ET SENATUS NORIMBERGÆ nomine nuncupati: cuius rei testis locuples Epistola auctoris, quæ hanc proxime sequitur; & alii præterea a Clariss. Viro Scipione Gentili castigati, quos ille in quintum & viceesimum librum Commentariorum iuris civilis consecerat, in hac mea editione loco suo restituti. Sunt autem Commentarii in Titulos Libr. IV. Cod. XIX. XX. XXI. XXII.

Jam vero quid in hoc ego volumine præstiterim, & in duobus proxime sequentibus præstare me posse confidam, paucis expedio. Præter accuratam satis, quoad potui, emendationem totius Operis, Epitomas etiam, sive Summaria, paucis illis exceptis quæ singulis in secundum Codicis librum Commentariis sunt apposita, reliqua fere omnia & prope ex integro retexui, non alia de causa, quam quod ista nimium a stilo superiorum quæ intacta reliqui, abhorrebant; plurima namque intermiscebant, quæ propositæ rerum transactioni offundebant tenebras, utpote non eius loci propria, sed ab auctore tantummodo delibata, ut confirmandis, aut ornandis tractatis ab illo rebus interserent.

Leges omnes Commentario cuique præpositas ad exemplum Codicis emendavi a Dionysio Gothofredo editi: ubi & ad instar Dionysiani Lineis relictis identidem inclusi nonnulla: quod indicio est particulas ibi inclusas ab aliis exemplaribus nonnullis, & Codicibus Veteribus abesse, Operam hanc qualemcunque meam tui commodo atque utilitate susceptam æqui bonique consule benevole, atque humanissime Lector: tuæque in me humanitate, fide, ac benevolentia spes quæso meas fove atque sustenta. Vale.

NO-

NOBILISSIMIS,

E T

AMPLISSIMIS DOMINIS

MAGNIFICIS CONSULIBUS, SENATUIQUE INCLYTÆ

URBIS NORIMBERGÆ.

HUGO DONELLUS

S.



I quantum me, Amplissimi viri, pro vetere animo vestro erga me amplitudini vestræ debere sentio; tantum esset in me facultatis ad vobis satisfaciendum, aut gratum animum probandum; fecissem iam multo ante, & nunc facerem studio-
sissime, ut mihi apud vos huius officii atque animi ratio omni ex parte constaret. Sed meritum vestrum reputantem sæpe ea cogitatio vereri cogit, ne multum ab ea facultate absim. Non enim sum oblitus illius temporis, cum ante aliquot hosce annos magno merito iudicii vestri factum est, ut de nobili vestra Academiâ amplificanda ornandaque cogitantes, ad eam me operam honorifica & prolixa voluntate vestra invitaretis. Et qui possem oblivisci? Hæret animo summa illa humanitas; & singularis non tam benevolentia, quam propensio vestra, qua me totum in ea vocatione complexi estis. Loquuntur mecum pene assidue amantissimæ illæ literæ vestræ tam multæ, quibus absentem compellare vobis visum est: quæ de illa benevolentia, de iudicio vestro, tam crebra, tamque constanti voluntate testificantur. Et quid commemorem honorem vestrum coniunctum cum summa testificatione illius voluntatis? Nam cum fuisset nonnihil in de-

siderio, quod per literas indicassem, quæ non vix bene annuenti prolixissime detulistis? Neque tamen tam me illa, vel si essent maiora, etiam accepisse delectet, quam amplum & honorificum duxi, mihi illam testificationem a talibus & tantis viris contigisse. Nam si iure celebratur illud Hectoris apud veterem poetam: lætus sum laudari me, sed a te, pater, laudato viro: vel potius, si iucundum est, opus nostrum probari Deo, eiusque iudicium agnoscere in testimonio laudatorum & præstantium virorum: intelligo, quanti facere debeam eius vel partem obtinuisse a vobis laudatissimis & præstantissimis viris. Non enim ignoro, quales & quantos oporteat esse eos, qui Norimbergæ, idest, in Urbe totius Germaniæ nobilissima, potentissima, florentissima rebus præsumt: quanta virtute & quam singulari sapientia præditos, per quos tantæ Reipublicæ tam felix, ac tot annorum sibi ipsi consentiens secundo cursu fluit rerum administratio. Cuius rei laudem ita consecuti estis, ut celebretur apud omnes; adeoque exteras gentes etiam remotissimas eius nominis & administrationis fama impleat. Nec me etiam fallit virorum clarissimorum præstantia & virtus eorum, quibus huius vocationis, ut & aliarum rerum ad Academiam vestram pertinentium procuracionem commisistis. Eos dico nobilissimos & præstantissimos viros summa doctrina & spectata virtute præditos, quos Academiæ vestræ Curatores & Præfectos esse voluistis. Quos omnes privatim sua ipsorum virtus satis commendat, nec patitur esse obscuros. Unum ex omnibus certo possim, ac mihi etiam liceat hoc loco, sicut debeo, & ipsius dignitas postulat, honoris causa nominare Hieronymum Baumgartnerum, mihi olim notum in Gallia, & ex illo non solum vetere notitia, sed etiam amicitia coniunctum, virum, qualem melius nostis & doctrina & rebus magnis amplissimum: cuius apud nos adolescentia in Gallia ita versata est, ut ex illa prima indole, tamquam ex segete, qualis suo tempore in eo futura esset virtutis messis, facile omnes nos, quibus tum notus erat, coniiceremus. Ab his, inquam, omnibus, accedente iudicio gravissimi Senatus Academici (cui satisfaciendi alius locus & aliæ opportunitates dabuntur)

cum

cum illæ mihi literæ & vocatio fuissent; sicut in his non potui de privato iudicio illorum, deque singulari benevolentia & studio erga me dubitare: ita non potui talium virorum iudiciis & studiis non magnopere commoveri. Quæ tamen, ut decuit, sic accepi: ut cum vos illis administris ad hanc omnem operam usi sitis, quam illi non solum vobis approbantibus, sed etiam auctoribus præbuerint: intelligam rem quidem totam communis benevolentia & iudicii omnium, præcipue autem singularis beneficii & meriti vestri fuisse. Merito igitur his rebus antea sum adductus, ut vobis vocantibus me permitterem; quem quidem etiam ita vestrum factum in potestate vestra habuistis. Etsi autem Deus pro sua providentia consilium ad vos proficiscendi alio vertit, & vobis consentientibus tenuit me in his locis: non tamen eo minus idem illud sentio, quod prius, quantum de proposito & constante animo vestro in illa vocatione vobis debeam. Vetus hic animus & sensus meus est. Hunc neque intervallum locorum, neque longinquitas temporis infringet unquam, neque Deo dante, ulla minuet oblivio. Quinimmo augetur hic sensus temporibus, qui quo minus ostendere antea potuit re ipsa, quam cuperet satisfacere vobis, eo accenditur magis ut velit, & se tanto amplius Excellentis vestris debere existimat. Quid ergo? gratias agam? Sane hoc restat, quando neque pro nostra tenuitate maius aliquid admodum præstare possumus, & maior est Amplitudo vestra, quam ut exigua capiat. Ego vero & egi antea, & nunc ago, & gratias habebo, dum vivam. Sed tamen est aliquid, quo longius hic animus progredi officio cupiat. Vos, Amplissimi viri, quidquid hic de me evocando statuistis, eo curam & cogitationem direxisse constat: ut si quid ex hac tenui opera nostra fructus esse posset apud vos, id publicum & commune omnium faceretis. Quidni igitur & ego salutare cogitationes vestras, & beneficium in his vestrum non ingratus publicum fieri studeam, & quibus meritissimo debetur, his a me publice, quoad licet, suus reddatur honos? Et vero ita me facere æquum est. Nam quibus hic honos magis debetur, quam vobis? & quis magis debet,

quam ego? Sed mitto quod in superiore invitatione privatim beneficii vestri fuit. Illud multo maius & augustius beneficium vestrum est, quod patet in omnes, dignum omnium temporum, & omnium literarum prædicatione: quod ita Republicam vestram instituistis, non solum ut in omnium rerum affluentia bene esset civibus vestris; sed etiam raro inter opulentas civitates exemplo, ut literæ omnesque bonæ artes quæ ad sapientiam ducunt, sedem in ea obtinerent. Vós bonas literas atque artes cogitatione & cura meliore complexi, tot locis propemodum collapsas erexistis, dissipatas collegistis, laborantes recreastis: denique his in urbem ditioni vestræ subiectam felici hospitio semel admissis, non prius quievestis, quam esset his eo loco publicum & solemne Academiæ domicilium opera vestra constitutum: ubi iam illæ non alantur solum, sed etiam omnibus præmiis, omni genere humanitatis, liberalitatis, honoris vestri affectæ ornentur & florent. Etsi autem hoc beneficium propius attingit eos, qui eo præsentem in Academia vestra fruuntur, cum clarissimos Antecessores vestros omni laude literarum & virtutis ornatissimos, tum studiosos ipsos: tamen cum publicum literarum beneficium id sit, cum me in partem eius beneficii tam liberaliter vocatum venire aliquando volueritis: statuo unum me esse ex innumeris, ad quem præcipua quadam nota iudicii vestri totum id beneficium pertineat. Ergo hic literis & virtuti a vobis habitus est, & habetur honos. Ipsæ literæ ad tantum beneficium obsurgescunt, aut mutuæ se vobis debere palam non fatebuntur? Sed sileant cæterorum, ut videtur (quamquam nullo unquam tempore isti virtuti sunt defuturæ) nostræ certe, si quid ad eam rem possunt, loquentur & ferent. In quo cum nihil haberem hoc tempore his Commentariis præsentius, quod post illa vestra a nobis publice loqui posset: iussi eos, cum primum his exire datum est, huius Officii partem subire. Inscribuntur ergo illi, dicanturque Illustrissimo nomini vestro, non qui ulla dignitate muneris delati apud vos se ostendent, quod tamen munus quodcunque est ut gratum sit opto: sed qui hac delatione de officio domini testificaturi eas ipsas inscriptionis causas

edifferant, ut possunt, quas publice notas & nostris literis consignatas esse cupio. Quo uno officio maxime se posteritati commendare student. Dicent igitur, cum ea sit amplitudo & splendor nominis vestri, qualem omnes norunt & prædicant; cum, quæ virtutis vestræ laus est, omnia vestra non solum in alias Reipublicæ partes, sed etiam in literas & optimas artes summa sint & singularia : omnem causam esse, cur literæ ipsæ ad istam virtutem prædicandam, ad grati animi significationem edendam excitentur; quam ad rem dicent me etiam aliquid conatum esse conferre. Cum autem in hoc genere tantum in me contuleritis privatim, quantum supra dixi: hoc iidem illi profitebuntur, libenter agnoscere me, quidquid hic ad gratiarum actionem attulero, longe infra meriti vestri dignitatem substituturum: verumtamen ut desint cætera, ad omnem certe gratitudinem egregiam voluntatem erga amplitudinem vestram, omnem observantiam, omnem officii & pietatis cultum attulisse. Quas ego res isti ipsi Amplitudini pro æternis in Rempublicam meritis vestris non iam delatas, sed, ut licet, dicatas & penitus addictas volo.

Valete,

Amplissimi Domini.

Lugduni Batavorum.

Kal. Ianuar. M.D.LXXXVII.

E L E N C H U S

LEGUM OMNIUM CODICIS IUSTINIANI

IN HOC VOLUMINE EXPLICATARUM
Secundum Librorum & Titulorum feriem dispositus.

LIV. II. Tit. 1. De Edendo,

L. 1. <i>Ipso dispo.</i>	3.	Tit. 4. De transactionibus,	255.
2. <i>It. apud quem.</i>	13.	L. 1. <i>Neque passio.</i>	271.
3. <i>Editu.</i>	21.	2. <i>Cum te proponas.</i>	277.
4. <i>Qui accusare.</i>	39.	3. <i>Age cum Geminiano.</i>	279.
5. <i>Non est novum.</i>	47.	4. <i>Aditione.</i>	ibid.
6. <i>Iustum.</i>	51.	5. <i>Cum te.</i>	283.
7. <i>Procurator.</i>	53.	6. <i>Cam meta.</i>	284.
<i>Math. Si quis in aliquo.</i>	59.	7. <i>Transactio.</i>	291.
<i>L. ait. Et qua.</i>	63.	8. <i>De alimentis.</i>	297.
Tit. 2. De in ius vocando,	73.	9. <i>Si saper.</i>	299.
Tit. 3. De pactis.	87.	10. <i>Frutris.</i>	301.
L. 1. <i>Conditionis.</i>	97.	11. <i>De fideicommissis.</i>	303.
2. <i>Post venditionem.</i>	105.	12. <i>Præsit.</i>	305.
3. <i>Servus.</i>	113.	13. <i>Interpositus.</i>	307.
4. <i>Postquam.</i>	117.	14. <i>Si diversa.</i>	311.
5. <i>Creditori.</i>	123.	15. <i>Ut responsum.</i>	ibid.
6. <i>Pacta, qua.</i>	129.	16. <i>Causas.</i>	315.
7. <i>Debitori.</i>	139.	17. <i>Cum proponas.</i>	317.
8. <i>Si pascenda.</i>	143.	18. <i>Transigere.</i>	321.
9. <i>Cum pascas.</i>	145.	19. <i>Sub prætextu.</i>	339.
10. <i>Legem.</i>	149.	20. <i>Non maiorem.</i>	345.
11. <i>Ex conventione.</i>	165.	21. <i>Cam ea.</i>	347.
12. <i>Pacta novissima.</i>	169.	22. <i>Si maior.</i>	349.
13. <i>In bona fidei.</i>	173.	23. <i>Nec tacentis.</i>	ibid.
14. <i>Si pacto.</i>	189.	24. <i>Siquidem.</i>	353.
15. <i>Pactum, quod dotali.</i>	195.	25. <i>Si maiores.</i>	355.
16. <i>Cum proponas.</i>	197.	26. <i>Transactio.</i>	ibid.
17. <i>Pactum, quod bona.</i>	ibid.	27. <i>Suum meate.</i>	357.
18. <i>Si creditores.</i>	199.	28. <i>Sive.</i>	ibid.
19. <i>Licet.</i>	205.	29. <i>Sub prætextu.</i>	359.
20. <i>Traditionibus.</i>	207.	30. <i>Transactio.</i>	363.
21. <i>Cam proponas.</i>	211.	31. <i>Si de certa.</i>	365.
22. <i>Pactum curatoris.</i>	213.	32. <i>Si causa.</i>	367.
23. <i>Filius.</i>	217.	33. <i>Si pro fundo.</i>	375.
24. <i>Si actionem.</i>	219.	34. <i>Cam donationis.</i>	379.
25. <i>Debitorum.</i>	221.	35. <i>Transactio.</i>	383.
26. <i>Pacta successorum.</i>	223.	36. <i>Si maior.</i>	385.
27. <i>Potens.</i>	225.	37. <i>Premissis.</i>	389.
28. <i>Si certis annis.</i>	227.	38. <i>Transactio.</i>	ibid.
<i>Pen. Si quis la conferibenda.</i>	231.	39. <i>Quamvis.</i>	ibid.
<i>Ult. De questione.</i>	237.	40. <i>Ubi pactum.</i>	391.
		41. <i>Si quis maior.</i>	397.
		<i>Pen. Si ex falsis.</i>	401.
		<i>Ult. Iubemas.</i>	405.

LIB. III. Tit. 34. De servis. & aqua.

L. 1. <i>Si quis affianes.</i>	407.	11. <i>Per agrum.</i>	ibid.
2. <i>Si aquam.</i>	417.	12. <i>Non modus.</i>	437.
3. <i>Et in provinciali.</i>	415.	13. <i>Sicut usufructum.</i>	439.
4. <i>Aquam.</i>	417.	Ult. <i>Cum talis.</i>	443.
5. <i>Si quid.</i>	429.		
6. <i>Præses.</i>	431.	Tit. 36. Famil. Ereife.	
7. <i>Si manifeste.</i>	433.		
10. <i>Si tibi.</i>	435.	L. 24. <i>Filiam quem.</i>	449.

LIB. IV. Tit. 1. De rebus creditis & iureiurando.

L. 1. <i>Causa iureiurande.</i>	491.	5. <i>Si a patre.</i>	691.
2. <i>Iurizurandi contempta religio.</i>	499.	6. <i>Si per ignorantiam.</i>	695.
3. <i>In hunc fidei contractibus.</i>	503.	7. <i>Fideicommissum.</i>	705.
4. <i>Si ad excludendam.</i>	511.	8. <i>Creditoris.</i>	ibid.
5. <i>Cum etiam.</i>	517.	9. <i>Indebitum solutum.</i>	709.
6. <i>Cum proponas.</i>	519.	10. <i>Si quis servum.</i>	711.
7. <i>Nec filius.</i>	521.	Ult. <i>Pro dubitate eorum.</i>	715.
8. <i>Atteri delate.</i>	523.		
9. <i>Delate conditione.</i>	529.	Tit. 6. De conditione ob causam datorum.	717.
10. <i>In actione.</i>	539.		
11. <i>Si quis iniurandum.</i>	541.	L. 1. <i>Pecuniam quam te.</i>	719.
12. <i>Generaliter de omnibus.</i>	549.	2. <i>Si ut proponis.</i>	723.
Ult. <i>Cum quis legatum.</i>	561.	3. <i>Ea lege.</i>	727.
		4. <i>Si cum exigam.</i>	737.
		5. <i>Si militem.</i>	739.
		6. <i>Cum ancillam.</i>	741.
		7. <i>Si repetendi.</i>	743.
		8. <i>Disiam legem.</i>	747.
		9. <i>Si liber constitutus.</i>	749.
		10. <i>Pecuniam a te datam.</i>	751.
		Ult. <i>Advocationis.</i>	759.

Tit. 2. Si certum petatur.

L. 1. <i>Negue equam.</i>	571.		
2. <i>Quantis pecuniam.</i>	575.		
3. <i>Eos qui officia.</i>	579.		
4. <i>Si absentis pecuniam.</i>	583.		
5. <i>Si non singuli in solidum.</i>	589.		
6. <i>Si ex pretio.</i>	593.		
7. <i>Non unde originem.</i>	597.		
8. <i>Si pro mutua pecunia.</i>	599.		
9. <i>Cum te in Gallia.</i>	603.		
10. <i>Et quod.</i>	605.		
11. <i>Incendium.</i>	609.		
12. <i>Si in rem.</i>	615.		
13. <i>Eum qui mutuum.</i>	617.		
14. <i>Mutua pecunia.</i>	619.		
15. <i>Non adversus.</i>	621.		
16. <i>Quisquis iudici.</i>	623.		
Ult. <i>Super eborographariis.</i>	627.		
Auth. <i>Sed unus.</i>	631.		

Tit. 3. De suffragio.

L. <i>Unica. Si qui desideria.</i>	633.		
------------------------------------	------	--	--

Tit. 4. De prohibita sequestrat. pecuniar.

L. <i>Unic. Quotiens.</i>	641.		
---------------------------	------	--	--

Tit. 5. De conditione indebiti.

L. 1. <i>Pecunia indebita.</i>	657.		
2. <i>Si citra ultam.</i>	661.		
3. <i>Cum est soluta.</i>	683.		
4. <i>Ea que.</i>	685.		

Tit. 10. De obligationibus & actionibus.

L. 1. <i>Data certa pecunia.</i>	811.		
	2. <i>No-</i>		

2. <i>Nominibus.</i>	823.
3. <i>Ob causam.</i>	827.
4. <i>Remanentem.</i>	829.
5. <i>Sicut iudicium.</i>	833.
6. <i>Si in solutum.</i>	840.
7. <i>Si a creditore.</i>	841.
8. <i>Siquidem donationis causa.</i>	843.
9. <i>Negantes debitores.</i>	844.
10. <i>Adversus debitorem.</i>	847.
11. <i>Nimia credulitate.</i>	849.
12. <i>Ob et alienum.</i>	851.
<i>Auth. Imo.</i>	853.
13. <i>Eum cui maritum.</i>	851.
<i>Ult. Est in arbitrio vestro.</i>	ibid.
<i>Auth. Sed beda.</i>	855.

Tit. 11. Ut scilicet et ab hered. & contra hered. incip.

L. <i>Unic. Cum stipulationes.</i>	859.
------------------------------------	------

Tit. 12. Ne uxor pro marito, vel maritus pro uxore, vel mater pro filio conveniatur.

L. 1. <i>Frustra disputas.</i>	869.
2. <i>Ob maritum.</i>	ibid.
3. <i>Cum te.</i>	873.
<i>Ult. Cum te.</i>	875.
<i>Auth. Sed omnino.</i>	877.

Tit. 13. Ne filius pro patre, &c.

L. 1. <i>Neque ex eius filii persona.</i>	879.
2. <i>Ne contra.</i>	881.
3. <i>Si filiusfamilias.</i>	883.
4. <i>Patris nomine.</i>	ibid.
<i>Ult. Ex patris.</i>	885.
<i>Auth. Habita.</i>	887.

Tit. 14. An servus ex suo fido possit manumilli. ten.

L. 1. <i>Quarvis.</i>	901.
2. <i>Creditoribus suis.</i>	905.
3. <i>Promissa tibi pecunie.</i>	907.
4. <i>Exce. servitutis tempore.</i>	911.
5. <i>Si ut allegas.</i>	913.
<i>Ult. Sive servus fuit et.</i>	ibid.

Tit. 15. Quando fiscus, vel privatus debitoris sui debitores convenire possit.

L. 1. <i>Propter et alienum.</i>	917.
2. <i>Si in causa iudicati.</i>	919.
3. <i>Si debitum non satisfactum.</i>	923.
4. <i>Non prius ad eos.</i>	925.
<i>Ult. In solutum nomine dato.</i>	ibid.

Tit. 16. De hereditariis actionibus.

L. 1. <i>Pecuniam, quam tibi.</i>	929.
2. <i>Pro hereditariis partibus.</i>	933.
3. <i>Heredem moris.</i>	943.
4. <i>Sub praeiudicio avari.</i>	945.
5. <i>Ut debitum tibi ante.</i>	947.
6. <i>Si aditum, emus.</i>	949.

Ult. Creditores hereditarios.

953.

Tit. 17. Ex delict. defuncti in quantum hered. conven.

L. <i>Unic. Post litis contestationem.</i>	955.
--	------

Tit. 18. De constituta pecunia.

975.

L. 1. <i>Si pro alieno debito.</i>	987.
<i>Auth. Si quando.</i>	ibid.
2. <i>Receptitia utilitatis.</i>	991.
<i>Ult. Divi Adriani.</i>	1001.

Tit. 19. De probationibus.

1005.

L. 1. <i>Ut creditor.</i>	1009.
2. <i>Possessiones, quas ad te.</i>	1015.
3. <i>Ex persona colligam.</i>	1017.
4. <i>Proprietatis dominium.</i>	1021.
5. <i>Instrumenta domestica.</i>	1015.
6. <i>Rationes defuncti.</i>	1017.
<i>Auth. Quod obtinet.</i>	1019.
7. <i>Exempla pervicacium et.</i>	1021.
8. <i>Frustra veremini.</i>	1023.
9. <i>Cum te muerem.</i>	ibid.
10. <i>Neque natules.</i>	1027.
11. <i>Si scriptum heredem.</i>	1041.
12. <i>Cum res non instrumentis.</i>	1043.
13. <i>Non epistolis.</i>	1049.
14. <i>Non uadis.</i>	1051.
15. <i>Vix eius, qui se.</i>	1055.
16. <i>Sive possidetis pradia.</i>	1059.
17. <i>Materiam tuam.</i>	1063.
18. <i>Cum precibus tuis.</i>	1065.
19. <i>Exceptionem dilatoriam.</i>	1069.
<i>Auth. At qui semel.</i>	1079.
20. <i>Si de possessione.</i>	1083.
21. <i>Ad probationem dominii.</i>	1087.
22. <i>Ad probationem servitutis.</i>	1089.
23. <i>Atque quod adfuerat.</i>	1091.
24. <i>Intemus omnes.</i>	1101.
<i>Ult. Sciant cuncti accusatores.</i>	1105.

Tit. 20. De Testibus.

1107.

L. 1. <i>Si tibi controversia.</i>	1113.
2. <i>Etiam iure iurati.</i>	1119.
3. <i>Sola.</i>	1123.
4. <i>Eos testes.</i>	1127.
5. <i>Parentes et liberi.</i>	1129.
6. <i>Nimis graves.</i>	1133.
7. <i>Servus pro domino.</i>	1135.
8. <i>Iurandi religio.</i>	1139.
9. <i>Omnibus in re propria.</i>	1147.
10. <i>Quoniam liberi.</i>	1153.
<i>Auth. Si testis productus.</i>	1159.
11. <i>Liberorum adversus patrem.</i>	1169.
12. <i>Qui falsa in testimonio.</i>	1171.
13. <i>Nellam penitus.</i>	1173.
14. <i>Si quis testibus usus.</i>	1179.
15. <i>Testium facilitatem.</i>	1185.
<i>Auth. Rogati.</i>	1195.
<i>Pen. Si quando invitus.</i>	1203.
<i>Auth. Sed est quis ab aliquo.</i>	1217.
<i>Ult. Cum apud compromissarios.</i>	1221.

Tit. 21. De fide instrumentorum, & amissione eorum, & de apochis & antapochis faciendis, & de his, quæ sine scriptura fieri possint.

L. 1. <i>Debitorum tuorum quicumque.</i>	1231.
1. <i>Si uteris instrumento.</i>	1233.
3. <i>Si adversarius tuus.</i>	1243.
4. <i>Ille dispensatori pecunie.</i>	1249.
5. <i>Sicut iniquum est.</i>	1251.
6. <i>Statum tuum.</i>	1255.
7. <i>Si solemnibus stipendiis.</i>	1257.
8. <i>Si confiteris propriam.</i>	1263.
9. <i>Instrumentis etiam.</i>	1265.
10. <i>Cum instrumentis etiam.</i>	1269.
11. <i>Emancipatione facta.</i>	1271.
12. <i>Non ideo minus.</i>	1277.
13. <i>Apud eos qui rem gerant.</i>	ibid.

14. <i>Scriptura diverse.</i>	1279.
15. <i>In emercendis litibus.</i>	1285.
17. <i>Contrahus venditionum.</i>	1305.
18. <i>Iudices sive in hac inclyta.</i>	1319.
<i>Auth. Apud eloquentissimum.</i>	1323.
19. <i>Plures apochis.</i>	1325.
<i>Pen. Comparationes literarum.</i>	1341.
<i>Auth. Ad hoc ex his literis.</i>	1353.
<i>Auth. At si contrahus.</i>	ibid.
<i>Ult. Cum quidam instrumentum.</i>	1357.

Tit. 22. Plus valere quod agitur, quam quod simulate concipitur.

L. 1. <i>In contrahibus rei.</i>	1369.
2. <i>Alia simulata.</i>	1373.
3. <i>Emptione pignoris.</i>	1375.
<i>Pen. Si quis geram a se.</i>	1377.
<i>Ult. Si falsum instrumentum.</i>	ibid.

HUGONIS DONELLI

IURISCONSULTI

COMMENTARIA

IN CODICEM

IUSTINIANI.

AD TIT. I. LIB. II. C. DE EDENDO.

SUMMARIA.

1. *Argumentum tituli de edendo & usus.*
2. *Quarum rerum editio in iudicio possetur vel ad instructionem pe-*

sentis, vel ad probationem, & ius de singulis breviter ex suis locis indicatum.



Summa † tituli de edendo hæc est. Actor reo initio actionem edere debet. Nō edat, nulla vocatio est. *L. 1. D. de edend. Auth. offeratur. C. de lit. confest.*

De hac potissimum editione agitur hoc titulo & D. & C. ut re ad iudicii primordia necessario pertinente: de quibus primordiis hic agitur. Aliarum rerum editio magis ad probationem petitur, eoque & sequitur fere litem contestatam. Sed tamen, quia & in his sua quædam editio est: occasione ex hoc loco nata, simul & de editione aliarum rerum, quæ in iudicio a litigatoribus invicem postulantur, eodem sive edicto, sive titulo, sive potius utroque comprehensum est. † Quæ autem res ab uno ex litigatoribus edi alterius interest, vel ad instructionem petentis, vel ad probationem, de quibus edendis ideo controversia est, hæc sunt, actio, rationes, instrumenta quævis alia, acta iudicialia. De harum rerum quatuor editione sic tus est. Quædam sunt ex his, quæ actor petenti reo, & contra reus actori invicem edere debeat. Ea sunt acta publica iudicialia; *L. 2. in fin. b. tit.* item instrumenta privata quidem, sed utriusque communia; *L. procurator, eod. cum*

instrumenta privata simul & alterius propria, sed quibus usus sit is, unde editio petitur. *L. 1. §. edenda D. eod.* Quædam contra, quæ pariter neuter alteri cogatur edere. Ea sunt instrumenta alia, quam rationes; quibus quis usus non sit. *d. L. 1. §. edenda.* In his tamen diversa causa fisci a cæteris. Fisco enim per delatorem agente, omnia instrumenta rei ei edenda sunt, quæ ad causam delationis pertinent; dummodo de criminali causa non agatur. *L. 2. §. 1. D. de iure ff.* Quædam sunt quodammodo intermedia, quæ uni ex litigatoribus edi debeant, non item alteri. In hoc numero sunt actio, & rationes. Actionem solus edere debet actor, quia solus est, qui actionem intendit. *L. 1. D. eod.* Rationes natura sue & in actorem & in reum pariter cadunt. Sed earum edendarum necessitas, aut libertas non est utrique litigatori communis. Actori imponitur, ut rationes suas petenti reo edat, unde fides veri constare possit. *L. non est novum, L. infum, seq. b. tit.* Ex contrario reus actori suas edere non cogitur. *L. qui accusare, D. eod.* nisi ex causa. *L. 1. D. eod.* ubi causas exposuimus. Differentiæ ratio redditur in *L. ult. D. eod.*

Tom. VII.

A

L. 1.

L. 1.

Imp. Antoninus Pius A. Emilio.

Ipse discipe, quemadmodum pecuniam, quam te deposuisse dicis, debere tibi probes. Nam quod desideras, ut rationes suas adversaria tua exhibeat: id ex causa ad iudicis officium pertinere solet. PP. 4. Calend. Octob. Sabin. 2. & Severo Conf.

S U M M A R I A.

1. *Quæstio ex factis, & ambigendi causa.*
2. *Sententia rescripti summam proposita, & suis partibus comprehensa.*
3. *Reum quoque ex causa cogi rationes suas edere: & qui in hoc numero, ac quibus de causis.*
4. *Nec mulieres argentariam exercentes, nec mercatores iis, cum quibus contraxerunt, rationes suas edere necesse habere.*
5. *Reus alicui cur rationes suas edere ulla de causa debeat, & quid profit alicui ea editio.*
6. *Rationes cuiusque in iudicio editas pro adversario etiam alicui fidem facere: & L. nuda D. de donat. exposita.*
7. *Causas exhibendarum rationum, etsi in mulierem non cadunt, tamen huic loco bene convenire, quavis de muliere agatur: eoque & rationes proprie hic pro rationibus, non pro instrumentis aliis accipi debere.*
8. *Rationes suas in proposito reum edere cogi officio iudicis. Id esse non in actione in id, quod alicuius interest, sed in eo, ut si reus iussus non exhibet, pro convicto habeatur.*
9. *Rationes suas ut reus alicui extra causas iure proditas edere non cogatur, quam recte constitutum.*
10. *Rationum a muliere rea exhibendarum causas in proposito nullas esse Antonini, & cur nullas sint.*

¹ **P**ECUNIAM, † quis petebat, quam dicebat se apud mulierem, unde petebatur, deposuisse. Id cum vellet probare, ut probatio ab auctore exigitur: *L. alicui. inf. de probat. L. 2. D. eod.* dicebat fidem constare posse ex rationibus adversariæ: itaque ut eas ederet, postulabat. Nec caret in speciem postulatio ratione. Dici enim potest facile ac statim eas exhiberi posse, & quidem sine incommodo mulieris. Quod petenti profit, rogato non noceat, æquum esse non recusari. *argum. in L. 2. §. quamquam D. de aqua pluvi. arcend. præsertim si pertineat ad lites dirimendas: quibus finendis bonæ leges illudant. L. fratris inf. de transact. L. ult. D. pro suo.* Id cum facere mulier recusaret; quæsitum est, an cogenda sit edere, & generaliter, an reus petenti adversario rationes suas edere cogendus sit? Consultus † ab auctore Imperator respondet eum dispicere debere,

quemadmodum, id est, quibus probationibus aliis, quam rationibus adversariæ, probare possit, se pecuniam deposuisse, atque hinc sibi ab illa debere. Significans ipsum ad eam rem rationibus adversariæ uti non posse invita ea; denique adversam partem urgendam non esse ad exhibitionem rationum & instrumentorum, per quæ sibi negotium fiat, ut hoc planius explicatur *in L. nimis inf. de testib.* Rationem reddit; quia ut adversaria rationes suas petenti exhibeat, ex causa, id est, ex causa solum, non nisi ex causa, ad iudicis officium pertinere solet. Innuens in proposito nullam eiusmodi causam esse, eoque nec cogendam eas exhibere. Unde recte monuerat auctorem initio, ut de aliis probationibus, quam de rationibus adversariæ cogitaret. Itaque continetur hoc rescriptum argumentatione, quæ si evolvatur, constat his partibus: ut reus rationes suas petenti alicui exhibeat, in cognitione iudicis

eis positum est, nec nisi ex causa conceditur. In proposito autem nulla eiusmodi causa adversus mulierem intervenit. Non igitur ea actori rationes suas exhibere cogenda est. Hæ partes dum non percipiuntur, aut non attenduntur vulgo, misere hic locus distortus est. Quæ si illo ordine recte explicantur; & rescripto constabit sua sententia, & locus aliorum opinionum obscurus fiet perspicuus. Quare singulas ordine excutiemus. Habet autem propositio tres hasce sententias. Interdum ex causa reum edere debere rationes suas actori; & cum hæc causa est, ad officium iudicis pertinere; & extra has causas reum nequaquam cogit rationes suas edere.

3 Sit igitur prima hæc, cogi reum edere rationes suas, sed ex causa. Causam partim ex persona rei, partim ex persona actoris. Ex persona rei, ut est reorum conditio. Argentariæ mensæ exercitores, id est argentarii, & nummularii, tubentur edicto edere petenti actori rationes suas ad eum pertinentes. Et hoc quid sit, quamque rationem habeat, exponitur in *L. si quis, §. exigitur, §. rationem. L. quædam, §. nummularios, §. ult. l. argentarius, Digest. cod.* Coguntur & successores argentarii rationes edere. *L. si quis, §. 1. l. quædam, §. nihil, D. cod.* In eadem causa sunt omnes, qui res, rationesque actoris administrant, ut procurator, tutor, socius. Hoc distat a superioribus, quod procurator domino, tutor pupillo, socius, qui societatis res administravit, scilicet rationes suas propriis actionibus, superiores ex edicto edere coguntur. *d. l. quædam, in pr. cod.* Ex persona ipsius actoris hæc prælatio inducitur in causa fisci, cum alicuius bona deferuntur fisco ex iis causis, ex quibus ea deferri solent, de quibus in *L. 1. D. de iur. fisci*. Nam delatori iubentur edi instrumenta rei ad eam causam pertinentia; sitamen de re pecuniaria, non de criminali causa agatur. *L. 3. D. cod. L. 2. §. 1. D. de iur. fisci*. Atque hæc causæ rei cogendi ad rationes suas exhibendas. Extra has nulla necessitas est cuiquam eas privato petenti exhibere. Neque igitur probro, quod Bartolus & alii tradunt de muliere argentarii munus exercente, & de mercatoribus publicis. Volunt eiusmodi mulierem, etsi argentaria non sit, item & mercatorem iis, cum quibus contraxerunt, rationes suas edere cogendos esse. Moventur exemplo argentariorum, qui ideo coguntur rationes suas edere petentibus; quia his mandantibus eas tractant, scilicet hoc modo, ut rationes ad petentes pertineant. *L. si quis,*

Tom. VII.

§. ex hoc edicto, D. cod. Idem autem faciunt mercatores, & foemina officium argentarii usurpans. Sed exemplum non congruit. Non cogentur quidem argentarii rationes suas edere, nisi ad eum, qui petit, rationes pertinerent; nec pertinerent, nisi eo mandante rationes tractant. Sed non hæc sola causa est ad cogendum, verum hæc præcipua: quod officium argentariorum causam publicam haberet; positum in eo, ut dum pecuniam a civibus accipiunt, & erogant per partes, diligenter singulorum rationes conficerent: quarum probatio scriptura codicibusque eorum tanquam in munere publico; & publica fide contineretur. *L. prætor. in princ. l. quædam, §. nummularios. l. argentarius, in pr. Digest. cod.* Ac nisi quæ sint similes personæ diserte scriptum est in *d. l. argentarius, in pr. D. cod.* prætorem non cogere eas edere. Nihil autem tale in foemina, aut mercatoribus negotiationem exercentibus in foeminis quidem omnia dissimilia; quæ conditione ipsa personæ ab omnibus officiis civilibus & publicis remotæ sunt. *L. foemina. D. de reg. iur.* Ideo & ab officio argentarii, cuius operam publicam, prinde & virilem esse diximus. *L. penult. D. cod.* Nec si eam operam publice sint professæ, eo magis sint argentariæ, quæ iure prohibentur, & sibi impurent, qui ius ignorantes cum his tanquam cum argentariis contraxerint. Sed nec mercatores in negotiatione sua sunt argentarii. Publico enim munere in eo non funguntur, ut rationes aliis conficiant, quod est proprium argentariorum, ut modo dixi. Ac mercatoris munus publicum & virile non esse argumento est, quod mulier mercaturam exercere potest: non enim prohibetur argentariam non potest, a qua præter alia nominatim removetur in *d. l. penult. D. cod.*

Quæret igitur aliquis, quæcunque causa ex superioribus fuerit, cur iubeatur reus edere actori rationes suas, quid actori prodesse possit hæc editio? Nec abs re id queritur, non tantum actoris causa, ut frustra id postulet; sed maxime ideo, ut sciri possit, quam recte id fuerit ex ulla causa constitutum. Nam si actori nihil prodest, malitiose id postulat, quod non alio spectat, quam ut adversario sit molestus. Et vero placet malitiis non esse indulgendum. *L. in fundo, D. de rei vindic.* Sed & quod de supervacua cautione scriptum est in *L. hæc stipulatio, §. 1. D. ut leg. seu fid. vo. cau.* idem de supervacua editione licet dicere, perquam

A 2

iniquum

iniquum esse supervacua editione reum onerari. Iam vero quorsum hæc editio? An ut rationibus adversarii instruat actor? Atqui frustra petit se his instrui, qui magis scire possit ius suum, quam alius. Quod si ignorat, de se queri debet, & vero contra ius certum id postulat, eum iure denuntiatur omnibus unumquemque, qui agit, certum esse debere de iure suo; & ante debere rem diligenter explorare, & tunc ad agendum procedere. *L. qui in alterius*, in fi. *D. de reg. iur.* An ergo ut actor rationibus adversarii utatur ad fidem & reum convincendum? Nempe hoc restat. Sed hic nos impedit. *L. nuda D. de don.* qua etiam videtur; frustra ad eam rem peti rei rationes, quia hæc adversus eum fidem non faciant. Sic enim illic scriptum est: *nuda ratio non facit aliquem debitorem.* ut puta, quod donare libero homini volumus, licet referamus in rationes nostras debere nos, tamen nulla donatio intelligitur. Et t res ita habet, ut si iure implorentur rationes adversarii, hæc de causis implorentur, ut fides veri constare possit. *L. non est novum. inf. cod.* Sic autem fides pro actore constare poterit, si quod actor intendit, reperitur scriptum in rationibus rei; & rationes adversus eum fidem faciant. Quidni vero faciant? fides enim ei contra se haberi debet. *L. de atate. §. 1. D. de interrog. in iur. fac.* & maxime adversus eum non temere confiteamur, sed ita, ut in librum rationum sua manu id referret. Non obstat, quod dicitur, nudam rationem non facere aliquem debitorem. Aliud enim est facere debitorem, aliud probare. Ratio dicitur facere debitorem, cum eum, qui scripsit se debere, constat nulla de causa ante debuisse, sed solum debere ideo, quia in rationes suas retulerit, velle se id debere, puta se id donare: quo exemplo utitur *d. L. nuda, D. de donat.* Unde & ea ratio nuda dicitur. Nuda ideo, quia sola hæc ratio debitorem facit, aliam autem debendi causam extrinsecus non habet. Recte dicitur, & ex principis iuris, quæ sunt de obligatione contrahenda, eiusmodi rationem solum debitorem non facere. Non enim habet contractum, aut quasi contractum. Ex maleficio vero aut quasi maleficio non nasci plerumque manifestum est: Neque porro ex pluribus factorum causis obligatio nascitur, id est, debitor quisquam constituitur. *§. ult. Inst. de obl.* Probare autem debitum tunc ratio rei dicitur, cum in rationes relatum est, quid ex aliqua causa deberi, puta mutui,

& fides huius causæ adversus debitorem inde petitur. Hanc vero fidem rationes rei, si in iudicio edantur, adversus ipsum reum præstare possunt, & præstare æquum est. Consilet hoc igitur, veram esse, quod hic significatur, causas esse, propter quas cogatur reus rationes suas exhibere: eas causas esse, quas supra ostendi: neque ideo esse repudiandas, quasi actori inutilis sit editio, cum rationes rei exhibitæ adversus eum fidem faciant: quam ad rem etiam possulantur.

Videndum, t an superscriptæ causæ solæ, quas diximus, satis huic loco convenient. Ubi privata causa agebatur, non fisci. Ea, cum qua agebatur, mulier, quæ neque actoris negotia gesserat; conveniebatur enim ex causa depositi; & conditione personæ non potuit esse argentaria. Et certe non admodum convenient. Si de muliere, quæ hic proponitur, diceret Antoninus, eam rationes suas actori ex causa exhibere debere. Nunc autem contra hoc intelligi voluit, eam in proposito exhibere non debere: dum ait, ex causa id solum impetrari, & significat in hac specie facti, nullam eiusmodi causam esse adversus mulierem, ut postea dicitur pluribus. Sed quoniam generaliter ratio hoc statuit, cogi reum quolibet rationes suas edere ex causa, neque aliter intelligi potest, eiusmodi causam in muliere, de qua quæritur, non cadere, quam his causis expositis: faciendum fuit necessario, ut ostenderetur, quænam essent hæc causæ. Quorum utrumque cum apposite dicatur hoc loco in rationibus non fuisse causam Bartolo & aliis plerisque cur rationes hic interpretarentur instrumenta contra verbi usum & significationem, dum vitare volunt, ne si de rationibus, quæ proprie ita vocantur, in persona mulieris ex causa edendis locum acceperimus, falsi aliquid & a persona mulieris alienum dicatur. Quia etiam etsi diceretur adversaria illa rationes suas interdum exhibere debere ex causa: vere diceretur, nec mirandum esset verbum *rationum*. Nam mulier etsi non potest esse argentaria: potest tamen heres esse argentarii quo casu non minus ex editio rationes defuncti edere cogitur. *L. quædam, §. nihil, D. de edea.* Itaque non incommode id ipsum cum Accursio fingeremus. Neque hoc esset divinare, ut male Bartolus notavit. Contineretur enim his verbis: *Ex causa*, propterea quod & argentarii heres non minus ex causa edere dicitur sine divinatione, quam sine divinatione diceretur ad hæc verba pertinere argentarium. Alte-

8 Altera [†]sententia, quæ superiore propositione expressa est, hæc est; ut ex causa, quales sunt superiores, reus rationes suas exhibeat, ad officium iudicis pertinere. Quod hanc significationem habet, iudicem adimplere debere an sit iusta aliqua causa ex his, cur reus rationes suas exhibeat; si causam esse cognoverit, facere debere, ut reus exhibeat; quod ita fit, si cogat eum ad exhibendum. Quæritur, quomodo cogat, & omnino quæ sit cogendi ratio officio iudicis in hac re conveniens? Quas questio non temere occurrit. Scio traditum esse ex edicto de edendo, quo iubetur argentarius rationes suas edere ei, ad quem rationes pertinent; si eas petenti non edat, actionem petenti esse in id, quod sua interest rationes sibi esse editas. *L. si quis, §. ex hoc, L. argentarius, §. ult. D. eod.* Et quæ actio esse dicitur, per cuius metum cogitur argentarius rationes edere in *L. quedam* in pr. *D. eod.* Sed huic remedio in specie propositum locum non esse apparet. Non enim agebat actor cum muliere in id, quod sua interest, quod rationes suas mulier illi non exhibuisset; sed agebat depositum de pecunia, quam se deposuisse dicebat; quo in iudicio per causam eius intentionis rationes adversarii sibi edi postulabat. Quapropter nec in id, quod actoris interest rationes adversarii fuisse exhibitas, sed de pecunia deposita, nempe in id, quod petebatur, condemnationem esse oportuit. *L. ult. §. 1. C. de fid. lib.* Alia etiam ratio in proposito iudici obstat, quo minus, etiam si velis, & per actionem liceat, possit reum condemnare in id, quod actoris interest rationes ei fuisse editas. Neque enim ita reum damnabit, nisi prius actor doceat sua interesse rationes exhibitas esse, & quatenus interit. *§. ult. Inst. de ver. ob.* Qui autem depositum pecuniam petit ab aliquo, & ad idem intentionis suæ postulat sibi exhiberi adversarii rationes, non potest probare sua interesse rationes eas sibi esse exhibitas, nisi doceat, se ob eas non exhibitas rem depositam amisisse: quia eius probatio exlaret in rationibus. Id enim, quod interest nostra, est id, quod nobis abest, quodque lucrari posuimus. *L. si commissæ, D. rem rat. hab.* Porro pecuniam depositam amisam esse docere non potest, nisi prius hoc ipsum doceat pecuniam fuisse depositam. Hoc si aliunde probare potest, quam ex rationibus adversarii, aperte nihil eius interest rationes adversarii in eam rem edi. Si non potest aliunde, & rationes adversarii non

exhibentur, nullo modo potest probare pecuniam fuisse depositam; eoque nec sua interesse, quasi rem depositam ob rationes non exhibitas amisit. Sic fit, ut nullo modo in hac causa locus esse possit illi condemnationi ob rationes adversarii non exhibitas. Et generaliter probandum est, nunquam actioni in id, quod nostra interest, locum esse adversus aliquem ob rationes ab eo nobis non editas, quas edere debebat, nisi prius lis nobis fuerit cum alio de re aliqua, cuius probatio continebatur illis rationibus; & quia petentibus nobis rationes illæ non sunt exhibitæ, factum est, ut aut condemnaremur ipsi, aut adversarius absolveretur, atque ita rem amitteremus. Sic enim fieri poterit, ut quod eo iudice probare non potuimus, rem scilicet nobis debitam fuisse; aut nos solutione esse liberatos, postea rationes eas nacti, aut aliis instrumentis, vel testibus, quorum, illo tempore ex aliqua causa copia non fuit, nunc possumus probare verum fuisse quod tum intendebamus, ac propterea nos amisisse, cum necessaria probatione rationum deficeremus. Hoc autem in eodem iudicio adversus eum, a quo edi rationes postulemus, contingere nunquam potest. Idque ita declaratur in *L. argentarius, §. ult. D. eod.* Dicendum est, hac postulatione in iudicium incidente, hanc esse poenam in potestate iudicis, cuius metu cogatur reus rationes edere, ut ipsas exhibere, nisi exhibeat, pro convicto habeatur. Id quod ita colligimus. Scriptum est in *L. 2. §. 1. D. de iur. sis. dubitandum non esse, quin ei, qui instrumenta ad causam pertinentia, quæ exhibere debet, cum posset, non exhibet, nocere debeat, & si verum aliter non invenitur, ea subtracta esse credantur, quæ nocitura causæ eius fuerint. At alibi traditur satis pro convicto haberi eum, qui docetur instrumenta adversario subtrahere. *L. si de possessione. in fin. C. de prob.* Quare & is, qui cum possit, & debeat, rationes suas non exhibet, pro convicto habendus est: quasi scilicet in rationibus eius scriptum esset, quod actor intendit. Quod æquissimum est existimari adversus eum, qui ex causa legis cognita rationes suas exhibere debeat. Cur enim metuit exhibere, nisi quia intelligit rationibus contineri, quod actori profit, sibi nocere?*

Tertia [†]sententia superiore propositione non exprimitur, sed ex contrario satis intelligitur. Cum enim dicitur reum cogi rationes suas edere, sed ex causa; hoc ipso declaratur, si causa aliqua non

sit (unam autem aliquam ex superscriptis causis intelligi volumus) cessare edendi necessitatem. *L. si quis §. ult. D. cod. L. quod dictum D. de pass.* Sed cur, etiam si superiores causae non sint, non cogatur reus privato auctori rationes suas edere? Videtur enim hoc ipso æquum esse, & postulanti auctori concedendum, quod postuletur id, ut fides veri possit constare. Nam si reperietur in rationibus reum debere, perquam iniquum sit eum, sua confessione non teneri: si non reperitur, editio ei non nocet. Immo contra utraque hac de causa auctori deneganda est editio. Nam si in rationibus nihil sit, quod illi prosit, non debet ipse id petere, in quo nihil aliud seriat: quam ut sit molestus reo. *L. in fundo, D. de rei vind.* Sin est aliquid, bis iniquum cogi reum hoc casu rationes edere: primum: quia cogitur suum alteri communicare invitatus; deinde quia adversus se. Qui rei dominus est, idem debet esse moderator & arbiter rei suae, nihil ut de ea plus conferat, aut commodet alteri, quam velit. *L. in re. C. mand.* Hoc ius aperte adimitur ei, si quis invitatus, ubi extrinsecus nulla alia causa sit, rationes suas, aut quidquam aliud suum alteri exhibere cogitur. Quod si nulli mortalium ius suum detrahendum est, *L. 2. D. de his, qui sunt sui vel alien. iur.* quin potius huc omnia præcepta iuris spectant, ut suum cuique tribuatur, aperte iniquum est, & manifestam iniuriam habet, potestatem rationes suas retinendi & sibi habendi cuiquam adimi. Crescit iniuria, si quis etiam adversus se exhibere cogitur. Bene in *L. nimis, C. de testib.* nimis grave est, aiunt Imperatores, postulante auctore orgeri partem adversam ad exhibitionem eorum, per quam sibi negotium fiat. In quam sententiam eleganter illud Publii, *Interimittatur bis, qui suis armis perit.* At enim si in rationibus scriptum sit reum debere; iniquum sit eum non præstare, quod debeat. Iniquum, si id constaret. Nunc cum id non constet, & probatio huius rei quaeratur; non debet iniuria fieri, ut probationem adversus se, & arma adversario subministrare cogatur. At etiam auctor rationes suas exhibere cogitur petenti reo. *L. non est mirum, Inf. cod.* Cur minuz

hoc æquum in reo, quam in auctore? dicam ad *L. ult. inf. cod.* ubi differentiae ratio redditur.

Propositio exposita est, quæ superiores sententias tres continebat, de quibus ordine diximus. Omnia est assumptio: sed quæ ex initio huius rescripti, & ratione subiecta facile se ostendit: nullam esse videlicet in proposito causam eiusmodi, propter quam adversaria rationes suas exhibere debeat. Initio enim dixerat Antoninus, auctorem dispicere debere, quibus probationibus aliis uteretur, quam rationibus adversariæ: significans frustra has peti. Id colligi aliter non potuit, quam si dicatur, esse quidem tempus, cum recte petatur hæc editio, sed ex causa: hanc autem in proposito non. Itaque in ratione hic subiecta inest occupatio tacitæ obiectionis. Diceret enim auctor; revocor ad alias probationes, quam ad rationes adversariæ. Atqui multis in causis receptum est, ut reus rationes suas edat auctori. Occurrit Antoninus, & ostendit id receptum esse, sed ex causa: quod in specie proposita non accidit. Id autem intelligitur ex iis causis, quas supra commemoravimus. Nam cum solæ sint, ex quibus superior editio recte postuletur: earum tamen nullam in hac specie incidere apparet. Qui agit, privatus est, non fiscus. Ea pars, cum qua agitur, foemina: eoque non argentiaria. Sed nec cum ea agitur, ut cum herede argentarii. Causa petendi erat depositum, proinde oec conveniebatur mulier ut procuratrix, tutor, aut socia, denique ut ea, quæ res alienas administraret. Quæ cum constaret in facto esse huiusmodi, non mirum, si Antoninus indicans nullam hic causam subesse ad petendas adversariæ rationes, huius rei probationem prætermisit, quam conditio ipsa causæ subministraret.

Quibus positus recte colligit; mulierem in proposito non esse cogendam rationes suas edere, & simul probat se recte initio monuisse auctorem, ut dispiceret, num quas alias haberet probationes pecuniæ depositæ, quam rationes adversariæ. Quod ideo monet; quia probandi onus est actoris, ac nisi probet, reus absolvitur. *L. actor, inf. de prob. L. qui accusare, inf. cod.*

L. 2.

Impp. Severus & Antoninus AA. Fausto.

It, apud quem res agitur, acta publica tam civilia quam criminalia exhiberi inspicienda ad investigandam veritatis fidem iubebit, PP. Non. Iulii, Severo A. & Albino Coss.

SUMMARI A.

1. *Occasione rescripti, & summa.*
2. *Acta publica quæ, & cur ita dicta.*
3. *Civilia acta, & criminalia, quæ & cur ita dicta.*
4. *Acta publica exhibenda, & cur hæc potius, quam privata.*
5. *Fisco quæ instrumenta a reo edenda.*
6. *Acta publica quibus desiderantibus exhibenda.*

7. *Acta publica an sapius petenti exhibenda.*
8. *Acta publica a quo exhibenda.*
9. *Acta publica quo iubente & cogente exhibenda.*
10. *Acta publica exhibere quomodo cogatur, qui exhibere debet, & infusus recusat.*

CAutum est editio de edendo, instrumenta quemque edere debere, quibus usus est; quibus autem usus non est, edere non cogi. *L. 1. §. edenda D. eod.* Hoc de instrumentis privatis & cuiusque propriis dictum accipiendum est; ad communia licet privata non pertinet; quæ recte petit quique sibi edi, cui illa sunt communia. *L. procurator. inf. eod.* Ad \dagger publica acta multo minus. Hæc eduntur hoc rescripto, & quoniam iubentur edi simpliciter, intelligimus hoc ipso iuberi edi, quod publica sunt; nec referre, utrum is, a quo editio postularur, his usus sit, necne; sive is sit scriba publicus, sive unus aliquis ex litigatoribus. Recte sunt enim hæc quodammodo omnium: utpote publice in hoc confecta; ut ad fidem & usum publicum extarent; unde & publica dicuntur. Locus postulat, ut quæ acta hic nominentur; quid de his exhibendis cautum sit; tum quid ea editio desideret, quando ea hoc loco omissa sunt, cognoscamus. Ac primum de verbo. Agitur hic de actis publicis tam civilibus quam criminalibus, quæ rescriptum exhiberi iubet. Acta \dagger sunt ea, quæ aguntur; & *interpublice* dicuntur tabularum, seu instrumentum, in quibus ea acta perferuntur. Ut hoc loco acta publica sint scriptura de iis rebus quæ in iudicio, & apud magistratum aguntur. Quæ absolute etiam dicuntur acta. *L. acta L. alteram D. de re iud.* Publica dicuntur ideo: quia res auctore & teste eo agun-

tur, perferunturque culna persona & auctoritas publica est; id est, magistratu, & eo qui a magistratu iudicandi potestatem accepit. Unde & eorum actorum fides, atque auctoritas publica habetur: id est, talis, ut non inter litigatores tantum qui nunc agunt, sed inter omnes personas fidem faciant rem ita gestam esse, ut illis actis continetur. *L. gesta ult. C. de re iud. L. in donationibus C. de don. Civilia \dagger acta sunt, quæ interponuntur in re pecuniaria. L. ult. D. de fur. iuncta L. ult. D. de priv. del. Criminalia, quæ in causa criminali. Ut civilis actio eadem est, quæ pecuniaria, quæ & criminali opponitur. d. L. ult. de fur. tit. C. quan. civi. act. cri. preiud.* Ac de criminalis verbo non ambigitur; quod etymologia satis indicat. At cur civile solum, quod pecuniarium? quasi & criminalia iudicia civiliter & ex præscripto iuris civilis non tractentur. Nata est appellatio ex eo, quod in lite pecuniaria agitur res inter cives tantum: agit enim civis cum cive, id est, privatus cum privato. In criminibus non item. In his enim est quidem qui agit cum cive, at non civis, sed Respublica, de re scilicet ad Rempublicam pertinente. Agitur enim vindicta criminis, quæ ad Respublicam utilitatem pertinet, *L. locatio, §. quod illicite D. de publican.*

De his exhibendis ita tantum est hoc loco: acta publica tam civilia, quam criminalia exhiberi inspicienda ad investigandam

dam veritatis fidem iussurum eum, apud quem res agitur: Non abs re dictum hoc est de actis & instrumentis publicis. Nam privata instrumenta nemo exhibere cogitur, nisi si his in causa usus sit. *d. l.*

1. *§. edenda D. cod. Acta* † publica cogitur exhibere is, qui habet exhibendi facultatem: nec ulla conditio hic adiicitur. Nec mirum: de privatis enim cuique domino privatim statuendi ius est, ut velit, *L. in re C. mand. Publica* autem acta, ut ante ostendi, quodammodo sunt omnium: ut non immerito de his idem statui debeat, quod de communibus inter eorum dominos: de quo in *d. l. procurator. inf. cod.* Exhiberi autem iubentur non tantum acta civilia, sed etiam criminalia, quia ambo pariter sunt publica, ambo ad investigandam veritatis fi-

5 dem ex æquo pertinentia. De † criminalibus tamen videri potest adversari, quod cautum est in *L. 2. §. 1. in fin. D. de iur. fisci* fisco ita edenda esse instrumenta ad causam eius pertinentia, si de re nummaria, non si de capitali causa agatur. Etiam acta publica, quanvis criminalia, instrumentorum appellatione continentur: siquidem & his instruitur causa. *L. ne causas, C. de app.* Instrumentum autem dicitur omne quo causa instruitur, *L. 1. D. de fid. inst.* Quod si criminalium actorum editio denegatur fisco; multo magis denegabitur privato, cuius nullus est favor, ut fisci. Sed locus superior ostendit, quod de instrumentorum editione illic scriptum est, de privatis eius, cum quo agitur, instrumentis dictum esse. Iubentur enim fisco edi instrumenta ad causam fisci pertinentia; sed pro iure privato petenti: multo magis fisco. Nihil igitur superior ille locus de actorum publicorum exhibitione, quæ hic statuitur, quidquam immutat. Cur autem fisco, cui iubentur instrumenta rei edi ad causam pecuniariam pertinentia, non etiam iubeantur edi, quæ ad causam criminalem pertinent? causa est in voluntate iubentis, eorumve principum, qui hoc privilegium fisco iri-

buerunt, quorum in potestate fuit bene-

ficio suo modum statuere, quem vellet. Quod si quaritur amplius, quid illos moverit, ut vellent; verisimile est visum eis esse eo usque progredi in hoc privilegio, ne nimis acerbe eo oneraretur reus: quod fieret, si etiam in causa capitis, aut famæ cogereretur adversus se arma subministrare fisco, & iugulum ipse suum petere, *arg. in L. nimis, C. de testib.*

Sed multa hæc publicorum actorum editio continet; cui petenti, quoties, quis, quo iubente & cogente edere debeat & quis adversus reculantem cogendi modus: quibus singulis non cognitis nihilo plus intelligatur de ista exhibendi necessitate, quam si de ea nihil hic scriptum esset. Quod igitur ad locum intelligendum necesse sit de his etiam amplius cognoscamus. Quibus † ergo exhiberi iubentur 6 hæc acta? Non sane omnibus postulanti- bus, etsi de eo nihil hic adiectum sit: semper enim hoc tenendum est, quod locum habet in omni petitione nulli concedendam esse editionem, cuius nihil interest: & generaliter nulli indulgendum id, quo impetrato hoc laturus sit tantum, ut oblit, aut molestus sit reo, ipse inde nihil commodi consequatur, *L. in fundo, D. de rei vind. & supra dixi*, ut stipulatione, ita editione supervacua neminem esse onerandum. *L. hæc stipulatio. §. 1. D. ut in poss. leg.* Solis igitur conceditur hæc editio, quorum interest acta exhiberi. Interell autem horum: indicis, qui de re cognovit; litigatorum; interdum & exterorum quibus sententia præiudicium facit, iudicis interest, quia cum eum iudicare oporteat, *L. ult. §. defensores, vers. indicandi. D. de mun. & bon.* hoc ille nisi causa cognita facere non potest. *L. ex stipulatione, inf. de sent. & interloc.* nec potest causam cognoscere nisi ex actis. *L. ne causas, inf. de app. L. illicitas, §. veritas. D. de off. pref.* In hoc numero est non tantum primus iudex, qui crepit de re cognoscere, & quo actore acta confecta sunt; sed etiam is, qui mortuo prior iudice in locum eius substituitur est. *L. mortuo. D. de iud.* item si magistratus, qui causæ cognitionem permittit suis consiliariis, a quo exigitur, ut saltem sententiam ferat: ac proinde ut omnia, quæ ante acta sunt audiat & cognoscat. Est item & index appellationis, qui bene ac male iudicatum sit, statuere non potest, nisi cognitis actis prioris iudicis. Iubentur ergo bis acta exhiberi ad eam cognitionem. Ipsi iubere possint pro potestate, an alius adeundus sit, postea dicitur suo ordi-

ordine. Interest & litigatorum ea acta ipsis exhiberi, cum instructionis, tum probationis causa: quas ad res acta confici traditum est in *d. L. ne causas, inf. de app.* Profunt auctori ad instructionem, ut scire possit, quæ acta sint, & quam recte; ut si omnia habent; pergat: si quid omissum est, adiciat; si quid peccatum, corrigat. Profunt & ad eandem rem reo, ut sciat, quomodo adversus ea, quæ acta sunt, se tucatur, & si qua in re peccatum est ab actuario, moneat iudicem; petatque ne patiatur id sibi nocere. Probationem vero utrique suppeditant in commune, si de iis, quæ acta sunt, sit inter eos controversia: ut, si actor dicat litis contestationem intervenisse, testes tot interrogatos, nec reiectos, illa, aut illa instrumenta prolata, illa aut illa obiecta, reus neget; proferentur acta, ex quibus fides veri constare poterit, ad quam probe investigandum, ut rescriptum loquitur, recte eorum editio postulabitur. Interest & exteriorum illa exhiberi, si quibus sententia in eo iudicio præiudicium allatura sit: ut legatariorum, cum de testamento agitur inter heredem legitimum: quia cum testamentum nullum esse pronuntiatum est extra causam præteritionis, aut exheredationis, nihil in eo testamento scriptum valet. *L. eam quam, inf. de fideicommu. autb. ex causa inf. de lib. pret. vel exher. L. filio. D. de iuri. rup. test. ut cognatorum in eausa status. L. 2. D. de agn. lib.* Quamobrem & his postulantibus iubeantur acta edi, si legatarios, aut cognatos esse constabit: de quo summam cognoscat iudex ut in actione ad exhibendum. *L. 3. §. sciendum, D. ad exhib.* Quid, si iam temel petenti litigatori aut extraneo acta edita sint? Non conceditur editio iterum postulanti, nisi causa cognita: veluti, si non plene exhibita dicantur, aut peregre nunc esse, aut casu esse amissa. *L. si quis, in fin. L. veluti, seq. D. ead.*

8 A quo recte postulabitur hæc editio; ut cum postulata erit, exhibere acta cogatur? Ab omnibus videlicet, apud quos ea acta erunt, qui habent exhibendi facultatem, ut sit in actione ad exhibendum, quæ eandem illam exhibitionem persequitur. *L. 3. §. ult. L. Celsus. §. ult. D. ad exhib.* Itaque non tantum recte postulabitur hæc editio ab actuario, cuius custodiæ acta commissæ sunt, si ea adhuc habet sub custodia sua; sed & a litigatoribus ipsis mutuo, & item ab exteris illis, quos ante diximus, quibus forte prius illa acta edita fuerint, & nondum ab his reddita. *Tom. VII.*

Quid, si ii, a quibus recte petitur, exhibere recusabunt? Nempe cogendi sunt iuhente eo, qui iubendi ius habet. Quis ergo iubebit? Ait rescriptum, *is apud quem res agitur*. His verbis iudicem significari constat. *§. 1. Inst. de act.* Sed & illud apparet non omnem contineri, sed eum apud quem res certa agitur, & agitur in præsentia, non autem ante actum est. Rem hic accipere debemus, non quamlibet, quasi iubere possit omnis, apud quem de re aliqua agitur (iudicem enim idoneum quærimus, qui iubendi potestatem habeat; neque vero omnis idoneus est iudex, qui iubeat; cum fieri possit, ut qui iubendus est, non sit eius iurisdictioni subiectus, & extra territorium, supràve iurisdictionem suam ius dicenti impone non pareatur. *L. ult. D. de iurisd.*) sed rem actorum, seu rem de qua sunt ea acta, quorum editio postulat: ut scilicet rei verbum contrahatur ad id, de quo principaliter hic agitur. Agitur autem de actis iudicii, quæ de re ad id iudicium pertinent concipiuntur. Itaque est hic sensus; iubebit is iudex, apud quem agitur de ea re, cuius illa acta sunt, quæ postulantur. Apud alium iudicem si petuntur exhiberi, non petuntur officio iudicis qui de re cognoscit: sed actione ad exhibendum: de qua actione hoc titulo non agitur. Sed & illud observandum est dictum esse, apud quem res agitur in præsentia, non autem actum est; ut intelligamus, si finito iudicio actorum editio postuletur apud eum iudicem, apud quem actum est, definitionem ad eum non pertinere. Quod & recte ita temperatum est: primum, quia nec tunc facile concedi solet editio litigatoribus, quo tempore iam eorum nihil interest acta exhiberi; deinde, quia si id quandoque postea petitur, petitur actione ad exhibendum, non officio iudicis. Hic autem, ut modo dixi, agitur de iis editionibus, quæ postulantur præstanturque officio iudicis, ut declaratur in *L. 1. sup. eod.* Alioqui quæ petuntur actione, non ad hunc titulum, sed ad actionem ad exhibendum pertinent. Sed an omnis iudex, apud quem res eorum actorum propria agitur, iubere potest ea exhiberi? Ne is quidem, nisi sit is, qui & in cum unde petitur, iurisdictionem potestatemve habeat. Iam enim dixi omnibus supra iurisdictionem suam impone non pareri. *d. L. ult. D. de iurisd.* Finge acta esse apud alios, quam litigatores, puta apud externos illos, quibus ante dixi acta exhiberi; quia eorum interest. Ab his peti pendente eodem iudicio,

dicio, & apud eundem iudicem, ut acta eius iudici exhibeant. Vere dicitur peti id apud eum, apud quem res agitur. Sed frustra is iubebit exhiberi atque adeo iure iubere non potest, si neque ad iurisdictionem neque ad officium eius pertinebunt, ut qui apud eum iudicem non litigent. Sed et si in causa appellationis recte dederet vel iudex eius causæ, vel unus ex litigatoribus in ea causâ sibi exhiberi acta prioris iudicii: non erit iudex appellationis idoneus, qui iubeat, si acta erunt apud priorem iudicem, aut apud eius actuarium non quod iudex appellationis non sit is, apud quem agatur res, cuius ea acta propria sunt, quæ petuntur ad exhibitionem: sed quia nec in iudicem priorem iurisdictionem habet, nec in eius actuarium. Ad officium certe eius in iudicio appellationis isti non pertinent. Ideo receptum est, ut appellans ipse acta prioris iudicii secum adferre debeat, quam ad rem ea sibi dari petet a priore iudice, & iubetur iudex acta cum refutatoriis partium, suisque literis ad superiorem iudicem dirigere. *L. a proconsulibus, inf. de app.* Ita restat, ut intelligatur is iudex apud quem res agitur, postulatque actorum eius iudicii editio vel ab actuario ipsius iudicis, vel ab uno ex litigatoribus, cum quo apud eum iudicem agitur.

10 Sed cum j ab hoc iudice recte iussi erant acta exhibere aut actuarium eius, aut litigatores ad iurisdictionem officiumve eius pertinentes; quid fiet, si iussi non pareant? Possunt enim non parere contumacia. Dixi cogendos esse. At quomodo cogentur? Nempe ergo hoc super-

est, ut quoniam cogendi sunt, videamus, quis sit in hac re pro potestate & officio iudicis cogendi modus? Er refert, utrum recuset exhibere actuarium, an litigatores. Actuarius recusante, ipse iudex, cuius de ea re erit iurdictio, curabit acta proferri, & manu mandatum suum exsequetur, ut fieret in rei vindicatione, cum possessor rem restituere iussus pervicacia non restitueret. *L. qui restituere D. de rei vindic.* Sunt enim acta non actuarii, sed iudicis, quæ & iudex iubetur diligenter pro officio conficienda curare. *L. ne causas, infr. de appel.* Ex cum hic vim adhibebit iudex, nihil tamen faciet iniuria; ut qui iure licito id faciat pro iure honoris & muneris quod sustinet. *L. 3. §. 1. D. quod met. caus.* Poterit & magistratus eum statim ab officio remove, & alium in eius locum substituere. Nam & is est in officio, seu officialis magistratus; quem proinde dicto audientem magistratui esse oportet in iis, quæ sunt officii eius, nisi quid iniquum aut turpe magistratus iubeat. *L. omnes iudices, C. de decur. L. 1. §. officium, sup. ut omnes iud.* Litigator vero si recusabit, hæc erit cogendi ratio pro officio mero iudicis, ut actore quidem recusante reum absolvat; recusante autem reo eum condemnet: scilicet ut deneganti recusatio ita noceat, quasi acta ab eo essent subtrahita: ut sit in causa fisci adversus eos, qui quæ fisco instrumenta exhibere iubentur, ea exhibere detestant. *L. 2. §. 1. D. de iur. fise.* Quæ pena in eo est, ut qui subtrahit, pro convicto habeatur, *L. si de possessione, C. de prob.*



L. 3. *Edita.*

Imp. Severus & Antoninus AA. Valenti.

Edita actio speciem futura litis demonstrat: quam emendari vel mutari licet, prout editi perpetui monet auctoritas, vel ius redditentis decernit aequitas. Dat. 2. Kal. Septembr. Severo 3. & Antonino Cons.

S U M M A R I A.

1. *Edendam actionem reo, & spatium secum deliberandi dandum, quod nunc iure certum est, priusquam adesse indicio & respondere alicui cogatur: & quam recte hoc comparatum.*
2. *Cedere quid sit Ulpiano in illis verbis. L. 1. D. de ed. utrum cedere, an contendere debeat.*
3. *Edere actionem, quid.*
4. *Editio actionis qualis olim, & nunc.*
5. *Edita actio speciem futura litis demonstrat, & hoc quid sit.*
6. *Libellus actionis quid continere debeat in personis litigatorum.*
7. *In re petita.*
8. *In causa petendi, & qua causa utriusque actionis tum in personam tum in rem.*
9. *In petitione.*
10. *In nomine actionis: nomina actionibus certa prodita iure civili: nomen eodem iure ut certum fuit, ita in edenda actione exprimi debuisse neque hoc ius mutatum esse.*
11. *Formula actionum sublata, & recte: non etiam nomen actionis iure civili, aliter iure Pontificio.*
12. *Editam actionem emendare & mutare licere: emendare & mutare quid sit.*
13. *Editi perpetui auctoritas quid moneat in actione emendanda, mutandave.*
14. *Ius dicentis aequitas quid decernat in hac ipsa emendatione vel mutatione.*
15. *Ius dicens magistratus: sed nihilominus & indicis aequitatem hic intelligi debere.*
16. *Summa eorum, qua in emendatione & mutatione edita actionis exigantur.*
Auctoritas editi, vel ius dicentis aequitas: vel pro &, hoc loco ibidem.
17. *Editam actionem licere mutare vel emendare ante litem contestatam sine controversia: sed & post litem contestatam.*
18. *Editam actionem post litem contestatam mutare ante Zenonem non licuisse in eodem indicio, nunc licere: & idem indicium, quod sit.*
L. non potest. D. de iud. §. si minus, Inst. de act. explicantur ibidem.
19. *Auth. qui semel. C. quo. & quand. iud. edita actionis mutande facultatem non aufert.*
20. *Mutare editam actionem, & ad aliam transire post litem contestatam non licere, quia de veteri prius indicetur, si reus postulet: ante litem contestatam omnimodo licere.*
21. *Mutata actione & nova instituta, non continuo veteri renuntiari: & quando renuntietur, aut non renuntietur.*
22. *L. 1. C. de lit. cont. explicatur, eius occasio, & coniunctio cum L. edita C. de ed.*

Cantum est editio, ut qua quisque actione usus est, eam edat reo, ut proinde is scire possit, utrum cedere, an contendere debeat, & si contendendum putat, veniat instructus ad agendum cognita actione, qua conveniatur. L. 1. D. *ed.* & quoniam frustra editur actio ad

Tom VII.

istas res, nisi etiam reo spatium sit cognoscendi, & secum deliberandi, simul hic ei tempus, quod satis esset, dari placuit. Iustinianus olim fuisse decem dies scribit: ipse viginti dedit. *Nov. de exh. reis. 53. §. sancimus. antb. offeratur. infr. de lit. cont.* Recte utrumque: nam

B2

si sit-

si statim cogitur reus venire, & petenti auctori respondere ita, vel ut se debere neget, vel ut confessus cedat: eveniet facile, ut aut in mendacium, aut in damnatum certum incidat. Potest enim qui vere debet, exillimare se non debere, ut sic falso neget, argue ita contendat: qui si maturius cognovisset, non negasset. Potest contra putare se teneri, qui non debeat; ut in hoc errore falso confessus cedat adversario, ubi non debuerit, utrumque non sine damno rei familiaris. Contendere hic quid sit, notum est, de eo dictum, qui paratus est litigare, & certare iudicio de eo, quod petitur. Cedere tamen quid sit, ex contrario intelligitur. Nam cum opponatur cedere, & contendere; non potest cedere aliud hic significare, quam cedere lite, seu non contendere, sed se dare adversario, atque ultro confiteri paratum se prae stare id, quod petitur, quod quidem etiam extra ius & statim fieri potest. Itaque nescio quid quibusdam venerit in mentem, ut hic cedere interpretarentur de cessione, specie alienationis, cui constat tantum locum fuisse in vindicationibus, & dominis transferendis, & ita ut in iure tantum fieret apud praetorem; cum hic de omni actione agatur etiam in personam, & maxime de his, quae sunt in personam; & praeterea liceat tellari se non contendere etiam extra iudicium, quod hic dicitur cedere.

Hoc iure posito de edenda actione, haec incidunt, quae deinceps quarantur ad eius editionis cognitionem, quid sit edere actionem, quomodo haec recte edatur; semel edita actione liceat ne hic quidquam mutare & emendare postea, & quatenus, tum quando liceat. Primum, in quo de verbo quaeritur, notae est significationis. Est tamen edere actionem, indicare actionem qua acturus sis, cognoscenda actionis potestatem facere. Quod superioribus illis verbis editi satis significatur, cum editione fieri dicitur, ut cognoscat quisque actionem, qua convenitur, ac propterea iubetur edi reo, ut actione cognita sciat, utrum cedere, an contendere debeat. d. L. 1. *D. de ed.* Illud quaerendum potius, quomodo fiat, ut recte & ut iure oportet, edatur actio, seu quibus rebus constet iusta editio actionis. Quae cum sit iuris quaestio, itidem ut illa tertia de iure mutanda & emendanda editae actionis; utriusque diffudicationem inde petere oportet. Est autem hic locus, ad ius horum utriusque iudicandum optima ex parte constitutus. Nam cum duas

res desideret recta editio, altera pars & ea praecipua hoc loco describitur. Tertiae autem illius quaestionis cognitio tota est huius loci, de quibus ordine videamus.

Constat tamen igitur recta editio duabus 4 rebus, exhibitione actionis, & huius ipsius actionis idonea conceptione. Altera sit, ut videat, aut audiat, sensu denique corporis percipiat reus quid petatur: altera, ut intelligat, quale id sit, quod deinde statuere apud se possit, utrum cedere an contendere debeat. Exhiberi & representari sensibus rei sic olim posuit, ut nihil interesset, utrum auctor scripto comprehenderet, & libellum daret reo, an vero ei diceret, aut scripti describendi potestatem faceret. Quinimo & ex albo praetoris ostendi olim poterat, ut diceret auctor se illa, aut illa actione usurum; certum locum indicans videlicet in albo praetoris, ubi illa actio publice proposita editio extaret: de quo more scripti plura ad L. 1. *D. si scr. pet.* Est autem haec forma vetus edendae actionis, tradita in L. 1. in pr. *D. hoc tit.* Nunc exhibitio & indicatio actionis talis esse debet ex constitutione Iustiniani, ut actor libello actionem complectatur, & eum libellum offerat reo, *auth. offeratur. inf. de lit. con.* Hinc libelli editio pro editione actionis apud interpretes posteriores, & in Decretalibus titulus. *De libelli oblatione.*

Libellus actionem conceptam habere debet, quae conceptio praecipua pars est huius editionis. Ea conceptio cuiusmodi esse debeat, haec lex ostendit: atque hoc ita declarat. *Edita tamen actio, ait, speciem futura litis demonstrat.* Id hanc sententiam habet: tunc actio vere edita intelligitur, cum ita edita & proposita est ut edita speciem futurae litis demonstraret: quod sit actionis institutio idonea conceptione: fuit quidem propositum Imperatoribus aliud his verbis dicere: est enim hoc rescriptum pars L. 1. *inf. de lit. con.* ut inscriptio, subscriptio, & sententiae coherentia, ac veluti necessaria concomitatio arguant. In ea autem L. 1. aliud quaesitum fuisse constat, quam quomodo edatur actio: de quo a me in extremo dixerat. Sed tamen hoc ita scriptum est, ut si verum sit, non minus inde illa sententia colligatur, quam dixi. Quam & ipsam voluisse compariorem intelligi, inde exillimare possumus, quod in hunc usum sub hunc titulum hoc fragmentum relatum est. Speciem futurae litis hic accipere debemus formam & imaginem futurae litis, id est, id, unde reus intelligat, quae & qua de re litis futura sit, ut

lci-

seilicet hoc cognito sciat, utrum cedere debeat, an contendere, ut est in *d. L. 1. D. eod.* Legitur species actionis in *d. L. 1. de lit. cont.* sed longe alio sensu. Species actionis est genus actionis certum ac definitum, quo quis se experiri dicit. Species futuræ litis est id, quod futuram actionem demonstrare hoc modo speciem futuræ litis. Actio enim etsi sit res incorporalis, quæ ut corpore tangi non potest: sic nec corpore inditari; potest tamen describi ita, ut concipiatur animo ex iis videlicet, quæ eius propria sunt. Quæ enim ita descripta erit, ac deinde edita, haud dubie se ipsam ostendit, & una secum imaginem futuræ litis. Sed etsi non semper actor actionem recte edat; non eo tamen minus recte dictum est generaliter, editam actionem demonstrare speciem litis futuræ. Hoc enim ex usu & sensu communis iuris dictum est, quo verba cum re & effectu accipiuntur, *L. 1. D. quod quis iur. L. 5. §. 1. D. ne quis cum, qui in ins voc. est, vi ex.* ut intelligatur hic actio edita, quæ recte, non vitiose edita est, quia vitiose edita pro nec edita habenda sit: ut alias cautum accipitur, quod recte cautum est. *L. quoties, D. qui sat. cog. condemnatus, qui rite condemnatus est, L. 4. §. condemnatum, D. de re ind.*

- 6 Ut sic [†] edatur actio, ut intelligatur, qua de re lit & iudicium futurum sit, & ut loquatur rescriptum, ut demonstret speciem futuræ litis, quinque hæc habere debet conceptio, totidem videlicet propria actionis, ut cuiquam iure competat: personas, inter quas agitur; rem, quæ petitur; causam petendi; petitionem; & una genus, seu nomen actionis. In personis actor dicere debet, quis agat, & a quo petat. Nam sine personis, inter quas agitur; nulla est actio, nec quisquam, nisi certus error potest teneri. § 1. *Instit. de action.* Rem [†] quoque dici oportet; quia similiter sine re, quæ petitur, nulla actio est, *ibidem*. Rem autem certam dici oportet, alioqui ne res quidem nominetur, quæ non intelligitur, nec potest recte prælari, *L. si in rem, 6. D. de rei vind.* Hactenus tamen certam, quatenus natura cuiusque rei patitur. Nam ex obligationibus faciendi petitur id: quod interest, quod est incertum *L. 1. in pr. D. de act. emt. §. ult. Instit. de verb. oblig. L. si panam. D. eod.* sed hoc co-
7 fix; quia aliter peti non potest, quod tale

est natura sua. Sed & in cæteris rebus ita certum peti volumus, ut cuiusque iudicii naturæ convenit, id est ita, non ut singulæ res, & singula corpora, quæ sunt in iure aliquo, semper exprimantur, sed ut res cuique actioni convenientes, solam appelletur. De quo ex generibus actionum statendum est. Aliæ sunt actiones de universitate, puta hereditate, ut petitio hereditatis. *L. 1. de rei vind.* Hic hereditatem dici & peti satis est: non necesse exprimi petitione res singulas. *L. licet, D. de hered. pet.* Quædam sunt generales, quibus non petitur una res vi sua multas species continens, ut hereditas, sed de pluribus rebus quamvis nec coherentibus, nec uni nomini subiectis generaliter ramen agitur, ut pro socio, negotiorum gestorum, tutelæ *L. pro socio, D. pro soc.* In his petitur res eorum iudiciorum propria, nempe ratio administrationis, & reliqua. *L. 2. d. de neg. gest.* Quædam sunt de rebus singulis, quæ & speciales nominantur *L. 1. D. de rei vind.* ut rei vindicatio, & ex actionibus in personam, commodati, depositi: ex empto, ex vendito, & similes, in his omnibus quæcumque res est, de qua quis acturus est, certam designari oportet. *d. L. si in rem, 6. D. de rei vind. L. in actione, D. de fur.* Et certe aliter non intelligit reus quid a se petitur, quid debeat, aut non debeat, quod tamen editione consequi debet, *d. L. 1. D. eod.*

8 Causam [†] petendi exigimus: quoniam nulla est actio, nisi ex certis & constitutis causis, § 1. *Instit. de act.* Fieri autem potest, ut actor eam causam dicat, ex qua reus debeat, eoque etiam velit cedere: contraque ut actor eam dicat, ex qua reus non debeat ac propterea contendendum putet. Actionum duo sunt genera, unum in rem, alterum in personam, *L. actionum, D. de obl. & act.* Actionis in personam generalis & communis una causa est: ut is, cum quo agitur, sit nobis obligatus, *d. L. actionum*. Obligationis autem speciales causæ quatuor a Iustiniano posite sūt. *Instit. de obl. contractus* quasi contractus, maleficium, quasi maleficium: ac proinde totidem causæ huius actionis. *d. §. L. 5. Instit. de act.* Actio in rem duas res desiderat, totidem huius actionis causas, sine quibus non recte hoc genere agatur: ab actore, ut sit dominus; a reo, ut is rem, de qua agitur, possideat. Solus tunc civili hac actione utitur dominus *L. in rem, D. de rei vind. L. namque, Instit. de act.* Et ea non alius tenetur, quam qui possidet.
d. L.

d. *L. actionum, de oblig. & act.* unde dictum, possessionem parere actionem in rem adversario. *L. unic. C. de al. ind. mut. can. fact.* Has causas dici debere volumus. Sed est in hac re, quod interest inter has actiones. In actionibus enim in personam causam generalem non sufficit dicere: specialem dici oportet, ut puta, non satis est ita dici; Peto decem; quia mihi debes: sed ita concipi oportet, Aio te decem mihi dare oportere, quæ tibi dedi mutua, & si quæ sunt aliæ similes causæ propter quas mihi es obligatus. Hoc ideo; quia nisi causam obligationis adiecero, statuere non possum id, sine quo nulla est editio, ntrum scilicet cedere debeat, an contendere. Fieri enim potest, ut eam causam dicam, ob quam debeat; fieri etiam potest, ut eam dicam, ob quam non debeat. In actionibus in rem contra satis dixit actor de iure suo, qui se dominum dixit, id est, qui dixit communem agendi causam, etiam si non adiecerit, se dominum esse ex empto, ex donato, aut similibus causis. Contraria nimirum de causa, quod qui se dominum dixit, id dixit, unde intelligeret reus, utrum cedere, an contendere deberet. Nam si actor dominus est, ut se esse intendit; quacunque ex causa erit dominus, semper hoc idem valebit, ut possessor rem debeat petitori restituere, *L. officium D. de rei vind.*

9 Causæ t̄ agendi subici debet petitio. Nulla enim actio est, nisi in petitione alienius rei, eiusque rei persecutione: uti nec ullum iudicium, nisi in quo petatur aliquid, *L. amplius, D. rem rat. hab.* unde & actiones dictæ petitiones. *L. exstat, D. quod met. caus.* Petitio talis esse debet, ut petatur, quod cuiusque actionis proprium est. Actionum in rem propria intentio, ut declaretur res, de qua agitur, esse petitoris, sic deinde ei restituitur, *L. & ex diverso, §. 1. L. officium, L. qui restituere, D. de rei vind.* Actionum in personam, ut id petat quisque quod debetur, & eodem modo. §. *huius autem, illic, qua de causa. Inst. de act.* Ita fiet, ut actio sit negotio & rei propriæ conveniens, quod in omni actione exigitur. *L. 2. infr. de for. & imp. act. sub.*

10 Petitioni etiam nomen t̄ actionis adiacere oportuit. Actionum nomina plerumque certa esse constat, ut commodati, depositi, mandati, pro socio, ex empto, ex vendito, locati, conducti, & alia infinita. *L. 1. D. de assi. L. 2. D. de præs. verb.* Hæc non frustra prodita sunt

iure civili, sed ut qui ageret, actionem suis quamque nominibus appellatam ederet, & quod iubetur quisque edere actionem, qua acturus est, d. *L. 1. de eden. in eo hoc ipsum iuberi intelligitur.* Id ita esse hæc probant. Omnem, qui in ius vocatus est, recte petere, ut sibi edatur genus actionis indicat *L. non videtur in iudicem, D. de iudic.* Pomponius in *L. 2. §. his legibus, D. de orig. iuris*, scribit actiones primum fuisse compositas, & addit, *quas ne populus, prout vellet, institueret, certas solemnesque esse voluerunt.* Solemnes, in solemnibus formulis: unde actio vulgaris formula appellata *L. si servus, 42. D. de fur.* Certas; quia certis appellationibus & nominibus designatæ erant. Unde vulgares & usitatæ dictæ, quæ suis nominibus constabant, *L. 1. L. 2. D. de præst. verb.* & quæ certa nomina non habebant, dicebantur incertæ. *L. rebus, C. de rer. per. L. 3. C. de iust. stip.* Ergo hoc dicit Pomponius, veteres voluerunt actiones esse certas, id est, certis nominibus constantes, idque hac gratia, ut his ipsis nominibus designatæ instituerentur, ne populus aliqui institueret, prout vellet. Idem probant *d. L. 1. & 2. de præst. verb.* in quibus scriptum est, tunc demum perveniri ad actiones in factum, cum deficiunt usitata actionum nomina; item cum nomen actionis invenire non possumus. Quo declaratur sic nomen actionum fuisse; ut quandiu possent inveniri, tandiu his esset utendum, nec prius ad actionem in factum, id est, eam, quæ sine nomine factum, & rem gestam demonstraret, confugere liceret. Probant item dubitationes veterum tam multæ, qui in eadem specie facti, de quo facto couisset inter omnes; tamen quaerant, utrum illo titulo & nomine actionis, an illo potius utendum sit, *L. 1. D. de estimat. L. qui servandorum, L. apud Labeanum, §. 1. D. de præst. verb. L. 1. D. si men. fal. mo. dix.* Quæ omnis stulta esset contentio, si contempto actionis nomine sufficeret factum tantum proponere, & ex eo intendere tibi illud, aut illud dari oportere. Non est hoc t̄ ius sublatum iis constitutionibus duabus, quæ existant *infr. sub tit. de formal. & impetrat. action. sublat.* facessere iubentur in *L. 1. iuris formulæ, at non nomen actionis: formulæ enim non necessariis verbis, aut ad rem pertinentibus, sæpe etiam iuepris & uagacibus constabant, quales multæ commemorantur a Cicerone in oratione pro Muræna, Nomen autem rem ipsam exprimit,*

ut

ut ad actionem certam faciat, qua agatur quod a reo cognosci magni eius interest. Idque eadem lege satis aperte confirmatur. Dum amputari dicuntur nominalis formulæ aucupatione syllabarum insidiantes. Hæc quidem aucupatio non est in verbis apte & convenienter rem exprimentibus, cum verba sint ipsæ rerum notæ. Quod attinet ad L. 2. hæc tollit necessitatem impetrandæ actionis, at non editionem actionis aptam: quæ olim desideravit nomen actionis. Ibidem dicitur sufficere, si constet actionem aptam esse, & negotio competentem. Ea demum apta & negotio competens est, quæ suo nomine appellatur, aut verbo idem significante. Denique non dicitur sufficere, si petitio sit apta & negotio conveniens; sed si actio ipsa quod non potest, nisi de nomine actionis intelligi. Iure Pontificio non exigitur nomen actionis in causis ecclesiasticis, dum causa proponatur eiusmodi, ex qua certum sit actionem & petitionem esse. C. dilecti ext. de ind. Quod & vulgo receptum video sententia communis interpretum in causis civilibus, tanquam effectum esset superioribus constitutionibus. Neque hoc iniquum, aut reiciendum esse existimo, si quis de æquo & bono disputet. Nummodo enim constet de iure petitionis, nihil admodum ad rem facit, quo nomine actio appelletur, §. si quidem in nomine, Instituit. de leg. & recte dictum est, ius civile rebus positum esse, non verbis, L. 2. in fin. C. de leg. Sed si de iure civili Romanorum queritur, aliud eo iure constitutum esse constat. Quod vel ob hanc causam maxime tenendum est, quod nisi hoc constituto, infinitorum locorum sententia & occasio non intelligitur; innumeræ partes iuris concident.

12. *Quam emendari, vel mutari licet* Dicitur. Cum ¶ est editam actionem demonstrare speciem litis. Sed an ita est hæc editio, ut ea semel progressa, in ea manendum sit, nec emendationi sit locus? Quod tertio loco querebamus. Imo & institutam & editam actionem emendare ac mutare licet. Idque est, quod sequitur. Emendare est, priore retenta, ei aliquid adiacere, vel detrabere; veluti, si pro decem mutuis, quæ peteram, decem petam, aut pro viginti institutam petere tantum decem. Mutare actionem est priore omiſſa instituire novam. Quod sit vel aliam rem petendo, vel eandem ex alia causa. Aliam rem, ut, si pro Pamphilo, quem ex testamento mihi deberi intenderam, Stichum petam, quanvis ex te-

stamento. Eandem rem ex alia causa; veluti, si eundem Pamphilum institam petere; sed ex stipulatu, quem prius ex testamento peteram. Horum utrumque, inquam, licet facere, ut hic traditur, exstatque utriusque partis exempla, & in his superioris sententiæ confirmatio in §. si minus, Instituitur. de alio. sed & ius vetus idem fuit ante tempora Zenonis, cuius sit mentio in d. §. si minus. Emendare licet in specie L. in delictis, §. si detralla, D. de noxal. actio. Mutare in L. cum fundum, §. ult. D. unde vi. Quid dubitationis in eo fuerit, ex objectionibus, quas paulo post subiciam, intelligitur. Prius quibus conditionibus concedatur hoc loco ista emendatio & mutatio, cognoscendum est. Id enim præcipue pertinet ad diluendas obiectiones.

Aiunt Imperatores, *quam emendari, vel mutari licet, prout editi perpetui monet auctoritas, vel ius reddentis decernit æquitas*. Edictum perpetuum ¶ intelligendum est, qua parte est de edendo. Nam de edita actione hoc rescripto agitur. Edicti de edendo auctoritas quid moneat, scimus ex L. 1. D. eod. nempe ut qua quisque actione acturus est, eam edat. Et ne forte hoc accipiamus de actione, quæ primo instituitur, non autem de petitione nova, quæ in iudicium incidit, subicitur æquitas, quæ ad omnem petitionem pertinet: *nam æquissimum est*, inquit Ulpianus, *eum, qui acturus est, edere actionem, ut proinde sciat reus, utrum cedere, an contendere ultra debeat*; & si contendendum putat, *venias instructus ad agendum cognita actione, qua conveniatur*. Hæc æquitas, inquam, ad omnem petitionem etiam novam pertineat; pariter enim in omnibus rei interest, nolle quid a se & quomobrem petatur, sine quo illud scire non potest, cedere, an contendere debeat. Significatur ergo his verbis, licere quidem emendare vel mutare actionem semel editam: sed ita, dum eius, quod nunc aliter petitur, petitio edatur reo, deturque ei tantum spatii, quantum necesse est ad cognoscendum id, cuius causa comparata est editio, utrum scilicet & in eo cedere, an contendere debeat: non aliter, quam si illi ab initio actio ederetur. Ius ¶ reddentis æquitas hoc exigit, ut emendatio & mutatio, quæ secuta est, 14 sine damno rei contingat. Nemo enim mutare potest conſilium suum in alterius iniuriam, L. nemo potest, D. de reg. iur. Estque id, ex primis præceptis naturæ, quæ dicant, alterum non lædere, nemi-

acm

nem alterius conditionem facere posse deteriorem, *L. iustitia, D. de iustit. & iur. L. solvendo, D. de neg. gest. L. non debet alteri, D. de regul. iuris.* Illud autem demum æquum & bonum, quod natura ius est, *L. penult. D. de iustit. & iur.* Sic porro mutatio & emendatio actionis sue damno rei contingit, si faciantur ei damna ab actore, quæ ob temerariam petitionem præcedentem passus est. In quo nihil proprie constituitur adversus hanc mutationem, sed poena communis est omnium temere litigantium, de qua hæc iuris constitutio est, eum, quem temere adversarium suum in iudicium vocasse constituit, viatica litisque sumptus adversario reddere oportere, *L. eum quem D. de iud. l. i.* rediens idem est, qui & ius dicens: quorum utroque significatur is, qui iurisdictionem habet, id est, magistratus, aut cui a magistratu mandata est iurisdictione, *L. 2. §. post originem, D. de origin. iur. L. more D. de iurisdic.* Quo verbo non continetur iudex privatus, seu datus. Hic enim notionem tantum habet, non iurisdictionem, *L. 5. in prin. L. a Divo, in prin. D. de re iudic.* Cur ergo æquitatem ius dicentis dixerunt Imperatores potius, quam iudicis? An quod re semel ad iudicem privatum delata, non licet apud eum eodem iudicio actionem emendare? Sed utrumque licere postea offendimus. An ergo; quia cum apud eum iudicem emendata, aut mutata erit actio, impune id fiet, nec poterit per eum poena temerariæ editionis præcedentis obiri? Sed generalis constitutio illa est, eum, quem temere adversarium suum in iudicium vocasse constabit, viatica litisque sumptus præstare debere adversario. Sed & iudici postquam iudex factus est, omnium rerum, quæ in iudicio versantur, officium incumbit, *L. ediles, §. penult. D. de edil. edict.* nec minus iudici eadem æquitas iniungitur, *L. 4. §. ult. D. de eo, quod cert. loc.* Quid ergo est? Æquitas ius reddentis hæc æquitatem iudicis quamvis privati non excludit. Non ideo tantum, quod quæ æquitas exigitur ab eo, qui ius reddit, eadem & iudici iniungitur In iis, quæ ad iudicium & officium eius pertinent, ut modo dixi: sed eo potius, quod æquitatem ius reddentis hic intelligere debemus, non eam, quæ proficiunt a ius reddente; sed eam, quæ in ius reddente esse debeat: ut quamvis res agatur apud iudicem privatum; nihilominus tamen recte dicantur superiora damna sarciri per iudi-

cem, prout ius dicentis decernit æquitas; quia & magistratus æquitas, si apud eum ageretur, idem decerneret. Ita ¶ in summa superioribus verbis duo exiguntur ad mutationem, seu emendationem editæ actionis; novæ petitionis editio, & adversus temerariam petitionem præcedentem rei indemnitatis: quisquis erit, apud quem ea mutatio exercebitur, sive magistratus, sive iudex, & is quidem privatus. Utrumque horum simul reo præstandum intelligi potest, quod æquum est utrumque præstari: ad eam æquitatem hic locus nos revocat. Et tamen de his hoc loco disunctim scriptum est, quasi alterum tantum sufficere, ut sit in disunctivis orationibus *L. si quis ita stipulatur, 129. D. de verb. obligat. §. penult. Inst. de hered. inst.* sic enim verba sunt: *Prout editi perpetui monet austeritas; vel ius dicentis decernit æquitas.* Sed non est novum in iure, ut coniuncta pro disunctis, sic disuncta pro coniunctis accipi, ut declaratur in *L. 1. §. 1. de verb. sig. quod tunc faciendum est, cum sententia loci id postulat.* Proinde & hoc loco.

Deinceps ¶ quando liceat actionem editam emendare, & mutare, videamus, ¶ utrum non solum ante, sed & post liam contestatam? Nam ante liam contestatam licere id facere inter omnes convenit. Merito: sive enim post liam contestatam licet, multo magis licet ante, quo tempore nullum adhuc iudicium constitutum est, quod mutationem institutæ actionis impediat, ut sit lite contestata: sive non licet post liam contestatam, vel hinc ipsum maxime argumento est licere ante id facere; quia constat ex hoc loco esse aliquod tempus, cum utrumque facere liceat. Posteriore autem tempore detracto, relinquatur prius, cum necesse sit id licere. Sed an post liam contestatam liceat, magna contentio est; in qua maior pars existimat non licere; quia scilicet ita traditur in *L. non potest, D. de iud.* non posse videri in iudicium venisse id, quod post iudicium acceptum accidisset: ideoque alia interpellatione opus esse. Et de eo loco postea. Nunc doceamus & post liam contestatam licere actionem mutare, multoque magis emendare, non tantum ex constitutionibus posterioribus, sed etiam iure veteri, & eo, quod in Pandectis ex iuris auctoribus relatum est. Constitutione quidem Zenonis hoc licere declaratur in *§. si minus, inst. de act.* Hoc enim significat, quod illic dicitur ea constitutione effectum esse, ut id facere licet in

in eodem iudicio. Si in iudicio, utique post litem contestatam; quia iudicium incipit ex litis contestatione. Hinc illa: *iudicio capto*, pro lite contestata. *L. 1. inf. de iud. iuncta L. lite D. de usur.* Item, rem in iudicium deduci litis contestatione. *L. 1. inf. de lit. con.* quo significatur, ante litis contestationem nullum esse iudicium, in quod res deducatur. Verumtamen & ante constitutionem superiorum Zenonis valuit ius idem iurisconsultorum temporibus. Emendatæ post litem contestatam actionis, ubi quid scilicet adiectum est, vel detractum præcedenti actioni, manifestum exemplum est in *d. L. in delictis, §. si detracta, D. de nox. act.* Mutatæ autem in *L. cum fundum, §. ult. D. unde vi*, ubi rei vindicatione ab aliquo instituta, placet eundem cognito errore suo, pendente adhuc iudicio de possessione interdicto experiri. Nempe omnia vindicatione prius instituta; quia orta proprietatis & possessionis controversia, prius possessionis causam decidi oportet. *L. incerti, inf. de interd. L. ordinarii, infr. de rei vind.* Postremo omni iure id licet, si prohibitum non probatur. *L. necnon, §. quod eius, D. qui bus ex causis mai. L. 1. §. 1. D. de testibus.* Quid autem hic adfertur, quo probetur esse prohibitum? In quo quæ obli- viantur, consideremus. Nempe oppositur præcipue *d. L. non potest, D. de iud. Non potest videri*, inquit, *in iudicium venisse id, quod post iudicium acceptum accidit. Ideoque alia interpellatione opus est*, quæ illius loci definitio est. At cum petitur aliquid amplius, aut aliud, aut ex alia causa, petitio post iudicium acceptum, & litem contestatam accidit. Quare & ad eam rem nova interpellatione opus est. Equidem totam hanc ratiocinationem admitto, neque ideo huius loco quidquam contrarium dicitur. Nam & hoc fatemur, sic admitti emendationem & mutationem itam, ut quod adicitur, detrahaturve, aut in totum mutatur, id de integro peti debeat, insuper & petitio reo edi, & quidem ita, ut & spatium cognoscendi ei de- tur. In quo abunde interpellationem illam, cuius meminimus definitio, confirmamus. Sed hoc voluerunt, qui ista obiectione uruntur, non licere actionem mutare post litem contestatam, nisi novo iudicio instituto. Et quid hoc adversus definitionem huius rescripti, etiam maxime ita esse concesserimus? Dicimus enim licere emendare & mutare actionem. Id non negat, qui dicit licere novo iudicio instituto: ut non negat, qui desiderat novam interpellationem: quam omnes intervenite debere

Tom. VII.

concedunt & ante, & post litem contestatam. Sed † tamen quia & hoc ad po-
18
testatem huius mutationis pertinet, quæ-
ramus hoc etiam, an liceat mutare dum-
taxat novo iudicio, an vero & in eodem.
Et probandum est licere non tantum post
litem contestatam, sed & in eodem iu-
dicio. Hoc quidem diserte scriptum est
in *d. §. si minus, Inst. de act.* In eodem
iudicio non significat solum apud eundem
iudicem, ut Accursius & alii vulgo per-
peram interpretantur: sed ita apud eum-
dem iudicem, ut sit etiam idem iudicium,
id est, ut non sit necesse novum institui
nova adhibita in ius vocatione, sed suf-
ficiat prius, in quo res tota recte transi-
getur. Sane quod dicitur id effectum con-
stitutionis Zenonis, indicat id antea eod-
em iudicio non licuisse. Quod & verum
est. Nam ante impetrationem actionum
sublatam, quod factum est constitutione
Anastasio, *L. 2. inf. de formul. & impetr. act.* quacunque de re quis iudicio actus
esset, magistratum eo nomine adire
oportuit, & actionem, seu formulam iu-
dicii & iudicem ab eo impetrare, siquid-
dem iudicem dare ei videretur. Neque
enim hæc necessitas sublata est, nisi quia
ante fuerat. Hanc impetrationem sustulit
Anastasius, multo ante tempora Zenonis.
Sed post eam abrogationem mansit nihilo-
minus necessitas novo iudicio agendi, id
est, adversarium in ius vocandi ad eum-
dem magistratum, & experiri, num in
hac posteriore petitione eundem, alium-
ve iudicem daret, an vero ipse cogno-
sceret. Sic enim ius erat, ut extra id,
quod venisset in iudicium, excedere po-
testas iudicis non posset. *L. ut fundus, D. com. div.* Non venit autem quidquam
in iudicium, nisi de quo actio instituta est,
cum actio sit ius persequendi iudicio, &
vice versa, hoc ius, actio: nec est ulla actio,
cuius institutio non debeat proficisci ab in
ius vocanda. *§. ult. Inst. de per. tem. litig.*
Quapropter etiam ulque ad constitutio-
nem superiorem Zenonis novo iudicio agi
oportuit: proinde & superiora illa facere,
quæ iudici iniuriæ exigebat. Secuta est
illa constitutio Zenonis, quæ effectum est
in hac mutatione actionis, ut liceret pe-
titione mutata de ea agere in eodem iu-
dicio, ut est in *d. L. si minus*, id est,
apud eundem iudicem, & eadem instan-
tia: denique ita, ut non esset necesse ad-
versarium eo nomine vocare in ius & iu-
dicem novum constituere. Ne huius qui-
dem constitutioni adversetur *d. L. non potest, D. de iud. si aliam interpellatio-
nem, quæ illic exigitur, sic accipiamus,*

C

ut

ut verbum significat, nempe petitionem novam, nihil amplius. Quo quidem verbo non inducitur cum petitione novum iudicium, cum eadem interpellatio & petitio intervenire possit etiam in eodem iudicio. Ex vero ita interpretari conveniens est Iustiniani voluntati, qui omnia, quæ sunt in Pandectis, sic accipi iubens, quoad licet, ne quid sit in his contrarii, tamen si sint tam variorum auctorum: *L. 2. §. contrarium, sup. de vet. iur. encl.* non dubium est, quin idem & Institutiones suis sic velit accipi, ne quid aut ipsæ Pandectis, aut Pandectarum Institutionibus contrarii habeant; ne primus in suam ipsius legem videatur commississe. Adversaretur fortasse definitio superior ex sententia auctorum. Sed si hæc omnia sequimur significationem verborum, & eam, quæ Institutionibus conveniat, id, quod Iustinianus voluit, nihil est contrarii. Licet ergo in summa editam actionem emendare & mutare etiam post litem contestatam, non tantum iure novo, sed etiam veteri; sed olim non nisi novo iudicio instituto; post constitutionem autem Zenonis etiam in eodem iudicio.

19 Præterea † *L. non potest, D. de ind. videri potest* toti illi emendationi & mutationi editæ actionis in utrumque tempus adversari *auth. qui semel, inf. quom. & quond. ind. quæ cavetur*, ut qui actionem instituit, etiam si nihil nisi ediderit actionem, debeat litem ad extremum persequi, reo postulante: quod si faciat, poena illi constituitur. Contraria sunt, instituta actionem eogi persequi, & ab instituta licere discedere. Quare si quis actionem institutam persequi cogitur, ab instituta discedere non potest: proinde nec institutam emendare, aut mutare, cum mutare sit a priore discedentem novam instituere. Sed Iustiniani constitutio loquitur de his, qui actionem priorem retinere volentes, tantum cupiunt persecutionem eius, quamdiu visum erit, omittere. Non permittitur hæc omisso actionem retinentibus. Quod si quis actionem ipsam priorem omittere velit, ac non persecutionem tantum, de quo nunc agimus; id vero facere concessum est omnibus. Nemo enim iavitas agere cogitur, *inf. ut nemo invitat. ag. vel. acc. cog.* Et licet cuique deterior conditionem suam facere, aliterius meliorem, *L. passum, D. de pass. L. solvendo, D. de neg. gest.* quod facit unusquisque, qui actioni institutæ renuntiat. Itaque ad illos constitutio Iustiniani non pertinet.

Ex hac † re incidit hæc questio, utrum ei, qui a priore actione recedit, ut sequatur novam, ita liceat a priore discedere invito reo, ut nec de priore iudicetur, sed statim transeat ad novam, veterem plane omissa, quasi nec de ea actum esset. Quæ sane questio non minus ad facultatem illius mutationis, de qua quaeritur, pertinet. Puto, si de priore actione lis contestata sit, licere quidem hanc omittere ita, ut ad aliam transeat sine novo iudicio; sed hæcenus, ut si desideret reus, de priore actione absolvi debeat, ne iterum de eadem re conveniatur. Deducitur enim res in iudicium per litem contestationem, *L. 1. inf. de lit. contest.* De re in iudicium deducta iubetur iudex cognoscere, *L. iudices, inf. de iud. idem & de cognita iudicare, L. de qua re D. de iudic.* Sic fit, ut qua de re lis contestata est, de ea & iudex iudicare cogatur, si reus postulet. Quod si edita actio emendatur, mutaturve ante litem contestatam, hic ita licet priore omissa ad novam petitionem transire, ut nec de priore possit iudicari, nedum debeat. Iubetur enim iudex de re iudicare, sed de qua cognovit, *d. L. de qua re.* De re autem non cognoscit ante litem contestatam, quandoquidem de ea solum cognoscere incipit per litem contestationem, *L. 1. inf. de lit. contest.* Neque ea res noctura est reo: nam qui renuntiavit liti, amplius eam movere non potest, non magis, quam si reus esset absolutus. *L. postquam inf. de pass.* Sane † non quoties priore actione omissa quis instituit novam, idem continuo priori renuntiare intelligitur; sed tunc demum cum posterior petitio ad priorem augendam, aut promovendam nihil pertinet. Quod si pertineat: veteri non renuntiat, veluti, cum omnia rei vindicatione, quam instituerat, expiravit quis interdicto de possessione. Quo casu dicitur is non renuntiare proprietati, sed vindicationi, *L. eam fundum, §. ult. D. unde vi.* Merito, cum potius contra ideo progrediatur ad possessionem, ut facilitius retineat proprietatem, *§. retinenda, inf. de interdict.*

Monendi † tamen sumus fuisse de hac re quandoque dubitatum apud veteres: ex qua dubitatione natum referendum, quod existat in *L. unuc. inf. de lit. contest.* & eius rescripti para altera, id fragmentum videlicet quod interpretamur, id est, hæc *L. edita*. Quæ mihi causa erit hoc loco occasionis indicandæ, quæ utrique parti causam dederit, & quam ad rem explicandam potissimum sit relata. post-

Postquam ergo hoc ius fuit, ut de re in iudicium deducta iudicem iudicare oporteret, videbatur consequens esse, ut & de actione edita deberet iudicare, quasi & editione actionis res in iudicium deduceretur. Et vero ea dubitatio fuit, de qua consulti sunt Imperatores, cum redita sunt ab illis hæc rescripta, vel potius redditum id rescriptum, quod deinde divisum est in hæc fragmenta. Id ex responso intelligitur, quod ad diluendam superiorem obiectionem totum comparatum est. Non negant quin de re in iudicium deducta oportuerit iudicari postulante reo; sed negant editam actionem rem videri in iudicium deductam. Res, aiunt, in iudicium deducta non videtur, si tantum postulatio simplex celebrata sit, vel actionis species ante iudicium reo cognita. Hic subsistebatur: diceret enim quis: At deducitur res in iudicium litis contestatione, ergo & actionis editione. Occurrunt ergo continenter huic tacitæ obiectioni, & significant male hæc comparari. Inter litem enim contestatam, inquit, & editam actionem permultum interest: lis enim tunc contestata videtur, cum iudex per narrationem negotii causam audire cœperit. Hactenus *L. 1. de lit. contestat.* Sequatur, ut redderetur alie-

rum membrum distinctionis propositæ: quod & factum est: sed fragmentum reiatum in hunc locum, in hæc verba: *Edita autem alioq. speciem futura litis demonstrat.* Quo intelligi volunt Imperatores litis contestationem præsentem litem continere: editam autem actionem indicare tantum futuram litem, præsentem non habere. Ex quo inferunt id, de quo quærebatur, editam actionem, quæ nihil amplius sit, quam edita, & necdum in iudicium deducta sit per litis contestationem, licere emendare, vel mutare (intellige omnimodo, id est, sine ullo iudicio veteri, vel novo) dum mutetur, *prout edicti perpetui monent auctoritas, velius reddentis decernit aequitas.* Hic vere utriusque rescripti scopus & mens fuit: quorum responsum pliusquam manifestum est ad superiorem quæestionem, & ad dubitationem removendam referri. Ac prope est, ut de actione ante litem contestatam mutanda videantur tantum sensitisse Imperatores. Verumtamen si de altero tempore quæatur: dixi ex iure non incerto, quid sequi debeamus, & quam id conveniat verbis huius loci, si quis ea, ut hic proposita sunt, accipiat. Quod ex reliquo iure faciendum est.



L. Qui accusare 4.

Imp. Antoninus A. Epaphrodito ,

Qui accusare volunt, probationes habere debent: cum neque iuris neque æquitatis ratio permittat, ut alienorum instrumentorum inspiciendorum potestas fieri debeat. Actore enim non probante, qui convenitur, etsi nihil ipse præstet: obtinebit, PP. §. Id. Mart. duobus & Aspris Cass.

S U M M A R I A .

1. Summa, & sententia rescripti, § num. 2.
2. Instrumenta quadam reum actori exhibere cogi: sua propria, quibus usus non sit, non cogi.
3. Iuris & æquitatis ratio eum dicitur, quid ius hic ab æquitate differat.
4. Actore non probante reum absolvi debere, quanvis nihil præstiterit: qua in eo iuris & æquitatis ratio.
5. Actore non probante reum obtinere quanvis nihil præstiterit, quid sit. Perpetuum id ius esse non

tantum in civilibus, sed & in criminalibus causis omnibus.

6. Agit & qui accusat, & accusatio est actio.
7. L. ult. C. de abol. explicatur.
8. Accusatore non probante non posse iudicem ex persona sua inducere novos testes, aut nova instrumenta, sed cogi reum absolvere.
9. Sine accusatore posse aliquando iudicem in reum alicuius criminis iudicio compertum statuere.
10. Actore non probante interdum committi rem eius iniuriando, & quibus in causis.

P Et erat ↑ accusator, ut reus exhiberet instrumenta sua, quod diceret, ex his de fide veri constare posse. Recusante reo, quaeritur, an sit cogendus. Consultus Antoninus respondet in summa cogendum non esse: explicatius autem & de æquitate responderet, eos nimirum, qui acculare volunt, probationes habere debere, non ab adversario petere; ut enim cogatur adversarius sua instrumenta inspicienda petenti dare, neque iuris, neque æquitatis rationem permittere; idque ex eo intelligi, quod ita ius sit æquissime constitutum, actore non probante eum, qui convenitur, etsi nihil ipse præstet, obtinere.

Ait, qui accusare volunt, probationes habere debent. Nempe si volunt vincere, Neque enim alia hic necessitas intelligenda est, quam quæ indicatur in extremo, ut si quis actor non probat, reus absolvatur.

2. Ait, ↑ alienorum instrumentorum inspiciendorum potestas fieri non debet. Intellige invito & recusante reo, a quo hæc exhibitio petitur. Nam volenti, ut vult, licet de re sua statuere, & decer-

nere de iure suo. L. in re. infr. mand. L. pen. infr. de pact. Est igitur hæc sententia: neminem, qui convenitur, sua instrumenta, quæ actori aliena sunt, postulanti actori exhibere cogi, & ut nunc loquimur, inspiciendi ea potestatem facere: hoc enim idem valet. L. 2. D. ad exhib. sententia ut nunc proponitur, & in quo actore proponitur, vera & perpetua Cogitur interdum reus instrumenta, quæ apud se habet, actori edere: sed communia cum actore L. procurator. infr. aut si sunt acta publica, quæ non tam sunt rei, quam omnium, L. 2. sup. Sed & sua propria, si his usus sit. L. 1. §. ult. D. eod. de quo nonnihil amplius postea ad L. ult. infr. num. penult. Nonnunquam etsi usus non sit, sed in causa fisci, cum is qui fisco bona desert, petit exhiberi instrumenta ad eam causam pertinentia, nec de criminali causa agitur, L. 3. D. eod. L. 2. §. 1. D. de iur. ffs. Cæterum sua propria, seu quæ actori in totum aliena sunt, ut hic rescriptum loquitur, nemo reus, si his usus non sit, privato actori postulanti edere cogitur. At de his instrumentis, deque eo tum actore, tum reo

reo definitio huius loci concepta est. Instrumenta, ut dixi, plane aliena hic nominantur. De fisco, quasi huius nomine agatur, nulla mentio. Reus autem hic proponitur, qui adeo instrumentis ad probandum uti volebat, ut actore non probante vellet absolvi, quanvis nihil ipse praeferret, quam ad rem refertur postrema huius rescripti ratio. Videamus tamen, ne in his causis, quae sequuntur, dicatur heres de legatis conventus instrumenta hereditaria exhibere debere desiderantibus legatariis, quanvis nullo modo cogitur, aut instituat istis instrumentis uti. Nam in hoc legato; *Quanta pecunia ex hereditate Titii ad me pervenerit, tantam pecuniam heres meus dato*, responsum est, tantam pecuniam peti posse, quantam acceptam in tabulis suis retulit testator; ut proinde ad petitionem legati necesse sit tabulas testatoris edi. *L. qui concubinam, §. cum ita, D. de L. 3.* Item in hoc legato; *Titio Seiana praedia sicuti comparata sunt, do lego*, placet inspicendas esse literas & rationes testatoris, & ex his videndum, quid appellatione Seianorum praediorum contineatur, *L. praedia, §. Titio, D. de L. 3.* Et fatendum esse ista peti ab herede reo, & eo, quem apparet his instrumentis uti nolle. Sed observandum hic peti instrumenta, quae voluntate testatoris facta sunt ad eam rem cum legatariis communia. Vult enim testator ea edi ad legatum cognoscendum, etque hactenus ad legatarios quoque pertinere. Cum enim quid legatum est, etiam illa concessa intelliguntur, sine quibus ad legatum perveniri non potest. *L. 1. §. 1. D. si usufr. pet.* Aut si quis ipsa instrumenta non ideo communia esse contendit; at saltem communem eorum usum factum esse iure legati fateatur, necesse est. Nunc de iis instrumentis rei loquimur, quae nullo alio iure implorantur ab actore, quam quod dicatur fides veri ex his constare posse. Quo nomine nemo reus instrumenta ulla sua propria postulantem privato actori edere cogitur.

3. Ait, cum id neque iuris, neque aequitatis ratio permittat. Ius tamen ab aequitate hic distinguitur, & quidem ius non summum & strictum cuius nullam rationem habendam esse constat. *L. placuit, inf. de iud.* sed ius, quod vere ius sit, ut quod hic servandum esse proponatur. Sic & in *L. ult. inf.* & alibi saepe. Quod cum sit, verbo iuris ab hominibus constitutum accipitur. Verbo aequitatis id, quod semper aequum & bonum est, id est, ius naturale: tale enim hoc ius esse dicitur in

L. pen. D. de iust. & iur. Non sane quod cum haec verba accipiuntur generaliter, ius non sit aequum, aut aequitas non sit ius, cum & ius in universum definitur ars aequi & boni, *L. 1. D. de iust. & iur.* & aequum aperte dicatur ius naturale. *d. L. pen. D. de iust. & iur.* sed quia cum haec separantur, contrahitur significatio ad species iuris inter se distinctas; more inria admodum usitato, quo idem verbum modo generaliter, modo specialiter accipitur pro instituto loquentis, *L. 1. D. de adopt. L. Iuriconsul. §. 1. D. de grad. L. pecunia, §. actionis, D. de verb. sign.* Atque in hac distinctione iuris & aequitatis ea est significatio, quam dixi; estque haec sententia, constitutum id esse quod intelligi volumus; nec constitutum tantum, sed & per se natura esse aequum, etsi nulla lege, aut constitutione sancitum esset; in proposito autem utrumque efficere, ne quis instrumenta sua adversario exhibere cogatur. Cuius sententiae rationem subiecit.

Actore enim non probante, qui convenitur, etsi nihil ipse praestet, obtinebit. 4. Habes ius de actore non probante constitutum. Cui consequens est, reum non debere actori exhibere instrumenta sua, si nolit. Nam si hoc cogitur, evenire potest, ut condemnatur ex his instrumentis, quanvis actor aliunde nihil probaverit. Et ut forte nihil illi instrumenta noceant; eveniet tamen hoc saltem, ut aliquid facere debeat, priusquam absolvatur: quorum utrumque iuri illi scripto adversatur. Aequitas autem bulus iuris manifesta est. Nihil enim aequius, quam neminem condemnari, nisi convictum, & qui convictus non est, absolvi. *L. negantes, C. de obl. & act.* Neque enim possessionis commodum, quod quis ante obtinet, invito cuiquam auferri debet, repugnante lege & praecipis naturae, quae vetant alterum laedere, ius suum cuiquam auferre. *L. iustitia, D. de iust. & iur. L. 2. D. de his qui sunt sui vel al. iur.* Quod si convincendus est reus, ab actore convincendus est, nec quidquam indignius, quam cogi reum suppeditare actori ad eam rem instrumenta. Primum reus dominus est instrumentorum. Aequum est permitti domino de re sua statuere, ut vult, proinde ut exhibeat, si velit, aut si velit, apud se retineat. *L. in re mandata, infr. man.* Tum autem, quando haec exhibitio adversus reum ipsum postulatur, nihil est iniquius, quam cogi quemquam adversus se subministrare tela adversario, atque ita quodammodo in sese saevire. *L. nimis, Cod. de probation.* Dixi,

Dixi, quam recte hæc ratio aptaretur prioribus. De definitione ipsa, qualis per se sit, quidve contineat, breviter consideremus. Est autem ꝑ hæc sententia, si actor non probet, quod intendit, is, qui convenitur, id est, reus *L. 3. D. de iur. quavis nihil ipse ad probationem iuris & possessionis suæ adferat*; tamen obtinebit, id est absolvetur sententia iudicis, ut recte Accursius. Nam cum iubeatur iudex, de qua re cognovit, de ea & iudicare, *L. de qua re, D. de iud.* in iudicando autem aut condemnare debeat, aut absolvere. *L. 1. D. de re iudic. fit, ut si actor non probante reum condemnare non debet, ut non debet: d. L. negantes, C. de ob. & actio.* necesse habeat absolvere. Idque est, quod reus iudicio obtinere contendit, in quo iussit illud, quod dicitur commodum possessionis, quod quale sit, ex hac sententia apparet. §. *retinenda*, illic, *commodum*, *Instit. de inter.* Absolvitur ergo reus, actor non probante. Ius certum in pecuniariis & civilibus causis. *L. ult. infr. de rei vind. d. §. retinenda*, verò, *commodum*. Esti non est perpetuum per omnia, ut postea dicitur. Nec quia actor forte probare non potest, ideo reum necessitate probandi contrarium, aut pro se aliquid afferendi adstringit. *L. actor, infr. de probat. L. nimis, infr. de testib.* Etiamne id valet in criminalibus accusatore non probante? Omnino; quin immo de accusatore potissimum hæc ratio accipienda est. Adhibita est enim ad præcedentia confirmanda. Propositio autem fuit de iis, qui accusare volunt. Neque ꝑ verbum actoris, quo hæc definitio utitur, refragatur. Verbum enim refertur pariter ad utrumque, tum actorem, qui pecuniariter agit, ac proprie ita dicitur, tum ad accusatorem. Nam & qui accusat, dicitur agere criminaliter. *L. ult. D. de fur. luncta L. ult. D. de priv. del. unde & accusatio dicta actio criminalis, ac civili actioni oppositur. Infr. tit. quand. civi. act. crim. pref.* Ex vero hæc sententia in criminalibus causis perpetua est, ut in quibus iubeatur probationes luce meridiana esse clariores, *L. ult. infr. de prob.*

7 Sunt, ꝑ qui putent atrocitas illa crimina excipi, maiestatis, peculatus, & similia, in *L. ult. in fin. infr. de abol.* quia illic dicitur, iudicem in his non tantum urgere debere accusatorem ad crimina probanda, quæ intendit, sed etiam reum ad purganda, quæ negat. Sed quo graviora crimina hæc sunt, eo provideudum est diligentius, ut in his facile reus damne-

tur. Bene enim præcipitur, ubi maius periculum intenditur, ibi magis laboranti reo esse consulendum. *L. 1. §. fed & si quis, D. de Carb. ed.* Et semper obverfari animo debet egregia illa sententia, satius esse nocentem absolvi, quam innocentem damnari. *L. absente, D. de pœnis.* Nam quod dicitur in superioribus illis debere iudicem urgere reum ad purganda ea, quæ negat, de eo reo dictum est, adversus quem pleraque probantur, quæ moveant delicti suspicionem, quæ recte iubetur ipse expedire, si potest, ut ex responsis eius veritas investigari possit. Et tamen meminisse oportet, si nihil probatur amplius, nec convincitur reus aliter, manere debere sententiam huius loci, ut non debeat reus damnari, quavis nihil adferat ad negationis probationem, quam exigere, plus quam iniquum est, eum per rerum naturam factum negantis nulla sit probatio. *L. actor, infr. de prob.* Rata est igitur hæc sententia in criminalibus maxime, actor non probante, idque idonee, reum absolvi. Cui ꝑ consequens esse recte Bartolus putavit, accusatore non probante non posse iudicem ex persona sua inducere novos testes, aut nova instrumenta, quibus reus convincatur, sed hoc unum ei supereffe, ut reum absolvat. Nam si licet ei per se inquirere in crimen, & testes in id inducere, sæpe eveniet, ut accusatore non probante reus condemnetur, non absolvatur, iudice suas ipsius probationes sequente. Quam sententiam probō: ne idem luciatur pars esse, & iudex, quod periculose constituitur, & perniciosum est exemplo iudicibus permitti. Potest ꝑ quidem iudex interdum & sine accusatore in aliquem statueri, ut de marito responsum est, qui cum uxorem ream secisset adulterii, repellereturque ab uxore, tanquam eius leuocium factum esset: placuit iudicem in eum statueri ob lenocinium posse, *L. 2. §. si publico, D. ad leg. Jul. de adul.* Sed hoc tum fit, cum maritus in eodem iudicio detectus est lenocinium admisisse, non iudice probationes inducente, sed uxore, quæ lenocinium obiciebat, ut ibidem significatur. Nec mutat superiorem sententiam, quod placuit iudicem posse & debere de reorum innocentia quærere, eoque & in eam probationes admittere, *L. si non defendantur, D. de pen.* Non enim eadem ratio est liberationis, quæ condemnationis; defensionis, quæ oppugnationis; constatque nos ad liberandum debere esse proniores. *L. Arrianus, D. de obl. & actio.* Unde & in aliorum negotiorum administratione

rece-

receptum est, cum nemo alieno nomine iudicio agere possit, sine domini mandato: *L. naturalis, §. ult. in pr. D. de pref. ver.* ad alium tamen defendendum etiam sine mandato omnes admitti, idque publice interesse existimatur. *L. servum, §. publice, D. de procur.*

10 In civilibus † & pecuniariis causis non item superior definitio est perpetua. Interdum in his committitur res iuriurando aëtoris, ut quanti esse iuraverit, in tantum pecuniam reus condemnatur. Quod cum sit, perspicuum est, quantis aëtor non probet; reum condemnari, non absolvi. Id autem receptum est tribus in causis, quæ toridem sunt eius definitionis exceptiones, quas nunc sufficit tantum indicasse, propterea, quod de his scripsi diligentius ad titulum *D. de in litem iurando*. Prima ergo causa est, cum quis deiectus est de possessione fundi, aut ædium, queriturque bona quædam sua, quæ tum illic erant, sibi per eam causam amissa esse. Hic enim de deiectione probari satis est, qua probata, si controversia sit, quantum illic habuerit, & quanti sit, creditur affirmanti, tum iuret ita esse. *L. si quando, infr. unde vi*. Secunda, cum res debita perit post moram debitoris: hic enim æstimatio permittitur iuriurando aëtoris. *L. 1. in actionibus, in fin. D. de in lit. iur.* Tertia est in iis actionibus, in quibus iuratur in litem ob contumaciam, aut dolum non restituentis, vel non exhibentis. *L. 1. L. 2. L. tutor, L. in actionibus D. eod.* Quartam exceptionem vulgo magno consensu statuunt, cum aëtor probavit, ut loquantur, semipene; quia legitur in *L. 2. inf. de reb. cred.* litem iuriurando decidi solere in inopia probationum, aut ut alibi in dubiis causis. *L. admonendi, D. de iur. iur.* Inopiam autem illam & dubias causas interpretantur, cum semipena probatio est, non cum omnino nulla. Sed tota hæc sententia a me refutata est pluribus ad titulum, *de iuriurando*, & probatum, ut a iuriurando in litem discesserimus, aëtor non probante ita reum absolvi, ut nihil referat, nihilne omnino probet aëtor, an probet non plene; quia imperfecta probatio non est probatio, ut nec testamentum, quod est imperfectum, *L. si is qui, L. ex ea, D. qui test. fac. poss.* item quia quæ plena probatio non est, non est iusta & legitima probatio,

quod autem non rite & iure sit, pro infecto est, *L. quoties, D. qui satisd. cog.* nec quis dixerit semiplenam illam probationem per se quidem probationem non esse, & ideo solam non admitti; sed iuriurando aëtoris accedente plenam & illam probationem fieri, atque hoc modo probationem ab eo impleri; ut proinde iam reus absolvi non debeat. Nunquam enim aëtoris testimonium probationem habet aut in totum, aut in partem: sed si quis in re sua testificatur, sive unus sit, sive plures, in totum a testimonio relicto. *L. nullus, D. de testib. L. omnibus, infr. de test.* Porro iuriurandum aëtori deferre est cum in re sua testem facere, Quare nunquam id iuriurandum invito adversario pro testimonio & probatione valere potest, sive de probatione per se & in totum facienda queritur, sive de alia præcedente implenda. Quod si verum est, semper ex definitione huius loci illud fieri necesse erit, etiam in semipena illa probatione, reum absolvendum; quia hæc sola etiam adversariorum confessione per se non fit probatio, effectum sit autem iuriurandum invito reo ad eam implendam accedere non posse. Re quidem ab utraque parte probata, quod sit in dubiis causis, uti nos hic dubias interpretamur, potest istud iuriurandum a iudice adhiberi, sed confirmandæ magis probationis, & augendæ causæ: ad fidem implendam, quæ prius legitime facta non est, adhiberi non potest. Quid verbis opus est? de uno teste, quem illi pro semipena probatione habent, ita cautum *L. iuriurandi, C. de testib.* ut lex veter nominatim, ne unus omnino testis testimonium a iudice non solum admittatur, sed etiam audiatur. Non dicit lex, *ut unus solum audiatur*, sed *ut unus audiatur omnino*: ut hoc omnino, quæ particula est adverbium, non possit referri, nisi ad verbum sibi adiunctum, cuius sententiam augeat, ut explanet. Vetat ergo lex unum testem audiri omnino, id est, omnimodo. Ergo uno teste productio vetat iuriurandum aëtori deferri a iudice, ut reus condemnatur; quia isto saltem modo andiretur, & admitteretur unus testis, lex autem vetat andiri ullo modo. Cætera ad hanc causam pertinentia ex commentario nostro *De iuriurando* petantur.

L. 5. Non est novum.

Imp. Alexander A. Valentinianz.

Non est novum, eum a quo petitur pecunia, implorare rationes creditoris, ut fides veri constare possit. PP. 7. Id. Mart. Maxim. II. & Aeliano Coss.

S U M M A R I A.

1. *Rationes suas auctorem reo petenti edere debere, & his fidem adversus auctorem haberi.*
2. *L. nuda, D. de donat. amplius exposita.*
3. *Rationes suas cur auctor reo edere cogatur; multa, quæ obstant, diluta.*
4. *Rationes esse instrumenta, sed non consineri instrumentorum verbo in edicto de edendo, & cur.*
5. *Rationes suas cur edere cogatur auctor reo, quanvis his uti nolit: instrumenta sua alia non cogatur, nisi his sit usus.*

IN edendis rationibus alia causa habita est rei, alia actoris. Reus actori rationes suas edere necesse non habet, nisi ex causa, *L. 1. sup.* actor suas postulanti reo edere cogitur, ut hic cautum est, & *L. insulam* seq. Quam recte hæc ita dissimiliter, traditur in *L. ult. infr.* Cuius autem rei causa imploreth hæc a reo editio rationum actoris? ut fides veri constare possit, ait rescriptum. Cuius veri? Non utique debiti probandi causa. Primum quia non est hoc reo propositum, ut probetur debere, qui se debere negat, & in eam rem querit probationes. Deinde quia rationes creditoris pro creditore non faciunt, cum sint illi instrumentum privatum, & domesticum, cui fides non habetur. *L. instrumenta, L. rationes. L. exemplo. infr. de prob.* Cuius ergo veri? soluti. Petuntur enim rationes actoris a reo, ut ex his constare possit, quantum sub nomine debitoris solutum sit, ut est in *L. insulam* seq. Nam & hoc in rationes referri solet, quæ utramque paginam continent, accepti & expensi. *L. si quis, §. rationem, D. de edem.* Id quod si relatum reperietur; huius rei fides constabit, ut hic loquitur Alexander id est, rationibus fides habebitur adversus eum, qui scripsit, & reus absolvetur, *L. illata, infr. de fid. inst.* Ita rationes pro creditore fidem non faciunt: adversus eum pro debitore faciunt; fides enim cuique consentienti adversus se habetur. *L. generaliter, infr. de non num. pec. L. de atate. §. 1. D. de interrog. in iur.*

fac. Quid est igitur, † quod dicitur, nudam rationem non facere aliquem debitorem, seu non constituere obligationem? *L. nuda, D. de don.* Vere hoc dicitur, nec minus ad solutionem referendum est, ut si quis scripserit in rationibus, *se decem debere Titio*, si scripserit, *se ab eo decem soluta accepisse*, recte dicturi sumus, neque illic ista ratione constitui obligationem, neque hic solutionem: seu neque illic fieri debitorem eum, qui scripsit, neque hic induci solutionem eius, de quo scriptum est. Sed nihil id adversus hunc locum. Nam ut ante ostendi ad *L. 1. eod. tit.* & dicendum est amplius, aliud est facere, seu constituere obligationem, vel solutionem, aliud vere debiti, aut soluti adferre probationem. Non constituunt nudæ rationes obligationem, vel solutionem; quia tunc id facere dicuntur rationes, & tunc nudæ esse ad eam rem, cum is scribit se debere, quem constat sine scriptura rationum nihil ante debuisse, scribit sibi solutum esse, quod constat non fuisse ante solutum. Utrumque verissime dicitur, neque eum, quem constat nihil debuisse, ideo se facere debitorem, quia in rationibus scripserit se debere, & ostenderit se id velle: neque eum, cui constat non esse solutum, ideo debitori adferre solutionem; quia scripserit in rationibus sibi ab eo solutum fuisse. Certe sunt enim debendi causæ iure constitutæ in quibus non est hæc scriptura. Et solutio naturaliter peragitur pecuniæ enumeratione, *L. solutam, D.*
de

de sol. cuius veritatis substantiam falsa affirmatio mutare non potuit. *L. cum falsa. sup. de iur. & fact. ign.* At si dicatur obligatio iustis ex causis præcessisse, aut præcessisse naturalis solutio, & probatio quaeratur, de quo nunc agitur: hic rationes creditoris fidem rei gestæ facient non pro eo, sed adversus eum pro debitore. Recte ergo ad eam rem implorantur a reo rationes actoris, eiusdemque creditoris.

3. Sed si videamus, quæcunque utilitas rei esse possit in hac editione, ne non ideo recte constituitur, actorem cogi rationes suas edere adversario. In quo nonnulla, quæ adversari videntur, breviter diluamus. Ac primum cur reus actori non cogitur edere rationes suas, actor autem reo rationes, quæ nihilominus sunt eius, edere cogatur? Ex differentiæ ratio redditur in *L. ult. infr. ubi dicitur*. Quid illud, an non aperte videtur refragari, quod scriptum est in *L. nimis, infr. de testib.* nimis grave esse urgeri partem adversam ad exhibitionem eorum, per quos sibi negotium fiat? quid enim interest, petat quis ab adversario, ut exhibeat testes adversus se, an rationes? Plurimum vero interest. Non enim actor quicquam habet servos, ut his testibus utatur præsertim adversus se. Rationes autem conficit unusquisque, non solum ut contineat expensâ, sed etiam ut soluta & accepta, eaque ut profint non tantum scribenti ad memoriam, sed etiam reo ad eius liberationem, *d. L. si quis, §. rationem, D. de ed.* Quamquam & illud dissimile est in *d. L. nimis, inf. de testib.* quod actores a reo postulabant eam exhibitionem: sic enim subiicitur, unde intelligitur, quod intentionis vestre proprias adferre debetis probationes, non ab adversariis adversus se adduci. Si de actore id postulante agitur, admittendum est in totum ei omnem editionem denegari, quam a reo desideret, sive petat alia instrumenta rei sibi exhiberi, sive eius rationes. Quod non recte transfertur ad reum, si rationes actorum sibi edi postulet: id enim illi concessum est, ut hoc loco, & *L. ult. infr. ubi & ratio redditur*. Iam & illud expendendum est, ubi hic actorem exhibere rationes suas, quamvis his usus non sit. Nam nec de eo hic quidquam addicitur, & quominus his pro se utatur etiam ultro ratio eius prohibet, cum sint scribenti instrumentum domesticum, *L. instrumentum, L. rationes, C. de probation.* An non iam igitur contrarium est, quod traditur in *L. 1. §. edenda, D. eod.* neminem, ne actorem quidem cogi edere instrumenta, quibus usu-

rus non est? Nam si rationibus si instruitur causa, ut hic ad eam instruendam rationes implorari videmus, rationes sunt instrumenta. Instruendi enim verbo omnia significantur, quibus causa instrui potest, *L. 1. D. de fid. instr. & omnia ita appellantur in L. ult. infr. eod.* Dicendum est, et si alias generaliter instrumentorum verbo rationes cuiusque continguntur, ut quibus utatur ad se instruendum, & alios: tamen in superiori sententia non contineri. Concepta est enim sententia non simpliciter de instrumentis, sed iis instrumentis, quibus actor usus non est. In quo apparet agi de iis, quibus actor uti possit, si velit, ad eam rem instruendam, ad quam probandam parata sunt: sed tamen in hac causa, de qua agitur, his usus non sit vel quia causa non ferat, vel quia nolit. At rationes proprie nulli sunt instrumenta, quibus utatur ad causam per se instruendam, seu ad fidem pro se faciendam. Nulli enim ad eam rem profunt, ut dixi. Ideo in edicto de edendo separatim de instrumentis & de rationibus cautum esse animadvertere possumus *L. 1. §. editiones, usque ad fin. & L. 4. D. eod.* Sed etiam, dicit aliquis, superioribus verbis non comprehenduntur rationes. At certe res ipsa repugnantiam in se habere videtur. Cur enim si non cogitur actor instrumentorum suorum cognoscendorum potestatem facere, si his usus non sit: rationum autem facere iubetur, quamvis nec utatur, neque adeo uti possit: cum pariter omnia petantur causæ instruendæ causa, & ut possit fides veri constare? Differentiæ ratio, est quam & paulo ante attigi, quod rationes natura sua ita conficiuntur, ut scribantur non tantum pro creditore, sed etiam pro debitore. Continent enim ut dixi, duas paginas: unam expensis, alteram acceptis, quod dati, alteram soluti, neque aliter sunt rationes *d. L. si quis, §. rationem, D. eod.* Id cum constet: recte in hoc petuntur, ut fides veri pro reo inde sumatur, quam certum est illis contineri. Cætera instrumenta pro eo solum confici solent, qui ea sibi habet, non pro adversario. Et ut forte quid contineant, quod faciat pro reo: non tamen id ita esse certum est: quia non ita semper, non ita natura sua confici solent, ubi privatim conficiuntur. Rationes si actor iubetur exhibere, & 6 tubetur a iudice, idque iudicis officium est. *L. 1. sup.* Iustus si non exhibet: hæc poena est, quam dixi ad *L. 1. sup.* ut pro convicto habeatur, quasi eas rationes reo subtraxisset. *argum. L. 2. §. 1. D. de iur. sis. iuncta L. si de possessione, inf. de probat.* D L. 6.

L. 6. *Iustum.*

Imp. Alexand. A. Vranio.

Iustum est desiderium eius, a quo pecunia petitur (licet nomine publico) ut rationibus publicis exhibitis conflet, quantum sub nomine suo solutum sit. PP. 16. Calend. Dec. Maximo. II. & Eliano Coss.

S U M M A R I A.

1. *Etiā Fiscum, si agit, rationes suas desideranti reo edere cogendū est, & bis adversus se stare.*

2. *L. in fraudem, §. neque, D. de iur. fisc. expōsita.*

Non ꝑ privatus tantum actor rationes suas petenti reo edere cogendus est, de quo supra in *L. non est*, proxima: sed etiam fiscus rationes publicas, ut sciri possit, quantum debitor solverit. *L. illate, inf. de fid. instr.* Nam & hoc in rationes referri solet, d. *L. si quis, §. rationem, D. eod.* Sic fisci causa est, ut in contrahibus suis, & præstationibus privatorum iure utatur, *L. 3. infr. de resc. ven.* sed tum maxime, cum quid ab eo postulatur iure, & quod sine dolo recusari non potest, qualis est rationum fiscalium editio,

cum ipse agit, & debitor eas sibi exhiberi desiderat, *L. ult. infr. eod.*

Non ꝑ est contrarium, quod scriptum est in *L. in fraudem, §. neque, D. de iur. fisc.* neque instrumenta, neque acta a quoquam adversus fiscum edi oportere. Ut enim quis dederit rationes fiscales vere esse instrumenta causæ: apparet tamen superius illud ita dictum esse, ut non debeant ista edi a quoquam alio adversus fiscum. Cæterum fiscus ipse adversus se rationes exhibere cogitur, si agat, & reus impleat rationes publicas.



L. 7. Procurator.

Imp. Alexander A. Valenti.

Procurator privatae rationis, instrumentorum, quae communia tibi esse cum fisco dicis, describendorum facultatem secundum morem fieri iubebis: & si quando res exegerit ad fidem petitionis tuae apud alium iudicem probandum aliquod eorum proferri: desiderante eo, qui convenitur, ut id fiat, praecipies. PP. 10. Calend. Mart. Fusco & Dextro Coss.

S U M M A R I A.

1. *Instrumenta communia recte petere quemvis socium a socio, etiam fisco, sibi exhiberi.*
2. *Instrumenta tribus modis fieri communia.*
3. *Instrumenta exhibere solum cogendum, apud quem sunt: & communia, apud quem deponi & asservari debeant.*
4. *Instrumenta cum fisco communia recte a fisco exhiberi petere auctorem*

non tantum qui agit adversus fiscum, sed etiam adversus extraneum.

5. *Fiscus instrumenta communia si deseret socio exhibere, quae sit eius cogendi via, sive socio cum fisco lis sit, sive cum extraneo, usque ad finem.*
6. *Procurator privatae rationis, & Rationalis, quis.*

REUS instrumenta sua, † eademque adversario aliena, quae apud se habet, actori exhibere inspicienda non cogitur, *L. qui accusare, supr. cod.* Recte sua aliter, si sint actori cum reo communia. Haec nemoque recte petit sibi a socio exhiberi, eoque non tantum privato, sed etiam fisco, si forte apud eum sint, ut hic rescriptum est. Merito: qui enim de communibus ita agit, non petit aliena sibi edi, sed sua: cum id, quod nobis cum alio commune est, nostrum sit. *L. pupillus, §. ult. D. de verb. sign.* est enim nostrum pro parte. Communia † mihi cum alio sunt tribus modis: Primo si fundum, exempligratia, ego & ille emamus in commune, & instrumentum emptionis sit confectum in commune. *L. 2. D. com. div.* Altero, si is, qui fundum solus emerat, & instrumentum eius emptiois acceperat, decesserit, pluribus relictis heredibus, inter quos & ego fuerim. *L. si quae, §. D. fam. erec.* Nam heres in dominium & ius defuncti succedit pro portionibus hereditariis. *L. heres in omne, D. de acq. her. L. heredes, §. an ea, D. fa. erec. L. 2. infr. de her. act.* Tertio, si dominus eius instrumentum & fundum & instrumentum pluribus, inter quos & mihi, legaverit, sic enim & plures domini efficiunt utriusque rei. *d. L. 2. D. com. div.*

Tom. VII.

Finge hæc eadem mihi cum fisco contigisse: sicut & hic instrumenta mihi cum fisco communia, ac de his edendis cum illo recte agam. Nempe ita, † si apud eum sint: frustra enim petitur editio ab eo, qui quod exhibeat, apud se non habet. Hic tamen simpliciter scriptum est id recte desiderari a fisco, & fisco secundum morem edere iubendum. Recte utrumque. Instrumenta enim cum fisco communia apud fiscum esse solent, neque id casu, sed iure ita ordinante. Communia enim cum sint indivisa, eoque apud singulos dominos in solidum esse non possint, *L. §. ult. D. com. res* cogit ea apud unum deponi: ea tamen lege, ut quoties usus erit, & sociis desiderantibus cognoscenda & describenda exhibeat, cum ad eos non minus pertineant. *d. L. si quae, fam. erec.* Cum autem dabitur, apud quem deponi debeant, si forte inter dominos non conveniat, placuit hanc legem servari, ut in quo plus dignitatis est, aliis præferatur; puto seniori iuniori, amplioris honoris inferiori, mas feminae, ingenuus libertino. *L. ult. D. de fid. instr.* Quam prærogativam & dignitatis est certioris custodiam cum in fisco esse constiterit, sequitur, ut ex hac lege instrumenta cum illo communia, ut apud eum secundum morem deponi solent; ita & eorum de-

D 2

scri-

scribendorum facultatem secundum morem facere debeat, ut hic scriptum est.

- 4 At † quando recte peto a fisco, ut instrumenta communia mihi exhibeat? Non sane tantum cum ille mecum agit, ego sum reus ut alias in implorandis rationibus adversarii plus tribuitur reo, quam actori, *L. ult. infra cod. sed & cum ultro ago adversus fiscum de ea re, de qua instrumentum apud eum est, aut etiam cum ago cum alio extraneo, adversus quem mihi opus sit eius instrumenti probatione. Posterius licere diserte hic cautum est. Ex quo intelligitur licere & prius multo magis. Nam si in ea causa recte peto, quæ ad fiscum non pertinet; multo æquius est idem mihi præstari in ea causa, quæ mihi cum illo intercedit, hinc hoc modo: Fundum mihi cum fisco in communem emtum vindicabam pro parte a tercio quodam, qui eum fundum possidebat. Ad idem eius emtionis faciendam necessarium mihi erat commune instrumentum emtionis, quod erat apud fiscum. Placet hoc loco etiam hoc casu ultro agere me posse eum fisco, ut ipse eam causam mihi instrumentum edat. Quanto magis licebit idem ab eo desiderare, si mihi lis sit cum ipso fisco, ubi oporteat dolum malum ab eo abesse? veluti, si ipsum ipsum fundum emtum cum illo in communem vindicem ab eo pro parte, & illo negante mihi tantum emtum, quantum petebam, desiderem instrumentum eius emtionis mihi ab eo edi. Ergo utroque casu actor ego a fisco reo recte peto, ut instrumenta mihi secum communia exhibeat; & generaliter quoties eius instrumenti fidem in mea causa qualicunque, & cum quovis instituta res exigit, Neque obstant ea rescripta, quæ vetant, ne actor ad fundandam probandamve petitionem suam instrumenta rei desideret sibi exhiberi, *L. qui accusare, supr. L. ult. infr. cod.* De instrumentis enim rei propriis hoc dictum est. Communia, ut initio dixi, si quis petit, sua petit, non aliena: petit enim ut sua, pro qua parte sunt eius.*

- 5 Deinceps † videndum: in hac omni petitione, si fiscus reuset instrumentum mihi edere, ut volo, per quem id consequar, qua via, quatenus, & quomodo consequar. Ex siquidem iudicium iam institutum sit cum fisco de alia re, in quod iudicium incidit, ut illa editio a me postuletur, ita ut supra proposui: de eo quidem nihil hic dicitur: sed ratio rei transigendæ in eo expedita est. Ipse enim idem iudex, apud quem de alia re agitur (is

antem est procurator Cæsaris, seu privatæ rationis, de quo mox,) pro officio iubebit fiscum instrumentum ita exhibere, ut fides veri ex eo possit constare: sic enim solet transigi hæc postulatio, cum in iudicium de alia re susceptum incidit. *L. 1. l. non est. L. iustum, supr. cod. L. 1. infr. de ord. iud.* Quod si iustus fiscus non exhibeat, hæc erit pœna, ut pro convicto habeatur, ut dixi *ad d. L. 1. supra cod. arg. L. 2. §. 1. D. de iur. fisci & L. si de possessione, infr. de prob.* Sin erit mihi lis cum alio, in qua causa cum egerem ad probationem instrumenti communi, fiscus neget se exhibere; aut tergiversetur; obcurior hic ratio est, per quem iudicem consequar, ut exhibeat, & si actione ad id petendum opus est, qua actione, quæ quatenus recte petam exhiberi, postremo quæ sit cogendi fisci ratio, qua quod volo, consequar. Et de iudice hic scriptum est. Procurator privatæ rationis, ait rescriptum, ut id fiat, præcipiet Procurator privatæ rationis est is, qui alibi uno verbo dicitur, *Rationalis*. Nam fisci hic causa est, enim in hac petitione conveniatur fiscus. Ad fiscum pertinentes causas ad iurisdictionem *Rationalis* pertinere dicuntur. *L. ad fiscum, infr. ubi caus. fisci.* Est autem Rationalis, qui & procurator Cæsaris, ut indicat titulus *D. de off. proc. Cæs. & Rat. L. 1. & 2. iuncta. L. ad fiscum infr. ubi caus. fisci.* Rationalis dicitur; quia est procurator privatæ rationis, ut hic describitur: ubi privata ratio demonstrat rationem Cæsaris: subauditur enim *nostra*, ut sit procurator privatæ rationis nostræ, Alexander autem, idemque Imperator & Cæsar loquitur. Idque ita subintelligendum inde licet certius intelligere, quod interdum exprimitur verbum *nostra* & pro eodem dicitur procurator domus nostræ, ut *L. cum aliquid, infr. ubi caus. fisci.* Itaque quod in *d. L. cum aliquid*, legitur, *præsentem rationali, vel procuratore domus nostræ*, hic particula, vel, iniquè accipienda est, ut sit sententia, præsentem rationali, vel si malumus, aut, vel quod idem est, aut, seu procuratore domus nostræ, idque ex *L. 1. §. 1. d. L. ad fiscum, cod. tit.* Erit ergo procurator Cæsaris, & Rationalis is, apud quem hæc ediq; petetur, & qui instrumentum commune edi iubebit; quia & fisci & causarum fiscalium iudex est.

Ergo hic alius iudex, quam is, apud quem mihi iudicium de re principali constitutum est cum extraneo. Cum enim id iudicium neque sit mihi cum fisco, neque

que de re ad fiscum pertinente; non potuit in eo iudex esse procurator privatorum rationis. Hinc amigendi causa, cum non possit in proposito transigi hæc petitio officio iudicis, qui de re principali cognoscit, quo iure quavis via apud procuratorem privatorum rationis eundemque novum in hac re iudicem hæc editio a fisco desideretur. Neque enim satis est eum iudicem proponi, qui sit idoneus adversus fiscum iudex, nisi sit & mihi ius apud eum adversus fiscum consistendi. Porro cum Rationalis non sit de alta re a me aditus, sed principaliter nunc apud eum de exhibendo instrumento agatur: omnino aliquam mihi eo nomine actionem esse oportet adversus fiscum, qua id ab eo petam, *L. easas, D. quod met. cau. §. 1. Inst. de action.* Quam ergo mihi actio in eam rem adversus fiscum? Erit vindictio, aut ad exhibendam actio. Vindicare possum instrumentum pro parte, ut & pro parte meum est. *L. qua de tota, D. de rei vind.* Propter actionem autem in rem, quam mihi competit, etiam possum ad exhibendum agere. *L. 3. §. est autem, D. ad exhib.* Sed actio ad exhibendum ad eam editionem, quæ nunc petitur, parum proficit, cum velim instrumentum mihi exhiberi non ut possim notare instrumentum, & ita id certo vindicare, qui finis esse solet ad exhibendum actionis; sed ut sit apud me, quo possim eo uti in alio iudicio, quod cum extraneo institui.

Restat videamus, quatenus hæc actio cogi debeat fisco instrumentum exhibere, & quomodo cogatur. Ac cogendi quidem ratio ex genere actionis sua sponte intelligitur. Actionis enim in rem exitus hic est, ut res perita restituatur; nisi restitatur, ut damnetur is, cum quo agitur, quanti ea res erit actoris iureiurando æstimata. *L. officium. L. qui resistere, D. de rei vind.* Sed non eadem hic restitutio, quæ in cæteris causis. In illis enim sic petitur res restitui, ut restituta

maneant apud eum, cui restituitur. In hac specie restitutio ad editionem & exhibitionem instrumenti tantum pertinet. Quamobrem & hanc solum consequor hoc iudicio, & hætenus solum progreditur iussus procuratoris Cæsaris: Quod & significatur hoc rescripto. Hoc enim est, quod dicitur, procuratorem privatorum rationis iussurum, ut instrumentorum mihi cum fisco communium describendorum scilicet fiat; & si res exigat, aliquid eorum proferri ad fidem petitionis meæ apud eundem iudicem præhendam, desiderante eo, qui convenitur, etiam ut id fiat, præcepturum. Sensus est: fiscus iubebitur hætenus exhibere instrumentum commune, ut sis describendi copia. Quo exemplo, si extraneus ille tertius, cum quo apud alium iudicem agebam, sit contentus, nihil amplius petam a fisco. Quod si idem ille, qui a me convenitur, exemplo non contentus: ipsum authenticum exhibere fiscus iubebitur, & quidem ita, ut mihi eo uti liceat in eo iudicio, quantum necesse est ad fidem adversus eum extraneum faciendam. Cur ergo non iubetur aperte fiscus instrumentum ipsum mihi restituere, ut exitus actionis in rem postulare videbatur? quia instrumentum non est solum meum, sed & fisci, ut non magis mihi reddi debeat, quam fisco. Quinimmo iam dixi eam conditionem esse instrumentorum cum fisco communium, ut quoniam apud unum tantum esse possunt, hic unus sit fiscus, in cuius custodia instrumenta esse debeant. *d. L. ult. de fid. inst.* Solum videandum est, ut ita sint apud fiscum, ut his quoque mihi uti liceat, prout res exegerit, ad fidem his faciendam. Rursum cur non sufficit exemplum instrumenti sed ipsum quoque authenticum mihi proferendum est? quia exemplum nihil valet ad fidem, si is, qui convenitur, fidem ei adhibere nolit, ut sequitur in *auth. si quis in aliquo*, quæ sequitur, quæ idem ad hæc rem explicandam subiecta est.

Auth. ex Novella 119. c. 3.

Si quis in aliquo documento mentionem faciat alterius documenti: nulla ex hac memoria fiat exactio, nisi aliud documentum, cuius memoria in secundo facta est, proferatur, aut alia secundum leges quantitatis debite probatio exhibeatur, quia & quantitas, cuius memoria facta est, pro veritate debeat. Hoc enim & in veteribus legibus invenitur.

S U M M A R I A.

1. *Ex indice & exemplo alicuius scripturae neminem conveniendum, sed ex authentico: hoc quid sit, & ratio exposita.*

Index, exemplum, quid: & cur dicantur calumniosa scripturae. ibidem.

2. *Exemplo fidem non habendam adversus aliquem, quavis enim, qui descripserit, aut describendum mandavit.*
3. *Exemplum instrumenti aliorumve, et si descriptum sit a Notario, scriba-*

ve publico, mandatu debitoris: nihilo magis debitori nocere, nisi debitor ibidem fateatur se id pro authentico habere.

4. *L. in fraudem, §. neque, D. de iur. fisci, explicatur.*

5. *Exemplum descriptum ab argentario aut Notario nec adversus eos fidem facere.*

6. *Exempla publicata pro authenticis fidem facere, si authentica casu perierint, & quomodo exemplum publicetur.*

CUM de exemplo, & authentico ipso ad fidem rei gestae exhibendo supra mentio facta esset proximo rescripto; bene & apposite, ut ante monui, hoc fragmentum subiectum est, quod earum rerum vim & fidem explicaret. Ius † est, & id vetus, non nunc primum a Iustiniano constitutum, quicumque ab aliquo convenitur, non ex indice & exemplo alicuius scripturae, sed ex authentico conveniendum esse, etiam si a fisco conveniatur. Sic Pauli definitio est in *L. 2. D. de fid. inst.* Index est scriptura, quae alterius scripturae summam complectitur, & breviter indicat. Exemplum, scriptura, quae totidem verbis, atque alia scripta est; transscripta tamen ab alia. Hoc ergo dicitur, si quid ex alia scriptura descriptum sit, sive summam sive totidem verbis, nihil valere transumptum ad fidem faciendam de eo, quod authenticum continetur, si is, qui convenitur, repudiet; sed ad authenticum, id est, id, nuda summa, aut exemplum ducitur, recurrendum esse. Ratio reddita a Paulo ibidem: *calumniosam scripturam vim in iudicio obtinere non convenire*. Bene exemplum, & quodcumque ex alia scriptura describitur, *calumniosam scripturam* vocat Paulus. Est enim scriptura fallax multis nominibus, eoque ad

calumniam struendam, & reum in fraudem inducendum idonea: tum quod repraesentare non potest vitia, si quae sint in authentico, & propter quae authenticum ut vitiosum reiici potest; tum, quod non semper fideliter exprimit, & refert, quae sunt in authentico. Quod multis de causis potest accidere. Alias enim qui describit, non recte legit authenticum; interdum quendam mutat, quendam omittit vel dolo, vel incuria, vel etiam nimia festinatione. Certum autem, & minime fallax esse oportet id, unde in iudicio fides petitur: non enim incerta probantur ex incertis. Quod si exemplum non est eiusmodi: recte colligitur eam scripturam vim, id est, fidem in iudicio obtinere non debere. Idem ius & hoc fragmento confirmatur.

Res † dubitationem non habet, si exemplum neque a debitore descriptum sit, neque eius mandatu. Sic enim res inter alios acta est, quae propterea alteri nocere non debet, *sic. infr. res int. ali. act.* Quid si descripsit ipse debitor, aut alius quidam, sed voluntate debitoris, & creditori forte traditum est illius instruendi causa, quo deinde & ipse adversus debitorem utitur? Differit Bartolus pro authentico id habendum esse, & fidem facere

cere adversus debitorem. Ego puto etiam id ad definitionem superiore pertinere, nec fidem facere. Nam & definitio generalis est, & manet hic quoque idem metus; quoniam & hæc scriptura fallax est eoque & calumniola. Generaliter autem verum & tenendum est, calumniosam scripturam in iudicio obtinere non debere. Quinimo si propius attendere volumus, reperiemus, quod dicitur exemplis non credi, hoc solum casu proprie dici, cum exemplum a debitore, aut voluntate eius transsumtum est. Etenim cum scriptum est ab alio sine voluntate debitoris, non valet id quidem; non tamen ideo, quia exemplum est, sed quia res acta est inter alios. Nam etsi authenticum eodem modo scriptum esset, debitorem non tene- ret. *L. cum precibus, infr. de prob.* Ut ergo dicatur hic aliquid proprium exem- pli, necesse est intelligi id fidem non fa- cere hoc ipso, quod exemplum est, etiamsi maxime in eo concurrant ea, propter quæ instrumentum authenticum valeret; puta, quia scriptum a debitore, vel eius man- datu.

- 3 Quare † nec si a tabulario, aut scriba publico exemplum instrumenti, actorumve datum erit creditori, etiam voluntate debitoris; id exemplum adversus debitorem fidem faciet. Nisi forte debitor ipse ibi- dem fateatur se id pro authentico habere & ita creditori datum voluisse; tunc enim debitorem confessioni suæ stare oportet. *L. generaliter, infr. de non numera- ta pecun.* Verum hoc ideo, non quia exemplum sit a debitore confirmatum: sed quia sit authentica debitoris confessio. Et tamen fortasse æquius faciet iudex, si hoc casu debitorem audiet desiderantem au- thenticum consuli, si facile haberi possit eius copia. Porrit enim & scriba, & No- tarius, & post eos etiam debitor decipi. Cæterum ubi nulla eiusmodi debitoris confessio, & voluntas est, ratum esse de- bet, nec si a debitore, aut voluntate eius descriptum sit instrumentum, & datum creditori, exemplo fidem haberi: cum propter metum erroris, quem hic fuisse diximus, quem etiam sæpe attentissimis in transcribendo oriri constat: tum etiam, quod nisi definitio constituitur in huius- modi exemplis, nihil dicitur proprium exempli, sed id, quod æque ad omnem scripturam etiam primam pertineat. Negat tamen, ut dixi, Bartolus.

- 4 Movetur † verbis *L. in fraudem, §. neque D. de iur. ff.* Verba hæc sunt: *Ipse autem fiscus actorum suorum exem- pla hac conditione edit, ut ne is, qui de-*

scribendi sit potestas, adversus se, vel Rempubicam his actis utatur. His actis, id est, his exemplis actorum, nam prius dictum erat exempla actorum data esse, non ipsa acta, sed ipsa authentica. Subii- citur continenter: *de quo cavere com- pellitur* (intellige, is, cui describendi po- testas facta est, & exempla data) *ut si usus is contra interdictionem fuerit, causa cadat.* Ergo, inquit ille, cui hæc exempla data sunt, potest uti his exemplis adversus fiscum, qui dedit. Non recte colligit. Po- test enim his uti; quia fiscus agnoscat hæc esse in actis suis. Quod si fiscus neget, aut ignorare se dicat, recte petet, ut acta ipsa consulantur. Sed nihil hac defensione est opus. Ex eo ipso loco satis intelligi- tur, actorum exempla, quæ a fisco data sunt, adversus fiscum fidem non facere. Is enim, qui ea profert, causa cadit, ut illic scriptum est. Quod profecto alia ex re non accidit, quam quod exempla ni- hil probant. Nam his probantibus conde- mnaretur fiscus, ut convicti solent. *L. ne- gantes, Inf. de obl. & aJ.* Sed si exem- pla ista nihil probant, cur eorum usus nocet actori, cum usus fuerit inutilis? non enim nocet conatus, qui effectum non habuit. *L. 1. D. quod quis iur.* Appa- ret conatum hic punitum esse, ne quis facile beneficio fisci adversus fiscum uti vellet. Sed & hic conatus nonnullam ha- bet iniuriam. Eo enim adducit fiscum ut in suspicionem mendacii, aut turpitudinis alicuius veniat: dum fidem exemplorum repudiando alterutrum cogitur, aut ne- gare ea esse in actis, quæ prius in actis esse falsus erat, aut dicere se nec exem- plis a se datis fidem habiturum, neque nunc acta ipsa editurum, quorum alterum mendacii est, alterum manifestæ cuius- dam turpitudinis & confessionis. *arg. L. manifestæ, D. de iur.* In fisco ergo hæc exempla adversus fiscum non probant, & nihilominus vetantur ea proferri, ac si contra fiat, poena statuitur. In privatis hoc commune, quod & exempla a debi- tore data non magis adversus eum fidem faciunt. Solum hoc dilat, quod. si cre- ditor his utatur ea proferendo, poena non progrediat longius, quam ut ne his fi- des habeatur: Cæterum aliis modis pro- bando sibi deberi, vincit.

Movetur † idem Bartolus exemplo ar- gentarii, qui iubetur rationes suas edere ei, ad quem pertinent, ipsi autem petenti eas rationes sibi ab alio edi, denegatur. *L. si quis §. pen. D. eod.* nempe petenti exemplum rationum suarum, quarum de- scribendarum prius copiam † fecerat ex edi- cto.

fio. De exemplo ergo rationum argentarii dato illic agitur, quod placet recte postulari, & impetrari ab argentario. Hinc Bartolus colligit, exemplum illud rationum adversus argentarium, qui dedit, fidem facere. Quorsum enim inquit, obtineri hoc exemplum, nisi ut probet? Quod non ita est. Petit quis exemplum rationum argentarii, si eo exemplo contentus esse velit, ad se instruendum videlicet. *L. argentarius, §. 1. D. cod.* Eo uti si velit ad fidem, non potest: eiusque rei argumentum est certissimum, quod cum de fide eorum quaeritur, quæ ad rationes argentarii pertinent, dicitur decurri ad fidem ipsarum rationum; harum probationem scriptura, codicibusque argenti-
riorum maxime contineri, denique ea gra-

tia iuberi rationes edi. *L. quædam, §. nummularios, §. ceterum D. cod.*

Hæc † dicta sunt de exemplis privatis: 6
Publicati instrumenti fides eadem, quæ authenticæ. *L. 2. infr. de testam.* Publicandi instrumenti formam habes in *C. ult. extr. de fid. inst.* Hinc chirographa in inventarium relata, & descripta fidem faciunt. *L. chirographis, D. de adm. tut.* quia inventarium fit auctoritate publica magistratus *L. ult. C. arb. tut.* Ex tamen ne hæc quidem ipsa exempla publica facta aliter recipiuntur ad fidem, quam si authenticum perierit casu, qui probetur ab eo, qui exemplo utitur. *d. L. 2. infra de testam.* Id & significatur in *d. L. chirographis, de adm. tut.*

L. Et quæ. ult.

Imp. Alexander A. Floro.

Et quæ a D. Antonino patre meo, & quæ a me rescripta sunt, cum iuris & æquitatis rationibus congruunt. Nec enim diversa sunt vel discrepantia: quod multum interfuit, an ex parte eius, qui aliquid petit, quique doli exceptione submoveri ab intentione petitionis sua potest, rationes promi reus desideret, quibus se posse instruere contendit, quod utique ipsa rei æquitas suadet: an vero ab eo, a quo aliquid petitur, actor desideret rationes exhiberi: quando hoc casu non oportet originem petitionis ex instrumentis eius, qui convenitur, fundari. PP. Calend. Octobr. Fusco & Dextro Coss.

S U M M A R I A.

1. Rationes suas cur actor reo edere debeat, reus actori non debeat, differentia ratio exposita, & huius explicationis occasio.
2. Ratio duplex: Prior.
3. Posterior.
4. Rationes suas non edentem actorem reo dolo facere, et si prima ratione non videtur. Hinc doli adversus eum exceptio.
5. Cum iuris & æquitatis rationibus congruere quid sit.
6. Instrumenta sua alia, quam rationes

nec actorem reo edere cogi, si his usus non sit.

7. Rationes suas quibus quis usus sit, adversario edere debere etiam reum actori.
8. Rationes suas reus negans intentionem actoris edere actori non cogitur: de intentione confessus, & exceptione utens edere cogitur ad fundandam exceptionem suam.
9. Rationes suas reus actori ad fundandam actoris replicationem edere non cogitur.

Hoc † rescripto reddit Alexander rationem, cur quibusdam rescriptis superioribus ita ius constitutum sit, ut placeret reum quidem non cogendum in universum instrumenta sua, eoque &

rationes actori edere: actorem autem cogendum desideranti reo edere suas rationes: quorum prius de reo comprehensum erat *L. qui accusare, supr.* constitutione nimirum Antonini, quem Alexander-

Alexander hic patrem suum nominat, non quia pater esset, sed quia talem videri volebat: certe solebat semper ita appellare, ut auctor est Herodianus in *vita Alexandri*. Posterior de actoris rationibus cautum duobus rescriptis sequentibus, quæ erant huius ipsius Alexandri. *L. non est novum, & L. infum, supr. cod.* Occasione eius differentie hoc rescripto explicandæ hinc nata. Petebat actor, ut reus in causâ, de qua agebatur, rationes suas ederet, quod diceret statim & sine molestia ex his constare posse reum debere, quod petebatur. Negabat reus se cogendum edere: proferebatque in eam rem superius illud rescriptum Antonini, quo de instrumentis rei ab eo non edendis generaliter & diserte cavebatur. Actor intendebar cogendum: esse enim contra rescripta Alexandri, quibus caveretur actorem postulantem reo rationes suas edere debere, ut fides veri constare possit. *d. L. non est novum & L. infum.* hæc rescripta etiam ad reum pertinere; quia eadem illa ratione implorarentur rationes rei, ut scilicet fides veri adversus reum constare possit. Cum hoc ita videretur consequens esse rescriptis Alexandri: nihil aliud supererat, nisi ut de hac rationum rei editione discrepantia rescripta esse viderentur Antonini & Alexandri: in eaque discrepantia consulatur a litigatoribus, vel potius a iudice Alexander, quid hic iudicem sequi oporteret. Consulens Alexander respondet iudicem sequi debere rescriptum Antonini patris sui, quo diserte cautum sit, ne reus instrumentorum suorum inspicendorum potestatem actori facere cogi deberet. Quod & ad rationes pertinet. Sunt enim & hæc instrumenta: quippe ad instruendum quemque de rebus suis pertinentia. *L. argentarius, §. 1. D. cod.* Nec metuere debere iudicem, ne id facere impediatur rescriptis suis, aut ne videantur ea rescripta contraria, quæ actorem rationes suas petenti reo edere iubent. Non enim hæc diversa esse, vel discrepantia: quoniam de dissimilibus personis ita scripta sint, ut diversis de causis utrumque in his recte dicatur, & ut ipse loquitur, utrumque cum iuris & æquitatis rationibus congruat. Unde utrumque illud ius statuere intelligitur, atque hinc differentie rationem oritur.

Hanc tamen duplicem tacite innuere videtur, utramque obcurius: quomobrem utraque paulo apertius explicanda est. Una est sumpta a facto & sine personarum actoris videlicet, & rei rationes alienas implorantium; etque huiusmodi. Nam reus im-

plorando rationes actoris facit coactus, neque id ad lædendum actorem, sed ad se tuendum muniendumque adversus eum, qui petit. Actor contra implorando rationes rei, implorat, ut hic significatur in *extremo*, ad fundandam originem petitionis suæ: proinde nec coactus, & simul ad impetendum oppugnandumque reum: quorum utrumque superiori defensioni rei est contrarium. Nam origo petitionis indicat controversiam ab actore natam, quam ille instituere necesse non habuerit. *L. qui in alterius, in fin. D. de reg. iur. L. pure, §. ult. D. de dol. mal. exc.* Petitionis autem verbum declarat actorem spectare ad reum oppugnandum. Prius concedi manifesta æquitas suadet: posterius hæc eadem denegari. Ex qua æquitate hæc nata; procliviores vos esse debere ad liberandum, quam ad obligandum. *L. Arrianus, D. de obl. & all. item, favorabiliores esse reos, quam actores. L. favorabiliores, D. de reg. iur.* Quo pertinet & illud Quintilian lib. 4. c. 1. *naturalis est pro laborantibus favor.* Altera tamen differentie ratio ducta est a dolo, qui admittitur in rationibus denegandis. Actor, inquit Alexander, rationes suas edere cogitur postulanti reo; quia iussu edat, doli exceptione summoveri ab intentione petitionis suæ potest, id est, quia non exhibendo rationes suas petenti reo, dolo facit, unde est doli exceptio. Contra vero reus ideo actori rationes suas edere non cogitur, quia dum eas ad fundandam originem petitionis denegar, nihil facit dolo, cum hanc originem & petitionem ex instrumentis rei fundari non oporteat.

Habes differentie rationem in rationibus exhibendis inter actorem & reum hoc rescripto traditam; sed quæ nondum plane constituta sit. Laborat enim ratio posterior: quæ tamen præcipue hoc rescriptum nitiur. Ait tamen actorem, nisi rationes suas edat reo, doli exceptione summoveri posse. Falsum, dicat aliquis, & merito, ut videtur. Neque enim potest doli exceptione summoveri, qui dolo nihil fecit. *L. 1. L. 2. in prin. D. de dol. mal. exc.* Quid est autem, quod actor rationes suas adversus se non exhibens dolo faciat? Imo potius quid hic facit non alienum a dolo? Traditur regula iuris, neminem dolo facere, qui iure suo utitur, *L. nullus, D. de reg. iur.* Actor dum rationes suas apud se retinet, & præcipue cum non vult eas proferre adversus se, maxime iure suo utitur. Est enim dominus rationum: domini ius est de re

E

sua

sua statore, ut velit, vel eam retinendo, vel aliis communicando. *L. in re, infra. mand.* Sed & hoc maxime cuiusque, ne cogatur se lædere, qui etiam alterum lædere prohibetur: quod est in primis præceptis iuris. *L. in iustitia, D. de iust. & iur.* Quare, dum hæc facit actor, aperte nihil videtur dolo facere, eoque nec in eo doli mali exceptione removeri posse. Sed vere dicitur dolo facere actorem, qui petenti reo rationes suas edere recusat. Id prius ita esse ostendamus, deinde de obiectione respondebo. Arguitur vero in eo doli actoris his de causis; & quod contra id, quod agendo recipit, facit, & quod non præstat reo, quod ab eo exigit. Primum actor actionem instituoendo affirmat verum esse, quod intendit, & simul suscipit eius probationem: nam hoc ipsius onus est, *L. actor, infra, de prob. L. qui accusare, supra. hic.* Ideo nec ullam rem, qua de re controversa constare possit, reiecit, aliqui intentioni suæ & consilio adversaturus. Nunc autem eiusmodi rem reiecit, qui rationes ad eam probationem inducere recusat. Dolo ergo facit, qui adversus officium a se initio susceptum facit. Quinimo contraria explicando seipsum ab intentione excludit. *arg. in L. 2. in pr. D. quan. app. sit, L. ubi pugnantia, D. de reg. iur.* Tum autem actor cum petit decem, & reum aliqua exceptione utentem non audit, nempe hoc ab eo petere intelligitur, ut in exceptione sua sit verus, & bonam fidem agnoscat. Qui veritatem defensionis a reo exigit, prius hanc ipse in intentione præstare debet, nihil ut recuset, ex quo de ea veritate possit constare, quod quidem illi suspectum esse non debeat. Si recusat, aperte dolo facit. Facit enim adversus æquissimam regulam iuris naturalis anelctam edicto. Quod quisque iuris in alium statuerit, ut ipse eodem iure utatur. *L. 1. D. quod quisq. iur.* Sic porro sunt actoris rationes, ut cum ad fidem rei controversæ vocantur, eas suspectas habere non possit; quippe quas conficit ipse, & conficiendo comprobavit. Quo circa si hæc postulantur a reo, ut fides veri constare possit, eam conditionem repudiare non potest. Si facit, dolo facit; quis contra superiorem illam æquitatem naturæ. Adversus quam qui petit, constat competere adversus eum doli mali exceptionem. *L. 1. D. de dol. mal. exc.* Nunc respondebo de obiectione. Ex verum non est, cum actor postulanti reo rationes suas ad fidem veri edere non vult, id eum suo iure facere. Nullo vero iure id facit, quem contra iu-

ris & æquitatis rationem in eo facere ostendimus. At enim dominus ius est de rebus suis statuere, ut velit: illud cuiusque maxime, ne probationes adversus se subministrare debeat adversario. Hæc ita sunt, nisi quis illa facto suo amiserit; nisi facto suo rei suæ edendæ; & adversus se edendæ necessitatem sibi imposuerit. Quod accidit in rationibus actoris, cum ipse aliquid petit ab eo, quod eius causæ fidem impleri velit ex ipsius petitoris rationibus; quod quamobrem fiat, ante docuimus. Nihil simile in reo, qui inficiatione utitur, & in hac rationes suas edere recusat desideranti actui. Nihil, inquam, hic facit reus, cuius ius illud suum, quod dominorum est, in rebus suis pro arbitrio retinendis & adversus se non exhibendis, amittere debeat. Etenim negando, non modo probandi necessitatem in se non suscipit, sed etiam hoc ipso facto a se remouet: cum onus probandi sit actoris, non negantis rei. *L. actor, infra, de prob. L. 2. D. eod.* Idem ab adversario nihil exigit contentus sola inficiatione. Ideo nec quidquam est, quod actori prius præstare debeat, ut nisi id faciat, videatur dolo facere. Constituta igitur differentia est inter actorem & reum in rationibus eorum ab alterutro edendis. Vereque dictum hic est, quæ rescripta prius eam statuerunt, cum iuris & æquitatis rationibus congruere: *iuris* etiam ab aliis ante constituti: *æquitatis*, id est, eius iuris, quod semper æquum & bonum est, & est ius naturale. *L. ult. D. de iust. & iur.*

Sed meminimus statui hanc differentiam inter actorem & reum in rationibus, & iis quidem, quibus neuter usus sit. Quod si aut de aliis eorum instrumentis agetur, quibus neuter in causa uti velit, aut ageatur quidem de rationibus, sed quibus ambo uti statuant; omnis ista differentia superior tollitur. In instrumentis autem par utriusque causa est & actoris & rei, siquidem his usui non sint. Non cogitur reus ea exhibere actori, *L. qui accusare, supra. eod.* Ne actor quidem cogitur exhibere reo, *L. 1. §. edenda, D. eod.*

Sed et si de rationibus agetur, quibus illi usui sint, hic quoque par edendi necessitas in utroque. Cogitur suas illas exhibere actor reo: cogitur & reus suis, quibus itidem utatur, exhibere actori. Generalis enim de instrumentis & rationibus omnibus definitio iradita est in *d. L. 1. §. edenda, D. eod.* edenda esse omnia, quæ quis apud iudicem editurus est, vel ut postea subiciatur, quibus ille usu-

usus est, id est, quibus ostendit se in illa causa uti velie, & quæ ad eam rem profert. Qui dixit omnia, aperte & rationes, & instrumenta quævis alia complectitur. Et cum dicitur, quæ quis editurus est, non obscure hic quoque ad omnem, qui id faciat, definitio relata est, tam reum, quam actorem. Ac ne dubitemus pertinere hæc quoque ad reum, sive hic rationibus suis, sive aliis instrumentis ad defensionem suam uti constituerit: confirmatur nominatim in huius persona hæc sententia in *L. pen. §. ult. D. ad L. Fal.* in specie huiusmodi. Nam cum legatariis legatum petentibus opponeret heres legem Falcidiam, quasi legatum esset supra dodrantem: placet illis heredem, eundemque reum legatariis desiderantibus cogi edere rationes defuncti, & alia instrumenta hereditaria, per quæ probetur in ratione legis Falcidiæ, quantum sit in bonis. An hic quidquam putamus responderi superiori iuri & distinctioni contrarium; quia diximus reum non cogi edere actori rationes suas, multoque minus instrumenta sua alia? Nullo modo contrarium. Hoc enim posterius dictum est de his rationibus, quæ implorantur a reo hoc ipso, quod sint rationes, quibus de fide veri constare possit; non autem, quia his reus uti velit. At in superiore specie proponitur heres conventus nisi exceptione legis Falcidiæ, & in hac se tueri rationibus & instrumentis defuncti, ex quibus constare possit de quantitate patrimonii. Ergo ideo iubetur illa exhibere, quia ad exceptionem probandam his instrumentis usus esset. Quod cum sit, iam diximus quisquis his usus est, ea prius adversario edere debere. Tolle usum futurum rationum, instrumentorumve aliorum: manebit ius superius, non cogi unquam reum instrumenta ulla sua propria, quibus usus non sit, postulant actori privatio edere: ac ne rationes quidem suas, quævis actor suas reo desideranti omnimodo edere cogatur.

Sed additur in hoc rescripto, non cogi reum rationes suas actori edere ad fundandam originem petitionis. Sic enim verba sunt in extremo; *Si ab eo, a quo aliquid petitur, actor desideret rationes exhiberi, non oportet hoc casu originem petitionis ex instrumentis eius, qui convenitur, fundari.* Quid ergo, si aperte non imploret actor rationes rei ad fundandam petitionem suam, sed aut ad fundandam exceptionem rei, qua ille utatur, aut ad fundandam suam ipsius replicationem, qua utatur adversus exceptionem?

Tom. VII.

Nam in his duabus causis de origine petitionis non agitur. Dicendum est, prout in his imploratio instrumentorum rei spectat ad fundandam originem petitionis; ita desiderium actoris repndiari ex superiore definitione: prout autem non spectat, ita desiderium eius admitti ex eadem definitione. Quod enim certa ratione constitutam est, in eo id observatur, ut cessante ratione ius quoque ipsum deficiat. *L. quod dictum, D. de pall. L. in omnibus causis id observatur, D. de reg. iur.* Horum autem alterutrum aliter accidit, cum agitur de exceptione rei, aliter cum de actoris replicatione. Quare de utroque separatim querendum est.

Propone igitur de exceptione hoc modo: Petit actor decem mutua. Reus dicit se pacto ab actore liberatum, aut quod exceptioni simile est, se solvisse. Contendit actor de ea exceptione, aut solutione constare posse ex rei rationibus. Ideo petit illas in eam rem exhiberi. An audiendus sit, queritur. Distinguemus, utrum reus neget intentionem actoris, & simul tamen exceptione nitatur; ut, si neget se mutuum accepisse, & tamen si mutuum intervenerit, dicat se pacto, aut solutione postea liberatum, quæ depulso concessa est, *L. siquidem, infr. de exc.* an vero aperte de intentione actoris confessus exceptione, aut solutionis allegatione se defendat: ut priore casu reus actori rationes suas edere cogendus non sit? posteriore sit cogendus: utrumque ideo, quia incidat in eam definitionem, quam dixi. Nam cum reus intentionem actoris inficiatur, ipsa editio spectat ex parte ad fundandam petitionem actoris. Intentio enim negata indiget probatione, ut fundetur. Ad banc probationem valet editio rationum rei. Quid enim, si in eas retulerit reus se pecuniam vere accepisse; de pacto autem, aut solutione postea secuta nihil in his scriptum sit, aut etiam aperte scriptum sit hæc parata fuisse, sed non intervenisse? Cum autem reus de intentione actoris confessus exceptione nitatur, non potest dici editio rationum rei pertinere ad fundandam petitionem actoris, quæ confessione rei satis fundata & constituta est, eoque aliam probationem non desiderat, *L. 3. infr. quib. ad lib. prov. non lic.* Quapropter audiendus est actor, si ut de fide eius exceptionis constare possit, imploret rei rationes. Neque id colligitur tantum ex definitione huius resccripti; sed etiam certa ratione iuris eius, quod hic reo tributum est, efficitur. Ius enim certum ante positum est, idque

E 2

ipsum

ipsum hoc rescripto magis confirmatur, reum implorare posse rationes actoris, ut de fide intentionis eius possit constare. *L. non est, l. iustum, supr. eod.* Atqui reus in exceptione actor est, & is, qui actionem instituit, reus, *L. 1. D. de exc. l. in exceptionibus, D. de prob.* Quamobrem & actor in exceptione rei adversus reum tanquam mutatis personis eodem iure uti debet. Ita fiet, ut rationes rei implorare possit ad fidem exceptionis expediendam; alia autem instrumenta rei non possit, nisi si quibus reas ad exceptionem probationum uti instituat, ut ante dixi.

9. Iam §. de replicatione actoris videamus. Finge huc modo: Petit quis decem mutua. Reus tuetur se exceptione pacti, quod dicat actorem pactum esse, ne peteret. Actor hoc confessus replicatione utitur, ac refert ex adverso pactum factum esse, ut sibi petere liceret, qualis species proponitur in *L. si unus, §. pactus, D. de pact. §. Inst. de repl. in pr.* Si in hac replicatione desideret actor rationes rei sibi exhiberi, an engendus sit reus exhibere, quaeritur? Vulgo probatur cogendum esse, idque defendit Bartolus hoc loco, motus maxime verbis superioris definitionis, quod dicat implorationem rationum in hac specie non pertinere ad fundandam originem petitionis, sed ad replicationem: in qua constat originem actionis non esse, sic aotem verba sunt eius definitionis, *non oportere originem petitionis ex instrumentis rei fundari.* Ego autem moveor istidem istis verbis, ut puenem actorem implorantem rationes rei ad fidem replicationis suae sudiendum non esse; quia sic peratur editio ad fundandam originem petitionis, quod definitio prohibet. Quorsum enim replicatio, quorsum replicationis confirmatio, nisi ut exceptione remota, quae replicatione summoveatur, fundetur, id est, stabiliaur & constituaur origo petitionis, quae aliqui ruitura erat? Sed & hoc confirmatur maxime eo iure, quod in hac editione de actore constitutum est. Placet enim actorem a reo desiderare non posse, ut sibi ad probationem intentionis suae instrumenta rei exhibeantur, denique actore non probante placet reum, etsi nihil ipse praestet, obtinere, *L. qui accusare, supra.* quod rescriptum Antonini est, idein, quod hoc rescripto aperte confirmatur ab Alexandro. At nemo ignorat actorem in replicatione vere actorem esse. *L. 2. D. de*

exc. Quare & eodem isto iure actoris utatur, neque postulet, ut reus uil praestiterit instrumentis suis replicationis fidem, condemnatur. Non me mouet, quae a Bartolo pro contraria sententia asseruntur. Ille hanc probari putat *L. pen. §. ult. D. de leg. Fals.* qui locus plene ad rem nihil pertinet. Illic enim cogitur quidem heres, idemque reus exhibere legatariis agentibus rationes & instrumenta defuncti, id est, sua: non iam ad fundandam replicationem actorum, qui nulla replicatione utebantur; sed ad expediendam fidem exceptionis, quae sola ab herede obiciebatur, ut supra de hoc ipso loco ostendi; iam dixi reum in exceptione actorem esse; ut non sit mirum, si ut de ea exceptione constare possit, ibi reus, qui iam actoris personam suscepit, actori, qui pro reo est, rationes suas exhibere cogatur, pro iure adversus omnes actores constituto, & hic, & in *d. l. non est, l. iustum, supr. eod.* Sed hoc amplius observandum est in superiore specie, heredem cogi etiam instrumenta defuncti alia, quam rationes legatariis actoribus edere. Verum hoc ideo, ut de eadem specie ibidem docui, quod ad exceptionem legis Falcidia, quam heres obligeabat, idem se istis instrumentis tuebatur, eoque & his usus erat, si vellet exceptione probari. Sic etiam ratioclnatur Bartolus; Actor reo cogitur rationes suas edere ad fundandam exceptionem rei. *L. iustum, supr. eod.* Ergo & reus actori suas ad fundandam replicationem actoris: quoniam replicatio nihil aliud est, quam exceptio. *d. l. 2. §. 1. D. de exc.* Sed male hae comparantur, ut vitiose ex uno alterum colligat. Replicatio quidem exceptio est: sed longe dissimilis. Exceptio a reo est, & ad eum defendendum liberandumque spectat. Replicatio ita est exceptio, ut sit ab actore, spectetque ad reum impugnandum, atque obligandum. Et hic quoque ante diximus longe aliam causam esse rei, aliam actoris, protioresque nos esse debere ad liberandum, quam ad obligandum. *L. Arrianus, D. de obl. & act.* Sed & quod propius rationem huius loci attingit, animadverti debet, rationes, quae implorantur ad exceptionem probandam, non pertinere ad fundandam originem petitionis, sed ad infirmendam: contra vero quae implorantur rationes ad replicationem fundandam, petuntur eadem ad fundandam petitionem: quod huic loco adversatur.

AD TIT. II. LIB. II.

C. de in ius vocando.

SUMMARI A.

1. *Vocari reum in ius nunc omnino oportere; & quoniam id ad agnitatem & necessitatem iudicii pertinet.*
 2. *Non vocato in ius reo, quidquid adversus eum, aut pro eo pronunciatum sit, aut decretum, nullius momenti esse.*
 3. *Non vocatus reus si in iure inventus ultro petenti respondeat, id pro vocatione habendum, & iudicium consistere.*
 4. *Vocatio quomodo instituenda adversus absentes.*
 5. *Vocandus reus in ius ante omnia, ut vocatio precedat etiam editionem.*
 6. *De edendo titulum prius in edicto perpetuo propositum, quam de in ius vocando; & cur, cum vocatio agendi ordine sit prior.*
 7. *Vocatio editione prior etiam secundum veterem ordinem iudiciorum.*
 8. *Vocare in ius quid sit Iustiniano, & eius definitio defensa ex §. ultim. Inst. de pœ. tem. lit.*
 9. *Vocationem in ius esse ad eum, qui iurisdictionem habet, non ad iudicem pedanensem, seu datnm.*
 10. *Vocare in ius quid sit Paulo. Et huius quoque recta definitio. Experiri ius, experiri de iure, & experiri absolute eadem veteribus, & quid vultant. ibidem.*
 11. *Vocare quem aliquo, esse denunciare ei, & iubere, ut ibi adsit, non autem invitum eo trahere, vel ducere.*
 12. *Vocare in ius plena definitione quid sit.*
 13. *Vocandi in ius qui ritus & olim, & nunc.*
 14. *Vinctores, & Apparitores, qui.*
 15. *Vocari in ius qui in totum non possunt iure veteri, & qui non possint sine permisso prætoris: quæque vetandi ratio prætori.*
 16. *Vocatis in ius hanc necessitatem olim impositam, vel ut irent statim, vel ut satis aut tantum darent iudicio sibi ad constitutam diem.*
 17. *Cautio iudicio sistendi causæ quid contineat, quotuplex, & qualis fuerit olim pro reorum qualitate.*
 18. *Vocatum non rite caventem iudicio sibi, ius fuisse privato in ius ducere & trahere invitum, nisi domi sua esset.*
 19. *Ductio in ius, ut statim reus in iure litem contestari cogeretur, nisi mallet illic cavere in diem, constitutum.*
 20. *Lite non contestata de re iudicari non posse iure Romano.*
Hinc cautio iudicio sistendi causæ, & in ius ductio remedia olim introducta cogendi rei causæ ad in ius veniendum, cum vocatus esset: quibus locus non est hodie in iis locis, in quibus potest lite non contestata adversus absentem agi. ibidem.
- A**D iudicium ¶ instituendam adversarius initio in ius vocandus est. §. ult. Inst. de pœ. tem. lit. Id iudicii finis atque æquitas exigunt. Iudicio enim agitur, ut recte atque ordine contendatur cum adversario. Quod ita sit, si auditus & convictus condemnatur: non convictus absolvatur. Nec quisquam non auditus, & indicta causa aut dammandus, aut absolvendus. L. negante, infr. de obl. & act. Non audietur a iudice, nisi ad iudicem venerit, ibi iura sua expositorus, & tra-
- staturus, si volet. Neo veniet, nisi vocatus. Vocari igitur oportet, quo ad finem, & æquitatem illam iudicii perveniat.
- Hoc ita ¶ iure exigitur d. §. ult. Inst. de pœ. tem. lit. ut appareat, si vocatio non præcesserit, in reliquo iudicio nihil agi, id est adversus eum, qui in ius vocatus non est, aut pro eo nihil a iudice cognosci, aut statui posse. Si quid contra factum sit, pro infecto esse, ut contra ius factum. L. non dubium, supr. de legis. ut factum contra iudiciorum ordinem: cuius

cuius generis decreta, & iudicata nullius sunt momenti. *L. prolatum, infr. de sent. & int.* Quid tamen si adversarius invenitur in iure, ibique conveniatur apud magistratum pro tribunali sedentem, conventus ultro ac statim respondeat, & litem contestetur? an iudicium, quod sequitur, & sententia non valebit? Puto valere. Instituta est enim vocatio adversarii causa, ne inanditus damnetur. Licuit ei huic iuri renuntiare. *L. pen. infr. de pact.* Et vero quorsum aliam vocationem desideremus, quæ sit supervacua? Habemus enim nihilominus finem iuri propositum, quamvis vocatio non præcesserit. Et ita in toto iure observatur, ut quæ desiderantur iure non propter se, sed propter finem aliquem alium non sint necessaria; nec requirantur tunc, cum sine his nihilominus finem propositum consecuti sumus. Exempli causa; traditio in dominiis transferendis requiritur iure, *L. traditionibus, infr. de pact.* Perspicuum est hanc requiri, ut res veniat in possessionem eius, cui rem traditam volumus. A possessione enim dominia iure gentium. *L. 1. in pr. D. de acq. poss.* Hæc autem traditione transfertur. Finge rem, quam translata volumus in aliquem, iam esse apud eum, puta commodatam, aut depositam. Placet hoc casu sola voluntate domini proprietatem in eum transferri, *L. qua ratione, §. interdum D. de acq. rer. dom.* scilicet quia sit supervacua traditio possessionis transferendæ causa, ubi iam possessio sit penes eum, quem volumus.

Vocari si absit adversarius, cum quo institutum agere? Mittetur domum eius, & vocatio domesticis significabitur, qui hanc domino renuntient. *arg. in L. 4. §. prætor. D. de dam. inf.* Quid si nec domum, nec domicilium habeat, & nusquam exstet? Illic faciendum est, quod sit adversus eos, qui copiam sui non faciunt, neque defenduntur, quod quale sit, declaratur in *d. L. 4. §. quoties, D. de dam. inf. & L. hæc autem, §. 1. D. quib. ex causis in poss. eat.*

Ut si adversarium in ius vocari oportet, sic & ante omnia vocari, ut vocatio præcedat etiam editionem, non, ut quidam putant, editio vocationem. Quod & natura ipsa rei gerendæ fieri debere ostendit, & traditur in *d. §. ult. Inst. de pæ. tem. lit.* Sic enim illic scriptum est. *Omnium actionum instituendarum principium proficiscitur ab ea parte, quæ est de in ius vocando. Utique enim in primis adversarius in ius vocandus est. Si*

hinc principium instituendæ actionis, non est initium ab editione. Si in primis adversarius in ius vocandus, non in primis debet ei edi actio. Ex nunc instituendæ actionis ordinem sequitur collocatio titulorum in Pandectis, ubi prior est titulus & tractatio de in ius vocando, sequitur de edendo.

Quid si est igitur, quod is ordo hic convertitur? Videmus enim prius de edendo titulum propositum esse, deinde hunc de in ius vocando. Vitiose, dixerit aliquis, ut & alia multa peccata sunt in hac collocactione tum rerum, tum titulorum a compositoribus. Immo & hic idem ordo fuit in edicto perpetuo: quod probat ordo librorum scriptorum ad hos titulos tum Ulpiani, tum Pauli. Ulpianus enim ad edictum de edendo scripsit *lib. 4.* Paulus *lib. 3.* Ad edictum autem de in ius vocando Ulpianus scripsit *lib. 5.* Paulus *lib. 4.* ut indicant Inscriptiones eorum capitum, quæ exstant sub his titulis in Pandectis. Quod si hæc ad edictum & isto ordine: fuit omnino & hic ordo edicti, alioqui scripta hæc forent, non ad edictum, sed præter edictum; quia præter edicti ordinem. Quid ergo est? Ex ut duplex hic ordo occurrit, ita utrumque propria ratione recte defenditur. Alius est ordo cogitandi, & se ad sumram vocationem comparandi; alius faciendi & exsequendi, quod constituitur. Cogitandi & se comparandi ordine prior est libelli conceptio: sic deinde hæc bene constituta sequitur, ut adversarium in ius voces, eique edas, quod conceperis. Agendi autem ordine prior est vocatio, sequitur editio. Prius est enim in agendo, ut in ius voces: proximum, ut cur, aut ad quid voces, ostendas. Priorem ordinem ut doctrinæ & institutioni futuræ actionis convenientem secutus est Iulianus in edicto perpetuo componendo. Cui congruit & is, quem in his titulis hoc loco Codicis servatum videmus. Alter ille magis placuit in Pandectis. Ex hoc, ut videtur, rectius. Est enim naturalis, & instituendæ præfenti cum alio actioni solus convenient. De instituenda autem actione nunc agitur. Nec si vero aliter ius fuit veteribus, quam ut prius in ius vocari oporteret adversarium; tum deinde ei ederetur actio, etiam si quis ad veterem ordinem iudiciorum nos revocet, quo actiones impetrabantur a præiore, *L. 2. infr. de formul. & impetr. act. subl.* Nam primum non impetrabatur actio ante vocationem, ne quis forte hanc impetrationem vocationi anteponat; sed tunc, cum lis contestabatur.

tur. Tunc enim dicebatur actor iudicium accipere; unde lis contestata & iudicium acceptum pro eodem. *L. cum fundus, in pr. D. si cer. pet. L. vulgo, D. de usur. L. illud, D. de her. pet.* Impetrabatur autem iudicium, seu actio, cum accipiebatur; nec accipiebatur, nisi impetrata: ut accipere & impetrare idem hic valeant. Deinde ut quis concedat prius actiones impetrari debuisset, quam edi, de quo non litigabo: tamen ea res non facit, quo minus præcederet vocatio editionem. Semper enim hic ordo futurus esset, ut prius quidem impetrare oporteret actionem, quam ad hanc instituendam in ius vocare: at certe & vocare etiam prius, quam vocato edere. Etenim post impetrationem saltem actionem reo significare oportet: in quo est vocatio in ius, initium scilicet litis instituendæ. Et vero etiam temporibus veterum iurisperitorum, quibus in usu adhuc erat actionum impetratio, vocationem præcessisse, secutum autem esse editionem, & quidem interdum multo post, non obscure probat *L. non videtur 13., D. de iud. Non videtur*, ait Modestinus, *in iudicem concessisse, qui edi sibi genus actionis apud eum iudicem desiderat.* An qui id desiderat, hunc Modestinus intelligit vocatum in ius, an non? Vocatum sine dubio. Alioqui ad iudicem non venisset, neque hac exceptione defugeret iudicium, quod ante non intenderetur. Nondum tamen edita ei erat actio, utpote quam sibi edi desiderat. Vocatum igitur Modestinus intelligit, cui actio ante non erat edita; sed postea edenda est: & quidem ita, uti eam edi reus multo post posset, nempe apud iudicem. Semper ergo, ut dixi, ordine agendi vocatio prior, editio posterior. Sed quoniam actor, cum ream in ius vocat, ne frustra vocet, iubetur ei actionem edere, seu libellum offerre, qui hanc editionem in se habeat, *auth. offeratur, D. de lit. cont.* meditando & se comparandi ordine prius est, ut is de actione seu libello recte concipiendo instruat, quem deinde recte conceptum offerat, edatve ei, qui in ius vocatus erit.

Postquam adversarius in ius vocandus est, cognoscendum est, quid sit in ius vocare, ut quod definitio verbi indicabit, id servemus in re tum, cum ad adversarium in ius vocandum ventum fuerit. Sic † Iustinianus explicat in *S. ult. Inst. de p. tem. lit.* ut in ius vocare sit *vocare ad eum, qui ius dicitur sit.* Cur non dixit, esse vocare in eum locum, in quo ius redditur: cum iuris verbum alias quidem sa-

pe id declararet, *L. pen. D. de inst. & iur.* hoc autem loco non aliud significet? Sic enim verbum intelligi necesse est, quoties præpositionibus servit, aut motum ad locum, vel ex loco, aut consentientiam in loco significantibus. Motum ad locum, ut cum dicimus *vocare in ius, ire in ius, & similia, sit. D. in ius voc. ut eant, vel sat. vel cau. dent.* Motum ex loco, ut in veteribus formulis cum dicebatur, ex iure manu confertum vocare. Consentientiam in loco, ut cum dicebatur, quando te in iure conspicio; ut cum dicimus confessos in iure pro iudicatis haberi, *L. 1. infra, de conf.* Cum ius, inquam, in his orationibus id significet, cur non dixit Iustinianus, *in ius vocare, esse vocare in eum locum, in quo ius redditur*; ut vim verbi definiti exprimeret? Quia rem definire voluit, non verbi significationem tradere, non immerito; quandoquidem sola verbi significatio cognita non sufficeret ad rem, de qua hic agitur, explicandam. Potest enim quis vocari in eum locum, in quo ius redditur, ut tamen vocetur ad scribam, aut advocatum, vel ad consiliarios aliquem, non ad eum, qui ius dicitur sit. Hoc autem non est in ius vocare, ut nunc in ius vocationem exigimus. Volumus enim ad eum vocari, qui de re controversa ius dicitur sit. Definitio ergo hic rei est, non explicatio nominis. Et tamen si quis hanc ipsam explicationem desideret, habet in his verbis expositam. Neque enim potest quis vocari ad eum, qui ius dicitur est, quin vocetur una in eum ipsum locum, in quo id ius dicitur, & quidem eum, in quo publice more maiorum ius dici solet: quando nec alibi ius dici potest, nec alius locus ob eam causam ius dicitur. *L. pen. D. de inst. & iur.* Sed si hic definitionem rei esse volumus, verendum est, ne definitio sit vitiosa; quia manca; deest enim, iuris experiundi gratia, quod Paulus in huius verbi definitione expressit in *L. 1. L. de cod.* Manca esset, nisi in eo *S. ult. de pen. tem. lit.* intelligeretur ex præcedentibus Iustinianum hoc ipsum sentire, ac prope verbis exprimere. Proponit enim de actionibus instituendis. Omnium earum instituendarum principium esse in eo, ut adversarius in ius vocetur. Subiicit: *id est, ad eum, qui ius dicitur sit.* Hic ordo sermonis satis indicat, atque adeo cogit eum intelligi, qui ius dicitur sit de re proposita, id est, de actione, de qua instituenda sermo erat, ut sit sententia, adversarium in primis in ius vocandum, id est, ad eum, qui ius dicitur sit.

Atus sit de his ipsis actionibus, quas instituimus, & quarum instituendarum causa adversarium in ius vocandum esse voluit. Porro adversarium vocare, ut ius dicatur de actione sua, nihil aliud est, quam vocare iuris experiundi causa. Recta igitur definitio additis circumstantiis eius loci, quæ si seorsim a propositione eius loci transmutatur, non careat vitio.

- 9 Bene ¶ autem dixit, *ad eum, qui ius dicturus est*, non, *ad iudicem*; ut intelligatur vocari quemque debere ad eum, qui iurisdictionem habet, puta magistratum, aut cui a magistratu mandata est iurisdictione: non autem ad eum, qui tantum habet notionem, id est; iudicem privatum, seu pedaneum, ut hi distinguuntur in *L. 5. in pr. D. de re iud.* Ex res ita habet: adversarium ad prætorem, aut alium, qui iurisdictionem habet, vocari oportet: qui scilicet pro iurisdictione de re cognoscere, aut in ea iudicem dare, si ita res ferat, possit, ac deinde sententiam exequi. *L. 2. D. si quis in ius voc. non ier.* Ad iudicem autem datum, vel pedaneum nulla vocatio est. *L. 3. D. ne quis eum, qui in ius voc. est, vi ex. hoc ideo*; quia huius nulla est de re iurisdictione, notio autem non prius esse potest, quam ipse a magistratu, ad quem in ius itum est, iudex in ea causa datus fuerit.

- 10 Alia ¶ Pauli definitio est in *L. 1. D. eod.* ut sit vocare in ius, *iuris experiundi causa vocare*. Hæc finem vocationis complectitur, ad vocationem in ius ita necessarium, ut nisi quis, dum adversarium in ius vocat, dicat se ideo vocare, ut iure iudicioque cum illo experiatur de ea re, quam libello complexus est, nulla sit vocatio ad futurum iudicium necessaria. *Experiendi iuris*, verba sunt veterum ad significandam actionem usitata. Dicimus enim experiiri de iure, sive de re aliqua; ut in edictis prætorum passim illa formula occurrit. *Intra annum, quo de ea re experiendi potestas erit, L. 1. D. ex quib. caus. mai. L. 1. D. quan. act. de pec. an. est. L. 1. D. que in frau. cred.* Dicimus & ius experiiri, ut supra Paulus loquitur; quomodo & Cicero dixit in *Oratione* pro Cæcinnâ; *homines inermes, qui ad constitutum iuris experiendi causa venissent*. Dicitur & absolute experiiri, ut intelligatur de iure, *L. 1. D. de diu. temp. præscr.* Omnia pro eo, quod est agere cum adversario de re aliqua apud magistratum: ab hoc petere, ut per eum nobis liceat ius nostrum obtinere in eo, quod petimus, *L. 1. de diu. temp. præscr.* Et recte qui ita

agit, dicitur experiiri. Tentat enim hoc modo, quo actionem, quoque ius a magistratu de eo, quod petit, impetret. Experiiri autem tentare & periculum facere significat. Tentare autem dicitur ideo; quia non certum habet se consecuturum, quod petit: cum fieri possit, ut vel non æquum posset, vel quod iure petit, probare non possit, vel reus absolvatur iniuria. Sed & hæc definitio videtur manca; deest enim illud, quod est apud Iulianum, *ad eum, qui ius dicturus sit*. Imo & id inest in hac definitione. Non exprimitur verbis; at vi verborum satis intelligitur. Non enim experimur ius, aut de iure nostro, nisi apud eos, qui de eo ius dicturi sunt. Quare & hoc intelligendum est. Plenam definitionem si quis malit, licet utrumque coniungere, ut sit in ius vocare, ad eum, qui ius dicturus sit, vocare iuris experiundi causa.

Sed hucque ¶ & in definito, & in definitionibus superioribus unum idemque verbum reinetur, quod non explicatur definitione: nempe vocare. Hoc vero verbum quid valeat, dubitari potest. Non enim satis constat, an vocare, sit ducere & trahere in ius invitum, cum Caius scribat in *L. plerique, D. eod. eum*, qui quempiam de domo sua in ius vocet, vim inferre videri. Nulla vis infertur ei, qui de domo sua non extrahitur. Constat etiam eum, qui in ius vocaretur olim, nisi caveret, in ius duci solitum, *sic. D. in ius vocati ut eant, vel satis, vel cautum dent*. Sed neminem ex iis, qui latine sciunt, ignorare arbitror, vocare aliquem aliquo, esse denunciare ei, & iubere, ut eo veniat. Cicero pro Cæcinnâ: *Tu me ad verbum vocas. Non ante venio, quam recusaro*. Ex paulo post: *Quoniam satis recusavi, venio iam quo vocas*. Vocas, id est, iubes & postulas, ut veniam. Unde Cicero venire se dicit, quo vocatur. Et cum dicitur in *L. 3. §. ultim. D. de testib.* testes evocandos, intelligimus, quod est in *L. 4. D. eod.* denuntiandum his esse testimonium, & desiderandum ab his, ut adiut testimonii dicendi causa. Idem & in verbo *vocandi* intelligamus, cum adversarium in ius vocandum esse dicimus. At enim dicitur in ius, qui vocatur, ut olim ius fuit. Primum non semper. Non enim ducebatur, qui cavebat iudicio sistendi causa. Deinde non si ducebatur, qui vocabatur, ideo vocare aliquo erat in ius ducere. Adiuncta erat vocationi ductio; quia hæc illam sequebatur: sed non ideo hæc sunt eadem. Nam & qui vocabatur, ei imposita erat

necce-

necessitas cavendi, si nollet duci: neque
 12 ideo vocare, est cavere. Quapropter † si
 totum hoc in ius vocare, quam plenissi-
 me definitione explicare volumus, dicen-
 dum est in ius vocare, esse, denuntia-
 re & edicere adversario, ut veniat ad
 eum, qui ius dicturus est, iuris experiun-
 di causa.

Non satis est vocationem esse. Iustam
 esse oportet: alioqui in ius vocatus nec
 vocatus videatur, *L. quoties, D. qui sat.*
cog. Iusta est, cum adversarius vocatus est,
 quomodo oportet, & is vocatus, quem
 iure licet vocare. Itaque in iusta vocatio-
 ne duo sunt spectanda, ritus vocandi, &
 13 persona vocati. Ritus † priscis in hoc ge-
 nere non alius, quam ut qui acturus erat,
 ipse in ius vocaret. Quod facere potuit
 & per se, & sua auctoritate, non magi-
 stratus, ut probant ea, quæ varie colle-
 cta sunt in hanc sententiam a Duareno
Lib. 1. Disputat. Cap. 1. Quando id mu-
 tatum sit, non liquet. Certe utrumque
 contra obtinuisse ante tempora Iustiniani,
 ex scriptis iuris auctorum, quæ in libris
 nostris exstant, apparet. Magistratus qui-
 dem prius adiri debuisse & huius iussu ad-
 versarium in ius vocari, ostendunt. Nam
 in *L. cum proponas, inf. de bon. auct.*
ind. poss. Imperatores Diocletianus & Ma-
 ximianus consultorem sic alloquuntur:
Eum, qui tibi obligatus est, secundum
iuris rationem adito rectore provincie
potes convenire. Non contenti dicere,
 adito rectore provincie, addunt, *secun-*
dum iuris rationem; ut intelligamus fuisse
 hanc iuris rationem, id est, formam in
 iudiciis iure tum usurpari solitam, ut non
 conveniatur adversarius, nisi adito præli-
 de. Idem confirmat Novella Iustiniani de
litigiis, §. omnem. Denique sic rem trans-
 igi solitam iidem isti ipsi Imperatores Dio-
 cletianus & Maximianus non obscure in-
 dicant in *L. diffamari, inf. de ingen.*
mann. ubi interpellatus præses dicitur vo-
 casset partem adversam.

Sed ne repetamus huius iuris initium
 ab horum Imperatorum temporibus, va-
 luit hoc ius etiam temporibus Ulpiani &
 Pauli. Scribit enim Ulpianus in *L. si quis*
ex aliena, D. de iud. eum, qui in ius
vocatus non venit, contemere auctori-
tatem prætoris. Paulus in *L. 2. D. si*
quis in ius voca. non ier. scribit, *eum,*
qui in ius vocatus non venerit, ex causa
a competente iudice multa damari. Pa-
 lam est non contemni auctoritatem, quæ
 prius non intervenit: nec statui multam,
 nisi adversus nec obediens civem: nec
 posse dici magistratui non obedivisse, nisi

Tom. VII.

qui a magistratu iussus non paruit. Quod
 autem ad vocantem attinet etiam per via-
 tores, seu exsecutores litium vocari so-
 litum adversarium, non privatim per acto-
 rem, declarat, quod apparitores, qui in
 ius aliquem vocant, poterant exigere a
 reo sportulas, conventionis & operæ suæ
 mercedem, *§. tripli, Inst. de off.* non
 exacturi haud dubie, si in eo non ne-
 cessario munere fungerentur. Sunt † au-
 tem viatores iidem, qui & veteribus di-
 cuntur apparitores; quorum opera in ex-
 sequendis iussis & decretis ac sententiis
 suis magistratus utitur, *L. si pignora, D.*
de evict. ab apparendo, quod magistra-
 tui appareant, id est, prælio sint ad iussu
 magistratus capessenda.

In persona vocati est, ut vocetur, qui
 iure potest vocari, de quo cautum est ea
 parte edicti, quæ est de in ius vocando,
 exstatque in *L. 2. L. 3. L. 4. D. eod.*
 In † quo observandam est prætorum se-
 15 cisse duos ordines eorum, qui in ius vo-
 cari non possunt. Unum eorum, qui in
 totum per id tempus, quo vocantur, vo-
 cari non possunt. Alterum eorum, qui
 non possunt sine prætoris permisso, &
 venia petita. Priore ordine complexus est
 magistratus populi Romani, qui imperium
 habent; item eos, qui necessaria aliqua
 de causa, & Republicæ nil impedirentur,
 ne venirent; qui omnes nominatim
 enumerantur in *d. L. 2. §. 3. & 4. in pr.*
 Posteriore exceptit prætor parenem, pa-
 tronum, patronam, liberos, parentesque
 patroni, patronæve. Exstat fragmentum
 in *L. 4. D. eod.* Adde heredes patroni,
 patronæve, quanvis extraneos, ex *L. 2.*
hoc tit. C. Patroni etiam uxor excepta
 hoc eodem titulo, *L. 1.* Sed ex senten-
 tia edicti; quia dum prohibetur patronus
 in ius vocari, prohibetur, ne ei fiat ini-
 iuria. Patitur autem quis iniuriam etiam
 per uxorem, *§. patitur, Inst. de iniur.*
 Quod ius cur prætor in superscriptis per-
 sonis constitueret potius quam in cate-
 ris, causæ nihil erat, nisi in vocatione
 inesset aliquid, quod in persona magistra-
 tum esset contra ipsorum dignitatem;
 in persona eorum, qui atquo officio &
 opera detinerentur, esset, quod illos ab
 ea re abduceret: in persona autem paren-
 tis & patroni fieret contra reverentiam
 istis personis debitam, nisi permisso præ-
 toris accederet. Id autem fuit illis tem-
 poribus, quod qui in ius vocabantur, nisi
 irent, aut caverent iudicio fisci, invitos
 duci ius erat: de quo mox. Quod ne
 committeretur adversus eos, quos dixi,
 ideo excepti sunt edicto. In quibus est

F

præ-

prætor simpliciter parentes nominet: tamen sciendum est de parentibus accipiendum esse, qui liberos, a quibus vocantur, in potestate non habent, *L. ult. hoc tit.* Nam qui sunt in potestate, his cum patre nulla lis, nullum iudicium esse potest, ne permixta quidem prætoris, nisi de iis bonis, quæ acquisitionem patris effugiant, *L. lis nulla, D. de iud.*

- 16 Finis † & effectus iustæ vocationis hic, ut qui vocatus est, ad constitutum diem veniat. Quod dum Romani olim a vocato obtinere student, duorum alterum a vocato exegerunt, vel ut iret statim, sequæ apud magistratum siteret; vel ut satis, aut cautum daret iudicio sistendi causa. In quam sententiam titulus D. *In ius vocati ut eant, vel satis, vel cautum dent.* Illique hæc necessitas cavendi & veniendi in ius, argumentum, in quo versatur & titulus *de in ius vocando, D.* & reliqui omnes, qui inde sequuntur usque ad titulum *de edendo.* Ergo qui volebat ire, cavere cogebatur, atque hac cautione eundi necessitatem defugiebat. Cavebat se ad constitutum diem, qui ab actore dictus erat, iudicio staturum.

- 17 Unde † cautio, seu promissio iudicio sistendi causa facta, cuius tam crebra in ea parte mentio in Pandectis, *L. 2. §. 1. §. prætor, D. qui satisd. cog. L. ult. D. si quis in ius voc. non irr. L. 1. in ius voc. ut eant. tot. titul. si quis caut. iud. sist. cau. fact. non ob. iudicio*, id est, iudicii causa, seu ad iudicium, intellige accipiendum. Ut sistere se iudicio dicatur reus cum se sitit in iure, ut iudicium, quod datur, accipiat, seu patiatur litem secum contestari, ut significatur in *L. si eam, in fin. D. si qui caut.* vel ut alibi, ut secum agendi potestatem faciat; quod sit iudicium accipiendo & litem contestando, *L. essi eod.* In hac re pro conditione reorum cautio triplex recepta erat; satisfactio, cautio iuratoria, nuda repromissio. Unde ille titulus Digestorum. *Qui satisfactio cogantur, vel iurato promittant, vel sua promissioni committantur.* Item ille, *In ius vocati ut eant, vel satis, vel cautum dent.* Satisfactio, si si sunt, a quibus satisfactio exigitur: cautum dent sine fideiussoribus si, a quibus nihil amplius exigitur, quam cautio, seu repromissio; eaque duplex, alias iuratoria, alias simplex & sola. Satisfactio est promittere fideiussoribus datis, *L. 1. D. qui satisd. cog.* Iurato promittere, est ita promittere, ut amplius iures facturum, quod promiseris. Nuda promissio & cautio est, cui nec fideiussores, nec

iussurandum accedit. Satisfactio omnes etiam parentes & patroni, qui non possidebant immobilia. Qui possidebant, ab his satisfactio non exigebatur, *L. sciendum, D. qui sat. cog.* Cavebant igitur hi solum, sed alias ut iussurando id firmaretur, interdum ut repromitterent duntaxat. Iussurandum ab omnibus pariter exigi solitum consentaneum est: nisi sint, quibus id iussurandum remitteretur. Legimus autem iussurandum de calumniis remitti parentibus & patronis, *L. iussurandum & ad pecunias, §. qui iussurandum, D. de iur. L. licet, D. de obseq.* Quo exemplo & his remissum id iussurandum, de quo agitur, recte dicemus, quod ideo exigebatur; quia de fide patris filius patroni libertus dubitaret, & postea de periurio queri vellet. Ita sit, ut soli hi ex his qui immobilia possidebant, caverent tantum, non iurarent; ceteri etiam iurarent se iudicio adfuturos. Ex his qui immobilia non possidentes satisfactio cogebantur, alii fideiussorem iubebantur dare locupletem; alii qualemcumque dedissent, admitti iubebantur. Locuples pro rei qualitate exigebatur fere ab omnibus. Soli hi fuerunt, a quibus qualiscunque fideiussor accipi deberetur, parens, patronus, patrona, liberi patroni, patronæ, vel uxor, nurusve, hoc in *L. 1. & 2. D. in ius voc. ut eant.*

Sed † ut si caveret reus: hoc consequebatur, ne cogeretur venire; ita si ea conditione non uteretur, ut veniret, sine cunctatione iubebatur ire. Simul & ius erat privato rem in ius ducere, & trahere invitum; si tamen extra domum conspiceretur. Nam eum qui erat domi suæ, non licebat de domo sua in ius vocare, id est, extrahere & ducere, *L. plerique & L. seg. D. eod.* Quem morem ducenti multis testimoniis eum aliorum auctorum, tum nostrorum confirmavit Duarenus *lib. 1. D. spur. cap. 1.* Hinc illa consequentia. Primum ut qui aliquem duceret, eum prætor tueretur: quod & fecit vetans, ne quis eum, qui in ius vocatus est, vi exi. Deinde, ut quoniam in hac ductione lueret aliquid dedecoris, & velut infamiae, ab eo vindicaret eos, quos eo dedecore ab actore affici non conveniebat. Quod & ipsum fecit, dum eas personas parim vetat simpliciter in ius vocari, parim vocari sine permisso suo, de quibus supra dixi.

Sed † quorundam ductio ad prætorē? An ut statim compelleretur reus illic litem apud prætorē contestari, ubi nondum

dum edita actione & spatio dato deliberare non potuisset, utrum cedere, an contendere deberet? Iustinianus in *Novell. de exhib. reis*, §. *illud quoque*, indicat, eo spectasse ductionem, atque hanc vim habuisse. Neque hoc iniquum videri debuit, aut adversus edictum de edendo, quo eiusmodi spatium reis datum est ad deliberandum, *L. 1. D. de eden.* De se enim queri debuit, qui cum posset cavere, & deberet, non cavuit. Putem tamen, si apud prætorem paratus esset reus cavere in diem constitutum, quod prius volebat, auditum fuisse, neque ideo ductionem fuisse inutilem, ut quæ ab invito iam extorqueret, quod sua sponte non præstisset.

10 Sed † amplius queritur in hoc iure, quid opus fuerit non dico ductione in ius, sed ullis omnino cautionibus indicio sistendi causa adversus eum, qui in ius vocatus non veniret. Ut in iudicium veniret, inquit, & ibi lite cum eo contestata iudicium cum illo constitueretur, quo deinde actor recte, atque ordine de iure suo experiretur. Quid ergo, an eo absente de causa cognosci, & res adversus eum iudicari non potuit? Nam si potuit, cur

rebus non necessariis oneramus actorem, ac vocato, nec veniente reo non statim de re cognoscitur? Et sciendum est, ordinem iudiciorum iure Romano ita esse, ut lite contestata non possit de re iudicari, ut diserte testatum est in *Novell. de exhib. reis*, §. 3. §. *si vero*. Quod & in Decretalibus expressum est titulo in eam rem nominatim concepto, *Ut lite non contestata non procedatur*, *Sec. de quo alias plura scripsimus suo loco*.

Proponere ergo nobis aliquem locum, in quo ita ius sit constitutum, ut quantvis adversarius vocatus non venerit; possit tamen iudex cognoscere adversus eum, & re cognita iudicare, hic necesse erit omnem illum ordinem in cautionibus, & satisfactionibus exigendis; in ducendo reo, qui non caveat; tum id ius omne, quod ex hac causa nascitur, tanquam supervacuum, & ad iudicium peragendum inutile cessare. Quia ex re factum est in Gallia, ut dum prius admiserunt in iudiciis peragendis, ideo nec toto superiore iure cautionum, aut ductionum in ius ad reum in iudicio se sistere cogendum utantur.



AD TIT. III. LIB. II.

C. de Pactis.

S U M M A R I A.

1. De Pactis editi partes duae, earum summa, & quae in his quarantur.
2. Pactio quid.
3. Pactum idem, quod pactio, & in eo obiectis responsum.
4. Pactum genus, eius species contractus.
5. Pactum simpliciter nominatum, intelligi veteribus pactum nudum, & cur.
6. Pacta conventa se servaturum edicens prator, de contractibus omnibus edicere intelligitur, & quam hoc non asiose,

7. De pactis editum, cur inter ea quae iudicium antecedunt, locatum.
8. Pacta de non petendo, cur potissimum tractata a iurisconsultis in explicatione editi de pactis.
9. Conventum, conventio, quid.
10. Conventionis verbum cur ab Ulpiano solum generale dictum.
11. Pactum conventum idem, & quam hoc sensu recte ista iungantur a veteribus.
12. Pacti verbum dubia originis.

DE vi t̄ pacti, omnisque conventio-
nis editum est a pratore propo-
situm, quod sub hoc titulo cum in Pan-
destis, tum in Codice explicatur. Id edi-
ctum est, quod proponitur in *L. Iuris
gentium, §. prator ait, D. eod.* Eius
edicti duae sunt partes. Una, qua prator
pollicetur se pacta servaturum. Altera,
qua pollicetur, se quaedam non servatu-
rum, in quibus nominatim excipit ea, quae
dolo malo facta erunt, & quae contra,
lege. In priore parte ingens occurrit du-
bitatio ex eo, quod pro iure certo tra-
ditum sit, ex pacto actionem non nasci.
*L. Iuris gentium, §. sed cum nulla, §.
quin imo, D. eod. L. legem, C. eod.* hoc
enim positum, quaeritur primum, an videat-
ur id cum edicto convenire, in quo prator
pollicetur se pacta servaturum. Deinde si
quaedam valent, quaedam non valent, magna
quaestio est, quomodo, quave nota haec ge-
nera distinguamus. Postremo ut quaedam
valeant, quaedam non valeant; tamen hoc
erit explicandum, cur placeat unum ge-
nus valere potius, quam alterum: cum
ratio naturalis, quae pacta tuetur, efficere
videatur, ut omnia pacta debeant servi-
ri. Est enim haec, conveniens esse aequi-
tati naturali fidem servare. *L. 1. D. eod.*
Ea vero ad omnem conventionem perti-
net. Nos quae erant huius loci, expedire
conati sumus ad *L. legem, §. L. in bona
fidei, infr. eod.* In altera parte edicti qua-
rendum est, quod sit pactum dolo malo

factum: quod attingam ad *L. cum postea, infr.*: item quae contra leges, quae in frau-
dem legum, de quo mihi constitutum est
dicere ad *L. pacta, quae contra, infr.*
Ad utramque autem partem, & omnino
ad omnem conventionem ante omnia per-
tinet quaerere, quid sit pactum, quid con-
ventum: quando prator edictum ita con-
cepit, *pacta conventa servabo*: de quo
punc dicam.

Pactum t̄ est duorum plurumve in idem 2
placitum & consensus. Sic enim pactio
definitur ab Ulpiano in *L. 1. D. eod.* No-
bis autem videtur cum aliis multis, iisque
eruditissimis hominibus idem esse pactum
& pactio. Sed. de eo mox plura. Nunc
superioris definitionis verba expendemus;
quia siue idem est pactum, quod pactio,
ea est definitio, quam quaerimus: siue non
sunt istae eadem; tamen haec differentia erit
eorum sententia, qui ista distinguunt, quod
pactio generis nomen est, pactum speciei:
At semper inest genus in specie: ut di-
cendum sit, pactum esse pactationem, ideo-
que duorum placitum, & consensum; tam-
et si pactum erit aliquid amplius. Utraque
igitur de causis illa definitio superior hoc
loco explicanda est. Est placitum & con-
sensus, ut intelligas removeri sermonem
& tractatum eorum, quorum nullus con-
sensus, nulla voluntas est, ut furiosi, &
infantis, *L. furiosi, D. de regni. iur.*
L. 1. §. furiosum, D. de oblig. & actio.
& eorum, qui aliter loquuntur, ac sen-
tiant; ut sunt, qui promittunt vel loci vel
doctri-

doctrinæ causa, *L. 3. D. de oblig. & actio.* & qui promittunt etiam simulandi gratia, ut fiat is contractus, quem appellamus imaginarium, *L. contractus imaginarii, D. de oblig. & actio. Duorum plurimum*, positum ad discrimen supremarum voluntatum, quæ habent quidem sententiam & placitum: sed unius testatoris, non duorum. Unde illud dictum in *L. verba, D. de verb. signif.* verba contraxerunt, gesserunt, ad testandi ius non pertinent. Sunt enim videlicet verba contrahentium. Ita ad discrimen pollicitationis, quæ habet promissionem; sed solius offerentis: non duorum consensum *L. 3. D. de pollic.* In idem, valet in hoc, ut idem aliquid fiat, sequatur, aut contra ne fiat, ne sequatur: puta, ut des aliquid, aut facias: aut contra ne des, ne facias; veluri, ne a me petas. Recte autem, & consulto dictum est, in idem, non in eadem re; quia non omnes, qui de eadem re consentiunt, paciscuntur; sed qui consentiunt in eandem rem. De eadem re, seu in eadem re consentire dicuntur, qui de eadem re idem sentiant, quippe affirmant rem ita, aut ita se habere, ut cum philosophi virtutem summum bonum esse statuunt. In eandem autem rem, & quod idem est, in idem consentiunt, non qui de eadem re idem affirmant tantum: sed qui ita affirmant, ut simul recipiant futurum, ut ea res sequatur: quod qui faciunt, promittunt; proinde paciscuntur. Ergo definitur pactio isto modo, eiusque definitionis ea vis, & significatio est, quam modo dixi. Num tamen idem sit pactum, ut neque plus, neque minus continent, quaeritur. Duareno non videtur doctissimo & gravissimo Iuriconsulto: de qua re ille scripsit ad *L. 1. D. eod.* & eandem sententiam postea tutatus est *Lib. 2. Disput. Cap. 8.* Cæteris videtur omnibus esse idem: cum quibus ego sentio. Ac mihi quidem multas & graves causas habere videor huius sententiæ. Quid est enim ex iis, ex quibus significatio verbi deprehendi solet, quod hic non concurrat, ut pactum idem esse interpretemur, sive analogia & ratio in verbo spectetur, sive usus loquendi veterum, sive ipsius auctoris id est, Ulpiani mens & sententia cum alibi, cum in huius edicti interpretatione? In ratione verbi animadvertit, quod differt promissum a promissione, stipulatus a stipulatione, emptum ab emptione, hoc necesse esse pactum differe a pactione. Est enim in omnibus eadem analogia, derivatio & inflexio a suo themate eadem. At promissum & promissio idem significant:

stipulatus & stipulatio idem: similiter emptum & emptio. Stare promissis est id, quod dicimus satisfacere, & obtemperare cautioni, id est, promissioni. Pollicitatio est solius offerentis promissum, id est promissio in *L. 3. D. de pollic.* Actio ex stipulatu est, actio ex stipulatione in *L. predia D. de act. empr. L. si pacto, inf. eod.* ut actio ex empto, actio ex emptione, *L. ex conventionione, inf. eod.* Idem igitur similiter pactum & pactio. Si de usu verbi quaeritur, *Cic. Lib. 2. de Inventione*, eodem modo pactum definitur, quo Ulpianus hoc loco pactionem. *Pactum, inquit, est, quod inter aliquos convenit.* Auctor ad Herennium eodem modo *Lib. 2.* Si quaeritur de Ulpiani sententia, ipse de pacto scripsit idem in *L. 3. D. de pollic.* quod de pactione. *Pactum, inquit, est duorum consensus, atque conventio.* Quid hoc loco? non scripsit ille quidem differe de verba pacti. Sed cum interpretaretur edictum de pactis, haud dubie pactionem definiens, & conventionem, nihil aliud declaravit, quam ista se intelligere esse eadem, pactum & pactionem, conventum & conventionem. Sane enim pactum & conventum definire cum oportuit: quoniam hæc verba erant in edicto. Pactionem autem & conventionem quid attinebat definire, si hæc a pacto & convento differunt: cum hæc verba in edicto non essent? Non dubium est igitur, quin, ut dixi, Ulpianus prudens & attentus scriptor ideo pactionem & conventionem solam definiert; quia pactionem & pactum, conventionem & conventum idem valere & declarare statuerit. Sed movetur præcipue Duareno, quod si pactum esse dixerimus duorum placitum & consensum; consequens erit contractus esse pacta: consequens hoc quoque, præterem hoc edicto etiam de contractibus edicere: quorum neutrum ille admittendum putat. Ego autem nihil video esse, cur si contractus conventio est, non dicatur etiam pactio & pactum. Negat ille se animadvertisse, venditionem, locationem, & similes contractus a veteribus dici pacta. Fortasse ne pactiones quidem dici animadvertit. Neque eo minus pactiones dici consuevit. Sed pacta dicuntur sine dubio in traditionibus, *inf. eod.* Quod enim illic dicitur dominia rerum traditionibus, non nudis pactis transferri, valet non conventionibus solis, quæ traditionem non habent, qualescunque fuerint. Nam nec pacto nudo, ut hoc titula pactum nudum appellamus, nec ullis venditionibus, aut contractibus aliis dominia rerum transferuntur, *L. quoties,*

sies, inf. de rei vin. Ille probat contractus pacta non esse, quam ad rem profert multos locos cum ex aliis auctoribus, tum ex nostris, in quibus in summa, contractus a pacto convento distinguitur: quibus non efficitur, meo iudicio, quod vult. Illi enim loci arguunt, non esse idem contractum, & pactum, quod est verissimum. Sane enim multum inter se distat, ut distat species a genere. Pactum \dagger enim genus est; pacti & conventionis species, contractus. Sed non eo minus contractus est pactum. Semper enim genus de sua specie dicitur: ut, *homo animal est*, etsi inter animal & hominem multum intersit. Ac ne quis dubitet hoc de pacto recte dici, etsi a contractibus distinguitur; idem plane licet animadvertere in actionis verbo. Sic enim scriptum est in *L. 3. D. de usus. usufructum* constituit extra testamentum actionibus & stipulationibus. Hic quoque actiones distinguuntur a stipulationibus. At nihilominus stipulatio est pactio, iisdem etiam auctoribus. Quapropter non si pactum a contractu distinguitur, ideo contractus pactum non est. Plus dico; etsi concesserimus pactum specialiter accipi pro pacto nudo; non tamen ideo consequens erit, pactum generale nomen non esse, eum per se ponetur. Non enim novum est, idem verbum & generis nomen esse, & speciei: quod adoptionis, cognationis, actionis nomina satis probant, *L. 1. D. de adop. L. Iurifconsultus, §. 1. D. de grad. L. pecunia, §. actionis, D. de verb. sign.* Imò, \dagger inquit, cum pactum absolute nominatur a veteribus, pactum nudum intelligitur, nec contractus continetur: quod declarat veterum regula, ex pacto actionem non nasci, *L. 7. §. quinimo D. eod. L. legem, infr. eod.* Sed hæc regula nihil eum adjuvat. Nam ut veteres hac regula contractus certos, eodemque qui proprio nomine appellatur, excludunt: sic excludunt & incertos, eum dedi tibi, ut faceres, & similes *d. L. legem infr.* Neque tamen quisquam ex eo colligit, hanc conventionem pactum non esse, cum do tibi ea conventionem, ut mihi des, aut facias; quod si faceret, multis modis ut in re aperta refelleretur. Nisi forte *pacti* verbo eas tantum intelligamus conventiones, quæ actionem non pariunt, ut ille significare videtur multis locis: quod non ita est. Nam conventio de pignore, pactum est, etsi ex eo iure honorario nascatur actio, *L. si tibi dessem, §. de pignore, D. eod.* Quare si ex superscripta regula non recte colligitur hæc pacta non esse, quævis actionem pa-

riant: ne illud quidem ex ea recte collegeris, contractus pacta non esse; quia contractus certi actionem pariunt. Cur ergo in supra scripta regula pactum intelligunt veteres pactum nudum? non quia omne pactum sit nudum (alioqui male quædam dicerentur nuda, ad discrimen eorum, quæ nuda non sunt) sed quia pactum, quatenus nihil nisi pactum est, per se actionem non parit. Qui dotem ea lege dedit, ut ea sibi redderetur, soluto matrimonio, habet quidem ille actionem, existente conditione conventionis: sed non ex pacto, id est, ex pacto solo; sed ex eo etiam, quod præter conventionem dedit ea lege, ut acciperet. \dagger Ergo, inquit ille, hoc editio de pactis conventis edicens præter de conventionibus omnibus edicere intelligitur. Quod abhorre a sententia prætoris existimat. Pollietur enim se pacta esse servaturum. Hoc edicere de contractibus esset supervacuum & ineptum, eum contractus satis iure valeant sine iuritione prætoris. Quam sententiam confirmari putat & editi collocatione, & Iuriconsultorum circa hoc editum interpretatione. Etenim editum inter ea, quæ iudicium antecedunt, locatum est: non alia de causa, quam quod pactum ad litteram remorandum pertineret. Sic autem pertinet, si quod pactum est, quod id agitur, ut a lite discedatur. Congruit hæc sententia Iurifconsultorum interpretationi, quæ sub hoc titulo in Pandectis talis est, ut post editum omnis illorum tractatio sit de iis pactis, quæ fiunt, ne quid petatur. Sed nihil horum, ut puto, reperietur. Eset ineptum, & alienum, fateor, prætorem de contractibus edicere, si hoc solum polliceretur se pacta servaturum. Nunc autem ea excipit, quæ dolo malo, & contra leges facta erunt. Hoc in contractibus statuere non modo non est otiosum: sed etiam est eiusmodi, ut de his solum contractibus, qui iure valent, statui oportuerit: in cæteris autem conventionibus fuerit inutile & supervacuum: adversus has enim satis iure munus est reus; cum iure ipso actionem non pariunt. Contractus autem, qui iure pariunt actionem, etiam si dolo malo, aut contra leges quid promissum sit, necesse est reum teneant, nisi hic aliqua exceptione defendatur. Ea vero exceptio hoc editio adversus omnem eiusmodi actionem est comparata.

Iam \dagger cum ea exceptio æque ad moram iudicio afferendam, & tuendum reum pertineat, atque illa, quæ ex pacto nascitur, non est, eum minus ad instruendum

dum iudicium, quam pacti exceptio, excluditur pertinere. Et ideo utraque de causa edictum hoc loco teste collocatum.

8 Quod si autem post edictum propnissimum ortus fere huiusmodi tractatio iurisperitorum in Pandectis est de pactis, quibus id agitur, ne petatur, non debet in eam partem accipi, quasi de aliis prætor hoc edicto non foverit (aliis hoc efficietur non contractus non esse pacta: sed illud potius, ut recte Baro scripsit ad §. *quinimo*. l. 7. d. eod. non alia esse pacta, quam quibus paciscimur, ne agatur; quod ne hi quidem dicunt, qui contra disputant) sed quia maxima pars eorum pactorum, quæ ex hoc edicto valent, est eorum, quæ pariunt exceptionem. Nihil igitur æstetur, cur hic sub passionis verbo pactum non sit definitum, multoque minus, cur pactum non sit duorum pluriumve consensus.

9 Quid si sit conventum, videamus. Et ut ante pactum passionis definitione: sic deinde quid sit conventum, conventionis definitione explicat Ulpianus in d. l. 1. §. 1. d. eod. *Conventionis*, inquit, *verbum generale est ad omnia pertinens, de quibus negotii contrahendi transigendive causa consentiunt, qui inter se agunt*, quod nihil aliud est, nisi conventionem esse plurium consensus, vel placitum contrahendi transigendive negotii causa interpositum. Ubi contrahere negotium, valet, obligationem contrahere. Transigere autem, finire, & dirimere. Nam nisi ita accipiamus, pacta liberandi debitoris causa interposita conventiones non erunt; quod aperte falsum est. Idque Ulpianum sensisse apparet ex eo, quod dictum verbum conventionis generale esse: item ad omnia pertinere, de quibus consentiunt, qui inter se agunt; quod quidem non aliter fit, quam si conventionis verbum omnem consensus continet tam eum, qui ad alium obligandum, quam eum, qui ad reum liberandum pertineat. Itaque qui in hac definitione verbum transigere pro gerere, usurpatum esse, eoque & prætermitti potuisse dicunt, non video, quomodo aliam interpretationem imperitis, & rudibus tribuant. Nam ne illi quidem ipsi ignorant, transigere Latini interdum esse finire & conficere rem, efficere, ut nihil sit amplius nobis negotii cum aliquo, ut apud Terentium in *And. act.* 1. scena 5.

..... *quod modis*
Contentus, spiritus? facta transacta
omnia, hem
Repudiatu repertor

Quod si ita est, pactio & conventio idem expriment. Nam illud, *in idem*, quod est in definitione passionis, quid est, nisi in hoc, ut aliquid fiat negotii vel contrahendi, vel dirimendi causa? definitio igitur amborum eadem, proinde & ipsa inter se eadem. Quapropter ut conventionibus, sic passionis verbum generale est. Cur si ergo in verbo conventionis id solum dixit Ulpianus, verbum hoc generale esse? ut intelligeremus non solum passionem esse generale verbum, quod ex definitione prius intelligebatur: sed etiam conventionem, quod de conventionem prima fronte potuit dubitari. Ut enim est verbi origo, unde conventio dicta est, non videatur fortassis pertinere ad eos, qui de negotio transigunt. Horum enim consensus & factum potius dicatur definitio, quam conventio: cum ipsi non in eandem rem veniant, sed ab ea eadem re discedant. Quod & verum est, si negotii, a quo disceditur, ratio habeatur. Sed si is consensus spectatur, quo agitur, ut a negotio discedatur, etiam hic consensus conventio est. Qui enim ita consentiunt, in eandem sententiam simul veniunt & decurrunt, ut Ulpianus loquitur: quod ille in conventionis verbo spectandum esse monet. Quod si conventio placitum est duorum & consensus: erit & conventum duorum placitum & consensus. Ex quo intelligitur & pactum & conventum idem esse, & utrumque per se positum idem valere. Itaque ut dicimus absolute promissum facere, sic absolute dicimus facere conventum, stare conventis, eadem significatione. *Cic. lib. 1. de offi. Potest enim accidere promissum aliquod, & conventum, ut id effici sit inutile vel ei, cui promissum est, vel ei, qui promiserit. Idem lib. 3. de offi. Sic multa, que natura honesta videntur esse, temporibus sunt non honesta: facere promissa, stare conventis, reddere depositum commutata utilitate sunt non honesta.* Neque si vero si hæc iunguntur, diciturque pactum conventum, ideo mutatur conventi significatio, & quod per se substantivum erat, iunctum tunc adiectivum, quod vel inde consilare potest, quod pro, pactum conventum, Iuvenalis ahucubi dixit pactum & conventum his verbis.

Conventum tamen, & pactum & sponsalia nostra.

Tempestate paras.

& Cicero pro Cæcinnâ: *Quæ iudicia aut stipulationes, aut pacti & conventi formula non infirmari, aut infringi potest?* Sunt igitur hic duo substantiva *ambigua* iuncta, ut alia pleraque eiusdem modi æquum bonum, purum putum, facta testâ, ruta cæsa. Sed si idem est conventum, quod pactum, cui hæc coniunguntur otiose, cum alterum iusticiat? Fit hoc vel rei magis exprimendæ causâ *nam ex altero*, ut in illis, æquum bonum, cum idem sit boni consulere, quod æqui consulere: & in illis purum putum, cum argentum id purum sit, quod est putum, & putum, quod purum: vel, quod mihi propius vero videtur, ambiguitatis vitandæ gratia, quæ est in verbo pacti. Nam † pactum & a paciscor deducitur, & a verbo pango. A paciscor pactum est, conventum; a pango, pactum est, fixum, aut iunctum: huius ambiguitatis tollendæ causâ additur *conventum*: ut cum dicit prator: *pacta conventa servabo*. perinde sit, quasi

diceret, *pacta, seu conventa*, vel *pacta* (hæc autem intelligo; *quæ sunt conventa*) servabo. Id ita esse ex eo probari potest, quod verbum ipsum *pacisci* eum ponitur, per se ponitur. Non enim dicimus quemquam pactum esse, convenisse. Similiter & verbum *pactionis*. Inauditus est enim, pactione, conventio interposita est, cur? quia scilicet verbum *pacisci* & *pactionis*, notæ est, & certæ: non ambiguae significationis; non minus, quam *convenire*, & *conventio*. Eo videlicet ad significationem explicandam non eget adiuncto. Nomen pacti, non item certum, ut dixi, propter incertum derivationis. Hæc incertitudo adiuncto declaratur. Cætera ad universam de pactis questionem pertinentia si quis uno in loco velut in tabula proposita desiderabit; ea summam ac methodo a me comprehensa ad calcem huius commentarii adiecta reperiet: ut hæc opera etiam, si videtur, ad singularum partium, quæ hic futuri interpretationis causâ suis quæque locis sparsæ sunt, ordinem & collocationem, ac totius velut corporis exædificationem utatur.



L. I. Conditionis

Impp. Severus & Antoninus AA. Philino.

Conditionis incertum inter fratres non iniquis rationibus conventionem finitum est. Cum igitur verbis fideicommissi petiitum a patre tuo proficere, ut, si vita sine liberis decederet, hereditatem Licinio Frontoni restitueret, pactum eo tempore de sextante Licinio Frontoni dando, cum liberos Philinus non sustulerit, interpositum, non idcirco potest iniquum videri quod facta (sicut placuit) divisione diem suum, te filio eius superstite, sanctus esset. PP. VII. Kalend. Decemb. Severo A. II. & Victorino Coss.

S U M M A R I A.

1. Summa sive sententia obscuri rescripti.
2. Hypothesis, questio, atque ambigendi causa.
3. Responsi verba obscura explicantur.
4. Conditionis incertum quid sit, & quid contineat in specie hic proposita.
5. Conditionis incertum quomodo hic finitum conventionem.
6. Conditionis incertum quam hic finitum non iniquis rationibus.
7. Spem fideicommissi conditionalis pacto remitti posse, ipsum fideicommissum repudiari non posse, & differentia ratio.
8. De viventis bonis non pacisci eum, qui heredi fideicommissario spem fideicommissi ab eo relicti remittit.
9. Fideicommissio relicta ab herede, si is sine liberis decesserit, praeferritur liberis fideicommissario, sed ica ut nihil hic, liberis legari intelligatur, eoque nihil obstat liberi, quominus heres remoto fideicommissario quovis, de bonis possit alienare.
10. Sextantis in specie proposita a Philino dati nullam esse ob liberos ab eo postea susceptos repetitionem, quia non sit datus ob causam, si liberos postea non suscipiat, aut quia causa non sit expressa.
11. Transactio in specie hic proposita, & ear species in hunc titulum relata.

Habet hoc rescriptum hanc sententiam: Qui spem fideicommissi conditionalis sibi delati, ac cuiuslibet futuræ præreptionis pacto remittit, & pro ea remissione quid accipit, non sine iusta & præsentia causa accipit. Proinde quamvis spes emolumentum, seu perceptionis postea deficiat: tamen cessabit dari repetitio, tanquam ob causam dati causa secuta. Species facti huiusmodi. Pater decessit duobus filiis heredibus relicti, Philino, & Licinio, Frontonibus. Is pater testamento, aut codicillis petierat a Philino, ut si sine liberis decederet, portionem suam hereditatis Licinio Frontoni fratri suo restitueret. Philinus, a quo fideicommissum relictum erat, nondum susceptis liberis veritus, ne non susciperet, & cupiens tamen portionem suam ad suos heredes transmittere egit cum Licinio fratre fideicommissario, ut is spem fideicom-

Tom. VII.

missi remitteret, seu pacifceretur se in omnem eventum fideicommissum non petiturum: obtulitque ei pro ea re sextantem portionis suæ, id est duas uncias, quas iam nunc ille habere proprias, quamvis fideicommissi conditio defecisset. Placuit conditio Licinio, itaque pactus est Licinius se fideicommissum nunquam petiturum. Philinus sextantem pactus est. Secundum hanc conventionem divisio hereditatis inter fratres facta est, itaque Licinius, idemque fideicommissarius semissem accepit iure hereditario: ex conventionem autem sextantem nomine fideicommissi a te remissi; quo factum est, ut is octo haberet uncias ex hereditate: Philinus dumtaxat, quod reliquum est, id est, uncias quatuor. Philinus postea filium sustulit, illum ipsum, qui hoc rescripto consultor proponitur, quo superstitie Philinus pater decessit. Quo

G

loco

loco notandum est fideicommissi conditionem defecisse, atque ita nullum fuisse fideicommissum, quod Licinius remitteret. Hinc causa Philino filio sextantis a patre dati repetendi, de qua re hic agitur. Dicit Philinus Licinium Frontonem inique accepisse, aut certe inique nunc sibi defendere sextantem, ut remitteret fideicommissum: cum nihil remiserit. Nam etsi potuerit ab initio dubitari, an fideicommissum hic ullum esset: tamen ex eventu cepit intelligi nullum id fuisse: cum eius conditio defecerit. De hac re consulunt Imperatores. Respondent conditionis incertum inter frares non iniquis rationibus conventionem finitum esse. Hoc sentiunt. Fideicommissum † in proposito nullum fuit: sed fuit conditio fideicommissi, cuius conditionis incertum, quandiu Philinus vixit, perseveravit. Hoc incertum finivit Licinius Fronto fideicommissarius conventionem, cum pactus est, se, etsi fideicommissi conditio existeret, nihil esse petiturum. Cum pro ea re sextantem accepit factum id est, non iniquis rationibus: cum remiserit aliquid, & vicissim eo nomine quid accepit. Ex quo concludunt deinceps Imperatores, quamvis postea defecerit conditio fideicommissi: tamen pactum ab initio iustum, eventum iniquum non fieri: cum conslet sextantem datum, ut conditionis incertum finiretur, quæ causa ita est secuta, ut quo minus existeret, nulla res queat efficere. Videndum est, quod sit hoc incertum conditionis: quomodo sit finitum: tum cur finitum non iniquis rationibus. Conditionis

4 incertum est † incertitudo, quæ ex superiore conditione fideicommissi nascitur. Incertitudo ea est. Nam quandiu Philinus pater, quem fideicommissio operatum proposuimus, vivet, incertum est, utrum pars eius apud eum maneat, & heredes eius, an restitui debeat ex fideicommissio. Et enim si liberos relinquit, pars ab eo, & heredibus eius non recedit: sin decedit sine liberis, pars ex fideicommissio debetur. Hoc incertum † illi finitum est superiore conventionem Licinii Frontonis: quia ex ea conventionem cepit iam nunc esse certum, partem Philino ex conventionem constitutam nunquam ab eo, si vollet, recelluram. Sive enim liberi sunt, nullum est fideicommissum. Sive nulli sunt liberi: tamen Licinius Fronto fideicommissum non potest petere, obstant ei conventionis exceptione. Finitum igitur conditionis superioris incertum est, ut est propositum. Neque † finitum est iniquis rationibus, si quid accepit, ut remitteret,

aut finiret, & remissi finivisse. Hic occurrit, hoc ipsum iniquum esse, Licinium Frontonem pro hac remissione quidquam accipere. Hoc enim totum, remittere spem fideicommissi, seu finire conditionis incertum, nihil esse: cum spes fuerit inanis, ut ex eventu apparuit, & ex hac remissione nihil Philinus consequatur. Nam & sine hac remissione partem suam Philinus retineret. Nos vero dicimus multum ex hac remissione Philinum consequi vel statim & in presentia. Atque in summa tria consequitur commodum ex ea re. Primum, quod iam certum habet, portionem hereditatis sibi ex conventionem relictam ita suam esse, ut de ea possit statuere, ut libet. Alterum, quod metus ei admittitur insidiarum, qui ex huiusmodi fideicommissis nasci solet, *L. de fideicommissis, infr. prox. tit.* Postremum, quod hoc metu amoto concordia inter frares constituitur, & retinetur, dum Philinus nihil habet amplius, cur distat Licinio fratri nihil iam ex fideicommissio speranti, *d. l. de fideicommissis*. Cum tam multa ad Philinum ex hac conventionem & remissione redeant: apparet non iniquum esse, ut pro his Licinius sextantem accipiat, acceptum ad extremum retineat. Hæc sententia est & ratio rescripti, adversus quam duo videntur dici posse, suntque eiusmodi, quæ contra vulgo disputari solent. Primum dici potest Licinium Frontonem non dico non remisisse fideicommissum, sed nec fideicommissi spem remittere potuisse, quandiu pendet fideicommissi conditio. Proinde nec remisisse, aut finivisse incertum conditionis, contra quam Imperatores aiunt. Deinde & illud dici potest, quamvis Licinius spem fideicommissi recte remiserit: tamen Philinum patrem, si quid pro eo vellet dare, potuisse ipsum dare de suo. Cæterum sextantem, de quo nunc agitur, in fraudem liberorum suorum non potuisse. De quibus paucis videamus.

Primum † dicitur fideicommissi spem 7 nec pacto remitti posse pendente fideicommissi conditionem, argumento esse quis dixerit, quod fideicommissum pendente conditionem repudiari non potest, *L. si ita scriptum, §. 1. D. de L. 2.* Sed hoc nullum argumentum est. Sive enim causa est, cur ita inter se distinguantur, pactum & repudiatio, sive non est, certe separari constat: ut fideicommissum quidem sub conditionem relictum pendente conditionem repudiare non possumus, *d. l. si ita scriptum, §. 1. D. de leg. 2.* ut de eo pacisci liceat pendente conditionem, *L. & heres*.

heredi, §. filiusfamilias L. pactum. in fin. D. eod. & hic. Ne tamen, putemus temere separari ista, cum in pacto insit fideicommissi remissio itidem, ut in repudiatione; differentia ratio hæc erit, quod repudiatione iam, nunc, & in præsens tempus fideicommissum remittitur, quod pendente adhuc conditione nullum est: pacto remittitur in futurum, idque cum fideicommissum peti possit ceperit. Qui repudiat, dicit se nolle rem delatam ad se pertinere: qui paciscitur, hoc dicit, se quanvis postea res ceperit deberi; tamen eam non petiturum. Prius repudiatione effici non potest; quia per rerum naturam non licet remittere eam obligationem, quæ nulla est; a nobis abdicare id, quod delatum non est. Posterius pacto recte efficitur; quia remittitur id, quod est in iure nostro & licet unicuique paciscendo iuris sui perfectionem deteriorem constituere, *L. 7. §. si paciscar. & L. pactum, D. eod.* Eandem vim habet, quod traditum est de repudiatione, eius nimirum esse nolle, qui potest & velle, *L. 4. D. de acq. hered. L. eius, D. de reg. iur.* Superiorem sententiam de vi pacta non offendit, quod traditur in *L. nos, infr. de poss. rev. de facultatibus eius, qui ignoratur, utrum vivat, necne, nec transigi posse, id est, nec ab uno ius in his facultatibus delatum remitti posse. Non enim ideo hic remissio iuris non valet, quia in hac incertitudine ius nostrum sit adhuc in suspensio: sed quia de vivi hereditate pacisci non licet. *L. ult. infr. eod. & nihil interest ad periculum pactionis, utrum de mortui, an de eius bonis agatur, cuius vita in incerto est. Multo minus ei sententia adversatur, quod si ante aditam hereditatem heres voluntatem accommodavit legatario, ut ei rem legatam possidere liceret, placet eam voluntatem non obesse heredi adita hereditate, quominus legatum ad se revocet. *L. 1. §. quod ait prætor, voluntate, D. quod leg.* Hic enim animadvertitur sola permissio heredis sine pactione fore, ut nunquam id repetat, etsi heres factus fuerit. Permissio nulla est eius, qui si vellet, nolle non potuit: eius est velle, qui potest & nolle. *L. 8. eius, D. de reg. iur. & contra L. si quis extraneus, §. 1. D. de acq. her. §. Sed assentur hoc etiam, cum Lucinius Fronto fideicommissarius nihil videatur hic remississe; ac ne spem quidem; quia nec potuerit. Quippe paciscitur de parte, quæ est Philini fratris post mortem eius non petenda, id est, de hereditate viventis, non mortui. Porro de bonis viventis nec***

Tom. VII.

pacisci licet, nec transigere, *L. ult. infra eod. L. nec nos, infr. de possimin. rev.* Sed dicendum est hæc partem, quæ nunc Philini est, cum pactum interponitur, si diversa tempora spectentur, modo esse Philini, modo defuncti patris. Quandiu Philinus vivit, tandiu eius est. Mortuo Philino sic eius esse desinit, ut retro non videatur unquam eius fuisse, sed patris, atque eius semper mansisse remota Philini persona. Denique ex fideicommissio testatori succeditur, non heredi, a quo relinquitur fideicommissum, *L. coheredi, §. cum filie, D. de vulg.* Iam vero in hunc casum paciscitur Lucinius de ea parte, quo Philinus sine liberis decesserit. Quo tempore res defuncti patris, eiusdemque testatoris esse incipiet, ut a principio. Quare in id tempus pactionem conferendo paciscitur de hereditate eius, qui iam nunc mortuus sit, non de hereditate viventis. Nihil erga proponitur, cur Lucinius conventionem ipsam fideicommissi non recte remiserit. Quamquam quid attinet hic laborare? de bonis viventis non licet pacisci, id est, de viventis successione nobis non delata, quanvis ei renuntiemus; de quo dixit *L. ult. infr. eod.* at quominus renuntiemus viventis bonis, quæ nobis deferuntur ex fideicommissio, nulla lex vetat: cum liceat heredi rogato hereditus suis consulere. Vide, quæ scripti ad *d. L. ult.* Sed fortasse fideicommissum recte remiserit Lucinius Fronto: at Philinus sextantem de portione sui liberis suis adimere non potuit. De quo altero iam consideremus. Et si sano si ex iudicio defuncti patris portio Philini debuit restitui eius liberis; quidquid de ea portione alienatum fuerit, a liberis revocari potest. Sicque est in universum conditio rerum fideicommissio obnoxiarum, ut nihil de iis possit in fraudem eorum, quibus fideicommissum datum est, alienari. *L. ult. §. pen. & auth. seq. infr. tom. de legat.* hoc autem in proposito ita videri potest, cum testator ita dixit, *si sine liberis Philinus decesseris*, portionem suam fratri restituat, hac conditione, *si sine liberis decesseris*, voluisse testatorem liberis extantibus portionem his restitui, esseque in his verbis fideicommissum, hoc argumento, quod in *L. Lucius, §. in fin. D. de hered. inst.* Scævola scribat, *ex superscripta conditione testatorem pretulisse liberis fideicommissario.* Sed hoc ratum sit, ex superiore conditione nihil relinqui liberis, & generaliter ei, in cuius personam conditio collata est, nec legari, nec relin-

G 2

qui

qui quidquam. *L. si quis sub conditione, D. si quis omis. caus. test.* Quomadmōdum & illud verum est non legari eas res, quæ ponuntur in conditione. Ut, si testator ita dixerit, *si heres meus penum non dederit, decem dato*, penus non est legata, sed decem sola, et si cupit testator penum ab herede dari. *L. 1. §. item si ita in fin. D. ad L. Falc.* Quapropter nihil obstat superior lex, quæ est de rebus oneratis fideicommissis, quominus siquid Philinus de portione sua alienaverit, invitis liberis rata sit alienatio. Verum est tamen superscripta conditione adiecta testatorem prætulisse Frontoni fideicommissario Philini liberos; scilicet ut si concurrerent Philini liberi, & Fronto, & aliquid esset in bonis Philini; liberi eius portionem patris sui potius obtinerent; sic enim liberi præponuntur Philino ex iudicio testatoris. Sed non idem efficitur hijs fideicommissum datum. Quin imo ita recte dicitur, ut testator prætulit Philini liberos fideicommissario: ita Philinum prætulit ipsius Philini liberis, eodem plane modo, ut sit in donatione causa mortis. Ille enim dicemus donatorem misse donatarium habere rem donatam, quam heredem suum; neque tamen ea res impedit, quominus malit se habere, quam donatarium, & de ea quominus possit pro arbitrio statuere. *tit. de donation. in prin.*

10 Adiunt & Imperatores Philinum pactum esse de sextante dando, cum liberos nondum suscepisset. Ineptè mihi videtur dubitari, an si Philinus postea liberos suscipiat, id satis sit causæ, ut sextans repetatur, quasi Philinus, si id sperasset, sextantem datu-

ros non fuerit. Quod enim ob causam futuram nominatim datum est, id est, ut aliquid sequatur, hæc causa non secuta reperiri potest. At non sextans hic datus est ea lege, ut maneret penes Licinium, si liberi & Philino suscepti non essent? Immo contra ita aperte datus est, ut omni modo maneret apud Licinium, dummodo is iam nunc fideicommissi spem remitteret. Tum autem ut demus Philinum hoc animo fuisse, ut liberis susceptis sextantem repereret: (quod nemo dicit, cum factum Philini aperte ei adverteretur) tamen nihil ei profuerit ipsum fuisse hoc animo, si hanc conditionem nominatim non adiecit. *L. si repetendi, infr. de cond. ob caus. dat.* Quantum est, sitne in hac specie transactio, an pactum duntaxat, ut sciremus, quam apposite species relata sit in hunc titulum, de pactis, & quid ad eum pertineat. Non dubito, quin sit transactio, ut in specie *L. de fideicommissis, infr. seq. titul.* eum utrobique remittatur spes fideicommissi modico præsentate accepto, & utrobique fideicommissum sit incertum. Nam quid ad rem facit, quod fideicommissum fuit illie mutuum? An eo minus est incertus eventus fideicommissi conditionalis; quia uni tantum relictum est sub conditione? Sed non ideo hoc rescriptum non recte sub hoc titulo locatum est. Nam in specie hic proposita non id quaeritur, an possit transigi de fideicommissis: sed an pactum sit iustum, quo id agitur, ut sextans Licinio detur huius remissionis nomine; ac respondeatur iustum esse, eoque servandum. Quod plane ad edictum de pactis pertinet.



L. post venditionem 2.

Imp. Severus & Antoninus AA. Claudio.

Post venditionem hereditatis a te factam, si creditores contra emptores actiones suas movisse probare poteris, eosque eos spontanea voluntate suscepisse: exceptione sacris pacti non inutiliter defenderis. PP. prid. Idus Febr. Severo III. & Antonino AA. Coss.

S U M M A R I A.

1. Hereditatis vendita commodum & incommodum, atque onus omne ad emptorem spectare, vi ipsa & potestate verbi.
2. Hereditate vendita, nihilominus venditorem obligatum teneri creditoribus hereditariis, ut ante, non etiam emptorem.
3. Hypothecis, rescripti summa, & que in eo querantur.
4. Emptor hereditatis actiones hereditarias nomine venditoris suscipiendo venditorem liberat, & quo iure, utrum exceptione, an in re ipso.
5. Hereditarios creditores cum emptore hereditatis agendo videri cum emptore tacite pactos, ne a venditore petant, & unde colligatur hoc pactum.
6. Pactum creditorum hereditariorum cum emptore interpositum, ne a venditore petant, venditori prodesse, & cur.
7. Pacto superiore venditorem liberari, etiamsi emptor non sit solvendo.
8. Tacitum pactum ex edicto valere.
9. Tacitum pactum liberandi causa quod sit, & quibus ex rebus colligatur.
10. Cautio reddita debitori.
11. Acceptilationem inutilem pactum habere, ne petatur.
12. Usuras in futurum acceptas pactum habere, ne intra id tempus fors petatur.

UT possit genus facti & conventionis ratio, qua hic proponitur, commodius intelligi, ante breviter dicendum est, vendita hereditate quid agatur inter emptorem & venditorem hereditatis. Nam & de his quaestio est, & ex eo iure ferre omnis pendet huius rescripti ratio. † Et constat id agi, ut quemadmodum res hereditariae omnes, itemque actiones, lucrum denique omne hereditatis sit emptoris: sic damnum etiam, atque incommodum omne ad eundem respiciat: quo in genere est res alienum. Proinde id agitur, ut res alienum emptor hereditatis agnoscat, L. 2. §. non solum, §. sicuti, §. ultim. D. de hered. vel act. vend. Id ex conditione rei venditae agi intelligitur: hereditas enim venditur: hereditas autem iuris nomen est, eaque commoda & incommoda continet, L. hereditatis, D. de verbor. signific. L. 1. 2. 3. D. de bo. poss. Hoc † quamquam agitur inter emptorem & venditorem hereditatis; non tamen ea vis est huius conventionis,

ut aut venditor, qui reversa est heres, non amplius teneatur creditoribus hereditariis, aut emptor, in quem hereditas est translata, his incipiat teneri: Inter ipsos res geritur tantum, ut quod agunt inter se ipsis tantum aut profit aut noceat. Itaque si emptor creditoribus sponte satisfaciat, fidem liberat: si venditor ipse solverit, cum conveniretur, id ipsum ab emptore venditi iudicio consequetur. Ceterum ea conventio alios non attingit, nec obligationem, quae fuit, mutat. Quod ad venditorem attinet, is iure primum heres existit, atque hereditate adita ita cepit aeri alieno teneri, quasi quicum creditoribus hereditariis contraxisset. Hocque est, quod dicitur hereditatem aeri alieno nos obligare, quanvis non sit solvendo, L. more, D. de acq. hered. L. apud Iulianum. In fin. D. quibus in causis in poss. eat. obligatione suscepta, facto suo creditorum obligationem nec tollere potuit, nec mutare L. debitorum, infr. eo titul. nec quia hereditatem vendidit.

didit, ideo definit heres esse, qui semel extitit. *L. si qui solvendo, D. de her. instit. L. ait prator §. sed quod Papinianus D. de minor.* Quod attinet ad emptorem hereditatis; quia neque heres sit emptione (enim hereditas testamento, aut lege ab intestato, non privata pactione deferatur. *L. hereditas, infr. de pact. conn. L. lege D. de verb. sig.*) Neque idem cum creditoribus hereditariis quidquam contraxit, aut adversus eos deliquit: his sine dubio propter emptionem hereditatis non tenetur, itaque nec his agentibus, si velit, cogitur respondere, *L. 6. infr. de her. vel alt. vend.*

3 Cum §. hæc ita sint, ex facto quæsitum est. Claudius quidam heres hereditatem vendiderat. Creditores, quibus debebatur aliquid ab ea hereditate, postquam hereditatem venditam, & apud emptorem esse cognoverunt, hunc potius secuti, qui se pro herede esse vellet, cum eo agere instituerunt, & ab eo ius suum persequi. Nullo iure id quidem adversus eum, qui ipsis non tenebatur: ne quis forte nunc requirat, quas actiones moverint creditores adversus emptorem, quas nullas habuerunt, *L. si pupilli §. ult. D. neg. gest.* Sed tamen moverunt. Ille cum, ut supra diximus, his respondere non eogeretur, quoniam tamen legem venditionis sequi vellet, neque expectare, dum conveniretur a venditore, si quid ille creditoribus solvisset, sponte actiones suscepit. Mox ereditores, sive quod emptorem litigiosum hominem experirentur, a quo nihil possent æqui impetrare, sive quod solvendo non esse eum comperissent, emptorem omisso cum venditore, qui ipsis proprie obligatus erat, agere ceperunt. Consuluit Claudius hereditatis venditor numnam videantur ereditores ipsum liberallæ, postquam pro eo emptorem secuti sunt? Rescriptum est ipsum exceptione taciti pacti non inutiliter defendi. Ergo hoc dicunt in summa Imperatores: emptorem hereditatis actiones hereditarias nomine venditoris suscipiendo, eum taciti pacti exceptione liberare. Tria sunt, quæ hic vocentur in questionem. Primum, quod dicunt liberari venditorem exceptione: cum illud potius videatur dici debuisse, liberari eum ipso iure. Deinde, quod dicunt defendi eum exceptione taciti pacti: cum in eo, quod gestum est, nullo plane pactum proponatur, atque etiam id, si quod sit, interponatur cum emptore, non cum venditore. Postremo, quod dicunt absolute, defendi eum nihil distinguentes, utrum emptor hereditatis solvendo sit, nec ne.

4 Exceptio, §. aiunt, defenderetur venditor. Immo ipso iure, dicat aliquis. Nam ita est regula iuris, ut quisquis pro nobis iudicium suscipit, nos etiam invitos liberet itidem, ut si solveret pro nobis. *L. solutione, D. de solut.* Solutione autem constat nos iure civili liberari, *L. §. inf. eod.* Et expendendum est, quod dicitur, *pro nobis* in regula iuris. Is suscipit iudicium pro nobis, qui nostra tantum gratia, nulla sua, iudicium suscipit. Iam vero in proposito emptor hereditatis actiones suscipiendo, & si id agit, ut venditorem liberet: magis tamen negotium suum gerit, id studens, ne si illius defensionem non suscipiat, ipsi iudicio empti teneatur: cum id agatur, ut iam dixi, inter emptorem & venditorem hereditatis, ut emptor omnia onera suscipiens pro venditore satisfaciatur. Quisquis autem actiones, aut defensiones ab alio sibi mandatas suo nomine exercet, rem suam & negotium agit, *L. qui stipendia, infr. de procur.* Ita hoc sentientes Imperatores in hac specie subtili iure debitorum non liberari, hoc ei relinquunt, ut exceptione saltem pacti defenderetur.

5 Ergo §. hoc iam secundo loco quaeritur, quodnam tandem hic pactum sit, quo eum defendi volunt. Non enim aliud esse potest quam id, quo ereditores pacti sunt, se a venditore hereditatis non petituros. At ubi tandem hoc pacti sunt? nisi enim cum aliquo convenierint, non est duorum pluriumve in idem consensus: ac proinde nec pactum. Nihil autem eorum hoc loco proponitur. Et sane nihil tale aperte pacti sunt; ne quis forte huiusmodi aliquod pactum quaerat: unde tacitum pactum esse dicitur, non nuncupatum, sive expressum. Sed factum aliquid est, & gestum a creditoribus cum emptore, ex quo eiusmodi consensus, qualem supra diximus, colligitur: hic consensus pactum est. *L. 1. D. eod.* Id quia non minus pactum est, quam si esset expressum, consequens est valere non minus. *L. 2. 3. & 4. D. eod.* eum prator nihil amplius pollicetur, quam se pacta esse servaturum. Ex quo relinquetur, ereditores ita cum emptore agendo videri cum eo pactos esse, nihil se amplius eo nomine esse a venditore petitorios. Nam ut dicamus pactum hoc factum esse cum venditore, nulla ratio permittit: cum ereditores nihil cum venditore locuti esse, nihil egisse proponantur. Præterea manifestum est hoc loci dei pactum esse tantum ideo; quia ereditores cum emptoribus egerint, illi actiones susceperint. Restat, ut videamus qui:

quibus ex rebus hæc voluntas, atque conventio inter creditores, & emptores hereditatis in hoc facto colligatur. Et obscurum non est, quid hic agatur: nempe enim emptores ideo suscipiunt actiones, ut aliquem eo facto liberent. Igitur ut vel se, vel venditorem. Ipsi non tenentur creditoribus hereditariis, quantumvis ea lege hereditatem acceperint, ut creditoribus satisfacerent, d. L. 2. *infr. de her. vel act. vend.* Quare non obscure id agunt, ut liberent venditorem hereditatis, aut certe ne ab eo petatur: propterea quod revera præcipue sibi consulunt, voluntque se liberatos a venditore. Id autem ita fit, si ab eo non petatur. Quid creditores? nempe agendo cum emptoribus hac ipsa lege eorum personam sequi intelliguntur. Cur enim cum his agunt, quos sciunt iure sibi non teneri? Quia sciunt hac lege eos misisse hereditatem, ne venditor amplius inquietaretur, sed omnia onera in emptores hereditatis transirent. Itaque ex hac conventionem agentes cum volentibus emptoribus, conventionem cum illis interpositam sequi, & quia sequuntur, etiam probare, etque assentiri intelliguntur. Habes consensum creditorum & emptorum de hac re, ne creditores a venditore petant. Quem consensum pactum esse nemo ambigit.

- 6 Sed si enim ex hac re, dicat quispiam, in aliud incommodum incidimus, admittentes passionem cum emptoribus interpositam venditori prodesse, & per liberam personam alii exceptionem acquiri, quod ius vetat, §. *ex his igitur, Inst. per quas personas nobis acquir.* L. 1. *infr. per quas personas.* Nihil nos id moveat. Ut enim cum stipulamur alteri dari, quod nostrum interest, valet stipulatio: §. *sed & si quis, Inst. de iur. stipul.* sic & recipi paciscimur alteri, cum paciscimur, ne petatur ab eo, cuius dissolutum esse obligationem nostra interest, *Leg. & heredi.* §. *ult. L. fideiussores, D. eod.* Iam autem satis dictum est interesse emptorum hereditatis a venditore non peti, ut qui conventus a creditoribus hereditariis, si quid præstiterit, id repetiturus sit ab emptoribus. Restat 7 tertium, ut queramus, etiamne si emptores hereditatis non erunt solvendo; tamen nihilominus exceptione tutus sit venditor, atque ita creditores suum amittant. Ex eis verbis rescripti apparet nihil referre, utrum emptores solvendo sint, nec ne; cum dicatur venditorem defendi exceptione, tantummodo ut probeatur creditores adversus emptores movisse actiones suas, & em-

ptores suscepisse. Sed quominus dubitemus ita esse hanc sententiam, diserte expressit Paulus in *L. inter, §. abesse, D. mand. Et si, inquit debitor delegatus solvendo non sit: tamen bonum nomen fecit creditor, qui admittit creditorem delegatum*, loquitur ille quidem de debitore delegato. Sed nihil interest, utrum aliquem sibi a vero debitore oblatum creditor admittat, an admittat eum, qui ultro iudicium suscipiat pro vero debitore. Nam utroque modo fit delegatio, si quis aliena tantum causa iudicium suscipiat, *L. delegare, D. de novat.* Sunt qui dissentiant. Sed meo iudicio nihil satis idoneum videtur asserri pro creditoribus. Etenim si dicent iniquum esse se nihil consequi: respondebimus, si pacti sint, ne quid consequerentur a venditore, esse æquissimum ipsos conventioni suæ stare *L. 1. D. eod.* Si quid temere in eo admiserunt, dicemus eos hoc facilitati suæ expensum terre debere, *L. 3. in fin. D. ut in poss. L. esse sic.* Si dicunt creditores se non fuisse hoc animo, ut liberarent venditorem, si emptores hereditatis solvendo non essent: non sunt audiendi, cum factum eorum ipsis repugnet, id est, cum agendo sine ulla conditione, appareat eos & sine ulla conditione pactos esse, ne a venditore peterent. *arg. L. si repetendi infr. de cond. ob caus. L. non est ferendus, D. de transi.* Pro his facere a quibuldam existimatur *L. promittendo, §. si a debitore, D. de iure dos.* ubi Paulus cum scripsisset, *si maritus admiserit debitorem mulieris promittentis dotem, cum is solvendo non esset, periculum mariti esse:* hanc rationem subiecit; *quia sciens tale nomen scientus videatur, quale in obligatione fuerit.* Quoniam de sciente Paulus loquitur, ideo colligi putant, si creditor ignoraverit debitorem delegatum esse solvendo, eius periculum non esse. Sed potius in illis verbis Pauli expendi debet illud, *videatur.* Paulus non dicit creditorem in ea specie, quam tractat, admisisse scientem (nam de eo nihil proposuit) sed dicit videri eum scientem admisisse. Quod ego sic accipio, quasi ita dixisset: cum creditor admisit debitorem delegatum, neque inquirendum putavit in eius conditionem & facultates: perinde, hoc est, quasi sciens illum solvendo non esse, eum admisisset. Videtur igitur sciens admisisse, etiam revera admiserit ignorans. Hoc si intelligere & sentire Paulum ex aliis Pauli scriptis, constare potest, hic hæitari non debet. Nemo enim melior, & magis idoneus interpres Pauli quam ipse Paulus. At iam supra

pra dixi Paulum hanc sententiam expref-
 8 tile in *L. inter*, §. *absq̃e D. mand.* Hæc
 de sententia rescripti. illud ¶ ad senten-
 tiam edicti ex eo animadvertendum, non
 minus ex edicto tacita pacta valere, id
 est, quæ sine verbis intelliguntur, quam
 quæ exprimuntur verbis. Quid enim in-
 terest, verbis voluntas & consensus de-
 claretur, an re aliqua & facto? *L. 2. D.*
eod. arg. L. de quibus D. de legib. Omnis
 autem consensus duorum, pactum est.
 Proderit igitur in universum tenere, quid
 sit tacitum pactum, & quoniam ex gene-
 re facti istiusmodi pacta colligamus. Ta-
 9 citum ¶ pactum est, cum ex eo, quod
 aperte gestum est inter aliquos, alterius
 rei, de qua nihil aperte cautum est, con-
 sensus & voluntas colligitur; quoties quod
 geritur, tale est, ut id sine alia re, quæ
 præcedat, inutile aut elusorium futurum
 sit. Quæ res enim eiusmodi est, quam
 natura præcedere oporteat, ea sic acci-
 pitur, quasi præcesserit sententia & vo-
 luntate eorum, qui illud, de quo constat,
 inter se gesserunt. Nam eos quidem, qui
 gesserunt quid inter se, semper existima-
 ri par est, id quod fecerunt, non frustra
 gerere voluisse, *arg. L. quoties in actio-
 nibus D. de reb. dub. L. si quando, D.*
de leg. 2. Ita si id quod gestum est, sine
 alia re valere non possit, necesse est vi-
 deri eos, qui quod est consequens pro-
 barunt, etiam ea, quæ antecedunt, pro-
 bare, & constituere inter se voluisse: qua
 ratione receptum esse scimus, ut qui he-
 reditatem repudiavit, aut agnovit ab in-
 testato, cum eam ex testamento posset
 adire, videatur prius tacite ex testamen-
 to repudiavisse, *L. illud, D. de acquirend.*
hered. Non enim scilicet fieri poterat, ut
 ab intestato adiret quis, aut repudiaret
 hereditatem, nisi hæc prius ex testamen-
 to esset repudiata. Frustra autem ab in-
 testato repudiare quemquam, aut adire
 voluisse, cum factum eius refrageretur, non
 credimus. Nunc in pacto, de quo agitur,
 ne res exemplis egeat, paucis iis utemur,
 quæ his titulis occurrunt.

Creditor ¶ debitori suo reddidit cautio-
 nem. Placet videri hoc factio inter eos
 convenisse, ne creditor peteret, *L. 2.*
D. eod. nempe ideo; quia tunc reddi
 solet cautio, cum creditor amplius nihil
 petere debet, frustra quæ redditur, si post-
 quam sit reddita, creditor adhuc pecu-
 niam possit petere. Frustra porro reddere
 voluisse si se dicat, non audietur. Sic quia
 prius est, ut debitorem liberatum velit,
 quam cautionem reddat, si modo aliquid
 agere, non ludere voluit: redditione cau-
 tionis etiam illud, quod in re utiliter ge-
 rendum antecedere oportuit, voluisse intel-
 ligitur. Item ¶ si quis debitorem liberatu-
 rus per acceptilationem, inutilem accep-
 tilationem interposuerit, sive quod inter-
 rogatus annuerit tantum, sive quod ex in-
 tervallo responderit: placet tamen tacita
 pactioe id actum videri, ne peteretur.
L. si unus, §. pen. D. eo rit. L. inuti-
lis, D. de accept. Cor? quia non dubium
 est, si quis ad acceptilationem interpon-
 endam accesserit, prius fuisse, ut vellet
 liberatum debitorem, nisi si frustra id fa-
 cere voluit quod non est existimandum.

Eiusdem ¶ rei & hoc exemplum est
 in *L. qui in futurum D. eod.* qui in
 futurum usuras a debitore acceperit, hunc
 Florentinus ait tacite pactum videri, ne
 intra id tempus sortem petat. Cur hoc,
 inquam? ita ipsa ratione, quam supra dixi;
 quia fieri nequeat, ut usuras totius
 illius temporis iure habeat creditor, si per
 id tempus iure ab illo fors exigatur. At
 usuras eum accepit, habere etiam voluit:
 alioqui ne accepisset quidem. Unde intel-
 ligitur & id quod prius erat, voluisse, ut
 tantisper fors maneret apud debitorem.
 Hæc ipsa ratio & in specie, quæ hoc
 rescripto tractatur, valet. Nam emptorem,
 cum iure nihil deberet, non frustra actiones
 suscepisse certum est. At frustra sus-
 cepit, si & a venditore peti potest ad-
 huc, ut deinde eodem nomine a vendito-
 re postea conveniatur.

L. 3. Servus.

Imp. Severus & Antoninus AA. Restituto.

Servus creditoris meliorem causam domini facere potest: in deterius autem reformare novo pacto non potest obligationem recte constitutam PP. VIII. Kal. April. Severo III. & Antonino, AA. Coss.

S U M M A R I A.

1. *Pacificendo alterius conditionem deterius facere nulli licere.*
2. *Servus, aut filiusfamilias pacificendo an detrahere possit domini, vel patris obligationi, & num. 9.*
3. *Cur de his personis potius id dubitatum; & dubitatio sumpta.*
4. *Regula iuris explicata: Cuius ex persona quis lucrum capit, eius &*

factum cum præstare debere.

5. *Servus dominum obligans ex contractu de peculio, ex maleficio noxali actione, non ideo domini conditionem facit deterius.*
6. *Deterius alterius conditionem in re facere neminem posse: natura & facto, puta rumpendo, quemvis posse.*

LEX est † naturæ perducta in mores, & ius civile, omnes posse, atque adeo debere alterius conditionem, quoad licet, facere meliorem: deterius facere, & omnino alteri nocere non posse. *L. solvendo, D. de neg. gest.* Contra hanc legem si quis paciscitur, ut ne is, qui debebat alteri, creditori suo teneatur, aut ut teneatur aliter, quam prius, nihil agit ex edicto; quia prætor pacta contra leges, aut regulas iuris facta non servat, *L. iuris gentium, §. prætor. L. contra, D. eod.*

2. Ex † hac naturæ regula neque servus domini, neque filius patris obligationi ullo suo facto quidquam potest detrahere, ut hic traditur, & in *L. filius inf. eod.* Quod tamen sic accipiemus, nisi servus, aut filius liberam habeat administrationem peculii, & res, de qua paciscuntur, sit peculiares; tum eam ita remittant, ut pro ea accipiant tantundem, *d. L. contra, §. si filius, D. eod.* Neque enim hic quidquam adversus superiorem legem naturæ peccatur, propterea quod videtur ipse dominus, aut pater pacisci, cum his mandantibus, & permittentibus servus, aut filius paciscuntur.

3. Sed † cum lex pertineat ex æquo ad omnes, qua cavetur, ne quis alterius conditionem faciat deterius: non abs re est querere, cur hoc solum & hic, & in *L. filius, infr. eod.* in servo & filio statuatur, quasi quidquam hic proprium

sit in istorum persona. Et non dubium est, quin cum hoc generaliter definiri potuisset de omnibus, idcirco de certis quibusdam personis dictum sit sub hoc titulo; quia res in his personis haberet dubitationem, ut proinde dubitatio etiam in his tolleretur. Et quidem de pacto curatorum, tutorum, dubitari potuit, num id pupillo noceret: de pacto debitorum interdum, num noceret creditoribus. *L. pactum curatoris. L. debitorum. & L. seg. inf. eod.* Sed præcipue in servo & filiofamilias nunquid hi paciscentes, aut debitum accipientes detraherent domini, aut patris obligationi. Nam servus stipulando domino acquirit. Proinde videri potest consentaneum, ut qui obligationem contraxisset, idem etiam iure dissolveret: cum quibus rebus obligatio contracta est, iisdem in contrarium actis dissolvatur. *L. nihil tam, D. de reg. iur.* Huc accedit quod servus quodammodo peculii dominus est, §. actiones autem, *Infr. de act.* Eadem sunt & in filiofamilias. Nunc ergo admonemur, nihil esse in his, cur a superiore regula discedatur. Et recte. Ut enim dederimus eiusdem esse dissolvere obligationem, qui & contraxit: tamen hac ratione efficietur esse domini dissolvere obligationem, non servi; propterea quod videatur ipse dominus vice servi contraxisse, §. ei vero, §. post mortem, *Infr. de ius. stip.* Quod autem ad peculium attinet, ita res habet: servus quodam-

H

dam-

Tam. VII.

dammodo dominus est peculii: revera non est. Neque enim servus quidquam proprium habere potest, nec filiusfamilias quod sit a patre profectum. §. 1. & 2. *Iustis. per quas pers.*

4. Est etiam regula iuris, cuius ex persona lucrum capimus, eius nos & factum præstare debere. Sed regula hunc habet sensum, ut ex cuius persona lucrum capimus in re aliqua & negotio, in eo ipso & factum servi, quod ab initio intercessit, præstare debeamus: non item id, quod postea. Finge servum quid vendidisse: pecuniam domini credidisse foenori, certa addita lege, ut dominus quid faceret aut non faceret. Non licebit videlicet domino negotium a servo gestum probare, qua parte sit illi utile: idem improbare, qua non expediat. *L. si autem, D. eod.* certa enim lege servus rem domino acquisivit, quam dominus in fraudem alterius mutare non potest. Neque hoc modo fit domini conditio deterior: licet enim domino, si ei expedire videbitur, factum servi in totum non agnoscere. Re autem domino utiliter, & sine conditione quaesita non licebit servo quidquam postea faciendo de iure domini detrahare. Eodem modo superiorem regulam interpretatur Africanus in *L. cum mancipium, D. de ad. edict.* quia, inquit, & illud ex bona fide fit, servum, cum quo negotium fuerat gestum (loquitur de servo, qui ignorans mancipium morbofolem emerat) & rursus delictum (id est scientiam) eiusdem, quod in contrahendo admisit, domino nocere debeat. Expende illa verba, quod in contrahendo admisit. vide *L. 4. §. in hac exceptione, D. de dol. excep.* Neque sane si quis quid alteri acquirere potest, ideo consentaneum est & illum ei nocere posse. Toto enim genere distant nocere & prodesse. Sed quid in una hac specie consilimus, dicimusque servum paciscendo non posse reformare in deterius obligationem domini recte constitutam? In totum servus nihilo magis, quam alius quivis, domini conditionem deterius facere potest. Nec huius regulæ ullas video esse exceptiones, in quibus tamen colligendis alii tam diligenter sunt occupati.

At potest servus, si ad adipiscendum missus sit, aut acquirere iussus, domino non acquirere *L. ult. in fin. inf. de acq. pos. L. 3. inf. de her. inst.* Potest. Sed aliud est posse meliorem conditionem non facere, aliud facere deterius, in *d. L. ult. inf. de acq. pos.* Possum tibi non acquirere, si velim; adimere quod sit tui iuris non possum.

At etiam servus dominum obligat & ex contrahibus de peculio, & ex delictis noxali actione. Nos videamus, ne cum hæc rectissime constituta sint, non faciat servus in utroque conditionem domini deterius. Quod enim dominus de peculio tenetur ex contractu servi, primum nihil domino in eo detrahitur, quippe qui de suo patrimonio non convenitur, sed servi. Servorum enim quasi patrimonium intelligitur peculium, quod domini ipsius permixtum habent. §. actiones autem, *Inst. de off.* Deinde domini voluntate fit, quod ipse de eo convenitur. Ideo enim peculium servo habere permisit, ut tamquam in re propria ageret, negotiaretur. Quod si cum servus eo nomine conveniri non possit (neque enim in ludicio stare potest) dominus pro eo convenitur, quoniam in potestate eius iure civili peculium est: voluntate tamen eius magis, quam facto servi id fieri intelligitur. Est enim in potestate domini consequi, ne teneatur, peculium adimendo. Quod autem ex delictis servorum tenetur dominus noxali actione, id est, ea, qua aut æstimationem damni præstare debeat, aut servum noxæ dedere: non ideo tamen ne hic quidem conditionem domini deterius fieri concesserim. Etenim si cogemur id damnum præstare, quod a servo nostro datum est, tum sane conditio nostra per servum fieret deterius: cum sæpe nistra æstimationem servi facto eius oneremur. Nunc autem supra æstimationem servi non tenemur: quippe illum dedendo noxæ liberamur, §. 1. *Inst. de noxa. act. L. 1. D. eo tit.* An non igitur hætenus saltem conditio nostra sit deterius, quod illo cogamur carere? Ne sic quidem. Quod enim illius factum præstare cogimur, ne impune aliis noceat, rei onus adiunctum est ipsidem, ut animalibus nostris, quæ si pauperiem fecerint, eodem modo aut damnum debemus præstare, aut animal noxæ dedere, dedendo autem noxæ liberamur, *L. 1. D. si quadr. paup. fec.* At & rerum nostrarum cæterarum sua quadam onera sunt, quæ cum præstamus, non dicitur ab iis conditio nostra fieri deterius, sed res pluris non fuisse, quam quantum iis oneribus deductis superest. Hac enim lege habebantur, ut præstarentur hæc onera. Tanti autem res quæque esse putanda est, quanti est oneribus deductis futura. Sint onera maiora gravioraque, quam ut eas res habere nobis expediat, non erit ullum in ea re incommodum nostrum, si rebus cesserimus. Quod in omni re nostra ad opera evadenda possumus facere, *L. cum*

L. cum fructuarius, D. de usufr. L. etsi forte, §. Labeo, D. si serv. vind. At enim ipsæ res hæc onera nobis afferebant. Sed non est incommodum, quod rei ipsius æstimatione pensatur. Quod ne quis a me primum subtilius dici putet, quam verius, idem scripsisse sciat Ulpianum ad interdictum, Unde vi, *L. 1. §. quod ergo, Digest. De vi, & de vi arm.* in his verbis: *Quod ergo additur, aut familia tua deiecit, merito scriptum est, in eum scilicet casum, in quem familia mea vi deiecit: caterum si iussit, deiecit ipse. Nec gravari debet dominus, qui non iussit, servorum factum præstare, si non iussit eum deiecerunt. Nam non gravabitur hoc nomine: quippe cum aut perveneris ad eum aliquid, & restituet: aut non perveneris, & ipsos servos noxæ dedendo maleficii causa, indemnis eris. Quod enim noxæ dedere compellitur, in damno non debet computari: cum servi in hoc possint domini conditionem deteriorem facere. Servos aut deteriorem posse facere hæcenus domini*

conditionem, si quod dedere servum compelluntur, æstimes. At idem & hoc in damno esse negat; quia si quid hic præstandum sit domino, ipsius rei deditione præstetur.

Sane si servus domino facto ipso damnum adferre potest. Potest res domini urere, frangere, rumpere iniuria. Sed nihil hoc ad hunc locum, Quod enim servum domini conditionem deteriore potest facere negamus, sic accipi debet, ut intelligatur non posse iure, id est, non posse ita, ut quod servi factum corporaliter non ademit, id ius adimat domino, dum factum servi ratum habet. Quidquid enim fecerit servus, non eo minus, quam ante, dominus de iure suo agere potest, neque eo magis adversus dominum eo nomine potest agi. Quo minus autem servus naturaliter nocere possit domino, quod omnes quantumvis extranei in quævis facere possunt, nulla iuris prohibitio potest efficere.

L. 4. Postquam,

Imp. Severus & Antoninus AA. Valerix.

Postquam liti de prædio mote renuntiasti, causam finitam instaurari posse nulla ratio permittit. PP. IV. Id. Febr. Albino & Emiliano Coss.

S U M M A R I A.

1. Renuntiare liti quid sit, & quibus rebus hæc renuntiatio arguatur.
2. Lis mota cum primum quis in ius vocatus est, & quid distet a iudicio capto,
3. Renuntiatione litis causam non aliter finire, quam conventionem, eo-

que ita, si præsentem adversario renuntiatio intervenit.

4. Renuntiationem litis apud aliam interpositam absente adversario, ne sic quidem renuntianti nocere.
5. Lis & causa quid differant.
6. Litam non significare instantiam, & quid sit instantia.

UT transactione causa finitur: ita volunt Imperatores finire & liti renuntiationem. Merito, nihil enim interest, utrum ideo a lite discedas, quod litem adversario remittere velis aliquo accepto, an quod liti diffidas, ideo in lite suspecta nolis perseverare.

1. Renuntiare si liti eadem forma dicitur, qua renuntiare societati ut igitur renuntiare societati est, deuntiare a societate se discedere, testari se amplius in societate manere nolle *L. si conven-*

Tom. VII.

rit. L. actione, §. diximus, D. pro socio. ita renuntiare liti est, a lite desistere, testari se nolle amplius in lite, quam institueris, perseverare, *L. desistisse, D. de ind.* Quod cum de significatione verbi intelligatur, quibus verbis hoc fiat, quærendum non est. Quocumque modo ostenderit quis se a lite desistere, fecit, quod quærimus, liti nempe renuntiavit. Sed non solum verbis liti renuntiat: verum etiam rebus ipsis, & factis. Hoc tunc accidit, cum quis iudicio suscepto de re

H 2

ali-

aliqua, novam. litem adversus eundem instituit, quæ instigata priori illi locus esse non possit, veluti, si filius, qui de inofficioso testamento patris adversus heredem scriptum agere coeperat, legatum ex testamento patris ab eodem petere instigat. Eo facto, quasi electo iudicio patris, filius ab inofficiosi querela excluditur, *L. si filius, D. de minorib. L. nihil interest, D. de inoffic. testam.*

Addunt et Imperatores finiri causam, si quis renuntiat liti motæ. Recte, *mota*, neque enim lis est, nisi mota sit. Motam utrum tunc solum accipimus, cum lis contestata est; an vero cum primum reus in ius vocatus est, & illi edita actio? Nam si de iudicio quæreremus, id tunc primum exceptum diceretur, tunc primum res in iudicium deduci, cum lis contestata est, *L. t. inf. de iud. L. t. inf. de litis contest.* Sed aliud est lis contestata, vel iudicium exceptum, quod nisi ex intentione actoris, & rei depulsionem non nascitur, aliud lis mota. Motus lis intelligitur ab actore solum, cum primum moveri, & institui ab illo cepit de aliqua re controversia. Quod si *litis* verbum omnem actionem persecutionemque nostram significat; *L. liti D. de verb. sig. mota* lis intelligitur simul atque actio instituta est. At movetur, instituiturque actio tum, cum reus vocatur in ius, & libellus conventionis illi offertur: sic enim scribit Iustinianus in *S. ult. Inst. de pæ. tem. lit. novella constitutio 112. de litig. §. 1.* litigiosam rem esse definit eam, de qua inter aliquos quæstio mota est, ubi res ad conventionem tantum iudicariam, & in ius vocationem processerit. Lis autem, & litigiosa res coniugata sunt. Si litigiosa res, lis de re est. Quare qui controversia mota ab instituto desistere se dixerit, quanvis nondum lis sit contestata, liti motæ renuntiavit, quod quærimus, & renuntiatione litem finivit.

Alios et Imperatores litem renuntiatione finitam instaurari non posse. Recte hoc loco quæritur, quid obstat petitori, quo minus cum liti instituta renuntiaverit, iterum de eadem re possit agere, si velit. Nam profecto si liti actio personalis in eum qui obligatus est, is hoc modo liberatus non est. *L. nihil tam naturale, D. de reg. iur. si in rem actio.* non ideo dominus esse desinit, qui litem omittit, *L. si quis vi, §. differentia, D. de acq. pos.* Quid igitur obstat, inquam quominus

agat? Dicendum est consensum & conventionem; quia cum renuntiavit liti, id est, se in lite perseverare nolle dixit, perinde hoc sit, quasi de ea re agere nolle, nolle se petere dixisset, quandoquidem petitio sine lite esse non possit. Inde quæsitum est, si actor testator apud aliquos, ut sit, dixerit se liti renuntiare, cum reus abesset, ecquid illi obstat ea renuntiatio? Consequens est nihil obstat; quia non sit conventio, nisi inter consentientes? nec consentiat reus, qui quid paciscatur actor, ignorat. Nec proderit reo, si re postea cognita id sibi placere dixerit, fieri enim potest, ut eo tempore actor non consentiat.

Quid si sit apud acta professus sit actor se liti renuntiare? Si absente adversario id fecit, puro ne id quidem ad renuntiationem aut finendam causam valere; nihil obstat demique actori renuntiationem. Nam si reo, qui absente adversario est confessus, nihil nocet confessio, ut pro iudicato habeatur, *L. certum, §. si quis absente, D. de confess. cum* tamen non solum hoc modo lite cedat, sed etiam una de iure adversarii fateatur: multo minus nocebit actori renuntiatio, qui ideo liti renuntiavit, non quod haberet malam causam, sed quod probare se posset, quod intendit, dissideret, vel quod eventum iudicii metueret. Et sane qui confiteretur se debere, ac postea se non debere affirmat is aut mentitur, aut mendacium dicit: quo æquius est ei mendacium suum nocere. Qui liti renuntiat, nihil facit contra fidem si eandem actionem iterum repetat novis probationibus suppetentibus. Quare si ne confessio quidem, quanvis in iure facta, consensui nocet, ubi res gesta est adversario absente: sine dubio renuntiatio nuda eodem modo facta non nocet. Atque id etiam efficitur hoc modo. Renuntiatione nuda litis debitorem non liberari, nec actorem dominum esse desinere constat. Necesse est igitur, si actor post renuntiationem amplius agere non potest, aut ei pacti conventi obstat, aut doli mali exceptio. Pactum, id est, duorum pactum & consensus, ubi adversarius abfuerit, intelligi non potest. Quod autem nunc agit contra, quam prius instituerat, non ideo dolo malo facit. Potuit enim, ut dixi ideo liti renuntiare, quia probationibus deficeretur. Quare cum novas probationes nunc afferat, quod ius suum persequatur, dolo caret. Ita ut illi renuntiatio noceat, hoc illum adversario, testari, & denuntiare necesse est. Quod reus accipere tum intelligitur, cum ab

acto-

actore renuntiante quasi re finita discedit. Non me movet, quod hic de renuntiantem tantum agitur, non de eo, qui renuntiavit praesente adversario. Nam etiam hic non dicitur causam renuntiatione finire; hoc solum dicitur, causam finitam instaurari non posse, quod valet, si finita sit, instaurari non posse ullo prae-textu. Quod rescriptum est, cum posset dubitari, etiam si esset ab initio finita, an tamen ex causâ postea posset retractari, quod Imperatores vetant. Prius igitur querendum est, an finita sit causâ, & qua conditione finiatur. Dicemus vero non aliter finire, quam si renuntians habeat pactum, cuius exceptio renuntiationem removeat. In summa hoc rescripto non, an renuntiatione causam finiat; sed si finivit semel, an perpetuo agentis obstat, queritur. Nec abs re. Nam cum potuerit actor ideo liti renuntiare, quod illum probationes tunc deficerent, nunc reperitis instrumentis nulla causâ esse videri potest, cur ius suum persequatur; quia non hoc animo esset, ut si probationes suppetere, litem omitteret: quod Imperatores negant: hoc enim pertinet, quod dicunt, causam finitam instaurari nullam rationem permittere, quasi dicerent, neque hanc, neque aliam rationem afferri posse, cur lis voluntate actoris finita instauraretur: quanvis inopia probationum tum renuntiationi causam attulerit, non iuris diffidentia. Alioquin nullus erit litium finis; quia facile species aliqua causâ instaurandâ quaesita fuerit, utque recte finitum erat, repetatur, arg. *L. fratris, inf. prox. tit.* Hoc si cui non est satis, assero etiam, quod est certius. Alio etiam hic diceretur aperte causam renuntiatione litis finire: tamen verbo *renuntiationis* vi ipsa satis includi, ut adversario ipsi aut praesenti aut absenti per nuntium vel per epistolam renuntietur. Nam & societatem solvi dicimus, si quis ex sociis societati renuntiaverit, neque additur, praesente socio *L. si conveneris. L. actione, §. diximus, D. pro soc.* Ex tamen hoc ipsum intelligitur: consensu enim contracta societas non nisi contrario consensu dissolvitur *L. nihil tam naturale, D. de R. I.* Sed & in *S. manet, Inst. de soc.* quod initio dicitur, si quis societati renuntiaverit, id in extremo exponitur de eo, qui loco renuntiavit societatem. Sic & in matrimonii & in sponsalibus repudio dissolvendis dicitur solum renuntiationem intervenire oportere: & tamen hoc sic accipitur, ut coniugi ipsi renuntiare oporteat, vel praesenti, vel absenti: per nuntium, aut epistolam, vel ita, ut renuntietur iis qui sunt in eius potestate. Unde renuntiationis verba haec sunt, quae nominatim ad eum, cui renuntietur, referuntur: *tuas res tibi habeto, sibi agito: conditione tua non utor. L. 2. D. de divor.* Ita plane hoc rescriptum ad eum non pertinet, qui liti renuntiavit absente adversario. Sed adversus Imperatorum rescriptum solet hoc disputari, contra ius esse, ut pactum in una re factum in alia re noceat: cum unum aliquid pacto remissum fuerit, ultra quam remissum est, debitori prodesse non possit, *L. si unum, §. pactus, D. de pact.* Porro eum, qui liti renuntiavit, nihil amplius, quam liti & controversiae renuntiavisse: aliud autem esse litem, aliud causam. Fieri posse, ut lis quae prius fuerat suscepta, omittatur; causâ ipsa & res, quae in iudicium deducta fuerat, integra in aliud tempus differatur. Non recte igitur hoc ab illis constitui, si quis liti de pradio mortae renuntiavit, eum continuo hoc facto causam finivisse.

Haec si illi disputant, qui putant litem significare instantiam, & litem a causâ seiunctam faciunt. Quod secus est: lis enim est omnis controversia cum aliquo de aliqua re iudicio suscepta, & ut Ulpianus definit, omnis actio nostra & iuris nostri persecutio, *L. litis, D. de verbor. signif.* Causa est res ipsa in iudicium deducta, quae in se habet controversiam. Sic Cicero causam passim definit & in *Parr.* & in *Top.* & de *Orat.* aliisque libris rhetoricis. Ex quo intelligitur neque litem & controversiam, nisi de re posse esse, neque causam, id est, questionem locis & temporibus definitam, sine lite & controversia ethici omnino, aut intelligi posse. Proinde qui liti renuntiavit, causam finivit. Ipsa enim lis & duorum inter se litigantium concertatio causam faciebat: ita lite sublata causa tollitur. Itaque haec nominibus distincta, re tamen ipsa & effectu inter se sunt eadem. Inde Cicero causam & controversiam in eadem re nominat in *Partition.* Duo sunt inquit, ut dixi, questionum genera; quorum alterum finitum temporibus & personis controversiam & causam nomino. Ex paulo post: *cognita igitur omni distributione propositarum consultationum, controversiarum & causarum genera restanda omnia.* Idem libro primo de *Orat.* verba iuris haec pro eodem usurpat, *causa cadere, & litem perdere.* verba haec sunt: *Atqui non desuit illis patronis, inquit Crassus, elo-*

quentia, neque dicendi ratio, aut copia, sed iuris prudentia: quod alter plus lege agendo petebat, quam quantum lex in 12. tabulis permiserat; quod cum impetrasset, causa caderet: alter iniquum putabat plus secum agi, quam quod esset in actione: neque intelligebat, si ita esset actum, litem adversarium perditurum.

- 6 Qui † litem instantiam esse putant (sic enim Iurisperiti vocant conatum actoris, & factum id omne, quod ad promovendam litem, & reo instantiam adhibendum est, *L. & post edictum, §. penult. D. de iudic.*) fallit eos, quod cum litem significare controversiam admiserunt; controversiam tamen sine re cogitant. Atqui lis & controversia omnino nisi de re esse non potest. Ut si quis liti renuntiet, nihil aliud intelligatur dicere, nisi se liti

de ea re, quæ in iudicium vocata est, renuntiare. At quæ tandem lis de re instituta erat, nisi ea, per quam actor rem consequeretur. Ita fit, ut liti renuntiando, huic ipsi liti creditor renuntiasse intelligatur. Ea porro una est, per quam quis rem consequatur, non plures. Ad extremum ne quis dubitet diversa hæc esse, litem & instantiam litis fieri posse, ut liti instantia perierit, lis maneat: audiatur Ulpianum in d. *L. & post edictum, D. de iudic.* ita scribentem: *circumdūdo edicto videamus, an amplius reus conveniri possit, an vero salva quidem lis sit, verum instantia tantum edicti perierit, & magis est, ut instantia tantum perierit, (id est, ut ego interpretor, pro nihilo sit edictum, quod impetravit actor, quo reo inflaret) ex integro autem litigari possit.*

L. 5. Creditori.

Imp. Antoninus A. Demagoræ.

Creditori tuo si partem pecuniæ exsoluisti, de parte vero non petenda inter te & eum convenit ob causas negotiaque eius tuo patrocinio fideque defensa: ea obligatione partim civili iure, partim honorario liberatus es. Nam exceptio perpetua pacti conventi, vel doli residui petitionem repellit: cum & solutum per ignorantiam repeti potuisset. PP. VII. Kal. Augusti. Roma Antonino A. IV. & Albino Coss.

S U M M A R I A.

1. Pacto non liberari debitorem iure civili & cur.
2. Pacto liberari debitorem iure prætorio per exceptionem, & quam.
3. Iure ipso quis an per exceptionem liberetur, quid intersit: & explicata *L. nihil interest, D. de reg. iur. & num. 9.*
4. Exceptionem initio contestandam, & num. 8.
5. Exceptio nude dicta.

6. In stipulationibus ius contineri; in pactis factum versari, quid sit in *L. si unus, §. pactus, D. de pact.*
7. *L. qui servum, §. 1. D. de obl. & act. explicata.*
8. *§. Pactus, L. si unus, D. de pact. sententia.*
9. Falsa causa remissioni debiti adiecta remissionem non minuit, etiam si creditor putet eam subesse.

CUM creditor pactus est, ne a debitore suo peteret, quæstio est, an debitor liberetur. Propositum est hoc loco Imperatori ostendere, debitorem pacto liberari.

- 1 Non † liberatur, inquit, iure civili: scilicet quia ita iure civili constitutum est ex regula naturæ, ut quibus quidque modis contrahitur, iisdem dissolvatur in con-

trarium actis; *L. nihil tam naturale, D. de regul. iur.* ut proinde obligatio, quæ re contracta est, id est, mutuo, ut hic proponitur, non possit sine re dissolvi, nudo puta consensu. Et quamquam fidem servari æquum est: *L. 1. D. eod.* tamen nisi quid erit necesse, ex solemnibus iuris nihil est immutandum. *L. est D. de regul. iur. L. pen. D. de in int. rest.*

Sed,

1 Sed, † ut dixi, pacto non liberatur debitor iure civili: at liberatur iure prætorio, opposita petenti exceptione vel pacti, inquit, vel doli mali: Pacti; quia pactum tuetur prætor ex hoc edicto. Doli; quia petit dolo, quicumque id, de quo exceptione removeri potest, petit, *L. 2. §. & generaliter; D. de dol. except.* hoc est, quod dicitur, semper pacta parere exceptiones, *L. inrissentium §. sed cum nulla. & §. seg. D. eod. L. in bonæ instr. eod.* Quo minus autem dubitet quis ad hunc modum debitorem pacto liberari, confirmat id Antoninus hoc argumento, quod si quid debitor contra superiorem conventionem solvisset per ignorantiam, id repeteret: hoc illud est, quod regula iuris traditur. Cui damus actionem, ei multo magis eius rei nominæ exceptio danda est, *L. inuitus, §. 1. D. de reg. iur.* quare si in hac specie datur debitori soluti repetitio, dubitari non debet, quin ei rebus integris non soluti detur retentio per exceptionem. Quod autem dicit repeti posse, quod debitor per ignorantiam solvit, ignorantiam accipere debemus iustam, non stulti hominis, id est, facti, non iuris, *L. cum quis, supr. de iur. §. falli. ignor.* de qua re alibi dicendum est. Interim hoc constituit pacto debitorem liberari, sed duntaxat per exceptionem.

3 Atqui † ita traditum est, nihil interesse, utrum quis actionem non habeat, an per exceptionem infirmetur, *L. nihil interesse, D. de regul. iur.* Quid ergo attinuit, dixerit aliquis, Imperatorem laborare hoc loco, ut & sit eo aliis innumeris, utrum ipso iure debitor sit liberatus, an per exceptionem? de quo nobis semel dicendum est. Et sane ita est, si exceptio opponitur, & per eam infirmatur actio, idem plane ea re assequemur, quod assequeremur, si eilemus solutione aut alio modo simili liberati. Sed non semper actio in iudicium deducitur, ut exceptione uti liceat, & cum deducta est, non semper exceptio obicitur. Exceptione autem non obiecta non parum refert, utrum manere adhuc obligationem & actionem pristinam dicamus, an sublatam iure. Refert autem duas hæc ad res, nempe & ad formam iudicii, & ad vim posterioris pacti, si quod forte secutum fuerit, ut iterum liceat petere, quod ante pacto remissum erat. Ad formam iudicii & rationem defensionis primum hoc pertinet, quod qui pecuniam solvit, aut alio modo iure ipso est liberatus, si adhuc a creditore conveniatur, vere dictus est in litem con-

testanda cum adversario, se nihil debere. Proinde qui mos olim iudiciorum fuit, si in iure apud prætorem solvite se non dixisset, eaque de causa iudicium de pecunia purum redditum esset: tamen a iudice absolvi deberet, si cum ostendisset actor pecuniam a se ereditam, tum reus se solvisse diceret, idque iudici approbaret. Verum est enim eum nihil debuisse, qui solvit. Nec ad rem pertinet, quod de solutione nihil contestatus est, nec in iudicio additum est, quod ad iudicis cognitionem pertineret. Iure enim assequitur, ut nihil debeat, non defensionis contestatione, & suo facto.

At † qui iure tenetur adhuc, & in quem 4 iure actio est, qualis est is, eum quo pactus est creditor, ne peteret; quia non potest dicere se non teneri, aut secum actionem non esse, nisi olim de intentione adversarii confessus defensionem pacti opponeret, & contestaretur (quæ † quoniam generalitatem intentionis exceptione corrigi, exceptio dicta est) condemnari debuit propterea, quod iudicem secundum iudicii formulam iudicare oportuerit. Iudicii autem formula, cum creditor pecuniam peteret, si reus se debere negaret, hæc futura fuit, *si paret Lucium Titium Mavio decem mutua dedisse, iudex condemnato.* Hoc si Lucius Titius apud iudicem probaret, faceret iudex secundum præscriptum formulæ, & si Mavium condemnaret, etiam ille hoc diceret pactum esse ereditorem, ne peteret. Non enim efficeret, quin adhuc decem mutua deberet. Itaque exceptionem opponere debuit reus, & curare, ut & in iudicium adduceretur, ut sic deinde exceptione iudici probata ex formula a iudice absolveretur.

Hinc † illud est, quod Paulus scripsit 6 in *L. si unus, §. pactus, D. eod. tit.* per stipulationem, id est, Aquilianam stipulationem, & acceptilationem, obligationem tolli, non item pacto; quippe in stipulationibus ius contineri, in pactis factum versari. Hoc enim sic interpretor, pacta nobis prodesse ad liberationem, sed facto nostro. Nam al ad liberationem non aliter profunt, quam si quis initio pactum sit contestatus, cuiusque pacti exceptionem in iudicium detulerit, ea porro contestatio & defensio in facto rei est: profecto in pactis factum ad liberationem versatur. Contraria stipulationis Aquilianæ & acceptilationis ratio est, per hanc enim si quis liberatur, is iure ipso assequitur, ut nihil debeat, non solutionis & acceptilationis exceptione & obiectione.

Huc

7 Huc † pertinet, quod idem Paulus in *L. qui servum*, §. 1. *D. de obl. & act.* scribit his verbis, *si is, cui rem commodavero, eam surripuerit, tenebitur quidem & commodati actione & condictione: sed altera actio alteram perimit aut ipso iure, aut per exceptionem*. Significat, cum quis ipso iure liberatus est, posse eum tuto negare se debere, & quanvis exceptionem in iudicium non adducat, absolvi debere, si ex pristina actione solvisse se quandoque apud iudicem doceat. Quod si per exceptionem actio tollatur, non debere eum negare se teneri: sed cum hoc confessus fuerit, eius, quod praevenisset, exceptionem opponere posse, per quam consequatur idem ne teneatur. Hoc vero, inquit, facere est tutus; quia dubitari possit videlicet, an eo modo prior actio sublata sit iure.

8 Formulæ † actionum & impetrationibus hodie sublatis: tamen hoc e veterē differentia vestigium manifeste videtur, quod exceptionem hodie initio contestari oportet, *L. emptor, inf. de præscr. long. temp. L. præscriptionem, & L. seq. inf. de exc.* Sed de iudiciorum formulis pluribus a me scriptum est ad §. *actionum autem, Inst. de action.* Hic autem effectus subtilitatis plus habet, quam utilitatis, quoniam sive solutio obicienda est initio, sive non est, aliquando certe obicienda est, ubi actor pecuniam se credidisse docuerit, & ita obicienda, ut non apertius obici debuerit, si eam ab initio illis velut exceptionem contestari oporteret. Neque enim te solvisse divinabit iudex, nisi alleges, & eum allegaris, id etiam tibi probare erit necesse, *L. 1. inf. de probat.*

9 Ille † non obscurus effectus dissolutæ iure obligationis, quod si creditor pactus sit, ne petat, deinde paciscatur, ut sibi petere liceat: posteriore pacto efficiatur, ut tuto possit agere. Unica enim huius rei causa est in eo, non quod posterius pactum sit, sed quia priore pacto vetus actio & obligatio non sit sublata. Sic enim fit, ut etiam nunc veterē possit creditor experiri quæ iure integra est, ac si reus exceptione pacti uteretur, exceptio posterioris pacti replicatione eliditur, ut actio & iure procedat, & eadem aequitate defensionis exceptio excludatur. Quod si actio ipso iure sublata sit, ut tollitur per acceptationem, ut pleræque etiam pacto, qualis est furti, & iniuriarum, *L. si tibi §. 1. D. cod.* nihil profuerit creditorem postea pacisci, ut petere iterum sibi liceat. Nam neque vetus actio est,

qua experiatur, quoniam sublata est: neque ex pacto actio nascitur, nisi quis putet pacto veterem actionem insaurari, quod fieri non potest. In perpetuum actio extincta restitui non potest. *L. qui res, §. arcam. D. de solut.* Sunt enim certa facta, ex quibus oritur quæque obligatio & actio. Iniuriarum actio ex iniuria nascitur: furti, ex furto: certi conditio ex mutuo, si mutuum intervenerit. Verborum obligatio stipulatione contrahitur; cæterarumque obligationum siue sunt & peculiare causæ. Fæ igitur iniuriarum actionem nullam esse; quia pacto sublata sit, consequens erit pacto, ut iterum petere liceat, iniuriarum actionem non restitui. Hæc enim ex contumelia nascitur, non ex pacto, porro contumelia secuta non est, quæ etiam si sequatur postea: non tamen vetus iniuriarum actio sit illa, quæ prius fuerit, sed nova, atque alia actio. Hæc Paulus ad hanc sententiam dissert in *d. L. si unus, §. pactus D. cod.*

10 Illud † in hoc rescripto observandum est ad pacti liberationem, quod eo comprehensum est, debitorem liberari, si creditor pactus sit, ut peteret: additur, *ob causas & negotia a debitore defensa*. Unde queritur, an hoc quidquam ad liberationem faciat, ut nisi causa subit, cur creditor debitorem liberet, pactum nihil prosit. Denique quid si in proposito reus causas & negotia creditoris non defendit? Et dicendum est nihil hoc ad rem pertinere. Et si causa falsa sit: tamen certi iuris est, quidquid ob causam præteritam datur, remittiturve, eius non esse repetitionem, tametsi is, qui dedit, veram esse causam sibi persuaserit, *L. in summa, §. id quoque. L. damus, D. de cond. ind.* At enim stipulatio sine causa facta non nocet, *L. 2. §. circa. D. de dol. exc.* Quidni igitur & pactio liberandi debitoris causa interposita? Sane vero utrumque siue causa, pariter improbandum putem. Sed falsa causa præterita remota: tamen adhuc superest donationis causa, quam exercere voluisse intelligitur, qui scieus se non teneri, ultro aliquid dat, aut remittit, *d. L. in summa, §. id quoque, D. de cond. ind. L. Campanus, D. de op. lib.* Hæc vero vel maxime idonea causa est ad quidvis transferendum, quod quis donare, & liberalitatem exercere voluit, *L. 1. D. de donat. L. nec ullam, D. de hered. pet. tot. tit. D. pro donat.* Ergo quod adiecit in rescripto, *ob causas negotiaque defensa*. Conveniet ob id adiectum esse, interpretari; quia ita ex facto proponebatur, non quod ad ius quidquam pertineret. *L. 6.*

L. 6. Pacta quæ contra.

Imp. Antoninus A. Basiliz.

Pacta, quæ contra leges, constitutionesque, vel contra bonos mores fiunt, nullam vim habere, indubitati iuris PP. Kal. August. iisdem Coss.

S U M M A R I A.

1. Pacta iniusta improbari hoc rescripto eadem, quæ & edicto de pactis, & contra.
2. Pacta contra leges quæ, & quæ in fraudem legis.
3. Pacta de rebus ad utilitatem nostram pertinentibus, si contra quam lex fieri vetet, facta sint; iniusta: si contra quam nobis lex permittit, concedit; iusta, eoque servanda, & cur.
4. Mores boni qui sint, & quæ pacta contra bonos mores.
5. Pactum turpe, idemque adversus bonos mores, quo paciscimur fieri, quod per se sit turpe.
6. Pactum etiam turpe & adversus bonos mores, quo paciscimur quid per se factu non turpe, sed quod admissum invitet ad delinquendum, & cur.
7. Impunitatem delicti futuri propositam delinquendi illecebram esse, & quod pactum hanc impunitatem tribuit, & turpe esse & inutile. Admissum iam ante delictum remittere nec turpitudinem habere, & iure concessum esse. ibidem.
8. Spem lucri ex delicto propositam invitamentum esse delicti, & pactum, quo ea spes constituitur, aque turpe & inutile.
9. L. pacisci, D. de pact. exposita.
10. S. pacta, L. si unus, D. de pact. explicatus.
11. Pacta contra ius, aut bonos mores facta, quibus id agitur, ut quid detur, aut fiat, utrum ipso iure nullius momenti sint, an per exceptionem tantum infirmantur.

PACTA t̄ iniusta hoc rescripto improbantur. Ea sunt, quæ sunt contra leges, constitutionesque, aut bonos mores: id est in summa, quæ sunt contra ius. Quæ de re tota apertius edicto cautum est, expressis videlicet speciebus legum, & eorum, quæ contra leges fiunt. Sic enim verba sunt, ut edicat prætor se pacta conventa esse servaturum, si neque adversus leges, senatusconsulta, plebiscita, edicta decretave Principum, neque quo fraudemque eorum fiat, facta erunt. Sed ita, ut nihilominus idem generalibus verbis hoc in scripto exprimitur. Nam qui legem dixit, vi ipsa omnia, quæ legis vim habent, est complexus: quo in numero sunt plebiscita, senatusconsulta, edicta magistratuum, de quibus apud Iulianum scriptum est sub titulo de iure natur. gent. & civil. Sed & constitutiones præcipue leges sunt, L. leges, supr. de legib. Sed propter excellentiam hoc loco nominatum sunt appellatæ. Harum partes sunt, edicta, decreta, rescripta principum, quæ

Tom. VII.

nominantur in edicto. Quæ in fraudem legis fiunt, sunt eiusmodi, ut generaliter & ipsa contra legem fieri intelligantur, ut mox dicam. Vis igitur utriusque loci eadem. Hoc rescripto additum est de iis, quæ contra bonos mores fiunt quod genus cum improbandum sit maxime, edicto prætoris prætermittendum esse mirum videri potest. Sed verbo legum, quo prætor in edicto utitur, satis comprehenditur. Nam & boni mores leges sunt populi consensu tacto sine scripto contritiæ, Iulianus in L. de quibus, D. de legib. Inveterata consuetudo pro lege non immerito custoditur. (Et hoc est ius, quod dicitur moribus constitutum) Nam cum ipsæ leges nulla alia ex causa nos teneant, quam quod iudicio populi receptæ sunt: merito & ea, quæ sine ullo scripto populus probavit, tenebunt omnes. Nam quid interest, suffragio populus voluntatem suam declarat, an rebus ipsis, & factis? Ut igitur res exprimeretur magis, de bonis moribus hoc loco comprehensum est potius,

elus, quam quod esset necesse. Ex quibus intelligitur, satis utroque loco de iniuriis pactis esse comprehensum. Quæ sint contra leges, quæ contra bonos mores, videamus.

2. Pacta contra legem sunt, quibus paciscimur id fieri quod lex fieri vetat, sive verbis vetet, sive sententia. Nam & contra legem sunt, quæcumque sunt contra sententiam legis, *L. non dubium, supr. de legib.* non enim ex lege est tantum, quod est ex verbis & sententia legis, sed etiam quod solum ex legis sententia, *L. nominis, §. verbum, D. de verbor. significat.* Sed cum res tractatur subtilius, docendi causa istas res, ut diversæ sunt, ita verbis distinguere solemus, dicimusque alia esse contra legem proprie, quæ sunt contra verba legis, alia in fraudem legis, ubi salvis verbis legis sententia eius circumvenitur, *L. contra, & L. seq. D. de legib.* quomodo hæc in edicto expressa, & distincta sunt. Harum rerum hæc sunt exempla. Lex Julia prohibet fundum doctalem alienari, *Instit. quib. ali. lic. vel non.* Maritus alienavit, & pactus est, ne de eo unquam ageret; pactum contra legem est, eoque non servandum. Item senatus vetat pecuniam credi filiofamilias credita est, cavique filiofamilias se bona fide restitutum: contra senatusconsultum est cautio: ex ea in filiofamilias actio non erit. At erit in fraudem senatusconsulti hoc modo, si pecunia data erit Titio, ut ea postea rediret ad filiofamilias ac filiofamilias in eam causam Titii nomine se obligarit, *L. 3. §. penult. in fin. L. 7. §. 1. D. ad senat. Maced.*

3. Hoc intellectu, quid lex vetet in omni pacto querendum erit. De qua re ineptissimum, si quid conemur in universum definire: cum leges pro conditione cuiusque negotii commutentur; negotia autem sint infinita, & eiusmodi, quæ nihil inter se affine habeant. Solum hoc præcipiendum est, videndum esse, quæ de unoquoque negotio lex, & quod ius constitutum sit. Ex huius verbis animadverti posse, utrum vetet, an non vetet, proindeque pactum, quod sit de re ad legem pertinente, iustum sit, an iniustum. Si quid vetabit lex, & nihilominus ut id fiat, paciscemur, pactum adversus legem erit. Si non vetabit, nihil faciemus contra legem, si de re paciscemur. Non alia ex re fit, ut quædam passionem de rebus ad utilitatem nostram pertinentibus valeant; quædam quanvis ex eodem genere sint, improbeantur. Senatusconsulto Velleiano cautum est, ne mulieres pro aliis intercedant, *L. 1. D. ad*

Velleian. Pertinet hoc ad utilitatem mulieris, ne teneatur; non aut Reipublicæ aut alterius cuiusquam. Veruntamen si intercessit, non tenetur, *L. si mulier, infr. ad Vellei.* At si miles, cui hoc tributum est, ne conveniatur apud alios iudices, quam militares, huic privilegio renuntiet, pactum eum tenet, *L. pos. infr. eod.* Unde hæc tam varie? nempe ex eo, quod senatusconsultum vetat mulierem intercedere. Hæc autem huic beneficio renuntiando magis intercedit, quod est contra senatusconsultum. Qua autem lege privilegium datur militi, ne ad alios iudices ire cogatur, non vetatur miles ire ad alios. Non igitur contra legem si se ad alios iturum paciscatur: quorum utrumque non nisi consulti verbis legis intelligitur. Cum autem id solum definiamus contra legem esse, quod eiusmodi est, ut fiat contra, quam lex vetet: iam ex eo intelligi potest, si qua sit lex eiusmodi, quæ aliquod permittat, aut det, puta actionem, aut exceptionem, beneficium, aut privilegium aliquod: nihil fieri contra legem, si de ea re, quam lex nobis dat, paciscamur, ut de milite iam diximus. Neque enim cum lex nobis aliquid concedit, etiam accipere nos iubet; & quia non iubet accipere, non vetat reculare, alioqui vis hæc fit, vel onus, non beneficium. Cui iam consequens est, ut quocumque nulla pacta improbeantur edicto, nisi quæ sunt iniusta, id est, contra leges, pactum omne eiusmodi sit servandum. Hinc illa nata sunt: licere unicuique de re privata & familiari pacisci, *L. invigilantium, §. si paciscar, D. eod.* item licere cuique persecutionem turis sui paciscendo deteriorem constituere, *L. pactum, D. eod. &* quod omnia continet, licere unicuique ea, quæ pro se introducta sunt contemnere, iisque renuntiare, *L. penult. infr. eod. L. si index, D. de minor.*

Iam si quæ pacta sint contra bonos mores, dicatur. Et sane effect hoc absolutum ex superioribus, si intelligeretur, qui sint boni mores, & quid sit ex bonis moribus. Nam si sunt contra leges ea pacta, quibus fieri paciscimur, quod leges vetant: erunt & illa contra bonos mores, quibus paciscimur, ut fiat, quod vetant boni mores. Solum ut hoc querendum relinquatur, quid illi vetent, aut non vetent. Sed nihil agitur hac definitione, nisi prius certum sit, qui, sint boni mores, & quid illi iubeant, aut fieri prohibeant. Hoc in legibus non quævimus; quia quid sit lex, & constitutio, non ignoratur. Quid etiam vetent, aut non vetent, cum scri-

scripto consent, & palam sint expositæ, ex illorum verbis nullo negotio sumi potest. At non ita expeditum est, qui sint mores boni & quid illis præcipiatur: ut qui non consent scripto, sed regula naturæ, & ratione non omnibus periode cognita æstimantur. De eo igitur dicendum est, adhibita definitione, & partitione generum, quæ maxime ad rem accommodata videbitur. Ita quæ pacta contra bonos mores sint, & ob id improhentur, quæcunque pactio allata erit, intelligitur. Mores idem sunt, quod consuetudo; id quod diuturnus usus & consensus utentium comprobavit, *L. de quibus, D. de legib. §. sine scripto, Instit. de iure nat. gent. & civi.* Boni mores ii, qui sunt cum honestate coniuncti, vel potius cum natura & iure gentium: quibus sequimur id, quod natura rectum & honestum est, quod ex gentium iure. Nam bonum id appellamus, *L. pen. D. de iust. & inre.* cuiusmodi est, si quid ex religione, si quid ex pietate, si ex ea reverentia, quam maioribus, & iis, quorum in potestate sumus, debemus, si ex veritate fiat. Nam hæc inter iura naturæ numerat Cicero *L. 2. De inventione*, religionem, pietatem, gratiam, vindicationem, observantiam, veritatem. Quæ adversus hæc facta sunt, adversus bonos mores maiorum fieri dicuntur. Huius rei hæc exempla sunt. Maritus in id quod facere potest, convenitur. Reverentia hoc mariti datum est, quam mulier marito præstare debet. Adversus hoc si quid pactum sit, contra bonos mores erit; quia sit adversus reverentiam, quam uxor marito exhibere debuit, *L. alia, §. ult. D. solut. matr.* Item coniugum amorem virtute, atque officiis provocari honestum est. Pœnæ igitur vinculo matrimonia adstringit, contra bonos mores, *L. Titia, D. de verb. obl.* Item est hoc ex natura, & gentium iure, quibus succellurus sit, eorum mortem non optare, sed quem finem vitæ Deus det, moderate expectare. Vellinare igitur ante tempus, ut de hereditate viventis ante statuas, quam natura legibus & Dei deferatur, contra bonos mores esse dicitur: idcirco, quia contra ius gentium, *L. quidam, §. 1. D. de don.* Ex quibus intelligitur, quæ honeste, & ex officio sunt, eadem esse ex bonis moribus: contra si quid turpius, si quid non honeste sit, id fiet contra bonos mores. Quod expresse videtur Papinianus in *L. filius, D. de cond. instit.* his verbis: *Nam quæ facta laudant pietatem, existimationem, reverentiam nostram, & ut generaliter*

Tom. VII.

dixerim, contra bonos mores sunt, nec facere nos posse credendum est.

Pactorum ¶ autem, quæ sunt contra bonos mores, duo sunt genera. Quædam sunt, quibus id fieri paciscimur, quod per se sit turpe: cuius generis est, si quis promittat se sacrilegium, aut homicidium facturum, *L. generaliter, & seq. D. de V. O.* ut marium in solidum convenire liceat: ut parentem sine permilla prætoris filius in ius vocet: ut ne patrem redimat ab hostibus, ne parenti alimenta præstet. Sunt enim hæc contra reverentiam, quam & uxor viro & filius patri in re naturæ debet, *d. L. alia, §. ult. D. solut. matr. L. parentes, D. de in ius vocand. L. 9. D. de cond. inst.* Item, ut metu quis uxorem ducere, aut cum aliqua nubere, id est, ut eiusmodi aliquam necessitatem in re honesta & maxime omnium libera contra Reipubl. utilitatem suscipere cogatur, *d. L. Titia, D. de V. O.*

Alia ¶ sunt eiusmodi, quibus fieri paciscimur, quod factu per se non est turpe: sed eiusmodi est, ut eo recepto is, quicum paciscimur, ad delinquendum invitetur. Ut autem maleficia non admitti, & ea de causâ ab his deterri homines pœna proposita honestum est, & Reipub. salutare, *L. ita vulneratus, in fin. D. ad L. Ag. L. locatio, §. quod illicite, D. de publican.* Ita ad hæc homines invitari turpe, & contra Reipublicæ utilitatem putandum est. Invitantur autem pacto ad delinquendum homines dupliciter.

Uno ¶ modo, adempto pœnæ & actionis metu, si quid commissum sit: veluti cum ante hæc admissa ita paciscor, ne de dolo, ne furti agam. Futurum est enim, ut remota pœna homines magis audeant, cum sciant fore impune, quod admissint, certe constituta pœna non dubium est eos in delinquendo fore tardiores: pœnam enim metuent. Hanc metui, inquit Paulus, expedit. Proinde recte hoc totum genus improbatum est in *L. si unus, §. pacta, D. cod. L. illud, D. de pact. dor.* Idem si conventat, his rebus iam admisis, pactum valebit: quia nihil prosit adhuc pœnam metui, ne maleficium admittatur, cum id iam admissum fuisse constet, *L. iuris gentium, §. si paciscor, D. eod.*

Altero ¶ modo fit, ut excitentur homines ad delinquendum, cum quid tale promissum est, quo maiore uberioreque sint potituri, si quid turpe admiserint. Ut enim in superiore imputitas, sic in hoc genere spes proposita invitât ad culpam: veluti si quid promissum sit, si quod

1 2

flagi-

flagitium fiat, *L. 5. C. de cond. ob surp. caus.* In hoc genere habetur pactum, per quod id agitur, ut alteri succedamus, ut mortui hereditatem obtineamus. De quo in *L. pactum, quod dotali & L. ult. hoc titul.* dicendum est. Item cum advocatus ex eventu litis partem aliquam lucri sibi decidi paciscitur, *L. sumptus, D. eod. L. 1. §. si cui, D. de extra ord. cognit. L. salarium, 7. D. mand.* In quo non adicitur, quantum partem emolumenti advocatus sibi caverit: & merito. Spe enim lucri proposita quidvis molietur, ut causam vincat, quia amissa nihil inde consecutus sit. Has species nullius momenti esse hoc rescripto expressum est, ut & edicto. Videndum est, an omnes. Et constat nihil exceptum esse: nec vero dubium est, quin omnia pacta, iniusta si sint, aut turpia, ob pares causas pariter valere non debeant.

9 Est tamen quod primæ species hoc rescripto comprehensæ adversari videatur; id nempe, quod Ulpianus scribit in *L. pacisci, D. ea. pacisci* contra edictum ædilium omnimodo licere, sive in negotio venditionis gerendo convenisset, siye postea, nisi quis forte dicat, pacta contra leges facta nullius momenti esse: aliud esse, si quis contra edictum magistratum paciscatur, quia edictum prætoris, aut alius magistratus, lex non sit. Sed & hæc leges prætoris fuerunt. Nunc quidem ius honorarium, maxima pars est iuris Romani, §. *prætorum, Instit. de iur. nat. gent. & civi.* quid multa? siquid contra edictum prætoris cautum sit in testamento: id contra ius esse, & non valere, diserte scriptum est in *L. si inquilinos, §. penult. D. de L. 1.* Nihil igitur contra edictum ædilium (quod & ipsum iuris honorarii pars est, *d. §. prætorum*) pactum valet. Neque hoc Ulpianus negat. Quid enim sentiat, animadvertendum est. Certum est cum non aliud sentire, quam hoc: si venditor de vitis, morbisve mancipii sibi caverit ita, ut si quid eorum esset, ne eo nomine teneretur, id pactum esse servandum: tamen si edicto ædilium ita caveatur, ut qui mancipia vendunt, quid morbi, vitæve lit, palam & aperte pronuntient. Hoc pactum recte dicit esse servandum. Neque enim est contra edictum ædilium curulum: si modo recte definivimus ea solum pacta contra leges esse, quibus fit aliquid contra, quam lex vetet: & si totum edictum, non partem; si mentem & sententiam totius edicti, non verba unius alicuius partis spectemus: quod in omni lege facere debemus, *L. incivile, D. de legib.* Quip-

pe edictum vitia pronuntiare iubet initio, ac proinde celari vetat. Sed hic non consistunt ædiles: quod si facerent, merito quidquid contra fieret, & contra edictum, & inutile esse diceremus. Progreduuntur longius & adiciunt, si contra factum sit, se iudicium daturus, ut mancipium reddibatur. Ita quod edictum primo prohibitorium videbatur, in summa permittere reperitur, nimirum actionem ad mancipium reddibendum. Hanc vero ita dari, ut edictum non vetet eam repudiari, supra satis ostensum est. Unde efficitur hanc repudiationem contra edictum non esse. Cur igitur contra edictum esse Ulpianus dicit? Quia est sane id pactum contra edicti verba, ut quod initio vitia reticere vetet. Ulpianus autem intelligi voluit horum rationem non esse habendam: sed quid deinde ædiles adicerent, esse spectandum: inde intelligi posse, etiam contra hæc verba recte venditorem pacisci, ne ob vitia non nuncupata teneatur propter edicti sententiam, quæ ex sequentibus non esset obscura.

Videamus tamen, ne in eo genere pa- 10
ctorum, quod est contra bonos mores, admittatur a Paulo hoc genus pacti in deposito, ne tecum de dolo agam: quod ipsum cum invitet ad delinquendum, genere ipso turpe esse negari non potest vel eodem auctore in *L. si unus, §. pacta, D. eod.* Sic autem ipse scribit in *d. L. si unus, §. illud. Illud nulla passione effici potest, ne dolo præstetur: quavis si quis paciscatur, ne depositi agat, vi ipsa id pactum videatur, ne de dolo agat: quod pactum præderis.* An hoc intelligit, ne depositi agat dolo iam admisso? Minime. Nam dolo admisso non tantum ita pacisci licet tacite, ne depositi agam, ut dolum recte remissus videatur: sed etiam aperte; ne de dolo tuo agam, *L. iuris gentium §. si paciscar, D. eod.* An igitur admittimus hanc pactiorem, ne depositi agam, etiam in hoc valere, ne depositi ob dolum tuum futurum agam? Non puto admittendam. Nam si utroque pacto & expresso & tacito, quod dolum remittitur, invitatur reus ad libere frandandum: utrumque pariter est turpe, & contra bonos mores, ac proinde iuxta improbandum. Et quod dicitur expressa nocere, non expressa non nocere, *L. expressa, D. de R. I. nihil* hoc pertinet. Fateor enim hoc pactum non nocere reo. Sed hoc quaeritur, an illi proficiat? quod ego non concedam. Ego Paulum hoc dicere intelligo, nullo modo effici posse, ne dolum futurum præstetur: proinde nec expressa

fa pactione, nec tacta nec se dimoveri de hac sententia, quanvis hoc pactum, ne depositi agam, vi ipsa hoc continere videatur, ne de dolo agam, & verum sit id pactum prodesse. Quibus verbis hoc ostendit, non se mutare, quod prius generaliter posuerat: sed solum se putare non ob stare sibi istam obiectionem. Itaque hoc restabit, ut videamus, cur sibi ob stare non putet. Et sane id causæ est; quia non usque eo proderit reo hæc pactio, ut si quid dolo malo admiserit in deposito, is propter hanc pactionem non teneatur, si cum dolo malo quid fecisse probetur: sed hæcenus tantum, ut dicenti se rem amisisse fides habeatur, nec cogatur id probare tutus exceptione, donec contra eum quid probetur. At enim Paulus ait, in hac pactione vi ipsa hoc contineri, ne de dolo agatur. Expendendum est, quid dicat. Aut videri hoc contineri. Recte videri. Nam reuera non continetur. Generali enim oratione & remissione non continentur ea, de quibus actum non est, *L. qui cum tutoribus §. ult. D. de transf.* At cum depono apud te rem quampiam, & ne refuses accipere depositum, pacifcor, ne depositi agam, hoc agitur, ut te periculo depositi liberem, non ut liceat tibi libere fraudare, & grassari in deposito, quapropter hoc posterius non continebitur pacto. Sed ut demus contineri: etsi dicat Paulus hanc pactionem, ne depositi agam, valere: non tamen dicit quatenus valeat. Nos vero sic Interpretabimur prodesse, ut paulo ante dixi, ut quanvis depositum non reddat depositarius, quia se amisisse dicat: non tamen teneatur, quandiu non doceatur id intervertisse aut dolo fecisse, quo res abesset; non autem ut dolo probato liberetur.

- 11 Ait ↑ rescriptum, non tantum valere ea pacta, quæ sunt contra ius, aut bonos mores, quod in omnibus verum est ex edicto: sed hoc amplius, nullam vim habere: ut sit sensus, sive ad libertatem comparata sint, ea non parere exceptionem, multoque minus quem liberare, ipso iure: sive spectent ad dandum, aut præstandum quid, ea etiam ipso iure non parere actionem. Id in pactis liberandi causa interpositis recte dicitur; at in aliis, quæ obligationis contrahendæ causa interponuntur, videamus, ne falsum sit. Duo sunt contractus contra SCta, intercessio mulierum, & pecunia mutuo data filiofamilias. Utrumque enim fieri SCto vetatur: illud Velleiano. *L. 1. §. 2. D. ad Vel. alterum Macedoniano, L. 1. D. ad. Maced.* Et tamen si mulier

intercedat, datur ei exceptio Velleiani. *L. 2. inf. ad. Vel.* Similiter & si filiofamilias mutua pecunia data sit, competit filio & patri Macedoniani exceptio, *L. item si, §. non solum. L. tamen, D. ad Mac.* Non est exceptio, nisi adversus actionem iure civili comparatam. *Inst. de exc. & deinceps.* Valuit igitur summo iure, & actionem peperit cum illic intercessio, tum hic mutui datio. Suae & huius generis quædam pacta ex his, quæ dicuntur esse contra bonos mores. Nam & in stipulatione, quæ videatur contra bonos mores, adversus petitionem datur exceptio in *L. Titia*, in pr. *D. de verb. obl. Et in L. pen. D. de cond. ob. tur. caus.* responsum est, si quis quid promiserit ob turpem causam, petentem exceptione doli summovi posse; quam tamen & ipsam promissionem, ut turpem, ita & contra bonos mores esse constat, *L. mercalem, inf. de cond. ob. tur. caus.* Et de omnibus pactis, quæ sunt contra leges, aliamve partem iuris, ita statuendum est, omnia plane nullius esse momenti: eoque nec iure parere actiones, quasi nec facta, ut hic significatur, & a peritius cautum est in *L. non dubium, sup. de legib.* Sed hæcenus, nisi lex aperte patiat summo iure valere id, quod sit, & contenta sit actionem non dare: quod in Senatusconsulto Velleiano, & Macedoniano accidit. Velleianum intercessionem & fideiussione in formis agnoscit, sed petitionem inde dari vetat *L. 2. D. ad Vel.* Sic & Macedonianum pecuniam, quæ filiofamilias mutuo data sit, mutuum esse patitur, sed & idem verat inde actionem dari, *L. 1. ad Mac.* De his autem pactis, quæ sunt contra bonos mores, generaliter definiemus, si quæ talia esse constet: omnia ipso iure sine exceptione, nullam vim habere, eoque non parere actiones, *L. generaliter. §. L. seg. inf. de verb. obl.* Quia nulla lex patiat ea valere, ne summo quidem iure. Sed non semper constat tales esse stipulationes, quæ vere tales sunt. Ideo valebunt quidem ex verbis ipso iure hæcenus, ut ex his agatur: sed exceptio dabitur, in qua quæretur, an vere sint contra bonos mores, quales esse dicuntur. Tales vero sunt ea, quæ proponuntur in *d. L. Titia, de verb. obl. & d. L. pen. de cond. ob. tur. caus.* Quod quoniam pluribus ostendi ad *L. generaliter, D. de verb. obl.* hic non persequar longius. Quid tamen, quod dola vel metu adhibito si quid stipulanti promissum sit, actionem nasci placet, etsi per doli mali vel

vel metus exceptionem summoventi petitio debeat: *L. dolo, inf. de inutil. stip.* An non ea stipulatio est contra bonos mores, & quidem ita, ut constet: nullo vero modo contra bonos mores, neque ideo infirmator, quia sit contraria bonis moribus. Meius quidem adhibetur, & dolo struitur ille quidem malo more, hic autem malitiose, coque & turpiter ac contra bonos mores, *L. isti, D. quod met. caus.* *L. 1. D. de dol.* sed si quis his rebus adductus promittit, promissio non est turpis; ut quæ nec quidquam contineat turpe, ubi promissor promittit de suo, nec stipulatorem invitet ad delinquendum; cum admisso iam ab eo metu, aut dolo promissio sequatur. Qua ra-

tione etsi quis post admissum dolum aut delictum pacificatur, ne de his agat, placet pactionem valere, *L. si unus, §. pactione D. eod.* Cur ergo infirmatur stipulatio exceptione? propter dissensum. Tametsi enim inspecto eo, quod nunc geritur, consenti, qui voluit, etsi coactus, aut deceptus; tamen initium & causa negotii eiusmodi est, ut nisi, coactus esset, aut deceptus, non consentiret. Hinc vis definitur, necessitas imposita contraria voluntati, *L. 1. D. quod met. caus.* & qui decipitur, errat: error non habet consensum. *L. 2. D. de ind.* Unde Ulpianus in *L. qui cum tutoribus, §. qui per. D. de transf.* negat eum pacisci, qui decipitur.

L. Creditori 7.

Imp. Antoninus A. Julio Maximo.

Debitori tuo si heres exististi: actio, quam contra eum habuisti, adita hereditate confusa est. Sed si eam hereditatem postquam in iudicio obtinuisti, ei tradidisti, quem sententia superaveras, ea conditione pactoque, ut tam cæteris creditoribus, quam tibi in eo, quod tibi deberetur, si eam hereditatem non adisses, satisfaceret: pacti conventionisque fides servanda est: Quæ si non servatur, ex stipulatu, (si modo pacto subiecta est,) dabitur actio; (vel præscriptis verbis, si stipulatio non intervenit.) PP. III. Kalend. Aug. Antonino A. IV. & Balbino Coss.

S U M M A R I A.

1. *Facti species.*
 2. *Confusione tolli actionem, cum creditor debitori succedit.*
 3. *Hereditatem tradi alteri ab herede posse: in tradenda utilem esse conventionem, ut qui accipit, satis faciat, tum heredi de eo, quod illi prius debebatur, tum aliis creditoribus: & quæ hinc actio heredi.*
 4. *Ut aliis creditoribus solvatur, quomodo utilis actio.*
 5. *Hereditas tradi quomodo & quando intelligatur.*
 6. *Tradita hereditate sine alia conventionem, eandem pactionem intelligi, ut qui accipit, satisfaciatur & aliis creditoribus, & heredi de eo, quod ei ante additionem debebatur.*
1. **C**REDITOR a debitorē † suo heres institutus eius hereditatem adierat, cumque fieret ei a legitimo herede hereditatis controversia eo, quod aut iniustum, aut falsum, aut inofficiosum testamentum esse diceretur, obtinuerat: qua ex re amplius vere illum heredem debitori suo existitisse apparuit. Ne tamen adversarius eius tantopere expeteret eam hereditatem, doleretque se ea carere; he-

res, idemque qui olim fuerat creditor, dixit se paratum illi ea hereditate cedere, si tam cæteris creditoribus, quam sibi in eo, quod sibi deberetur, si eam hereditatem non adisset, satisfaceret. Placuit cognato conditio, eaque lege illi hereditatem heres tradidit: qua accepta fidem non servat cognatus, facti preniens. Consulit heres, num aliquam actionem adversus eum hoc nomine, & quam habere-

ret. Sane enim additione sublata erat obligatio de eo, quod ei debebatur.

2. Rescribitur ꝑ heredem veterem actionem non habere; quia cum debitoris adierit hereditatem, actio additione sit confusa. *L. Stichum, §. aditio, D. de solut.* ut dicendum sit, si quam eo nomine habeat, non adversus alium, quam adversus se habere: de quo genere liberationis alio loco quaerendum est.

3. Sed ꝑ ea se heredem moveri non debere. Non erit vetus actio. At erit nova, quæ in eam rem sufficit. Nam cum legitimus heres pactus sit, se heredi satisfacturum & cæteris creditoribus, & pactum non sit nudum, sed cognatus ea lege hereditatem acceperit, ut satisfaceret: pactum servari oportet, *L. legem, infr. eod.* itaque si stipulatio eius rei nomine intercessit, erit ex stipulatu actio heredi; si nulla stipulatio est; erit actio præscriptis verbis ex hac conventionem. Nam hæc verba in quibusdam exemplaribus habentur: quæ ut desint, tamen addenda sunt. Sic addita in *L. cum mota*. & in *L. si profundo, infr. de transf.* Ex verba hæc rescripti: *quæ si non servatur*, declarant subici, quomodo pacti fides servetur, quam prius servandam esse Imperator dixerat. Servandi autem ratio duplex: actio ex stipulatu, si stipulatio pacto subiecta est; & sine stipulatione actio præscriptis verbis: ut proinde utramque ex instituta subici oportuerit: est enim hic negotium civile gestum. Ex quo genere est præscriptis verbis actio. *L. si dominus, L. solent, D. de præf. verb.* Hoc illud est, quod traditur in *L. in traditionibus, D. eod.* in traditioibus rerum quodcumque pactum interpositum valere. Ac quæ sit ex eo actio, ostendit. De quo vide plura ad *L. cum mota, infr. seq. tit.*

4. Aget ꝑ autem heres cum legitimo heredem non tantum de eo, quod sibi olim debebatur: sed etiam de eo, quod debetur cæteris creditoribus hereditariis, si quid ab iis conventus præstiterit. Nec oberit ei, quod dicitur nos aliis pacisci non posse. Nam etiam hoc tunc facere licet, cum postea intercessit. *L. stipulatio ipsa, §. si stipuler, D. de verb. obl.* Intercessit autem heredis dissolvi pecuniam hereditariis creditoribus; quia semper his heres tenetur, quidquid de rebus hereditariis statuerit, *L. 2. infr. de her. vel act. vend.* Quia de causa etsi nondum quidquam creditoribus hereditariis præstiterit; tamen a possessore recte petet, quantum his debetur. Hactenus enim eius interesse intelligitur, quatenus ei abest: abesse id, in quo

obligatus est, *L. si quis mandatu, D. de neg. gest.*

Sed ꝑ non erit in hac specie negotium civile gestum, nisi heres hereditatem tradiderit ea lege, ut sibi satis fieret. Enimvero quomodo potuit tradi hereditas, cum tradantur solum res corporales: hereditas autem res sit incorporalis. *tit. de reb. corp. & incorp. Inst.* Et revera tradi hereditas non potest. Sed si res quæque ab effectu suo æstimatur, est, cur videatur hereditas tradita, cum emolumentum hereditatis erit traditum. Id emolumentum est in rebus hereditariis habentis, tenentisque: quo fit, ut his traditis hereditas tradita videatur. Sed verius dicitur abusive hic dici hereditatem pro rebus hereditariis: cum hereditas ab herede discedere non possit, & in alium transire, aliqui & is, cui tradita esset heres efficere: quod fieri non potest, *L. hereditas, infr. de pact. conven. d. L. 2. infr. de hered. vel act. vend.* Traditam hereditatem seu res hereditarias accipimus, non solum si actor restitutam sibi prius a possessore hereditatem rursus ei tradidit; sed etiam si eam apud possessorem condemnatum esse passus est eo animo, ut eius fieret. Nihil enim interest, utrum rem meam, quæ apud me est, tibi tradam, an cum apud te esset, pro tradita habeam, id est, velim apud te manere ea mente, ut tua fiat *L. qua ratione, §. interdam, D. de acquir. rer. dom. L. si pro fundo, infr. de transf.* Nam quod ex divisionis placito non nascitur actio heredi adversus coheredem, apud quem post divisionem indivisa res manserunt, *L. cum proponas inter, infr. eod.* nihil ad rem pertinet. Non enim apud eum manserunt, quia alter eas manere vellet, & pro traditis haberi; sed quia apud eum prius fuerant, & nunc eas non redit, ut ex divisione placuerat. Quinimo heres coheredem ad divisionis placitum servandum vocando, declarat se prius eas res neque tradidisse, neque pro traditis habuisse, sed ex divisione expectasse.

Quid, si heres ꝑ victor hereditatem tradiderit condemnato, nulla nominatim conventionem interposita, ut possessor creditoribus hereditariis satisfaceret? Puto nihilominus hac ipsa conventionem traditam videri; ut si conventiones tacite non minus valent, quam aperte, ut valent, *L. 4. D. eod. L. 3. D. si cer. ped.* sit etiam hoc casu ei qui tradidit, eadem actio, quam in aperta conventionie hic esse diximus; ut proinde frustra alia aut desideretur ab Accursio & aliis, aut competere negetur. Intelligitur autem id agi ex

b. r. c.

hereditatis verbo. Hereditas enim com-
moda & incommoda omnia, quæ defun-
cti fuerunt, continet. *L. 1. 2. 3. D. de
bon. pos.* Ita qui hereditatem tradit, hoc
ipso cum his ipsis commodis & incom-
modis tradere intelligitur. Hæc conven-
tio in vendita hereditate non obscure ani-
madvertitur, aut potius animadversa sta-
uitur. Cur enim sine alia pactione placuit
emptorem hereditatis satisfacere debere
creditoribus hereditariis, & in his etiam
venditori, si quid ei defunctus debuerit
L. 2. penul. D. de her. vel act. vend.

Haud dubie; quia ita actum est. In re
enim, quæ consensu geritur, extra mo-
ram, aut culpam nihil deberetur sine con-
sensu. Unde vero conventio intellecta est?
Ex eo, quod hereditas venditur, quæ vi
sua incommoda æris alieni, quod defun-
cti fuit, non minus continet, quam com-
moda. Eadem significatio & mens testa-
toris ex verbo hereditatis intelligitur,
cum testator legavit alicui partem here-
ditatis, *L. si quis servum, §. §. ult. D.
de leg. 2.*

L. Si pascenda. 8.

Imp. Antoninus A. Mucratulio.

*Si pascenda pecora partiararia, (id est ut foetus eorum portionibus, quibus
placuit, inter dominum & pastorem dividantur) Apollinarem suscepisse pro-
habitur, fidem pacto præstare per indicem compellitur, PP. IV. Kal. oct.
Alexandro A. II. & Marcello Coss.*

S U M M A R I U M.

1. *Partiarium pastorem inter & domi-
num pactum factum de foetibus
inter ipsos dividendis, an sit ser-*

*vandum, duæ dubitandi causæ,
& hæc remota.*

Fidem pacto præstare per indicem com-
pelleitur. † Cum prætor edicat se pa-
ctia esse servaturum, videndum est, quid
hic causæ esse potuerit, cur dubitaretur,
an in eo fides esset præstanda. Et scien-
dum est hic, & in similibus pactis, cum
queritur, an ex his sit actio, dubitatio-
nem nasci solere ex regula iuris, qua ef-
ficatur ex pacto actionem non nasci, *L. 7.
§. quinimo, D. cod.* Sed cum in *L. se-
quenti* traditum sit, eam non pertinere
ad ea pacta, quæ nuda non sunt, hinc
duplex defensio est, cur pactum, quod
proponitur, valeat. Primum; quia ex ea-
dem lege non est nudum, cum tradidi
tibi pecora ea lege, ut ea pasceres, & fec-
tus mecum partiri. Deinde & si pecora

tibi non tradidissem: tamen est eiusmodi
conventio, quæ transeat in proprium no-
men contractus. Ex hac enim conventionem
contrahitur societas. Ex quo genere est
pro socio actio, quanvis nihil utrimque
traditum fuerit alteri ab altero. De hac
enim specie ita traditum est in *L. si mer-
ces, §. vis maior, D. loc. L. cum duo-
bus, §. si in coeunda, D. pro soc. L. si
tibi rem, §. 1. D. de præf. verb.* Po-
tuit etiam in proposito dubitari de par-
tibus septuim, si forte convenerit, ut ni-
mis essent inæquales. Sed nihilominus &
conventio de partibus lucri & damni va-
let, *L. si non fuerint, D. pro soc.* Bene
igitur hic absolute respondetur pacto fi-
dem esse præstandam.

L. Cum posteaquam 9.

Imp. Alexander A. Dionysio.

Cum posteaquam adversarius matris tue victus esset, matrem tuam circumvenieris, ut ei caveret nullam se controversiam de servis moturam: id pactum mala fide factum, irritum est, & cum ex ea conventionem cum matre tua agi coeperit, index eam liberabis. PP. prid. Id. Sept. Alexandro II. & Marcello Coss.

S U M M A R I A.

1. Pactum mala fide, id est, dolo malo factum, decipienti etiam res inutile.
2. Dolo rei condemnati quomodo fiat, ut actor victor ei remittat actionem.
3. Mulierem astrictam, quamvis sciat secundum se indicatum esse, posse decipi, ut paciscatur se amplius non petituram; atque hoc etiam casu pactum ei nocere.
4. Errore suo deceptus actor si quid pacto remittat, quod non conveniebat, non eo magis pactum nocere, quamvis reus quoque ab initio in eodem errore versans dolo caruerit.
5. Dolo malo rei pactum factum quomodo non servetur.
6. Agit etiam reus, qui exceptione utitur.

Non servat prætor edicto ea pacta, quæ dolo malo facta sunt. Huins generis hoc loco exemplum proponitur.

Rescripti ¶ summa de eo eadem, quæ edicto expressa est: Pactum, quod mala fide factum sit, dolo factum, irritum esse. Mater, quæ de servis egerat, adversario victo, dolo circumventa est, ut ei caveret nullam se de iis servis controversiam moturam. Errore comperto agit iudicati actione, quæ illi actio sententia iudicis parata est. Recte agit, nec nocebit ei exceptio pacti, quod dolo malo expressum est.

¶ Matrem tuam circumvenieris. Fiet ¶ hoc modo, ut adversarius petitrice in hac specie circumveniat, si cum sciret se victum esse, mulieri ignoranti mentiatur, rem nondum iudicatam esse; aut cum mulier putaret non esse iudicatam: adversarius hunc errorem silentio suo confirmans, & hac occasione utens persuadeat mulieri, ut propter incertum eventum litis ambo a lite discedant; atque ita illis discedentibus mulier caveat se de servis in posterum non acturam. Dolus enim non tantum in eo est, qui aliquid fallendi causa mentitur: sed etiam in eo, qui malitiose aliquid dissimulat, ut ignorantia & errore adversarii ad suum lucrum & illius fraudem abutatur. L. ea quæ, inf. D. de contr. empt.

Tom. VII.

Quid ¶ dicemus, si mulier adversarium ¶ victum esse scivit, & nihilominus pacta est? Et siquidem mulierem mihi proponas iuris sui non ignaram rem arbitrii sui sponte remisisse, nullam dubitationem fore puto, quin hæc decepta non sit: de ea nunc non quaeritur. Verba enim declarant fuisse eam mulierem, quæ cum controversiam de ea re esse arbitraretur, cavuit se nullam controversiam amplius esse moturam. Sed fieri potest, ut mulier sciverit, quid sit actum, & tamen ins suum ignoravit circumvenia. Finge adversarium subornatis aliis qui idem dicerent, mulieri persuasisse rem nondum consecram, & mulierem credulam de lite pactam esse. Aio hanc circumventam videri, satisque esse id factum adversarii ad pacti infirmationem. Nec me movet, quod mulier, quæ id credidit, erravit in iure. Quocunque enim errore controversiam adhuc fore putavit, erravit certe, eoque errore a sciente decepta est. Iuris porro ignorantia mulieribus non nocet, L. regula, D. de iur. & fact. ign.

Quid ¶ si adversarius item, ut mulier, ¶ se victum ignoravit, cum causa forte per procuratores ageretur, & quasi causa adhuc maneret, ita a muliere idem imperaritur, ut se nullam controversiam esse moturam caveret? Perspicuum est, adversarium

K

rium

rium nihil hic circumveniendæ mulieris causa fecisse, qui putarit subesse idem, quod mulier quod si subesset, iustissima esset causa, cur mulier a lite desisteret, ut est incertus eventus, & periculum litis. Est enim dolus, machinatio consilio ad alium decipiendum adhibita: quæ in quo non est, is dolo caret, *L. 1. D. de dol. Alexander* porro de eo, qui mulierem circumvenit, loquitur. Sed nihilo magis hoc casu pactum ab imprudente muliere factum servandum est. Errore enim suo circumveniam promississe eam sine causa apparet, cum causam putaret esse. Ut autem si quid esset promissum sine causa ab eo, qui iustam causam esse putaret, petenti ex ea causa exceptioe doli mali occurreretur; *L. 2. §. circa, D. de exc. dol.* (nam & quod sine causa datum est, revocatur, *L. 1. D. de cond. sine caus.*) ita si quid pacto remissum sit per causam aliquam rei, quæ subesse putabatur, si ea falsa erit, is cum quo agitur, exceptione pacti non utetur. Et generaliter recte dici puto remissionem creditori non nocere, quæcumque talis est, cui error falsæ causæ occasionem dedit, *L. si cum te, D. eod.* Nec ad rem pertinebit, quod adversarius ab initio in eodem errore versatus sis, ut dolo nihil faceret. Parum enim interest, utrum quid ab initio sciens sine causa sibi remittendum curarit, an post-

ea errore detecto ea remissione sine causa uti perseveret, *d. L. 2. §. circa, D. de dol. exc. arg. L. sed & si lege, §. de ro, D. de pet. ber.*

Irritum est. Pactum † mala fide factum ita irritum erit, ut si fateatur adversarius eo tempore a muliere imprudente factum, cum iam ipse victus esset; exceptio omnino pacti non detur, muliere, iudicati agente: quoniam hac ratione, dolo malo factum esse, aut dolo malo se eo uti fateatur. Negat autem prior se ea pacta, quæ dolo facta sunt, esse servaturum. Quod si id negabit adversarius; quia de eo ambigitur, an dolo malo quid faciat, sic exceptio pacti dabitur, ut doli mali replicatione exceptio infirmetur, *arg. L. nam postea, D. de iurciur.*

Um matre tua agi. Quomodo † agit adversarius hic; qui a matre iudicati actione conveniebatur? Scire oportet etiam rem agere dici tunc, cum exceptione utitur, *L. 1. D. de except. L. 1. D. de edem.* Agit igitur adversarius ex ea conventionione, cum conventus a matre actione iudicati, eius conventionis exceptionem agenti opponit. Cui conveniens est, ut in hac exceptione mulier, quæ iudicati agit sit rea. Unde bene subicitur, iudicem eam liberaturum; liberantur enim rei, cum absolventur adversus intentionem actoris, non item actores.

L. Legem. 10.

Imp. Alexander A. Nicæ.

Legem, quam dixisti, cum dotem pro alumna dares, servari oportet: Nec obesse tibi poterit, quod dici solet, ex pacto actionem non nasci. Tunc enim hoc iure utimur, cum pactum nudum est: alioquin cum pecunia datur, & aliquid de reddenda ea convenit, utilis est conditio, PP. III. Kal. Mar. Albino & Maximo Coss.

S U M M A R I A.

1. *Sententia rescripti summam exposita.*
2. *Legem dicere traditioni; in lege venditionis, fundus venditus, datus ea lege; in his omnibus & similibus legis verbo quæ conventio intelligatur, & cur lex dicta.*
3. *Conditio utilis legendum in hoc rescripto, non conditio.*
4. *Utilis actio, & utilis exceptio nunquam pro efficaci.*
5. *Ex pacto nudo actionem non nasci.*
6. *Pactum non nudum, atque hinc actio, quodcumque transiit in proprium nomen contractus; & quid hic ad rem pertineat nomen.*
7. *Pactum item non nudum, unde & actio, cum dedi, aut feci aliquid ea conventionem, ut vicissim quid dares aut faceres: quod Ulpianus dicit, cum causâ subest, præter conventionem.*
8. *Pactum nudum quid, & cur ita dictum.*
9. *Legitima conventio, item conventio iuris gentium dicta: non ea, quæ iure civili, aut gentium inducta est; sed quæ eo iure confirmatur, & valet ad agendum: & quomodo hæc genera distinguantur.*
10. *Pacta nuda legitima tria, & quæ.*
11. *Dotis pollicitatio, conventio non nuda: sed quæ causam habeat præter conventionem, ideo utilis.*
12. *Ex pacto nudo usuras pecuniæ mutue, aut accessiones frumenti, vel hordei mutuo dati deberi cum legimus, nudum pactum dici, quod in stipulatum deductum non sit: non etiam ita, quin in traditione mutui interponi oporteat.*
13. *Pacta in continenti adiecta bonæ fidei contractui partem esse contractus: quo iure etiam valent.*
14. *Usuras ex pacto quamvis in traditione rei nostræ interposito in striatis iudiciis citra stipulationem regulariter non deberi.*
15. *Servaturum se pacta qui pollicetur, vi & significatione usitata polliceri eum, se effecturum ut valeant, non solum exceptionem dando, sed etiam actionem, si ad hæc servanda actio sit opus.*
16. *Servare vim pacti, & servare pactum, quam dissent inter se.*
17. *Prætores posuisse actionem dare ex ea causâ, ex qua iure civili non fuit.*
18. *In edicto de pactis servandi verbo promitti ex pactis etiam actionem: sed inesse hanc conditionem: Quod eius per leges licebit; & unde conditio intelligatur.*
19. *Prætores custodes iuris civilis, ac velut vivæ vocis interpretes:*
20. *Pactum sine adiuncto in usu iuris idem valere, quod pactum nudum, & cur.*
21. *Ex pacto nudo actionem non nasci, quam sit æquum, eiusque æquitatis variæ causæ reddite.*
22. *Pactum nudum cur non valeat ad obligationem: ad liberationem pro sit.*

Mulier † dotem pro alumna dedit, ac cum daret, pacta est, ut sibi ea dos soluto matrimonio redderetur: sed Tom. VII.

pacta est tantum, non stipulata. Soluta matrimonio cum dotem a marito alumne ex conventionem repetere vellet & intellige-

K2

ligeret regulam iuris esse, ex pacto actionem non nasci; *L. insurgentium, §. quinimo, D. eod.* de ea re adit Imperatorem. Huic rescriptum est, utilem esse, ac servandam legem & conditionem, id est conventionem, quæ proponitur. Unde intelligitur ex ea agi posse, regulam superiorum iuris non obasse, quia ad hanc conventionem non pertineat; regulam enim de pacto nudo accipiendam esse: conventionem, quæ proponitur, non esse eiusmodi: cum non convenieris tantum, ut quid tibi daretur, sed prius dederis, addita hac lege, & conventionem, ut tibi redderetur. Prius verba expendamus: deinde de iure, quod hic propositum est de vi pactorum, videbimus.

2. *Legem quam dixisti.* Legem ꝑ vocat conventionem. Legem traditioni dotis dicere est, in re tradenda conventionem adicere: quæ conventio hic fuit de reddenda dote, ut in fine expressum est. *In lege venditionis* ita scriptum est, id est in pacto venditionis, *L. cum in lege L. qui fundum 40. L. fufusulas. D. de contr. emt.* fundus ea lege venditus est, ut si filia accedat, id est, ea conventionem, & pacto, *d. L. qui fundum L. fundi, D. de contr. emt.* denique id legem esse, cum legem emtionis, locationis, mancipii, traditionis, aut alicuius contractus legimus, aut cum dicimus legem his rebus esse dictam, liquido constare potest ex omnibus prope rescriptis veterum Imperatorum, quæ exstant sub titulo, *de pact. int. emt. & vend. tit. si manci. ita venie. tit. si manci. ita fuer. aliena. inf.* Significatio a lege publica, quæ vere & absolute ita appellatur, quasi quibuscumque gradibus ducta est. Nam lex quia est delectus & regula rerum faciendarum, & vitandarum, ideoque affectus cohibet, & moderatur. Itaque lex moderamen quoddam est: hinc moderamen omne lex coepit appellari. Atque hic videlicet conventio traditioni adiecta lex dicta: ideoque, quia est traditionis, cui adiectum moderamen & temperamentum quoddam. Hac enim conventionem addita, *non do tibi rem simpliciter, ut eam sine ulla conditione habeas:* sed hoc modo, & temperamento addito, *ut pro eo vicissim aliquid facias vel mihi, vel aliis.* Hanc sitius significationis rationem & originem esse inde sciri potest, quod nunquam ulla conventio, quæ per se fit, aut sit principalis, lex dicitur, quantumvis valeat, & servanda sit inter contrahentes non secus, quam lex: sed tunc cum alii rei, puta contractus, aut traditioni temperandæ, &

moderandæ adhibetur. Quod si ideo legem dici hanc conventionem putarcmus; quia more legis, quid præscriberet, & asserret promittenti parendi necessitatem, omnis utilis conventio, & præcipue contractus lex diceretur, quod secus est. Cum vero temperandæ alii adhibita hoc nomen habeat, quæ significatione id fiat, apparet.

Cum pactum nudum est, dicam mox de hoc verbo, cum de iure, quod hic comprehensum est, disseram.

Utilis est conditio. In aliis exemplaribus legitur *conditio*, in aliis *conditio*, quam varietatem notavit in glossa Accursius.

Conditio ꝑ placet: quo verbo significatur conventio traditioni dotis addita, & ea, quam initio legem nominavit. Sic usurpatori constat in *L. debitori, sup. & in L. penult. inf. si man. ita fuer. alien.* Appellatur autem recte conditio quæcunque conventio est, quæ traditioni rei adicitur; quia eiusmodi conventio omnis exprimitur sub modo: Sic enim do aut trado, ut illud facias. Modus autem pro conditione est *L. x. inf. de iur. que sub modo*, inde & conditio nominatur in *L. ea lege, & L. si rependi, inf. de cond. ob caus.* *Utilis conditio* & conventio est, valet id, quod iusto posuit; *legem, quam dixisti, servari oportet.* Potest tamen hoc loco *conditio* defendi, ut intelligatur verbo *conditionis* in personam actio: id enim conditio significat *L. actionem, D. de act. & obl.* utilis autem conditionis nomine intelligatur actio præscriptis verbis, quæ utilis est, non directa de quo dixi ad *L. cum nota, inf. seg. tit.* hanc quidem dari ex huiusmodi lege scriptum est in *L. legem, inf. de don.* Nam ut conditionem utilem interpretemur, efficacem, nulla satis idonea ratio permittit. Etenim si conditio est, sine exceptione non potest, quin sit utilis: si non est utilis, non est conditio. Sed si verum amamus, ne sic quidem superior significatio satis huic loco convenit. Ubi enim de hoc genere conventionum agitur, cum do, aut facio, ut des, aut facias, qualls est conventio huius loci, & queritur, quæ hinc actiones nascuntur: dici solet duas nasci, conditionem dati ob rem, re non secuta; & actionem præscriptis verbis ex pacto, quæ genera in his conventionibus sic distinguuntur, ut quemadmodum conditio ista non dicitur actio præscriptis verbis; sic nec actio præscriptis verbis conditionis verbo unquam demonstratur. *L. naturalis, x. resp. §. 1.*

§. 1. & seq. *D. de pref. ver. L. 1. in fi. D. de rer. per.* Generaliter quidem actio præscriptis verbis dici possit esse conditio, ut significetur, eam actionem esse in personam: ut, cum actio rerum amotarum dicitur esse conditio in *L. rerum amotarum actio D. rer. amo.* Sed hic non queritur, qualis hæc actio sit, sed an hic detur aliqua actio.

4. Cæterum ꝑ alias utilem actionem dari pro efficaci dici interdum legimus, cum significatur actionem competere, quæ nulla exceptione removeatur, eum posset de exceptione dubitari: neque hoc otiose, potest enim iure competere actio, quæ exceptione infirmetur. sic in *L. si fideiussores 41. D. de fid. L. ult. in fi. inf. quod cum eo. fortasse & in L. pen. in pr. L. ult. D. de in rem ver.* Atque hinc quæ actio removetur exceptione, dicitur non efficaciter adversus aliquem dirigi. *L. 6. inf. ad Maced.* sic & utilis exceptio vere dicitur, ut sit efficax & ea, quæ nulla doli, aut alia iusta replicatione elidatur, *L. 5. inf. de usur. L. vir uxori. D. ad Vell. L. 3. D. de resc. ven.* Interdum dicunt veteres actionem aliquam ad hoc, aut illud utilem esse: sed alio sensu, nempe pro, actionem ad hanc, aut illam rem proficere: posse nos in hac, aut illa re ea actione uti, ut in *L. ex empto. §. is qui vino. D. de all. em. Infit. de vi bo. rap. in pr. L. hominem, D. mand.*

5. Nunc, quæ hoc rescriptum statuit, expendamus. Statuit autem duas hæc sententias: Utram ꝑ, ex pacto nudo, etiam quo quid promissum est, actionem non nasci; quæ & ipsa compluribus aliis locis expressa est; *L. ult. inf. de rer. perm. L. si tibi. inf. de locat. L. divisionis, D. eod.* Alteram, quæ in contrarium valeat, ex pacto, quod nudum non sit, nasci actionem. Servandum enim esse ait: quod nihil aliud declarat, quam ex eo agi posse. Dicendum est primum, quod sit pactum nudum, quod non nudum. Ex pacto quidem nudum infinita: ut autem non sit nudum, certis, & paucis de causis efficitur. De hoc igitur dicendum: ex eo, quod sit nudum nullo negotio intelligitur. Sic igitur habendum est, duas esse res, quarum unæque cum intervenit, facit, non ut pactum non sit pactum; sed ut non sit nudum, id est solum pactum & eiusmodi, quod ad obligationem nihil aliud habeat, quam conventionem & consensum: proindeque ex iure civili nascatur actio.

Una ꝑ est, nomen certum & usitatum 6 conventionis, & ut veteres loquuntur, si res in suo nomine non stet, sed transeat in proprium nomen contractus: ex quo genere est emptio, venditio, locatio, conductio, societas, mandatum, *L. iuris gentium D. eod. L. 1. D. de rer. perm.* An quod nomen certo hæc appellantur: ideo ex his actio constituta est? Minime. Reticulum enim sit leges verbis imponi, non rebus, *L. 2. in fin. C. tom. de legat.* Sed res ita habet. Nomen proprium arguit conventionem in usu omnium communem esse: unde & nomen vulgare invenietur. Quod in usu hominum versatur, declarat conventionem esse utilem, & talem, qua homines carere non possint. Utilitas vero conventionis causam dedit, ut iure confirmaretur. Ita utilitas commercii conventionem confirmavit: utilitatis iudicium est, quod certo, & proprio nomine appellatur.

7. Altera ꝑ res, quæ faciat, ut ex pacto actio nascatur, est, si quid datum, aut factum sit, & lex traditioni, aut facto dicta, ut vicissim quid nobis detur, aut fiat, ut hic scriptum est. Ut autem Ulpianus loquitur in *d. L. iuris gentium, si causa subsit præter conventionem.* Quod ille fieri ostendit, cum do, aut facio tibi aliquid ea lege, & conventione, ut vicissim quid des, aut facias, *d. L. iuris, & L. solent, D. de pref. ver.* Hoc enim factum nostrum, & hanc traditionem, cui lex dicta est, causam vocat præter conventionem: innuens conventionem quidem esse causam, eam hinc nascatur obligatio: sed non solum: esse enim etiam huius rei illam alteram causam, quod tibi dedi quid eo nomine, & id accepti: quod feci, & id admisisti: ut iam hinc intelligatur duplex causa, cur tu facere debeas: factum meum eo collatum, ut des, & præter factum conventio. Cuius conventionis, & iuris exempla habemus & hic, & in *L. debitori, L. si pactenda, supr. eod.* Ex hac regula illa dicta sunt: In traditionibus rerum quodcumque pactum interpositum valet, *L. in traditionibus, D. eod.* & permutatio ex re tradita initium obligationi præbet, *L. 1. D. de rer. perm.*

Hinc ꝑ iam fieri potest, quod pactum 8 nudum esse intelligamus. Est igitur id nudum, quod neque alio nomine appellatur, quam pactum: neque causam, cur dare, aut facere debeat, ullam habeat præter conventionem. Ita dictum per translationem, quod pactum tantum & sit, & nominetur, nihil amplius. Denique quod sit

sit solum: quæ significatio multis confirmata est a Duareno in *d. L. iuris gentium §. sed cum nulla*. Talis erit hæc conventio, si partibus certis hereditatis constitutis convenerit, ut hæc pars tua esset, illa mea sine ulla partium traditione, *L. divisionis, D. cod. L. ex placito, infr. de rer. per. per.* Hanc dici nudam conventionem, non aliunde melius intelligi potest, quam ex *d. L. iuris gentium §. sed cum nulla, D. cod.* Nam cum initio capitis dixisset Ulpianus, ex duobus generibus conventionum actionem nasci: uno, cum conventio in aliud nomen transiit; altero, cum causa subest præter conventionem, & adiecit ex cæteris non nasci: ex his ita inquit; *Igitur nuda pællio obligationem non parit*. Quibus verbis aperte declarat totam nudam esse pactionem, cum nihil eorum est, quæ supra ab eo comprehensa sunt, propter quæ dixit nasci obligationem. Sed utraque regula superior suas quasdam exceptiones habet.

- 9 Ex ¶ quidem pæcta nuda (quod genus ad priorem regulam pertinet) quædam iure civili confirmantur, ubi maxime non valeant iure gentium: quæ appellantur legitima, *L. legitima, D. cod.* quædam etiam confirmantur iure gentium: ut consequens sit etiam iure civili valere. Nam ut hoc obiter moneam, quæcumque iure gentium conventiones valent (sic enim Ulpianus in *L. 7. D. cod.* vocat conventiones iuris gentium, ut sint, quæ valent iure gentium, & confirmantur: non autem quæ a iure inventæ sunt. Propterea quod conventiones non a iure inveniuntur, sed ab hominibus inventæ, iure probantur, aut improbantur) quæcumque, inquam, valent iure gentium. eadem etiam valent iure civili. Unde fit, ut quæcumque causæ sunt, ex quibus actio nascitur, quanvis iure gentium, ut emptio, venditio, & similes, omnes dicantur civiles, & legitime in *§. sed iste, Inst. de actio.* Sed non quæcumque confirmantur, & valent iure civili, eadem valent, & servantur iure gentium. Ex quo est, ut quædam dicantur legitime, quædam iuris gentium in *L. conventionum, D. cod.* In qua divisione si legitima intelligitur, quæ lege, id est, iure civili confirmatur, & ab ea, quæ est iuris gentium recte distinguitur; necesse est legitimam intelligi eam, quæ confirmatur, & valet iure civili tantum, non etiam iure gentium: cum iuris gentium conventiones etiam iure civili confirmantur.

- 10 Ut, ¶ ad rem redeam, pæcta quædam, quanvis nuda, iure civili confirmantur.

Sunt in hoc genere tria: pæctum, quo quis se dicit aliquid donare: si tamen pæctum dicendum est, quo quis nihil in futurum promittit se daturum; aut facturum, sed se nunc dare affirmat: item conventio de pignore: tum ea conventio, qua pecunia ante debita constituitur. Primum confirmatur constitutione Iulianiani in *L. si quis argentum, §. ult. C. de nat. Posteriora duo confirmantur iure prætorio, *L. si tibi, §. de pignore, D. cod. §. de constituta, Inst. de actio.* Nec quem hic moverit iuris prætorii nomen. Nam hic appellatione iuris civilis etiam prætorium intelligimus, ut in divisione iuris, quæ explicatur sub titulo, *de iure nat. gent. & civ.* Quæ præterea iure civili tantum confirmantur nuda conventiones, non occurrunt.*

Ex ¶ pollicitatione dotis sola placet actionem esse, *L. ad actionem, C. de dot. promiss.* Sed verum est, quod videtur Francisco Connano non esse hic nudam conventionem: sed eiusmodi, quæ causam habeat præter conventionem. Si enim nuptiæ non sunt secutæ, dos non debetur, ne ex stipulatione quidem, quia habet stipulatio hanc conditionem, si nuptiæ sequantur, *L. stipulationem, 21. D. de iure dot.* si sunt secutæ, debetur dos quidem: sed ideo, quia negotium civile gestum est. Dos enim dicta est marito ita, si illam uxorem duceret: duxit. Res secuta est nimirum: ex quo genere facti in omni alia causa iure civili esset actio, *L. divisionis, D. cod. L. ex placito, C. de rer. per.*

Quod ¶ autem legitimis frumenti, vel 11 hordei mutuo dati accessionem ex nudo etiam pæcto esse præstandam, *L. frumenti, C. de usur.* item, ex nudo pæcto debet civitatibus usuras creditarum ab eis pecuniarum, *L. etiam, D. de usur.* in utroque assentior Eguinaro Baroni, cuius exstat de hoc verbo sententia in *L. iuris gentium §. sed cum nulla, D. cod.* pæctum nudum ad discrimen stipulationis positum intelligi debere. Cum enim lex esset de usuris, ne usuræ nisi in stipulatum deductæ peti possint, *L. 3. C. de usur.* ut in superscriptis causis intelligeretur stipulationem non esse necessariam, ita scriptum est, civitatibus etiam ex nudo pæcto usuras deberi. Itaque nudum in his accipiendum esse, cuius confirmandi causa stipulatio secuta non fuerit. Nos nudum nunc dicimus, quod in re tradenda interpositum non est, aut ex quo res non est secuta. Ex hoc genere nec in superscriptis causis usuræ debebantur. Itaque dedit

dedit civitas mutuum pecuniam, & in dando pacta est sibi usuras certas pendi: debebuntur usurae ex pacto; scilicet quia in traditione rei pactum interpositum est, nec nudum est, ut nunc nudum accipimus: at si pecunia iam ante credita pactus sit debitor se usuras civitati praestitutum, usurae non debebuntur; quia nec alia res quaevis pacto eiusmodi civitati promissa deberetur. Et quae utilitas tandem in usuris esse potest tanta, ut contra regulam iuris publici ex pacto nudo actio de his nascatur potius, quam in aliis negotiis, aliisque rebus? Imo vero quis necit usuras ex omnibus rebus maxime esse odiosas? ut profecto minime omnium conveniat, atque adeo absurdum sit omnino, eorum conventioni favere potius, quam ceterarum rerum pactioni. Nec mirum, si pactum nudum, cum commodum est, interpretatur aliter, atque aliter. Aliud est, enim cum pactum nudum simpliciter, & absolute vocamus: ut fit, cum dicimus, *ex pacto actionem non nasci*: aliud, cum nudum alicui rei opponimus, quam removere volumus: ut tum fit, cum pactum nudum nominamus in usuris, ubi id agitur, ut stipulationem excludamus: de quo vide plura ad *L. traditionibus inf. eod.*

13 Iure tamen autem gentium etiam tunc pactum, quod nudum videtur, valet, cum in bonae fidei contractu ex continenti interpositum est. *L. 7. §. quinimo, D. eod. L. in bonae fidei, inf. eod.* Sed verius est eiusmodi pacta, partem esse eorum contractuum, quibus adhibentur, atque in eos contractus transire; proinde non iam nuda esse, ut ex superiore regula excipi debuerint: sed pertinere ad eas conventiones iuris gentium, quae pariunt actionem: de quo dicitur a nobis superius in *d. L. in bonae fidei, inf.* Haec de priore iuris regula, quam initio posueramus.

14 Illa tamen altera, qua definimus ex hoc loco, toties conventionem esse servandam, cum in traditione rei nostrae adicitur, ad usuras non pertinet in contractu stricti iuris promissas, ut mutuo. Haec enim ius constitutum est, usuras ex hoc genere contra stipulationem non deberi, exceptis quibusdam causis. *L. 3. C. de usur.* de quo scripsi pluribus in commentario *De usuris*. Itaque si dem tibi decem mutua ea lege, ut reddas quindecim: conventio de eo, quod excurrit, & si in re gerenda interpolata est, non valebit. *L. si tibi, D. eod.* Si ad illa illud adieceris, omne pactum parere exceptionem, *L. in bonae fidei, inf. eod.* habebis de vi omnis con-

ventionis iuris civilis summam breviter comprehensam.

Sed ex duabus illis regulis, quae hic statuantur, quasque initio posuimus, prior illa, ex pacto actionem non nasci, incurrit in duas reprehensiones. Quae eo diligenter nobis cognoscendae sunt; quia eorum explicatio ad edicti interpretationem plane est necessaria. Adversus quas nobis hoc loco regula confirmanda est. Nam & falsa esse dicitur, & iniqua. Falsam esse criminatur ex edicto, si modo verum est, quod edicto continetur.

Pollicetur tamen praetor generaliter se pacta conventa servaturum, & ita pollicetur, ut cum ex omnibus ea tantum nominatim excipiat, quae adversus leges, aut dolo malo facta sunt, declaret se cetera omnia, quae in eo genere non erunt, servaturum. *arg. in L. quasvis, §. idem respondit, domo instruita, D. de inst. vel inst. leg.* Servabit igitur, non solum si qua liberandi debitoris causa facta erunt, sed etiam, si quibus quid promissum erit, dum non iniusta, aut contra bonam fidem. Quid est autem, *servabo*? id, quod verbum omnibus significat: nempe, *efficiam ut rata sint, & valeant*. Quod si hoc modo, si pacto interposito, ne a debitor petatur, non det in eum actionem: quod se in iurcirando dabo ab eo, a quo petitur, edicto de iurcirando facturum pollicetur. *L. ait praetor, D. de iur.* aut cum pacto quid promissum est, si in eum, qui promissit, det actionem, qua quod promissit, praestare cogatur. Cui enim debium est non valere pactum, si liberum est promissori, quod pactus est, non praestare; nec vero cogi posse eum, nisi iudicio; nec iudicio, nisi actione instituta? *L. 1. C. de except. rei iudic. L. regantes, C. de O. & A.* Ergo his verbis, *pacta servabo*, hoc dicere intelligitur, exceptionem, aut actionem prout hac, aut illa ad servandum pactum opus erit, dabo. De exceptione non ambigitur. Ex hoc enim edicto sumptum est, quod dicitur, pactum ad exceptionem prodesse: & semper pacta parere exceptiones. *L. iuris gentium, §. sed cum nulla, §. quinimo, D. eod.* De actione quid est, cur dubitemus, si sine actione pactum, quo quid promissum est, servari non potest? Sed ne longe abierimus. In hoc ipso rescripto, item in *L. debitori, sup. eod.* scriptum est, pactionem, seu legem, qua quid promissum est, servari oportere, cum utroque in loco hoc significari certum sit, ex pactione esse actionem, ex pactione iure agi posse. Quo admisso nemo negaverit

verit hæc esse contraria; prætor ex pacto dat actionem, & ex pacto non nascitur actio. Eruditi homines nonnulli tentant efficere, hoc verbo, *servabo*, prætorem in hoc edicto non polliceri actionem de his pactis, ex quibus antea iure civili non fuit actio: ut consequens sit, cum iure civili ex pacto actio non nascatur, huic regulæ hoc edictum non obflare. Volunt enim *servare* esse eam vim, quæ ante fuerit, *servare*: non vim novam, & novam actionem dare. A quibus ego valde dissentio. Tantum enim abest, ut putem tunc solum prætorem dici pactum servare, & tueri, cum id ratum habet, quod iure valuit, & ex quo fuit actio: ut contra existimem non alia eum dici proprie servare, quam ea, de quibus constituit actionem, cum prius iure non valerent. Certe quin hæc quoque dicatur servare, sicubi de his actionem constituit, dubitari non oportet. Quis est enim ususfructus Ulpiano, qui dicitur valere tuitione prætoris in *L. 1. D. quib. mod. usufr. amit.*? Is demum, qui iure non constituitur. ibidem. *Tuetur prætor*, inquit Paulus, *adiudicationes in iudicio familie eriscunde, & communi dividundo, exceptiones, aut actiones dando. L. inter, §. 1. D. famil. eriscun.* Quid ita tueri eas dicitur, cum exceptionem, aut actionem dat? quia nisi eas tuebitur, non valebunt. Iudex enim adiudicat, & iubet nos esse dominos, is videlicet, qui nec dominus est rerum, nec quidquam tradit, quod in nos transferat. Iure autem gentium, aut civili sine traditione inter vivos dominium non transfertur, ac præcipue ubi is, qui tradit, non est dominus. *L. traditionibus inf. eod. L. traditio, D. de acquir. rerum domin. L. nemo plus, D. de R. I.* Et merito in his solum locum habet tuitio prætoris. Nam in iis, quæ per se satis valent, quid auxilio & tuitione prætoris est opus? Et ut a notioribus, & magis familiaribus demonstraretur hæc significatio, urum tandem ego hominem servare dicor: eumne, cui ab hostibus, aut latronibus intercepto adfui, dum se ab iis liberat, cum ille suis prædiis tutus sine mea opera periculum effugere potuerit: an eum, cui omni destituito externa ope auxilium tuli, fecique ut salvus evaderet, qui sine me erat periturus? Perpicuum vero est, utrum intelligat servare. Nempe hunc servavi: illum nequaquam. Quod & de pacto, quod iure non valet sine auxilio prætoris, iudicandum est.

Parum ↑ vero me movet eorum ratio. Sumunt id, quod nemo negat, vim pacti servare esse, servare eam, quæ fuit, non augere, aut novam inducere. Sed quid hoc ad rem pertinet? Multum enim inter est inter hæc, servare vim pacti, & servare pactum. Si prætor polliceretur, se vim pacti servaturum, non sane servaret, si novam vim adderet. Vim enim qui servat, servat veterem, & eam, quæ est, non affert novam. Nunc autem pollicetur, se pactum servaturum. Id si efficit, ut valeat, non ideo novum pactum inducit, sed id, quod erat, confirmat, & ut maneat, facit, quod nihil aliud est, quam servare, & tueri pactum, ut a nobis paulo ante satis demonstratum est. Patendum est igitur, hoc verbo, *servabo*, polliceri prætorem, cum exceptionem, tum actionem, ubi pactum aliter valere non potest: ac proinde si nihil aliud in edicto esse intelligimus, quam quod pollicetur, se pacta servaturum, edicto superiorem regulam everti, qua constitutum ex pacto actionem non nasci.

Nisi ↑ forte hoc dicimus, polliceri quidem prætorem actionem, sed frustra, quia iure civili ex pacto non nascatur actio: ut voluisse quidem prætorem actionem dare fateamur: dicamus autem eum non potuisse, quia ius civile impedit. Quod non ita est. Nihil enim prohibet ex aliqua causa iure civili actionem non esse; & tamen eam constitui iure prætorio: ut puta, ususfructus in vestigali agro iure non constituitur: at constituitur valet tuitione prætoris. *d. L. 1. D. quib. mod. usufr. amit.* Item ex constituto, iure civili, non nascitur actio, non magis quam ex cæteris pactis: at datur iure prætorio. *§. de constituta, Instit. de act.* item emancipatis præteritis, item cognatis hereditatis petitio iure civili non datur (neque enim iure civili vocantur ad hereditatem) at iure prætorio admittuntur ad bonorum possessionem, estque illis eo iure honorum possessoria hereditatis petitio continuata, *tit. D. de poss. her. petit.* suntque alia huiusmodi sexcenta, ex quibus liceat intelligere, non si iure civili ante edictum actio nulla sit ex aliqua causa, ideo prætorem de ea ut non solere, aut non posse constituere actionem. Quapropter si constabit hoc edicto prætorem constituere voluisse actionem ex pacto, erit actio: quanvis antea iure civili non fuisset. Voluisse autem eum ex verbis apparet, ut supra ostendimus. Itaque non abs re esse existimo, quod Bartolus hæere se hoc loco scripsit, neque intelligere, quomodo

illis

illis propositis, negent veteres ex edicto ex pacto actionem dari. Et quod ad me atinet, quid aliud dici possit, non reperio, si, ut dixi, nihil amplius fuit in hoc edicto, quam proponitur, aut nihil amplius in eo de mente pratorum suppleendum, & intelligendum est.

- 18 Quid igitur ergo est? an audebimus dicere quidquam fuisse in edicto amplius, unde intelligamus prætorem non polliceri se servaturum ea pacta, ex quibus iure civili actio denegatur? At cui probabimus, cum nihil amplius nobis proditum sit de verbis edicti, quam quod exstat in *L. 7. §. prator ait, D. eod.* quo pollicetur prator pacta non iniuncta se servaturum, nec reperiatur Ulpianus quidquam aliud in edicto laudare, quam edicti æquitatem naturalem, quæ in eo sit, quod prator servet ea, quæ inter aliquos placuerint? *L. 1. D. eod.* Sane vero aio in hoc edicto additum fuisse nominatim, aut si prætermissa est; tamen ex usu & consuetudine pratorum, id est, sententia intelligi debere hanc conditionem. *Quod eius per leges licebit*, id est dum leges non prohibeant: qua exceptione addita, quæcumque ius civile de actione non concedit, verbis edicti satis exceperit. Ac fuit quidem hæc conditio nominatim addita in edicto de restitutione maiorum, exstatque in *L. 1. D. ex quibus causis maior.* Non fuit causa, cur in uno edicto adlitteretur a prætore, ne quid scilicet contra leges faceret: non adlitteretur in cæteris. Demus tamen hic esse prætermissam (nihil enim de eo affirmare possumus) eam nihilominus intelligi, & suppleri debere, & ex sensu pratorum in omnibus edictis generalibus inesse contendo. Quod Paulus in interpretatione edicti de Publiciana, aperte comprobavit. Nam cum ita esset edictum de Publiciana, ut polliceretur generaliter actionem ei, qui possessionem rei ex iusta causa, & bona fide nactus esset; ex Paulo relatum est in *L. cum sponsus, §. si res, D. de Publici.* si aliqua res sit, quæ alienari non potuerit, prætorem hanc actionem non dare; non quia non possit, sed *ne*, inquit ille, *contra leges faciat*. Unde intelligitur, nisi quid aperte, & specialiter id concedat prator, quod ius non concedit, ut cum dat actionem de constituto, non esse illum hoc animo, ut amplius quidquam det, quam quod per leges licet, ne contra eas faciat. Quod nulli novum, aut mirum videbitur, si, quæ fuerit persona, quodque officium pratorum intelliget, & ex hac persona, quæ in edictis concipien-

Tom. VII.

dis veterum pratorum consuetudo, animadvertit.

De igitur pratoris persona & officio vere hoc a Cicerone dictum est *lib. 2. de legibus*. prætorem iuris civilis custodem esse. Ex hac enim sententia illa sunt in libris nostris prodita, pratoris esse ius civile subsequi, *L. scio, D. de testib.* item, ius prætorium vivam vocem esse iuris civilis, *L. nam & D. de inst. & iure*. scilicet quia ab interprete, & custode iuris proficiscatur. Hoc constituto, recte ita dicemus, si ius civile non patitur ex pacto actionem esse, & prator pollicetur se pacta servaturum, quatenus leges non prohibeant: constitutum est, quamvis verba in eam rem desint, tamen ne edicto quidem illum actionem polliceri. Itaque vere dictum esse generaliter, neque iure civili, neque prætorio ex pacto nasci actionem. Sed si vere dicitur ex pacto nudo non esse actionem, quia inde non est actio prodita iure civili: attamen illud generaliter dictum falsum esse videtur, ex pacto actionem non nasci. Siquidem lex & conditio traditioni adiecta pactum est. Ex quo tamen genere constat esse iure civili actionem, ut hic, & *L. debitori, sup. & L. in traditionibus; D. eod.* Atqui regula ita a veteribus concepta est, non ut dicerent ex pacto nudo, sed simpliciter ex pacto actionem non esse, ut liquet ex hoc scripto, & *L. 7. §. quoniam, D. eod.*

Sed igitur bene veteres, utrumque enim idem valet, ex pacto, & ex pacto nudo, ut hic Imperator interpretatur. Non quod nullum sit pactum, nisi nudum (alioquin in specie, quæ hic proponitur, quia res nuda non est, satis fuisset dicere non esse pactum: regulam autem de pacto esse conceptam) sed quia hæc verba, actionem non nasci ex pacto, interpretari sic intelligenda sunt, ex pacto, quatenus pactum est, sive quatenus in eo nihil spectamus, nisi pactum. Quo sensu est verissimum, ex pacto non nasci actionem. Etsi enim cum dedi, ut dares, ex eo actio est: non tamen est ex pacto, quia pactum sit: sed quia prius accepti, ut dares, sive quia pactum causam habet præter conventionem. Effectum est igitur hæcenus, esse verissimum quod dicitur, ex pacto actionem non nasci, tantumque abesse, ut edicto adverteretur, ut videri possit ex sententia edicti expressum.

Sed igitur enim hoc ius iniquum est, dicat quispiam, eoque non ferendum. Hoc enim restabat, quod initio oblici posse dicebamus. Nam si æquum est natura, pacta ser-

L

vari,

vari, ut Ulpianus testatur in *L. 1. D. eod.* ea non servari esse contra naturam: aequitatem. Ego puto vere dici, æquum esse, & ex iure naturæ, fidem & pacta servari: sed hoc, opinor, sic accipiendum est, si modo vere fides data sit, id est, si quis serio & ex animo sit pactus. Nam si leviter & sine causa quis promissit, magis est, ut hic revera non sit pactum: eoque dictum non servandum. Constat enim pactum consensu, non verbis, proficisciturque ab animi iudicio, non levitate, & ostentatione. Bene autem veteres prudentes ita constituerunt, causam esse, cur quid promitteretur, eoque & serio videri promitti, cum aut commercium ageretur, quod ad usum vitæ esset necessarium, quod nomine proprio commercii declarari diximus: aut cum is, qui promissit, prius accepit, ut daret, aut faceret, quod promissit. Ideo ex his causis, ut in re vere pacta, actionem esse voluerunt secuti naturæ ius, & æquitatem. Si quid horum non esset, causam ad promittendum non esse: itaque nec vere pactum esse iudicaverunt; proinde ex eo genere quoque actionem esse noluerunt, tanquam repugnante regula naturæ. At enim fieri potest, ut serio quis quid promittat, puta donandi, aut remunerandi causa, etiam si a superioribus causis duabus discesseris. Sic est. Sed quod frequenter accidit, id sequuntur legislatores: quod raro, id contemnunt. *L. iura, & seqq. D. de legib.* Certum autem est, hoc vitium omnibus pene mortalibus inlitum esse natura, ut promittant pleraque leviter; non quia velint, aut possint præstare; sed quia, ut est ingenii humani superbia, & vanitas, delectentur se inprimis lautos, & splendidos, & liberales haberi. Quarum rerum

laudem profuse, & facile promittendo se consequi posse arbitrentur: eam autem sibi perire aliquid denegando vehementer doleant, vel quia commodis suis studentes cupiant promissis suis, & simulata propensione eos, quibus promittunt, sibi demereri ad tempus, eorumque voluntates sibi adiungere. Quæ omnia a voluntate dandi multum abunt. Adde his periculum rei familiaris, quod omnibus ex sua levitate intenditur: tum lites, quibus foras perirent, si ex omnibus pactis actio dari cœperit. Quas causas doctissimi interpretes Duarenus & Connanus diligenter & erudite persecuti sunt. Accedit ad hæc promittendi facilitas. Nihil enim facilius, quam promittere, ubi non cogites, quomodo præstes postea, quod promiseris, aut plus speres de tuis facultatibus, quam illæ largiantur.

Sed ¶ hic iam rursus quaeret aliquis, si 22 ob hanc causam placet non valere pactum, quia leviter homines, nec serio paciscantur: qui fit, ut cum paciscuntur, ne a debito petant, quasi serio pacti sint, ex omni huiusmodi pacto competat exceptio? Quia si alia causa est, cur creditor paciscatur se non petiturum, si nulla, semper hæc idonea causa esse iudicanda est, quod reum liberare voluit, & hominem beneficio afficere. Huc accedit, quod non tam facile homines donant, quam promittunt: ut credibile sit, si quis ad donationem usque processerit, eum iudicio animi, non levitate fecisse. Quam ob causam, factum est, ut mulieri pro alio intercedenti succurratur Senatufconsulto Velleiano, non succurratur donanti. *L. 4. D. ad Vellei.* Donat autem, quod sibi debetur, quisquis eius rei debitori suo remittit actionem,



L. Ex conventionione. II.

Imp. Alexander A. Capitori.

Ex conventionione quidem qua pactam novercam tuam cum patre tuo ducis, eum fundum in dotem daret, ut creditoribus, quibus fuerant prædia obligata, usuras solveres, actio tibi adversus eam competere non potest, est pactum in stipulationem deductum probetur. Sed si fundus æstimatus (ita ut pars instrumenti significas) in dotem datus est, ex vendito actio, ut placitis fletur, competis. PP. Non. Decemb. ipse A. III. & Dione II. Coss.

S U M M A R I A.

1. *Qua conventio hic proponatur, eiusque interponenda occasio, tum de vi eius conventionis, sententia rescripti.*
2. *Ambigendi causa.*
3. *Conventiones quavis iustas ita esse utiles, si agentis interit id fieri, quod promissum est: contra iunctas. Et horum alterutrum quomo-*

- do & quando accidat in proposito specie, ut illic sit actio, hic non sit.*
4. *Ex vendito actio hic datur emptori, quo sensu.*
5. *L. 1. C. sine cen. vel reliq. lictis emendata.*
6. *Sententia tres in summa hac rescripto constituta.*

Mulier ꝑ nuptura marito dedit in dotem prædium pignori obligatum ob usuras, quas mulier debebat. Ius ita est ut qui pignus possidet, actione hypothecaria conveniri possit, qua cogatur pecuniam solvere, in quam pignus obstrictum est, aut pignus creditori restituere, *L. si fundus, §. in vindicatione, D. de pig. l. cavens maritus, cum prædium accipiebat, convenit, ut mulier usuras, de quibus supra dixi, solveret, atque ita ipse prædium immune possideret. Convenit hoc pactum iustum esse, & si maritus usuras solverit, habere eum actionem adversus mulierem eo nomine. L. epistola, §. pactum, D. eod. de eo hic non ambigitur. Mortuo marito, atque ita matrimonio dissoluto, filius eius Capito constituit agere adversus novercam ex superscripta conventionione, quod eas usuras præstitisset. Finge mulierem prohibuisse, ne solveret: quo casu constat eum, qui solvit, non habiturum negotiorum gestorum actionem, *L. si pro te, D. mand. ut proinde si qua superat actio, sola esse possit actio ex conventionione, cuius conditionem mulier mutare non potuit. L. vero, §. 1. D. de solutio. Au ex conventionione possit agere, queritur. De eo distinguitur hoc rescripto ad hanc sententiam, ut si prædium**

inæstimatum datum sit in dotem, filio mariti ex superiore conventionione non competit actio, ne si conventio quidem in stipulationem deducta sit: sin prædium datum sit æstimatum, sit ei actio proposita eo nomine: quam esse vult Imperator actionem ex vendito.

Habet ꝑ hoc rescriptum in omnibus his partibus, quod merito dubitetur, & ea, propter quæ videri possit nihil illorum statui debuisse. Nam primum maritus ex hac conventionione actionem habuit, ut diximus. Cum heres succedat in omne ius defuncti, *L. heres in omne, D. de acqu. her.* qui sit, ut filius mariti, idemque heres in actionem ex hac conventionione patri quesitam non succedat? Tum autem si actio heredibus mariti non competit, cum prædium datum est inæstimatum, cur ea competit, cum æstimatum datum est? Postremo qui potest in proposito actio ex vendito esse ei, qui nihil vendidit? quæ nobis expedienda sunt.

Et ꝑ quod ad actionem attinet, ne forte nos moveat, quod ex hac conventionione modo datur, alias non datur: sciendum est, quæcumque sint conventiones, quavis iustæ, sic tamen esse utiles, si agentis interit id fieri, quod promissum est. *L. qui infatum, §. D. de P. O. si-*

quidem eo inventæ sunt omnes, ut æquirit unusquisque, quod sua interest. *L. stipulatio ista, §. alteri, D. de verb. oblig.* Quæ res facit, ut si nihil intersit: sint inutiles: ac tum præsertim cum continetur conventione, ut quid fiat, non ut nobis detur: qualis est ea, quæ hic proponitur, ut uxor usuras solvat, non marito paciscenti, sed creditoribus, quibus illæ debentur. In hoc enim genere constanter veteres definierunt, si non fiat, quod promissum est, agi in id, quod interest: in id, quod intersit, eorum condemnari: stipulatione capere id, quod interest. *L. stipulationes non, vers. Celsus. L. si penam. L. quoties quis, D. de V. O. L. si quis ab alio, §. ult. D. de ra iud. l. i.* Iam vero in proposita hypothesi ita reperitur, ut quibus denegatur actio, horum nihil intersit usuras solvi & interesse: quibus autem datur, eorum intersit eas solvi: ut iam dubitari non oporteat, quin hic datæ, quæ denegatæ actionis causa in eo sit, quod illis & iusta sit conventio, & intersit agentis fieri, quod convenit: hic autem iusta quidem conventio sit, sed non sit, quod peti possit, nempe quod agentis interest. Hoc autem ita esse iam nullo negotio demonstrari potest. Quis est enim, cuius interest usuras a muliere debitas solvi, quæ ipse non debeat? Is, cuius est prædium in eas usuras pignori obligatum, quique id prædium possidet. Propter eas enim usuras pignus, quod possidet, ab eo vindicari potest hypothecaria actione, qua cogetur ut prædium amittere, aut usuras, quæ a muliere debeantur, solvere. *d. L. si fundus, §. in vindicatione, D. de pign.* Quis est contra, cuius non interest eas usuras solvi, cum ipse eas non debeat? Is, cuius id prædium non est, quod in eas usuras est obligatum, scilicet suum non esse, sed debitoris, si ve id possideat, si ve non possideat. Si ve enim id prædium iam restituit, ut debuit, hypothecaria actione conveniri non potest, quia non possidet, nec dolo delinquit possidere. *d. L. si fundus, §. in vindicatione.* Si ve nondum restituit, & adhuc tenet, culpa eius est, si patitur se conveniri, eum deberet id prædium dominum restituere. Quapropter si quid ob eam causam præstat, non tamen videbitur eius interesse. Recte enim ei dicitur a muliere, quod quis ex sua culpa damnum sentit, sentire eum non videri, *L. quod quis ex culpa, D. de reg. iur.* Quis est porro, ut ad hanc speciem propius accedamus, quis est, inquam, prædii in dotem dati dominus, quique id iure suo tenet, possidet?

Maritus semper constante matrimonio possidet id tanquam dotale, ac proinde tanquam suum. Maritus enim dotis dominus. *L. dote, C. de rei vindicat.* Hinc est, cur de marito hic non queratur, sed de mariti heredibus. Soluta autem matrimonio eveniet, ut & ipse nunc maneat huius prædii dominus, & idem tanquam suum moriens transferat ad heredem suum, si prædium æstimatum datum fuerit. Quæstio enim emptioem facit. *L. plerumque, §. si ante, D. de iure dot.* ut proinde iam non prædium tanquam dotale habeatur, sed ut emptum: itaque & de eo, ut de cæteris rebus emptis statui debeat. Quod si prædium non fuit æstimatum datum, erit tunc etiam dotale: quæ res facit, ut soluto matrimonio non sit hereditum, sed uxori restitui debeat. Nec mirum, si dicamus non esse hereditum. Nam nec mariti esset, si ex vivo matrimonium esset dissolutum. Quidam igitur illic & marito, & heredibus de re sua non amittenda sollicitis actio datur: hic autem non datur, ubi eos de re aliena sollicitos esse non conveniebat? id est, ubi eorum nihil interest usuras solvi?

Quod si dicitur Imperator actionem ex vendito competere Capioni de his usuris, ubi prædium æstimatum marito datum est, id est, ubi maritus id prædium emit: actionem ex venditione, id est, ex contractu emptioem interpretari debemus non autem actionem, quæ nominatur, ex vendito. Nam hæc venditori tolum datur, non emptori. *L. ex empto, §. an vendito, D. de action. em. de qua vido plura ad L. si pælle, infr. eod.*

Illud si monendi sumus, ostendere hoc scriptum totidem verbis in *L. i. infr. sine cons. vel sel.* nisi quod hic de usuris agitur, in quibus id prædium erat obligatum: illic de tributis. Ac vulgata lectio est illic, ut negotiorum actionem ex emptio competere mariti heredibus, quamvis prædium fuerit datum æstimatum. Sed cum utrumque volentium sit idem, eodem speciebus, verba eadem, inscripta, & subscripta eadem, par in utroque facti ratio, & quidem in tributis maior: satisdum est utroqueque aut pariter affirmativè in extrema parte legendum esse, ut *hio*: aut pariter negativè, ut *illic*, ut alterum ex altero emendetur. Quod si hoc quæritur, utrum hoc ex illo, an illud ex hoc emendandum sit, ratio iuris consulenda est, quæ nos doceat, utra lectio sit vera, aut falsa. Non dubium est autem, quoniam iure certo omnis pæctio legitima servanda sit inter contrahentes, quam servasse paci-

paciscentis interest. At hæc talis est: in illo igitur negatio expungenda est. His explicatis licet colligere, hoc scriptio tria hæc in summa statui.

6. Primum igitur pactum, quanvis cæteris rebus iustum, omnem adeo stipulationem, quanvis iure factam agniti esse iustilem, ubi eius non interfuit id fieri, quod promissum est. Ut, hic Capitonis nihil interest usus si a poverca solvi, quam ab illa debeantur, si ipse nullam rem iure possidet in eas usus oppignoratam,

Item, quacunque ex causa res æstimeretur, emptionem & venditionem contrahit: proindeque ex ea re actionem empti & venditi competere contrahentibus, eorumque heredibus. Postremo pactum in bonæ fidei contractu, ut in emptione, ex continenti factum partem eius contractus habendum esse: postquam id sit eiusmodi, ut pacto de re eo promissa actio ex contractu competat: de qua re dixi ad L. in bona, *infra. not.*

L. Pacta novissima. 12.

Imp. Alexander A. Flacilla.

Pacta novissima servari oportere, tam iuris, quam ipsius rei æquitas postulat. Quapropter si conventiones, quæ præcessit, diversa pars usuram se non esse sensisset, & maxime si (ut proponis) id etiam apud acta præsidis adfuerat: actionem, quæ super prima conventionem fuerat, exercere non prohiberis. PP. III. Kal. Martii Agricola & Clemente Coss.

S U M M A R I A.

1. Pacta plura si non pugnant, omnia servanda: si pugnant, servandum novissimum.
2. Pactum novissimum servari, æquum, & ex edicto ipso, & quare.
3. Supremam voluntatem novissimam valere cæteris in eolus: in libertatibus eam, per quam ad libertatem facilius pervenitur.
4. Pactum novissimum servari non ipsa iure, sed pacti, vel doli mali replicatione.

Elidi prius pactum per posterius, quid sit apud Paulum. ibidem.

5. Pactum prius interdum æque valere, atque novissimum: interdum solum, non novissimum: & quando id accidat. Nihilominus tamen recte dici pactum novissimum servandum, quia accipi debeat dictum in comparatione: cum ex duobus insit pactis plus uno valere non potest. Unde queritur, utrum servandum potius.

Pollicetur prætor se pacta conventiona esse servaturum. Ergo & etsi plura inter aliquos erunt interposita, omnia servabit. Non enim eo minus singula per se pacta sunt; quia plura inter eosdem intercesserunt. Etiamque si erunt de eadem re inter se contraria, & eiusmodi, quæ simul stare non possunt? Imo servabit omnia, si licet, & simul omnia servari possunt. Quod si non possunt natura servari, natura parendum est. Ut, si pactus sit creditor, ne petat; deinde pactus sit, ut petat: nemo dicet hoc polliceri prætorem, se effecturum, ut utriusque pacto stetur: cum natura fieri non possit, ut simul quis quid petat ex aliqua causa, &

idem ex eadem causa non petat; itaque hoc iam contabit, uno dumtaxat ex his, ut servari possit, sic esse servandum. Hinc queritur, ex duobus utrum potius servandum sit. Ex pluribus propositis quodnam ex his potissimum. Res prima fronte non modo non explicatur edicto: sed etiam, si verba sequimur, redditur ex edicto perplexa. Si enim statuerimus novissimum ideo servandum, quia pactum sit: licebit convertere rationem, atque ita dicere, prius esse servandum: quoniam & hoc pactum sit non minus. Res ita decisa est, ut placeret novissima pacta servari oportere.

5 Sed † videamus, ne editum repugnet, quo pactum omne non iniustum servat prætor. Immo optime Imperator hoc addit, ut ita statuatur, *tam iuris*, id est, editi, quo lus de pactis propositum est, quam *ipsius rei æquitatem* postulare. Primum hoc rei æquitas postulat, quia quicumque de re aliqua iterum paciscuntur, simul ab eo, quod prius pacti erant, si contrarium est, recedi volunt. Neque enim posterius, nisi priore remoto, valere potuit. Æquum igitur & novissimum manere, & a primo recedi, quia utrumque inter pacificantes ita placuit. *L. 1. D. eod.* Quam ipsam ob causam rursum ex edito pactum novissimum esse servandum: edicere enim prætor se pacta servaturam, non hoc dicit se pactorum verba servaturam, sed voluntatem & consensum paciscentium. Id enim pactum significat, *d. L. 1. D. eod.*

3 Quæ † si ita sunt, merito in legatis & fideicommissis idem servatur, ut novissima scriptura valeat. *L. 12. §. ult. D. de Leg. 1.* quoniam in his præcipue totum voluntas testatoris facit. *L. ex facto, D. de ber. inst.* In libertatibus aliud ins expressit favor libertatis. *L. quod traditum, D. de cond. & demon.*

4 Ut autem † solum valeat pactum, quod fuit novissimum, consequimur, non ipso iure, ut scribit in hac specie Paulus in *L. si unus, §. pactus, D. eod.* sed pacto, aut doli mali replicatione, qua prioris pacti exceptio, vel ipsum prius pactum per posterius eliditur. Quo verbo ad id exprimendum, quod voluit, significatissime est usus. Hoc enim voluit intelligi, non fieri pacto posteriore, quo minus prius maneat: sed quod in duobus corporibus inter se instantibus seseque collidentibus accidit, hoc in his pactis usu venire, ut si in contentionem venerint, cedat imbecillius potentiori, tanquam ab eo elisum; quia prius posterioris replicatione infirmetur. Non tollitur ergo prius pactum per posterius ipso iure. Nec obstat, quod dicitur naturalem obligationem iusto pacto ipso iure tolli. *L. Stichum, §. naturalis, D. de sol. Nat.* Nam neque priore pacto, ne petatur, obligatio naturalis contrahitur, ut quis dicat eam postea tolli posse: de quo postea *ad L. seq. in extremo*; & si nasceretur, tamen ex priore pacto exceptio quoque oritur: quæ cum civile remedium sit, sola conventionis æquitate tolli non potest, *L. nihilominus naturale, D. de reg. iur.*

5 Nunc † admonendi sumus totum hoc pacta novissima esse servanda; item in

legatis novissimam scripturam valere, ex comparatione priorum dictum esse hoc sensu: ut si quaratur, ex pluribus pactis quod potius servandum sit: vere dicturi sumus novissimum potius servandum; ex pluribus voluntatibus, supremam potius. Cæterum extra comparationem prioris & posterioris pacti non licet absolute ita dicere, ex duobus pactis primum non est servandum, sed novissimum. Fieri potest, ut etiam primum sit servandum. Quid enim, si non sit contrarium, ut pariter utrumque sine alterius fraude & pernicietueri possimus? Multo minus illud verum est, si absolute dicam, ex duobus semper novissimum servandum, non autem novissimum potius. Fieri enim potest, ut novissimum dolo malo factum sit: quod genus prætor non tuetur. Fieri potest etiam, ut pacto novissimo id agatur, ut agere liceat de ea re, de qua actio priore pacto ipso iure sublata sit: quod cum sit, pactum posterius non valet. *L. si unus, §. pactus, D. eod.* Cur ergo ita definimus hoc loco simpliciter: pacta novissima servari oportere? Quia hic non de singulis pactis separatim regula traditur: de quibus si dubitaretur, ad regulas communes iuris res revocanda esset: sed de utroque coniunctim, idque ex comparatione: nempe hoc modo, ex duobus valet potius novissimum. Cui questionem de comparatione non alias locus est, quam cum, hoc posito, utrumque pactum per se valere posse, cæterum utrumque simul non posse, hoc iam quaratur: utrum valeat potius. Idem & de illa definitione intelligendum, novissimam scripturam in legatis valere, nisi enim hoc ex comparatione prioris scripturæ dictum accipiat, multa incidere poterunt, cur novissima non valeat, eoque per se non sit servanda. Sed & quod dicitur novissimum pactum servandum, quia propter consensum dicitur, sic accipiendum erit; nisi doceatur aperte in priore pacto aliud actum esse inter paciscentes. Quid enim, si ita creditor dixerit, paciscor me a te nunquam petiturum; & si convenerit postea inter nos, ut mihi petere liceat, id pactum valere nolo? Si paciscatur postea, ut sibi petere liceat; pactum ei non proderit propter conventionem, id enim priore pacto nominatim actum est. Nam & in ultimis voluntatibus idem servatur, ut si testator in principio ita scripserit, *Quod Titio infra legavero, id ei datum nolo: si infra leget, legatum non valeat*: quavis alioqui ut in pactis, sic in testamentis placeat novissimam scripturam valere, *d. L.*

d. L. si mihi 12. §. ult. de Leg. 1. Sane si testator in posteriore scriptura dixerit nominatim se prioris voluntatis poenituisse; suprema voluntas prior habetur. L. si quis in prius. 22. D. de leg. 3. Quod

& in pactis servandum est ex utriusque paciscentis consensu. Valent enim pacta ex voluntate duorum, ut testamenta ex voluntate unius.

L. in bonæ. 13.

Imp. Maximinus A. Mario.

In bonæ fidei contractibus ita demum ex pacto actio competit, si in continenti fiat. Nam quod postea placuit, id non petitionem, sed exceptionem parit, PP. V. Id. Ian. Maximino. A. & Affricano Coss.

S U M M A R I A.

1. In continenti, & ex continenti pactum fieri, idem valere: postea, & ex intervallo, idem: parere, & formare actionem, idem.
2. In continenti fieri quid sit, & unde appellatio.
3. In continenti fieri, & in ingressu contractus, & initio, eadem: & quid hic ingressus & initium significet & u. 15.
4. Legem contractui dare pacta in continenti facta, quid sit Ulpiano.
5. In continenti fieri non diei ea pacta, quæ sunt contractui iam perfecto, quantumvis sequantur e vestigio.
6. Ex intervallo pactum fieri, quid sit.
7. In continenti pactum factum, quod sit initio & tempore contractus, tamen recte dici sequi: & cur.
8. In continenti pactum factum cur potius actionem pariat, quam factum ex intervallo.
9. Pactum inesse contractui, seu contractui contineri, idem quod partem esse contractus: & cur sit pars.
10. In continenti pacta facta si per se spectentur, videri nulla: proprio non esse unde, & hinc esse actionem.
11. Ex pacto in continenti facto quæ actio.
12. Pacta conventa, sive ante contractum stricti iuris, sive postea, sive in continenti facta sint, non parere actionem: & cur.
13. Differentia inter bonæ fidei, & stricti iudicia ratio.
14. Pacta in continenti facta stipulationi inesse, quomodo interpretandum in L. lecta D. si cert. pet. & n. 15.
15. Pactum semper parere exceptionem, quomodo accipiendum.
16. Pactum interpositum, ne agatur, ut plurimum parere exceptionem: interdum ipso iure liberare, & quibus in actionibus id accideas.
17. L. pacta conventa D. de cont. empt. explicatur. & num. 20.
18. Ex substantia contractus, quæ Adminicula, quæ & cur sic dicta, ibidem.
19. Quæ pacta detrahant, quæ adiciant emptioni: & cur illa contractui contineri, hac non inesse dicantur Papiniano.
20. Liberandi causa pactum interpositum obligationem naturalem tollere, & quidem ipso iure: at non parere obligationem vel naturalem.

Regula iuris est, ex pacto non nasci actionem: de qua cum ageremus ad L. legem, sup. eod. inter alia eius diximus exceptionem, vel verius interpretationem, quæ hoc loco tradatur. Interpretationem esse verius tum intelligi poterit, cum quæ eius exceptionis ratio sit, exposuero.

Hoc † loco ita scriptum est; in bonæ fidei contractibus etiam ex pacto competere actionem, siquidem in continenti fiat. Nam quod postea placuit, id non petitionem, sed exceptionem, parere. Idem traditum ab Ulpiano, & explicatum suus in L. 7. §. quinimo, D. eod. paucis tantum commutatis verbis, quæ nihilominus idem valent. Nam quod hic

hic dicitur fieri in *continenti*, ille *ex continenti* dicit: quod hic *possea*, ille *ex intervallo*: quod hic actionem competeri, ille actionem pacto formari. Locus postulat, primum, ut explicetur in verbis, quid sit in *continenti*, quid *possea*, seu *ex intervallo*. Tum de in-
 2. *re* queratur, cur ita ex pacto actio sit in bonæ fidei contractibus, si in continenti fiat potius, quam si ex intervallo & si est actio, quænam sit. Poltremo quoniam hoc de bonæ fidei contractibus definitum est, numquid non idem dicendum sit in stricti iudicii contractibus.

In *continenti*. In continenti, ¶ & ex intervallo quid sit, inter omnes non convenit: quo diligentius quid sit utrumque, demonstrandum est. Et si verbi ratio queritur, quæ ad verbi cuiusque vim & significationem declarandam plurimum valet, continens est, quod aliquid continet. Itaque hoc loco continens, contractus continens intelligere debemus: id videlicet, quod contractum continet: ut sit totum illud tempus, sive tota illa tractatio, a qua primum de re agi cœpit inter contrahentes, donec de re tota inter eos convenerit. Quapropter in continenti contractus factum esse aliquid, est id, quod Imperatores in *L. penul. C. de pact. inter em. & vend.* dicunt factum esse tempore contractus. Sed omnia ratione verbi, de re, quam veteres hoc verbo intelligi volunt, videamus. Et primum hoc constituat, quod Ulpianus definit *L. 7. §. quinimo, D. eod.* id pactum fieri in continenti, quod sit in ingressu contractus.

3. In ¶ ingressu sic accipiemus, in initio. Nam cum ingressus latinis auctoribus per translationem significet initium, quoniam initium cuiusque rei est id, per quod in eam rem ingredimur: unde ingressus orationis pro initio Quinctiliano *lib. 3. c. 2.* eadem forma & ratione, qua adius dicendi Ciceroni in oratione pro lege Manilia: tum vero ingressum hoc loco ita intelligendum esse, vel hinc liquere potest, quod hæc sententia, quæ hic traditur, pacta valere ad agendum in contractibus bonæ fidei, si ex continenti fiant, alibi ita expressa est, ut dicantur valere, si fiant in initio contractus, *L. initio, C. de pact. int. em. & vend.* Initium hic, & ingressum non intelligimus primum consensum contrahentium de re aliqua tractare incipientium: ne quis forte ea solum pacta valere hic interpretetur, quæ in eo aditu fiant, & primo congressu. Nam quæ illic pacta de re ad contractum

pertinente fieri possunt, cum de re ipsa nihil dum convenerit? Sed res ita habet: Contractus, si vere iudicare volumus, tunc esse, & dici incipit, cum perficitur. Perficitur autem tum, cum de re convenit. Est enim contractus, consensus atque conventio: ut priusquam de re & pretio rei in emptione, exempli gratia, consensum sit inter emptorem & venditorem, non sit emptio. Quapropter quæcunque ante tractantur, & agitantur inter contrahentes, quibus efficiatur, ut res tandem conveniat, de qua agi cœptum est, quantumcunque tempus intercesserit, per quod hæc tractata sint, ea contractus initium recte appellamus. Initium; quia contractum, id est, consensum duorum in eandem rem antecedunt. Ingressum ideo; quia sunt eiusmodi, per quæ ingredimur & pervenimus ad eum consensum. Interdum initium rei cum re ipsa uno nomine complectimur: ut cum adium ad ædes & reliquas partes ædium, ædes appellamus: qua ratione totam illam tractationem, quæ iustum consensum antecedit, una cum consensu coniungentes tanquam contractus partem, non male totum uno nomine contractum vocemus. Et quidem ex hac ratione est, quod quæ diximus fieri ingressu contractus, ea dicuntur alibi fieri tempore contractus, *d. L. pen. C. de pact. int. em. & vend. comp.* tamen nondum contractus est, qui perfectus non est; quia scilicet sunt per id tempus, quo res geritur, quod tempus contractus esse diximus. Quod si ita est, eveniet rursum, ut pactio, quæ in continenti fit, ea esse intelligatur, quæ fit in negotio gerendo, quod ipsum pene diferte expresse videtur Ulpianus in *L. pacifice, D. eod.* qui ut pactio valeat, per quam agitur, ne venditor ad redhibendum teneatur, nihil interesse ait, utrum ea pactio in negotio venditionis gerendo intervenerit, an *possea*, id exprimens, quod hic diximus, utrum intervenerit in continenti, an *possea*. Sed nondum satis, pactum per id tempus factum. Quid enim, si ad contractum nihil pertinet? Finge, fundum emi, & prius, quam emptio ad exitum perduceretur, convenit alterius rei causa, quæ inter nos per idem tempus tractabatur, ut aliquid mea causa faceres. Quia nihil hoc pertinet ad emptionem, non magis pactum pariet actionem ex eo contractu, quam si inter nos nulla emptio contraheretur. Oportet igitur pactum esse eiusmodi, ut propter id (in emptione, exempli causa) emptio contrahatur, ac sine eo emptio non esset contractus.

Hoc

Hoc nimirum † iam illud est, quod vere Ulpianus definit, in d. §. *quinimmo*, ea pacta inesse, live in continenti fieri, quæ legem contractui dant. Id enim pactum emptiolem legem dare, seu asserre intelligitur quod emptiolem ita additum est, ut lex esset, id est, temperamentum & moderamen quoddam emptiolem, ut interpretati sumus ad L. *legem*, sup. cod. id est, sub quo emptio contracta est: quale est, si placeat, ut is fundus tibi sit emptus, sed hoc pacto, arque conditione, ut res illi continetis conductus in tot annos habeas: vel ut illud, aut illud facias. Hoc pactum legem, id est, temperamentum emptiolem recte dixeris, quia hoc pacto detracto, fundus simpliciter tibi emptus est: hoc addito, emptio sit certo modo & temperamento adhibito, ut illud facias. Quæ sunt autem pacta eiusmodi? non alia, quam quæ proponuntur, in initio ante, quam de re conveniat: quibus constitutus fiat, ut emptio placeat, ac denique contrahatur, atque ita iam inesse emptiolem, contineri emptiolem vere dicantur. Quare si dicendum est paucis, ea pacta sunt in continenti emptiolem, quæ sunt in negotio emptiolem gerendo, re nondum contracta: propter quæ emptio perficitur: sine quibus emptio non esset contracta, eoque legem asserunt emptiolem: scilicet ut is, qui his quid promittit, non rem habeat ex emptiolem simpliciter, sed hac lege, hoc modo, ut id, quod convenit, faciat.

5 Fortasse dicat † aliquis, quæ pacta huiusmodi sunt, ut initio fiant, & re nondum perfecta, fieri illa quidem in continenti: veruntamen non sola. Videri enim & illa fieri in continenti, quæ emptiolem contracta subiiciuntur, si modo e vestigio sequantur. Non ita est, ut nunc quidem in continenti intelligi volumus. Nam secundum verbi significationem non nego id dici posse in continenti fieri, quod sit statim post, ut in L. *lecta*, D. si certum pet. Sed in hac regula id intelligi nego, cum scilicet in continenti, & postea, live ex intervallo opponuntur: idque hinc liquet. Nam cum hoc pro definitione positum est ab Ulpiano, in dicta L. 7. §. *quinimmo*, ea pacta inesse, id est, fieri in continenti videri, quæ legem contractui dant, id est, in ingressu contractus facta sunt (quæ definitio falsa est, si aliqua pacta fieri intelligantur ex continenti: quæ non fiant in ingressu) tum vero omnem tergiversationem præcidit, L. *initio*, infr. de pact. inter emptor. & venditor. in qua non solum ita scriptum est,

Tom. VII.

eam conventionem valere, quæ fiat initio emptiolem: sed etiam per contrarium additum est nominatim, eam non valere ad agendum, quæ initio facta non fuerit.

Ex quibus † periculum est, ea pacta fieri ex intervallo, quæ re iam contracta facta sint, quodcumque post secuta fuerint. Nemo enim dicit ea, quæ contractui iam perfecta secuta sint, facta esse in ingressu, aut initio contractus, multoquo minus ea pacta dare legem emptiolem. Pugnant enim, emptiolem contrahi simpliciter; & contrahi certa lege, certave conditione. Iam autem dixi, pactum dare legem emptiolem, quoties sub eo pacto, quasi certa lege, & conditione sit emptiolem, non simpliciter. Quo sit, ut emptiolem semel contracta (quod sit, simulatque de re & pretio convenerit) si conveniat, ut fundo vendito instrumentum fundi accedat, quamvis statim: tamen ex eo pacto non sit actio hinc civilis, quasi non sit factum incontinenti, sed ex intervallo. Quod unde melius probari potest, quam quod ea, quæ sunt ex intervallo, non incontinenti, dicantur fieri postea? Quid est enim postea, nisi post contractum, de quo agitur? an si sequatur pactum statim, ideo non sit postea, id est, negotio iam contracto? Sed hoc vulgo non probatur: primum quia absurdum sit putare, ea solum fieri incontinenti, quæ sunt in initio: cum etiam si fiant ad extremum, quo tempore res denique perficitur, consuet ea valere. Deinde quod apud Ulpianum scriptum sit in dict. §. *quinimmo*, ea pacta inesse, & valere, quæ ex continenti secuta sint. Sic enim Ulpiani verba sunt: Sed hoc sit accipiendum est, ut siquidem ex continenti subsequuta sunt, etiam ex parte actoris insunt: si ex intervallo, non inerunt, nec valebunt, si agatur. Quid est pactum subsequi, nisi re confecta & præcedente sequi? Sed quod verbo initii moventur, de eo iam supra respondi, & ostendi, quid eo verbo hic accipere debeamus.

Quod † ad verbum sequendi attinet; res ita se habet, ut nullum pactum in continenti contractus adhibeatur, quod non sequatur. Sed quid sequitur? Primum illud congressum videlicet, ex quo de re inter contrahentes agi incipit, & ita in L. 3. infr. de edil. action. hac verba: secundum fidem antecedentis, vel in continenti secuti palli experiri posse, interpretanda sunt, ut sit antecedens pactum, quod prædicatur a venditore de servo, antequam se vendere dicat: secutum autem in continenti quod convenit in re

M

con-

contrahenda. Nec mirum, si hunc ingressum sequi dicitur, & nihilominus contractum nondum impleto & perfecto interponi. Neque enim ut primum aliqui de re emenda, & vendenda tractare inter se coeperunt, ita continuo emptio inter eos contrahitur. Longum tempus intercedit plerumque prius, quam de re conveniat, dum ille pluri vendere vult, hic minoris, comparare: post multam, longamque transactionem res denique solet convenire, cum aut venditor emptori, aut contra emptor venditori aliquid se facturum promittit, ut sese ad emendum, vendendumque mutuo provocent, ut declaratur in *L. si voluntate, C. de res. vend.* Ergo quod pactum licitatione, & tractatione iniecta interponitur, recte dicitur subsequi: neque eo minus verum est, id fieri initio contractus, sive in negotio gerendo. At enim etiam subsequi rectissime, & proprie dicitur, quod contractum perfectum sequitur. Non nego. Sed cum conitet vel ex verbis, vel ex reliqua disputatione, & definitione certa Ulpiani, quid dicat *ex continenti fieri*, verba captanda non sunt: sed videndum, quid sentiat, idque fumen- dum est, *L. pen. D. ad exhib.* Aut ea pacta valere, quae *subsecuta sunt*: sed addit, quae *subsecuta sunt ex continenti*: quod verbum significat id tempus, quod contractum continet, ut de etymologia supra jam interpretatus. Quid autem sequitur deinde? Nempe ille nominatim postea definit ea pacta inesse ad agendum (ea autem sunt, quae prius dixerat fieri ex continenti) quae legem contractui dant, quae in ingressu fiunt: quod plane de iis, quae re contracta secuta sunt, intelligi non potest. Ex quo dubitari non debet, quin ex continenti secutum apud illum intelligere debeamus, quod secutum est initium tractandi: re tamen nondum perfecta interpositum.

- § Sed § de utroque minus dubitabimus, cum erit ratio exposita, cur ex priori genere actio nascatur, ex posteriore non item: de qua sequitur, ut videamus. Neque temere est, cur hanc requiramus, ac nobis videatur inprimis constituenda. Nam si, cum ita emptio contracta est fundi, ut emptor insulam venditori certo loco aedificet, in hoc pacto, quod fit in continenti, nihil amplius est, quam pactum: alterutrum fatendum erit, aut non recte ex huiusmodi pactis actionem constitui, aut ex ceteris, quae in continenti non fiant, non recte denegari: omnia enim pariter pacta sunt. Causam igitur aliquam subesse oportet, praeterquam

quod pactum fit, ut ex eo genere nascatur actio. An dicemus, in causa esse coherentiam contractus? Sic enim vulgo vocant vicinitatem contractus, qua pactum tempore cum contractu coniungitur. Ne hoc dixerimus. Nam ut utile per inutile adiunctum non vitatur: sic nec coniunctio, & vicinitas rei utilis unquam efficiet, ut quod per se inutile est, sit utile. *L. placuit, D. de usur. L. 1. §. penult. D. de V. O.* Quid ergo est? Er ex superiore verbi definitione, quamnam haec causa sit, non difficile intelligi potest. Etenim si id pactum sit in continenti emptionis, quod fit in negotio gerendo, & simul legem emptioni dat, id est, ita fit, ut propter id emptio contrahatur, sine eo autem non esset contractus: consequens est, quod Ulpianus dixit in *d. §. quintummo*, genus hoc pacti contractui inesse, & quod eodem sensu a Papiniano dictum est in *L. pacta conventa, D. de contrab. empt. contractu contineri*.

Quod § utrumque nihil aliud declarat, 9 quam pactum in continenti contractus factum partem contractus esse. Et sane si id cuiusque rei pars est, quod res constat, sine quo non foret, pactum autem, quod legem contractui dat, est eiusmodi ex voluntate contrahentium: conficitur id pactum partem esse eius contractus, cuius in continenti adhibetur. Sed probat hoc praecipue genus actionis, quae ex hoc pacto competit: de qua mox opportunius, ut suo ordine. Tamen quod ad hunc locum pertinet, dicam: si ex huiusmodi pacto competit non actio propria aliqua, sed eius contractus actio, in quo pactum interponitur: si, puta, ex pacto in re emenda interposito ex emptio actio est, ut dicitur postea; manifestum argumentum hoc est, pactum eius contractus partem esse, cuius in continenti est interpositum. Sic enim recte colligitur: actio ex vendito, aut ex emptio non est, nisi de iis rebus, quae obligatione empti, & venditi continentur: siquidem contractus obligationem, obligatio actionem parit. At actio ex emptio, & vendito de iis rebus competit, quas emptor, aut venditor in continenti emptionis pacto promissit, ut dicemus. Pactum igitur id obligatione empti & venditi continetur. Huc recte refertur, quod in *L. fundi, D. de contr. empt. scriptum* est, si convenerit in lege emptionis, ut emptor praeter pretium, quod illum dare oportet, partem fundi non vendicam in certos annos certa pecunia conductam haberet, hoc pactum pro pretio cedere. Quid enim magis emptionis pars est, quam pre-

pretium? At huius vice fungitur, quid quid emptorem ex lege emptionis præstare oportet. Pars igitur emptionis hic quoque itidem, ut pretium. Quorum hæc? Nempe hoc bene constituto, pactum omne, quod ex continenti sit in emptione, eius contractus partem esse. Illud sua sponte intelligitur, ex eo pacto itidem, ut ex reliquo contractu actionem esse. Certum est enim, quo iure totus contractus habeatur, eodem iure & quamlibet eius partem haberi oportere.

10 Quod si verum est, tunc iam & illud intelligi potest, quod, initio posueram, cum ex hoc genere actio datur, revera nullam hic exceptionem esse illius veteris regulæ, qua traditur, ex pacto nudo actionem non nasci: sed eius regulæ interpretationem quandam, quæ nos monet ea pacta, quæ sunt in continenti, non iam nuda esse, sed transire in eum contractum, cuius in continenti interponitur, & cuius pars sunt. Ex quo etiam eveniat, ut non minus ex eo genere, quam ex conventionibus, quæ in alium contractum transeunt, actio competat. Et tamen hæc pacta, si per se sola spectentur, seu iuncta ab eo contractu, cui adhibentur, sine dubio sunt nuda. Quæ causa fuit Ulpiano, cur cum dixisset in *L. 7. §. sed cum nulla*, *D. eod.* nudam actionem non parere actionem, ex eo numero statim exceperit ea pacta, quæ in contractibus bonæ fidei sunt ex continenti. Sane enim & hæc per se sumpta nuda sunt. Cæterum si coniunctim spectentur cum contractu, in quo sunt, non minus hæc eius contractus partes sunt, quam reliqua, ex quibus contractus constat: ac proinde appellatione contractus & hæc ipsa continentur. Quod non monerem, nisi putarem, ad defensionem iurisperitorum veterum, a quibus illa exceptio nata est, pertinere hoc intelligi, cum statuerent ex pacto in continenti factio etiam actionem esse, nihil eos de regula iuris certi detraxisse, quod interpretes iuris facere non potuerunt: sed ipsos ius certum, quod erat, apertius esse interpretatos, & hoc statuisse, id, quod dicitur, ex pacto nudo actionem non nasci, nihil obesse, quominus etiam ex pacto actio nascatur tum, cum in bonæ fidei contractu ex continenti factum est: quia hoc non sit iam nudum pactum, sed id, quod in partem contractus transeat.

11 Iam tunc quæ sit actio ex pacto, de quo agitur, ex superioribus colligi potest. Est, ut dixi, actio ex eo contractu, cuius in continenti pactum interponitur. Nec mirum, si pactum est ex eo contractu, id

est, si est pars eius contractus. Pactum igitur in ingressu emptionis factum est: lex dicta est emptioni, aut venditioni. Erit ex empto, aut ex vendito eo nomine actio. Ut puta, vendidi tibi partem insule, ut alteram conductam in tot annos haberet vendidi insulam; ut alteram reficeret vendidi prædium ita, ut olivæ, propter quas erat obligatum, penderem: ita valent hæc pacta omnia, ut ex his sit actio ex vendito, actio propria emptionis, cui hæc pacta inferantur, ut hi loci probant *L. fundi*, *D. de contrah. empt.* *L. tenetur*, *S. r. D. de actio. empt. L. in conventionibus*, *sup. hoc tit.* Idemque de cæteris contractibus bonæ fidei, quorum in continenti pacta sunt, licet dicere: Interdum pactum additur emptioni non tam ad contrahendam, quam ad dissolvendam contractam emptionem. Ut cum ex lege fundum tibi vendo, ut quandoque pretium offerenti eum restituas. Quod cum sit, quia de eo dubitari potest, an de eo actio ex vendito danda sit, quod venditionis distrahiende gratia factum est, placet saltem præscriptis verbis actionem dari debere, si quis forte illam neget dari. *L. 3. infr. de pact. int. empt. & vend.* Sed nihilominus additur, ex vendito agi posse, si quis vult: *d. L. 2.* ut verum sit, semper ex huiusmodi pacto, quod temporis venditionis factum est, iure actionem ex vendito esse: quod autem etiam actio præscriptis verbis datur eo nomine, id eo fieri: quia adversus adversariorum dissensiones interdum sit tutius. Si enim repetantur, qui illam dari negent: tamen semper hoc relinquetur, præscriptis verbis agi posse. Ex his cur ex pacto, quod ex intervallo, id est, postea, & re iam contracta, & perfecta interpositum est, non nascatur actio, appareat. Scilicet eius contractus pars esse non potest, quem pactum sequitur. Nam si recte definimus id partem esse totius, ex quo totum id constat: consequens est, ea pacta, quæ sunt contractu iam perfecto, eius contractus partem esse non posse. Apparet enim contractum his pactis non constare, aut confici, cum sine iis iam ante sit perfectus. Reliquum est, ut videamus, cur additum sit & hic, & ab Ulpiano in *L. 7. §. quinimo*, *D. eod. in bona fidei iudiciis*. Et si recte, nec otiose hoc additum est, ut satendum est adiectum esse, dubium esse non potest, quin ad excludenda iudicia stricta additum sit: quando hæc duo genera opponuntur, §. *actioem*, *Instit. de actio. ut sententia hæc sit, si pactum ante stipulationem factum sit, aut postea*, quan-

quavis utrumque e vestigio; tamen ex eo actionem non competere. Neque vero ulla esset de hoc re dubitatio, nisi hoc a Paulo scriptum esset, in *L. fella, D. si cert. pet. pacta in continenti facta stipulationi inesse creduntur*. Nam stipulationem contractum esse stricti iudicii nemo ambigit; inesse autem pactum contractui, & pactum formare actionem ex contractu pro eodem usurpat. Ulpianus in *d. 7. §. quoniam, D. eod.* Quod adducuntur permulti, ut putent hoc Paulum dicere, pacta in continenti secuta parere actionem ex stipulatu.

12. Ego autem *†* ita statuo pacta conveniatis, live ante contractum stricti iuris, live postea facta sint; plus dico, esse facta sine in continenti, id est, in traditione rei, exempli causa, in mutuo dando nunquam parere actionem. Ad quod probandum non utor horum locorum auctoritate, in quibus nominatim additur, in bona fidei contractibus; videri enim hoc potest levius, atque illud dici, quod uno loco pratermissum sit, id alio suppleri. Hoc dico, id certo iure, certa quoque ratione ita confirmari, ut non liceat de eo dubitare. In contractibus, qui sunt stricti iuris, constat esse stipulationem, quae verbis fit, & ex his, qui se sunt, mutuum. Proposui conveniens inter nos, ut mihi fundum Tusculanum dares; praeterea ut accederet ad hunc fundum instrumentum; deinde stipulatum esse me simpliciter, fundum mihi dari. Aio instrumentum neque ex pacto, neque ex stipulatu deberi, aut peti posse, quavis pactum factum sit eodem tempore, quo stipulatio. Declaratur hoc *L. petens, §. L. si certis, seq. infr. eod.* quorum in altero rescripto ita dicitur, peti posse ex stipulatione, quod pacto promissum est, *si stipulatio secuta sit, placitis confirmandi causa*; in altero, ita pactum obligare, si placitis, id est, de his, quae placita sunt, *stipulatio intercesserit*. At si de una re pactum factum est, de alia re est stipulatio: facile est intellectui pacti servandi causa stipulationem sequenti non esse; quo fit, ut ex eo pacto nulla esse possit actio. De mutuo idem dicendum est, Ut puta, dedi tibi decem nummos, & in dando nominatim legem adieci, ut praeter decem redderes mihi insuper & alia quicunque, nihil agitur hoc pacto. Id quidem diserte scriptum est in *L. si sibi, D. eod.* Sed nihil agitur, nisi huius sententiae ratio intelligatur. Haec vero expedita res omnia expediet. Quid est igitur, cur putemus ex his pactis, quae stipulationem praecedunt, aut sequuntur

statim, aut etiam, quae in mutuo dando adiciuntur, non nasci actionem? Quis certa ratio est, cur placeat ex his etiam, quae adiciuntur in bonae fidei contractibus, actionem nasci, sine qua ne ex illis quidem esset actio. Haec porro in pactis, quae stipulationi, aut mutuo adhibentur, ita cessat, ut nec in his locum habere possit. Non mirum igitur, si ex illo genere actionem esse statimus: ex hoc non esse, arg. *L. quod dictum, D. de pactis*. Idcirco pacta, quae in bonae fidei contractibus ex continenti sunt, actionem pariunt, quod eorum contractuum partes sunt. Unde actio tanquam ex illis contractibus nascitur, non tanquam ex pacto, ut supra ostendi. Quod nisi ita esset, ex illis pactis non ageremus: quia quae aude essent, neque in propriam nomen contractus transirent. At quaecunque pacta adiciuntur contractui stricti iuris, quavis statim, non possunt esse pars eius contractus. Nam si stipulatio est, mihi potest esse ex stipulatione, quod in eam nominatim non sit deductum. Est enim natura haec stipulationis, ut quoniam verbis fit, quidquid verbis expressum non est, pro omisso habendum sit. *L. quidquid D. de V. O.* Quod ad mutuum attinet, mutuum re contrahitur; supra autem quem datum est, re contrahi obligatio non potest *d. L. si tibi, D. eod.* Ita quaecunque, ut dixi, pacta adiciuntur his contractibus, non possunt esse ex his contractibus repugnantem scilicet eorum naturae. Quod si ita est, conficitur ex his actionem esse non posse. Quod si quis adhuc actionem hic esse putat, quoniam ea sit, aut uideamus. Utrum eris praescriptis verbis, tanquam ex pacto? At ex pacto non nascitur actio ei, qui ipse nihil fecit, ut vicissim quid acciperet, *L. solent, D. de praes. verb.* Utrum ex stipulatu, tanquam ex stipulatione? At nihil ex stipulatione potest deberi, quod stipulatione non contingatur, seu quod stipulationis pars non sit. Manebit igitur ex eo genere pactorum nulla esse actio.

Sed enim *†* quaerit aliquis, cur pacta *†* in continenti contractus bonae fidei facta, contractus pars sunt potius, quam ea, quae stricti iuris contractui adiciuntur? Id ea ex re fit, quod contractus bonae fidei, qui consensu sola perficiuntur, de quibus hic agitur possumus, omnem consensum, ut naturae suae convenientem, admittunt. Contractus autem stricti iuris, qui aut rem, quam sequatur, aut verba praeter consensum desiderat; idcirco

eo ex consensu & pacto sine re, aut verbis nullam recipimus obligationem.

74 Sed nobis ꝑ opponitur dictum superius Pauli, quod quis huic sententiam plurimum adverteretur, si generalitatem dicti retinere volumus, negari non potest. Esi enim fatendum est Paulum non sentire, pacta in continenti stipulationis facta ad actionem prodesse. (nihil enim hoc ad questionem illi propositam pertineret: cum agat ille de eo pacto, quo pactus erat creditor, non ut peteret; sed contra, ne peteret solidam sortem, quam prius ex stipulatione debebatur, quod genus pacti ex parte creditoris valere ad agendam naturam non potest) tamen hoc etiam admittere nos oportet, Paulum eo dicto, nihil aliud significare, quam pacta in continenti facta ex stipulatione esse: partes esse stipulationis; denique stipulationem contineri; quod quidem intelligitur ex questione illi proposita. Promissa erat fors tota calendis cum usuris totius sortis; pactum secutum est in continenti, quo placuit, ut fors non iam tota solveretur calendis, sed particulatim constitutis certis pensionibus in singulos menses. De usuris querebatur, an si tota fors ex conventionio soluta non esset calendis, nihilominus totius sortis usura deberetur? In hac questione ut efficiat Paulus totius sortis usuras non deberi, sed eius tantum pensionis, quam solvi oportuit, propositum illi est ostendere, superiore pacto recessum esse a stipulatione sortis, non per exceptionem, ut adversarii putabant; sed ipso iure, quasi eo pacto renovata sit precedens stipulatio, id est, quasi secundum hoc pactum stipulatio sortis ab initio fuerit concepta. Utitur hoc argumentum, quod superius pactum contineri videatur stipulatione. Ex quo intelligitur Paulum hoc dicere, pacta in continenti facta stipulatione contineri. At hoc si verum est, consequens est contra, quam dicebamus, si quod pactum in continenti secutum est stipulationem, actionem nasci eo nomine ex stipulatione; quandoquidem ex stipulatu actio competit de iis rebus, quæ stipulatione continentur. De quo ut iam respondeam, non nego hoc ipsum significari a Paulo si quis generalitatem dicti sequi velit, non mentem intueri, & sententiam scriptoris. Sed verbum generis restringendum est ad id, de quo illic est sermo, & dictum ita accipiendum: Pacta nempe talia, quale hoc est, de quo nunc agitur, id est, quæ sunt de ea re, quam in stipulatum deducta est, ea pacta, inquam, si in continenti, id est statim sequantur stipulationem, stipula-

tionem contineri, videntur. Quod declaratur, per ea ita renovatum videri stipulationem quæ in verba eorum a principio stipulatio esset concepta; id enim foret, si ex stipulatione contineretur. Quod si pactum erit de alia re, quam quæ in stipulationem deducta est, haud dubie non continetur ad stipulationem. Nam quomodo contineri potest, quod verbis stipulationis non est comprehensum. *L. qui, quid, D. de P. O.* Neque hæc inter se contraria sunt. Multum enim interest, utrum obligationi quid detrahatur, ut in specie Paulo proposita factum est, an aliquid adiciatur: & in re, quam adicit, utrum conditio sit, aut dies, aut qualitas aliqua gravior, an vero sit res, & corpus novum, quod amplius promittatur. Conditionem stipulationis mutare possumus, manente stipulationis substantia, quæ ex re promissa constat; dummodo diversitas illico placeat. *L. 1. §. si quis simpliciter, D. de verb. obl.* novam stipulationem constituit aliam, arguo aliam rem promittendo sine verbis, id est, interrogatione & responsione non possumus. Esi hanc interpretationem æquitas, & veritas a nobis exprimat; tamen ne ob id tantum cum recipimus, etiam mente & verbis Pauli recte descenditur. Ex mente primus; quia placet orationem quædam, quamvis generalem, de his tantum accipiendam, de quibus actum est, *L. qui cum tutoribus §. ult. D. de trans.* verbis autem ideo, quia dicit Paulus in continenti, quod nihil demonstrat, nisi in continenti stipulationis.

75 Quæ sunt autem in continenti stipulationis, nisi res ad stipulationem petitiq-
76 uee, & tempus, quo stipulatio constituitur? ut dicendum sit, ubi de alijs rebus agitur, quam quæ sunt stipulationis; quia res maxime disjunctæ sunt, in his si quid sit, non fieri in continenti stipulationis. Postremo ut nihil de mente & verbis Pauli aliud ostendere possemus, sed darimus generaliter illum definire, *pacta in continenti facta inesse stipulationi*; tamen cum aliis in locis innuatur non ita iocesse, ut pacta eiusmodi, quæ de alia re sunt, actionem pariant, quo dico, ex his dictum Pauli ita nos temperare debere, ut vel priores leges in posterioribus vel posteriores prioribus inesse videantur: id est, quod in una obscurius, aut generalius dicitur, id ex alia clarius scripta interpretetur, ut præcipitur in *L. non est novum, & seq. D. de legib.*

Nam quod pacta placeant, id non petitionem, sed exceptionem parit. Quod si
16 dici-

dicatur semper pactum exceptionem parere, ut *hic*. *L. iurifigentium, §. sed cum nulla, D. cod.* sic intelligendum est, siquidem ad pactum servandum opus erit exceptione. Quod tunc accidit, cum pactum est de debitoris liberando, & tale sit actionem creditoris ipso iure, id est, iure civili non tollat. Nam ubi pactum quid promittitur, non possumus dicere illi exceptionem nasci ex pacto, quoniam exceptione opus est reo, ne cum eo agatur, ac creditori ad petendum, quod promissum est, actione: hoc autem pactum pro creditore est, non pro reo; proinde aut illi actionem pariet aut plane erit inutilis. Rursum ubi pactum ipso iure sustulit actionem, frustra desiderabitur exceptio, quæ tunc solum est necessaria, cum actio iure civili manet ita, ne hac mota, iure acquisit intentio, *§. de evic. in prin.*

17. Est autem \dagger regulariter pactum interpositum, ne agatur, actionem iure non tollat, *L. §. supra. cod. L. si unus, §. passus, D. cod.* accidit tamen interdum, ut tollat. Fit hoc, cum obligatio sola consensu fuit contracta, & paciscimur, ne petamus. Consensu enim contracta obligatio contratio consensu rebus integris dissolvitur. *L. ab emptione, D. cod. L. nihil tam naturale, D. de reg. iur.* Sed etsi aliter obligatio contracta sit, quam consensu, evenit, ut tollatur, si pactum lege confirmetur. *L. legitima D. cod.* Huius generis autem actiones, quæ pacto tollantur, sunt, iniuriarum actio, & furti. *L. si tibi, §. 1. D. cod.*

18. Quod autem \dagger dicitur, pactum postea factum non parere petitionem, ita interpretandum est, ut traditur in *L. pacta conventa, D. de contr. empt.* ut non pariat petitionem, si sit de iis rebus, quæ sunt adminicula contractus: veluti, ne cautio dupli præstetur. Nam si erit de his, in quibus contractus substantia consistit, & elus contractus, qui consensu perficitur, contra erit, ut, si emptione & venditione perfecta, de augendo, vel diminuendo pretio conveniat. Quippe nova hæc conventio, non pactum est: sed nova emptio consans his rebus quibus emptio contrahitur, consensu scilicet, & re vendita, itemque pretio. *L. iurifigentium, §. adeo, D. cod.* in quibus est substantia emptio.

19. Hanc enim \dagger substantiam cuiusque contractus vocamus res, sine quibus contractus esse non potest, & si maxime contrahentes velint. Adminicula autem emptiois vocat Papinianus res, quibus em-

pito natura sua carere potuit: sed quæ adiectæ conducunt ad adiuvandam, provocandamque emptionem, sine quibus alioqui de re non facile convenisset. Quales sunt omnes, quas emptor venditori, aut venditor emptori promittit in negotio gerendo ea gratis, ut emptio perficiatur, sine quibus aut emptor emere nollit, aut venditor nollit vendere: at his admotis rebus, veluti adiumentis quibusdam subvehitur, & promovetur emptio, ceptaque ad exitum perducitur, quod iis exemplis declaratur, quibus ille utitur: veluti, inquit, *ne cautio dupla præstetur, aut ut cum fideiussore cautio dupla præstetur.* Cuius generis res cum adminicula contractus vocat Papinianus, eo verbo utitur, quo haud scio an melius in hac re & significantius utrum reperiri poterit. Adminicula enim per transpositionem elegantius dici solent cuiusque rei adiumenta adhibita ad rem sublevandam, promovendamque & confirmandam. Quis est enim, cui illud Ciceronis notum non sit ex lib. 3. de offic. *hanc igitur partem relictam explebimus nullius adminiculis, sed (ut dicitur) marte nostro?*

Illud \dagger non abs re erit monere, quod hoc loco de petitione & exceptione pactorum postea factorum traditur, illud ipsum esse, quod idem Papinianus aliis verbis expressit in dict. *L. pacta* scribit enim *pacta conventa, quæ postea facta detrahant aliquid emptiois, contineri contractu videntur. Quæ vero adiciunt, credimus non inesse.* Ea pacta adiciunt emptiois, quibus alter alteri se aliquid daturum, aut facturum extra rem, aut pretium promittit. Hæc non insunt contractui, inquit, id est, tanquam pars emptiois non valent: non enim sunt pars emptiois. Ideo autem non valent, quia ex his quidquam consequi, nisi agendo non possumus, at pacta postea facta non pariunt actionem. Contra detrahunt emptiois, quibus id agitur, ne quod ex natura emptiois alter alteri præstare debuit, id præstet. Hæc contractu contineri ait. Id significat ea valere, quasi ex medio sunt contractui. Ipsam etiam emptiois solo consensu perfici, & valere certum est. Cur autem valent? quia ad hæc servanda exceptio opus est, quam ex pacto competere cum ex hoc loco, tum ex aliis iuris est explorari.

An alia \dagger vis sit pacti ad liberandum interpositi, quam ut actionem pariat, quaesitum est. Ex est hæc, ut obligatio naturalis hoc pacto ipso iure tollatur. Traditum in *L. Stichum, §. naturalis, D. de sol.*

sol. Quod quidem intelligitur certius ex exceptione hinc prodita. Ideo enim hæc exceptio; quia æquum est, eum, qui pactus est, ne a se petèretur, non teneri. *S. præterea, Inst. de exc.* Estque ex æquitate naturalis, quæ commemoratur in *L. 1. D. de pact.* & cur illic dicitur conveniens esse, ea quæ inter aliquos placuerint, setvari, si in pacto servando naturalis æquitas est. Consequens est, naturalem obligationem, quæ æquitatis vinculo continebatur, ipso iure iullo pacto tolli, quæ & ratio redditur in *d. L. Stiebum, S. naturalis, de sol.* Consequens autem regulæ iuris, quæ efficitur, nihil tam naturale esse, quam unumquodque dissolvi eodem genere, quæ colligatum est. *L. nihil tam, D. de reg. iur.* Sed an & pactum huius generis naturalem obligationem parere dicemus? quæ vulgaris sententia est. Non poto; quia cum liberandi debitoris causa interponatur, obligationem præter id, quod agitur, parere non potest. *L. non omnis, D. si cer. pet. L. 1. S. eum qui, D. de pec. const.* Ac deus etiam id agi pacto liberatorio, ut obligetur creditor, ne petat. Tamen ne

sic quidem ulla obligatio hinc nasci potest. Non est enim obligatio, quæ est inutilis, quæque creditorem nunquam teneat, qualis certe hæc obligatio futura est; si tamen dicenda est obligatio. Non enim potest obligatio esse, nisi in id, quod debitoris interest, idque tunc, cum ab eo petitum erit. Quæ proinde nulla omnino erit, siue creditor non petat, siue petens exceptione removeatur. Sed etsi exceptio ne summotus non sit; tamen ad agendum fuerit inutilis; quia est naturalis tantum. Solum prodesse posset ista obligatio, si qua esset, ad compensationem tantæ summæ, quantum idem reus ex alia causa creditori deberet. *L. etiam, D. de comp.* Sed nemo erit reus tam supinus, qui, quod petebatur, non solvere, aut de eo non condemnari malit, quam postquam condemnatus erit, remedium, & id incertum querere. Ut dicendum sit, ne sic quidem magnum usum futurum huius sententiae, etsi quis effectum istum naturalis obligationis admiserit. Sed & is nullo veterum auctore, nullo etiam loco confirmatur.

L. 14. Si pacto.

Imp. Gordianus A. Cælio militi.

Si pacto quo poenam adversarium tuum promississe proponis si placita non fuisset, stipulatio subiecta est: ex stipulatu agens, vel id quod in conventionem devenerat ut fiat, consequeris: vel poenam stipulatione comprehensam more iudiciorum exiges. Nam bona adversarii tui in te transferri citra solemnem ordinem frustra deprecaris. PP. Kal. April. Gordiano A. II. & Pompeiano Coss.

S U M M A R I A.

1. *Pacti nudi confirmandi ratio per stipulationem; constare eam tribus modis, & quibus.*
2. *Panali stipulatione pacto subiecta, si non fiat quod convenit, ex stipulatu agi: non ex pacto. & cur.*
3. *Ex stipulatione panali ex stipulatu agente stipulatore nihil, nisi poenam peti.*
4. *Ex panali stipulatione statim agi posse, simul ac factum non eris, quod convenit.*
5. *Lis mota quid sit in L. nuda. C. de cont. stip. & eius legis explicatio.*
6. *Panam commissam & ex stipulatu petitam, ante litem contestatam faciendo, quod convenit, vitari posse; post litem contestatam non posse: & quæ differentie ratio.*
7. *Ex stipulatu actio ad panam, quæ sensu: & stipulatus, quid.*
8. *Ex vendito actio emptori, quæ sensu.*

Regula † iuris est, ex pacto actionem non nasci, quod ius interdum durum videri potest. Quid enim, si cerio

consilio aliqui inter se paciscantur, ut alter alteri det quidpiam, quod neuter expedire potest in præsentia, sit autem e
re

re utriusque; ut detur postea, & iam nunc alter alteri de ea re obligetur? Et durum, inquam, & iniquum videri potest, non constitui obligationem. Et esset reuera, si non aliter, quam pacto aliquid promittere nitiliter liceret. At huic incommendo occursum est iure civili. Inventa est enim stipulatio, conceptionis verborum genus, ex quo placuit iure civili actionem esse. §. *de constituta, Inst. de actio.* quæ res effectus, ut in universoni constitueretur, ne ex pacto esset actio. Et recte, cum enim valeat stipulatio ipsa per se, hac ad pactum adhibita, ut fiat, quod pacto promissum est, duobus modis consequi possimus. Aut enim stipulabimur, quod pacto, ut fiat, convenit, & erit ex stipulatu actio; *L. petens. L. si certis, infr. eod. L. divisionis, D. eod.* aut nisi id fiat, quod convenit, pacifice-mur pœnæ nomine quid dari, eamque ipsam pœnam stipulabimur, ut hic proposita est facti species; aut quod est compendiosius, statim stipulabimur pœnam, ni fiat, quod convenit, ut est species *L. nuda, inf. de contr. stip.* Pœna promissa id fiet, quod hoc rescripto continetur. Stipulator scilicet ex stipulatu agens vel id, quod in conventionem devenerat, ut fiat consequatur, vel pœnam stipulatione comprehensam more iudiciorum exigit. Ex stipulatu acturum stipulatorem rescriptum ait, sed non exprimit, neque utrum ex stipulatu agat tantum, non etiam ex pacto: neque ex stipulatu actione quid petat, pœnamne, an id quod interest, quod factum non sit, quod convenit: neque quando agat; neque ex his duobus, quæ disiunctim rescriptum complectitur, quid stipulator certo consequatur: de quibus nonnulla dissensio est. Ea nobis explicanda sunt.

* Et nominatim † ex stipulatu acturum stipulatorem dictum est, non ex pacto, quia pactum in hac specie nudum est; ex quo proinde agi non potest: quod utrumque de hoc genere pacti positum est in *d. L. nuda, inf. de contr. stip.* Nudum autem ideo est, quia neque quidquam stipulator dedit, aut fecit ea lege, ut vicissim fieret, quod convenit; neque pactum deductum est in stipulationem. Sola est igitur in hac specie actio ex stipulatu.

3 Hac quid petat stipulator, † ex iure certo, quod de quaque actione proditum est, sumi oportet. Nempe pœnam petet, quæ stipulatione continetur. Ad quid enim actio, nisi ut petatur, quod debetur? *L. nihil, D. de oblig. & actio.* quid autem debetur ex stipulatione, nisi quod

promissum est, & quod est stipulatione comprehensum. *L. ubi autem, D. de verb. oblig.* Iam vero pœna in proposito sola promissa est stipulanti. Sola igitur ex stipulatu actione exigitur. Nec obstat, quod ex stipulatu actionem nominat in re certa, id est, in pœna: cum constet actionem ex stipulatu competere duntaxat ex incerta stipulatione, ex certa certi conditione, *sic. de verb. oblig. in princ. L. si quis certum, D. si cer. pet.* non enim hic tantum ad pœnam promissam agi dicitur ex stipulatu, sed etiam diserte in *L. preda, D. de act. empt.* sed de eo paulo post plura. Nunc quando ex stipulatu agat stipulator, videamus.

Et cum nullam † conditionem adiecerit rescriptum, sub qua ex stipulatu agat, satis innuitur ex stipulatu statim pœnam peti posse. Quod & verum est; non quod eiusmodi stipulationes, *si illud non feceris, centum dabis*, & quæcumque sunt sub conditione contractæ, quæ conditio in non faciendum sit, ante committantur, quam conditio existerit; aut ante existat conditio, quam interpellatus promissor non fecerit: *L. ita stipulatus, D. de verb. oblig. L. si penum, D. quam. di. L. ced.* sed quia pœna ex stipulatu actione petita, satis interpellatur, ut faciat quod pacto promissum. Ideo enim petitur pœna ab initio, ut metu pœnæ fiat quod est promissum. Nec obstat, quod interpellatio præcedere debet, deinde sequi pœnæ petitio. Nam pœnæ petitio duplicem hunc usum præbet: principio enim ad hoc conducit tantum, ut reus interpelletur, & statuat apud se, utrum faciat, quod promissum, an malit iudicium pœnale in se suscipere. Quod si facere nolit, quod promissum, tum deinde hunc præbet usum, ut sit pro iusta petitione.

Ne nos moverit, † quod in *L. nuda, inf. de contr. stip.* scriptum est, huius obligationis conditionem existere *post litem motam*, ac tum petitioni pœnæ locum fieri. Neque enim *post litem motam* interpretari cum vulgo debemus post litem contestatam; sed quod verbum significat. Quid est autem hic *mota*, nisi lis cepta, & instituta? & incipit, tum primum quis in ius vocatus est, ut docui ad *L. postquam, sup. eod.* Itaque his verbis; *Pœnalis stipulationis post litem motam existit conditio*, & eius summa, *que in hac quoque stipulatione continetur, petitioni locus factus est* (quæ verba sunt in *d. L. nuda*.) non aliud declarat, quam simulatque lis mota est, de pœna videlicet, id est postquam de pœ-

pœna agi cœptum est, existisse conditionem stipulationis: scilicet ut pœnæ petitio ab initio quidem prosit ad hoc, ut committatur stipulatio, quasi promissor interpellatus non fecerit, quod promissit: postea autem sit utilis etiam ad hoc, ut iam pœna ab invito exigi possit. Quod tantum abell, ut adverteatur huic loco, ut plane aliis verbis idem exprimatur. At enim non videtur in proposito conditio pœnalis stipulationis ullo modo existere posse, hac ratione: quantumvis enim interpellatur reus, ut faciat, quod in conventionem devenit, neque id præstet; non tamen moram in eo unquam faciat, cum ex pacto agi non possit; nulla autem mora sit, ubi nulla petitio est. *L. nulla, D. de reg. iur. L. lecta, vers. pen. D. si cer. pet.* Porro non putatur hæc conditio, si non feceris, si non dederis, existere posse, nisi debitor in eo, quod ex conventionem debuit, moram fecerit. *arg. L. ita stipulatus. vers. Sabinus, D. de ver. obl. L. 1. §. item si ita, D. ad leg. Falc.* Sed male hoc posterius vulgo admiserunt, quo conceito in difficultatem inexplicabilem inciderunt, ut ex scriptis Bartoli & aliorum hoc loco appareat. Sufficit interpellari debitorem, ut si interpellatus cesset, conditio exsistat, & incidat in pœnam *L. si penum, D. quan. di. leg. ced.* Mora exigitur in eo, qui ex stipulatione præcedente dare, ut facere debuit, ut in *L. ita stipulatus*; quia aliter de eo statui non potest, si interpellatus non det, aut faciat, quod debuit. At non est necessaria in eo, a quo peti non potuit; quia sola interpellatio & recusatio debitoris ad hoc sufficit, ut conditio pœnalis stipulationis exsistat, ut dixi etiam tum cum mora facta non est. *arg. in dist. L. si penum, quan. di. leg. ced.* Et quod in *L. 1. §. item si ita, D. ad leg. Falcid.* in hoc legato, *Heres meus penum dato: si penum non dederis, decem dato*: dicitur decem sola deberi, si moram fecerit heres in penu danda, quasi mora in ea specie sit necessaria: abusive mora illic dicta est pro cessatione interpellati heredis: cum constet penum in ea specie peti non posse, *L. 1. D. de pen. leg. eoque nec in ea penu danda moram fieri. dista L. nulla, de reg. iur.*

- 6 Quod † rescriptum dicit, agentem ex stipulatu vel id, quod in conventionem devenerat ut fiat, consecuturum, vel pœnam stipulatione comprehensam exacturum, sic interpretandum est: vel actor, ut fiat, quod promissum est, consequetur, siquidem id promissor facit sua sponte, ne

Tom. VII.

in pœnam incidat: quod facere potest usque ad litem contestatam: vel si id actor its non consequetur, id est, si promissor malit litem contestari, & contendere, quod neget se quidquam debere, tum utiliter actor pœnam exiget. Sciendum est enim, cum hic duorum alterum præstandum sit, reum habere obligationem rei pacto promissæ, quandlu lis cum eo contestata non sit. Cæterum lite semel contestata pœna iam sola in iudicio versatur, quam deinceps ille promissum offerendo non potest evitare. *L. 1. D. de pen. leg. L. cum sine, D. quan. dies leg. ced.* Et hæc quidem iuris sunt explorati. In quibus tamen illud habet quætionem, quod placet statim pœnam deberi, ex quo reus interpellatus non facit, quod se facturum promissit. Qui sit enim, ut pœna debeat, & tamen postea id faciendo, quod promissum erat, id est aliud solvendo promissor liberetur: cum regula iuris vetet aliud solvi pro alio. *L. 2. §. 1. D. si cer. pet.* Id habet hanc rationem. Postquam interpellatus debitor non fecit, quod promissit, pœna cœpit deberi illa quidem, sed summo iure, quasi conditio existerit: non etiam ex æquo & bono ita, ut quod prius præstari poterat, iam amplius non possit. Ideo enim debetur pœna, quia debitor moram fecit in præstando eo, quod convenerat. *L. 1. §. item si ita, D. ad L. Falcid.* At moram factam pœna offerendo ex æquo & bono purgamus ita, ut perinde sit, quasi moram non fecissemus, *L. interdum, §. ult. L. si servum, §. sequitur, D. de verb. oblig.* Quo fit, ut rei promissæ oblatione res veniat in eum locum, quasi id ipsum deberetur, quod initio fieri oportebat, non pœna. Sed moram ulque ad litem contestatam purgare licet: postea non licet. *L. si Titius, 9. L. si insulam D. de verb. obligat.* Non immerito iudicio enim contrahitur nova obligatio de re in iudicium deducta. *L. 3. idem scribit, D. de pecul.* hanc suo facto promissor nobis non potest adimere. *L. habere, D. de evict.*

† Illud notandum est, † quod supra monui, hic dici agere ex stipulatu eum, qui pœnam petit stipulatione comprehensam. Atqui certum est pœnam rem certam esse, & certam esse stipulationem, quæ pœnam continet. *L. si pœnam, D. de verb. oblig. §. ult. Instit. cod.* Ex stipulatione autem certa competere conditionem certi, ex stipulatu actionem nequaquam *Instit. de verb. obligat. in prin. L. si quis certum, D. si cer. pet.* An videntur igitur ista inter se convenire?

N

Opti-

Optime. Sciendum est enim ex stipulatu actionem verbum esse ambiguum. Interdum sumitur hoc verbum ^{ex vendito}, ut per se singula proprie & naturaliter non significant, sed coniuncta expriment certum genus actionis, quæ appelleretur ex stipulatu. Hanc cum intelligere volumus, recte dicemus non competere ex stipulatu actionem ex pœnali stipulatione ad pœnam: sed erit conditio certi. Interdum ex stipulatu actio naturali significatione dicitur, qua stipulatus significat stipulationem, *L. pecunie, D. de usur.* quo modo ex omni stipulatione tam certa, quam incerta recte ex stipulatu agi posse dixeris, ut sit ex stipulatione, ut fit in *d. L. prædia, D. de actio. empt.* Id vero est, quod hoc rescripto indicatur. Neque enim hic quærebatur, quæ esset actio: sed unde,

ex pœtione, an ex stipulatione ad pœnam.

Eadem ambiguitas est, † cum nominamus actionem ex vendito. Ut plurimum enim intelligimus actionem, quæ dicitur ex vendito; quo sensu nulli actio ex vendito competit, nisi venditori. *L. Iulianus, §. ex vendito, D. de actio. empt.* Atqui in *L. ex conventionem, supr. cod.* actio ex vendito dicitur competere heredibus eius mariti, qui fundum æstimatum datum acceperat, id est, emerat. Scilicet actio ex vendito illic naturaliter significat, ut sit ex venditione: quo sensu recte dicemus emptori competere actionem ex vendito; quia competit ex venditione. Ita si causam quarimus, competit emptori etiam actio ex venditione; si nomen actionis, ea solum competit, quæ ex empto appelleretur.

L. 15. Pactum, quod dotali.

Impp. Valerianus & Gallienus AA. & Valerianus nobilif. Cæs.
Pactumenio.

Pactum quod dotali instrumento comprehensum est, ut si pater vita fungeretur, ex æqua portione ea quæ nuberat, cum fratre heres patris sui esset: neque ullam obligationem contrahere, neque libertatem testamenti faciendi mulieris patri potuit auferre. PP. X. Kalen. Martii Æmiliano & Basso Coss.

S U M M A R I A.

1. Pactum de futura successione omnia improbatum, tanquam turpe, & contrarium bonis moribus: & cur.
2. Institutio heredis, in qua & de suc-

cessionem alterius agitur, cur non item turpis.

3. Pactum de futura successione nec morte & silentio promissoris confirmari.

1. **P**ACTA † in universum legibus improbantur ea, quibus id agitur, ut me heredem facias, aut ne me à successione tua removeas: & generaliter ut te mortuo mihi per te bona tua obtinere liceat. Scilicet contra honores mores habentur. *L. ult. infr. cod. L. ex eo, infr. de inutil. stip. L. stipulatio hoc modo concepta, D. de verb. obl.* Quid ergo hæc turpe habent, ut esse exiliumque contra bonos mores? Hoc, ut videtur; quia in liberis contra reverentiam sunt, & honorem; quem natura liberi parentibus debent. Si enim filius sperabit te invito patre hereditatem habiturum, multa officia prætermittet tum erga patrem, tum erga fratres,

cæterosque qui ad voluntatem patris pertinent: ad quæ præstanda nescio quomodo homines adduci solent, ut provocent iudicium patris; certe ne voluntatem eius alienent. In universum autem vorum adfert capiendæ mortis spes hereditatis obtinendæ. Cupiet enim, qui se bona certo habiturum esse scit, illum decedere, do cuius bonis agitur, ut celerius bonis potiatur, atque etiam vitæ eius intidiari magis audebit, dum se id secure moliri posse intelligit. Denique cur de hereditate vivi nunc sollicitus est, deque ea iam nunc sibi cautum esse vult? Non temere est, ut Iulianus scribit in *L. ult. infr. cod.*

Quidni

² Quidū igitur, dixerit † aliquis, eadem de causa testamentum cuiusque improbamus, quo idem periculum vivo testatori creari videtur? Quia nihil hic simile. Cum enim quis me heredem testamento instituit, si quid sentiat me moliri, aut si quid etiam sibi metuat, aut adeo si illi ita videbitur, potest voluntatem quovis tempore mutare: *L. 4. Dig. de adi. leg.* ut dicendum sit, si ea valet, non quia nunc primum me instituerit, ideo valere; sed quia in ea voluntate decesserit. At rem consensu inter nos constitutam mutare non possum, si pactum consentientes obligat. *L. ficut. C. de oblig. & act.*

Quid tamen, † si dicamus pactum id³ revocari posse, donec promissor vivit: ceterum si in eadem voluntate ad extremum permanferit, nullum esse periculum, si id ex suprema voluntate valeat? Sed quod in re agenda non valuit, tractu temporis non confirmatur. *L. quod initio, Digest. de reg. iur.* His consequens est, quod hic rescriptum est, neque eam conventionem prodesse agenti ad petendam hereditatem, neque nocere promittenti, quominus in statuendo de bonis suis eadem liberate utatur, qua uti potuisset, si contra nihil esset pactus.

L. 16. Cum proponas filios.

Impp. Diocletianus, & Maximianus AA. Diaphanto.

Cum proponas filios testamento scriptos heredes rogatos esse, ut qui primus rebus humanis eximeretur, alteri portionem hereditatis restitueres: Quoniam precariam substitutionem fratrum consensu remissam adseris, fideicommissi persecutio cessat. PP. IV. Idus Febr. Maximo II. & Aquiliano Coss.

S U M M A R I A.

1. *Spes futurae successionis potest pacis*

mini, praesertim si causa subsit.

⁴ **U** Nuscquisque † spem futurae successionis potest pacificando deteriorem constituit. *L. pactum, D. eod.* tanto magis si causa est, cur id faciat: quae abunde magna est in eo, qui tdeo spem

fideicommissi fratri remisit, ut sibi ab eodem spes reciproca remitteretur: de quo hoc loco agitur. Vide *L. de fideicommissis, inf. tit. prox.*

L. 17. Pactum, quod bona fide.

Impp. Diocletianus & Maximianus AA. Deximacho.

Pactum quod bona fide interpositum dacebitur: etsi scriptura non existente, tamen si aliis probationibus rei gesta veritas comprobari potest, praesens provincia secundum ius custodiri efficiet. PP. IX. Kal. Iul. hisdem Coss. quibus supra.

Locus est communis de vi scripturae in quoque negotio. Vide *L. com-*

trabitur. D. de pig. L. 4. D. de fide instrum.

L. 18. Si creditores.

Imp. Diocletianus & Maximianus AA. Iulio & Emilio.

Si creditores vestros ex parte debiti admisisse quemquam vestrum pro sua persona solventem probaveritis: adius reſor provincie, pro sua gravitate, ne alter pro altero exigatur, providebit. PP. VII. Idus Ian. Diocletiano III. & Maximiano AA. Coſſ.

S U M M A R I A.

1. Unum ex duobus reis debendi partem simpliciter solvendo, non ideo pro sua persona in reliquum liberari, § num. 5.
2. Sententia reſcripti diſentitur, efficiturque hæc ſumma i creditorum parte debiti ab uno ex duobus reis accepta, non ideo pactum videri, ne reliquam partem ab eo petat; præterquam ſi illum nominatim pro ſua persona partem ſolventem admiferis.
3. Pro ſua persona ſolvere, quid?
4. Unde, & cur pactum, ne reliquum petatur, in hac admiſſione.
5. Admittere ſolventem, quid.
6. Unum ex pluribus fideiſſoribus partem pro ſua persona ſolvendo, non eo magis in reliquum liberari.
7. Unum ex tribus reis debendi partem tertiam pro ſua persona ſolvendo, non ideo obligationem diviſiſſe inter reliquos duos.

Duo † rei debendi eiſdem pecnniæ ita obligantur, ut ſinguli ſolidum debeant. *Inſtit. de duob. reis:* quæ res facit, ut ſi unus partem duntaxat ſolverit creditor, ſare in ſolidum non liberetur, ſed nec liberabitur iure prætorio per exceptionem: omninoque non prohibetur creditor, quod reliquum eſt, ab eodem exigere, niſi creditor pactus ſit aut nominatim, aut tacite, ne reliquum ab eo peteret.

Hæc † in quæſtione iuris dubitationem non habent. Sed de facto poteſt ambigi, an creditor hoc ipſo, quod parte debiti, quæ ſolvebatur, contentus fuit, videatur pactus eſſe, ne quid amplius ab eodem peteret. De quo Imperatores ex facto conſulti ita reſcripſerunt: Si creditor, aut creditores debitorem unum *pro ſua ſua ſolventem* admiferunt, daturum operam præſidem provincie, *ne alter pro altero exigatur.* Quæ verba in perſona eius, qui non ſolvit, ſignificant eum nomine eius, qui ſem ſolvit, conveniri non poſſe. In eius autem perſona, qui ſolvit, hoc expriment, eum conveniri non poſſe eius nomine, qui non ſolvit. Sed ex his prius illud nullam iſtæ, aut probabilem dubitationis cauſam habet, quis enim poſſit dubitare, an id, quod ſolutum eſt ab uno, poſſit adhuc exigi ab altero; velut ſi ab eodem quidem, qui id ſolviſſet idem

bis exigi poterit? Sed etſi idem bis poſſet exigi, quod regula iuris vetat. *L. bona fides. D. de regul. iur.* tamen natura non admittit, ut poſſit exigi illiſus nomine, qui ſem ſolvit, id eſt, qui ſolvendo effecit, ut non deberet amplius quod ſolvit. Incredible eſt igitur Imperatores his verbis de eo, qui non ſolvit, ſenſiſſe, quaſi vellent hunc non poſſe exigi pro altero, qui ſem ſolviſſet partem. Reſtat, ut hoc intelligant, de quo ſolo ambigi poſuit, alterum eum ſciſſet, qui ſem ſolvit pro ſua perſona, & hoc modo liberatus eſt, pro altero, qui non ſolvit, exigi non poſſe. Sed ne hoc quidem idoneam ullam ſententiam, aut reſponſionem videtur habere. Eſto enim, dicar aliquis, ſi, qui ſem partem pro ſua perſona ſolvit, de ea parte, quæ reſtat, non conveniatur pro altero: At de eo non quaeritur, nunquam enim quicquam pro altero conveniri poteſt, niſi ſe pro eo obligarit. *L. 3. & toto tit. inſ. ap. uxor pro mar.* Recte pro altero, ut conveniatur ſuo nomine: quippe ipſe ſolidum debuit. Hoc vero eſt, quod Imperatores ſignificare voluerunt, hunc, qui ſem ſolvit, quo pro ſe de reliqua parte conveniri poſſe. Nam cum dicant prohibendum eſſe, ne hic conveniatur pro altero, declarant hoc ſolum fuiſſe metiendum in propoſito, ne ſi conveniretur iſi, qui ſolvit,

vit, conveniretur pro altero, non pro se. Ita cum respondent, ne pro altero quidem ipsum conveniri posse, hoc relinquunt, de quo quæsitum est, eum, quem pro sua persona solventem creditores admiserunt, nec pro reliqua parte posse appellari. Non dicunt Imperatores hunc pro sua persona conveniri non posse; quia hoc pro confesso sumunt, eum, qui pro se sua voluntate solvit, quod ex facto intelligebatur, iam pro sua persona nihil debere.

3 Et res † plane sic habet, ut qui se dicit pro sua persona solvere, sive pro se, sive suo nomine (nam hæc omnia idem valent) is hoc dicat, se solvere ita, ut pro sua persona solutus & liberatus, iam pro sua persona non teneatur. Hæc enim vis est solutionis, ut qui solvit, liberetur, eoque non teneatur iam in eam causam, in quam solvit.

4 Non efficitur † quidem hoc dicto, ut qui solidum debuit, liberetur in solidum iure civili. Sed cum creditor partem ista lege accipiat, consentit, ut qui dat pro sua persona, liberetur. Habet autem hic consensus debitoris & creditoris pactum, cuius exceptione tutus debitor reliqui solutionem recte recusabit. Animadvertendum est autem huic liberationi locum esse ex hoc rescripto, non quoties creditor ab uno ex reis debendi partem accipit: sed tunc solum, cum duo concurrent, quæ hoc rescriptum complectitur. Ex quibus unum est, ut debitor solvens partem dicat se pro sua persona solvere.

Quod si partem simpliciter solvet admittente creditore, liberum erit creditori reliquum ab alterutro petere. Quod quidem de duobus heredibus eiusdem pecuniæ reis, ex quibus unus partem solvit legatario, scriptum est in *L. si ex toto*, §. 1. *D. de L. 1.* Nam cur diversum statuamus in duobus reis, qui ex stipulatione quid debeant, nulla probabilis ratio reddi potest. De quo tamen si quis adhuc dubitabit, consideret, quæ iuris ratio sit ad liberandum debitorem, & quid hic agatur; tum cur hic hæretur a plebrique, minus causæ esse intelliget. Unum ex duobus reis in solidum obligari certum est. Porro nemo, qui quid debuerit, invito creditore liberatur, nisi solvendo. *L. si rem*, §. *omnis*, *D. de pig. actio*. Plane volens creditor quidvis admittere potest: potest etiam pacisci cum reo, ne petat, eritque ea satisfactio pro solutione. *d. §. omnis*. Horum nihil intervenire in parte, quam reus debendi creditori non dedit (neque enim quid-

quam pro ea parte accepit creditor, neque pactus est se de reliquo non acturum) nihil habet reus omnino quo se adversus eius partis petitionem tueatur: nisi forte dicamus, creditores, eum partem, quæ offerebatur, admiserunt, hoc ipso pactos videri, ne reliquum partem ab eodem peterent. At unde tandem id colligitur? Si enim & debitor potest partem solvere alia mente, quam ut pro reliqua parte liberetur, & creditor eam partem admittere alia mente, quam ut de reliqua parte solventem liberet: non recte colligitur, quia pars soluta sit, ideo actum esse, ut reliquæ partis liberatio contingeret. *arg. in L. neque natales*, *inf. de probat.* At nihil prohibet & debitorem ideo offerre tantum partem, quia partem tantum solvere possit in præsentia; & creditorem ideo accipere, non quia alteram partem remittat, sed quia velit gratificari debitori partem ab eo accipiendo, quam, nisi vellet, accipere non cogebatur. Et fingamus unum tantum esse debitorem, an quisquam dicet, quia hic partem solverit, ideo reliquam partem illi remissam videri; ac non potius creditorem ideo partem accepisse, ne illi molestus esset? Quod si in uno debitore partem solvente recte dicitur: quid est, cur in uno ex duobus reis qui & ipse non secus in solidum obligatur, quam si solus esset, aliter fieri arbitremur. Bene igitur hoc adiectum est. *Pro sua persona solventem*. Alterum animadvertendum est exigi hoc rescripto ad liberationem, de qua loquimur, nempe ut creditores unum pro sua persona solventem admiserint.

Est autem † admittere, id accipere volentem, quod oblatum iure tuo possis recusare. Ex quo illud apud Terentium in Eunuchis:


..... Quod cavere possis, stultum
admittere est.

quo significatur, stultum esse malum accipere in se, quod possis vitare. Unde colligimus, si duo sint rei principales debendi, & ii, quorum singuli in solidum teneantur, quod & post Novellam, de duobus reis, interdum contingit; & unus partem debiti solverit pro eo, quod debet, ab eo sane reliquum exigi non posse: atque ad hos pertinere hoc rescriptum: quoniam cum vere dicatur creditor unum pro sua persona solventem admittere; quia nisi vellet admittere non cogebatur.

Quod

6 Quod † si plures sint eiusdem pecunie rei, sed aut fideiussores duntaxat, non principales rei, aut si rei, qui ex Novella, de duobus reis, fideiussorum iure habentur: ad istos non pertinere rescriptum: propterea quod ita singuli fideiussores in solidum teneantur iure, ut ex epistola Hadriani Imperatoris, si omnes sint solvendo, non amplius a singulis, quam partes peti possint. §. si plures, Inst. de fideiuss. Quae res facit, ut si unus partem suam solvat creditori, quam ille recusare non potest: dicatur quidem creditor partem accipere: admittere autem solveniem non recte dicatur. Bene igitur, & hoc rescripto non repugnante scriptum est in L. inter, §. 1. D. de fideiuss. si fideiussor unus partem pecuniae suo nomine solverit, & alter litis contestationis tempore solvendo non sit; cum, qui solvit, quo minus residui iudicium accipiat, recusare non posse. Et sane multum interest, utrum creditor vultus partem accipiat ab eo, qui suo nomine solvit eo animo, ut eius partis solutione in totum liberaretur, an accipiat iure coactus. Illam enim apparet non alia lege, & conditione accipere, quam dabatur: cum fuerit in eius potestate, si conditio non placeret, rem non accipere. At contra quisquis accipit coactus, huic nemo dicit ideo accepisse; quia placebat debitorem eo facto liberare in totum, sed quia accipere cogebatur. Huc enim recte accommodabitur illud Modestiani, neminem in necessitatibus existere liberalem. L. rem legatam, D. de adim. leg. Haec dicta sint de duobus reis debendi, ex quibus unus partem pro sua persona solvit.

7 Quid fiet, † si tres fuerint rei, ex quibus unus tertiam partem isto modo solverit? non de eo, qui solvit, loquor, de quo quid sequendum sit, satis iam dictum est: de iis, qui non solverunt, loquor, & illud quero, videatur ne creditor partem tertiam ab uno accipiendo, & cum de reliquis portionibus liberando, idem egisse cum reliquis correis debendi, id est, ita obligationem eo facto divisibilem adversus ceteros, ut a singulis iam non queat, nisi partem tertiam petere. Hanc quaestionem veteres interpretes introduxerunt in hunc locum. Et quidem statuerunt creditorem eo facto divisibile obligationem etiam adversus ceteros reos: idcirco, quia hic scriptum est generaliter, providendum esse, ne alter pro altero exigatur. Sed haec sententia merito a Pico, & Andrea Alciato reprehensa est. Nam neque pactio, neque transactio cum uno ex pluribus debitoribus facta ceteris prodesse potest, cum quibus nihil actum est L. 1. inf. de transact. cur enim mihi non liceat, cui velim, gratificari, & a quo velim, meum exigere? Sed plane ridiculum est, quod verbis huius rescripti eam sententiam effici putaverunt. Nam cum haec verba alter pro altero, non nisi de duobus accipi possunt salva ratione recti sermonis: tum vero & si de tribus recte usurparentur: tamen uno iam liberato, si unus ex duobus reliquis in solidum de reliquo conveniretur: non diceretur pro alio conveniri, sed pro se. Quae res faceret, ut nec hoc rescriptum esset impedimento, quominus in solidum, quod inperest, recte conveniretur,



L. 19. Licet.

Imp. Diocletianus & Maximianus AA. Victoriano militi.

Licet inter privatos huiusmodi scriptum, quo comprehenditur, ut is, qui supervixerit, alterius rebus possiatur, ne donationis quidem mortis causa gesta efficaciter speciem ostendat: tamen cum voluntas militum, quæ super ultimo vite spiritu, deque familiaris rei decreto, quocumque contemplatione mortis in scripturam deducitur, vim postremi iudicii obtineat, proponasque te ac fratrem tuum ad discrimen praelii pergentes, ob communem mortis fortunam invicem esse pactos, ut ad eum, qui superstes fuisset, res eius, cui casus finem vite attulisset, pertinerent: existente conditione intelligitur ex fratris tui iudicio (quod principalium constitutionum prompto favore firmatur) etiam rerum eius compendium ad te delatum esse. PP. XV. Kal. Dec. Sirmii, ipsis XV. & III. AA. Cass.

SUMMARI A.

1. Pactum de futura successione obtinenda inter paganos adhibitum ita improbari legibus, ut nec tanquam donatio causa mortis defendatur: & cur.
2. Pactionem eandem inter milites, pro

suprema voluntate accipi ex privilegio militum, & hactenus valere.

3. Inter paganos cur non eodem modo accipiat eadem pactione.

NE donationis quidem. Iam supra diximus totum hoc genus conventionum improbari legibus, quibus de rebus alienis ex successione obtinendis agitur: quod tale est, per quod libera testandi potestas adimitur. L. pactum, quod donat. supr. cod. hic in summa hereditas lege obtinebitur, non pacto. L. hereditas, infr. de pact. con.

1. Sed fingamus non tanquam hereditatem ex hoc pacto peti. Possitne ita defendi res, ut tanquam donatio causa mortis accipitur? nam & donationem causa mortis valere, & eam consensu, certe non sine consensu perfici conilat. Negant hoc loco Imperatores: eum verba pactionis, quæ est de bonis mortui obtinendis, eam interpretationem non admittant. In donatione enim mortis causa præsens præsentem dar, etiam si donatio non ante perficiatur, quam mors donatoris insecuta fuerit. L. inter, D. de don. caus. mor. Hic nihil datur in præsentia, sed ut post mortem obtineatur, pactio est. Adde, quod hæc pactione id agitur ut mortuo succedatur, ut mortuo heres fiat. Nunquam autem idem potest esse heres, &

donataris, cui mortis causa donatum est: quia semper detrahitur ab herede, quod ei mortis causa donatur. L. senatus, S. donatio, D. de don. caus. mor.

Tamen cum voluntas militum. Hæc pactio inter paganos nullius momenti est, placet, ut qui ex nobis supervixerit, is demortui rebus possiatur: inter milites valet. Ergo quæ conventio in paganis improbat, quia contra bonos mores est, in milite recipiatur, quanvis dicatur esse contra bonos mores? Nam profecto si per se bonis moribus adversatur hæc pactio: non ideo, quia a milite interposita fuerit, contra bonos mores esse desinet. Ergo militibus aliquid contra leges, aut bonos mores statuere licebit? Minime, ne in testamento quidem: etsi alias hoc quomodocumque factum sit, ratum esse dicimus. L. dotalem L. miles ita. S. mulier, D. de test. mil. Quid ergo est? Observandum est, quæ conventio inter paganos tanquam conventio non valet, eam inter milites pro suprema voluntate valere, si in ea ad extremum usque permanserunt: idque ex constitutionibus, quibus cautum est, ut quocumque modo voluntatem suam mili-

milites testati sint de eo quod post mortem suam fieri velint, voluntas rata sit. *L. 1. D. de test. mil.* Ista ratione efficitur, ut cum in militibus voluntas servabitur, nihil fiat in eo contra bonos mores; quia conventio, quæ paciscentem obligat; simul etiam libertatem mutandæ voluntatis auferat; unde periculum est: suprema autem voluntas ita servetur, ut eam militi pro arbitrio liceat mutare.

3. Cur ergo † eandem interpretationem in pagano non recipimus? quia in his testamentum non est aliter, quam si & nomi-

natim id testentur se velle, & iuris solemnibus adhibitis id faciant. *L. 1. D. de iure codicil. tot. tit. de test. ord. Insistunt.* quorum neutrum in hac conventionione cernitur. Ex quibus relinquatur vere in universum definiri, quæcumque sit conventio de futura successione obtinenda viventis, ut quidem ea paciscentem obliget, eam omnino non valere, ne inter milites quidem: vereque dici eiusmodi pactiorem contra bonos mores esse quæcumque in personas inciderit.

L. 20. Traditionibus,

Imp. Dioclet. & Maxim. AA. & CC. Martiali.

Traditionibus & usucapionibus dominia rerum, non nudis pactis transferuntur. PP. Kal. Ian. ip[s]is V. & IIII. AA. CC. Coss.

S U M M A R I A.

1. Pactis nudis dominia rerum non transferri, quid sit, & num. 2.
2. Nudum pactum dupliciter dici: hic nudum, quod traditionem rei promissa adiuvant non habet, ut alibi nuda voluntas, nuda conventio in pignore.
3. Pactis aliqui legitimis cur siue traditione dominium non transferatur.
4. Lege commissoria, additione in diem, conventionione iniicienda manus in ancillam venditam, si propositatur, postquam earum conventionum conditio exstiterit, dominium venditoris fieri siue ulla traditione emptoris; sed non tam ut ad venditorem redeat, quam ut videatur semper apud eum mansisse.

5. Nudo pacto transferri dominium in Ecclesiam, & loca alimonia pauperum destinata.
6. Usucapione dominium semper acquiri: traditione certis solum conditionibus, & quibus, & quam recte hoc rescripto fuit omisa.
7. Dominium transferri ipso iure ex causa legati hereditaria, adiudicationis, idque ad privatum quemlibet, ad quem superiores causæ pertinent: ad fisco autem generaliter omnium rerum, quæ ex suis causis fisco deferuntur, & cur hi omnes modi transferendorum dominiorum hoc loco omisi.

Hic statuuntur regulæ duæ: una de iis modis, quibus dominia non transferuntur: altera de his, quibus transferuntur. Nos utramque isto ordine propositam exsequemur. Hæc prior ex sententia Imperatorum, ut de qua quæstio proposita fuerat: unde & in hunc titulum relata.

1. Pactis nudis, † aiunt, dominia rerum non transferuntur. Convenerit, exempli gratia, ut is fundus, quem mihi vendebas iam nunc meus esset: si non tradideris, iam ideo fiet meus, & si in negotio gerendo convenerit. *L. quæstio L. servata, infra. de rei vind.*

Pactum † nudum aliter hic dicitur, aliter tunc, cum dicimus ex pacto nudo non nasci actionem. *L. legem. 10. b. tit.* Illic nudum, quia simpliciter non ex comparatione dicimus, intelligimus id, quod plane, & per se nudum est, id est, huiusmodi, quod præter pactum & conventionem nihil habeat causæ ad eum obligandum, qui pactus est; non transit, puta, in aliud nomen contractus, aut ad id non accessit ullum meum factum, ulla res, quæ ea lege data sit, ut faceres, quod promissisti, ut diximus suo loco, *d. L. legem.* Hoc genere pacti cura controversiam

fiam

fiam dominium non transfertur: cum ne actio quidem ad dominium adipiscendum ex eo genere competat. Sed hic pacti nudi verbo plus complectuntur Imperatores. Cum enim pacta nuda hic opponant traditionibus: siquidem hæc recte opponuntur, ex adiuncto & comparatione ea nuda intelligere oportet, quæ nuda sunt ab ea re, cui opponuntur, id est, a traditione. Similiter ut nuda voluntas traditioni opposita ea intelligitur, quæ traditionem adiunctam non habet, in §. *interdum*, *Inf. de rer. divis.* nuda conventio in pignore est ea, quæ convenit, ut res pignori sit, sine ulla traditione, *L. 1. D. de pign. actio.* Ex vero hæc sententia est huius loci, ut nec contractu quovis, puta, venditione id possit effici: ut fundus, quem mihi vendis, sit meus, ne si hoc quidem etiam accesserit, ut tibi pretium fundi ista lege numerarem, ut meus esset, *d. L. quoties, inf. de rei vind.*

Ex hoc ¶ erat scilicet, quod hic in quæstione vocabatur propter regulas iuris, quæ efficiunt, ex venditione omnibusque conventionibus, quæ in proprium nomen transeunt, itemque iis, in quibus dedi, aut feci ea lege, ut dares vicissim, aut faceres, actionem nasci iure civili, *L. inrissentium. D. eod.* Hoc vero expedire videntur Imperatores eo, quod statuunt prius, traditionibus dominia rerum transferri. Hoc enim hanc vim habet, ideo pactis dominia rerum non transferuntur, quia transferuntur traditionibus: quasi dicerent: ius iubet, ut dominia transferantur traditionibus, proinde alto modo transferri vetat: contra ius igitur pacto solo, id est, sine traditione transferri. Scimus porro omnia pacta, quæ contra leges, aut constitutiones facta sunt, nullius esse momenti. *L. pacta quæ contra, sup.* easque exceptio in omnibus pactis intelligenda est.

Sed fortasse ¶ regulam superiorem multis in causis falsam esse dixeris. Videntur enim esse tria genera conventionum, quibus efficiatur, ut dominium ad aliquem redeat, ac proinde rursum in eum transferatur sine ulla traditione: lex commissoria: additio in diem: conventio hæc in anella vendenda, ne prostituatur, aut ut abducere eam, sive manum in eam iniicere liceat. Nam si fundus venditus sit ea lege, ut si intra kalendas pretium solutum non sit, fructus sit inemptus (quæ lex commissoria appellatur) : placet conditione existente venditori vindicationem fundi dari. *L. 4. inf. de pact. int. empt.* Non datur autem vindicatio, nisi domino. *L. in rem, D. de rei vind.* Placet

Tom. VII.

Idem tunc eum fundus additus est in diem, id est, ita venditus, ut si alius intra kalendas meliorem conditionem attulerit, fundus sit inemptus. *L. si quis hæc lege. D. de rei vind.* De postremo genere idem in *L. si quis sub hoc, D. de contra. empt.* Verum si propius attenderimus, reperiemus his conventionibus non tam dominium redire, & transferri ab emptore in venditorem, quam a venditore nunquam recessisse. Id enim agunt hæc conventiones, ut res sit inempta. Quod si vere nunquam fuisset emptum, ut nunquam dominium esset translatum in emptorem, *L. nunquam, D. de acq. rer. dom.* sic nunquam a venditore recessisset. Non est igitur, cur propter has conventiones regulam superscripiam commutemus. Ita erit ius perpetuum, pactis solis sine traditione dominia non transferri, & ita ius publicum se habet.

Iure ¶ singulari tributum hoc est a lustriniano eum ecclesiam, tum locis ad alimoniam pauperum comparatis, ut quidquid emerint, quidquid ex contractu quovis sibi paraverint, eius dominium statim in emptores transferatur. *L. ult. in fin. sup. de sacr. eccl.* Sequitur regula altera de his modis, quibus dominia transferri vult Imperatores, adhibita, ut dixi, per occasionem ad alterius illius confirmationem. Traditionibus alunt, & usucapionibus dominia rerum transferuntur. Utrum semper traditionibus & usucapionibus? utrum solis?

Et quidem ¶ usucapione constat semper dominium acquiri: cum usucapio nihil sit, nisi nomen acquisitionis per usum. *L. 3. D. de usucap.* At traditione non semper. Tria enim hæc accedere oportet, quæ bene glossa complexa est: ut dominus sit, qui tradit: ut iusta ex causa res tradatur: ut præterea in emptione, si forte de ea ageretur, emptor pretium solverit, aut fides illi habita sit de pretio: de quibus est alius dicendi locus. Qui sit igitur, ut absolute dixerint Imperatores, traditionibus dominia transferri? quia traditiones intelligere dehemus ad dominium transferendum comparatas & idoneas. Nam nihil hic ex prolesso de transferendo dominio tractare voluerunt. Iam vero ita duos istos modos posuerunt Imperatores, ut cæteros excludere nolle videntur.

Atqui ¶ & legati dominium recte in 7 legatarium transit sine ulla traditione. *L. a Titio, D. de furt. L. si partem, §. 1. D. quemad. fer. amit. & rerum hereditariam dominus sit heres simul, atque heres factus est. L. cum heredes, D. de acq.*

acq. poss. fit autem sola animi destinatio-
ne. §. *pro herede, Inst. de her. qual. & dif.* & inter vivos res adjudicata in du-
plicibus iudiciis statim sunt eius, cui
adiudicatae sunt §. *ult. Inst. de offi. iud.*
Ex hac quidem in causis privatorum,
Quod si res cum fisco agatur, fisco sine
ulla traditione, aut occupatione acquirun-
tur statim, quaecunque res vacantes sunt,
quaeque propter delictum auferuntur, aut
tanquam indignis, aut damnatis capitis,
aut iis, quibus oh non solum vestigal
merces commissa sunt. *L. commissa, D. de publ. L. Imperator, D. de iur. ffs.*
Sed de his plura alias. Interim hoc qua-
ritur, cum constet tam multis modis sine
traditione dominia rerum transferri, cur
tantum traditionis & usucapionis mentio-

nem fecerint, cum in promptu aliis tam
multis modis obiectis refelli poterint? Ex
observandum est eos servivisse quaestioni
propositae. Nam cum dicunt dominia non
transferri nudis pactis, conicere pollumus
positam his fuisse quaestionem de re ex
consensu gesta, & quaeritum, an consensu
dominium transferretur. Illi responsum ac-
commodantes ad quaestionem respondent,
traditionibus dominia transferri, non pa-
ctis. Quod sic accipiendum est in hac spe-
cie scilicet, de qua quaestio est, id est,
cum res geritur consensu. Et sane ita res
habet, ut si dominium inter vivos transferri
volumus consensu dantis & accipientis,
non aliter transferatur, quam traditionibus
& usucapionibus.

L. 21. Cum proponas.

Imp. Diocletianus & Maximianus AA. & CC. Eusebio.

Cum proponas, inter vos sine scriptura placuisse fratrum tuorum succes-
siones equis ex partibus dividi, & transactionis causa probari possit hanc
intercessisse conventionem: exceptione te tueri potes, si possides. Quod si ad-
versarius tuus teneat; ex hoc placito nullam actionem natam esse, si tibi si-
mpulatione non prospexisti, debes intelligere: nec adversario tuo transactione
uti concedendum est, nisi ea, quae placita sunt adimplere paratus sit. PP.
Kal. Maii Faustio II. & Gallo Coss.

S U M M A R I A.

1. Ex pacto transactionis causa inter-
posito exceptionem possidenti na-
sci: petenti non nasci actionem.

2. Pactum transactionis causa interpo-
situm cur nudum.
3. Pacto uti non posse eum, qui ipse pa-
ctum non servat, & cur.

Summa huius ↑ rescripti expressa est in
L. Divisionis, D. eod. tit. Illic ita
traditur: divisionis placitum, nisi tradi-
tione, vel stipulatione sumat effectum,
ad actionem tanquam nudum pactum nulli
prodesse poterit. Finge ita. A fratribus
meis institutus eras testamento, eaque ex
causa eorum successiones, id est, heredi-
tates obtinebas. Eas ego a te vindico ab
instituto tanquam proximus cognatus,
quod dicam fratrum testamenta eile inof-
ficiosa, me praeterito, & te turpi perso-
na instituta: vel falsa esse, aut rupta, ir-
ritave. Cum in hac lite placeret, ut tran-
sigeremus, convenit, ut certis partibus
hereditatis constitutis, ego hanc partem
obtinerem, tu illam, neque ego quidquam

tibi dedi, ut mihi dares, neque tu mihi,
neque porro huic pacto stipulatio subiecta
est. Ita pactum nudum est. De vi huius
pacti quaeritur. Ex traditur idem, quod
supra pluribus expensimus ad *L. legem*.
id autem est, quod sequitur.

Exceptione te tueri potes. Etiam nuda
pactio exceptionem parit. *L. iuris gen-
tium, §. sed cum nulla, D. eodem.*

Ex hoc placito nullam actionem natam
esse. ↑ Aique cum divisio hoc loco tran-
sactionis causa intervenerit, sic illa pla-
cuit utrique; ut quod esset extra partem
sibi destinatam, pacisceretur is, qui non
possidebat, se ab eo, qui possidebat, non
petiturum. Nam aliter non fit transactio.
L. 2. D. de transact. itaque videtur is,
qui

qui pactus est, fecisse, ut ille alter acciperet. Quod si verum est, non iam nuda pactio est, ut quis dicat ex pacto nudo actionem non nasci: sed civile negotium gestum, ex quo genere est præscriptis verbis actio. *L. si dominus. L. solent. D. de præf. verb. L. iurisdictionum, §. 1. eod.* Dicendum est enim, qui se non petiturum pactus est, se facturum pactum esse: revera nihil dum fecisse. Potest enim, qui hodie non petit, cras petere, & inre quidem; quia pacto non tollitur iure civili actio. *tit. de except. §. 1. Instit.* Nec obstat, quod possessor exceptione pacti uti potest, per quam removeatur petitio. Potest enim ea non uti: unde eveniet, ut intentio actoris procedat. *L. vindicantem & seq. D. de vi et.*

Nec adversarius tuo transactione uti concedendum est. Sic consequetur † Eu-

sehius, ne adversarius transactione utatur: Aget cum adversario petitione hereditatis, ut prius, (hæc enim vetus est actio, quæ tum sine controversia esset futura, si de divisione hereditatis nihil placuisset: divisionis autem & transactionis placito non est sublatum) si adversarius exceptione pacti utetur, hic pacti exceptio doli mali replicatione infirmabitur. Ita res explicatur in *L. fore apud alia, inf. proxim. tit.* Recte doli mali replicatione: dolo enim facit, qui id iuris in adversarium valere postulat, quod in se non admittat, quasi quidquam in ipsius persona æquum sit, quod in alio iniquum videri debeat: contra quam edicto Prætoris cautum est sub titulo *Digest. Quod quisque iuris in alium statuerit, ut ipse eodem iure utatur.*

L. 22. Pactum curatoris.

Imp. Diocletianus & Maximianus AA. & CC. Archelao.

Pactum curatoris recipere minorem quantitatem paciscentis, adultæ ætatis suffragium, ne noceat, efficit. Tutores enim & curatores exigentes pupillis & adultis debitum, non etiam remittentes præstant obligationis liberationem PP. XVIII. Kalend. Decemb. Sirmii, ipsis VII. & VI. AA. Cass.

S U M M A R I A.

1. Tutoris & curatoris potestas in rebus minoris administratione & in debitoribus liberandis.

2. Pactum tutoris, aut curatoris cur dicatur pupillo, aut adolescenti non nocere beneficio ætatis: & hoc quid sit.


1. **E**T tutor, & curator, qui † rem gerunt, in rebus pupilli, vel adolescentis dominorum loco habentur: sed eum domini rem administrant, non cum rem perdunt, & curæ suæ commissos spoliunt. *L. tutor, §. qui tutelam, D. de adm. tut. L. qui fundum, §. si tutor, D. pro empt.* Quippe ut maxime libera sit illis potestas gerendi rem commissam: administratio tamen illis commissæ est, nihil amplius. *L. non omni, & toto tit. infr. de adm. tut.* Pugnant autem administrare rem, & perdere. Proinde tutores, & curatores debitum exigentes debitorem liberabunt, ut hic traditur. Est enim boni patrisfamilias debitum exigendo rem augere, non suere dilabi. Quin etiam cum debitoribus transigentes idem præstant. *L. si pignore, §. ult. L. inter-*
Tom. VII.

dum, §. qui tutelam, D. de furt. Nam & hoc ad rem servandam pertinet, non perdendam. Est enim transigere de re dubia & lite incerta transigere. *L. 1. D. de transact.* Negari autem non potest consultius & utilius esse, litem incertam transactione remittere, ut quid ex eo iam nunc habeas, quam temere litigando incertum eventum litis subire, ubi fieri possit, ut litem amittas. At iidem, qui supra, remittere debitum non possunt, ut hic scriptum est. Tunc enim remitti debitum videtur, cum quod remittitur, debitum esse constat: quod non fit in transactione. Unde intelligitur non licere tutoribus & curatoribus rem certam & indubitatam remittere. *L. præfer, infr. prox. tit. & recte.* Hoc enim remittere scientem prudemque, donare est: donare

nare vero perdere. *L. filiusfamilias, D. de don.* quod denegatur omnibus, quibus administratio tantum permilla est. *d. L. filiusfamilias.* Dicitur hic fortasse quispiam, ex eo, quod tutores & curatores debitum accipiendo debitores liberant, recte colligi, etiam eos paciscendo pupillis & adultis nocere. Nam & in *L. rescriptum, S. ult. & L. seq. D. eod.* colligitur pactum procuratoris domino nocere non alia ratione, quam quod procuratori solvi potest: illaque ipsa ratione & insiurandum procuratoris nocere domino efficitur in *L. insiurandum, quod, S. si tutor, D. de iur.* Quod equidem & in tutoris, aut curatoris pacto recte colligi concedo. Et verum est. Iam enim supra dixi tutores & curatores recte transigere; quod nihil aliud est, quam eam pacitionem valere; & nocere adolescenti. Sed ut non omne pactum procuratoris domino noceat (errat enim, si quis illud, pactum procuratoris domino nocere, de omni pacto intelligit. Nam nec procurator rem certam pacto remittere potest. *L. si consensit, S. videbimus, D. quib. mod. pig. vel hyp. sol.*) sic nec omne curatoris pactum nocebit adolescenti. Quodnam igitur? quod ad administrationem, & rem adolescentis inidem pertineat, ut debiti exactio. Idemque est in procuratore, cui nihil amplius commissum est, quam administratio.

2 Aiunt Imperatores, *adulte etatis suffragium, ne pactum curatoris noceat, efficiet.* Quae [†] verba ita scripta sunt, quasi ne noceat pactum curatoris, consequatur minor beneficio etatis, atque ita opus sit

ei ad actionem recipiendam, in integrum restitutione. Quod falsum est. Nam pactum tutoris, curatorisve debitum remittentis debitorem iure non liberat, & ut paulo post hic scribitur, non praestat liberationem obligationis. *L. Lucius, 2. S. ult. D. de admi. tut.* Integra igitur hic manet adolescenti sua actio; quod si integra est, non est opus restitutione, eoque nec auxilio etatis ad restitutionem eius rei, quae amissa non est. *L. 2. inf. in quib. caus. in inte. rest. non est neces.* Nihil habeo, quo hoc defendam, nisi ut dicam beneficium etatis esse quidem causam in proposito, cur pactum curatoris adolescenti non noceat; sed causam remotam, non propinquam: quae res ethicit, ut non sit hic ulla restitutione opus. Cur hoc pactum non noceat adolescenti, proxima causa est, quod pactum nullius sit momenti, utpote factum ab eo, qui ius non habuit paciscendi. At cur ipso iure non noceat, cum tutores pro dominis habeantur, non sit nisi favore & gratia etatis, id est etatis beneficio, quia visum est pupillos & adolescentes esse in potestate tutorum & curatorum sed ipsorum causa, id est, hactenus, ut essent, qui ipsis prospicerent, non qui male rem gerendo eam perderent. Et breviter ut hoc pactum per se adultis noceat, pacti inutilitas facit: ut autem non noceat propter curatorum auctoritatem, qui domini quidam sunt, hoc etatis favor praestat; quia placuit pupillis & adultis dominos quidem dari; at eos, qui illorum commoditatibus prosint, non officiant propter ipsorum favorem.



L. Filius. 23.

Impp. Diocletianus & Maximianus AA. & CC. Honorato.

Filius, paciscendo, aut debitum accipiendo, nihil detrabit patris obligationi. PP. XVII. Kal. Decemb. Sirmii, ipsis VII. & VI. AA. Coss.

S U M M A R I A.

1. *Filiifamilias & servi potestas in peculis administratione, pecuniis col-*

locandis, & debitoribus peculiari-
buz liberandis.

Filius *paciscendo, aut debitum accipiendo nihil detrabit patris obligationi.*
Atqui si paciscatur de re peculiari filius, in qua administrationem a patre concessam habet, neque donandi animo id faciat, pactum valet. *L. contra, §. ult. D. eod.* qua in re aperte detrahit patris obligationi, quæcunque hic tandem obligatio a filio contracta est. Fuit enim hæc obligatio patris. *L. places, D. de acqui- rend. heredit.* Sed & si quid ex peculia suo non tantum filius, sed etiam servus crediderit, aut deposuerit, si his solvatur, debitorem iure liberat. *L. quod servus, D. de solut.* Utrumque igitur falsum videtur, filium neque paciscendo, neque debitum accipiendo, detrudere patris obligationi. Quod non ita est. Magis enim in superscriptis casibus videtur pater pacisci, & debitum accipere, quam filius. In his enim filius paciscitur, & debitum accipit voluntate & permisso patris. Quod perinde habendum est, quasi ipse pater utrumque faceret per filium. *L. restituta, D. ad Trebell.* Et administratio quidem peculii a patre concessa satis ostendit, quid permittat pater filio in re peculiari. Hoc ipso autem, quod peculium concedit fi-

lio, videtur hoc ei permittere, ut de peculio negotietur, & statuat pro domino. Quandoquidem peculium est, quasi patrimonium filiifamilias & servi. *§. actiones autem, Instit. de actio.* Etsi enim in hac potestate excepta est rerum peculiarium alienatio, nisi dominus, aut pater liberam peculii administrationem concesserit: *L. contra, §. ult. D. de pass. L. si liberum, C. quod cum eo.* tamen hæc exceptio ad eas res non pertinet, quas alienare, & de quibus negotiari expedit. Ideo & libera hac administratione non concessa, licet servo pecuniam peculiarem, hoc ipso, quod peculiaris est, mutuum dare; quia expediat id facere, ne pecunia apud eum maneat otiosa: & quod ita credidit, si exigat, placet debitorem liberari, quasi utraque potestate cum peculio pro utilitate peculii concessa. *L. fugitivus, in fin. d. L. quod servus, D. de solut.* Itaque hætenus saltem servus & filius in peculio pro dominis habentur. Quod si domino recte solvitur: consequens est voluntate patris recte solvi ei, quem pater peculii quasi dominum esse voluit. *d. L. quod servus.*

L. Si actionem. 24.

Impp. Diocletianus & Maximianus AA. & CC. Dominæ.

Si actionem legati, vel fideicommissi, quam adversus heredes mariti quondam tui habuisti, te adfectione heredum aliis remisisse probetur: exceptionem pacti contra debitores insituenti, actiones nocere tibi minime posse intelligis. PP. XVII. Kal. Ianuar. Sirmii CC. III. Coss.

S U M M A R I A.

1. *Pactum cum iis, qui putabantur debitores, factum, ne debitum petatur, creditori adversus veros debitores non nocere.*
2. *Verba rescripti exposita.*
3. *Intelligere ius rescripti in proposito cur dicatur mulier, qua propter ignorantiam confulebat.*
4. *Remissionem debiti in eum, qui debitor non erat, collatam, & ipsi, & vero debitori iuxta esse inutilem: & cur.*
5. *Falso heredi acquiri actionem posse, quam quandoque cogatur heredi vero restituere: exceptionem paciscendo acquiri non posse, eoque nec ab eo transire ad heredem.*

Maritus legavit uxori suæ decem. Existiterant mortuo marito, qui dicerent se esse eos, qui a marito inliti erant: itaque pro herede se gesserunt. Mulier putans ipsos esse heredes, cum vellet gratificari heredibus mariti sui, ob memoriam forte, & honorem mariti: remisit eis legati actionem, pacta se legatum nunquam petituram. Comptum est postea alios esse, qui heredes scripti essent: ab his mulier legatum petit, quæ superioris pacti exceptione ab illis submovetur. De ea quaestio est. Rescriptum est, huius pacti exceptionem mulieri nihil nocere: ut sit rescripti hæc sententia.

1. *Pactum ¶ cum his, qui putabantur debitores, factum, ne debitum petatur, non nocere creditori, quo minus comperto errore suo debitum exigit ab iis, quos veros debitores consiliterit: quantumvis creditor prius illud paciscendo hoc animo fuerit, ut veros debitores liberaret.*

Verba ¶ rescripti obscuriora sic interpretanda sunt: *Si probetur te (mulierem alloquentur) affectione heredum, id est, ea affectione, qua complecteris heredes mariti quondam tui, remisisse aliis, intellige, quam heredibus, & ita te remisiste iis, qui heredes non essent, cum esse existimares: remisisse, inquam, actionem legati, quam adversus heredes mariti tui habuisti, ideo scilicet; quia ab illis relictum est legatum: hoc, inquam, si pro-*

betur, intelligis superioris pacti exceptionem nocere tibi non posse, tibi, inquam, insituenti actiones contra debitores, id est, heredes veros, qui legatum debent.

Sed ¶ cur dicunt Imperatores, intelligis: cum certum sit mulierem, si intelligeret exceptionem tibi nocere non posse, non fuisse Imperatores consulturam? quia ita fuit species facti iam ante ab Imperatoribus concepta, ut ex ea cuivis in promptu esset intelligere ita rem se habere, ut illi respondens. Proponunt actionem remissionem ¶ fuisse aliis, quam his, a quibus legatum debebatur: vel ex hoc ipso sua sponte intelligitur, nullam esse naturam remissionem. Ex ipso igitur rescripto intelligit hoc mulier: etsi aliunde prius id minus intellexisset.

Sed ¶ obstat mulieri, quod hoc animo fuit, ut veteres debitores liberaret: eum illi voluntas sua non noceat? Quia edictum prætoris non quamlibet voluntatem culusque tuetur: sed pactum conventum: mulier autem in proposito nihil pacta est cum veris debitoribus. At enim pacta est cum aliis hac mente, ut heredibus consuleret: nihil hoc heredes adjuvat, si pactum est inutile. Est autem inutile duabus de causis: primum, quod res inter alios gesta est, quam ob causam fit, ut etsi quid contineretur pacto: tamen per liberam personam exceptio si non competit, non mirum,

rum, si ab his in alios non transfertur. At de actione contra eventit, ut etiam cui nihil debetur, sibi obligationem, & actionem possit parare. Nam si pecunia alii debita ei constituitur a debitore, valet constitutum, obligaturque et debitor de pe-

cunia constituta. *L. eum qui, §. quod exigimus, D. de const. pecun.* Fac igitur, quod hereditati debebatur, possessori hereditatis constitutum esse; quia illa actio hereditaria quæritur est, apparet hic esse, quod heredi possit restitui una cum reliqua hereditate.

L. Debitorum 25.

Impp. Diocletianus & Maximianus AA. & CC. Euhemero.

Debitorum pactionibus creditorum petitio nec tolli nec mutari potest. §. IV. Kal. Maii, Sirmii, CC. III. Coss.

S U M M A R I A.

1. *Debitorum pactione sua creditoris petitionem neque tollere, neque in aliam transferre posse: & cur.*
2. *L. eum ab uno, D. de leg. 2. exposta.*

3. *L. controversia, D. de transf. explicata, & conciliata cum L. imperatores, eod. tit.*

Debitorum ꝑ pactionibus creditorum petitio tolli non potest. Vetat enim ius & natura aliterius conditionem deteriorationem facere, *L. solvendo, D. de neg. gest.* nec mutari potest: id est, in utriusque, qui pro parte aliquid debeant, non potest hoc effici, ut a reliquis petitio creditoris in unum transferatur: ne & illi liberentur, qui antea debuerunt; quod ius, ut dixi, non patitur: & is obligari incipiat, qui ante non tenebatur. Et si enim unusquisque seipsum obligare, & deteriorationem conditionem suam pacifendo facere possit. *L. pactum, D. eod.* tamen alij actionem acquirere non potest, eum quo non contraxit. *L. quæcumque, D. de ob. & act.* quod superiore conventionione efficitur.

Non ꝑ offendit hanc definitionem *L. eum ab uno, D. de leg. 2.* Maritus dotis debitor ab uno herede legavit uxori aliquid pro dote compensandi causa. Mulier mavult dotem ferre, quam legatum. Illic scriptum est, eum heredem nihilominus onus æris alieni usque ad quantitatem legati agnoscere debere, eoque primum in eum actionem de dote dandam. Nempe hoc sic accipiendum est, ut in eum actio danda sit mulieri, si illa velit: nam si maritum, liberum est ei etiam convenire externos, in quos æs alienum pro portionibus hereditatis transit. Ipsorum heredum voluntas & consensus hoc ius mulieris non

mutaret. *L. licet, infr. fam. ere.* Non mutabit igitur ne defuncti quidem, qui & ipse debitor est, nec potest efficere, quin heredes pro portionibus hereditariis teneantur, ut ius publicum est, *L. 2. infr. de her. act.*

Interdum ꝑ transactio dubium facit, 3 quis sit debitor: ut, cum controversia inter scriptum heredem, & legitimum orta, ipsi de hereditate certa conditione transigunt, ut unus certam partem habeat, alter reliquam. Quo casu placet scævola, eos, qui transegissent, propter incertum successionis pro parte hereditatis, quam uterque expressit, utilibus actionibus conveniendos esse. *L. controversia, D. de transf.* non quod scriptus heres non possit in solidum conveniri, si creditores contendant eum esse heredem. *L. imperatores, D. eod.* quod & de herede legitimo dicendum est: sed quod si creditores nolint hoc onus subire probandi, quis sit heres, recte eos conveniant, tanquam pro parte heredes sint vel sua confessione: non summo iure, quod non patitur, ut unus sit heres ab intestato, aliter ex testamento: sed utilibus actionibus; quia heredes suam confessionem infirmare non possunt, quamdiu non probent se heredes non esse. Quale sit autem, quod hic definitur, demonstratur plurium heredum exemplo in *L. seg.*

L. Pa.

L. Pactum successorum, 16.

Impp. Diocletianus & Maximianus AA. & CC. Corneliz.

Pactum successorum debitoris, ex lege duodecim tabularum æs alienum hereditarium pro portionibus quæsitis singulis ipso iure divisum, in solidum unum obligare creditori non potest: quod & in honorario succedentibus iure, locum habet. De chirographis itaque communibus exhibendis coheredem, vel non perfectis in divisione placitis, convenire, quanti tua interest, potes. PP. III. Id. Octob. Varjani; CC. Coss.

S U M M A R I A.

1. *Æs alienum hereditarium divisum ipso iure inter heredes pro portionibus hereditariis.*
2. *Pactum coheredum, quo placet, ut unus dissolvat æs omne alienum creditoribus & nomina hereditaria so-*

lus exigit, inter coheredes solum valere, creditorum petitionem non mutare.

3. *Ex hoc pacto quæ sunt coheredibus actiones adversus eum, qui legi divisionis non paruit.*

1. **D**ebitoris plures sunt heredes, aut bonorum possesores. Horum singuli partem debent. Sciendum est enim lege duodecim tabularum † onus æris alieni ad heredes pertinere pro portionibus, quæ singulis quæsitæ sunt, ut hic scriptum est, id est, pro hereditariis. L. 1. *infra. si cert. pet. L. 2. infra. de act. hered.* atque ita pertinere, ut inter se heredes id dividere non oporteat; sed iure ipso inter eos sit divisum; quia lex unicuique partem nominatim attribuat, L. ea quæ, *infra. fam. etc. L. heredes, §. an ea, D. cod. & hic.*

2. Veruntamen † quia æris alieni divisio aliqua habet incommoda, ut & experientia satis ostendit, & tellatum est in L. plane, *D. fam. etc.* heredes diviserunt inter se hereditatem, & partem uni dederunt, ea lege dicta, ut ipse omne æs alienum dissolveret creditoribus: hoc amplius & nomina hereditaria exigeret, quam in rem chirographa illi communia tradiderunt, quibus uri & consistere posset adversus hereditarios debitores. De vi huius pactionis adversus creditores rescriptum hoc loco est ex regula suprascripta, hanc pactionem in solidum unum obligare non posse creditori, quod valet, neque in unum istam petitionem creditoris mutari, & transferri posse: neque petitionem, quæ competit adversus ceteros coheredes, tolli creditori, quæ duo superiore regula comprehensa sunt. Sed quæ conventio cre-

ditoribus neque nocet, neque prodest, ea valebit inter ipsos coheredes, quod Imperatores innuere voluerunt his verbis, quæ sequuntur, *De chirographis itaque communibus.* Hoc dicunt: si heres, qui onus æris alieni & dissolvendi & exigendi in se suscepit, conventioni non paret, non habent cæteri heredes, quo se teneantur adversus creditores, qui tuum persequuntur: sed agent cum coherede suo partim de chirographis communibus exhibendis, partim in id, quod tua interest; quia ea, quæ placita sunt in divisione, perfecta non sunt.

De † actionibus nihil expriment, sed 3 de chirographis erit actio ad exhibendum, ut de re ad omnes pertinente. L. 3. §. est autem, *D. ad exhib.* si modo coheredes chirographa tradiderint tantum, sic enim factum est, ut manserint communia. Quod si chirographa dederint coheredi, id est, ita tradiderint, ut ea coheres tanquam propria haberet, erit conditio rei ob causam datæ causa non secuta. L. 1. *D. de cond. caus. da. L. 5. §. 1. D. de pref. ver.* De eo autem, quod interest; erit præscriptis verbis actio; quia coheredi datum est, ut faceret, quod non fecit, d. L. 5. §. 1. quod sic intelligendum est, si modo cæteri coheredes illi partem dederint ea lege, ut æs alienum solveret; alioqui nulla traditione interveniente, pactum nudum est, ex quo non nascitur actio. L. divisionis, *D. cod.*

L. Petens

L. Petens. 27.

Impp. Diocletianus & Maximianus AA. & CC. Aurelio Chresimo.

Petens ex stipulatione, quæ placiti servandi causa secusa est, seu antecessis pactum, seu post statim interpositum sit, recte secundum se ferri sententiam postulat. S. VI. Id. Novemb. Heracleæ CC. Coss.

S U M M A R I A.

1. *Questio huius rescripti propria, & sententia: § num. 3.*
2. *Stipulationem pacti servandi causa interpositam, quam pactum sequitur, recte dici præcedere, & nihil*

ominus sequi, ut hic sequi dicitur, diversis rationibus.

3. *Pactum stipulationi confirmanti subiectum cur statim sequi oporteat, ut stipulatione, quæ aliqui per se semper satis valet, firmetur.*

EX pacto nudo actionem non nasci constat. Sed & illud constat, si pacti servandi causa stipulatio subiecta sit: pactum esse servandum, quoniam ex stipulatione agi potest: de quo diximus ad *L. si pacto, supr. eod.* Hæc eadem sententia non obscure hoc loco confirmatur.

Sed † additur aliquid amplius. Hoc enim quaeritur præcipue, an cum stipulatio secuta est placiti servandi causa, non solum ex ea agi possit, si pactum antecesserit: sed etiam si post sit interpositum, id est, si sequatur stipulationem. Ex statuunt Imperatores, dummodo stipulatio secuta sit placiti servandi causa, nihil referre, utrum pactum præcesserit, an postea sit interpositum; dum tamen statim post interpositum sit. In quo rescripto duo animadvertenda sunt.

Illud † possimum, quod hic proponitur stipulatio eiusmodi, quæ placiti servandi causa secuta sit: de qua tamen respondent Imperatores, ex ea agi posse, etiam si antecesserit ipsa, & pactum stipulationem secutum sit. In quo aperte eandem stipulationem præcedere dicunt, & sequi, quod fieri natura non potest. Quid igitur hic sibi volunt? Et sic habendum est, eodem sensu & ratione utrumque simul statui non posse: at diversis rationibus recte. In concipiendo pacto & stipulatione, de quibus agitur, duplex ordo est. Unus, quem sibi proponit mens & cogitatio contrahentium, idemque naturalis: alter est scripturæ ordo, quo duo ista in instrumento præferuntur. Si mentem contrahentium spectamus, & natu-

Tom. VII.

ram rei: stipulatio omnis, quæ adhibetur servandi pacti causa, semper sequitur, non præcedit. Prius est enim, ut sit pactum, quam ut firmetur stipulatione. Scripturæ ordo non est eiusmodi. Naturaliter quidem res recte præscribitur ita, ut prius proponatur, quid contrahentes fieri voluerint, deinde subiiciatur stipulatio, hoc modo: *Quæ ita superscripta sunt, ea sibi dari, fieri stipulatus est Mævius: spondis Titius;* quale exemplum proponitur in *L. duo, D. pro soc.* At converti ordo scripturæ potest, ut ita dicamus: *quæ infra scripta sunt, ea sibi dari, fieri stipulatus est Mævius: spondis Titius; quæ autem pepigerunt inter se, ea sunt, quæ sequuntur.* Ac deinde perscribantur pacta. Hoc vero cum sit, locus est huic rescripto. Hic enim eodem tempore evenit, ut sequatur, & antecedit stipulatio. Ut rerum natura est, & mens contrahentium, stipulatio hic sequitur pactum: perspicuum est enim, contrahentes nolle hanc stipulationem valere, nisi de his, quæ paciscuntur: ut necesse sit prius pacta esse, quam stipulationem, quæ ista continet, & quorum confirmandorum causa adhibetur: prius enim esse oportet aliquid, quam ab alia re confirmetur. Sed & in stipulatione præcedente, quæ ad pactum sequens refertur, hoc evenit, ut pactum sequens declarandæ stipulationis causa interpositum, videtur stipulatione contineri, & subiectum illud demonstrare, de quo contrahentes se stipulari & spondere dixerant. Sicut accidit in omnibus scripturis sequentibus

P

præ-

præcedentis alicuius declarandæ causâ interpositis: exempla in *L. affe, toto, D. de her. inst. L. institutio, D. de cond. inst.* et ut est præscriptio instrumenti, stipulatio præcedit.

3. Itaque hoc est, quod volunt Imperatores, modo conslet stipulationem adhibitam esse pacti firmandi causâ, nihil interesse, quo ordine stipulatio scripta sit, priore loco, an posteriore: innuentes hic ut in aliis rebus mentem contrahentium spectandam esse, non ordinem scripturæ, iuxta *L. 2. §. ult. in fin. D. de vul. & pup. subst.* Quid enim contextus verborum facit, ubi res intelligitur?

Item & illud animadvertendum, quid sit, cur exigant Imperatores, ut pactum statim interpositum sit post stipulationem, ut quidem ex stipulatione agi possit: cum conslet stipulationem semper valere iure civili, quodcumque sit interposita. *§. de constituta, Inst. de acti.* Non id propter stipulationem exigunt haud dubie, quæ

ubique interposita idem valet: sed propter pacta, quæ sequuntur: ut sciatur, utrum ad stipulationem præcedentem pertineant, necne. Monendi enim sumus, præcedentia & sequentia ad generalem aliquam clausulam ita pertinere videri, si coniuncta scriptura scripta sint, non si disiuncta. *L. ult. D. de reb. dub.* Sic & cum stipulor pecuniam mutuam mihi reddi, & postea pecuniam numeravi, placet unum contractum esse stipulationis, nec actionem nasci ex numeratione: sed ita, si pecunia, quam postea dedi, mox numerata sit, non aliter. *L. 6. D. de novat.* Atque idem hic dicere licebat, quod prius, ex stipulatione nimirum quodcumque interposita sit, actionem esse. Sed hoc ita est, dum conslet, quid stipulatione comprehensum sit. Item vero non existimatur numeratio, quæ ex intervallo secuta est ad præcedentem stipulationem pertinuisse.

L. Si certis annis 28.

Impp. Diocletianus & Maximianus AA. & CC. Leontio.

Si certis annis, quod nudo pacto convenerat, datum fuerit: ad præstandum in posterum in debitum solum obligare non potuit eum, qui pactum fecit, nisi placitis stipulatio intercesserit. S. III. Non. Decem. Burto-dixi. ipsi VIII. & VII. AA. Coss.

S U M M A R I A.

1. *Indebitam annuam summam non ideo effici in posterum debitam, quia pluribus annis præstita sit, etsi ab initio pacto fuerit promissa, & cur.*
2. *L. cum de ia rem versu D. de*

usur. questio, & sententia.

3. *L. 1. C. de fideicom. explicantur.*
4. *Annuam summam pacto promissam qui aliquot annis sponte solvit, non ideo cum constituto inteli-gi.*

1. **H**OC dicunt Imperatores. Res þ sit per se indebita est, ut in posterum debeatur, non efficit eius rei præstatio: quanvis & pacto res promissa sit, & per plures annos præstata. *L. creditor, inf. de usur. L. operis, D. de op. liber.* Cuius sententiæ recte hæc ratio redditur ex regulis iuris, quod in negotiis gerendis nulla contrahitur obligatio sine consensu, *L. 1. §. 1. D. sed.* Porro non si quis quid præstat sæpius, ideo consentire intelligitur, sequi in id obligare, ut idem

in perpetuum præstet deinceps. Quid enim prohibet me hodie dare aliquid, & sæpius; quia libeat, aut quia putem mihi commodum esse nunc id facere: non quia velim de ea re obligari? Non est igitur rei præstatio idonea causâ, ex qua obligatio nascatur: ac proinde ex ea non nascetur. At potest etiam. Qui præstat, hoc animo esse ut det; quia vellet in futurum quoque teneri. Potest: sed hoc animo cum dedisse probandum est, quod ex sola præstatione non recte colligitur, cum

cum a præstatione ea voluntas abesse possit. *L. neque natales, inf. de prob.* Sic fit, ut quæ præstatio ad inducendam obligationem per se non valet, ea nec pro sit ad voluntatis novæ in futurum probationem ac proinde ad petendum, quod prius non debebatur, sit inutilis. Cum hac sententia videntur pugnare duo loci. *L. cum de in rem versis D. de usur. & L. 1. D. infr. de fideicom.* In illa scriptum est, patrem filiofamilias iudicatum esse debere usuras, quia longo tempore eas præstitisset. In hac, heredem, qui fideicommissum per triennium præstitit, in posterum id reculare non posse. Sed nihil hic contrarium.

2. Nam si quod attinet ad *L. cum de in rem verso*, observandum est, quæ sit hoc, & illo loco facti dissimilitudo; ex ea, quæ sit ratio differentie iuris, intelligitur. In hac *L. si certis*, constabat usuras præstatas esse indebitas: utpote promissas nudo pacto. Contra in *L. cum de in rem verso*, constabat, pecuniam mutuum filiofamilias datam esse, & usuras eius pecuniæ ab eo rite promissas: ut hoc quidem non ambigeretur, utrum usuræ istius pecuniæ deberentur: sed a quo pecunia ipsa deberetur. Et ideo non queritur illic, an filius usuras debeat: sed an pater debeat pecuniam tanquam in rem suam versam. Hoc intellecto recte ita dicemus: si fuerint usuræ indebitæ, earum præstatio nunquam efficiet, ut sint debitæ. Quod si constabit recte esse promissas, & deberi, atque hoc quaeretur, utrum obligatio principalis ad eum pertineat, qui eius usuras longo tempore præstitit: eveniet, ut diuturna usurarum præstatio declaret rem ad eum pertinere, qui eas tamdiu præstitit: in quem modo propter conditionem personæ eadere possit eiusmodi coniectura: ut puta, dicemus versam esse pecuniam in rem patris, quæ pecunia a filiofamilias accepta sit: cum eius pecuniæ usuras non filius, sed pater ipse tamdiu non sine causa præstitit: quæ de re iudicatum est in *L. cum de in rem verso*. Sed de eius loci sententia plura scripsi in *commentario de Usuris*.

3. Plus est negotii in explicanda ratione *L. 1. infr. de fideic.* in qua prima fronte videtur ipsa triennii præstatio fideicommissum debitum facere. Observandum est enim rescriptum de fideicommissio annuo indebito loqui. Nam si iure veluisset, deberetur statim, & sine ulla heredis præstatione: ac si triennio præstiturum sit, placet id in posterum quoque exigi posse. Ego autem & fideicommissum illic inde-

bitum fuisse, & cum per tres annos præstitum fuerit, in posterum deberi fateor. Sed nego ideo deberi in posterum; quia per tot annos præstitum sit: de quo nunc queritur. Cur ergo heres in posterum obligatur? quia mater eademque heres, filii sui voluntatem secuta est, ut eo rescripto declaratur. Iudicium defuncti agnoscendo mater ostendit sibi in animo esse id in perpetuum præstare; quia hæc voluntas, & iudicium defuncti fuit, ut ita præstaretur: sequæ adeo id facturam esse constituit. Hæc agnitio in legatis sufficit ad obligationem: quisquis heres voluntatem defuncti circa legata, seu fideicommissa, seu libertates agnoscat: quanvis voluntas iura non valuerit: tamen implendæ voluntatis necessitate obstringitur, *L. non dubium, infr. de testam.* Itaque matrem voluntas sua, & consensus, ac velut constitutum obligat, ut obligaret ceteros in aliis rebus omnibus. Eius autem voluntatis non causa, sed signum & indicium est, fideicommissi præstatio: non tamen quævis: sed ita, si per triennium idem mater fecerit: ut scilicet perseverantia præstationis declaret voluntatem & iudicium in herede fuisse ad id præstandum ex sententia testatoris. *arg. L. quidquid, D. de reg. iur.*

Quæ si etsi convenienter dicuntur ad sententiam illius rescripti: verendum tamen videtur, ne hæc ipsa interpretatio magis difficultatem augeat, quam diluat. Nam si heres propter triennii præstationem existimatur fideicommissum constituisse se in posterum soluturum: quid est cur non existimetur facillè idem, qui annum, quod pacto promissit, longo tempore præstitit? ut iam consequens sit teneri eum ex constituto, quem negabamus propter præstationem obligari. Sed non recte comparantur inter se heres, qui iudicium defuncti secutus aliquid facit, & is, qui quod ipse pacto promissit, præstat. Huic enim nulla est causa ad rem promissam in posterum præstandam nisi una liberalitas & voluntas: porro nemo facile donare velle presumitur. *L. cum de indebito, D. de probat.* Heres autem cur satisfacere velit voluntati defuncti, magnam inprimis causam habet: meritum scilicet defuncti, & honorem sibi ab illo habitum. Unde non mirom, si heres, ut respondat beneficiis defuncti, aliter putetur esse affectus erga eius voluntatem, ac ceteri homines, cum ultro id præstat, quod ab illo rogitatur.

præcedentis alicuius declarandæ causâ interpositis: exempla in *L. affe, toto, D. de her. inst. l. institutio, D. de cond. inst.* at ut est præscriptio instrumenti, stipulatio præcedit.

3. Itaque si hoc est, quid volunt Imperatores, modo consiliet stipulationem adhibitam esse pacti firmandi causâ, nihil interesse, quo ordine stipulatio scripta sit, priore loco, an posteriore: inuenies hic ut in aliis rebus mentem contrahentium spectandam esse, non ordinem scripturæ, iuxta *L. 2. §. ult. in fin. D. de vul. & pup. subst.* Quid enim contextus verborum facit, ubi res intelligatur?

Item & illud animadvertendum, quid sit, cur exigant Imperatores, ut pactum statim interpositum sit post stipulationem, ut quidem ex stipulatione agi possit: cum consiliet stipulationem semper valere iure civili, quandoque sit interposita. §. *de constituta, l. ult. de acti.* Non id propter stipulationem exigunt hæud dubie, quæ

ubique interposita idem valet: sed propter pacta, quæ sequuntur: ut sciatur, utrum ad stipulationem præcedentem pertineant, necne. Monendi enim sumus, præcedentia & sequentia ad generalem aliquam clausulam ita pertinere videri, si coniuncta scriptura scripta sint, non si disiuncta. *L. ult. D. de reb. dub.* Sic & cum stipulor pecuniam mutui mihi reddi, & postea pecuniam numeravi, placet unum contractum esse stipulationis, nec actionem nasci ex numeratione: sed ita, si pecunia, quam postea dedi, mox numerata sit, non alter. *L. 6. D. de novat.* Atqui idem hic dicere licebat, quod prius, ex stipulatione nimirum quandoque interposita sit, actionem esse. Sed hoc ita est, dum consiliet, quid stipulatione comprehensum sit. Item vero non existimatur numeratio, quæ ex intervallo secuta est ad præcedentem stipulationem pertinuisse.

L. Si certis annis 28.

Imp. Diocletianus & Maximianus AA. & CC. Leontio.

Si certis annis, quod nudo pacto convenerat, datum fuerit: ad præstandum in posterum in debitum solutum obligare non potuit eum, qui pactum fecit, nisi placitis stipulatio intercesserit. S. III. Non. Decem. Burto-dixi. ipsis VIII. & VII. AA. Coss.

S U M M A R I A.

1. *Indebitum annuum summam non ideo effici in posterum debitum: quia pluribus annis præstita sit, etsi ab initio pacto fuerit promissa. & cur.*
2. *L. cum de in rem verso D. de*

usur. questio, & sententia.

3. *L. 1. C. de fideicom. explicatur.*
4. *Annuum summam pacto promissam qui aliquot annis sponte solvit, non ideo eam constituisse intel-legi.*

HOC dicunt Imperatores. Res si sit per se indebita est, ut in posterum debeatur, non efficit eius rei præstatio: quanvis & pacto res promissa sit, & per plures annos præstita. *L. creditor, inf. de usur. l. operis, D. de op. liber.* Cuius sententiæ recte hæc ratio redditur ex regulis iuris, quod, in negotiis gerendis nulla contrahitur obligatio sine consensu, *L. 1. §. 1. D. eod.* Porro non si quis quid præstat sæpius, ideo consentire intelligitur, sequa in id obligare, ut idem

in perpetuum præstet deinceps. Quid enim prohibet me hodie dare aliquid, & sæpius; quia libeat, aut quia putem mihi commodum esse nunc id facere: non quia velim de ea re obligari? Non est igitur rei præstatio idonea causâ, ex qua obligatio nascatur: ac proinde ex ea non nascetur. At potest etiam. Qui præstat, hoc animo esse ut det; quia velit in futurum quoque teneri. Potest: sed hoc animo cum dedisse probandum est, quod ex sola præstatione non recte colligitur, cum

cum a præstatione ea voluere abesse possit. *L. neque natales, inf. de proba.* Sic fit, ut quæ præstatio ad inducendam obligationem per se non valet, ea nec prodest ad voluntatis novæ in futurum probationem ac proinde ad petendum, quod prius non debebatur, sit inutilis. Cum hac sententia videntur pugnare duo loci. *L. cum de in rem versis D. de usur. & L. 1. D. infr. de fideicom.* In illa scriptum est, patrem filiofamilias iudicatum esse debere usuras, quia longo tempore eas præstitisset. In hac, heredem, qui fideicommissum per triennium præstitit, in posterum id reculare non posse. Sed nihil hic contrarium.

² Nam si quod attinet ad *L. cum de in rem verso*, observandum est, quæ sit hoc, & illo loco facti dissimilitudo; ex ea, quæ sit ratio differentie iuris, intelligitur. In hac *L. si certis*, constabat usuras præstittas esse indebitas: utpote promissas nudo pacto. Contra in *L. cum de in rem verso*, constabat, pecuniam mutam filiofamilias datam esse, & usuras eius pecuniæ ab eo rite promissas: ut hoc quidem non ambigeretur, utrum usuræ istius pecuniæ deberentur: sed a quo pecunia ipsa deberetur. Et ideo non queritur illic, an filius usuras debeat: sed an pater debeat pecuniam tanquam in rem suam versam. Hoc intellecto recte ita dicemus: si fuerint usuræ indebitæ, earum præstatio nunquam efficiet, ut sint debitæ. Quod si constabit recte esse promissas, & deberi, atque hoc quaeretur, utrum obligatio principalis ad eum pertineat, qui eius usuras longo tempore præstitit: eveniet, ut diuturna usurarum præstatio declaret rem ad eum pertinere, qui eas tamdiu præstitit: in quem modo propter conditionem personæ cadere possit eiusmodi coniectura: ut puta, dicemus versam esse pecuniam in rem patris, quæ pecunia a filiofamilias accepta sit: cum eius pecuniæ usuras non filius, sed pater ipse tamdiu non sine causa præstitit: quæ de re iudicatum est in *d. L. cum de in rem verso*. Sed de eius loci sententia plura scripsi in *commentario de Usuris*.

³ Plus est negotii in explicanda ratione *L. 1. infr. de fideic.* in qua prima fronte videtur ipsa triennii præstatio fideicommissum debitum facere. Observandum est enim rescriptum de fideicommissio annuo indebito loqui. Nam si iure valuisset, deberetur statim, & sine ulla heredis præstatione: at si triennio præstitutum sit, placet id in posterum quoque exigi posse. Ego autem & fideicommissum illic inde-

bitum fuisse, & cum per tres annos præstitum fuerit, in posterum deberi fateor. Sed nego ideo deberi in posterum; quia per tot annos præstitum sit: de quo nunc queritur. Cur ergo heres in posterum obligatur? quia mater eademque heres, filii sui voluntatem secuta est, ut eo rescripto declaratur. Iudicium defuncti agnoscendo mater ostendit sibi in animo esse id in perpetuum præstare; quia hæc voluntas, & iudicium defuncti fuit, ut ita præstaretur: sequæ adeo id facturam esse constituit. Hæc agnitio in legatis sufficit ad obligationem: quisquis heres voluntatem defuncti circa legata, seu fideicommissa, seu libertates agnoscit: quanvis voluntas iura non valuerit: tamen implenda voluntatis necessitate obstringitur, *L. non dubium, infr. de testam.* Itaque matrem voluntas sua, & consensus, ac velut constitutum obligat, ut obligaret ceteros in aliis rebus omnibus. Eius autem voluntatis non causa, sed signum & indicium est, fideicommissi præstatio: non tamen quævis: sed ita, si per triennium idem mater fecerit: ut scilicet perseverantia præstationis declaret voluntatem & iudicium in herede fuisse ad id præstandum ex sententia testatoris. *arg. L. quidquid, D. de reg. iur.*

Quæ si etsi convenienter dicuntur ad sententiam illius rescripti: verendum tamen videtur, ne hæc ipsa interpretatio magis difficultatem augeat, quam diluat. Nam si heres propter triennii præstationem existimatur fideicommissum constituisse se in posterum soluturum: quid est cur non existimetur fecisse idem, qui annuum, quod pacto promissit, longo tempore præstitit? ut iam consequens sit teneri eum ex constituto, quem negabamus propter præstationem obligari. Sed non recte comparantur inter se heres, qui iudicium defuncti secutus aliquid facit, & is, qui quod ipse pacto promissit, præstat. Hæc enim nulla est causa ad rem promissam in posterum præstandam nisi una liberalitas & voluntas: porro nemo facile donare velle præsumitur. *L. cum de indebito, D. de probat.* Heres autem cur satisfacere velit voluntati defuncti, magnam imprimis causam habet: meritum scilicet defuncti, & honorem sibi ab illo habitum. Unde non mirum, si heres, ut respondeat beneficiis defuncti, aliter putetur esse affectus erga eius voluntatem, ac ceteri homines, cum ultro id præstat, quod ab illo rogatur.

L. Si quis in conscribendo, pen.

Imp. Iustinianus A. Iohanni PP.

Si quis in conscribendo instrumento sese confessus fuerit non usurum fore prescriptione propter singulum militie sue vel dignitatis, vel etiam sacerdotis prerogativam; licet antea dubitabatur, si oporteret eandem scripturam tenere, & eum, qui hoc pactus est, non debere adversus suam conventionem venire: vel licentiam ei præstare, descendere quidem ab scriptura, suo autem iure uti. Sancimus nemini licere adversus pacta sua venire, & contrabentes decipere. Si enim & ipso prætoris edicto pacta conventa, que neque contra leges, neque dolo malo inita sunt, omnimodo observanda sunt: quare & in hac causa pacta non valeant cum alia sit regula iuris antiqui, omnes licentiam habere, his, que pro se introducta sunt, renuntiare? omnes itaque iudices nostri hoc in libris observent: & huiusmodi observatio & ad pedaneos iudices & ad compromissarios, & arbitros electos perveniat: scilicet, quod si neglexerint, etiam litem suam facere intelligantur. Dat. Kal. Septemb. Constantinop. post consulatum Lampadii & Orestis. VV. CC.

S U M M A R I A.

1. *Licere unicuique iis, quæ pro se introducta sunt, pacto renuntiare, perpetuum: valesque etiam in beneficiis iuris quantunque magna de causa constitutis.*
2. *Præterquam si pactio sit contra ius, aut bonos mores: cuiusmodi multe, & eæ quænam sint.*
3. *Pactionem, ne a communione discedatur, item ne precariam ante cer-*

tum tempus reddatur, utramque inutilem: & quare, cum sint de re privata.

4. *Prescriptioni fore renuntiare utiliter, dum ne id agatur, ut qui renuntiat, simul ad alium, non suum iudicem vocetur, hanc enim pactionem posteriorem esse inutilem. L. si convenerit, D. de iurisd. & cur.*

Regula 1^a est iuris antiqui, licere unicuique renuntiare his, quæ pro se introducta sunt, ut hic Iustinianus testatur, usurpatque a Iulio I. *L. si iudex, D. de iur. iud. qui finitimi est illi, licere unicuique paciscendo iuris sui perfectionem, aut ipam futuræ perceptionis deterioriorem constituere. L. pactum, D. cod.* Extra quam, dixerit fortasse aliquis, si quid nominatim alicui iure publico concessum sit honoris erga, ut fori præscriptio militibus, magistratibus, ministris Ecclesiæ propter prerogativam militiæ, dignitatis: quasi hoc sit eius generis, ut eo tanquam beneficio iuris, & eo quidem magna de causa his, quos dicimus, tributo, perpetuo illi uti possint: quavis forte pacti sit se eo non uturos, id non ita est, ac ne quis in posterum ea de re

dubitaret, sustulit eam dubitationem hoc loco Iustinianus, simul his exemplis perspicit, ut intelligeremus superioris regulæ nullam plane esse exceptionem. Multa quidem hoc loco colliguntur ab Accursio exempla contra regulam: in quibus eum quid alicuius causæ constitatur, certe agatur utilitas cuiusque privata, non alterius cuiusquam: tamen non licere pacisci, tradatur; & si pactum sit, nihil nocere pactionem: quæ Accursius, & Bartolus, celsique deinceps interpretes non aliter conciliari posse cum regulâ potaverunt, nisi moris distinctionibus in hunc locum introitis rem expedirent, quibus de generalitate regulæ nullum, & citra auctoritatem ullam veterum iuris auctorum detraxerunt. Sed non fuit hic tantopere laborandum.

1. Hoc ¶ enim, licere unicuique contrahere ea, quæ pro se introducta sunt, generaliter quidem definitum est: sed ita, ut ea, quæ specialiter de pactis sunt excepta, semper hic quoque excipi oporteat. In toto enim iure generi per speciem derogatur. *L. in toto, D. de reg. iur.* Iam vero nominatim edicto, & constitutionibus exceptum est, ne ea pacta servanda sint, quæ contra leges sunt, aut bonos mores. Atqui si illi satis attendissent, ita reperissent, quæ iam varia ab ipsis citantur, exempla eorum pactorum esse, quæ aut non essent de re nostra nomine introducta, eulsummodi pacta hæc non pertinebant: aut si essent de re nostra, ideo improbandum; quia contra leges, aut contra bonos mores fierent. Transactio de alimentis, quavis de re privata, non valet: scilicet quia lex vetat transigi. *L. cum hi, D. de transact.* Idem de prædiis minorum iudicandum est: quorum est constitutionibus alienatio interdicta. *L. 1. D. de reb. vor.* etsi vere diceretur hoc totum minorum causa esse inductum. Mulier soluto matrimonio pacisci non potest dotem longiore die sibi reddi. *L. de die. L. 1. Attilianus, D. de pact. dotal.* Atqui mulieris dos est, sed ita, ut eam reddi etiam intersit Reipublicæ; in eoque quodammodo utilitas publica agatur. *L. 1. D. sol. mat.* Ius autem prohibet nos alterius rem, & præsertim Reipublicæ paciscendo facere deteriore. *L. servando, D. de neg. gest.* Est, cum nihil contra, quam lex vetat, de re ad se pertinente quis paciscatur: neque tamen pactio valeat; puta, cum maritus paciscitur in dote accipienda, ut supra, quam facere potest, conveniatur, sed hoc eo fit: quia pactio huiusmodi est contra bonos mores. Est enim contra reverentiam marito debitam. *L. alia, §. 1. D. sol. matr.* Multaque sunt alia exempla huius generis de re nostra privata, quæ improbantur quidem; sed ideo, quia sunt lege prohibente, aut turpem causam habent, ut intercessio mulieris; ut alienatio fundi dotalis; ut ne iniuriarum, vel furti agam, prius, quam hæc fiant: de quibus *sup. L. 6.* His exceptis, quæ in omni pactioe vel ex edicto excipi debent: quo minus ratum, sit, quod quisque de iure suo remiserit, nihil erit impedimento.

3. De ¶ duobus tamen non immerito, potest dubitari. Nam si conveniat, ne omnino divisio fiat, huiusmodi pactum, nullas vires habere, atque adeo, id manifestissimum esse scriptum est in *L. in hoc in-*

dictum, §. si conveniat, D. com. divid. Et in precario si convenierit, ut qui accipit, in Calendis Iulias precario possideat, placet hoc idem, nullam vim esse huius conventionis. *L. cum precario, D. de prec.* Ac utrumque aperte est de re privata, & quid habet turpe? Imo: vix quid hic non recte remitti & concedi potest ex regulis iuris communibus? Priori pactioe remittitur actio communi dividundo, quæ ad divisionem competebat, constat pactu utrumqueque iuris sui persequutionem pacto remittere, ut liberetur adversarius exceptione. *L. §. L. cum proponas filios, supr. cod. L. pactum, D. cod.* Posteriore autem conventionem id agitur, ut rei nostræ possessio ad aliquod tempus in aliquem transferatur. In commodato id recte fit: recte fit in locatione: cur non & in precario, cum liceat domum totam rem totam alteri donare? Sed & hæc ipsæ conventiones iisdem de causis aut similibus improbantur, quibus superiores. Non valet pactio; ne divisio omnino fiat: primum quia ne fiat, nihil interest paciscen-
tis: potius interest a communione discedi, quod quam communia sunt, negliguntur. *L. 2. illo, naturale quippe, infr. quon. & quib. quar. pars, lib. 10.* nulla autem rata conventio, in qua paciscen-
tis nihil interest. *L. ex conventionem, supr. cod.* Deinde quia & hoc ipsum pacisci, ut in communione maneat, est contra bonos mores: competum est enim experientia, communione materiam solere discordias excitare. *L. cum pater, §. dulcissimis, D. de leg. 2.* Ut discordia omnis turpis: ita turpis omnis causa, quæ excitat discordias, quia invitat ad delinquendum. *L. si unus, §. pacta, D. eod. L. illud, D. de pact. dot.* Illa autem pactio in precario ut ad certum tempus res precario habeatur, est contra legem: Immo enim domini lex est, ut qui dominus est, & libertatem domini sui retinet, is rem suam quoties velit, possit ab invito revocare, utpote arbiter & moderator rei suæ. *L. in re, infr. mand.* Hanc libertatem domini retinet in re sua, quisquis rem dat precario, idque precarii verbum efficit, cuius hæc vis & significatio est, ut petenti utendum concedatur tamdiu, quamdiu is, qui concessit, patitur, recepturus cum libuerit. *L. 1. D. de prec.* Proinde repugnat non precario, sed legi de dominiis constitutæ, si conveniat, ne domino aliqui rei suæ ius retinenti liceat rem suam repetere cum velit. Quinimo non magis ea pactio consistere potest natura, quam si conveniat, ut dominus, quem

quem talem pleno iure esse placet per omnia, ne sit dominus. Qua ratione placuit pacto effici non posse, ne ei, qui dominus sit, rem suam alienare liceat. *L. pen. D. eod. L. ea lege, supr. de cond. ob caus.* Et ideo Celsus in *d. L. cum precario*, superiorem conventionem in precario sic improbat, ut dicat nullam vim esse huius conventionis, *ut rem alienam domino invito possidere liceat*: rationem nimirum eius pactionis improbandæ ad legem domini referens, cui hæc pactio adversatur. *Invito domino* sic accipe, quem placebit plena libertate dominum manere, ut sit in precario. Alioquin in locatione, atque adeo commodato nonnunquam non potest res ante certum tempus a domino revocari; quia conventionem negotii convenientem hoc ipsum effectum est.

⁴ In \dagger specie ipsa renuntiationis, cuius exemplo utitur hoc loco Iustinianus, fortasse laborabitur. Nam in *L. si convenerit, D. de iurisd.* scriptum est, neminem cogendum esse stare huiusmodi conventioni, si convenerit, ut alius prætor, quam cuius iurisdictio esset, ius diceret. In qua tamen conventionem is, qui ita pactus est, aperte fori præscriptioni renuntiavit. Hoc enim pacifcens, ut alium sequeretur iudicem, sine dubio id pactus est, ne ad suum revocaret. Sed nihil hic simile cum ea conventionem, qua quis pacifcitur, tantum se fori præscriptione non usurum: de qua conventionem hic agitur. Etsi enim neget se ad suum iudicem revocaturum is, qui alterius iurisditionem se sequi paratum dicit: tamen hoc amplius, & quidem principaliter pacifcitur, se alterius prætoris iurisditionem subitum: quod non facit is miles, qui privilegio suo renuntians pollicetur se ad indices militares non revocaturum. Neque enim horum iurisditioni renuntians, aliorum, quos iure

communi iudices experiri non cogatur, iurisditioni se subicere intelligitur. Non utetur his iudicibus, quibus ex privilegio poterat: sed nihilominus et relinquuntur illi, quorum esset iurisdictio, si donatus privilegio non fuisset. In summa in proposita hypothese miles pollicetur se ad aliquem iudicem non iturum, ad quem iure poterat revocare: in ea, quam supra proposui, pollicetur quis se ad iudicem iturum, ad quem iure non cogebatur. Cur ergo illa pactio servanda est, hæc non est servanda? Si consideretur, quid utraque agatur, non poterit esse obscurum. Nempe qui promittit se ad iudicem suum non revocaturum, id agit, ut adversarium liberet necessitate ad hunc iudicem veniendi. Qui autem promittit se ad iudicem iturum, hoc agit, ut ipse obligetur. Ita ad illam conventionem servandam contra militem revocantem ad suum iudicem, exceptione tantum opus est actori, ne ad eum iudicem ire cogatur. Ad hanc posteriorem est opus actori actione; ut adversarium ad eum iudicem, de quo convenit, pertrahat. Certi iuris est, omnia pacta exceptionem parere: at non parere actionem. Si apertius quid volumus; unusquisque fori præscriptioni pacto recte renuntiat, ut nihil amplius, quam huius præscriptioni renuntiet: quod tunc fit, cum is, qui renuntiavit, vocatur ad alium iudicem, quem iure communi iudicem habet, non quem ex pacto sequi cogatur, ut in specie hic proposita accidit. At nemo ita renuntiare potest, ut simul alii, cuius iurisditioni subiectus non est, iurisditionem pacto tribuat ut sit in conventionem *d. L. si convenerit*. Hanc enim, qui tribuere vult, simul tribuit adversario actionem, qua eactus ad eum iudicem recte vocetur. Id pacto effici non potest; quia ex pacto actio non nascitur.



L. De questione. ult.

Imp. Iustinianus A. Ioanni Pref. pret.

De questione tali a Cæsariensi advocacione interrogati sumus: duabus, vel pluribus personis spes alienæ hereditatis fuerat ex cognatione forte ad eos devolvenda: pactaque inter eos inita sunt pro adventura hereditate, quibus specialiter declarabatur, si ille mortuus fuerit, & hereditas ad eos pervenerit, certos modos in eadem hereditate observari: vel, si forte ad quosdam ex his hereditatis commodum pervenerit, certas pactiones evenire. Et dubitabatur, si huiusmodi pacta servari oporteret. Faciebat autem eis questionem, quia adhuc supersite eo, de cuius hereditate sperabatur, huiusmodi pactio processit: & quia non sunt ita confecta, quasi omnimodo hereditate ad eos perventura, sed sub duabus conditionibus composita sunt, si ille mortuus fuerit; & si ad hereditatem vocentur hi, qui huiusmodi pactiorem fecerunt. Sed nobis omnes huiusmodi pactiones odiosæ esse videntur, & plena tristissimi & periculosi eventus. Quare enim, quodam vivente & ignorante, de rebus eius quidam paciscentes conveniunt? Secundum veteres itaque regulas sancimus, omnimodo huiusmodi pacta, quæ contra bonos mores inita sunt, repelli, & nihil ex his pactiombus observari: nisi ipse forte, de cuius hereditate pactum est, voluntatem suam eis accommodaverit, & in ea usque ad extremum vitæ suæ spatium perseveraverit. Tunc etenim sublata acerbissima spe, licebit eis illo sciente & inbene huiusmodi pactiones servare. Quod etiam anterioribus legibus & constitutionibus non est incognitum, licet a nobis clarius est introductum. Iubemus etenim neque donationes talium rerum, neque hypothecas penitus esse admittendas, neque alium quemquam contractum: cum in alienis rebus contra domini voluntatem aliquid fieri vel pacisci secta temporum nostrorum non patiatur. Dat. Kal. Nov. Constantinopoli, post consulatum Lampadii & Orestis IV. CC.

S U M M A R I A.

1. Conventionem omnem, ut quis nos sibi heredes faciat, ut bonu eius ad nos perveniant, ipso mortuo, sine exceptione esse inutilem, quia contra bonos mores: & quare.
2. Contractu fiducie emancipari, quid fuerit veteribus.
3. Conventionem de futura successione viventis & illam esse inutilem, qua aliqui de tertii alienius hereditate, cum is decesserit, invicem dividenda, aut communicanda inter se paciscuntur: nisi is de cuius bonis agitur, & consenserit, & in ea voluntate ad extremum permanserit.
4. De hereditate incerti hominis recte aliquos inter se pacisci, ut si ad quem eorum aliqua aliunde pervenerit, sit communis.
5. De hereditate etiam certi hominis viventis sibi restituenda recte quem pacisci ab alio, si etiam sine pactione ad eum, qui id paciscitur, iure reditura est hereditas: & quibus in causis id accidas.
6. L. 2. §. illud potest, D. de her. vel act. ven. explentur.
7. De mortui hereditate transigere, aut pacisci inter se aliquos nihilo magis posse, quam de hereditate viventis, si, utrum is, de cuius bonis agitur, vivat, mecum ignoretur.

8. De

8. De tertii alicuius viventis hereditate inter aliquos suo tempore dividenda ideo pactionem esse inutilem, quia est & ipsa contra bonos mores: & quare.
9. Pactionem de tertii alicuius viventis hereditate inter aliquos dividenda recte probari hac conditione, si tertius is consenserit, nec mutavit voluntatem: disputatio.

10. Successioni futura frustra etiam pactione renuntiare quoniam heredem futurum, iure pactionem prohibente: & id fufus demonstratum.
11. Pactionem, qua renuntiatur successioni futurae, quatenus improbatur legibus, nec iurcirando confirmari: & cur.

Omnis conventio, omnisque stipulatio de successione viventis obtinenda nullius est momenti, ut diximus ad *L. pactionem, quod dotali, sup.* Sed conventio non est unius generis. Ea duplex est.

1. Una ¶ est species, cum paciscimur cum eo ipso, de cuius bonis agitur, per quam id agimus, ut ille nos sibi heredes faciat: ut bona sua ad nos pertineant, se mortuo; idque ipse futurum promittit. Hæc species citra controversiam, & sine exceptione improbat legibus, tanquam bonis moribus contraria, *L. ex eo, inf. de iust. stipul. L. stipulatio hoc modo concepta, D. de verb. oblig. L. hereditas, inf. de pact. con. L. pactum, quod dotali L. licet, sup.* Est autem contra bonos mores, quia turpis: & turpis ideo, quia invitat ad delinquendum, id est, insidiandum vitæ promissoris. Certum enim habet stipulator fere, ut promissore mortuo bonis eius potatur, si quidem stipulatio & conventio valebit, *L. de fideicommissis, infr. tit. prox.* neque hoc ulla in specie olim aliter obsecutum est.

2. Nam ¶ quod scriptum est apud Iustinianum in §. ult. *lusi. de leg. agn. successio.* filiumfamilias emancipari olim solum a patre contracta fiducia: qua ex re consequbatur pater, ut legitimam filii successionem obtineret: non hanc habet significationem, quasi pater emanciparet eum ea lege, ut ipsi succederet; sed cum filiusfamilias in emancipatione manciparetur alii; atque ita traderetur in imaginariam quandam servitutem: ne is in ea servitute maneret, mancipabatur contracta fiducia, id est, ea lege, ut pater ille novus filium acceptum remanciparet, ut ad extremum receptum verus pater manumitteret: quæ conventio ad potestatem filii pertinuit, non ad hereditatem eius obtinendam.

3. Altera ¶ species est, qua paciscimur non cum eo, de cuius bonis agitur: sed cum extraneo ita, ut si Lucii Titii hereditas ad eum pervenerit, eam nobis restituat, aut nobiscum communicet: aut contra si qua ad nos pervenerit, nos illi

restituamus, aut cum illo communicemus.

De hac specie est hæc Iustiniani constitutio, ut ex principio apparet. De qua sic Iustinianus statuit, non esse ne hæc quidem pactionem de viventis successione servandam, quia & ipsa sit contra bonos mores; sed hoc excipit, quod non sit in priore illa specie; nisi is, de cuius hereditate agitur, & consenserit, & in eadem voluntate usque ad ultimum vitæ spatium perseveraverit. In quo tria complectitur, quæ nobis examinanda sunt. Primum supra scriptam conventionem non valere: cui parti multi videntur esse loci contrarii, in quibus cum proponatur eadem species conventionis: tamen statuitur valere pactionem. Atque in his quidem occurrunt conventionis huius duo genera. Unum quo paciscimur indefinite de hereditate obventura: hoc modo, ut si qua hereditas ad te pervenerit, mihi sit communis, nullius scilicet certi hominis designata hereditate: quo in genere non dubitatur, quin pactio valeat in *L. 3. §. de illo, D. pro socio.* Alterum genus est, in quo etiam de certi hominis viventis hereditate idem inter nos paciscimur: at tamen nihilo secius pactionem valere placet. Etenim qui ad impuberis arrogati hereditatem vocantur, hi ita recte stipulantur ab arrogatore, quidquid ex hereditate impuberis huius ad arrogatorem pervenerit, sibi restitui, *L. non aliter, D. de adopt.* Similiterque valet stipulatio, cum a venditore, qui servum, quem vendiderat, manumisit, stipulatur emptor, quidquid ex successione liberti ad venditorem pervenerit, *L. si quis servum, D. de alio. empt.*

Sed ¶ pro certo infinite de incerti hominis hereditate pacisci licet eo modo, quo supra diximus, ut recte Accursio, & Bartolo videri. Neque hæc constitutio adversatur. Pertinet enim ad eam pactionem, in qua certi hominis designatur hereditas: quod apparet ex his verbis, quæ sunt in initio, *si ille fuisset mortuus.* Item ex illis, *quare enim quodam vivente de rebus eius quidam paciscuntur?*

Et

Et ratio differentiae est in promptu. Licet enim querere de his, qui de certi hominis hereditate paciscuntur; cur hi de huius hereditate paciscuntur, nisi iam de huius morte aliquid moliti sunt: unde & de eius hereditate iam spem aliquam conceperunt? Idque est, quod Iustinianus in hac constitutione querit. At nihil istius licet suspicari adversus quempiam; ubi nemo homo aperte designatur, de cuius morte, & hereditate paciscentes cogitent.

5 Quod si autem & de certi hominis extranei hereditate pacitionem inter nos interpositam valere legimus: in istis causis quas retuli, & si quas sunt similes, locum habet. Ne ad eas quidem hac constitutio pertinet. Quod ut planius intelligatur, sciendum est, hac constitutione tum improbari pacitionem de viventis hereditate, cum hi paciscuntur, quibus tunc pacione illa hereditas non deberetur ab eo, cum quo conventio de hereditate communicanda interponitur. Tunc enim & de his licet querere, quod querit Iustinianus: cur hi de hereditate, quae scilicet ad eos redire non debet, paciscentes conveniunt? Adde, quod isto modo de alieno iure isti paciscuntur, non de suo. At si quis paciscatur eam hereditatem sibi restitui, quae & sine pacione ipsi deberetur, recte paciscitur: et quae pactio servanda est: paciscitur enim de iure suo, non alieno: & cum eius intersit hereditatem ipsi reddi, quae ei debeat, stultum est de eo querere cur de ea paciscatur. Denique nemo dicit hereditatem eam promitti contra bonos mores, quae iam per se iure debeat. Iam vero in duabus causis, quae supra a me propositae sunt, is, qui paciscitur de hereditate sibi restituenda, paciscitur de ea, quae & remota cautione illi praestanda fuerit. Hereditibus enim impuberis arrogati hereditas impuberis debetur, etiam citra stipulationem, *L. his verbis* in fin. *D. de adopt.* Et emptori, cui servus venditus non traditur, omnia actione ex empto praestanda sunt, quae emptor habiturus esset, si servus esset illi traditus: consequeretur autem eius servi hereditatem, si eum acceperim, & suum factum manumisisset. Quid mirum igitur, si quod citra pacitionem illi deberetur, etiam interposita pacione illi iure debeatur? Ceterum in ea pacione, quae est de re, quae nulla ex causa nobis debeat restitui, omnis erit inutilis pactio. Haecque ipsa est, quam haec constitutio improbat.

6 Hic si occurritur ex *L. 2. §. illud potest, D. de hered. vel actio. vend.* Quia enim illic scribitur, substitutum impube-

Tom. VII.

ris recte vendere hereditatem impuberis, & maxime, si ea iam delata sit: ex quo intelligitur valere eam venditionem, seu iam impuberis hereditas delata sit, seu non sit: inde colligi putant, etiam viventis impuberis hereditatem recte vendi. Quod vitiose colligitur. Potest enim impuberis hereditas vendi, etiam quae non sit delata: ut puta, si vendatur pendente conditione, sub qua heres substitutus est impuberi: sed ita, dum sit hereditas: quod ita fit, si impubes sit mortuus: nam viventis nulla est hereditas, *L. 1. D. de hered. vel actio. vend.* Quare manebit haec sententia constitutionis: siquidem paciscamur inter nos de hereditate certi hominis viventis, quae hereditas eiusmodi non sit, ut iure certo ad nos redire debeat; atque ita paciscamur, ut cum illa obtigerit, eam alteri restituat, aut communicet cum eo: huiusmodi omnem pacitionem sine exceptione hac constitutione improbari.

Notandum si quod de viventis hereditate hic constitutum est, idem placere, etiam de mortui hereditate transigatur, agaturve, qui utrum vivat, an mortuus sit, ignoretur, *L. nec nos praeteris, inf. de post. revers.* Adde hic Iustinianus rationem.

Quia si sit genus hoc tantum contra bonos mores: illic, *Secundum igitur.* Quae ratio videtur animadvertenda esse non minus. Age enim, quae hic sit pactio, consideremus: nempe haec est; quae hereditas tibi ab illo obvenit, eam mecum communicabis. At quid hac pacione tibi, aut mihi acquiritur? Nam is, de cuius bonis agitur, te heredem instituit, si volet: invitus non cogitur; ita fit, ut neque tibi hac pacto quidquam amplius afferat, quam ante, neque etiam mihi. Quod si ita est, nullares est, quae suadeat eius vires insidiari, ex cuius morte nihil commodi ostenditur: proinde etiam nun est pactio superior contra bonos mores, *d. L. de fideicommissis, infr. tit. seq.* Et dicendum est, si ego nullam antea spem conceperim, fore, ut ea hereditas redeat ad eum, cum quo pactus sum: ex ea pacione nihil mihi esse posse commodi: eoque eam pacitionem non invitare quemquam ad delinquendum. Sed si quam spem iam ante conceperim de eo, quasi hereditas ad eum, cum quo paciscor, redeat: non dubium est, quin si certum sit, me aliquam partem ex ea esse laturum, ego si me amem, ut homines solent, optatius sim ut is, de cuius bonis agitur, quam primum moriatur, quo celerius eius bonis potiar: quod iocivamentum est ad istus

Q

vita

vite insidiandum. Hanc vero spem concepiſſe me, cum ita paciſcor, credibile eſt. Cur enim ita paciſcor, inquit Iuſtinianus? quaſi diceret: non temere eſt, neque hoc ſit a quoquam, niſi qui ea pactione iam nunc vellet ſibi conſultum.

- 9 Ad ¶ extremum obſervetur, quid Iuſtinianus hic excipiat, nempe ſuperiorem pactionem ita vult non valere, niſi ſi, de cuius bonis agitur, conſentiat, & in ea voluntate ad extremum uſque vite ſpatium perſeveret. Quæ exceptio prima fronte videri poteſt valde reprehendenda, duabus de cauſis. Una, quod ſi, cum paciſcor, ut ſi hereditas Lucii Titii ad te pervenerit, eam mecum communices, ea pactione ignorante eo, de cuius bonis agitur, non valet, quaſi ſit contra bonos mores, & ei, cuius de re agitur, pernicioſa: multo minus valere debet accedente eius conſenſu, ob eandem illam cauſam videlicet, quia hoc conſenſu ſpes paciſcentium confirmetur, & periculum conſentienti augetur. Nam quo plus ſperabunt paciſcentes, eo magis audebunt adverſus eum, ex cuius morte ſperant aliquid. Altera eſt, quod qui ipſe paciſci de re aliqua non poteſt, iſ aliis de ea re paciſcentibus conſentire non poteſt. *L. ſi fundus, §. 1. D. de pig. L. ſi minor, D. de verb. obl.* De quibus hæc habeo, quæ respondeam. Primum falſum eſt confirmari hoc conſenſu ſpem paciſcentium: cum hic conſenſus non magis obliget conſentientem, ut paciſcentes heredes inſtituat, quam ante fuit obligatus. Periculum autem, quod dicebamus conſentienti augeri, non modo illi non augetur, ſed etiam maxime minuitur: quæ cauſa fuit exceptionis. Etenim ſi iſ, de cuius bonis agitur, ſibi quid metuat a paciſcentibus, licet ei evitare teſtando ſe illis iam amplius non conſentire: quod facere iſ non poteſt, qui ignorat pactionem de ſuis bonis eſſe interpoſitam. Quod autem dicitur eum, qui ipſe paciſci non poteſt, non poſſe aliis de ea re paciſcentibus conſentire: ad hanc ſpeciem non pertinet, in qua iſ, de cuius bonis agitur, aſſentitur ei, qui promittit illius hereditatem ſub conditione, ſi ea ad promittentem venerit: ſub qua conditione quivis hereditatem ſuam alteri impune promittat. At enim hereditatem ſuam quivis alteri promittat fruſtra, ſi promittat abſolute. Et alii eam abſolute promittentis fruſtra, conſenſerit. Ita eſt: ſed neutrum horum in propoſito factum eſt.

- 10 Haſtenus ¶ conſtitutio, in qua cum ea tantum pactione improbetur, quæ eſt de

viventis ſucceſſione obtinenda, & quidem ideo, quia ſit contra bonos mores: non temere alicui pactione contraria confirmari videatur, qua ſucceſſioni futura renuntiat heres futurus, vel hoc nomine, quod ſi illa ſit contra bonos mores, quia propter ſpem commodi invitet ad delinquendum: hæc poſterior contraria de cauſa non ſit contra bonos mores; quia hanc ipſam ſpem lucri adimat. Quod ne quis exillimet, deceptus diſſimilitudine rerum & huius conſtitutionis ratione: monendi ſumus & hanc ipſam pactionem poſteriorem legibus improbatam eſſe, *L. pactionum, inf. de col. L. ult. D. de ſuis & legit.* Quæ iam res nobis præbebit quaerendi occaſionem cur & hæc quæ ſit non dico in tam diſſimili cauſa, ſed etiam plane contraria, nihilo magis, quam prior admittatur. Quod ſi ab hoc loco alienum forte eſſet quaerere: tamen cum de vi pactionis in hac ſpecie agatur (quæ propria eſt huius tituli quaſilio) non ſuit hoc titulo præmittendum. Nullus autem opportunior de eo tractandi locus, quam ut, in quo de una ſpecie pactionis, quæ eſt de viventis hereditate, tractatur, in eo & de altera ſpecie per occaſionem diſcatur. Ut igitur ad rem redeam, cum dos tibi ita datur, ne quid aliud ex hereditate patris ſperet, neve quem habeat ad bona paterna regreſſum, *d. L. pactionum, inf. de collat.* & generaliter cum paciſcitur quis, ne quid unquam vindictæ de hereditate eius, qui nunc vivit, non eſt quidem ea pactione contra bonos mores: ſed eſt contra leges; & ob id pariter inutilis, ut ſuperior. Parumque retulerit utrum filius ſit, qui paciſcatur, an extraneus: de hereditate legitima agatur, an de teſtamentaria. Aut enim hic agitur, ne ſim tibi heres, quamvis ſim tibi proximus cognatus ab inteſtato, vel a te ſim teſtamento inſtitutus: aut cum ſim heres, hoc agitur, ne poſſim partem meam a reliquis hereditibus vindicare: aut ut me illam poſſidente, eam illi mihi poſſint auferre. Primum quidem certe nulla pactione effici poteſt. Efficatur enim hoc prius, ne ſim tibi cognatus proximus ab inteſtato, aut ne ſim abs te iure inſtitutus: tum deinde hoc ſequetur, ne poſſim tibi eſſe heres. Quod ſi abs te ero inſtitutus, aut tibi inteſtato ero cognatus proximus: ut primum oſtendero me heredem eſſe velle, ius me heredem facit. *§. item extraneus, Inſt. de hered. qual. & diſ.* quod cum faciat; quo minus ſim iure heres, nulla pactione efficitur: non tam ideo, quia iuri repugnet, quam quod natura non patia-

tur

tur ut quod factum est, infectum fiat. Sed fiet fortassis pactio, ne sim tibi cognatus, aut ne sim a te iussurus; cum sim revera. Utrumque multo minus: quia priorē pactioe ius naturæ mutetur; *L. iur. autem, D. eod.* posteriori etiam natura adversetur ob eam causam, quam paulo ante dixi. Sed fingamus testamentum a te esse factum, quo sum exheredatus, aut prateritus ita, ut si pactio nulla esset, possem de testamento tuo tanquam inofficioso queri. Num si pactus sim, ne de inofficioso agam aut ne iudicia tua inquietem, valebit pactio, nihilque obstabit? nullo modo; non magis quam superiores. Hoc quidem de filio diserte cansum est constitutione Iustiniani, *L. si quando, §. 1. C. de inoff. test.* Sed ut non sit hæc constitutio, aut cum sit, ut forte intra hoc exemplum consistere existimetur; ius ita constitutum est, ne filii, & si omnes quibus lex relinqui iubet, aut quos iubet exheredari, removeantur ab hereditate, nisi meritis de causis, *L. ult. D. de bonis damnator. Novell. 115. ut cum de ap. cog. §. ad aliud capitulum:* contra quod ius fieri palam est, si ego paciscar, ut etiam sine iusta causa ab hereditate removear; ac proinde frustra paciscor. Sane si filius tantum acceperit a patre, quantum ei sufficit ad quartam naturā debitam, ea lege, ne iudicia patris inquietaret: excluditur a querela inofficiosi, *L. si non mortis, D. de inoff. test.* Item & eum filium emancipatum, qui a patre tantundem accepit, quantum supra dixi, & eadem lege placet si iudicia patris inquireret, exceptione doli repelli, *L. 1. §. si pater, D. si a paren. quis man. fuer.* Sed neutroque excluditur filius propter pactioem: sed quia quartam portionem debitam accepit. Ius autem ita est, ut quarta querelam excludat, etiam citra ullam pactioem, *L. Papinianus, §. si quis mortis, D. de inoff. test.* Ita sit, ut ad hoc, ne sim tibi heres, omnis pactio, ut est contra ius, ita sit & inutilis. Restat, ut hoc putemus effici posse pactioe, ut cum constabit me heredem esse: tamen aut non liceat mihi hereditatem

vindicare a reliquis heredibus tuis, aut adversus eos retinere possessionem. Quorum utrumque æque iure inutile. Nam priorē pactio hoc agit, ut heredibus tuis exceptionem acquiras, ultra quam sunt heredes; posteriore, ut in quo non sunt heredes, acquiras actionem: quorum neutrum licet, *L. continuatur, §. ult. D. de verb. obl. L. avus, D. eod.* Scilicet, quia regulæ iuris vetant nos extraneis quidquam acquirere, *L. 1. inf. per quas pers. nobis acq.* Plane ergo, & in omnem eventum ea pactio, qua hereditati viventis renuntiatio nullius momenti est; quia ubique sit contra vim & auctoritatem legum.

Quod tamen si verum est, frustra ad eam confirmandam iusiurandum accedet: ut de omnibus constitutum est, quæ iure non sunt, *L. non dubium, sup. de legib. L. iuris gentium, §. si paciscar, D. eo. L. si inquilinus, §. ult. D. de leg. 1.* Iusiurandum enim res sacra est illa quidem: sed quæ ad impugnandas bonas leges abuti non debemus. Quid? quod iusiurandum pactiois superioris confirmandæ causa adhibetur? Pactio autem nulla: certe in re perinde habetur, quasi nulla esset, *d. L. non dubium, sup. de legib.* Nullum igitur iusiurandum. Quæ enim potest esse res, quæ confirmet, ubi nulla est, quæ confirmetur? Et quanvis concederemus, eum, qui iuravit, non recte facere, si contra iusiurandum veniat: tamen ea res nihil patrocinaretur adversariis. Non enim potuerunt iurantem partem vindicare, nisi habuerint actionem: nec adversus vindicantem retinere, nisi habuerint exceptionem iure comparatam: quorum neutrum illis potuisse a defuncto acquiri supra ostendimus. Hoc eo discepto, quia omnes concedunt non esse obligatorium contra bonos mores iusiurandum, *c. non est obligatorium, de reg. iur. in 6.* Sed non idem admittunt, si qua pactio sit tantum contra auctoritatem legis, modo de re privata; qualis est ea, qua renunciatur hereditati viventis, adversus quam (*) sententiam putavi hic obiter nos esse confirmandos.

(*) Sententia quam hic oppugnat Donellus, firmissimo nititur fundamento, videlicet, iure pontificio. *Cap. quemvis 1. de pact. in 6.* præterea validis rationum momentis sustinetur; & communis Theologorum, & iuris

pontificii & civilis interpretum consensu probatur. Vide quæ contra Donellum disputat, *Civil. Commentar. Lib. 31. Cap. 13. N. 14. v. Cl. Hüligerus, & Auctoritas ab eo laudata.*

Compendium in titulos D. & C. de Pactis.

S U M M A R I A.

1. *Pactum quid.*
2. *Pactum & consensum intervenisse quibus rebus arguatur.*
3. *Pactum cum una persona, aut in una re, aut ad certum tempus factum, ad alias personas, alias res, aut aliud tempus non pertinere.*
4. *Pactionem generalem ad eas species, de quibus actum non est, non pertinere.*
5. *Pacta quaedam in rem esse, quaedam in personam, divisio quem ad usum referri debeat.*
6. *Pacti vis cum ad exceptionem tam ad actionem.*
7. *Pactum dolo malo factum quodnam.*

8. *Pactum quod contra leges, & ex legibus.*
9. *Pactum quo iuri alieno detrahatur, per omnia contra ius esse, & huius pacti species.*
10. *Pactum maioris partis creditorum hereditariam, quando aliis, & quibus noceat.*
11. *Pacisci alteri ut illi aliquid acquiratur, iure non licere.*
12. *Quorum pactio, quibus & quando, prosit ad exceptionem.*
13. *Quibus de rebus quavis privatis pactio contra ius, eoque inutilis.*
14. *Pactum quod contra bonos mores.*

SED iam questionem hanc totam de pactis in pauca conferamus: unde cum de quavis pactione controversia inciderit, quid questio & observato sit opus facile & sine ulla errore sumere liceat. Cum de pacto inter aliquos agitur, prima hic ut in aliis rebus questio est, an sit pactum. Nam si non est, frustra, quid valeat, & an servandum sit, queritur. Hæc questio definitione verbi perspecta explicabitur. Quibus enim in causis definitio rei inest, nisdem & rem, id est, pactum inesse necesse est.

1. Pactum est, duorum, pluriumve in idem placitum atque consensus. *L. 1. D. de pact. L. 3. D. de pollic.* Quapropter inter quos hic consensus est de re, inter eos & pactum esse intelligitur.

2. Iam si vero consentire nos non tantum verbis & oratione nostra, aut nutu, & aliis iudiciis voluntatis ostendere possumus; sed etiam re aliqua, & facto. Quod toties accidit, quoties id, quod facimus tale est, ut nisi prius illud placeret, quod voluisse dicimur, hoc quod proponitur factum, non faceremus: cuius generis complura exempla collegimus ad *d. L. 2. sup. de pact.* Id si ita est, conficitur non minus ibi pactum esse intelligi, cum quid nobis placeret, tacite eiusmodi re aliqua significavimus, quam cum idem verbis, & aperte declaravimus. Quomodo enim consentias, ut consensus sit, ad rem nihil interest. Merito igitur ubicunque verbis nuncupatæ conventiones nos tenent, ibi &

quæ tacite erunt, nos tenebunt. *L. 2. 3. 4. D. eod.* Sed ut si consensus est, pactum est; ita in omni pactione quatenus sit consensus, diligenter animadvertendum est. Necesse est enim, quo consensus non pervenit, illic ex eadem definitione pactum non esse.

Hæc est cautio & ad personas eorum, 3 quibuscum pacificemur, ne petamus, & ad res de quibus pacificemur, & ad tempus, quo quid paciscimur, generaliter pertinet. Sic enim fit, ut neque pactum cum una persona, aut in re una factum, aut in alia persona, aut alia re nocere possit, *L. si unus, §. ante omnia, D. eod.* neque cui certa quantitas, quoad viveret is, qui præstaturus erat, pacta est, hic produci ad perpetuam præstationem id pactum queat postulare, *L. epistola, §. ult. D. eod.* scilicet, quis extra personam, rem, & tempus pacto comprehensum nec consensus, eoque nec pactum intelligitur.

Quin si etiam ob eandem causam, quan- 4 vis verbis generalis erit conventio, nec cum aliquo agatur: tamen in his rebus pactio non nocebit, de quibus actum, aut cogitatum, id est, consensum non fuerit, *L. tres fratres. L. emptor, §. Lucius, D. eod.* Adeo in hac re solum consensum spectamus.

Huc si illa divisio pactorum referri de- 5 bet, quod quædam in rem esse dicuntur, quædam in personam. *L. iuris, §. pactorum, D. eod.* Eo enim instituitur hæc divisio, ut norimus, quæ pacta de re ipsa

tota

tota fiant, quisquis eam debebit; quæ contra ad personam tantum eius, cum quo agitur, referantur: scilicet, quia quæ huius generis sunt, personam non debeant excedere vel propter consensum.

- 6 Cum ¶ contabatur aliquid pactum esse: tum deinde de vi querendum est. Id ex edicto prætoris statuatur. Pacta conventiona prætor servaturum se pollicetur. Et si quidem eo pertinet pactum, nequid ab aliquo petatur, convenit, pactum omne ad exceptionem prodesse, quodcumque sit interpositum, id est, sive in continenti & in re agenda, sive postea & ex intervallo, *L. iurifgentium, §. sed cum nulla, §. quivimmo, D. cod. L. in bonæ, sup. eod.* Quod si quid cui pacto promissum erat, iam hic non continuo ex pacto licet agere. Quinimmo ita generaliter definitur, ex pacto actionem non nasci. Quod quomodo efficiatur, cum præter edicti verborum sententiam definitur videatur; initio huius tituli a me demonstratum est. Id tamen sic accipitur, si nihil nisi conventio sit ad dandum, aut faciendum, & ut dicitur, si pactum nudum sit. Cæterum si causa subsit præter conventionem, constat illic tanquam ex negotio civili gesto nasci civilem præscriptis verbis actionem; quod quale sit, abunde a nobis supra dictum est ad *L. legem, sup. eod.* vide *L. iurifgentium, §. 1. & §. sed cum nulla, D. eod.* Est tamen ubi pactum ipsum actionem formet. Id etiam cuiusmodi sit, exposui ad *d. L. bonæ, sup. eod.* Sed in omnibus quæcumque vel ad actionem, vel ad exceptionem servat prætor, exceptio edicto est adiuncta; si neque dolo malo, neque contra leges, neque contra bonos mores facta sint.

- 7 Dolo ¶ malo pactum quid esse definimus, cum quis quid ideo pactus est, quod causam, cur pacisceretur putaret esse: ut autem potaret, machinatione, & impulsu adversarii, aut malitiosa dissimulatione factum est, cum ille paciscentem errare sciret, & pateretur. Exempli habes in *L. tres fratres, D. eod. L. cum posteaquam, sup. eod.* ubi diximus.

- 8 Contra ¶ legem est id pactum, in quo fieri paciscimur, quod lex vetat: vide *L. pacta, quæ, sup. eod.* Prope autem ex legibus esse omnia recte dixerimus, quibus quisque de re privata & ad ius suum pertinente paciscitur: sive quam det, sive quam pacto remittat. In unumquemque enim iuris sui persecutionem, aut spem futuræ perceptionis licet ut meliorem, ita & deteriorem constituere, *L. pactum, D. eod. L. si quis in conscribendo, sup. eod.* Con-

tra autem, his exceptis, quæ turpitudinem adiunctam habent, & contra bonos mores sunt, illa fere sola sunt, quæ leges improbeant, quibus homines de re, quæ sui iuris non sit, aut quæ sit aliena, paciscuntur. Et hæc quidem improbantur legibus omnia, non tantum si pacto quid detrahatur alteri; sed etiam si id agatur paciscendo, ut quid alteri acquiras, cuius iuri non sis subiectus.

illa ¶ quidem, quibus alteri quid de re trahatur, semper; quia omnino iure naturæ non liceat alterius conditionem facere deteriorem; *L. solvendo, D. de neg. gest.* hinc illa de iure publico: non esse servanda ea pacta quæ ad publicam læsionem pertinent, *L. iurifgentium, §. si paciscar, D. de pact.* & ius publicum pactis privatorum mutari non posse, *L. ius publicum, D. eod.* & illa de iure privatorum: neque filium, neque servum paciscendo quidquam detrahare patris dominive obligationi. *L. servus L. filius sup. eod.* ne curatorem quidem adolescentuli, aut tutorem pupillo nocere, si quod certo deberi potuerit, pacto remittant. *L. pactum curatoris, sup. eod.* item, debitorum pactionibus creditorum petitionem nec tolli nec mutari posse, *L. debitorum, L. pacta successorum, L. 2. sup. eod.* Sed hæc ideo, quia huius generis pacta ad ius suum alteri detrahendum comparata sunt, quod & naturæ iure, & præceptis iuris civilis facere prohibemur. *L. iniustitia de iust. & iur.*

Est ¶ plane, quod in una specie in persona creditorum hereditariorum non sine magna causa hic excipiamur: quod a me prætermisimus ad *L. debitorum, sup.* a me præcipue ad eum locum pertineat. Hinc assumi poterit, si quis vult, quod eo transferatur. Nam cum heres, qui vocatur ad hereditatem debitoris, æs alienum metuens ita se instituit, ut nolit hereditatem adire aliter, quam si a creditoribus sibi caverit eos certa parte debiti contentos fore; placuit, si maior pars creditorum omnium nomine de eo paciscatur, dum cæteri aut absint, aut præseutes dissentiant: placuit, inquam, idque ita constitutum est, hanc pactionem non tantum nocere paciscentibus, sed etiam his, qui pacti non sunt, qui modo hypothecæ non habeant. *L. 7. §. ult. in fin. L. rescriptum D. de pact.* Quod quidem summa, & evidenti æquitatis ratione constitutum est, & ita, ut verbis quidem contra ius; quod superius posuimus, fieri videri possit: revera ex sententia & ratione eius iuris maxime constitui intelligatur. Nam cum

com paciscentium interest hanc pacitionem servari: heredis quidem, cui de hereditate hoc modo consulitur; creditorum autem paciscentium, qui eo modo aliquid consequuntur: tum vero non minus id ad utilitatem caterorum creditorum pertinet, etiam qui pacti non sunt: ne forte querantur sibi in eo iniurias fieri, & iniuriis quod suum est, contra ius adimi. Hac enim pacitione assequuntur & ipsi, ut partem aliquam debiti salvam habeant, qui absque ea pacitione fortasse futurum erat, ut totum amitterent, aut certe de eo in dubium venirent; quia hereditate non adita, neminem haberent, quem possent convenire. Est autem longe æquissimum omnibus, præsertim qui sibi vigilarint, consulti, quo ad eius sine cuiusquam alterius damno & iniuria facere liceat: quanto æquius id ita servari, si etiam hoc commodum cum aliorum commodo coniunctum erit? Sed in eo, ut dixi, hæ sunt cautiones. Primum omnes creditores in unum convenire oportet, si fieri potest, & communi consensu declarare, quota parte debiti contenti sint: qui si præsentibus dissentient, prætor sequetur maioris partis voluntatem, *d. L. 7. in fin.* Quod si quidam aberant; prius quidem evocandi sunt per prætorem, ut sciant, vum veniant, & quid ad consentiendum, aut dissentiendum afferant. Sed si quæsit aut vov reperiantur, aut non veniant, multo magis exemplum præsentium absentes sequi debent. *d. L. rescriptum*, in prin. Præsentium, inquam; sed ubique hac lege, si maior pars creditorum de eo constituerit. Unde quæsitum, & quos creditores hic accipi conveniat, & maiorem partem unde æstimemus, utrum ex cumulo debiti, an ex numero personarum, de quo in *L. creditores. L. creditorum. L. ut si cui, D. de verb. sig. L. maiorem & L. si plures, D. de pact.* Sane aliorum conventio his creditoribus non nocet, qui hypothecas iure constitutas habent, *d. L. rescriptum*, quod & ipsum recte exceptum est. Est enim iuquissimum propter aliorum pacitionem, & hereditatem ab herede aditam iis quidquam de iure suo detrahi, qui & nulla pacitione interposita, & omnino hereditate non adita, nihil de suo iure amisit fuerint. Sive quis enim heres existat, sive non existat, semper creditores hypothecarii hypothecas suas habent, quas vel possidentes iure suo distrahant, vel amittas a quovis possessore persequantur, & auferant hypothecaria actione. Prout igitur his aliorum pacio-

ne adimitur quid, aut adicitur, ita placeat eam illis aut non nocere, aut nocere; hic quia contra ius non est nocere: illic contra. At non minus & illud contra ius est, pacisci & contrahere alteri, ut illi actio, aut exceptio acquiratur. Itaque hic quoque pactio de re privata iustius est momenti.

Non t̄ posse nos cuiquam ita pacisci, ut illi queratur actio, diserte scriptum est in *L. quæcunque gerimus. D. de ob. & act.* An etiam paciscendo alteri exceptionem acquirere non possimus, plusculum habet difficultatis: cum si illa cuiquam per nos acquiratur, non acquiratur, nisi debitori: ad quem liberandum præiores esse debemus, ut est, in *L. Arrianus, D. de obl. & act.*

Sed t̄ regula iuris generaliter scripta est, quæ per liberam personam, quæ iuri nostro subiecta non est, quidquam nobis acquiri vetat, *L. 1. in fr. per quas pers. nob. acq.* quibus verbis etiam prohibet acquiri exceptionem. De quo quia non pauca verba sunt sub hoc titulo in Digestis, ideo quam summam illa habeamus paucis indicabo. Et siquidem prius quis sibi pactus sit, nihil vetat interdum id pactum etiam prodesse alteri. Quo loco ita præcipitur, *omnem pacitionem, quæ de re paciscentis interposita est, etiam illis prodesse, quorum obligationem dissolutam esse, eius qui paciscébatur, ingressi, ut fideiussoribus.* Nam hi si conveniuntur, prope est, ut ipse, qui pactus est, videatur conveniri, a quo illi postea quod solverint, mandati iudicio exigent: ut hoc modo non tam videatur fideiussoribus exceptio, quam paciscenti prodesse, *L. & heredi, §. ult. L. fideiussoris, in fin. L. quod dictum D. de pact.* Quod si quis recta paciscatur alteri, id est, non ut ne a se, sed ut a debitore petatur: siquidem ei paciscatur, cuius in potestate sit, ut domino aut patri, his ut cætera, sic & pacti exceptio per illum acquiratur, si minus, non acquiratur. *L. si tibi, §. si pater sim, & §. ult. cum LL. seqq. D. eod.* Sane ut procuratoris conventio vobis nocet, si aut mandaverimus ei, ut pacisceretur, aut omniū bonorum sit procurator: ita eius conventionem placet nobis prodesse. *L. rescriptum, §. L. ult. & tribus seq. D. eod.* Hæcenus tamen, ut huius conventio ad doll profit, non ad pacti exceptionem. *d. §. ult.* Quod ita veteres consenserunt, dum cavent, ne quid nobis per eum videatur acquiri contra regulam iuris. Exceptio enim doll non iam ex facto procuratoris nobis nascitur, quam

quam ex dolo creditoris nostri: quem certum est dolo facere, si id petat, quod procuratori nostro, id est, pene alteri domino, & quidem nostro nomine remiserit. Quod si procuratoris pactio nobis nocet, æquum est, & eam, cum nobis paciscitur, nobis prodesse. In eadem cæssa habetur pactum magistri societatum, item tutorum & curatorum, *L. item, & seq. D. eod.* His exceptis, pactum in alterius personam collatum, ne ab ea petatur, ne ad doli quidem exceptionem proderit: quod adeo verum est, ut ne heredi quidem postea factio prosit. *d. L. si tibi, §. si pactus sim.* Quippe ab initio inutile pactum fuit, ideo ex post facto confirmari non potest, iuxta regulam iuris *d. §. si pactus, L. quod initio, de reg. iur.* Quod tamen de herede sic accipiendum est, nisi ab initio nominatim heredi, aut tanquam heredi quis pactus fuerit: heredi enim consuli conceitum est. Ac videtur quis alicui tanquam heredi pactus esse, cum ille, cui paciscitur, non potuit id, de quo cautum est, debere aliter, quam si paciscentis heres esset: exemplum habes in *L. avus, D. de pact.* Plane si reus ipse pactus sit, ne a fideiussore petatur, etiam fideiussori exceptio dabitur. Illi enim dando, ipsi reo potius videtur consuli: cum fideiussore liberato hærens & reus mandati obligatione a fideiussore liberetur, *L. finius, §. si cum reo, D. eod.* Sunt ergo, ut dixi, omnia pacta contra leges, quæ sunt de re aliena: ac proinde nullius momenti, siue his id agatur, ut suum alteri adimas; siue illud, ut quid illi acquiras, ubi eius iuri subiectus non sis: contraque secundum leges fere omnia, quæ sunt de re privata nostra, & familiari. Sed & in hoc genere quædam excipiuntur.

13 Sunt & enim privata quædam iura, quæ natura & factio aliquo semel constituta perpetua sunt, nec ullo modo finiuntur. Hæc contra ius sit pacto finiri, quæ ius veli esse perpetua. Tale est ius sanguinis. Inde dictum, ius agnationis non posse pacto repudiari non magis, quam ut dicat filius, qui ius sit, se ius suum esse *L. ius autem, D. de pact.* Sunt, quæ constituta finiuntur tantum certis modis, intra quos si pactum non sit, frustra id agitur, ut pacto finiatur: quia contra ius. Huius generis est ingenuitas, libertas, servitus & similia. Unde recte placet non posse pacto effici, ut ne sit liber, vel ingenuus,

quod liber, aut ingenuus est, aut ut servus ne sit servus, *L. ingenui, C. de ing. man.* Ex eodem genere est dominium, & (quod idem est) ius de re statuendi, ut velis. Hoc ius pacto nec finitur, nec adimitur cuicumque *arg. L. obligationum fere, §. 1. D. de obl. & act. L. nemo, D. de L. 1.* Proinde nec eius iuris ullæ partes. Non mirum igitur, si illud a Pomponio dictum sit, neminem paciscendo ethere posse, ne sibi locum suum dedicare liceat: aut ne sibi in suo fepelire mortuum liceat, aut ne vicino inviro prædium alienet, *L. penult. D. eod.* Nam hæc eius iuris partes sunt, quod diximus. Quid ergo, si in traditione rei nostræ hæc lex dicta sit a nobis, ne ab eo, qui accipit, alienetur; Nam hæc conventionem tum interposita non tam ius alienandi adimi domino videtur, quam ab initio non dari: Ex placet ne hanc quidem conventionem facere, quominus novo domino rem suam alienare liceat, *L. ea lege, C. de cond. ob caus. dat.* Non iniuria. Cum enim in re danda placeat, ut qui accipit, efficiatur dominus rei, si hoc adiciatur, ne et liceat rem suam alienare, perinde est, quasi hoc convenerit, ut qui dominus est, non sit dominus: quæ pactio ut contra ius & naturam ipsam, non minus improbanda est. Sunt etiam quædam res, quas quanvis privatas, lex veter alienari: qualis est fundus dotalis. Ideo he hoc pacisci, ut rata sit alienatio, non licet, *tit. Insit. Quib. al. lic. vel non. L. non dubium. C. de legib. lam vero & inter privata ea, quæ pacto remitti possunt, ea conditione habentur ex constitutionibus alimenta testamento relicta: ut si quis de his velit transigere, non aliter transactio rata sit, quam si facta sit auctore prætoris iuxta formam præscriptam in *L. cum hi, D. de transaction.* de quo & cautum est in *L. de alimentis, inf. prox. titul.* Postremo & personis ipsis interdum lex interdicit rerum suarum administrationem, ut pupillis & prodigis. Hi si quid pacto remittant, contra ius faciunt, eoque cuiusmodi pacta rata non habentur, cæterum eos paciscendo sibi acquirere nihil vetat, *L. contra, D. de pact. L. obligari, D. de avul. tot. L. si cui bonis, D. de verb. oblig.* Atque hæc fere summa est eorum pactorum, quæ habentur contra leges, & regulas iuris.*

Contra & bonos mores quæ sint pacta, 14 diximus satis ad *L. pacta, quæ contra, sup. eod.* Ita vis pactorum intellecta est.

A D T I T U L U M D E T R A N S A C T I O N I B U S .

Occasio huius tituli & summa, ac primum quid sit
transigere, quid transactio.

S U M M A R I A .

1. *Coniunctio bonum titulum de pactis, & de transactionibus, & cur separatim agatur de transactionibus post communem translationem de pactis.*
2. *Transigendi significatio communis, & unde verbum ductum.*
3. *Transigere specialiter dictum in hoc argumento, cur proprie ad hanc significationem translatum: & quid sit, quid item transactio.*
4. *Transactionis proprium, litem finire.*
5. *Transactionem nullam esse sine lite aut presente, aut formidata.*
6. *Transactionem nullam, nisi de re dubia & lite incerta; & que rem dubiam faciant.*
7. *Transactionem consensu constare: quo distinguitur a re iudicata & iure iurando.*
8. *Transactionem nullam, nisi cum is, qui litem remittit, vicissim quid accipit, aut retinet.*
9. *Decidere pro transigere, quid: & cur ita dictum.*
10. *Decisio litis interdum dicta litis abscessio. Et amputatio.*
11. *Pactio atque conventio genus: transactio species pactionis.*
12. *L. 1. D. de transact. explicata.*

Postquam ꝑ prætor pollicitus est se pacta conventa servaturum, consequens fuit, ut transactiones bona fide interpositas servaret. Nam & hæc constant, & valet consensu, *L. non minorem, inf. eod.* Sed in his proprium aliquid, quod partim dissideat a reliquis pactionibus, partim etiam videatur dissidere. Eo separatim de his ius constituitur, quod sub hoc titulo in Digestis, & Codice proponitur. Sed de eo paulo post, si prius quod ad omnem hanc questionem pertinet, quid sit transigere, quid transactio, dixerim.

1. Et ꝑ transigendi, ut est, origo & compositio verbi, prima hæc, & generalis significatio est, ut sit transigere idem, quod negotium conficere, expedire, finire; facere, ut nullum amplius sit negotium. Cic. pro Quinctio. *Quæro, qua ratione Nevius susceptum negotium non transigerit.* Loquitur de Nevio, qui bona Quinctii ex edicto cæperat possidere, quærit, cur negotium hoc susceptum non perfecisset, id est, cur bona non vendiderit. Idem pro Roscio Comodo. *Non fuit causa cur tantum laborem sumeres, aut cur ad*

me venires: per nuntium hoc, quod erat tam leve, transigere potuisti. Significatio hinc nata, quod in omni negotio gerendo est aliquis finis, & quasi meta nobis proposita, ad quam euntes dicimur rem eo agere; id est, ducere. Unde *agere vitam*, pro vivere: pro quo & *traducere vitam*. Cum autem ad eam metam pervenimus, dicimur negotium peregrisse; cum excessimus, tum dicimur transegisse: ut sit (quod verbi compositio indicat, verbum enim factum est a *trans* & *agendo*) negotium trans metam labori propositam egisse: id autem est, *conficere*. Et ideo cum intelligi volumus aliquos inter se negotium finivisse, sive gratis actor litem remiserit, sive pretio, recte dicimus eos negotium inter se transegisse, quomodo loquitur Ulpianus in *L. 1. §. 1. D. de pact.*

Sed ꝑ quoniam proprie is rem transigere intelligitur, qui labore & opera adhibita id facit, non is, qui sine labore: in lite autem sua sponte & gratis remittenda nullus est remittentis, aut accipientis labor: contra ut aliquid accipiamus ab adversario, & litem ei remittamus,

non

non fit sæpe sine magno labore & conventionione: eo factum est usu loquendi, ut verbum commune quod erat, proprium factum sit eius conventionis, qua litem ista finimus, ut pro eo vicissim aliquid accipiamus: quomodo transigendi & transactionis verbum accipitur, sive dicamus transigere de re aliqua, sive tantum transigere, ut hic. Nec mutatur significatio, nisi cum verbum adiunctum, & materia proposita significationem discernit. Ex hoc sensu definiemus hoc loco transigere, ut sit litem dubiam, quæ vel sit, vel in futurum metatur, consensu finite hac lege; ut is, cuius de ea re petitio esse potuit, eam omnem litem remittens vicissim quid eo nomine accipiat. Transactio inde dicta, aut ea est litem compositio & diremptio, quæ sit supra dicta lege; aut conventio, per quam supra dicta lege a lite disceditur. Ergo si de natura transactionis distincte & explicate dicendum est, quinque sunt res, quibus positus, erit transactio: una aliqua detracta non erit; quas breviter complectitur superior definitio.

4 Primum ¶ volumus esse finire, quod ipsa vis verbi per se satis ostendit, & proprium esse transactionis, docetur his scriptis, *L. causas. L. interpositas. L. transactione finita, inf. eod.*

5 Volumus ¶ autem esse finire litem, *L. 1. D. eod.* ut intelligamus de negotio quovis transigi non posse, si certum esse coeperit nullam esse posse de eo litem, Hinc illa: post rem iudicam frustra transigi, *L. si causa, inf. eod.* Item de his controversiis, quæ ex testamento nascuntur, transigi non posse, nisi inspectis & cognitis verbis testamenti, *L. de his D. eod.* de quibus dicam ad *L. si causa, inf. eod.* Hoc loco meminisse oportebit, non sic exigere nos litem, ut oporteat esse moram. Satis est, si esse poterit, & reus ob id dederit aliquid, quia lis metuebat, *L. 2. inf. eod.*

6 Iam ¶ vero & litem remitti volumus dubiam, *d. L. 1. D. eod.* idcirco, quia si res certa remittitur, donatio est, quæ multum distat a transactione, *d. L. 1. Litem dubiam hæc faciunt: præsentem quidem, adversarij contradictio, & incertus eventus litis. L. ult. inf. quib. ad lib. provoc. non lic.* futuram autem aut hæc ipsa contradictio, seuve contradictio: aut incertitudo conditionis, ex qua actio futura pendet. Ideo cum fideicommissarius, cui quid sub conditione relatum est, pendente conditione spem fideicommissi remittit aliquo præsentem accepto, non pacisci dicitur, sed transige-

re, *L. de fideicommissis, inf. eod. L. cum proptas inter, sup. prox. tit.*

Sed ¶ tria hæc adhuc communia: Nam & rebus iudicatis finiuntur lites, & iurjurando, *L. 1. D. de re iud. L. 1. D. de iur.* Proinde quartum exigimus, nempe ut finiat litem consensu. Hinc consensu terminata pro transactionis in *L. interpositas inf.* hinc placitum transactionis in *L. transactionis placitum, inf.* Hoc verbo separat transactionem a re iudicata, & iurjurando. Iudicium enim redditur in iuvium, *L. inter, §. 1. D. de verb. obl. & iurjurandum ab invito exigitur: siquidem is, cui delatum est iurjurandum, aut iurare cogitur, aut iurjurandum referre, L. delata, inf. de reb. cred. L. manifeste, D. de iur.* Consensu litem finitur dupliciter: pacto, aut acceptatione: unde totidem modis transigi dicitur in *L. 2. D. eod.* Quæ de re paulo post plura. Sed ne hæc quidem adhuc satis ad transactionem: potest enim consensu litem finire, ut non sit transactio: ut si quis sit dubiæ renuntiet, *L. postquam, sup. prox. titul.*

Adde ¶ igitur quintum, ut litem finiat certa lege, certave conditione, quod expressum est in *L. controversia, D. eod. L. si maiores, inf.* Conditionem & legem hanc esse volumus, ut qui litem remittit, eo nomine quid accipiat, sive iam nunc ei detur, sive promittatur, *L. transactio, 38. inf.* Ex quo intelligitur transactionem non esse, nisi tunc cum actor ita litem remittit, ut neque sit totum, quod petit, auferat, neque rursum totum amittat: sed de summa, quæ petitur, deceditur aliquid & quasi decerpitur, quod debeat actori, ut quod superest, apud reum, relinquatur.

Hinc ¶ factum est, ut Latinis, præsertim autem iuris nostri auctoribus verbum *decidere* usurpatum sit pro transigere: quod quidem verbum in hac significatione apud Ciceronem est frequentissimum. Is pro Quintio, *assem sese negat datum, inquit, nisi prius de rebus rationibusque societatis omnibus decidisset, & scisset sibi cum eo controversiæ nihil futurum.* Idem pro Roscio Comedo: *Dic Flavium cum Fannio de Panurgo decidisse, qui nihil transigisset.* Et pro Roscio Amerino. *Si hanc ei rem privatam Sext. Roscius mandavisset, ut cum Chrysgono transigeret atque decideret.* Hoc sensu eodem verbo non semel Paulus usus est, ut in *L. 3. D. ad L. Falc. l. eius, D. de rei vind.* Ex quo est litem decisio pro transactione: ut in *L. transactionis. 8.*

R

L. sub

Tom. VII.

L. sub prae-textu instrumenti. L. siquidem. inf. ut sit decisio, compositio, quae fit de lite: quae compositio nihil aliud est, quam transactio.

- 10 Potest tamen decisio litis in superscriptis locis proprie sic accipi: ut significet litis abscessionem, & velut amputationem. Nam & item decidere transactione dicunt Imperatores, ac non tantum decidere de lite, *L. cum proponas, 17. L. nec intentio, 24. infr.* quasi dicas, abscondere, & amputare litem transactione. Quaesitum est, quid transactio distet a pacto: cui quaestioni & definitio superior & quidam in speciem repugnantes loci causam dedere. Intelligitur enim satis ex superscriptis definitione, eum, qui transigit, pacisci & transactionem esse pactionem. Rursum haec itaque contraria distingui videntur, in *L. 1. D. eod.* Ita enim ille scriptum est. *Qui transigit, quasi de re dubia transigit: qui paciscitur donationis causa, rem certam & indubitam liberalitate remittit.* Huc accedit, quod toties haec duo coniunguntur eodem loco: pactio, & transactio: transigere, vel pacisci; *L. 1. transigere, infr.* In quibus coniunctis non possumus pactionem interpretari, nisi actionem, per quam res certa remittitur: ut transactionem, per quam remittitur res incerta.

- 11 De tamen hac re sic habendum est. Si transigere est, finire litem consensu: consequens est, transigere esse consentire de lite finienda. Proinde qui transigit, paciscitur haud dubie, & transactio ipsa pactio est; praesertim cum actor litem remittat: quod nihil aliud est, nisi pacisci se amplius non acturum: reus autem aut aliquid promittat, in quo promittendo ut consentit, ita paciscatur: aut quicquid dat ipse, hoc paciscatur, ne repetat. Confirmat hoc Ulpianus non obscure in *L. 1. §. conventionis, D. de pact.* cum conventionis verbum generale facit: huius duas species, unam, qua negotii contrahendi: alteram, qua transigendi nego-

tii causa aliqui inter se consentiunt. Ita transactionem facit speciem conventionis. Semper autem genus de specie dicitur. Idem Ulpianus in *L. qui cum tutoribus, §. qui per. D. eod.* discrete dicit eum, qui transigit, pacisci. Et Scaevola in *L. 3. D. eod.* scribit, *transactio nostra alterius ius non ladi, idque ex eo colligit, quod pactionibus privatorum ius eorum ladi non possit:* quod non recte colligeret, nisi prius hoc posuisset transactionem esse pactionem.

Non tamen adversatur huic sententiae distinctio illa Ulpiani, quae legitur in *L. 1. D. eod.* Etenim si ita scribit Ulpianus, *Qui vero paciscitur donationis causa, eum rem certam liberalitate remittere:* ut illa verba, *donationis causa* iungantur cum verbo *paciscitur*, non cum verbo *remittit*; res est expedita. Distinguit scilicet & negat non quemlibet paciscentem transigere: sed eum dumtaxat, qui paciscitur donationis causa. Hoc ita est: quicquid transigit, non paciscitur donationis causa: & qui paciscitur donationis causa, non transigit. Hoc vero modo locus interpungendus est, ut dixi: non ut vulgo ita, quasi diceret Ulpianus, qui paciscitur, eum remittere rem certam donationis causa liberalitate: alioqui alterum ex his erit superfluum. Quid est enim *donationis causa*, nisi liberalitate: quid *liberalitate*: nisi *donationis causa*? Ex hoc recte observavit, & docuit Franciscus Duarenus ad *L. 1. §. 1. D. de pact.* Quod autem haec duo coniunguntur interdum, *pactio, & transactio; pacisci, & transigere*, non nego, id cum fit, utrumque pro diversis, & adeo contrariis accipi. Sed hoc fit nullo more, quo verbum commune, quale est pactio, & pacisci pro specie poni solet: quod tam fieri intelligitur, cum nomen generis alicui speciei opponitur: ut declarat verbo *adoptionis*, *L. 1. D. de adop.* verbo *cognationis*, cum opponitur *cognatis*, *L. iurissconsultus, §. 1. D. de grad. & aff.*



Quæ sit vis transactionis, & quam hic prope omnia cum cæteris pactis similia, cum ad defensionem rei, tum ad actionem.

S U M M A R I A.

1. *Transactiones servandas iuxta conditiones editi de pactis.*

2. *Ex transactione reo quæ liberatio, & defensio.*

3. *Ex transactione alicui quando, & qua actio, ut præstetur id de quo convenit.*

Quod cum constet, transactionem pactionem esse, & valere ex consensu, deinceps quam vim habeat transactio, & quid de ea iuste dubitetur, quam ob causam necesse fuerit de ea separatim ab aliis conventionibus ius constitui, ut erat institutum, videamus. In quo a me eadem opera & transactionis natura, & horum titulorum summa breviter exponetur. Et quod de vi transactionis semel & in universum dicendum sit, similia ferre hic omnia, vel potius eadem, quæ in cæteris conventionibus.

Etenim † si hoc quaeritur, an valeat transactio; servari eam generaliter, & eadem conditione reperimus. Sic enim traditur transactiones rescindi non posse, *L. sive apud, 28. inf.* Si quid excipitur, hoc excipitur; dum ne dolo malo adversarii expressæ sint. *L. sub pretexto, 19. inf. eod.* non metu extortæ *L. interpositas, 13. eod.* itaque sic res concipitur alibi: transactiones bona fide interpositas rescindi non posse, *L. causas, eod.* At hæc omnium conventionum lex est communis, posita edito superiore. Si hoc quaeritur, cum valeat transactio, quomodo servetur legibus: iam hic profecto nihil plane interest inter transactionem, & conventiones cæteras. Nam aut reo transactionem servari volumus, agente iterum petitore de eadem re, aut servari petitori, repugnaute, & obtriente reo.


Reo † tueri non possumus aliter, quam ut aut eum ipso iure liberatum dicamus, itaque cum eo nihil agi posse: aut cum fatebimur teneri eum ipso iure, ei adversus intentionem pacti exceptionem demus. Si quidem ita transactum est, ut petitor, quod petebat acceptum ferret, vis hæc est acceptilationis, ut reus ipso iure liberetur: idque in omnibus causis valet, *L. 2. L. ut responsum, 15. inf. eod. §. item per, Instit. quib. mod. tol. ob. Sin. Tem. VII.*

pactum tantum conventum intervenit: non hic alia vis pacti, quam in cæteris causis; nempe non pacto actio iure civili tollitur: sed pro communi pactorum lege reo pacti exceptio dabitur, *L. cum proponas, 17. L. siquidem, 24. L. si maior, 36. inf. eod.* qua opposita tamen re ipsa reus idem allequetur, *L. nihil interest, D. de reg. iur.* Quo referri potest, quod Ulpianus scribit in *L. 2. D. eod.* transactum accipi debere, non solum si Aquiliana stipulatio fuerit subiecta, sed etiam pactum fuerit secutum. Tutius tamen ipso iure liberatur reus, ne qua iure civili supersit actio, quam manente eadem actione, per exceptionem defenditur; quæ nisi opponatur, agenti nihil nocet, ut diximus ad *L. creditori, sup. de pact.* Eo consultum est in hac specie, ut ts, quicum agitur, curet se per acceptilationem liberari: quo genere cum eæ tantum tollantur obligationes, quæ verbis sunt contractæ, idcirco si quæ alia petito erit quam ex verborum obligatione: interponetur prius Aquiliana stipulatio, in quam præcedentes actiones transferantur: sic deinde ipsa perimitur per acceptilationem. Quæ ratio pluribus demonstrata est a Iustiniano in *§. item per, Instit. quib. mod. tol. ob.* Atque hæc causa est, cur tam crebra fiat sub his titulis Aquilianæ stipulationis, & acceptilationis transigendi causa interpositæ mentio, ut *L. 4. L. 5. L. 15. D. eod. L. 3. L. 4. L. ut responsum, 15. L. ubi 40. inf. eod.* Optimum est etiam, ut Paulus docet in *L. pacto, D. eod.* pacto convento, aut Aquilianæ stipulationi poenalem stipulationem adiacere, ut metu poenæ contra transactionem quandoque non veniatur. Rescisso namque pacto poterit poena ex stipulatu peti. Exceptio etiam simul obstat, si poena sit promissa, hoc adiecto, ut ratum etiam maneret pactum, *L. pen. D. eod. L. cum proponas, 17. inf.*

inf. cod. Poena simpliciter promissa altero contentus esse debet reus, aut exceptio, aut poena, *L. eleganter, §. pen. D. de cond. indeb. L. rescriptum, §. 1. D. de pact. L. ubi inf. cod.*

- 3 Hæc ¶ reo defensio ad tuendam transactionem. Quid, auctori quomodo transactionem servamus? Sic plane uti ex edicto superiore conventiones ceteras. Accepit quid petitor, ut a lite discederet? Id reus non reperet: alioqui repenti exceptio obliabit: quippe semper ex pacto exceptio nascitur. Nihil accepit, sed actum est, ut acciperet? videndum est, quidnam iuris esset ex cæteris causis ad agendum, si quid pactum esset. Et constat, si stipulatione cautum sit, actionem ex stipulatu fore: si quid autem convenerit tantum, ita ex pacto agi potest, si causa subsit præter conventionem; si nulla alia causa sit dandi, ex pacto actio non nascitur. Non mutatur hæc lex in transactione, sed ad unguem hic quoque observatur. Quare pecunia pacto tantum promissa, placet eius pecuniæ nomine actionem esse, si petitor reum ante liberavit iure: quod declaratur exemplo eius, qui remissa transactionis nomine inofficiosi querela decessit: cuius heredibus rescriptum est præscriptis verbis actionem dari;

quia non possent heredes querelam instaurare, atque ita possessor hereditatis omnia ea actione esset liberatus, *L. cum mota inf. cod.* Quo exemplo admonemur, sive hoc modo, sive alio reus sit liberatus ipso iure, id est, ita, ut vetus actio petitori non superstit, veluti si acceptilatio interveniret, ex pacto agi, & pactam pecuniam peti posse: & recte. Sic enim fecit, id est, in reum liberationem contulit petitor; ut acciperet. In quo negotium civile geritur: & hinc præscriptis verbis actio, *L. iuris gentium, §. 1. D. de pact. L. solent, D. de præsc. verb.* Multo certius idem dixerimus, si superior fundum, quem ipsius esse conveniret, passus sit manere apud possessorem, ut aliud prædium acciperet: id est, si fundum dederit, ut alium acciperet; quam speciem esse putamus *L. si pro fundo, 33. inf. cod.* Quod si nulla re, neque liberatione in reum collata hoc solum pactus est actor, nihil se posthac petiturum, & simul convenit, ut reus ei aliquid daret: placet, quia pactum sit nudum, non magis ex eo agi posse, quam in cæteris causis, ex pacto nudo agi posse diximus. vide. *L. siye apud 18. inf. cod.* Adeo hic omnia cum cæteris conventionibus communia.



An unquam rescindi debeat transactio: sive quæ faciant dubitationem, cur debeat interdum rescindi.

SUMMARIA.

1. *Erroris rei promittentis dantisque aliquid, ubi nihil debuit, aut alteris remittentis, quod vere debebatur nihil prodesse alterutri, si adversarii dolor abest, ad infirmam transactionem; quo vel ille promisso non teneatur, aut datum repetere possit; vel hic possit idem petere, quod prius; & remota varia ambigendi causa.*

2. *Transactio non contineri eas res; de quibus actor non senserit; hinc defensionis solum locum esse in transactione generali; in qua recte dicitur non contineri eas species generis, de quibus actum non est, siquidem de ceteris instituta sit actio, aliqui contra.*

Quid ergo opus fuit hoc titulo, quæret aliquis: cum lis, quæ de pactis diximus, res potuerit esse confecta? Dum potissimum sunt causæ; una quia eisi vis eadem est in utroque genere; multæ tamen res ineidunt in transactionem, quæ movere possint dubitationem, an ei semper standum sit; adversus quas oportuit nos diligentius confirmari. Altera, quod pleræque transactiones exelipiuntur; aliter atque fit in pactis. Ac de causis dubitationis res sic habet. De pacto, quod bona fide factum sit, nulla est ideo dubitatio, quia qui paciscitur donationis causa, nulla re cogente paciscitur, sed hoc animo est, ut sive non debeat, sive debeatur id, de quo agitur, nolit repetere.

In transactione contra, metus litis & rei incertitudo transactioni causam præbet: ut hoc quidem perspicuum sit, sive reus certo sciret se non debere, nec posse convinci; sive actor certum haberet sibi deberi, idque posset probare; neque illum quidquam datum fuisse, ubi nihil deberet, neque hunc de eo, quod certo deberetur, quidquam fuisse remissum. Hæc res movet dubitationem, videlicet, si quando veritas rei detegatur: possitne vel hic, quod debet, repetere, aut promissum non dare; vel ille quod remisit, de eo amplius agere. Quid enim dicet reus? Nempe actorem se petiisse, quasi ipse, unde petebatur, deberet: se autem ita dedisse, quod litem merueret. Nunc cum certum sit ipsum nihil debuisse, nec potuisse debere: causam esse nullam, cur pecunia sit apud petiorem; eoque & tantum quam sit apud eum sine causa, tam constet posse, *L. perpetuo, D. de cond.*

ob. tur. can. L. penult. D. de cond. indeb. Neque debere sibi nocere, quod volens pecuniam dederit. Hule enim rei errorem causam dedisse: qui eum ab adversario sit alius, illi potius nocere debeat. Et si quidem is esset reus, qui fateretur se aliquando debuisse, nunc autem instrumenta post reperta asserre se diceret, quibus probaret se iam ante transactionem solvisse: posset et diei de iis instrumentis non constare: fieri posse, ut ea ab illo fingerentur: posse etiam fieri, ut vexandi adversarii causa mentireturse instrumenta quæ seiret non esse: quamobrem in re dubia iuste videretur posse removeri. Sed finge hoc nunc constare, petitoris alios esse debitores; hunc, qui transigit, nihil plane debuisse: puta possessorem hereditatis pro herede conventum a creditore hereditario tanquam heredem transigisse; ab hoc postea hereditatem esse evictam: num quid causæ est in re tam certa, & tam manifestis errore, cur is, qui nihil debuerit, non possit repetere, quod tanquam creditori dederit? Quid actor, instrumentis postea repertis, quibus docere paratus sit sibi plane debitum fuisse, quod adversarius negabat, nonne hoc quoque videbit fuisse dicturus, petere se quod illum, unde petitur, constet debere: a quo si pactus sit se non petiturum, æquum esse veniam dari vel ignorantie, vel necessitati, quia tum id fecerit, eum vel ius suum ignoraret, vel instrumentis ad eam rem deficeretur? quod ut alias sibi concedendum non sit: esse certe tunc concedendum, si agat adversus eum, qui cum seiret se debuisse, improbe id negaverit. Iniquum enim esse quemquam vel ex aliena iniuria, vel ex suo dolo luerum consequi, *L. 1. D. de*

D. de dolo. L. nam hoc natura, D. de cond. ind. Cum sint hæ utrinque probabiles ad rescindendam transactionem causæ: ut maxime placeret eas iustas non esse, vel hoc ipsum moneri & decidi oportuit, eas esse istiusmodi, quæ movere nos non debeant, & ratam manere nihilominus transactionem. Quod & multis rescriptis factum est. Ergo adversus has dubitationes hæ sententiæ sunt appositæ, causas, vel lites transactionibus legitimis finitas imperiali rescripto refuseitari non oportere, *L. causas* 16. item, sub prætextu instrumenti post reperit transactionem bona fide finitam rescindi contra ius esse, *L. sub pretextu*. 19. Et non minorem esse transactionum auctoritatem, quam rerum iudicarum, *L. non minorem*, 20. *infra. eod.* Quod postremum omnia continet. Nam si rebus iudicatis standum est, siue æquum iudex siue iniquum dixerit; inde intelligimus & transactionibus standum esse, siue iure his intentata sit; siue iniuria. Denique hoc valet; post transactionem nihil amplius queri, quam an transactum sit. Nam nec post rem iudicatam quidquam amplius queritur, *L. post rem, D. de re iud.* Et profecto cur queratur, nulla causa est: quod contra videri supra distrebamus. Si constet reum nihil debuisse, dicebamus pecuniam sine causa esse apud petitozem. Non ita est. Si tanquam debitam daret; fateremur. Nunc ob causam illi dedit, ne secum ageretur: quæ & honesta est; ea sequitur, si cum eo nihil agitur. Nec ad rem pertinet, si nulla res fuit media, propter quam lis moveretur. Abunde iusta causa est ad dandum quod a lite disceditur, ut Paulus scribit in *L. in summa*, 1. *resp. D. de cond. indeb.* Potuit enim lis moveri vel iniuria: & iudicii omnis exitus est incertus. Quare cum disceditur a lite, ut nihil aliud consequatur reus, liberatur certe iudicii vexatione, & periculi metu. Quod cum eadat in eum, etiam qui plane nihil debuerit: ne si postea quidem id plane appareat, quidquam repetet, qui ob causam dedit, quæ est secuta *L. nec intentio*, 23. *infra. eod.* At fieri potest, ut improbe & per calumniam petitor litem intenderit, cum sciret nihil deberi (singe aut instrumenta confixisse illum, aut falsis scientem usum esse) quem metum eum ipse intulerit reo, & hanc causam habuerit ad eliciendam transactionem; iniquum est ipsum ex suo dolo quidquam consequi. Sic est: & hoc etiam Paulus excipit in *d. L. in summa*, 1. *resp. &*

recte. In totum enim transactiones non bona fide factæ, sunt inutiles, *L. fratris*, 30. *L. 19. sub pretextu, infra. eod.* Quid? num saltem tanquam indebitum repetet? quem postea nihil debuisse constitit? nullo modo, *dict. L. nec intentio*, 23. Ut enim quid tanquam indebitum repetatur, non est satis eum, qui quid dedit per occasionem debiti, nihil debuisse: sed eum, qui dedit tanquam deberet, solvisse oportet. Unde indebitum non datum, sed solutum dicimus, *toto tit. de cond. ind.* At qui pecuniam dat nomine transactionis, non tanquam ex præcedente causa debeatur, dat: sed ob causam, quæ in futurum est nempe, ne secum agatur. Hæc cum, ut dixi, & honesta sit, & sequatur, nihil amplius querendum est, *L. 1. D. de cond. caus. dat.* Sed litem saltem exigimus. Quid ergo, si is, cui nulla controversia movebatur de hereditate, transegerit ultro de ea eum foreore ita, ut illa accepta pecunia omnem litem de ea remitteret, quod metuere frater, ne quando illa ageret: nonne iusta erit causa pecuniæ condicendæ, quod diceret ob litem remittendam, quæ nulla erat, pecuniam datam fuisse? Placet non esse, fatisque esse causæ ad transactionem, si is, qui transigit, litem metuit, *L. 1. infra. eod.* Quippe nihil interest ad aliquem securum reddendum, utrum litem, quæ nunc sit, an eam, quæ metuatur, remittas. Hæc autem securitas transactione queritur. Quod ad petitozem attinet, nihil habet is, cur contra, quam ipse pactus est, agat amplius, nec pactionem valere patiatur, quam prætor servaturus sit pollicetur. At probabit reum debere, quod ille antea negabat. Debuisset probare poterit. Nunc constat eum non debere, posteaquam quod debebatur, illi remisit. Sed enim remisit inopia probationum coactus. Nulla vero hæc necessitas est: cum potuerit aut non agere, aut litem omittere. Et ut forte quis hanc necessitatem esse existimet, certe eam ipse sibi induit, qui re non satis explorata egerit: a reo non proficitur, si is neque vim adhibuit, neque machinationem. Ita de se queri debet. At iniquum est, cum sciret se debere, quod petitor probare paratus sit, ipsum quidquam ideo habere, quia malitiose id negaverit? Iniquum, nisi hoc esset turpius & iniquius, ipsum petitozem contra pactionem suam facere, quam sine vi & dolo adversarii interposuerit, *L. non minorem*, 20. *infra.* iniquum, nisi hoc esset contra utilitatem publicam, fenestram aperiri litibus: quarum nullus erit finis, si cepe-

deperit a transactionibus bona fide interpositis facile recedi *L. fratris, 10. infr.* Cito enim finguntur causæ ad rescindendam transactionem per speciem instrumentorum poſtea repertorum. Plane si ſubtraxerit reus petitori instrumenta litis, quo factio, eo adduxerit petiitorem, ut aut transigere necesse haberet aut litem perdere: manifestus hic dolus est rei transactionem hac ratione extorquentis. Hunc in omni re exceptum volumus: de quo vide *ad L. sub pretextu 19. infr. cod.* Quare his remotis hoc conſtabit, cum transactio bona fide erit interposita, nullam esse causam, propter quam ab ea diſcedatur.

1. Una ¶ erit petitori iterum agendi adversus transactionis exceptionem defensio, si dicat se de ea re, de qua agit, quamvis verbis transactionis contineatur, non sensisse. Sed defensio est eiusmodi, in qua non de lure transactionis, sed quibus de rebus transactum sit, queratur. Quæ questio non huius loci est, in quo qualis sit transactio, seu quid valeat, queritur: sed illius, in quo queritur, an sit. Qui etsi natura præcedat: tamen quis res ad rescindendam quoque transactionem, quæ verbis obſtare videatur, pertinet: nihil impedit, quo minus hoc loco breviter attingatur. Ergo, ut dixi, actor hac defensione uti potest. Etenim si non consensit, non transigit: constat enim transactio consensu, ac sine eo nulla est. Unde tractatum est, quando uti possit ea defensione. Et quidem hoc constat eum tum non posse uti, cum res clare comprehensæ sunt transactione, de quibus nunc agere aſtitur. Nam quo ore dicat se de iis non cogitaſſe de quibus non motus est solum, sed quas transactione ipse appellavit? Ibi hoc cauſari probabiliter solum potest, cum generalis est transactio: ut diceret se in totum nihil amplius petitarum, aut nihil amplius petitarum de re, de qua actum est, cum de re univ ersim multas res continente ageretur, puta hereditate, aut tutela. Nam etsi aut omnes petitiones, aut petitiones omnium rerum generaliter verbis sit complexus: fieri tamen potest, ut quædam res cum latuerint, aut si ſciverit, cogitationem

certe ad eas non retulerit? quia de iis nulla lis eſſet. De iis si nunc agat ob hanc ipsam causam quasi de iis non ſenſerit, queritur, an sit audiendus. Quod non dubitaretur, nisi verba transactionis has quoque res continerent, cum quibus ipsa ſententia pugnare nunc videatur. Res est duobus reſcriptis expedita ſub hoc titulo, *L. sub pretextu specierum 19. & L. si de certa 31.* Ex quibus colligitur, quod videatur in univerſum recte præcipi: cum de transactione generali queritur, quid ea contineatur de ſententia transigentium, ſpectandum eſſe, qua de re prius ageretur. Nam cum de eo ipſo transigatur: necesse est transactionem ad id referri, ut pariter & ad omnes eas res, quæ petitione continebantur, reſeratur transactio, & rursus his ſolis contineatur, nec latius pateat. Ergo hæc in illis reſcriptis diſtinctio est, ut si de re certa actum sit, non de omni re, quæ deberetur, transactio autem generaliter sit ita interposita, paſſim nihil me amplius a te petitarum: de iis rebus, de quibus non est actum, nihil noceat transactio: quamvis enim non addatur, hoc nomine: ex eo tamen, quod agitur transactione, placet eſſe intelligendum. Hoc in *d. L. si de certa*. Quod si transactio ita generalis sit, ut sit etiam de eo quod item generaliter petebatur: veluti de hereditate petita, de tutela ratione, quæ exigebatur: nihil videbitur exceptum transactione de iis rebus quæcumque ad hereditatem pertinerent, aut rationem tutelæ. Nam & hic ſenſus erat petitoris vindicantis hereditatem, ut si hereditas inderetur reſtitui, omnes res conſequeretur ea petitione, quæ eſſent hereditariæ, etiamſi non dico, aliquæ non occurrerent, sed etiam si, quæ plane eſſent, neſciret: quod eſſicitur *d. L. sub pretextu specierum, infr. cod.* quorum locorum ſententiam & rationem, cum ad eos venerimus, pluribus exſequemur: Nunc vel hæc ipſa probant, cum de re aliqua, & lite transactum erit, in quibus quidem rebus transactum eſſe conſtat, ratam eſſe transactionem, & quod modo diximus: nullo pretextu reſcindi poſſe non magis, quam potest res iudicata.

Quæ transactiones præter communem rationem aliorum pactorum non valeant.

S U M M A R I A.

Transactionem hæc res non admittunt.	}	Natura	}	Res iudicata, & quare. num. 1. 2.
		Iure		Legatum nondum inspectis & cognitis verbis testamenti, & cur. num. 1. & 3.
				Alimenta testamento relicta & quatenus. 4.
				Crimen capitale & quatenus.
				5. Transactionem ex falsis instrumentis interpositam iure improbari.

Omnia igitur hæcenus, ut propositum est, in transactione cæteris conventionibus de vi & potestate pactiois similia. Nonnihil tamen dissimile; quod iam subiiciemus. Nam cum de omni re liceat pacisci, & omnis omnino rata sit pactio, quæ de re privata sine fraude est interposita: est in utroque, quod de transactione excipiat. Nam neque res omnes admittunt transactionem: & cum res transactionem patitur, intervenit interdum causa, propter quam transactio improbetur. Non admittunt res transactionem, alia natura sua; nonnullæ lege: quia lex de his transigi vetet.

¹ Natura transactio non recipiunt transactionem duæ: res iudicata, quæ nullo remedio attentari quærit: & quod testamento relicta est, si nondum inspecta sint & cognita verba testamenti. De utraque re transigi non posse, siue nullam transactionem esse claris locis nominatim traditum est. De re iudicata in *L. eleganter, §. si post, D. de cond. iudic. L. si causa, 32. hoc tit.* de re legata in *L. de eis D. eod.* Nos utrumque sic accipimus, non ut ius prohibeat: sed ut quæcunque pactio interposita sit de iis, animo transigendi, ea nec natura possit valere: quorum de utroque etsi nihil plura dicere constitutum sit, de priore quidem ad *L. si causa*, de altero autem ad *L. sub prætextu. 19. infr. eod.* tamen quoniam hoc ponimus natura rei id fieri, placet hoc loco breviter huius rei rationem in utroque adiungere.

² Post transactio rem iudicatam nulla est transactio. Cur? non sane quia si actor enim sciret rem secundum se iudicatam, actionem iudicati remittere vellet: non possit, parte debiti contentus; sed quia, si id facit

sciens, donat: si ignorans, tamen lis nulla est: quorum utrumque transactionem excludit. Eadem illius aliter ratio est.

De transactiois controversiis, quæ ex testamento proficiscuntur, transigi aliter non potest, quam inspectis cognitisque verbis testamenti, inquit Caius in *d. L. de iis, D. eod.* An rursum, quia non possit remittere legatarius, quod sibi testamento legatum est, cum aliquid ab herede eo nomine acceperit, idque cum fecerit, ratum non sit aliter, quam si verba testamenti inspecta sint? Minime. Cur enim parte debiti contentus esse non possit, re adhuc incerta, qui totum remittere possit? Sed hoc ita est: si sciens prudens totum ita remisit, ut quanvis plus esset, quam acceperit in præsentia, consisteret nihil amplius petere: quod amplius est, donat. Si ideo accipit, quia heres non plus legatum esse dicit: reliquum heredi non remittit: quia quod accipit, accipit solutionis causa, quasi deberetur, *L. si quidem, 24. infr. eod.* Non transigit autem, qui a lite non discedit. Natura igitur rerum hæc transactio excluditur, non prohibetur iure.

⁴ Iure transigere non licet: de alimentis ad eum modum, qui expositus est ad *L. de alimentis. 7. infr. eod.* item de crimine capitali pro ea distinctione, quæ tradita est *L. transigere, 18. infr. eod.* de cuius rescripti sententia ibi dicendum est.

⁵ Cum transactio rem feret transactionem, una causa est, propter quam transactio infirmetur, si ex falsis instrumentis fuerit interposita: id est si ei falsa instrumenta causam dederint, de quo est in *L. penult. infr. eod.* ubi & a me dictum est.

L. Neque pactio. 1.

Imp. Antoninus A. Celerio.

Neque pactio, neque transactio cum quibusdam ex curatoribus sive tutoribus facta, auxilio ceteris est in his, quæ separatim communiterve gesserunt, vel gerere debuerunt. Cum igitur tres curatores habueris, & cum duobus ex his transigeris: tertium convenire non prohiberis. Dat. Kal. Maii. Gentiano & Basso. Coss.

S U M M A R I A.

1. Neque pactio, neque transactio cum uno ex pluribus tutoribus, aut curatoribus interpositam ceteris, qui pariter gesserunt, aut pariter non gesserunt, prodesse: si- ve cum illo uno actum sit pro parte eius tantum, quod dubitationem non habet.
2. Sive actum & transactum in solidum de tota tutela ob communem dolam.
3. Sive actum & transactum in solidum

de eo, quod communi tantum culpa contigerat, § n. 5.

4. Uno ex pluribus tutoribus, aut curatoribus totius administrationis nomine solvente, aut per acceptationem liberato, ceteros liberari.
6. Uno ex his, qui gesserunt, quavis pactio sola liberato, una eos, qui non gesserunt, eodem modo liberari, § quatenus.
7. Summa rescripti.

Nequē pactio, neque transactio cum quibusdam ex tutoribus sive curatoribus facta auxilio ceteris est. De pactioe hoc illud est, quod scribit Paulus in *L. si unus, §. ante omnia, D. de pact.* pactioem cum una persona interpositam in alia persona paciscenti non nocere. Et quod de pactioe alia quavis dicitur, ad transactionem referendum est. Nam & transactiones non nisi ex consensu valent. *L. interpositas. L. non minorem, inf.* Et sane si ex tribus curatoribus cum duobus pro parte singulorum egit is, cuius cura gesta est, & cum his pactus est aut gratis, aut in re dubia aliquo præsentem accepto, sibi cum illis eo nomine amplius controversiæ nihil futurum: dubium non est, quin pactio, aut transactio cum illis interposita non sit profutura tertio, quo minus pro sua parte in solidum conveniatur, nec recte desideraturus sit a domino se ad eandem decisionem admitti, ad quam ceteri. Cum enim de parte singulorum ut actum, ita & transactum sit: apparet id non actum esse, ut tertius, de cuius parte actum non est, liberaretur. Non mirum igitur, si pactum ei non prodest. Nam quomodo prodesset, quod nullum fuit?

Tom. VII.

Sed habet hæc res dubitationem. Pingamus eum, cui tres curatores erant, finita curatione cum duobus egisse in solidum de communi dolo, aut communi culpa. Nam & de communi dolo unusquisque in solidum conveniri potest: de communi culpa ita recte convenitur, si ceteri solvendo non sint, aut ipse exceptione divisionis non utatur. *L. 1. §. plane, §. nunc tractemus, D. de tut. & rat. diss.* cum duobus ut in solidum egerat, ita & de tota re transigisse. An dicemus transactionem cum illis interpositam tertio non prodesse? Et generalis hoc loco definitio est, transactionem cum quibusdam interpositam non esse auxilio ceteris: ut intelligeremus quæcumque fuerit actio, quæcumque transactio, hanc ei, cum quo transactum non est, non prodesse. Et hoc quidem in præscripta specie nominatim respondit Ulpianus in *L. si ex duobus, D. de tut. & ratio dissr.* sed loquitur de eo, qui cum uno ex tutoribus de communi dolo transigat, quam transactionem negat prodesse alteri ideo, quia unusquisque doli sui poenam sufferat.

Ea res dubiam facit, an idem dicendum sit, si cum uno de eo damno, quod

S

com-

communi culpa contigerat, in solidum transactum sit. Ego puto, quoque nomen de tota cura cum duobus actum & transactum sit, eam transactionem tertio non prodesse. Aut enim is, qui cum duobus egit, pactus est, ne a duobus illis tantum peteret, aut ne de tutela, vel eura amplius ageret. Prius pactum personale est, quod genus constat ad alios non pertinere. *L. idem in duobus. §. 1. D. de pactis.* Posteriorius etiam in rem sit, & verbis tertium quoque complectatur: tamen tertio illi inutile est, quia curatores eius exceptionem ei querere non poterunt. *L. & heredi. §. ult. L. fideiussores. §. ult. D. de pactis.* Duo contra dicuntur. Nam primum etiam sunt tres curatores: tamen una est cura, una omnium obligatio, qua iure in solidum tenentur singuli. *L. si plures, L. tres tutores, D. de adm. tut.* Proinde unius liberatione tota tollitur obligatio, non ab uno tantum, sed & ab omnibus: ut in duobus reis accidit. *Inst. de duob. reis.* Huc accedit, quod Ulpianus in *d. L. si ex duobus.* Scribit, unius ex tutoribus solutione ceteros liberari: quia sic adolescenti satisfactum sit. Atqui eum adolescens duobus pactio remittit actionem negotiorum gestorum, eo modo sit ei satisfactus. *arg. L. si rem, §. omnis, D. de pig. actio.* Ac satisfactio etiam pro solutione est. *L. satisfactio, D. de solut.* Quare duobus pacto liberatis, atque ita satisfactis, una etiam & tertius ea satisfactio, ut solutione liberabitur.

4 De § quibus ita respondeo: verum esse unius ex curatoribus liberatione, siquidem de tota re liberatus sit, totam actionem tolli etiam adversus ceteros. Proinde concedam, si transactum sit eum duobus, in solidum per acceptilationem, tertium amplius conveniri non posse: quia acceptilatio solutio sit, licet imaginaria, § item per acceptilationem, *Inst. quib. mod. sol. oblig.* atque adeo id expressum est in *L. si pupillus, D. de adm. tut.*

5 Sed § cum curatores duo pacto tantum liberati sunt, vetus actio adhuc manet transigenti. *L. §. sup. prov. si.* Ea vero adversus tertium recte exercebitur. Non enim metuendum erit, ne ille agentem removeat pacti exceptione; quæ exceptio per alios ei queri non potuit, etsi pro eo alii solvere potuerint & ignorante & invito. *L. solutionem, D. de solutione.* Nec proderit tertio, quod duo illi pacifices, ne de cura amplius agatur, de tota re satisfacere intelliguntur actori. Satisfaciunt

eum ei: sed ita, ut quemadmodum pactum eorum tertio est inutile, ita sit & satisfactio: cum satisfactio non aliud sit, quam illud pactum, quo adolescens contentus discedit. Et quod dicitur satisfactionem pro solutione esse, sic accipiendum est, ut sit ei, qui satisfacit: non ei, qui non satisfacit, ad quem effectus pacti pervenire non potuit repugnantibus regulis iuris. De ea autem transactione hic agi, in qua duo ex tribus curatoribus pacto liberati sunt, inde intelligi potest, quod dicitur tertium conveniri posse. Nam acceptilatione, ut solutione interveniente de re tota, tota sublata esset obligatio & actio. Sed § eum addit Antoninus, in iis, quæ separatim communiter gesserunt, vel gerere debuerunt? Quia si omnes curatores pariter rem gerant, aut pariter non gerant, quod gerere debuerunt, finita curatione tenentur omnes, *L. 1. D. de tut. & rat. disp.* ut necesse sit ad liberationem aut omnes solvere, aut pactione sua liberari: nam aliena non possunt.

Sed fieri potest, ut quidam gesserint, alii curæ se non miscuerint, in qua specie, ut ii, qui non gesserint, non onerantur, si, qui gesserint, solvendo sint, *L. ult. infr. si tut. vel cur. L. tutores, §. in eum. D. de adm. tut.* ita si ii, qui gesserint, non sint solvendo, ad eos, qui non gesserint, recte pervenitur. At fingamus cum iis actum esse, qui gesserant, quanvis solvendo non essent, & cum ipsis transactum esse. Iam hæc transactio cæteris, qui non gesserint, auxilio erit, ne conveniantur: quia dominus cum illis agens, & transigens tanquam idoneos agnovit, & bonum nomen fecit, qui ultro admittit debitorem. *arg. L. inter §. abesse, D. mand.*

Et cum duobus ex his transigeris. Repeto superiora, in his, quæ aut gesserunt omnes, aut omnes non gesserunt. Alioqui, si duo curam gesserint, tertius non gesserit, & cum duobus illis transactum sit, non magis tertius conveniri poterit. Ex his statuatur hæc sententia.

Pactum § cum uno ex pluribus eiusdem pecuniæ reis interpositum, sive de parte eius interpositum erit, sive de re tota, cæteris eiusdem pecuniæ debitoribus non prodest, *L. idem in duobus D. cod.* vel quod id non actum sit a creditore, vel quod etiam actum sit, regulæ tamen iuris vetent uni per alterum actionem, aut exceptionem acquiri.

*L. Cum se proponas. 1.**Imp. Antoninus A. Luctatio.*

Cum se proponas cum sorore tua de hereditate transigisse, & ideo certam pecuniam ei se debere cavisse: etsi nulla fuisset questio hereditatis, tamen propter timorem litis transactione interposita, pecunia recte causa intel- ligitur, ex qua causa si fisco solvisses, repetere non posses: & si non sol- visses, tamen iure componeris. PP. III. Id. August. Antonino A. IV. & Balbino Coss.

S U M M A R I A.

1. *Transigere dici non tantum adorem, cum litem remittis, sed & reum, cum quid dat, no nomine, aut pro- mittit: & cur.*

2. *Ad transactionem satis esse litem fu- turam metui.*

3. *Ex transactionis causa pecunia ca- vetur recte, id est, iusta de causa.*

4. *Cavere, stipulanti promittere.*

DE hereditate transigisse. Qui pecu- niam promittit transactionis causa, reus est. Hic dicitur hoc loco transigere.

Unde † intelligitur non tantum actorem dici transigere, cum actionem remittit reo: sed etiam reum; cum pecuniam dat, aut promittit, ut a lite discedatur. Quidni, cum sit rei a lite discedere non minus, quam actoris? Ut enim maxime velit actor desistere ab actione cepta: tamen in po- testate rei est petere, ut res a iudice cog- noscatur, & iudicetur, *L. properandum, §. & siquidem, C. de iud. &* quod in cepta lite est, id ad futuram transfertur, habita ratione eius, non quod nunc sit, sed quod in iudicio eius litis fieri potest, simile in verbo iuris traditur in *L. pen. D. de iust. & iur.*

Tamen † propter timorem litis trans- actione interposita. Satis est ad transac- tionem, litem metui, de quo dixi supra in definitione transactionis.

Pecunia † recte causa. Pecunia trans- actionis nomine cavetur recte, id est, non sine causa: ut quis dicat huic cautioni tanquam sine causa interposita: exceptio- nem doli obstat; ex *L. 2. §. circa D. de dol. mal. & met. exc.* sed iusta & opti- ma de causa hoc ipso, quod a lite dis- ceditur: *L. in summa, 2. resp. D. de cond. iud. de quo supra in causis infringenda transactionis.* Sic causa pecunia iure peti potest, Recte, causa.

Est † enim cavere, stipulanti cavere. *L. 4. sancimus, infr. de verb. sig.* Ex stipula- tione autem iurecivili est actio. *§. de con- sistuta, Inst. de action.* alioqui pecunia transactionis nomine pacto promissa exigi non potest. *L. sive apud, infra.*

Si fisco. Qui successisset sorori tuæ, cum qua transigisti.

L. Age cum Geminiano 3.

Imp. Alexander A. Tulliae.

Age cum Geminiano, quod pater eius curator tibi datum negotia tua gesserit: etsi apud iudicem negavit se hac actione teneri, quoniam transactio & Aquiliana stipulatio interposita est: Iudex contemplatione iudicii, quod bonae fidei est, quaeret de quantis pecuniis nominatim transactum sit: & si apparuerit de minoribus transactum, quantam pecuniam reliquam ex administratione cura deberi probatum fuerit, solvere eum iubebit, quod non in stipulationem Aquilianam obligationis iure tantum deductum est, quanta erat quantitas pecuniae, quae debebatur. Dat. prid. Id. August. Maximo II. & Aeliano Coss.

U^P conventio cum alia persona, puta, quibuldam ex curatoribus interposita in alterius persona non nocet: quod L. 1. sup. comprehensum est: Sic quae interposita est cum curatore in una re,

non nocet in alia: quae sententia est huius rescripti. Utrumque partem complexus est definitio Pauli in L. si unus, §. ante omnia, D. de pact. Cetera huius rescripti recte in glossa explicantur.

L. Actione 4.

Imp. Alexander A. Numidio.

Actione administrata cura ab eo, qui legitima aetatis annos complevit, in Aquilianam stipulationem deducta, & per acceptilationem extincta, nullam aliam superesse, nisi de dolo intra concessa tempora, non ambigitur: nisi specialiter etiam de dolo transactum sit. PP. II. Non. Martii, Alexandro A. II. & Marcello Coss.

SUMMARI A.

1. Transactio si vetus actio extincta est, nullam superesse actionem, nisi de dolo, intellige de eo, quod actor prius habuit, non de iis, quae illi promissa sunt.
2. De dolo actio non aliter competit, quam si dolo malo ab initio transactio expressa sit.
3. Vetust actio si in transactione per acceptilationem sublata est, amplius eam instaurari non posse etiam adversus eum, qui transactioni non pareat: acceptilatione non inter-

posita recte instaurari, nec actioni de dolo locum esse.

4. De dolo actionem non esse adversus eum transactioni non parentem, si actor in deducenda vetere actione in Aquilianam stipulationem decipitur, postea dolo cognito hanc ipsam obligationem acceptilatione sustulerit.
5. De dolo recte transigi.
6. Generalem transactionem ad ea, quae reus dolo admisit, non pertinere si modo actor ignoravit.

N^Ullam aliam superesse nisi de dolo. Bene superesse, ut intelligamus veterem actionem extinctam, quam habuimus ante transactionem, si aliqua quaeratur actio de

eo, quod prius habuimus, nullam superesse, nisi de dolo. Id enim proprie superesse dicitur, quod restat, & manet de iis, quae olim habuimus. De eo vero, quod

quod autem petere potuimus, retractando, siquidem actio verus extincta est, nulla rellat actio, nisi de dolo. Ceterum si transactioni illatur, & actor, qui reum acceptilatione liberavit, tantum id consequi vult, quod transactionis causa promissum est, est in eam rem, aut ex stipulatu actio, si stipulatio intervenit, aut omissa stipulatione actio praescriptis verbis, *L. cum nota, infr.* quae si competunt, non datur in eandem rem de dolo actio, *L. 1. D. de dol.*

2 Sed si num continuo si de transactione rescindenda agitur, erit de dolo actio? Minime; sed ita, si transactio dolo malo expressa sit, *L. sub praetextu instrumenti, infr. eod.*

3 Cur si non instauratur hoc casu verus actio? quia ea semel sublata amplius suscitari non potest, ne pactio quidem, *L. qui res, §. arcam. D. de solut. L. si unus, §. pactus, D. de pact.* Quid si actor dolo inductus transigit, neque actio verus extincta est acceptilatione? Restabit videlicet verus actio, quae recte agitur, *d. L. sub praetextu.* ut proinde non admittatur actio de dolo.

4 Interdum si etiam actio verus dolo malo adversarii amissa sit deducta in Aquilianam stipulationem; tamen actor de dolo agere non poterit, si actionem novam ex stipulatione Aquiliana questam acceptilationem sustulerit, ut scribit Ulpianus in *L. 1. §. pen. D. de dolo.* Sed hoc tunc locum habet, enim actor in novanda actione deceptus est, non etiam in acceptilatione, quae postea secuta est, interponenda. Nos hoc loco actionem de dolo esse volumus, ubi actor in utraque actio-

ne amittenda, id est, & vetere & nova dolum passus est.

Nisi specialiter etiam de dolo transactum sit. Qui si dolo deceptus transigit, & reum liberavit per acceptilationem, si de dolo coeperit agere, & rursum de ea lite transigerit, non audietur si iterum de eodem dolo agat. Nam & de dolo pacisci licet, *L. inriscentium, §. si paciscar, D. de pact.* Quod sic accipiendum est, nisi & in sequenti transactione actor deceptus sit: nunquam enim pacta dolo malo facta servanda sunt, *L. 7. §. ait. & §. dolo, in §. D. de pact.* Nam quod dicitur in *L. 1. infr. de plus petit.* transactiones & secundas confessiones suam obtinere firmitatem; semper eum hac exceptione intelligendum est, nisi aut dolo malo expressae, aut vi extortae sint, quae omnium conventionum atque etiam transactionum communis exceptio est, edicto & aliis locis expressa *d. L. 7. §. ait. L. interpositas, infr. eod.* Ergo in infinitum transactio dolo malo facta rescindetur? Est infinitum id in hac re accidere non potest; tamen si accideret, rescinderetur. Cuiquam enim dolum suum prodesse, & maxime ideo, quia saepius fefellerit, plus quam absurdum est, *L. 1. D. de dol.*

Bene si autem additum hic est, specialiter. Nam si actor a reo deceptus, cum eo transigit generaliter ita, ut paciscatur se nulla unquam de re praecedente cum reo acturum, non continebuntur ea, quae reus dolo admisit, si actor ignoravit *L. tres fratres, D. de pact. L. qui cum tutoribus, §. qui per, D. eod. L. Aurelio, §. ult. D. de lib. Leg.*



L. Cum se. 5.

Imp. Alexander A. Evocato.

Cum te transigisse cum herede quondam tutoris tui profitearis: si id post legitimam aetatem fecisti, frustra desideras, ut a placitis recedatur. Licet enim (ut proponis) nullum instrumentum intercesserit: tamen si de contractu confessione tua constet: scriptura, quæ probationem rei gestæ continere soles, necessaria non est. PP. Kal. Mar. Albino & Emilio Coss.

Eadem sententia, quæ L. pactum, quod bona. sup. prom. sit.

L. Cum mota. 6.

Imp. Alexander A. Pomponiis.

Cum mota inofficiosa querela, matrem vestram cum diversa parte transigisse ita, ut partem bonorum susciperet, & a lite discederet, proponatis: instaurari quidem semel omissam querelam per vos, qui matri heredes exististis, iuris ratio non finit. Verum si fides placitis præstita non est: in id, quod interest, diversam partem recte convenietis. Aut enim stipulatio conventioni subdita est, & ex stipulatu actio competit: aut si omissa verborum obligatio est, utilis actio, quæ præscriptis verbis rem gestam demonstrat, danda est. PP. VIII. Id. Ian. Agricola & Clemens Coss.

S U M M A R I A.

1. Species facti, & questio rescripti propria.
2. Omissam in proposito querelam dictam, quæ pacto tantum omissa est & quæ contra dicantur.
3. Omissam ab herede querelam instaurari ab eo posse, si transactioni non statur, quod si in eadem remissione decesseris, non item instaurari posse ab eius heredibus.
4. L. si instituta, in pr. D. de inoff. test. explicata. § num. 6.
5. Prioribus leges ad posteriores trahi, & contra quid sit.
7. Filium filiamve non preparatam querelam inofficiosa ad liberos transmittere, & ad hoc rescriptum non pertinere.
8. Transactionis causa sine stipulatione promissam, etiam ex pacto peti posse, si quo modo actor ita remittit actionem, ut hæc amplius nulla restaret.
9. Conventionem in proposito ex eo genere esse, facio, ut facias, cum actor remittit actionem, ut reus partem bonorum tradat. Hinc actionem adversus eum in id, quod interest, etiamsi stipulatio intervenit.
10. Actio præscriptis verbis, quam recte in proposito.
11. Actionis præscriptis verbis descriptio.

¹ **M**ater a filio † præterita testamento, aut immerito exheredata, egit cum scripto herede de inofficioso testamen-

to, ac querela mota, transigit hoc pacto, ut partem bonorum, de quibus agitur, susciperet, & a lite discederet. Ea prius,

peius, quam quidquam acciperet, in eadem voluntate perseverans decessit. Filiis eius, iisdemque hereditibus matris, cum portio promissa non prætaretur, duo quaestita sunt. Primum, possintne filii omniam a matre querelam adversus heredem scriptum instaurare, quasi quæ ob causam omissa sit, quæ causa non sit secuta. Proximum, si hanc instaurare non licet, num heres portionem bonorum impune promiserit: an vero saltem de eo aliqua actione eum coagi possit. De quibus respondet Alexander: ac de priore in hæc verba; *instaurari semel omniam querelam per vos, qui matri heredes exististis, iuris ratio non vivit. Alt, omniam.*

Omittitur † querela etiam pacto tantum, cum actor pacificatur se de inofficioso testamento amplius non acturum. Quinimo non nisi pacto recte quid omitti dicitur. Nam si actor querelam in Aequilianam stipulationem deducat, ac deinde acceptilatione reum liberet, extinguatur dicetur querela illo modo non omitti seu deferri. Omittitur, quod est, eum eo non utimur: quod autem semel extinctum est, non est eiusmodi, ut dici possit omitti, eum non sit, quod omittatur. Quare hoc verbo significat Alexander; eisi mater in proposita hypothesi pacto tantum transgerit: tamen querelam ab ea omniam ab hereditibus eius instaurari non posse. Et sane si intelligeret querelam hic fuisse extinctam acceptilatione, primum id exprimeret, utpote quod præcipue ad questionem pertinebat, deinde non diceret eam non posse instaurari per eos, qui matri heredes existissent, sed simpliciter non posse instaurari: quandoquidem hoc casu non magis ab ipsa matre instaurari posset, quam ab eius hereditibus. Cum autem nominatim adiecerit, *per vos, qui matri heredes exististis*, aperte ostendit ita fuisse hic remissam querelam, ut maneret, & integra esset ipsi, quæ transegit, si viveret: exterum non esset integra hereditibus, quod aliter contingere non potuit, quam si pacto esset transactum de inofficioso. Hanc sententiam cum verba huius rescripti tam aperte expriment, videamus, num qua necessitas sit, quæ nos hanc mutare cogat: quod quamvis paucis, quibusdam tamen videtur. Querunt enim, qui potuerit a matre instaurari inofficiosi testamenti querela, ubi transactioni non statim, nisi querela matri hoc casu competierit: quomodo autem competierit matri, ut ad heredes eius non transiret, cum sit certi iuris querelam præparatam ad heredes

transferti? Ac præparatam hic fuisse querelam a matre negari non potest, eum ita verba sint rescripti, *cum mota inofficiosi querela*. Sed præcipue moventur responso Ulpiani ex *L. si instituta. D. de inoff. test.* in quo ille scribit: *si instituta de inofficioso testamento accusatione, de lite pacto transactioni sit, nec fides ab herede transactioni præstetur; placere inofficiosi causam esse integram*. Hæc illi verba urgent, *inofficiosi causam integram esse*. Non enim dixit transgenti, sed generaliter integram: ut intelligeremus perinde esse integram, quasi ab actore transactum non esset, id est, & transgenti, & eius hereditibus, omnibusque, ad quos querela transactione non interposita pertineret. Sed prius bene veteres interpretes expediunt.

Mater † omniam querelam instauraret; 3 quia pacto non ita remitti potuit actio, quin iure civili maneret, *L. 5. sup. prox. sit*. Ut mansit, ita & ea potuit mater tuto experiri: cui si obiceretur pacti exceptio, tam exceptio pacti replicatione doli mali, vel in factum infirmaretur, *L. sive apud, infr. eod.* Sed quæ querela matri transgenti competere, si veller, ea ad heredes eius non pertinet, nisi ea præparata, mater decesserit, *L. posthumus, §. ult. & L. seg. D. de inoff. testam.* quod hic factum non est. Etsi enim mota est querela a matre: tamen ea postea remissa est: qua in remissione mulier permansit. Nihil autem interesset, querelam de inofficioso testamento non institutas, an in ea non perseveres, *L. nam & si, §. 1. D. de inoff. testam.*

Sed † & responsum Ulpiani recte ita 4 interpretantur, ut integra sit causa inofficiosi in proposita specie, sed ipsi matri: hereditibus eius non sit. Quod fortasse difficiliter persuaderi poterit, cum generaliter ab Ulpiano scriptum sit; *cum fides transactioni non præstetur, causam inofficiosi esse integram*.

Sed † in omni interpretatione legum 5 hæc regula tenenda est, priores leges ad posteriores trahi debere, & contra, *L. non est novum, & L. sed & posteriores, D. de legib.* Est autem hæc sententia, ut declaratur in *L. ideo, D. eod.* si priores leges de re aliqua, aut persona scriptæ sint, posteriores autem generaliter & infinite scriptæ sint de eadem specie; posteriores sic interpretandas esse ex prioribus: ut generalitas intelligatur ad eas solum res & personas pertinere, quæ prioribus legibus sunt comprehensæ, ut vice versa priores leges dubiæ ex posterioribus certis interpretandæ sunt. At

6 At † in hoc rescripto cum dicitur omis-
sam querelam instaurari non posse: tum
vero designantur personæ, a quibus non
possit, nempe heredes. Itaque hoc dicitur,
ab eo, qui omisit, posse instaurari
querelam: non posse ab eius heredibus.
Responsum Ulpiani de eadem specie scrip-
tum est: sed generaliter his verbis; *si
fides transactioni non præstatur, causam
esse integram*, nec additur, quibus per-
sonis. Proinde sive id prius esse volumus,
sive posterius, ad easdem personas perti-
nere dicendum est, ut quod in eo dubium
est, ex hoc rescripto explicetur. Sed etsi
sola esset definitio Ulpiani, quam ex aliis
locis temperari non liceret: tamen ipsa
per se efficit, ut hoc idem accipere de-
beamus: integram esse nimirum causam
inofficiosi transgenti. Omnes enim con-
cedent hoc cum dicere, inofficiosi causam
esse integram, si nihil aliud obstat,
quam transactio, quæ proponitur: hanc
autem non obstat. Nihil hoc ad heredes,
qui a querela non removentur, quia de
ea a matre transactum sit; sed quia non
preparata querela ad eos non transierit.

7 Sunt, † qui putant, quod hic scriptum
est, querelam non preparatam a matre
ad liberos non transferri, contrarium esse
Iustiniani novis constitutionibus, *L. si quis
filium, & L. penult. in fin. infr. de inoff.
testam.* ac proinde illis constitutionibus
emendari. Ex quidem illis constitutioni-
bus cautum est, si filius a patre exhere-
datus non preparata querela decedat; hanc
ipsum transmittere ad filios suos, eosdem-
que testatoris nepotes; idque sive filius
autem aditam ab herede hereditatem de-
cesserit, sive post aditam. Quod enim in
L. si quis filium, in princip. dubium est,
id in extremis verbis aperte explicatur.
In quibus Iustinianus scribit, *se beneficium
suum dare omnibus nepotibus filii exhe-
redati, nisi pater adhuc superstes vel
repudiavit querelam, vel quinquennio sa-
cuerit; scilicet post aditam hereditatem.*
Ex quo colligitur, etsi adita fuerit here-
ditas ab herede scripto, si tamen filius
exheredatus nec repudiavit querelam, nec
per quinquennium siluerit, ipsum de-
cedentem transmittere querelam ad liberos.
Et quanvis lex Iustiniani ad eum filium
pertineret, qui decessisset ante aditam he-
reditatem: tamen vel hoc ipso ad eum,
qui post aditam decessisset, multo citius
pertinere putaremus. Non enim compe-
tit ei querela inofficiosi ante, quam heres
scriptus adierit hereditatem: adita here-
ditate, tum illi competit, *L. Papinianus, §. si conditioni, D. de inoff. test.*

Sic recte colligitur: mirum est, si filius
ad posteros suos querelam nondum sibi
competentem transmittit: quomodo enim
transmittit, quod iure communi non ha-
bet: at transmittit tamen; quanto igitur
magis eam, quæ coeperat competere,
transmittit; Hæc ergo constitutiones Ius-
tiniani. Ex quibus siquidem hic filium a
patre præteritam, aut exheredatam fuge-
remus: satendum esset, ipsa decedente,
posse querelam instaurari ab eius quoque
liberis. Sed non propterea hoc rescriptum
tollitur. Fieri enim potest, ut mulier quæ
hic proponitur, querelam habuerit: sed
adversus testamentum filii sui, a quo præ-
terita erat. Hanc decedens mulier non
transmittit non preparatam, ne ad filios
quidem suos vel ex Iustiniani constitutio-
ne: quippe quæ non ad quovis liberos
præteriti aut exheredati pertineat: sed ad
liberos, qui iidem sint nepotes eius avi,
de cuius testamento tanquam inofficioso
agitur: ad quam rationem initio speciem
facti consilio accommodavi. Quod reli-
quum est, & secundo loco quæri dixi-
mus, etsi querela instaurari non possit: ta-
men nihilominus si fides placitis præstita
non sit, diversam partem conveniri posse
ait Alexander. In quo frisa complectitur,
quæ ad rem pertinebant: primum diver-
sam partem conveniri posse, etsi placitis
stipulatio subdita non sit: tum posse con-
veniri in id, quod interest: postremo in
eam rem actionem fore ex stipulatu, si
stipulatio intercessit, aut hac omissa, fore
præscriptis verbis actionem. Hæc in illis
verbis; *verum si fides placitis præstita
non est.*

8 Ait, † *diversam partem recte conve-
nietis.* Nempe de parte bonorum promissa.
Nam eum quid fecit, ut dares, aut rade-
res, neque das, aut tradis: aut repeti-
tur quod factum est, si potest, aut in
hoc agitur, ut promissa præstentur, *L. natu-
ralis, §. 1. L. ob eam causam, D. de
pres. ver.* Ait autem diversam partem
recte conveniri, etsi pacto tantum pars
bonorum fuerit promissa citra stipulationem.
Id enim in fine subicit. Ergo hoc
dicit, quod transactionis causa promissum
est, etsi pacto tantum promissum sit, ut-
hilominus ex pacto peti posse: quod ne-
gatur in *L. cum proponas inter, sup. prox.
tit. L. sive apud, infr. cod.* Nempe alia
arque alia in re recte utrumque dicitur,
ex pacto agi posse, & non posse, prout
scilicet pactum est, quod proponitur. Pactum
si nudum est, ex pacto agi non po-
test. Si nudum non est, ex eo agi potest.
L. legem, sup. prox. tit. At in *L. cum
pro-*

proponas, & L. siue apud. Pecunia a reo nudo pacto promissa est: utpote in quibus proponitur actor nihil fecisse, ut eam pecuniam acciperet: promissit enim se a lite discedurum, quod non fecit: actionem enim pacto tantum remisit. Itaque nihilominus semper mansit iure civili actio, ut ante, *d. L. 5. sup. prox. sit.* qua de re dixi ad *d. L. cum proponas.* In proposita autem specie non est pactum nudum, quo pars bonorum promissa est. Nam praeterquam, quod matri transgissent promissa est, fecit etiam mater, ut eam partem acciperet: promissit se a lite discedurum, quod & re implevit. Morte enim sua & silentio sic finivit actionem de inofficioso, ut nulla superesset eius hereditas. Non mirum igitur, si hic ex pacto actio sit: illic non sit.

- 9 Ait, *† recte convenit is in id, quod interest.* Non recte, & secundum regulas iuris, si intelligimus heredem in specie proposita promississe se daturum mulieri partem bonorum. Cum enim promissio in dando est, convenit certam esse promissionem *L. ubi autem, §. ult. D. de verb. oblig.* cui consequens est, ut ex eo genere non sit actio in id quod interest. Nam & illud convenit omnem stipulationem esse incertam, ex qua agitur in id, quod interest; quia & ipsum, quod interest, quod stipulatione continetur, sit incertum, *L. si penam, D. de verb. ob. §. ult. Inst. cod.* Sed haec ita sunt, cum sequimur legem communem obligationum dandi. Ea in actione praescriptis verbis non servatur, ne tum quidem, cum dedi, aut feci, ut dares. *L. 5. 1. resp. & §. ac cum do, D. de praes. verb.* ut disserui in commentario sequenti, *De praescriptis verbis, cap. 22.* Et tamen si quis ita esse nondum satis persuasus hunc scopulum vitare velit, recte dixerit cum Alciato, illa verba conventionis, ut partem bonorum susciperet, sic accipi posse, fortasse & debere, ut promiserit heres se traditurum partem rerum hereditariam, quod in faciendo est: non etiam se daturum. Non utique, quod hic datur actio in id quod interest: quam intentionem admittit actio praescriptis verbis, etiam cum dedi, aut feci, ut dares, ut ante dixi. Non etiam quod huius actionis putatur locus non esse, cum facio, ut des. Nam id quoque falsum puto, & pluribus ostendi in eodem commentario, *De praescriptis verbis.* Sed nec ideo, quod proponitur convenisse, ut mulier bonorum partem suscipere, non ut pars bonorum ei daretur. Possunt enim bona suscipi, id est, accipi, *Tom. VII.*

non minus ab eo, qui dat, quam ab eo, qui solum tradit, *d. L. 5. 1. resp.* Sed hoc argumentum est, quod proponitur actum esse, ut mulier acciperet non quidvis, sed partem bonorum. Nempe ergo actum est, ut mulier suscipere bona hereditaria, proinde ut suscipere, quatenus sunt bona, non amplius. At bona hereditaria non tantum sunt, quae fuerunt in dominio defuncti, sed & quae aliena sunt: puta, res bona fide possessae, oppignoratae, item actiones, & nomina. *L. bonorum, D. de verb. sig.* Horum vero ad heredes uti heres est, nihil dari potest. Est enim dare, dominium transferre, *§. sic itaque, Inst. de action. heres autem, qui dominus non est, ea in accipientem transferre non potuit. L. traditio, D. de acqu. rer. dom.* Ex quo intelligitur hoc actum esse ut heres partem bonorum traderet, quod potuit: non esse actum, ut daret; quia non potuit. Promissio ergo in faciendo versatur. id si promissor non facit, non alia hic actio, & condemnatio est ex regulis iuris, quam in id, quod interest, *L. si quis ab alio, D. de re iud. L. stipulationes non dividuntur, vers. Celsus. D. de verb. ob.* Hoc posito ratio reliqui rescripti expedita est, cur velit Alexander in hanc rem has esse actiones, ex stipulatu, aut praescriptis verbis.

Et ex stipulatu actio, inquit, competit. Recte Nam si stipulatio in faciendo, nempe in tradendo est, incerta est *L. ubi autem, §. si id quod. L. si penam, D. de verb. ob.* Porro ex stipulatu actio ex incerta stipulatione competit. *Inst. de verb. ob. in princ. Aut si omissa verborum obligatio est, utilis actio, quae praescriptis verbis rem gestam demonstrat, danda est.* id est, praescriptis verbis actio danda est. Recte hoc quoque, & conveniens supra scriptae conventioni.

Nam *†* si heres promissit se partem traditurum: apparet contractum esse negotium, in quo mater fecit, id est, a lite recessit, ut heres faceret, id est, ut traderet. In quo genere convenit inter omnes adversus eum, qui non facit, esse praescriptis verbis actionem, *L. naturalis, §. sed si facio, D. de praes. verb.* Itaque et si faceret in eo genere, cum feci, ut dares, & postquam feci, cessas dare, actionem praescriptis verbis mihi non competere, idque putarem cum vulgo probari verbis Pauli, quae sunt in *d. L. naturalis, §. quod si faciam.* quod non puto: tamen etiam hac sententia admissa, nihil hic locus huius rescripto adverteretur, in quo

quo constet eiusmodi negotium non geri, ut nihil sit necesse illam questionem in hoc rescriptum introduci.

- 11 Est † autem observanda cirenolocutio, qua actionem præscriptis verbis Alexander describit. *Utilem* vocat, & eam, *quæ præscriptis verbis rem gestam demonstrat*. Quorum utrumque habet dubitationem, utilem ne vocet efficacem,

an non directam: & utrum inde actio nomen habeat, quia demonstret rem præscriptis verbis, quod hic locus innuit: an aliunde. Sed quæ sit hæc actio: cur ita vocetur: quid differat ab actione in factum: quibus in negotiis competat, scriptum a me est diligentius in eodem illo commentario, *de præscriptis verbis & in factum actione*.

L. De alimentis. 7.

Imp. Gordianus A Iunio militi.

Transactionis placitum ab eo interpositum, cui causæ actionem, non de cisionem litis mandasti, nibil petitioni tuæ derogavit, PP. XIV. Kal. Ian. Gordiano A. & Aviola, Coss.

S U M M A R I A.

1. De alimentis relictis transactio vetita, non pactio donationis confessa, & cur. & num. 4.
2. De quibus alimentis vetitum transfigere, & quibus conditionibus.
3. Prohibita de alimentis transactionis duplex ratio.
4. De alimentis cur vetita transactio etiam cum damno alimentarii: cum liceat unicuique iuris sui persecutionem deteriorem pacto constituere; adde, cum & hæc donationis causa in totum remittere liceat, rationem esse in ver-

- luntate testatoris, & cur non ob hanc etiam prohibeatur pactio.
5. Transactio de ceteris rebus testamento relictis cur non prohibita quasi contra voluntatem testatoris.
6. De alimentis relictis transfigere quid opus fuerit veteri senatusconsulto, si voluntas testatoris per se prohibeat.
7. De alimentis inter vivos constitutis non vetitam transactionem: & quare.
8. De alimentis futuris cur vetita transactio, non de præteritis.

TRansactiones bona fide interpositæ ratæ sunt: non tamen de omnibus rebus. Excipiuntur in re pecuniaria alimenta, quæ relictæ sunt: in criminibus ea, quæ sanguinis poenam non ingerunt. De criminibus in *L. transfigere, infr.* De alimentis est hoc rescriptum, de quibus plenius cautum est oratione Marci Antonini Imperatoris, quæ explicatur fusc ab Ulpiano in *L. cum hi, D. eod.* Tantum, quod satis sit ad hunc locum intelligendum, eius orationis capita nobis notanda sunt: cætera ex interpretatione Ulpiani petentur. Observandum igitur, quid oratio vetet: de quibus alimentis loquatur: quibus conditionibus vetet: tum quæ sit causa prohibitionis.

Vetat † oratio transfigere, ut hic indicatur, & *d. L. cum hi*, nusquam pacisci. Unde intelligitur non licere aliquo accepto actionem alimentorum remittere: gratis autem & donationis causa licere. Nam cum omnia licere putantur, quæ non prohibentur. *L. mutus, §. 2. D. de proc. L. 1. D. de testib.* tum præcipue in hoc genere pacta habenda sunt, quæ omnia edicto prætoris nominatim confirmantur. *L. inriscentium, §. ait prætor, D. de pact.* Quapropter cum non prohibeamur pacisci de alimentis, sine dubio rata erit pactio. At enim vetat oratio transfigere. Sed aliud pacisci donationis causa, *L. 1. D. eod.* Neque utrumque eadem conditione habetur, ut mox dicam.

2. Iam † vetat oratio transigere de alimentis, non de aliis rebus: & de alimentis, non quibuscumque, sed iis, quæ testamento relicta sunt, aut codicillis; aut constituta sunt mortis causa donatione. *d. L. cum hi, in princ. §. 1.* Neque rursus de omnibus, quæ sunt relicta: sed de futuris dumtaxat, non etiam præteritis, quod hoc scriptum traditum est. In quo præterita vocantur præteritorum, futura insequentium annorum. Non prohibetur transactio absolute, sed hæc sunt conditiones, si alimentarius causam alimentorum deteriore faciat transigendo: & non permittente prætere id faciat, aut non ita permittente, ut oratio iubet. Qui si transigendo sibi consulat, valebit transactio, ut adhibitis exemplis confirmat Ulpianus in *d. L. cum hi, §. eam transactionem*. Idem est, etsi prætor ratam habuerit transactionem, cum de his tribus prius cognovisset, quæ oratio complectitur, nempe de causa transactionis, de modo transigendi, deque personis transigentium. In quibus quæ spectanda & animadvertenda sint prætori, dilucide Idem Ulpianus docet in *d. L. cum hi, §. vult igitur*.

3. Prohibitionis † huius rationem duplicem habuit Antonius, quam & oratione expresse. Unam, ne alimenta interceptentur transactione, *d. L. §. eam transactionem*: alteram, quia hi, quibus alimenta relinquuntur, facile de his transigant, contenti modico præseute, *d. L. in princ.* In quibus omnibus præterea, quæ ab Ulpiano tractata sunt, hæc vobis occurrunt quæ queruntur. Primum vetat oratio de alimentis transigere, non pacisci.

4. Si † causa est, cur placeat alimenta non intercepti, cur de his vetita transactio potius, quam pactio donationis causa facta: cum donatione multo magis interceptantur alimenta? etenim ex transactione aliquid saltem accipit alimentarius: at ex donatione nihil. Ratio in oratione expressa est; quia facile homines transigant modico præseute contenti. Hoc enim tantumdem valet, ac si dictum esset, ideo subveniendum esse ei, qui transigat, quia facile homines commodo aliquo præseute illecti decipiantur ad remittendum, quod sit uou solum in diem, sed etiam incertum, & quod ipsi mortuis ad heredes eorum non traueat. At non item facile homines donant: quia in donatione nulla est illecebra ad remittendum, ubi nihil est, quod accipiat alimentarius in præsentia, non magis, quam si nihil remisisset. Itaque si nihilominus remisit, cum

Tom. VII.

nulla re ad id factum non dico cogere-
tur, sed ne invitaretur quidem, de se
queri debet. Hic quidem dignus auxilio
non videtur, quod tantum facilitati, &
deceptis paratum esse debet, non iis, qui
libere & certo iudicio quid gesserunt.
Non est hæc distinctio sine exemplo. Idem
factum observare possumus in senatuscon-
sulto, quod est de iurecessionibus mulie-
rum. Eo subvenitur mulieri, quæ pro
alio se obligavit. At, quod mirum sit,
ei quæ pro alio ultro quid solvit & do-
navit (in quo multo certius mulier iam
læditur) non subvenitur *L. 4. D. ad Vel.*
Quid ita? licet enim hic idem querere,
quod paulo ante fecimus: cum plus sit detri-
menti in donatione, quæ statim & in
præsentia donanti rem aufert, quam in
promissione? cur prohibetur promissio,
inquam, donatio non prohibetur? Ut scia-
mus eam esse rationem, quam supra red-
didimus, rem, *ibidem* Ita Ulpianus expedi-
dit; *quia facilius, inquit, se mulier obli-
gat quam alieni donat.*

Sed † cur de alimentis prohibitum est
etiam transigere? Ne transactione intercipi-
antur alimenta, inquis. Hæc ratio non
est satis. Quidam enim licuerit alimentario
iure communi uti, id est, pacificando iuri
sui persecutionem & spem futura per-
ceptionis deteriore constituitur? Nam
hæc iure publico omnibus licent, *L. 7. §. si paciscar. L. pactum, D. de pact.*
Dices alimenta ad rem maxime omnium
pretiosam pertinere, nempe vitam. Ideir-
co ne cogatur alimentarius alimentis vitæ
subductis fame interire, transactionem pos-
simum de alimentis ex privatis rebus esse
interdictam. At ista ratione dicendum
fuit non transactionem tantum de his inter-
dictam debuisse: sed multo magis pactio-
nem. Ista ipsa ratione dicemus, etsi ali-
menta consensu inter vivos constituta sint:
tamen de his prohiberi debuisse transac-
tionem, quoniam & hæc ad vitam per-
tinet, quorum tamen utrumque saluum
est. Quæ ut omnia concesserimus; tamen
huic rationi in homine divite, cui allimen-
ta relicta sint, locus esse non potest. Quan-
tumvis enim hic de his vel pactus sit, vel
transegerit, non est periculum ne propter-
ea egeat. Atqui oratio sic accepta est:
ut etiam huic vetet de alimentis transi-
gere, *d. L. cum hi, §. eam in fin.* Quod
si neque in omnibus causis, in quibus ali-
menta vitæ subducuntur, hæc interdictio
locum habet; & rursum ubi id pericu-
lum cessat, tamen locum habet interdic-
tio; perspicuum est in hac interdictione
vitæ alimentarii uou fuisse potissimum ha-
bitam

bitam rationem. Quæ res igitur fecit, ut ex omnibus rebus de alimentis re aliquæ privata transigere non liceret? Et ne quis hic pueret contra regulas iuris, quæ sunt de potestate rerum privatarum & nostrarum quidquam fieri: fateremur nullam esse causam cur ira statueretur, ut hic constitutum est, si alimentarii persona spectaretur. Cuius ergo hic ratio habetur? Testatoris haud dubie; qui pecuniam reliquit in alimenta. Hinc enim est, cur vetet oratio transigi non de omnibus alimentis; sed de iis, quæ testamento relicta sunt. Et non dubium est, quin fiat contra voluntatem testatoris, si alimenta transigendo intercipiantur: qui ideo ea in annos singulos; aut in singulos menses distribuit, ut esset legatario, quod quotannis, aut quot mensibus ad supremam usque senectutem ad vitam suppetere. Sed ex hac re multa incidunt, quæ queramus. Nam si in hac re placet rationem voluntatis testatoris esse habendam, ut conserveur, cur non prohibetur alimentarii pactio, qua contra voluntatem eius multo magis alimenta intercipiuntur? Putem id eo fieri; quia visum sit senatui æquum esse, voluntatem testatoris conservare ei, qui testatoris eius liberalitate uti vellet aliquid pro alimentis in præsentia accipiendo: non etiam ei, qui liberalitatem eius contemneret; alimenta reiiciendo: quod is facit, qui ex donationis causa remittit ei, unde sunt relicta.

6 Rursum, † si voluntas testatoris in hac re conservanda est, cur non de cæteris rebus testamento relictis transigere prohibemur? Quia de cæteris transigendo nihil fit contra testatoris voluntatem: Si enim ita relicta sunt, ut semel præstentur, hoc ipso declarat testator se velle eas legatarii esse proprias, ex quo evenire & illud necesse est, ut possit legatarius de iis vel auctore ipso testatore pro arbitrio, statueret. Si relicta ita est summa pecuniæ, ut non semel, sed particulatim ea præstetur divisim pensionibus in singulos annos, donec tota summa soluta sit: siquidem non adiecit testator se id facere legatarii causa; ut inde alatur: apparet hanc divisionem pensionum heredis causa adiectam esse, non legatarii. Sola igitur alimenta restabant, quæ vere dicturimus, ideo in singulos annos aut menses relicta esse, ne legatarius ea ante haberet, quam testator iussit: ne his interceptis legatarius egere cogatur contra sententiam testatoris. Sed si hæc voluntas testatoris est, ne de alimentis facile

transigatur, demus sane hæc esse servandam.

At † quid opus fuit senatusconsulto cavere, ut id fieret in hac specie cum ius publicum ita sit supremis testantium voluntates præcipue esse conservandas? *L. verbis legis, D. de verb. sign. L. x. sup. de sacros. eccles. L. vel negare, D. 10. fam. quem. aper.* Quia in hac specie non esset servanda voluntas testatoris etiam iure publico, nisi auctoritas senatus intervenisset. Quavis enim veraret aperte testator, ne legatarius transigeret de alimentis, & pecuniam inde acceptam consumeret: tamen nudum hoc præceptum est, ubi non reperitur persona alterius, quam legatarii, cuius causa id caveatur. Placet autem, quavis in cæteris omnibus voluntas testatoris conserveatur: at tamen in hac re nullius esse momenti, ubi nudum est præceptum testatoris, *L. filiusfam. 114. §. Divi: de L. 2.*

Sed † cur de his alimentis, quæ testamento relicta sunt, prius verita transactio, quam de his, quæ consensu constituta debentur? Quia visum non est senatui consulere iis, qui inter vivos ita constituisent, etiam maxime qui eas constituit, alimentarii causa id fecerit: ut, si patruus, aut cognatus aliquis dives cognato suo inopi & parum industrio ista donationis causa constituit. Neque id abs re. Non enim fuit necesse: cum sit in potestate constitutis in eo sibi cavere, & efficere, ne alimentarius de alimentis transigat. Si vult se vivo de his non transigi, det operam, ne consentiat & res absoluta est: non enim ipso invito cum ipso transigitur. Quod si nolit se mortuo transigi cum suis heredibus, facillime id consequetur eadem alimenta eidem legando, sub conditione, si heres de alimentis tranlegerit. Sic enim metuet heres transigere, ne frustra quid dederit, dum nihilominus eadem alimenta ex testamento debebit. Aut si transiget; sic incipient alimenta ex testamento deberi, ut nec de his iam possit transigi. Deinceps enim legato agnato incipient ad orationem pertinere.

Ad † extremum cur non licet de futuris alimentis transigere: licet de præteritis. An quod præterita debentur: futura non debentur: ut proinde de illis tanquam de re nostra liceat pacisci: de his ut re non nostra non liceat? Sed spem etiam futura perceptionis detererem constitutorem possumus, *L. passum, D. de pass.* Ergo hæc ratio est, ut mihi videtur; quia alimenta præterita verbo alimenta dicuntur: re non sunt: quod ita demonstrari potest.

potest. Si sunt alimenta, aut sunt in præsens, aut in futurum, aut in præteritum. Non sunt in præsens, aut futurum: non enim in hæc tempora testator ea destinavit: alioqui sane male dicerentur præterita. Rursum in præteritum alimenta non sunt: quis enim in præteritum aliquid posuit? si quis alitur, in præsens alatur necesse est. Ex quo efficitur alimenta præterita alimenta non esse. Sed ita dicatur, re-

latione facta ad id præteritum tempus, ad quod testator ea alimenta destinavit, etsi, eo tempore non fuerunt reddita. Itaque in oratione Antouli, quæ refertur in *d. L. cum hi.* nihil amplius scriptum legimus, quam non licere transigere de alimentis, quæ relicta sunt, non additur de futuris, quia hæc sola sunt alimenta. Quod si ita est, non refert hoc scriptum id, quod in oratione sua, sed interpretatur.

L. 8. De alimentis.

Imp. Gordianus, A. Licinio.

De alimentis præteritis si questio deferatur, transigi potest: de futuris autem sine præiore, seu præside interposita transactio nulla auctoritate iuris censetur. PP. X. Kal. Ian. Pio & Pontiano. Coss.

S U M M A R I A.

1. Procuratoris pactum; seu transactio quando domino nocet.

Procuratoris pactum domino nocet; sed ita, dum paciscatur ut procurator, id est, de eo, de quo & illi mandatum est, quod ita sit, si aut ei mandatum sit, ut pacisceretur, aut omnium rerum domini sit procurator, aut sit in rem suam datus, *L. nam & nocere, D. de pact. L. insurandum, quod ex conventionibus s. ult. D. de iur.* Nam extra mandatum procurator non est ex definitione procuratoris, *L. 1. D. de proc.* Hinc questio de potestate eius, qui in litem ad agendum, aut defendendum datus est. De qua hic ita scriptum est.

Cui [†] causæ actio mandata est, id est, ¹ cui mandatum est, ut causam ageret, is si de lite decidat, id est, transigat, domino nihil nocet. Non enim ut transigeret, ei mandatum est. Ac præterquam, quod mandavit, aut ratum habuit quisque, ei factum alienum nocere non potest. *L. diligenter, D. mand. L. si procurator, infr. de procur.* Tantum vero abest, ut qui mandavit actionem, videatur transactionem mandasse, ut sint hæc non diversis modo, sed etiam pugnantia, agere & transigere. Nam qui agit, litem movet: qui transigit, finit.

L. 9. Si super.

Imp. Gordianus A. Agrippino.

Si super possessione, quæ tibi quaesita est, cum questionem patereris, a fratre uxoris tuæ, pactum conventum, & stipulatio inter vos, (ut allegas) interposita est, ut si intra diem certum idem adversarius tuus decem aureos tibi numerasset, possessione ei cederes, vel si eam inferre quantitatem non curasset, ulterius questionem non patereris: & is, qui ita spondidit, promisso satis non fecit: consequens est, te, ad quem res pertinet, vim ab eo pati non debere. Cuius rei gratia vir clarissimus præfes provinciae interpellatus vim (fieri) prohibebit: præcipue cum, etiamsi in rem diversæ parti actio competeret, huiusmodi pactione propter utilem exceptionem posset submoventi, PP. VI. Id. April. Gord. Aug. II. & Pompeiano Coss.

S U M M A R I A.

1. Species rescripti, & summa.
2. Conventio hic, non transactio: & quid ad rem pertineat id nosse.
3. Actorem in proposito, si intra diem decem offerat recusante possessore,

habere actionem ex stipulatione, aut sine stipulatione præscriptis verbis, quasi impleta conditione decem dedisset.

1. **A** Me possessionem quæ vindicas, id est, fundum. Nam id quoque possessio significat *L. questio, D. de verbor. signific.* Convenit inter nos, ut si intra mensem decem mihi dares, ego tibi eo fundo cederem: nisi dares, convenit, ne mihi faceres amplius fundi controversiam. Intra mensem decem non das; itaque posterioris conventionis conditio existit. An conventionis exceptione tuendus sum, quæro. Rescriptum est me tuendum esse.

2. Quæri tamen solet, quo iure: cum transactio non sit, nisi tunc, cum actori quid datur aut promittitur. *L. transactio, inf.* conflet autem hic nihil neque datum, neque promissum esse. Dicendum est non esse hic transactionem: sed non eo minus conventionem esse, ac conventiones istæ servandæ sunt. At enim dicit quispiam, non est æquum me rem alienam possidere. Necesse est autem hunc fundum, de quo agitur, alienam esse, si eum actor in me non transiit. Respondeo, hoc ita iniquum me rem alienam possidere, si possideam invito domino. Nam si volente eo possideo, cum ita convenit: conventio ex dicto rata est. Dixi hic transactionem non esse, non quod ad vim conventionis quidquam interfuit, ntrum transactionem, an conventionem solum

esse dicamus, cum pariter ex transactione defenderetur possessor, atque ex pacto, imo magis: sed ne quid hic contrarium diceremus ei definitioni, qua placet, nullo dato, vel retento, aut promisso, transactionem non esse, *d. L. transactio nulla, inf.* quæ omnia in speciem hic propositam concurrunt. Et certe transactio hic esse non potest, ubi possessor totum habet, actor nihil: cum transactionis proprium sit, ut actor neque totum accipiat, quod petit, neque rursus totum remittat, sed ex eo, quod petit, pars aliqua ei decidatur. Vulgo tamen transactionem esse defendunt, ne inepte rescriptum in hunc titulum relatum sit: idque faciunt hac ratione, quod dicant actorem ex conventionem aliquid accipere potuisse, atque adeo fundum totum, si vellet, decem nimirum dando, hoc potuisse accipere: etsi non acceperit, pro accepto haberi volunt, ut sic efficiatur transactio, quod ad interpretationem *d. L. transactio*, notari præcipiunt. Sed ne huic quidem rationi in specie, de qua hic agitur, locus esse potest. Agitur enim de eo, qui intra diem constitutam decem non dedit, adversus quem possessor fundum retinere vult ex conventionem, quaeriturque, an hoc casu retineatur fundus

ex transactione, an non. Perspicuum, vero est, ne superscripta quidem ratione dici posse hic esse transactionem, cum actor post id tempus neque quidquam accepit, neque etiam accipere potuerit, facultate implendae conditionis exclusus. Cur ergo in hunc titulum haec species relata est? Quia conventio ita concepta est sub conditione, & ad diem, ut intra diem transactio esse potuerit. Nam si actor intra diem decem daret: tum vera esset transactio, ubi actor fundum suum reciperet, non tamen totum, cum pro eo aliquid possessori daret.

- 3 Sed si cum in specie facti proposita duae conventiones; una, ut fundus reddatur, si decem ex conditione data sint; altera, ne reddatur, si conditio impleta

non sit, & de vi posterioris hic tantum respondeatur: quid fiet, si proponas actorem intra diem decem offerre ex conditione; & possessorem non accipere, ut fundum retineat? Dicemus actorem fundum vindicare posse, ut prius, si velit: sed & fundum petere posse ex stipulatione, quae hic proponitur, tamquam conditione impleta, cum per reum stet, quo minus impleatur, *L. in executione, §. ult. D. de verb. obli. L. in iure, D. de reg. iur.* Citra stipulationem autem an agi possit ex pacto dubitari potest. Et putem agi posse eadem ratione; ageretur enim, si decem data essent, quae nunc pro datis habentur ex regula iuris, *d. L. in iure, de reg. iur.*

L. Fratri. 10.

Imp. Philippus A. Apollophaniz.

Fratri tui filiis de paterna successione ac statu etiam nunc contra fidem sanguinis, itemque placitorum, questionem inferre parum probe postulas. Nullus etenim eris litium finis, si a transactionibus bona fide interpositis coperis facile discedere. PP. prid. Kal. April. Peregrino & Aemiliano Coss.

S U M M A R I A.

1. *His verbis, a transactionibus bona fide interpositis non licere discedere, cur hic additum non facile, & hoc quid sit.*
2. *Cum hic dicitur, nullum futurum finem litium, cur addatur hac*

conditio, si a transactione ceperit facile discedi, cum possit litis finire aliis modis.

3. *Contra fidem sanguinis quid sit in hoc rescripto.*

SENTENTIA est, a transactionibus bona fide interpositis recedi non posse, eadem, quae in *L. cum te, sup. L. causat. L. interpositas. L. non minorem. L. sine apud, inf.* addita hic est ratio, ut sit aliquis litium finis; non temere: quid valeat, intelligitur in *L. si pro fundo, inf.*

- 4 Sed si adiecit rescriptum non facile discedi posse. Cur non facile, cum in totum a transactionibus bona fide interpositis recedi non possit? *L. 4. L. 5. sup. sed.* Nam hoc non facile, valet non temere: ceterum ex magna & evidenti causa posse. *L. pen. D. de in ius. rest.* Additum hoc est propter minores viginti quinque annis, cum quibus transactiones etiam bona fide interpositae in integrum

restitutione petita rescindi possunt. *d. L. 4. & L. 5. sup.*

Ait si etiam rescriptum, si a transactione ceperit facile discedi, nullum futurum litium finem, quasi alio modo non posset finire, quod falsum est. Ut enim a transactione discesseris, finire litis potest re indicata. *L. 1. D. de re iud. L. 1. inf. de re iud.* finire potest & iurciurando. *L. 1. L. 2. D. de iur.* Immo ne his quidem modis potest finire, si licet a transactione discedere, ut bene Accursius scripsit. Nam iusurandum servatur ideo, quia transactionis speciem continet. *L. 2. D. de iur.* Ne valeat transactio: consequens est iusurandum transactionis speciem non valere, sive speciem intelligas formam, aut partem, sive speciem, imaginem.

ginem. Res autem iudicatæ non maiorem habent auctoritatem, quam transactiones. *L. non minorem, inf. cod.* ut si ab hac specie licet discedere, par sit licere etiam ab altera.

3 Contra † fidem sanguinis in hoc rescripto significat, contra officium consan-

guinitatis, contra quam consanguineus consanguineo præstare debet ex officio sanguinis & tacita quadam fide, qua alter alteri iure sanguinis obstrictus est; & in summa contra quam a consanguineo expectari debet.

L. De fideicommissio 11.

Impp. Valerianus, Gallienus AA. & Valerianus nobilis Cæsar Caiano militi.

De fideicommissio a patre inter te & fratrem tuum vicissim dato, si alter vestrum sine liberis excefferit vita, interposita transactio rata est: cum fratrum concordia, remoto captandæ mortis alterius voto improbabili, retinetur. Et non potest eo casu rescindi, tamquam circumventus sis, cum pacto tali consenseris, neque eam, cui subveniri solet, etatem agere te proponas: nec, si ageres, iisdem illis de causis in integrum restitutionis auxilium impetrare deberes. PP. XV. Kal. Decemb. Valeriano & Gallieno AA. utrisque II. Coss.

S U M M A R I A.

1. Si qui mutui fideicommissi quamvis nondum delati spem invicem pacto remittant, ut aliquid accipiant, transactionem esse omnia continentem, quæ sunt propria transactionis.

2. Adversus transactionem, quæ spei futuri fideicommissi aliquo capto remittitur, nullam esse etatis in integrum restitutionem? & cur.

1 **I**nter † quos heredes mutuum fideicommissum relictum est ita, ut qui prior decederet sine liberis, portionem suam superstiti restitueret, hi si invicem spem fideicommissi remittant, transactio est. Est enim pactio de lite, non quidem quæ nunc sit, sed quæ esse possit postea, quod est ad transactionem satis. *L. 2. sup.* Est & de lite incerta, quia cui fideicommissi actio detur, incertum propter incertum conditionis. Et quoniam nulla est transactio, nisi cum remittenti litem aliquam aliquid vicissim datur, aut ab eo retinetur. *L. transactio infr.* id quoque ne quis hic requirat, sic in proposito accidit. Uterque enim sic alterius partis actionem remisit alteri, ut retineat suam partem & sibi & heredibus.

2. Hæc † transactio ita rata est, ut non valcat tantum inter maiores viginti quinque annis iure publico, quo transactiones ratæ sunt: sed etiam iure prætorio inter minores. Intelligi enim oportet ita subveniri minoribus, non si quid gesserint: sed si ita gesserint, ut etiam sint capti.

L. verum, §. sciendum, D. de minor. Quod Imperatores ostendunt in proposita specie non contigisse his de causis. Primum, quod quantum unus dat alteri, tantum ab eo vicissim retinet. Deinde, quia accedunt hæc utrique commoda: quod removetur utrique votum improbandum captandæ mortis alterius: utrique hoc facto amovetur huius periculi metus: eodemque facto inter fratres concordia retinetur. At enim præter spem evenire potest, ut maior prior moriatur. Non dabit ea res restitutionem, eleganter Ulpianus in *d. L. verum, §. sciendum non eventus damni restitutionem induit, sed inconsulta facilitas* fideicommissum reciprocum remissum esse hic proponitur. Quid, si simplex erit fideicommissum relictum ei, qui nunc superstes est, & minor transigit? non eo minus rata erit transactio iisdem de causis; quia hic ex transactione quid accepit, quod certus erat se perpetuo habiturum, & ad heredes suos transmissurum: cum si non transigisset, fieri posset, ut nihil haberet; quia prior

prior decederet, quam frater. Boni patrifamilias est potius certi quid accipere, quam pendere ex dubio eventu, ubi fieri

possit, ut plane nihil auferat. Ad id commodum accedunt superiora, quæ non minus & in hac remissione conspiciuntur.

L. preses. 12.

Impp. Valerianus, Gallienus AA. & Valerianus nobilis Cæsar Caiano militi.

Preses Provincie existimabit, utrum de dubia lite transactio inter te & civitatis tue administratores facta sit: An ambitiose id, quod indubitate deberi posset, remissum sit. Nam priore casu ratam manere transactionem iubebit: posteriore vero casu nocere civitati gratiam non sinet. PP. XVI. Kal. Mart. Æmiliano & Basso. Coss.

S U M M A R I A.

1. Tutoris, curatoris, administratoris civitatis parem esse potestatem in rebus sibi commissis gerendis.
2. Curatorem civitatis de re dubia

transigere posse: rem certam remittere non posse.

3. Ambitio quid: & quod ambitiosum factum curatoris civitatis.
4. Ambitiosa decreta

1 **Q**Uæ potestas † est tutoris in rebus pupilli, curatoris in rebus adulti, de qua diximus ad *L. pactum curatoris, sup. prox. tit.* eadem est administratoris civitatis in rebus ad civitatem pertinentibus. Nempe una est omnibus rerum administratio permixta: nihil amplius. Ea continetur, ut rem gerant, non perdant. Ex quo est quod hic traditur, ut possit † curator civitatis de lite dubia transigere: rem autem certam & indubitatam frustra remittat: cuius distinctionis reddidi rationem ad *d. L. pactum curatoris*. Rem indubitatam qui remittit, dicitur hoc loco ambitiose remittere. Recte.

3 Est † enim ambitio, nimis & perversa honoris cupiditas, cum quibus rebus non oportet; non quo modo quibuscumque rationibus oportet, materiam honoris & gratiæ captamus. Quod hi faciunt, qui rem gerentes publicam, aut privatam, largiuntur

tor aliis de alieno: qualis est civitatis administrator, qui debitoribus civitatis debitum remittit: aut magistratus, decurione, cum decernit de publico alieni aedes, vel prædia, vel certam pecuniam præstari. Non dubium est enim, quin his factis affectent liberalitatis, magnificentiæ, aut splendoris laudem: cupiant etiam alios sibi gratia, id est, beneficio demereri, eamque gratiam, id est, favorem, ab illis inire: quod & ut plurimum apud vulgos consequuntur, sed perverse, & minime ut oportet; cum de alieno, ut dixi, & eo quidem, cuius cura ipsis erat tradita, largiantur. Merito igitur & eiusmodi remissio hoc loco ambitiosa.

Et † decreta decurionum, quibus idem decernitur, ambitiosa ab Ulpiano appellantur in *L. ambitiosa, D. de decret. vel ordine fac.* ut sint ambitiosa, quæ malis rationibus sunt ad inanem laudem, & gratiam comparata.

L. Interpositas. 13.

Impp. Dioclet. & Maximian. AA. Probz.

Interpositas metus causa transactiones ratas non haberi edito perpetuo continetur. Nec tamen quilibet metus ad rescindendum ea, quæ consensu terminata sunt, sufficit. Sed talem metum probari oportet, qui salutis periculum, vel corporis cruciatum contineat. Ad vim tamen, vel dolum arguendum qualitas causæ principalis non sufficit: unde, si nihil tale probari potest, consensu questiones terminatas minime instaurari oportet. Sed quoniam enim, cum quo se transigisse commemoras, ex ancilla (tua) natum servum tuum esse adseveras: si vera sunt, quæ precibus complexus es, alia ratio pactum reformat, nec enim dubii iuris est, dominos cum servis suis paciscentes, ex placitis teneri, atque obligari non posse. S. IV. Nonas April. Bizantii, ipsis IV. & III. AA. Coss.

S U M M A R I A.

1. Summa rescripti.
2. Metu gestum irritum.
3. Edicta veterum prætorum a Salvio Iuliano composita, id est, digesta in ordinem, totum id corpus compositionis confirmante Hadriano Imperatore.
4. Edicta olim æmilia: post compositionem Iuliani confirmata ab Hadriano perpetua esse capta, utpote pro iure perpetua habita.
5. Edictum perpetuum singulari numero dici captum totum illud corpus edictorum compositum a Iuliano.
6. Neque remisso accepto maior dolum in reo, neque maior remisso promisso dolum in auctore transigente arguit.
7. Dominus servus an & quatenus obligari possit, ut servus utiliter adversus dominum consistat.

DUe res hic † proponuntur, quæ transactioni obstant: metus ad transigendum illatus; & eius, cum quo transigitur, servitus, si dominus cum eo ut cum libero transegerit. Metu gesta edita rescinduntur; quo loco docet rescriptum, quo metu, & quomodo is probatur. Domini cum servis suis paciscentes placitis non tenentur: quæ rescripti summa est.

2 *Edicta perpetua continentur.* † Edictum est de eo, quod metus causa gestum est, quæ negat prætor se quidquam, quod metus causa factum sit, ratum habiturum. L. 1. D. quod met. caus. Quem metum in eo edito accipere debeamus, illic quærendum est, quoniam ad interpretationem eius edicti pertinet.

3 Sunt † autem edicta veterum prætorum a Salvio Iuliano temporibus Hadriani Imperatoris composita, id est, digesta in ordinem. L. 2. §. si quid igitur, sup. de vet. iure æmilia. id corpus confirmavit,

Hadrianus, cuius & voluntatem Senatus secutus est, d. L. 2. §. si quid igitur. Hadrianum confirmasse id cum legimus, hoc intelligimus, constituisse illum, ut pro iure perpetuo, & lege ea edita omnia, quæ in illo opere essent, observarentur. Alioqui quid confirmatione Hadriani ad eam rem & senatusconsulto esset opus?

Nam † ante prætorum edicta perpetua non erant: sed exacto anno fiebantur, ut erat annuum prætoris imperium, vit. Iustit. de perpet. & temp. act. in prime. Ipsi quidem prætores, quamdiu prætura fungebantur, ex edictis suis perpetuis ius dicebant lege Cornelia, itaque auctori suo tamdiu erant perpetua: at absolute non erant perpetua, quia ea edicta alios prætores non tenebant. Post compositionem edicti senatusconsulta ceperunt pro iure perpetuo, & lege esse.

Hinc † primum nomen edicti perpetui natum est. Omnia enim edicta, quæ illa com-

compositione in unum corpus redacta erant, tamquam iam unum edictum esset, ideo edictum singulari numero dici coeperunt, *L. 2. D. de stat. hom.* Et quia auctoritas iuris publici ej corpori data est, inde dictum est etiam perpetuum. Inde Salvius Iulianus edicti perpetui conditor & ordinator a Iuliano dictus in *d. L. 2. §. si quid igitur, sup. de vet. iure enuch.* & *L. penult. infr. de cond. indeb.* Nisi quis malit edictum perpetuum dictum esse continenter, coniunctim, & uno tenore compositum, ita ut nulla esset interruptio: sicut Cicero alicubi perpetuam historiam dicit, quæ nullo speciali argumento separatim tractato interrupta est, *lib. 5. epist. famul. epist. 12. ad Lucium.* Sed prius verius est. Nam & ante compositionem Iuliani fuerunt edicta in albo prætorum continenter, & sine interruptione scripta; neque tamen ante tempora Iuliani aut ea dicta sunt edictum, aut dicta perpetuum edictum: si verum est huius edicti, quod perpetuum esse cepit, conditorem esse Iulianum.

- 6 *Qualitas causæ principalis non sufficit.* Non † si is, qui litem remisit, multum remisit, modico contentus, & ita in re captus est; aut reus plus promisit, quam ex remissione consequi potuit: ideo his rebus vincitur, vim aut dolum adversarii intervenisse: cum nihil prohibeat actorem, aut reum illa facere, neque tamen ab adversario coactum, aut circumventum esse. Sic collectio est, *L. neque naturales, infr. de prob.* Sed quid hoc sit, quod dicunt Imperatores, iidem apertius explicant in *L. si voluntate, infr. de rescind. vend.*
- 7 *Nec enim dubii iuris est,* Neque † ex contractu, neque ex maleficio, aut ulla

alia causa inter dominum & servum obligatio & actio nasci potest. *§. hi qui, Inst. de obl. quæ ex del. §. si servus, Inst. de nox. act.* Ex extra libertatem quidem plano nulla nascitur. De libertate autem si quid inter se paciscantur domitius & servus; si quidem transigant, cum is qui servus dicebatur, se servum negaret, rata est transactio tamquam cum libero interposita; sin agitur ut cum servo, ita utilis conventio est, si servus domino pretium dederit, ut manumittatur. Et tamen hæcenus utilis, non ut ordinaria actione experiri possit adversus dominum pro suo iure, ut liberi homines solent: sed ut officiosa postulatione apud magistratum consistat adversus dominum, quo conventioi suæ stare velit, *L. vix certis, D. de iud. L. cum adfirmes, infr. de lib. cau.* Nec de alia specie accipiendum est quod in *L. si servum, §. si quis dederit, D. de acq. her.* ita scriptum est: *si quis dederit nummos domino; ut manumittatur, puta huic omnimodo esse succurrendum.* Domino, sic accipe, non futuro, ut non recte Accursius & Bartolus acceperunt: sed domino suo, quem nunc dominum habet, cui dat nummos. Nec metuemus, ne quod illic dicitur, huic servo omnimodo succurrendum, contrarium sit prioribus. Nam & in hac causa licet servo adversus dominum ita consilire, ut impetret, *d. L. vix certis, D. de iud.* proinde omnimodo. Sed extra ordinem id confsequitur, ut dixi. Et hoc succurrendi verbum significat, quo utimur in his, qui ipso iure & communis auxilio muniti non sunt, *L. in causa, i. iuncta, L. in causa, 2. D. de minor.*



L. Si diversa. 14.

Impp. Dioclet. & Maximian. AA. Sopatræ.

Si diversa pars contra placitum agere nititur: æquitatis ratio suadet, refusa pecunia (cum & tu hoc desideras) causam ex integro agi. PP. IV. Non. Iul. ipsi IV. & III. AA. Coss.

S U M M A R I A.

1. Conventionem, ut alicui adversus transactionem de eadem re agere liceat, refusa quam acceperat pecunia, semper ad iterum agendum utilem esse, si pecunia refusa sit; etiam veteri actione per acceptilationem prius sublata.
2. Conventionem simplicem, ut iterum agere liceat adversus transactionem, alicui inutilem esse, veteri actione prius sublata.
3. Pecunia non refusa ab alicui, esse

illi inutilem, etiam illam conventionem ut pecuniam refundat, & ei de eadem re agere liceat; non tantum si ipse pecuniam non offerat, sed etiam si illo offerente reus accipere recuset.

4. Conventio una si erit, ut alicui agere liceat, sed sub conditione, si pecuniam refundat: inutiliter cum iterum alicui, si pecuniam offerat, tamquam impleta conditione.

Quod tam multis locis incoleatur sub hoc titulo, lites contentas finitas instaurari non posse, quomodo accipiendum sit, docet hoc rescriptum. Nempe invito adversario lis transactione decisa instaurari non potest. Ceterum adversario consentiente, siquidem & pecunia, quam transactionis nomine actor acceperat, refusa sit, quo minus ex integro de eadem re adiri possit, nihil est impedimento. Quin etiam id ita fieri æquitatis ratio suadet, ut hic scriptum est: siquidem æquum est, pactum novissimum servari, *L. pacta novissima, sup. de pact.* Sed cur addidit rescriptum, *refusa pecunia*? non quia non possit interdum agi cum adversario consentiente, etsi pecunia refusa non sit: sed quia non semper potest agi etiam cum eo, qui consenserit, ut secum agi liceret, nisi pecunia sit refusa.

1. Si tunc cum actor pactus est, ut sibi de eadem re agere liceret, refusa pecunia, simul etiam refusa pecunia sit: nunquam erit tempus, cum causa ex integro agi non possit in eamque rem non superpet actio propria, qua actor experietur: sive pacto transactum fuerit ita, ut maneret vetus actio: sive transactum sit per acceptilationem: quo modo vetus actio extincta est. Priore casu sic vetus actio est, ut si seus utatur pacti exceptione, exceptio re-

plicatione doli mali elidatur, *L. si unus, §. pactus, D. de pact.* Posteriore sic vetus actio est sublata, ut ne pacto quidem possit rescisci: cum unaqueque actio ex suis causis, non ex consensu solum nascatur, *d. L. si unus, §. pactus*, sed erit nova, nempe præscriptis verbis: quia sic actor refundit pecuniam, ut sibi iterum liceret agere, in quo pactum non est nudum, sed negotium civile geritur; ex quo est præscriptis verbis actio, *L. legem, sup. de pact. L. solent, D. de præst. verb.* Ea plane simili in specie, in qua actio confusione sublata erat, hæc eadem actio redditus ei, qui quid dedit ut sibi idem, quod prius, potere liceret, in *L. debitori, sup. de pact.*

At tunc si retransacta pactus sit actor, ut de eadem re ageret; sed pactus sit tantum ita, ut pecuniam acceptam non refundere, nihilque daret reo eo pacto, ut sibi liceret agere; est, cum hæc conventio agenti profuit: est etiam, cum sit inutilis. Prodest, si vetus actio transactione sublata non fuit. Licet enim etiam nunc illa experiri: cui si obicitur transactionis exceptio, hæc ut dixi, posterioris pacti replicatione eliditur. Ceterum certe pactio inutilis, si proponas id tum convenisse, cum prius transactione vetus actio esset sublata per acceptilationem. Nam neque

vetus actio semel extincta suscipi potest; neque ex pacto nascitur nova. Proinde cum dicitur hoc rescripto, ex integro causam agi posse, reo consentiente, non otiose additur, si & pecunia refusa sit: cum, pecunia non refusa, non semper de eadem re licet experiri, quanvis ut id facere liceat, reus aliquando desideraverit.

3 Quid si convenerit, ut de eadem re agere liceret, refusa pecunia, reus autem mutato consilio postea pecuniam non accipiat, nec secum agi patiatur? Ipse actionem recte recusat. Facit enim pecuniam recusando, ut semper verum sit eum non accepisse. Nisi forte dicamus, cum pecunia promissa reo offertur, perinde habendum esse, quasi eam accepisset. Sed certi iuris est, cum convenit, ut tibi quid darem, aut facerem, esse penitentiam locum, id est rebus integris esse in potestate tua non accipere, & efficere, ne mihi obligeris, L. 3. L. 5. D. de cond. caus. dat. L. qui pecuniam, D. si cer. pr. Hæc ratio efficit, ut et si transactum sit pacto tantum ita, ut vetus actio maneret integra actori; tamen ei agenti obstat prioris pacti, id est, transactionis exceptio: cum novissimum pactum non aliter ei possit prodesse, quam si pecuniam refuderit; quod non facit, cum reus eam

non accipit; & iam diximus esse in eius potestate eam non accipere. In summa, pecunia non refusa ex hac conventionione, duobus casibus iterum agi non potest. Uno, si simpliciter convenerit, ut agere liceret, nullo de pecunia refundenda pacto interposito, ubi & actio prius transactione extincta erat. Altero, si convenerit de refundenda pecunia, & reus pecuniam accipere recuset, quo casu nec vetere actione experiri licebit, quanvis manserit, nec nova.

Quod si tamen sic accipiendum est, si 4 convenerit nominatim, ut actor refunderet pecuniam, & illi de eadem re agere liceret: ut sic conventio esset duplex, & contractus is, ex quo actor pecuniam dare, reus facere, id est, actionem suscipere deberet. Diversum putem, si una fuerit conventio, ut actori iterum agere liceret sub conditione, si pecuniam refunderet. Nihil enim hic occurrit, cur actor pecuniam offerendo, non recte agat. Agat recte ut impleta conditio, si reus pecuniam refusus accipit. Si non accipit, nihilominus ex regula iuris conditio pro impleta habenda est; quia per eum stat, quo minus impleatur. L. in iure, D. de reg. iur. L. in executione, §. ult. D. de verb. obl.

L. Ut responsum 15.

Imp. Dioclet. & Maximian. AA. Pontio.

Ut responsum congruens accipere possis, inferre pacti exemplum: Ita enim intelligemus, utrum sola conventio fuerit, an etiam Aquiliana stipulatio, nec non & acceptilatio secuta fuerit; quæ si subdita esse illuxerit, nullam adversariae tue petitionem hereditatis, vel in rem specialem competere, palam est. PP. XV. Kal. August. ipsis IV. & III. AA. Coss.

S U M M A R I A.

1. Facti species.
2. Ius ex factis oriri, utque est consultatio, ita & responsum esse oportere.

1 Quid si conventus erat petitione hereditatis aut vindicatione, transiit cum actore ita, ut a lite discederetur, ipse certam pecuniam actori daret. Cum non staret promissis, aut vim, vel dolum in transactione adhibuisse dicere-

3. Petitio hereditatis & rei vindicatio quomodo utiliter deducantur in Aquilianam stipulationem, ut deinde acceptilatione tollantur.

tur, quibus de causis iterum agi potest, L. siue, inf. eod. L. interpositas. L. 4. sup. eod. convenitur iterum vetere petitione, negat secum vetere actione recto agi, quod de ea transactum sit: deque ea re consultat Imperatores.

Respon-

Respondent ¶ illi se nihil congrue, id est, absolute & præcise posse respondere; quia consultor de pacto non satis dixerit. Fieri enim posse, ut actor recte actionem instaret: fieri posse, ut non recte: prout scilicet aut pacto tantum transactum erit, aut per acceptilationem, quod consultor in pacti, de quo consulti, exemplo prætermisit. Acceptilatio si intervenit, actio perempta est; quo fit, ut actor amplius ea experiri non possit. Si transactum est pacto, verus actio mansit: qua proinde recte ille experietur, si fides placitis non præstatur, *L. siue apud inf. eod.* qua de re dixi alibi supra *L. 4.*

3 Notandum, ¶ quod Imperatores dicunt, etiam petitionem hereditatis, atque adeo specialem in rem actionem rei meæ Aquiliana stipulatione & acceptilatione secuta, sic tolli, ut deinceps non competant. De acceptilatione non dubitatur, quin recte & utiliter sequatur, si Aquiliana stipulatio præcessit, in quam actiones deducere-
rentur. At quomodo deduci poterunt, ut sic verbis cautæ contrariis verbis tollerentur? Ipsas actiones sibi præstari nemo actor stipulari potest; quia ipse eas habet, non reus. Rem ipsam, quæ actione in rem petitur, multo minus: nemo enim

rem suam stipulari potest. *L. nemo rem, D. de verb. obl.* Quis ergo locus relinquitur Aquilianæ stipulationi? Quod si in eam hæ actiones, aut res ipsæ deductæ non sunt, ne acceptilatio quidem eas sustulerit, quæ verbis tollere non potest, nisi quod verbis colligatum est; *L. an inutilis, §. acceptum, D. de acceptil.* Et Aquilianæ stipulationis formula, quæ extat in §. item per, *Iust. quib. mod. toll.* ob. ostendit, sic actiones in rem in Aquilianam stipulationem sine offensa iuris deduci, ut dominus, idemque petitor non stipuletur rem suam, sed quanti ea res erit, tantam pecuniam sibi dari, id est, non rem, sed æstimationem. Huius æstimationis obligatio acceptilatione recte tollitur; sublata facit, ut effectus etiam petitio de re ipsa sublata intelligatur. Actionis enim in rem vis & effectus omnis in eo est, ut re non restituta, lis adversus possessorem æstimetur. *L. qui restituere, D. de rei vind.* Ne sit igitur lis æstimationis; iudicii vis & potestas tollitur. Ex hoc est, cur placeat fundi novationem fieri, non tantum si quis eundem fundum, sed etiam si quanti is fundus est, novationis animo stipuletur. *L. fundum, D. de novat.*

L. Caussas. 16.

Imp. Dioclet. & Maximian. AA. & CC. Cæcilio.

Causas, vel lites transactionibus legitimis finitas, imperiali rescripto resciscitari non oportet. S. V. Id. Mart. ipsis V. & IV. AA. Coss.

S U M M A R I A.

1. *Rescriptum principis contra ius impetratum non admittendum a iudicibus, etiam hac clausula addita,*

Non obstante lege contraria, quavis ea lex nominatim appelletur.

Eadem sententia, quæ in *L. fratris*, & similibus: Quid distet causa a lite ad *L. postquam, sup. prox. tit.*

1. Quod ¶ ait; lites transactionibus legitimis finitas, nec imperiali rescripto resciscitari oportere, non eo tantum pertinet, ut significetur Imperatorem rescriptum ejusmodi concedere non debere, sed etiam ut si forte concessum sit, a iudicibus admitti non debeat; quia sit contra ius. Huiusmodi enim rescripta iubentur con-

stitutionibus in iudicis rescisci, *L. ult. sup. si con. ius vel uti. publ. rescripta, sup. de precib. Imp. off.* Quid, si Princeps nominatim in rescripto addiderit, se velle rescripto suo stare, non obstante hæc *L. causas*? Ne sic quidem rescriptum admittendum putem. Scriptum est enim in *d. L. ult. §. si con. ius.* Iudices non debere dubitare, generales constitutiones omnibus modis observandas. Ergo & si isto modo rescriptum conceptum erit.

L. Cum

L. eum proponas. 17.

Impp. Dioclet. & Maximian. AA. & CC. Marcello.

Cum proponas, ab ea, contra quam supplicas, litem, quam secum habuis, transactione decisam, eamque acceptis his, quæ negotii dirimendi causa placueras dari, nunc de conventionione resiliuisse: ac petas vel pacto stari, vel data restitui: perspicis, siquidem de his reddendis manente transactionis placito, statim stipulatione, si contra fecerit, prospexisti, & 25. annis maior fuerit: quod exceptionem pacti, & actionem datorum habeas. Quod si nihil tale convenit: exceptio tibi, non etiam eorum, quæ dedisti, repetitio competit, parva securitate. PP. V. Id. Iun. ipsis AA. V. & IV. Cofi.

S U M M A R I A.

1. *Species & summa rescripti.*
2. *Datum auctori hac lege, ut si iterum ageret, datum redderet, conditione existente repeti posse, quavis solum pactum de reddendo sine stipulatione intervenerit, neque hunc locum refragari.*
3. *Siquidem interdum non conditionem, sed causam exprimit, ut sit pro quandoquidem, ut hic.*

4. *Exceptionem pacti, & actionem datorum quomodo reus ex conventionione habere possit, quavis nominatim convenerit, ut allore iterum agente utrumque haberet.*
5. *Datorum repetitionem etiam sine conventionione reo competere, si allore, iterum agente reus exceptione non utatur, aut usus condemnatur.*

*S*iquidem de his reddendis manente transactionis placito, statim stipulatione, si contra fecerit, prospexisti. Res ita gesta est. Dedit † Marcellus adversariæ decem transactionis nomine, ne quid amplius a se peteretur, quod si quid adversaria amplius peteret, statim stipulatus est decem data sibi reddi ea lege, ut nihilominus pactum de non petendo interpositum ratum maneret. Si adversaria amplius agere eo nomine instituat, volunt Imperatores non solum posse Marcellum exceptione pacti se tueri, ut certum est semper ex pacto exceptionem nasci sed etiam actionem datorum habere, id est, ut in extremo nominant, eorum, quæ dedit, repetitionem.

2. Hoc † vero non solum ita recipiendum est, si, ut hic scribitur, Marcellus sibi in eam rem stipulatione prospexerit: sed etsi in re danda conveoerit solum, ut decem data redderentur, si adversaria amplius ageret, manente nihilominus transactionis placito. Est enim hoc pactum, quod interponitur in traditione rei nostræ, cuius generis pacta, quæcumque sint, valere constat. *L. in traditionibus,*

D. de pact. L. legem, sup. eod. tit. Nam quod hic dicitur, data repeti posse, si quidem de his reddendis manente transactionis placito statim stipulatione Marcellus prospexit, ideo hoc de stipulatione additum est: quia Marcellus in re exponenda posuerat rem ita esse gestam; non quia ita geri fuerit necesse. Idque ita esse hæc probant. Etsi enim concederemus stipulationem ad eam rem esse necessariam: tamen illud non esset necesse, ut interponeretur stipulatio statim, & in continenti. Nam stipulatio quandocunque interponatur, iure civili actionem parit, §. *de constituta, inst. de action.* Tum autem quid sequitur in extremo? Nempe opposita a Marcello exceptio, cessare datorum repetitionem, si nihil tale convenerit, quale prius diximus. Ex quo colligitur, si quid eiusmodi convenerit, convenerit, inquam, pacto, non stipulatione cautum esset; dummodo convenerit statim in re danda, & exceptioni locum fore, & simul decem data repeti posse.

Itaque † videntur superscripta verba, magis pro causa & ratione posita esse ex eo,

eo, quod contigerat, quam pro conditione; quasi ita dicerent Imperatores, *si quidem prospexisti*, pro *quandoquidem tibi prospexisti*; live, *quandoquidem res ita gesta est, ut stipulatione tibi prospexeris ut narras*. Unde & verba affirmantur concepta sunt, non conditionaliter: *si quidem prospexisti*, non autem *si quidem prospexeris*.

* *Exceptionem t. pacti, & actionem datorum habeas*. Hoc dicunt, Marcellum ex superscripta stipulatione, aut conventionione, simul & agente adversaria exceptione tutum esse, & eo amplius, quæ dedit, posse recipere. Quod quale sit, consideremus. Nam utrumque simul admitti posse non videtur, quantavis convenerit, ut utrumque locum haberet, si contra stipulationem fieret, repugnante nimirum repetitionis conditione. Nam ut possit Marcellus data condicere, hæc conditio est: si adversaria amplius petat; si agat iterum de eadem re. Non videtur autem existere posse hæc conditio, si dum illa vult agere, exceptione summoveatur. Non enim agere intelligitur is, cuius propter exceptionem inanis est actio. Denique regula iuris traditur, nihil interesse, utrum quis actionem non habeat, an per exceptionem infirmetur, *L. nihil interest, D. de reg. iur.* Cui rei argumento est, quod cum ita ius esset, nullam ibi esse moram, ubi nulla petitio est: hinc veteres consequens esse putaverunt nullam ibi moram fieri, ubi is petit, qui potuit per exceptionem removeri, statuentes videlicet nullam esse hanc petitionem, quæ exceptione repellatur, *L. lesa, D.*

si cert. pet. L. si pupillus, D. de verb. oblig. Et quid opus est verbis, cum Ulpianus in *L. & eleganter, §. servus, D. de dolo*, diserte scribat nullam actionem esse, quæ exceptione repellatur? Et vero ita se res habet, si quis hic ius & effectum actionis spectandum putet. Sed etiam quia ita agit, nullo iure, & iniuste id facit; actu tamen ipso actionem, & licet movere, facitque etiam, ut iudicium accipiat. De hoc actu, ac non de effectu petitionis in superiore stipulatione cogitatum est. Nam si ita foret, esset plane pactio inutilis: utpote cuius conditio opposita exceptione exsistere non posset. Semper autem in omni stipulatione, quoties oratio ambigua est, id agendum est, ut res valeat potius, quam pereat, *L. quoties in, D. de verb. oblig. L. quoties, & L. ubi, D. de reb. dub.*

Non etiam eorum, quæ dedisti, repetitio competit, securitate parta. Non tamen dicunt absolute Imperatores non competere repetitionem datorum, ubi nihil convenit de iis, quæ data sunt, reddendis, si contra transactionem ageretur: sed non competere sub conditione, nempe securitate parta, id est, si securitas reo parta erit, opposita videlicet adversario pacti exceptione. Hac enim tutus Marcellus non metuit actionem. Actione vero remota, sequitur causa, propter quam pecunia data est: eoque cessat repetitio. Cæterum si reus exceptione non utatur, aut usus condemnatur, sine dubio quæ dedit, repetet, *L. eleganter, §. penult. D. de cond. indeb.*



L. Transfigere, 18.

Impp. Dioclet. & Maximian. AA. & CC. Valenti.

Transfigere, vel pacisci de crimine capitali, excepto adulterio, prohibitum non est: in aliis autem publicis criminibus; quæ sanguinis poenam non ingerunt, transfigere non licet citra falsi accusationem. S. III. Kal. Septemb. AA. Coss.

S U M M A R I A.

1. *Transfigere & pacisci de crimine quomodo differant, & num. 25.*
2. *Capitale crimen, cuius poena mors, servitus, aut exilium est: hic capitale, cuius poena mors.*
3. *Transfessionem & pallionem de crimine, quod poenam mortis ingerit, interpositam, non solum ratam esse, ne accusatori amplius rem de eadem re accusare liceat: sed & utrique, tum reo, tum accusatori esse impositam: illi, ne habeatur preconvictio; huic, ne in Turpillianum incidat: licet in aliis criminibus contra, & num. 5.*
4. *Transfessio sen pallio de crimine capitali accusatorem eandem accusationem repetere volentem removet: publicam de eadem re accusationem aliis non admittit.*
5. *Transfigentem, vel paciscentem de crimine capitali accusatorem non incidere in senatusconsultum Turpillianum, pluribus demonstratum: nec ob stare generale illud: eos, qui citra abolitionem desisterint ab accusatione, incidere in Turpillianum.*
6. *Adulterii poenam hodie mortem: olim non item.*
7. *De adulterii crimine cur placeat præter cætera crimina capitalia transfigere aut pacisci non licere.*
8. *De stupro nec transfigere, nec pacisci licere, etiamsi in aliquibus ditionibus obtinuerit, ut poena mortis plecteretur.*
9. *Mulctæ minus de raptu.*
10. *Sanguinis poenam, mortis poenam accipiendam esse, cum de iis criminibus, quæ sanguinis poenam ingerunt, desinitur transfigere & pacisci licere: aut de iis, quæ non ingerunt, non licere.*
11. *L. 1. D. de bonis eorum, qui sibi mor. cons. explicata.*
12. *De criminibus publicis, etiam quæ poenam mortis non continent, hactenus transfigere & pacisci licere, ut transfessio & pallie accusatorem eandem accusationem repetentem removeat, & reo non noceat, ut pro convicto habeatur, & num. 20.*
13. *De criminibus publicis sanguinis poenam non inferentibus transfigere & pacisci non licere citra falsi accusationem, id est, quin accusator, qui transgessit, aut pactus est, incidat in senatusconsultum Turpillianum, & num. 16.*
14. *His verbis, citra falsi accusationem, non excipi falsi crimen, quasi de eo præter cætera liceat transfigere & pacisci.*
15. *Citra, idem esse, quod sine, neutram particulam excipere aliqnid de præcedenti oratione, sed præcedentem orationem totam privare re affirmata, si absit ea res, quæ ei particula annectitur.*
16. *De crimine falsi licere transfigere nusquam traditum: & hic expositi hi loci, L. ipse, inf. de fals. item, L. 2. inf. de his quib. ut ind.*
17. *De crimine falsi ut transfigere præter cætera liceret, uti constitutum non est, ita nec constitui debuisse.*
18. *Falsi accusationem etiam senatusconsulto Turpilliano constitutam: quod falsum sit in prævaricatione & tergiversatione.*
19. *Prævaricari & tergiversari quid, & unde dicta.*
21. *De criminibus publicis non capitalibus non magis pacisci licere accusatori, quin in Turpillianum incidat, quam transfigere: & cur hic paciscendi verbum omisum.*

Tom. VII.

X

22.

22. *Transigere & pacisci de quovis crimine etiam non capitali licere ante accusationem institutam, ut accusatorio sit impune.*
 23. *Summa totius dispositionis.*
 24. *Rescriptum hoc de accusatore solum scriptum esse; ad reum non pertinere, & num. 12. & 20.*

25. *Reo de omni crimine etiam non capitali transigere impune licere, ne pro convicto habeatur, quodcumque id faciat: pacisci item sine pretio licere: si pretium vel minimum dedit, pro convicto haberi.*

Complectitur hoc rescriptum definitiones duas, quibus ostenditur ut breviter, ita sub obscure, quid valeat transactio, & pactum in omnibus criminibus publicis. Priorem quidem de capitalibus: de iis quæ capitalia non sunt, alteram. Utramque, uti scripta est, expendamus. Sic ergo rescriptum definit primum de capitalibus: Transigere vel pacisci de crimine capitali, excepto adulterio, non est prohibitum.

¹ Aiunt t̄ Imp̄. *transigere, vel pacisci.* Transigit de crimine, qui de damno, quod ex maleficio privatim accepit, decidens accusationem omittit. Paciscitur, qui aut nulla pecunia accepta & gratis deserit accusationem *arg. L. 1. D. eod.* aut accepta quidem pecunia id facit (nam & cum pretio pacisci possumus de crimine, *L. furti, §. passus, D. de his, qui nos. infra.*) at non pro damno, quod ullum in ea re accusator sit passus: sed tantum ideo, ne negotium reo faciat, quod qui facit, per concussionem accipere dicitur, *L. 1. D. de calum.* Utrumque facere in crimine capitali non esse prohibitum, significant Imperatores.

² Aiunt, t̄ *de crimine capitali.* Capitale, verbum ambiguum est. In usu iuris ut plurimum capitale crimen dicitur, cuius poena mors, aut servitus, aut exilium est, quia per has poenas eximitur caput, id est, homo de civitate, *L. 2. §. 1. D. de pub. ind. L. 2. in prin. D. de penis.* Dicitur & capitale id, per quod caput eximitur non de civitate, sed de medio hominum, id est, cuius poena mors, & supremum supplicium est: quomodo capitis poenam vocat Marcianus, quæ est mortis, in *L. 4. D. de pen.* Et si prior illa significatio ita sit in usu iuris: ut nisi manifestum sit aliud sensisse legem, ea significatio semper accipitur, *L. licet, D. de verb. sig.* tamen ubi constat capitale id dici, cuius poena mors est, nihil amplius querendum est. Quod hic factum esse, vel sequentibus verbis rescripti, vel potius iis constitutionibus, quæ de hac eadem re apertius definiaverunt, ita declaratur, ut dubitari nullo modo possit. In hoc quidem rescripto ita subiicitur, in

aliis autem publicis criminibus, quæ sanguinis poenam non ingerunt. Ex quibus verbis apparet Imperatores crimina capitalia, de quibus initio locuti erant, ea intellexisse, quæ eadem poenam sanguinis ingererent. Alioqui hæc, quæ subiicitur, cum & publica sint, non essent alia. Quod si ea intellexerunt publica & capitalia, quæ irrogarent poenam sanguinis, haud dubie intellexerunt ea, quæ irrogant poenam mortis. Nullum enim capitale crimen irrogat poenam sanguinis, nisi quod mortem irrogat: cum capitalis criminis hæc poenæ sint; mors, deportatio, servitus. Ex quibus cum duo posteriora poenam sanguinis non contineant; relinquatur poenam sanguinis solum esse in morte. Sed referuntur de hac re constitutiones in *L. 1. D. de bon. eor. qui sibi mor. conf.* quæ omnem ambiguitatem sustulerunt: his enim cautum est, in capitalibus criminibus non nocere ei, qui adversarium corruperit: sed nominatim additur, in his demum, quæ poenam mortis continent. Cur in his potissimum, ratio reddita est ibidem ab Ulpiano. Nam *ignoscendum, inquit, censuerunt ei, qui sanguinem suum qualitercunque redemptum voluerit.*

Aiunt Imp̄. *Prohibitum non est.* Permissum t̄ igitur, cum enim ex quibusdam alia prohibentur, alia non prohibentur, quæ prohibita non sunt, permittuntur intelliguntur. *L. mutus, §. 1. D. de proc. L. 1. D. de testib.* Licet ergo iure pacisci, & transigere. Quod si verum est, ut est, duo sunt consequentia, quæ & eadem opera admittenda sunt. Primum si licet de crimine capitali transigere & pacisci: consequens est, si transactum sit, ratam esse transactionem, & pactionem: ut accusator, qui transigit, vel pactus est amplius reum accusare non possit. Deinde & illud consequens, non tantum valere transactionem de crimine capitali: sed & in utriusque persona, accusatoris nimirum, & rei transactionem esse impunitam, quod enim sit lege permittente, poenam non meretur. *L. Gracchus, infr. de adult.* Quo fit, ut quæ poenæ sunt in cæteris criminibus adversus reum & accusatorem, cum

cum reus accusatorem corrumpit, accusator ab accusatione destituit, ab his poenis ambo sint immunes, cum de crimine capitali aut pacti sunt, aut transegerunt. In cæteris criminibus si reus corruerit accusatorem, ne ille in accusatione perseveraret, pro convicto habetur. *L. in fisci. L. eius. D. de iure fisci.* In crimine capitali si idem fecerit, impune erit, ut scriptum est diserte in *d. L. 1. D. de bon. eor. qui sibi mort. consc.* Quod attinet ad accusatorem, in senatusconsultum Turpillianum incidit is, qui ab accusatione destituit. *L. 1. §. si quis autem. L. in senatusconsultum, in princ. D. ad S. C. Turpil.* Et destituisse eum constat, qui vel de compositione eius criminis, quod intendebat, cum adversario locutus est *L. ab accusatione. D. ad Turpil.* quanto magis, qui huc usque est progressus, ut componeret, id est, transigeret, aut pacifceretur? In crimine capitali si destitit accusator ab accusatione: quia iure permitte id facit, non incidit in senatusconsultum. Hæc, inquam, illi consequentia sunt, quod dicimus permissum esse transigere, ut pacisci. Prius igitur qui dicit, posteriora dicat, & admitat, necesse est.

Sed si hæc posteriora in dubium revocantur. Hinc huius partis difficultas. Primum quaeritur si de crimine capitali dixerimus, valere transactionem, & pactionem: quomodo convenire putemus quod in *L. iurisdictionum, §. si paciscar, D. de pact. scriptum est, si res familiaris agatur, licere pacisci: si de re publica, non licere.* Item, quod est in *L. si unus, §. pacta, D. eod. ne experiamur interdicto unde vi, quatenus publicam causam contingit, pacisci nos non posse.* Quid enim aliud agitur in accusatione, quam causa publica? Pertinet enim, accusatio ad criminis vindictam. In eo vindicando non privata utilitas, sed publica versatur. *L. locatio, §. quod illicite, Digest. de public. L. ita vulneratur, D. ad leg. Aquil.* Ex quidem permulti hoc argumento victi non putant de crimine & accusatione publica valere pactionem. Sed ne dubitemus valere, ita scriptum est in *L. in senatusconsultum, §. idem, D. ad Turpil.* cum, qui semel destitit, si postea paratus sit accusare, non esse audiendum. Plus dicitur in *L. si maritus, 2. §. si negaverint, Digest. ad leg. Iul. de adul. eum, qui se negaverit de adulterio acturum, postea non audiendum.* Quod si de adulterio dictum est, id est, eo crimine, de quo transigere non licet: quanto minus est audiendus, qui pactus est, ne accusa-

Tom. VII.

ret eo crimine, de quo transigere & pacisci permissum est? Non est vero, ut existimo, quod contra eo dicto moveamur, de re publica nos pacisci non posse: etenim qui transigit de crimine, aut pacifcitur, & in summa qui hoc agit, ne accuset, non de re publica pacifcitur, sed privata & sua. Pacifcitur enim se non accusaturum: quod privatum eius factum est, non publicum, nisi forte dicimus pactum pertinere ad publicam læsionem, ideoque non servandum: quod non ita est. Pertineret pactum ad publicam læsionem, si remitteret executionem publicam, aut accusationem criminis. Nunc autem non id fit. Transactio & pactum pacifcenti obstat, ne postea ad accusationem admittatur: cæterum aliis accusare volentibus non nocet. Sic privata accusatio pacifcentis removetur: causa autem publica, id est, executio & accusatio criminis integra populo relinquitur. Sed de impunitate transactionis & pacti maior est dubitatio. Hoc quidem inter omnes convenit, si reus corruerit accusatorem in capitalibus criminibus, in quibus de sanguine agitur, non ideo magis quam pro convicto esse habendum: quod diserte scriptum est in *L. 1. D. de bon. eor. qui sibi mortem consc. L. ult. D. de prevar.*

Illud si non convenit, quod de accusatore diximus, etiam huic impunitam esse transactionem & pactionem, nec incidere eum in Turpillianum. Imo vero incidere eum in senatusconsultum, quanvis reus pro victo non habeatur, multi & docti viri auctores sunt; neque id temere: cum certi iuris definitio sit non uno in loco inculcata, eos, qui ab accusatione destiterunt citra abolitionem, incidere in senatusconsultum Turpillianum. *L. 1. si quis autem. L. in senatusconsultum, D. ad Turpil. L. 1. inf. eod.* Nam de illo nemo dubitat, quin si destitit, qui pactus est de crimine: cum & is videatur destitisse, qui quid vel de compositione sit locutus, *d. L. ab accusatione, D. ad Turpil.* Sed multa concurrunt, quæ hanc sententiam a nobis exprimant, nec accusatorem, qui de crimine capitali transegerit, aut pactus sit, incidere in penam senatusconsulti. Primum, quod hic scriptum sit, infinite, licere transigere, vel pacisci de crimine capitali: ut intelligendum sit licere & accusatori, & reo. Sed in magis accusatori, quod transigendi verbum non tam ad reum referatur, quam actorem: quoniam is præcipue litem finiat actionem omitiendo: transige-

X 2

re

re autem est litem finire. *L. contro-*
versia, D. eod. Iam ut nihil aliud sit in
hac causa, quam illud, quod omnes con-
cedunt, licere reo impune pacisci &
transigere de capitali, vel hoc satis sit
argumenti, accusatori etiam impune idem
facere licere. Quoties enim conceditur
aliquid lege, etsi nihil adiciatur amplius:
tamen ea omnia concessa intelliguntur,
sine quibus prius illud concessum expedi-
diri non potest, *L. 2. D. de iurisd.* Porro
reus sine accusatore de crimine transi-
gere, aut pacisci non potest. Quare trans-
actione reo permitta, hoc ipso & accu-
satori permittam esse intelligendum est.
Et sane absurdum videtur reo permitte-
re, ut pecuniam det impune sanguinis sui
liberandi causa: accusatori autem non
concedere, ut accipiat impune. Nam
quomodo ille dabit, nisi sit, qui acci-
piat? at nemo facile existet, qui acci-
piat, si metuet, ne eo facto in senatus-
consultum incidat. Postremo id mihi ef-
fici videtur extremis verbis huius rescri-
pti non obscure. Cum enim in extremo
dicitur de aliis publicis criminibus non
licere transigere citra falsi accusationem,
hoc declaratur, de eo, quod capitale sit,
& citra falsi accusationem transigere li-
cere: quod nihil aliud est, quam licere
ita transigere, ut transigens in senatus-
consultum non incidat. Sed de eo po-
stea. Scio esse, qui dicant licere quidem
transigere, vel pacisci de crimine capita-
li: sed nihilominus, eum, qui pactus sit,
senatusconsulto puniri. Quod si verum
est, licebit eadem ratione dicamus pro-
hibitum non esse omnibus accusatoribus
desistere ab accusatione: quia cum desi-
terint, non nisi poena senatusconsulti te-
neantur: quod si est absurdum: restat,
ut dicamus licere accusatori de crimine
capitali transigere, vel pacisci: & quia
licet, mirumque illi impune esse fateamur.
Quo minus vero hoc ita statuamus,
non impedit illud tam multis locis ita
inculcatum, eos, qui ab accusatione desi-
stunt, incidere in Turpillianum. Id enim
regulariter recte definitur: sed non est
perpetuum. Nam in *L. desistisse, D. ad*
SC. Turpil. scriptum est eum, qui per-
missu Imperatoris ab accusatione desistat,
impunitum esse. Id ipsum vero & in hac
specie obtinebit. Si crimen capitale est,
& accusator transigendo, aut paciscendo
ab accusatione desistat, erit impunitum:
neque longe huius exceptionis probatio
petatur. Nam si impunitus est is, qui
permisso Principis ab accusatione desi-
sit, ut esse constat, & modo diximus:

quando magis extra poenam erit, qui id
faciet iuris publici permisso.

Adiunt ¶ *Impm. excepto adulterio.* In 6
superioribus eriminibus excipitur hoc re-
scripto adulterium. Unde intelligitur adul-
terium crimen capitale esse, id est, tale,
quod poenam mortis contineat. Et nunc
quidem tale esse constat. §. *item lex Lu-*
lia, Inst. de public. ind. quod constitu-
tione Constantini effectum est, si modo
vera est inscriptio. *L. quavis 2. inf. de*
adult. Olim non fuit eiusmodi, ut appa-
ret ex *L. si quis viduam, D. de quast.*
ut non dubium sit, quin haec sit exceptio
a Triboniano adlita huic rescripto: quod
tamen tanquam a se factum, & profes-
tum Iulianianus accipit iubeat in *L. 1. §.*
¶ omnes, sup. de vet. iure enuch.

Cur ¶ excipitur adulterium, non im-
merito quaeritur. Nam cum sint constitu-
tiones generales, quae volunt licere reo
sanguinem suum quovis modo redimere
in iis causis, quae poenam mortis conti-
nent. *d. L. 1. de bon. tor. qui sibi mors.*
confe. & adulterium ex hoc genere sit:
nemo dubitare debet, quin pertineat adul-
terium ad eas constitutiones. Lex enim
de criminibus licere transigere cavens, non
de his tantum cavere intelligenda est, quae
tum capitalia fuerunt, cum lex lata est:
sed de omnibus, quae nunc sunt, & quan-
doque postea futura sunt capitalia: in-
quidem leges & constitutiones futuri negotii
formam dant, non tantum praeteritis,
aut praeteritis. *L. leges & constitu-*
tiones, sup. de legib. ita cum lex de ca-
pitalibus criminibus generaliter scripta sit,
etsi adulterium postea esse coeperit capi-
tale: tamen lex, quae perpetua est, & tunc
quoque valet, cum adulterium capitale
esse iustum est, sine dubio hoc quoque
crimen continebit. Et vero cur excipi-
tur, nisi quia non exceptum verbis earum
constitutionum continetur? Cur ergo
excipitur? Non est in causa gravitas cri-
minis: sunt eo alia graviora, ut parrici-
dium. Ne turpitudine quidem conventionis,
non enim magis in hoc crimine torpe est,
sanguinem suum redimere velle, quam in
ceteris. Mihi videntur duae esse hae ido-
neae rationes, cur sit exceptum. Una quod
etsi pleraque alia crimina sint adulterio
graviora: nullum tamen est, quod non
admitti neque interit Reipublicae id est,
omnium, ut adulterium. Nam cetera fere
ad privatos pertinent, quibus nocuum est,
ut caedes, latrocinium, furtum, & simi-
lia: per consequentiam autem ad Rem-
publicam ob hanc causam, quod in sa-
lute & commodis privatorum sita sit sa-
lus,

lus, & incolumitas civitatis. At adulterium recta ad perniciem & dedecus civitatis fertur, quia præter alia incommoda hoc efficit, ut incerta & probrosa soboles nascatur, & inferatur civitati. Turpe autem & probrosum civitati, civitatem talibus civibus constare. Quid, si etiam hoc ipso civitas evertatur, quando hæc non nisi ex honestis civibus coalescere non possit? Accedit ad hæc etiam hæc ratio, quod non tantum interest Reipublicæ adulterium non admitti; sed etiam eo admissio Reipublicæ interest non celari. Etenim cætera delicta sine incommodo civitatis ignorari possunt. Huc enim pertinet illa detegi, ut fontes supplicio asicciantur. Adulterium vero non tantum ob vindictam publicam prodest detegi, sed etiam ut sciamus eximere ex honestorum civium numero eos, qui ex probroso coitu pari sunt, ne istorum macula honestorum consortium contaminetur.

- 8 Adulterium ¶ hic tantum exceptum est. Ude quaesitum est, num idem in stupro probandum sit, quod in adulterio. Nam proprie adulterium in nuptiam committitur: stuprum autem in virginem, aut viduam. *L. inter, §. 1. D. de adult.* Sed cum stuprum capitale crimen non sit; §. item *lex Julia, Inst. de pub. ind.* parum apte de eo hoc loco quaeritur, quasi de criminibus publicis & capitalibus excipi debeat, ut adulterium. Sed si de eo quaeritur, an nec de eo liceat transigere, non dubium est, quin ad sequentem definitionem legis pertineat, eoque nec liceat de eo transigere, vel pacisci non magis, quam de adulterio. Fingamus tamen alicubi delictum capitale esse. Equidem non dubitem idem de eo, quod de adulterio dicere. Nam in eo idem admitti eiusdem rationis est. Stupris enim neque elicetur, ut ne soboles sit, aut ne certa & honesta. Nec quisquam mihi dicat, cum lex de adulterio loquatur, poenam ad stuprum proferendam non esse, quia poenæ legum interpretatione mollienda sint potius, quam exasperanda. *L. pen. D. de penis.* Non enim exasperatur poena, cum in eodem, aut pari delicto eadem poena retinetur. Hoc si ita est: de

- 9 raptu ¶ multo magis idem dicendum est, quod de adulterio: ut enim in rapina furtum improbum, sic in rapto stuprum multo gravius est. *L. qui cætu, §. ult. D. de vi pub. Inst. de vi bo. rap. in princ.* Sequitur definitio altera de aliis criminibus hoc rescripto tradita: *In aliis autem publicis criminibus, aiunt Imp. quæ sanguinis poenam non ingerunt, transigere non licet.*

Aiunt, ¶ quæ sanguinis poenam non ingerunt. Sanguinis poenam hic accipimus mortis poenam: quia, ut iam supra dixi, nulla sunt publica crimina, quæ ingerant poenam sanguinis: nisi ea, quæ mortis poenam continent. Ex quo intelligi debet, quæcunque sunt crimina vel publica, vel privata, quæ mortis poenam non irrogant, et si poena sanguinis habeat effusionem, ut quæ habeat amputationem membri, aut verbera infligat: nihilominus hæc eodem numero habenda esse cum cæteris, ut de his transigere non liceat.

Non ¶ me movet, quod in *L. 1. D. de bon. eor. qui sibi mort. confo.* generaliter scriptum est, *consuisse Imperatores ignoscendum ei: qui sanguinem suum quocunque modo redemptum voluerit.* Hæc præcedentium ratio est: quam quo sensu accipere debeamus, ex præcedentibus apparet. Prius hæc sententia posita erat, non licere in aliis criminibus publicis adversarium corrumpere, quam in iis, quæ mortis poenam continent: cæterum in his licere. Quæcunque ratio postea subicitur, præcedentis sententiæ confirmationem habere potest: eam sententiam mutare non potest. Aut igitur rationem sic accipiemus, quasi dictum esset, ignoscendum esse ei, qui in huiusmodi criminibus sanguinem suum redemptum voluerit: aut sanguinem pro vita positum intelligemus. Alioqui absurdum fuerit intelligere, permitti quæcunque poenam sanguinis reddere adversarium corrumpeudo, cum id prius negasset Ulpianus: & illum rationem ponere confirmandi causa, quæ ratio oppugnet id, quod dictum sit non probet.

Aiunt, ¶ Transigere non licet. Hoc si absolute diceretur, multis modis falsum esset. Etenim si iure transigere non licet, consequens est, transactionem de his criminibus interpositam nullius esse momenti, eoque nec accusatori nocere. *L. non dubium, supr. de legib.* consequens & illud, non impune fore horum criminum reo, si de his transigerit: sed eum pro convicto habendum. Quorum utrumque falsum est. Accusatori quidem nocere transactionem, ne iterum accusans audiatur, certum est. Delitit enim ab accusatione, qui de compositione criminis cum adversario locutus est. *L. ab accusatione, D. ad Turpil.* Proinde multo magis, qui transigit. Porro qui semel delitit ab accusatione, hunc si iterum accusare velit, certi iuris est non esse audiendum. *L. in senatusconsultum, §. idem, D. ad Turpil.* Reo autem ita transigere licere, ut nullam

lam poenam ex ea re patiatur, non obsecrare Ulpianus declarat in *L. 1. D. de calum.* Scribit enim in publicis, & privatis, & fiscalibus causis si quis pecuniam dederit adversario suo transigendi animo, cessare eas constitutiones, quæ ex hac causa litem perire iubent; & addit: *neque enim transactionibus licitis est interdictum sed sordidis concussionibus.* Licet igitur reo transigere de crimine, neque ob eam causam litem amittere, id est, pro convicto habeatur. Itaque quantumlibet definitionem huius loci de reo tantum accipiamus, contra quam verba patiuntur: tamen non effugiemus, quin & de criminibus transigere liceat; cum & reo proposit, & sit impunita transactio.

- 23 Quid est ergo, quod hic dicitur transigere non licere? Et quidem ego quod responderem, non haberem, si hoc absolute scriptum esset hoc loco, non licere transigere. Sed diligenter animadvertendum est non dici hoc loco simpliciter, de criminibus capitalibus transigere non licere: sed hoc addito temperamento, non licere citra falsi accusationem: quod valet, non licere, quin is, qui transigit, in falsi accusationem, quæ ex senatusconsulto Turpilliano est, incidat: ut esse horum verborum hanc sensum mox pluribus ostendam. Hæc adiectione, & interpretatione admissa, utraque oblectio superior diluitur: ut vel hoc ipsum magnum argumentum sit recipi eam interpretationem debere, qua repudiata, sententia loci stare non potest. Non licet ergo transigere de cæteris criminibus, quin in Turpilliani accusationem incidat. Hanc poenam solum qui transactioni indicit, cætera transactioni adimere non intelligitur. Proinde hæc poena non erit impedimento, quo minus & transactio accusatorem removeat, & reo sit impune, quod transigerit: cum falsi accusatio ex Turpilliano tantum constituta sit adversus accusatores. Quod ergo reliquum est, id agamus; videamusque, quid illa verba exprimat, *citra falsi accusationem.*

- 24 Aiant, *† citra falsi accusationem.* Aut *citra* hic significat *præter*, ut sit sensus, de cæteris criminibus non licere transigere præter falsi accusationem, id est, excepta falsi accusatione; aut significat *sine*: ut sit sententia, de cæteris criminibus transigere non licere sine falsi accusatione, id est, quin parata sit adversus eum, qui transigit, falsi accusatio. Prius placet omnibus, quos quidem ego legerim. Itaque hunc locum sic acceperunt, quasi exciperetur falsi crimen: de

quo statuerent transigere licere. Solus Alciatus cum hanc ipsam sententiam secutus esset in libris Paradoxorum, dubitare coepit in explicatione huius resccripti ad hunc titulum, num esset veritas locum sic intelligendum, ut sit sine falsi accusatione. Sed de eo nihil certi statuit, neque quidquam asserit, quo hanc sententiam confirmare satis possimus. Ego autem, ut spero, planum faciam illam sententiam, qua placet falsi crimen excipi, quasi de eo transigere liceat, recipi non posse, nec debere. Ex quo quid hic sequendum sit, certius statuemus. Aut enim de verbis huius resccripti hæc re quaeritur, aut quaeritur de iure, numnam de crimine falsi iure transigere liceat. Si quaeritur de verbis resccripti, verbum *† citra* non est ambiguum, sed rem unam significat. Idem enim valet, quod *sine*: nunquam autem pro *præter* accipitur. Esti apertius dicendum est, non excipit partem aliquam de generali oratione, quæ præcedit: sed præcedentem orationem totam privat se affirmata, si abist ea res, quæ ei particulæ annexitur. Ut puta, cum dico usuras non deberi citra vinculum stipulationis; *L. 3. inf. de usur.* convenisse aliquem citra stipulationem, ut in *L. servus ea lege, D. de ser. exp.* Iusurandum non posse deferri citra voluntatem dominæ, *L. nec filius. inf. de reb. cred.* non significo usuras non deberi: excipi autem vinculum stipulationis, quod debeatur: aut aliquem convenisse, & excipi stipulationem, de qua non conveniret & similia: sed hoc exprimo, usuras non deberi sine stipulatione, id est, aliter, quam si stipulatio intervenerit: convenisse aliquem pacto tantum, sine stipulatione. Item cum dico non posse quid fieri citra reprehensionem, non hoc dico, quid fieri non posse, excepta reprehensione, quæ possit fieri: sed omnes hoc me intelligunt dicere, non posse quid fieri sine reprehensione, id est, quin is, qui fecerit, incidat in reprehensionem. Isto modo plane cum hic dicitur, de cæteris criminibus transigere non licere citra falsi accusationem, sciamus non hoc dici, licere transigere, excepta falsi accusatione: sed non licere, quin in falsi accusationem incidat. Quod quoniam aliis aliter visum est, recte fecissent, si dictionem *citra* pro *præter* aliquando usurpari apud idoneum aliquem scriptorem demonstrassent. At nemo ex omnibus existit, qui id faceret: cum tamen res præcipue flagitaret. Nisi forte putemus eos probasse, qui post hæc nostra scripta nobis adversantes docti ab

Accur-

Accursio citant in eam rem. *L. ult. D. de calum.* Sed quantopere in eo & Accursius & ipsi fallantur, locus cognitus indicabit. Verba Papiniani hæc sunt: *De servo, qui accusatur, si possuletur, questio habetur, quo absoluto in duplum pretium accusator domino damnatur: sed & citra pretii æstimationem queritur de calumnia eius, separatim est etiam calumnie crimen a damno, quod in servo propter questionem domino datum est.* Hactenus verba eius loci. Hic vero si quis attendere vult, citra pretii æstimationem, nihil aliud valet, quam sine pretii æstimatione. Sentit enim Papinianus, dominum servi in proposito sic agere posse de calumnia accusatoris, ut agat de calumnia solum, id est, ita separato iudicio de calumnia, ut simul non agat de damno & pretii servi æstimatione. Idque sequentia verba clare ostendunt: subiicit enim de calumnia agi citra hanc æstimationem, id est, sine hac æstimatione; quia separatim fit calumniæ crimen a damno. Quomodo separatim, nisi ut de calumniæ crimine separatim & sine damni questione agatur? Atque ut hæc significatio sententiæ loci convenit, ita contra non potest omnino hic citra accipi pro præter. Demus enim sic accipi. Nempe hic erit sentus, aut posse agi cum illo accusatore de utroque simul, id est, & de æstimatione servi, & citra, id est, ultra hanc æstimationem etiam de accusatoris calumnia: aut posse agi de calumnia ita; ut agatur præter æstimationem pretii, id est, ut æstimatio hinc excipiat, atque ita solum & separatim queratur de calumnia. Simul de utroque agi posse, & de æstimatione pretii servi, & de accusatoris calumnia, aperte sententiæ Papiniani adversatur, qui ait separata hæc esse iudicia; separatim calumniæ crimen a damno. Excipere autem æstimationem servi ab eo, quod dicit Papinianus de crimine calumniæ, est hominum non intelligentium, quid sit exceptio. Nunquam enim exceptio est, nisi de regula, ut vulgo traditur: id est nunquam, nisi cum de re, de qua definitio generalis futura erat, detrahitur aliquid, quod ea re, & definitione continebatur, puta aut pars, aut species. Absurdum est autem putare, pretii servi æstimationem partem aut speciem esse calumniæ accusatoris, de qua apud Papinianum agitur, ut ea calumnia ullo modo contineri. Quare vel hic unus locus maxime sententiæ veterem nostram confirmat de usu huius verbi, & eos, qui ut veræ sententiæ obstrepan, eo utuntur,

suo ipsorum gladio iugulat. Jam de iure videamus, numnam ita ius sit, ut de falsi accusatione liceat transigere.

Ego tamen contendo neque hoc ius 16 usquam proditum esse, neque vero debuisse constitui, si liceret, atque adeo id statui absurdum esse. Ut probetur ius esse de crimine falsi transigere, citatur vulgo *L. ipse, 7. inf. de fal.* in qua scriptum est eum, qui de instrumento, quod falsum esse dicebatur, transigit, non esse audiendum, si id, cui semel acquievit, tanquam falsum velit accusare: nempe quia transactio de falso instrumento rata est, nocetque transigenti: ea re ethici putant de crimine falsi transigere licere. Adversus quam illationem duplex est in promptu responsio. Primum de falso instrumento transactum illic est: sed in causa pecuniaria, cum forte creditor peteret decem, & in eam rem proferret instrumentum, quod in dubium revocabatur a reo. Id reus postea, inquit lex, tanquam falsum non accusabit. De falso igitur transactum est, non de falsi crimine, seu accusatione. Accusationem enim institutam esse oportet prius, quam de ea transigatur. Sic res habet: de falso in privata lite transigere licet, quod hic non est prohibitum: non licet de falsi accusatione, quod illa lex non negat. Sed largiamur sane in *d. L. 7.* transactum esse de falsi accusatione. Quid tum postea? Nempe inde volunt effici, de accusatione falsi transigere licere. Hoc vero non recte colligitur; alioqui ista ratione dicendum erit & de adulterio licere transigere & pacisci: propterea quod quisquis, non dico, transigit de crimine adulterii accusatione iam instituta, sed etiam qui ea noudum instituta dixit se accusare nolle, postea si accusare velit, non admittitur, *d. L. si maritus, §. si negaverint, D. de adult.* Nemo tamen ex eo colligi putet de adulterio licere transigere: Quapropter nec si dederimus eum, qui de falsi accusatione transigit, ad falsi accusationem postea non admitti; ideo consequens erit etiam de eo transigere licere. Citatur etiam in eandem rem *L. 2. inf. de iis quib. ut indig.* quod rescriptum quid ad rem pertineat, plane non intelligo. Proponitur Poila quædam de testamento, quod falsum esse dicebat, transigisse. Sed non proponitur, cum id criminaliter accusasset, transigisse. Eïto tamen de accusatione transigerit. At non dicitur eo loco valere transactionem. Quinimo si id, quod eo rescripto statuitur, considerabimus: efficietur potius eam transactionem non valere.

lere. Adversus hanc enim heres matris pupillus, vel tutor pupilli nomine de testamento tanquam falso volebat experiri. Cul id licere Imperatores statuunt: ut appareat non esse ratam iure transactionem, quæ heredibus transigentis non obsit. Postremo etsi concederem transactum illic esse de crimine, & obesse transigenti transactionem: iam tamen effectum est non ideo recte colligi, de eo crimine licere transigere. Non enim liceret impune, ut nec de adulterio, etsi transactio de adulterio adversus transigentem rata sit. Nihil igitur neque hic, neque alibi proponitur, quo probetur de falsi crimine transigere præter cætera licere.

17 Sed ¶ etsi id ita constitutum non sit: fortassis tamen constitui debuit. Multo minus; neque vero potuit, nisi absurde. Aut enim crimen falsi gravius esse cæteris volumus, aut par, aut levius. Si gravius, tanto magis coercendum est: quanquam sunt alia multo graviora. Si par, cur distinguimus, quæ eadem ratio coniungit? Minus autem dicere non licet. Fieri enim potest, ut testes falsum dixerint adversus aliquem in causa capitis, ut innocentem opprimerent; aut ut probatum sit falsum instrumentum in causa, in qua de omnibus fortunis agebatur: & ut agatur tantum de re pecuniaria: non ideo tamen de eo transigere permittendum est. Quam multa enim alia sunt crimina de re pecuniaria: de quibus tamen ob eam causam transigere non licet? Est igitur, absurdum, cum par, aut etiam maior ratio sit in falso, quam in cæteris criminibus, in falso plus licere, quam in cæteris. Quin omnibus veteribus Iurisconsultis auctoribus ita definiendum est, & si forte de cæteris tantum criminibus non capitalibus constitutum esset, ne de iis impune transigeretur: tamen cum in falso eadem ratio sit, idem ius statui oportere. *L. illud, D. ad leg. Aquil.* Restat igitur, ut huius loci ea sit sententia, quæ ex duabus relinquitur, ut scilicet de cæteris transigere non liceat sine falsi accusatione: sive quin in falsi accusationem incurras.

18 Hic ¶ vero exoritur doctis hominibus ratio ex adverso. Nam quæ tandem hic falsi accusatio esse potest? Quodnam hic falsum tandem admittatur, quod lege Cornelia de falsis teneatur? Nos vero non hoc dicimus, hic quidquam tale admitti, quod in legem Corneliam de falsis incidat; neque hunc locum sic accipiendum arbitramur, ut criminis falsi accusatio intelligatur: sed certa duntaxat, & ea videlicet, quæ in hanc speciem facti cadat.

Sic ergo locum accipimus, non licere transigere, quin in falsi accusationem incidas, quæ constituta est in eos, qui ex conventionem item & accusationem deferunt. Ea est autem accusatio Turpiliano, & quibusdam legibus, aut moribus constituta. Ex quo hoc dici intelligimus; quin incidas in accusationem Turpiliano constitutam, sive in Turpilianum. At quod tandem falsi genus est, quod ab iis, qui omittunt accusationem, admittatur, & senatusconsulto, aut aliis legibus coercetur? Duo sunt genera: prævaricatio, & tergiversatio.

19 Prævaricari ¶ est colludere cum adversario: genus falsi in eo manifestum, quod qui prævaricatur, veras quidem probationes suas falso dissimulat: falsas autem allegationes adversarii admittit *L. 1. in prin. C. de prævaricatione, D. ad Turpil.* Tergiversari autem est, terga dare, terga vertere, id est, desistere ab accusatione *d. L. 1. in prin.* Hoc qui facit, idem ut prævaricator, vera crimina abscondit. Tantum hoc interest, quod prævaricator abscondit simulata accusatione: qui autem desistit, aperto silentio & fuga abscondit: Et idem in *L. de crimine, inf. de adult.* par esse dicitur crimen prævaricatoris accusatoris, & refugientis veritatis inquisitionem, id est, desistentis: uterque enim, ut dixi, abscondit crimen. Et ut fortasse in tergiversatore non sit falsum: tamen quia pro prævaricatore puniunt, in quo falsum est, recte dicitur tergiversator in falsi accusationem incidere. Hæc autem accusatio & poena comparata est in accusatorem, non reum.

20 Ex quo ¶ intelligi debet, quod supra dixi, definitionem posteriorem huius scripti de accusatore accipiendam esse, non etiam de reo: ut sicubi legemus licere transigere ita, ut reus pro victo non habeatur, sciamus hunc locum non obitare.

21 Illud ¶ animadvertendum, in hac posteriore parte ita scribere Imperatores, ut negent: permillum esse transigere, neque addant pacisci, ut in priore genere fecerant. Ajunt enim; *In aliis autem transigere non licet.* Quid ergo, pacisci an licebit? Sed quocumque modo accusator desistat ab accusatione, seu transigendo id fiat; seu paciscendo, seu repudiando accusationem, in senatusconsultum Turpilianum incidit, *L. 1. §. si quis. D. ad Turpil. toto titul. inf. eod.* & quod de transactione tantum dicunt, eo fit, quia de ea maior erat dubitatio, propterea quod Ulpianus scribit non esse interdictum licitis transactionibus, *d. L. 1. D. de cal.*

itaque


itaque huc spectant, ut ea dubitatio removeretur, atque hoc modo constaret, si transigere non licet, quod licere videbatur, multo minus licere pacisci citra falsi accusationem, ubi pactio nihil contineat præter meram remissionem.

23 Ajunt t̄ autem, transigere non licet, neque adiciunt, quando non liceat. Utrum igitur & post accusationem institutam, & ante transigere non licebit? Imo ante licebit & transigere, & pacisci, ut accusatori sit impune; *L. questum, D. ad Turpilian.* Nec obstat hic locus. Nam, quod diligenter expendendum est, verat rescriptum transigere non de delicto, sed de crimine. Crimen autem proprie criminatio est, nec crimen est, ante quam accusatio de delicto & facinore sit instituta. Summa hæc sit: De t̄ crimine capitali transigere & pacisci licet, non solum ut valeat transactio inter transigentes; sed etiam ut sit impunita: reo quidem, quia pro victo ideo non habebitur: accusatori autem, quia non ideo in Turpilianum incidet: neque intererit, utrum instituta iam accusatione id factum sit, an nondum instituta. De cæteris criminibus ita licet & transigere, & pacisci, ut transactio & pactio accusantem teneat & removeat: sed non ita, ut sit impunita. Accusator enim eo facto in accusationem incidit adversus eos constitutam, qui transientes ab accusatione desistunt; ea est autem accusatio Turpiliani senatusconsulti. Quod dictum ad accusatorem solum pertinet.

24 Unde t̄ licet intelligere hunc locum de accusatione scriptum esse: de reo ni-

hil hic dictum esse. Quapropter quid in cæteris criminibus huic liceat, ex aliis locis sumi oportet.

Sic t̄ autem ius est: Pacisci reo impune 25 licet, si sine pretio id faciat. *L. furti, §. passus, D. de iis, qui not. inf.* Si pretium vel minimum dedit, & ita corripit delatorem, pro convicto habebitur. *L. in fisci, L. eius, D. de iure fisci. L. ult. D. de prævar.* Sed hoc, inquam, ita, si paciscendo id consequatur. Diversum est, si transigat. Transigere ei impune licet, quodcumque id faciat. *d. L. 1. §. ult. D. de calum.* Nec adversantur eæ constitutiones, quæ omuem, qui delatorem corripit, aut precio quocumque pactus est, pro victo haberi volunt. Distant enim multum, cum accusatore transigere; & cum eo pacisci sine transactione, quanvis pecuniam illi numeres; & (quod idem est) illum corrumpere. Transigit accusator, qui de damno sibi dato certa pecunia decedit. Hæc pro damno accepto iure accipitur: proindeque nec corrumpitur, qui accipit. Extra transactionem autem paciscitur de crimine, qui accipit, ubi ei nihil nocitum est: aut accipit supra, quam nocitum est; ut dici possit, eum per concussionem accipere, non ut damnum acceptum faciat; sed hac gratia tantum, ne negotium reo faciat. Illo modo qui desistit ab accusatione, recte dicitur corrumpi, cum turpiter accipiat: siquidem corrumpere aliquem dicimur, de quo perficimus, ut quid turpe in se admittat. *L. 1. D. de serv. carru.*



L. Sub pretextu instrumenti. 19.

Impp. Dioclet. & Maximian. AA. & CC. Irenzo.

Sub pretextu instrumenti post reperti, transactionem bona fide finitam rescindi iura non patiuntur. Sane si per se, vel per alium subtractis instrumentis, quibus veritas argui potuit, decisionem litis extorsisse probetur: siquidem actio superest, replicationis auxilio doli mali, pacti exceptio removetur: Si vero iam perempta est, intra constitutum tempus tantum actionem de dolo potes exercere. Dat. IV. Kal. Octob. Sirmii AA. Coss.

S U M M A R I A.

1. Instrumenti postea reperti pretextu transactionem rescindi non posse, quam sententiam quamque rationem habeat.
2. In publico negotio instrumentis postea repertis permitti causam ex integro agere adversus rem indicatam, itemque transactionem.
3. Instrumento testamenti post reperto transactionem de fideicommissis non ob stare fideicommissario, quo minus quod non accepit, petat, non tamen quia rescinditur transactio, sed quia ab initio non valuit.
4. Instrumentis postea repertis etiam transactionem cum minoribus, cum pupillo, cum Republica, cum Ecclesia interpositam rescindi, sed beneficio personis tributo, non pretextu solo instrumenti.
5. Subtractis transigenti ab adversa parte instrumentis, quibus ille securus esse poterat, transactionem etiam inter privatos, & maiores quoslibet rescindi posse.
6. Dolus dans causam transactioni non facit, quo minus & acceptilatione dolo expressa tollatur alicui vetus actio, qua postea ab eo instaurari non possit, & pecunia a reo decepto date amittatur dominium, & vindictio, sed illi de dolo actio superest: hinc ob causam conditio.
7. Instrumentis alicui a reo subtractis, & his post transactionem repertis, non esse alicui actionem furti ad petendum id, quod amolus debebatur, sed solam de dolo.

Creditor, qui de t debito transegerat, iterum de eadem re agit, quod dicat paratum se idoneis instrumentis docere, sibi vere debitum fuisse, quod petit. Si sciens debitum remisit, aut etiam instrumento, cuius copia esse potuit, culpa sua non est usus; aperte iniquum est, eum adversus transactionem, id est, pactum, audiri. At quid, si nunc demum instrumentum obligationis reperit, ut proinde non sit, quod ei imputetur, si difficultate probationis coactus transegit? Constitutum est, dum transactio bona fide perfecta sit, eam ne hoc quidem pretextu rescindi possit, ac de reo idem intelligendum est, si post transactionem solutionis apocham se dicat reperisse. Dum, inquam, transactio bona fide interposita sit, id est, neque metu adversarii, neque dolo malo. Adeo verum est, quod sæpe hic

dicimus, transactiones bona fide interpositas non posse retractari. *L. interpositas, & L. causas, supr. cod.* Nec quisquam dicat iniquum esse ei cui conflet quid deberi, ius suum non reddere, aut eum, quem conflet non debere, cogi solvere, aut quod dederit eo nomine, repetere non posse. Eset iniquum, nisi aut creditor sponte remisisset actionem, qua remissione factum est, ut iam ei nihil deberetur, vel si pactus sit tantum; *L. nihil interest, D. de reg. iur.* aut debitor in eam summam, quam non debebat, sponte se obligasset, vel etiam eam ipsam solvisset sponte: quæ cum isti in transactione fecerint, ubique convenio illis obstat ex edicto perpetuo de pactis. Non enim dicent se sine causa aut remisisse quid, aut solvisse: cum hæc ipsa iusta causa sit, quod per hæc a lite disceditur. *L.*

in

in summa, D. de condit. ind. Nihil ad rem pertinet, si is, qui postea instrumentum reperit, causerit se, cum fidem intentionis suae expedire non posset, necessitate rerum coactum transigisse. Necessitas enim, quae ab adversario nobis inferitur, auxilio digna est, L. 1. D. quod met. causf. At hic aut necessitas in actu nulla est, cuius in potestate fuit non temere agere: aut si hæc in reo aliqua est, qui præstare non potuit, ne conveniretur: certe hæc illi necessitas a re sua nascitur, non ab adversario. Proinde casum suum & incommodum rei familiaris ad alienam iniuriam transferre non debet. Et hæc quidem ita se habent in causis privatorum.

2 In ¶ negotio publico ut instrumentis postea repertis permittitur ex causa de integro agere adversus rem iudicatam, L. Imperatores, D. de re iud. sic permittendum est ex eadem causa agere iterum adversus transactionem. Non enim maiorem vim habet transactio, quam res iudicata, L. seq. infr. qua de re scripti ad L. Imperatores.

3 Videri ¶ tamen possit ne in causis quidem privatorum regula huius rescripti esse perpetua. Nam in L. 3. §. 1. D. eod. scriptum est, si transactio propter fideicommissum facta sit (fideicommissum intelligi, quod ex testamento petebatur, cum non putaretur esse alibi fideicommissum relictum) & postea codicillis sint reperti: quanto minus ex transactione consecutus est fideicommissarius, quam codicillis datum est, id eum ex fideicommissi causa consequi debere. Traditum est etiam, de iis controversiis, quæ ex testamento nascuntur, nisi inspectis & cognitis verbis testamenti, transigi non posse. L. de his, D. eod. Finge ergo transactionem esse, & postea testamentum proferri: consequens erit contra quam transactionem est, recte agi. Sed nihil horum hoc rescripto adversatur. Observandum est enim vetare rescriptum rescindi transactionem. Non rescinditur autem in superscriptis causis transactio, quæ nulla fuit, L. 5. D. de ini. rup. test. Nam neque de eo fideicommissio pacisci quicquam intelligitur, quod sibi relictum esse ignorat, L. qui cum tutoribus, D. ult. §. eod. & de iis controversiis, quæ nascuntur ex testamento, si transigi non potest, nisi inspectis verbis testamenti, consequens est, si transigatur, nullam esse transactionem. L. non dubium, C. de legib.

4 Sed ¶ & cum minoribus interposita transactio, instrumentis postea repertis, quibus

Tom. VII.

laesos eos fuisse probetur, lu integrom restitutione petita rescinditur. tit. infr. si adv. transf. Veruntamen non prætextu instrumenti, sed beneficio ætatis, ut ne hoc quidem ius huic loco adversetur. Ad transactiones cum minoribus interpositas referri debent pupilli, Reipublicæ, Ecclesiæ transactiones, ne quis forte eas etiam obiciat, cum eas rescindi posse ob instrumenta postea reperta defenderetur. Nam & pupilli minores sunt: & Rempubicam ut pupillum extra ordinem luvari placet, L. Rempubicam, infr. de in. Reipublica, Lib. 12. & Ecclesia Reipublicæ comparatur constitutionibus, L. ult. supr. de sac. eccl. Novell. de non al. reb. eccl. §. finimus.

Sane si per se. Ut ¶ non rescinditur 5 transactio bona fide interposita: ita rescindi potest contraria, quam scilicet aut metus ab adversario illatus extorsit, L. interpositas, sup. aut expressit dolus: ut accidit in specie, quæ hic proponitur, cum reus subtraxit creditori suo instrumenta, quibus ille uti poterat ad probandam intentionem, quibus amissis quia futurum erat, ut reus absolveretur, maluit partem transigendo remittere, quam malle litigando de toto in discrimen venire. Forma rescissionis observanda est. Siquidem, aiunt Imp. actio superest, replicationis auxilio doli mali exceptio removetur: si vero iam perempta est, intra constitutum tempus tantum actionem de dolo potes exercere. Actio superest actori, si pacta est tantum se non petitorum. Pacto enim, ut sæpe iam diximus, non tollitur iure civili actio. Perempta est iure ita, si reum acceptilatione interposita liberabit. L. 4. sup. eod. L. si unus, §. pactus, D. de pact. §. præterea, Inst. de exceptio. L. 5. sup. de pact. Quod ¶ dicant actione 6 perempta de dolo solum superesse actionem, est verissimum. Nulla enim in hac specie alia superest actio, qua creditor adversus reum, a quo deceptus est, experiatur. d. L. 4. sup. eod. tit. quæ si esset: de dolo actio non competeret, L. 1. D. de dol. Sed cur non dicimus veterem actionem manere actori, quasi in transactione, quæ nulla sit, ut cui dolus causam dederit? quia solum in bonæ fidei contractibus hoc receptum est, ut cum quis circumscriptus est in hoc, ut contraheret, nullus sit contractus. L. & elegerant, D. de dol. In strictis iudiciis, veluti stipulatione, contra L. dolo, inf. de iust. stip. L. si quis cum, D. de verb. obl. Atque huius generis esse constat transactionem: neque enim numeratur inter

Y 2

Iudi-

iudicia bonæ fidei. §. *actioem*, *Instit. de actioe*. Neque hoc solum adversus actorem valet, qui pecuniam deceptus accepto tulit: sed etiam adversus reum, qui deceptus ex transactione pecuniam dedit, quod posterius Bartolus negat. At enim cum actor per calumniam petit, dicitur transactio esse imperfecta, & repetitio dari. *L. in summa*, *1. ref. D. de cond. ind.* Vel hoc ipsum, quod repetitio dari dicitur, satis arguit, pecuniæ ob transactionem datæ dominium esse translatum, eoque & summo iure processisse, quod gestum est. Unde quod dicitur transactio esse imperfecta, ad effectum & exitum referri debet, non ad ius summum. Ræ effectu ob dolum alterutrius imperfecta est: quia & actor deceptus de eadem re agere potest, etiam prius reo acceptilatione liberato, & reus item deceptus data repetere. Sed actor nova actione de dolo, non vetere, quæ extincta est. *L. 4. Sup.* reus autem conditione ob causam dati causam non secuta. Dedit enim ob transactionem. Hoc effectu nulla est, cum si obiiciatur ab actore exceptio transactionis, doli mali replicatione exceptio elidatur, ut hic dicitur. Et ideo non metuimus cum Bartolo, ne si hic dixerimus, transactionem ipso iure valere, non possit reus data repetere, quasi qui ante hæc data habuerit tantum exceptionem doli, quam odiosam ille vocat, odiosa autem exceptione tutus qui solvit, indubiti conditionem non habeat. *L. qui exceptionem*, *D. de cond. ind.* Non enim in proposito repetit reus datum, ut indubitum solum, sed tanquam datum ob causam transactionis, transactione non secuta: effectu enim secuta non est, quæ per exceptionem infirmatur. *L. nihil interest*, *D. de reg. iur.* Et præterea falsum est exceptionem doli aut in factum esse odiosam adversus eum, qui deceptus: cum nihil sit æquius, quam ne cui decipienti doli suus prosit, per occasionem iuris civilis contra æquitatem naturalem: quæ huius exceptionis propnendæ causa est. *L. 1. D. de doli. mal. 6. mes. exc.* Sane si reus acceptilatione liberatus non implet promissa, esset adversus eum actio præscriptis verbis, ut impletet, ut dixi *L. 2. sup. ex L. cum nota sup. eod.* Verum nihil hoc ad hunc locum, in quo impletis ultro his, quæ ex conventionione dari debuerant, actor amplius petit, quod ad iustum debitum decrat.

7 Sed an esset furti actio, † dubitatum est, quoniam traditum est hanc de tabulis & instrumentis furto substractis com-

petere, non tantum pretii nomine, sed etiam eius, quod interfuit eas substractas non esse. *L. qui tabulas*, *D. de fur.* Iu eo autem, quod interest, videri potest numerandum esse, quod creditor pecuniam debitam amisit. Quod non ita est. Ante transactionem dici hoc potuit; post transactionem non potest. Amisit enim pecuniam creditor, non quia furtum ei factum est, sed quia reum acceptilatione liberavit. At enim propter furtum hæc secuta est acceptilatio, dicat aliquis. Ne hoc quidem verum est. Propter inopiam enim probationum hæc secuta est, non propter furtum. Et quanvis concederetur per occasionem furti eam secutam esse: secuta est tamen ex furto non necessario: cum fuerit in potestate creditoris, aut desistere potius, aut etiam condemnationem subire. Non est autem, eum furto ascribamus eam amissionem, quam actor post furtum vitare poterit. Huc pertinet illud vulgatum sumptum ex *L. neque, inf. de probat.* non probat hoc esse, quod ad hoc contingit, ut absit. Quid si dicamus cum Bartolo hoc modo, etiam debitum actori propter furtum hic amitteretur: tamen non eo minus locum habere de dolo actionem etiam ex edicto? Sic enim, cum alia actio est, non datur de dolo, si sit alia actio de eadem re. *L. 1. in pr. & §. ait. D. de doli.* At furti actio, si qua hic esset eius debiti nomine, quod tabulis continetur, & actio de dolo, quam hic esse volumus de eadem re non competunt: actio enim furti prænam petit legitimam; actio de dolo rem ipsam, id est debitum; nec una actio per aliam consumitur. *L. si pro*, *1. D. de cond. fur.* Sed videndum, ne actione furti de eo, quod actoris interest, omnis alia actio de eadem re tollatur præter rei vindicationem & conditionem furtivam. Solæ enim hæc dantur extra furti actionem. §. *ult. Inst. de obl. qua ex del. §. sit itaque Instit. de actio.* Quamobrem in superiore ratione manendum est. Nam illud nihil ad rem pertinet, quod Bartolus ait hic agi de dolo, qui admissus est in celando & extorquendo transactionem, in eo autem furtum non fieri. Satis est, ut dixi ad removendam actionem de dolo, si id, quod actori absit, ipse consequi possit actione furti, undecunque hæc actio de eodem instrumento nata sit. Sic enim alia actio est de eadem re.

L. 20. Non minorem.

Imp. Dioclet. & Maximian. AA. & CC. Antistix.

Non minorem auctoritatem transactionum, quam rerum iudicatarum esse, recta ratione placuit. Siquidem nihil ita fidei congruit humana, quam ea, que placuerant, custodiri. Nec enim ad rescindendum pactum sufficit, quod hoc secunda hora nostris intercessisse proponas: cum nullum tempus sane mentis maioris viginti quinque annis consensum repudies. S. IV. Kal. Oct. ipsis. AA. Coss.

S U M M A R I A.

1. Transactionem non magis, quam res iudicatas obtentu instrumentorum postea repertorum retractari posse.
2. Transactionem inter eos, inter quos interposita est, solum valere: rem iudicatam nunquam inter omnes inter quos eadem questio revocabitur: id autem accidere in praedictis.
3. Ex re iudicata semper actio, ex transactionis pacto nudo nulla.
4. Transactio vera & perfecta, qua.

1. Auctoritas † rerum iudicatarum hæc est, ut sententiæ a qua appellatum non est, stare oporteat, sive is condemnatus sit, qui non debuit, sive absolutus, qui debuit: ut ne obtentu quidem instrumentorum postea repertorum possit sententia retractari. *L. cum prolatis. L. Imperatores. L. post rem, D. de re iudic.* Eadem auctoritas & vis transactionum. Conveniunt in hæc sententiam. *L. fratris. L. causas. L. interpositas. L. sub pretextu, supra. L. siue apud, infr. eodem.* Id consensus, in transactione facit, ut hic scriptum est. Adde bonum publicum. Hoc enim agitur transactione, ut sit aliquis litium finis. *L. ult. D. pro suo.* Sed habet hæc definitio duas cautiones. Sic enim accipienda est, dum res agatur inter eos, inter quos transaction est, & transactio sit id, quod dicitur: nimirum vera perfecta que transactio. Alioqui interdum maior auctoritas rei iudicatæ.

2. Nam † res iudicatæ quibusdam in causis, ut in praedictis, non tantum valent inter eos, inter quos iudicatum est: sed etiam inter omnes lus faciunt, quandoque de ea re queritur, ut, si quis ingenuus pronuntiatus sit, sententia faciet ingenuum, non tantum si postea patronus is agat, qui ante egerat: sed etiam si de hereditate ingenui, aut de liberis eius quereretur inter alias quasvis personas, uti fieret, si quis pronuntiatus esset alicuius filius. *L. 1. §. ult. & LL.*

segg. *D. de ag. lib.* At his de rebus si transactum sit: aliis transactio non nocet. *L. ingenui, inf. de ingenu. man.* Non adverteretur huius loci definitio. Hæc enim conditione & lege accipienda est, dum agatur inter eas personas, inter quas res transacta, aut iudicata est. Nam quod initio dicitur obsecutus, id ratione adiecta explicatur. Cur eadem sit auctoritas transactionum, redditur hæc ratio, quod transactio constet conventionem: quam custodiri inprimi, fidei humanæ congruat. Ex qua ratione facile intelligimus, ultra quam valet & progreditur consensus, transactiones non valere. Porro certi iuris est, ut consensus duorum, est consensus: sic nullum pactum cum una persona interpositum in alia persona nocere. *L. si unus, §. ante omnia, D. de pact.*

Sed † & inter eos ipsos, inter quos actum est, videri potest auctoritas maior rei iudicatæ in eo, quod in omnem, qui condemnatus est, dum sententia valeat, nascitur ex sententia actio iudicati. *L. actor, inf. de rebus cred. & iur. L. miles. §. ult. D. de re iudic.* Quod non item servatur in transactione: ubi si reus transactionis causa pecuniam promiserit pacto, ex ea iure civili non oritur actio. *L. siue apud inf. eod.* Sed dicendum est, cum transactionem hic nominamus, veram & perfectam transactionem intelligi debere. Ex ea vero non minus creditori actio est, quam ex re iudicata.

Ea

4 Ea est autem † vera & perfecta transactio, qua ita creditor pactus est, se a lite discessurum, ut etiam revera litem & actionem iure civili finiret; quod qui fecit, sine dubio promissam sibi eo nomine pecuniam recte petet. *L. cum nota,*

sup. eod. Quod si litem non finivit, non habet is quidem petitionem pecuniæ pacto promissæ. *d. L. sine.* sed hoc eo fieri intelligitur, quod hic vere transactum non sit, non quod transactio ad actionem non valeat.

L. 21. Cum ea.

Impp. Dioclet. & Maximian. AA. & CC. Geminiano.

Cum ea, quæ transactionis causa dari, aut reimeri convenit, vel emptorem eum, quem accipere placuerat, obtinere præscribitur: his, quæ simulate geruntur, pro infectis habitis, frustra ficti pretii postulatur numeratio. S. V. Nonas Octob. iipsis. AA. Coss.

S U M M A R I A.

1. Species facti obscurior explicatur.
2. Quod transactionis causa vere pactum, datumve est, id tanquam ex

causa emtionis gestum valere non posse, etsi in instrumento emtionem esse, scriptum sit.

QUI † fundum a possessore vindicabat, cum possessore transigit ita, ut fundum apud possessorem relinqueret, id est, amplius de fundo non ageret, possessor vicissim transactionis nomine centum daret. Ex hoc pacto, ut supra dixi, non nascitur actio. *L. sine apud, infr. eod.* Huic incommodo petitor occurrere cupiens, obtinuit de sententia adversarii, ut in instrumento, quod de ea transactione factum est, scriberetur, petitorum fundum illum, de quo dixi, vendidisse adversario centum aureis: hoc consilio, ut centum aurei transactionis causa promissi utiliter peti possent. Constat enim, si emptio sit, hanc solo consensu contrahi, nascique ex ea actionem ex vendito ad pretium consequendum. *L. Iulianus, §. ex vendito, D. de act. em.* Re ita gesta, actor a possessore actionem ex vendito centum promissa petit, tanquam pretium emptionis inter ipsos contractæ. Negat possessor ea se peti posse, quod ea transactionis causa promiserit nudo pacto: ex quo actio non nascitur: emptionem contractam negat, etsi contra in instrumento perscriptum est. Quæstio, an efficere tantum debeat instrumentum, ut cum emptionem contractam non esse constet: pro

emptione tamen valere debeat, quia emptionem esse scriptum sit.

Rescriptum, † quæ simulate, id est, contra fidem veri consilio geruntur in instrumento, pro infectis habenda esse: idecirco in proposito frustra peti numerationem ficti pretii, id est, eius, quod pretium non est: cum nulla sit emptio. Idem dicendum est e converso in eo, quod actori ex conventionem transactionis datum erit: ut puta, cum reus actori transactionis causa rem certam dare deberet, dedit: & dum cogitat aliquando a transactione discedere, si videatur, impetravit ab adversario, ut in instrumento perscriberetur, rem emptionis causa traditam, & pretium certum adiceretur. Sic enim fieret, ut si valeret, quod scriptum est: posset reus non quidem rem datam, at pretium petere. Id vero fieri posse itidem hic negatur eadem ratione, qua superius. Sententia est generalis ad vim omnis scripturæ pertinens, veritatem rerum scriptura non mutari; si quid gestum sit, & aliud scriptum, non quod scriptum est, inspicere oportere; sed quod actum est. Item plus valere, quod agitur, quam quod simulate conceipitur. *solo tit. infr. plus valere, quod ag.*

L. 12. Si maior.

Imp. Dioclet. & Maximian. AA. & CC. Alexandro.

Si maior transgessi, ad rescindendam transactionem de dolo contestatio non sufficit. S. Kal. Decemb. ipsis. AA. Coss.

S U M M A R I A.

1. *Doli contestationem in transigendo interpositam, ad rescindendam transactionem non sufficere; & hoc quid sit.*

SI quis dolo † adversarii inductus transiegit, huic transactio non nocet, quominus de eadem re iterum recte agat. *L. sub pretextu, sup. eod.* Sed ut dolus interveniat, exigimus; quod edicto de pactis expressum est. *L. inirrigentium, §. ait prator, D. de pact.* Bene igitur hoc

loco scriptum est, solam de dolo contestationem ad rescindendam transactionem non sufficere. Non enim si quis in transigendo dicit, & palam testatur, se ab adversario decipi, seque ita cogi de suo iure remittere, ideoque decipitur, ut dicit.

L. 13. Nec intentio.

Imp. Dioclet. & Maximian. AA. & CC. Tatiano.

Nec intentio creditorum Archimedorum, cui alios successisse profiteris, si obligatus pro eo non fuisti, tenere te potest: Sed hoc integro negotio tractari convenerat. Nam cum iam questionem transactione decisam, & a te dari placitam, numeratam pecuniam proponas: huius indebiti soluti prout in stipulationem fuisset deducta, indebiti promissi velamento defendi non posses. Dat. VIII. Idus Mart. CC. Coss.

S U M M A R I A.

1. *Falsum heredem errore cum creditoribus hereditariis quasi heredem transigentem, quod eo nomine dedit repetere non posse, quavis eum postea heredem non esse constiterit: & quam hoc non iniquum.*
 2. *Quam pecuniam transactionis causa creditores hereditarii a falso heredem acceperunt, eam lucro creditorum cedere, quos nihilominus a vero heredem solidum exigere nihil prohibet.*
 3. *Falsus heres si transactionis nomine cum creditoribus hereditariis interposita pecuniam bis stipulantibus solum promiserit: etiam eam pecuniam ab eo exigi posse, quavis ante petitionem eum heredem non esse constiterit: & cur.*

Qui heres non erat, † quasi heres conventus, dum se heredem putat, cum creditoribus hereditariis transiegit & partem pecuniae intulit hac lege, ne quid

amplius a se peteretur. Tametsi postea evidenter constet hunc non fuisse heredem: cumque nihil plane debuisset hereditariis creditoribus, tamen quod dedit repe-

repetere non poterit. Non est hoc iniquum, tamen res nulla media fuerit. Datur enim hæc pecunia ob causam. Abunde magna causæ est, cur datur, quod a lite disceditur. *L. in summa, D. de condit. indeb.* At enim verum est ante transactionem pecuniam indebitam fuisse, quæ data est: quidni ergo tanquam indebitum solum recte condicetur? Quia indebitum sic condicitur, si etiam solum fuerit. Solvitur autem, quod tanquam debitum solvitur: quod non fit in ea pecunia quæ datur transactionis causa. Nemo enim hæc dat tanquam in præteritum debitam: sed ob causam futuram, ut aliquid sequatur.

* Quid ergo fiet si ea pecunia quæ creditoribus data est? Cedetne ea lucro creditorum, ut nihilominus verum heredem in solidum convenire possint: an proderit heredi, ne hæcenus, quatenus illi acceperunt, iste conveniatur? Et placuit transactionem cum possessore hereditatis interpositam non prodesse vero heredi; quia neque cum eo transegerint creditores, neque possessor heredis nomine quidquam tanquam debitum solverit: sed suo dumtaxat, ne conveniretur. *L. 3. §. ult. D. eod.* Cedet igitur ea pecunia lucro creditorum, qui non prohibebantur solidum, quod debetur, a vero herede exigere. Neque vero cum hoc facient, periculum erit, ne bis idem exigere videantur contra regulam iuris. *L. bona fides, D. de regul. iur.* Quod enim exigunt ab herede, id debetur: quod ante acceperunt a possessore, non tanquam debitum acceperunt, sed ob causam, quod litem possessori remiserunt. Quod si ita est, consequens est possessorem nihil posse repetere eo nomine a vero herede, utpote qui non liberetur, *L. si quid possessor,*

D. de pet. hered. Atque ita eam pecuniam plane possessori perire.

Cum etsi tantum in stipulationem, &c. Adeo pecuniam ex superscripta et causâ datam repetere adversus transactionem possessor non potest, ut etsi nondum dederit, sed promiserit tantum, utiliter pecunia ab eo peti possit, dum stipulanti promiserit, nec possit possessor, ut hic scriptum est, indebiti promissi velamento defendi. Si ut debita pecunia promissa esset, inhiheretur actio. Nam si datam ut indebitam repetere licet: multo magis ut indebitam adversus petentem licet retinere per exceptionem. *L. 3. inf. de cond. indeb.* Sed iam effectum est, non ut debitam hanc pecuniam dari, aut promitti: verum ob causam, quæ & secuta est: ut hoc quidem nomine nulla sit exceptio adversus petitionem. Sed nec dici potest hinc doli mali exceptionem esse posse, quasi aliter obligatus sit promissor, quam debuit, iuxta *L. si quis cum aliter, D. de verb. obl.* Non enim obligatur aliter, quam debuit, qui promittit transactionis causa: quoniam hæc abunde dandi iusta causa est, quod a lite disceditur. *L. in summa, 1. resp. D. de cond. ind.* Sed ut pecunia ex hac causa peti possit, rescriptum exigit, ut fit in stipulatum deducta, & recte: quia pacto tantum causa, ne ex causa quidem transactionis peti potest. *L. sive, inf. eod.* Additum autem præterius hoc est argumenti loco. Nam si creditor ultro petere potest ex hac causa, quod promissum tantum ac nondum datum est; vult intelligi rescriptum multo magis eum, quod iam datum sit, retinere posse: quod prius responderat, sic regula iuris est: Cui damus actionem, ei multo magis exceptionem competere quis dixerit. *L. invitus. §. 1. D. de reg. iur.*



L. 24. Siquidem.

Impp. Dioclet. & Maximian. AA. & CC. Victorino.

Siquidem ex causa transactionis, acceptis his, quæ instrumento continentur, nihil amplius peti convenit: adversariam tuam exceptionis auxilio defendi perspicis. Sin vero certam quantitatem, quasi solam ab ea debitam, reddere se debere, sine litis decisione confessus es: tam eam, quam residuam debiti partem petere minime probaberis. S. V. Non. April. Sirmii. CC. Coss.

S U M M A R I A.

1. Qui partem debiti petit, aut accipit, aut reum de parte consentem ignarus admittit, de reliquo non

petendo nominatim nihil passus, non ideo prohibetur reliquum petere.

Victorius, cui centum debebantur, sic facti speciem proposuerat: placuisse inter se & reum, ut reus quinquaginta, quæ se debere fatebatur, præstaret: quærebat, an superiore conventionione prohiberetur, quominus alia quinquaginta peteret, quæ sibi probaturus sit item deberi. Distinguitur, ut siquidem transactionis causa placuit quinquaginta illa præstari, id est, in re dubia ita placuit, ut simul aperte conveniret, ne quid amplius peteret: solum quinquaginta petere possit, reliqua non possit, obstante pacti exceptione. Sin nihil amplius fuit, quam superior conventio, nec quidquam de reliquis non petendis convenit: nihil ea conventio obstat, quominus Victorius tam eam summam, quam se debere reus fassus est, & se soluturum dixit, quam reliquam debiti quantitatem petat. Non enim potest ei adversus reliquæ partis non solutæ petitionem quidquam obesse, nisi quid de ea non petenda convenerit. Qui au-

tem de quinquaginta recipiendis consensit, non ideo de reliquis non petendis passus esse intelligitur: cum fieri potuerit, ut & quinquaginta sola putaret deberi, fidem debitoris secutus. Nam ne illud quidem nocuerit creditori, partem pecuniæ sic accepisse, ut ea se in præsentia contentum esse ostenderet, si ideo accipit; quia sola ea quantitas debita esse a reo dicebatur. *L. si inter, inf. de sol.* Qui enim reliquum non petit, quia sibi deberi non putat, aut certe quia dicitur non deberi: declarat se hoc animo esse, ut si esset debitum, peteret: neminem enim in eo, quod facere cogitor, liberalem dixeris. *L. rem legatam. D. de adi. leg.* Multo ergo magis idem de eo dixerimus, qui nihil accepit, sed debitore dicente se certam tantum quantitatem debere, quæ pars tantum erat summæ debitæ, confessionem eius admisit, ignorans forte quantum deberetur.



L. 25. Si maiores.

Impp. Dioclet. & Maximian. AA. & CC. Marcellæ & Quirillæ.

Si maiores viginti quinque annis, cum patruo sive avunculo vestro transigistis, vel ei debita donationis causa sine aliqua conditione remisistis: non idcirco, quod hoc eius hereditatis captandæ causa, id est, spe futura successione vos fecisse proponatis, aliis ei succedentibus instaurari finita debemus. S. II. Id. April. CC. Coss.

S U M M A R I A.

1. *Dati ob causam, ut me heredem facias, causa non expressa cessare repetitionem, quavis causa se-*

cuta non fuerit: causa adiecta, si secuta non sit, etiam hic repetitioni locum esse.

1. **N**ihil prodest † ob causam dare, ut causa non secuta, quod datum est, repetatur, si causa in dando nominatim adiecta non fuerit, cui sententiæ congruit. *L. si repetendi, infr. de condit. ob caus. dat.* Sed eum in specie hic proposita remittendæ actionis causa hæc fuerit creditricibus, ut heredes ab avunculo instituereantur, aut aliter eius hereditate po-

tirentur: quid fiet, si nominatim hæc causa adiecta actionem remisserint, neque ea causa secuta sit? puro tanquam causa non secuta integram esse veterem actionem, ut fit in aliis causis, cum reus transactioni fidem non præstat. *L. si ve, infr. eod. L. si instituta, D. de inoffic. test. de quo plura ad L. eum donationis, infr. eod.*

L. 26. Transactione matris.

Impp. Dioclet. & Maximian. AA. & CC. Dionysiadæ.

Transactione matris, filios eius non posse servos fieri, notissimi iuris est. S. Id. April. CC. Coss.

S U M M A R I A.

1. *Transactione matris quemadmodum agatur, ut liberi eius servi fiant,*

ut cur hæc transactio liberis non noceat.

1. **M**ulier quædam † petebatur in servitutem ab eo, qui eam ancillam & se dominum eius dicebat: in qua lite transegit deinde actor, pactus se mulieri nullam amplius libertatis controversiam facturum: sed hæc lege, ut illa filios, quos susceperat, sibi in servitutem traderet, aut ut iam erant, apud se relinqueret, quod & mulier fecit. Recte hic dicitur,

huiusmodi transactione matris non posse filios eius servos fieri, idque esse notissimi iuris, duabus de causis: tum quod certis modis servi fiunt, in quibus non est conventio sola: §. penult. *Instit. de iur. person.* tum quod etiam fierent, tamen conventio cum matre interposita aliis nocere non potest. *L. si unus, §. patta, ver. ante omnia, D. de pact.*

L. 27.

L. 27. Sanum.

Impp. Dioclet. & Maximian. AA. & CC. Catoni.

Sanum mente, licet agrum corpore, recte transigere manifestum est; nec postulare debueras improbo desiderio placita rescindi valetudinis corporis adverse velamento. S. VII. Idus Maii. CC. Coss.

S U M M A R I A.

1. Sanitas mentis sola, non etiam corporis cur in transactione requiratur.

IN his, † quæ consensu geruntur, qualis est transactio, ab iis, qui ea gerunt, integritas solum mentis, non corporis sanitas requirenda est. L. 2. D. qui test. fac. poss. Quippe mente & animo consentimus, non corpore.

L. 28. Sive.

Impp. Dioclet. & Maximian. AA. & CC. Sapparitæ.

Sive apud acta rectoris provinciae, sive sine actis scriptura intercedente, vel non, transactio interposita est: hanc servari convenit. Sed quoniam ut certum quid accipias, convenisse te, licet sine scriptura, proponis, nec huius rei causa stipulationem secutam esse: quavis ex pacto non potuit nasci actio, tamen rerum vindicatione pendente, si exceptio pacti opposita fuerit, doli mali, vel in factum replicatione usa poteris ad obsequium placitorum adversarium tuum urgere. Datum. III. Non Iul. CC. Coss.

S U M M A R I A.

1. Retrahenda transactionis ratio adversus reum, qui ipse transactioni non par est.

2. Doli replicatio, & in factum, quid sint, & quid inter se differant.

EX placito † transactionis, quo pecunia promissa est, actio non nascitur: qua de re dixi ad L. cum nota, supr. Sed quod actor directa via consequi non potest a reo, id obliqua consequetur. Verere enim actione expertus, si hæc sublata non est, consequetur, ut reus solvat, quæ petuntur, aut promissis stare cogatur. Utrum possit facere, & quandiu, dicam ad L. si maior, inf. cod.

Doli mali vel in factum replicatione. Dolus † est cum quis transactionis fidem sibi servari vult, quam ipse adversario ex eadem causa non servat. L. cum proponas, sup. de pact. facit enim contra æquitatem naturalem, qua placet, ut quod quisque iuris in alium statuerit, ipse eodem Tom. VII.

dem utatur. L. 1. D. quod. quis. inv. ac quidquid per occasionem iuris civilis contra naturalem æquitatem petitur, dolus est. L. 1. D. de dol. except. Doli replicatio est, cum actor reum exceptione transactionis utentem aperte dicit dolo facere. In factum est, cum in factum verba replicationis temperantur, detracta doli mentione. L. non debet, in fin. D. de dolo. Vis utriusque eadem: nisi quod altera apud graves & bonos viros infamiae notam habet: altera non habet. Hac adversus parentes & patronos utimur, dum his honorem & reverentiam natura illis debitam exhibemus: illa nequaquam. L. licet, D. de ob. a lib. L. 4. §. adversus, D. de dol. mal. exc.

L. 2

L. 29.

L. 29. Sub prætextu specierum.

Impp. Dioclet. & Maximian. AA. & CC. Martiz.

Sub prætextu specierum post repertarum, generali transactione finita rescindi prohibent iura. Error autem circa proprietatem rei apud alium extra personas transigentium tempore transactionis constituta, nihil posse nocere. S. IV. Kal. Octob. CC. Coss.

S U M M A R I A.

1. Generalis transactio qua.
2. Generali transactione quæ finiantur.
3. Generali transactione finita quando videantur rescindi.
4. His verbis, sub prætextu specierum postea repertarum, quid specierum verbo intelligere debeamus.
5. Summa: generali transactione interposita, non licere de una parte, aut specie ad id genus pertinente agere, si ideo tantum agitur, quia species, de qua agitur latuerit tempore transactionis, quæ deinde sit reperta.
6. Generali transactione non contineri speciem, etiam quæ ex eo genere sit, si de certis tantum rebus actum

fit, & liti generalis transactio subiecta.

7. Generalem transactionem etiam ad eas species non pertinere, quas actor iusto errore falsus non putavit esse ex eo genere, aut universitate, de qua transigit: & hoc quomodo, & ubi accidat.
8. De hereditate petitorem transigentem de omnibus rebus hereditariis sentire & transigere intelligi, quamvis quasdam esse in rerum natura omnino ignores, aliter si quasdam esse sciens putavit non esse hereditarias.
9. Generali transactione semper excepta ea species, quæ dolo adversarii latuerunt.

Ant Impp. Sub prætextu specierum postea repertarum generali transactione finita rescindi prohibent iura. Hoc breviter dictum obscurius est. Quam sententiam habeat, sic videtur facile intelligi posse, si prius dixerimus distincte, quid sit generalis transactio: quæ finiantur generali transactione: quando hac transactione finita rescindi videantur: tum specierum verbum quid hic declaret.

Generalis transactio est, si cum aut infinite paciscitur creditor se nihil a reo petiturum, aut paciscitur finit quidem de re certa, sed ea, quæ verbo communi, vel generis, vel totius, res aut species, partive plures complectitur: veluti si transactum sit de hereditate, de tutela, de negotiorum administratione.

Generali transactione finitur lis & actio omnis, non tantum quæ est de genere, & universo, sed etiam quæ de singulis rebus est ad id genus pertinentibus. Etenim generali oratione species singulæ tam continetur, quam si specialiter essent expressæ, L. si servitus, D. de servit. urb. præd. L. Marcius, §. duorum, D. de leg. 2.

Resciuntur hæc non solum tunc, cum de genere ipso, ut de tutela, de hereditate, de negotiorum administratione agitur; sed etiam cum agitur de specie aliqua, quæ eo genere continetur. Nam si species omnes generali oratione continentur, sit contra orationem, si qua species iterum petitur. Ergo cum hoc fieri prohibent iura, hoc prohibere intelliguntur, ne de ulla re, aut parte agatur, quæ sit ex eo genere. Id quod expressum est in L. si unus, §. si cum decem, D. de pact. L. si quis cum, in prin. D. de exc. rei iud.

Inde apparet, si cum addunt Imperatores sub prætextu specierum, species hic intelligi oportere res, quæ pertineant ad id genus, de quo verbo generis & communis transactum est. Hæc si ita sunt, iam facile intelligitur, superscriptis verbis exprimi hanc sententiam.

Generali transactione interposita contineri res omnes, quæ sunt ex eo genere. Hinc fieri, ut quemadmodum de ipso genere, iterum lis moveri non potest: sic nec possit de ulla parte, aut specie ad id genus pertinente; quia pariter sit contra

tra transactionem, nec ad rem pertinere, quod species, de qua agitur, postea reperiatur: id est, quod latuerit tempore transactionis. Quo innuitur, generali transactione omnes species contineri, siue notæ actori fuerint, siue ignotæ. Sed cum dicerent Imperatores, ea, quæ transactione finita sunt, rescindi non posse, cur addiderunt, *sub prætextu specierum postea repertarum*: cum constet ea, quæ consensu finita sunt, neque hoc, neque alio ullo prætextu revocari? *sub prætextu. L. non minore. sup. eo.* Certum est hoc ab illis factum esse, non quo innuerent alio prætextu rescindi posse: sed dum volunt intelligi, ne hoc quidem prætextu posse rescindi, quod species, de quibus nunc agitur, tempore transactionis latuerint: quasi de hoc maior esset dubitatio. Bene autem dixerunt finita non posse rescindi. Caterum rem aliquam petere, quæ ex eodem genere sit, nihil prohibet, dum transactio generalis non rescindatur: quod ita sit, si de ea specie, quæ petitur, non fuerit transactum. Non est autem transactum, si de ea cogitatum non est. Nam cum consensus animo constet, non verbis: generaliter probandum est, quantumvis verbis generalis sit transactio, aut conventio, nunquam tamen contineri transactione, aut conventionem eas res, de quibus inter contraheutes sensum & cogitatum non fuit. *L. cum Aquiliana. L. qui cum tutoribus. §. 1. & §. ult. D. eod.* Itaque ex generali transactione semper duo genera specierum etiam remoto dolo excipiuntur: de quibus proinde non obstat generali transactione utiliter agi potest.

Unum ¶ est earum, de quibus actum non est, & ideo si actum sit de re certa, ut fundo, & per occasionem huius litis transactum sit inter actorem & reum generalibus verbis ita, ut actor diceret se amplius nihil a reo petiturum: solum transactio in ea re, de qua actum est, obstabit: in cæteris omnibus non obstabit, ut scriptum est in *L. si de certa. inf. cod.* scilicet quia de iis actum non est: quamobrem nec de his potest transactum videri: cum transactio ad finiendam litem, quæ fuit, pertineat. Huc facit *L. emptor. §. 1. D. de pact.*

Alterum genus ¶ est earum rerum, quas actor iusto errore non putavit esse ex eo genere, aut ea universitate, de qua egit, aut transigit: quæ exceptio est, quæ verbis sequentibus huius scripti exprimit nobis videtur.

Error autem, aiunt Imp. circa proprietatem rei apud alium extra personas transigentium tempore transactionis constituta nihil potest nocere. Hoc sentiunt: si in aliqua re, quæ ad generalitatem transactionis pertineat, erratum sit ab actore ita, ut tempore transactionis non putaret eam esse suam ex eo genere, quod petit: non uocabit hic error transigenti, quo minus scilicet eam rem recte petat contra generalitatem transactionis. Sic autem actor in proprietate eius rei errare potest, si res fuerit apud alium possessorem extra personas transigentium constituta, quo tempore transigebatur: ut per hoc putaret eam possessoris esse, non suam. Finge ita: Petitor hereditatem petit. Fuerunt ex ea hereditate res quedam apud tertium quandam possessorem, quas ob causam factum est, ut petitor eas possessoris esse existimaret: certe non putaret esse hereditarias. Petitor de hereditate transigit. Hoc dilectus, non impediri eum hac transactione, quo minus de superscriptis rebus iterum recte agat. Quod non eo fit; quia hic liceat transactionem rescindere potius, quam in cæteris rebus: sed quia de illis cogitatum non sit, eoque nec transactum. Transigit enim de hereditate & rebus omnibus hereditariis. Et quidem hæc, de quibus quæritur, sunt hereditariæ: sed de his non sensit; quia hereditarias esse non putavit.

Sed ¶ qui magis videtur petitor sensit de iis, quas esse omnino ignoravit, quam de iis, quas esse sciens non putavit esse hereditarias? Non difficile hoc intellectu est. Nihil enim vetat eum, qui ignorat, quid sit in hereditariis rebus, transigere tamen de tota hereditate, & hoc animo esse, ut velit, quæcumque res illæ erunt, & quæ occurrent postea, de illis amplius agere. Quod quoniam fieri potest: etiam illum, qui generaliter transigit, fecisse, & sensisse propter generalitatem verborum credendum est. In re enim dubia verbis stare oportet. *L. 1. §. in re igitur. D. de exor. act. L. non aliter. D. de leg. 3.* At cum certum est, petitorum non putasse, quasdam res esse hereditarias, res dubitationem non habet, quin de illis non petendis non senserit: cum pactus sit solum de hereditariis; has autem hereditarias non crediderit. In voluntate porro, & re certa verbis hæerere non oportet. *d. L. non aliter.* Sed hic exigitur, ut res istæ hereditariæ constitutæ sint apud alium extra personas transigentium. Recte: sic enim fit, ut in re aliena iuris alieni ignorancia sit probabilis,

lis, arg. *L. qui in alterius, D. de reg. iur.* nec quidquam possit imputari auctori, quod non inquisierit de conditione earum rerum, cum nullam causam suspicandi habuerit res fuisse hereditarias, nec in re aliena etiam in his, de quibus merito suspicari, aut metuere potuit, debuerit esse curiosus. *L. doli, in fin. D. de nov.* Quod si apud ipsum actorem res fuerint, non est probabilis eius error circa proprietatem; quia nemo quisque putatur scire vires & conditionem rei suae, id est, qualis sit res, & quo iure habeatur. arg. *L. quisquis, infr. de res. vend.* Si fuerint

apud ream: nihil dici potest, cur actor minus de his senserit, aut certe cognoverit, quam de reliquis hereditariis, quas a possessore hereditatis petebat. Ita semper in re dubia verbis transactionis stabitur. Et hæc de transactione bona fide interposita dicta sint.

In iis, † quæ dolo malo fiunt, ius est perpetuum, non esse servandum, quod dolo malo factum sit, *L. 4. L. 19. sup. eod.* Itaque quaecumque res de hereditate adversario subtrahæ erunt, in his transactio, quanvis generalis, non nocebit. *L. tres fratres, D. de pact.*

L. 30. Transactione finita.

Imp. Diocl. & Maxim. AA. & CC. Antonino.

Transactione finita, cum ex partibus tuis magis dolum intercessisse, quam eorum contra quos preces fundis confitearis: instaurari, grave, nec non criminofum tibi est. S. V. Idus Octob. Crebro. CC. Coss.

S U M M A R I A.

1. *Transactionem dolo malo interpositam rescindi posse, sed ab eo, qui deceptus dolo est, non ab eo, qui decepit; & in eam rem accommodatum exemplum.*

2. *Decipienti quoque ut venire liceat contra transactionem dolo eius interpositam, verba edicti de pactis faciunt: repugnat sententia. Unde hæc intelligatur, & cur sequenda.*

CAutum est edicto, pacta dolo malo facta non esse servanda. Edictum & ad transactiones pertinet: valent enim & hæc, ut sæpe iam dixi, ex consensu. *L. non minorem sup.* Igicur & transactio dolo malo interposita rescindi potest. *L. sub pretextu instrumenti sup.* Si postulet is, qui deceptus est, non dubium.

Etiamne si velit is, † qui decepit? Edictum enim generaliter scriptum est, pacta dolo malo facta servanda non esse. Proponere ita: reus subtraxerat auctori cautionem debiti: qua re consecutus est facile ab auctore, ut ille parte debiti accepta transigeret. Re transacta reus, qui debitor successerat, quique ob id facile scire non posset, quid deberetur, & an aliquid solum esset, neene, reperit apocham instrumentum solutionis: quo reperto pecuniam, quam transactionis nomine dederat, repetit, non pretextu instrumenti post reperti: (nam hoc non potest, *d. L. sub pretextu, sup.*) sed hac ratione, quod dicat dolo malo eam trans-

actionem expressam esse, & rogatus, cuius dolo; suo respondet, quod cautionis tabulas auctori subtraxisset. Hic verbis edicti nititur, & earum constitutionum, quibus cavetur, conventiones & transactiones dolo malo factas nullius momenti esse, rescindi posse: neque distinguitur, quo postulante id fieri velint. Rescriptum hoc loco est, neminem ob dolum suum consequi posse, ut transactio dolo malo facta invito adversario instauraretur. Quod rescriptum id, quod obcurius erat in edicto, & superscriptis constitutionibus, interpretatur. Ex quo colligimus, quoties negotium aliquod ob dolum admissum improbatum, id sic improbari, si ille velit, qui dolum passus est: non si velit is, qui admisit.

Verba quidem † superscripta ab utraque parte rescissionem admittunt: sed repugnat sententia. Cum enim cavetur, ut pacta dolo malo facta nullam vim habeant, cavetur hoc decepti causa, non decipientis: absurdum sit enim ius decipientibus favere.

favere, ex quo est illud, deceptis, non decipientibus iura opitulari. *L. 2. §. 1. D. ad Velleian.* Hanc sententiam sequemur. Nam cum in omni dicto & scripto, tum præcipue in legibus, non quibus verbis, sed qua mente quidque dicatur, spectari oportet: & mentem sequi contemptis verbis. *L. penult. D. ad exhib.* Et generaliter non de dolo tantum, sed de omni causa, propter quam placeat quid non valere, recte definimus, quoties aut contractus, aut negotium aliquod ob aliquam causam improbat, semper animadverti debere, cuius gratia id caveatur: cum id intelligitur, tum recte dici ipsam, si volet, eo iure usurum esse: sin-

minus, invito eo rem rescindi ab adversario non posse. *L. non eo minus, infr. de proc. L. si iudex, D. de minor.* Dæ autem rationes hic redduntur, cur decipienti non liceat ob suum dolum rescindere transactionem: una quod sit *grave*, id est, non ferendum, ut sunt toleratu ac pondere gravis: & ideo non ferendum, quia aperte iniquum, nihil enim iniquius, quam dolum suum cuiquam prodesse. *L. 1. D. de dol.* quæ causa facit, ut iure rescindere non possit. Altera est, quod sit ei *criminosum*, id est, turpe, & probrosum: quæ res facit, ut etiam liceat iure uti hac defensione; tamen utenti non expedit id facere, nec sit honestum.

L. 31. Si de certa.

Impp. Dioclet. & Maximian. AA. & CC. Proculo.

Si de certa re pacto transactionis interposito hoc comprehensum erat, nihil amplius peti: etsi non additum fuerat, eo nomine: de cæteris tamen questionibus integra permaneat actio. PP. IV. Id. Oñ. Byzantii. CC. Coss.

S U M M A R I A.

1. *De re certa si actum est, generalem transactionem ei liti subiectam ad*

eam tantum rem, non ad alias species pertinere, & quare.

Semper † in omni oratione quid actum sit, considerandum est. Id cum certum est, nihil amplius quaeritur. *L. semper, D. de reg. iur.* Qui generaliter pactus est, nihil se amplius ab eo, quicum agebat, petiturum, verbis omnem petitionem exclusit, quæ cum illo posset esse non tantum de re, de qua actum erat, sed etiam de cæteris. Tamen transactionem non nisi ad eam rem, de qua actum

est, pertinere volunt Imperatores: ut in illis verbis pacti, *nihil amplius peti*, subaudienda sint hæc verba, *eo nomine*. Cur? quia id agitur: idque inde satis intelligitur. Interponitur enim pacto nomine transactionis. Nihil autem est transactio aliud, nisi liti decisio & remissio. Absurdum porro plus esse in remissione, quam fuit in re, seu lite.

L. 32. Si caussa.

Impm. Dioclet. & Maxim. AA. & CC. Cyrillo.

Si caussa cognita, prolata sententia, sicut iure traditum est appellatio-
nis, vel in integrum restitutionis solemnitate suspensa non est: super indicato
frustra transigi, non est opinionis incertæ. Proinde si non Aquiliana stipu-
latione & acceptilatione subsecuta competentem tibi actionem peremisti: præ-
ses Provinciae usitato more legum pridem indicatis effectum adhibere cu-
rabit. S. VIII. Kal. Novemb. CC. Coss.

S U M M A R I A.

1. Post rem indicatam transactionem interpositam nullius esse momenti, sed his conditionibus: Si sententia iure valuit, & cur, & num. 2.
3. Si ab ea appellatum non est, & cur.
4. Si petita in integrum restitutione non est suspensa, & cur.
5. Si neque appellationis, neque in integrum restitutionis remedio attendi potest, & cur.
6. Si nec de horum aliquo sit controversa, quin omnia ita se habeant, & quare.
- Transactio post rem indicatam, in qua superiora concurrunt, interposita cur nullius momenti. ibid.
7. Nec inter eos, qui ita indicatum feciant, post rem indicatam transactionem interpositam valere, & quare.
8. Transactione post rem indicatam interposita, ita hanc nullius esse momenti, ut etsi intervenierit acceptilatio transactionis caussa, nihilo tamen magis perempta sit prior indicati actio, neque hoc rescriptum refragari.
9. Hec verba rescripti, si non acceptilatione competentem tibi actionem peremisti, pro conditione accipienda non esse, sed pro ratione, quia non peremisti.
10. Si, pro quia sæpe apud nostros.
11. Si, cur hoc loco ita sit accipiendum, pluribus demonstratum.
12. Summa rescripti.
13. De his controversis, quæ ex testamento nascuntur, non inspectis & cognitis verbis testamenti transigi non posse, & cur.
14. Relicta testamento etiam non inspectis verbis testamenti pacto & pro parte & in totum remitti posse, & num. seq.
15. De his, quæ codicillis relicta sunt, ius idem.

Constitutum est † post rem indicatam interpositam transactionem nullius esse momenti. L. *elegantè*, §. *si post*, D. *de cond. indeb.* L. *post rem*. L. & *post rem*. D. *eod.* &, ut hic scriptum est, de indicato frustra transigi. Quam hic rem indicatam accipere debeamus, & quid efficiat hæc constitutio, si transactum sit, quaeritur. Quorum posterius hoc rescripto potissimum explicatur: prius ex parte attingitur, non omnino definitur.

† Et de re † indicata sic habendum est: primum non esse indicatum, ubi sententia non valet. L. 4. §. *condemnatum*, D. *de re iud.* Non mirum igitur, si superior constitutio sic accepta est, si sententia

valeret, d. L. *elegantè*, §. *si post*, D. *de cond. ind.* Ex quo est, quod exigitur hoc loco exempli gratia, ut sententia prolata sit causa cognita. Aliter enim sententia non valet. L. *ex stipulatione*, inf. *de sent.* & *interl.*

Sed † & si prolata sit iure sententia: si tamen ab ea appellatum sit, initio quidem res indicata, sed per appellationem eo deducitur, quasi nec indicata esset: appellatione enim extinguitur iudicis pronuntiatio. L. 1. §. *ult.* D. *ad Turpil.* Quare & hoc bene exillimatum est, superiorem constitutionem nec ad eam sententiam pertinere, a qua sit appellatum. L. & *post*, D. *eod.*

Iam

Iam vero † quod iure communi appellatio facit, id iure singulari valet in integrum restitutio in persona minorum, toto tit. *infra*, si *adver. rem. ind. L. nemo*, *D. de in integ. rest.* Proinde & hoc bene addiderim est in hoc rescripto, ita de iudicato inutilem esse transactionem, si non sit appellatio, *se in integrum restitutionis solemnitate sententia suspensa sit*? Quod si & sententia iure valeat, nec ab ea sit appellatum, aut adversus eam in integrum restitutio postulata dici potest rem vere esse iudicatam. Quod tum multo verius dici poterit, cum ne appellari quidem poterit iure, aut in integrum restitutionem adversus eam postulari: ut si verba tantum superioris constitutionis sequimur, consequens iam sit, cum res in ea causa erit, quam modo dixi, tum de ea transigi non posse. Cui sententiae suffragari videbitur prima fronte hoc rescriptum: in quo ut de iudicato transigi non possit, nihil amplius exigitur, quam ut sententia, quae valeat iure, appellationis, vel in integrum restitutionis solemnitate non sit suspensa. Sed quod deest huic loco, ex aliis locis clare scriptis sumendum est.

Placuit autem non tantum, † si appellatum sit, sed etiam si appellari possit, transigi de iudicato licere. *d. L. & post. D. cod. & generaliter superiori constitutioni non aliter locum esse, quam si ea sit sententia, quae nullo remedio, non dico attentata sit, sed nec possit attentari. d. L. eleganter, §. si post.*

Longius † trum est. Nam si valeat sententia, nec iure attenuari queat: si tamen quid eorum, quae supra scripta sunt, in dubium vocetur, puta an iudicatum sit, an sententia valeat, an ex ea appellari possit, necne: placet de iudicato posse transigi. *L. post rem, D. cod. d. §. si post.* Atqui res vere iudicata est, quae non est infirmata: multoque magis si iure infirmari non possit, etsi homines aliter errore existiment. Qui sit igitur, ut ad hos casus existimetur superior constitutio non pertinere, verbis repugnantibus? Sententia nimirum constitutionis spectata est. Ideo noluerunt Imperatores post rem iudicatam transigi, quia iam nulla lis esset. Lis enim rebus iudicatis tollitur, *L. 1. D. de re ind.* Porro non transigitur, nisi de re dubia, & lite incerta. Cui rationi conveniens est, ut ubicunque lis subelle potest (quod fit superioribus in causis) toties ex sententia constitutionis admitti debeat transactio. *d. L. post rem, D. cod.* Sed nullam esse transactionem fortasse

quis concesserit, cum is, qui transigit, rem iudicatam fuisse ignorat.

Quod † si iudicatum esse sciet, & transiget, quidni valeat, inquit, transactio, cum liceat unicuique pacificando iuris sui perfectionem deteriore constituit? *L. pactum. D. de pact.* Sed ex verbis horum rescripti facile intelligitur, nec inter eos, qui iudicatum esse sciant, tenere transactionem; quinimo ad eos, qui sciant, rescriptum proprie pertinet. Negat enim de iudicato transigi posse. Nemo potest videri transigere de iudicato, nisi qui de re iudicatum sciat; propterea quod qui ignorat adhuc iudicatum esse, is utique opinione sua & verbis de lite, non de iudicato transigit. Eicet quidem unicuique pacificando conditionem suam deteriore facere: sed ita, si velit facere, & eo modo faciat, qui cum legibus non pugnet. At primum nemo, qui transigit, hoc animo est, ut quidquam remittat certum, cum transactio sit de re incerta. *L. 1. D. cod.* Tum autem si quid remittere velit, pacificando id facere potest, ubi rem certam liberalitate remittat: transigendo non potest; quia nulla pactio rata est, quae refragetur legibus: Repugnat autem natura, quo minus illic sit transactio, ubi nulla lis est, *d. L. 1. D. cod.* Utrum autem post rem iudicatam transactione quid remittatur, an pactione, verba conventionis declarabunt. Finge re aliqua accepta dicere actorem se a lite desistere, se litem remittere, vel quo a lite discedatur, ad eam se decisionem venisse. Litis praecedentis remissio transactionis opinionem demonstrat. Et fieri potest, ut quis iuris ignarus, litem adhuc concessam non putet. Regulam habes iuris certi: quem habeat effectum subiciunt Imperatores.

Proinde si non Aquiliana. Sensus † est: Si de iudicato frustra transigitur, atque ita inutilis transactio est: consequens est manifeste integram actionem actori, quae post rem iudicatam comperit. Ea est autem actio iudicati. *L. miles, §. ult. D. de re ind.* Et quoniam mansit, sit hoc quoque, ut praes rebus pridem iudicatis effectum adhibere, id est, res iudicatas exsequi debeat usitato iure: quod fit pignoris capitis, & distractis. *L. 2. infra. de excus. rei indic.* Sed adicitur haec conditio, si non actor competentem sibi actionem peremerit, Aquiliana primum stipulatione interposita, deinde acceptilatione secuta. Quibus verbis declaratur, & post rem iudicatam, si transactum sit

A 2

Aqui-

Aquiliana stipulatione, & acceptilatio secuta, peremptam esse actionem auctori competentem: quod quale sit, diligenter animadvertendum est. Nam actio primum auctori competens post rem iudicatam est indicata. Hæc Aquiliana stipulatione sic perimitur, ut ex ea stipulatione nascatur nova, ex stipulatu. Hæc deinde acceptilatione tollitur sic, ut auctori nulla maneat. In eo vero manifeste pugnantia loqui videntur Imperatores. Prius enim statuerunt de iudicato frustra transigi. Nunc hoc mutant, & dicunt de iudicato recte & utiliter transigi, cum dicant Aquilianam stipulationem & acceptilationem de iudicato interpositam valere, & perimere iudicati actionem ita, ut iam res mandari executioni non possit. An dicemus valere quidem transactionem & acceptilationem, sed quod per acceptilationem remissum est, tanquam ob causam datum causam non secuta condici posse: ut ab initio quidem transactio valeat; cæterum eventu inspecto sit inutilis? Et sane in *L. si mulier*. & *L. 4. D. de cond. caus. dat.* scriptum est, si creditor accepto tulit, quod sibi debetur, ob causam, quæ secuta non sit, posse eum quod accepto tulit, condicere. Sed id ad eum actorem nihil pertinet, qui remisit actionem ob eam causam, ut certam pecuniam acciperet, & accepit. Ideo enim quia accepit, quod convenerat, causa secuta est: proinde cessabit dari repetitio. Sed etsi fateremur condici posse, quod accepto latum est; tamen verum esset acceptilatione peremptam iudicati actionem; quo admissio etiam valere transactionem fateremur. Multum enim interest, utrum maneat indicata actio, an ea sublata nova actio competat. *L. minor annis 25. de minor.* Quid si dicamus post rem iudicatam non valere transactionem; sed ita, si pacto tantum transactum sit, non acceptilatione? Sed verba constitutionum repugnant. Ita enim illæ scriptæ sunt, ut simpliciter velint post rem iudicatam frustra transigi, sive transactionem nullius momenti esse. Et cur velint, perspicuum est. Scilicet ideo volunt, quia lis nulla amplius de re esse potest. Atqui non pacto tantum transigitur, sed multo etiam magis acceptilatione. *L. 2. D. eod.* Et si ideo pacto transigi non potest post rem iudicatam, quia lis iam nulla est: non est, cur lite sublata magis valere putemus transactionem, in qua acceptilatio transactionis causa intervenit. Nunquam enim transactio esse potest de re certa & indu-

bitata. *L. 1. D. eod.* Quid restat igitur, nisi ut omnem transactionem post rem iudicatam interpositam fateamur nullius esse momenti, quocunque modo facta sit, eoque etsi intervenit acceptilatio, non esse peremptam iudicati actionem, si acceptilatio transactionis causa intervenit? Quod mihi plane consequens, & illo modo recipiendum videtur.

Sed si opponuntur nobis superiora verba rescripti, *si competentem tibi actionem non premissi*. Et difficile est negare ea adversari, si quis ea pro conditione posita accipiat. Quid enim aliud, significatur ea conditione, quam actionem tibi competentem etiam post rem iudicatam a te perimi posse. & quidem transactione? Nam de transactione, utrum post rem iudicatam valeat, omnis est in hoc rescripto questio: & ei, qui posuit *super iudicato, frustra transigi*, nihil aliud reliquitur, quod hinc efficiat, nisi hoc, nempe si super iudicato transactum sit, nihilominus veterem manere actionem. Cum autem addit, *si non hanc premissi*, non potest omnino aliter accipi hæc exceptio, quam ut eam, & postquam transactum est perimi posse, & peremptam amplius non manere intellegamus. Itaque non puto audiendum esse Accursium, qui admissa superiore conditione actionem posse perimi fateretur post rem iudicatam; sed ita, si a sciente liberalitatis causa interposita acceptilatio; non item si interposita sit nomine transactionis ut de re dubia, ut sit hic loci sensus: si non premissi competentem tibi actionem (fieri enim potest, ut peremeris, puta si accepto tuleris donandi animo, non transigendi) iudicati actio mansit integra. Per se hoc si dicatur, vere dici potest: sed huic rescripto non convenit, ut est illatio ex iis, quæ erant proposita. Quid ergo est? Nego hæc verba, *si non acceptilatione competentem tibi actionem premissi*, hæc, inquam, verba nego pro conditione esse accipiendā, quasi de eo dubitare Imperatores: sed ita, quasi dictum esset, si non premissi; ut non premissi, sicut ex precedentibus intelligis: ut sit videlicet hic conditio non dubitatum, sed argumentatum, & quod Grammatici dicunt, *si, pro quia*, qua significatione uti solemus, cum re aliqua pro certa posita volentes ex ea aliquid efficere, ita subicimus; quod si ita est. Hoc enim intelligimus, ita esse scilicet: neque id addimus, quasi aut superius satis demonstratum non sit, aut etiam probatione indigeat.

10 Ineptus sim, † si hanc significationem & usum particulæ, *si*, coner hoc loco demonstrare pluribus conquisitis in re aperta non necessariis testibus. Tantum ex innumeris locis non aliorum, sed nostrorum unum, atque alterum proferam. Paulus in *L. si is, qui pro emptore, D. de usucap. et si usucapio*, inquit, *reverso ab hostibus non prodest, quemadmodum heredi eius proderit?* si reverso non prodest, nihil aliud declarat, quam quia reverso non prodest, vel, si non prodest, ut certe non prodest. Ulpianus in *L. Pomponius. D. de acquiren. rer. dom.* his hoc sensu, *si*, usurpavit in versu, *si igitur desinit*, & in vers. *si igitur manet*. Si desinit, inquit, *meum esse, quod eius ex arca, aut agro nostro sustulit: si fuerit ore bestia liberatum, occupantis erit, si desinit, pro, quia desinit*. Desinere enim prius dixerat. Ex paulo post, *si igitur manet*, eodem sensu, *pro, quia igitur manet*. idem in *L. 1. §. pen. D. de verb. oblig.* Nam *si tot sunt stipulationes*, inquit, *quot sunt corpora: duæ sunt quodammodo stipulationes*. Hoc sentit: *si tot sunt stipulationes, ut sunt scilicet, id est, quia tot sunt stipulationes*.

11 Cum † hic usus est particulæ, *si*, & significatio conditionis per, *si*, claræ: tum vero eam vim & significationem esse hoc loco tria probant. Primum, ut alias, *si*, cum significat *quia*, indicativo iungitur: sic hoc loco indicativo iuncta est: dictum est enim, *si peremissi*, non autem, *si peremeris*. Deinde cum Imperatores statuunt de iudicato frustra transigi, hoc expriment, si de iudicato transactum sit, nullam esse transactionem, quocumque modo transactum sit, sive acceptilatione, sive pacto. Ex quo bene ita inferitur, proinde transactione de lite interposita, si competentem tibi actionem non peremissi, id est, quia non peremissi: intelligere debes mansisse iudicati executionem. Postremo observandum est, qualis sit hæc conditio, *si non peremissi acceptilatione actionem tibi competentem*, iuris, an facti. Et iuris est sine dubio, non facti. Ex iure enim, non ex facto, an existierit, intelligitur. Si transactio valet, peremissi actionem: si non valet, non peremissi. Ius autem certum est, transactionem non valere. Cum sit iuris: hic videlicet ex iure, quomodo interpretanda sit, sumendum est. Atqui ius efficit, actionem non esse peremptam: igitur hoc sequemur.

Quare † sit huius rescripti hæc summa sententia: de re iudicata, de qua lis esse non possit, frustra transigi: proinde si transactum sit, quia nec acceptilatione sublata sit verus actio: consequens esse integram eam manere actionem, ac proinde iudicati executionem, *L. 4. §. si ex conventionem, D. de re iud.* Qua ratione constitutum est, ut de iudicato transigi non liceret, quia iam amplius lis nulla esset: eadem ratione probandum est in omnibus causis, de quibus nulla lis esse potest, transactionem interpositam nullius esse momenti.

Ac † nulla lis esse potest de iis controversiis, quæ ex testamento nascuntur, nisi inspectis & cognitis verbis testamenti; non magis, quam de iudicato. Bene igitur ut de iudicato, sic de iis controversiis, quas dixi, hoc receptum est, ne transigere liceat. *L. de iis controversiis, D. eod.* Idque ita ex *L. 1. D. testam. quem. ap. sumptum in d. L. de iis, D. eod.* translatum est, ut si non esset translatum: tamen natura rei cogente debuerit transferri. Nam, ut bene inter omnes prope convenit, quæ lis tandem esse potest de his, quæ ex testamento nascuntur, ubi testamentum non cognoveris? unde enim ista rescire possit aliunde, quam ex testamento? Atqui transactio, nisi de re dubia, & lite incerta esse non potest. *L. 1. D. eod.*

Quid ergo? † inquires: non poterit remittere legatarios, quod sibi testamento relictum est, etiam si quale sit, aut quantum, ignoret? Imo vero poterit & in totum, & pro parte. Licet enim unicuique de re sua pacisci, & iuris sui persecutionem deteriorem constituere, *L. inrisgentium, §. si paciscatur. L. pactum, D. de pact.* Et qui totum remittere potuit donationis causa, cur parte debiti contentus esse non possit, re adhuc incerta? Sed hoc ita est: donationis causa id facere potest, non transactionis. Nam si sciens prudens ita remittit totum, ut quavis plus sit in debito, quam accipit in præsentia: constituat tamen in posterum nihil petere: id quod amplius est, donat. Si ideo accipit: quia heres non plus legatum esse dicit: reliquum heredi non remittit, *L. si quidem, sup. eod.* non transigit autem, qui a lite non discedit. Sic fit: ut neutrum sit transactio.

De iis controversiis, † quæ ex codicillis nascuntur, eadem ratio est: proinde idem ius statuendum est. In quam sententiam est, quod Scævola respondit, in *L. 3. §. 1. D. eod.* Ergo conventio trans-

actionis causa de legato, aut fideicommissio interposita, si reperiatur postea testamentum, aut codicilli: quanto minus consecutus fuerit legatarius, quam ei legatum est, id consequi debebit. d. 3. §. 1. D.

cod. Neque ideo periculum erit, ne prae-textu instrumenti post reperti rescindatur transactio, quae nulla fuit, ut dixi ad L. sub praetextu, sup.

L. 33. Si pro fundo.

Impp. Dioclet. & Maximian. AA. & CC. Euchrusio.

Si pro fundo, quem petebas, praedium certis finibus liberum dari trans-actionis causa placuit, nec eo tempore minor annis viginti quinque fuisti: licet hoc praedium obligatum possit, vel alienum pro parte fuerit probatum: instaurari decisam litem prohibent iura. Ex stipulatione sane, si placita ser-vari secuta est; vel, si non intercesserit, praescriptis verbis actione civili sub-dua, apud rectorem provinciae agere potes. Si tamen res ipsas apud te con-sistutas, ob quarum questionem litis intercessit decisio, fiscus vel alius a te vindicavit, nihil petere potes. S. V. Id. Novemb. Melantiade. CC. Cass.

S U M M A R I A.

1. Species facti, & questio prioris par-tis rescripti propria; simul ambi-gendi causa.
2. Transactione pacto interposita non li-cere alicui de eadem re agere et-iam adversus eum, qui fidem trans-actioni non praestet, si aliam actio-nem habeat, quae possit reum ad obsequium placitorum urgere: hac illum contentum esse debere.
3. Qui fundum a se petiit suum ma-nere voluit penes possessorem trans-actionis causa, ut quid aliud ac-ciperet, quamvis id non praestetur: nihilo tamen magis cum fundum aut vindicare posse ante transla-tum, aut conditione ob causam

repetere; sed unam illi actionem esse ad ea, de quibus convenit, petenda.

4. Ex transactione quamvis pacto in-terposita, alicui in proposito nihi-lominus actionem esse praescriptis verbis ad ea persequenda, de qui-bus praestandis convenit; quia a-lictor possessori fundum dedit; & unde in intelligatur.
5. Species accommodata his verbis re-scripti, si tamen res ipsas &c.
6. Qui ex conventionem trans-actionis fun-dum, quem possidebat, alicui re-stituit, liberari, quamvis is fun-dus alienus, atque adeo postea evi-lus fuerit.

Euchrusius petebat fundum † quendam suum. Eum cum cuperet retinere pos-sessor, & de eo litigare paratus esset: pla-cuit tandem inter ipsos, ut pro eo fun-do aliud praedium reus dando, fundum controversum retineret: itaque sibi habe-ret, ut amplius de eo non fieret ei con-troverfia. Nam cum hic dicatur transactio esse, intelligendum est rem ita esse gestam, ut ab omni lite, quae de eo fundo esset, discederetur. Possessor praedium dedit, ut convenerat: sed alienum, aut pignori obli-gatum: quomobrem veterem actionem re-petere cogitat Euchrusius, & fundum,

quem petere instruerat, iudicio persequi. Non abs re, ut videtur. Litem enim re-misit ille quidem: sed ob causam, ut praedium sibi daretur. Quae causa si secuta non sit, habet, quod obiciat reo, si is pacti exceptione se tueatur. Dicit enim non esse ei concedendum transactione uti, qui ipse placita non implevit, L. eum pro-ponas, 2. sup. de pact. Quod si dicemus fundum in specie proposita datum esse possessori: tamen alia ratio conditionem eius fundi admittet. Quod enim ob cau-sam datum est, causa non secuta repeti potest. L. 2. D. de cond. ob tur. caus.

L. si

L. si militem, L. distam, C. de cond. ob tur. caus. Iam vero hic causa non est secuta. Prædium enim dari oportuit. Porro non est datum, quod ita datum est, ut posset auferri. *L. qui decem, §. qui hominem, D. de solut.* quale est alienum, aut pignori obligatum. Illud enim dominus auferre potest actione in rem, *L. officium, L. qui resistere, D. de rei vind.* hoc creditur, hypothecaria actione. *L. si fundus, §. in vindicatione, D. de pig.* Ergo possitue Euchrusius de eodem fundo iterum agere, quaeritur. Respondent Imperatores, si pro fundo prædium datum est, ut datum est, instaurari decimam litem non posse.

2. Hoc sentiunt, † obflare decisionem, seu transactionem, quo minus de eadem re agatur. Imo si vetus actio exstincta non sit, & fides placitis non præstetur, veterem actione agi posse ab iisdem Imperatoribus constitutum est in *L. siue apud, supr. cod.* Sed ibi solum id permittunt, ubi actor aliam actionem non habuit, quareum ad obsequium placitorum urgetet, ut loquuntur: quam si haberet, satis innuunt ea contentum actorem esse debere: utpote cui in hoc tantum veterem actionem dent, ut consequatur, quod transactionis causa ei promissum est. Ita cum in proposita hypothesi habeat actor aliam actionem, qua promissa consequatur, ut subiiciunt, veterem actionem non instaurabit.

3. Est & hæc ratio, † cur is amplius fundum non queat vindicare. Nam si fundum hunc transiit in possessorem (quod eum fecisse intelligimus, de quo mox) dominus fundi esse desiit: ut proinde iam amplius ei in rem actio non competat. Quid tamen, quod causa secuta non est? an non est hæc idonea causa, cur datum fundum actor condicat? Significant Imperatores, ne conditioni quidem hic locum esse. Quod quidem ita constituit oportuit: alia enim via litem instaurat, qui quavis actione fundum, de quo transactionem est, persequitur: quod ius non concedit. *L. §. D. de except. rei iud. L. in duobus, §. exceptio, D. de inre iur.* Ar eorum ita ius est, quod ob causam datum est, causa non secuta condici posse. Dicendum est, valere hoc ius in cæteris causis omnibus: cæterum ad transactiones non pertinere. Hoc illud est nimirum, quod significare Imperatores voluerunt, cum dicunt decimam litem instaurari iura non permittere. Inest enim in his verbis, *decimam litem*, ratio, cur non possit actio instaurari, quia scilicet his fuerit,

quam & decisa est: ut intelligamus huic iuri locum esse in decisione litis, non etiam in cæteris rebus extra transactionem ob causam datis. Quod bono publico in odium litium constitutum videtur, ut esset aliquis litium finis, quam ob causam & multa alia adversus regulas communes iuris recepta sunt. *L. fratris, supr. L. quavis, infr. L. ult. D. pro suo, L. quidam, D. si cer. pet.*

Adiunt Imperatores, *Ex stipulatione, sane, si placita servari secuta est, vel, si non intercessit, præscriptis verbis actione civili subdita apud rectorem provincie agere potes.* Siquidem † hoc loco transactionis hac conventionem esset interposita, ut actor vindicationem omitteret tantum, siue amplius non ageret de fundo, ipsi autem pro ea remissione prædium, aut quid aliud daretur: non nasceretur ex hac conventionem ulla actio. Nasci iidem Imperatores in eadem specie vindicationis negant, in *d. L. siue apud, supr.* & recte negant: cum certi iuris sit ex pacto actionem non nasci. Sed animadvertendum est, quid hic actum, gestumque sit. Proponitur id actum, ut pro fundo, quem actor petebat, prædium ei daretur. Ex his verbis intelligimus actorem non pactam esse tantum, ne de fundo amplius ageret: sed fundum ipsum, de quo agebatur, transiisse in possessionem prius: sic deinde convenisse, ut pro eo prædium acciperet. Dicitur enim rem pro re dare, qui rem dat, & pro ea aliam accipit, ut accidit in permutatione, in qua cum res utrinque detur, atque ita permutetur, dicitur res pro re dari: ut bene dictum sit ab Alciato, hic permutationem esse contractam. Sic autem fit, ut actor fundum det, quem apud possessorem esse finit, si possessore agnoscente ipse fundum esse, id agatur tamen, ut eum tanquam ab actore acceptum retineat, sibi que habeat. Nam & alias cum dominus rem, que apud alium est, apud eum esse vult hoc animo, ut eius fiat, dominium transfert, *L. qua ratione, §. interdam, D. de acq. rer. dom. L. non statim, D. de pecul.* Quod si ita est, recte hoc loco Imperatores & citra stipulationem dant actori actionem præscriptis verbis de prædio, quod ex conventionem dari debuit. Non enim pactum hoc nudum est: sed dedit prius actor fundum, ut pro eo alium acciperet: in quo genere certi iuris est dari præscriptis verbis actionem *L. naturalis, 1. resp. D. de præscr. verb. L. 1. in fin. D. de rer. permut.*

Si tamen res ipsas apud te constitutas, ob quarum questionem litis decisis intercessit, fiscus, vel alius a te vindicavit, nihil petere potes. Invenitur † superior species hoc modo: Euchrusius de fundo, quem petebat, ita prius transigebat, ut eum apud possessorem esse pateretur, & prædium acciperet, quod datum non est. Nunc ita transigit, ut fundum, quem petebat, a possessore restitutum accipiat, ipse pro eo fundo aliud prædium det: dat prædium, idque suum, & fundum vicissim controversum recipit: sed eum fiscus postea, vel alius evicit vel tanquam suum, vel tanquam sibi pignori obligatum. Quæstionis est, an ut in priore specie prædium alio, quod illi datum erat, evicto, adversus possessorem agere possit: sic in hac specie fundo eodem, quem petebat, illi restituto, & postea evicto, possit agere, ut idem fundus sibi detur, quem constat datum non esse. Hanc speciem verba rescripti evidenter arguunt, *Si res apud te constitutas* (alloquuntur eundem Euchrusium Imperatores) *ob quarum questionem litis decisis intercessit.* At hæc res sunt ille fun-

dus, de quo quia controversia erat, ob eum etiam decisis litis intervenit. Hæc res sic nunc post transactionem apud Euchrusium sunt constitutæ, si illi fundus sit a possessore restitutus. Ergo hic fundus postea ei evictus est.

Respondent † Imperatores hoc fundo evicto nihil Euchrusium a possessore petere posse, & merito. Non enim in hac specie convenit, ut fundus petitus daretur Euchrusio, cum eum suum esse diceret: sed ut ei restitueretur. In hoc inest, ut eo iure, eaque causa restitueretur, quo iure, quæ in causa esset apud petitoem, si ab adversario non possideretur. Id enim restituendi verbum significat. *L. restituere videtur, D. de verb. sig.* Itaque etsi non fuit ante Euchrusii, aut pignori fuerit obligatus: restitutus est tamen, si ita illi restitutus est, ut eum apud se haberet: proindeque nec si postea evincatur, ulla esse potest adversus possessorem actio: ut qui id fecerit, quod promiserat. Diversa causa est eius, qui prædium dare debuit ex conventionem, & ita dedit, ut posset auferri: quod in priore specie factum est.

L. Cum donationis. 34.

Imp. Dioclet. & Maxim. AA. & CC. Cyrillo. & Ptolomaidi.

Cum donationis, seu transactionis causa administrata tutela debiti scientes vos obligationem fratri vestro remisisse proponatis, nec unquam volentibus dolus inferatur: frustra de dolo querimini: nec ad implendum promissum bereditatis propriæ pollicitatione quisquam adstringitur. PP. VI. Idus Novemb. CC. Coss.

S U M M A R I A.

1. Species facti, quæstio: & querendi causa.
2. Sententia responsi, & ratio, & num. 3.
3. Promissione hereditatis suæ alicui deferendæ neminem ad implendum promissum obstringi, nec si quid eo nomine acceperit.
4. Datum ob causam animo dantis propositam, si causa nominatim adiecta non est, repeti non posse, quanvis deluso dante, causa secuta non fuerit.
5. Remissa tibi actione nominatim ob

hanc causam, ut me heredem facias, quanvis me non institueris, nullam tamen esse dati repetitionem, quia ob turpem causam datum sit, sed veterem actionem manente posse adhuc agi adversus eos, qui transactionem non servant.

6. Remissum promissumve sub hac conditione: si me heredem feceris, utiliter remissum, & promissum videri: ut pote sub conditione, quæ nec sit impossibilis, nec iure improbata.

Fater, qui fratrum † suorum Cyrilli & Ptolomaidis tutelam gesserat, finita tutela petit a fratribus ut sibi tutelæ a-

ctionem remittere vellent, pollicens se nullos alios, quam ipsos heredes habiturum. Illi hac pollicitatione inducti cum fra-

fratri fiderent, actionem ei remiserunt; vel donationis causa, cum scirent quid deberetur; vel ut in re dubia nomine transactionis. Sed is postea ab his scriptis heredibus decessit. Querunt fratres, num contra transactionem & remissionem superiorem possint iterum de eadem re agere quasi decepti? Nam transactio dolo malo facta nullas momenti est. Quod si hoc illis non conceditur, querant, possintne agere adversus heredes scriptos ex superiore pollicitatione in id, quod sua interest se fuisse institutos.

Rescriptum est nihil hic proponi, cur eximari debeant fratres decepti actionem remissae: cum scirent, quid remitterent, & quamobrem, & voluerint remittere. Quod ex regula iuris sumtum est, qua traditur, neminem videri fraudare eos, qui sciunt & consentiunt. *L. nemo videtur, D. de reg. iur.* Sed decepti sunt, dicit quidpiam, falsa pollicitatione fratris, sine qua nihil illi remississet. Primum non est hoc certum, illos actionem remississe, quia pollicitationem fratris secuti sunt; potuerunt enim ideo remittere, ut fratrem beneficio suo ad se instituendos provocarent. *arg. L. si repetendi, inf. de cond. ob. caus. dat.*

Deinde est ut maxime propter hanc pollicitationem actionem remiserint: tamen scire debuerunt huiusmodi pollicitatione neminem obstringi, etiamsi nominatim actionem remittere se dicerent, ut heredes instituerentur a fratre. Est enim eiusmodi pactio contra bonos mores. *L. pactum quod dotali, sup. de pact.* Quod scientes si remiserunt nihilominus, deceperunt ipsi se, non ab alio decepti sunt. Quod reliquum est, cum addunt Imperatores ad implendum promissum hereditatis propriae pollicitatione neminem adstringi: illud alterum significant, de quo quæri dicebamus, fratres ex hac conventionione nullam habere actionem.

Præter hoc quæri potest, possintne fratres in hac specie condicere, quod remiserunt, tanquam ob causam remissam, causa non secuta. Sed non est ob causam datum, quod datum non est nominatim adiecta causa, ut hoc, aut illud sequatur, etiamsi is, qui dedit, eiusmodi causam aliquam animo suo proposuerit. In eoque genere non esse repetitionem, scriptum est in *d. L. si repetendi, inf. de cond. ob. caus. dat.*

Quid ergo, si fratres actionem remiserint nominatim ob hæc causam; ut heredes instituerentur? Si actionem sustulerunt acceptilatione: neque actione ve-

tère experiri possunt, quæ extincta est, neque condicere possunt remissum tanquam ob causam datum, causa non secuta: etsi acceptilatione remissum pro dato habetur. *L. 4. D. de cond. caus. dat.* Quod enim ob turpem causam datum est, repeti non potest, *L. 2. inf. de cond. ob. turp. caus.* Turpis autem hæc causa est, ut me heredem facias; quia hæc causa nihil aliud est, quam conventio id agens, ut me heredem instituas: ex qua eadem, si valeat, non minus mihi obligeris quam ex stipulatione: cum hic non sit pactum nudum, sed prius tibi dederim, ut faceres: ex quo genere est actio civilis præscriptis verbis. *L. legem, sup. de pact. L. naturalis, §. 1. D. de præscr. verb.* Constat autem omnes conventiones, atque adeo stipulationes ipsas ut turpes & bonis moribus contrarias improbari, quibus id agitur ut me heredem facias. *L. stipulatio hoc modo. D. de ver. obl. L. ex eo, inf. de iur. stip. L. pactum, quod dotali. L. ult. sup. de pact.* Et hæcenus puto constare Accursio & Bartolo rationem, cur hic superiore ratione negent esse dati conditionem. Sed hoc ita est, inquam si transigenti per acceptilationem vetus actio extincta est: ut tamen non alia actio supersit, quam dati conditio. Quod si pacto tantum remissa est actio, quo casu constat adhuc veterem actionem manere. *L. 5. sup. de pact.* non dubio, quin causa non secuta, possint fratres veterem actione experiri, ubi promissa his non præstantur. *iuxta L. sive apud, sup. eod.* Nam si his obijciatur pacti exceptio, recte heredes fratris replicatione doli removebuntur: aperte enim dolo faciunt, qui postulent ab adversario pacto stari, ubi ipsi pactum non serrent, *L. cum proponas servum, 2. sup. de pact.* Non moveor, quod ob turpem causam datum condici non potest. Inter conditionem enim dati & veterem actionem multum interest. In conditione hæc agendi causa est, quod datum sit ob causam, quæ causa secuta non est; in qua contentione par utriusque causa est & dantis & accipientis: ambo enim turpiter fecerunt, ille dando, hic accipiendo. Porro in pari causa placet potiorum causam esse possidentis, & hac ratione conditionem cessare. *L. 3. D. de cond. ob. turp. caus. L. 2. inf. eo tit.* At in veterem actione agendi causa est, quod debitum fuit; in qua controversia nihil simile reus potest obijcere actori: ut hic dici non possit parem esse utriusque conditionem, quæ in pari causa reum tuatur. Quin actor iure suo utitur veterem actio-

actionem exercendo, quæ sublata non est: nec quisquam dolo facit, qui iure suo utitur. *L. nullius, D. de reg. iur.* Reus autem dolo facit, qui transactione, aut pactione uti velit, quam adversario non concedat.

6 Quid, si frater remiserint actionem sub conditione, si instituerentur heredes? utrum transactio, aut pactio non valebit, tanquam sub turpi & impossibili conditione interposita, ut est iustalium conventionum? *L. non solum, D. de obl. & acti. §. impossibilis, Inst. de iust. stip.* An vero tanquam in non turpi conditione valebit? Sed conditio hæc, *si me heredem facias*, neque impossibilis est natura sua; neque turpis. Conventio quidem, *ut me heredem facias*, turpis est: at non conditio, *si feceris*: eiusque differentie ratio manifesta est; nam conventio, si va-

let, obligat promittentem, unde spes certa stipulatori quæsitæ percipiendæ hereditatis promissæ: hinc deinde votum captandæ mortis eius, quo mortuo scias se statim hereditate eius potiturum: *L. de fideicommissis, supr. cod.* Nulla eiusmodi spes, aut propter spem nullum eiusmodi votum captandæ mortis eius, cui actio remittitur; quia nulla eius obligatio ex conditione, etiam si maxime conditio utiliter adiciatur: conditio enim nihil statuit, nec obligat eum, cuius personæ adscribitur. *L. si quis sub, D. si quis om. caus. test.* Quapropter valebit huiusmodi remissio, ut alia quævis conventio sub alia qualibet conditione concepta: ut si fratres heredes non instituantur, nihil intelligatur remissum: si instituantur, valeat remissio. *L. a Titio, D. de verb. obl.*

L. Transactionem, 35.

Impp. Dioclet. & Maxim. AA. & CC. Hammoni.

Transactionem, quæ dominii translatione, vel actione peracta, seu perempta finem accepit; cum ea amicis etiam intervenientibus revera ostenditur processisse, metu velamento rescindi posulantis professio desegit improbitatem. S. 1X. Kal. Decemb. Nicomedia CC. Coss.

S U M M A R I A.

1. *Transactio perfici quando intelligatur,*

ut dici possit eam rescindi non posse.

1. **T**ransactio perficitur, si non si convenerit tantum, ut a lite discederetur, sed si aut dominium in actorem translaturum sit, id est, si quid ei datum sit; aut sit actio ei parata, id est, si quid ei promissum sit, inde enim actio illi nascitur; aut si actio sit ei perempta, hoc est, si quid ei remissum sit, quod pro tradi-

to habeatur. Quæ sententia aliis verbis expressa est in *L. transactio, 38. infr.* Perfecta, si metu interposita est, rescindi potest. *L. interposita, supr. cod.* Sed difficile est eximare eum metu coactum transgisse, qui amicis presentibus & intervenientibus transigit: quo fit, ut qui id fateatur, non sit audiendus.

L. Si maior. 36.

Impp. Dioclet. & Maximian. AA. & CC. Achillz.

Si maior annis viginti quinque transgessi: quamvis dari tibi placita representata nec dum probentur: nec offerant hi, qui conveniuntur: ne quid amplius ab his exigi possit, exceptionis proficiat equitas. S. VI. Id. Decemb. CC. Coss.

S U M M A R I A.

1. Transactione decisam litem instaurari non posse, quamvis reus promissa nondum præstiteris: si modo aut ille offerat, aut eo non offerente, sit aliqua adversus eum de eo, quod promissum est, actio.
2. Reo nec promissa transactionis causa offerente, nec de his nulla actione obstricto, posse quidem actorem veterem actionem instaurare; non tamen qua consequatur præcisæ, quod illa actione petitur, sed aut illud saltem, ut huius metu reus promissa implere cogatur.
3. Exceptionis equitatem, que hic nominatur, hoc efficere, ut reus veterem actionem ex causa transactionis remissam recte removeat exceptione, sed hac lege, dum ipse promissa impleat.
4. Summa disputationis.
5. Purgare moram post litem contestatam non licere, quomodo accipiendum.
6. Reum, dum transactioni non paret, veteri actione conventum, si promissa non implet, in re in id, quod petitur, condemnari; nec repugnare hoc rescriptum.

1. **U**Num argumentum † est huius legis & sequentis, § L. quamvis. *infr. L. sive apud, L. si pro fundo, sup. eod.* Omnium hæc summa sententia: litem transactione decisam instaurari non posse: ne si reus quidem ea non præstiterit, quæ transactionis causa promissit. Sed multis modis accidit, ut reus nondum præstiterit, quod promiserit: quorum in quibusdam maior est dubitatio; in aliis minor. Et adversus unumquamque dubitationem hæc rescripta comparata sunt: unde illa varietas rescriptorum in eodem argumento. Ergo reus, qui promissa nondum implevit, aut is est, qui offerat, quod promissit: aut is, qui non offerat quidem, sed a quo peti possit propria actione: aut is, qui ita non offerat, ut nec in eum sit eo nomine actio. Si reus paratus sit præstare, quod promissit: minus dubit est actorem audiendum non esse, si ex pœnitentia velit litem instaurare. *L. quamvis, infr.* Sed etsi recuset: tamen iam constitutum hoc est, si aliqua actio nata sit ex conventionem, qua actor perfectus possit, quod promissum est, ea actione experiri: quod litem decisam instaurari non possit. *L. si pro fundo, sup.* Idem est, etsi *Tom. VII.*

pœna reo promissa sit, nisi faceret, quod pactus est. Promissis, aiunt Imperatores in *L. seq. transactionis causa non impletis pœnam in stipulationem deductam, si contra factum fuerit, exigi posse constat.* Nemo dubitat, quin pœna in stipulationem deducta peti possit, si stipulatori videatur, §. de constituta, *lustris. de actio.* Plus ergo intelligi volunt Imperatores, quam pœnam peti posse: nempe hoc volunt, sic pœnam posse exigi, ut non possit aliud, id est, ut quamvis promissis non impleantur; tamen de lite decisæ amplius agi non possit, ut bene Aconsius locum accepit: idque ita esse licet intelligere ex *d. L. si pro fundo sup.*

At † demum non habere actorem, quomodo id, quod sibi promissum est, persequatur, neque id a reo offerri. Vetere actione hoc casu non agi, atque ita rem illi perire aperte iniquum est. An non igitur saltem hoc casu litem licebit instaurare? Hic constitutum est non licere. *quamvis*, aiunt Imperatores, *placita representata nec dum probentur, nec offerant ii, qui conveniuntur: ne quid amplius ab his exigi possit, exceptionis proficiat equitas.* Quod non tantum iniquum

B b

elle

esse videtur (quo ore enim posset transactionis fidem sibi servari, qui ipse transactioni fidem non præstet. *L. cum proponas sup. de pact.*) sed etiam duo hic statuuntur, quorum utrumque videtur ex professo infirmari in *L. sive apud, sup. cod.* Dicitur hic nihil amplius exigi posse ab iis, qui transegerunt, quanvis promissa non offerant: Illic scriptum est adversus eum, quid id non faciat, paratam esse veterem actionem. Sed inutilem fortasse. Minime. Nam illic additum est, exceptionem non proficere ei, qui se exceptione pacti tueatur, si non faciat, quod promissit: exceptionem enim replicatione doli infirmari. Hic contra dicitur, exceptionem eiusmodi reo proficere. Quæ sic explicanda sunt. Adversus eum, qui non faciat, quod promissit, adversus quem nulla ex pacto actio est, sine dubio veteri actione quæ perempta non sit, experiri licet *d. L. sive apud.* Id hoc loco non negatur: sed confirmatur potius. Dicitur enim, reum conveniri: huic conventio exceptionem dari, cuius æquitas ei proficiat. Quomodo conveniatur? actione veteri videlicet, quæ sola reliqua est. Deinde quid significat exceptio, nisi eum prius actione conveniri? Non est enim exceptio prodita, nisi ei qui ipso iure recte conveniatur; *sic. de except. Instit.* Vetere ergo actione cum eo agi potest, ut utrobique dicitur, & peti id, de quo vetus est actio: sed peti dumtaxat. Ceterum ab eo exigi, quod petitur, non potest, ut hic traditur: id est, non ita peti, ut actor, quod petit, consequatur. Id enim exigere significat. Ridiculum, inquit, proponere actionem, quæ sit inutilis. Est sane. Sed non ideo actio hoc casu inutilis, etiamsi id ipsum, quod petit actor, non consequatur. Consequetur enim hoc saltem, ut reus promissa impleat, dum metuet, ne eius rei nomine quæ veteri actione petitur, condemnnetur: alioqui iure, meritoque condemnationem patietur. Et hoc est, quod dicitur in *d. L. sive apud.* adversus exceptionem pacti paratam esse doli mali replicationem, quæ exceptio infirmetur: sed ad hoc solum profuturam, ut adversarius ad obsequium placitorum urgeatur. At enim hoc loco scriptum est, utilem esse exceptionem pacti, quæ agenti opponitur, quæ in *d. L. sive*, dicitur replicatione eundi, ut ex *L. sive apud*, actio vetus, qua actor experitur, sit utilis: ex

hac autem lege sit inutilis, exceptione actionem efficaciter repellente. Eset hoc ita, si in hac lege diceretur, iis, qui conveniuntur proficere exceptionem.

Nunc ¶ autem aiunt Imperatores, iis, qui conveniuntur, proficere non exceptionem, sed *exceptionis æquitatem*: quibus verbis hoc exprimunt, sic proficere iis exceptionem pacti, si æqua sit. Erit autem æqua tam diu, quo ad reus promissa impiebit: quibus non impletis merito, ut dixi, damnabitur. Necesse est enim eum, cum quo agitur, condemnari, nisi exceptionem aliquam adversus actionem habeat. Quam non habet, si doli replicatione exceptio eliditur: ac necesse est elidi, si is, qui transactione uti velit, non patiar eam transactionem in se valere. *d. L. cum proponas, sup. de pact.*

Ex his ¶ ita inter se collatis & compositis, licet hanc summam statuamus: cum reo, qui non faciat, quod promissit transactionis causa, cum quo nulla actio sit eo nomine, veteri actione experiri licet, non qua id consequamur absolute, quod petitur: sed qua defensor reo hæc conditio, ut vel solvat, quod promissit, vel condemnationem subeat in ea re, qua de agitur. Itaque etiam post litis contestationem id præstando, quod promissit, condemnationem evitabit. Ad hoc enim proficit ea, quæ hic nominatur, exceptionis æquitas.

Neque ¶ ei obstat, quod dicitur post litem contestatam moram purgare non licere. *L. si insulam, D. de verb. obl. L. 1. D. de pen. L.* Id enim sic accipiendum est, si id offerator, quod non debetur. Namque id præstando, quod debetur, tollitur omnis obligatio. *titul. quib. mod. toll. obl. in princ.* In proposito autem id offertur, quod debetur, dum offertur, quod promissum est.

Quod ¶ si reus recusans solvere, quod 6 promissit, condemnatur, non sit contra constitutiones, quibus cautum est, transactiones bona fide finitas rescindi non posse. Nam primum non est transactio perfecta, in qua reus nihil dedit. *L. transactio inf. cod.* Deinde quanvis quis dederit esse perfectam: tamen cum reus velit perfectam non esse, neque valere, ipse sibi hanc legem dicit, ut quod ius in adversarium statuit, eodem iure uti debeat. *L. 1. §. toto tit. D. quod quisque iuris.*

*L. Promissis 37.**Impp. Dioclet. & Maximian. AA. & CC. Basilisz.*

Promissis transactionis causa non impletis, poenam in stipulationem deductam, si contra factum fuerit, exigi posse constat. S. XII. Kal. Ian. Nicomedie. CC. Coss.

Vide, quæ scripsi ad *L. proximam. sup.*

*L. Transactio nullo 38.**Impp. Dioclet. & Maximian. AA. & CC. Theodotioni.*

Transactio nullo dato, vel retento, seu promisso minime procedit. S. VIII. Kal. Ian. Nicomedie. CC. Coss.

S U M M A R I U M.

1. *Transactio quibus rebus perficiatur, ut in L. transactionem 35. supra.*

AD † transactionem non est satis item fuisse dubiam, eamque pactione finitam: sed oportet eo nomine actori quid detur, aut quod item valeat, aliquid ei vel remittatur (quod pro eo est, ac si datum esset, *L. si mulier, D. de condition. caus. dat.*) vel promittatur. Promittatur, inquam, efficaciter, id est, stipulatione: alioqui pacto promissum

ut exigi non potest: sic non faciet, quo minus actor veterem litem recte instauret: de quo dixi ad *L. si maior, sup. eod.* Hæc ad transactionem ideo exigimus, quia si reus totum dat, quod petitur, solutio est; & actor rursus si nihil accipit, donatio est. Quorum utrumque a decisione est alienum.

*L. Quamvis 39.**Impp. Dioclet. & Maximian. AA. & CC. Martianz.*

Quamvis eum, qui pactus est, statim poeniteat, transactio tamen rescindi, & lis instaurari non potest; & qui tibi suasisse intra certum tempus licere a transactione recedere, falsum adseveravis. V. Kalend. Ian. Sirmii CC. Coss.

Vide, quæ dixi ad *L. si maior. sup.*

L. Ubi pactum. 40.

Impp. Gratian. Valent. & Theod. AA. Eutropio PP.

Ubi pactum, vel transactio scripta est, atque Aquiliana stipulationis & acceptilationis vinculis firmitas iuris innixa est: aut subsecutis secundum leges accommodandus est consensus: aut poena una cum his, quae data probantur, ante cognitionem causae (si adversarius hoc maluerit) inferenda est. Dat. III. Non. Ian. Constantina Eucheria & Syagrio Coss.

S U M M A R I A.

1. Species facti obscurius hic proposita explicatur. § numer. 2.
2. Aquiliana stipulatio & acceptilatio vincula iuris dicta, & cur.
3. Responsi verba obscuriora explicantur, in quo est rescripti sententia.
4. Ante cognitionem causae, pro, ante litis contestationem.
5. Difficultas huius rescripti duplex: & quod sublata vetere actione per acceptilationem iterum agi posse dicitur: & quod dicitur poena inferenda, antequam contra transactionem iudicio actum sit.
6. Vulgaris sententia de hoc rescripto refutata. § num. 7. 8. 9.
7. Agere non dici, cui aut iure nulla actio est, aut ea, quae per actionem perpetuam remota sit.
8. Conditionem hanc penalitatis stipulationis, si amplius ages de actu & conatu solo agendi tunc accipi de-
- here; cum convenit, ut actor nec amplius ageret, & si ageret, poenam praestaret ratio manente pacto: alioqui accipiendam de vera actione, & quae sit cum effectu.
9. Nunquam adversus eum, qui iterum agit, & exceptionem simul locum habere, & poenae persecutionem, nisi nominatim ita convenerit.
10. Poenam ante litis contestationem inferendam, & inferendam tunc, cum actor agens reus ultro suscipiet actionem, esse pugnantia: ideo hoc posterius rescripto non convovere.
11. Vera sententia rescripti haec: alio-rem, vetere actione per acceptilationem sublata, posse nihilominus ex conventionem nova iterum agere: tamen antequam agat, reddat quod prius a reo acceperat: & poenam a se promissam inferat: non aliter, & quare.

Species facti ab Imperatoribus initio sic describitur. Pactum, vel transactio scripta est, id est, pactus est actor se a reo nihil amplius petiturum vel donationis causa; ut si pactum tantum: vel ut quid acciperet tanquam in re dubia, ut sit transactio. L. 1. D. eod. His rebus innixa est (non innixa) ut sit annexa & adiuncta, firmitas iuris annexa, inquam, vinculis Aquilianae stipulationis, & acceptilationis: id est, ita haec firmata sunt, ut actor reum Aquiliana primum stipulatione interposita, post deinde acceptilatione secuta iure liberaretur.

Aquilianam & stipulationem & acceptilationem vocant vincula iuris: quod his rebus solis iure vincitur fides. Fit enim his, ut quia actio iure sublata est, nihil

amplius ne iure quidem possit peti, non idem efficitur pacto, ut dixi ad L. 5. supr. de pact. Præter hæc promissit actor se nunquam de eadem re acturum, & si contra faceret, promissit poenae nomine eorum. Verumtamen ipse contra, quam caverat, agit, aut reo in ius vocato agere vult. De vi superioris transactionis quaeritur.

Respondent Imperatores eadem verborum obscuritate & perplexitate, qua supra, aut actorem parere debere subsecutis, id est, iis, quae gesta sunt: quod declarat eum agere non debere: idque secundum leges, id est, ut leges iubent, quae transactionem rescindi & litem instaurari vetant: aut si parere non vult, id est, si agit, poenam, quae scilicet ab

illo

illo promissa est, una cum his, quæ transactionis causa accepit, ab eo inferendam esse & hoc, si reus id maluerit, id est, si admittat.

4 Idque ꝑ fiat ante cognitionem causæ: sic vocant litis contestationem, quia iudex per litis contestationem causam cognoscere incipit. *L. 1. infr. de litis contest.*

5 Quod ꝑ dicunt, conventis parendum esse, expeditum est; quod addunt; si contra fiat, id est, si actor iterum agat, poenam promissam ab eo inferendam esse, & quod accepit, ab eo restituendum, magnam habet questionem. Hoc enim ita dicunt, quasi actor, qui reum acceptilatione liberavit, iterum possit agere: quod fieri non potest. Nemo enim potest experiri, qui actionem non habet. *L. si pupillus, §. ult. D. de neg. gest. L. quoties, §. item si, D. de adm. tut.* Non habet autem is, qui reum acceptilatione liberavit. *§. item per, Inst. quib. mod. sol. obli.* Auxerunt difficultatem, cum dixerunt, poenam inferendam esse ante litis contestationem: quasi ante litis contestationem actor possit agere: quod secus est. Nam etiam si proponeretur, qui adhuc posset agere: tamen non diceretur egisse ante, quam litem esset contestatus. *L. amplius, D. rem ratam hab.*

6 Rurꝑ Azo sic expedire tentavit (cuius sententiam maxima pars interpretum secuta est) ut diceret, eum quidem, qui reum acceptilatione liberasset, iure contra transactionem agere non posse, dici- que ei posse, tibi agere non licet, ut qui actionem tibi sustuleris: sed posse agere verbis tantum & conatu. Potest enim petere id, de quo transactum est, quanvis inutiliter: de hoc copiar sensus transigentis: proinde ex eo commissam esse stipulationem poenæ, & natam dati conditionem. Ita evenire eodem tempore, ut qui contra transactionem illam veniat, simul & ab agendo excludatur, & poenam præstet nihilominus, & una accepta restituatur.

7 Quæꝑ sententia defendi non potest. Est enim & contra significationem verborum, & contra sententiam contrahentium, & præterea innumeris auctoritatibus, & præcipue huius rescripti refellitur. Nam primum, quod dicitur eum egisse contra transactionem, qui adversarium in ius vocavit, & petiit id, de quo transactum est, faciunt contra verbi significationem. Agere enim hic voluit; revera non egit, ut qui actionem non habuerit. Quid si habuisset actionem iure civili, & exceptione perpetua reiectus esset? Diceremus ne

hanc quidem egisse videri, nec poenam ab eo exigi posse. *L. eleganter, §. penult. D. de condit. ind.* scilicet quia nihil interit, utrum quis actionem non habeat, an per exceptionem ea infirmetur. *L. nihil interest, D. de re. iur.* Certe effectus non habet: verba autem cum effectu sunt accipienda. *L. 1. §. ult. D. quod quis iuris.*

8 At ꝑ enim de conatu solo & petitione senserunt contrahentes: alioqui inutilis esset poenæ stipulatio, ut quæ ex proprietate verbi accepta nunquam posset committi: quod periculum quoties imminet, sortis a verborum proprietate receditur, idque agi præcipitur, ut res, quæ geritur, sit in tuto. *L. non aliter, D. de Leg. 3. L. quoties in stipulationibus, D. de verb. oblig.* Sed hoc tunc recte dici potest, cum convenit, ut poena peteretur, rato nihilominus manente pacto. De qua re scripsi ad *L. cum proponas, sup. cod.* At ubi nihil tale nominatim convenit, ut simul & exceptioni locus esset, & poenam liceret petere, ut hic non convenit: non est stipulatio poenæ inutilis, si ea non committitur. Imo tanto magis utilis, & magis ex sententia ac voto stipulantis, si eius conditio non exsistit: propterea quod cum stipulor poenam, si contra transactionem feceris, hoc solum ago, ut contra stipulationem non facias, atque ita fiat, ne stipulatio poenæ committatur. Cæterum in poenali stipulatione verba conditionis de effectu, ac non de actu tantum accipienda esse, evidenter demonstratur argumento servi hac lege venditi, ne manumittatur, poena promissa, si esset manumissus: de quo ita placet, quoniam iure manumitti contra dictam legem non potest: quanvis emptor quod in se est, eum manumiserit, poenam ab eo exigi non posse. *L. ea quidem, infr. si manc. ita fuer. alien. L. si venditor, de ser. export. & additur ratio in d. L. si venditor, quia incredibile sit de actu manumittentis ac non de effectu cogitatum. In quo Papinianus aperte probat esse non ex verbis tantum, sed etiam ex sententia contrahentium, ut in conditione poenalis stipulationis verba cum effectu interpretemur.*

9 Quod ꝑ autem dicunt, actore contra transactionem agente eventurum, ut & nulla sit ei actio, & poena nihilominus ab eo possit exigi, pugnat non tantum cum *L. eleganter, §. penult. D. de cond. ind. L. cum proponas, sup. cod. L. rescriptum, §. 1. D. de pact.* sed maxime cum hoc rescripto: in quo non tribuitur reo

reo coniunctim, ut promissa serventur, & poena exigatur: sed disiunctim, ut promissa serventur, aut poena inferatur. Ergo alterum satis est: utrumque reus non consequetur. *L. si quis ita, 129. D. de verb. oblig.* praesertim cum rescriptum dicat poenam esse inferendam, si reus hoc maluerit: id est, si maluerit poenam sibi inferri, quam agentem remove, & cogere pactis stare. Quapropter ita statuendum est, eum, qui acceptilatione adversarium liberavit, agere amplius non posse. Hinc consequens esse, ut quidquid petat postea, vel potius quidquid conetur petere, non faciat, quo magis existat conditio, sub qua poena promissa est, aut qua data condici possunt: ita fieri, ut neque poena ab eo exigi possit ob eam causam, quod litem de re moverit, neque data ei condici. At hic dicitur, si conventis accommodatus non sit consensus, poenam inferendam esse, id est, inferri oportere, ut intelligatur eam vel ab invito posse exigi.

- 10 Sed § additur, *si adversarius hoc maluerit*, quibus verbis motus quis facile dicturus sit fortasse, non posse quidem cum adversario agi, si ipse nolit, atque eo non patiente secum agi, poenam inferri ab actore non debere. At si adversarius patiatur secum agi, utroque suscipiat actiones: quo minus recte agatur cum eo, resque novo iudicio transigatur, nihil prohibere. *arg. L. 2. sup. de pact.* Hoc vero cum factum erit, tum negari non potest, quin poena ab actore inferenda sit, & accepta ab eo restituenda. Itaque hanc sententiam huius loci esse dicet, si adversarius velit sibi poenam inferri, esse in eius potestate id consequi; dum ipse agente actore secum agi patie-

tur. Sed huic sententiae adversatur, quod rescriptum ait, poenam inferendam esse hoc casu ante causae cognitionem. Nam secundum supra scriptam sententiam poena quidem inferenda esset: sed post litis contestationem, non ante. Non enim ante posset peti, quam actor egisset, nec videtur egisse ante, quam litem sit contestatus. *d. L. amplius.*

Ita se § res habere videtur: Si hoc 11
quaeri putamus hoc rescripto, an agente eo, qui transigit, poena ab eo possit exigi, rescriptum non consistit. Hoc enim ratum esse debet, illum agere non posse, aut si agat volente reo: non agere tamen ante, quam sit litem contestatus. Sed hoc quaeritur, an qui reum acceptilatione liberavit, possit adhuc de eadem re agere, si hoc adversario semel placuerit. Respondent Imperatores eum parere debere transactioni secundum leges, id est, eum agere non posse: aut si velit agere, necesse illum habere poenam inferre, & quae accepit restituere ante litis contestationem, & hoc, si adversarius de eadem re agi velit: ut sit sensus, actorem posse de eadem re agere his concurrentibus duabus conditionibus: una, si consentiat reus: altera, si actor reddat prius, quae accepit, & poenam, quam promissit, pendat; quae sententia expressa est in *L. si diversa, sup. eod.* Exigitur, ut haec ante litem contestatam fiant; quia, ut dixi *ad d. L. diversa*, conventionem sola transigentium vetus actio suscitari non potuit: sed hoc potuit effici, ut competere nova praescriptis verbis, si pactum non sit nudum. Ut autem non sit nudum, ita fieri potest, si actor reddat reo pecuniam, & poenam promissam inferat ea lege, ut sibi de eadem re iterum agere liceat.



L. Si quis maior. 41.

Imp. Arcadius & Honorius AA. Rufino Praefecto praetor.

Si qui maior annis viginti quinque adversus pacta, vel transactiones nullo cogente imperio, sed libero arbitrio & voluntate confectas putaverit esse veniendum, vel interpellando iudicem, vel supplicando Principibus, vel non implendo promissa, eas autem invocato Dei omnipotentis nomine eo auctore solidaverit: non solum notetur infamia, verum etiam actione privatus, restituta poena qua pactis probatur inserta, & rerum proprietate careat, & emolumento, quod ex pactione, vel transactione illa fuerit consecutus. Itaque omnia eorum mox commodum deputabuntur, qui intemerata pacti iura servaverint. Eos etiam huius legis vel iactura dignos esse iubemus, vel munere, qui nomina nostra placitis inferentes, salutem Principum confirmationem insarum iuraverint esse pactionum. Dat. V. Idus. Octob. Constantinop. Olybrio & Probino. Coss.

SUMMARI A.

1. Transactionem iuram qui non servat, adversus eum incommoda quatuor & quae.
2. Infamia notari ipso iure, qui adversus transactionem iuram veniat: singulare.
3. Adversus transactionem iuram denegari actionem hoc loco, & nihilominus si quis contra indicio agere conatus sit, quamvis frustra, poenam ab eo exigi posse: item singulare.
4. Conatus agendi adversus iuram

transactionem etiam in vocatione in ius.

5. Vocatio in ius, qualis olim.
6. Minores adversus transactionem iuram si veniant, huius constitutionis poena non teneri, neque id contra auct. iacramenta. C. si adn. vend. aut contra id, quod dicitur, minoribus in delictis non subveniendum.
7. Reum quoque, qui ex transactione iurata non implevit promissa, teneri poena huius constitutionis; & quando videatur non implese.

Statuuntur hac constitutione incommoda certa adversus eum, qui facit contra transactionem, quam iurciurando firmaverat, Constitutio sic facile intelligitur, si capita duo in ea observaverimus. Unum, quoniam ea incommoda sint, quae diximus: alterum, in quem statuuntur.

1. Incommoda sunt quatuor. Iubet enim constitutio eum, qui contra venerit, infamia notari: actionem amittere, quam de re habuit: poenam, si contra faceret, promissam pendere: postremo commodum, si quod coepit ex ea transactione, restituere.
2. In quibus sunt duo animadvertenda sunt. Primum, quod iubet eum, qui agit, notari infamia: quod sic interpretandum est, infamem esse, & quidem hac lege, non

autem sententia iudicis notari; posteaquam actionem ei, qui contra pactionem faciat, denegando, id est, iudicium de ea re esse prohibendo, eadem opera constitutio sententiam adversus eum ferri non permittit. Hoc eo observandum, quia iure communi non notatur, qui peierat. Nihil enim tale neque in edicto de infamibus, quod extat in L. 1. D. de is, qui not. infam. neque aliis in locis adversus perjuriam constitutum legimus. Quinimo in L. 2. inf. de reb. cred. scriptum est, contemptam religionem iniuriam satis Deum ultorem habere: quo significatur perjurii poenam non aliam esse iure civili, ut quidem tunc ius fuit, quam actionem Dei. Unde apparet novum hoc genus poenae hac constitutione primum in hac specie inductum esse:

esse: quod & in hac ipsa solum specie factum observamus: de quo scripti plura in argumento de iurciurando, eam *L. 2.* interpretatus.

³ Alterum † etiam singulare in eo, quod cum Imperatores denegent actionem ei, qui transgreditur; tamen volunt poenam ab eo exigi posse, si vel contra transactionem facere conatus sit, iudicio agendo. Sic enim ius publicum est in cæteris transactionibus, reum alterutro contentum esse debere, aut exceptione pacti, aut poena. *L. cum proponas, sup. eod. L. rescriptum, §. 1. D. de pact. L. eleganter, §. si quis possit, D. de condit. indeb.* Nec abs re: neque enim exsistere potest poenalis stipulationis conditio, nisi is, qui transgreditur, contra transactionem faciat, id est, iterum agat: quod is facere non potest, cui denegatur iure actio. Et sane ne hic quidem commissæ esset poenæ stipulatio, si effectum, non actum & conatum spectaremus. Sed apparet, Imperatores hoc loco in periurio etiam conatum & malam mentem coercere voluisse, ut efficerentur homines ad pelerandum tardiores. Nunc observetur, adversus quos illa constituantur. Statuuntur adversus eum actorem, qui maior annis viginti quinque transgreditur, nullo ad coactus metu, aut dolo circumventus; iuravitque nihil se contra pacta, vel transactionem facturum & fecit. Ergo constitutum eum coercet, qui contra transactionem venit.

⁴ At † quomodo contra transactionem facere interpretabimur eum, qui iure agere non potest? Conatum puniri iam diximus. Sed in quo est conatus? Id expresserunt Imperatores. Volunt enim eum contra transactionem venire, qui aut iudicem interpellavit, aut supplicavit Principi; quod utrumque sic interpretari debemus, si adversarium in ius vocavit.

⁵ Sciendum † est enim illis temporibus, quibus hac constitutio edita est, in usu fuisse duplicem vocationem in ius. Uno modo vocabatur adversarius, oblato ei libello per apparitorem iussu magistratus. Erat etiam hæc ratio, ut preces Imperatori offerrentur, quæ deinde subscriptæ ferebantur ad iudicem, ac per iudicem ad reum mittebantur. Utriusque generis meminuit Iustinianus. *Novell. 112. de litigios.* §. 1. Hoc volo intelligi, non sufficere interpellationem iudicis, aut preces Principi oblatas, ut quis in hanc constitutionem incidat, nisi & illa ad reum usque pervenerint, ut in ius vocaretur: Nulla enim poena esse debet, ubi nullum

delictum est. *L. aliud est fraus, D. de verb. sign.* Nihil autem delinquit qui iudicem, aut Principem interpellat de re aliqua, si hic constitat, neque adversario controversiam iudicio faciat, *arg. L. libertus 2. D. de in ius voc.* Adde, quod nihil sit contra hanc constitutionem, nisi contra transactionem veniat. Non venit autem, nisi aliquo modo iterum agatur: neque vero agitur ullo modo, si adversarius in ius non vocetur: propterea quod omnium iudiciorum initium est in ius vocatio. §. ult. *Inst. de pen. tem. litig.*

Hæc † constitutio pertinet ad maiores. ⁶ Itaque si minores, contra transactionem iuratam venerint: hac constitutione non tenentur. Non est contraria lex Friderici, cuius initium est, *sacramenta, inf. si advers. vend.* Etsi enim ea lege comparantur cum maioribus minores si, qui iuraverunt se contra venditionem aliumve contractum nihil facturos: tamen in eo comparantur tantum, quod exigitur ab his, ut pariter fidem datam, quam iurciurando firmarint, servant: non etiam, si quid contra fecerint, paribus poenis subiciantur. At enim in delictis minoribus non fuit subveniendum. *tit. si advers. delict. inf. L. si ex causa, §. nunc videndum, D. de minor.* Sed aliud est subvenire, id est, efficere, ne noceat id, in quo tenearis iure civili: aliud poenam non statuere. Hanc adversus peierantem non statuere liberum est: quod autem semel minor contraxerit, hoc adversus iusiurandum illi remittere non licet. Hæc dicta sunt de actore, qui contra, quam cautum est, egerit.

⁷ Quæsitum † est, an constitutio etiam ad reum producenda sit, qui quid promiserit iurciurando, nec præstiterit. Non dubito, quin illa verba ad eum referantur, *vel non implendo promissa:* quæ sunt eiusmodi, ut in eum etiam tantum conveniant. Illa autem pariter ad utrumque pertinent, *itaque omnia eorum mox commodo deputabuntur, qui intemerata pacti iura servaverint.* Proinde & reus quoque, qui non implevit promissam, fiet infamis, & poenam, si quam promisit, pendet. Sic autem videbitur non implere promissam, si cum de his appellaretur iudicio, dixit se non impleturum; aut se promissam negavit: non etiam si se debere factum, ideo non implevit, quia non potuit propter inopiam. Non enim delinquit, qui ideo non solvit, quia non potest: iam autem dixi nullam ibi debere esse poenam, ubi nullum delictum est.

L. Si ex falsis pen.

Imp. Leo & Anth. AA. Acrochirio PP. P.

Si ex falsis instrumentis transactiones, vel pactiones initæ fuerint: quanvis iusiurandum de his interpositum sit, etiam civiliter falsis revelato, eas retractari precipimus: ita demum, ut si de pluribus causis, vel capitulis eadem pactiones, seu transactiones initæ fuerint, illa tantummodo causa vel pars retractetur, quæ ex falso instrumento convicta fuerit: aliis capitulis firmis manentibus: nisi forte etiam de eo, quod falsum dicitur, controversia orta decisa sopiatur. Dat. Kal. Iul. Constantinop. Martino & Zenone Coss.

S U M M A R I A.

1. *Ex falsis instrumentis transactionem interpositam quanvis iuratam retractari posse, & quare.*
2. *Ex falsis instrumentis transigere, quid.*
3. *Transactionis ex falsis instrumentis interposita retractande via actori in integrum restitutio, siquidem reum acceptilatione liberavit: si transiit tantum pacto, vetus actio.*
4. *Reo adversus transactionem ex falsis instrumentis interpositam tuendo, possidenti exceptionem doli sufficere: repetenti qua dedit, paratam esse conditionem sine causa.*
5. *Transactionis ex falsis instrumentis interpositæ retractionem esse, etiam adversus eum, qui ignorans falsum protulit.*
6. *Transactio falsis testibus ab adversario productis interposita, an similiter retractari possit.*
7. *Transactionem ex falsis instrumentis interpositam qui retractat, eum nihil facere adversus iusiurandum: & qui retractare permittit, non confirmare periculum.*
8. *Iuratas alius ex causis conventiones retractandi ius non esse.*
9. *De falso instrumento si postea transactum sit, non amplius transactionem ex eo instrumento interpositam retractari posse.*

QUAE † vis est rerum iudicarum, eadem est & transactionum. Sententia ex falsis instrumentis lata retractari potest. *titul. si ex falsis instrumentis.* ergo & transactio itidem poterit, ut hic est constitutum. Quæ constitutio etiam propriam rationem habere videtur. Nam si is, qui falso usus est, falsum esse instrumentum scivit, dolo fecit: nulla autem transactio rata habetur, quæ dolo est interposita. *L. sub pretextu instrumenti, sup. eod.* Si ignoravit falsum esse, vel hoc ipsum declarat, eum hoc instrumento adversario nocere noluisse. Itaque transactio, quæ ex consensu tantum valet, *L. non minorem, sup. eod.* in proposito adversarium non tenebit, ubi is, qui falsis usus est, non fuit hoc animo; ut ex his vel ageret, vel transigeret.

Ex † falsis instrumentis transigere recte Accursius interpretatur eum, qui falsis instrumentis ab adversario prolatis, horum
Tom. VII.

metu inductus, transigit. Retractandæ transactionis potestas tam reo, quam actori ex hac causa.

Retractandi † via actori hæc: Actor si 3 acceptilatione reum liberavit, vetere actione non ager, quam acceptilatione sustulit. *L. 4. L. ut responsum sup. eod.* Ne de dolo quidem actio ei esse potest adversus eum, qui sine dolo malo instrumentum falsum ignorans protulit. Relinquitur igitur illi hoc casu sola in integrum restitutio, quæ utatur: quæ si remoto adversarii dolo competit, etiam adversarii dolo interveniente dabitur: proinde utroque casu cessabit de dolo actio. *L. pen. D. de in int. rest. L. 1. § idem Pomponius, D. de dol. Erit autem restitutio in integrum ex illa clausula edicti de maioribus; Idem si qua alia mihi infra causa esse videbitur, in integrum restituiam. L. 1. in fin. L. sed et si. §. ult. D. ex qui caus. mai.* Quippe ex iustis causis, quæ

C c

quæ

quæ in integrum restitutionem funderent, hæc est una, de qua agitur. Iustam fecerunt constitutiones, quæ transactionem ex falsis instrumentis interpositam rescindi permittunt. Atque hæcenus verum est, quod Accursius hic scripsit, huiusmodi transactiones in integrum restitutione petita retractari. Quod si actor litem pacto tantum remisit, constituta via est iure ipso ad retractandam transactionem. Actio enim vetus iure mansit integra. *L. 5. sup. de pact. L. sub pretexto instrumenti, sup. eod.* Hac ille iure experitur, cui si opponetur pacti exceptio, parata est ei contra replicatio doli mali, quæ exceptio elidatur, ut fieri videmus in *L. sub pretexto instrumenti. L. siue, sup. eod.* Replicatio doli ex eo, quod dolo facit, quisquis petit ex causa quæ nulla est. Hoc de exceptione doli traditur in *L. 2. §. circa, D. de dol. mal. exc.* dictum igitur & de replicatione; quoniam replicatio est exceptio. *L. 2. §. 1. D. de exc.* Hoc autem facit in proposito reus, qui exceptione utitur ex ea causa, quam constitutiones improban. Hac actione ipso iure constituta, non desiderat actor in integrum restitutionem, *L. in causa, 2. D. de minor.* Sed & ipsa actio, cum sit illa vetus, quæ fuit ante transactionem, æque nunc, ut ante, perpetua est. De replicatione doli dubitari potest propter actionem de dolo, quæ est temporalis. *L. ult. inf. de dol.* Sed alia causa est exceptionis doli, alia actionis de dolo. Hæc temporalis est: illa perpetua ob eam causam, quæ redditur in *L. pure, §. ult. D. de dol. mal. exc.* replicatio autem, ut iam dixi exceptio est.

- 4 Ne ꝑ reus quidem deceptus falsis instrumentis ab actore prolati requiret restitutionem in integrum vel ad ea quæ transactionis nomine promisit non præstanda, vel ad data condicenda, iure ordinario ad utramque rem munitus. Nam promissa si ab eo petuntur, habet exceptionem doli, quæ se tuetur adversus eum, qui ex nulla, seu ex iniusta causa petit. *d. L. 2. §. circa de dol. mal. exc.* Data si repetere vult, est condictio sine causa qua repetat datum ob eam causam, quam postea iure non fuisse apparuit. *L. 1. D. de cond. si cau. Et exceptio doli ad defensionem, & condictio sine causa ad agendum, ut civilis actio, perpetua est. d. L. pure, §. ult. de dol. mal. exc. Inst. de per. & temp. act. in pr.*

- 5 Retractatio ꝑ ex hac causa non tantum constituitur adversus eum, qui falsis dolo usus est, sed & qui ignorans falsum

protulit. Causa enim retractandi in eo, quod transactio ex falsis instrumentis inita fuerit, potest autem ex falsis instrumentis iniiri, & sine dolo malo eius, qui falsum profert. Sed et si constitutio cave-ret de eo, qui falsum dolo protulisset, supervacuum fuisset de instrumentis falsis adicere: quoniam & sine instrumentis falsis etiam transactio dolo malo interposita non valet. *L. 4. L. sub pretexto instrumenti, sup. eod.* Et iam supra rationem exposui, cur non valeat transactio interposita ex falsis instrumentis, etsi adversarius falsum ignorasset.

Quæritur est, ꝑ an quod de trans-actione ex falsis instrumentis interposita hic dicitur, dicendum sit & de ea, quæ interposita est falsis rebus ab adversario productis. Vulgo putant. Putem & ipse, si probari posset falsos testes fuisse, qui producti sunt, ut de instrumento falso posset consilare potest. Mihi autem non occurrit, quomodo recte falsi fuisse probentur; nisi probetur, fuisse pecunia corruptos. Et de his solis agitur in *L. Divus, D. de re iud.* cuius loci argumento ad suam sententiam confirmationem utuntur. At corruptos qui probat, magis ob dolum adversarii transactionem impugnat, quam ob falsa testimonia: ut non per omnia huiusmodi transactiones recte comparentur: non tam quia vis deficiat, quam probatio, ut dicitur in *L. duo D. de test. rat.* Sed de eo, plura ad *d. L. Divus.* Adiecit hæc constitutio, adeo transactionem ex falsis instrumentis initam retractari posse, ut placeat posse, etsi iusiurandum inrevenerit.

In quo ꝑ nihil constituitur adversus iusiurandum, nec per iurium confirmatur. Iurat enim is solum, qui quid affirmat & pacificetur: siquidem iusiurandum est affirmatio religiosa. Non affirmat autem, nec pacificetur quisquam, qui non consentit: nec consentit, qui errat. *L. 2. D. de iud.* Unde qui decipiuntur, non dicuntur pacisci. *L. qui cum tutoribus. §. qui per. D. eod.* Non ergo peierat, qui adversus eum errorem, de his, de quibus nescivit, nec sensit, iterum agit.

Observandum ꝑ est hanc retractationem ꝑ solum ei tribui, qui adversarii facto, puta falsorum instrumentorum prolatione inductus est, ut inaret de eo, quod quale esset, ignorabat. Non idem tribuitur illis, qui aut scientes iurantes ignorantes quidem; sed nullo adversarii facto in errorem inducti. Ut puta iuravit quis se adversus venditionem non venturum, ne si minor quidem sit, in integrum restituetur, dum dece-

deceptus non sit ab emptore. *L. 1. inf. si adv. vend.* Similiter si minor se maiorem esse iuraverit, etsi aliunde aperte dolus eius non arguatur, placet tamen ei denegari in integrum restitutionem. *L. si alterius, inf. si minor se maior. dix.* Quod enim hic iuravit, totum ab eo natum est, non ab adversario. Sed & hic proprie deneganda est ei restitutio; quia dolo facit, qui iurat se maiorem, cum non sit. Nam si sciebat, aperte peierat, & fallit: si nesciebat, hoc ipso in iureiurando dolus est, quod non debuit facilius esse ad temera-

riam affirmationem *L. Iulianus, §. quod autem, D. de act. empt.*

Quod † de transactione ex falsis instrumentis nata retractanda hic constitutum est, temperatur ad extremum hac exceptione: nisi & de questione ex falso instrumento mota transactum sit. Quod & de transactione dolo malo facta traditum est in *L. 4. sup. eod.* Hæc questio mota erat in specie *L. illa, inf. ad L. 1. ul. de fal.* proinde nihil adversus hanc locum, cum transactione in ea lite interposita de falso agi posse illic negatur.

L. Iubemus, ult.

Imp. Anastasius A. Thomæ P. F. P. per Illyricum.

Iubemus in omnibus litigiis iam motis & pendentibus, seu postea super servili vel adscriptitia conditione movendis, transactiones celebrandas vel iam celebratas (si non alio iuri cognito modo eas vacillare consigerit) vires suas obtinere, nec ob id videri senorem earum titubare, quod pro conditione servili vel adscriptitia confectæ sunt. Dat. XV. Kal. Decemb. Patricio & Hypatio. Coss.

S U M M A R I U M.

1. Transactionem de servili conditione cum eo, qui servus dicebatur, interpositam valere, si id agitur, ut

is pro libero habeatur; in ut transigentis servus maneat, omnino non valere, & quare.

* **E**TIAM † de statu, re omnium maxima & pretiosissima transactio interposita valet. Non ut is, cum quo tanquam cum servo agebatur, & transactum est, liber sit, quod pactione effici non potest: *L. ingenui, infr. de ing. manu.* sed ut ei, cum quo transactum est, amplius de liberalitate controversia moveri non possit. Ergo etsi is qui se dominum dicebat, & transiegit, vere dominus sit; tamen adversus eum valebit transactio. Quid est igitur, quod dicitur *L. 1. interpositas, sup. eod.* dominos cum servis suis pacificantes ex placitis teneri non posse? Hoc sic accipiendum est, si constet dominos esse, qui dicuntur, aut cum dubitaretur, nulla res eos impediatur, quo minus se tales esse probent. Hic autem neque constat eum dominum esse, qui transiegit, cum adversarius id neget, qui se liberum & ante fuisse, & nunc esse contendit: neque dominus de iure suo probare volens admittitur propter transactionem. Sed quoniam

Tom. VII.

generaliter hic dicitur, transactionem super servili conditione interpositam valere: quid fiet, si transactione id actum sit, ut qui servus dicebatur, servus maneret, nec amplius libertatis suæ controversiam faceret? Bene Accursius respondit transactionem non valere: non tamen quia sit contra bonos mores: non enim turpe est eum qui servus est in servitute manere: & in questione de statu bonam fidem agnoscere; sed hac ratione quænam & ipse bene reddit, quod transactio nulla est, ubi pro eo, quod quis a lite discedit, nihil ei datur. *L. transactio, supr. eod.* Hic autem aut servo nihil datur, aut si quid, pro non dato habetur, cum servi proprium nihil habeant, sed totum domino acquiratur. *§. Item vobis, Inst. per quas pers.* Idque ipsum temperamentum satis significatur hac lege, cum iubetur valere transactio de servili conditione, hac conditione, si non alio modo contingat eam vacillare.

Cc 2

HUGO.

HUGONIS DONELLI

IURISCONSULTI

COMMENTARIA

IN CODICEM

IUSTINIANI.

AD TIT. XXXIV. LIB. III. C. DE SERVITUTIBUS ET AQUA.

L. Si quas actiones 1.

Imp. Antoninus. A. Calphurniæ.

Si quas actiones adversus eum qui ædificium contra veterem formam extruxit, ut luminibus tuis officeret, competere tibi existimas: more solito [per Iudicem] exercere non prohiberis. Is qui iudex erit, longi temporis consuetudinem, vicem servitutis obtinere sciet: modo si is qui pulsatur, nec vi, nec clam, nec precario possidet. PP. III. Id. Novemb. Gentiano & Basso Coss.

SUMMARIA.

1. Quid sit rei servitus.
2. Ad hanc constituendam duo necessaria ut sit rei utilis, & in usu rei perpetuo esse queat.
3. Ideo desiderari, ut prædii sit, & prædii imposita.
4. Ut prædia vicinitatem habeant.
5. Ut habeas servitus perpetuam causam; quæ sit eiusmodi 6.
7. Servitutes rerum dici servitutes simpliciter, & quare.
8. In suo licet etiam cum vicini incommodo ædificare.
9. Superioris regule duplex exceptio, & quæ.
10. Cum vicini incommodo non licet ædificare contra veterem formam.
11. Veterem formam quatenus nonnulli explicant.
12. Opinio illorum pluribus refellitur.
13. Veterem formam, adversus quam non licet ædificare qualem interpretari necesse sit.
14. Verba rescripti posteriora quam habeant sententiam.
15. Rescripti summa, atque hypothesis.



REI servitus est, quæ † rei debetur. Distinguuntur hoc modo servitutes. Quia servitus rei non extinguitur una cum persona, cui servitus legata est, sed rem una sequitur; quamdiu res erit cui debebitur *L. via, §. si fundus, D. de servit. rustic. præd.* fundo servi-

tus constituta est; alienato fundo, possesorem sequetur. Cum hoc ita sit, unde intelligamus servitutem rei esse: hic tamen iusta errandi causa est. Nam omnes servitutes, quæcumque sunt, certæ personæ ceduntur aut legantur. Hoc cum ita sit: quomodo intelligemus ex hac re, si interveniant, quæ ad hanc rem sunt necessaria, ut sit servitus rei. Resp. duo † necessaria sunt,

sunt; unum, ut sit eius rei causa tantum constituta, extra eam rem inutilis futura, ex *L. ergo. L. veluti & sequens. D. de servit. rust. pred.* Alterum est necessarium, ut in usu eius rei, cuius causa servitus constituta est, perpetuo esse possit. Ratio eum hoc necesse sit; quia servitus rei, ita demum rei est, si rei propria sit; rei proprium recte dicemus, si erit in potestate, ut perpetuo servire rei possit.

3 Ex hoc genere tria ¶ requiruntur, sine quibus servitus rei esse non possit. Primo ut non sit cuiuslibet rei causa constituta, sed prædii solius. Deinde, ut non a re qualibet debeat, sed a prædio. In summa ut prædio a prædio debeat, hinc est, quod servitus rei, eadem servitus prædii appellatur. *L. si quis auras. D. de usufruct. L. x. D. de servit.* Rursum servitudes rerum eadem appellantur prædiorum. *L. x. D. de servit.* Quia servitus huius generis nisi in prædiis constituitur non potest, id est non potest imponi, nisi prædio, nec alteri quam prædio deberi, §. *ideo, inst. de servit.* Cur hoc exigimus? quia res mobilis se subducere potest aut subduci. Ita ut non semper servitutem præbeat, aut servitutem capiat, quia movetur loco: ut ubi servitus prædii erit imposita, semel imposita manet, ita ut prædium eam capere possit, & prædium eam præbere, quia non moventur loco. Hoc si quis exemplis ostendere velit, fingat usum iumentorum legatum esse prædii mei causa, ut iumenta in prædio meo opus facerent, ergo servitus rei erit? Resp. Non; quia non debetur a prædio, sed a re mobili. Contra est constitutum ius & iter in fundo, sed et eam tantum. An est personæ an rei? Resp. non est servitus rei, sed personæ. Quia alteri rei non debetur ad cuius utilitatem pertineat; necesse est igitur eam esse prædiorum, & prædia deberi, quia prædium mihi debet. Secundum requiritur ¶ ut vicina prædio debeat. *L. ergo. D. de servit. rust. predior. L. mela, §. ultim. D. de aliment. legat.* Vicinum sic intellige, ut nullus sit locus intermedius, qui usum servitutis impediat, ex *L. servitutibus, 14. §. ult. D. de servit. L. x. D. de servit. urb. predior.* alias Lex est *utrum. de servit.* Ratio eius rei est, ex eadem re, quæ supra, quia non licebit servitute uti in perpetuum.

5 Tertium requiritur ¶ ut servitudes prædiorum perpetuam causam habeant *L. foramen. D. de servit. urb. prediorum.* Causam servitutis intelligimus hic rem ¶ propter quam servitus parata est, vel ut ea res in nostro habeatur vel ex nostro

eliciatur. Exemplum, ut in nostro habeatur; veluti in aquæ ductu. Aqua est causa aquæ ductus, & paratur ut eam in nostro habeamus, hinc placet tantum dari posse ex fonte, ex mari, ex flumine, quæ perpetuæ sunt aquæ; ex lacu, ex stagno, ex piseina ducti non posse, ut sit servitus prædii *d. L. foramen. de servit. urban. pred. L. x. §. hoc interdictum, D. de fonte.* Ratio est, quia istarum rerum aquæ non sunt perpetuæ, necesse est, exhaustiri. Ut res ex nostro eliciatur. Exemplum. In servitute stillicidii, aqua pluvia causa est servitutis. Ratio quia servitus quæritur est, ut aqua in alienum averteretur, hinc placet rursum, ita demum servitutis constitui posse, si aqua ex calo veniat; si manu imponatur, non erit servitus: ut si culinae petiendæ causa, erit quidem usus, non erit servitus, quia quod manu fit non est perpetuum, inquit Paulus *d. L. foramen. de servit. urb. pred.* Hæc tria eum exigantur, non alia ratio erit, nisi quod sine his servitus non efficitur prædii, aut rei propria. At ut sit rei, propriam rei esse convenit, hoc igitur intervenire necesse est.

Sensu intellecto, de verbo monendum est ¶ hoc genus servitutum diel, interdum absolute servitutes ut *d. L. x. L. 2. L. 4. de servit. L. x. si serv. vind. §. ult. Inst. de usu & hab.* propter excellentiam nominis. Quia hæc veræ servitutes sunt, quæ non tantum sequuntur rem servientem, sed fundum dominantem, *L. via, §. si fundus de serv. rust. pred. id contra sit in servitute personæ* Hic Titulus Cod. est de servitutibus, id est de servitutibus prædiorum, quæ per excellentiam ita nominantur, *de servitutibus, & aqua*, quia de aquæ ductu hic dicitur.

Locus hinc nascitur, licetne domino in suo quidvis ædificare, si vicino nihil incommodet? Resp. ¶ licet, sed cum exceptione, id est, si neque iure servitutis impediatur, neque forma antiquorum ædificiorum; iure servitutis, quia vicino utilis servitus esse debet, *L. quoties, D. de servit.* Forma autem ædificiorum colligitur hic ex *L. x. in princ.* Quid si is, qui in sua ædificare velit, luminibus sit offensus, liceatne ædificare etiam cum incommodo vicini? R. non modo ædificare in suo licet, sed quidvis aliud facere, modo in alienum nihil immittamus *L. Sicut, §. Arista si serv. vind. licetbit & eum incommodo vicini.* Exempli causa; licetbit altius tollere utrum luminibus vicini officiat; licetbit puteum aperire, utut venas putei vicini præcidat *L. cum eo, D. de serv. urb.*

urb. *præd. L. Proculus D. de damu. infest.* Dicit quispiam. Atqui alteri nocere non licet *Lege naturæ L. solvendo, D. de neg. gest.* Ref. aliud est vicino nocere, aliud lucrum exhibere, quod vicinus ex nostro consequitur; nocere non licet; lucrum prohibere licet, *L. Proculus, sup. de damno infesto, L. 1. §. si cut D. de aqua plu. arcenda alt.* Ponitur elegans species in ea lege, est autem eiusmodi: Vicinus in fundo suo aperit fontem & scaturigo manat ex fundo vicini. Quæritur est, utrum re integra id mihi facere liceat? R. neque videri damnum dedisse nec prohiberi posse. Vicinus illic ædificavit. Fenestram aperuit in meum, non possum prohibere, modo fenestras recludat, sed possum parietem ex adverso ædificare, Huius Regulæ tunc sunt exceptiones; una ut in suo facere liceat, nisi dominus servitutem debeat. Altera exceptio, nisi vetus forma ædificiorum id prohibeat, hanc enim sequi & custodiri oportet, si quid cum incommodo vicini facturus sis. Prima quæstio propria est huius argumenti. Nam quisquis servitutem debet, non potest facere quod vellet, *L. altius, infr. L. 1. b. t.* Est igitur huius loci hæc sententia; si quis ita ædificet, ut vicini luminibus sit offesturus; non licebit, si contra veterem formam ædificet; hanc enim custodire debet.

- 10 Ex quo colligitur, t si vetus forma nulla sit, nihil esse impedimento, quominus ædificet altius. Quamvis vetus forma sit aliqua; tamen licebit ædificare contra formam, si vicino nihil incommodi est: vetus enim forma & incommodum vicini requiruntur. Congruunt cum his, *L. qui luminibus, de servit. Urban. præd. L. 1. C. de adif. privat.* hoc posito quæritur quid vocemur veterem formam.
- 11 Qui hanc t interpretantur formam ædificii, non mihi videntur attigisse. Quæstio quotidiana est. *Veterem formam*, sic interpretantur, formam ædificii eius, qui ædificat, & eius contra quem ædificatur. Contra hanc formam ædificare non licere: ut sit sententia: si quis ædes suas depensas habeat, non potest eas altius tollere ut officiat luminibus vicini, qui antiquitus lumina in suo constituta habuit; & ut summum dicam, is qui lumina extra habuit, ius ita habendi quæsit, & vicinum potest impedire ne luminibus officiat. Quo iure id potest? iure servitutis. Unde est hæc servitus, cum non sit illi constituta? Servitus tempore constituta est, & ideo longitudinem temporis iure vic

servitutis obtinere sciet. Quod longo tempore ita constituta lumina habuisti, quibus vicinus non officiat &c. Hæc sententia ex verbis huius loci refellitur, & per se falsa est. Non tantum Arnolius, Accursius, sed etiam Baldus hanc eandem sententiam secuti sunt, ut Covar. Connan. *sub tit. de serv. urb. præd.*

Ergo, non ostendendi ingenii causa, sed veritatis inquirendæ t ostendam contrarium; id si minus potero, saltem viam aperiam. Sententiam hanc verba rescripti refellunt. Nam secundum hanc, is qui lumina aperta habuit, potest hoc ius vendicare sub hac conditione, si nec vi, nec clam, nec precario habuit. Ergo verba extrema sic scribi debuerunt; Si modo is qui agat nec vi, nec clam, nec precario possidet. Ratio, quia Imperatores actorem alloquuntur, & actor servitutem vendicat, eam igitur possidere debuit. At in Rescripto, contra scribitur. *Si modo is qui pulsatur* his verbis: Reus, non actor significatur. *L. frustra C. de probat.* Ergo in hoc rescripto non significatur Actor, qui servitutem vendicat. Ob eam causam, alii sic interpretantur verba extrema, ut efficiatur hæc sententia. Qui Lumina antiquitus constituta habuit, eorum ius potest vindicare a vicino, si modo vicinus qui pulsatur nec vi, nec clam, nec precario possidet, idest si iuste possidet. Cur ita interpretantur? quia hoc intelligi volunt, servitutem abscipi non posse ab eo, qui dominus non sit vicini prædii, posse abscipi a domino *sequ. L. 2. inf. eod. tit.* At secundum hoc imperatores ita dicere debuerunt; si modo is qui possidet, vicinus, dominus fuit. Nam qui dominus non est, fieri potest, ut iuste possident, nihil igitur in hac sententia verbis rescripti convenit. Postremo hæc sententia falsa est, & ut id verum sit, tradam vobis propositionem. Sit hæc propositio: Qui in suo non ædificavit, ædificandi ius non amittit; quocumque tempore non ædificaverit, neque vicinus qui fenestras apertas in suo habuit, ius habendi in suo quæret, ut vicino ædificare altius non liceat, hæc expositio dilucide probabitur. Si amissum necesse est, ut aut factum suum ei oblituerit, aut vicini usucapio; nihil horum est; non ergo amissum, factum ei nocere non debet. Ratio, quia quod quis in suo ædificare potest, ius eius est. Ergo si velit potest, si non ædificet non erit ei damno *L. pen. C. de passis. L. si iudex, D. de minor. Probatur & hoc argumento, iniquum esse hunc ei nocere. Ratio; quia interdum ædificare non*

pos-

possumus. Interdum nobis molestum est. Est ergo iniquum nobis nocere, si non ædificemus; dicit aliquis. At diuturnitas temporis ei nocere debet, qui per tot annos in suo non ædificavit. Ref. Diuturnitas ius nostrum non minuit, sed confirmat. Exemplum. Dominus ius vendendi habet post 100. annos non minus, quam antea. Ergo ius ædificandi quod habuit tempore eodem modo confirmatur. Restat ut ei obstat vicini usucapio, qui per longum tempus fenestras in suo habuit. Hoc dico; vicinus, qui ita fenestras habuit, nihil potest usucapere. Quæstio non est controversa; quia quisquis de alieno aliquid usucapit, necesse est id possideat. quod usucapit, inde usucapio, idest per usum possessio *L. sine possessione, de usucap.* At qui fenestras in suo pariete aper- tas habet, possidet in suo, in alieno nihil habet. Ergo in alieno nihil usucapit. Exemplo cæterarum servitutium. Iter usu acquirimus per fundum alienum, sed quia per alienum imus, in alieno facimus, ac- quirimus usu ius tigni immittendi. Sed quia tignum in alieno possidemus. *L. ser- vitutes, de servit. urb. præd.*

At in hoc genere nihil tale fit. Secun- do colligitur hoc argumento. Nulla usucapio adversus eum, qui si vellet, usuca- pionem interpellare non potuit; usuca- pio adversus negligentiam est. Hoc probatur diserte *L. 1. in fin. C. d. annali except.* Ubi hoc scriptum est a Iustiniano. At cum vicinus in suo fenestras aperuit, id prohibere non potuimus quominus in suo haberet. Ergo nulla erit eius iuris adver- sas nos usucapio, prohibere non posuimus. Ratio; Quia nemo prohibere potest quo- minus aliquis fenestras in suo aperiat, & si in nostrum prospectet. Propterea quod in alienum nihil immittit; licet autem in suo facere; hoc axioma tenendum est. *L. sicut, §. Aristo, D. si ser. vend.* Quod sic est interpretandum; modo so- lum inferius sit eius qui fenestras aperuit, eoque quoad corpus & fenestras effere potest. Nam si solum eius non est, fenestras habere non licebit in alienum: Ra- tio; quia etiam si in solum alienum ni- hil immittatur; immittitur tamen corpus in cælum. Cuius autem solum, eius & cælum liberum esse debet. *L. 1. de ser- vit. urb. præd.* alias *L. ult. de serv.* Cui sententiæ congruunt mores Parisien- ses, ut si quis in pariete suo velit fenestras aperire, debeat habere spatium cer- tum, quod si non habeat, non poterit: ratio; quia si non habeat, dum prospe- ctat, sese effert in alienum, intra hoc

spatium nihil erit impedimento quominus fenestras aperiantur. Dicit aliquis, mini- me fenestras aperiri possunt invito vicino, quia fenestris apertis oculi immittuntur in alienum. Est autem Zenocratis dictum, nihil interest oculos ne an pedes in alienum inferamus. Ref. Immittere oculos figurate dicitur, non vere, in ire autem spectamus rei essentiam, ut sit immittere oculos idest conspectum. Ratio, quia oculi nihilominus in nobis manent, ut dicimus adire & conferre animum ad res ali- quas *percontari*. Summa est, hæc ut dixi; quia non possumus prohibere, ne vicinus in suo fenestras aperiat; ideo hoc ius ad- versus nos usu non capiet. Ratio, quia earum rerum est tantum usucapio, qua- rum est usurpatio, idest interpellatio.

Veterem † *formam excedere non licet*, 13
veterem formam interpretari debemus æ- dificiorum antiquorum formam, non eor- um, inter quos agitur, sed ædificiorum urbis, deinde formam hic accipere debe- mus, non speciem ædificii, sed modum & altitudinem ædificiorum ut sit sensus; veterem formam excedere non licere, id est, supra altitudinem antiquorum ædifi- ciorum tollere non licere, probatur ex aliis locis, *L. qui luminibus de servit. urb. præd.* Ubi scribitur aliis verbis, for- mam antiquorum, & statim servari oportere antiquorum ædificiorum, idest Urbis. Ratio quia fieri potest, ut is qui ædificat murum, nunquam ædificium habuerit: se- cundum quod non posset dici forma ædi- ficatorum, sed ædificii. Secundo probatur diserte, *L. 1. C. de ædificijs privatis.* Ubi scribitur non licere formam excede- re, qua cæteris ædificare licet. Est autem ea species. Tercio probatur ex eo quod veterem formam Imperatores nomi- nant formam usitatam & solemnem, for- mam statutam consuetudinibus, & *L. præ- ses. & L. si manifeste inf. eod.* At so- lemne & usitatum appellamus, quod usu omnium tritum est, non duorum. Postre- mo hæc interpretatio probatur hoc ar- gumento: numeratur inter servitutes ur- banorum prædiorum servitus altus tollen- di. *L. 2. de ser. urb. præd. §. æque, Inst. de alt.* At nisi est vetus forma ædi- ficatorum urbis, hæc servitus nulla est; pro- pterea quod qui in suo altus tollit, iure suo facit, non iure servitutis; & si antea servitutem debuit & eam usurpavit, facit libertatis iure, *L. altius L. inf. eod. tit.* Quomodo ergo hæc servitus potest intelligi? Hæc una ratio est, si singas sta- tum certum esse & solemnem ædificiorum, quem excedere non liceat; hunc si exce- dere

dere licebit invito vicino, erit servitus altius tollendi. Secundum hanc interpretationem hæc sententia efficitur, utrum quis in suo ædificare possit, & luminibus vicini officere, non præscriptionem spectandam esse, sed statum ædificiorum. Ex quo hæc efficiuntur, si quis secundum altitudinem usitatam ædificat, impune officiet luminibus vicini, quanvis vicinus per ducentos annos lumina aperta habuerit. Quia vicino præscripto non requireretur vetus forma. Quæritur quæ est vetus forma? Resp. ea ducitur aut ex consuetudine urbis, aut ex statu qui nunc videtur, ut in hoc vico est, & in ea re artifices periti adhibebuntur, quot contignationibus ædificium tolli liceat in urbe.

Quorsum igitur pertinet, quod Imperatores faciunt mentionem usucapionis longi temporis, consuetudinis, *infra*. si consuetudo ad hanc rem non pertinet? 14 nihil est facilius. Ref. sequentia verba † rescripti hanc habent sententiam; quod dicitur eum, qui contra veterem formam ædificatum habet, iure id non habere, cum hac exceptione intelligendum est, nisi longo tempore ædificatum habuerit, ut sit sensus: si longo tempore habuit, quanvis

contra usitatam formam ædificiorum, iure habebit, scilicet servitutis; si modo is qui pulsatur idest is qui ædificavit, nec vi, nec clam, nec precario possederit. Hypothesis est † hæc: ædificavit aliquis in suo, ita ut luminibus vicini officeret, ædificium autem contra veterem formam ædificiorum: agit Calpurnia, ut ædificium deponatur; agit in eo negatoria Actio. Dicit enim se vicino servitutem non debere ædes patiendi sublatas hoc modo: consultit Calpurnia, an recte agat. Rescriptum est in hanc sententiam: si quas actiones habes, experire: ut autem scias eum qui ædificavit, & lite pulsatur, non statim cogi ædificium tollere, iudex qui de ea re cognosceret, sciet longi temporis consuetudinem vicem servitutis habere, ut sit sensus; si ædificavit contra veterem formam, & id longo tempore non possedit, cogetur demoliri: si longo tempore possedit, non cogetur, quia servitutis ius habet tempore quasi-tum; hæc servitus altius tollendi; ut ædificator habeat ædes suas iure altius sublatas, invito vicino contra veterem formam ædificiorum, hinc quæstio universi generis.



L. Si aquam 2.

Si aquam per possessionem Martialis eo sciente duxisti: Servitutem exemplo rerum immobilium tempore quesisti. Quod si ante id spacium eius usus tibi interdictus est, frustra sumptus in ea re factos praestari tibi postulas: cum in aliena possessione operis facti dominium, quoad in eadem causa manet, ad eum pertineat, cuius est possessio. PP. Kal. Iul. Lato & Cereali Coss.

S U M M A R I A.

- | | |
|---|--|
| <p>1. Servitutes aut constitui pactionibus & testamento, aut tempore quaeri, hoc quid sit.</p> <p>2. Servitutes longo usu queruntur.</p> <p>3. Illa etiam quae non habent continuam possessionem.</p> <p>4. Contraria refelluntur.</p> <p>5. Tempore acquiri Servitutes ab eo qui usus est nec vi, nec clam, nec precario.</p> <p>6. Et tamquam suo iure est usus.</p> <p>7. Huius rei probatio neganti potius incumbit, non possessori & num. 9.</p> <p>8. In re dubia possessor iure suo videtur usus.</p> <p>10. Probationis forma, sem possessore convincendi ratio.</p> <p>11. Quid sit uti vi, clam, vel precario num. 12. & seq.</p> <p>14. Querit in summa tempore servitutem qui usus est sciente, nec contradicente domino.</p> <p>15. Quo repugnante, servitutis interrumpitur usus, & quando.</p> | <p>16. Quare id secus fiat in usucapione rerum corporalium.</p> <p>17. Utrum in acquirenda suo tempore servitute titulus sit necessarius. Quaestio causa & n. 18.</p> <p>19. Francisci Duareni sententia.</p> <p>20. Donelli opinio.</p> <p>21. Hec pluribus rationum momentis constabatur.</p> <p>22. Contrariis occurritur & corporalium rerum ab incorporalibus in usucapione differentia exponitur.</p> <p>23. Qui aquam ducit, ignorante domino, nonnisi iusto titulo acquirit servitutem.</p> <p>24. An qui putans habere servitutem aquae ductus, cum non habeat, aedificat in alieno, etiam materiae dominium amittat.</p> <p>25. Qui sciens aedificat in alieno, quando materiae donasse videatur, aut secus.</p> |
|---|--|

Locus hinc ducitur, quemadmodum prohibere non possumus, ne quid dominus in suo faciat, si servitutem non debet. Ut L. 1. *sup.* ita multo minus in alieno invito domino facere possumus. Exemplum. Per agrum eius ire non possumus. L. *per agrum infr. h. tit.* Aquam ducere non possumus. L. 4. *eod.* at servitute imposita utrumque licet, hic queritur, quomodo servitus imponatur harum rerum nomine. De hac re est haec Lex 2. De eo ita habendum est. Servitus ↑ aut constituitur, aut tempore queritur; constituitur a domino & pactionibus & testamento, quod cuiusmodi sit Iustinianus docet §. *ut. Iust. de servit.*

huc pertinet Lex *sequens h. t.* Tempore queritur hoc modo; non ut ipso iure queri intelligatur, sed pro constituta & quaesita habebitur. Itaque hoc nomine utilis actio est, non directa. L. *si quis diuturno, si servit. vendic.* Unde traditur, si quis diu usus est servitute, servitutem iure constitutam videri, & dicitur pro imposita haberi. L. 1. in *fin. de aqua plu. arcend.* Sed hic modus multas dissolutiones habet; nobis ergo diligentius explicandus est. Hic tria capita spectanda sunt; quibus pertractatis nihil dubitationis relinquatur.

Primo queritur; possint ne servitutes natura sua usu acquiri. Rem dubiam fa-

D d

cit

cit conteotio diversorum locorum: in quibusdam dicitur usu quæri, in aliis ufucapi oon posse; certis locis constat servitutes longo usu acquiri; loci sunt, *Lex si quis diuturno, si servit. vendic. Lex 1. §. 1. de aqua plu. arcend. L. 1. §. 2. hoc titul. Lex ultim. in fin. Infr. de præscript. longi temporis*: At obicitur servitutes ufucapi non posse *Lege Scribonia. L. sequitur. §. ultim. de usucap. L. servitutes, 2. de servit.* Ratio est exposita in *L. servitutes D. de servit.* Res ita explicanda: *Lex de usucapione servitutum, aut de usucapione biennii loquitur, aut de usucapione transformata; si de bienoii usucapione, ut verum est legem Scriboniam sensisse: non negamus servitutes hoc tempore quæri non posse.*

1. Nam dicimus quæri ¶ longo usu, longum dicimus 10. annorum. Si de longi temporis usucapione intelligimus *Legem*: dicemus servitutem revera ufucapi non posse, quia solum ufucapitur, quod possidetur *L. sine possessore, de usucap. servitutes* non possidentur, quia incorporeales. *L. servitutes 14. de servit. L. servus, §. Incorporales, de acquir. rer. domin.* Altera ipsarum ratione quasi usu acquiruntur. Nam iure non possidentur, sed quasi possidentur: unde interdicta possessoria. *L. quoties, de servitut.* Ideo dicimus quasi acquiri.

Secundum caput, si servitutes tempore quærentur. An etiam quæ continuum possessionem non habent. Exemplum. An iter decem annis acquireretur, si quis per fundum vicinū ierit. Veteribus noo videtur huiusmodi servitutes usu quæri posse; movent eos cum alia multa, tum hæc ratio maxime. Quia non satis est ad usucapionem rem possedisse, continuum esse possessionem oportet, *L. 3. de usucap. servitutes possessionem continentem oon habent, L. servitutes, 2. de servit.* oon igitur acquirerentur. Hæc sententia falsa est & ab hominibus eruditissimis refellitur, ut a Francisco Connano Longovallo Barone. Certis iuris locis ¶ traditum est, citra exceptionem servitutes longo usu acquiri, *L. 1. §. ult. de aqua plu. arcend. L. ult. in fin. Cod. de præscript. longi temporis*. Deinde iter quod cootinuam possessionem non habet, longo usu quæritur; id sic colligimus. Qui prærogativam temporaria itinere habuit, utitur interdicto de itinere rescicendo, *L. apparet §. pen. de itinere, adinquo privat.* At hoc interdictum ei soli competit, qui servitutem iure habet, *L. 3. §. hoc autem, de aqua quot. & assiva.* Igitur

qui in itinere prærogativam habet, ius itineris habet.

Quæ contra dicuntur, refellenda sunt. Contra ¶ quatuor dicuntur. Primo opponitur *lex servitutes, 14. de serv.* Ubi Paulus scribit servitutes non posse acquiri, quia nemo continenter ire possit. Resp. ille locus ad servitutes rusticas non pertinet, sed ad omnes servitutes. Itaque ex eo loco fateolum est, aut omnes servitutes quæri posse, aut nullas. At fateantur servitutes Urbanorum prædiorum usu acquiri posse, neque eum locum adversari; in aliis igitur idem fateantur necesse est, & re vera non usu capiuntur (ut supra dixi) Secundo illud dictum opponitur, quod dicitur, servitutes perpetuas causas habere debere. *L. foramen, de servit. urb. prædiar.* Possessionem causam servitutis intelligunt. Resp. hoc modo; si causa servitutis possessio est, locus contra eos facit. Nam ex eo colligitur omnes servitutes perpetuam possessionem habere, quia omnes habent perpetuam causam. Si perpetuam possessionem habent, illis authoribus ufucapi possunt. Sed longe aliud est possessio servitutis; aliud servitutis causa. Exemplum: Aquæductus aquam perpetuam habere debet, causam nimirum servitutis. At aquam perpetuo duci non est necesse, sed pro commodo ducentis ducor; hoc sensu possessionem continentem probare voluerunt. Tertio opponitur *Lex hoc iure §. ductus aqua, de aqua quot. & assiva.* Ubi servitus ductus aquæ iure constituta videtur, cuius origo memoriam exceperit. Ergo 10. anni non sufficiunt ad servitutes acquirendas. Varie respondemus: Primo etiam si fateamur quod illi colligunt; argumentum contra eos facit, quia aquæductus illia authoribus perpetuam causam habet, *L. si quis diuturno, si servitus vindicetur, L. 2. b. t.* Deinde hoc modo respondendum. Etiam si aquæductus continentem causam sequi possessionem non habeat; non recte colligitur hoc modo: Aquæductus, cuius origo memoriam excedit, iure constitutus est. Ergo 10. annis non iure constituitur. Imo utroque modo constituitur & diuturnitate & 10. annis, obiciunt: At si 10. annis tantum acquiritur, frustra amplius tempus requiritur. Resp. Diversis modis aquæductus acquiritur, per 10. annos, & per id tempus, quod memoriam hominum excedat. Nam si sit id tempus, quod memoriam excedat, aquæductus acquiritur, quanvis ignorante domino & nullo titulo quæsitā sit aqua. At per 10. annos non acquiritur, nisi domino sciente,

te, ut *hac lege*. Hæc causa est eor ista distinguantur.

Poſtremo reſtat firmamentum ſuperioris ſententiæ. illius. Id autem eſt. Atqui etiamſi omnia deſinant, non poteſt quidquam uſu acquiri, niſi continuam poſſeſſionem habeat, *d. l. 3. de uſucap.* Ruſticæ ſervitutes continenter poſſeſſionem non habent, non ergo uſu acquiruntur. Reſp. Fatemur ſervitutes acquiri non poſſe, niſi continuam poſſeſſionem habeant, ſed omnes continenter habent. Opponitur dictum Pauli, *L. ſervitutes, 14. de ſervis.* ubi ſcribitur neminem continenter ire poſſe. Reſp. hoc modo: corpore poſſeſſio continua itineris eſſe non poteſt; at poſſeſſio ſemel quæſita animo retinetur, quantumvis a prædio exceſſeris; idem fit in rebus corporalibus. *L. 3. §. in amittenda L. clam poſſidere, §. qui ad nundinas, D. de acquir. poſſ.* ergo dicimus eum qui iſerit, egerit, quanvis de fundo exiit: nihilominus poſſeſſionem itineris retinere, non corpore, ſed animo. Certiſſimum argumentum eſt huius rei, quod iſ qui de fundo exiit, interdicto de itinere utitur; id autem interdictum eſt retinendæ poſſeſſionis; non igitur amiſit qui exceſſit. *L. 1. §. tot. tit. de itinere aſſuque privato.* Reſ igitur dubium non habet ſervitutes uſucapi non poſſe; relicienda igitur diſtinctio veterum, qua dicitur continuas quaſdam eſſe ſervitutes, alias diſcontinuas. Diſcontinuas non acquiri; niſi tanto tempore ierit, cuius non extat memoria.

Tertius locus eſt. Si ſervitutes tempore acquiruntur, quomodo acquiruntur, an exemplo rerum corporalium ex omni parte. Quod quaerimus eiſmodi eſt; in uſucapione rerum corporalium duo ſpectantur: poſſeſſio & initium poſſeſſionis. Poſſeſſio ut quis per tot annos continenter poſſideat. Initium, ut quis bona fide poſſidere cæperit *L. 1. D. de uſucap.* Ita in primis titulus neceſſarius eſt. *L. nullo, Cod. de rei vindicat.* Utrum, hæc eadem in ſervitutis uſucapione requirimus? Ita traditur de ſervitutibus, enim ſervitutem tempore ꝛ quaſiſſe, qui nec vi, nec clam, nec precario poſſedit, *L. 1. ſupr. hoc titul.* In quo duo requiruntur; primo ut quis ſervitutem poſſideat. Quæ hic poſſeſſio intelligitur? Scilicet huius ſervitutis *L. quoties, de ſervis.* ſi quis ſervitute uſus ſit nec vi, nec clam, nec precario *L. 1. §. ult. de aqua plu. arcend. L. ſi quis diſturno, D. ſi ſervit. vindic.* Sed non eſt ſatis aliquem uſum eſſe; nec eſſe uſum ſit, ꝛ tanquam ſuo iure, id
Tom. VII.

eſt, credidiſſe ſe ſuo iure uti, hoc poſſeſſionis verbum valet *L. ultim. de itinere aſſuque privato. L. ultim. quemadmodum ſervit. amitt.*

Quid ſi poſſeſſor dicat ſe ſuo iure poſſeſſiſſe, vicinus neget: utri probatio ꝛ in-
eumbet, an ſervitutem vindicanti, ut probet ſe ſuo iure uſum eſſe; an vero neganti? qui ſe ſuo iure uſum eſſe dicit, idem hoc ipſo facit, niſi repellatur; ſive in re dubia ꝛ ſuo iure uſus videbitur. Colligitur ex *L. merito, D. pro ſocio.* Colligitur & hoc argumento, quod multis locis traditur forma, qua quis convineatur ſuo iure uſus non eſſe, hæc autem forma tantum ꝛ neganti neceſſaria eſt; ſervitutem vindicanti non eſt neceſſaria: hæc autem traditur, *d. l. ult. quemad. ſervit. amitt. L. 1. §. Vivianus, de itin. aſſuque pri.* Reſtat ut videamus quomodo probetur quis ſuo iure uſus non eſſe. Id probabitur, ſi probetur ꝛ via tanquam publica uſus eſſe, aut tanquam alterius. Item ſi probetur propter repentinum aliquem caſum uſus eſſe, ut propter inundationem rivi, vel quia via publica erat interrupta. *L. ult. quemad. ſervit. amitt. L. 1. Vivianus, de itin. aſſuque priv.* Alterum exigitur, ut quis uſus ſit, nec vi, nec clam, nec precario: vi uſus videtur, ꝛ qui prohibitus, eſt uſus *L. 1. §. vi factum, D. quod vi, aut clam.* Clam uſus eſt ꝛ qui dominum cæſavit. *L. 3. §. clam feciſſe, quod, vi aut clam.* Precario iſ, qui ꝛ a vicino precibus impetravit, ut ſibi uti liceat. *L. 1. §. tot. tit. D. de precar.* Ex hiſ verbis intelligitur eum ſolum ſervitutem quaerere, ꝛ qui ſciente domino uſus eſt, neque repugnante. Ex hoc ſcribitur in *princ. legis ſecondæ.* Dicit aliquis in *L. 2.* Exigitur ut quis domino ſciente uſus ſit, non quaeritur, utrum dominus repugnet necne? Reſ. quod in principio non exponitur, poſtea expreſſum eſt. Sequitur enim: Si Dominus uſu aquæ interdixit &c. Ex hoc loco efficitur non eſſe ſatis a principio uſum eſſe ſervitutem, nec vi, nec clam, nec precario, niſi quis uti perſeveravit, itaque ſi ei poſt tres annos utenti interdiceretur, ꝛ interrumpetur uſus ſervitutis, hac *L. 2.* hoc ideo notandum, quod in uſucapione ꝛ ſecus ſit, rerum ſcilicet corporalium; domini denuntiatio Uſucapionem recte ceptam non interpellat, *L. alienam D. pro Emptore.* Differentiæ cauſa eſt, quod in ſervitutibus ſcientiam domini exigimus, in rebus corporalibus non eſt neceſſaria.

Superior definitio quaëſtionem hanc attulit. Utrum in ſervitutibus neceſſe ſit

D d 2

ex

- 17 ex iusta ꝛ causa, & titulo possedisse, ut quis servitutem tempore acquirat. Exemplum. Utrum necesse sit eum, qui aquam corpis ducere, emisse hoc ius ab eo, quem dominum fundi putabat; an vero siue hac causa usui sufficiat. Hæc questio ex his ꝛ introducitur: si definitionem superiore spectamus, causa & titulus negligitur; satis erit domino sciente usum esse. Rursum si queramus exemplum rerum corporalium, titulus requiritur. Porro nulla causa reddi potest, cur in servitutibus contra
- 19 fiat. Hæc ꝛ sententia *Franc. Duar. lib. 1. dispat. univers. cap. 34.* Male se res habet, si amicitia plus tribuitur, quam veritati, ideo quod verum esse mihi videatur, hoc asseram. Mea sententia est: si
- 20 quis ꝛ sciente domino aquam duxit, nec vi, nec clam, nec precario, hic servitutem acquirit. Causa inste ducendi non est necessaria, probatur his ꝛ rationibus.
- 21 Primo quia quibuscunque in locis de usufructu servitutem agit, nihil amplius requiritur, quam ut quis usus sit, nec vi, nec clam, nec precario, *L. 1. sup. h. tit. L. 1. §. ult. de aqua plu. arcend. L. si quis diuturno, D. si ser. vind.* At non est satis, si titulum exigimus. Ratio, Quia potest quis his modis possidere, & tamen sine causa & titulo possidere. Puta, vendidit aliquis mihi fundum, & io tradendo dixit aqueductum fundo deberi. Ego persuasus ita sum usus per 10. annos: verum est me esse usum nec vi nec clam, nec precario. Præterea Ulpianus scribit eum, qui servitute usus est, non habere necesse docere de iure suo, in *L. si quis diuturno, si ser. vindic.* Fateor iure verbum esse ambiguum, sed explicatur in sequentibus verbis, ut appareat Ulpianum de titulo sensitse. Nam subiicit non esse necesse docere de legato, vel alio modo, non dicit de legato a domino relicto, quod si dixisset, intellexissemus ius constitutum. Tertio probatur ex *L. 2. quam interpretatur h. tit.* eo quod scriptum est servitutem tempore quaesivisse eum, qui sciente domino usus est, & hæc verba tantum ad eum pertinent, qui titulum non habuit. Ratio, quia si quis titulum habet ad aquam ducendam, non requiritur ut sciente domino duxerit; adversus ignorantes usufructu, perinde procedit, ut dictum *L. ult. in fin. C. de præscript. longi tempor.* differentia illic sublata. Item ignorantia & scientia non requiritur, eadem observando, non solum in corporalibus, sed & in incorporeis, ut servitutibus. Postremo hoc ar-

gumento colligitur; si quis ex iusta causa & titulo possideat; huius usufructu, denunciatione domini siue interdictione non interpellatur, *L. alienam, pro emptore:* usus servitutis denunciatione domini interpellatur; *L. 2. h. tit.* necesse est igitur ob eam causam fieri, quod quis sine causa utatur.

At res corporales sine titulo non usufructuantur. *L. nullo, C. de rei vindic.* Igitur ne incorporales quidem, quia ratio eadem est. Ego scio a veteribus rationem bonam non esse redditam, qui dicebant solum domini scientiam sufficere ad acquisitionem servitutis quia res magni momenti non essent servitutis. Ego hanc rationem ꝛ dissimilitudinis esse dico, Domini qui intentem in suo tamdiu patitur, servitutem quaesivisse sua voluntate intelligitur, quia omnibus temporibus prohibendi utentem ius fuit, probabile igitur eam sua voluntate concessisse, quia non prohibuit. Fortasse non est ita, sed in re dubia diuturnitas temporis fidem huius rei facit, id est, non servitutem efficit, sed servitutis probationem: in rebus corporalibus longe contra. Nam fieri potest, ut domini ignoret rem suam possideri: Et ut sciat possideri, non tamen quoties vult, possessionem revocare potest. Nam etiam si denunciaverit possessori ut cedat possessionem, non cedit, nisi volet. Quid si aliquis ignorante domino aquam ducat? Res. hic locus erit sententia Daerens, nempe non aliter ꝛ servitutem acquiri nisi ex iusta causa & titulo possidendi; at si possedit, acquirit, quavis ignorante domino. Colligitur ex hac *L. in prin. L. ultim. in fin. codic. de præscript. longi tempor.* Hinc colligere potes quomodo servitutes usufructu possunt, aut non possunt. Si quis servitutem non habet, si non habet ius aquæ ducendæ, & tanquam habeat, in alieno ædificat: quo iure ædificium habet? De hoc sit Responsio. Qui ꝛ ædificavit, dominum amisit, quoad eodem statq. erit. Cur hæc verba sunt addita? quia deposito ædificio, res ad pristinum dominum revertitur, nisi donandi animo fecit, ut *L. 2. de rei vindic.* hic antinomial ita distinguit. Non semper qui ædificat in alieno, donasse videtur. *L. adeo, §. ex diverso, D. de acquirend. rerum domin.* Resp. videtur ꝛ donasse qui in alieno ædificavit, si materia dominus fuit: si non fuit, non intelligitur donasse, quia dominium transfert, non pretium, *L. traditio, de acq. dom.* hoc casu dominum ad pristinum dominum revertitur, id sensit Caius. *L. adeo, §. ex dicere-*

diverso, de acquir. re. domin. Dicit materiam vindicationem aedificatori non competere. Ergo aedificatorem intelligit, qui

dominus fuisset. Nam nisi domino vindicatio non datur. *L. in rem in princ. D. de rei vindicat.*

L. & in provinciali, 3.

Imp. Alexander, A. Ricanæ.

Et in provinciali prædio constitui aqueductus vel aliæ servitutes possunt: si ea præcesserint, quæ servitutes constituunt. Tueri enim placita inter contrahentes debent. Quare non ignorabis, si priores possessores aquam duci per prædia prohibere iure non potuerint, cum eodem onere perseverandæ servitutis transfere ad emptores eadem prædia posse. PP. Kal. Maii, Maximo II. & Æliano Coss.

S U M M A R I A.

1. *Servitus a domino prædii dumtaxat constitui potest, aut acquiri.*
2. *Provincialia prædia quæ sint.*
3. *Illæ e genere rerum nec mancipi fuisse.*
4. *Servitus illis imponi non poterat a privato, sed iure constitui dumtaxat, sive tempore quæri.*
5. *Quid postea ex iure iustinianeo.*
6. *Servitus ab eo solo constituitur qui prædium possidet.*
7. *Servitus in provinciali prædio constituta debetur a prædio, non a persona.*
8. *Hæc eadem cum prædio transit in quemcumque possessorem.*

Constat servitutem constitui pactionibus & testamento. Quæritur a quo constitui possit. Placet ab eo tantum, † qui dominus est, quemadmodum & acquiri. *Iustit. §. ides de servitutibus;* hinc questio; possit ne servitus imponi prædio provinciali, fuit dubitatio huiusmodi. Evicta provincia a Populo Romano iure belli † prædia Populi Romani fiebant, argumento. *Leg. Item, de acquir. rer. domin. Leg. divus, de iure fisci,* hæc concedebantur, deinde provincialibus; sed ita, ut pro dominis dumtaxat haberentur; re vera eum dominiam esset populi Romani hoc licet intelligere ex eo quod † prædia provincialia dicta sint res nec mancipi, id est, quæ non essent in dominio, de quo Ulpianus in *fragmentis tit. de domin. rer. acquir. L. unica, C. de usufruct. transformand.* ut nec quovis modo dominium harum rerum transferri possit, ex §. *per traditionem, Iustit. de rerum divis.*

Huius quoque rei argumentum fuit; quod hæc omnia stipendiaria & tributaria erant. Hinc consequens erat in provinciali prædio, † servitutem imponi non posse, quia non esset dominus prædii,

qui constitueret. Sed nihil obest, iure quominus constitui possit. R. quia si non optimo iure haberentur, tamen aliquatenus domini iure haberentur; unde longo tempore potuerunt tradi, nunc omnis questio sublata est, quia † differentia inter prædia provincialia & Italica sublata est. *L. unic. in fin. C. de usufruct. transf. §. per traditionem, de rer. divis.* Item hoc relinquatur ab eo solo † servitutem constitui posse, qui prædium possidet, Constituta servitute in prædio provinciali, consequens est; ut eadem iure servitutis habeatur, quod subiicitur in fine huius referipti. Id autem ut servitus † constituta a prædio, non a persona debeatur. Item ut prædio alienato † eum sua conditione & servitute alienatum intelligatur, id est, non teneatur servitute, qui constituit, sed qui fundum possidet. *L. alienatio, de contrahend. empt. & vendit. L. traditio, de acquir. rer. dom. L. via, §. si fundus, de servit. rust.* Huc illud referri debet; servitus semel constituta adversus quenvis possessorem fundi recte vindicatur. *L. 1. §. competit, de aqua quot. & aestiva.*

L. Aquam

L. Aquam 4.

Imp. Alexander A. Cornelio.

Aquam qua in alieno loco oritur, sine voluntate eius ad quem usus eiusdem aquae pertinet, prætoris edictum non permittit ducere PP. Idib. Aug. Maximo II. & Eliano Coss.

S U M M A R I A.

1. *Servitus aquae non solius domini, sed illius etiam ad quem usus aquae pertinet voluntate est constituenda.*
2. *Qui contra ea fecit, tenetur edicto de aqua quotidiana &c. & quomodo.*
3. *Quando ille, cui aqua usus ante concessus fuit, possit hoc interdicto experiri.*
4. *Ratio conciliandi L. rusticorum. 1. §. 2. D. de servit. P. R. cum L. ait §. 1. D. de aqua quot. & aliv.*

Effectum est superiore referipto servitutem duntaxat a domino fundi recte constitui; hic locus eodem pertinet hoc modo: An a solo domino recte constituitur, ut solius domini voluntas exquiratur; de hac re est hoc referiptum. In cæteris servitutibus solius domini sufficeret; in aquæ ductu t contra, non tantum eius in cuius solo aqua hauritur; sed etiam eius, ad quem usus aquæ pertinet, voluntas exquirenda. His verbis, *ad quem usus aquae pertinet*, intelligimus non Dominum aquæ, sed etiam eius servitus aquam debetur, id est, cui iam usus debitus est. Cur? quia eius ius agitur. Iuriseonsultus sic hunc locum interpretatur, velut ex professo. *L. in concedendo & L. sequen. D. de aqua plu. arcend.*

Quid si contra factum sit? Resp. Contra id fieri edictum prætoris vetat. Ita qui contra t fecerit, edicto prætoris tenetur. Quod iam Edictum prætoris hic intelligit? R. Intelligit edictum de aqua quotidiana & æstiva ut sit sensus; si cui

semel aquæ ductus concessus sit, & sine voluntate eius alteri eedatur, interdictum illi competet de aqua quotidiana. Cur hoc edictum intelligimus? Resp. Natura docet, quod edictum illud vetat vim fieri, quo minus aqua ita dueatur, ut prius duebatur. *L. 1. in princip. de aqua quot. & æstiva.* At is cui primo aqua concessa est, non potest ita aquam ducere, si alteri eedatur. Nam alteri cedendo aqua minuitur. *L. in concedendo, de aqua plu. arcend.* Ex quo colligitur, eum cui primo aqua cessa est, ex fonte, ita demum t posse hoc interdicto experiri, si postea aqua eedatur: si aquæ ductus sufficiens non sit: sic si erit puteus, nihil interest. Ideo non ager. Sic conciliandus t locus legis secunda in fin. de servit. rustic. prædior. qui cum hoc adversari prima facie videtur. Notandum utrumque hoc referiptum pertinere ad constitutionem servitutis, ut quærat. Quis ius constituendi habet.

L. Si quid 3.

Imp. Philippus A. & Philippus Caesar Luciano militi.

Si quid pars adversa contra servitutem aedibus tuis debitam iniuriose extruxit: praeses provincia revocare ad pristinam formam, damni etiam ratione habita, pro sua gravitate curabit. PP., Kal. Febr. Praesente & Albino Coss.

S U M M A R I A.

1. *Qui servitutem habet, potest omnia facere quae admittit lex servitutis.*
2. *Adversus impediendum utitur ille actione confessoria.*
3. *Quas res persequatur haec actio.*
4. *Opus adversus servitutem factum cuius sumptibus restitui debet.*

Diximus, servitutes quomodo constituantur. Hoc rescriptum habet vim servitutis constitutae. Servitutis constitutae vis haec est: secundum legem § servitutis omnia oos facere posse in fundo vicini sine detrimento. Impeditur autem uti quis, non tantum manu, sed & opere facto; ut si quis in loco itineris aedificet, si in loco stillicidii recipiet aedificium: Igitur servitute continetur ne quid horum fiat, quod si contra fiet, quod remedium est? Est § actio de servitute confessoria L. 2. si servit. vindic. haec actio datur adversus omnes. In hos qui impediunt servitutem uti. L. si quis diuturno, in fin. si servit. vindicatur. Quod § persequitur, ut servitus constitutur una cum omni damno. L. is cuius si servit. vind. Ea re hoc continetur, ut si quod opus factum est, id tollatur, quod hoc rescripto dicitur de opere restituendo; item, L. 9. si in aedibus, eod. tit. Præter restitutionem operis damnum etiam sarcire debet, idque est fructus servitutis L. loci §. in confessoria, D. si servit. vind.

Quæro; Opus contra servitutem factum debet restitui confessorio iudicio. Utrius sumptibus: an vindicantis, an eius cum quo agitur? distinctio § sumenda ex aliis locis, si is, cum quo agitur, id est, possessor fundi, opus fecit: suis sumptibus restituet. Si opus ab alio factum est, nihil nisi patientiam præstabit; sumptibus autem vindicantis restituetur, ex L. competis, §. ultim. D. quod vi, aut clam. L. si tertius, §. ult. de ag. plu. arcend. act. Huius posterioris exemplum est: frange dominum in loco servitutis aedificasse, deinde fundum vendidisse. Emptor convenietur confessoria actione, quia habet potestatem operis restituendi: veruntamen opus restituetur eius sumptibus, non vindicantis, utrum igitur adversus eum, qui opus fecit, agi potest & quo iure? Resp. ioterdicto, quod vi, aut clam agi potest; ut in exemplo superiore adversus venditorem, d. L. competis, §. ultim. quod vi, aut clam ubi scriptum est, hoc ioterdicto posse adversus eum agi, etiam si non possidet.

L. Praeses

L. Præses 6.

Imp. Cladius. A. Prisco.

Præses provincie usui aquæ, quam ex fonte iuris tui profluere allegas, contra statutam consuetudinis formam carere te non permittet: cum sit durum & crudelitati proximum, ex tuis prædiis aquæ agmen ortum, sitientibus agris tuis, ad aliorum usum vicinorum iniuria propagari. PP. VII. Kal. Maii, Claudio. A. & Paterno Coss.

S U M M A R I A.

1. *Qui in fundo suo fontem habet, aqua pro modo agri uti potest etiam cum damno inferioris prædii.*
2. *Verba illa, contra statutam consuetudinis formam quid significant.*

3. *Qui natura defluxit ex meo fonte rivus in inferiora prædia per longum tempus potest per me ab iis prædiis avocari.*
4. *Isdem prædiis non est quaesita descendendi rivus servitus, & quare.*

HOC loco confirmat sententiam, quam proposuimus in L. 1. b. tit. licet in resuæ cuilibet facere, etiam si quod commodum vicino auferat. Species facti proposita est huiusmodi: ex fonte, qui in meo nascitur, rivus natura defluit in inferiora prædia. Ego sitientibus agris meis aquam non derivo, eamque prædiis inferioribus avoco. Queritur si ne vicinis ulla actio, qua me facere prohibeant; prescriptum est ¹ non esse me prohibendum aquæ usu quæ in meo fundo nascitur. Ratio; quia est periniquum ipsum me aliis concedere, meo non uti posse, Ratio ex lege naturæ Summa igitur ea, quam dixi.

Queritur, quid significant verba illa: *contra statutam consuetudinis formam* &c. Si horum verborum sensus hic erit: non sum prohibendus uti aqua quæ in meo oritur, si statuta forma consuetudinis id possidet, uti possum: Sensus huius loco non congruit, quia imperator dicit, simpliciter me aqua uti posse, siue solem ita uti, siue non: Ratio; quia nisi id concedatur, contra naturam agitur. Ergo assus est sensus. Igitur ² statutam formam consuetudinis interpretatur statutam formam naturæ; ut sit sensus, esse ex forma naturæ

statuta, & certa, qua quisque solet uti in suo: cum usus sit, aliis relinquitur quod supersit. Contra hanc formam non sum prohibendus mea aqua uti. Hinc oritur quaestio. Quid si rivus de quo agitur, per longum tempus in prædia inferiora descendit: possumne post longum tempus rivum vicinis avocare? Resp. Locum hic generaliter sumptus est, & dicendum, ³ posse me avocare. Quaestio est; an vicinis servitus quaesita sit rivi descendendi. Resp. ⁴ quaesitam servitutem non esse; hac ratione; quia nemo servitutem acquirit, nisi utatur tanquam suo iure. *L. ult. D. quando servitus amittit. L. ultim. de iussumre atque privas.* vicini autem hic aquam non duxerunt tanquam sibi debitam, sed tanquam fluente natura uti sunt; non usuri, si prohiberentur ab initio. Si quis sententiam huius loci confirmare velit, hoc adiciat; Non sum prohibendus vicinis aquam avocare, quia nec vicini aquam vindicare possunt; non enim illorum est contra me agere ius mihi non esse ita agendi, quia non constitui servitutem: nullum enim damnum est, si lucrum prohibeam, quod prius consequerentur, *L. Proculus, de damn. infect.*

L. Si manifeste 7.

Imp. Dioclet. & Maxim. AA. & CC. Iuliano (PP.)

Si manifeste doceri possit, ius aque ex vetere more atque observatione per certa loca profluentis utilitatem certis fundis irrigandi causa exhibere: procurator noster, nequid contra veterem formam atque solemnem morem innovetur, providebit. PP. IV. Non. Maii, Maximo II. & Aquilino Coss.

S U M M A R I A.

1. Rivo ex publico flumine, qui vetere more irrigat inferiora pradia, uti non prohibentur vicini & num. 3.

2. Cessante vetere more, duci rivus ex publico flumine non potest.

4. Rescriptum hoc cur de rivo ex publico flumine exponendum.

5. Eiusdem rescripti summa.

Species est hæc: ex flumine publico, rivus natura decurrit, inferiora pradia irrigat, idque veteri & ulitato more. Quæsitum est; † an vicini, qui aqua utuntur, prohiberi possint a procuratore Principis ne utantur. Denique possitne procurator in his aliquid innovare. Respondeo, contra veterem morem nihil innovari posse: unde colligitur, si ex veteri more aqua non fluat, procuratorem innovare non posse: Denique vicinos rivo uti non posse.

Ratio; quia ex flumine publico † aquam ducere non licet sine permisso Principis, L. 2. de flumin. publ. Ergo oportet veterem morem præcessisse; veterem intelligimus, quoties facti non extat memoria, Ex L. 2. §. 1. de uq. plu. ar. cend. aff. Hic obicitur dicta Lex 2. D. de fluminibus ubi sine distinctione traditur, non licere ex flumine publico aquam ducere, nec quidquam agitur, utrum veteri more aqua ducatur an non? Respondeo: ducere aquam non licet. Ea, quæ

sponte naturæ ex flumine fluat, † uti licet, quoties non intelligitur, quis dederit id; hoc colligitur ex verbis huius: *Licere uti ex vetere more.* Veterem dixi, quoties facti non extat memoria. Unde colligimus † rivum duci ex flumine publico, cum scriptum non sit? colligitur hinc, quod procuratorem fisci iudicem quæstionis faciunt Imperatores vel actorem. At in re privatorum non est locus cognitioni procuratoris fisci, L. 1. C. de Jurisdiction. omnium Iudic. Hinc colligitur necesse esse aquam ex flumine publico colligi. Ex his rebus † summa est; si rivus ex fonte aut flumine ducatur, quæritur possintne prohiberi vicini ex rivo uti? Respondeo. Si ex privato fonte rivus ducatur: prohiberi possunt, L. præses, hoc titulo. Si ex flumine publico: non possunt contra veterem & ulitatum morem; ante vetustatem prohiberi possunt, id est, quamdiu restabit, quis duxerit ex hac L. manifeste Ratio; Quia ex flumine publico ducere non licet.

L. Non modus 11.

Imp. Diocletian. & Maximian. AA. & CC. Valeriz.

*Non modus prædiorum, sed ferocius. aqua ducenda terminum facit.
PP. III. Kal. Iun. CC. Coss.*

S U M M A R I A.

1. *Servitute aqua ducenda constituta, non potest certum aquæ modum invito servientis prædii domino augere qui utitur.*
2. *Quantum hic idem facere possit qui utitur, non ex commodo dominan-*

- tis prædii, sed ex ipsa servitutis constitutione debet estimari.*
3. *Quid sit ab initio constitutum, aut ex verbis, aut ex eo quod actum est, intelligitur.*

Species est eiusmodi: quoties aqua constituitur, necesse est natura ad certum modum initio duci, & latitudinem. Ergo cui aquæductus ad certum modum constitutus erat, is aquam ductum postea dilatare voluit; quod ducere aquam prædii suis non sufficeret, æquum esse tantum duceretur, quantum prædii satis esset. Quæsitum est, an possit facere; & si prohibeatur, possit intendere ius sibi esse ita ducendi. Placet tamen hoc non posse ita agere: quia non modus prædiorum, sed servitus spectanda est; servitus aquæ terminum facit, non modus, id est, quantitas & amplitudo prædiorum, ad quam aqua ducitur; servitus autem est servitutis constitutio, quæ aquæ ducendæ potestatem determinat, ut tantum duci possit, quantum ab initio ductum est, ultra non possit. Generaliter hic locus definitus est.

Est locus communis in servitute, is est servitus cessa est, quantum in ea re facere possit. Hæc definitio de ea re tenenda; non est iudicandum tamen ex commodo aut incommodo prædii dominantis, sed ex lege constitutæ servitutis, hoc modo: quantum initio concessum est, tantum facere licebit, si quid aliud facere velimus, hæc regula tenenda est; meliorem conditionem prædii servitutis facere licet, deteriore non licet, hæc Regula tradita est *L. servitutis, §. fideiucidium, de servit. arch. præd.* Hæc definitio sumpta est ex lege natura, aliis non licet de nostra sumere, nobis invitis, *L. solvendo, D. de neg. gest.* Quid autem tamen constitutum sit ex verbis cuiusque servitutis intelligetur, item ex eo, quod initio factum est, quod mutare non licet *L. si qui simplicius, de servit.*



L. Sicut usufructum 13.

Imp. Iustinianus. A. Ioanni Praefecto praet.

Sicut usufructum qui non utendo per biennium in soli rebus, per An-
nale autem tempus in mobilibus vel se moventibus deminuebatur, non passus
sumus huiusmodi sustinere compendiosum interitum, sed ei decennii vel vi-
ginti annorum dedimus spacium: ita & in cæteris servitutibus obtinendum esse
consumimus, ut omnes servitutes non utendo amittantur, non biennio (quia tan-
tummodo soli rebus annexæ sunt) sed decennio contra præsentem, vel viginti
spacio annorum contra absentes: ut sit in omnibus huiusmodi rebus causæ si-
milis, differentiis explosis. Dat. XV. Kal. Novemb. Constantinop. post Con-
sulatum Lampadii, & Orestæ VV. CC.

S U M M A R I A.

1. Prædiorum servitutes morte non amitti, nec capitis diminutione.
2. Item nec rei mutatione, quandiu ali-
quid eiusdem rei superest.
3. Servitutes amitti tribus modis, &
qui sint.
4. Amitti tempore, an omnes, & au-
dem modo.
5. Item sine auctoris fallo, & quæ spe-
cies eiusmodi.
Aut contra fallo & voluntate illius
cui debentur, tribus id genus mo-
dis & n. 6.
7. Remissione vel aperta vel tacita.
8. Confusione; Ratio exponitur.
9. Non utendo: ad non usum requiri
ut nemo utatur, idque per longum
tempus.

10. Servitutibus prædiorum nemo utitur,
si omnino nullus aut nostro aut præ-
dii nomine utatur; personarum ve-
ro, si qui eas habet nec utatur per
se, nec per alium & n. 11.
11. In eo quod quis utatur, spectari hæc,
usum ipsum & tempus.
12. Duo esse per quæ quis utitur; utrum
quis utatur, aut secus, ex iis ubi
adsunt, aut desunt, æstimari &
n. 14.
13. Tempus utendi olim biennio fuisse de-
finitum: Iustiniano hoc in re ad
decem aut viginti annorum spa-
tium esse productum.
14. Quotidiana servitus decennio, alter-
nis annis aut longioribus inter-
vallis constituta viginti annorum
spatio amittitur non utendo.

IN hac lege de uno modo amittendæ
servitutis agitur, locus igitur nos mo-
net, ut in universum videamus, quibus
modis servitutes prædiorum amittantur.
Ex his modis, quibus reliquæ servitutes
amittantur. Prædiorum servitutes qui-
busdam amittuntur, quibusdam non a-
mittuntur. Quibusdam modis non amitti
† constât; non morte eius, cui consti-
tutæ sunt, neque capitis minutione L. 3.
quomodo servit. amitt. Quia servitutes hæc
prædio debentur, non personæ. L. an.
de servit. rust. præd. Igitur prædium se-
qui necesse est. At prædium neque mori-
tur, neque capite minuitur. Præterea rei
mutatione † non amittuntur, quandiu ex
substantia rei aliquid superest; ut debe-

tur ædibus servitus stillicidii amittendi,
sustuli ædes, res mutata est. Aliis ædi-
bus reparatis eadem servitus debetur. L.
servitutes, §. si sub, D. de serv. arb.
præd. At servitus usufructus amittitur,
sublato corpore. L. quis ergo, §. non est
dominus, quib. modis usufr. amitt. Ergo
amittuntur servitutes his † modis partim 3
tempore; partim sponte sua, & sine fa-
cto eius cui debentur; & partim volun-
tate sive facto eius. Tempore † amittuntur, 4
si ad tempus constitutæ erant, in quo dis-
similitudo occurrens servitutum observa-
tur. Usufructus recte ipso iure ad tem-
pus constituitur. L. & usufructus §. D.
de usufr. Et ideo post tempus ipso iure
amittitur. L. si pater. sup. proximo sit.

At

At servitutes prædiorum ipso iure ad tempus constitui non possunt. Si tamen sunt constitutæ ad tempus: pactio valebit tutione prætoris. *L. 4. D. de servit. Secundo* † sine facto amittuntur, si constitutæ sint ab eis, qui ad tempus dominium habuerunt. Finge, fundo sub conditione legato heredem pendente conditione servitutem imposuisse fundo; existente conditione dominium transiit ad legatarium: sine facto eius amittitur servitus. Exemplum est in *L. si fundum, de condit. & demonst.* Diversum est, si is qui ad tempus dominium habebat, servitutem quaesierit, ut io dicto exemplo. Nam post tempus nihilominus servitus manet. *L. si in §. ult. D. quomad. servi. amitt.* Ratio divertitatis, quia quisquis alteri prodelle non potest, nocere non potest *L. salvendo, de neg. gest.* Voluntate † & facto eius, cui servitus debetur, servitus amittitur tribus modis: Remissione, confusione prædiorum & non utendo. Remissione † *L. 6. §. possum, & seq. D. quem. serv. amitt.* Remittere intelligitur, non tantum aperta voluntate; sed si concesserit facere aliquid in loco servientie, quo facto usus impediatur: vel uti adificare in itinere, in loco, in quem stillicidium cadit. *L. si stillicidium, D. quem. serv. amitt.* quod sic intelligitur, si non ratio aliqua hanc coniecturam vincat, ex exemplis horum capitur. *L. si domus de servit. urb. prædior. L. si mihi, de servit. rust.* Confusione, † quoniam idem dominus esse incipit prædii dominantis & servientis. *L. 1. quand. servitus. amitt.* Ex quo loco nascuntur quaestiones, quas mitto. Ratio: Quia res sua nemini servire potest. Ratio rationis. Propterea quod in re sua quisquis facit, suo iure facit, non alieno. Sic in *L. in re commun. D. de servit. urban. præd. L. uti. D. si usufr.*

Non utendo † amittitur, si duo concurrant: si nemo usus sit; deinde si per constitutum totum tempus usus non sit. *L. 5. de servit. urban. præd.* Hoc requiritur 1. ut nemo utatur, hoc ideo dico: ut intellegamus sufficere ad retentionem servitutis, si † quis tanquam debita servitute

utatur; etiam si non sit dominus fundi, neque nomine domini utatur. Exemplum: per prædionem fundi servitus retinetur *L. qui fundum L. usu. & L. L. sequentib. quomad. servitus. amittit.* In usufructu & servitutibus personalibus diversum est: non retinet † quisque usufructum, nisi qui utitur vel per se, vel per alium. *L. non utitur D. de usufruct.* Causa dissimilitudinis, quia servitus prædii prædio debetur. Itaque satis est prædii causa quem usum esse servitute. In hac re duo spectanda sunt; † usus servitutis, & tempus, quo usus quis non est. Uti † videtur, qui tanquam debita servitute utitur, & ad modum servitutis constituta. In quo alterum † deest, hic non utitur, licet faciat quod sit servitutis. Primo non utitur, qui tanquam sibi debita servitute non utitur, quod explicat, *L. ultim. quomad. servit. amitt.* Secundo non utitur, qui non utitur eo modo, ut servitus constituta est. Exemplum: via concessa est, ut quis certo vehiculi genere utatur; eo usus non est; non videtur etiam usus servitute. Exempla sunt similia. *L. 12 cui, in princ. & L. si communem, & L. sequenti D. quomadmod. servit. amitt.* Secundo tempus spectandum est; tempus in hac re constitutum fuit, † olim biennium, nunc decem annorum inter præsentem, viginti inter absentes. Id effectum est, hac *L. pen. b. tit.* Hinc quaesitum est; Quid si servitus per intervalla temporis constituta sit, ut quis certis diebus vel temporibus utatur. Quæro an in tempore hoc legitimo non computentur dies quibus quis vii non potuit. Resp. non computabuntur. Est enim iniquum nocere cuiquam, quod si vellet, præstare non potuit. *L. 1. in fin. de annali except.* Secundum hoc, hæc veterum distinctio tradita est † si servitus quotidiana est constituta, legitimo tempore non utendo amittetur; si per intervalla temporum constituta est, non nisi duplicato legitimo tempore amittetur, *L. si sic constituta, D. quomad. servit. amitt.* Ex hac re nata est dubitatio in specie, quam refert Iustinianus hac *L. ultim.*



L. Cum talis ult.

Imp. Iustinianus A. Ioanni prefec. praes.

Cum talis questio in libris Sabinianis verteretur: quidam enim pactus erat cum vicino suo ut liceret ei, vel per se, vel per suos homines per agrum vicini transitum facere, iterque habere uno tantummodo die per quinquennium, quotiens ei licentia esset in suam sylvam inde transire, & arbores excidere, vel facere quidquid [necessarium] ei visum fuisset: & quaereretur, quando huiusmodi servitus non utendo amitteretur: & quidam putarent, si in primo vel secundo quinquennio per eam viam itum non esset, eandem servitutem penitus tolli, quasi per biennium ea non utendo deperdita, singulo die quinquennii pro anno numerando: aliis [autem] aliam sententiam eligentibus, nobis placuit ita causam dirimere, ut quia iam per legem latam a nobis prospectum est, ne servitutes per biennium non utendo depererant, sed per decem vel viginti annorum curricula: & in propostis specie, si per quatuor quinquennia nec uno die, vel ipse, vel homines eius eadem servitute usi sunt, tunc eam penitus amittat viginti annorum desidia. Qui enim in tam longo prolixoque spacio suum ius minime consecutus est, sera poenitentia ad pristinam servitutem reverti desiderat.

S U M M A R I A.

1. Omnes rusticorum & urbanorum praediorum servitutes non utendo amittuntur, sed rustica non utendo simpliciter; urbana vero non

aliter, quam si vicinus adium suarum libertatem usurpet.

2. Differentia ratio explicatur.

DE hoc exemplo licet ita statuere: superior distinctio locum non habet in specie *L. ultima b. tituli*, quia alioqui res exitum non inveniret, nisi amitteretur servitus tempore constituto. Omnes servitutes praediorum tam rusticorum, quam urbanorum non utendo amittuntur, sed una dissimilitudo est. Nam rusticorum praediorum servitutes solum non utendo amittuntur: urbanorum non amittuntur aliter, quam si vicinus libertatem adium suarum usurpet. Ergo qui iter debebatur per 10. annos non ixit; iter amisit, quando vicinus aditum fundi sui non praecloserit. At in servitutibus urbanis contra *L. hac autem, de serv. urb. praed.* Ratio diversa iuris est difficilior. Secundum ius nemo adium suarum libertatem acquirat, nisi qui eam usurpaverit. Itaque secundum naturam est, ut in omnibus servitutibus libertatem quis suam usurpet, ut eam tempore acquirat. Sed hoc ita est, si modo & fieri possit; si non potest, non

debet exigi a vicino, ut libertatem usurpet. Denique non debet ei imputari, si non fecit quod non poterat. At in servitutibus rusticis nihil est, quod vicino imputetur, si libertatem non usurpet. Ratio; quia si is cui servitus debetur, servitute non utitur, non ideo certum est eum esse hoc animo, ut nolit uti; quis si hodie non ixit, cras ibit; si non cras, perendie. Hoc cum ita sit; illicite faciat vicinus si adium praeccluderet cum nesciat an adversarius uti vellet necne. At in servitutibus urbanis contraria ratio est. Nam servitutes urbanae non sunt in facto utentis, sed in opere aliquo, quo sublato perspicuum est eum qui iussit, servitute nunc quidem uti nolle. Exemplum: servitus, ne luminibus officiaur, est in meis fenestris, servitus tigni immittendi est in tigno immisso, *L. servitutes, D. de serv. urb. praed.* hoc probatur, ubi scriptum est eas retineri per habendi consuetudinem: Sciendum hoc est, quod vicino imputetur, si

cum

cum intelligat fenestras adversarii sublatas esse, ædes suas non tollat alias. Huc pertinet dictum Scævola, iura vigilantibus scripta sunt, idest eis, qui sibi cavere pos-

sint, aliis non debent nocere, *L. penult. D. quæ in fraud. credit.* hæc est, summa horum modorum.

Leg. ult. §. 1.

Cum autem apertissimi iuris est, fructus aridos conculcatione quæ in area fit, suam naturam & utilitatem ostendere: aliquis vicinum suum vetabat ita ædificium exollere iuxta aream suam, ut ventus excluderetur, & paleæ ex huiusmodi obstaculis secerni a frugibus non possent, quasi vetito vento suam vim per omnem locum inferre ex huiusmodi ædificatione, cum secundum situm regionis, & auxilium venti aream accendit. Sancimus itaque nemini licere sic ædificare, vel alio modo versari, ut idoneum ventum & sufficientem ad præfatum opus infringat, & inutilem domino aream, & fructuum inutilitatem faciat. *Dat. XI. Kal. Novemb. Constantinop. post Consulatum Lampadii & Orestæ VV. CC.*

S U M M A R I A.

1. Exceptio altera qua quis, etsi non debeat servitutem, ædificare prohibetur.
2. Ratio excipiendi quæ fit.
3. Summa rerum, & superiorum legum, ad præcipua rerum capita ordine accommodata recensio.

EX hoc §. licet ita dicere; duæ sunt exceptiones in quibus quis, quanvis servitutem non debeat, tamen ædificare non possit. Prior est in *L. 1. b. t. §. 1. Altera in L. ultim. §. ult. eod.* si quis ædificandq; necessarium ventum areæ vicini auferat, qui ventilare frumentum solebat secundum spatium regionis. Ratio huius & exceptionis singularis est in fructibus, ut censet vetus interpret in glossa, id colligitur ex verbis his: *ventum idoneum ad præfatum opus*: ut intelligamus, si aliud opus sit, non esse idem ius. Item ex his verbis: *fructuum in utilitatem*, ut intelligamus, tantum in fructibus valere hoc ius. Ordo eorum, quæ diximus, † hic est: In servitutibus fere hæc capita considerata sunt. Primum, quando servitus est ut quis patiatur in suo, aut aliquid non faciat, *L. quoties, §. ult. de servis. D. b. t.*

facere, nisi servitum debeat, non licet, *L. alius, b. t.* nisi duobus casibus exceptis, alter *L. 1. alter L. ult. §. ult. b. t.* servitute debita, hæc omnia licent. Secundum caput: quomodo servitus imponatur. Aut usu quæritur, aut constituitur. Usu, hoc modo: si quis usus sit per 10. annos, nec vi, nec clam, nec precario, *L. 2. b. t.* In constitutione servitutis duo spectanda sunt; Quis constituat, & modus constituendi.

Quis constituit? A domino constituitur duntaxat, consentientibus iis, ad quos ea res pertinet. *L. aquam, b. t. L. 3. b. t.* modus constituendi idem, qui in cæteris rebus corporalibus, nempe; ut aut pactione, aut testamento constituitur, *§. ult. Inst. de servis.* Tertius locus, servitute constituta usus servitutis quæritur. In hoc duo quæruntur: ad quem usum servitutes pertineant, alterum quid liceat facere in servitute.

Primo considerandum: quid facere liceat in alieno, quid prohibere: de his sunt iuris definitiones: in alieno facere ire esse, habere, de alieno sumere non licet invito domino; nisi servitum debeat. Huc pertinet *Lex præses, Lex sequens. L. si tibi, C. b. t.* Prohibere quoque domum

Cui servitutes debeantur.

Hic iuris est: servitus prædij a prædio debetur, & prædio debetur. Ex eo efficitur, ut quisquis prædium possidet, servitutem debeat, *L. 3. b. t.* & viceversa, quisquis prædium habet, is servitutem debitam recte vindicet. *L. viam, §. si fundus, de servit. rust. præd.*

Quid facere liceat.

Hæc definitio est: ex definitione servitutis id æstimaudum est. Quantum concessum est, tantum licet, præterea nihil, ne durior conditio efficiatur fundi servientis. *L. non modus, hoc tit.* Quarto queritur; si servitutem tenere non licet, & quæ sit ratio tenendi. Resp. Confessoria actio, de qua *L. b. tit.* Postremo queritur, quantum retineatur & quamdiu. Resp. Donec causa est. Quibus modis amittatur, diximus *L. penult.*



AD TIT. XXXVI. LIB. III.

C. Familiæ Erciscundæ.

L. Filium quem.

Impp. Dioclet. & Maximian. AA. & CC. Socrati.

Filium quem habentem fundum, portionem hereditatis fratribus & quibusdam aliis sub conditione verbis precariis restituere sanxis testator: post eius [conditionis] eventum hereditaria parte prædii in quartæ ratione re-tenta, compensato præterea quod a coheredibus vice mutua percepit, [et] si quid deest, in supplementum deducto, quod a cæteris in eo fundo solvitur, supra quartam habens, reddere compellitur. Dat. V. Non. Ian. CC. Coss.

S U M M A R I A.

1. *Species facti conveniens huic rescripto, quæ & sigillatim ex verbis adstruitur.*
2. *Proponi hic filium, non qui haberes fundum concessum in pecuniam a patre, aut donatum, cum rogabatur; sed qui rogatus sit restituere habens fundum, id est, habito prius, & præcepto sibi fundo.*
3. *De lectione, filium quem, & filius quem.*
4. *Questio rescripti, & ambigendicassa.*
5. *Sententia rescripti de proposita questione, quæ & sigillatim expositis verbis rescripti in singulis suis partibus confirmatur. & seqq.*
6. *Prædii portio hereditaria hic, cuius prædii, & quæ intelligatur; & quid sit, cum in quartæ portione retineri.*
7. *Compensari in quartam hic dici ea, quæ vice mutua capiuntur ab herede: cur potius, quam imputari in quartam.*
8. *In his verbis, Si quid deest, in supplementum deducto, quomodo species fungi debeat: & quod ad quar-*

tam deest, unde deducendum: tam quomodo locus interpungendus.

9. *In his verbis, Quod a cæteris in eo fundo solvitur, cæterorum verbo intelligi cæteros coheredes: & soluti verbo, partes fundi prælegati, quæ a cæteris iure legati capiuntur.*
10. *Hæc verba, reddere compellitur, referri debere ad portionem hereditatis fideicommissæ reddendam, non ad id, quod in fundo prælegato a cæteris solvitur.*
11. *In fideicommissariam hereditatis restitutionem venire fundi prælegati partem hereditariam, præterquam duobus casibus, & quibus.*
12. *In quartam Trebellianicam legatum imputari, cum res solida iure legati a coherede accipitur: in prælegato autem nihil amplius, quam quod capitur iure hereditario.*
13. *In prælegato non imputari in quartam eas partes, quæ iure legati capiuntur, ne adversus eos quidem coheredes, a quibus vice mutua capiuntur,*

Speciem † facti rescripto convenientem, de qua tantopere certatur inter omnes, initio sic accipe. Pater, qui filios tres habebat, Primum, Secundum, & Tertium, eos heredes instituit ex æquis partibus. A Primo petiit, ut portionem

Tom. VII.

suam hereditatis restitueret fratribus suis, & aliis duobus quibusdam cognatis sub eonditione, si navis ex Asia venires; deducto tamen prius, sive præcepto fundo hereditario, quem designavit; aut quod idem valet, fundum quemdam hereditarium

F f

rium

rium ei prælegavit, coheredes damnavit, ut illi decem darent, aut rem aliquam suam dignam decem aureis. Hanc eandem huius rescripti speciem Polito Senensi docto Iuriconsulto visam esse commemorat Alciatus lib. 6. *Parad. c. 5.* Nos & verbis expressam, & re aptissimam esse doceamus. Fingimus patrem habuisse tres filios cum minimum. Id hoc rescripto evidenter significatur, cum dicitur filius rogatus restituere portionem hereditatis fratribus, & fratres eius nominantur postea coheredes. Fingimus hunc filium Primum rogatum esse restituere portionem hereditatis. Id significant illa verba: *Sanxit testator verbis precariis filium restituere.* Nam verba precaria sunt verba fideicommissi: sic enim & hæc pro eodem accipiuntur in *L. coheredi, §. cum filia, D. de vul. & pup. subsl.* sic dicta, quod fideicommissa precibus consent, puta his verbis: Peto, rogo, fidei tuæ committo. *§. pen. Inst. de sing. reb. per fideicom. relist.*

1. Fingimus ¶ rogatum esse filium restituere portionem hereditatis deducta sive præcepto fundo, aut quod idem est, ei postea fundum prælegatum esse. Id significant illa verba rescripti: *Sanxit testator filium restituere habentem fundum.* Hoc enim perinde est, ac si diceretur: Sanxit testator filium restituere portionem hereditatis; sed hac lege, ut sibi fundum prius haberet: quod fit cum sibi deducendo, præcipiendo: eumque ita habens portionem restitueret. Quod nihil aliud est, quam filium iustum hereditatem restituere deducto, aut præcepto fundo: ut non sit audiendus Alciatus, aut si qui sunt alii, qui negent his verbis deductionem, retentionem, seu malum, præceptionem huius fundi significari. Veteres, ut qui Bartolum antecesserunt, in quibus etiam est Bartolus, non ferebant hæc interpretationem, moti hac ratione, quod hic diceretur filius habere fundum, non habiturus esse; ut hæc verba referre viderentur ad tempus, quo testator sanxit, ut filius portionem hereditatis restitueret. Sed errant in eo, quod verbum *habentem* putaverunt coniungi cum verbo *restituere* a parte anteriore, quasi ita diceretur: Filius, qui habet suum, rogatus est restituere: cum intelligi debeat verbum *habentem* coniungi cum verbo *restituere* a parte posteriore ut sit sensus, qui latinæ orationi convenit: Filius iustus est portionem hereditatis restituere: sed restituere habens fundum; id est, ita, ut prius fundum haberet: quem nisi præce-

ptum & deductum habere non potuit. Et vero neque verbis huius rescripti, neque sententiæ responsi ullo modo convenire potest, ut intelligatur filius qui haberet fundum, vel in peculium sibi a patre concessum, vel donatum a patre, rogatus esse restituere portionem hereditatis. Verbis quidem minime convenit. Nihil enim amplius hic proponitur, quam filius habens fundum. Et an non potest his verbis intelligi filius emancipatus? in quem certe peculium non cadit. *L. ult. sup. de inoffic. test. L. ult. D. quan. de pec. act. est qn. Estq.* intelligatur filius tantum familias. An non potuit, qui in potestate erat, fundum habere aliunde, quam a patre; & ea lege donatum, ne ad patrem perveniret? Sententia autem rescripti etiam ultro reclamat. Nam si fundus iste in peculium tantum datus fuit, hunc filius retinere non potuit mortuo patre. *L. certum, sup. hoc. tit.* contra quam tamen hic responderetur. Si donatus fuit, & proprium filii factum fuisse volunt, nulla pars eius in quartam imputari debuit, cum iudicio defuncti non capiatur. *L. in quartam, D. ad L. Fal.* Atqui ista interpretatione reiecta, quam aperte & verba, & sententia rescripti repugnant; restat altera, ut intelligatur is fundus, quem dixi. Et vero locus, & iuris ratio ita accipi possunt: quo accepto cum per se vera sententia inducitur; tum vero fit, ut & interpretatio verbis conveniat, & imprimis congruat sententiæ. Quomodo Lancelotus Politus primus hunc locum recte accepit: in qua sententia eam quicquam mutaret Alciatus in eo paradoxo, quod dixi, nihil causæ fuisse reperimus. Fingimus coheredes damnatos decem dare. Id his verbis significatur, *compensato præterea, quod a coheredibus vice mutua percepit.* Nam hoc de fundo prælegato intelligi non potest, ex quo in quartam nihil imputatur, ut docebimus.

Lectio ¶ in hac specie observanda. Alii enim legunt, *filium, quem habentem.* alii, *filium, quem.* Posterior lectio citra controversiam recta est, ut sit hæc oratio, atque hic contextus: Filius, quem testator iussit restituere portionem hereditatis, reddere eam portionem compellitur. Prior etiam recte defendi potest, ut sit: *Filium quem, pro, quem filium* testator sanxit portionem hereditatis restituere, is filius reddere compellitur eadem forma, quæ a Virgilio dictum est, *Urhem, quam statuo, vestra est,* pro *quam urbem.* Licet etiam interpretari hoc modo: Testator sanxit, filium quem suam portionem heredit-

redit-

reditatis restituere: ut sit, *quem*, positum pro *aliquem*.

4 Fideicommissio † ita constituto, existit fideicommissi conditio. Quæsitum est, non an filius portionem hereditatis restituere cogetur ex fideicommissio (nam cogi eum certum est. *Inst. de fideicom. hered.*) sed quid retinere deberet, et eo retento, quod reliquum est hereditatis, restitueret. Nascitur hinc controversia. Voluntas testatoris hæc est, ut filius in proposito & fundum prælegatum habeat, & præterea quæ vice mutua ei a coheredibus data sunt. Ius autem etiam facit, ut quartam hereditatis, quam restituit, retinere debeat. §. *sed quia heredes*, & §. *seq. Inst. de fideicom. her.* Cur ergo dubitamus? quia hic & de fundo prælegato dubitatio est, & de quarta. De fundo hereditario dubitatur, an etiam portionem eius fundi hereditariam filius retinere possit; an contra ex causa fideicommissi restituere debeat. Nam iustus est restituere portionem hereditatis. At portio fundi hereditaria ex ea portione est; quamobrem & fideicommissio contineri videtur. De quarta autem dubitatur, non an eam retinere debeat; sed an eam habere debeat præter superiora illa, quæ filio legata & prælegata sunt; an vero superiora in quartam imputare.

5 De † his respondent Imperatores ad hanc sententiam: quod & ipsum Polito illi visum Alciato refert: Filium totum fundum, quem deducere & præcipere iussus est, retinere debere ita, ut ne partem quidem eius fundi hereditariam restituere debeat. Quod vice mutua datum est, id etiam cum eitra controversiam habere. Quod ad quartam attinet, sic eum quartam habere, ut tamen ex illis, quæ legata sunt, quædam in quartam imputet, quædam non imputet. Hæc imputat; fundi prælegati, de quo diximus, portionem hereditariam. Præterea quod vice mutua a coheredibus legatum est. Reliquas fundi prælegati partes, quas a coheredibus accipit, non imputat. Itaque si quid superioribus rebus imputatis etiam ad quartam deest, id de hereditate filius supplebit. Partes fundi, quas a coheredibus accipit, non solum in quartam non imputabit, ut diximus, sed etiam supra quartam habebit, id est, sibi retinebit. Tum superioribus illa imputatis deductive, filius & quartam, & partes fundi non hereditarias ita habens, reddere compellitur portionem hereditatis, de qua quæritur. Cum innumerabiles in hunc locum scripserint; & tamen omnium ita

Tom. VII.

sint dissentientes sententiæ, ut cum aliis sentiat nemo: operæ pretium est adversus difficultatem loci nos in superiori interpretatione certo confirmari. Eam esse verissimam ita statuimus, si & verbis scripti conveniat, & cum regulis iuris consentiat. Id expositis separatim verbis intelligetur.

¶ Aiunt Imperatores: *hereditaria portio prædii in quarta ratione retenta*. Prædium † intelligunt, quod prælegatum esse diximus. Huius portionem hereditariam cum nominant, significant, in hoc fundo quandam esse portionem hereditariam: cæteras non esse hereditarias: quod ex persona filii, cui hic fundus prælegatus est, recte dicitur. Nam is ex indicio testatoris fundum totum habere debet: sed cum habeat, habet eum duplici iure, partim hereditario, partim legati. Partem tertiam fundi iure hereditario habet: nam pro tertia parte heres est, ut proposuimus. Reliquas duas duorum coheredum portiones non potest habere iure hereditario, cum pro illis partibus non sit heres; sed habet iure legati, idque ita in prælegato fieri & ios esse, scriptum est in *L. fideicommissaria, in fin. D. ad Trebel.* Hanc portionem hereditariam, de qua dixi, filius in quartæ ratione retinet. His verbis duæ sententiæ exprimuntur. Una est; Filium etiam hanc portionem hereditariam retinere. Unde intelligimus enim totum fundum retinere. Nam de cæteris partibus, quas iure legati habet, non dubitatur, quin eas retineat: Sont enim ei legatæ; neque restituere eas iussus est, qui iustus est restituere portionem hereditatis. Hæc partes non sunt ex eius hereditate. De hereditaria fundi portione dubitari poterat, quoniam, ut dixi, ea est ex portione hereditatis. Nunc autem hic dicitur, filium etiam eam portionem retinere: quo fit, ut totum fundum retinere debere intelligatur. De hac sententia ne dubitemus, expressa est in *L. Titia, D. ad leg. Falcid.* Ea significatur hoc scripto in illis verbis: *Quod a cæteris in eo fundo solvitur, filius supra quartam habet*. Altera sententia hic diserte expressa est. Eam portionem fundi hereditarii, quæ retinetur, in quartam Trebellianicam imputari. Sententia iuris certi: nam quæcunque iure hereditario capiuntur ab herede, in quartam imputantur. *L. in quartam, D. ad leg. Falcid.*

¶ Aiunt: *Compensato præterea, quod a coheredibus vice mutua percepit*. His verbis, quod a coheredibus vice mutua percepit, non intelligimus partes fundi prælegati, quæ inrelegati a coheredibus accipiuntur.

F 12

ciuntur. Primum, quia verba non ferunt. Si enim de eo fundo Imperatores intelligerent, adieciissent: quod a coheredibus in eo fundo vice mutua percepit, quemadmodum fecerunt postea, cum huic fundum intelligere voluerint in his verbis, *quod a ceteris in eo fundo solvitur*. Deinde ius refragatur, quo minus de prælegato hoc dictum interpretemur. Nam cum coheredi quid prælegatum est, extra quartam est id quod a coherede vice mutua accipitur in eo prælegato, ut mox dicemus in interpretatione eorum verborum: *Quod a ceteris in eo fundo*. Restat igitur, ut his verbis intelligamus pecuniam, aut rem aliam non hereditariam, quam heredes damnati sunt vice mutua coheredi dare. Hoc genus legat in quartam Trebellianicam imputatur. *L. in quartam, vers. 2. D. ad leg. Falcid.*

7 Dixerunt autem Imperatores hæc compensari, non imputari, non quod non imputentur, sed quia sic imputentur, ut simul etiam compensentur. Nam compensatio est debiti & crediti invicem contributio. *L. 1. D. de compensat.* Hæc contributio in hanc imputationem cadit. Nam filio rogato restituere portionem hereditatis quarta debetur, & ita in quarta creditor est. Sed vicissim, quod vice mutua accipit, debet coheredibus. Debet enim in quartam imputare, aut restituere. Quare sic imputat, ut contribuat debitum cum credito, id est, compenset. Hoc autem, quod ita vice mutua percipit a coheredibus filius, non tantum imputat tunc in quartam, cum quartam retinere vult a coheredibus, a quibus accipit; sed etiam cum retinere vult a ceteris fideicommissariis, a quibus nihil accipit. In totum enim placet res non hereditarias legatas ei in quartam Trebellianicam imputari. *L. acceptis, L. in quartam, D. ad leg. Falcid.*

8 Aitunt: *Et si quid deest in supplementum deducto*. An aliquid ↑ deest ad quartam filii, in specie proposita, ex quantitate patrimonii, & ex quantitate eorum, quæ prælegata & legata sunt, intelligitur hoc modo. Pinge trecenta fuisse in bonis paternis. Cum sint tres heredes instituti, portio huius filii, de qua queritur, sunt centum. Ex ea portione quartam habere debet. Ea sunt viginti quinque. In hanc quartam imputat tertiam portionem fundi prælegati. Pinge, fundum esse triginta aureorum. Portio hereditaria huius fundi est tertia, id est, decem. Hæc decem filius in quartam imputat. Præterea imputat, quæ vice mutua a coheredibus data sunt.

Hæc posuimus esse decem. Fiant igitur viginti, quæ in quartam imputantur. Desunt adhuc quinque, hæc in supplementum deducuntur, nempe de hereditate, non de fundo prælegato, aut re alia. Etsi enim hoc loco nihil adiciatur nominatum, unde id, quod deest, deduci debeat: tamen vis verbi id satis ostendit. Nam deducere dicimur, quod ex ea re, quam restituere debemus, detrahimus, §. *si quis una, Inst. de fideicom. her.* Nihil autem est hic, quod restitui a filio debeat, nisi portio eius hereditatis. Non igitur aliunde quarta deduci potest, quam ex hereditate. Unde apparet vehementer errasse veteres, qui hunc locum novo contextu ita legerunt: *Etsi quid deest in supplementum deducto, quod a ceteris in eo fundo solvitur*; quasi hæc deductio fieri deberet ex fundo prælegato, aut, ut ipsi interpretabantur, ex fundo in peculium concessio, aut donatio. Nam etsi concederemus fundum hunc filio in quartam imputari, quod secus est; tamen non recte diceretur, quartam ex eo fundo deduci. Nam filius fundum totum retineret. Non potest autem deduci aliquid de eo, quod retinetur, nec restituitur. Quare sic locus interpungendus est, ut post illa verba, *in supplementum deducto*, sit finis prioris sententiæ ab illis autem verbis, *quod a ceteris*, sit initium novæ.

Aitunt: *Quod a ceteris in eo fundo solvitur*. Prius ↑ de portione huius fundi 9 hereditarii dixerunt, hanc retineri a filio, sed in quartam imputari. Hic dicitur de reliquis fundi eius partibus non hereditariis. Et hoc dicunt, filium has quoque partes retinere; sed in quartam non imputare, verum habere extra quartam. *Ceterorum* verbo coheredes intelliguntur, quibus portio hereditatis restitui debet. Non enim potuit quidquam ex fundo solvi, nisi ab iis, qui domini fundi essent pro iis partibus, quas solvunt. Non potuerunt autem esse domini fundi hereditarii, nisi heredes: hos igitur heredes intelligunt. Sed obstat, quod prius coheredes nominarunt. Unde *ceterorum* verbo alii, quam coheredes intelligi videntur. Dicendum est verbum, *ceteris*, non referri ad coheredes, qui prius sunt appellati; sed ad filium, cuius mentio tacte facta est in precedente oratione. Nam cum Imperatores dixerunt, *si quid deest in supplementum deducto*, in hoc verbo, *deducto*, Necessario intelligendum est, *deducto a filio*. Itaque eum postea *ceteros* nominant, ceteros intelligunt alios a filio. Hi autem sunt filii coheredes, eiusdemque fratres.

Quod

Quod a cæteris in eo fundo solvitur, sunt eius fundi prælegati reliquæ partes hereditariæ, quæ dicuntur a coheredibus solvi; quia sunt legatæ. Solvitur enim & præstatur legatum omne ab eo herede, a quo relictum est. Est enim legatum donatio testamento relicta ab herede præstanda, id est, solvenda, §. 1. *Iust. de legat.* Unde hæ partes fundi prælegati dicuntur accipi a coheredibus. *L. in quartam, D. ad L. Falcid. L. in fideicommissaria, §. ult. D. ad Trebel.* Hæ partes fundi hereditarii filius extra quartam habet, ut hic dicitur: quibus verbis duo significantur. Primum hæ partes a filio haberi & retineri, quemadmodum & portio eius fundi hereditaria retinetur. Deinde sic hæ partes a filio retineri, ut tamen in quartam non imputet. Ita fieri, ut & quartam habeat aliunde sumptam, & præter quartam hæ fundi prælegati portiones quæ a coheredibus solvuntur, sive accipiuntur. Quæ sententia cum verbis huius loci optime congruit, ne hanc quoque verissimam esse dubitemus: utraque pars discrete comprehensa est in *L. Titia, D. ad leg. Falcid.*

Alunt *†* *impp. reddere compellitur.* Hoc sic accipe: filius quartam ita habens, ut supra diximus, & præterea habens extra quartam id, quod a coheredibus in fundo prælegato solvitur, reddere compellitur: intellige portionem hereditatis, sive quod reliquum est de hereditatis portione. Sed cur portionem hereditatis hic intelligimus potius, quam id, quod a coheredibus in eo fundo solvitur, cum neutrum hoc loco exprimitur, & de fundo prius locuti sint Imperatores? Quia responderunt illi convenienter ad questionem. Quæstio autem posita erat de portione hereditatis restituenda, nempe de fideicommissio. Cum igitur respondent filium compelli reddere, intelligere debemus, compelli reddere portionem hereditatis. Fundum autem reddendum esse, intelligere non possumus. Primum, quia ad questionem nihil pertinet. Deinde, quia certum ius est, quod fundum prælegatum a filio reddi vetat, *d. L. Titia, D. ad leg. Falcid.*

In *†* his duo præcipue in questionem vocatur de fundo isto hereditario prælegato. Prius illud, quod dicitur huius fundi portio hereditaria a filio retineri, id est, non restitui ex fideicommissio. Contrarium scriptum in *L. in fideicommissaria, §. ult. D. ad Trebel.* Ex constat ratio, cur ea portio hereditaria restitui debeat. Nam quicquid verbis fideicommissi continetur, id in fideicommissi restitutionem venit, etiam si *†* prælegata. *L. 3.*

§. quidam, D. ad Trebel. At in proposito fundi huius portio hereditaria verbis fideicommissi continetur: nam iussus est filius restituere portionem hereditatis. Ex ea portione est portio fundi hereditaria. Quare etiam hæ portio fideicommissio continetur, unaque eum reliqua hereditate restituenda est. Nihil ad solutionem facit, quod vulgo dicitur, satis hanc portionem fundi restitui hoc ipso, quod in quartam imputatur. Nam si imputatur, retinetur; si retinetur, non restituitur. Itaque manet semper eadem obiectio. Dicendum est, tam diu prælegati portionem hereditariam in fideicommissum cadere, quoad non appareat aliud sensisse testatorem. Videtur autem testator duobus casibus totum prælegatum ex fideicommissio excepisse. Uno, cum Primum coheredem rogavit, ut portionem suam restitueret; deinde post fundum illi prælegavit, quæ species est *L. Titia, D. ad leg. Falcid.* Nam eum posteriora derogant prioribus: posteriore prælegato videtur testator speciem prælegati ex genere fideicommissi excepisse, iuxta regulam iuris, in toto iure generi per speciem derogatur. *L. si peculium, in prin. D. de manum. test. L. in toto iure, D. de reg. iur.* Alter casus est, in quo multo magis idem probandum esse dixeris, cum coheres rogatus est portionem hereditatis restituere, nominatim hoc adiecto, ut fundum prius deduceret, sibi haberet: quæ species est huius re-scripti, ut initio ostendimus. Ergo tunc solum prælegati fundi portio hereditaria in fideicommissi restitutionem cadit, cum testator primo fundum prælegavit, deinde eum coheredem portionem hereditatis suæ restituere iubet, quæ species est *d. L. in fideicommissaria, §. ult. ad Trebel.*

Alterum *†* hic præcipuum dubitationem habet, quod dicuntur fundi huius prælegati reliquæ partes non hereditariæ filio in quartam Trebellianicam non imputari. Hæc sententiæ duo obstant. Primum illud, quod multis locis traditum est, in hac quartam imputari, quæ iure legati capiuntur, traditum generaliter in *L. in quartam, D. ad leg. Fal.* peculiariter autem in specie huius re-scripti, in qua paulo ante scriptum est, compensari in quartam id, quod a coheredibus vice mutua percipitur. De his vero locis & similibus sic habendum est: quod in his dicitur in quartam fideicommissariæ hereditatis restitutionis imputari, quod legati iure accipitur, vel a coherede, vel aliunde, id dici de re non hereditaria, sive de re, quæ tota legata a coherede accipitur: ut, si dampna-

damnatus sit coheres pecuniam certam dare, aut rem aliquam suam: hoc genus legati, vel fideicommissi in quartam imputabitur. Diversa causa est rei prælegatæ, id est, eius rei, quæ hereditaria est, & uni ex coheredibus legata, cuius pars hereditario iure accipitur ab eo, cui legata est, partes reliquæ iure legati. *L. deducit, §. acceptis, D. ad Treb.* Nam huius legati hæc conditio est, ut ex eo nihil amplius in quartam imputetur, quam quod accipitur iure hereditario, ut expressum est in *L. in quartam. 2. resp. item in L. Titia, D. ad L. Fal.* Differentiæ ratio in voluntate testatoris posita est: quæ alia in prælegato, alia in cæteris legatis, aliud atque aliud ius de his postulat. Id autem sic mihi effici recte videtur. Nam cum res aliqua tota a coherede legatur, aut accipitur, nihil proponitur in voluntate testatoris: unde appareat eum voluisse hoc legatum ei, cui relinquitur, præcipuum esse. Ideo servamus in eo regulam iuris, ut totum in quartam imputetur, quia legatum est: quæ regula traditur in *d. L. in quartam*. At iure hereditaria prælegata apparet testatorem voluisse, ut hoc legatum esset ei, cui relinquitur, præcipuum. Iade enim prælegatum appellatur præcepto. *L. 3. §. quidam, D. ad Trebell.* Præcipuum autem id est, non quod heres præ cæteris coheredibus capit solum, sed & quod præter portionem hereditariam præcipuum habet. Id ita præcipuum habere non potest, si in quartam hereditatis imputat. Quo fit ut ex voluntate testatoris in quartam imputare nihil debeat, præter id, quod iure hereditario capitur: quod omni iure in quavis partem imputatur. *d. L. in quartam, in prin. D. ad Leg. Falcid.*

- 13 Alterum ¶ obstat superiori sententiæ, quod huiusmodi est. Nam si prælegatum imputari in quartam non debet adversus eum, a quo vice mutua accipitur: at saltem tunc imputari debet, cum quarta desideratur adversus eum, a quo vice mutua accipitur legatum: quod in *L. Nescimus, & in L. filio, D. ad leg. Falcid.* scriptum est de iis heredibus institutis, quibus testator invicem legata, aut prælegata dederat & ab uno tantum legaverat, ut esset Falcidiæ locus: placet enim tunc non posse quartam desiderare ab eo, a quo prælegatum accipit. Hunc scopulum dum vitare volunt eruditi homines plerique, moti sunt, ut cæteris rebus superiorem interpretationem amplectentes, nonnihil in specie facili mutan-

dum putarent. Ex Alciatus in eo loco quem initio dixi, id est, *Lib. 6. Parad. c. 5.* id se adsequi posse putavit, si diceremus non filium infum esse restituere portionem hereditatis deducto inde, seu præcepto fundo: sed ita iussam, ut separatim legatus sit ei hic fundus per vindicationem quoniam huius legati verba hæc erant: *Titi cum fundum tibi habeto, sumito, vindicato*. Et hic dicitur filius iussus hereditatem restituere fundum habens. In hoc autem legato voluntatem testatoris hanc esse, ut fundum totum filius sibi haberet: quatenus autem legati iure caperetur, eatenus in quartam nihil inde imputaret. At profecto his verbis declaravit Alciarius se non satis intelligere, quid esset olim legatum per vindicationem: & tamen iisdem verbis superiorem sententiam maxime confirmavit. Nam legatum per vindicationem collatum in personam unius ex heredibus, nihil aliud fuit, nisi legatum rei relictum per præceptionem. Utroque enim genere pariter iubebatur legatarius fundum legatum capere, & sibi habere. Hoc intererat inter utrumque, quod legabatur res defuncti per vindicationem ei, qui heres non erat: unde hic simpliciter iubebatur capere rem & sibi habere. Per præceptionem autem ei, qui heres erat, ut iuberetur idem sibi sumere, sibi habere, sed præ cæteris: unde & præcipiendi, præceptionis, prælegati verba. Alii moti sunt iisdem locis, ut exillarent quacunque de quarta ageretur, in eam etiam prælegata imputari, quæ vice mutua a coherede acciperentur. Quo adducti etiam nonnulli in hoc rescripto fixerunt fratres huius filii, de quo agitur, fuisse heredes institutos, & præter fratres etiam alios coheredes datos, a quibus omnibus sit fundus filio, de quo agitur, prælegatus: sed filius rogatus tantum restituere portionem hereditatis fratribus, & quibusdam aliis coheredibus, non etiam omnibus. Itaque cum filius portionem hereditatis coheredibus restitueret, concederet eum in quartam imputare debere, quod ex prælegato ab illis vice mutua accipit. Quod autem accipit a cæteris, quibus nihil restituit, volunt non debere imputari, sed extra quartam futurum. Negari non potest hanc interpretationem quam optime verbis rescripti convenire; sed sententia vera non est. Hoc enim ratum esse debet, in prælegato imputari in quartam solum eam portionem fundi, quæ hereditaria est: cæteras non imputari, etiam adversus eos, a quibus vice mutua capiuntur. Quod quidem

dem significatur in *L. 4. versic. 2. D. ad L. Falcid.* sed prope diserte expressum est in *L. Titia D. cod. &* quidem ita, ut consilio eo loco species posita esse videatur a Scævola, quæ ad huius referri enucleationem referretur. Quod cum ita esse constet, veram & certam ex eo loco sententiam metu superioris objectionis omittere non debemus. Fateor parum idonea allata videri ab aliis, ut & a Polito ipso, quo horum locorum dissimilitudo explicaretur: quæ ideo facilius fuit Alciato & aliis convellere. Mihi in his locis ea dissimilitudo factorum esse videtur, quæ recte exposita non difficile rem expediat. Animadvertendum puto in *L. Nescimus*, & in *L. antepen. D. ad L. Falcid.* heredibus invicem legata & prælegata data esse. In specie autem huius rescripti, & *L. Titia, D. ad L. Falcid.* uni coheredi prælegatum datum, qui idem rogatus est aliis coheredibus portionem hereditatis restituere. Recte dicitur cum invicem prælegata coheredibus data sunt, debere unumquemque ex heredibus hæc in quartam imputare adversus coheredes suos, coniectura voluptatis ducta ex prælegatis. Nam cum invicem prælegata data

sunt, factum id esse apparet a testatore coheredum exæquandorum causa, quasi testator inter eos divisionem hereditatis faceret. Itaque æquum esse, ut qui prælegatum vult sibi a coherede integrum dari, is vicissim & coheredi suo iudicium testatoris conservet, ut declarat Papinianus in *L. cum pater, 77. §. evictis, D. de L. 2.* Contra vero cum unus ex coheredibus iustus est portionem hereditatis restituere coheredibus, & ei soli prælegatum datum est, eadem voluntas testatoris facit, ut hoc prælegatum, quatenus a coheredibus accipitur, in quartam non imputetur; quia relictum id esse apparet, non ut exæquaretur hic heres cum cæteris, sed ut hoc prælegato augeretur: siquidem voluntas testatoris est, ut prælegatum hoc præcipuum habeat, id est, ut capiat præ cæteris, & capiat præter portionem hereditatis. Ita coniectura voluntatis varia facit, ut varie hic respondeatur. Ex quibus intelligi puto, cum interpretatio a nobis posita & verbis rescripti congruat, & omnibus sententiis iuris auctorum confirmetur; dubitari non debere, quin hoc loco admitti a nobis debeat.



HUGONIS DONELLI

IURISCONSULTI

COMMENTARIA

IN CODICEM

IUSTINIANI.

AD TIT. I. LIB. IV. C. DE REBUS CREDITIS ET IUREIURANDO.

Ad verba Rubric.

De Rebus creditis.

SUMMARI A.

1. *Libri argumentum & continuatio cum superiore.*
2. *Nostrum in rebus duabus consistit.*
3. *Actio quid.*
4. *Deberi nobis quid intelligatur.*
5. *Credendi verbum generale est.*
6. *Credere quid.*
7. *Inscriptio huius tituli an ad titulum saltem, an vero ad totum librum pertineat.*
8. *Contractus quid.*
9. *Contractus an omnes consensum requirant.*
10. *Obligatio quid significet.*
11. *Stipulatio quid significet.*
12. *Donatio quid significet.*
13. *Emptionis verbo venditio intelligitur, & venditionis verbo emptio intelligitur.*
14. *Prætor cur maluerit hunc librum inscribere de rebus creditis, quam de contractibus.*
15. *Ratio in quo eadem, in eo idem ius statuendum.*
16. *An ex omni conventionione alter alteri obligetur?*
17. *Conventio tribus confirmatur.*
18. *Pacta nuda sunt, quæ actionem non pariunt.*
19. *Pactorum vestimenta quot sint?*
20. *Consensus nihil aliud est, quam conventio.*
21. *Ex pacto actio non nascitur.*
22. *Pollicitatio & pactio quid differant?*
23. *Iurifurandi obligatio quæ olim?*
24. *Iura accommodari solent ad ea, quæ ut plurimum, non quæ raro accidunt.*
25. *Quæ res, cum ad conventionem accesserint, eam confirmant.*
26. *Obligationem re contrahi quid sit.*
27. *Contractus innominati qui.*
28. *Conditiones quale genus contractuum sint.*
29. *Res ad facta refertur.*
30. *Obligationem contrahi non posse, nisi quatenus datum est.*
31. *Dote data maritus obligatur, ut dotem restituat soluto matrimonio.*
32. *Dos quid.*
33. *Dos a marito exigi non potest, nisi eam acceperit.*
34. *Iudicio an contrahatur.*
35. *Iudicati verbo quæ contineantur.*
36. *Actio ex iureiurando quod nomine datur.*
37. *Iurandum habet instar iudicii.*



OC libro † de contractibus agitur magna ex parte, uti indicat hæc inscriptio, *De rebus creditis*. Hæc tractatio hinc pendet: atque hoc modo cum superiore libro coniuncta est. Iure Civili propositum est, suum cui-

que tribuere, seu efficere, ut suum quisque teneat: ut declaratur definitione iustitiæ & præceptis iuris, quæ exstant in *L. Iustitia, D. de Iust. & iure. § cod. sis. Iust.* Ad hunc finem obtinendum prima hic quæstio est: Quidnam sit suum cuiusque? respondetur & primo loco tractandum.

No-

Nostrium quod est, duabus † in rebus consistit. Aut enim consistit in eo, quod proprie nostrum dicitur, id est, quod cum nostra auctoritate sumimus, iure sumimus, non expectantes, dum ab aliis nobis præstatur: aut in his rebus, quæ ab aliis nobis debentur, quæ revera alienæ sunt, sed nobis ab alio præstari debent. De his, quæ vere & proprie nostræ sunt, sunt ferè actiones in rem ad eas persequendas, idcirco de his priore loco actum est, id quod agitur superiore lib. 3. Proponuntur enim illic actiones in rem, quæ ex conditione rerum nostrarum distinguuntur. Quædam enim res nostræ sunt universæ, ut hæreditas: quædam singulæ, ut Stichus, fundus &c. & in rebus singulis quædam sunt corporales, ut superiores; quædam incorporales, ut servitutes, usufructus, usus & habitationes, item servitutes prædiorum. Hinc genera actionum in rem illic ita distincta, ut prius proponatur petitio hereditatis; deinde rerum singularum corporalium actio, quæ specialiter dicitur rei vindictio, deinde actiones de usufructu, usu, & habitatione; tum de servitutibus prædiorum. Et quia ex his rebus, quæ nostræ sunt, quædam in solidum nostræ sunt, quædam nobis cum aliis communes, idcirco adiunguntur etiam actiones de his rebus, quæ communes sunt. Efficiuntur autem communes partim iure hereditario, partim communione ex alia causa incidente: partim propter vicinitatem & confinium prædiorum, ex quo fines interdum confundi solent. Hinc illæ actiones distinctæ, *finium regundorum, familie erciscundæ, & communis dividundo*. Altera pars iuris nostri, ut dixi, consistit in his, quæ nobis debentur. Nam & quod nobis debetur, in usu iuris nostrum dicitur: unde illa sunt, *suum persequi, suum recipere, &c.* pro eo, quod est, nobis debitum. *L. 1. D. de eo, quod cer. loco. L. repetitio de cond. ind.* Hinc illud est, quod dicitur, in bonis quoque nostris esse ea, quæ sunt in actionibus & perfectionionibus. *L. bonorum. D. de verb. sign.* Id dicitur esse in actione & perfectione, quod nobis debetur, quia persequendi nostra actio iure constituta est.

Nam actio definitur † ins persequendi in iudicio, quod nobis debetur, *in princ. Instit. de act. L. nihil, de oblig. & act.* De ea parte initium tractandi est in hoc libro, quod ita intelligemus, si sciverimus, quod sit quid nobis debetur & ex quibus causis nascatur, ut debeatur.

Id nobis deberi † intelligitur, ut verbum declarat, ad quod præstandum aliquis nobis obligatus est. Is nobis obligatur, qui iure tenetur quasi vinculo quodam nobis obstrictus, ut rem aliquam nobis solvat; sic enim definitur obligatio, ut sit iuris vinculum, quo necessitate adstringimur alicuius rei solvendæ, secundum nostræ civitatis iura. *§. 1. b. tit. de oblig. de qua definitione dicemus oportunius ad tit. de oblig. & act. infr.* Is nobis obligatus est ad aliquid præstandum, in quo sunt eæ causæ, ex quibus obligatio oritur. Nascitur autem obligatio omnis, quæ quidem sit aliunde, ex conditione personæ, ex certis & constitutis causis. Hæ causæ partibus sunt innumeræ. In genere sunt quatuor: contractus, maleficio, quasi contractus, quasi maleficio. Quæ genera tradita sunt. *Instit. lib. 3. tit. de obl.* Ex quo intelligere possumus, quid significet illa divisio, quæ est in *L. 1. D. de obl. & act.* cum dicitur obligatio nasci, aut ex contractu, aut ex maleficio, aut ex variis causarum figuris, id est, ex variis formis & speciebus negotiorum. Quæsitum est, quid his verbis significetur? Et ex superiore divisione intelligimus, significari genera hæc duo, quasi contractum, & quasi maleficio. Neque hoc difficile est colligere ex eodem auctore Caio, qui divisionem positam in *d. L.* persequens in *L. 4. D. eod.* hæc duo genera notavit, quasi contractum & quasi maleficio, unde divisio Iustiniani sumta est. Hæc genera singillatim & ordine exponuntur in *Instit.* Ex iisdem latissime patet contractus: quod genus est eiusmodi, ut sine eo natura humana consistere non possit. De hoc genere, ut initio posui, hoc libro agitur: & pene totus in hac tractatione consumitur: Dixi pene; quia interseritur tractatio probationum, sed paucis titulis, nimirum tribus, aut quatuor ad summum; de his agi hoc libro inscriptio statim indicat. Hæc enim inscriptio est, *de rebus creditis*. Quo verbo significatur de contractibus, ut explicatur hoc verbum. *L. 1. D. eod. de reb. cred. si cert. pes.* ubi ita scriptum est: *Credendi* † verbum generale esse: cuiusque enim rei assentiamur, alienam fidem secuti, mox recepturi, quid ex eo contractum, credere dicimur, & recte credere.

Nam † credere est fidem alii habere, 6 & assentire nobis promittenti. Hanc autem inscriptionem pertinere non ad Titulum præsentem specialem, sed ad totum librum, & ad totam † partem, in qua de contractu agitur, his argumentis facile demon-

monstrari potest. x. Ex usu prætorum, e quibus hæc inscriptio nata est. Nam in albo, in quo edicta prætorum olim posita erant, separatim edicta ad contractus pertinentia collocata erant. Quod ut intelligeretur, hic titulus præmissus erat, *de rebus creditis*, ut docet Ulpian. in *d. l. 1. D. eod.* Idem fuit institutum, eadem mens Iustiniani in hac inscriptione, ut declaratur in *L. 2. §. in tertia vero congregatione C. de vet. in. enuch.* ubi Iustinianus proficitur, se titulum de rebus creditis præfixisse non uni titulo, sed toti tertiæ parti. Præterea cum sit generalis inscriptio hæc, *de rebus creditis*, non potest, nisi ad eam partem pertinere, in qua generaliter & in universum de contractibus agatur. Postremo hanc inscriptionem aut ad titulum proxime sequentem, aut ad totum librum præsentem reponi necesse est. Non potest referri ad Tit. seq. specialem, qui est de iureiurando. Nam iussumndum contractus non est, nisi *serius*, ut dicemus. Et præterea si contractus esset, tum unus tantum contractus est, de innumeris. Inscriptio autem est non de re credita, sed de rebus creditis. Ita inscriptionem ad totum librum pertinere necesse est. Agitur ergo hoc libro de contractibus, quæ prima causa est, ex quo obligationem nasci diximus. Proinde ante omnia hoc dicendum, quid sit contractus, ex quo eadem opera intelligatur, quæ sint res creditæ, & quid creditum, quid credatur.

- 8 Contractus ¶ est duorum pluriumve placitum & consensus in hoc, ut detur & præstetur quid alteri ab altero, quo eodem alter alteri obligatur. Quæ definitio ut intelligatur, observandum est, contractum duabus iis rebus contineri, placito, & conventionione, obligationis constituendæ causa: & propterea eius conventionis effectum, ut alter alteri obligetur, uti conventionione agebatur: Contractus res est duorum pluriumve consensu constans obligationis constituendæ causa: ut traditur in *L. non solum, de oblig. & act.* Verbo *consensus* duo docemur: Primo nullum esse contractum sine consensu: & in quo consensus non sit, inde obligationem non nasci. Idque est, quod traditur in *L. 1. §. 1. de pact.* nullum esse contractum, nullam obligationem, quæ non habeat in se conventionem, sive re, sive verbis fiat. Nullam obligationem, id est, nullum factum obligationis constituendæ causa interpositum. Nam illie contractus & obligatio pro eodem posita sunt, de quo mox. Quæ non habeat in se conventionem, id

est, placitum, & consensus duorum, ut conventio ibi definitur. Hoc utile fuit a veteribus moneri, ne ex iis speciebus, quæ contractui subiciuntur, in errorem veniamus, putemusque rem aliter se habere. Nam quidam contractus dicuntur fieri consensu: cum alii dicuntur fieri non consensu, sed re, aut verbis, in *fin. tit. de obl. Inst.* Nihil inde colligere possumus, nisi quosdam contractus esse, ¶ qui consensu non fiant: inde non omnes contractus desiderare consensum. Id ne exilimemus, cavetur, nullum esse contractum, etiam si re aut verbis fiat, qui non constet consensu. Stipulatio, verbi gratia, verbis contrahitur; nulla est tamen stipulatio sine consensu. *L. inter, §. 1. L. continuus, §. 1. de verb. oblig.* Cur igitur dicuntur quidam contractus fieri consensu? Quia qui consensu fieri dicuntur, ita dicuntur fieri, ut intelligantur fieri solo consensu, ut sunt, emptio, venditio, locatio, conductio. Ex quo recte colligitur, alios contractus esse, qui solo consensu non perficiuntur. Quod & verum est. Nam præter consensum alii desiderant rem intervenientem, alii verba, id est, stipulationem. Cæterum omnium communis est consensus & conventio. Alterum ex eodem verbo *consensus* intelligimus, quæcunque facta sunt, ex quibus obligatio nascitur, sine mutuo duorum pluriumve consensu, hæc contractus non esse. Hæc differentia a contractibus distinguuntur quasi contractus, maleficia & quasi maleficia. Nam hæc duo posteriora invitum obligant, & obligant sæpe ignorantem; quasi contractus interdum volentem obligant sed ignorant: ut eum, qui administravit negotia, administratio obligat volentem, sed domino ignoranti. Interdum e converso administratio obligat ignorantem, ut dominum volenti, ut administratori. Legimus quidem in *L. 1. de legib. delicto contrahi*, sed alio sensu. Illie enim contrahere, committere est, & dicuntur illie delicta contrahi, non obligatio contrahi ex delictis. Legimus tamen interdum, quasi contractus dici absolute contractus. Sic tutela contractus appellatur, *L. ex contractibus, de obligat.* Item administratio negotiorum. *L. sed & cum quis, de neg. gest.* Sed hæc abusive propter similitudinem & affinitatem, quam quasi contractus cum contractibus habent. Neque novum est, ut verbum rei vere tribuatur iis rebus, quæ eius rei similitudinem gerunt. Exempli gratia. Actio in rem de pignore vere & proprie hypothecaria dicitur, & quasi Serviana dicitur. *§. item Serviana, Instit. de act.*

de *act.* & tamen interdum absolute Serviana dicitur propter similitudinem. *L. 3. de pignor.* Manebit igitur hoc; omnem contractum conventionem esse, nec ullum factum, in quo consensus non sit, contractum esse, aut dici, nisi per abusionem. Non est satis, consensum & placitum esse, ut sit contractus: etiam effectum sequi oportet, id est, obligationem: ut definitivimus id placitum esse, quo alter alteri obligatur. Hoc additur propter pacta nuda. Nam & cum convenit inter nos, ut ego tibi Pamphilum darem, tu mihi Silchum, hic placitum est & consensus, ut detur alteri ab altero: & quidem, ut alter alteri in hoc obligetur: sed hæc conventio contractus non est, quia ex ea obligatio & actio non nascitur. Tunc contractus esse incipit, quando obligatio ex eo nasci incipit. Quod fit, si ego Pamphilum tibi tradam, ut vicissim mihi Silchum des ex conventionem, ut intelligitur ex *L. iurisgentium §. 1. L. ex placito, L. 1. de rer. permut. L. 3. L. si dominia, D. de præst. verb.* Et ideo videtur errasse Theophilus vel certe non satis attente definiisse *sub tit. de oblig. Inst.* cum contractum ita definiit, ut sit duorum consensus in hoc, ut obligatio contrahatur, & ut alter alteri obligetur. Dicere debuit, quo alter alteri revera obligatur. Alioqui ex hac definitione etiam pactum nudum contractus erit, quia pactum nudo id agitur, ut obligatio constitatur: sed non ideo constituitur, neque ideo contractus est; alioquin nasceretur lude actio. *d. L. iurisgentium, §. 1.* Quod secus est *L. legem, supr. de pactis.* Sed ne in contractu necesse est ut unum alter possit obligare: sic, dum unus tantum obligatur alteri, ad contractum satis est; neque necesse est, utrumque alteri obligari, ut sit contractus. Exempli gratia. In emptione, venditione, locatione, conductionibus & similibus iuris gentium conventionibus uterque, alter alteri ultro citroque obligatur. Et hos veros contractus esse constat, *L. Labeo, de verb. signific.* Ex stipulatione autem unus est tantum qui obligatur, promissor. Ex mutuo unus tantum est qui obligatur, qui mutuum accipit: sed nihilominus & stipulationem & mutuum contractum esse dicimus. Ne longius abierimus, id evidenter monstrat divisio contractuum tradita in *fin. titul. de oblig. Inst.* Nam illic contractus generis est. Huic generi subiciuntur species eorum contractuum, qui re sunt, in quibus est mutuum. Item eorum contractuum, qui verbis perficiuntur, id est, stipulatione. Igi-

Tom. VII.

tur & mutuum, & stipulatio sunt contractus. Semper enim genus dicitur de sua specie: Ne res tellibus egeat, nominatim stipulatio dicitur contractus in *L. non solum, de obligat. & act.* Hic opponitur definitio Labeonis ex *d. L. Labeo, de verb. signific.* ubi Labeo distinguit contractum ab actu & gestu. Actum generale nomen esse dicit, contractum speciale: & ita definit, *ultro citroque obligationem; quam Græci ἐνίστασθαι λέγουσι*, de qua definitione pauca dicam, ut intelligatur. Aut esse *obligationem*. Non intellige contractum esse vinculum iuris, quo necessitate adstringimur alicuius rei solvende, ut definitur obligatio *sub tit. de obligat.* Nam contractus est idem factum, ex quo hæc obligatio nascitur. Itaque contractus est causa obligationis. Obligatio huius effectus. Neque per rerum naturam idem esse potest causa & effectus: sed nota obligationem dici factum, quo obligamur ultro citroque inter nos. Quod ut intelligatur, admonendi sumus, Verbalia in *IO* in usu iuris interdum ius significare, interdum factum, ut Actin, ius agendi & persequendi significat: ut cum dicimus alicui actionem dari, aliquem actionem habere, & ita definitur in *prin. titul. Inst. de actio.* Iuridum significat actum ipsum, ut in illo Cic. *Lib. 1. de Offic.* omnis virtutis laus in actione consistit, id est, in agendo. Sic exceptio interdum ius exceptiois, & defensionis opponendæ significat, ut cum dicimus, aliquem habere exceptionem perpetuam, *L. qui exceptionem, D. de cond. indeb.* aut ut plurimum significat ipsam defensionem, seu oppositionem defensionis, quomodo definitur esse actionis exclusio, quæ actioni cuiusque rei opponitur. *L. 2. in princ. de act. & oblig.* Idem evenit in verbo *obligationis*. Obligatio ¶ ut plurimum ius significat, seu vineulum iuris quo tenemur ad aliquid præstandum: ut cum dicimus, obligationem ex contractu nasci. Quo sensu obligationem usurpamus hic cum querimus, ex quibus causis obligatio nascatur. Sed idem verbum etiam pro facto usurpatur, quo quis obligatur. Quo modo accipitur in *d. L. Labeo, & in L. 1. §. 1. de pact.* cum dicitur, nullum esse contractum, nullam obligationem, quæ non habeat in se conventionem. Nam si illic intelligeremus obligationem esse iuris vinculum, seu ius, quo necessitate adstringimur; falsissimum esset nullam esse obligationem, quæ non habeat in se conventionem. Nam ex maleficiis, quasi maleficiis, ex quasi contractibus obligationes ci-

Gg 2

viles

viles nascuntur: quarum tamen nulla in se conventionem habet. Proinde necesse est, illic obligationis verbo intelligi factum obligationis constituendæ causis interpositum. Sic cum Labeo dicit, *contractum esse ultro citroque obligationem*, id sic accipere debemus, esse factum, quo ultro citroque obligamur: sed quia etiam in administratione aliorum negotiorum ultro citroque obligationes sunt, *L. 4. in princ. de oblig. S. 1. Inst. de obligat. quæ ex quasi contr.* Quod genus tamen constat contractum non esse. Ideirco differentie causa Labeo addidit, quæ sequuntur, *quam Græci venditionem vocant*, ut intelligereamus, non omne factum, quo obligamur duo ultro citroque, contractum esse; sed ita, si sit idem factum, quod Græci *ἐνδοξαπώπη* vocant, id est, commercium, seu rerum officiorumque commutatio. Rerum erit in emptione, permutatione; officiorum, ut in commodato, deposito, & similibus. Interim ex hac definitione & sententia Labeonis, hoc manet, contractum nomen speciale esse, quo significetur non id factum, quo unus tantum alteri obligetur, sed quo uterque alteri ultro citroque obligetur, contra quam supra definivimus, & usurpatur in divisione nota iuris de contractibus iuris. Unde, ut conciliarent ea verba, *ultro citroque obligationem*, fere interpretati sunt, factum ultro citroque quo obligamur. Quod si nobis dicere conceditur, res expedita est. Nam revera omnis contractus constat duorum facto ultro citroque; etiam si ex eo facto unus tantum obligetur. Sed hanc interpretationem verba non recipiunt, multo minus sententia Labeonis. Nam hæc verba, *ultro citroque*, non referuntur ad factum, sed ad obligationem, id est, ad factum non simplex, sed factum, quo obligamur. Ex idem semper hic erit sensus, ut contractus sit factum, quo obligamur.

Deinde apparet, Labeonem id sentire, cum definit contractum *ἐνδοξαπώπη*, quo verbo commercium & mutua obligatio significatur: idque probant exempla venditionis, emptionis, quibus Labeo abutitur. Præterea manifeste dicit, actum esse generale nomen, contractum non esse. Non igitur dubium est, quid id senserit Labeo, quod diximus; neque id definitioni supra a nobis posite, vel potius divisioni iuris vulgaræ, adversatur. Nam revera contractus est omnis, etiam si unus alteri tantum obligetur: sic enim res, quæ dissolutæ erant, ita consensu in unum contrahuntur, ut qui contrahunt, incipiant inter se unum constitutum habere, id est, unum

negotium. Sed aliter verba usurpantur, cum per se ponuntur; aliter cum idem verbum cum aliis speciebus eiusdem generis ponitur. Labeo explicabat eum locum, in quo præter hæc tria coniunxerat, *quod actum, gestum, contractumve erit*. Contractus nomen etiam per se generale est: tamen cum coniungitur cum aliis speciebus eiusdem generis, evenit ex insinuito & sententia loquentis, ut quod prius nomen generis erat, fiat nomen speciei a cæteris distinctæ. Quod intelligitur in verbis iniuncti, rupti, & irriti testamenti, ut docet Lustinianus in *S. alio, Inst. quibus mod. contr. in fin.*

Ex hac definitione contractus intelligimus per hunc Titulum *de rebus creditis*, nihil aliud significari, quam de contractibus, ut initio posuimus. Nam quorum definitiones sunt eadem, ea quoque inter se sunt eadem. Diximus autem contractum esse duorum consensum, quorum unus fidem det se aliquid daturum facturumve, alter assensuatur. At creditum idem continet, *dict. L. 1. D. de sol. Proinde res contractus sunt res creditæ, & contractus creditum est*, nec latius patet verbum *credendi*, quam *contrahendi*, si rem spectes, non significationem verbi. Solum hoc inest, quod contractus continet utriusque contrahentis actionem, & creditoris, & debitoris.

Creditum autem significat tantum actionem eius, qui creditur, non eius, qui dedit, sed nihilominus ex credito debitum, & contra ex debito creditum intelligitur. Etque hic usus loquendi turis auctorum, ut quoties res aliqua constat ex duabus partibus, quarum una pars esse non potest sine altera, ex unius partis appellatione totum designetur; ut puta si stipulatio proprie significat intertationem creditoris aliquid ab alio stipulantis; sed quia utilis stipulatio nulla est, nisi sit, qui promittat stipulanti, eo fit, ut stipulatio totum contractum significet, & actionem tam promittentis, quam stipulantis. *L. 5. S. stipulatio de verb. obl.* Donatio si quoque proprie significat actionem eius, qui donat, non eius, qui accipit; sed quia nulla est donatio, nisi sit qui donationem accipiat, donationis verbo utrumque intelligitur, & actio donantis, & donandi accipientis. Sic & promissio, quæ si fideiussoribus datur, proprie est solum in promissore, qui dat fideiussores, quæ & satisfactio appellatur; & tamen verbo satisfactio intelligitur, & promissio debitoris, & stipulatio creditoris fideiussores accipientis. *Leg. 1. qui satisfact.* Sic

- 13 Sic qui emptionem dicit, intelligit ꝑ quoque venditionem; & quis venditionis verbo etiam emptio intelligitur; quis non potest esse emptor sine venditore, neque venditor sine emptore. *Leg. veteris, de act. empt.* Eodem modo res creditæ proprie dicuntur, quæ creditæ sunt a creditore, nec a debitore creduntur, sed promittuntur. Sed quia natura non potest esse creditor, nisi sit debitor; nec quisquam debitor, nisi sit qui credat; eo fit, ut rerum creditarum verbo simul & res creditæ & debita intelligantur, id est, contractus totus itans actione creditoris, & actione debitoris, non verbi significatione, sed consequentiæ necessitate, quoniam hæc sunt *in vi*. Sed cur, cum verbum contractus sit plenus & notius, quam verbum credendi, quod unam tantum partem contractus continet, maluit ꝑ prætor in hac inscriptione dicere de rebus creditis, quam de contractibus? Quia prætor Titulum ait instituto suo convenientem. Proponebat autem prætor edita non de contractibus, id est, non ea edita, quibus diceret, quo modo contractus fierent, & quibus ex causis obligatio contraheretur; sed rebus ante contractis inter aliquos, pollicebatur actionem editis de iis rebus, quæ debebantur ex contractu, id est, quæ erant creditæ. Postea iuris interpretes ea edita interpretati docuerunt, quibus rebus quique contractus perficerentur: ut post illorum explanationes nihil referat, utrum huic tractatum de contractibus esse dicamus, an de rebus creditis. Rursum quæro, cum ex rebus debitis intelligantur res creditæ, non minus, quam ex rebus creditis intelliguntur res debita: cur maluit prætor dicere de rebus creditis, quam de rebus debitis? Resp. Erit utrum dicamus, ad rem nihil interest; tamen ad institutum prætoris multum interest, cuius institutum fuit in editis proponendis. Nam iis editis, quibus hunc titulum de rebus creditis proposuit, cavet non debitoribus, sed creditoribus, utpote quibus pollicetur actionem de rebus creditis. Consequens igitur fuit, ut polliceretur actionem de iis rebus, quas ipsi credidissent, ut actio referatur ad eos, de quorum actione agebatur. Ut autem ex superiore definitione contractus & credendi intelligimus Titulum de rebus creditis, esse titulum de omnibus contractibus, non de uno tantum; sic & illud intelligimus, Titulum de rebus cred. non esse de aliis causis obligationis, quam de contractibus; ut & tantundem contineat, neque latius pateat. Utpote ex quasi con-

tractibus, ex maleficiis, & quasi maleficiis nascuntur obligationes, non minus, quam ex contractibus; sed ex iis causis non dicuntur res creditæ. Non dicitur creditor is, cui ex iis causis aliquid debetur, quoniam ex iis causis nemo est, qui si dem det & promittat aliquid alteri. Proinde nec quisquam alteri promittenti assentitur, id est, credit. Quam tamen definitio est credendi in *d. l. 1. d. 104.* Sed hic opponitur *L. creditores. l. creditorum, de verb. sign.* ubi creditores dicuntur habendi esse omnes, quibus aliquid ex quavis causa debetur. Proinde etiam quibus ex maleficio debetur, ut apertius expressum est in *L. si cui, de verb. sign.* Respond. Aliud est creditores esse omnes, quibus ex aliqua causa debetur; aliud creditores habendas esse, quibus ex maleficio debetur. Reverta creditores non sunt, quia nihil eredunt, nihil assentiantur promittenti; sed iuris sententia nihilominus creditores habendi sunt, id est, habendi sunt loco creditorum, ut hoc verbum exponitur in *L. si cui, de verb. sign.* Est autem hic sensus: Quoties lege, aut edito aliquid tribuitur creditoribus, ut sit in *L. insurgentium §. pen. & ultim. de pact.* toties lex sic accipienda est, ut contineantur non tantum ii creditores, qui contraxerunt; sed etiam ii omnes, quibus ex alia causa quid debetur, quam ex contractu, quoniam in iis eadem ratio est. Nam non minus ex maleficio quid debetur, quam ex contractu. Proinde ꝑ in quo eadem ratio, 15 in eo idem tas statuendum est, si non verbis: attamen ex sententia legis. *L. aliud 32. ad L. Aquil.* Postquam intelligimus, contractum esse duorum pluriumve conventionem; si tamen ex ea conventionem unus alteri obligatur; consequens, ut queratur, an ex omni ꝑ conventionem alter alteri obligetur, & qua conventionem? ut sic efficiatur, eam conventionem, ex qua obligatio nascatur, eum contractum esse, quem querimus. Hæc quæstio explicatur contractuum divisione. Quod ut intelligatur, sciendum est, quasdam conventiones obligationem parere ex solo consensu, quales sunt emptiones, venditiones, & similes, de quibus suo loco: quasdam non parere solo consensu, sed ita demum, si aliquid ad conventiones accesserit, quo conventio iure confirmetur. Quæ cum ad conventionem accesserint, iis conventio confirmetur, ꝑ 17 tria sunt: Res, verba id est stipulatio, litteræ id est, chirographum de pecunia debita interpositum post biennium quam iater-

terpositum est. Hinc nata est illa divisio contractuum, quæ traditur in §. 1. *Infl. de obl.* ut sint videlicet quatuor contractuum species. Aut enim re fiunt, aut verbis, aut literis, aut consensu, id est, solo consensu, ut supra exposuimus. Hac divisione posita facile statuere possumus, quid sit illud, quod vulgo querunt & tractant interpretes in *L. inrisigentium*, §. 1. *de pact.* & in *L. legem, sup. de pact.* Nam illic, quoniam animadvertitur a veteribus pacta ¶ nuda dici, quæ actionem non pariunt. *L. 1. §. sed cum nulla, de pact. & dist. L. legem, supr. de pact.* Ideo ea, quibus efficitur ut pactio actionem pariat, appellaverunt inepto & barbaro vocabulo, *vestimenta*; quis homo nudus opponitur vestito. Hoc vestimentorum verbo intelligunt eas res, quæ cum accesserint ad conventionem, conventio confirmatur & obligationem parit. Querunt igitur, quot sint hæ res, seu quot
 19 ¶ sint vestimenta pactorum? Hac de re interroganti respondebimus ex superiori divisione, huiusmodi res tres esse, rem, verba, literas. Interrogati præterea, an sint plura vestimenta, id est, plures res, quibus conventio confirmetur, negabimus, plures esse. Nam si plures sunt, est vitiosissima superior divisio. Si enim plures res sunt, quibus conventio confirmetur, erunt multo plures contractuum species, quam quæ superiore divisione continetur. Nam omnes conventiones, quæ obligationem pariunt, sunt contractus. Recta autem divisio est, nisi iuris auctoritatem infirmare volumus. Non sunt igitur plures res, quibus conventio confirmata obligationem pariat. In hac re multo magis error eorum nobis detegatur, si cognoverimus, quæ præterea vestimenta pactorum nominent. Accursius igitur ad *dist. leg. inrisigentium*, §. *quinimo, de pact.* cuius sententiam cæteri sequuntur, præter ea tria, quibus conventiones confirmari diximus, primum ponit hoc, ut loquitur, vestimentum, nempe consensum. Quia ut obligationes quædam dicuntur contrahi re, verbis, literis: sic quædam dicuntur consensu, quo nihil dici potest
 20 ineptius. Nam ¶ consensu hic nihil aliud est, quam conventio. *L. 1. §. 1. de pact.* Non potest autem per rerum naturam, quin aliud sit res, quæ confirmatur, & aliud, quod confirmat; aliud, quod vestit, aliud vestimentum. At in iis contractibus, quæ consensu fiunt, conventio est res, quæ confirmatur, seu vestitur, si modo ea res egeat confirmatione, seu vestimento. Non potest igitur ea conventio

sibi ipsi esse vestimentum, id est, id, quo conventio confirmetur. Et res ita se habet. Contractus qui sunt consensu, solo consensu perficiuntur, neque alias res ad confirmationem desiderant, ut *titul. de obligat. quæ ex conf. Infl.* Stultum est igitur in his requirere, ut loquantur, vestimentum, & si requireremus, ipse consensus sibi vestimentum esse non posset. Deinde ponit Accursius interventum rei, & vocat interventum rei, cum dedi tibi, aut feci aliquid, ut vicissim mihi quid dares, aut faceres. Ex hoc genere conventionum obligationem nasci constat. *L. inrisigentium* §. 1. *de pact.* Non nascitur autem obligatio ex sola conventionne, sed ex eo, quod prius tibi dedi, aut feci aliquid. Hanc dationem & hoc factum appellant *Interventum rei*, propter quem obligatio nascitur, & recte appellant. Et hic ipse interventus est res, quæ confirmat conventionem & obligationem. Sed imperite distinguunt interventum rei a re, qua dicimus quosdam contractus perfici. Nam interventus rei nihil aliud est, nisi res interveniens, cuius accessio confirmat conventionem. Huiusmodi autem conventiones numeramus inter eos contractus, qui re fiunt. Itaque ab eis sciungi non debuerunt. Tercio loco ponit coherentiam contractus. Hanc autem appellant, cum in emendo & vendendo, & similibus contractibus bonæ fidei convenit inter nos, me aliquid facere, vel te facere. Exempli gratia, vendidi tibi fundum, & convenit in vendendo, ut Stichus fundo accederet, vel vendidi tibi partem agri, & convenit, ut alteram partem conductam haberes in 10. annos. Ex iis conventionibus obligatio nascitur, idque est, quod a veteribus dicitur, pacta conventa ex continenti facta inesse bonæ fidei iudiciis, ut pariatur actiones. *d. L. iurisigentium*, §. *quinimo, de pact.* Cur hæ conventiones ita actionem pariunt præter regulam iuris communem, qua efficitur, ex ¶ pacto
 21 actionem non nasci? *d. §. quinimo, & §. sed cum nulla, dist. L. inrisigent. de pact.* Respondent, quia hæ conventiones coherent contractibus. Hoc falsum est. Nam hæ conventiones ex continenti factæ obligationem pariunt, non quia coherent contractui, sed quia insunt ut veteres loquuntur, id est, quia sunt pars contractus, nempe aut rei venditæ, aut pretii solvendi. *L. fundi, anteq. de contr. emt.* quod si hæ conventiones pars sunt emptionis & venditionis: consequens est eas actionem parere ex solo consensu, quoniam emptio & venditio solo consensu constat. Itaque hic duplex error est. Pri-

Primo, quod dicunt has conventiones confirmari coherencia, cum sint pars emptionis. Deinde, quoniam hanc coherentiam vestimentum vocant, cum certum sit, contractus, qui consensu constant, nihil requirere præter consensum ad obligationem. Quarto loco ponit Accursius inchoationem operis. Quia si quis pollicitus sit civitati, se quid facturum sine alia causa, non obligatur statim ex pollicitatione, sed si facere coepit, quod pollicitus erat, & coepit obligari. *L. 1. de pollicit.* Impe-rite, quod de pollicitatione dicitur, transfertur ad conventiones, seu contractus, de quibus agimus. Primo, quia conventio non est pollicitatio, sed toto genere distat a pollicitatione. Quia pollicitatio est unius † offerentis promissum: pactio autem est duorum pluriumve consensus. *L. 3. in pr. de pollicit.* Deinde si quis pacto promiserit, se præstaturum, non obligatur pacto nudo ab initio. Hoc amplius, quamvis pactum secutus certis annis idem præstiterit, quod pactus erat: tamen conventio non confirmatur, nec in posterum obligatur, ut idem præstat. *L. si certis annis, supr. de pact.* Non est igitur inchoatio operis numeranda inter res, quibus conventio confirmatur. Postremo numerat inter hæc vestimenta iusurandum; & tamen ita numerat Accursius, ut id repudiare propemodum videatur. Sed nihil verius, iusurandum esse rem, qua interdum conventio confirmatur. Id receptum fuit in promissione liberti, qua libertus patrono promissit donum, munus, vel operas. Nam si simpliciter promiserit, pacto nudo non tenetur: si stipulanti patrono promiserit, obligatur ex stipulatione. Hoc amplius etiam iureiurando affirmavit & promiserit, se præstaturum. Ex iureiurando nascebatur olim obligatio, quæ & † iurifurandi obligatio appellabatur, *L. qui libertinus, L. ut iurifurandi, de oper. libert.* Ex quo apparet, pactiorem alioqui nudam, iureiurando accedente, confirmari. Car ergo hæc res & hoc, ut loquuntur, vestimentum prætermisum est in contractuum divisione. Nam in ea divisione nulli contractus ponuntur, qui dicantur fieri iureiurando. Resp. Videri potest id a veteribus consulto factum; quia raro hæc species incidebat. Locum enim habet in promissione liberti, nec quamlibet rerum promissione, sed certarum. Iura † autem ad ea accommodari solent, quæ ut plurimum, non quæ raro accedunt *L. nam ad ea D. de LL.* Sed tamen cum hoc modo confirmatur conventio, hæc species prætermittenda non est.

Veruntamen docendi causa superiorem divisionem retinebimus, ut statuamus contractus tantum fieri, aut re, aut verbis, aut literis aut consensu solo. Ex qua divisione hunc usum percipimus: primo ut noverimus, quæ conventiones in universum obligationem pariant. Nam si conventio sola est, pariet obligationem; si est ex natura eorum contractuum, qui consensu solo fiunt si ad conventionem aliquid accesserit: intelligemus, tum obligationem parere, si aut res accessit, uti rem in hac divisione nominamus, aut accesserint verba id est stipulatio, aut literæ. Deinde eadem opera intelligemus, qui sint in universum contractus. Nam quæ conventiones obligationem pariunt, diximus esse contractus. Postremo si quæretur a nobis, quæ res † cum 25 ad conventionem accesserint, confirmant conventionem? Resp. ex superiore divisione, eas tres esse, neque plures, nempe rem, verba, literas: intelligemusque consensum & coherentiam contractus, quam vulgo vocant, esse eorum contractuum, qui re fieri dicuntur. Inchoationem autem operis promissi ad confirmandam conventionem nihil prorsus pertinere. Generibus contractuum summis cognitis, species singulorum restant, quæ cognoscendæ sunt. De contractibus qui re contrahuntur, statim initio huius libri dicitur, ut ibi docemus. De stipulatione non agitur hoc libro, sed libro octavo, *infr. sub tit. de duobus reis stipul.* De contractibus, qui consensu fiunt, docetur sub *titul. mandati*. Ex quo Titulus de iis tractare incipit. Initium autem tractationis est ab iis, qui re fiunt, ut diximus. Ut scire possimus, qui sint contractus huius generis, vel potius, quæ huius conventionis genera sint, ante omnia constituendum, quid sit obligationem † re contrah. Huius definitionis ignorantia mag- 26 nos & multos errores peperit. Fecit enim, ut non tantum prætermitterentur aliquæ species contractuum, quæ ad hoc genus pertinebant, sed etiam prætermitterentur genera duo late patentia, & prætermitterentur sub Titulo, *quibus mod. re contr. oblig.* & ita prætermitterentur, ut ignoraretur ad quod genus contractuum referri debeant. Primum † genus est prætermisum eorum omnium contractuum, qui innominati dicuntur, ut *do ut des, do ut facias, facio ut des, facio ut facias*. Deinde alterum genus eorum † con- 27 dictio, quibus res data condicitor, qualis est conditio indebiti, & conditio ob causam datorum. Quæ tamen genera ad hanc partem referri debent: alioqui mul- 28

ta absurdissima consequentur. Id autem intelligi plane poterit ex definitione. Sic igitur addendum, re obligatio contrahi dicitur iuris auctoribus. Cum dedi tibi, aut feci aliquid, ut vicissim aliquid dares, aut faceres. Hæc definitio sic probatur: constat ex omni huiusmodi conventione iure civili obligationem nasci, *L. iurigen- sium §. 1. de pact. L. 5. §. 1. & seqq. L. solent, de præscript. verb. L. legem, Cod. de pact.* Constat & illud, has conventiones contractus esse, *L. 3. L. si dominus, L. ob eam causam, de præscr. verb.* Si sunt contractus, necesse est, eos aut consensu solo fieri, aut fieri verbis, aut literis, aut si nihil horum est, necesse est re fieri, ex supra tradita divisione. In iis contractibus ex solo consensu obligatio non nascitur, *L. ex placito, infr. de rer. permitt. L. divisionis, de pact. L. 1. de rer. permitt.* Hic quoque obligatio non nascitur ex literis. Fingimus enim nullum chirographum intervenisse. Non nascitur etiam ex verbis, id est, stipulatione. Nam rem proponimus sine stipulatione gestam. Reitat igitur, ut hæc obligatio re contrahatur: alioqui manca erit veterum divisio de contractibus. Sed manca non est saltem in hac parte. Et vere in his conventionibus & contractibus dicitur obligatio contrahi re. Nam intelligendum est tunc obligationem dici re contrahi, cum non sola conventio obligationem parit; sed res tradita initium obligationi præbet. In mutuo, exempli gratia, quod re contrahi constat, si convenit inter nos, ut tibi 100. mutua darem, & tu redderes calendis, mihi non obligaris, neque ego tibi. Quare hic mutuum non est, quod non perficitur sola conventionem. Quando igitur mihi obligaris? Tunc, cum ego tibi re ipsa 100. numeravi, ut tibi essent mutua. Et ideo dicitur re hæc obligatio contrahi; quia res tradita, seu numeratio initium attulit obligationi. At cum ego tibi do Pamphilum, ut mihi Stichum des, ut fit in permutationibus: hic res tradita initium obligationi præbet, ut diserte scriptum est in *L. 1. de rer. permitt.* Vel ut alibi dicitur, conventio ex rei traditione sumit effectum. *L. divisiones, de pact.* Ergo cum ita tibi dedi, ut mihi dares, obligatio re contrahitur; quia ex re tradita cepit debitor obligari, non ex sola conventionem. Si tunc recte dicitur obligatio re contrahi, cum rem dedi, ea conventionem interposita, ut vicissim aliquid dares aut faceres, quia res tradita initium obligationi dedit: consequens est etiam, tunc recte

dici obligationem re contrahi, cum feci aliquid ea lege, ut vicissim aliquid dares, aut faceres. Veluti, cum manumisi Stichum, ut Pamphilum mihi dares. Nam et si res a facili specialiter interdum distinguantur, ut *§. ult. Instit. de verb. obl.* tamen generaliter \dagger omne factum res est \dagger 19 & in usu iuris sic verbum rei usurpatur, ut referatur ad facta. Huc pertinent illa: interdum stipulatio ex re dilationem capit, *L. 73. de verb. obl.* interdum ex datione, aut facto, quod in stipulationem deductum est: veluti cum stipulatus sum insulam ædificari. Ex hac re, id est, ex hoc facto dilatio nascitur, ut ibi scriptum est. Item cui rei dolus malus aberit, id est, cui facto, *L. stipulatio ista, 38. §. si quis, de verb. oblig.* Item quanti ob eam rem æquum esse videbitur, in edicto, qui deiecerint, vel effuderint, id est, quanti ob id factum, quod quid deiecit, effusumve est, *L. 1. in princ. de bis, qui deiecer. vel effud.* Igitur ne quem conturbet hoc, quod dicimus. Scio proprie veteres dixisse obligationem re contrahi tum, cum res data est, & de eadem re restituenda agitur, aut de alia eiusdem generis; de eadem, ut in commodato & similibus; de alia eiusdem generis, ut in mutuo, ut exempla declarant & rationes adiunctæ *Instit. sub titul. quibus mod. re contr. oblig.* Quo sensu illud dictum est, obligationem re \dagger contrahi non posse, nisi quatenus datum est, *L. si tibi, in princ. de pact.* ubi sensum huius esse apparet, re obligationem contrahi non posse ad restitutionem rei, nisi quatenus datum est. Non enim potest restitui, nisi quod acceptum est. Sed hoc angustus est, quam ut complectatur omnia, quæ sint huius generis. Et si verbi significationem respiciamus, non minus proprie dicitur obligatio re contrahi, cum dedi tibi aliquid, ut aliud quidvis mihi dares, ut fit in permutatione. Unde & in hoc genere obligatio dicitur nasci ex re tradita, *d. L. 1. de rer. permitt.* Sed non omnes contractus, qui re fiunt, uti supra definivimus, sunt unius generis & unius nominis. Ideo genera eorum cognoscenda sunt, ne vel pauciores putemus esse huius generis, quam sunt; vel ne eos, qui sunt huius generis, cum aliis confundamus; & ex ea confusione nascatur obscuritas, quæ multos in errorem deduxit.

Ex iis contractibus, qui re fiunt, quidam proprium nomen habent, in quibus & conventio & obligatio non exprimitur: sed intelligitur partim ex nomine, partim ex natura singulis iure attributa, & ideo

In iis cognoscendis & explicandis maior est labor; quia non omnia hic conventionē apta continentur. Quidam in conventionis nomine sunt, nec nomen habent, in quibus tantum debetur, quantum conventionē comprehensum est. Eorum, qui nomen habent, in quibus res ex nomine intelligitur, sunt octo: Mutuum, Commodatum, Precarium, Pignus, Depositum, Dos, Iudicium, & susceptum lusurandum. Ex his, illis quatuor, Mutuum, Commodatum, Depositum, Pignus, convenit inter omnes re contrahi. De iis enim discrete scriptum est sub tit. *quib. mod. contr. oblig.* De mutuo agitur sub tit. *si cert. pet. infr.* De commodato sub tit. *commodati infr.* De deposito sub tit. *depositi infr.* De pignore sub tit. *de pignor. act. infr.* Si commodatum re contrahitur, consequens & re contrahi precarium. Nam in precario idem factum, eadem conventio & restitutio est, præterquam paucis in rebus. De eo dicitur sub titulo commodati. Dotis restituendæ obligatio eodem modo re contrahitur, uti mutui & pignoris obligatio; dote marito data & maritus obligatur, ut dotem restituat soluto matrimonio. *L. 2. D. sol. matr.* Conventio in eo non exprimitur, sed nomine dotis satis declaratur.

¹ Nam dos ¶ est, quicquid marito datur, ut sit apud eum pro oneribus matrimonii, *L. dotis, de iur. dot. L. pro oneribus, infr. de iur. dot.* Si pro oneribus matrimonii: apparet id agi, ut matrimonio soluto ne sit dos, id est ut maritus eam restituat. Obligatio tamen ex hac conventionē non nascitur, sed ex dote data. Nam nisi dotem acceperit maritus, non potest dos ab ¶ eo exigi, quanvis convenerit, ut ipse dotem restitueret, *L. maritus, tit. sol. matr.* Et ideo in dotis restitutione eadem obligatio est, quæ in pignore, aut mutuo, ut dixi. Nam si res in dotem datæ sunt, quæ non constant numero, pondere, aut mensura: maritus de iis ipsis tenetur restituendis soluto matrimonio, ut sit in pignore creditori dato. Sin datæ sint, quæ pondere, numero, mensurave constant, ut pecunia numerata, maritus obligatur, ut is, qui mutuum accepit: id est, obligatur ut reddat non eandem res quas accepit, sed alias eiusdem generis. *L. res in dotem, de iur. dot.* Nulla igitur dubitatio esse potest, quin dotis restituendæ obligatio sit contractus, & contractus, qui re fiat: cuius conventio & obligatio ex nomine dotis intelligatur, non ex aperta conventio-

Tom. VII.


ne. Sed de dotis restitutione hoc libro non actum est, sed *lib. 5.* quia eo libro de matrimonii agebatur: matrimonii autem accessio dos est. Itaque de dote illic actum est per occasionem & consequentiam nuptiarum. Cæterum si res ipsa per se spectatur, id est, dotis contractus, & obligatio, hic contractus est, qui non minus re fit, quam mutuum, commodatum, pignus. Nec minus suo nomine designatur, non conventionē aperta. Iudicium quoque in hoc genere numeramus, id est, iudicium acceptum, seu, litis contestationem. Iudiciis ¶ contrahi discrete ³⁴ scriptum est in *L. 3. §. idem scribit, de pecul.* nec contractus verbo illic quasi contractum intelligere debemus. Nam ibidem adiectum est, iudiciis contrahi, ut stipulatione; perinde consensu. Proinde iudicii obligationem contractum esse, ut stipulationem. Et recte. In iudicio accipiendo inest hæc conventio. Actor petit, quod sibi debetur. Reus cum eo iudicem sumit de ea re, & se iudicio eius rei subicit. Verbo *iudicii* hoc dicere intelligitur: solvam quod petis, si iudex iudicaverit me debere. Unde non ante vere obligatio nascitur, quam res iudicata sit. Inde dicitur in eo §. obligatio iudicati contrahi, iudicio accipiendo. Unde actio hoc nomine proposita dicitur actio iudicati. *L. miles, §. ult. de re iud.* Hæc conventio non exprimitur, sed nomine *iudicii accepti* a parte intelligitur. Erat autem hæc conventio sit in iudicio accipiendo, ut dixi; tamen hæc conventio ex sola obligatione non nascitur, sed ex re. Reus enim promittit se iudicatum soluturum: sed sub conditione, si sententia iudicis condemnatus erit, id est, si actor probaverit eum debere, si eum convicerit, denique fecerit, ut convictus a iudice condemnatur. Nam hæc omnia continentur ¶ verbo iudicati. *L. iudicati, infr. de re iud. L. negantes infr. de obl. & act.* ³⁵ Cum reus condemnatus est, hæc omnia fecit actor, quæ supra scripta sunt. Probavit sibi deberi, reum convict, & eo rem perduxit, ut iudex eum condemnaret. Fecit igitur actor, ut reus iudicatum solveret. Iam autem posuimus, quoties dedij tibi, aut feci, ut vicissim dares, aut faceres, conventionē inter nos interposita, obligationem re contrahi. Ex quo efficitur huius generis obligationem esse, quæ iudicio contrahitur. Sed ideo de hac obligatione agitur sub titulo *D. de re iudic. in d. L. miles §. ult.* quia hæc obligatio est effectus rei iudicatæ. De effectu autem rerum iudicarum eo titulo agi-

H h

tur.

tur. Sed si obligationem hanc per se spectamus, & cum contractum, quo obligatio contrahitur, intelligere debemus eum contractum esse, qui re fiat eo modo, quo diximus. Si iudicio contrahitur, consequens est, & iureiurando suscepto contrahi, tunc cum deferente reo actor intraverit sibi quid deberi. Nam ex iureiurando eo nomine ꝑ actio actori datur. *L. actori, inf. hoc tit. L. 5. §. dato, D. de iureiur.* Hæc actio cum sit in personam, nascitur ex contractu. Nascitur enim ex conventionione. *L. sed & si servus, de iureiur.* Sed non simpliciter ex conventionione, id est, non ex conventionione sola, verum ex eo, quod actor iureiurando sibi delatio facit, ut reus aliquid daret, & reus se id daturum promisit, quæ conventio ex nomine iurisiurandi delati intelligitur. Cum enim reus iusiurandum deferret actori, hoc dicere intelligitur, si iuraveris, ego tibi solvam, quod petis. Actor cum iusiurandum suscepit, in eam ipsam rem consentire & convenire intelligitur, ubi hoc amplius actor iurat, tunc intelligitur præstare eam rem, quæ initium huic obligationi præstat. Et certe si iudicio contrahitur, consequens est & iureiurando dato eodem modo obligationem contrahi

actori, quia ꝑ iusiurandum habet instar iudicii. *L. qui iurasse, §. ultim. D. de iureiur.* Eorum contractuum, qui re fiunt, nec transeunt in aliud nomen, duæ sunt species. Nam quidam sunt, in quibus conventio exprimitur verbis: quidam, in quibus conventio tacita est, sed ex eo, quod agitur, per contrarium colligitur. In quibus conventio expressa est, il sunt contractus, qui vulgo innominati vocantur, quo ex genere hæ sunt species, do ut des, do ut facias, facio ut des, facio ut facias. De quibus Paulus tractat *L. naturalis D. de præscr. verb.* de hoc genere agitur. *infra. de permut. rerum.* In quibus autem tacita est conventio, non expressa, il sunt, in quibus aliquid ob causam datum est, vel præteritam, ut cum aliquid tanquam debitum solum est. Vel futuram, veluti cum do, ut Stichum manumittas. Nam in iis negotiis præter apertam conventionem tacite contraria conventio constare intelligitur, ut causa cessante, repetatur quod datum est. Ex quo genere sunt conditiones rei datæ, confessio indebiti, confessio ob causam datorum, & similes, de quibus dicitur sub tit. *de. cond. indeb. §. seqq.*



A D V E R B. R U B R I C.

De Iniurando.

S U M M A R I A.

1. *Iniurandum quid?*
2. *Iniurandum quibus de causis in negotiis adhibeatur.*
3. *Exceptio iniurandi qua?*
4. *De iniurando cur hoc libro agatur?*
5. *Iniurandum voluntarium quod sit?*
 & num. 11.
 Et cur ita dicatur? ibid.
6. *Iniurandum necessarium quod sit?*
 & num. 12.

7. *Iniurandum iudiciale quod sit?* & num. 13.
8. *Quid a voluntario & necessario differat?*
9. *Prætor & magistratus reliqui, qui iurisdictioni præsumunt, iudices dicuntur.*
10. *Genus aliquod dividi in duas species, quarum una generis nomen retineat, altera non, absurdum non est.*
14. *Conventio quid.*

Convenit inter omnes, veram esse definitionem iniurandi, quam traditur a Cic. lib. 3. Offic. ut sit iniurandum affirmatio religiosa. Est autem religiosa, quod, invocato nomine Dei, aut Deo teste, vel iudice adhibito aliquid affirmatur. Iniurandum in negotiis hominum variis de causis adhibetur; alias adhibetur in contractibus fidei firmandæ causa, cum quis iurat aliquid se daturum facturumve, aut contra non facturum, de quo in *L. non dubium. §. dist. L. si quis maior, supr. de transaction. autb. sacramenta, supr. si adversus vend. & innumeris in locis. Interdum adhibetur in iudicio a litigatore purgandi sui causa, etiam tum, cum adversus eum nihil probatur, ut in *autb. novo iure, infr. de pen. ind. qui mal. ind.* alias adhibetur (qui usus iniurandi frequentior est, litis decidendæ causa) inter eos, inter quos de re aliqua controversia est, de quo genere hic agitur. Qua in parte ceditur proposuit prætor, quo introduxit remedium litium expediendarum iniurando.*

Sic autem iniurandum remedium litis expediendæ expeditum esse potest, si duo concurrant. Unum: Si is, qui litem iniurando decidere cupit, id impetrat, adversario etiam nolente. Tum, si iniurando præstito iniurandum servatur, ut pro legitima probatione habeatur. Utrumque hoc præstitit prætor edito de iniurando: Nam & deferenti consulit, & iuranti. Deferenti consulit, dum adversario, cui iniurandum deferretur, necessi-

Tam. VII.

tatem imponit iniurandi suscipiendi, aut referendi. *L. iniurandum, & ad pecuniar. §. ait. & §. seq. L. manifesta D. eod.* Consulit iuranti, dum iniurandum ratum habet, quam ad rem prætor eo qui iuravit pollicitus est se exceptionem daturum, quæ exceptio appellatur & exceptio iniurandi. *L. 3. D. eod. §. aque, Infr. de except.* Actori autem, qui iuravit sibi deberi, pollicitus est se actionem daturum, quasi satis probatum esset iniurando. *L. §. dato D. eod. L. allori, infr. hoc tituli.* Et hoc propter religionem iniurandi & conventionem, ut scriptum est in *L. sed & si servus. D. eo.* Propter religionem fit, ut iniurandum pro iusta probatione habeatur. Propter conventionem autem fit, ut iniurandum vim habeat transactionis. *L. 2. L. admonendi, in fin. D. eod.*

Propter quos effectus iniurandi factum est, ut non male tractatus de iniurando inferretur & huic libro, sive extractioni, in qua de contractibus agitur. Nam hoc libro de probationibus agitur. Iniurandum autem etiam probationis vim habet. Sed maxime hic agitur de contractibus, id est, de conventionibus, quæ iure obligationem pariunt. Iam autem diximus etiam iniurandum hanc conventionem habere, cum actor, deferente reo, sibi deberi iuraverit: estque conventio non nuda, ut reus det, aut faciat, sed quæ assumptum habet factum actoris, ut interpositum ea lege ac nomine, ut reus aliquid daret. Iurat enim actor ut reus det quod petitur, qua ratio-

H h 2

tio-

rione non male hoc loco de iusiurando
 tractatur: quasi de ea re, quæ interdum
 contractum habeat, quæ se perscitur. De
 iis autem contractibus hoc libro agitur.
 In Digestis hoc titulo hæc inscriptio est:
De iusiurando voluntario, sive neces-
sario, sive iudiciali. Quæ divisio cum ad
 totum titulum pertineat, & sæpe verba
 huius divisionis occurrant in disputatio-
 nibus interpretum: recte faciemus, si in-
 itio, quid hæc verba valeant, dixerimus.
 Accursum ad *L. 1. hoc tit. & ad inscrip-*
tiom D. & in §. Item si quis postulante,
infr. de off. hanc genera deliniv. Cuius de-
 finitiones vulgo receptæ sunt, nec omnino
 male. Ex horum igitur sententia voluntari-
 um est iusiurandum est, quod deservit a
 parte parti extra iudicium, seu ex consensu
 litigatorum, de quo in hæc *L. infr.* in il-
 lis verbis: *ex consensu utriusque partis,*
 Et hæc citra controversiam recte voluntari-
 um dicitur; quia & qui deservit, volens
 deservit, quia nemo cogitur iusiurandum
 deferre, & is, cui deservit, volens sus-
 cipit; nec extra iudicium quicquam de-
 clatum iusiurandum cogitur suscipere, at-
 que ideo nec referre. Nam si quis cogi-
 tur iurare, aut referre iusiurandum, is per
 iudicem cogitur, aut per prætorem. *L.*
delata, infr. b. 1. Necessarium est, quod
 a iudice litigatori deservit in dubiis cau-
 sis, sive in inopia probationum, de quo
 in *L. 3. infr.* Et hoc quoque citra om-
 nem controversiam, rectissime neces-
 sarium dicitur, utpote quod totum pro-
 ficiscitur ex necessitate, tum in deferendo,
 tum in suscipiendo. Nam qui deservit,
 est iudex, sed non potest deferre iudex,
 nisi, inopia probationum exigente, & hac
 inopia exigente iusiurandum deferre ne-
 cesse habet. Ille autem cui deservit hoc
 iusiurandum, neque sine causa recusare
 potest iusiurandum, neque potest referre,
 ut dicitur ad *L. 3. infr.* Iudiciale est autem
 id esse, definitum, quod a litigatore liti-
 gatori deservit in iudicio, iudice imminente
 & instante, ut vel suscipiatur, vel referatur;
 de quo illa verba accipiendæ in *L. 1. b. 1.*
 vel adversario inferente. Et certe, si ve-
 rum facerem est, iusiurandum hoc recte
 distinguimus a voluntario & necessario.
 Nam neque in totum necessarium est, ne-
 que in totum voluntarium, sed genus mi-
 llum ex voluntate & necessitate si dese-
 rentem spectamus, hoc ius voluntarium
 est. Totum enim proficiscitur a volunta-
 te deferentis. Si spectamus eum, cui de-
 ferrur, etiam hoc iusiurandum ex parte
 voluntarium est: licet enim ei, cui defer-
 tur, non suscipere, dummodo id referat

adversario. *d. L. iusiurandum & ad pe-*
cunias §. ait, §. seg. D. eod. Rursum hac
 parte necessarium est; quia is, cui defer-
 tur, necesse habet aut iurare, aut referre
 iusiurandum adversario: alioquin solvere.
d. §. ait, & d. L. manifeste, D. eod.
 de quo plura dicemus ad *L. delata,*
infr. Sed non male respondebimus, etiam
 in usu iuris per prætorem & magistratus re-
 liquos, qui iurisdictioni præfunt, iudices
 dictos esse. *L. 1. D. de indic. & in tit.*
de reb. aut. indic. possid. item D. de iurisd.
omn. iud. su. & ibi in paratit. Dicit
 etiam potest, non recte hoc iusiuran-
 dum vocari solum iudiciale, & distin-
 gui a necessario, quod a iudice deservit;
 quia necessarium non minus sit iudiciale;
 sed multo magis. Non enim necessarium
 tantum in iudicio deservit, sed etiam de-
 ferrur a solo iudice. Sed & hoc recte re-
 spondendum, ex quo quoque iuris non esse
 novum, ut genus per aliquod dividatur in
 duas species, quarum una generis nomen
 retineat, utpote adoptio generis est, eius
 species dum, adoptio & arrogatio, & ta-
 men arrogatio non minus adoptio est. *L.*
1. & 2. D. de adopt. Item cognati no-
men generis est, cuius tamen species dunt.
 Agnati & qui nomine generis dicuntur
 cognati, & tamen agnati non minus sunt
 cognati. *L. iurifconsultus, §. 1. de grad. & aff.*
 Sic in hac divisione iusiurandum
 iudiciale est omne, quod in iudicio deservit:
 Huius species dum. Necessarium, &
 istud specialiter dicitur iudiciale, ut sic
 etiam genera efficiantur, necessarium, vo-
 luntarium, iudiciale. Sunt, qui hæc gene-
 ra ita distinguant. Voluntarium est dicunt
 esse, quod ex consensu litigatorum deservit.
 Necessarium, est quod a litigatore liti-
 gatori deservit invito; quia is, cui de-
 ferrur, iurare, aut referre iusiurandum
 cogitur. *L. manifeste, D. eod.*

Iudiciale id, est quod a iudice deservit
 litigatori. Et quod de voluntario, item
 iudiciali dicunt, defendi potest: sed illud
 non potest, quod dicunt. Necessarium id
 esse, quod a litigatore deservit invito.
 Nam unaquæque res ex potiori parte, &
 ex pluribus partibus potioribus denomi-
 nanda est. At iusiurandum, quod a liti-
 gatore litigatori invito deservit, maxi-
 ma ex parte voluntarium est. Nam a de-
 ferente totum est voluntarium; a susci-
 piente voluntarium quoque; quia fuit illi
 liberum non suscipere, dummodo id refe-
 rat adversario. Si quid hic necessitatis est,
 est in eo; quia is, cui deservit, referre
 saltem cogitur, quæ minima pars neces-
 sitatis est. Proinde si propter alteram
 causam

causam debuit appellari hoc iururandum, consentaneum fuit, ut potius diceretur voluntarium, quam necessarium. Deinde pessime hoc iururandum distinguitur a iudiciali, id est eo, ut voluit, quod deferretur a iudice.

Nam in qua plures sunt necessitatis causae, id potius necessarium appellandum fuit. At id, quod a iudice deferretur, omni ex parte necessarium est. Pariasse omnes obiectiones recte ita vitabimus, propiusque accedemus ad sententiam iuris auctorum, si dixerimus iururandum tantum esse duplex: voluntarium & necessarium. Voluntarium, quod a litigatore litigatori deferretur, sive deferatur in iudicio, sive extra iudicium. Optima ratio: quia quodcumque a litigatore deferretur, a conventiono proficisci dicitur. *d. L. qui iurasse, §. ult. d. L. sed & si servus, D. eod.* Ergo ex voluntate, quia conventio est donum placitum & consensus, *L. s. §. 1. de pact.* Necessarium autem recte dicemus id, quod a iudice deferretur, ut vulgo definiunt. Id autem iururandum non distat a iudiciali: sed est idem, quod & iudiciale appella-

tur. Nam quod necessarium est, idem est, quod deferretur a iudice, & in iudicio. Itaque in inscriptione huius sit. in *Digest.* illa verba, *sive iudiciali*, ~~intelligi~~ accipienda sunt, ut sit sensus: de iururando sive voluntario, sive necessario, sive quod idem est, iudiciali. Ut scimus hanc particulam, *sive*, hunc habere usum frequentem apud auctores, ut in scriptis Cicero- nis, *Cato, seu de senectute. Ex. L. ius, seu de amicitia.* De verbis laborandum non est, dum sciamus, quodcumque iururandum extra iudicium deferretur, totum ex voluntate pendere: quod autem deferretur in iudicio a litigatore litigatori, id partim voluntarium esse, partim necessarium esse. Appellemus voluntarium; appellemus iudiciale, dum intelligamus rem, quam dixi, nihil refert. Id autem, quod a iudice deferretur eiusmodi est, ut & deferre necesse sit, & delatum necesse sit suscipere: quocumque modo id appellavimus, vel iudiciale, vel necessarium, vel utroque modo, nihil refert, dum illam necessitatem inesse huic iururando sciamus; quam supra posuimus.



L. Caussa. 1.

Imp. Antoninus. A. Herculiano.

Caussa iureiurando ex consensu utriusque partis, vel adversario inferente, delato & praestito, vel remisso decisa nec periurii pretextu retractari potest, nisi specialiter hoc lege excipiat. PP. XV. Kal. Iul. Antonino A. IV. & Balbino Coss.

S U M M A R I A.

1. Iureiurandi vis in tribus consistit.
2. Iureiurandi causa quibus conditionibus decidatur.
3. Iusurandum alicui deferre quid sit?
4. Delatum & relatum iuramentum au differant.
Et qui deferant, referantve iuramentum?
5. Fidem habere cuius in re sua, quantvis iuranti, iniquum est.
6. Iusurandum deferatur aut ex utriusque partis consensu aut uno iurente: utrumque quale sit.
7. Iusurandum ab extraneo privato delatum, iuranti nihil prodest, & adversario nocet; secus si a iudice deferatur.
8. Rescriptum superius ad iusurandum indiciale non pertinere.
9. Iurare oportet ex conditione delati iureiurandi: hac in re tria iuste, & quae.
10. Iureiurando delato non iurandum esse necessario, sed satis esse ab eo qui delulit, iusurandum remitti posterius hoc quid sit.
11. Superius iusurandum iudicii & transactionis instar habere.
12. Ex tali iureiurando causam finire, sive in iudicio iuratum sit, aut extra: sed aliter atque aliter.
13. Caussa iureiurando a litigatore delato decisa nullo pacto retractari potest; secus deferente nullo & n. 16.
14. Contrariis occurritur, & num. 15. & 17.
18. Superioris sententiae duplex exceptio; ubi & Interpretum vulgaris error constat, & n. 19.
20. Horum verborum, vis specialiter hoc lege excipiat, quae sit vera & germana interpretatio.
21. Superior exceptio quam iure descripti verbis comprehensa.
22. Exceptio altera obiter indicata.

EX iis, quae initio praefati sumus, apparet huius edicti & tractationis de iureiurando duo esse capita: unum de necessitate suscipiendi iureiurandi; alterum de vi iureiurandi praestiti. De necessitate praecipue agitur in L. 3. & L. delata, infr. Vis iureiurandi commodissime comprehensa est hoc rescripto. Iu eo de vi iureiurandi tria haec tria statuuntur. I. Iureiurando causam decidi iis conditionibus, quae hic praescribuntur. II. Causam iureiurando decisam retractari non posse, nec pretextu periurii. III. Exceptio, nisi specialiter hoc lege excipiat.

Caussa tria iureiurandi deciditur certis conditionibus, quae hic comprehensae sunt, in quo tria haec exiguntur. Primo, ut iuratio delatum sit iusurandum. Deferre autem tria alicui iusurandum est postulare ab eo, ut iuret. Unde quod hic dicitur,

iurare delato iureiurando, seu deferente adversario, alibi dicitur eadem significatione, iurare postulante adversario, §. item si quis postulante Iustus. de alt. quod iu edicto dicitur delata conditione iurare. L. 3. D. eod. Non fit in hoc rescripto mentio iureiurandi relati. Cuius tamen mentio sit iure L. actor, infr. ubi nihil interest, quis iuret, delato iureiurando, an sibi relato. Sed hoc ideo praetermissum est; quia non fuit necesse adlicere. Nam delati verbo relatum continetur. Ut enim tria verbo reddendi significatur iterum dare, L. verbum reddendi, de verb. sig. Sic verbo referendi continetur etiam simpliciter deferre. Defert iusurandum, qui primum postulat ab adversario, ut iuret. Refert iusurandum is, cui delatum est, cum deferenti ita dicit: Imo tu iura ita esse, ut tu contendas:

dis: Hoc modo etiam defectur iusiurandum. Ideo autem exigitur, ut iuramento deferatur iusiurandum, quia iniquissimum est cuiquam in re sua fidem ¶ haberi quantumvis iuranti, sive in re sua sit testis, sive in re sua iudicet, *L. nullus, D. de testib. L. Iulianus, de iudic. tit. ne quis in sua causa iudicet. supr.* alioqui facile quisvis ad iusiurandum decurrens, liberabit se molestia iudiciorum, ut est in *L. 3. D. eod.*

Secundum exigit, ut iusiurandum delatum sit, non a quovis, sed, ut hic scriptum est, ex consensu utriusque partis, vel adversario inferente. Ex consensu utriusque ¶ partis iusiurandum interponitur, quod interponitur ex conventionione: de quo in *L. iusiurandum, quod ex conventionione D. eod.* Id autem est, cum unus dicit adversario, si iuraveris ita esse, ut dicis, mihi satis est, & adversarius consentit, atque ita iurat. Inferente autem adversario delatum iusiurandum accipere debemus, quod deferatur ab eo, qui dicit, se velle causam decidi iureiurando adversarii, quanvis repugnantem primum adversario; & cum is, qui desert, nihilominus in eadem sententia perseveravit, adversarius tandem iusiurandum suscepit & iuravit, ne a magistratu idem facere cogeretur, aut solvere. Hoc autem fieri potest, tam extra iudicium, quam in iudicio, ut non satis commode verba hæc vulgo accipiantur de eo, qui iusiurandum desert in iudicio. Summa autem horum verborum hæc est: ut iusiurandum delatum retractari non possit, oportere deferri a litigatore litigatori, ut sic iusiurandum deferenti noceat. Quid ergo si ab alio, quam a litigatore, seu adversario delatum erit? Resp. aut iusiurandum iuranti non proderit, aut ita proderit, ut non possit interdum retractari. Aut enim iusiurandum deferatur ab extraneo, aut a iudice. Ab extraneo ¶ privato delatum iuranti nihil prodest, ut adversario noceat, *L. nec filius infr.* ubi dicitur. A iudice delatum iuranti prodest, quamdiu res est in dubio, sed per appellationem retractari potest, & sine appellatione novis postea instrumentis repertis, *L. admonendi, D. eod.* Ex quibus intelligitur, male ¶ hoc rescriptum vulgo referri etiam ad iusiurandum necessarium, quod a iudice deservit.

Cui sententiæ tria aperte refragantur. Primum, quod de iureiurando agitur delato a litigatore: quo verbo non continetur iudex. Deinde, quia dicitur iusiurandum ita delatum retractari non posse, quod ad iusiurandum a iudice delatum

non pertineat, *dist. L. admonendi.* Tertium, in his conditionibus exigitur, ut aut is, cui delatum est iusiurandum, iuret delato iureiurando, aut ei remissum sit iusiurandum. Si quis iuret, ¶ oportet iuret delato iureiurando, sive ex conditione delati iurisurandi. Ut id fiat, in eo tria insunt. Primum, ut qui iurat, iuret iisdem verbis, quibus iusiurandum delatum est, & ut veteres loquebantur, iuret conceptis verbis, *L. 3. in fin. L. 4. & 5. in princ. D. eod.* Hoc eo recte constituitur, quia etsi coram Deo nihil interest, quibus verbis peieres, ut iram Dei incurras; tamen in superstitione plerumque imperitorum multum interest. Quoniam quibusdam verbis iurantes existimant se non multum peccare; aliis verbis iurantes maxima religione tenentur. Secundum, ut cui iusiurandum simpliciter deferatur, statim iuret. Quod si discesserit, neque ei remissum sit iusiurandum, postea frustra iurabit, quanvis initio suscepisset se iuraturum, *L. 5. §. pen. D. eod.* Et hoc recte constituitur: quia qui simpliciter deservit, id est, dicit, iura, intelligitur dicere, iura in presentia. Deinde ad fidem iurisurandi multum refert, utrum quis statim iuret, an postea. Nam homines statim religione iusiurandi commoventur, ne peierent. Quod si postea diutius apud se meditati erunt, ut est naturæ perversitas, solent querere latebras periurii, & excusationes, quibus ducti existimant, se aut non peieraturos, aut peierando non graviter peccaturos. Tertium in eo est, ut si cui delatum est iusiurandum, ita ut etiam intra longius tempus iuret, præstet iusiurandum intra id tempus, non revocato iureiurando. Nam qui detulit, semper priusquam iuretur, revocare iusiurandum potest. Revocato iureiurando perinde est, quasi non esset delatum, *L. si quis iusiurandum ubi dicitur, infr. hoc tit.* Non exigitur autem ¶ 10 præcise ad vim iurisurandi, ut is, cui delatum est iusiurandum, iuret; satis est, si vel iuret, vel ei remittatur iusiurandum ab eo, qui detulerat: remissum pro præstito habetur, *L. 5. §. ult. D. eod.* Quid sit remittere iusiurandum, definitur in *L. seg. L. remittit, D. eod.* Remittit iusiurandum is, qui detulit, &c.

Hæc cum interveniunt, causa id est, controversia, de qua iuratum est, inireiurando deditur, id est, finitur, uti & transactione finiretur, aut sententia iudicis, seu re iudicata. Unde & iusiurandum transactionis ¶ instat habere dicitur, *L. 2. D. eod. & item iudicii, L. qui iurasse in fin. D. eod.* Hoc est, quod aliis verbis

bis eadem sententia dicitur: iureiurando dato, ratum haberi insinrandum, *L. 5. in prin. D. cod.* Item post rem iureiurando decisam nihil amplius quaeri, quam an iuratum sit, quasi satis probatum sit inreirando, *L. 5. §. dato. D. cod. leg. post*

- 12 *rem. de re iud.* Hoc modo † iureiurando delato & praestito causa decidi, sive in iudicio iuratum sit, sive extra iudicium Sed dissimili modo. Nam cum extra indicium iuratum est, si quidem reus iuravit, deferente actore, denegatur in reum actio. *L. 3. L. nam posteaquam, in prin. D. cod.* Sin actor iuravit deferente reo, datur actori actio ad similitudinem indicati, *L. actori, infr. cod.* Quod si iudicio iam suscepto, reo delatum erit iusiurandum, non denegatur in eum actio, quae iam instituta est, sed sententia iudicis absolvitur. Sin actor iuraverit deferente reo, reus a iudice condemnatur, quasi convictus, *L. iusiurandum. & ad pecun. §. ultim. D.*

- 13 *cod.* Causa † iureiurando ita decisa, ut diximus, nullo praetextu retractari potest, ne periurii quidem, id est, quamvis is, qui iusiurandum desuit, paratus sit probare adversarium peierasse, tamen non audietur, neque iterum de eadem re agendo eadem actione, aut alia, neque de dolo agendo, *L. quod si deferente D. de dolo. L. adversus, sup. de dol. mal. exc.* Occurrebat † contra haec aequitas editio de dolo constituta, qua efficitur, neminem ex suo dolo lucrum consequi debere, *L. in prin. de dolo.* Sed respondendum est, inreirando ab adversario delato non decipi eam, qui detulit; quoniam, iuxta regulam iuris, non fraudantur, qui sciunt & consentiunt, *L. nec videtur, de regul. iuris.* Is decipi intelligitur, qui dolo adversarii inductus fecit, quod fecit. Itaque si quis dolo adversarii induceretur, ut iusiurandum deferret, hic locum habere posset actio de dolo.

- 15 Sed † nos de eo litigatore agimus, qui ultro, non circumventus iusiurandum detulit adversario. Haec sententia perpetua est, praeterquam quibusdam in causis, quas postea subiiciemus. Id ut intelligatur, & sciatur, nihil ei sententiae adversari: de iureiurando sic habendum est.

- 16 Si quis † nemine deferente iuraverit, iusiurandum non nocet, aut retractari potest, *L. 3. D. cod.* Huc referri debet exemplum *authent. hodie, infr. de repud.* Si quis iuret iudice deferente, sed deferente purgando, rei causa, non litis decidenda gratia, & hoc iusiurandum quoque retractari potest, proinde, ac si non esset interpositum. *authent. novo iure,*

infr. de pe. ind. qui ma. iud. Sed etsi delatum erit a iudice litis decidenda causa, ut sit in dubiis causis, de quo in *L. 3.* dicetur *infr.* etiam hoc instrumentis postea repertis retractari potest. *L. admonendi, D. cod.* Sed si iusiurandum delatum erit a parte parti, id in totum retractari non potest, quasi lite consensu litigatorum hoc modo transacta, ut est in *d. L. admonendi, in fin.*

Solum † adversari videri potest *L. si ex falsis, sup. de transact.* ubi placet, causam transactionis ex falsis instrumentis decisam retractari non minus posse; quia iusiurandum vicem transactionis obtinet. *L. 2. D. cod.* nec ob aliam causam ratum est, quam quod iureiurando delato videatur de lite transactum esse. *d. L. admonendi in fin.* Respondeo. Si causa iureiurando ex falsis instrumentis decisa posset; consequens esset non minus causam retractari posse, quam potest transactio ex falsis instrumentis interponi, cum, exempli gratia, prolato falso instrumento ab actore, reus inducitur metu instrumenti, ut de lite transigat. At si actor falsum instrumentum proferat, & reus deferat ei, ut iuret, non potest dici inductus esse metu instrumenti, ut iusiurandum deferat; quia fuit illi utilis ex falsis instrumentis solis condemnari, quam ex iureiurando. Nam ex falsis instrumentis condemnatos sententiam retractare potuit. *titul. si ex fals. instrum. infra.* At inreirando delato condemnatus, non potest causam retractare. *L. pen. §. 1. infr. hoc tit.*

Manet igitur rata haec sententia, causam inreirando decissam nullo praetextu retractari posse, si iusiurandum a parte parti delatum sit, vel in iudicio, vel extra iudicium. Haec tamen sententia duas † habet exceptiones habet, quarum una subiicitur hoc loco, altera constituta est a Iustiniano in *L. ultim. infr. h. t.* exceptio huius rescripti haec est, *nisi specialiter lege hoc excipiat.* Hoc, nempe, ut causam iureiurando decissam retractare liceat. Verbo *legis* vulgo † interpretes omnes intelligunt constitutiones, quae usitata est huius verbi significatio *L. 1. L. 2. de LL.* ut sit sensus, causam inreirando decissam retractari posse, si hoc, ut liceat retractare, excipiantur & constituantur lege aliqua, seu constitutione, aut parte aliqua iuris. Sed hoc sensu hic locus nullo modo intelligi potest. Primum, si ita sit interpretandum, nihil respondet Antoninus de eo, de quo quaeritur. Consultor enim quaerebat. An causa iureiurando decisa retractari posset aliquo modo? Antonio-

toni-

toninus autem secundum superscriptam interpretationem respondit, non posse retractari, nisi, ut possit, lege aliqua excipiatur. Quibus verbis significat, si aliqua lege id excipitur, retractari posse: si non excipitur, non posse. Hoc autem est nihil plane ad quaestionem respondere: semper enim reliquitur hac quaestio: an ex aliqua lege decisa iureiurando causa retractari possit? de quo Antoninus nihil respondit.

Nam conditio nihil affirmat. *L. si quis sub conditione D. si quis omis. causa test.* Id etiam demonstratur hoc modo: si Antoninus hanc constitutionem ita intelligit, aut intelligit lege aliqua excipi, ut causa retractari possit, aut nulla lege excipi, aut de eo dubitat, & ignorat, quid sit iuris. Si intelligit id aliqua lege excipi, falsum est. Nam temporibus Antonini iusiurandum nullo modo retractari poterat, ut apparet ex *L. quod si deferente, de dol. & L. quid si. in fin. de iureiur.* Si Antoninus intelligit, nulla lege excipi, stulta eius exceptio est: cum dicere debuerit in totum causam iureiurando decisa retractari non posse. Sin ille dubitat, an aliqua lege id excipitur, stultior responsio est, quae aequae incertum demittit consultorem, atque accesserat. Postremo hoc idem ita demonstratur, si *legis* verbo hic constitutio aliqua intelligitur, aut Antoninus intelligit legem praesentem, aut futuram. Praesentem intelligere non potuit, quia nulla erat. Deinde si esset aliqua, dicere debebat, quamnam esset. Nam tu eo quaeritur, an esset lex aliqua, qua liceret causam iureiurando decisa retractare? Legem autem futuram intelligere non potuit; quia de ea divinare non potuit; & si potuisset, tamen stulte responderet, quia nihil pertineret ad consultorem, quid se mortuo futurum esset.

Relinquitur igitur verbo *legis* id significari, quod est proximum, nempe, pactum conventum in iureiurando deferendo interpositum: quae & ipsa usitata est legis significatio apud iuris auctores. Itaque est haec sententia: Causa iureiurando decisa retractari non potest, nisi hoc, ut scilicet retractari debeat, specialiter excipiatur lege iusiurandi delati. Lege, id est, pacto & conventionem iusiurandi delati. Quod ita fiet, si quis detulerit adversario iusiurandum, ut vellet iureiurando causam decidi, sed hac lege & conventionem, ut si intra aliquod tempus docuisset, adversarium scientem pruden-

temque peierasse, liceret sibi de eadem re iterum agere, & causam retractare. Haec, ut dixi, usitata significatio verbi est in usu iuris. Sic enim loquuntur veteres, in lege fundi ita dictum est: seu in lege emtionis ita scriptum est. *L. qui fundum in princ. & L. comprehensum, L. si quis fundum. §. 1. de contr. empt. & vend. in Lege valet, in pacto convento emtioni adiecto, ut id auctor interpretatur in L. societatem pro soc.* Ex quo dictum est in *L. in lege, D. eod. de contrab. emt. creditorem in lege fundi vendendi lapidicinas, ubique essent, excepisse.* Qua forma in hoc rescripto dictum est, eum, qui iusiurandum defert, lege iusiurandi delati excepisse, ut sibi propter perjuriam causam retractare liceret. Haec igitur exceptio est, si iusiurandum delatum sit, nominatim hac lege interposita, ut perjurio postea probato causam retractare liceret, conventio servanda est; & ideo si perjurio rei probato adversus eum agatur, & ille se teneat exceptione iusiurandi: recte ei replicatio pacti opponetur, arg. in *L. si annus, §. passus D. de pact.* Haec exceptio tamen merito hoc rescripto constituta est. Nam verba edicti de iureiurando sine exceptione scripta sunt, nempe iusiurandum servandum esse, quod praestium sit deferente adversario, ut & reo iuranti detur exceptio, & auctori iuranti competat actio sine exceptione. *L. 3. L. §. in pr. & deinceps, de iureiur.* Unde merito dubitari potuit, an ex verbis huius edicti iusiurandum omnimodo servari debuerit, etiam contenta lege & supradicta conditione? Ad hoc autem respondet Antoninus, si haec lex iureiurando dicta sit, pactum servandum esse. *L. iurisgentium §. ait prator, D. de pact.* Altera tamen exceptio est cum causam iureiurando decisa retractare liceat: si is qui ex testamento sibi aliquid debere dicit, delato ab herede iureiurando iuraverit sibi deberi. Nam si postea emerget testamentum, & reperiat eo testamento nihil datum esse: placet revocari posse, quod datum est: hoc, ut dixi, in *L. ult. hoc sis. de eius ratione illic dicitur.* His duabus causis exceptis tenebimus, iureiurando decisa causam retractari non posse, si iusiurandum a parte parti delatum sit: usque adeo, ut nec propter perjurium, quanvis approbatum, possit causa retractari. Sed si nulla omnimodo sit perjurii poena, de eo ex *L. 2. videamus.*

L. Iurisiurandi. 2.

Imp. Alexander A. Felici.

Iurisiurandi contempta religio satis Deum ultorem habet. Periculum autem corporis, vel maiestatis crimen secundum constituta deorum parentum meorum, etsi per principis venerationem quodam calore fueris peieratum, inferri non placet. PP. VI. Kal. Apr. Maximo II. & Eliano Coss.

S U M M A R I A.

1. *Ut iuramentum sit periurium duplex Romanorum legibus distingui, in Deum, & in principem.*
2. *Posterioris poena qua sit iure romano constituta.*
3. *Prioris nulla romano iure sancita poena, sed ea dei iudicio permessa, & n. 4.*
5. *Contraria diluuntur ibid. & seqq. ad finem usque.*
7. *Infamia an periuri notentur?*
8. *Cicero quam legem de periurio sanxerit?*
9. *Periuri qua infamia notentur, facti ne? an iuris?*
10. *Infames infamia facti ab omnibus honoribus, & dignitatibus remouentur.*
11. *Testes infames fide vacillant.*
12. *Infamia facti heredem ab hereditate remouet.*
13. *Frater prateritus potest de inefficis testamento queri, & hereditatem heredi instituto auferre.*

Quæritur si causa iureiurando decisa retractari non potest, at *L. 2. sup.* effectum est, an nulla sit omnino periurii poena, atque ita adversarius impune peieraverit? De eo hoc loco † distinguitur. Aut enim quis iuravit per Deum; aut iuravit per principem, seu per genium & salutem principis: quod posterius ductum est ex iure gentium Romanorum, qui Imperatoribus suis divinos honores deferabant, & eorum nomen pene sanctius habebant, quam Dei. Si quis igitur per Deum iuraverit, & peieraverit, adversus eum divina poena est, ultio Dei & vindicta, ut est *in princ. huius rescripti*, humana poena nulla legibus constituta.

2. Quod si † quis per principem iurasset & peierasset, si quidem iurasset calore aliquo, ut hic constitutum est siue consulto & præmeditate iurasset, ut si iurasset iureiurando delato ab adversario in lite, aut in re contrahenda iurasset, se aliquid daturum facturumve, is fustibus castigabatur. *L. si duo §. ultim. D. cod.* Sed hoc, ut dixi, si per principem iuratum esset. Caterum † si per Deum: hoc cautum est, nullam aliam poenam esse, quam ultionem & vindictam Dei. Id significatur his verbis, *iurisiurandi contempta religio satis Deum ultorem habet*. Hæc verba sic omnes fere interpre-

tes acceperunt. ut periurii poena sit certa constituta, Dei ultio, sed humana nulla constituta legibus. Quod recte ab illis dici & nos puramus, etsi viri aliqui eruditi dissentiant, ut est Franciscus Duenus *Lib. 2. Disputat. Cap. 37.* An utem vera sit sententia quam diximus, ex interpretatione verborum intelligitur, & ex iis locis, qui contrarii putantur. Verba sunt hæc: *Iurisiurandi contempta religio satis Deum ultorem habet*. Religio est metus numinis. Religio iniurandi est metus numinis, qui concipitur ex iureiurando, dum iurati cavemus, ne contra iusiurandum faciamus.

Contemnitur hæc religio, cum is, qui per Deum iurat, peierat. Hic contemptus † Deum ultorem habet, id est, huius periurio constituta est ultio Dei & vindicta. Hæc ultio est exitium, ut bene notavit Cic. *Lib. 2. de L. L.* cum his verbis legem sancit de periurio: *Periuria poena divina exitium, humana dederunt esse*. Id certius confirmatur ex verbo Dei: scriptum est *Psal. 5. Perdes omnes, qui loquuntur mendacium*: multo magis qui mendacio adiunxerunt periurium. Sed hic contemptus uti Deum ultorem habet, ita satis Deum ultorem habet, ut sunt verba huius definitionis, id est, ita Deum ultorem habet, ut hæc ultio divina sit satis.

tis, & nulla amplius addiciatur poena. Quod & verum est. Nam legibus Romanorum nulla poena humana constituta est adversus periurium, neque corporalis, neque pecuniaria, neque infamia, praeterquam uno casu, de quo postea. Esse hanc sententiam superiorum verborum hae formulae loquendi veterum declarat: *Dato iureiurando nihil amplius quaeritur: quasi satis probatum sit iureiurando, L. 5. §. dato, D. eod.* his verbis satis probatum est iureiurando, significatur iureiurando ita rem probari, ut nihil quaeratur aliud, nec quaeratur alia probatio, ut superiora verba citata ostendunt, & *L. post rem. D. de re ind.* Eiusdem modi est haec formula, *satis poena subit is, qui non defenditur, quia mittitur adversarius in bonorum possessionem eius, L. satisque de in ius vocand.* Satis poenae subire dicitur, qui hanc poenam missionis in possessionem ita subit, ut nulla alia poena addiciatur. Quapropter, & cum hoc loco dicitur, *contemptam religionem satis Deum ultorem habere*, ut nulla poena addiciatur amplius.

5 Huic sententiae quaedam obviare videntur. Ac primo opponitur *L. nam sufficit, de dolo*, ubi scriptum est, sufficere perituri poenam. Respondeo, & perituri poenam esse nos quoque confitemur, idque in hac lege aperte scriptum est. Dicitur enim perituri poena esse Del ultio, quod exitium esse dicimus. Sed quaeritur amplius, an alia sit perituri poena? Et dicimus nullam esse, Idque ex hoc rescripto sumendum est, in quo id aperte cavetur, cum dicitur, contemptum iurilurandi satis Deum ultorem habere. Hoc loco etiam poenam humanam exempla proferuntur, adversus periurium. In hanc rem citatur *L. ultim. D. stellionatus*, ubi ita scriptum est, *De periurio eius, qui in instrumento iuravit sua pignora esse, stellionatus sit, & ideo is ad tempus exsulat.* Haec poena est stellionatus poena, non perituri. Stellionatus, id est, imposturae & fraudationis; quia etsi debitor sine iureiurando idem affirmasset, & mentitus esset, nihilominus stellionatus committeretur. *L. 1. in fin. de pig. act.* Habetur quidem stellionatus gravior adinfecto periurio, & ideo qui peieraverit, gravior plectitur.

Sed tamen semper idem est stellionatus, cuius gravitas crescit ex circumstantiis. In aliis autem causis, ubi stellionatus non fieret, eandem perituri poenam non reciperemus, propter illa verba, *stellionatus sit, & illa quae sequuntur, &*

Tom. VII.

ideo; quae significant, & ideo propter stellionatum admissum. Proferitur in eadem sententia poenae humanae exemplum ex *L. si duo §. ult. D. eod.* ubi placet, *suffibus castigari, qui per principem iuravit & peieravit.* Resp. Hic locus sententiae superiori non adversatur. Nam in hoc exemplo vindicatur maiestas principis, non contempta religio. Nam religio, ut dixi, est contemptus numinis, non principis. Et in alia causa esse contemptum religionis iurilurandi, & contemptum iurilurandum, cum per principem iuratum est, aperte declaratur in hoc rescripto ex adversativa oratione, qua unum iurilurandum ab altero distinguitur. Non probatur igitur superioribus locis, huius perituri ullam poenam esse, vel corporalem, vel pecuniariam. Ubi per Deum iuratum est, ne infamia quidem legibus constituitur adversus perituros, ut animadverti potest ex 7 edicto de infamibus, quod refertur in *L. 1. & toto titulo. D. de his, qui no. inf.* Sed hic opponitur. *L. si quis maior, supra. de transact.* ubi eum, qui in transigendo iuravit, se contra transactionem nihil facturum, placet infamia notari si peieraverit. Respondeo Vel hic locus maxime probat in universum adversus perituri infamiam non esse irrogatam legibus, alioquin nihil esset necesse in ea specie de infamia caveri. Causa autem infamiae irrogandae in ea specie est, ne quis facile discedat a transactione, quam ratam habere, publice interest. Hic quoque nobis opponitur testimonium Ciceronis, qui *lib. 3. de offic.* scribit, *Censores Romae nulla de re diligentius, quam de periurio iudicasse.* Respondeo, Hoc ipsum, quod Cicero de censoria nota dicit, argumentum esse debet, nullam fuisse constitutam poenam legibus adversus periurium. Nam satis constat, censores in ea animadvertere solitos, de quibus nihil legibus cautum erat, ut declarabant exempla censoriae notae apud Val. Max. *lib. 2. cap. 4. de cens. nota.* Citatur etiam contra eiusdem Cic. locus ex *lib. 2. de legibus.* Constat ex multis locis *lib. 1. lib. 2. & lib. 3. de L. L.* Ciceronem in illis legibus, quas illis libris constituit, exprimere voluisse, quae erant in more, & institutis, & legibus Romanorum. Is autem sancit tam legem de perituri, quam commemoravi: 8

Perituri poena divina exitium, humana dedecus esto.

Respondeo, Nihil esse hac lege, neque verius, neque melius, neque ad sententiam iuris nostri, quod nunc habemus, accommodatius, dummodo dedecus illic inter-

interpretetur infamiam quidem: at non tantum infamiam, quæ irrogatur verbis edicti, sed quæ sit in re & opinione proborum virorum, quæ nascitur ex turpitudine & scelere. Hæc infamiam & hoc dedecus suscipit apud omnes honestos viros quisquis peccat. Hæc infamia in Digellis appellatur infamia facti, non iuris, ut quæ ex facto ipso nascatur, non iure irrogatur, quæ genera distinguuntur in *L. 2. de obs. par. & patr.* Neque est hæc infamia sine effectu. Nam qui turpitudine vitæ notati sunt, & eiusmodi nota laborant, quam diximus, primum remouentur ab omnibus honoribus & dignitatibus. *L. 2. de dign. lib. 12.* Interdum etiam, qui in dignitate & gradu aliquo fuerunt, ob periculum dignitatem & gradum amittunt, propter eam infamiam, quam diximus, ut in specie *L. quoties,*

infra. de dign. Præterea eorum testimonium, qui ea nota laborant, fides vacillat in testimonio, & tamen a testimonio non remouentur; tamen iudex non tantum fidei eis habere debet, quantum probatæ vitæ viris. *L. 3. §. 1. de testib.* Postremo hæc nota & infamia facti interdum heredem facti ab hereditate remouet, ut si eiusmodi persona turpis aliqua instituta sit ab aliquo, qui fratrem suum præterit. Nam hoc causa fratrem facti præteritum de infamioso queri posse, & hereditatem instituto heredi auferre. *L. fratres, sup. de inoffic. testum.* Sed hæc nihil aduersantur ei sententiæ, quam initio posuimus. Volumus enim periculum humanam poenam nullam esse, quæ quidem sit constituta legibus. Dedecus id, de quo diximus, est in honorum proborum opinione & existimatione.

L. In bonæ fidei. 3.

Imp. Dioclet. & Maximian. AA. & CC. Severæ.

In bonæ fidei contractibus, nec non [etiam] in ceteris causis inopia probationum, per iudicem iureiurando causa cognita res decidi oportet. PP. X. Kal. Septemb. Maximo II. & Aquilino Coss.

S U M M A R I A.

1. Iusurandum an a iudice litigatori deferri possit, ad decisionem causæ.
2. Rerum tractandarum partitio.
3. Causa quando iureiurando decidi possit?
4. Probationum inopia duplex. Et triplex. num. 7.
5. Actor, qui plene non probat, non probat. Testis unus, testis nullus. ibid.
6. Causa quando sit, & dicatur dubia?
7. Index an possit, si causa iureiurando decidi possit, hoc modo decidere, si velit, an vero facere cogatur?
8. Verbum oportet necessitatem significat.
9. Index ubi constituerit causam iureiurando decidere in dubiis causis, quomodo eam decidere, & utri instrumentum deferre debeat?

10. Causa per iudicem iureiurando decisa retrahari potest.
11. Quid hæc iudicialis iureiurandi vis a ceteris rebus indicatis, & a iureiurando partium voluntario aut necessario differat? n. 13.
12. Causa per iudicem iureiurando decisa ita retrahatur, si novis instrumentis quis uti velit, & quæ sint talia.
13. Quid si novis testes in eam rem partium aliqua inducere velit.
14. Causam ex novis instrumentis utriusque partium retrahere licet.
15. Causam iureiurando decisam per iudicem, quomodo novis postea instrumentis repetitis, iterum exercere liceat?
16. Et intra quæ tempora?

Causa iureiurando decidi potest, si iusurandum a litigatore delatum sit adversario, & hoc modo ita causa deci-

ditur, ut nullo prætextu possit retrahari. *L. 1. supra hoc tit.* Queritur, an iudex iusurandum a iudice litigatori facti deferri possit

possit, ut hoc modo causa per iudicem decidatur? Et placet posse hac *L. & L. admonendi, D. eod.* Sed quia periculosum est committere causam & testimonium adversario, invito altero litigatore: cum futurum sit, ut secundum eum iudicetur qui iuraverit, ideo non passim conceditur iudici causam iureiurando decidere, nec quovis modo, sed id tantum facere in inopia probationum, & facere causa cognita, ut hoc rescripto comprehensum est. Sed & tunc, cum causa hoc modo decisa est per iudicem, placet non eandem vim esse huius iurandi, quæ est tunc, cum iurandum a parte parti delatum est, quæ pars explicatur in *L. admonendi, D. eod.* Quare ut hic totus locus liqueat, † quatuor hæc ordine nobis explicanda sunt. Primo, Quando causa per iudicem iureiurando decidi possit? Proximum cum poterit iure hoc modo decidi, an possit iudex hoc modo decidere, si velit, an vero id facere cogitur? Item quomodo causa per iurandum decidatur seu decidi debeat? Porro, hoc modo causa decisa, quæ sit vis iurandi & decisionis?

Primo videndum, quando causa hoc modo decidi possit? Et hoc scriptum est † decidi posse in inopia probationum. Est autem vera inopia probationum, cum nihil probatum est, aut non idonee probatum. Hoc loco oppositur statim regula iuris tradita in *L. qui accusare, supr. de eden.* actore non probante, reus absolvitur, etsi nihil ipse præstiterit. Huic regulæ consequens est in inopia probationum, seu actore non probante, causam iureiurando per iudicem decidi non posse. Aut enim actori iurandum defert, aut reo. Si defert actori, & ille iurat, secundum eum iudicare debet, & reum condemnare. *L. admonendi, D. eod.* Id autem superior regula prohibet, quæ iubet, actore non probante reum absolvendum. Quod si iudex iurandum defert reo, & ille iurat, absolvit quidem eum secundum regulam *L. admonendi*: sed in eo contra regulam superiorem facit, quia prius exigit ab eo iurandum: cum regula iubet eum absolvi, quamvis nihil ille præstiterit. Præterea iniquum est iurandum a reo exigi, quamvis reus iurans absolvatur. Nam si sine iureiurando absolvatur, causa postea retractari non potest, etiam prætextu novorum instrumentorum. *L. 4. infr. de re iud. L. Imperatores D. de re iud.* Cum tamen, si iureiurando exacto absolutus sit, causa possit postea retractari *d. L. admonendi*. Hoc loco iu-

terpretes omnes sic se expediunt, quod dicant, duplicem esse inopiam † probationum. Unam, cum actor nihil probat. Alteram, cum probat aliquid, sed non plene, quam vocant *semiplenam* probationem. Exempli gratia: cum actor producit unum tantum testem: cum idæo ad minimum testes requirantur ad fidem faciendam. Si actor nihil probavit: in hac inopia probationum locus est superiori regulæ; ut actor non probante reus absolvatur. Quod si actor semiplene probat, locum non habet superior regula, sed ad hoc rescriptum eundem est, ut in hac inopia non statim reus absolvatur; sed causa a iudice decidi debeat iureiurando, ab altera parte exacto. Hæc interpretatio & verbis superioris regulæ adversatur, & verbis huius rescripti. Nam semper verum est, actorem † non probare, qui plene non probat, unde dictum est, unum testem nullum testem esse. *L. iurandi infr. de testibus.* Idem declaratur, cum exigitur ab actore: non tantum ut probet, sed ut impleat intentionem suam; nec reus illi condemnatur, nisi intentionem suam impleat. *L. ultim. sup. de rei vind. L. 1. infr. de probat. L. in exceptionibus, D. de probat.* Apparet autem, implere intentionem, esse tantum de intentione probare, quantum satis est ad plenam probationem. Ergo cum dicitur, *Actore non probante reum absolvendum*, hoc dici intelligitur, actore non ita probante, ut iure oportet, id est, aut omnino non, aut non plene probante. Eadem interpretatio verbis huius rescripti refragatur. Nam dicitur causam decidendam esse in inopia probationum. Vera inopia probationum tum est, cum nihil probatur: non autem cum probatur semiplene. Ac proinde rescriptum potius de prioris inopia interpretandum fuerat, si simpliciter hoc verbum sequamur. Quid igitur dicemus? Respond. id, quod non minus acute, quam vere scripsit Franciscus Duarenus *lib. 3. disput. Cap. 33.* nempe causam per iudicem iureiurando decidi posse in dubiis causis, ut expressum est in *d. L. admonendi* ut hic inopia probationum intelligatur esse, quod in *d. L. admonendi* dicitur dubia causa. Dubiam † autem causam esse, non cum actor nihil probavit, aut semiplene probavit, sed cum probavit plene. Verum ex adverso etiam reus intentionem suam itidem probavit, ut sic par sit utrinque probatio, unde incipiat, dubium fieri iudici in utram partem propendeat potius, & iudicet. Hæc sententia & verbis & iure certa efficitur. Nam dubia causa dicta est, uti *dubia causa* apud

Terent. in Phor. cum scilicet *is est omnium ferculorum apparatus, ut nescias quid sumas potissimum*. Id autem in causa iudicii accidit, non tunc, cum actor probat plene; quia tunc certi iuris, quod index sequatur. Debet enim ex regula superiore reum absolvere, sed tunc id accidit, cum, ut dixi, par utrinque probatio est, ut nesciat iudex, quidumat potissimum. Propono hoc modo: Actor intendit se Calend. laour. decem motus dedisse Titio, & producit in eam rem testes. Titius contra intendit, se eo die alio in loco fuisse, & in eam rem producit iidem testes, quantum satis est. In hac paritate probationum & hae dubitatione locus erit huic rescripto: ut per iudicem causam inrejurando decidatur, non alias: quia alias dubia causa non efficitur, id est, non est dubium, quid iudex in alteram partem sequi debeat propter regulam superiorem.

Sed opponuntur verba huius rescripti, in quo generaliter scriptum est, causam decidi oportere iureiurando in inopia probationum. Certum est autem, tunc maxime inopiam esse probationum, eum aut nihil, aut non plene probatum est. Resp. 7 Triplex est inopia probationum. Una, cum nihil probatur: Altera, eum non probatur plene. Tertia, eum plena probatio est, sed plena utrinque. Quoniam par probatio efficit, ut non sit satis probationis ad veritatem eruendam. Non de omni inopia probationum hoc rescriptum intelligendum, sed de tertia specie, ubi par probatio utrinque est. Quod non eo tantum dicimus; quia velimus hoc rescriptum esse interpretandum ex *L. admonendi*. Diceretur enim nobis posius, *L. admonendi*, esse interpretandam ex hoc rescripto. Sed dico, id probari ipsis verbis huius rescripti non obicere. Animadvertendum enim est diligenter, non simpliciter hoc dlei, causam iureiurando decidendam esse in inopia probationum, sed decidendam esse causam cognita. Quibus verbis significatur, ita decidendam esse: si sit causa, eam decidatur in inopia probationum, id est: si sit ea inopia probationum, in qua causam iureiurando decidere oporteat ex *L.L. & Confit.* Ea autem inopia tunc est, cum utrinque probatum est. Nam ubi probatum non est ab actore, certi iuris regula est, *Allore non probante reum absolvendum*, eum erit dubia causa, uti diximus. Proximum est, ut si videamus, an iudex in hac causa ita possit rem decidere iureiurando, ut possit, si velit? an vero id etiam facere cogatur. Nascitur controversia ex contrariis verbis huius *L.*

& L. admonendi. Nam hic scriptum est, causam decidi oportere. Verbum, *Oportet* necessitatem significat. *L. verbum oportere D. de verb. sign.* Rursum in *L. admonendi* ita scriptum est, *solent indices in dubiis causis exacto iureiurando indicare secundum eum, qui iuravit*. Hae verba, *solent indices*, eo pertinent, ut possint, si velint id facere, non autem necesse habeant, ut hae verba expresse interpretantur in *L. i. instr. quom. & quand. ind. &c.* Utrum igitur probandum est? Respondeo, Posterius, ut possint iudices in dubiis causis iureiurando exacto rem decidere, non autem ut necesse habeant id facere ex *d. L. admonendi*. Idque confirmatur ex eo, quod omnibus iudicibus tribuitur in probationibus aestimandis; ut Index existimet ex animi sui sententia, quid sibi probatum opinetur, quid non. *L. 3. §. eiusdem in fin. D. de test.* Non obstat, quod in hoc rescripto dicitur, *causam iureiurando decidi oportere*. Iam enim dixi, id non simpliciter scriptum esse, sed decidi oportere causam cognita. Utrum autem iudici sit causa decidenda, necne, permittitur ipsi ex animi sui sententia existimare. Tertium videndum est, cum si index constituit causam iureiurando decidere in dubiis causis, quomodo decidatur, seu quomodo decidere debeat? Ex hoc modo decidenda est, ut iureiurando alteri ex litigatoribus delato, secundum eum indicet, qui iuraverit, ut comprehensum est *d. L. admonendi*, & ideo si actori desert & actor iuret, reum condemnabit; si desert reo & is iuret, reum absolvet, iuxta *L. insurandum, & ad pecunias, §. ult. D. cod.* Ex quo colligimus, si is, cui iudex insurandum detulit, non iuret; adversus eum iudicandum esse, ut sit, eum in iureiurando voluntario is, qui iurare debet, non vult iurare, ut est in *d. L. insurandum & ad pecunias in fin.* Postquam alterutri iusiurandum deferendum est, utri iudex deferat? an utri videbitur? Respondeo, iubetur deferre causam cognita, proinde non utri vult, deferet, sed utri equum erit deferre. Utri autem equum est deferre potius? In hac re id sequemur, quod recte definitum est in *Cap. ultim. extr. de iureiur.* ad hanc sententiam, ut si praesumptio aliqua gravis faciat pro actore, aut si sit melioris aestimationis, quam reus, & maioris honestatis, potius actori deferat. Sin autem omnia concurrent, tunc potius in pari causa deferat reo quod ex regula iuris sumptum est, *L. favorabilioris de reg. iur. L. Arriannus, de obl. & aff.*

Postre-

Postremum est, ut causa iureiurando decisa per iudicem, uti supra dixi, de vi iurisiurandi & decisionis cognoscamus, qui locus comprehensus est in *L. admonendi D. cod.* Et non est eadem vis huius iurisiurandi, quæ est tunc, cum causa deciditur iurciurando a litigatore delato. Nam cum a litigatore deferitur, ita causa deciditur, ut retractari non possit ullo prætextu. *L. 1. sup. b. 1.* At causa ꝑ iureiurando per iudicem decisa, ex constitutionibus retractari potest, & iterum agi *d. L. admonendi, in pr.*

Sed hic opponuntur duo, res iudicata & iururandum. Nam cum per iudicem causa deciditur iureiurando, non tantum hoc iururandum intervenit, sed etiam res iudicata. Nam iudex exacto iureiurando iudicat secundum eum, qui iuravit. Hic igitur opponitur primum illæ constitutiones, quibus cavetur, res ꝑ iudicatas sub obtentu novorum instrumentorum postea repertorum rescindi non posse. *L. 4. inf. de re ind. L. Imperatores D. de re ind.* Resp. Apparet ex *d. L. admonendi* causas iureiurando per iudicem decisas ex eo numero excipi. Et summa ratio est, cur excipiantur, quoniam in his iudex non tam sequitur animi sui sententiam, quam testimonium iurantis; ut magis testimonium iurantis dici hic debeat, quam res iudicata. Sed tamen interim res iureiurando deciditur. Quare hic opponitur iururandum quod a parte parti delatum est, quod constat, retractari non posse. Cur igitur hoc potius retractetur, quod a iudice delatum est? Resp. Differentiæ rationem ostendit Caius in *d. L. admonendi in fin.* Est autem ꝑ hæc; quia cum iururandum a litigatore litigatori deferretur, communi consensu de lite transigunt, & ob id ei, qui iururandum detulit, si postea eandem rem exercere velit, obstat seu conventio, seu transactio: unde dicitur iururandum hoc valere propter conventionem. *L. sed & si servus, L. qui iurasse, in fi. D. cod.* At cum iururandum a iudice uni ex litigatoribus deferretur, deferretur invito adversario. Proinde nulla hic adversarii conventio est, quæ illi causam retractandi obicere possit.

Sed placet causam iureiurando per iudicem decisam non simpliciter iterum agi & retractari posse, sed hac ꝑ conditione, si is, qui iterum agit, dicat se ideo agere, quia nova instrumenta invenerit, quibus solis nunc uti velit: quæ conditio est in *pr. d. L. admonendi.* Nova instrumenta hic dicuntur, quæ ꝑ nova sunt non confessione, sed inventione, & probatione,

id est, quæ non nunc primum conficiuntur post litem iureiurando decisam, sed quæ nunc primum emerferunt, & nunc proferuntur. Nam nova si conficiantur, non potest quin falsa sint. Hæc autem conditio eo pertinet, ut intelligamus eum, qui causam iureiurando per iudicem decisam retractare velit, non posse id facere testibus, sed solum instrumentis postea repertis. Propone, actorem 100. mutuo petiisse: cum chirographum debitoris, aut instrumentum non haberet ad manum, eum probasse mutuum testibus. Contra reum probavisse se alio loco fuisse eo die, quo dicitur mutuum datum esse, sic iururandum delatum esse reo, & cum ille iurasset, absolutum esse: dicimus auctori licere iterum de eadem re agere, sed hac conditione, non si novos testes in eandem rem producere velit; sed si dicat, se instrumentum mutui reperisse, quo probet se reo mutuum dedisse uti intendebat. Sed cur in hac tractatione solum admittitur probatio instrumentorum, ꝑ non autem testium: cum constitutum sit in exercendis litibus eandem vim esse testium & instrumentorum. *L. in exercendis, inf. de fid. inst.* Resp. Id prudenter provisum esse, ne quid hic falsi admitteretur. Differentiæ autem ratio non est obscura. Nam si in hac retractatione locus daretur testibus: facile actor novos testes subornaret, qui dicerent se interfuisse, cum actor reo mutuum daret. At instrumenta subornari & nova institui non possunt, quin facile falsitas deprehendatur. Nam ista se ostendunt ex vetustate chartæ, aut literarum, item ex novitate, item ex manu scribentis. Sed opponitur *d. L. in exercendis* ubi placet, testium & instrumentorum eandem vim esse ad fidem faciendam. Resp. Hoc ita accipiendum est, quatenus in utroque nihil erit suspectum. Nam neque instrumenta, neque testes suspecti fidem faciunt.

Postquam hac conditione causam retractare licet, quaerimus. Cui liceat? Hoc ideo quaerimus; quia Caius in *d. L. admonendi*, ait, *constitutiones, quæ de hac retractatione sunt, videre locum habere, cum reus absolutus est.* Nam verba constitutionum sunt hæc: *Licere iterum eandem causam agere*, quod verbum ad actores pertinet. Unde intelligimus, hanc potestatem fieri auctori, cum exacto iureiurando a reo, reus absolutus est. Quid ergo, si iureiurando exacto ab actore reus condemnatus sit, & postea reus invenerit apocham creditoris sui, qua profitebatur creditor mutuum sibi solum esse. An

non

tutore quandoque agente actione in factum ex iurisdictione iuxta *L. auctori infir.* pupillus cogendus sit solvere id, de quo iuratum est: Ceteri rei, si iusiurandum auctori detulissent, solvere cogentur, omnia questione, an debeatur. *L. 5. §. dato. D. eod. §. item si quis possidente.* Insistunt de act. Hic rescriptum est: *Pupillum nihil prohiberi eandem litem exercere.* Hic de specie videndum est, delatando de iure. In specie ¶ queritur: quomodo possit procedere? Nam proponitur tutor movisse actionem tutelæ: quæ sive directa est, sive contraria, non competit, nisi finita tutela. De directa est in *L. 4. D. de tnt. & rat. distr.* De contraria est in *L. finita D. de cont. & util. tnt. act.* Quomodo igitur tutor movere hanc potuit, tutela non finita, aut quomodo excludi, quæ non erat? Resp. Intelligere debemus finitam fuisse huius tutoris tutelam, ut sic species procedat. Quomodo igitur dicitur tutor finita tutela, qui tutor non est? Resp. Dicitur hoc ex usu iuris & more loquendi omnium hominum per *exemplum*, relatione facta ad id, quod tutor fuit, non ad id, quod nunc est, ut persona ex priore titulo & administratione magis intelligeretur: ut insula dicitur, quæ aliquando insula fuit, modo non est. In *L. insula*, in fin. de *acq. re. do.* Rursum si finita tutoris tutela est, quomodo potest esse pupillus is, qui iusiurandum desert, cum pupillus sit is, qui impubes est. *L. pupillus, de verb. sig.* Impuberes autem perpetuo sui in tutela, quando sunt impuberes, nec potestate tutorum liberantur, ante quam facti sint puberes. *§. impuberes, Inst. de auct. tnt. tit. Inst. quib. mod. tut. fin.* in pr. Respondeo nihil prohibet pupillum impubere manere, & in tutela esse, & tamen finitam esse tutelam huius tutoris, de quo agitur: quoniam multis aliis modis finitur tutela, quam pubertate: veluti si tutor ad certam conditionem datus sit, puta, quando mater pupilli ægrotabit, vel quando aberit, & postea conditio existit. Item si tutor remotus sit a tutela, ut suspectus, aut si se excusaverit ex legitimis causis. *§. sed si usque, & §. ult. Inst. quib. mod. tut. fin.*

Ius autem, de quo hic agitur, ita se habet. Pupillus ¶ si sine tutoris auctoritate iusiurandum desert, iusiurandum erit non nocens, sed perinde habetur quasi iuratum non esset, ideo non prohibetur eandem litem postea exercere. Hic opponitur generalis definitio. *L. 1. sup.* causam iureiurando decisam nullo modo retractari

posse, quod siue exceptione dictum est. Dicimus, id ita accipi debere, si modo iusiurandum delatum sit ab eo, qui dominus litis esset. Nam ab alio deferri non posse. *L. nec filius, inf.* Idem iuris esse, si deferatur ab eo, qui vere quidem dominus sit, sed rerum suarum administrationem non habeat. Quatenus enim quis administrationem rerum non habet, eatenus dominus non videtur. *L. iusiurandum quod ex conventionione §. 1. in fin. D. eod.* Rerum suarum administrationem non habet pupillus. *titul. de auct. tnt. in Inst. §. pen. Inst. quibus al. lic. vel non.* In eodem ¶ numero sunt adolefcentes minores viginti quinque annis *L. 1. impuberibus comparatur prodigi. L. is, cui bonis, de verb. obligat.* Proinde hi omnes, si iusiurandum detulerint, causa eo iureiurando decisa retractari potest. Sed dissimiliter. Pupillus ¶ si iusiurandum detulerit, in totum iusiurandum ei non nocet: quoniam sine tutoris auctoritate deteriorum conditionem facere non potest: proinde nec se obligare sine tutore auctore, nec actionem, quam habuerit, remittere. *L. obligare, de auct. tut. Inst. eo. tit.* Et ideo, quod ad iusiurandum attinet, si pupillus conveniatur, ut in specie huius loci, & deferente eo actor iuraverit sibi dari oportere: non prohibetur eandem litem exercere, ut hic dicitur, id est, non prohibetur negare se debere: & eadem actoris causa est, quæ futura esset, si omnino non iurasset. Nullo iureiurando interposito actor, si adversus pupillum ageret, probare deberet sibi deberi. *L. his probationibus & ipso non probante pupillus absolveretur. L. qui accusare, sup. de eden.* Igitur idem & nunc fiet, ut sic ipso iure pupillus in factum actione ex iureiurando non teneatur. Merito. Nam si teneretur, delatione iurisiurandi pupillus obligatus esset. Nunc autem sine tutoris auctoritate obligari non potest, ut dixi.

E converso, si pupillus agat, ¶ & deferente eo reus iuraverit, se dare non oportere: dabitur quidem reo exceptio iurisiurandi, sed quæ pupillo non noceat, quia pupillo adversus exceptionem replicatio erit in factum, nisi reus iuraverit deferente eo, qui solus iusiurandum deferre non potuit. Hoc ita scriptum est in *L. iusiurandum quod ex conventionione §. 1. D. eod. L. 1. §. 1. quar. rer. act. non datur.* In qua tamen parte dici videtur debuisse, pupillum ¶ ipso iure salvam actionem habere, nec reo acquiri exceptionem iurisiurandi, si pupillus iusiurandum detulerit. Nam pupillus sine tutoris auctoritate

te ipso iure remittere nihil potuit, ut diximus. Proinde si iureiurando remittere voluit; quia contra sua detulit, perinde haberi dicitur, quasi iusiurandum non intervenisset. *L. non dubium, supr. de LL.* Deinde non potest ulla exceptio competere reo, nisi ex æquitate; cum æquum est, cum dare non oportere, ut declaratur omnibus exemplis exceptionum, in *Instit. de except. L. Stichum, §. naturaliter, D. de sol. A.* non est æquum, pupillum iureiurando a se delato teneri, aut obligationem remittere: proinde nec ex delatione iuriurandi exceptio reo acquiri debet.

Respondeo. Hæc verissima sunt, si agente pupillo contra iusiurandum, reus fateatur iusiurandum sibi delatum esse ab eo, qui pupillus erat, & delatum sine tutoris auctoritate. In hac enim confessione stultum esset exceptionem iuriurandi dari, cum iuris certi esset iusiurandum prodelle reo non posse; sed si erit de eo controversia, tunc exceptio iuriurandi reo dabitur; sed ita, ut pupillo agenti adversus exceptionem detur replicatio, de qua diximus. Pinge, reum ita dicere: Tu pupillus non fuisti, cum detulisti iusiurandum, aut fuisti quidem pupillus, sed tutore auctore detulisti. Hoc inquam casu propter incertitudinem facti procedet exceptio iuriurandi, ut postea de facto quærat, an ita sit, ut reus dicit. Etsi ita non est, procedat intentio actoris propter replicationem, cuius sententiæ argumentum est in *L. nam postea quam, D. eod.*

De prodigo eadem dicenda sunt, *d. L. is cui bonis, D. de verb. obl.* Minor adolescens paulo in diversa causa est: Si curatorem habet, non differt a pupillo *L. 3. Cod. de in integ. restit.* Quod si curatorem non habet, & iusiurandum detulit adversario; iusiurandum ipso iure ei nocet, sive agat, sive cum eo agatur, sed in integrum restitui potest, *L. nam postea quam, §. si minor, D. eod.* Multum autem interest, utrum et dicamus iusiurandum a minore delatum ei ipso iure non nocere, an vero non nocere per in integrum

restitutionem. Nam si ipso iure ei non nocere diceremus, ut in pupillo & prodigo; omnimodo ei non noceret, sive capius fuisset diceretur, sive non fuisset, & præterea perpetuo ei non noceret. Cum autem dicimus, ei nocere ipso iure, sed posse eum in integrum restitui, hæc incommoda duo adiuncta sunt. Nam primum non potest et in integrum restitui, nisi probabit se circumscriptum. *L. verum, §. sciendum de minor.* Sic autem circumscriptus intelligitur, si cum haberet alias probationes, iusiurandum deferre maluit, ut cito se expediret. Cæterum si deficientibus omnibus aliis probationibus iusiurandum adversario detulit, non restituitur; quia fecit, quod boni patresfamilias in eadem causa facerent, & ideo non est capius. *d. L. verum, §. sciendum, Angelus in L. tutor. in prin. D. eod.* Hoc amplius in integrum restitutio non competit post 25. annum: nisi intra tempora restitutioni postulandæ constituta. Late sit. *supr. de temp. in integ. rest.* Et ideo utraque, hæc conditio adiecta est in *d. L. nam postea quam, §. si minor, D. eod.*

Hæc omnia dicta sunt, si pupillus solus sine tutoris auctoritate, minor sine curatoris auctoritate iusiurandum detulerit. Cæterum etiam pupillus et tutoris auctoritate iusiurandum recte desert, ut vel obligetur actione iuriurandi, si reus est; vel ut remittat actionem reo, si actor fuit. Omnia enim pupillus recte gerit tutore auctore. *§. pupillus, Inst. de inutil. stip. d. L. obligari, de auct. tut. L. insinrandum quod ex conventionem §. 1. D. eod.* Non obstat, quod dicitur in *L. 2. supr. si tutor, vel cur.* cum pupillus tutore auctore iusiurandum detulit, causam retractari posse per in integrum restitutionem. Nam hoc ipso declaratur causam eo iureiurando decisam fuisse, alioqui non fuisset in integrum restitutio necessaria. *L. causa 2. D. de minor.* Iam autem dixi, quid intersit, utrum causa ipso iure pro decisa non habeatur, an vero per in integrum restitutionem retractetur.



L. Cum etiam 5.

Impp. Diocletian. & Maximian. AA. & CC. Iuliano.

Cum etiam a pupillorum tutoribus vel ab ipsis pupillis relicta fideicommissa videantur, super fideicommissis praeses provincia cognoscet; & si tibi relictum esse constiterit; reddi tibi efficiet. Idem, si inficietur, ad iusiurandum, ut desideras, tutorem adiget. PP. IV. Kal. Decemb. ipsi IV. & III. AA. Coss.

SUMMARIA.

1. Rescripti quae species; duplex exinde quaestio. & quae.
2. Legata relicta a tutoribus, ab eorum pupillis relicta videri, & deberi isto nomine.

3. Si petatur a pupillo legatum, & negetur esse relictum; tutor iurare cogendus; contraria refutantur.
4. In iudicio pupillari quare tutor iurare cogatur.

Pater † testamento filium pupillum heredem instituit, & tutorem dedit, a tutore petit, ut 10. Titio daret. Quaestum est, an legatarius hæc 10. petere possit, & a quo debeatur? Est in ea re fiat controversia, & rem iureiurando decidi velit, quis possit & cogatur in ea causa iurare.

Prima quaestio est, an legatum debeatur? Dubitationis causa ex eo, quod cui nihil datum est, ab eo nihil legari, aut relinqui potest. *L. ab eo, infr. de fideicommissis.* Hic autem tutorem proponimus, cui nihil datum sit a testatore, proinde quod ab eo relictum est, frustra relictum videtur. Adversus hanc dubitationem valet hæc † constitutio iuris, quæ hic traditur in princ. & in *L. 4. 20. infr. de fideicom.* nempe legata a tutoribus relicta, a pupillis heredibus institutis relicta videri, proinde ab iis deberi. Hoc ut dixi, ita conceptum est, ut superiori dubitationi occurreretur. Nam si legata a tutoribus relicta sic acciperentur, quasi relicta essent a tutoribus, sine dubio non deberentur. Nunc autem sic accipi debent, quasi relicta essent ab ipsis pupillis, quorum personam tutores sustinent. Pupillus autem proponitur heres institutus. Ab instituto recte relinquitur, & ab omni eo, cui aliquid relictum est. *d. L. ab eo, infr. de fideicommissis.*

Sequens quaestio est, si legatum petatur a pupillo, & negetur legatum relictum esse, quis in hac causa iurare de-

beat, & an tutor sit cogendus? Placet † 3 tutorem cogendum iurare. Hic opponitur *L. Marcellus, §. iurare, D. rer. amot.* ubi generaliter habetur, neminem cogendum de facto alieno iurare. Resp. In specie proposita cum petitur a tutore, ut iuret, an legatum sit relictum, necne, non petitur, ut iuret de facto alieno, sed suo. Petitur enim, ut dicat, an legatum relictum sit testamento, aut neget, in quo agitur de eius aspectu & notitia, & quemadmodum ex testamento scivit se tutorem datum, ita & an testamento quid legatum sit scire potest. Ob hanc causam non obstat. *L. 4. inf. de in lit. iur.* ubi dicitur, In tutelari causa non esse cogendum tutorem iurare in litem. Nam hoc iusiurandum est ex affectione domini, non ex veritate. Non potest autem tutor liquido iurare, quod ex affectu pupilli inter sit eius, ideo anceps peritium suscipere cogendus non est, ut *ibid.* scriptum est.

Sed qua ratione tutor † cogendus est 4 iurare, cum nemo iurare cogendus sit, nisi postulante adversario. Nunc autem in causa pupillari pupillus pars est, non autem tutor, & ideo adversarius non est adversarius tutoris, sed pupilli. Respondetur. In causa pupilli tutor pars est, & adversarius multo magis, quam pupillus, si praesertim exercitatio iudicii spectetur. Nam cum agendum est cum pupillis, tutores conveniuntur, & tutores iudicium suscipiunt, aut pupilli tutore auctore. *L. 1. §. sufficit, & §. seg. D. de admin. tut.*

L. Cum proponas 6.

Impp. Diocletian. & Maximian. AA. & CC. Bessio,

Cum proponas partibus placuisse, iurisdictionis religione generis & ingenuitatis questionem decidi; praeses provinciae iuxta decretum arbitri ad voluntatis vestrae placitum amica tuae filius consulat, PP. V. Idus Februar. Tiberianus & Diocet. Coss.

S U M M A R I A.

1. Vulgo putant ex hoc loco de statu & ingenuitate iureiurando recte decidi.
2. Species atque hypothesis huius L. sen-

tentiae accommodata an illi conveniat.

3. Quae vera sit eiusdem L. sententia.

1. **H**IC locus † vulgo accipitur de vi iurisdictionis, ut sit haec sententia: iusiurandum non solum in re pecuniaria, ubi agitur, an quis quid debeat, interponi potest, sed etiam in omni causa, ubi & de conditione & statu personae agitur. Et interpositum servandum est inter eas personas, inter quas interpositum est. Haec sententia per se clara est, & multis declaratur in L. 3. §. quaecunque, D. eod. Ad eandem sententiam pertinet L. cum qui, §. in popularibus, & §. seg. L. iusiurandum & ad pecunias in pr. D. eod.
2. Ad hanc sententiam species † huius rescripti sic accommodatur: Bessii amica, id est, patris Bessii soror decessit relicta liberis, Bessius tanquam proximus agnatus defunctae hereditatem possidebat. Liberi defunctae eam hereditatem ut suam vindicant, utpote defunctae matris heredes. Bessius facit illis status questionem, & dicit, servos esse; utpote natos ex matre tunc, cum mater esset ancilla, neque postea manumissos; si servi sunt, ad eos hereditas matris iure civili pervenire non potest, quoniam quod attinet ad ius civile, pro nullis habentur. Item servi iuris civilis communionem non habent. L. quod attinet, de reg. iur. L. qui testamento. §. servi, de testam. Liberi defunctae fatentur, se non esse manumissos, sed dicunt esse natos matre libera, proinde ingenuos, ex definitione ingenuorum tit. de ingen. Inst. Quaesitio: An liberi defunctae nati sint matre libera, ac proinde an sint ingenui? Quae quaestio inde dicitur quaestio status & ingenuitatis. In hac controversia placuit partibus item decidi

iureiurando, & iusiurandum filiis defunctae delatum est: si iuraverunt se natos matre libera, & ideo ingenuos. Huc iurisdictionis Bessius stare non vult, quod dicit, maiorem esse causam status, & ingenuitatis, quam ut iureiurando decidi possit. De ea controversia arbitri sumtus, qui pronuntiavit, eam causam recte esse decessam. Bessius etiam post hanc sententiam arbitri iureiurando stare non vult. Ita res ad praesidem vocata est. Responderunt Impp. Bessio, si ita se res habet, ut supra dictum, praesidem filiis amicae eius consulturum ad placitum eorum voluntatis, & iusiurandum de statu & ingenuitate interpositum servaturum.

Haec sententia, ut dixi, per se vera est, sed huius loco non convenit. Non enim † quaeritur hic: an iusiurandum servandum sit, sed an placitum servandum ex illis verbis: *Ad placitum voluntatis vestrae filius amicae tuae consulat*. Deinde observandum est in principio rationem poni, cur filiis consulendum sit. Hanc autem esse rationem, quia partibus placuerit item decidi iureiurando. Quae ratio non esset necessaria, si quaereretur: An iusiurandum esset servandum. Nam etiam sine consensu utriusque partis interpositum iusiurandum servandum est. L. 1. sup. Verus est igitur, questionem hanc esse non de vi iurisdictionis, sed de necessitate suscipiendi. Est autem haec quaestio: In superiore controversia, quam commemoravimus, placuit partibus item decidi iureiurando & convenit ut Bessius iuraret: & si iuraret matrem defunctam fuisse ancillam, cum liberos peperit, ab omni

omni controversia discederetur. Post hanc conventionem Bessius iurare non vult, sed refert iusurandum. Defunctæ liberi postulunt, ut Bessius iuret secundum conventionem, neque illi iusurandum referre liceat. Quæstio: an audiendus sit Bessius iusurandum referens liberis defunctæ: an veto iurare cogendus, aut hereditatem restituere? Arbitretur de ea re sumtus pronuntiavit Bessium iuraturam debere ex conventionibus: post arbitri sententiam perseverat in eadem re, & iurare non vult. Consultatur Imp. Respondenti, si ita convenit,

ut proponitur, præsidem secundum placitum voluntatis partium filiis defunctæ consulturum, id est, placitum de iurando servaturum, & non coacturum liberos iurare, sed Bessium. Ita in summa efficitur hoc rescripto ea sententia, quæ est in *L. iusurandum, quod ex conventionione in pr. D. eod.* nempe, iusurandum, quod ex conventionione susceptum est; referri non posse, id est, si quis ex conventionione iurare debet, necesse habet iurare, nec contra conventionem iusurandum referre potest adversario.

L. 7. Nec filius.

Imp. Dioclet. & Maximian. AA. & CC. Eutychianz.

Nec filius, nec quisquam alius nec litigando, nec paciscendo, sed neque iusurandum citra voluntatem domine rei deferendo, præiudicium ei facere potest. Unde si citra mandatum tuum aliquid erga rem tuam filius tuus gessit, nec hoc ratum habuisti, nihil tibi oberit. S. Idib. Novemb. AA. & Coss.

S U M M A R I A.

1. *Explicatio regule: nemo alterius conditionem deteriorem facere potest § n. 1.*
2. *Filius agens nomine matris nec pacto, nec iureiurando nec re adversus ipsam iudicata nocet matri, § quare.*
3. *Iusurandum quod vel ab eo delatum*

est qui pro domino habetur, vel mandato domini, servandum esse omnia.

4. *Idcirco illud quod sit a tutore delatum.*
5. *Item a procuratore qui specialem aut liberam habet administrationem.*
6. *Item ratihabitione confirmatum.*

Regula iuris civilis est: Neminem ꝑ alterius conditionem deteriorem facere posse. *L. solvendo, D. de neg. gest. & quod idem est, neminem posse alteri iniquam conditionem inferre, L. non debet alteri, de reg. iur.* Hæc regula hic explicatur: declaratur enim hæc regulam generalem esse, pertinere ad omnes personas, quæ alterius conditionem deteriorem facere velint, cum dicitur, nec filium, nec alium quemvis id facere posse. Declaratur etiam eam pertinere ad omnia facta, quibus quis alterius conditionem deteriorem facere instituit. Est autem hoc exemplum. Filius egit iudicio ꝑ cum debitore matris suæ, tanquam procurator. *iuxta L. sed § de personæ, in princ. D. de procur.* Pronuntiatum est eo iudicio reum nihil matri debere, & ita absolutus est; vel filius cum debitore matris pactus est, ne pecunia ab eo peteretur, vel cum filius a debitore matris peteret,

& ille negaret se quidquam debere, deferente filio, iuravit se nihil debere. Hic scriptum est, nullum horum factorum filii nociturum matri, eidemque domine, quominus mater posset adversus debitorem agere: ut posset, si nihil cum illo a filio gestum esset. Itaque res iudicata cum filio matri non nocebit. Inde dictum: Res, iudicata inter alios aliis non nocere. *L. sepe, D. de re iud. tit. res inter ali. iud. vel iud. al. non noc. inf.* nec pactum filii matri nocebit, eadem ratione. Inde dictum, pactum cum aliis personis interpositum, aliis non nocere. *L. si unus, §. pacta, vers. ante omnia, D. de pact.* Idem hoc scriptum est de iureiurando, quod a filio delatum est, hoc videlicet matri non nocere, quæ omnia, ut dixi, ad superiorem illam regulam referuntur, neminem omnino alterius cuiusquam conditionem deteriorem facere posse.

Quod

Quod tamen dicitur, iusiurandum ab alio delatum alteri non nocere, sic ¶ accipiendum est, nisi is, qui detulit, aut domini loco habeatur, aut domini mandato detulerit, aut delatum postea dominus ratum haberet. Domini loco fuit, tutores & curatores. *L. tutor, qui tutelam, D. de adm. tut. L. 2. §. tutor, D. de eo, qui pro tutore.* Proinde delatum a tutore ¶ iusiurandum servandum est. *L. iusiurandum quod ex conventionione, §. si tutor. D. eod. L. tutor, eod.* Domini mandato delatum perinde habetur, ac si a domino delatum esset. Is eulm facit, qui

per alium facit. *L. §. §. gessisse de adm. tut.* Idcirco & hoc iusiurandum servandum est. Inde dictum, iusiurandum servandum, quod procurator detulerit, sive specialiter ei ¶ mandatum sit ut referret, sive generaliter ei negotiorum omnium administratio concessa sit, d. *L. iusiurandum quod ex conventionione §. ult. L. seq. D. eod.* Si quis sine mandato domini iusiurandum detulit, etiam id servandum est, si postea ¶ dominus ratum habuerit, *sic. hoc scriptum est.* Quoniam ratihabitio mandato comparatur. *L. ult. infr. ad Senatusconf. Trebell.*

L. Actori. 8.

Impp. Dioclet. & Maximian. AA. & CC. Alexandr.

Actori delato, vel relato iureiurando, si iuraverit, vel ei remissum sit sacramentum: ad similitudinem iudicati, in factum actio competis. §. XII. Kal. Maii. CC. Coss.

S U M M A R I A.

1. Actori iuranti deferente reo actionem eo nomine queri: de ea duo statui.
2. Primo eam esse in factum actionem; que in factum actiones & cur ista dicitur & n. 3.
4. Actionem iuri iurandi, quam vocant non esse certam, sed dubiam; eoque actionem in factum competere ex iureiurando.
5. Veterem actionem actori postquam iuravit competere quidem; sed hanc utilem, non directam, utraque quid sit, obiter.
6. Distinctio Bartoli commentitia: utilem, & in factum actionem esse unam, nomine divorfam duntaxat.
7. Secundo actionem hanc ex iureiurando

- do competere ad similitudinem iudicati, cuius & vim obtinet.
8. Vis eadem cernitur in firmitate iudicii.
9. Item in commodis, quae eadem hic atque in actione iudicati; ea quae sunt.
10. Excipi a proxima definitione actiones quae inficiendo crescent ex L. aquilia ex. grat.
11. Quae illas excipiendi ratio.
12. Datur actori actio, & reo vicissim exceptio, si hic aut ille iures extra iudicium.
13. At lite iam contestata delato aut relato iureiurando illico sequi indicis sententiam.
14. Sententia istius quae sint effecta.

Si actor, ¶ postulante reo, iuraverit, sibi dari oportere, quod petit; datur ei actio eo nomine, in qua hoc queritur solum, an iuratum sit. *L. nam postea quam, §. 1. Digest. eod. §. Item si quis postulante, Infr. de act.* De hac actione hoc rescripto duo traduntur. I. Hanc in factum actionem esse. II. Competere eam ad similitudinem iudicati.

In factum ¶ actio dicitur, quia actio nullum proprium nomen habet: uti nomen cuiusque causae est, de qua iuratum est, ita varie agitur ex iureiurando. Dicuntur autem actiones in factum, quae iure Civili

nullum proprium nomen habent. *L. 1. 2. 3. de praescript. verb.* Sic ¶ dictae sunt; quia actio proponitur praescriptis, id est, ante scriptis in id quod factum est verbis, sine alio nomine ac literis ut declaratur in *L. cum mota, in fin. supr. de transact.* ubi dicitur *haec actio esse, quae praescriptis verbis rem gestam demonstrat.* Idem declarat Theophilus in *§. 1. in fin. Infr. de except.* ubi in factum exceptionem interpretatur eam, quae *de quaerendo* & narrative proponitur. In ceteris actionibus, quae proprium nomen habent, etiam factum narrari oportuit, ut intelligeretur agens-

agendi causa: *L. edita sup. de edend.* sed tamen eæ non demonstrabantur sola facti narratione, sed addito proprio nomine actionis, qua quis se agere diceret, veluti, *ex empto, ex vendito, pro socio & similib.* Ac ubi actionis nullum nomen fuit, actio sola facti narratione demonstratur, & ea conceptione verborum in factum pro iusto nomine utitur. Unde dicitur in *factum*, id est, in factum tantum concepta, non autem alio proprio nomine utens.

4 Sic hic occurrit. † Nam actio, quæ competit ex iureiurando, dici potest & dicitur actio iurisjurandi, quoniam ex iureiurando nascitur; proinde actio certa, quoniam causa actionis certum nomen habet: *L. 3. & seq. de præscript. verb.* Idque confirmantur exemplo actionis iudicati. Nam actio, quæ ex iudicato nascitur, non dicitur in factum, sed proprio nomine appellatur actio iudicati, quoniam id factum, unde nascitur, proprie iudicatum dicitur. *L. miles, §. iudic. de re iud.* Quare eodem exemplo dicendum est, cum iusiurandum sit certum & proprium nomen, uti iudicatum; similiter actionem ex iureiurando competentem dici debere actionem iurisjurandi. Cumque proprium nomen habeat, non posse dici actionem in factum. Respondeo. Actio præscriptis verbis, & actio in factum non solum tunc locum habent, cum contractus nullum proprium nomen habet: sed etiam cum dubitatur, quis sit contractus, seu quod factum, ex quo actio nascatur: *L. 1. de æstim. act.* ac tale est factum, ex quo actio post iusiurandum nascitur. Incertum est enim, an hæc actio sit ex veteri causa, ex qua actor intendit sibi deberi, an vero ex nova causa iurisjurandi.

Rursum videtur non esse ex iureiurando actio in factum. Idque probatur ex eo, quod cum actor iuravit sibi deberi, competit illi vetus actio, quæ competeret, si probasset sibi deberi. Exempli gratia, iuravit se fundum emisit, datur ei ex empto actio; uti daretur, si emisit. Iuravit se societatem contraxisset, datur ei pro socio actio: uti daretur, si contraxisset. *L. si duo, §. si quis iuraverit, D. eod.* Hæc autem actiones veteres sunt certæ, & certo iure proditæ, quod cum accidit, actio in factum locum non habet. *L. 1. & 3. de præscr. verb.* Ergo iureiurando dato veteres actiones erunt, certæ, non actio in factum? Respondeo: Quod dicitur, † iureiurando interposito veterem actionem actori competere, quæ competeret, si probasset sibi deberi, sic accipiendum est;

ut non directæ vetus competat, sed ut utilis tantum *d. L. si duo, §. Marcellus, D. eod. sed si possessori §. ult. eod.* Hoc etiam significat proprie veterem & certam actionem non competere. Directæ actio est, quæ ex verbis legis datur. Utilis est quæ verbis legis non datur, sed cessantibus verbis datur propter eandem æquitatem, utilitatis causa, idque ex sententia legis. *§. ult. Inst. de L. Aquil.* Ergo in proposito, si quis iuraverit se fundum emisit, datur ei ex empto actio, sed utilis. Hoc autem significat, proprie hanc actionem ei non dari, quæ ex verbis legis non datur. Nam actio ex empto lege tantum competit ei, qui emit. *L. ex empto, de act. empt.* At is, qui iuravit, se emisit, non idcirco emit, neque ideo agit, quia emit: sed quia iuravit se emisit. Proinde ea res non facit, quominus ei in factum detur actio, cum alia certa iure ei non competat. Interim hoc manet, posteaquam actor iuravit, competere ei actionem in factum, & competere veterem utilem. Inde quæritur.

An hæc duæ sint actiones, an una? Bartolus hoc loco tradit † duas esse, cuius 6 sententiam alii sequuntur, & eas actiones ita distinguit, ut utilis ex iureiurando competat, cum actor iuravit formiter, id est iuravit adiecta causa, propter quam diceret sibi deberi; actio autem in factum competat, cum actor iuravit informiter, id est nulla adiecta causa, propter quam diceret sibi deberi, ut puta iuravit quis sibi fundum deberi, quia cum emit ab adversario. Hic dabitur vetus exceptio. *d. L. si duo, §. si quis iuraverit & seq. D. eod.* At si simpliciter iuraverit, sibi fundum dari oportere, actio in factum dabitur. Quæ distinctio mera divinatio est. Hic enim simpliciter dicitur, iureiurando interposito actionem in factum dari, neque distinguitur, quomodo iuratum sit. Sed hæc sententia aperte falsa est, & evincitur ex *L. sed si possessori, §. ultim. D. eod.* Nam in *§. ultim.* proponitur quis iurasse, hereditatem suam esse, nulla adiecta causa propter quam suam esse diceret; & tamen illic datur utilis. Ut autem intelligatur, in eadem causa actionem in factum dari, principium eius *L. coniungendum est.* Nam ibi proponitur quis iurasse, rem aliquam singularem suam esse, similiter ut in *§. ultim.* & tamen illic datur actio in factum; quæ tamen in *§. ult.* dicitur utilis. Ex quo colligitur, hæc actiones verbis distingui, re esse easdem, id est, unam eandem quæ actionem. De quo, quo minus dubitemus, sciendum est, quæ uti-

utillis actio dicitur in usu iuris, eandem diei solere in factum, & contra. Argumenta hæc sunt. Nam actio præscriptis verbis in factum est, *L. 1. § segg. de præscr. verb.* At eadem dicitur utilis. *L. cum nuda, in fin. supr. de transact.* Item cum quis ita pecus in angustias redegit, ut præcipitaretur, datur actio in factum ex causa legis Aquiliæ *L. liber. D. ad L. Aquil.*

- 7 Hæc actio in factum dicitur actori com-
petere ad \dagger similitudinem iudicati, non
quod iudicati sit actio in factum, ut actio,
quæ competit ex iureiurando. Nam actio,
quæ ex iudicato competit, certum no-
men habet, diciturque iudicati. *dist. L. miles, §. iudicatis de D. re iudic.* Sed
ideo, quia actio ex iureiurando eandem
vim habet, quam actio iudicati. Hæc vis
8 duabus in rebus consistit, primo \dagger in fir-
mitate iudicii & actionis. Nam ut in actione
iudicati nihil amplius queritur, quam
an iudicatum sit, omnia questione, an
debeatur: sic in actione in factum ex iureiurando
nihil amplius queritur, quam
an iuratum sit, omnia ibidem questione,
an debeatur, & an peieratum sit. *L. post
rem, de re iudic. l. 1. §. dato, Digest.*
9 *cod.* Deinde consistit in \dagger iis commodis,
quæ ex actione iudicati percipiuntur. Nam
postquam iuravit sibi quid dari oportere,
aut quid suum esse, id omne conse-
qui debet, quod haberet, si secundum
eum iudicatum esset. *L. sed si possessori, §. ultim. Digest. cod.* Hoc eo pertinet,
ut qui iuravit de re aliqua, si non solum
rem debeat consequi, sed etiam causam
omnem, ut sciret lite contestata, & re
secundum actorem iudicata *dist. L. sed si
possessori. in princ. & §. ultim.* Hoc lo-
10 co \dagger excipiuntur actiones, quæ per infici-
cationem in lite crescunt. Nam ex iis,
qui iuravit, nihil amplius consequitur,
quam simplum, quanvis si directa actione
egisset, & probasset, duplum ex iudicato
consequeretur. Exemplo est actio
L. Aquiliæ, de damno dato. Hæc actio
in contententem in simplum datur, id est,
in id damnum, quod vere datum est. In
inficientem datur in duplum, quod & reus
præstabit, si eo iudicio condemnatus erit.
L. inde Neratius, §. hæc actio, ad L. Aquil. Ex hac actione, si actor iureiurando
sibi delato iuravit, sibi damnum datum
esse ad 10. florenos: nihil amplius actor
in factum consequi debebit, quam
10 cum directa agens consecutus esset
duplum. *L. cum qui in princip. D. cod.*
Cum ex cæteris causis traditum sit, actorem,
qui iuravit, tantum consequi debe-

re, quantum haberet, si secundum eum
pronuntiatum esset. Queritur, cur actio \dagger
legis Aquiliæ & similes excipiantur in duplo,
quod ex iis actionibus præstandum
est? Ob hanc causam Paulus in *d. L. eum qui*,
conatus est ostendere differentie rationem.
Eam autem duplicem reddit. Prior est;
quia sufficere debet actori iuranti, si ex iureiurando
consequatur exonerationem probationis. Sed hæc ratio
erat infirmior. Ideo adiecit alteram certio-
riorem & veram. Ea est autem, quia nihil
amplius actor consequi ex iureiurando debet,
quam quod in iusiurandum deductum est.
Nam nec ex iudicato quisquam amplius
consequi potest, quam quod in iudicium
deductum est. *L. ut fundus, D. com. diu* Qui autem de damno iurat,
nihil amplius iurat, quam damnum sibi
ad eam quantitatem datum esse. Proinde
ex iureiurando nihil amplius consequi debet.
Non obstat, quod directa actione legis
Aquiliæ consequeretur duplum. Nam ideo
consequeretur; quia & duplum in iudicium
deduceret: peteret enim duplum sibi a reo
dari, si reus in inficiatione perseveraret.

Ad extremum hoc loco notandum est,
quod dicitur, post iusiurandum actori actionem
in factum dari, item reo iuranti dari
exceptionem. Utrumque horum \dagger sic
accipiendum est, si vel actor, vel reus extra
iudicium iuraverit. *L. in duobus, §. ultim. D. cod.* Nam tunc ideo actori
actio danda est, quia nondum iudicio egerat,
& reo danda est exceptio, quia iudicio
postea adversus eum agitur, ut ei ad
defensionem necessaria sit exceptio. Quod
si lite iam \dagger contestata vel actor
iuraverit, deferente reo, vel reus deferente
actore; neque hæc actio datur actori,
neque reo exceptio. Non datur actio
actori, quia non est ei necessaria; cum
iam actio in iudicium deducta sit. Non
est exceptio reo necessaria; quia postquam
ille iuravit, perinde habetur, quasi probatum
esset: nulla hic nova actio instituitur,
nulla exceptio datur; sed sequatur
sententia iudicis, qua vel reum iurantem
absolvat, vel actorem iurantem reum
condemnet. Huius \dagger sententie hic erit effectus,
ut ab ea appellare non possit. *L. generaliter §. 1. infr. cod.* Sed & hic quoque
effectus erit sententie, ut quanvis
reus

reus vere convictus non sit; tamen nihilominus eundem exitum patiatur, qui futurus esset, si convictus esset condemnatus. Quod eo spectat, ut si convictus, fieret infamis ex sententia iudicis; etiam tunc infamis fiat, cum post iusiurandum damnatus est. *L. nam posteaquam, §. si damnetur, D. eod.* Exempli gratia. Tutor tutelæ iudicio damnatus infamis est.

L. 1. de his, qui not. infra. Adversus tutorem tutelæ agitur, quod dicitur dolo versatus esse in tutela. Is iusiurandum actori detulit, qui iuravit dolo versatum tutorem, atque ita tutor sententia iudicis damnatus est; placet tutorem non minus hoc casu famosum esse, quam si doli convictus ac deinde damnatus esset.

Ad l. Delata 9.

Idem AA. & CC. Martiano.

Delata conditione iuriurandi reus (si non per actorem quominus de calumniis iures steteris) per iudicem solvere vel iurare, nisi referat iusiurandum, necesse habet. S. V. Kalend. Maii, Sirmii AA. Coss.

S U M M A R I A.

1. *Iusiurandum cui deferretur, an iurare necesse habeat.*
2. *Iusiurandum deferens prius de calumniis iurare debet: quod si rennat, adversarius iurare non cogitur.*
3. *Et ipse habetur iusiurandum remittenti similis.*
4. *Sed de calumniis iurare debet ita, si hoc ab illo possuletur; quod novissimo iure non emendatur ibid.*
5. *Calumniæ iuramentum parentibus & patrono remitti: Florentina Lellio emendatur ibid.*
6. *Iusiurandum cui deferretur, si id referat adversario, ipse iurare non cogitur.*
7. *Iusiurandum in quibus causis referri non possit.*
8. *Iusiurandum non potest deferre is, qui prius detulit.*
9. *Iurare non cogitur, qui salva religione, aut pietate non potest.*
10. *Periurium anceps nemo suscipere cogitur, nec de alieno sacro iurare.*
11. *Procurator iurare non cogendus.*
12. *Iusiurandum prestandum si noceat adversario, iurare is non cogitur.*
13. *Iurare quis non cogitur ex iis causis, ex quibus iudicium suscipere non compellitur.*
14. *Iusiurandum si iuranti nihil prosit, merito recusatur.*
15. *Prodigis, pupillis, minoribus iusiurandum deferri non potest, nec ipsi deferre possunt.*
16. *Iusiurandum, antequam præstaretur, revocatum, recusari merito, nec amplius deferre licet.*
17. *Iusta recusandi causa cum subest nec iurare quis cogitur, nec iusiurandum referre: Hinc contrariæ reselluntur.*
18. *Sine causa non licet ei recusare iusiurandum qui adversario nolit referre: contraria remouentur.*
19. *Iusiurandum delatum a iudice nec recusari posse, nec referri ostenditur remotione causarum ex quibus iusta nascitur recusatio.*
20. *Potest tamen & hoc recusari cum quis salva fide ac religione iurare non potest; hoc quibus modis accidat §. n. 21. & 22.*
21. *Res iurare recusanti sine causa pœna statuta est condemnatio, proindeque solutio.*
22. *Actori denegatur alio.*
23. *Reus iurare volens, quomodo solvere cogatur a prætore ante litem contestatam.*
24. *Quid si lite contestata rennat sive reus sive actor; quod hic iudicis officium.*

Hic locus est de necessitate suscipiendi iuriurandi in quo duo quærentur. Unum, An cui iusiurandum deferretur, necesse habeat iurare. Alterum: si quis iurare cogitur, nec iuret, quæ sit pœna.

1 Prior quæstio est: An t cuiunque iusiurandum deferretur, iurare necesse habeat?

Tom. VII.

De eo hoc ita statuitur, ut necesse habeat, nisi iusiurandum referat, si modo is, qui refert, prius iuret de calumniis. Sed hæc res pluribus verbis continetur. Proinde de hac re ita statuendum est: Omnis cui

L i

iuf-

insinrandum defertur, necesse habet iurare aut solvere, nisi causam aliquam habeat iurisiurandi recusandi. Huius recusandi causae sunt quam plures: quarum duae hic comprehensae sunt, aliae ex aliis locis colliguntur. In summa autem genere sunt sex. Prima iurisiurandi recusandi causa est hoc loco: si is qui iusiurandum defert, prius de calumnia non iuret, postulante adversario. Qui \dagger iusiurandum defert, prius de calumnia iurare debet, ut hic, & *L. iusiurandum § ad pecunias, §. qui iusiurandum, D. eod.* id est, iurare debet, se non deferre iusiurandum calumniae causa, seu mala mente: quod ab eo exigitur propterea, quod multi iusiurandum eo deferunt, non quod putent sibi deberi, sed quia reum, qui iuravit, traducere postea velint, tanquam religionis contempitorem, tanquam qui peieraverit; vel quia norunt reum esse hominem religiosum, & hae religione abuti volunt. Hoc iusiurandum, cum iubetur praestare is, qui defert; ex eo intelligitur, nisi prius praestiterit, eum cui iusiurandum delatum est ab eo iurare non cogi. Ubi notandum est, cum is qui iusiurandum delatit non vult iurare de calumnia, non \dagger tantum hanc poenam esse, \dagger ut adversarius iurare non cogatur; sed ut is, qui delatit, habeatur remittenti similis. *L. si non fuerit, D. eod.* Quoties delatum iusiurandum adversario, postea ei remittitur, perinde habetur, quasi adversarius iurasset. *L. 1. sup. hoc tit.* Proinde si reo iusiurandum delatum est, & actor prius de calumnia iurare non vult: reo exceptio dabitur, & actori denegabitur actio, quoniam id fieret, si ei remissum ellet iusiurandum. Sed hoc sic \dagger accipiendum est, si is, cui iusiurandum defertur, postulat ab eo, qui defert, ut iuret de calumnia. Nam si iusiurandum de calumnia ab eo non postulat, nihil ei nocet, si non iurat. Et hoc est, quod in hac lege dicitur, reum cogendum iurare, delato sibi iureiurando, si per actorem non stet quo minus prius de calumnia iuret. Non intelligitur per actorem stare, quo minus iuret de calumnia: si hoc iusiurandum ab eo non postulat. Non corrigitur hoc lus, ut Accursius putavit ex *§. ult. Nov. de iis, qui ingred. ad appell.* Nam illa constitutio de aliis causis & aliis personis scripta est. Est autem regula perpetua tenenda: Quoties posterioribus legibus specialiter aliquod non emendatur, id veterum legum regulis relinqui. *L. precipimus, 32. in fin. inf. de appell.* hoc iusiurandum de calumnia \dagger remittitur patrono & parentibus. *L. si patronus, D. eod.* Sed

opponitur *d. L. iusiurandum § ad pecunias, §. qui iusur.* *D. eod.* ubi in Pandect. Flor. ita scriptum est: *Hoc iusiurandum de calumnia neque patrono, neque parentibus remittitur, sed manifestum mendum est in his verbis.* Nam innumeris prope locis diserte testatum est, addita manifestata ratione iusiurandum de calumnia patrono & parentibus remitti propter honorem, qui a liberto, & liberis superioribus personis debentur in primis in *L. licet, de obseq. patr. & par. praest. L. de die, §. ult. qui satisd. cog. L. qui boni, §. si alieno, de damn. inf.* quae sententia in iureiurando, quod patronus & parens detulerit, confirmatur diserte in *d. L. patronus, D. eod.* Ex quibus locis lectis dubitari non potest, quin mendosa sit Florentina lectio, quod & Accursius pro certo habuit. Nam eius tempore contraria lectio fuit, ut apparet ex glossa eius loci. Sic igitur locus emendandus & legendus est, ut in aliis exceptionibus legimus: *Hoc iusiurandum de calumnia aequo patrono, atque parentibus remittitur.*

II. Causa iurisiurandi recusandi etiam hoc loco expressa est, sumpta ex edicto, si is, \dagger cui iusiurandum defertur, id non praestare, sed referre velit; quia ille, qui retulit, iurare non cogitur, ut hic videtur, & *L. iusiurandum § ad pecunias §. datur. L. manifesta, D. eod.* Interdum tamen \dagger iusiurandum referri non potest, sed cui iusiurandum defertur, praestare iurare cogitur, quanvis paratus sit iusiurandum referre. Id tribus in causis accidit. Primo si de eius, cui iusiurandum defertur, solius admisso agatur. Exempli causa. Adversus furem agitur, & iusiurandum ei defertur, ut iuret se furtum non commisisse: fur iusiurandum referre actori non potest. *L. Marcellus, §. ult. & LL. seqq. D. rer. amos.* Idque optima ratione constituitur; quia ipse scire potest quid admiserit, adversarius scire non potest. Proinde non est iniquum eum iurare, qui liquido potest. Iniquum est eum iurare, qui liquido non potest. Sic iusiurandum referre non potest is, de quo convenit, ut iuraret, & hoc est, quod dicitur in *L. iusiurandum quod ex conventionione, D. eod.* Iusiurandum quod ex conventionione extra iudicium defertur, referri non potest. Intelligitur, iusiurandum ex conventionione deferri, quod defertur adversario secundum conventionem praecedentem, id est, quod ideo defertur, quia prius convenerat ut adversarius iuraret. Hoc iusiurandum ideo adversarius referre non potest; quia conventio ex edicto ser-

van-

vanda est, si modo ad exceptionem solum valeat, non autem ad actionem. *L. iurifigentium §. ait prator, §. sed cum nulla, de pact. L. in bonae fidei, L. 3. supr. de pact.* Ex hac autem conventionne solum nascitur deferenti exceptio. Non enim petit ex hac conventionne, ut adversarius iuret; sed cum adversarius ei iusiurandum refert, is tueretur se conventionne, ne ex relatione iurare cogatur propter conventionnem. Additum est *extra iudicium*: non quod hæc conventio servanda non sit, si lite contestata interposita sit, quoniam semper conventio servanda est ex edicto *de pactis* sed quia hæc conventio sive ante litem contestatam, sive lite contestata interponatur, semper intelligitur interponi extra iudicium, id est extra rem, de qua iudicium nunc est. Postremo iusiurandum deferre non potest is qui prius detulit. Exempli gratia Actor iusiurandum deferret reo: reus refert auctori iusiurandum, actor relatum referre iterum non potest. Non enim potest recusare condemnationem iurifurandi, qui prius detulerat. *L. iusiurandum & ad pecunias, §. datur, D. cod.* Idque usque adeo verum est, ut is, qui detulit: cui iusiurandum refertur, non possit petere ab eo, eui refert, ut is prius de calumniis iuret, ut *ibid.* scriptum est.

III. Recusandi iurisiurandi causa est, si is, qui iusiurandum deferatur, salva pietate, aut religione iurare non possit. Quod contingit partim ex ignorantia rei, partim ex conceptione, seu formula iurisiurandi delati. Ex ignorantia eius, cui deferatur, hoc contingit, si agitur de alieno facto, aut de re aliqui ei ignota. Nam in re ignota quisquis iurat, anceps perjurium suscipit. Nemo autem anceps perjurium suscipere cogendus est, *L. 4. de in litem iurand.* Ex hac causa placuit neminem de alieno facto iurare cogi. *L. Marcellus, §. iurare, D. rer. amot.* Inde dictum procuratorem non eogendum iurare. *L. iusiurandum & ad pecunias, §. procurator, D. cod.* Ex hac causa placet, si reus dicat, rem, quæ petitur, perisse sine culpa sua, & deferatur ei, ut iuret eam ita perisse: non esse eogendum eum iurare, si dicat se certo neicire, an perierit, & ideo postulat spatium ad cognoscendum: *d. L. iusiurandum & ad pecunias, cir. princ.* Idem metus religionis nascitur ex conceptione iurisiurandi.

Tom. VII.

Cum actor deferat iusiurandum improbatæ religionis, aut id iusiurandum quod homini Christiano suscipere non convenit. De qua conceptione si sit controversia inter litigantes, conceptio est in arbitrio iudicantis. Ut est in *L. iusiurandum & ad pec. §. si de qualitate, D. cod.* id est, iudex statuere debet, quomodo & quæ iusiurandum deferat. Sed quaeritur: Quid bonus Index & pius ea in re sequi debeat secundum bonas leges? Res bene decisa est in *C. ceteri Christiani, extr. de iur. iur.* ad hanc summam, ut iusiurandum deferri non debeat, nisi finitæ litis causa. Cum autem iurandum erit, iurandum esse per Deum, non per ullam (*) creaturam. Quam definitionem ideo sequi debemus; quia ex ipsissimo verbo Dei sumpta est, *Deuter. Cap. 6. & ad Hebr. C. 6.*

IV. Recusandi causa est, si iusiurandum propositum noceat adversario, cui deferatur. Nam illi iniuria inferri non debet. *L. non debet alteri, de regul. iur.* Ut autem iusiurandum illi noceat, ita contingit, si deferatur ei in ea causa, in qua iudicium suscipere non cogitur. Inde dictum est, quibus ex causis quis iudicium suscipere non compellitur, ex his nec iurare cogendus est. Vtuti, si olim legatis Romæ deferretur iusiurandum, qui Romæ iudicium suscipere non egebantur. *L. tutor, §. ult. de iur. iur. L. sed & si restituatur, §. ex quibus causis, de iudic.* Hoc autem ideo fit; quia si quis in his causis iurare cogitur, obliqua via iudicium suscipere cogitur, quoniam iusiurandum iudicii & litis contestatæ instar obtinet. *L. qui iurasse, in fin. L. tutor, §. 1. D. cod.*

V. Causa est, si futurum est, ut iusiurandum prælitum iuranti nihil prosit, quod contingit ex persona deferentis, cum scilicet is deferat, cui nihil nocet iusiurandum. In hoc numero sunt prodigi, pupilli, minores & similes personæ. Hoc est, quod de his personis dicitur, has iusiurandum deferre iure non posse. *L. tutor, §. 1. D. cod.* Hoc enim eam vim habet, ut intelligamus, non solum has personas deferre iusiurandum non posse, ut illis iusiurandum noceat, sed etiam si iusiurandum detulerint, pro non delato esse, ut sunt omnia, quæ contra ius sunt. *L. non dubium supr. de LL.* Quod pro delato non est, id perspicuum est recusare licere. *L. 1. VI.*

(*) Nimirum Calvinus præceptoris tribuit Donellus, qui tam alio quam ab illo iohibet perniciem de iuramento opinionem tenet animo: ut sapienter eundem lapidem; quasi huc error suo, qui cum in præcepti sit, ita-

re nullo modo potest, quærat iterata hac inculcatione subfidium. Vnde quæ fide dicta sunt, *Civil. Commentar. Lib. 21. Cap. 13.* & ibi notata cum duplici asterisco.

16 VI. Causa & postrema est, si is, qui iusiurandum derulit, aliquando id revocavit, antequam præstetur. Revocatum, si iterum deferre velit, invito adversario non licet, quod effectum est constitutione Iustiniani *L. si quis iusiurandum, infr. hoc tit.* His expostitis hæc consequentia sunt, si is, cui iusiurandum delatum est, non referat iusiurandum: non tamen semper necesse habere iurare; tamen id hoc loco sine exceptione dicatur, *eum iurare debere*. Sed interdum iusiurandum recusari potest; interdum iurare necesse habet, ut hic dicitur. Nam si iustam recusandi causam habet, nec iurare cogitur, nec iusiurandum referre, nec solvere.

Sunt autem quatuor causæ iurisiurandi recusandi præter eas, quæ in hac lege comprehenduntur, de quibus diximus. Quod si hæ causæ nullæ sunt, non licet iusiurandum recusare ei, qui iusiurandum referre non vult adversario. Hæ duæ sententiæ tamen incidunt in dubitationem.

17 Nam primum, quod dicitur, eum qui iusiurandum non refert, iusta de causa iusiurandum recusare posse, præter eas causas, quæ hic commemorantur, videtur primum refelli hoc loco, deinde edicto prætoris quod ita conceptum est, ut prætor, si reus cui iusiurandum delatum est non iuret, polliceatur se eumolvere coacturum, nisi iusiurandum referat; nec quidquam amplius addit in edicto, uti refertur in *L. iusiurandum & ad pec. §. ait prætor, §. sequenti, D. cod.* Unde hoc rescriptum translativum est. Apertius refelli videtur eadem sententia *L. manifestæ, D. cod.* ubi dicitur: *Manifesta turpitudinis esse, nolle nos iurare, nec iusiurandum referre*: nil tertium additur. Respondetur, quod dicitur, eum, qui iusiurandum non refert, cogi iurare, sic accipiendum est: nisi iusta aliqua de causa renuat iurare.

Non obstat, quod hæc conditio & exceptio, neque hoc loco, neque in edicto prætoris, uti refertur, nominatim adicitur. Nam plenum edictum prætoris non habemus: apparet ex eo, quod & in hoc rescripto, & in ea parte edicti, quam retuli, tantum cavetur de reo, non de actore. Nam prætor pollicetur, se reumolvere coacturum. Quid si actori delatum erit iusiurandum, & ipse nolit iurare? Non dubium est, quin reo magis consuli debuerit, & quin consultum sit a prætore. Non igitur hæc exceptio, si hic prætermissa est, ideo prætermissa fuit in edicto. Uicunque se edictum habuerit, dicendum est, quod prætermisum est hoc

rescripto, & aliis similibus locis, id ex aliis similibus sumendum esse. Satis autem constat ex his, quæ diximus, iusiurandum ex aliis causis recusari posse, quam his, quæ hic commemorantur. Proinde eas sequemur, in *ita L. incivile, de L. Incivile est, non tota lege, id est, ratione legis perspecta pronuntiare aut iudicare*. Rursum illud, quod dicitur, iusiurandum non sine ratione recusari non posse ab eo, qui iusiurandum sibi delatum non referat adversario, videri potest novis legibus emendatum esse. Itaque hic obstat primum *L. generaliter, §. vive ante, infr. hoc tit.* ubi discrete scriptum, *eum, cui iusiurandum est illatum vel a parte, vel a iudice, licentiam habere id recusandi*. Respondetur. Tamen hoc in principio eius §. dicatur, tamen postea remperat a Iuliano, ut possit videlicet recusari, si iusta sit causa recusandi. Nam si nulla sit causa recusandi, & secundum eum, qui non iuravit, iudicatum sit, licet adversario eam sententiam emendare per appellationem de qua ibi dicentur plura.

Rursum opponitur *cap. ultim. extr. de iureiurando*. Illic ita scriptum est: *Quod iusiurandum a parte parti delatum, possit licite recusari, ac referri*. Respondetur. Nihil verius dictum est, quam hoc, neque magis convenienter iuri civili. Sed diligenter animadvertendum est, duo hæc coniunctim dicta esse, posse iusiurandum hoc licite recusari ac referri, ut sit sensus: si quis simul & coniunctim referat iusiurandum, & ita recuset iurare, licite iusiurandum recusabit, quod & in hac *L. delata*, scriptum est, & in edicto prætoris. At si quis iusiurandum non referens recuset iurare, dicimus hoc ei non licere sine causa, ex his locis citatis. Cæterum ex causa licere, ut ex aliis locis probavimus.

Sed hæc dicta sint de iureiurando, quod a parte parti deferretur. Diversa causa est eius iurisiurandi, quod deferretur a iudice in dubiis causis & inopia probationum, 19 de eius vi dictum est in *L. 3. supr. hoc tit.* Hoc iusiurandum recusari non potest ab eo, cui delatum est, neque referri, quamdiu salva pietate iurare poterit. Id ita esse certius statuimus, si ostenderimus, non posse hoc iusiurandum recusari ex ulla earum causarum, quas supra commemoravimus. Primum is, cui iusiurandum a iudice deferretur, postulare non potest a iudice, ut prius de calumnia iuret, ut nisi iuraverit, sit potestas iurisiurandi delati recusandi. Nam iusiurandum in universum de calumnia non exigitur, nisi ab eo,

eo, qui aliquid petit, & a litigatore. Iudex autem in iudicio nihil petit a litigatore, sed apud eum petitur. Et cum iusiurandum deferret, iubet præstare, non petit, ut pro potestate & officio. Adde, quod magistratus & iudex cum officio suo fungitur, iure facit, quod facit. *L. 3. quod met. causa.* Nihil autem calumniæ causa sit ab eo, qui iure facit. Deinde non est causa recusandi huius iusiurandi, si is, cui delatum est, referre velit. Non enim potest hoc iusiurandum referri: At enim refertur iudici, aut adversario. Iudici non potest, quoniam ei soli iusiurandum deferri potest, cuius de re agitur. In iudicio autem non agitur de re iudicis. Præterea de facto alterius non iurare cogitur, multo minus iudex. *L. Marcellus §. iurare, D. rer. amos.* Adversario autem hoc iusiurandum referri non potest, quoniam id solum dicitur referri, quod refertur ei, qui detulerat. Deinde is honeste conditionem iusiurandi recusat, qui prius hanc conditionem non detulit. *argum. L. iusiurandum & ad pecun. §. dato, in fin. D. eod.* Quarta causa etiam in hoc iureiurando locum non habet, ut is, cui deferretur, dicat sibi damnosum esse iurare. Nam secundum eum iudicatur, qui ex hac delatione iuravit. Ne quonia quidem causa hic locum habere potest, ut dicatur ei, cui iusiurandum relatum est, hoc iusiurandum non profuisse. Nam ut secundum eum iudicatur, qui iuravit; ita & rata est sententia, nisi novis instrumentis retractetur. *L. admonendi, D. eod.* Postrema quoque causa hic cessat, si is, cui iusiurandum delatum est, dicat iudicem prius detulisse iusiurandum, deinde id revocasse, ac propterea iterum deferri non posse. Nam quod in privato litigatore ius est, id in iudice locum non habet, qui quod semel iussit, aut voluit, novo imperio potest tollere, prout causa exigere videbitur. *L. quod iussit. de re iudic.*

Una tantum causa est, & ea æquissima, propter quam is, cui iusiurandum a iudice deferretur, non cogatur iusiurandum admittere, si dicit, se salva pietate iurare non posse: quæ erat tertia causa recusandi, quam supra posuimus. Id autem tunc contingit, si reus dicat, se id, de quo agitur, per ignorantiam, vel quia sit heres, vel quia procurator, vel quia de interitu rei agatur, quem adhuc scire non possit. Idem contingit, si iudex, malus, aut impius, iusiurandum impium deferat, aut velit reum iurare per alium, quam per Deum, de quo in ea causa diximus. Cæterum

hac causa excepta is, cui iusiurandum a iudice in dubiis causis deferretur, iusiurandum recusare non potest, nec referre, ut bene significatur in *cap. ultim. extr. de iureiurando.* Cum facultas recusandi iusiurandi, solum tribuitur in eo, quod a parte parti deferretur. Quæ necessitas recipiendi iusiurandi, cum sit in hoc iureiurando, bene hoc iusiurandum appellatum est necessarium, & bene hoc verbum huic speciei tribuitur, ab interpretibus, de quo diximus in inscriptione *huius tit.*

De necessitate iusiurandi suscipiendi dictum est, sive id deferatur ab adversario, sive a iudice. Sequens locus est, ut videamus, si is, qui iurare debet, non inret, quæ sit adversus recusantem poena. Hæc ipsa in § reo statuitur edicto prætoris, quæ & hic comprehensa est, ut solvat quasi convictus & confessus. *L. iusiurandum & ad pec. §. prætor. ait, D. eod.* Hoc de reo solum cautum est.

Quid fiet, si reo deferente actor iurare non velit, neque iusiurandum referre? Respondetur. Etsi non existeret is locus, in quo de hac re nominatim cautum sit; tamen intelligere debemus, hanc poenam esse actori ut reum missum facere debeat, de quo aut expressum fuit edicto, aut si expressum non est; tamen ex eo, quod de reo dicitur, facile intelligitur. Nam si actori consultitur adversus reum non iurantem; multo magis reo adversus actorem non iurantem consulti debet: quoniam priorior ad liberandum esse debemus. *L. Arrianus, de obligat. & ait.*

Reus cogendus est solvere, per quod cogatur. Hic loci variant. Nam in edicto prætor pollicetur se coacturum. *dist. Leg. iusiurandum, & d. §. ait prætor, Dig. eodem.* In hoc autem scripto dicitur, iudicem cogere reum: quæ contraria videntur. Nam sciendum est, aliud esse officium prætoris, seu magistratus, quatenus prætor, seu magistratus est, aliud officium iudicis, quatenus iudex est, seu iudicat; alioqui male distinguerentur stipulationes prætoris a iudicialibus, id est, eæ, quæ ab officio prætoris proficiuntur, ab iis, quæ proficiuntur ab officio iudicis; quas tamen distinguere, ut species contrarias constet, *L. §. de verb. obligat.* Dicendum est, quod recte scripsit Duarenus in *comment. de iureiurando c. 3.* reum non iurantem interdum per prætorem cogi, interdum per iudicem. Per prætorem, si iusiurandum autem litem contestatam delatum sit, & ventum ad magistratum, litem contestandæ causa, ibique lite nondum con-

contestata, actor iusiurandum in iure reo desert. Hoc casu; quia nullus iudex adhuc constitutus est, & nullum iudicium, quod solum incipit a lite contestata. Ideo nemo reum cogere potest, nisi prætor, quatenus prætor est: quia nondum partes iudicis suscepit. At si lite iam contestata actor in iure iusiurandum reo deferat, hic cogendi partes non sunt alterius, quam iudicis, qui de ea re cognoscit, & ideo hoc casu per iudicem reus cogitur. Quæ cogendi ratio est diversa, uti per prætorem cogitur, aut per iudicem. Nam si autem litem contestatam reus non iuret, magistratus cogit eum solvere eo modo, quo confidentem in iure reum cogeret. Si enim reus in iure apud prætorem confiteretur se debere, & paratum se diceret solvere, placet in eum actionem non dandam, sed statim ita cogi solvere, ut iudicari cogere, nempe postulanti spatium dari ad solvendum. Si intra spatium id non solvat, pignora capi & distrahi iudicem, quod debetur. *L. debitori de iudic. Proinde eadem hæc executio prætoris adversus reum, qui non iurat. Nam qui non iurat, pro confidente habetur. L. manifeste, D. cod. Quod si deferente reo actor non iurabit, remedium prætoris*

est, ut denegat ei actionem. *L. iusiurandum, & ad pec. §. datur, D. cod.* Hoc autem remedium esse prætoris non in hac causa, sed in aliis etiam intelligimus ex *L. mutus, §. pena, de procur. L. sed et si prætorem, §. ait prætor, Digest. in quibus causis maior.*

Quod si lite contestata aut reus, aut actor non iurabit, iudicis officium est, ut de re iudicet. *L. de qua re, de iudic.* Sic autem indicabit, si aut reum damnet, aut absolvat. Nam alterutrum continere debet res iudicare. *L. 1. de re iudic. L. 3. infr. de sentent. & interloc.* Ante hanc sententiam iudicis ad executionem venire non potest. *L. 1. inf. de execut. rei iudic.* In hac sententia iudex hoc sequetur, quod est ex sententia edicti prætoris: reum recusantem iurare condemnabit, actore recusante reum absolvet, ut præcipitur, in *L. iusiurandum & ad pec. in fin. inf. cod.* Cuius sententia monendi sumus hanc vim esse, ut ab ea appellari non possit. *L. generaliter, §. iuramento, infr.* Post si reus non solvit, tum adversus eum sententia mandabitur executioni, uti sententiæ ceteræ solent, iuxta formam præscriptam in *L. a Divo Pio. de re iudic.*

Ad L. In actione. 10.

Idem AA. & CC. Protogeni.

In actione etiam depositi quæ super rebus, quasi sine scriptis datis movetur, iusiurandum ad exemplum cæterorum bonæ fidei iudiciorum deferri potest. S. V. Kalend. Decemb. CC. Coss.

S U M M A R I A.

1. An qui depositum negat, iurare cogatur.
2. Solutionis verbo quid intelligatur in

hoc editto prætoris.

3. Iusiurandum in omnibus causis deferri posse.

IS, apud quem res aliqua deposita est, negabat depositum: qui deposuit, iusiurandum ei desert, ut iuret se non accepisse. Reus in hac actione iurare se cogi negat. ¹ Quæstio, si an cogatur? Videri potest nata dubitatio ex verbis edicti, quibus prætor pollicetur, se eum, qui iusiurandum delatum est, iurare, aut solvere coacturum. *L. iusiurandum, & ad pecunias, §. ait prætor, D. cod.* Verbum *solutionis* pertinet ad naturalem numerationem pec-

cuniæ, ubi & pecunia numeratur, & pecuniæ dominium transfertur in actorem *L. solutus, D. de solution.* Nulla eiusmodi solutio exigitur in deposito. Nam in ea actione tantum continetur restitutio nudæ possessionis. Placuit sub hoc exemplo in omni actione, & controversia litem iureiurando decidi posse, ut *solutionis* verbum in edicto significet omnem præstationem, quæ a reo exigatur, sitque hæc sententia: *eum, cui iusiurandum delatum*

latum est, inrare, aut prestare id, quod ab eo exigitur, cogam. Ergo in t̄ omnibus caullis & controversiis iusiurandum deferri potest, ut is, cui deferretur, co-

gatur iurare, & cum iuratum erit, standum sit iuriiurando. Huc pertinet *L. cum proponas, supra*. Definitio generalis in *L. 3. §. quocunque D. eod.*

Ad L. Si quis iusiurandum 11.

Imp. Iustinianus A. Demostheni præf. præ.

Si quis iusiurandum intulerit, & nec dum eo præstato, postea (utpote sibi allegationibus abundantibus) hoc revocaverit: sancimus nemini licere penitus iterum ad sacramentum recurrere (satis enim absurdum est redire ad hoc, cui renuntiandum putavit: & cum desperavis aliam probationem, tunc denuo ad religionem convolare) & iudices nullo modo eos audire ad tales iniquitates venientes. Si quis autem sacramentum intulerit, & hoc revocare maluerit: licere quidem ei hoc facere, & alias probationes, si voluerit, prestare: ita tamen, ut huiusmodi licentia usque ad litis tantummodo terminum ei præstetur. Post definitivam autem sententiam, quæ provocatione suspensa non sit, vel quæ postquam fuit appellatum, corroborata fuerit, nullo modo revocare iuramentum, & iterum ad probationem venire cuiquam concedimus: ne repetita lite, finis negotii alterius caussæ fiat exordium. Dat. XV. Kal. Octob. Calcedone, Decio V. C. Coss.

S U M M A R I A.

1. *Iusiurandum revocatum, si iterum deferatur ab adversario, suscipiendum ne sit, nec ne?*
2. *Consilium suum nemo potest mutare in alterius iniuriam.*
3. *Iusiurandum delatum an possit revocari a deferente, ut si postea inratum sit, iusiurandum ei non noceat?*
4. *Et qui si questionis huius status superiori constituit, conformis.*
5. *Recte constitutum esse, ut iusiurandum intra tempus aliquod præstandum interim a deferente revocari possit.*
6. *Contrariis occurritur: ubi quando obtineat illud: quod semel proba-*

tum amplius improbari non potest, explicatur.

7. *Item regula iuris: quod semel placuit, amplius displicere non debet, exponitur.*
8. *Quam iterum recte constitutum ut post sententiam iusiurandum revocari non possit.*
9. *Diluntur quæ hic afferuntur contra. & n. 10.*
11. *Possit iusiurandum & post sententiam revocari, ubi hæc suspensa fuerit appellatione.*
12. *Quid ex superioribus consequens, & notandum.*
13. *Quid alterum observatu dignum in iudicio appellationis.*

Hic prima questio est, An is, qui adversario detulit t̄ iusiurandum, si postea ex poenitentia revocavit delatum, cum putaret se habere alias probationes, an iterum mutato consilio id adversario deferre possit, & si delatum erit, an adversarius suscipere cogetur? Iustinianus constituit, non esse cogendum. Et in summa, instam recusandi iuristrandi causam esse, si is, qui nunc desert, prius detu-

lerat, & delatum revocaverat. Videri potest hoc inique constitui; quia quemadmodum nemo potest t̄ mutare consilium in alterius iniuriam, ut est regula iuris. *L. nemo potest mutare, de reg. iuris*, ita eidem regulæ consequens est, licere unicuique mutare consilium, dum alteri non noceat, aut iniuriam faciat. At in proposito, qui mutato consilio nunc iusiurandum desert, is adversario iniuriam non

non facit: Nam si adversarius non iuret, de se queri debet. Si iuret; manifestum commodum ex iureiurando consequitur. Nam reus acquirit exceptionem; actor actionem. *L. nam posteaquam, §. 1. D. eod.* Quare non videtur is, qui iusiurandum postea revocaverat, prohiberi mutato consilio idem nunc deferre. Respondetur. In hac revocatione & mutatione consilii non obsecra est iniuria revocantis. Nam qui iusiurandum revocavit, professus est, se fidem adversarii suspectam habere, seque eius religioni stare nolle. Igitur postea cum iudicium non debet, ut necessitate rerum coactus conferat rem in eius religionem. Semel contentus adversarius recte recusat iusiurandum præstare. Hoc Iustinianus in princ. *huius constit.* Sed natura prior hæc questio est, quam tamen sequenti loco Iustinianus attingit, an iureiurando ꝑ delato possit is, qui detulit, iusiurandum revocare, antequam iuretur, ut si postea iuratum erit, iusiurandum non noceat? Iustinianus constituit, posse: dummodo iusiurandum ante sententiam definitivam revocetur. Hic & ꝑ questio & constitutio de questione in reprehensionem incidit. Quod ad questionem attinet, dicitur esse stulta. Nam ineptum est quærere & laborare, an is, qui iusiurandum detulit, possit eam delationem revocare, cum etiam si postea revocatum non erit iusiurandum; tamen deferenti non noceat. At iureiurando delato, si adversarius statim non iuret, nihil ei prodest, postea iurare, quanvis revocatum non sit iusiurandum *L. 5. in fin. D. eod.* Stulta igitur questio dum quæritur, an iusiurandum revocari possit? Respondetur. Si iusiurandum simpliciter deferretur, sine ulla præsentia temporis, ut si dicam adversario: iura ita esse, ut dicis, & discedam a lite. Hoc casu si adversarius statim non iuret locum habet, quod supra diximus, ut nihil ei prosit postea iurasse, neque deferenti noceat, quanvis iusiurandum revocatum non fuerit, quoniam iusiurandum simpliciter delatum in præsens delatum intelligitur, ut consequens sit, si adversarius postea iuret, cum non iurare ex conditione delati iusiurandi. In hanc speciem est sententia *L. ult. §. ult. D. eod.* At si is, qui iusiurandum deferret, ita detulerit, ut liceret adversario intra certum tempus iurare, dubitandum non est, quin adversario intra id tempus iurante iusiurandum servandum sit; quia præstitum sit, uti delatum erat, nupta si actor heredi ita dixerit: cum intra duos menses cognoveris instrumenta

hereditaria & ius tuum, si iurabis te nihil debere, nihil peto. Intra hos duos menses recte iuratur, ex conditione, nisi revocatum sit iusiurandum, si modo id prius revocare liceat. Unde questio, An liceat? In hunc casum constitutio Iustiniani accipienda est. Nec obstat, quod Iustinianus de eo nihil exprimit: sed generaliter loquitur de revocando iureiurando. Nam omnis lex & questio ad eos casus aptanda, in quibus non est inutilis, seu non vitiosa. *L. 1. in fin. ad municip.* Et hoc est, quod dicitur, in ambigua voce legis interpretationem sumendam esse, quæ vitio caret. *L. in ambigua, D. de LL.* Manifestum autem esset vitium huius constitutionis, si constitueretur, id iusiurandum revocari posse, quod etiam non revocatum nihil noceret. Quod autem ꝑ constituit iusiurandum ita delatum, ut intra certum tempus iuretur, revocari posse: videtur hæc sententia regulis iuris adversari.

Primum ꝑ opponitur *L. Pomponius, D. de neg. gest.* ubi hæc definitio veterum tradiitur: *Quod semel probavi, amplius me improbare non posse.* Secundum, quod dicendum videtur, si quis probaverit ut res iureiurando decidatur, & in eam rem iusiurandum detulit, id postea cum improbare non posse. Respondetur. Regula superior scripta est de iis, quæ ante gesta & perfecta sunt, ea a nobis probata, postea improbare non possumus. Agitur enim illic de negotiis gestis, quæ dominus postea probavit, & verbum probandi id declarat: probavimus enim præterita aut præsentia. In iis ideo non est improbationi sequenti locus; quia obstat nobis nostra conventio: qua ante gesta probavimus. Omnis conventio reo exceptionem parit. *L. in bonæ supr. de pact.* At hic agimus de eo, quod deferenti placuit, ut fieret in futurum. Quod ita placuit, unusquisque ex pœnitentia revocare potest, ubi ei non obstat sua conventio. Id intelligitur ex edicto prætoris, cum prætor in voluntatibus nostris nihil amplius se servaturum pollicetur, quam pacta & conventiones. Est autem pactum non unius consilium, sed duorum placitum.

Opponitur ꝑ etiam regula iuris in cap. *quod semel extra, de regulis iuris.* *Quod semel placuit, amplius displicere non potest.* Respondetur. Illic de eo agitur, quod ante gestum est: illque eius regulæ idem sensus, qui illius, *quod semel probavi, amplius improbare non possum.* Nam si regula intelligitur de iis, quæ placuerunt in futurum, aperte falsa est. Alio-

quit

qui nulli licebit consilia sua mutare in melius, ubi sine aliorum iniuria fiat, quod falsum est. *diff. L. nemo potest mutare, de regul. iur.* sane quod in futurum placuit, displicere non potest, si ex contractu placuit, sed extra contractum nulla necessitas est. *L. sicut, infr. de obligat. & act.* Quid igitur in iurjurando fiet, si convenerit inter me & te, ut iures intra propositos duos menses, & si iurasses, ut ego a lite discederem, an hic mihi iusiurandum nihilominus revocare licebit ex hac conventionione, an vero obstat mihi mea conventio: ut si iuraveris, standum sit iurjurando, quanvis ego revocare voverim? Respondetur, etiam hoc casu putari eum, qui iusiurandum derulit, iusiurandum revocare posse. Nam non obstat illi sua conventio. Quia generale hoc tenendum, est in omnibus obligationibus in quibus obligatio nascitur ex eo, quod accepi, aut ex eo, quod adversarius facit: licet mihi rebus integris poenitere, & non accipere, quod offertur, aut denuntiare adversario, ne faciat, quo facto ego non obligor, nec adversus me ulla est exceptio. Exempla hæc sunt: convenit inter nos, ut mihi mutam pecuniam dares, & si dedisses promissi, me cum bona fide redditurum. Est in potestate mea, pecuniam non accipere, tibi non obligari. *L. pecuniam D. si cert. per. item.* Dedit tibi Stichum, ut Pamphilum manumitteres; rebus integris licet mihi denuntiare tibi, ne manumittas, ita ut si postea manumiseris, neque ego tibi obligor, præterea non obstat mihi conventio, quo minus servum tibi a me datum repetam: quia ut Stichum manumitteres, ut pecuniam mihi dares, totum mea causa agebatur: *L. 3. l. 5. D. de cond. caus. dat.* Similiter & in iurjurando, si convenerit, ut iurares, & si iurasses ut ego reus aliquid tibi darem, aut ego actor tibi aliquid remitterem, probandum est, rebus integris posse me tibi denuntiare, ne iures; quia ut iurares, mea causa agebatur, & quia in huiusmodi conventionibus rebus integris est poenitentia locus, *diff. l. 3. l. 5. de condit. caus. dat.*

Sed quod dicitur, iusiurandum revocari posse, ita temperatur a Iustiniano, si ante sententiam revocetur. Quod si sententia transtulerit in rem iudicatam, vetat post sententiam iusiurandum revocare. Hæc pars constitutionis dicitur esse otiosa & inepta. Stulte enim de revocando iurjurando cavetur, si iusiurandum post sententiam, quanvis non revocatur, iuranti nihil prodest, deferenti nihil nocet, ut

Tom. VII,

initio de questione in principio proposita dicebamus. Actor deinde probavit sibi deberi, & ita reus, cum non iuraret, condemnatus est, aut cum actor nihil probaret, reus absolutus est. iuxta *L. qui accusare, supr. de edend.* Dicimus nihil necesse esse hic iusiurandum revocari post sententiam; quia iusiurandum reo nihil prodest, quanvis iuraverit, non revocato iurjurando. Nam si reus condemnatus est, is, quanvis postea iuret, se non debere; tamen sententiam priorem non mutabit, quoniam res ante iudicata est. Rei iudicata standum est. *L. 1. de re iudic.* Rursus si absolutus erit; tamen nihil proderit ei postea iurare, etiamsi non sit revocatum iusiurandum. Quoniam si iurat se non debere, non absolvitur tamen ex iurjurando, sed ex priore sententia, quæ res ante decisa est. Post rem semel decisam res amplius alio modo decidi non potest. *L. eleganter, §. 1. de cond. ind.* Quare cum revocatione post sententiam non sit opus, & sine revocatione iusiurandum nihil prosit iuranti, nihil deferenti nocet, stulte queritur. An post sententiam iusiurandum revocari possit? Proinde & de eo stulte cavetur. Responsum est vetus Domitii Labeonis, *L. Domitius, de test.* Respondetur. Hæc vera sunt, si in sententia definitiva iusiurandum non deferatur. At si iudex ita sententiam ferat; si Titius reus iuraverit, se ro. non debere, eum absolvo: aut contra, si actor iuravit, sibi ro. deberi, Titium in ea ro. condemno. Hæc sententia valet, argumento a contrario in *L. cum iudex, infr. de sentent. & interloc. omn. iud.* Proinde licebit reo aut actori secundum hanc sententiam postea iurare, ut ita sententia exitum habeat. Ex hoc ita, nisi revocatum sit iusiurandum, antequam iuraretur, si modo revocari potest. Unde questio: An hoc iusiurandum revocari possit? Unde † utiliter hic cavetur, nec otiose, id iusiurandum revocari non posse post sententiam, ac proinde utiliter eum iuraturum, cui iusiurandum delatum est. Caterum ante sententiam hoc revocari potest. Propone hoc modo: Unus ex litigatoribus ante sententiam postulavit a iudice, ut iusiurandum adversario deferatur. Priusquam iudex hoc iusiurandum deferat ex sententia, intercessit aliquod tempus. Dicimus ante sententiam hoc iusiurandum revocari posse. At semel sententia lata a iudice, qua hoc iusiurandum delatum sit, dicimus id iusiurandum revocari non posse, si a sententia appellatum non sit, aut appellatum quidem

Mm

dem

dem sit, sed sententia sit confirmata in iudicio appellationis. Constitutionis ratio est; quia rei iudicatum standum sit, ut & transactioni standum est, ubi semel transactione lis decisa est. *L. servus L. non minorem, supr. de transact.*

Sed rursum videtur etiam in huiusmodi sententiis non esse opus revocatione iurisdictionis; quia sententiæ tales non valent.

- 9 Primum t oblat dicta *L. cum Index, infr. de sentent.* ubi dicitur, *cas sententias nullius esse momenti, quibus index tantum iniurandum deferat.* Respondetur. Hoc ita est, cum index nihil amplius, quam sententiam iurisdictionis deferat, veluti, si dicat actori: iura tibi debet, quod petis; aut reo: iura te non debere, quod petitur. Et ideo huiusmodi sententiæ non valent; quis non continet ullam condemnationem; aut absolutionem, quæ ratio redditur in *d. L. cum index.* Nulla est autem sententia, quæ horum alterum non continet. *L. infr. de sent. & interloc. L. 1. de re iudic.* At cum index ita dicit, *si reus iuraverit, eum absolvo; si actor iuraverit, reum condemno;* aperte sententia condemnationem, aut solutionem continet.

Unde contraria de causa efficitur ex *d. L. cum index*, huiusmodi sententiæ valere.

- 10 Sed rursum non videntur valere t hac ratione; quia sub conditione lætæ sunt, si actor iuravit, aut si reus iuraverit. Sententia autem sub conditione ferri non debet, ut diserte scriptum est, *L. 1. §. huiusmodi, Dig. quando appellan. sit.* Respondetur. Et si ibi dicatur, sententiam sub conditione ferri non debere; tamen ibidem adicitur, *si sub conditione lætæ erit, sententiam valere ex ipso tempore lætæ sententia, non autem ex eo tempore, quo conditio existit,* itaque quod prius

illic dicitur, *sententiam non esse ferendam sub conditione,* sic accipiendum est, non esse ferendam, si quidem iudex recte officio suo fungi velit.

Nam in re iudicanda officium iudicis est, ut finem imponat litibus. *L. 1. de iudic.* Non imponit autem finem, si conditio sententiæ non extiterit: tunc enim nihil indicat; sed tamen nihilominus verum est, si conditio extiterit, impositum esse finem controversiæ. Quæ de causâ sententiam hoc casu valere oportet.

Sed ita demum post huiusmodi sententiam, iusiurandum hac sententia delatum, revocari non potest, si a sententia appellatum non sit, aut appellatum quidem, sed sententia sit confirmata. Quod si t appellatum sit, & appellatio adhuc pendet; licebit litigatori id iusiurandum revocare, si eo postulante & desiderante delatum fuerit. Exempli causa, ut maneamus in eodem exemplo: Unus ex litigatoribus postulavit a iudice, ut adversario suo iusiurandum deferat. Iudex postulationem secutus desulit, & ita pronuntiavit: *si reus iuraverit, se non debere, eum absolvo,* ab eâ sententia actor appellavit. Dicimus, eum pendente appellatione, iusiurandum, quod prius desideraverat, revocare posse, quanvis ante priorem sententiam non revocasset.

Unde duo t colliguntur: Primo iusiurandum, quod voluntate partis parti a iudice deferatur, posse revocari in duobus temporibus; vel ante sententiam a iudice lætam, quæ id iusiurandum delatum sit: vel post eam sententiam, quæ appellatione suspensa sit.

Alium t valde notandum est: Quod t quis in ipso iudicio, seu instantia non fecit, id ei permissi facere in iudicio appellationis.



Imp. Iustinianus A. Demostheni *præf. præf.*

Generaliter de omnibus iuramentis, quæ in litibus offeruntur, vel a iudice vel a partibus definiendum est. Cum enim iam increbuit indices in plenissima definitione sacramentum imponere: evenit, ut provocatione lue suspensa, hi quidem, qui iusiurandum præstare iussi sunt, ab hac sorte luce subtrahantur, probationes autem rerum cadant; cum multum discrepet iuramentum heredisarium a principali sacramento. Necessitate itaque rerum coacti, & probationibus pinguius subvenientes, ad huiusmodi venimus sanctionem. Omne igitur iuramentum, sive a iudicibus sive a partibus illatum, vel in principio litis, vel in medio, vel in ipsa definitiva sententia, sub ipso iudice detur, non expectata vel ultima definitione, vel provocationis formidine.

§. 1. *Sed iuramento illato, cum hoc a partibus factum fuerit; & a iudice approbatum, vel ex auctoritate iudicis cuicumque parti illatum: siquidem is, cui imponitur sacramentum, nihil ad hoc fuerit relatus: hoc præstetur, vel reservatur: necessitate ei imponenda, cui [iure] refertur, relationis sacramentum subire: vel si hoc recusaverit, quasi illato sacramenta præstito, causa vel capitulum decidatur, nullo loco provocationi relinquendo. Quis enim ferendus est ad appellationis veniens auxilium in his quæ ipse facienda procuravit?*

§. 2. *Sin autem is, cui sacramentum est illatum, vel a parte, vel a iudice, hoc subire minime voluerit: licentiam quidem habeat sacramentum recusare: index autem, si hoc omnimodo præstandum existimaverit, sic causam dirimat, quasi volente eo sacramentum sit recusatum: & ita cætera sive capitula, sive totius negotii summa examinentur, & lis suo marie percurrat, nullo ei obstaculo obviante. Ipse autem, qui sacramentum sibi illatum dare recusaverit: vel hoc attestetur: vel, si forte non audeat, habeat sibi in ultima provocatione repositum auxilium: & si index appellationi præficiens, bene quidem illatum iusiurandum, non rite autem recusatum pronuntiaverit: res, secundum quod indicatum est, permanebit. Sin autem non rite quidem illatum, recte autem recusatum sacramentum pronuntiaverit: tunc ei licebit emendare sententiam iudicis, quæ quasi ex recusato sacramento processit: & nihil penitus nec præiudicii, nec iniussu dispendii cuicumque incurret: sed & causæ cursus ab initio usque ad novissimum terminum non impedietur: & lis æqua lance trutinabitur.*

§. 3. *Sive autem illatum iuramentum præstitum fuerit, sive recusatum: ipsi parti, quæ hoc inulit, nullum provocationis remedium in hoc reservabitur: cum nimis crudele est parti, quæ hoc detulit, propter hoc ipsum, quod index eius petitionem secutus est, superesse provocationem.*

§. 4. *His de præsentibus personis statutis, nec absentes nos fugiunt, sed etiam eos huic legi subiungamus, & si persona præsens non inveniat, cui sacramentum illatum est, lue sorte per procuratorem ventilata, necesse est vel ipsam principalem personam datis certis induciis ad iudicem venire, ut ea, quæ de sacramentis statuta sunt, impleat, vel (si index existimaverit) in provincia, ubi degit, sub actorum testificatione iuramentum ab ea vel dari, vel referri, vel recusari, hoc procedere: ut singulis casibus eventus iam*

definitus imponatur: licentia etiam danda parti alteri, vel per se vel per procuratorem super hoc ipsum ordinatum, adesse his, quæ de iuramento aguntur: vel si neutrum facere maluerit, & ex una parte, sub fide tamen gestorum, iuramentum præstari, vel referri, vel recusari: expensis propter huiusmodi causam præstandis, officio iudicis terminandis, an ab utraque parte, an ab altera oporteat eas dependere: nullo tamen ex hoc litibus impedimento generando, sed donec ea procedunt, aliis vel capitulis vel litis membris a iudice examinandis: & postquam ei fuerint intimata gesta super iuramento subsecuta, tunc iterum ad hoc capitulum iudice redeunte, & eo adimpleto ad cetera perveniente: omnibus aliis, quæ de presentibus sancita sunt, & in absentium parte observandis.

§. 5. In omnibus autem casibus, in quibus sacramenta præstansur, observationem indicialem permanere censemus secundum personarum qualitatem, siue sub ipso iudice præstari oportet iuramentum, siue in domibus, siue sacris scripturis actis, siue sacrosanctis oratorum.

§. 6. Similique modo in sua firmitate manere, quæ de calumnia iurando vel relato sacramento legibus cautæ sunt, vel a nobis vel a retro deus principibus introducta; non enim ut aliquid derogetur antiquioribus legibus hæc prolata sunt: sed ut, si quid deesse eis videatur, hoc repleatur. Recitata septies in novo Consistorio palatii Iustiniani. Dat. III. Kal. Novemb. Decio V. C. Cons.

S U M M A R I A.

1. Iusiurandum omne quod in iudicio defertur coram iudice præstandum esse, contraria diluuntur & n. 2. & 3.
4. Superioris iuris a Iustiniano constituti ratio.
5. Iusiurandum ex sententia delatum, a quo appellatum est, præstari posse ante appellationis sententiam: Hoc & contrariorum amotione explicatur, & n. 6.
7. Hoc idem contra ius vetus ex evidenti æquitate esse a Iustiniano constitutum.
8. In quo evidens æquitas illa versetur: Hoc contrariorum depulsiōne illustratur.
9. Index secundum illum pronuntiare debet, qui iusiurandum a parte sibi delatum in iudicio aut suscipit, aut adversario refert, a quo recusatur.
10. Ab ea sententia non appellatur, & quare.
11. Contra ea adversus eum qui delatum sibi iusiurandum sine causa recusat, ferre iudex sententiam debet.
12. Eademque potest a iudice illico pronuntiarī.
13. Sed ab ea appellari potest: quæ huius a superiore differentia & n. 14.
15. Idem ius constitui, si pronuntiandum sit pro absente, aut adversus illum; quando hic venire debeat, aut iurandi suscepti aut recusati acta mittere.
16. An absenti iurare permittendum ex cuiusque fori consuetudine aestimari. Quid ea de re statutum a iure communi.
17. Quæ causæ excusant, quominus quis iurandi causa ad iudicem venire teneatur.
18. Absentes quibus iurare permittitur, non posse id facere per procuratorem.

IN hoc principio duo continentur, præmonitio Iustiniani siue ratio, propter quam ad ius, quod sequitur pervenit. Deinde eius iuris constitutio, quæ propo-

nitur in extremo principii in iis verbis: Omne igitur, &c. De iure prius videamus, deinde de ratione. Et in hac definitione quæ proponitur illis verbis, omne igitur: Iustinia-

Iustinianus videtur tria constituisse, primum constituit, quod pertinet generaliter ad vim omnis iurisiurandi. Omne iurisiurandum, quod a parte parti, vel a iudice deferatur, quandoque in \dagger lite deferatur, dandum & præstandum esse sub iudice, id est, ut recte Accursius interpretatur, *præsentis & audiente iudice*.

Hic opponitur *L. in duobus §. ult. D. eod.* ubi ex sententia edicti prætoris dicitur, si res iureiurando decisa sit extra iudicium, nihilominus iurisiurandum servandum esse, ita ut reo iuranti exceptio, ætiori iuranti actio acquiritur. *L. nam postquam, D. eod.* Respondetur. Huic iuri nihil \dagger derogatur hac constitutione; neque hæ sententiæ contrariæ sunt, si iurisiurandum extra iudicium deferatur & præstatum, id est, lite nondum contestata, nihil necesse est iurisiurandum præstari præsentem iudicem; sed quanvis absente magistratu & iudice præstitum sit, nihilominus ratum est, ut edicto caveatur. *d. L. in duobus, §. ult. D. eod.* At si lite iam contestata in ea lite iurisiurandum deferatur: non aliter iurisiurandum præstitum ratum erit, quam si præsentem iudicem præstitum sit. Idque est, quod hoc loco caveatur.

\dagger Id \dagger intelligitur primam ex illis verbis *sive in principio litis, sive in medio, &c. In principio litis*, id est, initio, cum lis contestata est. Idem apertius intelligitur ex principio eius *Legis* ubi Iustinianus plane constituitur, se ius constituere de iis iuramentis, quæ deferuntur in litibus. Cui autem placet \dagger lite semel contestata iurisiurandum aliter ratum non esse, quam si præstitum sit, præsentem & cognoscentem iudicem? Optima ratio est. Primo quia iurisiurandum pro probatione habetur. *L. §. dato, L. sed si possessori, §. ult. D. eod.* Est autem indicis existimare, quid sibi probatum opinetur, quod facere non potest, nisi probationes cognoverit. *L. §. eiusdem, circ. fin. de testib. II.* Ex iureiurando intelligitur, quid reus dicatur debere, aut non debere. Est autem iudicis in sententia ibidem completi, quid reus debeat, aut non debeat, & in iurisiurando cognoscere debet.

Secundo, videtur \dagger constituere Iustinianus ut omne iurisiurandum, quod in lite deferatur, detur, non expectata ultima definitione, id est, ultima sententia definitiva. Huic parti opponitur *Lex præcedens, in fin.* Nam cum illic dicitur, *post sententiam definitivam iurisiurandum quod ea sententia delatum sit, revocari non posse*, aperte declaratur, si sententia aliqua iurisiurandum delatum sit; id iusiurandum etiam post sententiam recte præstari, idque necesse est constitui, si eiusmodi sententia valet: Valere autem ibi ostendimus. Respondetur. In his constitutionibus agitur de diversis sententiis. Nam in *L. præcedenti* agitur de sententia, qua iurisiurandum delatum est. Post hanc sententiam iurare licet, quoniam sententia valet. Id non emendatur hac lege; quoniam iis verbis, *non expectata ultima definitione*, significatur sententia appellationis, quæ appellatio interposita est ab ea sententia, qua iurisiurandum delatum erat. Nam responsio Iustiniani referenda est ad speciem & quæstionem ab eo propositam; prius autem proposuerat, iudices solere in definitiva sententia iurisiurandum deferre: ab ea sententia si provocatum sit, dubitare solere, an pendente appellatione, iurisiurandum ea sententia delatum præstari possit. Respondet Iustinianus accommodata ad quæstionem. Iurisiurandum recte præstari statim posse, non expectata ultima definitione; ubi apparet, ultimam definitionem intelligi, non sententiam præcedentem qua iurisiurandum delatum est, sed sententiam, quæ ferri debet ex appellatione. Ante hanc sententiam iurisiurandum recte præstatum: & nihilominus verum est id præstari post sententiam, qua delatum erat. Præterea non dicitur hic, præcedente appellatione iurisiurandum præstari debere necessario ante sententiam ex provocacione ferendam; sed dicitur, eum, cui iurisiurandum ex sententia delatum est priore, iurisiurandum daturum, si velit & si id postulet. Nam quæstio posita erat de eo, qui vellet iurare. Cæterum si pendente appellatione iurare nolit: nihil est impedimento, quo minus etiam post ultimam definitionem ex appellatione latam iuret. Ita semper manebit rata hæc sententia: iurisiurandum delatum sententia iudicis semper post sententiam recte præstari: Itaque non putabimus in definitione Iustiniani proposita, quidquam de eo decidi, vel pro hac sententia, nec contra hanc sententiam. Secundo igitur \dagger constituitur in hac definitione: Quoties iurisiurandum sententia iudicis delatum est, & ab ea sententia appellatum, potest is cui iurisiurandum delatum est, pendente appellatione iurare, non expectata ultima sententia appellationis, nec expectata appellationis formidine, pro eo, quod est, nec appellatione reformidata, seu sine metu appellationis. Ubi, *non expectata formidine*, valde improprie, ne dicam imperite dictum est, pro eo, quod est non contempta, seu non formidata appellatione.

Nam

Nam expectamus res futuras, non præsentes. Hic autem præsens erat formido provocationis, quoniam provocatio præsens erat, cum ante esset interposita.

Sed huic parti constitutionis ratio iuris adversari videtur, qua efficitur, pendente appellatione, iusiurandum frustra præstari. Nam nullum iusiurandum ratum est, si quis iuraverit, iureiurando sibi non delato. *L. 3. in princ. D. eod.* At cum iusiurandum sententia iudicis delatum est, si ab ea sententia appellatum est, iusiurandum habetur pro non delato; quia appellatio extinguit sententiam. *L. 1. in fin. D. ad Turpill.* Proinde procedente appellatione, quasi iureiurando non delato frustra iurabit is, cui ex sententia prius iusiurandum delatum erat. Huic dubitationi occurrit Iustinianus in præfatione huius *leg.* & ita respondet, admitti secundum rationem iuris, pendente appellatione eum iurare non posse, cui ex sententia iusiurandum delatum erat. Nec dubium est, quin id admittat, motus ea ratione, quam dixi: sed ait tamen se necessitate rerum consuetum contrarium constituere. In quo Iustinianus intelligitur id respicere, quod regula iuris traditur. *Esti nihil facile mutandum est ex solemnibus*, id est, ex certo & solemnibus iure: tamen ubi evidens æquitas exposcit, subveniendum est. *L. esti, D. de regul. iur. L. pen. D. de integ. ressit.* Quæ igitur hic tamen necessitas & æquitas est, quæ suadet in specie proposita, iusiurandum pendente appellatione præstari posse, contra rationem supra scriptam iuris? Iustinianus hanc reddit; quia nisi præcedente appellatione licebit iurare, eveniet hoc incommodum, ut rerum probationes intercedant, tam iuratio, quam referenti. Iuratio probationis intercedit; quia si mortuus erit, postea iurare non poterit; ita intercedit iusiurandum quod est pro iusta probatione. *L. 5. §. dato. L. sed si possessori. §. ult. D. eod.* Intercedit & probatio ei, qui iusiurandum detulit, auctore iudice; quia si reus principalis viveret, fortasse bonam fidem secutus non iuraret, & eius recusatio pro confessione haberetur. *L. manifeste, D. eod.* Hoc igitur incommodum ne accidat, consilium est, permitti ei, cui delatum est, statim iurare, quavis appellatione pendente. Hic occurrebat Iustiniano. Non est hoc periculum metuendum: Nam si principalis persona morietur, cui iusiurandum delatum erat: tamen eo mortuo, superest heres eius, qui æque iurare poterit. Respondet Iustinianus. Non evitari superius incommo-

dum propter personam heredis superstitis, quoniam distat multum iusiurandum heredis a iuramento principalis. Distat duabus rebus & in notitia rerum, & in religione personæ. In notitia rerum, quia heres non æque novit res & iura hereditatis, & ob hanc causam in facto alieno liquide iurare non potest, atque adeo quia iurare non cogitur, eius recusatio pro confessione non haberetur. *L. Marcellus, §. iurare, D. rerum amotarum.* In religione personæ hoc interest, quod fieri potest, ut defunctus vir bonus iurare nolit metu periuri tamen heres autem contemptor iuriurandi non metuit iurare, etiam in re falsa. Bene igitur Iustinianus constituit, ei, cui iusiurandum ex sententia est delatum, quavis ab ea sententia appellatum sit; tamen permitti statim iurare, ut quavis postea mortuus fuerit, tamen iusiurandum eius ratum sit, si sententia confirmata sit iudicio appellationis. Sed huic sententiæ rursus opponitur sententia iuris certi: pendente appellatione nihil innovari debere. *L. 1. nihil nov. appellat. interpos.* Respondetur, nihil facit adversus constitutionem iuris, qui pendente appellatione iurat. Quemadmodum eum sententia, a qua appellatum est, non valet, priusquam ex iudicio appellationis confirmetur: sic nec iusiurandum secundum eam sententiam interpositum, quicquam prodest, aut nocet, priusquam sententia confirmata sit. Itaque hoc iureiurando nihil immutatur in eo statu, qui nunc est.

Ad §. Sed iuramento.

SI iusiurandum delatum sit vel a parte parti, & a iudice approbatum, vel delatum a iudice, desiderante & postulante una parte; idque lite contestata factum sit: Iustinianus in hoc §. constituit, quam hic sententiam iudex ferre debeat, & quando, & eius sententiæ quæ vis sit; nihil hic corrigens ex veteri iure, sed apertius definiens, quod non satis plene iure veteri cautum erat, & ut ipse testatur in §. fin. huius *leg.* Hæc autem Iustiniani distinctio est; is, cui iusiurandum ita delatum est, ut diximus, aut iusiurandum suscipit, id est, admittit rem iureiurando decidi; aut recusat. Si iusiurandum suscipit & iurat, secundum eam sententiam statim ferenda est, & ideo, si reus est, absolvitur; si actor est, reus condemnatur. Hoc non exprimitur hoc loco, sed sumendum est ex *L. iusiurandum & ad pecunias §. ult. D. eod.*

D. eod. Si iurare non vult, potest iusiurandum adversario referre, & hoc ex edicto prætoris dictum est. *L. delata, sup. hoc tit. d. l. iusiurandum §. datur, D. eod.* Quod si is, cui iusiurandum refertur, velit iurare: capilla deciditur, inquit Iulianus *quasi illata sacramento præstata* ab eo, cui delatum erat, ut bene Accursius interpretatur. Quod si is, † cui iusiurandum delatum est, iurasset, iam diximus sententiam secundum eum ferendam esse. Ergo idem vult fieri Iulianus, cum ipse non iuravit, sed retulit iusiurandum adversario, & adversarius iurare noluit. Hoc idem constitutum est in *d. l. iusiurandum §. ad pec. §. datur §. ult. D. eod.* Hæc omnia igitur ex iure veteri Iulianus addidit, quod in iure veteri erat obscurum. Vult etiam hanc † vim esse sententiæ in superioribus casibus, ut ab ea appellari non possit. Vult ita delatari. Quoties secundum eum, cui iusiurandum delatum est, sapientia fertur: vel quia iuravit, vel quia adversarius relatum iusiurandum præstare noluit, toties is, qui iusiurandum delatavit, ab ea sententiâ appellare non potest; quia non debet mutare ea, quæ ipse facienda procuravit. Hæc sententia ponitur in hoc *§. in fin. vers. 1.* & apertius in *vers. ult. in istis verbis: sive autem.* Ex quæ ratione diligenter notandum est, hic agi de iurciurando solum iudiciali, id est, quod a parte parti in iudicio, vel a iudice ex consensu partis deferretur, non autem de iurciurando necessario, quod deferretur a solo iudice in dubiis causis. Nam in hoc iurciurando non potest dici una pars procurasse, ut iusiurandum hoc deferretur. Præterea a sententiâ ex eo iurciurando lata appellari potest per nova instrumenta, *L. admonendi D. eod.* Hoc eo modo, ut intelligatur, quod hic dicitur, eum, cui iusiurandum delatum est ex auctoritate iudicis, posse iusiurandum referre adversario, & adversarium iurare cogi, non adversari iis, quæ diximus ad *L. delata sup.* cum diximus iusiurandum necessarium referri non posse. Nam ostendimus de eo iurciurando hic non agi.

Hæc de eo, qui iusiurandum non suscepit. Sequitur de eo, qui iusiurandum subire noluit, neque referre, in *vers. sin autem*, usque ad *vers. ult. sive autem.* De eo, qui iusiurandum suscipere recusat, Iulianus hoc loco tria constituit. Primo, ei licere iusiurandum recusare. Cui loco statim nobis opponitur *L. delata, sup. hoc tit. L. manifesta, D. eod.* Respondit Iulianus initio huius versiculi dicit: *Si cui iusiurandum delatum*

est, licere iusiurandum recusare, id statim temperat, ut liceat ei recusare ex causa. Cæterum † sine causa si recuset, sententiâ adversus eum ferri potest, ut si reus est, qui recuset, condemnatur; si actor, reus absolvatur. Et si ab ea sententiâ appelletur, iudex appellantis eam sententiâ comprobabit, si cognoverit, iusiurandum non recte recusatum, id est, recusatum sine causa. Ex quo apparet, Iulianum confirmare hanc sententiâ, quam docuimus ad *L. delata, sup.* iusiurandum sine causa recusari non posse: ita hæc parte constitutionis confirmatur ius vetus, non corrigitur, ut quidam putaverunt. Id magis intelligitur ex extremo constitutionis, ubi Iulianus aperte testatur, se in hac totâ lege nihil constituisse, ut vetus ius emendaret de iurciurando, sed id quod ei desisset, suppleret. Quod dixi, iudicem sententiam ferre debere adversus eum, qui sine causa iurare non vult, Iulianus aperte non exprimit, sed obscure significat in *prin. vers. sin autem.* Proinde verba eius explicanda sunt. Ait igitur: *Sed si iudex iuramentum omnimodo præstandum esse existimaverit*, id est, si existimaverit nullam esse causam recusandi; sic causam dirimat, quasi eo; id est, eo qui iusiurandum subire noluerat. Nam de eo quæstio proposita est in initio huius versiculi. quasi inquam, eo volente. Sacramentum, id est, eo sacramentum postulante & deferente, id sacramentum postea ab eo sit recusatum, id est, in summa sic iudex causam dirimat: quasi is, qui recusat iurare, prius detulisset iusiurandum, & cui ei referretur iusiurandum ab adversario, ipse iusiurandum recusaret. Quo casu explorati iuris est, sententiâ adversus eum ferri debere; quia non possit recusare iusiurandum, quod prius detulerat. *L. iusiurandum §. ad pecun. §. ult. & in fin. D. eod.* Ergo idem nunc statuitur adversus eum, qui sine causa recusat iusiurandum, ut scilicet si reus est, condemnetur; si actor, reus absolvatur, ut dixi.

Secundum constituit Iulianus, ut adversus eum, qui iusiurandum recusat, iudex † statim possit ferre sententiam, omiffa diligentiori inquisitione, utrum ex causa recusetur, an sine causa, idque ut litis cursus deferenti non retardetur. Hoc significatur in *vers. sin autem*, in extr. verb. Item in *vers. ipse autem*, in extr. verb.

Tertium, quod pertinet ad vim huius sententiæ constituit; ut qui propter recusatum iusiurandum condemnatus est, † possit

possit ab ea sententia appellare. Ex qua appellatione hoc consequetur; ut si iudex appellationis cognoverit, nullam fuisse causam recusandi, sententiam priorem emendet, & causa incipiat esse eo loco, quasi iusiurandum non esset delatum. Ex quo colligimus, multum ¶ interesse in vi sententiae, utrum iureiurando delato lata sit sententia secundum eum, cui delatum est, vel quia iuravit, vel quia adversarius relatum suscipere noluit; an vero lata sit adversus eum propter recusatum iusiurandum. Si secundum eum lata est, ab ea appellari non potest, ut in *pr. huius*, §. constitutum est. Sin autem contra eum, erit provocacionis locus. Ius huius appellationis interponendae constituitur in *vers. ipse autem*, in illis verbis obscuris, *hoc attestetur, aut si non audent, habeat in provocacione praesidium*. Sensus est, si is qui recusat iurare, putet se habere aliquam causam recusandi, & quia statim condemnatur, putet sibi iniuriam fieri: hoc testetur; si testari non audebit; tamen nullam iniuriam patiar, quoniam volumus ei provocare licere, ut ex iudicio provocacionis sententia emendetur.

Ad §. his de praesentibus.

Constitutum in principio huius L. in *vers. omne igitur*. Omne iusiurandum sub ipso iudice dandum esse, id est, & deferendum, & delatum praestandum, aut referendum, aut recusandum: quod recte constituitur, si is, cui deferretur, praesens sit: & res expedita tunc est. Quid si iusiurandum deferatur absenti pariter? Finge reum defendi in iudicio per procuratorem. Actor rem decidi vult iureiurando, non vult id deferre procuratori; quia ei non fidei, & si deferret, procurator suscipere non cogitur. *L. iusiurandum & ad pecu. §. procurat. D. de cod.* Vult igitur domino ipsi deferri, qui abest. Quaeritur, quid hic factio sit opus? Iustinianus de eo constituit: ¶ iudex aut vult dominum ipsum in iudicium venire, ut coram iurer, aut referat, aut recuset iusiurandum, aut absentem hac implere velit. Si dominum in iudicio adesse vult: spatium procuratori dabit ad ei denuntiandum, & domino ad veniendum. Quod si absentem permittat iurare, aut reliqua facere, quae diximus: Iustinianus vult haec ita recte esse, si fiant sub actorum testificatione, id est, si apud iudicem eius loci, ubi dominus degit, is veniat, & apud eum aut iuret, aut referat iusiurandum, aut dicat se

recusare, atque ita haec quae gesta sunt, referantur in acta eius iudicii: deinde horum actorum testificatio referatur ad eum iudicem, apud quem res agitur, qui eorum, quae gesta sunt, fidem secutus, secundum ea feret eam sententiam, quam Iustinianus supra constituit: ut fieret, cum iuratur, aut recusat iusiurandum. Adhuc hoc amplius, cum iudex permittit absenti iurare aut referre, aut recusare iusiurandum, etiam iudex potestatem facere debet parti adversae, ei actioni interesse, vel per se, vel procuratorem. De itineris sumptibus possit iudex aestimabit. Quod si pars adversa interesse nolit, nec per se neque per procuratorem: nihilominus vult Iustinianus supra scripta rata esse, quae sub testificatione actorum gesta sunt. Sed si de eo quaeritur, utrum absens evocandus sit, ut coram iuret, an vero permittendum sit absenti iurare, aut referre, aut recusare in eo loco, ubi degit: quid in eo iudex ex iure facere debet? Et verba huius loci tribuunt iudici, ut ipse existimet, quid in eo faciendum sit, in *his* verbis, *vel si iudex existimaverit*. Sed nondum hoc satis. Nam iudex nihil statuere debet, nisi secundum L.L. & quaestiones. *Inst. de off. iud. in princ.* Itaque quaestio huc redit, quid de ea re per leges facere iudici liceat. De quo in §. *ult. huius leg.*

Ad §. ult.

Si quaeratur, utrum absenti ¶ permitti debeat iurare, seu quo loco iurandum sit, aut qua forma adhibita? Placet hoc loco, in eo consuetudinem iudiciali, id est, utriusque fori servandum esse. Consuetudo autem iudicialis est ea, quae iure communi constituitur: nisi quid privatim in unoquoque foro aliud observetur. Quare si privatae nullae sint leges eius fori, de eo ex iure communi statuendum est. Iuris autem communis de hac re tota haec ratio est. Consultum est, ut cuicumque iusiurandum deferretur, eoram iudice vel iuret, vel referat, vel recuset iusiurandum *hac L. in princ. versic. omne*. Quoniam praesentia iudicis movere potest litigatore, ne contra conscientiam quidquam faciat. Ob hanc causam recte facit iudex, si eum, cui deferret iusiurandum, ad se evocet, uti de testibus facere consuetum est. iuxta *L. 3. in fin. D. de testib.* Sed tamen haec necessitas ad iudicem veniendi iustis de causis interdum remittitur. Iustae ¶ causae sunt aut ex intervallo loco-
rum,

rum, aut ex facultate personæ, aut ex personæ dignitate. Ex intervallo locorum, ut ne per longum iter quis evocetur, nisi maxime & necessaria causa videatur urgere. *d. L. 3. §. ult. D. de testib.* Tale iter esse solet, cum absens degit in alia provincia: de quo dictum est in *§. præced.* Ex facultate personæ, ut ne valetudinarii, aut senes, aut qui alio impedimento naturæ prohibentur venire, cogantur venire. *L. ad personas, D. eod. L. invit. D. de testib.* Ex dignitate personæ est, ut ne egregiæ personæ cogantur venire. *d. L. ad personas, D. eod.* Egregias dici conflat, quæ sunt extra gregem cæterorum civium. In hoc numero sunt, qui aut in civitate aliqua dignitatis gradum obtinent, aut qui publico aliquo honore munere funguntur, quales sunt Do-

ctores Legum & similes, qui publicis stipendiis fruuntur. *L. medicos, infr. de profess. & med. lib. 10.* Hoc loco ¹⁸ notandum est, quibuscunque absentibus permittitur ad iudicem non venire, hoc ita permitti, ut nihilominus ipsimet iurare debeant, nec possint iurare per procuratorem, & ideo mittitur ad eos, ut ipsi iurent. *diff. L. ad perf. D. eo.* Mittuntur autem ministri iudicis, quibus audientibus, & rem in acta referentibus, is, ad quem missum est, aut iurat, aut refert, aut recusat iusiurandum, *auth. sed index, sup. de episc. & cler.* Etiam illud hic monendi sumus, iudicem mittere ministros ad eum, cui iusiurandum delatum est, cum is degit in eodem territorio. At si in alia provincia degit, res transgreditur apud iudicem eius loci, ut est in *§. præced.*

Ad L. Cum quis. Ult.

Imp. Iustinianus A. Iohanni præf. præf.

Cum quis legatum vel fideicommissum, utpote sibi relictum exigeret, & testamento forte non apparente, pro eo sacramentum ei ab herede delatum esset, & is religionem suam præstasset, affirmans sibi legatum vel fideicommissum derelictum esse, & ex huiusmodi testamento id quod petebat, consecutus esset, postea autem manifestum esset factum nihil penitus ei fuisse derelictum: apud antiquos querebatur, utrum iuriurando standum esset, an restituere deberet, quod accepisset: vel, si revera ei derelictum fuisset legatum, vel fideicommissum, an daremus licentiam heredi Falcidiam si competat, ex hoc reinerte. Nobis itaque melius visum est, repeti ab ea legatum vel fideicommissum, nullumque ex huiusmodi periurio lucrum ei accedere. Sed si verum fuerit inventum: quartæ detentionem introduci (si tamen locum habeat) ne cui ex delicto impium sibi lucrum offerre nostris legibus concedatur. *D. XV. Kal. Nov. Constantinop. post consulatum Lampadii & Orestæ PP. CC.*

S U M M A R I A.

1. *Rescripti species, & summa.*

Legatum quod relictum non est, iusiurandi conventionione solutum, sicut & quod datum supra dodrantem posse repeti & qua actione. *ibid. & n. 7.*

2. *Quæ fuerit Iustiniani ratio excipiendo hanc speciem & n. 4.*

3. *Vulgaris ratio improbat.*

Quid transactio differat a iureiurando quo de lite deciditur, &

quid illi eam isto conveniat. *ibid.*

5. *Legatum non esse relictum scriptura testamenti minime vitiosa probatur: (obiter, illud: negantis nulla probatio, quomodo intelligendum.)*

6. *An idem testibus probari possit.*

8. *Quare in repetitione superioris legati de dolo alio locum non habet. Quid huic contra opponatur, & quæ eius solutio & n. 9.*

CUM † quidam sibi diceret aliquid legatum esse testamento, & testamentum non exilaret: heres qui litigare volebat, iusiurandum detulit actori, is iuravit, sibi legatum quod petebat, relictum
Tom. VII.

esse, & heres solvit. Deinde manifestum factum est, id legatum relictum non esse. Iustinianus hic constituit legatum repeti posse: aut si forte legatum fuit, & supra dodrantem datum est: quod ultra datum, quam

N n

quam

quam pet L. Falcidiam capere licet, id posse repetere. Hoc loco opponuntur illæ sententiæ ratæ de iureiurando, quibus efficitur causam iureiurando decessam non retractari, quanvis peritium postea fuerit approbatum. L. 1. *supr. L. quod si deferente, D. de dolo. L. admonendi, in fin. D. eod.* quare Iustinianus ꝑ hanc speciem exceptit, prompta responsio apparet ex decisione Iustiniani.

3 Excipiendi rationem ꝑ vulgo hanc reddunt; quia iuriurandum instar transactionis obtinet. L. 2. *D. eod.* De his autem controversiis, quæ ex testamento nascuntur, transigi non licet, nisi cognitis & inspectis verbis testamenti. L. *de iis, de transact.* Sed si ratio hæc esset, nihil opus fuisset Iustiniani constitutione: satis iure vetere & hæc species excepta esset: quod tamen non ita esse apparet. Et certe iuriurandum transactio non est. Nam transactione de lite deciditur, id est, ita a lite deceditur: ut neque actor totum remittat quod petit; neque etiam totum accipiat. L. *transactio nulla, sup. de transact.* At iureiurando sic his deciditur: ut si actor iurat, totum accipiat quod petit: Si reus, totum reo remittatur; & ideo non dicitur iuriurandum transactio esse, sed instar transactionis obtinere, quia consensu a lite disceditur iureiurando, similiter ut in transactione. Ex eatenus iuriurandum transactioni simile est, quod significatur in L. *admonendi in fin.*

4 Non est ꝑ querenda ratio longius, quam ex hac questione *in fin.* ubi Iustinianus vult, legatum ex hac causa præstitum repeti, ne impium lucrum apud legatarium maneat. Igitur excipiendi causa hæc est: quia præter peritium impium hic lucrum est. Impium autem, quia pium est & publice utile, supremas testamentum voluntates servari. L. 1. *supr. de sacrosanct. eccles. L. legare, infr. quemadmodum test. aperia.* Fit autem non tantum contra voluntatem defuncti, cum non præstat legatum, quod relictum est: sed etiam, cum id præstat, quod relictum non est, maxime si præstat per falsam speciem, quasi relictum esse. Quod enim testator de hereditate non delibavit, id apud heredem manere vult. L. *legatus, de legat. 1.*

Sed quomodo manifestum sit, legatum testamento non esse, quod legatum esse dicitur, cum negatio per rerum naturam probari non possit? Respondetur ꝑ Manifestum sit prolato testamento postea. Nam si in scriptura testamenti quæ nulla parte vitata est, non reperitur tale legatum:

perspicuum, eo testamento relictum non esse. Ex quod dicitur, factum negantia nullam esse probationem, sic intelligendum: si quid indefinite negetur; alioquit ubi negatio circumscripta est certo instrumento ut hic, ubi non simpliciter legatum negatur relictum esse, sed negatur relictum esse testamento: toties prolato testamento recte probatur id, quod negabatur testamento contineri. Idem de negatione dicendum est descripta certis personis, & certis locis.

Quæritur est, an legatum ꝑ non esse relictum testamento, etiam probari possit testibus? Ex testibus probari posset sine dubio, si hic ulli testes idoneum testimonium dicere possent L. *in exercendis, infr. eod.* sed nullum eiusmodi testimonium mihi videtur. Quanvis enim mille testes dicant, se non audire, cum testator id legatum relinqueret; tamen non ideo consequens est, id relictum non esse. Nam fieri potest, ut testator alio testamento reliquerit, cui testamento illi non interfuerint. Nihil etiam prohibet, quo minus testes illi interfuerint testamento; & tamen cum legatum relinqueretur, non attenderint. Fieri etiam potest, ut non meminerint: ut scimus in testamentis multa reliqui, quorum memoria his qui interfuerint, hæere non solet. Proinde non videtur hæc res manifesta fieri, nisi instrumento testamenti postea prolato.

Repetitur autem ꝑ solum ex hac causa condictione indèbiti. Solutum est enim, quod non debebatur, & solum per ignorantiam heredis. Actio de dolo ꝑ locum hic non habet, quia heres ultro ita iuriurandum delulit, & illius voluntate res decisa est. Nemo autem fraudatur, qui voluit. L. *nemo fraudari videtur D. de regul. iur.* Itaque non ꝑ adversatur L. *si legatarius, D. de dolo*, ubi adversus legatarium qui peritio persuasit heredi, sibi legatum deberi, datur actio de dolo. Nam idcirco fit in ea specie, quia legatarius ultro iuravit, non deferente herede; & cum iurasset, persuasit heredi legatum ita deberi, ut dicebatur. Ideo autem in ea specie non datur condicio indèbiti, sed de dolo, quia is heres qui persuasus est se legatum debere, in ea persuasionem sic legatum solvit, ne repeteret: ac proinde ex tacita conventionem repetere non potest. Sed quia dolo factum est, ut ita persuaderetur, & legatum repetere nollet: idcirco de dolo datur. Quod si indèbiti condicio competisset; cessaret de dolo actio, quæ non aliter datur, quam si nulla alia competit actio. L. *5. ait prætor, D. de dolo.* AD

A D T I T U L U M II.

S I C E R T U M P E T A T U R.

Ad Rubricam.

S U M M A R I A.

1. Verba, si certum petatur, quid significant.
2. Certe conditionis appellatio unde nata?
Appellationes edictorum unde nata?
3. Aliorum appellaciones unde nata?
4. In titulo, si certum petatur: de quo precipue agatur?
5. Mutuum quid?
6. Mutuum quatuor causis constat.
7. Mutui materia quæ?
8. Conflare nihil aliud est, quam estimare.
9. Mutui finis quis?
10. Mutui forma quæ?
11. Mutui causa efficiens quæ?
12. Dare quid?
13. Dominium naturaliter transferri non potest, nisi traditione.
14. Mutuum unde dictum?
15. Mutuum qui dat, dominum esse oportet.
16. Nemo plus iuris in alterum transferre potest, quam ipse habet.
17. Pecuniam alienam mutuum dans, mutuum non contrahit.
18. Mutuum repudiat duas condiciones.

HÆc oratio, si certum petatur, seu, si certum petatur, explicita est. Huiusmodi orationes frequentissimæ sunt in inscriptione Titulorum, qui sunt & in Pandect. & in Cod. quales sunt: Si quis ius dicenti non obtemperaverit, Si ususfructus petatur, vel ad alium pertinere negetur. Si servitus vindicetur, vel ad alium pertinere negetur. Si mensor falsum modum dixerit. Si quis omnia causa testamenti ab intest. poss. heredit. & similes, quæ occurrunt in Pandectis. In Codice hi: Si adversus venditionem: Si adversus emptorem, Si adversus solutionem a tutore vel a se factam, sup. lib. 2. & inf. Si ex falsis instrumentis indicatum esse dicatur. In quibus omnibus subintelligitur hæc oratio subiunctiva: † Hic proponitur, seu explicatur, quid de eo iuris sit. Itaque huius inscriptionis hæc sententia est: si quid petatur, quod certum sit, de eo hic ius traditur, seu de eius conditione. Interdum hæc verba, si certum petatur, aliud significant, quam conditionem, ad quam significandam naturaliter destinata sunt. Naturaliter enim hæc verba expriment hanc conditionem, quam diximus: quid iuris sit, si quid certum petatur. Sed interdum doctrinæ causa & brevitas gratia, in usu iuris hæc verba significant certi conditionem, seu nomen actionis, quæ dicitur certi conditio, ut patet ex L. 1. Digest. de condi.

Tom. VII.

tritic. L. 1. de interrog. in iur fac. quæ † appellatio inde nata est; quia initium eorum edictorum, quibus eæ actiones proponebantur, erat ab illis verbis, si certum petatur, & ita usus est iuris auctorum, ut ex primis hisce verbis & actiones & interdicta nominentur, quod in interdictis certius & notius est. Sic enim appellatur interdictum, quod legatorum; quia interdicti hoc erat initium, quod legatorum nomine tenet quis, vel possidet. Item, interdictum quorum bonorum, quia hæc eius edicti prima erant verba, quorum bonorum possessio illi ex edicto meo data est. Item, interdictum unde vi; quia initium edicti hoc erat: unde vi eum deieciisti. Similiter edictum uti possidetis; quia sic verba erant edicti & interdicti, uti possidetis eas ades, nec vi, nec clam, nec precario. Eademque ceterorum interdictorum prope ratio est. Idem † observare licet in actionibus, ut in actione, quod metus causa, quæ ita appellatur; quia edictum scriptum ita erat, quod metus causa gestum eris, ratum non habeo. L. 1. 2. & 3. Digest. quod met. caus. Ex hac ratione dicta est conditio, si certum petatur, quoniam proposita est edicto, cuius hoc initium fuit: si certum petatur, conditionem dabo. Hæc appellationes, ut dixi, usurpatæ sunt, brevitate causa, ut in iis intelligatur tota hæc comprehensio: Actio ex eo edicto, cuius

Nn 2

iul-

initium fuit, *si certum petatur*, id est, certi conditio. Etsi autem hæc verba, *si certum petatur*, interdum actionem significant; tamen in hac inscriptione ita accipienda non sunt, ut declarat inscriptio *D. eo. tituli*, ubi distinguitur hæc oratio, *si certum petatur*, a conditione. Sic enim inscriptio est, *si certum petatur, & de conditione*. Deinde non solent tituli ita concipi, *conditio certi*, sed potius, *de conditione certi*, ut, *de conditione furtiva, de conditione triticaria*, & aliis similibus. Retinebimus igitur priorem sententiam, qualem esse constat in iis titulis, quos retulimus. Sed notandum est, nisi caveamus, hunc titulum fallacem esse. Non enim id præstat per omnia, quod verba pollicentur. Nam verba significant hic agi de conditione certi ex omni causa, si ex ea certum petatur. Id autem non præstat hoc titulus; sed in eo tantum agitur de mutuo, & propter mutuum de certi conditione, quæ inde nascitur, ut ex lectione totius tituli patebit. Cur igitur hic titulus propositus est? Respondeo quia duodecimi lib. D. titulus 1. sub quo de mutuo agitur, iis ipsis verbis conceptus est, & ideo conceptus, quia revera hæc duas partes continet, unam de conditione certi in universum, alteram de conditione ex mutuo. Ac proinde habet tractationem mutui. In hac parte Cod. una pars præcisa, quæ pertinet ad certi conditionem, quæ satis explicatur in Paratit. Altera pars retracta est, & ei parti, uti præcipue & magis necessariæ Titulus totus attribuitur.

Postquam de mutuo hic agitur, ante dicendum est, quid sit? Mutuum est datio earum rerum, quæ pondere, numero, mensurave constant, conventionem adiunctam habens, ut aliæ eiusdem generis & qualitatis reddantur iis, qui derunt. Hæc definitio prope totidem verbis expressa est, in *princip. tit. quib. mod. re contrab. obli.* Quæ definitio ut certius intelligi & spectari possit, & in ea definitionis natura mutui: eius definitionis partes distincte considerandæ sunt. Ostendit autem hæc definitio, mutuum tantum consistere quatuor causis, quæ cum concurrant, mutuum erit; una aliqua detracta, non erit mutuum. Capillæ hæc sunt, *materia, forma, efficiens & finis*. Materia mutui sunt eæ res, in quibus mutuum consistit. Sunt autem tantum hæc res proprie, quæ pondere, numero mensurave constant. *L. 1. §. 1. D. eo.* Pondere constant, aurum, argentum, æs, & cætera

metalla insecta. Numero, pecunia numerata, mensura, vinum, oleum, frumentum, legumina, ut hæc res notantur in *dist. tit. quib. mod. re contrab. obli.* Dicuntur hæc res constare pondere, numero, aut mensura; quia ex pondere, numero aut mensura æstimantur, ut hic tantum constare nihil aliud sit, quam æstimare. Dicuntur autem ex pondere, numero, aut mensura æstimari; quia de his rebus interrogati, quanti sint, non possumus respondere, nisi ex pondere, numero, mensurave, certa ante constituta. Item, quia eæ res in tali pondere, aut tali numero, aut tali mensura eiusdem generis, eandem vim, eandem æstimationem præstant. Sed cur mutuum in iis tantum rebus consistit, non etiam in cæteris? Cur enim mutuum non erit, si dem tibi equum, ut mihi alium reddas? Si dem tibi duas oves, ut mihi duas alias reddas? Respondeo, id necesse est in mutuo constitui: ut finem mutui proprium obtinere possimus, quem in iis rebus obtinere possumus, in cæteris non possumus. Finis mutui tantum est, ut hæc res sic dentur, ut fiant accipientis; ut is qui accipit, pro suis utatur, & suo iure possit eas consumere, sic; ut alias reddat, sed tamen sine incommodo dantis; ut fiat id, quod dicitur mutuum, id est, de meo tuum, & rursum de tuo meum, id est, illud quod prius accepti: ut id fiat, non possumus consequi, nisi in iis rebus, quæ pondere, numero, mensurave constant. Nam cum aliæ eiusdem generis reddantur: id fiet sine dantis incommodo, si reddantur eodem pondere, eodem numero, eadem mensura, & reddantur eiusdem generis & qualitatis; quia hæc res in eodem pondere, numero, & mensura, idem præstant, ut dixi. Hoc est, quod Paulus indicare voluit in *dist. L. 2. §. 1. D. eo.* cum ait, *ideo mutuum in iis solum rebus consistere, quia hæc res recipiunt functionem, id est, satisfactionem, & solutionem in suo genere magis, quam specie*. Sensus est, quia iis rebus aliis in eodem genere solutis, magis satisfiit creditori, magisque debitor liberatur, quam si species eadem, quæ accepta est redderetur. Non fuit contentus Paulus dicere, hæc res redditas in eodem genere, parere liberationem & satisfactionem æque, atque si in specie ipsa redderentur; sed dixit, magis recipere hanc liberationem in suo genere, quam specie. Et recte. Nam vinum, quod tibi mutuo dedi, tempore acescere & corrumpi potest, ut si mihi eandem speciem reddas, non plane mihi satisfacias. At si in genere red-

reddas aliud eiusdem bonitatis, tu mihi plane satisfacies; quia reddis ea commoda, quæ acceperas. Hoc idem in cæteris rebus consequi non possumus; proinde cæteræ res, quamvis in eodem numero, pondere, aut mensura habeantur; multum tamen abest, ut idem præstent. Exempli gratia. Unus equus plus interdum valet, quam decem; una ovis plus interdum valet, quam duæ; & si in singulis speciebus talium rerum in æstimatione interdum nihil intersit; tamen in compositione corporis, in colore, in venustate, in alacritate, in gustu multum interest pro hominum sensibus & affectionibus: ut consequens sit, si una ex iis data, alia eiusdem generis reddatur: nunquam id fieri posse sine incommodo, vel dantis, vel accipientis. Quæ res facit, ut in iis non possit esse id, quod dicimus, mutuum. Forma

10 ¶ mutui est modus dandi eas res, & conveniendi ut eæ reddantur. Id quomodo fiat ad mutuum contrahendum, nihil interest. Et ideo non admodum hæc forma

11 in mutuo spectatur. Causa ¶ efficiens mutui sunt res datæ, datio earum rerum, quas diximus, & conventio de iis reddendis. In primis mutuum rei dationem desiderat: *Instit. tit. quib. mod. re contrah. oblig. in princip. L. 2. in princip. D. eod.* Datæ est, ¶ tradendo dominium transferre. *S. sic itaque. Instit. de act.* Ideo in datione mutui duo insunt: Primo inest, ut res tradatur accipienti; quoniam ¶ dominium naturaliter non transfertur, nisi traditionibus. *L. traditionibus, supr. de pact.* Hoc est, quod dicitur, mutuum non esse, nisi proficiat pecunia. *L. 2. S. creditor, D. eod.* id est, nisi pecunia ab uno tradatur alteri, aut cum esset apud alterum, pro tradita habeatur; ut si pecunia sit apud te deposita, & consentiam ut tq. ea pecunia utaris, pro tradita habeatur, & mutuum erit. *L. certi, S. ultim. D. eod.* Atque hinc est, quod dicitur mutuum re contrahi, *in princip. tit. quib. mod. re contrah. oblig.* Ideo enim dicitur re contrahi; quia re tradita, initium mutui obligatio præbet, ut initio huius libri docuimus. Huic traditioni accedere oportet, ut res tradita fiat accipientis, id quod expressum est *in pr. tit. quib. mod. re contrah. oblig.* ubi traditur: Mutuum esse, cum res supra scriptas ita damus, ut accipientis fiant, ubi *Damus*, positum est pro *Tradimus*; aliqui superflue adderetur, ut accipientis fiat, quoniam proprie non damus, nisi quod sit accipientis: hinc mutui nomen ex parte. Dictum est

14 enim mutuum, ¶ quod de meo tuum fiat,

L. 2. S. appellat. D. eod. Hinc & illud consequens, cum, qui ¶ mutuum dat dominum esse oportere pecuniæ, quam dat. *L. 2. S. in mutui. D. eod.* Consequens ideo, quod nemo ¶ plus iuris in alium transferre poterit, quam ipse habet. *L. trad. de adquir. rer. dom. L. nemo plus de R. 1.* Proinde qui pecuniam alienam mutuum dat, ¶ mutuum non contrahit; tamen ¶ posset mutuum confirmetur, de quo dicendi locus est in *L. 2. hic* Non est satis res superscriptas dari, ut sit mutuum, sed accedere oportet conventionem de iis reddendis. Est enim mutuum dicatur contrahi re, id est superiorum rerum traditione; tamen mutuum esse scimus contractum. Nullus autem est contractus, qui in se non habeat conventionem, id est, quem non oporteat, placito & consensu duorum pluriumve collare, in hoc, ut alter alteri obligetur, sive re, sive verbis fiat, quæ definitio traditur in *L. 1. S. 1. de pact.* Ex hoc est, quod Iulianus scribit in *L. non omnis*, in princ. *D. eod.* Non omnis numeratio obligat eum, qui accipit, sed cum id agitur, ut consensum obliget. Nihil superiora profunt, ut in mutuum, si deest finis mutui proprius. Finis autem hic est, ut aliæ res eiusdem generis & qualitatis reddantur. *dist. tit. quib. mod. re contrah. oblig. circ. princip.* Quibus verbis admonemur, mutuum ¶ repudiare duas conventiones, quamvis iis agatur, ut aliquid reddatur pro eo, quod datum est. Primum si convenerit, ut eadem res reddatur pro eo, quod datum est: ut si vino dato convenerit, ut idem corpus reddas: hic commodatum esse potest, dum tibi commodato ostentandi causa, aut vinum apud te depono; mutuum esse non potest; quia in mutuo id agitur, ut res fiat accipientis. Non intelligitur autem dominium eius rei transferri, quæ sic datur, ut sit reddatur. *L. qui sic D. de solut.* Nam domini proprium est, ut domino ea re uti, & eam consumere liceat, quod ei facere non licet, qui cogitur eandem restituere. Altera conventio mutuo contraria est, si convenerit ut alia quidem res reddatur, sed alia diversi generis; veluti si dem tibi vinum certa quantitate, ut mihi oleum, vel frumentum reddas. Hic mutuum non erit. *L. 2. in pr. D. eod.* Quoniam hic de meo tuum fit, & de tuo meum: sed non meum illud, quod prius acceperas, in quo est mutui natura & potestas. Sed nihilominus ex ea datione obligatio iure civili nascitur, Do enim tibi ea conventionem, ut mihi des, in quo est permutatio. Sed non nascitur certi

certi conditio ex mutuo, sed actio incerti præscriptis verbis. *L. naturalis*, §. 1. *de præfer. verb.* Cum superiore conventionem & finem superiorem in mutuo exigimus, non sic exigimus: ut velimus eas res exprimi. Satis enim significantur nno verbo mutui, cum dixi, me rem aliquam tibi dare mutuo. Cur igitur

eas res exigimus, aut cor earum mentionem facimus? Respondetur. Non ut exprimantur, sed ut sciamus, si superiores datæ sint alicui, & aliquid convenerit contra ea, quæ diximus: mutuum non esse, quavis mutui nomen sit usurpatum, quoniam deest substantia mutui, seu definitio, sine qua mutuum esse non potest.

Ad L. Neque 1.

Impp. Severus & Antoninus AA. Modestino.

Neque equam, neque usitatam rem desideras, ut æs alienum patris tui, non pro portionibus hereditariis exsolvas tu & frater coheres tuus, sed pro æstimatione rerum prælegatarum: cum sit explorati iuris, hereditaria onera ad scriptos heredes pro portionibus hereditariis, non pro modo emolumentum pertinere. Quod nec tu ipse ignorare videris: cum creditoribus, secundum formam [veteris] iuris pro portione tua caveris. Dat. Kal. Iul. Chilone & Libone Coss.

S U M M A R I A.

1. *Heredes ære alieno teneri pro portionibus hereditariis, & quare & n. 2.*
3. *Cur soli heredes, non item legatarii sint æri alieno obnoxii.*
4. *Contrariis occurritur, ubi § regula*

iuris explicatur, Secundum naturam est commoda cuiusque rei enim sequi, quem sequuntur incommoda.

5. *Definitio superius tradita obtinet, etiam si hereditas non sit solvendo.*

DUO sunt heredes testamento instituti ex æquis partibus, seu singuli ex semisse. Uni fundus prælegatus est, qui efficiebat dodrantem hereditatis, id est, novem uncias. Ita portiones hereditariæ inter istos duos heredes sunt æquales, portiones emolumentum dispares. Nam tres partes emolumentum pertinent ad eum cui fundus legatus est, quarta sola ad alterum coheredem. In hac disparitate portionum quæsitum est de ære alieno. Finge defunctum debuisse 400. Quæritur, utrum singuli ex heredibus ducenta debeant, an vero is, qui tres partes emolumentum obinet, ut quoque partes æris alieni agnoscere debeat, id est, 300. alter autem heres quartam partem æris alieni, id est, 100. Respondetur hoc loco, æs alienum dividi inter heredes pro portionibus hereditatis non pro modo, id est, quantitate emolumentum: secundum quam definitionem dicimus in proposito singulos heredes 100. debituros, nec amplius posse exigi ab eo, cui fundus prælegatus est,

quavis is optimam partem hereditarii obtineat emolumentum. Sententia est multis locis inculcata, heredes ¶ teneri ære alieno pro portionibus hereditariis, *L. 2. infr. de her. act. L. licet, sup. fam. ercisc. L. pacto, sup. de pact.* Non teneri autem pro modo emolumentum, hic expressius dictum est, in quam sententiam locus notandus est. Species autem ad hunc locum accommodata, quam supra exposuimus, sumpta est ex *L. ex facto. 2. §. 1. D. de her. inst.* Cur vero heredes potius tenentur pro ¶ portionibus hereditariis, quam pro modo emolumentum: enim æquum videatur, ut quem sequuntur commoda, eundem quoque sequantur incommoda? Resp. Quia si quid heres ultra portionem hereditariam accipit a defuncto, in eo legatarius est, non heres. Lex autem 12. *tabul.* heredes facit æri alieno solos obnoxios, proinde non legatarios. Nam legatarii heredes non sunt. Sic hæc res explicatur in *L. ult. inf. de hered. act.* Inde dictum est, personales actiones non sequi

sequi prælegata *L. 1. §. si heres, ad Trebel.* Inde etiam dictum est, legata acquiri sine damno, nempe sine onere æris alieni *L. si hereditatem, D. mand.* Quæ sententiæ non efficiunt diversas rationes, ut inepie Accursius putavit. Sed omnium una hæc ratio est, legatarios ære alieno non teneri, & ideo non teneri; quia lex solum heredes huic rei facit obnoxios. Sed quæro amplius, cur visum est solum heredes huic rei obnoxios facere, non item legatarios? Res. Quia † heredes succedunt in locum & ius defuncti; unde & defuncti personam sustinent, proinde ut easdem actiones habent, sic iisdem tenentur actionibus. At legatarii in locum & personam defuncti non succedunt, sed in res defuncti. *L. quædam. §. 1. D. de eden.* Unde legatarii apud Iustinianum esse dicuntur, non iuris successores, §. *legatariis, Institut. de testam.* Iuris succellores, id est, iuris universi successores. Nam alioqui in ius rerum singularium succedunt.

Sed videtur adversari superiori sententiæ † regula iuris. Nam quemadmodum secundum naturam est commodum cuiusque rei sequi eum, quem sequuntur incommoda. *L. 2. de reg. iur.* sic idem vice versa valet; incommoda cuiusque rei eum sequi debere, quem sequuntur commodum. *L. unica. §. pro secundo, inf. de cad. toll.* Resp. Regula superior utraque concepta est de commodis & incommodis eiusdem rei. At commodum, quod habet heres supra portionem hereditariam, & incommodum æris alieni, non sunt

commoda eiusdem rei, sed diversarum rerum. Nam commodum, quod hereditariam portionem excedit, est commodum legati, quod non percipitur iure hereditatis, sed iure rerum singularium ex iudicio defuncti. Æs autem alienum est onus hereditatis, non legati. Secundum hoc, omnia in superiore sententiâ constituntur secundum regulam supra scriptam; Nam commodum & incommodum hereditaria ad heredes pertinent non ultra portionem hereditariam. Similiter & in legato, ut rei legatæ commodum ad legatarium pertinet: sic & eiusdem rei legatæ incommodum ad eundem pertinent, veluti servitutes, quæ debentur a re legata. Sed si heres habet aliquod commodum ex legato, non ideo agnoscere debet onus æris alieni pro quantitate eius commodi; quia id onus est hereditatis. Commodum autem quod habet, non est hereditatis, sed aliunde.

Superior sententiâ, æs alienum dividi inter heredes pro portionibus hereditariis, non pro modo emolumenti, perpetua est, siue hereditas sit solvendo, siue † non sit solvendo. Legata item inter coheredes relicta non præstantur uni magis, quam alicui, si æs alienum tantum sit, ut excedat patrimonii facultates, quoniam supra patrimonii facultates ex testamento nihil debetur *L. successores, inf. ad L. Falcid.* sed æs alienum semper dividitur inter heredes pro portionibus hereditariis. Idque est quod dicitur *ex d. L. ex falso, §. unde scio, de hered. inst. l. ult. §. licentia danda, infr. de iur. del.*



Ad L. 2. *Quarvis.*

Imp. Antoninus A. Hermogeni.

Quarvis pecuniam tuam Asclepiades suo nomine credideris: stipulando tamen sibi ius obligationis quaesivit, quam pecuniam ut possis petere, mandatis tibi ab eo actionibus consequeris. PP. VII. Kal. Maii, Messala & Sabino Coss.

S U M M A R I A.

1. Qui alienam pecuniam mutuo dedit stipulatus eam sibi reddi, non ex mutuo, sed tamen ex stipulatione sibi quaesivit actionem.
2. Contrariis occurritur.
3. Quare non acquiritur obligatio in superiori specie, nisi reddenda sibi pecunia stipulatione interposita. Quid si eam pecuniam non sibi, sed domino reddi fuerit aliquis stipulatus num. 5.
4. Et si pecunia mutuo data sit aliena: mutuum tamen ex poss. facto con-

firmatur duobus modis, & quibus.

6. Dominus pecunia non potest actionem ex mutuatione quaesitam, adversus debitorem exercere, nisi illi a creditore alio mandata sit.
7. Dominus pecuniae adversus eum qui illam mutuo dedit stipulatus eam sibi reddi aut habet actionem mandati, si mandavit; aut aliter, negotiorum gestorum, & quatenus, & quare, & num. 8.

Dominus pecuniae Hermogenes pecuniam suam commiserat Asclepiadi. Forsitan, ut Asclepiades eam pecuniam foenori collocaret nomine Hermogenis domini. Asclepiades eam pecuniam mutuo dedit, sed suo nomine, & eam sibi reddi a debitore stipulatus est. Dominus pecuniae cupit eam a debitore petere, sed de duobus dubitat. Primum, an ex hoc mutuo aliqua actio nata sit? Nam si inde nulla actio nata est, frustra cogitat eam actionem exercere, quae nulla est. Videri autem potest nulla actio inde nata esse; quia Asclepiades creditor alienam pecuniam mutuum dedit. Aliena pecunia mutuo data mutuum non contrahitur, ut paulo post dicitur. Deinde dubitat, & si aliqua actio nata sit ex ea re, an possit eam suo nomine exercere etiam invito Asclepiade? De utraque re consultat Imp. Itaque Imp. responsum ad utramque dubitationem accommodat, ac de primo ita respondet, quarvis Asclepiades creditor alienam pecuniam mutuum dederit suo nomine; tamen in proposito metuendum non est, ne illi actio quaesita sit. Nam proponitur, si eum pecuniam sibi reddi stipulatum esse. Stipulando ius obligationis sibi quaesivit. Ius obligationis, id est, ius quod ex obligatione nascitur, id est, uno verbo, actionem.

Nam obligatio actionem parit. *L. licet, §. ea. de procurat.* Quisquis stipulanti promittit, se datum quid, aut futurum, stipulanti iure civili obligatur. Nec ad rem pertinet, quod in proposito pecunia mutua facta non est. Nam haec actio nascitur non ex mutuo, sed ex stipulatione, non ex re, sed ex verbis. *§. de constituta, Inst. de act. Inst. de verb. obl. in princ.* Hic tamen videtur esse obviare. *L. 2. §. circa, D. de dol. mal. except.* ubi traditur, si quis sine causa quid stipulatus sit, petenti doli exceptionem obviare. Hic autem videri potest pecunia in stipulatum deducta sine causa, quia mutuum non constituit? Resp. Est in proposito causa mutui non est; non tamen sine causa haec pecunia ab eo petitur, qui accepit. Satis enim causa est, cur debeat restituere, hoc ipsum, quod accepit. Non est in eum translatus dominium pecuniae; sed possessio in eum translata est. Igitur hoc ipsum recte petetur, ut possessionem saltem restituat. *L. indebiti, §. sed. et si, D. de cond. indeb.* Sed cur? dicitur, creditori in specie proposita ius obligationis quaesitum esse, si pecuniam sibi reddi stipulatus sit? Responderetur. Quia si pecuniam alienam dedit sine stipulatione, mutuum non contrahitur; quo fit, ut neque obligatio

gatio hic sit ex mutuo, neque ex stipulatione. Nam in mutuo dominum dantem esse oportet, & rem ita dari, ut fiat accipientis, quod, pecunia aliena data, non contingit. *L. 2. §. in mutui, & §. apellata, D. cod. Instit. quib. mod. re contrahitis obligat. in princ.*

4 Interdum tamen et quantvis aliena pecunia mutuo data, mutuum ex post facto confirmatur, quod contingit duobus modis: Uno, si debitor pecuniam tamdiu possederit, ut usucaperet, *argum. in L. si alienam, de mortis caus. don. & in L. indebiti, §. sed et si nummi, versic. secundo, de cond. indebit.* Idem contingit & pecunia a debitore postea consumpta. *L. nam & si fur, D. cod.* Cuius sententiae hæc ratio redditur; quia pecunia a debitore consumpta ad eum pervenisse intelligitur. Pervenisse, id est, illius facta esse ita, ut ea a domino avocari non possit, si sine dolo malo consumpserit. *L. non omnis, §. pupillus, D. cod.* Quid si Asclepiades hanc pecuniam dedisset non suo nomine, sed nomine Hermogenis domini? de eo diceret in *L. si absentis infra.* Quid si eam pecuniam non sibi stipulatus esset, sed domino reddi? Respondetur. Neque sibi quaesisset actionem; quia noluit, neque domino; quia non potuit. Ex denique stipulatio ipso iure inutilis foret. *L. quacunque gerimus, D. de obligat. & action. L. si ita stipulatus, §. Chrysogonus, D. de verb. obligat.* Hæc de priore dubitatione & questione.

Quod ad alteram dubitationem attinet, respondet Imp. dominum pecuniæ Hermogenem petere hanc pecuniam posse ab eo, qui accepit, sed *mandatis actionibus.* Hic ablativus absolutus est, qui resolvitur in hanc conditionem, si mandatæ sunt ei actiones. *L. a reatore, de condit. & demonstr.* Itaque his verbis hoc significatur, dominum pecuniæ non posse actionem ex
6 superiore mutatione quaesitam, adversus

debitorem exercere, nisi illi a creditore, cui ea actio quaesita est, actio mandata sit, id est, cessio, de quo verbo dicitur in *L. 1. infra, de oblig. & act.* quod ex regulis iuris recte constituitur. Nam dominus pecuniæ aut actionem exercere vult suo nomine, aut nomine creditoris. Suo non potest; quia actio eius non est, sed eius, qui eam stipulando sibi quaesivit. Alieno nomine non potest; quia nemo actionem exercere potest alienam sine domini mandato. *L. si pupilli, ul. circa fin. de neg. gest. L. naturalis, §. ult. circ. princip. D. de praescript. verb.* Proinde mandato domini & cessione opus est. *L. possessio, §. ult. D. de acq. possess.* Si creditor Asclepiades eam actionem ultro cedit Hermogeni, bene est. Sed quid si eam nolit cedere, an habeat Hermogenes dominus aliquam actionem adversus eum, ut cedat? Respondetur. Si dominus et mandavit Asclepiadi, ut eam pecuniam collocaret, ut proposuimus, habet actionem adversus eum mandati. *d. L. possess. §. ult. de acquir. possess.* Quod si de eo nil mandavit; tamen habet adversus eum actionem negotiorum gestorum, si aut pecunia mutuo data iam consumpta sit, aut dominus de mutuo consentiat. Argumentum huius sententiae est in *L. ult. de negot. gest. L. §. supra, de rei vindicat.* Hæc actio ex eo est, quod Asclepiades alienam pecuniam dando negotium domini gessit. Nec ad rem pertinet, quod non fuit hoc animo, ut gereret. Nam ipsa negotium domini gessit, dum rem domini collocat & administrat.

Negotiorum gestorum actio ex re & facto nascitur, non genericis opinione. Sed hæc actio non prius competit adversus creditorem, qui pecuniam mutuam dedit, quam is locupletior sit factus. *L. si eum servum, D. si cert. petat.* quod sit, aut pecunia consumpta, aut domino de mutuo suæ pecuniæ consentiente.



Ad L. Eos, qui. 3.

Imp. Gordianus A. Sempronio.

Eos qui officia administrant neque per se, neque per suppositas personas tempore officii sui in provincia sœnus agitare posse, sæpe rescriptum est. PP. VIII. Kal. Septembr. Gordiano A. & Aviola Coss.

S U M M A R I A.

1. *Mutui datione obligationem contrahi præter quam ab iis, qui prohibentur. Qui sint hi: quid contrahere, & quare, & quo in loco prohibeantur. ibid. & seqq.*
2. *Magistratus non debet munus & dona accipere, nisi xenia moderata, nec negotiari.*
3. *Magistratus emere vetantur immobiles aut mobiles res quasvis, & qua hæc & alia prohibendi ratio.*
4. *Emere hi tamen permittuntur res modicas ad victum & vestitum necessarias & prædia paterna.*
5. *Magistratus in sua provincia adificare non debet.*
6. *Magistratus in provincia sua uxorem ducere non debet, quæ ex ea provincia erunda sit.*
7. *Magistratus non debet pecuniam senecbrem, sive fœnus exercere, & quare.*
8. *Magistratus mutuum dare liceat quidam putant, & quæ horum argumenta & n. 9. & 10.*
11. *Magistratus nec mutuum dare sine favore permittitur, & quare, & n. 12.*
12. *Magistratus nomine qui intelligantur?*
13. *Qui sine superioris interdictionis effectus.*

Sententia de mutuo generalis est. Mutui ꝑ datione obligationem contrahi, *Institus. quibus modis re contrab. oblig. in princip.* Hoc ita est, nisi sicubi mutuum dare prohibentur. Prohibentur autem ii, qui officia administrant, de quibus hic cavetur. De quo ut possit certius statui, videndum est, quid iis personis prohibeatur in re in contrahendo, & quomobrem, & quibus prohibeatur. Postremo, quid illa prohibitio efficiat.

Iis, qui officia administrant, omnis acquisitio in eo loco, ubi officia gerunt, constitutionibus interdicta est, sive quid donatione acquirant, sive contrahendo.

Quod ideo veteres Romani caverunt, ut magistratus se in officio suo incorrupte gererent, & tantum non abessent a concussionibus & vi, sed etiam ab omni concussionis & vis suspitione.

1. Primum ꝑ igitur prohibetur magistratus donum & munus accipere, præterquam xenia moderata. *L. solum. § ult. de offic. Procons.* Prohibendi ratio manifesta est, ne videlicet corrumpantur muneribus, quibus & sanctissimos corruppi scimus.

Deinde prohibentur negotiari. *L. principalibus, D. eod.* Est autem negotiari, quid emere, quod postea vendas, ut inde quæstum facias. Sed hoc angustius est. Itaque sciendum generaliter prohiberi ꝑ magistratus quid emere in provincia sua, non tantum si res immobiles emant, de quibus in *L. qui officii, D. de contr. empt.* sed etiam si emant res quasvis, etiam mobiles. *L. non licet, D. de contrab. empt. L. unica, supr. de contrab. ind.*

Prohibendi ratio hæc est; quia si licebit magistratibus in sua provincia res emere, facile per gratiam, aut potestatem consequentur, ut res quam minimi emant. Poterunt & concussionibus res provincialium ad se pertrahere, & postea concussionem tegere titulo emptionis. Itaque huic incommodo recte occurritur interdicta omnino emptione. Permittitur tamen ꝑ iis emere res modicas ad victum & vestitum necessarias, *d. L. unica sup. de contrab. ind.* & præterea prædia etiam paterna, quæ a filio distrahantur. *d. L. qui officii, de contrab. em.* Itaque iis in summa emptiones voluntariæ interdictæ sunt, non necessariæ. Eadem hac ratione pro-

5 prohibentur in provincia † sua ædificare. *L. unica, supr. de contrah. iud.* quod superioribus consequens est. Non enim possunt ædificare, nisi ex materia, quam ante donatam acceperunt, aut nou donatam emerunt, vel alio titulo simili acquisiverunt. Si autem donum accipere & emere prohibentur.

Eadem de causa etiam prohibentur in 6 provincia † uxorem ducere, quæ ex ea provincia oriunda sit. *L. si quis officium D. de rit. nupt.* Nam & uuptiis alienas virgines ad se attrahere possunt, & per concussionem & per vim. Attrahunt autem eodem modo sibi dotem.

Præterea ob eandem causam prohiben- 7 tur † scœnorem pecuniam, sive scœnus exercere. Non est obscura ratio huius interdictionis: Nam præterquam, quod magistratus sibi hac ratione res alienas acquirunt, etiam hic quæstus turpis est, & indignus honestis viris, nedum magistratui. Ac de scœnore exercendo tantum cautum est in hac *L. 3.* Unde cœpit dubitari, an magistratibus liceat mutuum † dare sine scœnore? Etsi de pecunia mutuo danda nullus alius locus extaret, quam hic: diceremus, hoc ipso, quod magistratibus interdicitur scœnus exercere, concedi mutuum pecuniam dare sine scœnore. Quoties enim aliquid certis in causis vetatur, id in cæteris permitti intelligitur, *L. qui testamento, §. mulier, qui test. fa. poss.*

Præterea & illud certum est, quidquid iure non prohibetur, id omnibus permitti. *L. 1. §. 1. D. de testib. L. mutus, §. 1. D. de procurat.* sed in *L. principalibus. D. eod.* diserte scriptum est, *utrumque constitutionibus magistratibus interdici, & scœnus exercere, & pecuniam mutuum dare.*

Quod posterius tamen apud plerisque dubitationem habet. Videtur enim non 9 tantum inique, sed absurde etiam † constitui, ut magistratui provinciales sublevare non liceat sine ullo scœnore: hoc non est turpe, sed honestum: non est avarum, sed liberale. Liberalitas autem cum omnibus hominibus honestis convenit, tum maxime magistratui & potentibus qui habent unde liberalitatem exercent. Et præterea interest omnium hominem beneficio afficere. *L. servus ea lege, D. de serv. ex- 10 port.* Itaque quidam † putant non prohiberi magistratui simplex mutuum. Primum argumento huius legis, ubi scœnus tantum prohibetur. Deinde ratione æquitatis ea, quam supra diximus. Et quod dicitur in *L. principalibus, D. eod.* interdici magistratibus, ne mutuum pecu-

niam dent, ita explicant: si modo dent scœnori. Sed ex hac interpretatione † vitiosa erit constitutio. Redundabunt enim hæc verba, *ne mutuum pecuniam dent*, cum satis fuisset dixisse, *ne scœnus exercent.* In omni autem lege cavere debemus, ne sic interpretemur, ut aliquid sit otiosum, alioqui vitiosa erit oratio. *argumentum in L. in ambiguis, D. de legib. L. 1. circ. fin. C. de municip. lib. 10.* Neque verendum est, si id constituitur, ut videatur † inique constitui. Fatendum est, 12 non debere ulli homini interdici mutuum proximo dare: sed hoc ita est, si modo vere sit mutuum, quod mutuum esse dicitur. At hoc metuitur in magistratibus, ne non sit. Nam si quid per concussionem, aut vim, aut potentiam, expresserint ab aliquo, ut sibi promittatur, facile obligatio regi potest titulo mutui. Itaque ut emtio magistratibus, sic & mutuum interdictum est, ut omnis concussionum color & prætextus præcideretur.

Superiora hæc interdiciuntur iis, qui provinciæ regunt, id est, præsidibus provinciarum, ut supra in *L. principalibus, D. eod.* Quo verbo, qui contineantur, docet *L. 1. D. de effie. præsid.* Sed hæc prohibitio ad omnes pertinet, quicunque in provincia officia administrant, ut hic aperte declaratur, & in *d. L. non licet. d. L. qui officii, D. de contrah. emt.* Nec tantum illi prohibentur, qui officia gerunt, sed etiam, qui circa eos sunt. *L. principalibus, D. eod.* Hoc † verbo continentur domestici & consilarii magistratus, quod colligitur ex titulo de *contrahib. ind. & L. ei titulo subiecta.* Nam in titulo hæc inscriptio est? *De contrahib. iudicum & eorum, qui circa eos sunt.* Constitutio potuit domesticos & consilarios. Sunt autem hi, qui circa magistratus sunt, & alii, per quos magistratus mutuum pecuniam dant, aut scœnus exercent. Prohibentur quidem magistratus pecuniam mutuum dare, aut scœnus exercere per se, aut per alios, ut dicitur in hac *Lege 3.* Sed hoc amplius, etsi ii, qui circa eos sunt, scœnus exercent suo nomine, non nomine magistratuum; tamen hoc illis facere interdictum. Sed hic diligenter cavendum est, dicta hæc esse de iis, qui officia gerunt populi Rom. id est, de magistratibus temporalibus, quales erant populi Ro. magistratus, nempe fere anni. Quod si magistratus perpetui erunt, aut officiales magistratuum perpetui, nihil earum rerum iis interdicitur, ut intelligitur ex *L. præsidet, cum seq. D. eod.* Ex merito hoc ita in eorum per-

sona placuit. Nam alioqui commercio illis interdiceretur, nec haberentur in numero civium Romanorum. Ad extremam notandum est de effectu huius interdictionis, cum vetantur magistratus scenus exercere & mutuum dare, ¶ vim hanc esse huius interdictionis, ut si mutuum dederint, tanquam donatum amittant. Primum non contrahi mutuum explorati iuris est, quemadmodum nec deberi usuras. Quidquid enim lege vetante contrahitur, pro

non contracto habetur. *L. non dubium, supr. de legib.* Sed hoc amplius dicimus, si magistratus mutuum dederit, nullam eum repetitionem eius pecunie habere. Idque efficitur sententia constitutionum, quibus propositum fuit interdicere magistratui acquisitione obligationis, ne hoc titulo, ut dixi, concussio aliqua tegeretur, quemadmodum & in emione prohibita intelligimus omnem obligationis acquisitionem interdictam.

Ad L. Si absentis 4.

Imp. Philippus A. & Philippus Cæs. Maximo.

Si absentis pecuniam nomine eius fœnori dedisti, ac reprobo nomine, mandatis actionibus experiris: præses provincie iurisdictionem suam præbebit. Idem si cessare mandatum animadverteris, utilem tibi adversus debitorem actionem eo nomine competere non negabis. Propos. XV. Kal. Mart. Præsente & Albino Coss.

S U M M A R I A.

1. Qui alienam pecuniam domini nomine dedit mutuum, si dominus nomen hoc improbavit, ille qui dedit, habet ex domini cessione actionem directam, & utilem sine cessione § n. 2. & 3.
4. Pecuniam quoties quis mutuum dat alieno nomine, quanvis absentis & ignorantis, tamen ei, cuius nomine datur, conditio acquiritur § n. 1. sub fin.
5. Quorundam defensus adversus illa que contra afferuntur, improbat.
6. Alia & auctori probata contrariorum solutio.

7. Et nova solutionis adversus alia eadem contraria confirmatio § n. 8. & 9.
10. Nomen reprobare quid sit.
11. Si dominus qui nomen improbavit, nolit cedere mutuanti actiones suas, quomodo cogi possit.
12. Quid si mutuans nolit expellere dum mandantur actiones, an ipse iure suo experiri possit, & qua actione.
13. Unde utilis hic actio mutuanti.
14. Quid intersit, utrum directas, an utiles actiones mutuans experiat.

¶ Quidam ¶ pecuniam alienam apud se habebat, vel a domino depositam, vel quia tutor erat, vel quia domini negotia administrabat. Is domino consulturus eius pecuniam collocavit, & mutuum dedit absentis domini nomine, id est, nominatim hac lege; ut diceret, se eam pecuniam accipienti mutuum dare, nomine illius qui dominus erat, ut postea ei mutuum redderet. Dominus certior factus nomen reprobat, ut hic scriptum est. Nomen est, quidquid est in actionibus, seu debitum omne, *L. nomen*, in pr. *L. qui chirographum*, cir-

ca fin. de leg. 3. Interdum tamen nomen etiam debitorem ipsum significat, ut in illa sententia, *Bonum nomen creditor facit, cum admittit debiterem delegatum*, id est, bonum & idoneum debitorem facit eum, qui sibi debitorem admittit. *L. inter, §. abesse. D. mandati.* Ergo is reprobare nomen intelligitur, qui dicit, sibi debitorem non placere, seu, sibi eum debitorem idoneum non videri, ac proinde sibi eum eo rem esse nolle. Nominatim reprobo, hoc relinquitur mutuanti, ut pecuniam domino reddat, & si eam salvam habere vult, eam repetat a debitore,

tore, cui numeravit. Queritur, an possit, & quibus actionibus? Movet dubitationem, quia ipse cum debitore suo nomine nil contraxit. Rescriptum est, eum posse a debitore eam pecuniam repetere, aut mandatis a domino actionibus, aut mandato non expectato, utilibus suo nomine. Mandata actiones hic intelliguntur actiones directæ, quæ domino qualitatè sunt, cuius nomine pecunia mutuo data est: has actiones dominus mandabit, id est, credet mutuanti, ut mutuam procuratorem in rem suam faciat. Ex his verbis duo colligimus.

1. Primum, ex hoc mutuo ¶ nullam actionem iure directo mutuanti quaeritam esse. Nam frustra requireret mandatas actiones, si eas suo nomine haberet, & merito ex hoc mutuo mutuanti nulla actio acquiritur. Nulla est actio & obligatio ex contractu sine consensu. *L. 3. de obligat. & actio. L. 1. §. 1. de pact.* Qui mutuum alieno nomine dedit, aut quovis alio modo contraxit alterius nomine, non consentit, ut sibi actio acquiritur, sed ut alteri: proinde ei ex contractu non acquiritur. Ita necesse, ut si mutuans velit directam actionem ex causa mutui exercere, hanc aliunde sumat, non autem exerceat suo nomine.

Alterum ex iisdem verbis colligitur. Ex hoc mutuo ¶ actionem quaesitam esse domino, cuius nomine pecunia mutuo data est, & generaliter definiendum est: Quoties quis pecuniam ¶ mutuum dat alieno nomine, quanvis absens & ignorans; tamen ei cuius nomine datur, conditionem acquirit. *L. certi, §. si nummos, D. eod.* Hæc pars est, quæ præcipuam dubitationem habet in hoc rescripto, & locis similibus. Huic enim sententiæ opponitur regula iuris certi nota, qua traditur, per liberam personam, quæ nostro iuri subiecta non est, nobis actionem, aut obligationem quaeri non posse. *L. 1. infr. per quas personas, L. si ita stipulatus, §. Crysgonius, D. de verb. oblig. & quod idem valet, neminem ita contrahere posse, ut inde alteri actio adquiratur, & in totum si quis alterius nomine contrahit, inutile est, quod geritur. L. quæcunque gerimus D. de oblig. & act.* Vulgo rem ita ¶ expediunt, admittunt regulam in cæteris contractibus: in mutuo locum habere negant: & hanc rationem exceptionis reddunt; quia singularia quædam recepta sint circa pecuniam creditam. *L. singularia, D. eod.* Sed hæc ratio falsa est: & si vera esset, non tamen rem expedit, sed impedit magis. Nam non dicitur, omnia

singularia esse in mutuo, sed quædam singularia esse recepta. Non si quædam singularia recepta sunt, idcirco in eo numero hoc etiam haberi debuit, Deinde quaeretur amplius, cur magis in mutuo licet alteri actionem acquirere, quam in cæteris contractibus? Nam in iis præcipue æquitatem servare oportebat. *L. in bonæ fidei, Inst. de act.* & tamen in iis consilium neminem ita contrahere posse, ut alter suo nomine agat, quod discrete scriptum est in *d. L. quæcunque gerimus, D. de oblig. & act.* Respondetur, ¶ Regula iuris superior & vera & perpetua est, nec ulla ratio est, cur valeat in contractibus bonæ fidei, in mutuo autem repudietur; neque tamen adversatur ei sententiæ de mutuo, quam posuimus: Nam eum mutuum datur alterius nomine, & ei actio acquiritur, is actionem acquirit sibi ex suo contractu, non ex alieno. Is enim pecuniam mutuo dedisse intelligitur, cuius nomine data est. *L. 3. §. ultim. de don. inter. vir. & uxor.* Sed huic solutioni ¶ contradicitur, 7 & primum hæc obstant. Nam dare est dominium transferre. *§. si itaque, Inst. de act.* Nemo autem dominium transferre potest, nisi volens & consentiens. *L. in omnibus rebus, de obligation. & action.* Porro absens consentire non potest, proinde nec dominium transulitile videri.

Deinde hæc pecunia non datur quovis modo, sed datur mutui causa, ut mutuum contrahatur eum eo, cuius nomine mutuo data est. At mutuum, nisi inter consentientes, contrahi non potest. *L. si me & Titium, D. eod.* Proinde eum absente & ignorante mutuum contrahi non potest, ideoque nec ex mutuo absenti & ignoranti acquiritur actio? Respondetur. ¶ 8 Hæc omnia vera esse & in proposito admittenda esse. Sed quod dicitur, cum mutuum datum est absentis nomine, ei conditionem acquiri, sic accipiendum est: cum monitus ratum habuerit, quod gestum est, ut tunc acquiritur, id est, non recusaverit, quin suo nomine pecuniam datam vellet. Non obstat *d. L. certi, §. si nummos, D. eod.* ubi scribitur: *si tuo nomine pecuniam mutuum dederis absente te & ignorante, tibi conditionem acquiri.* Nam tibi quidem conditio acquiritur ex hac causa, quanvis mutuum datum sit absente te, & ignorante: sed non acquiritur, nisi sciens & consentienti, id est, ratum habenti. Idque probatur ex eod. §. ubi prior sententia probatur hoc argumento: *Quia si pecuniam mutuum tuo nomine voluntate tua dederis, tibi conditio acquiritur.* Hic argumentum est,

est, quo comparatur ratihabitio cum mandato, quasi ita diceretur: *Si te mandante & volente pecuniam tuo nomine dederis, tibi conditio acquiritur*. Ergo *etsi te non mandante dederis, tuo nomine tamen tibi conditio acquireretur*, supple, *si ratum habueris*: quia ratihabitio mandato comparatur. *L. ult. infr. ad Senatufcons. Maced.* Quod si ratihabitio non sequitur: argumentum I. C. vitiosissimum est. Pessime enim comparatur volens cum invito. Hoc autem quod diximus, conditionem ei acquiri cuius nomine data est, si admonitus ratum habuerit quod gestum est, ita naturæ conveniens est & regulis iuris: ut in contrarium fieri nec natura patiatur. Natura enim invito acquiri beneficium non potest. Quod & regulis iuris comprehensum est. *L. invito, de reg. iur. L. hoc iure, §. non potest, D. de donat.*

- 9 Sed hic rursus nobis † occurritur. Nam etsi superiora in aliis locis vera essent; tamen speciei hoc loco propositæ non conveniunt. Nam is dominus cuius nomine pecunia data est, admonitus nomen reprobavit, & ita ratum non habuit, quod gestum est. Resp. Non recte colligitur.
- 10 Nam reprobare † nomen non est dicere, se nolle pecuniam mutuatam datam esse; sed dicere, sibi debitorem idoneum non videri, & se talem debitorem sequi nolle. Itaque utrumque in dominum cadit, ut mutuum quidem agnoscat, sed nolit id mutuum esse periculo suo, sed periculo mutuantis. Ita ea reprobatio nominis non impedit, quominus ea actio domino acquiratur, cuius nomine mutuum datum est.
- 11 Quid si dominus eam † actionem mutuantii nolit cedere? Resp. Actionem negotiorum gestorum tenetur, ut cedat. Nam qui pecuniam mutuatam eius nomine dedit, animo suo negotium eius gerit, sed & ipsa negotium eius gestum est; quia illi inde acquisita est conditio quam diximus. Recte igitur tunc cogitur cedere: si non cedit, non poterit pecuniam suam dominus repetere a mutuantem. Quia si mutuantii ulla actio datur adversus dominum, ut actionem cedat: multo magis domino agente, mutuantii exceptio adversus dominum dabitur, nisi dominus actiones suas paratus sit cedere. *L. invitus, §. 1. de reg. iur.* Si tamen is, qui mutuatam pecuniam absentis nomine dedit, nolit † expectare, dum sibi mandantur directæ actiones: potest nihilominus adversus debitorem suo nomine exerceri ut illi actione, ut hic *in extremo* scriptum est. Utilis actio directæ opponitur. Directa est, quæ ex verbis legis datur,

Utilis, quæ deficientibus verbis legis datur ex sententia. *§. ult. Infr. de L. Aquil.* Hic ergo ex verbis legis actio mutuantii non datur; quia hæc domino quæsitæ est, cuius nomine mutuum datum erat. Ita si mutuantii aliqua actio datur, hæc utilem esse oportet ex sententia.

Hic occurritur. Nam quæcunque utilis actio hæc futura est, semper ea in personam sura est, non in rem, quod constat. Omnis autem actio in personam aut nulla est, aut competit tantum ex contractu, vel quasi contractu, ubi nullum maleficium, aut quasi maleficium admixtum est. *§. 1. Infr. de act. L. actionum genera D. de obl. & act.* At diximus, hunc qui mutuatam pecuniam dedit alterius nomine, nil contraxisse sibi; neque hic occurrit quasi contractus ullus. Queritur igitur † unde hanc utilem actionem esse velimus, & ex qua sententia legis? Resp. Hæc utilis actio est ex mutuo, quod in specie proposita contractum est cum domino pecuniæ. Nam ex hoc mutuo actio directæ quæsitæ est domino. Quæ in persona domini directæ est, hæc in persona mutuantis est utilis, postquam in eum translata est. Et de hac translatione generaliter ita definiendum est: Quoties is, qui actionem directam suo nomine habet, ostendit, se velle eam actionem in alium transferre, aut iam translatam esse, toties etiam non mandatis actionibus, utilis actio competit ei, in quem actionem translatam voluit. *L. postquam, L. ex nominis, infr. de hered. vel act. vend. L. ult. infr. quando f. vel pr. L. ex legato, infr. de leg. L. 2. infr. de obl.* In proposita autem specie dominus nomen reprobando, ostendit se promittere quidem mutuantii, ut agat adversus debitorem arbitratu suo; se tamen eum debitorem sequi nolle. Hæc voluntate etiam tacita declarata, sequitur, ut mutuatam actionem utilem habeat suo nomine. Utrum † directas, an utiles exerceat, hoc interesse: quod directas exercere non potest, nisi nominatim a domino mandatas; utiles exercet, etiam non mandatas. Item mandatis actionibus experitur nomine mandantis, seu procuratorio nomine, seu ut procurator in rem suam: utilibus experitur suo nomine, non alieno. *L. ult. infra, quando f. vel pr.* De effectu huius rei dicitur eo loco. Quod si fingamus dominum oblitinere id dicere, se nolle etiam mutuum probare, sed velle pecuniam suam vindicare; tamen nihilominus mutuantii utilis actio adversus debitorem dabitur, non ex mutuo;

tuus, quod nullum est, sed utilis negotiorum gestorum. Nam revera is, qui mutuum pecuniam debitori dedit, negotium eius gessit in eo, quod fecit, ut pecuniam ad eum perveniret: sed quia id facit non debitoris nomine, sed alterius, non vi-

detur actio negotiorum gestorum directa competere; quia voluntate sua & animo negotium debitoris non gessit, sed nihilo minus erit utilis quia revera negotium debitoris gestum est.

Ad L. Si non singuli. 5.

Impp. Diocletian. & Maximian. AA. & CC. Aristodemo & Proculo.

Si non singuli insolidum accepta mutua quantitate, vel stipulanti creditori sponte vos obligastis; (licet uni numerata sit pecunia), vel intercessionis nomine hanc pro reo suscepistis obligationem: frustra veremini, ne eius pecunia nomine vos convenire possit, quam alii mutuo dedit, si intra prestitum tempus rei gestae questionem deulistis. Ac multo magis inanem timorem geritis, si pecunia numerata oleum susceptum instrumento sit collatum: cum si reddendi stipulatio nulla subiecta est, & huius rei est habita solemnitas contestatio; in suo statu remanente eo quod vere factum intercessit, ex olei accepti scriptura nihil deberi manifestum est.

S U M M A R I A.

1. *Sola scriptura & confessione accepta pecunia facta a tribus v. c. non teneri alios duos præter eum cui numerata fuit, & quare.*
2. *Nisi duo illi uno ex tribus modis præterea se obligaverint: ut aut duo rei debendi fuerint ex mutuo, & quomodo. Contraria tali modo diluuntur, n. 6.*
3. *Aut duo fuerint item rei promittendi.*
4. *Aut pro illo fideiussere, qui pecuniam numerato accepit.*
5. *Sola tamen & illos confessione teneri, si intra biennium nec exceptio ne sint usi non numerata pecunia, nec eius querelam intulerint.*
7. *Multo minus duos ex tribus sua confessione teneri, qui se oleum accepisse pro pecunia tertio illi numerata cum eodem confessi sunt; & quare.*
8. *Nisi videm stipulanti creditori pro pecunia tertio illi data se oleum reddituros promiserint nominatim.*

TRes quidem caverunt in instrumento, se pecuniam certam a creditore accepisse, quæ tamen pecunia uni tantum de tribus numerata erat. Queritur: An duo, qui non acceperunt, ex sua cautione teneantur? Responderunt † Impp. non teneri. Non obstat illis sua cautio & confessio; quia in pecunia numerata, ei qui confitetur sibi pecuniam numeratam esse, prodita est actio non numeratæ pecuniæ, quæ tutus perinde habetur, quasi confessus non esset, nisi actor probet se pecuniam revera numerasse. *L. 3. inf. de non numer. pec.*

Sed hoc ita est, nisi hi, qui caverunt, se pecuniam accepisse, quibus numerata non est, se obligaverunt creditori pro ea

pecunia iis modis, quibus debitores se obligare pro pecunia non accepta iure possunt, qui modi initio huius rescripti comprehensi sunt. Primus † modus est, si hi, qui se obligaverunt in solidum se obligaverint, id est, si singuli dixerint, se pecuniam pro eo habere, atque si sibi numerata esset, & se pro ea singulos in solidum teneri velle, quomodo sunt plures rei debendi. Nam ex omni contractu duo pluresve rei debendi fieri possunt. *L. eandem, D. de duob. re. stip.* Alter † modus est, si singuli hi tres stipulanti creditori eam pecuniam se soluturos promiserint ut fiant plures rei promittendi, quod quando contingat, traditur in *Infist. de duobus reis.*

Ter-

4 Tertius ¶ modus est, si hi intercessionis nomine se obstrinxerint pro eo, qui pecuniam accepit, id est, nno verbo pro eo fideiusserint. Nam fideiussores iure civili obligantur stipulatione, & si plures sunt, iure in solidum tenentur. Etsi ex Epistola Hadriani obligatio inter eos dividatur. *Instit. de lit. oblig. in prin. §. si plures.* Quod si hi, qui pecuniam non acceperunt, istis modis se non obligarunt, intra tempus præliturum non tenentur, id est, intra biennium; sed nec biennio exacto tenentur, si intra biennium questionem detulerint de pecunia sibi non numerata. Quod si non detulerint, tum post biennium tenentur; etsi se alio modo in eam summam non obligarint, ut hic scriptum est. Quod ut intelligatur, sciendum est, omnes, qui in instrumento caverunt, se pecuniam mutuam ¶ ab aliquo accepisse, intra tempus constitutum, id est, biennium tutos esse, & ad eandem rem duo remedia habere.

Nam si conveniantur, habeat exceptionem non numeratæ pecuniæ. *L. 3. infr. de non numer. pecun.* Si non conveniuntur, tum licet sis ultro queri cum creditore sibi pecuniam numeratam non esse. Quod si fecerint, consequuntur, ut deinceps exceptionem etiam post biennium perpetuam habeant. *L. si intra, infr. de non numer. pecun.* Quod si neque exceptione usi sint, neque querelam protulerint de non numerata sibi pecunia, tum biennio exacto iure omnimodo tenentur. Nascitur enim exinde adversus eos obligatio ea, quæ dicitur literarum obligatio, *Instit. de lit. oblig.* Ex quo intelligimus eos, qui in specie proposita pecuniam non acceperunt; & tamen confessi sunt in instrumento se accepisse, non teneri ea cautione. Præterquam si aut se in eam summam obligaverant istis modis quos diximus; aut biennium exactum sit, neque intra id biennium quæsi sunt de pecunia sibi non numerata.

In istis modis cætera pura sunt. Primus dubitationem habet, cum dicimus eos, qui pecuniam non acceperunt, teneri, si se obligaverunt, quasi singuli in solidum pecuniam accepissent, ut sic fiant plures debendi rei. Hoc in mutuo contingere posse non videtur, ut ¶ plures debendi rei ex causa mutui fiant. Nam non possunt plures ex causa mutui obligari, nisi singuli eam pecuniam acceperint; quia mutuum re contrahitur. Nec est mutuum, si quis pecuniam in se profectam non accipiat. *L. 2. in princip. §. creditum, D. eod.* Nunc autem fingimus, duos istos, de qui-

bus queritur, pecuniam non accepisse. Responderetur. Etsi il naturaliter pecuniam non acceperint per se; tamen hoc ipso accepisse videntur, quod tertio pecunia eorum voluntate numerata est. Sic enim per interpositam personam tertii accepisse videntur. *L. restituta, D. ad Trebellian.* Sed hic rursum occurritur: Nam ut plures mutuum debeant, non est satis, eos pecuniam accepisse, sed oportet, ut singuli pecuniæ domini fiant. *d. L. 2. §. pen. D. eod. Instit. quib. mo. re contr. oblig. in princ.* At hoc fieri non potest, ut tres eiusdem pecuniæ domini fiant; quia plures eiusdem rei domini in solidum esse non possunt. *L. si ut certum, §. ult. D. commod.* Proinde tres illi eandem pecuniam tanquam mutuum debere non possunt? Respondetur. Plures eiusdem rei domini in solidum esse non possunt eodem tempore, diversis temporibus domini fieri possunt, quod in proposito contingit; Nam prius pecunia intelligitur numerari iis, qui non acceperunt, singulis suo ordine: idque per interpositam personam accipientis. Deinde ab iis pecunia intelligitur pervenire ad eum, qui manu accipit, ut sic ad singulos separatim & diversis temporibus dominium perveniat, quasi brevi manu traditionibus non necessariis occultatis. *L. 3. §. ult. de don. inter vir. & ux.*

Addunt Impp. in *vers. ac multo magis.* Si hi, qui pecuniam non acceperunt, non tenentur, quanvis confessi sint, se accepisse, & ea pecunia alii numerata sit: multo minus iidem, qui nihil acceperunt, obligabuntur, si pecunia uni vere numerata, scriptum sit in instrumento, tres istos ¶ 7 oleum mutuum accepisse. Dicunt Impp. multo minus; quia, ut glossa bene interpretatur, prior confessio semel falsa est, posterior bis falsa. Nam prius confessi duo sunt pecuniam esse numeratam, & hoc verum est. Nam uni numerata erat. Sed hoc amplius confessi sunt, sibi numeratum esse: hac parte confessio falsa est, quæ de causa non tenetur. At cum confessi sunt, oleum sibi datum esse, primo confitentur oleum esse datum mutuo, quod in totum falsum est. Deinde fatentur sibi datum, quod & ipsum falsum est. Non est igitur mirandum, si ex confessione dupliciter falsa non teneantur, qui ex confessione semel falsa non tenentur.

Sed hoc ita est, nisi ii, qui confessi sunt, se oleum accepisse, ita confessi sint; ¶ 8 ut de oleo reddendo pro pecunia stipulatio interposita sit, & huius rei contentatio nominatim sit interposita, id est: nisi si, qui

qui caverunt se oleum accepisse, stipulanti creditori promiserint se oleum reddituros, & nominatim dictam ac testatum sit, id eos promittere pro pecunia accepta. Impp. stipulationem exigunt, ut si, qui oleum non acceperunt, teneantur olei nomine: quia si pacto convenisset, ut oleum redderent, ideo non obligarentur; quia ex pacto nudo, iure Cod. non nascitur actio. *L. legem, supr. de pact. L. 7. §. nulla, D. de pact.* Non sufficit stipulatio. Exigunt Impp. contestatio-

nem de oleo pro pecunia reddendo; quia si ii, qui oleum non acceperunt, simpliciter stipulanti promittant, se oleum reddituros: per rerum naturam non obligantur promittentes, id quod impossibile est. Natura enim reddere non possumus, quod non accepimus. *L. reddendi verbo D. de verbor. signif.* Proinde nominatim testari oportet illos, promittere se oleum reddituros pro pecunia, quæ alii data est. Hoc vero natura fieri potest, ut aliud pro alio solvatur,

Ad L. Si ex pretio. 6.

Impp. Diocletian. & Maximian, AA. & CC. Nicandro.

Si ex pretio debite quantitatis, facta novatione, per stipulationem usurarum licitas ab eo contra quem supplicat stipulatus ei; falsa mutui datae quantitatis demonstratio premissa, cum obligationis substantia non defecerit, quominus usque ad modum placitum usurae exigi possint, nihil nocet. Si vero citra vinculum stipulationis tantum mutuam pecuniam datam conscriptum est, & eius præstari senus convenit: simulatis pro infectis habitis huiusmodi placitum nihil de præcedenti mutui obligatione. §. XV. Kal. Decemb. AA. Coss.

S U M M A R I A.

1. *Rescripti species explicatur; & quæ inde nascitur questio.*
2. *Facta novandi animo stipulatione debite ex pretio quantitatis, eius pecunie usuras deberi.*
3. *Contrariis occurritur.*
4. *Pecunia eiusdem in stipulationem deducta etiam sine novatione usuras deberi. Contrarium solutio ibid.*
5. *Contra quantitatis ex pretio debite, quam tamen emptor sine stipulatione confessus est se mutui causa debere, nec fortis pecunia ex causa*

- mutui, nec usura ex conventionione debentur & n. 6. & 7.*
8. *Quæ sit eorum verborum, simulatis pro infectis habitis, prius placitum de præcedenti nihil immutabit obligatione vis & significatio.*
9. *Licet usura non debeantur nudo pacto ex causa mutui; illas tamen hic ex veteri causa, scil. venditionis deberi.*
10. *Conciliatoria huius Rescripti. Cum L. singularia 15. D. de reb. credit.*

E Mptor quidam ꝑ debebat 100. floren. Nicandro venditori suo ex pretio; id est, pretii nomine. Cum eam pecuniam paratam non haberet, voluit eam debere Nicandro: & ne ea oriosa esset, convenit, ut eius pecuniæ usuras præstaret de quibus inter eos convenerat. Sed cum emptor eam emptionem dissimulari & cæleri vellet: cavuit Nicandro se 100. flor. mutui nomine debere. Nicander postea usuras eius pecuniæ exigit, promissor negat, se eas debere. Movet, cur non debeat; quia usuræ sunt quodammodo accessiones fortis & principi-

Tom. VII.

palli obligationis, & omnino deberi non possunt usurae, nisi eius pecuniæ nomine, quæ prius iure debebatur. *L. ear, 1. resp. infr. de usur.* At in proposito usuræ promissæ sunt eius pecuniæ nomine, quæ mutuo data esset, quæ obligatio nulla antecessit. Proinde eius pecuniæ & obligationis nomine nullæ usuræ deberi possunt. Questio, an in proposito promissor usuras debeat? Id quod cum simpliciter & obscure propositum esset, Impp. sic respondent; ut distinguant. Distinctio rescripti hæc est: Aut enim, Nicander stipula-

Pp

pola-

pulatus est 100. florenos quos dixit sibi ex causa mutui deberi, & stipulatus est novationis animo, itemque eius pecuniæ usuras legitimas, hoc modo: 100. florenos quos mihi ex causa mutui debes, dare spondes; & si non solveris, tantum in singulos menses usuræ nomine dare spondes. Aut vero sine ulla stipulatione debitor in instrumento cavit, se Nicandro 100. florenos ex causa mutui debere; & convenit, ut eius pecuniæ nomine certas usuras præstaret. † Si Nicander eam quantitatem novationis animo stipulatus est, usuras stipulationis nomine promissas recte exiget. Et occurrunt Impp. superiori objectioni. † Obiciebatur, non posse usuras deberi eius pecuniæ nomine, quæ prius non debebatur? Respondent. Id in proposito metuendum non esse; quia hæc pecunia promissa sit stipulatione. Ex stipulatione autem iure civili certo nascitur actio. *§. de constituta, Instit. de act.* Sed hic occurrebatur a promissore. Nam stipulatio quidem intervenit, sed stipulatione promissa est ea pecunia, quæ non est. Promissi enim sunt 100. ex causa mutui debiti. Nulla autem ex causa mutui debebatur. Porro, sine re nulla stipulatio consistit; quia alioquin est impossibilis. *L. quoties, infr. de novat. L. impossibilium, D. de reg. iur.* Et hanc objectionem Impp. sic diluunt. Nam stipulatio proposita, inquit, suam substantiam habet: res enim certa promissa est, nempe 100. fl. Non obstat, quod adiectum est, quos mihi ex causa mutui debes. Nam hæc adiectio, demonstratio est. Falsa demonstratio non nocet legato, fideicomisso, aut heredum institutioni. *L. falsa, L. quibus diebus, §. pen. D. de condit. & demonstr.* Sic nec nocet stipulationi, ut hoc loco. Itaque sic stipulatio proposita valebit, quasi Nicander 100. florenos sibi dari simpliciter stipulatus esset; quod si fecisset, nemo dubitaret, quin valeret stipulatio. *L. stipul. quad. de verb. oblig.* Proinde recte concluditur, cum pecunia principalis iure debita fuerit, iure quoque eius usuras exigi posse. Quid si † Nicander 100. florenos de quibus quaeritur, stipulatus sit a debitore non novandi animo, an nihilominus usuras eius pecuniæ nomine promissas poterit exigere? Respondetur. Consequens est exigere posse; quia quocunque animo stipulatio interposita sit, valet; quoniam ei falsa demonstratio non nocet. Cur igitur Impp. posuerunt hanc conditionem, si Nicander eam summam stipulatus sit novandi animo? Respondetur. Id fecerunt augendæ dubi-

tationis causa. Nam in novatione ut fiat, exiguntur duæ obligationes, Prior & Nova. Prior, quæ transfundatur in novam & posteriorem obligationem. *L. 1. de novat.* Hic autem nulla videtur prior esse obligatio, quæ in hanc stipulationem transfundatur. Nam promittuntur 100. ex causa mutui debita. Nulla autem obligatio mutui præcessit. Sed hic respondendum idem, quod supra: mutui obligatio non transfunditur in hanc obligationem; quia revera mutuum nullum fuit, sed transfunditur obligatio empti & venditi, ex qua obligatione hæc 100. debebantur. Nec obstat, quod dictum est, hæc 100. deberi ex causa mutui. Hæc enim falsa demonstratio est, quæ stipulationi non nocet, ut diximus.

Quod † si in instrumento, ut diximus, sine ulla stipulatione debitor cavit, id est, confessus est, se 100. florenos ex causa mutui Nicandro debere, & convenit, ut eius mutuae pecuniæ nomine usuræ debebantur, simulata pro infectis habentur, aiunt Impp. Senfus est: Neque pecunia ex causa mutui debebitur, ut cautum est, neque usuræ ex conventionione debebuntur. Quod † ad pecuniam fortis attinet, hæc ex mutuo non debebitur, quoniam revera ex pretii causa debebatur. Non autem erat mutuo accepta. Non obstat cautio & confessio instrumento testata. Nam falsa scriptura & confessio veritati non nocet: & generatim definiendum est: Quoties aliquid revera actum est, & aliud simulatum, seu scriptum, toties valet, quod actum est, non quod simulatum seu scriptum est. *tot. tit. infra plus val. quod agitur, &c.* Quod † ad usuras eius pecuniæ attinet, hæc multo minus debebuntur. Quo minus debeantur, duo prohibent. Primo, quod non possunt deberi usuræ eius pecuniæ, quæ prius non debebatur. *d. L. eos in princ. infr. de usur.* Hic autem pecunia ex causa mutui non debebatur. Deinde hic usuræ conventionione & pacto causæ sunt. Usuræ ex pacto non debentur, sed tantum ex stipulatione committæ. *L. 3. infr. de usur.*

Sed addunt Impp. † simulatis pro infectis habitis, prius placitum nihil de præcedenti immutabit obligationem. Obligatio præcedens in specie proposita est obligatio empti & venditi. Nam 100. debebantur ex pretio, ut est in initio rescripti: pretium autem ex vendito debetur venditori. *L. Iulianus §. ex vendito de act. empti.* Ex ea obligatione nihil immutabit superius placitum: quo factum est, ut debitor diceret, se eam pecuniam debere ex caus-

caussa mutui, & se eius pecuniæ usuras præstiturum. Ideo autem nihil immutabit hoc placitum de præcedenti obligatione; quia placitum nullum est. Item: Quia etsi conventio valeret: tamen sola conventio præcedens obligatio non novatur, sed stipulatione. *L. 1. de novat. §. præterea, Institut. quib. mod. sol. obligatio.*

Quorsum hæc, & quid ad questionem pertinet, eum de usuris quæreretur, an eas deberentur a debitore, qui eas se præstiturum pactus est? Respondetur. Optime ad rem pertinent. Huc enim spectant, † ut intelligatur, quavis ex superiore conventionne usuræ non debeantur Nicandro; tamen eas nihilominus deberi ex præcedenti obligatione, quæ mutata non est. Nam præcedens obligatio est, ut dixi, ex contractu empi & venditi; contractus emptionis & venditionis bonæ fidei est. §. *actionem autem, Institut. de act.* Porro in bonæ fidei iudiciis ex mora usuræ debentur citra aliam conventionem. *L. mara, §. in bona fidei. de usur.* Interim manet hæc sententia, eum debitor, qui 100. ex causa pretii debebat, confessus est, se ex causa mutui debere, non tamen ex causa mutui obligari, sed solam veterem obligationem manere.

Vulgo † adversari putant *L. singularia D. eod.* ubi traditur, si pecuniam mihi ex

quavis alia causa debeas, & convenierit inter nos, ut tibi ea pecunia esset mutua: pecuniam mutuum fieri, priore obligatione sublata. Fatentur vulgo eandem conventionem in hoc rescripto intervenisse, ut scilicet summa ex pretio debita deberetur ex causa mutui: quo admissio, rem expedire non possunt, nisi ineptissimis divinationibus, quas si quis illis negaverit, coguntur hæerere; nam probare non possunt. Sed quod gravior est, aperte huius rescripti verbis adversantur. Intelligenti solutio est expedita. Dicendum est igitur hoc modo: pecunia, quæ mihi ex alia qua causa debetur a te, potest conventionem tibi fieri mutua; sed conventio, id est, si ita convenierit inter nos vere, ut tibi esset mutua. At in illo rescripto non convenit, ut debitor, quam pecuniam ex pretio debebat, inciperet debere Nicandro ex causa mutui: sed cum revera ex pretio deberetur, tantum simulate scriptum est in instrumento, eam ex causa mutui deberi. Nulla igitur fuit conventio, ut ex causa mutui deberetur. Id evidenter demonstrant illa verba rescripti, *simulatis pro infectis habitis*. Simulabatur ergo causa mutui; igitur revera non agebatur, ut esset mutuum. Quod si actum esset, idem diceremus, quod in *L. singularia*.

Ad L. Non unde originem. 7.

Impp. Diocletian. & Maximian. AA. & CC. Pactumciæ.

Non unde originem pecunia, quæ mutuo datur, habeas: sed qui contraxit, si ut propriam numeravit, in huiusmodi obligationibus requiritur. S. V. Non. Q. Eobr. Sirmii AA. Coss.

S U M M A R I A.

1. *Actio ex mutuo datur non domino, a quo pecunia profecta est, sed procuratori, qui ut propriam numeravit.*

2. *Item infortiori competit, & non domino.*

3. *An ut actio queratur mutuanti, numeratio alienæ pecuniæ tanquam propriæ sufficiat.*

Dominus pecuniam suam dedit procuratori. Procurator eam suo nomine mutuum dedit. Queritur, Utri actio danda sit ex hoc mutuo, adversus debitorem, Domino ne, a quo pecunia profecta est, an procuratori, qui mutuum dedit? Ad hanc questionem expediendam comparata

est definitio huius legis Respondemus igitur, † domino, a quo pecunia profecta est, dandam non esse: Quia in mutuo non inspicitur, unde pecunia, quæ data est, originem habeat. Sed cur hoc non inspicitur? Ratio subiecitur: Quia in mutuo inspicitur, quis pecuniam numeraverit, &

qui numeravit, an ut propriam numeraverit, quod ex substantia & natura mutui responsum est. Nam mutuum contractus est, qui re sit, ob id numerationem creditoris exigit. *L. 2. in prin. & §. pen. D. eod.* Præterea exigit consensum dantis, qui consensus in eo est, ut is, qui accipit, mutuanti obligetur, & sine eo consensu nulla obligatio danti nascitur. *L. non omnis. in pr. D. eod.* Hic consensus est tantum in eo, qui pecuniam, ut propriam, id est, suo nomine dat, & qui dat alieno nomine, is alteri actionem adquirere potest, sibi non acquirit, ut diximus ad *L. si absentis. supr.* Horum autem nihil est in eo, a quo pecunia originem habet. Nam is neque debitori pecuniam numeravit, neque cum debitore quidquam convenit.

Hæc quæstio maiorem dubitationem habebit, si proponas mercatorem proposuisse inlitorem mercibus suis, & nego-

tiandi causâ pecuniam dedisse. Deinde inlitorem hanc pecuniam dedisse mutuum suo nomine. Respondetur. † Ex hoc loco conditionem inlitore competere, non domino.

Sed † sufficit pecuniam, ut propriam mutuo dare, ut mutuanti actio acquiratur? Respon. si pecunia aliena est, non sufficit, nisi pecunia data postea consumpta sit a debitore. *L. nam et si. L. 2. §. appellat. L. non omnis, §. si pupillus, D. eod.* Neque adversatur hic locus. Solum enim hoc loco comprehensa sunt ea, sine quibus mutuum contrahi non potest, ut declararetur ei, a quo pecunia originem habet, non ideo conditionem competere, quia ab eo originem habet: quandoquidem nec numeravit ipse nec numeravit ut propriam, sine quibus conditio nulli ex mutuo acquiritur.

Ad L. Si pro mutua 8.

Idem AA. & CC. Proculô.

Si pro mutua pecunia quam a creditore poscebas, argentum, vel iumentum, vel alias species utriusque consensu æstimatas accepisti, dato auro pignori: licet ultra usuram centesimam usuras stipulanti spondesti: tamen fors, quæ æstimatione placito partium definita est, & usurarum titulo legitima [summa] tantum recte petitur. Nec quicquam sibi prodesse potest, quod minoris esse pretii pignus, quod dedisti, proponis, quo minus huiusmodi quantitatis solutioni pareas. S. XVII. Kal. Ianuar. AA. Coff.

S U M M A R I A.

1. *Rescripti species, eiusque partes exposita. Tria inde questionum genera & n. 2.*
3. *Prima: An qui pro mutuo, quod rogabatur, dedit species æstimatas ea mente ut sola æstimatio deberetur, possit eam petere veluti sortem sibi debitam.*
4. *Opinio illorum qui putant, eam sortem ex mutui causâ deberi, confutatur.*

5. *Alia, & verior responsi Imp. ratio.*
6. *Secunda: An qui stipulanti creditori immodicas usuras spondit, aut nullas debeat, aut solum legitimas?*
7. *Tertia: An creditor acceptis pignore minus idoneo sortem integram possit petere, quæ dubitanda ratio.*

Quidam † rogavit Proculum, ut sibi 100. florenos mutuos daret. Proculus cum non haberet pecuniam, dedit petenti argentum, puta vel massam, vel lancem argenteam, & dedit iumenta, aut alias species; eo consilio, ut debitor iis rebus venditis pecuniam contice-

ret, quæ pecunia ureretur. Sed Proculus dedit has res æstimatas, id est, dixit se eas res æstimare 100. florenos & se hæc æstimatione tantum debitori dare velle, si ille veller accipere. Debitor ea æstimatione res accepit, & præterea debitor stipulanti creditori eius summe usuras illicitas

citis promittit illiſſe ſunt, quæ promittuntur ſupra modum conſtitutum in *L. eos*, §. 1. *infr. de uſur.* Deinde & ſummæ ſupra ſcriptæ & uſurarum nomine debitor aurum dedit pignori, quod pignus idoneum non erat. Poſtea creditor eam ſummam, de qua diximus, & eius ſummæ uſuras a debitore petit, debitor negat utrumque ſe debere. Ac primo negat, ſe debere 100. florenos hoc nomine; quia non accepit, ſed accepit ſpecies. Uſuras negat ſe debere, quia hæc uſuræ promiſſæ ſunt eius pecuniæ nomine, quæ non debebatur: quod fieri non poſſe diximus ex *L. eos*, in princ. *infr. de uſur.* Sed præcipue negabat, ſe eam debere; quia illicitas promiſiſſet, & proinde inutiliter. *L. non dubium ſup. de L. L.* Poſtremo etſi & ſortem & uſuras deberet; tamen dicit ſe aurum deſiſſe pignori creditori: contendit creditorem eo pignore contentum eſſe debere. Igitur † hæc tria requiruntur: I. An debitor eam pecuniam debeat, de qua convenit. II. An debeat uſuras illicitas. III. An creditor pro ea pecunia debeat eſſe contentus eo pignore, quod accepit, etiamſi pignus idoneum non fuerit?

De iis, reſcriptum hoc ordine reſpondet, ac primum, † quod ad æſtimationem ſpecierum datarum attinet, reſpondent Impp. ſortem, quæ conventionem partium definita eſt, peti poſſe. Sortem vocant eam æſtimationem, quæ de rebus datis conſtituta erat, quæ ſors dicitur, & comparatur cum uſuriſ, ſed non poſſeſt ſors peti, niſi ſit debita. Non videtur autem prius debita eſſe, quoniam ſpecies datæ tunc non æſtimatio. Vulgo † dicunt, hanc ſortem ex cauſa mutui deberi hoc reſponſo; quod convenerit, uti pro ſpeciebus datis æſtimatio præſtaretur, & hoc in mutuo ſingulare eſſe: ut quanvis & ſors data non ſit, conventionem mutua fiat & debeatur, quod deſendunt ex definitione maiſe intellecta. *L. ſingularia, D. eodem.* Sed hæc ſententia nullo modo deſendi poteſt. Nam non poſſeſt re obligatio contrahi ultra, quam datum eſt. *L. si tibi, D. de pæſt. L. rogati, §. si tibi, D. eod.* Hic pecunia daſta non eſt. Igitur pecunia tanquam obligatione re contracta deberi non poſſeſt. Proinde nec ex mutuo, quod re contrahitur: Species quidem datæ ſunt, ſed in iis rebus mutuum non conſiſtit. *L. 2. §. 1. D. eod.* Non eſt ſimile exemplum *L. rogati*, in pr. *D. eod.* Nam illic dedit quidem tibi lancem; ut eam venderes, & pretio uteraris, & ſi venderis, placet pecuniam in-

de redactam tibi eſſe mutuum. Sed hoc eo fit; quia ibi pecunia numerata eſt, non quidem a me, ſed ab eo, cui lancem vendidiſti. Videtur autem ea pecunia a me proſecta eſſe; quia per occaſionem qua res mea ad te pervenit, interim pecunia tibi numerata eſt. At in propoſito ea æſtimatio, de qua convenit, ut eam mihi præſtares, neque a me tibi numerata eſt, neque ab alio quoque. Deinde non poſſeſt eſſe mutua. Quia ut cætera omnia in mutuo deſiciant; tamen hoc ſemper exigitur, ut pecunia in accipientem proſificatur. *L. 2. §. in mutui D. eod.* Nec ad rem pertinet, ſi in ſpecie propoſita debitor ſpecies acceptas poſtea vendiderit, & pretium accepit. Nam non convenit, ut hoc pretium mutuum eſſet: Præterea hoc pretium non eſt illa æſtimatio, qua æſtimatione ſpecies datæ æſtimatæ ſunt. Nam fieri poſſeſt, ut ſpecies æſtimatæ ſint 100. floren. & venditor eas tantum vendiderit 60. Multo minus ad rem pertinet *L. ſingularia D. eod.* ubi traditur, pecuniam, quæ ex alia cauſa debetur, conventionem mutuum fieri poſſe. Nam æſtimatio, de qua hic agitur, ex alia cauſa prius non debebatur, ſed prius debebatur ſpecies & convenit, ut pro ſpeciebus æſtimatio earum redderetur. Quare cum hæc æſtimatio ad debitorem non pervenerit, neque a creditore, neque ab alio, mutuo omnino eſſe non poſſeſt.

Sed laborandum non eſt. † Nam hic ſine dubitatione & æſtimatio pretium eſt ſpecierum, & ex vendito debetur. Generaliter enim tenendum eſt: Quotieſcuſque ſpecies aliqua æſtimatæ alicui dantur, tales emtionem & venditionem contrahi, & eum, qui ſpecies datæ, venditorem, eum, qui accipit, emtorem eſſe, qui eius æſtimationis tanquam pretii debitor fit. *L. plerumque, §. si ante, D. de iur. dot. L. quoties infr. de iur. dot.* Cur ergo hæc ſpecies in hunc titulum relata eſt, in quo de mutuo agebatur. Reſpondetur. Quia animo & voluntate rogantis mutuum erat. Is enim rogabat mutuum pecuniam; tametſi ex eventu aliter acceſſit. Quod † ad uſuras attinet, reſpondent Impp. etiam hæc peti poſſeſt intra legitimum modum. Nam quod excedit legitimum modum, pro non adiecto habetur. Quod relinquitur, legitimam eſt, & ideo peti poſſeſt. *L. placuit, D. de uſur.* Sed huic controverſiam faciebat exemplum iudicii: Nam ita traditur ſententiam ex uno & eodem iudicio non poſſo in partem valere; & in partem non valere. Quo fit, ut ſi pro parte non valet, in totum non valet.

L. in

L. in hoc iudicio D. fam. ercisc. Qua ratione idem & in stipulatione hac dicendum videtur, ut quoniam stipulatio pro parte non valet, quod ad illicitam quantitatem attinet, ideo in totum non valeat. Non est ad distinctionem satis, si quis dicat, aliam causam esse iudicii, aliam stipulationis. Nam iudicium stipulationi comparatur, & placet sic iudicio contrahi, uti stipulatione, *L. 3. §. idem scribit, D. de pecul. Respondetur.* Verum est, utrumque recte comparari, & quod de iudicio dicitur, idem & in stipulatione probandum esse, nempe nec eandem stipulationem pro parte valere posse, & pro parte non valere. Sed intelligendum est, cum stipulatio usurarum illicitas usuras continet, duas stipulationes videri, unam, quæ licitam quantitatem habet, alteram, quæ continet illicitam. Proinde evenire, ut utilis non vitietur per aliam inutilem. Nec posse dici, cum utilis valet, eam valere pro parte, & pro parte non valere, cum in totum valeat. Hæc est defensio Ulpiani de ea obiectione. In *L. 1. §. penult.*

7 *D. de verb. obl.* De † pignore ad extremum respondent Impp. id, quod plautius definitum est *L. creditor. D. eod.* his

verbis: *creditor qui non idoneum pignus accepit, non ideo amittit exactionem debita quantitate, in quam pignus non sufficit.* Optima ratio, quæ ex fine pignoris colligitur. Nam si nullam pignus creditori datum esset, is salvam exactionem totius debiti haberet. Absurdum est igitur, eum integrum non habere, ubi pignus accepit, quoniam pignus illius causa datum est, ut illi caveretur. *§. ult. Institus.* quibus modis re contr. obligat. Non ergo, ut ei noceret. Item pignus datur, ut accedat ad principalem obligationem; non igitur principalem obligationem minuet, quod eius augenda causa datum erat, argum. Ulpiani in *L. 4. §. si ex convent. D. de re iudic.* Sed tamen minus insipienti diversum videri poterat; quoniam pignus pro eo dari videri poterat, quod deberetur. Quoties autem debitor aliquid dat pro debito, & creditor accipit, iubetur creditor eo contentus esse, etsi plus sit in debito. *L. inter, §. absens. D. mand.* Sed aperte falsum est, pignus pro debito dari, Non enim solvenda obligationis causa datur, sed magis constituenda; datur enim, ut sit cautionis loco.

Ad L. Cum te 9,

Idem AA. & CC. Alexandro,

Cum te in Gallia cum Syntropho certum auri pondus, itemque numeratam pecuniam mutuo dedisse, ut Romæ solveretur, precibus adfexeras: aditus competens iudex, si duos reos stipulandi, vel re pro solido tibi questitam actionem, sive ab heredibus Syntropho procuratorem te factum animadvertens; totum debitum aliqui, quod dedisti, solum restituere tibi iubebit. S. XV. Kal. Januar. AA. CC.

S U M M A R I A.

1. Pecunia quam duo mutuum dederunt, actionem singuli habent pro parte, non in solidum, nisi id actum sit ut duo fierent rei credendi.
2. Creditores ex mutuo quando singuli solidum exigere possint ex persona sua & quando non.

3. Creditores duo ex mutuo quomodo duo rei credendi fieri possint.
4. Quando singuli ex persona sua & soli solidum creditum possint exigere.

1 Quidam creditor his verbis consuluit Impp. quod diceret, † se una cum alio quodam certam quantitatem mutuo dedisse debitori. Quaritur: An sibi

eam summam totam a debitore exigere liceat, an vero pro parte tantum? Responderunt Impp. Non posse eum, nisi partem exigere, quæ deberetur, si nihil amplius,

plus, quam pecunia numerata est, & ea ex enumeratione exigitur. Id autem, quod ex ea numeratione debetur singulis, est id, quod singuli in pecunia numerata habuerunt, ut si unus partem quartam habuerit, alter tres reliquas partes; pro ea quoque portione a singulis pecuniam exigi posse. Sed hoc ita est, inquam, si præter numerationem nihil actum est, ut singuli possent eam summam in solidum exigere. Quod cum convenit, interdum possunt singuli exigere in solidum, id autem possunt alias ex persona sua. Ut possint singuli solidum exigere, quavis solidum non numeraverint, duobus modis contingit. Uno, si singuli hanc summam solidam sibi stipulati sint, ut sic fiant duo rei stipulandi ea forma, quæ traditur in *Inst. de duob. reis*, quæ pars controversiam non habet. Altero modo idem fit, si debitor eam summam ita accepit, ut diceret, se velle eam utrique deberi, quasi in solidum ab utroque accepisset: ut sic fiant duo rei credendi, quemadmodum duos reos debendi fieri posse diximus ad *L. si non singuli, supr. ex leg. eandem*.

D. de duobus reis. Sed hic merito dubitatur, quomodo si hi duo creditores ex mutuo, duo rei credendi fieri possint, quasi singuli solidum dederint; cum certum sit, singulos dedisse tantum partem, & sit iuris explorati, mutuum ultra quam datum est, non contrahi. *L. rogasti, §. si tibi, D. eod.* Respondetur. Cum conventio superior, ut fierent duo rei credendi ex mutuo, intervenit, singuli solidam pecuniam numerasse intelliguntur, unam partem vere, quam scilicet dederunt, alteram partem fictione, quæ in hoc genere causarum admittitur. Nam ea pars, quæ debitori non data est a creditore, videtur a debitore creditori data: & rursum ab eo ad debitorem profecta. iuxta *L. singularia D. eod.* Ex persona sua & socii singuli solidum exigere possunt, cum unus procurator factus est ad alteram partem exigendam, & factus est aut a socio, aut socii heredibus: sic enim is, qui procurator factus est, partem a se datam exigit suo nomine, partem alteram procuratorio. *L. plane, in fin. D. famil. ercisc.*

Ad L. Eo quod. 10.

Idem AA. & CC. Crispino.

Eo quod a multis proprii debiti singulorum obligationis uno tantum instrumento probatio continetur, exactio non interpellatur. Nam si pro pecunia quam mutuo dedisti, tibi vinum stipulanti, qui debuerant sponponderunt: negotii gesti penitentia contractum recte habitum non constituit irritum. S. II. Non. Febr. Sirmii AA. CC.

S U M M A R I A.

1. *Rescripti species enucleata, & quaestiones indicate.*
2. *Creditor, si debitorum plurium obligatio uno instrumento comprehensa communis sit, potest tamen separatim adversus singulos agere, non evocatis ceteris.*
3. *Instrumentum rei gesta probationem continet, de substantia nihil mutat.*
4. *Vinum stipulatione promissum recte petitur.*
5. *Debitor invito adversario susceptæ obligationi renuntiare non potest.*
6. *Dictio, nam, est causalis, & quid intendat.*

TRes si pecuniam creditori debuerunt separatim diversis ex causis. De his obligationibus unum instrumentum scriptum est, quo cautum est, primum, secundum, & tertium numquamque ex illis, & illis causis quid debere *L. Titio creditori*. Deinde inter quosdam ex his debitoribus & creditorem convenit, ut

pro pecunia, quam debebant, vinum creditori solverent, idque vinum stipulanti creditori sponponderant. Creditor separatim adversus unum, aut quosdam ex illis agit, & vinum stipulatione comprehensum petit. Hic debitor adversus eam petitionem instrumento se defendit, & dicit, se instrumento soli stare velle: proinde petit

tit primum, ut creditor etiam adversus ceteros debitores simul agat coniunctim: secum autem siue ceteris agi non posse dicit; quia omnium debitum uno instrumento communi coniunctum sit, proinde & petitionem coniunctam esse debere, quæ vetus præscriptio erat, quæ errore inoleverat, quoties agebatur adversus unum ex consortibus eiusdem obligationis, ut testatur *L. 1. supr. de consortib. eiusdem litis*. Deinde quod ad vinum petiti-
 tom attinet, dicit debitor, se solum pecuniam comprehensam instrumento præstare velle, & omnino se stare velle in-
 strumento, vinum autem, uti promiserat, præstare velle.

Consulti Impp. responderunt, quanvis ⁶ plurimorum debitorum obligationis probatio uno instrumento communi comprehensa sit; non tamen prohiberi exactiorem singulorum privatim, id est, non prohiberi creditorem, quo minus separatim adversus singulos agat, non evocatis ceteris, de quibus eo instrumento cavebatur, quod & cautum est apertius in *d. L. 1. supr. de consortib.* Idque evidenti ratione constat. Nam si nullum instrumentum de his debitis intervenisset, singuli debitores extra controversiam separatim appellari & conveniri possent. Ergo etsi postea commune instrumentum factum fuerit de his debitis, nihilominus separatim conveniri poterunt, ut autem. Nam instrumentum de obligationis substantia nihil mutat, sed tan-

tom rei gestæ probationem ³ continet. *L. 3. 4. D. de fide instr. L. 4. D. de pig.* Quod autem ad vinum ⁴ petiti-
 tom attinet, ait Impp. vinum recte peti; quia stipulatione promissum sit, & stipulatione iure civili actionem nasci certum est. *Inst. de verb. obl. in pr. §. de constituta, Inst. de act.* Nihil ad rem pertinet poenitentia debitoris, qui ei stipulationi stare non vult. Nam ab initio liberum fuit, vinum non promittere, cum pecunia deberetur: sed semel vino promisso susceptæ obligatio-
 ni ⁵ debitor invito adversario renuntiare non potest. *L. scius, infr. de obl. & act.* Apparet autem posteriorem hanc partem rescripti non esse rationem præcedentis partis. Nam de duabus rebus maxime di-
 versis respondent. Quid sibi vult igitur, quod Impp. de posteriore parte responde-
 runt, per particulam: *Nam;* his verbis: *Nam si pecunia,* & quæ sequuntur, Hanc particulam convenit inter omnes causalem esse. Respondetur. Grammatici ⁶ docent, etiam hanc particulam, pro, *autem,* usurpari, sed verius est, hanc particulam semper causalem esse, sed ita, ut interdum rationem reddat non prioris sententiæ, sed ordinis; quod hic factum videtur: ut sit sensus loci, de exacti-
 one interpretanda prius respondimus, tanquam de quaestione obscuriore. Nam quod ad sequentem attinet, extra controversiam est, vinum semel stipulatione promissum recte exigi.



Ad L. 11. Incendium.

Idem AA. & CC. Maximiano.

Incendium ære alieno non exiit debitorem S. II. id. Febr. Sirmis. AA. Coss.

S U M M A R I A.

1. *Incendium ære alieno non exiit debitorem, & quando. num. seq.*
2. *Res debita si pereat, prius, quam per debitorem fieret, quæ minus ea res daretur, debitor eo interitu ipso iure liberatur. Hinc occasio rescripti.*
3. *Æs alienum non significat rem omnem debitam, sed debitam numero, non specie: ideo nec ad speciei debita regulam pertinet, & n. 6.*
4. *Æs alienum unde dictum.*
5. *Pecunia unde dicta.*
7. *Huius loci definitionem & ad omnia quæ pondere, numero mensura constant, cum in genere debentur, pertinere.*
8. *Contra excipi ab huius loci defini-*

- tione pecuniam quæ debetur in certo corpore, similiter omne genus quod in specie certa debetur.*
9. *Contraria exceptioni dilantur & n. 10.*
10. *Impedimentum naturale differt ab impedimento persone & quatenus.*
11. *Pecunia mutuo data & commodata quid differat; & quatenus hac amissa, non illa debitor liberatur.*
12. *Summa iuris de utraque constituti.*
13. *Pecunia nautice, servi mortui ante noxæ deditionem, peculii amissi ante rem indicatam exempla imperite excipi a regula, qua non continentur. & n. 14. & 15.*

QUI pecuniam creditoribus debebat, solvendo erat, atque adeo pecuniam habebat sepositam & paratam, ut eam creditoribus dissolveret. Is repente, vel incendio, vel direptione hostium, vel aliis casibus fortuitis bona sua omnia amisit. Queritur, an eo facto obligatione liberetur? Adversus huiusmodi dubitationes omnes valet definitio huius loci: Incendium ꝑ ære alieno non exiit, id est, non liberat debitorem. Incendium casus fortuitus est. Sed ex una specie reliquos omnes casus fortuitos intelligere debemus, qui indicantur in §. item 12. *Inst. quib. mod. re contr. obl. L. contractualis, D. de regulis iuris. L. si ut certo §. quod vero senectute, D. commod. Æs igitur alienum, quod non aliis debemus, ut est in L. cedere, §. æs alienum, D. de verb. sign.* Ergo hic sensus est, nullo casu fortuito, quanvis amissis rebus omnibus, debitorem ære alieno liberari. Id constitutum & definitum est, ex enumeratione eorum modorum, quibus obligatio omnis iure civili tollitur; de quibus & brevis & certa sententia est, quamdiu de Tom. VII.

bitor & creditor vivunt, nec creditor rem debitam accepit, debitor nec liberatur, nisi aut solutione; aut voluntate creditoris ab obligatione discedere volentis, vel acceptilatione, vel novatione, vel solo consensu, aut interitu rei debitæ. Cum autem res omnes debitoris amissæ sunt, quovis casu amissæ sint; non tamen ideo solvit creditori; non ideo etiam creditor eum liberatum voluit; sed nec res debita interit, quoniam quæ interierunt, non debebantur. Proinde nullo casu rerum suarum ære alieno secundum regulas iuris non liberantur. Sed tamen oportuit aliquam causam esse dubitationis, cui necesse esset sententiam huius loci opponere. Ex hoc ita est. Dubitatio nata est ex regula iuris certæ, quæ vincitur, si res ꝑ debita perit, priusquam per debitorem fieret, quo minus ea res daretur, debitorem eo interitu ipso iure liberari. *L. quod te, D. eod. L. si ex legati, D. de verb. oblig.* Proinde dicendum videtur, etiam rerum suarum interitu debitorem ære alieno liberari. Dicendum est, æs alienum ad regulam superiorem iuris non pertinere, quoniam regula

Q q

con-

concepta est de re quæ perijt, quæ eadem & debita fuerit. *Æs* alienum debetur, sed *æs* alienum non perijt, quanvis proponas, omnia bona debitoris ad unum amissa esse. Id ex definitione *æris* alieni certius intelligitur: *Æs* † alienum non significat rem omnem debitam, aliqui falsum esset, incendium non liberare debitorem *ære* alieno: Nam incendium & omnis casus fortuitus secundum regulam iuris superscriptam, sæpe liberat debitorem re debita, nempe si ea res perijt: sed *æs* significat pecuniam, non certa specie definitam, sed debitam numero, puta 10. florenos 20. 400. 1000. Appellatio nata est a † veteribus, qui iusitio *ære* infectio pro pecunia utebantur, & *æs* ad definiendam æstimationem appendebant, unde illa verba *solutio* nata veteribus: Postea *ære* signato usi sunt: signum fuit pecus: unde † pecuniæ verbum natum. Res postea mutata est, nomen vetus mansit, ut semper *æs* intelligatur pecunia numero debita. † Huiusmodi pecunia etsi debetur; tamen perire non potest, prout de superiore regulam iuris non pertinet? Nam nulla res perire potest, nisi in certa specie & definita, de qua dicere possis, illam rem prius fuisse, nunc autem esse desiisse. At pecunia ita debita, ut diximus, non in specie certa usque debetur, sed generaliter tantum debetur, id est, non debentur illi, aut illi 10. floreni quos debitor domi habuit in arca; sed in genere 10. floreni unde illos sumpserit. Denique cum alicui generaliter debetur, nulla species ex genere debetur, nisi sub conditione, si postea solvetur.

Nam soluta una specie perinde habetur, quasi a principio ea debita fuisset. *L. cum incertus. D. de L. 1.* At priusquam solvatur, non potest de ulla pecunia, quæ periret, dici, hanc periisse, quæ deberetur. Non enim illa magis debebatur, quam quævis alia. Quare cum ea pecunia, quæ debebatur, non perierit, rebus omnibus debitoris amissis, efficitur ex ipsa regula iuris, debitorem non liberari; quia non perierit id, quod debebatur. Ex hac definitione duo colligenda sunt utilissima scitu. Primo † tametsi definitio huius loci concepta sit de *ære* alieno; tamen ratione definitionis cognita, generaliter idem dicendum esse etiam de aliis rebus, quæ pondere, numero, mensuræ constant, quæ res non continentur verbo *æris*; si modo generaliter debentur: utpote debitor generaliter hominem debebat, omnes servos, quos habebat, casu amisit, non ideo liberatur. Item debebat

100. oves, omnia ovilla sua amisit, nihilominus & tunc 100. oves debebit, quia etsi res eius omnes perierint; tamen semper verum est, non periisse eas res, quas debebat. *L. in ratione, §. incerta. D. ad L. Falcid.*

Rursus etsi † definitio huius loci generaliter de omni *ære* alieno, id est, de omni pecunia aliis debita concepta sit; tamen non de omni pecunia, si modo pecunia non debebitur in genere, sed debebitur ut certa species & certum corpus. Eo corpore casibus fortuitis amisso, nihilominus debitor liberabitur; quia perierit, quod debebatur. Exempli causa. Debes mihi 100. florenos sed nominatim illos, qui sunt in arca: debes vinum, sed nominatim, quod in illa cella concluditur: debes frumentum, sed nominatim, quod est in horreo. Hic certum corpus debetur non minus, quam si deberetur hic homo, hic equus certus. *L. plane, §. sed si non corpus, D. de leg. 1.* Si igitur aut arca perierit, in qua erat pecunia debita, aut cella, vel horreum incendio consumptum sit, & una vinum & frumentum amissum: dicemus eo casu debitorem liberari, quia certum sit periisse eam speciem, quæ debebatur. Non enim in genere debebatur pecunia, vinum, aut frumentum, sed certa species, quam speciem periisse certum est. *L. quod te, D. si cert. pet.*

Non † obstant verba huius loci. Quod enim dicitur, incendium non exuere debitorem *ære* alieno, id est, pecuniam alii debita, sic accipiendum est: si pecunia ut pecunia debebitur, non ut certa species, id est, non ita ut cæteræ species certæ deberentur. Sed nondum dubitatio sublata videtur: sic enim videtur recte colligi posse. Si debitor rem unam suam certam debuit, & eius rei interitu liberatur, videtur consentaneum esse, ut magis liberetur, si omnes res suas alias amisit. Respondetur. Non recte inde colligitur: Quia cum interitu rei debitæ debitor liberatur, non liberatur, quia rem suam amisit; sed quia amisit rem debitam. Sed cur potius liberatur amissa re debita, quam aliis rebus suis, quas non debebat? Ratio est supra ex principiis iuris de solutione obligationis, qua intellecta, res omnis expedita erit. Nam quoties obligatio incidit in eum casum, a quo incipere non poterat, toties obligatio iure civili extinguitur. *L. pro parte, 10. D. de servit.* A principio autem obligatio consistere non potuit sine re, quæ deberetur. *L. si homo, D. de verb. oblig. &*

in eum casum recidit, cum res, quæ initio fuit, postea esse desierit. Quare in eum casum deductam extingui necesse est. Ea ratio aperte constat, ubi rebus omnibus debitoris amissis; tamen superest ea res adhuc, quæ debebatur.

Sed videamus, an hac ratione efficiatur, ut debitor omnibus rebus suis casu amissis liberari debeat? Quia ubi solvendo esse desiit, iam præstare, quod debet, non potest; proinde eo res rediit, unde obligatio incipere non poterat. Nam impossibilis rei obligatio esse non potuit. *L. impossibilium, D. de regul. iuris.* Respondetur. Multum f interest, an res, quæ debebatur, perierit, ut iam præstari non possit, an vero debitori res omnes perierint, ut iam non possit ipse solvere. Nam prius impedimentum naturale est, id est, eiusmodi, quo efficitur, ut res debita, neque a debitore præstari possit, neque ab alio quovis. Posterius impedimentum est incommodum personæ, quo efficitur, non ut res debita præstari non possit, quæ per rerum naturam præstari possit, sed ut non possit ipse debitor præstare. Incommodum personæ debitorem non liberat, quemadmodum a principio non facit, quo minus recte quis obligetur. Nam & qui in bonis nihil habet, tamen nihilominus 100. florenos stipulanti promittendo obligatur. §. cum ita, in *fu. Inst. de oblig.*

Ex his, quæ diximus, intelligitur, discrimen inter pecuniam mutuo datam; & rem alicui commodatam, in §. item is, *Inst. quib. mod. re contrab. oblig.* Nam si pecunia mutuo data casu perierit, non eo magis debitor liberatur. Si tamen res commodata casu perierit, liberatur qui accepit. Atqui æquum videbatur, non magis liberari interitu rei cum, qui commodato accepit, quam qui accepit mutuo. Nam & commodatum liberalitatis est, uti & mutuum, & iniquum est creditori officium suum damnosum esse *L. si servus, §. quod vero, D. de furtis.* Deinde in pari liberalitate conveniens esse videtur, ut sit idem exitus debitoris, & rei casu amissæ. Cur igitur hæc distinguimus? Quia pecunia mutuo data non debetur, sed alia eiusdem generis, ut est natura mutui. *L. 2. in princ. D. eod. Inst. quib. mod. re contr. oblig. in princ.* Sic fit, ut pecunia mutuo data amissa, debitor non liberetur; quia non periiit, quæ debebatur. Contra res commodato data, ipsa eadem debetur, non alia. *d. §. item is Inst. quib. mod. re contr. obl.* Proinde regulæ iuris *Tom. VII.*

consequens est, ut ea re casu amissa debitor liberetur. Summa hæc erit: quisquis aut aliam pecuniam, aut rem, quæ pondere, numero, mensurave constat, debet ex causa mutui. Item si quis ex aliis causis debet eas res, quæ pondere, numero, mensurave constant, sed debet generaliter & incertas: is nullo casu, quantvis rebus suis amissis omnibus, ea obligatione liberatur; quia nullam rem certam debuit, de qua dici possit eam perisse. Liberatur autem debitor interitu rei, sed eius rei duntaxat, quæ prius debebatur.

Hæc sententia perpetua est, ut ostendit ratio, quam huius iuris exposuimus. Male Accursius in gloss. excipit, ex hoc numero, pecuniam si traiecitiam, seu nauticam, id est, eam, quæ mutuo datur debitori vehenda ultra mare ad certum aliquem locum periculo creditoris. *L. 2. infr. de naut. fun.* Etsi enim, quod hæc pecunia pereat, priusquam perveniat ad locum constitutum, debitor non tenetur hoc ære iuxta conventionem; non ideo tamen dicendus est debitor ære alieno liberatus, quia prius nihil debuit. Non liberatur autem quisquam, nisi ea obligatione, quæ debebatur. Male idem excipit actionem noxalem in specie. *L. electio, §. si is quem, D. de nox. act.* ubi si is servus, quem dominus dolo malo desierit possidere, perierit: placet dominum liberari noxali actione.

Nam postquam servus mortuus est, res eo rediit, quasi dominus prius nunquam esset obligatus. Non enim simpliciter tenetur noxali actione, sed ita, si possideat servum, qui noxam nocuit, aut pro possessore eius servi habeatur. *L. si bona, D. de noxal. act. d. L. electio, §. 2. cod.* At non potest dici servus possideri, aut quasi possideri, qui in rerum natura non est: proinde servo mortuo conditio non existit, sub qua hæc actio datur. Sic fit, ut magis dici debeat dominus hac actione non teneri, quam liberari ea, qua prius non tenebatur. Dicitur tamen dominus liberari in *d. L. electio, §. si is, quem.* Sed abusive, pro non teneri. Nam quisquis sub conditione tenetur, ea conditione non existente non tenetur. *L. cedere, D. de verb. sign.* Eadem de causa male excipit actionem de peculio. Etsi enim in hac actione dominus non teneatur, si peculium casu amissum sit ante rem iudicatam; non ideo tamen dicendus est ære alieno liberatus; quia prius nihil debuit, nisi quatenus esset in peculio tempore rei iudicatæ. *L. quesitum, in pr. D. de pecul. L. cum fideiusubet. D. de*

fideiuss. Ita fit, ut si eo tempore nil sit in peculio, dicendus sit dominus magis

non teneri, quam liberari, cum prius non deberet.

Ad L. si in rem 12.

Idem AA. & CC. Theophanio,

Si in rem communem cum Ione mutuam sumpsisti pecuniam, nec re nec solemnitate verborum vos obligastis in solidum: Et si eam post integram solvisi: de restituenda tibi parte contra Ionem experiri, ut debitum poscens, iudice cognoscente potes. S. XV, Kal. Septemb. CC. Cossf.

S U M M A R I A.

1. *Debitorum duo quando in solidum obligentur.*
2. *Pecunia pluribus personis adscripta, vel numerata in communi, pro numero personarum obligatio dividitur.*

3. *Solidum solvens potest partem alienam, a socio repetere actione negotiorum gestorum & actione solvendi, num. 5.*
4. *Solvens pro socio eum liberat.*

DUO in rem communem pecuniam ab eodem creditore mutuam acceperunt: si in solidum singuli se obligaverunt, in solidum tenebuntur. Sic autem se obligant, si ꝑ aut duo rei promittendi fiant, aut duo rei debendi eo modo, quo diximus ad *L. si non singuli, supr.* Si nihil horum actum est, singuli in partes viriles obligantur. Semper pecunia ꝑ pluribus personis adscripta, vel numerata in communi, pro numero personarum obligatio dividitur *L. reos, §. 1. D. de duobus reis.* Hinc fit id, de quo præcipue quaeritur, & quod responderetur, ut si unus ex iis, qui partem tantum debebat, solidum solverit; possit alteram ꝑ partem a socio repetere, actione negotiorum gestorum. *L. 3. supr. de negot. gest.* Idque ita efficitur: Nam qui solidum solvit, partem solvit pro socio, qui eam partem debebat, & ꝑ solvendo eum liberat, *L. solvendo, D. de negot. gest.* Liberando aperte negotium eius gerit, hinc negotiorum gestorum adversus eum actio. Sed hic datur & actio ꝑ solvendi, si se in solidum non obligaverit. Quid ergo,

si hi debitores singuli se in solidum obligaverunt, iis modis, quos diximus? Responsio ex verbis colligitur; *Eum, qui solidum sua sponte creditori solverit, partis exactionem adversus socium non habere.* Collectio est Ulpiani in *L. 1. §. huius, D. de offic. eius, cui mand. est iurisdic.* Sed etsi ex verbis rescripti hoc ita colligatur; tamen intelligimus, ex *L. 2. infr. de duob. reis.* Vitiösam esse hanc sententiam; proinde ex hoc loco admitti non debere, etsi verba id videantur suadere. Nam illic traditur, etiam unum ex duobus reis promittendi solidum solventem quanvis invitatus solverit; tamen partis repetitionem adversus socium habere: Quod igitur in hoc rescripto dicitur: *Eum, qui solidum solvit partem repetere posse a socio, si se in solidum non obligaverit:* sic accipere debemus, quasi dictum esset hoc casu maxime & citra ullam dubitationem, solvendi actionem adversus socium de parte restituenda dari; Nam etsi in solidum fuisset obligatus, & ex hac obligatione solidum solvisset; tamen eandem repetitionem a socio haberet.

Ad L.

Ad L. Eum, qui. 13.

Idem AA. & CC. Frontoni.

Eum qui mutuam sumpsit pecuniam, licet in res alienas, creditore non contemplatione domini rerum eam faciori dante; principaliter obligatum, obnoxium remanere oportet. S. XVII. Kal. Novemb. Nicomedie. CC. Coss.

S U M M A R I A.

1. *Ex mutuo ut quis obligetur, quæ requirantur.*
2. *Alitione ex mutuo in proposita specie procuratorem teneri, non dominum; pecunia tamen in eius rem versa, tenetur dominus alitione negotiorum gestorum ibid.*

3. *Quid si ille defuit esse procurator, an tunc etiam teneatur?*
4. *Quid si creditor domini contemplatione pecuniam numeravit procuratori, an hic teneatur aut dominus, & qua alitione & n. 5.*

UT quis ex \dagger mutui causa obligetur, mutuum duas has res exigit: Primo, ut pecunia accipienti debitori numerata sit ita, ut fiat accipientis, in *princ. tit. Inst. quibus mod. re contr. obligat.* Deinde, ut pecunia accepta, hoc ipsum actum sit: ut qui accipit, obligetur. Nam si aliud agitur, obligatio actionem non parit. *L. non omnis, in princ. D. eod.* Hæc natura mutui est, de qua initio diximus. Ex hac regula de proposita specie iudicatur & respondetur: Procurator nomine domini pecuniam mutuam accepit, creditore procuratori non teneante, non contemplatione domini procuratoris. Deinde procurator eam pecuniam, ut animo suo & proposito eam pecuniam nomine domini acceperat, ita in rem domini vertit. Quæritur: \dagger utrum procurator obligetur? Respondetur, obligari, scilicet quia ea concurrunt, quæ mutuum faciunt, quæ proposuimus. Quid dominus procuratoris, an tenetur? *Idem* ex rebus efficitur, eum non teneri. I. Quia pecunia illi data non est. II. Nihil consensu contractum est inter dominum & creditorem. Sed tamen dominus negotiorum gestorum actione tenetur, si pecunia in rem eius versa est. *L. si pupilli, in princ. de neg. gest.* Quid \dagger si procurator, qui nomine domini se illo modo obligaverit, defuerit procurator esse, an etiam deposito officio tenebitur? Respondetur.

Eum, qui a principia obligatus esse accipit suo consensu, etiam postea obligatum remanere, quidquid postea inciderit. *L. procurator, qui pro. D. de procur.* Sumptum ex ratione iuris nota. Quia nemo debitor, invito creditore, facto suo, aut alieno liberatur. *L. si servus. §. nunc videndum. D. de verb. obligation.* Quid \dagger si creditor pecuniam procuratori dederit vice versa, nempe domini contemplatione nominatim? Dicemus procuratorem nullo modo teneri, quamvis pecuniam in rem suam, non domini verterit. Quod ex hoc rescritto per contrarium satis colligitur. Efficitur autem ex his, quæ supra diximus. Nam numerata quidem ei pecunia est: sed sine consensu, ut obligaretur. Id enim actum est, ut obligaretur dominus, non procurator. Proinde ex mutui causa procurator non tenebitur. Est enim mutuum eiusmodi negotium, quod re perficitur. Sed idem contractus est. Nullus autem contractus sine consensu. *L. 1. §. 1. de pact. L. 3. D. de oblig. & act. Quid? §. 5.* Dominus an saltem hoc casu tenebitur creditori? Et placet, cum teneri negotiorum gestorum actione iis conditionibus, si aut ea pecunia in rem domini insumpta sit aut dominus mandasset procuratori, pecuniam mutuo accipi. *L. si pupilli, §. 1. L. liberto, in princip. D. de negot. gest.*

Ad L.

Ad L. Mutue. 14.

Idem AA. & CC. Hadriano.

Mutue pecunie quam aliis dedit creditor, citra solemnitatem verborum subscribentem instrumento se non habet obligatum. Sine die AA. Coss.

S U M M A R I A.

1. *Obligari quibus modis ex mutuo possit is, qui non accepit.*
2. *Subscribens pecunia mutue instrumento ut testis, an ex eo obligetur*

creditori ut reus, aut fideiussor, aut succesor § n. 3.

4. *Contrariis occurritur, & §. pater L. 26. D. de pign. & L. quidam 12. D. de eviction exponantur, & n. 5.*

CUM alii mutua pecunia data est, potest is, qui non accepit, eo nomine stipulatione obligari, vel ut fideiussor, vel ut reus principalis. Ut † reus principalis, si novationis animo eam summam sponderit creditori, a debitore videlicet creditori delegatus. §. *præterea, Inst. quib. mod. toll. obl. L. delegare. D. de novat.* Ut fideiussor, si stipulanti creditori pro debitore fideiubeat, quod sit solum stipulatione. *L. blanditur, infr. de fideiuss.* Sed etsi citra stipulationem is, qui pecuniam non accepit, constituerit, se eam pecuniam creditori soluturum, de pecunia constituta obligatur. §. *de constituta, Inst. de act.* Si nihil horum intervenerit, non ideo is, qui pecuniam non accepit, obligatur, si eius pecuniæ mutue instrumento † subscripserit. Nemo mutue pecuniæ, aut ullius contractus inter alios interposito instrumento subscribens ut testis, ideo obligatur creditori, neque ut reus principalis, ut hoc loco, neque ut fideiussor, aut intercessor. *L. si non, infr. de administrat. tut. L. si pater, infr. de fideiussor.* Non obligari eum ut reum mutue pecuniæ, certum est; quoniam quæ in mutuo requiruntur, numeratio & consensus, hæc omnino in subscribente deficiunt. Eam pecuniam numeratam non esse constat, sed etsi numerata esset; tamen non consentit, ut obligaretur, proinde præter consensum ex contractu non obligatur. Non consentire eum intelligitur ex fine subscriptionis. Subscriptionis finis est, ut qui subscribit, testimonium instrumento præbeat, id est, declaret, se adfuisse, cum res gereretur, & rem ita gestam, ut instrumento præscriptum est.

At instrumento solum hoc continetur, rem gestam fuisse cum alio debitore, non autem cum teste subscribente. Non igitur subscriptio declarat, testem in eam rem consensisse, ac proinde ex consensu non obligabitur.

Hæc ratio facit, † ut nec tanquam fideiussor obligetur. Ac eadem ratione efficitur, etsi in contractu, qui instrumento continetur, agatur de re ad subscribentem pertinente, non eo magis subscribentem obligatum iri, si præter subscriptionem nihil proponatur. Exempli gratia. Venditor vendidit prædium Lucio Titio, & ita venditum esse instrumento perscriptum est: subscripsit Sempronius, ut testis. Ad hunc autem hoc prædium pertinebat, dicemus Sempronium non videre emptioni consensisse, proinde non impediri, quandoque prædium suum vindicare, & evincere emptori. Denique nihil subscriptio testis amplius facit, quam testis præsentia, qui rei gestæ interfuit. Nemo autem rei suæ alienationi consentire intelligitur, quia cum ab alio ea res alienaretur, præsens fuit. *L. sicut, §. non videtur, D. quibus modis, pign. vel hyp. sol.* Oblat † huic sententiæ, *L. fideiussor, §. 1. D. de pignor.* ubi cum pater pecuniam mutuum accepisset; filius nomine patris instrumentum scripsit, quo continebatur, patrem pecuniam mutuum ab illo creditore accepisse, sub commemoratione rei ad filium pertinentis pignori dandæ: placet, quia filius scripsit, eam rem pignori futuram, hoc ipso filium oppignorationi consensisse, & ideo rem pignori futuram. Respondetur. Id in ea specie non evenit propter scripturam, aut subscriptionem filii; sed quia filius

filius ipse nominatim scripserat, eam rem creditori pignori futuram, ut illic Modestinus testatur in responso, cum filius dixit, eam rem pignori futuram: eo ipso dixit, eam rem pignori futuram, non a patre, sed a se; quoniam pater rem alienam pignori obligare non poterat, solus potuit filius, qui rei dominus erat. *L. qui prædium. § L. pen. & L. 1. infra. si aliena res.* Obstat etiam *L. quidam, D. de evictionib.* ubi qui ex dimidia tantum parte heres erat, bona omnia hereditaria solus vendidit, presentibus coheredibus, nec dissentientibus, quibus postea pars pretii reddita est. Illic respondetur,

si coheredes adfuerunt, nec dissenserunt, emptioni consentisse videri. Respondeo: ideo hoc illie respondetur, quia prius Scævola proposuerat coheredes pretium accepisse pro parte sua. Videntur igitur emptioni consensisse, non quia interfuerunt, nec dissenserunt; sed quia pretium acceperunt, propterea quod non possunt ex iusta causa pretium habere, nisi prius emptio valeat. Proinde admittens id, quod est consequens, necessario etiam id admittere intelligitur, quod antecedit, nempe admissio pretio admittere emptionem, sine qua non est pretium. *arg. in L. illud, D. de adq. hered.*

Ad L. Non adversus. 15.

Idem AA. & CC. Charidemo.

Non adversus te creditores, qui mutuam sumpsisisti pecuniam, sed eius cui hanc credideras, heredes experiri, contra iuris formam evidentiter postulas. S. V. Kalen. Decemb. CC. Coss.

S U M M A R I A.

1. *Qui pecuniam mutuam accepit, ex mutua creditori tenetur, non ille cui eam mutans credidit, vel eidem insumpsit.*

2. *Nec actionem hanc evitare potest, cessione actionum suarum facta creditori.*

Debitor mutuam pecuniam a creditore acceperat, eam deinde Titio mutuum dedit, vel in rem Titii impendit: convenitur a creditore. Is petit a creditore, ut agat cum Titio, ad quem ea pecunia pervenit, vel mortuo Titio agat cum eius heredibus, & in eam rem offert, se creditori suas actiones cessurum adversus Titii heredes, aliter negat se teneri. Hic respondetur, debitorem id postulare contra manifestam iuris formam. Forma iuris hac in re de actionibus in personam hoc iure certa constituta est, adversus eum, qui obligatus est, actionem in personam dari. *§. 1. Instit. de action. L.*

all. D. de obligatio. & all. Constat etiam hunc debitorem pecuniam mutuam accipiendo, re obligatum esse, & teneri coepisse conditione certi. *Instit. quibus mod. re. contrab. obligat. in pr.* Proinde hanc actionem evitare non potest, priusquam solvit. Nihil ad rem pertinet, quod et debitor paratus est creditori suo cedere actiones suas adversus eos, quibus postea eam pecuniam dedit. Nam hoc modoolvere quidem vult, sed vult aliud pro alioolvere, nempe, actiones præstare pro pecunia accepta. Aliud pro alio invito creditore solvi non potest.

Ad L.

Ad L. Quisquis. 16.

Impp. Honorius & Theodosius AA. Theodoro P. P.

Quisquis iudici scēnebrem pecuniam mutuaverit, si in provincia fuerit versatus, quasi emptor legum atque provinciae, vel si quis collectarius honoris pretium dederit ambienti: exsilii poena una cum ipso iudice plectetur. Dat. XII. Kal. Novemb. Basso & Philippo Coss.

S U M M A R I A.

1. Constitutionis summa, & ratio ordinis.
2. Iudici pecuniam scēnebrem mutuo dare vetitum, & quare.
3. Multo magis iudici dare mutuum sine fœnore, & cur ita.
4. Utrumque litigatori vetitum, non aliis.
5. Iudicem quoque pecuniam a litigatore mutuum accipere vetari, & ambos poena coerceri, & quā & n. 1.
6. Collectarius si pretium honoris dederit ambienti: exsilii poena coercetur.
7. Triā in collectario requiri ut in eo Constit. poena locum habeat, & quæ sit.
8. Collectarius, coactor, & argentarius, seu numerarius quis?
9. Collectarii, coactores, argentarii, numerarii, & mensarii unde dicti?
10. Alius etiam præter collectarium quicumque pretium honoris dederit, eadem poena coercetur, & quare de collectario statutum nominatim.

HAc constitutione † duo vetantur. Primo vetatur, ne quis iudici scēnebrem pecuniam mutuam det, & poena constituitur: ut quisquis mutuam dederit, una cum iudice exsilio plectatur. Additur hæc ratio; quasi qui dedit, sit emptor legum, atque provinciae. In hac constitutione observandum est, quod factum coereatur, & adversus quas personas constituator poena, & ratio constitutionis, quam sententiam habeat? Vetat constitutio hoc factum, ne quis iudici † scēnebrem pecuniam mutuet. Ratio constitutionis, ne sub specie mutui, iudex pecunia accepta corrumpatur. Quid si quis † gratis iudici pecuniam mutuam dederit, non fœnori? Hic multo magis constitutione tenebitur. Nam constitutio non coereet fœnus, sed coereet corruptelam iudicii, ut apparet ex illis verbis: *Quasi emptor legum, atque provinciae*. Corruptela autem iudicii eo maior, atque vehementior est, quo malus est beneficium est, pecuniam mutuam gratis dare, quam dare fœnori, si quis sine ullo prætextu mutui, aperte pecuniam mutuam acceperit. Ideo de eo nihil hic cavetur; quia pertinet ad legem repetundarum &

ad eas leges, quibus corruptela iudicii vindicatur. Coerecentur hac constitutione personæ duæ: Primo is, qui mutuam pecuniam dedit: verba faciunt, ut omnis teneatur: sic enim verba sunt: *Quisquis mutuaverit*. † Sed his verbis intelligendus est solus litigator, ut sit sensus: *Quisquis litigator iudici mutuaverit*. Nam extraneo, & eui apud iudicem nihil negotii est, & a quo corruptela iudicii non metuitur, non prohibetur mutuam pecuniam dare. Id ea constitutionis ratione intelligitur: Nam ab eo, qui litigator non est, non metuitur emptio legum, id est, corruptela iudicii, sed solum a litigatore. Non obstat generalitas verbi: *Quisquis*. Nam non simpliciter dicitur: *quisquis mutuaverit*, sed adiicitur, *iudici*. Nemo intelligitur mutuare iudici, ut iudici, nisi is, qui iudicem sibi habet, id est, is, qui apud eum litigat. Alii eum nihil delinquant, coeceri non debent, cum lex sit delictorum coerectio. L. 1. D. de LL. & nulla sit poena sine delicto. L. aliud est fraus, D. de verb. signific. Coerecet † præterea & iudex, qui acceperit. Unde intelligitur etiam iudicem prohiberi pecuniam mutuam accipere. Nam alioquin, quod lege non prohibente fieret, poenam non

non mereretur. *L. Græchus, infr. de adult.* Hoc loco opponitur. *L. præfides, D. eod.* ubi diserte scribitur: Præfides prohiberi pecuniam mutuam dare, accipere non prohiberi Respondetur. Optime hæc conveniunt: Iudex ut iudex accipere prohibetur, nempe a litigatore, qui apud eum iudicem litigat, Præfides ut præfides non prohibetur, nimirum si accipiat ab alio quovis, qui apud eum non litigat. Ratio constitutionis his verbis concepta est, quod videtur is, qui pecuniam mutuavit emptor esse legum, atque provinciarum. Recte emptor dicitur legum; quia redimere vult leges pecunia, id est, pecunia data efficere, ut iudex adversus leges pronuntiet, & ita ne litigatori leges noceant. Sed non recte dici potest esse emptor provinciarum, neque enim iudicem provinciale corrumpendo ideo redimi provinciam. Et hoc ita est; proinde hic locus hic accipiendus est, ut sit endyadis, qualis est, illa apud Virgilium: *Pateris libamus & auro*, id est, pateris aureis. Itaque is erit hoc loco sensus. *Eum, qui iudici mutuam pecuniam dedit, sic coerceri, quasi emptorem legum provinciarum, seu legum provincialium.*

6 Alterum est, quod vetatur hac constitutione, ne quis ꝑ collectarius pretium honoris det ambienti, & si dederit, adversus utrumque eandem pecuniam exsilii constituit. Factum ergo huiusmodi coercetur, hac parte: *Si quis pretium honoris dederit ambienti.* His verbis ꝑ tria continentur, quæ concurrere oportet, ut sit pecunæ huius constitutionis locus. Primo: ut quis pecuniam dederit. Nam pretium est in pecunia numerata. *§. Item pretium, Institut. de emption. & vendit.* Sed intelligendum est satis esse, si quis quid dederit, ut pro pretio honoris cederet, seu ut pro honore pretii loco daretur. *argum. in L. 1. in fin. de calumniat.* Alterum his verbis continetur, ut qui pecuniam ambienti dedit, dederit in hoc, ut honos emeretur. Nam aliqui qui simpliciter pecuniam ambienti dedit, aut dedit nominatim in alias certas causas, is dici potest pecuniam mutuam dedisse, at pretium honoris dedisse dici non potest, quia tunc pretium est, eum pecunia in emptione collocatur. Et certe is, qui mutuum dat alteri, ignorans, an ille inde honorem emere velit, nec ne, nihil delinquit, proinde nec coerceri dicitur. *d. L. 1. D. de legibus. L. aliud est fraus, D. de verborum signification.* Tertium iisdem verbis exigitur, ut qui pecuniam accepit, unde honorem emeret, etiam revera emerit. Nam si non emit, non potest dici ea pecunia esse pretium honoris

Tom. VII.

quia quemadmodum non est emptio sine pretio. *L. 1. D. de contrahend. emptio. L. 1. D. de rerum permutat.* Sic nunquam est pretium, aut æstimatio rei, sine emptione & venditione, *hac L. quoties, infr. de iur. dot.* Et certe verba in legibus cum effectu accipienda sunt, præsertim cum de facto coercendo agitur, ubi nihil obest conatus, si effectus secutus non sit, *L. 1. D. quod quisque iuris. L. penultim §. 1. D. ne quis eum, qui in ius vocat. est.* Constitutio coercet nominatim collectarium, qui pretium dederit. Collectarium ꝑ recte Alciatus in hac constitutione accepit, ut sit idem, qui Coactor dicitur, & idem argentarius, seu numerarius, ut in *L. Sticbo, §. ult. D. de statu lib.* Argentarii & numerarii dicti sunt collectarii & coactores, & idem mensarii: ob diversa officia, quæ exercebant. Nam undecunque pecunias cogeant, & colligebant, quas postea aut permutarent, aut mutuas darent, & in quibus sænas exercerent, idque publice mensis in foro positus. Itaque a cogendo ꝑ collectarii & coactores dicti sunt, a pecuniis, quas exercebant argentarii, & numerarii, a loco, in quo exercebant mensarii. Alciatus *lib. 1. titulus cap. 24.* Coactores eodem modo Suidas interpretatur. Notat ergo constitutio argentarios. Quid ꝑ si alius, quam argentarius pretium honoris dederit? Puto eam constitutione teneri nihilominus; quia constitutio ambitum coercet, & eos, qui opem & consilium ambitui tulerunt, quod pretium non minus in cæteris animadvertendum est, quam in argentariis. Exque priore parte huius constitutionis apparet, omnes sine exceptione coerceri, qui pecuniam scænebrem iudici dederunt, nulla habita ratione eius, qui dederit. Proinde non minus & in frequenti facto idem probandum est; quia hoc posterius delictum est etiam priore gravius. Cur igitur dixit constitutio de collectario? Quia in collectario maior dubitatio erat. Nam argentarii & numerarii, cum publice pecunias mutuent, & in iis scænas exercent, sitque in eo munus argentariorum publicum: videbantur conditione muneris & personæ excusari, si cui mutuam pecuniam dedissent, & honoris emendi causa, quod a constitutione fieri vetatur. Id quod legis non ferunt in argentario, multo minus in privato ferendum est, qui nullam muneris excusationem potest obtinere. Præterea lex coercet ambientem, id est qui ad honorem aspirat: hoc accipiendum est, & si honorem reipsa emerit, ut ostendi antea.

R r

Ad L.

*Ad L. super ult.**Imp. Iustinianus A. Mennæ P. P.*

Super chirographariis instrumentis hæc pro communi utilitate sancienda duximus, ut, si quis pecunias credere supra quinquaginta libras auri volueris, vel super reddito debito securitatem accipere, cum amplius sit memorata quantitate: sciat non aliter debere chirographum a debitore vel creditore recipere, quam si testimonium trium testium probata opinionis per eorum subscriptiones idem chirographum capiat. Nam si contra huiusmodi observationem chirographum super pecuniis memoratam auri quantitatem excedentibus proferatur: minime hoc admitti a iudicantibus oportet. Quod & in futuris creditis vel debitorum solutionibus locum habere oportet. Dat. X. Kal. Iun. Constatinop. D. N. Iustiniano A. II. Coss.

S U M M A R I A.

1. *De fide publica privati instrumenti, hoc est chirographi si queratur: interest, an qui dicitur scripsisse id fateatur, an neget.*
2. *Priore casu idoneam esse & per se in iudicio valere chirographi fidem plurius ostenditur.*
3. *Posteriore, adversus negantem, si testes desint, adhibetur ex iure veteri comparatio litterarum.*
4. *Ex hac Constitutione, si chirographum 50. auri librarum summam*

excedat: non recipitur a iudice, nisi trium testium fide dignorum subscriptiones habeat.

5. *Siu vero minorem summam contineat: talis chirographi fides, seu approbatio iuris veteris sanctioni reservatur.*
6. *Quid hæc de re sit iure novissimo a Iustiniano Imp. constitutum.*
7. *Qua item in re Novella hic emendat ius vetus, seu quid novi ab illa statutum.*

¹ **A**N chirographum † seu instrumentum privatum, Græce *χίρον*, valet ad fidem faciendam, & quatenus fidem faciat, varie de eo in iure scriptum & constitutum videtur, cum in hac lege ultima, tum in *L. scripturas, infr. qui pot. in pignor. hab. & in auth. sed novo.* quæ sequitur hic, & in *Novell. de instrument. cau. & fid.* unde hæc authentica sumpta est. Quapropter, ut de re tota liqueat, distinctione ad hanc rem explicandam opus est. Sic igitur de eo notandum est. Cum queritur: An scriptura & instrumentum privatum fidem faciat, & quatenus; interest, utrum is, qui instrumentum scripsisse dicitur, fateatur, se id scripsisse, an neget: † si fatetur generaliter tenendum est, instrumentum idoneam fidem continere; & cum qui fatetur, confessioni suæ stare oportere, dummodo instrumentum causam debendi, aut liberandi contineat. *L. cum de indebito, in fin. D. de probat.*

L. generaliter, infr. de non numer. pecun. Deinde quanvis nulli omnino testes vel intervenerint vel subscripserint, nihilominus chirographum debitorem tenebit; apocha tenebit creditorem, si a se ea & scripta & emissâ fatebuntur. Supervacua est enim alia probatio, cum reus de scripto suo confitetur. De huiusmodi scripturis loquitur *L. scripturas, infr. qui pot. in pignor. hab.* Nam illic non agitur, an scriptum fidem faciat, sed queritur, cum de scriptura constabit, quam vim ea scriptura habeat, ut is creditor, qui inde pignus accepit, sit cæteris potior, aut non sit? Non mutatur hæc sententia in hac lege, ubi instrumentum chirographarium reicitur, si trium testium subscriptiones non contineat. Hoc enim sic accipiendum est, si de fide scripturæ erit controversia. Nam ubi constat, a quo instrumentum scriptum sit, scriptoris confessione: frustra, ut dixi, hic aliqui testes requi-

quiruntur. Nam non requiruntur testes, nisi probationis gratia. *L. 1. infr. de testib. L. in exercendis, infr. de fid. instrumens.* Inepta est autem & superflua omnis alia probatio in manifesta scriptoris confessione. Et semper illud verum est, unumquemque confessioni suae stare debere. *d. L. generaliter, infr. de non numerata pec.* Id autem evidentius confirmat Iustinianus in *d. Nov. de fid. instr. & caut.* Nam is in *§. si quis igitur caute, & §. seq.* exigit praesentiam testium in privatis instrumentis cognoscendis, non minus, quam in hac lege ultima. Sed hoc postea in fine, si tamen quisquam. in *pr. & fin.* sic accipit vult: nisi is, qui dicitur se scripsisse, ultro fateatur, se scripsisse, & additur, se prius perjuriam & negationem scriptoris convincere voluisse priore constitutione. Quod si is, qui instrumentum scripsisse dicitur, neget se scripsisse, non potest instrumentum adversus eum fidem facere, nisi ab eo scriptum esse probetur. Itaque hic iam olim quaesitum est, quomodo probaretur quis aliquid scripsisse? Et ius olim ita fuit, ut probari id possit & testibus, qui tunc interfuissent, cum instrumentum conscriberetur, & sine testibus comparatione literarum, ut indicat *L. comparationes, infr. de fid. instr.*

Id autem fiebat hoc modo: Cum proferebantur literae, quas constabat scriptas esse ab eo, qui nunc chirographum, ex quo convenitur, se scripsisse negat; & comparatis horum instrumentorum literis & similitudine literarum animadversa, iudicabatur eandem esse manum, & eandem scripturam utriusque instrumenti.

Sed comparatio literarum fallax admodum est argumentum, ut dicitur ad *d. L. comparationes, de fide instrument.* Ea res primum Iustiniano occasione dedit huius legis inferendae, si in qua probationem instrumenti a comparatione literarum repudiavit, & voluit tantum probari adhibitis testibus, atque ita constituit; si instrumentum fieret de quantitate, quae excedat 50. libras auri, & is, qui dicitur scripsisse, neget a se scriptum, aut neget suo mandato scriptum esse ab alio, ne hoc chirographum (instrumentum) recipiatur a iudicibus, nisi trium testium idoneorum, eorumque subscriptiones idem chirographum capiat. Ubi ridiculum est, quod quidam ratiocinantur, pro *Idem*, legendum esse; *Id est*. In quibus verbis nulla est idonea sententia, cum in iis verbis, *idem chirographum*, sit expedita oratio, & sententia manifesta. Est enim hic sensus: *Chiro-*

Tom. XII.

graphum recipi non debere, nisi idem chirographum, de quo dictum est: Capiat, id est, in se contineat testimonium trium idoneorum testium, & contineat per ipsorum testium subscriptiones. Quod si de summa ageretur, quae esset intra quinquaginta libras auri, etiam post hanc constitutionem ius vetus mansit: ut chirographum, quod quis negaret se scripsisse, probari posset a se scriptum esse, & paucioribus testibus, quam tribus, & sine eorum subscriptione, & sine testibus comparatione literarum. Sed rursus si secuta est eiusdem Iustiniani constitutio. *Novell. de instrument. caut. & fide.* Qua constitutione exigit in omnibus fere instrumentis privatis praesentiam trium testium quam minimum, si de eo controversia esset, a quo instrumentum scriptum esset. Eius constitutionis haec est summa. Vult Iustinianus in quibusdam casibus ius antiquum manere, in quibusdam emendat. Duobus casibus ius antiquum manere vult. Uno, si contractus non excedat libram auri. *d. Nov. §. oportet vero, vers. ut autem.* Altero si contractus libram quidem auri excedit, sed res geretur in agris, non in urbe. *d. §. vero, vers. ut autem.*

Atque in his casibus Iustinianus vult servari id, quod usque ad eius tempora observabatur, non ut interpret vulgaris vertit, servari prout tunc actum est. Nam sic sunt verba Graeca constitutionis: *ut si ius quo in instrumentis ut scriptis servatur. Rem transigi, ut usque adhuc in republica retinuit*, ut bene vertit Haloander. His autem verbis duo contineri intelligemus. Primo, ut in instrumento conficiendo testes adhibiti sint. Duo sufficient, quia ita ius vetus erat, ut ubi certus numerus testium non definitur, duo sufficiant. *L. ubi, D. de testib.* Ex hoc ita recte vulgo interpretantur in numero testium. Sed addicere alterum debuerunt quod superioribus verbis continetur, ut si instrumentum conscriptum sit nullis adhibitis testibus, non eo minus instrumentum valeat; quavis adversarius id se scripsisse neget; quoniam si non probatur testibus ab ipso scriptum esse, ac probari potest comparatione literarum, quam ius vetus ad tempora Iustiniani usque admittebat. *L. comparationes, infr. de fid. instrument.* Proinde in supra scriptis duobus casibus intelligimus ad probandam scripturam & manum instrumenti & duos testes sufficere, & admitti comparationem literarum.

Quod si contractus excedit libram auri, & negotium agitur in urbibus, hic Iustinianus duo de novo constituit. Pri-

R r 1

mo

mo instrumentum non valere, si negatur ab adversario scriptum a se esse, nisi testes in instrumento consensiendo interfuerint. *§. si quis igitur caute, & §. sequent. eadem Novell.* Ex quo intelligimus, nullis testibus adhibitis, Iustinianum repudiasse probationem instrumenti, quæ sit per comparationem literarum, ut & idem ipse ibidem apertius declarat. Alterum constituit de numero testium, quos præsentem esse vult. Igitur alias tres testes exigit ad minimum, alias quinque. Tres exigit, quando instrumentum scriptum est, aut subscriptum ab adversario perito literarum. *d. §. si quis igitur caute, & sequent.* Ubi notandum est; Iustinianum nihil amplius exigere hoc casu, quam præsentiam trium testium idoneorum. Cæterum non desiderare testium subscriptiones, quod ex hac *Leg. ult.* sic interpretandum est, si contractus consistet infra 50. libras auri. Nam si excedit: subscriptio testium etiam intervenire debet ex hac lege. Cui nihil derogatum est Novella illa constitutione. Quinque autem testes exigit, ubi res geritur cum imperito literarum. Quo casu Iustinianus inter quinque testes, quos adhiberi vult, iubet unum ex iis esse tabularii copia; sin minus, vult unum ex scriptis esse tabularii loco, nempe, ut vel scribat instrumentum nomine eius, cuius de re agitur, vel ab alio scriptum nomine domini subsignet. *§. oportet vero, in prin-*

cip. d. const. Sed meminerimus, hæc omnia exigi a Iustiniano, ubi instrumentum adversarius negabit a se, aut mandato suo scriptum. Cæterum ubi a se scriptum fatebitur, eum confessioni suæ stare debere, ut initio diximus. Quod, ut dixi, confirmat Iustinianus in *ead. Novell. in diff. §. si tamen quis, in princip. & fin.* Optima ratio. Nam semper illud tenendum est, testes ad substantiam rei gestæ non pertinere, sed solum ad probationem. Ea res facit, ut si aliter, quam testibus rem gestam esse cognoscet, nihilominus res per sese valeat; sin autem de gesta dubitetur: tunc desiderari rei gestæ probationem, quam Iustinianus voluit esse in solis testibus, non in comparatione literarum. Supervacua est hæc probatio, ubi actor habet consistentem adversarium: sed & illud notandum est, quod Iustinianus adiecit in eadem constitutione, in *d. §. oportet vero, §. 2.* quæ hætenus de testibus & numero testium ad probationem rei gestæ constituta sunt, tunc solum locum habere, cum res scripto gesta est, id est, cum scriptura & instrumentum intervenit, & ab adversario scriptum esse dicitur, quod ille negat. Cæterum si nullum instrumentum interpositum est, ius antiquum manet, ut si controversia sit de re gesta, ea possit probari testibus, intellige duobus *d. L. ubi D. de testib.* & præterea transigi interposito iureiurando secundum formam traditam in *L. 1. & L. generaliter, supr. de iureiurand.*

Ad Authent. Sed novo,

Sed novo iure quinque testes adhibendi sunt, si fiat ab imperito literarum contractus in scriptis, & in civitate, & excedat libram auri. Nam si quis facere quemlibet contractum ex non scripto voluerit: manifestum est quia aut per testes, aut per iuramentum fidem percipiet, auctore quidem testes deducente, pulsato autem iurante aut referente, sicut iudex disposuerit. In agris autem, quæ hætenus valuerunt apud eos, & nunc sunt firma.

Exposita est ea ad *L. ult. supra,*

A D T I T U L U M I I I.

D E S U F F R A G I O,

Et ad L. Unicam.

Imp. Theod. Arcad. & Honor. AA. Rufino P.P.

Si qui desideria sua explicare cupientes, ferri sibi a quoquam suffragium postulaverint, & ob referendam vicem se sponsione constrinxerint; promissa restituant, cum ea, quæ optaverint, consequantur. Si artibus moras neclant, ad solutionem debiti coarctandi sunt. §. 1. Exsi quid eo nomine in auro, vel argento, vel ceteris rebus mobilibus datum fuerit: traditio sola sufficiet, & contractus habebit perpetuam firmitatem: quoniam collatio rei mobilis inita, integra fide ac ratione cumulatur. §. 2. Quod si prædia rustica vel urbana placitum continebit: scriptura quæ ea in alium transferat, emittatur, sequatur & traditio corporalis, & rem fuisse completam gesta reseretur. Aliter enim ad novum dominum transire non possunt, neque de veteri iure discedere. §. 3. Quod si quis, dum solo commonitorio suffragio nititur, bona duxerit occupanda: reus temeritatis ac violentiæ retinebitur, ac in statum pristinum possessio reducetur, eo a petitione excluso, qui non dubitavit invadere, quod petere debuisset. D. III. Non. Mari. Arcadio III. & Honorio II. AA. Coss.

S U M M A R I A.

1. Suffragium quid.
2. Accipi aliquid honeste posse, & iure retineri ob suffragium.
3. Promissum ob suffragium au debeat.
4. Promissi ob suffragium conditiones duæ necessariae.
5. Prima: Si se obstrinxit sponsione promissor.
Promittens quid ob suffragium pacto citra stipulationem, potius optatis, ex pacto tenetur & quare. ibid.
6. Secunda: Si promissor optata sit consecutus: iux in hoc singulare, & quamobrem.
7. Promissa res ob suffragium &c. qua actione petatur.
8. In acquisitione rei tradita ob suffragium quod iux singulare constitutum.
9. Quæ sit pœna occupantis privata auctoritate res ob suffragium promissas.
10. Quando quis hac pœna teneatur.
De Commonitorio, quid sit ibid.
11. De salario Advocatorum nihil esse hac Constitut. sancitum. Vulgaris error refellitur, ibid.
12. De triplici differentia promissi ob suffragium & salarii Advocatorum.

Suffragium quid fuerit apud Romanos in Magistratibus a populo creandis in comitibus, vulgo etiam notum est. Hoc loco paulo generalius, eadem tamen significationis ratione, suffragium ꝑ dicitur honorifica commendatio alicui de aliquo, apud principem, aut populum, ad hono-

rem, aut beneficium aliquid a principe, vel populo obtinendum comparata. Quæsitum est, an ꝑ ob huiusmodi suffragium aliquid honeste accipiat, an vero acceptum repeti possit? Et videri potest, non recte quidquam accipi ob huiusmodi suffragium. Nam qui suffragatus est, si homi-

minem indignum commendavit, turpiter facit, & eo nomine turpiter accipit: siue dignum commendavit, hoc ipso turpiter accipit, quia gratis commendare debuit. Argumento sunt hi, qui cum aliquam rem iure praeſtare cogentur, pecuniam acceperunt, ut praeſtarent: veluti si is, apud quem res deposita erat, aut cui erat commodata, acceperit, ut depositum aut commodatum redderet, turpiter accipit, & tanquam ob turpem causam acceptum repeti potest quod datum est; quia sua sponte reddere cogebatur, *L. ult. L. fin. de condit. ob turp. causam dat.* Et constat veteribus valde improbatas fuisse eiusmodi nundinationes. Inter cætera existat memorabile exemplum Alexandri Severi apud Lampridium in vita Alexandri. Nam cum quidam repertus esset ex eiusmodi nundinatione & venditione quæstum facere, Alexander iussit convictum fumo necari, cum hac inscriptione publice propolita: *Fumo perit, qui summum vendidit.* Sed placuit Imp. hac constitutione, quidquid ob huiusmodi suffragium daretur, recte accipi. Quod si tamen quid ob huiusmodi suffragium promissum erit, an debetur? Et cautum est præcipue hac constitutione conventionem esse servandam, non obstat, quod dicimus, turpiter accipere eos, qui accipiunt, ut reddant, quod iure praeſtare cogebantur. Nam unusquisque recte & honeste aliquem commendat, qui commendatione dignus est; sed commendare luvius nemo cogitur, & ideo si ob commendationem accipit, turpiter non accipit. Argumento est is, qui accipit pecuniam, ut servum furem domino indicaret, a quo servus auferetur. Nam domino servum requirenti honeste & ex officio humanitatis illi servum indicamus. Si tamen acceperimus ob indicium, imo vero, & si ob indicium, quid promissum fuerit, acceptum recte accipitur, & promissum, etiam ultro debetur. *L. solent, D. de præscript. verb. L. 4. §. ultim. D. de condit. ob turp. causam.* Unde intelligimus, multum interesse, utrum quis iure humanitatis & amicitiae aliquid facere debeat, an vero iure publico, & actione teneatur, ut faciat. Prior si accipit, ut faciat, non turpiter accipit: posterior turpiter accipit: quia iure facere cogebatur. Exemplum autem Alexandri ad hanc causam non pertinet. Est enim constitutum adversus eum, qui diceret, se honorem impetrasse, quem non impetrarat, & ad rem malam operam venditabat. Mendacium igitur & fumi verborum vindicati sunt ab Alexandro, non vero suffragium, de quo hic

agitur. Constitutionis huius summa est: Si quid ob suffragium promissum sit, valere conventionem & ad actionem non dum re promissa præſtita, & ad rei promissæ iam præſtitæ acquisitionem: ad rem autem promissam privata auctoritate aucupandam non prodesse.

Sed constitutio tamen conventionem valere vult, certis conditionibus. Primum igitur vult, hanc conventionem valere ad actionem his conditionibus duabus: si & promissor tamen sponſione se obſtrinxerit, & præterea consecutus sit, quod optabat. In verbis prima hæc conditio est, si sponſione se obſtrinxerit, sponſio proprie est stipulatio & promissio. Spondere est stipulanti promittere, *L. sponſio, de verb. sign. L. si sciendum, §. dictum, D. de ad. editto, L. 2. D. de sponsal.* Et certum est, iure civili ex stipulatione actionem nasci. *Inst. de verb. oblig. in princ. §. de constituta, Inst. de act.* Hinc quæſtum est, si quis pacto citra stipulationem promiserit quid ob suffragium, an consecutus, quod volebat, ex pacto teneatur? Verba repugnant prima fronte. Nam sponſio, ut dixi, stipulationem significat, sed intelligere debemus, verbo sponsionis generaliter hic intelligi omne placitum, quo quis ob suffragium quid promiserit. Nam quod in principio ambiguum est, id paulo post declaratur in *verb. quod si prædia*, ubi quæ prius sponſio dicta erat, appellatur placitum. Scimus autem placitum esse pactum, *L. 1. in princ. D. de pact.* Non obstat regula iuris, qua traditum est, ex pacto actionem non nasci. *L. iurissent. §. sed cum nulla, §. quinimo, D. de pact.* Nam hoc ita acceptum est, si pactum nudum esset. Ex pacto autem non nudo non minus actio nascitur, quam ex stipulatione. *L. legem, supr. de pact. L. iurissent. circ. princ. §. 1. D. de pact.* Non est autem nudum pactum, cum ego feci tuo nomine aliquid, ut dares mihi pecuniam. *L. naturalis, §. 1. l. solent, D. de præscript. verb.* Tale est autem pactum id, de quo hic agitur. Non enim simpliciter convenit, ut promissor quid daret, sed ut daret, si is, cui promittitur, suffragatus esset: si suffragatus est ut promissum acciperet, & fecit, ut commendatus honorem obtineret. Proinde non est nuda conventio, sed ea, ex qua iure civili actio nascitur. Idque probatur evidenter exemplo *d. L. solent de præscript. verb.* Nam si indicavi tibi furem, et mihi 10. dares, valet conventio, etque ex eo actio præscriptis verbis; quia feci, ut dares. Multo igitur magis idem dicemus, si suf-

si suffragatus sis meo nomine, ut pecuniam darem. Nam in suffragio inest opera & diligencia suffragatoris, in indicando fure nulla.

- 6 Alteram † conditionem ex constitutione accedere oportet, ut ex hac conventionne sit actio. Condicio ita est, ut promissis optata sit consecutus, id est, vel honorem, vel beneficium, cuius obtinendi causa suffragium tibi ferri postulavit. Unde intelligimus, si is, qui suffragium ferre debuit, tulerit revera: tamen ex conventionne nihil eum consequi debere, nisi etiam cum effectu tulerit, ut etiam obtineret, quod voluit. Quod videtur contra formam iuris constitutum esse. Nam hæc lex est in omnibus conditionalibus stipulationibus: ut cum quid sub conditione promissum est, debeat, si conditio extiterit. *L. a lite, de verb. obl.* At in proposito promissor ille proponitur, qui desideravit sibi ferri suffragium, & ob reddendam vicem, id est, ad suffragium remunerandum sponso se obstrinxit, ut est in princip. *huius const.* Unde apparet, pecuniam ob huiusmodi suffragium ferendum promissam, id est, sub hac conditione, si creditor suffragium tulerit, deberi. Hæc conditio exiit, si suffragium tulit, etsi non obtineat, quod vult. Constat enim, exempli gratia: Romæ in magistratibus petendis multos fuisse competitores, pro quibus multi varie suffragia ferebant; de quibus tamen unus tantum magistratum obtinebat, & nihilominus pro cæteris suffragia recte lata esse dicebantur. Proinde secundum rationem iuris pecunia hac conditione promissa, si suffragium tuleris: dici debuit, pecuniam tibi ex promissione deberi, si suffragium tuleris, quanvis non obtineas. Idem confirmatur exemplo advocati. Nam advocatus si patrocinium tulerit, consequitur honorarium, etsi non vicerit. Satis enim est eum fidem advocacy implere. *L. ult. infr. de cond. ob caus.* Respondet: Hæc omnino vera esse, si ad rationem iuris communis exiguntur, proinde & idem de pecunia ob suffragium promissa dici debuisse. Sed notandum est, hic singulare ius, & ad aliquid novum constitutum esse ab Imp. Nam non in hac tantum parte constituerunt ius singulare in hac causa: sed etiam circa acquisitionem rei promissæ ex hac causa, ut mox dicetur. Non tamen caret constitutio ratione. Nam cum Imp. magis contrahentium rationem habuerint, quam verborum, existimarunt in pecunia ob suffragium ferendum promissa, non tam de actu suffragandi, quam

de effectu contrahentes cogitasse. *arg. in L. si venditor, D. de ser. export.*

His conditionibus duabus concurrentibus erit actio ex superiore conventionne. † Quæritur quæ actio. Et si stipulatio intervernerit, certi conditio erit. *Instit. de verb. obl. in princip.* Si non intervenit, erit actio præscriptis verbis, ut esset ex hoc negotio, si tibi servum furem indicassem, ut mihi quid dares. *L. solent, D. de præst. verb.* Quod si placet ob suffragium ante hæc tempora visam esse illicitam conventionem interpositam: dicemus hac constitutione nunc primum hanc actionem constitutam videri, proinde esse conditionem ex lege. *L. unica, D. de cond. ex lege.* Hæc de actione. Valet præterea superior conventio † ad rei ex ea causa traditæ acquisitionem, sed & hac parte ius singulare constitutum est, ut in causa nova. Nam si res mobiles ex hac conventionne creditori traditæ sint, statim dominium transfertur, nulla etiam scriptura interposita, idque ex iure communi est. *§. per traditionem, Instit. de rer. divis.* Sed si prædia & res immobiles ex hac causa promissæ sint: placet, quanvis in iis rebus ultro a promissore traditis, tamen dominium in accipientem non transferri, nisi instrumentum interpositum sit, quo declararetur, ea prædia, easque res ob suffragium ferendum promissas esse, & ex causa esse traditas. In quo ut dixi, ius singulare constitutum est, & præter rationem iuris. Nam scripturæ & instrumenta omnia tam privata, quam publica ad substantiam rei gestæ nihil pertinent; & quod gestum est, sine instrumentis valet, si aliunde habeant probationem. *L. 4. D. de fide instr. L. 4. de pignor. L. instrumentis, & L. seq. infr. de fid. instr.* Non prodest autem superior conventio ad res promissas privata auctoritate occupandas. † Quod si quis occupavit, poena hic constituitur, ut qui occupavit, violentiæ reus teneatur. Sic enim legendum est, non ut vulgo, *retineatur*. Hic enim incipit tenere, cum prius non teneretur. Is autem dicitur retineri, qui & prius tenebatur. Hæc poena continet duplicem poenam. Criminalem unam, alteram pecuniariam. Nam & de vi criminis accusatio constituta est adversus omnes, qui vim fecerunt, legibus Iulii de re publica & privata. *§. recuperare, Inst. de interd. §. Item lex Julia de vi, Inst. de pub. ind.* Poena hic quoque pecuniaria constituta est, & ea rursum duplex. Una, ut qui rem debitam occupavit, is actionem amittat, quæ poena hic expressa est

in fine. Altera est, ut tantundem vim
 passo restituere cogatur ex *L. si quis in*
 tantam, *infr. unde vi*. Notandum est, †
 constitui hanc poenam his verbis adver-
 sus eum, qui commonitorio de suffragio
 nitatur. Commonitorium Alciatus inter-
 pretatur conventionem tacitam de suffra-
 gio sine scriptura interpositam. *lib. 2.*
cap. 14. Sed recte Brisslonius in le-
 xico commonitorium hoc interpretatur,
 scripturam & instrumentum de suffragio
 interpositum. Nam omnis scriptura & o-
 mne instrumentum commonitorium est.
 Fit enim de rebus, ut de iis gestis nos
 commonefaciat. Unde & instrumenta a
 veteribus dicuntur monumenta. *L. Cel-
 sus de probat.* Utrumque a moneendo; ut
 ex eadem origine eandem significationem
 esse appareat. Unde intelligitur locum
 hunc ita legendum esse, ut legitur in C.
 Theodos. sub eod. tit. *si quis solo com-
 monitorio de suffragio nitatur*. Hic enim
 designatur, non commonitorium suffra-
 gium, cuius verbi nulla esset idonea sen-
 tentia: sed commonitorium, id est, in-
 strumentum de suffragio commonitorio.
 Coercetur autem is solum, qui occupa-
 vit rem promissam, cum solo commoni-
 torio uteretur, propterea quod si ad con-
 ventionem & instrumentum voluntas do-
 mini accesserit, occupatio impunita est.
 His expolitis, † nobis animadvertendus
 est & cavendus vulgaris error de hac con-
 stitutione. Vulgo enim interpretantur hanc
 constitutionem, & de patrocinio advoca-
 ti, & præcipue de salario, quod pro pa-
 trocinio præstatur, ut indicat Accursius in-
 terpretatio in Epigraphe. Hic error satis
 refellitur. Primo significatione & usu ver-
 bi. Nemo enim unquam Latinorum pa-
 trocinium, suffragium appellavit. Qui er-
 ror ob id recte notatus est ab Andr. Al-
 ciat. in *supra citato loco*, & a Duareno
Lib. 2. disp. C. 21. Sed parum ad rem

pertineret verbi significatio, nisi in re mul-
 to magis peccaretur. Nunc autem hæc
 constitutio nullo modo salarium advoca-
 torum continere potest: quod ut certo sta-
 tuatur, sciendum est, inter salarium † ad-
 vocatorum, & honorarium promissum ob
 suffragium tres esse differentias. Prima est,
 quod salarium advocatis etiam citra ullam
 conventionem debetur, & peti potest con-
 ventione extraordinaria, ællimaturque a
 magistratu ex circumstantiis personæ, &
 advocati, & causæ, *L. 1. §. in honora-
 riis. D. de extraord. cognit.* At honora-
 rium ob suffragium latum citra conventio-
 nem nulli debetur. Nam huius honorarii
 petitioni hæc conditio dicta est ex hac
 constitutione, si quis se sponsonem obstrin-
 xerit. Secunda differentia est in quantita-
 te harum rerum. Nam si honorarium ad-
 vocato cautum sit, id ex conventionem exi-
 gere potest, dummodo non sit cautum ex
 quota litis, ut vulgo loquuntur, id est,
 dummodo non sit pactus advocatus cer-
 tam partem emolumenti ex victoria, ut
 tertiam, dimidiam. Sed ita, dummodo pro-
 missio non excedat in singulis causis 100.
 flor. *d. L. 1. §. si cui cautum, D. de
 extr. cogn.* At pecuniæ ob suffragium la-
 tum promissæ nullus modus hac constitu-
 tione statuitur: quinimo recte etiam præ-
 dia ob hanc causam promittuntur, quæ
 100. floren. longe foperare solent. Tertia
 differentia est, quod advocatus honora-
 rium cautum recte petit, & acceptum re-
 tinet, si fidem advocacionis impleverit,
 quanvis non vicerit. *L. ult. inf. de con-
 dict. ob caus. dat.* Contra pecunia ob suf-
 fragium latum promissa hac constitutione
 non debetur, nisi promissor præter suf-
 fragium etiam optata sit consecutus. Caveamus igitur in posterum, ne hanc con-
 stitutionem de salario advocatorum cum
 vulgo accipiamus.



A D T I T U L U M IV.

DE PROHIBITA SEQUESTRATIONE PECUNIÆ.

Ad Rubricam.

S U M M A R I A.

1. *Sequester quis?*
2. *Sequestrare quid?*
3. *Sequestri officium quod?*

Sequester est is, apud quem duo pluresve eandem rem, de qua inter eos controversia est, deposuerunt, ea lege, ut ei redderetur, qui vicisset. *L. sequester, de verb. sig. l. proprium, D. depos.* Sed & is sequester est, apud quem rem controversam iudex suis deposuit, quo modo sequester hic accipitur. Hinc sequestrare, pro apud sequestrem deponere, & sequestratio eiusmodi depositio est. Sequestri officium describitur in *L. ei apud quem. §. 1. D. depositi*. Pecuniæ verbum idem hic significat, quod fere in aliis partibus iuris, id est, non numeratam pec-

4. *Pecuniæ nomine quæ hic intelligantur?*
5. *Quid illud, de prohibita &c. significet?*

cuniam tantum, sed rem omnem, quæ petitur, id est, omnia corpora, ut est in *L. pecuniæ, de verb. sig.* Id ita esse, ratio constitutionis subiectæ indicabit. De prohibita autem sequestratione dicitur, non ut intelligamus, omnem sequestrationem esse prohibitam, sed intelligamus agi hic de sequestratione ea, quæ prohibita sit. Nam interdum prohibetur, interdum non; ut ex subiectâ interpretatione patebit, ex qua etiam intelligetur, quam recte de sequestratione pecuniæ hoc loco & hoc tractatu agatur.

Ad. *L. Unicam.*

Impp. Honor. & Theodos. AA. Ioanni P. P.

Quotiens ex quolibet contractu pecuniæ postulatur, sequestrationis necessitas conquiescat. Oportet enim debitorem primo convinci, & sic deinde absolutionem pulsari; quam rem non tantum iuris ratio, sed & ipsa æquitas persuadet, ut probationes secum adferat, debitoremque convincat pecuniam petiturus. Dat. VI. Id. Iul. Ravenna, Honorio XIII. & Theodosio X. AA. Coss.

S U M M A R I A.

1. *Questionis status & partitio rerum. Pecuniæ sequestrationem iure prohiberi, nec a iudice imponi posse invito debitori, etiam solvendo minus idoneo ibid. §. 1. 6. sub fin.*
2. *Talem prohibitionem & iuris ratio, & æquitas item postulat, quæ hic iuris ratio.*
3. *Qualis hic æquitas, & quibus ex causis nata.*
4. *Cessare sequestrationem in omni allione in personam. Contraria remouentur §. 5.*
6. *Pecuniæ verbum quid hoc loco significet.*
7. *In iudiciis tamen quibus rem persequimur mobilium rerum sequestratio admittitur hisce de causis.*

Si in libertatem servus proclamet, eoque liberato questio futura sit de peculio ibid.

8. *Si possessoris suspecta sit fides, nec satisfidet iudicio sisti; quæ hic suspecta persona.*
9. *Si debitor iam condemnatus ab executione appellare velit.*
10. *Fructus rei immobilis sequestro committi tribus de causis, & quæ sint.*
11. *Ad sequestrationem qua de agitur, non pertinere species eas: de quibus in §. iure & seq. L. 1. D. de collat. item in §. sin autem, verbi si vero L. si dotem sol. matr. §. 1.*
12. *Rerum summa & conclusio.*

Cum iudicio agitur, & pecunia, seu res quævis petitur, quæri solet, quia *Tem VII.*

forte debitoris, aut rei persona videatur suspecta; an hic cogendus sit rem petitam seque-

questrare? & an index possitante actore iussere debeat eam sequestro committi, ut deinde victori reddatur, sive is actor erit, sive reus, atque hoc modo victori consulatur? Hic de hac re ita cavetur, quoties ex contractu pecunia postulat, ut sequestrationis necessitas conquiescat. Quae definitione comprehensa sunt tria haec: prohibitio sequestrationis, causae in quibus sequestratio prohibetur, & res, quae prohibeantur sequestrari. Primo iubetur conquiescere necessitas sequestrationis, id est, vetatur iudex imponere debitori, seu reo necessitatem rei petita sequestrandae, sive possessione amissa rem petitam apud sequestrum deponere. Unde intelligimus, inter volentes sequestrationem non prohiberi, tantum prohiberi, si altero invito postuletur. † Ratio prohibitionis subiecta est; quia debitorem oportet, primo convinci, & sic deinde ad solutionem pulsari, id est, urgeri. Addita est ratio rationis, quae consideranda est. Quia hoc & iuris ratio & aequitas persueat. Iuris rationem intelligunt imp. formam iuris & ordinem iudicii iure constitutum in rebus persequendis. Est autem hic ordo, qui in primis nobis notandus est. Enim, qui aliquid petit, oportere probare id quod intendit, si negetur, & probare legitimis modis, atque ita negantem reum convinci, convictum condemnari, condemnatum sic deinde remediis iuris ad solutionem urgeri, nempe pignoribus capitis & distractis, unde iudicatus satisfiat. Hic ordo praescribitur in *L. negantem, infr. de obl. & act. § L. 1. infr. de execut. rei iud.* Hic ordo in re constitutus declarat, non esse movendam possessionem rei suo loco, nec quidquam, quod sit rei, attingendum esse, priusquam ille convictus & condemnatus fuerit. Ex quo efficitur, rem eius quanyis petita sequestrandam non esse, sed in suo loco manere debere rei possessionem. Et hoc ins ita constitutum est. Sed quanvis auctoritate constitutum hoc ius non niteretur, tamen per se aequissimum est, ut quanvis constitutum non esset, tamen contrarij debuerit. Idque est, quod de aequitate subicitur. † Est autem aequum duabus de causis. Primo, quia affirmatio actoris, qui intendit pecuniam sibi deberi, nihil in re mutat, si falsa est. *L. assumptio, D. ad manuc.* ac fieri, potest, ut falsa sit. Certe nunc an vera sit, non constat, nec prius constabit, quam probaverit. Proinde aequum est, propter eam affirmationem nihil in iure debitoris mutari, nihil in causa innovari. Unde & illud constitutum est,

etiam appellatione interposita; tamen nihil innovari oportere adversus debitorem; multo minus reo nondum condemnato, & appellatione non interposita, *sic, nihil innovari appell. interp. D.* Deinde cum actor intendit sibi deberi, & reus negat se debere, ac neuter probat, quod dicit, haec apparet, parem utriusque esse causam. In pari causa potior esse debet causa possessionis, vel verius, par esse debet effectus causae apud utramque partem, ut qui prius non possidebat, etiam nunc non possideat, qualis est actor. Qui autem prius possidebat, etiam nunc possidet, qualis est reg. *in pari. de reg. iur.* Ex hoc est, quod dicitur, ubi paria sunt utriusque litigatoris iura, meliorem esse conditionem possidentis; quia in suo loco maneat possessio. *§. retinenda, Inst. de Interdict.* Haec ratio posita ostendit, quibus in causis sequestratio prohibeatur.

Constitutio expressum est, prohiberi, quoties ex contractu agitur. Iusque videntur possunt his verbis excludi quasi contractus, maleficia, quasi maleficia. Sed generaliter deponendum est, si sive pecunia petatur ex contractu, sive ex quasi contractu, ut negotio gello, sive ex maleficio, sive ex quasi maleficio, nunquam debitorem, cum quo agitur, cogendum esse, pecuniam, quae petitur, sequestrare, nunquam iudicem eam pecuniam ablatam sequestri committere, & generaliter in omnibus actionibus in personam, ex quibus petitur, quod nobis debetur, non rei nostra, quae nobis ablata est, ut in conditione furtiva. In his, inquam, omnibus cessare sequestrationem, id primum evidenter efficitur ex subiecta constitutionis ratione. Nam ideo iubetur conquiescere sequestratio, quia oportet debitorem prius convinci, sic deinde per prehensionem rerum eius cum ad solutionem urgeri. Hae ratio ad omnes debitores pertinet, ut loci, quos supra citavimus, ostendunt, & praeterea aequitas illa, quam declaravimus. Proinde in omnibus idem ius de sequestratione statuendum est. *L. illud ad L. April.* Movere nos non debet, † quod in constit. dicitur, quoties ex contractu agitur. Nam potius ex hoc verbo colligi oportet, idem ius in omnibus actionibus in personam, in quibus agitur de eo, quod debetur, idem statui debere. Nam sic est usus iuris. Quoties lege aliquid constituitur de eo, quod contractum est, toties omnis obligatio, quae ex illis causis nascitur, pro contractu habenda est, ubi manifesta ratio eas causas obligationis non distinguit. Exempli gratia,

tit. Ius ita est: unumquemque conveniri posse in eo loco ubi contractum est. *L. heres. §. 1. & ult. D. de iud. L. 3. de reb. auct. iud. possid.* iuris auctores in his verbis contractum interpretantes, ita definiunt, omnem obligationem, ex qua quid debetur, pro contractu accipiendam esse. *L. omnem. D. de iud.* Eadem ratio ostendit, quid hoc loco pecunia verbo intelligi oporteat, nempe intelligi oportere non pecuniam numeratam tantum, sed rem omnem, quae debeatur; quia in omnium rerum debitoribus semper. verum sit, quod subicitur, debitorem oportere primo loco convinci, sic deinde ad solutionem urgeri. Definitione generali posita in actionibus in personam, sive in omnibus iudiciis, in quibus petitur id quod debetur, apparet, sequestrationem imponendam non esse debitori, sive persona debitoris suspecta sit, sive non sit, nec quidquam referre, pecunia sit, quod petitur, an alia res, & in ceteris rebus, utrum sit res mobilis, quam auferri possit, an vero immobilis.

Sed hoc ius in actionibus in personam uti hic constitutum est, ita & locum habet. Non ita in actionibus in rem, & iis, quibus rem nostram petimus, aut tanquam nostram vindicamus. In iis ut plurimum sequestratio prohibetur. Interdum tamen admittitur, quod ex variis locis collectum accipitur. Admittitur autem interdum in his iudiciis rei petitae sequestratio, interdum fructuum. Res petita si immobilis est, nunquam sequestratur; quia non est periculum, ne debitor eam auferat, cum loco moveri non possit. Sin res sit petita mobilis est, interdum eius sequestratio admittitur, idque receptum est tribus in causis. I. Cum servus, quod antea pro servo possidebatur, ex possessione servitutis in libertatem proclamatur, & dominus eum in servitutem revocat, & idem petit sibi restitui peculium omne, quod apud servum erat. Nam hic placuit, dum de causa liberali cognoscitur peculium omne servi deponi, & sequestro committi. *L. 1. §. super, inf. de aser. toll.* Quod ius habet hanc rationem. Nam cum servus ex possessione servitutis in libertatem proclamatur, & si dominus eum petat in servitutem, tamen idem & petitur & possessor est, quia prius erat in possessione servitutis. Ideo non debet servus frui commodum possessoris, cum ipse servus non sit. Sed rursum quia iniquum est, peculium restitui domino, priusquam vicerit se dominum esse, ob id res eo deducitur, ut apud neutrum debeat esse possessio pecu-


nia, quam ob causam deponi oportet. Altera sit causa est: si cum vero possessore rei agatur, sed eius persona suspecta sit, & ideo periculum sit, ne cum eo consugiat. Quo casu desideratur ab eo, ut satisfacet rei petitae nomine, si non satisfacet, placet rem controversam deponi, ut & actor consulatur. *L. fideiusor. §. ult. D. qui satisf. cog. L. solam, in fin. D. de offic. praesid.* Suspecta autem persona hic intelligitur, quam in eo territorio, in quo agitur, immobilia non possidet. Non suspecta, quam possidet, arg. in *L. sciendum, D. qui satisf. cog.* Tertia causa est, cum debitor iam condemnatus ad executionem rei iudicatae ventum est. Nam si hic debitor ab executione appellet, ut interdum potest, & recipiatur eius appellatio: placet, non aliter eam recipi, quam si res mobilis de qua agebatur, apud sequestrem deposita sit; ne scilicet malitiose debitor hac appellatione abutatur ad rem retinendam. *L. ab executione, inf. quorum appel. non recip.* Fructuum quoque rei immobilis sequestratio recepta est itidem tribus de causis. I. Si fructus rei depopulentur, id est, deperdantur & dissipentur a possessione. *L. Imperatores §. ult. D. de appell.* Illic quidem agitur de possessore, qui post appellationem fructus depopulatur: sed idem probandum est, etiam ante appellationem idem faciat; quoniam nihil magis appellatione pendente innovari oportet, quam ante. Idem praeterea receptum est, cum possessor rei immobilis condemnatus ab executione appellat. Nam si recipitur eius appellatio, placet idem hic servari, quod in re mobili petita, ut quemadmodum res mobilis sequestratur, sic in re immobili sequestrantur fructus. *dicta Leg. ab executione, infr. quorum appellat. non recip.* Postremo idem ius receptum est in hac specie, cum coloni, qui antea agrum possidebant ut coloni, postea ceperunt possidere ut domini. Nam hic si domini agrum suum vindicet, placet veteri eius possessioni hoc tribui, ut dum causa disceptatur, fructus deponantur. *L. litibus, infr. de agric. lib. 11.*

Praeter has causas sequestrationis nullas praeterea legimus. Nam ad sequestrationem nihil pertinet *L. 1. §. iure, & §. seq. D. de coll. bonor.* ubi filius emancipatus cum fratribus, qui in potestate fuerunt, ad successionem veniens, iubetur bona sua fratribus conferre, aut de conferendis idonee cavere, vel fideiussoribus datis, vel pignoris. Nisi ita caveat, curator iis bonis constituitur. Nihil, inquam,

hoc exemplum ad sequestrationem. Nam curator non est sequester. Curator constituitur bonis, de quibus controversia non est, ut hic. Non deponitur apud sequestrum, nisi res, de qua controversia est.

L. sequester, D. de verb. sign. Non debet etiam † ad sequestrationem referri species *L. si cum dotem, §. siu autem*, verfic. *si vero, D. sol. matr.* ubi maritus uxorem, si furiosa est, alere iubetur, nisi alat, bona mariti sequestrantur, ut alatur ex fructibus. Illic sequestrari improprie dictum est. Nam nec in ea specie de bonis mariti ulla controversia est. Iam autem dixi, sequestrationem non cadere, nisi in rem controversam.

Ex his † intelligi potest, in sequestratione non esse obligationem, seu, sequestrationem ex obligatione non peti, multo minus nasci ex contractu. Sed questio omnis de sequestratione pertinet ad ordinem iudiciorum, seu ad rationem iuris nostri obtinendi. Nam cum res aliqua iudicio petitur, queritur, ut initio dixi, an necesse habeat reus postulante actore rem petitam sequestrare. Dicimus necesse non habere. Refragari enim & naturæ æquitatem, & iudiciorum ordinem, qui præscribit, prius debitorem convinci oportere, quam ad solutionem, aut alicuius rei præstationem urgeatur. Unde etiam intelligitur quam non idoneo loco hæc questio interposita sit.



A D T I T U L U M V.

DE CONDICTIONE INDEBITI.

Ad Rubricam.

S U M M A R I A.

1. *Qui aptior docendi methodus in hac rerum tractatione.*
2. *Cur hic alia methodus a compositoribus Pandect. & Cod. usurpata.*
3. *Quam recte tractatus de Condict. indeb. & ob caus. dator. superiori de mutuo proxime subiiciatur.*
4. *Omnis hac indebiti obligatio & repetitio ex contractu est, & quidem ex contractu genere qui re persiciuntur & n. 8.*
5. *Ratio huius definitionis. scilicet exposita.*
6. *Contraria diluuntur; & præcipua I. C. Cuius sententia revincitur & n. 7.*
7. *Ex eo quod datum est ob causam num*

- obligatio reddendi nascitur: qua distinctione res ista definiatur.*
10. *Datum ob causam præteritam qua vera sit, repeti non potest.*
11. *Ex tali causa, sed falsa datum non repetitur; si causa hac voluntariam habeat præstationem.*
12. *Ratio.*
13. *Contrariis occurritur.*
14. *Superior definitio constat, nisi aliud expresse volueris, qui dedit ob talem causam.*
15. *Item nisi ex ea causa dederit, sed expresse conditione: V. C. si mea negotia curasti.*
16. *Aditus ad proxime insequentes titulos.*

Mutuo exposito & conditione, quo lude nascitur, quod factum est sub tit. *si cert. petat. supr.* rectus ꝑ ordo docendi postulabat, ut fieret, quod in *Inst.* factum est sub tit. *quib. mod. re contr. obl.* nempe, ut sublicerentur eiusdem generis species, id est, contractus reliqui, qui re sunt, ut pignus, commodatum, depositum. Sed ꝑ aliud compositoribus visum est, & in compositione Pandect. & compositione Codic. Nam eos contractus procul hinc removerunt. In quo videntur hanc rationem secuti esse, quod placeret de his agi contractibus; mandati; item de emptione & venditione; item locati & conducti, fortassis ob hanc causam, quod hi omnes coniungantur, quod sunt omnes bonæ fidei. §. *adionum autem quedam, Inst. de act.* Convenientius autem videtur, cum obligationum causæ exquirantur: quod fit, cum dicimus, obligationem nasci ex contractu, & similibus causis, uno genere causæ proposito, ei generi adiungere species subiectas. Propositi sunt autem contractus qui re sunt, ex quo genere est mutuum. Conveniebat igitur contractus eiusdem generis eodem ordine subiici. Sed hoc ad rationem do-

cendi pertinet. Cæterum in re nihil mutatur. Nunc autem subiiciuntur aliæ species contractuum, qui & ipsi re sunt, de quo ita statuendum est: Cum aliquid ob causam datur, nasci solet ut plurimum interdantem & accipientem obligatio, ut qui accepit, reddat, quod accepit. Ex hac obligatione nascitur conditio dati, id est, repetitio dati, quæ in personam actio est. De iis obligationibus & rerum conditionibus tractatus deinceps subiicitur. Quam ꝑ recte subiicitur ex eo intelligemus, si cognoverimus, ex qua causa hoc genus obligationis nascatur. Nascitur autem, ut mihi videtur, ex eo genere contractuum, in quibus obligatio re contrahitur, idem, ut in mutuo: Quod igitur obligatio ex contractu est, recte in tractatione contractuum reposita est. Quod autem contractus re sit, convenienter de hoc genere obligationis hoc loco subiicitur, ubi de contractibus, qui re sunt, tractari cœptum est. Utrumque autem, quod posuimus, nobis demonstrandum est. Primo ꝑ dicimus, cum quid ob causam datur, & hinc dati obligatio & repetitio est, hanc obligationem ex contractu esse. Est enim ex consensu, proinde ex contractu; quia

contractum recte definimus duorum plurimve placitum & consensum, ex quo alter alteri obligatur, ut initio huius libri pluribus exposuimus. Obligationem autem hanc † ex consensu esse, propositis speciebus huius generis, intelligitur. Huius generis species duae sunt inter ceteras: Repetitio indebiti soluti, & repetitio eius, quod ob causam futuram datum est, nec causa secuta est. Cum tibi indebitum solvo, quod debitum puto. In hoc errore solvo tibi, quia debeo, seu ob hanc causam, quia debeo, id est: causa pro conditione est, non tantum in testamentis: *L. 1. infr. de condit. inst.* Sed etiam in contractibus. *L. 3. & L. si repetendi, infr. de cond. ob caus. dat.* Itaque cum indebitum tibi solvo, perinde est, quasi ita solvam, ac debitum esset. Quisquis sub conditione aliquid dat, sub contraria conditione dare non intelligitur: Et e converso: quisquis sub conditione aliquid accipit, sub contraria conditione accipere non intelligitur: utpote nihil interest, an dicam, *solve tibi si debeo*: an vero ita, *si non debeo, solutum nolo*. Ex vice versa, quod sub conditione admittitur, seu non datur, id sub contraria conditione accipitur, seu datur. *L. quibus diebus §. 2. in fin. L. aliquando, in fin. D. de condit. & demonstr.* Ex hac datione conditionali nascitur ea obligatio, quam dixi, ut si non debeo, reddas, quod accepisti: quia ea lege & conventionem accepceras. Haec autem & lex & conventio contractus est. Ex contractu igitur haec obligatio est. Non debet movere nos, quod haec conditio & conventio aperte non exprimitur, *si non debeo, datum nolo*, satis est, si ex eo, quod fit, aperte intelligitur. Satis autem intelligitur ex praecedenti conditione, cum, ut dixi, quidquid sub conditione datur, vi ipsa & necessitate consequentiae sub contraria conditione dari non intelligitur.

Est igitur conventio, etiam si est tacita, proinde & contractus. Nam in contrahendo quidquid etiam tacite agitur, pro cauto habendum est. *L. 3. D. si cert. pet.* Praeterea notissimi iuris est, conventiones tacitas non minus valere, quam expressas. *L. 1. L. 4. in pr. D. de pact.* Cum autem aliquid tibi ob causam, ut meo nomine Romam eas, vel ut mea negotia geras, perspicuum est, in his verbis tacitam conventionem esse sub contraria conventionem, *si non ieris, si non gesseris, non dem aut reddes*, ex ea definitione quam supra posui. Ex hac autem conventionem obligatio nascitur, atque haec conventio

contractus est. Obligatio igitur ex contractu, non aliunde. Haec ita esse, certa auctoritate confirmatur. Nam in *L. si in area, D. de condit. indeb.* diserte Iulianus scribit, ideo indebitum soluto repetitionem solventi dari; quia inter dantem & accipientem negotium geritur, & negotium geri intelligit contrahi, ut patet ex praecedentibus eius verbis, & praeterea negotium gerere inter aliquos nihil aliud est, quam contrahere. *L. solent, D. de praeser. verb.* In eo autem, quod ob causam datum est, etiam obligationem consensu contrahi non obscure declaratur ipso *L. si extraneus, D. de cond. caus. dat.* ubi dicitur: eum, qui pecuniam dedit in dotem, sibi prospicere in eum casum, si dos non erit, id est: si nuptiae secutae non sint; prospicere & sibi consulere & providere. Consultimus & providemus nobis facto. *L. avus D. de pact.*

Sed huius sententiae quaedam † opponuntur, de quibus breviter respondebimus. Primo, quod in eo, qui indebitum solvit, nulla conventio est de pecunia repetenda: quinimo qui putat se debere, in hoc errore solvens, hoc animo est, ut nunquam repetat *§. item is, Inst. de obl. quae ex quasi contract.* Iam respondi, nullam hic conventionem esse apertam de pecunia repetenda, sed esse tacitam, quae eam vim habeat, atque si esset expressa. *L. 3. D. si cert. petat.* Tacitam intelligi ex contraria conditione prioris conventionis. Deinde opponuntur hi loci in quibus dicitur, conditionem indebiti & similes, esse ex aequo & bono. *L. in summa, §. quod ob rem. L. haec conditio, seq. D. de condit. indeb.* Respondetur. Utrumque verum est, has obligationes & conditiones ex contractu esse, nec minus ex aequo & bono. Quod in his negotiis consensus est, ut res data reddatur, hic obligatio iure constituta ex contractu nascitur, non ex aequo & bono: sed quod consensum esse interpretamur, id non iure summo fit, sed benignitate interpretationis, id est, aliis verbis, ex aequo & bono. Nam si subtilitatem rerum sequi volumus, nec aliud spectamus: is, qui putat se debere, & animo solvendi dat, omnino hoc animo est, ne unquam repetat. Nec dici potest, eum de repetenda soluta re cogitare; quia omnino se debere existimavit. Sed quia apparet eum solvere sub conditione, si debet, aut quia debet: ex eo, quoque contrariam conditionem intelligimus & contrarium animum, ut si non debet, reddatur, quod dat.

7 Sed ex adverso † repugnat priori sententiae §. is quoque, *Insistit. quib. mod. re contrah. oblig.* & §. item is cui, *Insistit. de obi. ex quasi contr.* Ubi de sententia Cui. veteris Iurifconfulci, quæ exstat in §. is quoque, *L. ex maleficio, D. de obligat. & alio.* diserte scriptum est, indebiti conditionem non esse ex contractu, quia qui indebitum solvit, animo solvendi dat, non obligationis contrahendæ causâ. Respondeo. Pace summi Iurifconfulci dictum sit, hæc ratio adversus illum convertitur: Nam si is, qui indebitum solvit, ideo repetitionem non habet, quia animo repetendi, & contrahendæ obligationis non dedit; consequens est, si animo repetendi & obligationis contrahendæ dedit, esse repetitionem, quoniam contraria ratione causarum contraria sunt effecta. At in eo, qui indebitum solvit, duplex est animus. Est animus solvendi sub conditione, si debitum sit, quod solvit. Est etiam animus repetendi sub contraria conditione, si debitum non sit, ut ostendi. Si priorem animum spectamus, fateor obligationem ex contractu non nasci: sed si posteriorem spectamus, obligationem nasci necesse est, etiam auctore Cajo. Utrum igitur hic animum spectare debemus. Nam utrumque cum sit contra ius, spectare non possumus. Et certum est, in eo errasse Caium, quod putaverit priorem animum solvendi esse spectandum. Hunc enim in hac re spectare non possumus: idque doctus evidentissimis argumentis convincitur ex principiis iuris sumptis, Nam si animus solvendi spectamus, spectamus errorem solventis. Putabat enim per errorem se debere, quod non debebat. At errorem solventis spectare ius vetat, alioquin error facti illi noceret. Nunc autem error facti certissimo iure nulli nocet. *L. error. L. regula, D. de iur. & fact. igno.* Alterum argumentum est etiam evidentius & certius. Nam si in eo, qui indebitum solvit, spectamus animum solveodi: non modo non nascitur obligatio ex contractu, sed ne ulla obligatio quidem nasci potest. Nam nulla numeratio obligationem parit, ubi id agitur, ut qui accipit, non obligetur. *L. non omnis, D. si cer. pet.* At qui solvendi animo dat, hoc animo est, ut nunquam repetat, & ideo, ut accipientem sibi non obliget. Ergo huic animus si spectamus, obligatio nasci non potest. Caius autem vult obligationem nasci. Ergo ex ipsius sententia hunc errorem & animum solvendi spectare non debemus, nec possumus. Hæc sententia confirmatur in *L. cum, qui iso,*

§. qui sibi, aut filie aut filio, D. de verbor. obligat. ubi Iulianus scribit, cum qui solvendi animo dat, non daret animo obligandi eum, qui accipit. Quod si animus solvendi id hoc solveotæ spectare non possumus, restat, ut alterum animum repetendi spectemus. Et vere eum spectare debemus duabus contrariis de causis. Primo; quia hic animus ex vero est, non ex falso errore. Veritatem autem sequi debemus, non errorem solventis. Deinde; quia hoc animo efficitur, ut qui indebitum accipit, obligetur, sine quo animo numeratio accipientem obligare non potuit, *L. non omnis, D. si certum petat.* Verior igitur est aliorum iuris auctorum sententia: Omnem hanc indebiti obligationem ex contractu esse, seu negotio gestio, quavis negotium id non exprimat aperte, quæ sententia est Iuliani in *L. si in areæ, D. de condiçt. indebit.* in *L. is, qui commodatum, §. ult. D. commod.* Ubi hæ obligationes & repetitiones dati sunt ex contractu; ut ostendimus, ita † fuit ex 8 eo genere contractuum, qui re perfici dicuntur. Quamobrem de iis recte hoc loco tractatur. Nam ut mutuum dicitur re contrahi; quia nemo ex mutuo obligatur, nisi qui rem acceperit, quam reddat: sic perspicuum est neminem ad reddendum obligari, quod datum est, nisi prius datum sit. Igitur ut, in mutuo obligatio ex re data proficitur; nam ideo dicitur re contrahi; sic & hoc genere obligationis obligatio ex eadem causa nascitur. Ideoque recte comparatur indebiti obligatio mutuo. *§. is quoque qui, Inst. quib. mo. re contr. obl.*

Diximus, cum quid ob causam datum est, si inde obligatio nascitur, nasci etiam ex contractu, & eo genere contractus, quod re perfici dicitur. Ex quo intelligi ratio potest, tractationis horum contractuum hoc loco collocandæ, sed totum hoc diximus, si obligatio nascitur. Non enim semper obligatio nascitur inter datorem & accipientem: sed nascitur, ut sunt causæ dandi, & ob hanc causam hæ causæ dandi suis quoque titulis distinguuntur, ut intelligatur, an ex iis, & quæ obligatio nascatur. Hinc varietas aliorum sequentium titularum de hoc genere. Cum † 9 queritur, an re ob causam data obligatio nascatur, & obligetur ad reddendum is qui acceperit, hæc distinctio ad iure tradita, Interest, utrum quis ob causam præteritam dequit, an vero ob futuram. Ob præteritam veluti, do tibi decem quia negotia mea curasti, quia liberos institui quia prius mihi mutuo dedisti. Ob futu-
ram

ram veluti, do tibi centum ut Stichum manumittas, ut mihi Pamphilum des, ut eas Romam. Quod si ob causam præteritam datur, si causa vera est, repeti non potest. Nam si debitum solutum est, debitum repeti non potest, ut datur in conditione indebiti: si indebitum fuit, donatum est. Donari enim intelligitur quod nullo iure cogente datur. *L. i. donari, D. de reg. iur.* Porro donati nulla repetitio est. *L. si repetendi. infr. de edicto ob causam dat.* Quod si quid si ob causam falsam præteritam datum est, interdum non repetitur, interdum repetitur pro conditione causæ ob quam datum est. Nam aut causa præterita voluntariam præstationem habet, etiam si vera esset: veluti, quia negotia mea curasti. Aut causam eum necessitate præstandi, & obligatione coniuncta est, si vera esset: veluti, si dem tibi ideo, quia pater meus tibi debuit, cui ego successi. Si causa voluntariam præstationem habet, id est, eiusmodi est, ex qua quod præstatur, indebitum præstatur, etiam si vera esset; ob eam causam datum repeti non potest, etiam si per errorem datum sit, & causa falsa sit. Ut puta, si negotia mea vere curasti; tamen ob eam causam tibi non obligor, ut præstem mercedem operæ, quoniam cura illa beneficii est & liberalitatis, ex qua me obligare noluisti. Si 10. tibi dem nominatim hac causa adiecta; quia negotia mea curasti; quia me in illa causa defendisti, non possum repetere, quod dedi, quanvis negotia mea non curaveris, quanvis me non defenderis, & ego falso mihi persuaserim te curasse, & me a te defensum esse. *L. in summa, §. id quoque, L. damus, D. de cond. indeb.* Hoc quia prima fronte contradici debuisse videbatur, propterea quod in errante nullus est consensus, ideo si ratio adiecta est a Paulo in *d. l. in summa, §. id quoque*. Est autem hæc; quia qui ob causam præteritam, ex qua non teneretur, si vera esset, quid dedit, donatum voluit. Est autem, ut dixi, iuris certi, donati nullam repetitionem esse. Donatum autem voluisse, qui ob hanc causam dedit, etiam si per errorem dederit, ex definitione superiori: donati intelligitur. Nam etiam si causa hæc vera esset; ut negotia mea curasses; tamen ego tibi non obligar, id est, nullo iure cogere tibi quidquam eo nomine dare, proinde si dedi, donatum volui; quia ut iam dixi, donari intelligitur; quod nullo iure cogente conceditur.

13 Sed tamen huic sententiæ quædam si opponuntur. Primo, quod traditur, nemi-

nem errantem consentire, sive errorem non habere consensum. *L. si per errorem, D. de iurisd. L. 2. de indic.* Quare qui per hunc errorem dedit, consensu suo non impeditur, quo minus repetat; quia non consensit. Respondetur. Error non habet consensum, nempe, in ea re, in qua erratur. In proposito is qui dedit, erravit in causa dandi. Putavit enim negotia sua gesta esse, quæ gesta non sunt. Illa causa errantis; in hanc non consentit, quod verissimum est. Sed in re sua & rei sue dominio non erravit, neque erravit in eo, quod donatum voluit. Sciebat enim se non cogi, proinde cum rem suam tradidit, & cum donatum voluit, utrumque effectum habebit ex eius consensu; quoniam in iis non errabat, sed consensiebat. Deinde eadem sententiæ opponitur exemplum indebiti soluti. Nam si tibi 10. solvam; quia tu ex mihi mutuo dederis, si hæc causa falsa est, repetito, si solvi per errorem. Ergo & ex prioribus causis, si solvi, repetam. Quoniam utraque causa est præterita; & ob utramque solvo per errorem. Respondetur. Multum hæc causæ inter se distant, eam ex causis aliqua non debui, & cum ex ea causis debui, si vera esset. Nam cum ex ea causa nihil debui, si præsto, dono: si autem ex ea causa debui, si vera esset; ex ea causa per errorem præstans non dono; quia ideo dedi; quia putabam necesse me habere dare. In necessitatibus, id est, in eo, quod quis necesse habet præstare, nemo intelligitur liberalis. *L. rem legatum, D. de adimen. legat.*

Quod tamen dicitur, ob causam præteritam falsam datum non repeti, si præstatio fuit voluntaria, non necessaria: in re dubia locum habet. In manifestis si voluntate dantis id sequimur, quod actum est, & ideo, si is, qui ob hanc causam dedit, ostendit, se daturum non fuisse, nisi causa ita se haberet: sine dubio repetitur, cum negotium gestum non est. Hoc amplius, si quis dederit quid ob hanc causam, causa conditionaliter expressa: repetitur, veluti do tibi 10. si negotia mea curasti. Hoc casu, si non curasti, repetitio est; quia conditio id efficit. *L. demonstratio, §. 1. in fin. D. de condit. & demonstr.* Generaliter tenendum est, quod sub conditione debetur, conditio non existente non debetur. Item, quod sub conditione datur, conditio aut falsa, aut non existente non dari. *L. conditiones, D. de oblig. & act. §. 1. Inst. de verb. obl. §. conditiones.*

Non idem ius est eius causæ præteritæ, quæ si vera esset; obligationem & necessa-

cessariam præstationem adiunctam habuit. Ob hanc causam solutum si falsa est, dati
 16 repetitio est suis conditionibus. † Hinc condictio indebiti, de qua titulus sequens: de ea dicitur ad L. 1. Quod si quibus ob causam futuram datur, hæc quoque causa habet ius suum proprium, ut interdum dati condictio sit, sive revera secuta

sit, propter quam data est, sive secuta non sit. Interdum contra cessat condictio. Ad hoc genus pertinent tres hi tituli, qui polleæ sequuntur, de condict. ob causam dat. Item de condict. ob turp. caus. Item de condict. ex L. & sine causa. Quibus in locis hoc genus exponitur.

Ad L. 1.

Imp. Antoninus A. Mutiano.

Pecunie indebitæ per errorem, non ex causa iudicati solutæ, esse repetitionem iure conductionis, non ambigitur. Si quid igitur probare potueris patrem tuum, cui heres exististi, amplius debito creditori suo persolvissæ, repetere potes. Usuras autem eius summe præstari tibi frustra desideras. Actione enim conductionis ea sola quantitas repetitur, quæ indebita soluta est. PP. III. Kal. Aug. Antonino A. IV. & Balbino Coss.

S U M M A R I A.

1. Indebitum solutum cur repeti possit?
2. Solutum nihil est, nisi naturaliter datum sit.
3. Numeratio obligationem non parit, nisi cum id agitur, ut qui accipit, obligetur.
4. Solutione eius, quod debetur tollitur omnis obligatio.
5. Causa secuta, cessat repetitio eius, quod ob causam datum erat.
6. Debitum quid sit? Et debitorum diversa genera.
7. Naturaliter deberi quid intelligatur? & quid civiliter? & num. 6.
8. Promissum patio naturaliter debetur.
9. Libertus manumissus naturaliter debet operas patrono.
10. Parentes naturaliter debent alere, & bonis artibus suos institvere filios, filias educare & dotare.
11. Promittens in diem solvere, si ante diem solvat, sive per errorem, sive consulo, dum putat se parere debere, non repetit.
12. Solutum ante conditiones incertas existentes, quanvis per errorem, repeti non potest.
13. Servus promittens quid iure civili non obligatur: secus iure naturali. num. 15.
14. Servi quoad ius civile pro nullis habentur.
15. Domini pro manumisso servo solvens, quanvis per errorem, non repetit.
16. Pater & filius an invicem contrahere possint?
17. Solutum a patre filio an repeti possit?
18. Obligatio, quæ non est, novari non potest.
19. Pupilli nomine solutum an repeti possit?
20. Pupillus iure civili, sine tutoris auctoritate, non obligatur.
21. Civiliter quid debeatur?
22. Verba in LL. cum effectum accipiuntur, non verbotenus.
23. Indebiti duæ species.
24. Indebitum solutum quando quid intelligatur?
25. Solutum per errorem repetere potestis, qui exceptionem perpetuam habet.
26. Exceptiones temporales debitorem non liberant, sed petitionem ad tempus differunt.
27. Maritus si solvat ultra, quam facere potest, solutum repetere non potest.
28. Exceptio perpetua, ut solutum repeti possit, non debes esse comparata in odium creditoris.
29. Exceptio Senatusconsulti Macedoniani unica, est in odium creditoris comparata. Tit. 31.

31. *Sciens indebitum solvens non repetit, quia donare vult.*
32. *Donari intelligitur, quod nullo iure cogente datur.*
33. *Solutum dubitanter & titubanter an repeti possit?*
34. *Pecunia, ex causa indicati soluta, an repeti possit?*
35. *Altio cui datur, multo magis ei ad rem retinendam, datur exceptio.*
36. *Solvere per errorem quis dicatur?*
37. *Pecunia ex causa indicati soluta nulla est repetitio.*
38. *Solutum ex causa iurisiurandi an repeti possit?*
39. *Solutum ex causa transactionis an repeti possit?*
40. *Solutum ex causa pietatis an repeti possit?*
41. *Solutum scienter, sed imperite, an repeti possit?*
42. *Repetitio indebiti quid sit?*
43. *Altioum genera duo.*
44. *Nemo rem suam condicere potest, præterquam a fure.*
45. *Indebiti per errorem soluti traditio an dominium transferat?*

46. *Dominium rei sua sine consensu nemo transferre potest.*
47. *Errans non consentit.*
48. *Pecunia indebite soluta an etiam usura debeantur?*
49. *Usura in strictis iudiciis non debentur citra stipulationem.*
50. *Usura in bona fidei iudiciis debentur ex mora.*
51. *Verbum, cedere, quid significet?*
52. *Usuris, obligatione sublata, locus non est.*
53. *Novando nemo conditionem suam deteriorem facit.*
54. *Fruillus qui veniant in conditionem indebiti.*
55. *Res soluta eadem ut reddi debeant? Et an etiam omnia ea, quæ, is, cui indebitum solutum est, per causam rei soluta, consecutus est.*
56. *Locupletior videtur is, qui in suo non est pauperior factus.*
57. *Locupletior ex re nostra, nostra iniuria fieri nemo debet.*
58. *Indebiti restitutio cur naturalis dicatur?*
59. *Lucrum rei ad quem pertinet, ad eum quoque dispendium pertinet.*

HOC rescriptum de repetitione indebiti soluti, de qua hoc titulo agitur, tria complectitur, in quibus fere natura huius causæ, & huius repetitionis continetur. Primum ostendit, quæ sit causa repetitionis ex indebito soluto. Deinde, quæ sit hæc actio, qua indebitum solutum repetitur, id est, quis sit effectus superioris causæ. Postremo, quid in hac actionem veniat, seu quid hac actione consequamur. Causa huius repetitionis hac definitione brevi continetur: *Indebitum per errorem facti solum repeti potest.* Hæc definitio exstat hoc loco, & in *L. 1. D. eod. & S. is quoque, Inst. quib. mod. re contr. obl.* solum in his locis deest facti.

Tantum enim definitio traditur de indebito per errorem soluto, neque additur, *per errorem facti.* Sed hoc nominatim additur in *L. fideicommissum, & seq. inf.* & comprehensum est diserere in *L. cum quis, sup. de iur. & facti. ign.* Si quid horum deest, quanvis quid solutum sit, condici non potest. Hæc causa repetitionis quatuor res exigit, quarum una deficiente, cessat conditio. Primo exigit, ut quid solutum sit. Secundo, ut indebitum sit, quod solvitur. Tertio, ut solutum sit per errorem. Quarto, ut solutum per errorem facti. Primum exigi-

mus ut quid solutum sit. Quo verbo intelligimus, non esse repetitionem, nisi quid datum sit. Non est enim repetitio, nisi dati, & non est solutum, nisi naturaliter datum sit. *L. solutam, D. de solut.* Eodem verbo admonemur, hoc ita repeti, si datum sit ob causam præteritam, non quamlibet, sed datum sit ob causam, ex qua deberetur. Denique admonemur hic ita repetitionem esse, si quid solutum sit ut debitum. Nam quod ob causam præteritam voluntarie datum est, repeti non potest, etiam si falso tibi quis persuaserit, causam subesse, ut ante ostendimus. Secundum exigimus ut quod solutum est, indebitum sit. Debitum solutum repeti non potest, siue qui solvit, sciverit se debere; siue ignoraverit, duabus de causis. Primo, quia numeratio obligationem non parit, nisi cum id agitur, ut qui accipit, obligetur. *L. non omnis, D. si cert. pet.* Qui autem debitum solvit hoc animo est, ne unquam repetat; proinde nunquam repetit, cum non sit obligatus ad reddendum, qui accepit. Deinde qui debitum solvit, quodammodo ob causam futuram dat. Dat enim, ut liberetur. Dando liberatur, quia debuit. Solutione eius, quod debetur, tollitur omnis obligatio, *tit. quib. mod. toll. obl. in princ. Inst.* Proinde causa secuta est, ob quam solutum

5 lutum est: causa secuta et cessat repetitio eius, quod ob causam datum erat. *L. 1. de cond. caus. dat.* At quid indebitum sit, ita intelligemus, si cogoverimus, quid sit et debitum. Simpliciter quid deberi dicatur quod iure debetur: Est, quod debeatur civiliter & naturaliter: est quod debeatur naturaliter tantum, non civiliter: est etiam contra, quod debeatur civiliter tantum, non naturaliter. Quod civiliter & naturaliter debetur, id demum vere debitum est. Proinde hoc debitum solum extra controversiam repeti non potest, quacunque opinione solum sit. Nam civiliter & naturaliter deberi intelligitur omne, quod iure peti potest, cuius petitio nulla exceptione removeatur. Idque est, quod dicitur in *L. debitor, D. de verb. sign.* debitorem cum esse, a quo invito pecunia ei peti potest. Ut possit exigi ab invito, duobus his rebus continetur, quas diximus. Si iure peti potest, & si petitio nulla exceptione infirmetur. Iure peti potest, quod ex iis causis debetur, ex quibus iure civili nascitur obligatio, quæ causæ certæ sunt, contractus, quasi contractus, maleficia, quasi maleficia, §. 1. *Instit. de obl. §. 1. Instit. de act.* Petitio nulla exceptione removeri potest, si in causa ex qua obligatio iure contracta, nihil earum causarum intervenit, ex quibus exceptiones nascuntur, quod quale sit, explicatur in *tit. Instit. de except.* Est etiam, ut dixi, secundum genus debiti, cum quid naturaliter tantum debetur, non iure civili. *L. 1. §. ult. D. de const. pecun.* Id autem natura tantum deberi dicimus, quod iure peti non potest: cuius tamen debendi obligatio naturaliter subest. Hoc quoque genus debiti, cum de indebito soluto agitur, pro vero & iusto debito habetur. Et ita placet, quod naturaliter debetur, si solum sit, quanvis per errorem solum sit, repeti non posse, & quod idem est obligationem naturalem impedire solutionis repetitionem. *L. si pater. in pr. L. si quid dominus, D. eod. L. naturalis, D. de obl. & act. L. fideiussor, D. de fideiuss.* Natura et deberi intelligitur, quod iure civili peti non potest: cum tamen natura, id est, iure gentium id dari oporteat. *L. cum amplius, §. is non debet, D. de reg. iur.* Iure gentium dari oportet id, cuius debendi causa iure gentium & naturali ratione constituta est. Hæ causæ sunt duplices: quædam sunt causæ, ex quibus iure civili obligatio nunquam nascitur: tamen iure gentium ex iis dari æquum est. Quædam sunt, ex quibus

etiam iure civili actio & obligatio nascitur, sed quominus actio nascatur in ea causa, de qua agitur, aliquæ circumstantiæ extrinsecus intervenientes obstant. Prioris generis est pactum nudum: Ex pacto nudo iure civili non nascitur obligatio. *L. inirrogantium, §. sed cum nulla, & §. seq. D. de pact.* At pacto et promissum naturaliter debetur. *L. 5. §. Imp.* ubi diserte scribitur *D. de solut.* quia natura æquum est pacta servari. *L. 1. in pr. D. de pact.* Huius generis causa est manumissio patroni, propter quam fit, ut et patrono libertus naturaliter operas debeat. *L. si non sortem, §. libertus, D. eod.* Quæ res facit, ut si libertus, cum aliquas operas iure civili patrono non deberet, eas tanquam debitas patrono præstitit: repetere non possit, quia si non debuit iure civili, at natura debuit, ut in *eod. §.* scriptum est. Eiusdem generis est pietatis causa, cum scilicet pater, aut mater aliquid debet ex iis, quæ naturaliter parentes præstare debent liberis, cuius generis est, ut filios et alios, ut bonis moribus instituatur, ut filias elocent, & iis dent dotem. *L. si genero, C. de iure dot. L. quæ pater filio, D. famil. ercisc.* Proinde si pater materve, cum putaret, se dotem filie nomine iure civili debere, utpote, vel a se vel a maioribus promissam; si solverit, non repetet, quanvis revera iure non debuerit. Sublata enim iura civilis obligatione, manet pietatis causa, id est, obligatio naturalis, quæ soluti repetitionem inhibet. Hæc est species *L. cum is, §. mulier, D. eod.* Posterioris generis causæ sunt omnes hæ, ex quibus obligatio iure civili nascitur, sed in iis actionem vel remoratur dies adiectus, vel impedit contrahentis persona. Cum quid stipulanti tibi promissum, stipulatio est, ex qua iure civili actio nascitur. *§. de constituta, Instit. de act.* Sed si tibi promissum in diem, ante diem a me petere non potes. Quo fit, ut iure civili nondum hic sit ulla petitio. Sed non eo minus tibi statim debeo; quia certum est aliquando debitum iri, §. omnis, *Instit. de verb. obl. L. centesimis, in princ. D. de verb. obl.* Hoc debitum iure civili peti non potest, quia nondum petitio exstitit. Intelligi igitur oportet deberi natura. Hæc res facit, ut si is, qui in diem et promissum; ante diem solvat, live consolo solvet, live per errorem, dum putat se pure debere, non repetet. *L. in diem, D. eod.* Eiusdem generis ac dies est etiam, si quid sub conditione promissum fuerit, quum incerta sit natura hæc stipulatio. Veluti si promittam tibi

tibi, cum moriar, vel si moriar. Hic dies incertus est, atque adeo conditio est: incertum est enim, quando moriar. Sed quia certum est me moriturum, eiusmodi conditiones pro die habentur, non pro conditione; quoniam ex iis semper certum est, aliquando debitum iri. Proinde etiam, quod ante huiusmodi conditiones existentes solum erit, quavis per errorem, tanquam pure debitum solum sit, reperi non potest, *L. sub conditione, § duob. L. L. sequentib. D. eod.* Idem dicendum est, si supra scriptis causis intervenientibus persona contrahens impediat actionem; quis non sit ea persona, quae iure civili obligari possit. Talis est persona servi. Si quid si servus promiserit, iure civili non obligatur. *L. servi, D. de oblig. § est.* quoniam si servi, quod ad ius civile attinet, pro nullis habentur. *L. in personam L. quod attinet, D. de regul. iuris.* Sed si natura nihilominus homines sunt, proinde natura obligantur, sed natura tantum. *d. L. servi, D. de obl. § est. L. si quid dominus, D. de condit. indeb.* Hinc fit, ut si quis servi nomine solvat, aut manumissus solvat suo nomine, cesset repetitio; quia naturaliter debitum fuit. *L. naturaliter, D. eodem.* Talis est persona domini, si quid cum servo suo contrahat; natura enim homini deberi potest: iure civili servo deberi non potest, quia servus actionem iure civili habere non potest. Hoc genus debiti, si dominus manumissus solvat, quavis per errorem solvat, non repetit. *L. si quid dominus, D. eodem.* Talis est, persona si patris & filii, qui in patris potestate est, si quid alter cum altero contraxerit. Nam inter has personas propter patriam potestatem actio iure civili consistere non potest, quoniam statim acquireretur patri: non potest autem pater sibi ipsi debere. *L. his nulla, D. de iud. §. hi, qui in parent. Inst. de obl. quae ex delict.* sed nihilominus ut homines, non ut cives Romani ex contractibus suis obligantur alter alteri natura. Haec quoque res facit, ut si unus alteri si solverit, cum patria potestas iam sublata esset, solummodo repeti non possit. *L. frater a fratre, D. eod.* Talis est & persona pupilli, qui sine tutoris auctoritate quid stipulanti promisit. In hac promissione intervenit ea causa, ex qua iure civili actio nascitur: sed quo minus pupillus obligetur, pupilli persona facit; nihilominus tamen & in consensu pupilli inest obligatio naturalis ex pacto, si modo is intelligat, quod agitur. Itaque obligatur natura pupillus, non iure civili. Na-

tura obligari, haec argumenta sunt, quod ea obligatio novari potest. Non potuit autem si novari ea, quae non erant. *L. 1. D. de novat.* Item quoque el obligationi fideiusor accedere potest, quod fieri non posset, nisi subesset obligatio saltem naturalis. *L. si pupillus, de verb. obl. L. ult. in pr. D. de iurjur.* Si pupillus sine tutoris auctoritate promittendo, aut aliter contrahendo naturaliter obligatur; consequens est in hac quoque obligatione naturalis obligationis effectum esse oportere. Is autem effectus est inter ceteros, ut ex hac causa soluti non sit repetitio. *L. naturaliter, D. de obl. § est.* Proinde idem in hac causa dicemus, quod in obligatione naturali servi, ut si quis si pupilli nomine solverit, aut si pupillus maior factus solverit suo nomine, quavis per errorem solum sit; tamen repeti non possit, exemplo servi, de quo in *L. naturaliter, D. eod.* Et tamen idem pupillus aliis in locis aperte dicitur, nec natura obligari, & adiciatur, si solverit, repetere posse; quia nec natura debet, *L. quod pupillus, D. eod. L. pupillus, D. de obl. § est.* Haec ita concilianda sunt: si rem spectes, in re obligatio est, & pupillus naturaliter obligatur, cum contraxit, cuius rei effectus hic est: quod si alii ad hanc obligationem accesserint: obligatio in iis suum effectum habebit, veluti si quis ad eam obligationem fideiusor accesserit, tenebitur: si quis novandi animo idem promiserit, tenebitur; si quis pupilli nomine solverit, non repetet: qui omnes sunt effectus naturalis obligationis. At si persona ipsa pupilli spectetur, pupillus non obligatur, ne nomine quidem; quoniam pupillus in persona sua nullum effectum patitur obligationis. Non obligationis si civilis; quia iure civili sine tutoris auctoritate non obligatur. *Inst. de auctor. tut. L. obligari, D. de auct. tutor.* Non etiam obligationis naturalis; quia si ipse solverit, repetet, *d. L. pupillus, D. eod.* Sed cur repetit? Non quia in contractu eius non sit obligatio, sed quia persona locum facit repetitioni, ut dicitur scriptum est in *L. indebitum, D. eod.* Quod dicitur persona locum facere repetitioni; significat, si res ipsa spectetur, pupillum vere obligari naturaliter, sed personae eius non sit obligatio, sed quia nulla obligatione naturalis consistente, non personam locum facere repetitioni, sed causam, ut de exceptionibus dicitur in *L. 2. D. de except.* Atque haec causae sunt, ex quibus obligatio naturalis nascitur; sitque illud debitum, quod dicimus natu-

natura tantum deberi: quod eiusmodi est, ut in soluti repetitione vere debitum habeatur, & quod ita debitum solum est, repeti non possit, quacunque opinione, aut errore solventis solum sit: præterquam si pupillus solverit, de quo modo dictum est. Est tertium genus debiti, ut diximus, eius nimirum, quod civiliter tantum debetur, non natura. Id autem debitum est, quod † summo iure peti potest, sed cuius petitio per exceptionem perpetuam infirmetur. *L. 3. D. de constit. pec.* Si quis teneat, quæ sint exceptiones perpetuæ, idem, quid sit hoc genus debiti, intelligit. Exempli gratia: Stipulanti mihi promissit 10. iure civili teneris mihi ex stipulatione, & promissum peti potest. Quod si postea pactus sim, ne a te peterem, habes exceptionem pacti conventi, qua te tucaris; aut si me deferente iuraveris te non debere, habes exceptionem iurisdictionis; aut si com tecum indicio egissem, sententia iudicis absolutus sis, quasi non deberes: habes exceptionem rei iudicatæ, de quibus *in tit. inst. de excep.* Quod mihi ita debes, iure civili debes, possum enim iure summo a te petere: sed propter exceptionem, quæ tibi competit, non possum efficaciter a te petere. Exceptio autem ostendit, te natura non debere; quia exceptio tibi comparata est ideo, quia non sit æquum te condemnari, ut est *in tit. de except.* Hoc genus debiti verum debitum dicitur: re & effectu debitum non est, & ideo ex hac causa solum, ut indebitum reperi potest, ut mox dicetur pluribus. Non est autem ullo modo debitum, quia primo natura non debetur: quod exceptio adversus petitionem comparata ostendit. Deinde nec iure civili debetur, quia etsi peti potest; efficaciter tamen non potest, exceptione actionem removente. Unde regula iuris: nihil interesse, utrum quis actionem non habeat, an vero eam habeat, quæ per exceptionem infirmetur. *L. nihil interest, de reg. iur.* Si hoc genus efficaciter peti non potest, ne peti quidem dicendum est.

23 Verba † enim in L.L. cum effectu accipiuntur, non verbotenus. *L. 1. §. 1. D. quod quisque iur. L. penult. §. docere autem, D. ne quis eum, qui in iur.* Ex his intelligimus, duas esse species indebiti, de quo querimus. Una † est eius, quod omnino non debetur. Id autem est, cum nulla debendi causa præcessit, aut ea præcessit, quæ iure non valet, quod idem est: Veluti si solvam tibi, tanquam debeam ex causa stipulationis, & nulla stipulatio præcesserit, aut præcesserit, quæ

sit inutilis, quales describuntur sub titulo, *de inutil. stipul. Instit.* Altera species indebiti est eius, quod iure summo debetur & peti potest: sed petitio effectum non habet, quia per exceptionem perpetuam removetur. Utraque species duobus locis comprehensa est, quos tenere oportet. Prima in *L. si non fortem, §. indebitum, D. eod.* his verbis. *Indebitum † 15 solum intelligitur non solum, si pecunia omnimodo non debeatur: sed etiam si per aliquam perpetuam exceptionem peti non potuit.* Omnino non debetur, cuius debendi nulla causa est. Petitio per exceptionem infirmatur in his causis, quas supra dixi. Eiusdem rei definitio est in *L. ex iis omnibus, D. eod. Ex iis omnibus causis, quæ iure non valuerunt, aut non habuerunt effectum, secuta per errorem solutione, repetitio est.* Iure non valent, quæ sunt inutilis, ob id, quia deest aliq. quid, quod ius desiderat. Inutilismodi causæ explicantur in *d. tit. de inutil. stip.* Effectum autem non habent, quæ iure contractæ sunt, & ex quibus iure summo peti potest; sed petitio per exceptionem perpetuam infirmatur, ut dixi. De hac posteriore specie indebiti ex eodem fonte, & definitio generalis veterum nata est. Qui exceptionem perpetuam habet, solum † per errorem repetere potest. *L. qui 16 exceptionem, D. eod.* nempe quia solvit indebitum, ut supra ostendi. Sed in hac posteriore specie indebiti hoc servandum est, circa exceptionem, quam debitor habet, duo exigi. Primo, ut sit exceptio perpetua *d. L. qui exceptionem d. L. si non fortem, §. indebitum, D. eod.* Hoc ideo; quia quædam sunt exceptiones † 17 temporales, quæ debitorem non liberant, sed petitionem ad tempus differunt. *S. appellatur, lussit. de except.* Qui eiusmodi aliquam exceptionem habet, nihilominus vere debet, & ideo interim, si solvit, repetere non poterit. Veluti pactus sum a debitore meo, ne intra tres menses peterem: habet ille exceptionem pacti conventi, sed temporalem; si interim ille solvit, non repetit, *argumentum in L. in diem, D. eod.* Eiusdem generis exceptio est, quæ marito competit, ne dotis nomine conveniatur ultra: quam facere potest. *L. maritum, L. ex diverso, §. 1. G. ult. D. solut. matrim.* Sed & hæc exceptio temporalis est, & dilatoria, donec facultatis creverit, & solvendo esse incipiat. *L. unica, §. cum autem, infr. de rei uxor. act.* Ob hanc causam placet, si maritus † solverit ultra quam fa- 18 cere potest, cum solum repetere non possit.

posse. *L. nam & maritus, & L. quod nomine præced. D. eod.* Præterea in hac exceptione perpetua hoc etiam exigitur, ut qui exceptionem perpetuam habet, eam habeat sua causa comparatam. Quod si in odium creditoris ¶ comparata sit: debitor, qui hanc exceptionem habet, nihilominus debere intelligitur, & ideo si per errorem solverit, non repetit. *L. si bene in princ. d. L. qui exceptionem D. eod.* Exemplo est exceptio Macedoniani, ut traditur in *dist. L. qui exceptionem*. Senatusconsulto Macedoniano cavetur, ut si quis fœnerator pecuniam mutuam dederit filiofamilias, ne sit eius pecuniæ petiti-
 29 titio. Unde exceptio filiofamilias adversus creditorem. *L. 1. & tot. tit. D. ad Senatuscons. Macedon.* Fingamus filiofamilias solvere hanc pecuniam vel scientem, vel errantem, dum putat, se esse patremfamilias, & ideo iure civili teneri: dicemus quamvis hoc errore solverit; tamen eum repetere non posse, *d. L. qui exceptionem*. Cur? Quia hic exceptio non filiofamil. causa comparata est, sed odio fœneratoris, ut expressum est verbis Macedoniani *d. L. 1. ad Senatuscons. Macedon.* Est autem hæc ratio; quia qui hanc exceptionem habet, natura debet. Indicio est, quod exceptio non sit comparata; quia debitor non teneatur: sed quia fœneratorem lex aversevit: naturalis obligatio impedit indebiti repetitionem contra exceptionem. Quæ sunt igitur exceptiones perpetuæ ¶ quæ in odium creditoris comparatæ sunt? Respondetur. Una Macedo-
 30 niani: cæteræ debitorum causa comparatæ. Sunt enim comparatæ defendendorum reorum causa, ut est in *princ. de except. in princ.* Itaque etiam exceptiones rei iudicatæ, quas vulgo dicunt esse in odium creditorum comparatas, sunt debitorum etiam causa comparatæ, ac proinde eiusmodi, ut qui unam aliquam ex his habeat, non debeat, & si per errorem facti solverit, possit solum repetere. Huius sententiæ certissimum argumentum est in §. 1. *Infr. de except.* ubi dicitur, eum, qui exceptionem doli mali habet, tamen si summo iure teneatur: tamen non esse æquum eum condemnari. Quod æquum est, id æquum est natura. *L. pen. D. de inst. & inr.* Si natura æquum est, ne condemnetur, natura non tenetur.

Huc accedit, quod exceptio doli dicitur esse comparata propter æquitatem naturalem adversus subtilitatem iuris civilis, *L. 1. D. de dol. mal. except.* Quod de exceptione doli dicitur, idem de reliquis exceptionibus scriptum est in *cod. tit. de*

except. Fallit vulgo interpretes, *L. Iulianus, D. eod.* ubi dicitur, verum debitorem, si manente adhuc iudicio solverit, repetere non posse; quia nec absolutus, nec condemnatus posset repetere; quoniam & natura debitor manet: Non observant in hac *L. Iulianus* primum agi de vero debitore, id est, de eo, quem constet verum debitorem esse, & qui pro vero debitore solvit. Nos autem agimus de eo debitore, qui absolutus dicit, se non debere, & qui convinci non potest, quasi debeat; quia post rem iudicatam nihil amplius quaeritur *L. post. rem D. de re ind.*

Deinde non observant, agi in eadem lege de eo debitore, qui manente adhuc iudicio solvit, id est, de eo, qui solvit, cum exceptionem rei iudicatæ non haberet, nondum enim erat absolutus. Nos de eo loquimur, qui iam exceptionem rei iudicatæ partem habet, utpote absolutus, & finito iudicio solvit.

Ex quod dicitur, verum debitorem, si ve absolutus, si ve condemnatus esset, repetere non posse, hæc causa est; quia agitur de eo, qui antequam absolutus, aut condemnatus esset, solvit, id est, tunc, cum vere debitor esset & nullam exceptionem haberet. Nihil igitur ille locus de superiore definitione mutare debet. Non est satis ad repetitionem soluti indebitum solum esse. Tertium accedere oportet, ut per errorem solum sit. Qui sciens indebitum ¶ solvit, non repetit. *L. indebitum, infr. eod. L. 1. D. eod.* ideo quia certi iuris est, donatum repeti non posse, ut ante aliquoties diximus, *L. cum ancillam, L. si repetendi, infr. de condit. ob causam dat.* Qui autem sciens indebitum solvit, donare vult, *L. Campanus, D. de oper. libert.* Unde regula iuris. Cuius per errorem dati repetitio est, eius consilio dati donatio est, ac proinde nulla repetitio. *L. cuius per errorem, D. de reg. in.* Scienter autem qui solvit, donare velle intelligitur ex definitione tali, ut & ante diximus. Donari ¶ enim intelligitur, quod nullo iure cogente conceditur. *L. donare, de reg. iur.* Scit autem se nullo iure cogi ad solvendum, qui scit se non debere: proinde ad definitionem donationis pertinet. Quid si is, qui sciens indebitum solvit, hac mente sit, ut repetat, si postea indebitum esse aperte constiterit? Distinguendum est, si nominatim hac lege dedit, repetit. *L. 2. D. eod.* quia ut illic scribitur, negotium gestum est, id est, non est hæc nuda conventio, ut qui accipit indebitum, reddat: sed is, qui paciscitur reddi, id facit ea lege, ut
 sibi

sibi reddat: Do ut des, do ut facias. Negotium civile geritur inter hos, ex quo iure civili est præscriptis verbis actio. *L. naturalis, §. 1. & deinc. L. solent. D. de præscript. verb.* Sin autem is, qui inddebitum solvit, simpliciter solvit, nulla lege reddendi dicta, non repetit. *L. quod quis sciens, D. eod.* Non enim audietur, si dicat se hoc animo dedisse, ut repetat, cum eius rationi factum adversetur. Apparet enim ex facto & solutione eius simplici, eum simpliciter dedisse, non rependi animo. *argumentum in L. si rependi, infr. de cond. ob caus. dat.* Per errorem proprie solvere dicitur, qui omnino putat se debere, quod non debet. Quid igitur si non putet, sed dubitet & titubet animo, an quid debitum sit? Et placet idem iuris esse in dubitante, quod in errante, quod est constitutum in *L. ult. infra, hoc tit.* Quartum invenire oportet ad repetitionem soluti, ut solum sit per errorem facti, non iuris. *L. fideicommissum. L. si per ignorantiam, infr. hoc tit.* ubi de hae parte dicitur. Partibus definitionis expositis, intelligitur causa huius repetitionis; & quam sit vera definitio, quam posuimus. Huius definitionis una exceptio est, præterquam si inddebitum per errorem solum sit ex his causis, in quibus lis per insicionem crescit, quæ exceptio traditur in *L. ea, quæ. 4. infr. h. tit.* ubi explicabitur. Sed Accursius multo plures ponit, de quibus brevis dicemus, ut error communis a nobis videatur. Ac primum excipiunt, si quid ex causa iudicati solum sit, idque diserte tradi videtur in hae lege prima, ubi hæc verba sunt: *Indebita pecunia per errorem, non ex causa iudicati soluta repetitio est.* Quod ita accipiunt vulgo, quasi diceretur, inddebitæ pecuniæ per errorem solutæ repetitio est, nisi ex causa iudicati soluta sit: de quo breviter dicendum est, quod satis fit ad intelligentiam huius legis, & ad eius exceptionis, quam vulgo putant, rationem intelligendam. Sententia verissima est, pecuniæ ex causa iudicati solutæ repetitionem non esse, quanvis vere antea debita non fuerit. Exempli causa: Petii a te 10. quæ dicebam me dedisse mutua patri tuo, cui tu heres exististi: Cum negares, vel aliterolvere non velles; iudicio tecum egi, & probavi, vel chirographo patris tui, vel idoneis testibus, me illi decem mutuo aliquando dedisse. Cum nihil contradiceres, condemnatus es. Condemnatus ex causa iudicati mihi solvisti, dum putas etiam vere 10. illa debita fuisse

ex causa mutui, ut ego probavi. Deinde in instrumentis hereditariis reperta est apocha mea, vel instrumentum, quod ante aliquot annos proficeor, mihi 10. illa mutua soluta esse a patre tuo. Id cum tibi conflisset, repetere vis 10. indebita, per errorem soluta, & uteris definitione iuris noti de conditione indebiti. Consultus § 34 Imp. respondet, pecuniæ ex causa iudicati solutæ repetitionem non esse, etiam maxime antea indebita fuerit. Optima & evidentissima ratio; quia pecuniam quæ ex causa iudicati soluta est, neque indebita est, neque per errorem soluta, maxime debitam esse constat. Nam id debetur, quod ab invito exigipotest, actione iure constituta, quæ per exceptionem non infirmetur. *L. debitor, D. de verb. sign.* Talis est pecunia, quæ a condemnato ex causa iudicati debetur. Nam iudicio contrahitur, uti stipulatione. *L. 3. §. idem scribit, D. de pecul.* Adversus condemnatum actio iudicati iure constituta est. *L. miles, §. ult. D. de re iud.* Et eiusmodi hæc actio est, ut removeri nulla exceptione possit, quanvis dicas, te paratum esse docere, pecuniam indebitam petitam fuisse. Nam propter auctoritatem rerum iudicarum post rem iudicatam nihil amplius quaeritur, quam an iudicatum sit, sublatâ quaestione, an debeatur, necne *L. post rem, D. de re iud.* Est igitur hæc pecunia, quæ ex causa iudicati solvitur, vere & quasi iure debita. Quod si ego pecunia nondum soluta ultro tecum agere potui iudicati, ut eam solveres: multo magis pecunia mihi soluta exceptio mihi dabitur adversus te, si eam repetas. Cui datur § actio; multo magis possidenti ad rem 35 retinendam danda est exceptio, *L. invitatus, §. cui damus, D. de reg. iur.* Præterea, quod ex causa iudicati mihi solvisti, non solvisti per errorem, & ideo ad definitionem indebiti non pertinet. Nam per § errorem quisolvere dicitur, qui putat causam debendi subesse, quæ non subest. 36 Nunc autem in proposito causa iudicati vere subest, ex qua tu solvisti, & quidem sciens: quæ restertiam etiam exceptionem excludit. Est igitur, ut proposui, verissima hæc sententia, pecuniam a condemnato ex causa iudicati solutam, quanvis antea maxime indebitam, repeti non posse; quia neque indebita sit, neque soluta per errorem, eum causa vere subesset. Sed ut hæc sententia verissima est, ita valde erramus, si putamus, hanc esse exceptionem superioris definitionis. Nam definitio concepta est de indebito per errorem soluto. Quod autem ex causa iudicati solvitur, neque indebitum est, neque per errorem

rorem solvitur. Vulgo traditum, exceptionem semper esse debere de regula, & nisi verbis regulæ comprehendatur, ineptissimam & stultissimam eam habendam esse. Idque verum est. Nam exceptio est, quæ aliquid detrahit de regula. Non potest autem de regula detrahi, quod regula non continetur idem, ideo aliquid de regula excipitur, ne si exceptum non sit, sententia regulæ contineretur. Quod si verbis regulæ aliquid satis excluditur, valde stultum est, id alia oratione amplius excludi velle. Exempli causa: Omnes sciunt, cuiusmodi exceptiones esse ineptissimas: *Omnes agri T. lucis repeti possunt, exceptis pecoribus*. At pecora non sunt de agris, & quanvis de pecoribus nihil exceptum esset: tamen valde stultus esset, qui putaret pecora agrorum verbo contineri. Similis est & hæc exceptio, *lego omnes libros, qui sunt in bibliotheca, exceptis lapideis*. Postremo nemo non intelligit, valde stultam fore hanc exceptionem: si quis dicat, *indebita pecunie per errorem soluta repetitio est, nisi debeatur ex causa emptionis*. Iam stulta est hæc exceptio, *indebita pecunia per errorem soluta repetitio est, nisi ex causa iudicati soluta sit*. Nam quod debetur, non est indebitum. Definitio autem est de indebito. Quo verbo omnia debita satis aperte excluduntur. Non obstant verba huius legis. Nam in his verbis, *non ex causa iudicati soluta*, non continetur exceptio, sed adversativa oratio, pecuniam ex causa iudicati solutam distinguens a pecunia indebita per errorem soluta, quasi dictum esset, *indebita pecunia per errorem, non autem ex causa iudicati soluta*, repetitio est. Estque hic sensus: quoniam me consulis, an pecuniam, quam tanquam mutuam solvisti, repetere possis, si ex causa iudicati solvisti? Resp. Indebitæ pecuniæ per errorem solutæ repetitionem esse. At eius, quæ ex causa iudicati 37 † soluta est, non esse; quia hæc neque indebita est, neque a te per errorem soluta est. Nihil rectius excipiunt ex definitione superiore id, quod a te solvitur † ex causa iurisurandi. Veluti si in specie supra scripta te postulante iuravero, mihi decem mutua deberi; si ex hac causa solveris, non repetes. Sed hæc causa est; quia debuisti actione in factum ex causa iurisurandi adversus te constituta, §. *item si quis postulante, Instit. de action. L. actio, supr. de iureiurando. L. nemo postea. §. 1. D. de iureiurando*.

Proinde nihil hæc pecunia ad regulam pertinet, quæ est de indebito. Nihil melius excipitur ex superiore definitione pecunia † ex causa transactionis data. Nam 39 quæ ex causa transactionis datur, non ut indebita solvitur, sed datur ob causam futuram, ut a lite discedatur. Nec adversatur *L. 2. infra*. ubi ostenditur pecuniam ex causa transactionis datam ad aliam speciem pertinere, quam ad causam indebiti soluti. Quarto excipiunt ex superiore regula: si quod ex † causa pietatis solutum sit, ex *L. cum is, eni. §. mulier, D. eod.* Male hoc quoque. Nam regula est de indebito. Quod autem pietatis causa solvitur, debetur, ut supra ostendi. Idco ad regulam nihil pertinet, quinimo verbis regulæ aperte excluditur. Quinto excipiunt, si quis quid sciens † solvat, omnino imperite. Nam regula concepta est de indebito per errorem soluto. Plurimum autem certum est, scientem non errare. Quare definitio superior uti vera est, ita est perpetua, præterquam in una hæc specie, quam dixi, si quid solutum sit ex his causis, quæ crescunt in lite per inficiationem, *d. L. 4. inf.*

Postquam indebiti per errorem soluti repetitionem esse constat, proximus locus est, ut quæatur, quæ sit repetitio, seu † 42 quæ actio repetendi soluti causa? Ex hoc in principio huius *L.* comprehensum est, cum dicitur, repetitionem esse iure conditionis, id est, vi & potestate conditionis, quæ de indebito soluto repetendo constituta est. Hoc verbo admonemur, indebitum solutum repeti actione in personam. Nam actionum duo † genera sunt, 43 in rem & in personam. Quæ in rem, est vindicatio: quæ in personam, conditio in usu lris dicitur. *L. actionum, D. de obl. & act. §. appellamus, Instit. de act. §. sic itaque, Instit. de act. L. ult. D. usufruct. quemadmodum cau.* Ideo in *L. dominus, D. eod. de cond. indeb.* diserte scribitur, si quis nummos solutos non fecit accipientis, vindicari possunt, condici non possunt. Sed tunc solum condici, cum nummi ad accipientem pervenerunt. At qui indebitum per errorem solvit, non videtur in accipientem dominum transferre, sed potius dominus nummorum manere: proinde ei vindicatio dari debuit,

non

non conditio indebiti soluti. Dominium in accipientem non transferri demonstratur iis rebus, quæ necessariæ sunt ad dominium transferendum. His rebus ad dominium transferendum opus est; causa præcedens, & dantis & accipientis consensu; quorum utrumque in indebito soluto deest, ut videtur: Causa; quod indebitum solvitur: Consensus; quia solvitur ab errante. Hinc igitur argumenta duo, de quibus sigillatim respondebimus. Prius argumentum ducitur ex indebito, estque eiusmodi: Nunquam traditio dominium transfert, nisi iusta causa præcedat, ex qua traditio sequatur, *L. nunquam, D. de acquir. rer. domin.* At cum indebitum per errorem solvitur, nulla causa præcedit, ex qua traditio sequatur. Ideo enim indebitum dicitur; quia nulla subest debendi causa. Igitur indebiti per errorem soluti traditio dominium non transfert? Respondetur. Quod dicitur, nunquam traditionem dominium transferre, nisi causa præcesserit, ex qua traditio sequatur, sic accipiendum est: nisi causa præcesserit aut revera, aut opinione tradentis, qualis est opinio in eo, qui indebitum per errorem solvit. Alterutrum ex iis intervenire necesse est, sed alterum sufficit ad dominii translationem, si quis causam subesse putet, qua movetur, ut velit rem suam transferre, transferet. Generaliter enim tenendum est, voluntatem domini rem suam in alium transferre volentis ratam haberi oportere. *§. per traditionem, Instit. de rer. divis.* Sed ideo causa præcedens requiritur; quia non est satis dicere, aliquem voluisse transferre, nisi probetur eum voluisse. Voluntas autem declaratur ex causa præcedente. Nam quædam sunt causæ, ex quibus dominium non transfertur, veluti commodati, depositi, precarii, pignoris. Ex iis causis rem traditam transferri nemo dicit; quia ex causis præcedentibus apparet non transferri. In iis enim id agitur, ne transferatur. Sed quædam sunt, ex quibus dominium transfertur, ut emptionis, venditionis, donationis, legati, dotis. His causis præcedentibus, si ex iis res tradatur, ex iis æstimamus dominii translationem; quia sunt causæ ad transferendum dominium comparatæ. Ergo has causas requirimus; non quia ad substantiam dominii transferendi pertineant, sed quia pertineant ad probationem voluntatis transferendi. Quod si ita est: consequens est, si alio modo voluntas transferendi probari possit, quam ex his causis, voluntatem satis esse ad dominium transferendum; quia, ut posui-

Tom. VII.

mus, sola voluntas domini rem suam transferre volentis, rata habenda est; & quia in hoc casu posteriori eadem ratio est voluntatis. At dominus non minus rem suam transferre vult, cum putat se causam habere, cur transferat, quam cum revera causam habet. Ideo enim transferre vult ex hac causa; quia hanc causam subesse existimet. Ratio Celsi in *L. quod meo, §. si furioso in fin. de acquir. possess.* Alterum argumentum ducitur ab errore solventis, hoc modo: Quantumvis iusta causa transferendi, aut opinio iustæ causæ præcedat; nonquam tamen dominium transferri rei suæ transferri sine consensu *L. in omnibus rebus, D. de oblig. & actio.* At qui errat, non transferri consentit. *L. si per errorem, D. de iurisdict. L. 2. de iud.*

Proinde qui errans solvit, dominium rei solutæ non transfert. Respondebimus hic idem, quod initio fecimus; neminem errantem consentire nempe in eo, in quo errat. Nam longius progredi effectus erroris non debet, quam causa progreditur. Is, qui indebitum per errorem solvit, errat quidem, sed in causa solvendi, quia putat se debere, cum non debeat. In hac causa non consentire eum verum est, nec solutione sua eum causam confirmare, & ob hanc causam repetitio soluti illi competit. At in re, quam solvit, & in eius rei dominio non errat. Scit enim, quam rem solvat; scit quoque eius rei dominum esse. Proinde error eius legis non impedit, quo minus volens eam rem transferat; quoniam in eo nullus eius error est. Proinde transferet; quia velle eum transferre apparet etiam si falsa causa motus sit, ut vellet. Hinc solutioni opponitur sententia generalis *L. si procurator meus, D. de acquirend. rerum domin.* ubi in fine hæc definitio est. *Nemo enim errans rem suam amittit?* Respondeo. Illic agitur de eo, non qui errat in causa rei tradendæ, sed qui errat in dominio rei suæ. Proponitur enim procurator, qui rem suam, quam domini esse putat, vendidisset, dum vult gerere negotium domini sui, eamque rem tradidisset; placet eum rem suam non amittere. Optima ratio: Quia, ut diximus, sine consensu nemo dominium transfert. Nemo autem errans in dominio rei suæ consentit, ut id dominium transferat. Proinde hæc species ad præcedentem rationem recte transfertur, ut dicamus, errantem in dominio dominium non transferre. Ultra eam speciem definitio porrigi non debet. Ex si enim generaliter illic scriptum est: Neminem errantem rem suam amittere; tamen ex proposita hypo-

V v

hypo-

hypotheci sic accipiendum est, quasi dictum eilet, nomen in re sua errantem rem suam amittere. Generalis oratio subiecta, ex his, quæ prius dicta sunt, restringi debet, & ad quætionem propositam referri. Igitur hoc constitutum esse debet; eum, qui per errorem indebitum solvit; quia vult transferre, idcirco etiam revera transferre, ut vult. Ex quo efficitur, quod de actione quærimus, si ei aliqua actio danda est ad repetitionem soluti, non vindicationem ei dari posse, quæ datur solum domino: *L. in rem, D. de rei vind.* sed solum conditionem, id est, actionem in personam, ex qua est conditio indebiti, quæ de hoc genere repetitionis constituta est. Ultra autem actio competat, multum interest. Nam si vindicatio daretur, semper solventi res salva esset. Quavis enim ad innumeros possessores per manus pervenisset; tamen semper teneretur is, qui possidet; quoniam in rem actio adversus possessorem est. Nunc quia solum solventi actio in personam datur, multis modis accidere potest, ut illi res perierit. Nam conditio datur tantum adversus eum, cui quid solutum est, aut heredes eius. *L. actionum D. de oblig. & act.* adversus possessorem nunquam. Finge igitur, eum qui indebitum acceperit, rem bona fide vel donasse, vel vendidisse minime. Is, qui solvit; rem suam consequi non potest; quoniam nihil amplius potest repetere, quam quantum ad eum pervenit, qui accepit. Finge etiam eum, qui accepit, magno vendidisse, sed pretium consumpsisse, & non esse solvendo, res solventi omnino perierit, etiam si apud alios possessores maxime existit. Nam possessores convenire non potest, accipientem potest. Sed inanis est actio, quam excludit inopia debitoris. Nunc autem tantam solventi actionem in personam competere dicimus.

Causa actionis & genere constituto restat tertius locus hac lege comprehensus, quid in restitutionem huius conditionis, seu pecuniæ indebitæ solutæ veniat; quæ de hac definitio hoc loco est: Pecunia indebita soluta, ipsam pecuniam, quæ soluta est, reddi debere, sed solum reddi sine usuris. Quod dicitur, pecuniam ipsam reddi debere, quæ soluta est, non sic accipiendum est, quasi eadem species pecuniæ reddenda sit. Sufficit, si reddatur ex eodem genere tantundem. Nam cum pecunia datur, id accidit, quod in mutuo; ut si reddenda est, reddendum sit idem genus. *L. 2. in princ. D. si cert. pet.* Et hoc est quod dicitur in

L. quod indebitum D. de cond. ind. quod indebitum solutum est, aut idem restitui debere, aut tantundem. Idem restitui debet, cum species certa soluta est ex his rebus, quæ pondere, numero, mensura, ve non constant. Tantundem reddi debet, cum ea, quæ sunt ex hoc posteriore genere, soluta sunt; ut accidit & in mutuo, & in omnibus rebus, ubi hæc res datæ restituendæ sunt, *dist. L. 2. si cert. pet. L. res in dot. D. de iur. dot.* Sed si alia pecunia eiusdem generis reddi potest, modo dicitur reddi debere ea, quæ soluta est?

Respondetur optime; quia eæ res in suo genere functionem recipiunt, id est, idem mutuo præstant, ut qui aliam speciem eiusdem generis, & bonitatis reddidit, effectus & emolumento eandem reddere videatur, quæ accepta est *L. 2. §. 1. si cert. pet.* Quod dicitur, solum pecuniam indebitæ solutam reddi debere, non etiam eius pecuniæ usuras a tempore litis contestatæ, sumptum est ex iure & ratione omnium contractuum & actionum iuristi iuris communi. Nam si usuræ in strictis iudiciis non debentur citra stipulationem. *L. 3. infr. de usur.* In bonæ fidei iudiciis etiam ex mora debentur. *L. mora, §. in bonæ fid. D. de usur.* At qui indebitum solutum accipit, de usuris pecuniæ nihil promittit, quia nec promittit de ipsa pecunia, cum illam ut suam acceperit. Nec conditio indebiti bonæ fidei iudicium est. Non enim enumeratur inter hæc iudicia in *§. bonæ fide Inst. de act.* Sed tamen huic sententiæ opponitur definitio *L. lite, D. de usur.* Verba sunt hæc, *Lite contestata usurae currunt*, id est, si pecunia iudicio petita sit, & lis de ea pecunia constituta, eius pecuniæ usuræ currunt, citra exceptionem & distinctionem iudiciorum; nihil enim distinguitur. Responderetur. Non dicitur lite contestata usuras cedere, id est, incipere deberi, quæ significatio est verbi *cedere. L. cedere D. de verb. sig.* Sed dicitur usuras currere; dicuntur usuræ currere; quarum cursus non interpellatur. Est igitur definitio eius hic sensus. Pecuniæ iudicio petitæ, si antea usuræ debebantur, lite contestata deberi non desinent; sed ut ante, sic & postea current. Hunc autem esse sensum illius definitionis ex causa dubitandi intelligitur. Nam quæ ante litem contestatam usuræ debebantur, videntur lite contestata finire; quia iudicio novatio sit præcedentis obligationis. Hac novatione videtur prior obligatio tolli, obligatione si sublata, non potest usuris esse

locus

locus. *L. eos in princ. infr. de usur.* Hanc esse dubitationis causam indicat. *L. 1. supr. de iud.* Ubi responderetur, iudicio cepto non ideo obligationem, usurarum esse sublatam. Ratio responsi hæc est; quia litis contestationovationem quidem habet, sed eam, quæ actori profit, non nocet. Nemo enim debitorem ꝑ conditionem suam facit novando, seu litem contestando. *L. aliam, D. de novat.* Etiam superiori sententiæ adversari videtur exemplum fructuum in indebito soluto. Nam si alia species, quæ pondere, numero, mensurave non constat, indebita per errorem soluta sit: non tantum res soluta in restitutionem venit, sed etiam fructus. *L. indebiti, D. eod.* Proinde etiam videntur usuræ in restitutionem venire debere; quia usuræ vicem fructuum obtinent. *L. usura, D. de usur.* Hic duplex responsio parata est. Nam primo usuræ, quod vicem fructuum obtinent, non natura sit, sed negotiationis iure, & quia interdum iure ita constituitur. Certum enim est, pecuniæ nullum esse fructum. *L. usura, D. de verb. sig. L. si vacuit, D. de rei vind.* Fructus autem naturaliter ex re percipiuntur. Sunt igitur hæc dissimilia. Deinde quod certius est, & magis ad rem pertinet: Fructus ꝑ in conditionem indebiti veniunt, sed ii, qui sunt percepti ex re soluta. Non percepti non veniunt. *d. L. indebiti, D. eod.* Hic autem agimus de usuris non perceptis ab eo, a quo indebitum repetitur. Præterea si is pecuniam acceptam alii mutuum dedisset sub usuris: tamen eas usuras restituere non deberet; quia non percepit eas ex re debita, sed ex alia re, quam non debebat. Iam enim dixi, cum indebita pecunia solvitur, hanc ipsam reddi non debere, sed aliam eiusdem generis. Unde intelligitur, eam, quæ soluta est, deberi omnimodo debuisse. Hæc indebiti restitutio est, cum indebita pecunia, seu quantitas soluta est, ut hic dicitur. Longe alia causa est, si species indebita soluta sit, veluti fundus, ancilla, pecora & aliæ res mobiles inanimatæ. Itaque, quid in harum rerum conditionem veniat, cum indebitæ solutæ sunt, videndum est. Ac primum de rebus ipsis solutis non dubitatur, quin eadem ipsæ, ꝑ quæ solutæ sunt, reddi debeant, siquidem eas habeat is, cui solutæ sunt. *S. is quoque, Infit. quibus modis re contrah. oblig. L. indebiti D. de cond. indeb.* Sed non hæc res solum restituendæ sunt hac conditione, sed etiam generaliter omnia, quæ is, cui indebitum solutum est, per

Tom. VII.

causam & occasionem rei solutæ consecutus est, & in quibus factus est locupletior. Ius eo magis notandum, quia proprium & singulare est in iis conditionibus. In hoc genere rerum hæc continentur. Primo ea, quæ rei solutæ accesserunt, ut si fundo soluto aliquid accrevit per alluvionem. *L. indebiti, D. eodem.* Secundo loco, ea omnia, quæ ex re soluta nata sunt, cuiusmodi sunt fructus fundi, animalium scietus, ancillarum partus, mercedes rerum locatarum *d. L. indebiti. L. in summa, S. ei, qui pec. D. eod.* Tertio loco, ea, quæ extrinsecus obveniunt, per occasionem tamen rei solutæ: quo in numero est, pretium rei indebitæ, si is, qui indebitum acceperat, rem vendiderit.

Nam hoc quoque restitui debet. *L. si non forsem, S. libertus, circ. med. D. eodem.* Item servo indebito manumisso, operæ eius servi, quas manumissor consecutus est iure patronatus. Item hereditas liberti defuncti, quæ eodem iure ad manumissorem pervenit. *L. in summa, S. penult. D. eodem.* Postremo etiam in iis locupletior factus intelligitur is, qui indebitum acceperit, in quibus propter rem indebitam solutam factus est in suis rebus non pauperior. Exempla hæc sunt: Salvi tibi indebitum frumentum, frumentum consumpsisti, ita ut neque frumentum habeas, neque pretium frumenti, quia non vendidisti: tamen placet te mihi frumenti pretium restituere debere. *d. L. in summa, S. in frumento, pen. D. eodem.* Hoc eam rationem habet; quia si tu frumentum meum non accepisses, coactus esses de tuo emere fortasse ad 100. floren. In iis 100. factus es locupletior: propter frumentum tamen meum; quia nisi frumentum accepisses, tantundem de tuo impendere coactus esses, quæ idem nunc habes; quia non impendisti. Iude veterum regula, omnem locupletiolem ꝑ videri, qui in suo non est pauperior factus. *L. in pupillo, D. de solut.* Item solvi tibi ædes indebitas, eas ædes inhabitasti: placet te mihi non solum ædes restituere debere, sed etiam mercedem conductionis, quanti tu alias ædes, aut similes conducturus esses, *d. L. in summa, S. penult.* Quod eadem ratione defenditur, qua superius. Ex quibus partibus in unum collatis intelligimus, vere definiri, quod supra posuimus, cum qui speciem indebitam solutam accepit, non solum rem ipsam restituere debere quam accepit: sed etiam omnia, in quibus propter rem acceptam locupletior factus est. Sed quemadmodum

V v 2

hæc

hæc restituere debet, qui indebitum accepit, ita si is qui accepit, locupletior factus non sit, omnino non tenebitur, neque de re, neque de accessionibus. Exempla hæc sunt: Qui indebitum accepit rem, ranquam suam bona fide distraxit, sed minimo. Pretium solum refundere debet, quod accepit. Reliquum danti perierit. *d. L. si non fortem §. libertus, circ. med. D. eod.* Itemque servum indebitum accepit, pro suo eum manumisit, quod & facere potuit; quia vere fuit dominus: placet eum neque servum, neque servi pretium restituere debere, quia nentrum habet. Ut summa sit hæc: Eum, qui indebitam speciem accepit, conditione indebiti eatenus teneri, quatenus locupletior est. In iis, ut dixi, ius proprium in hac conditione diligenter notandum est. Singulare ius non est in eo, ut res reddatur, quæ exstat apud eum, qui accepit; sed in accessionibus, id est, in fructibus. Nam in cæteris actionibus stricti iudicii res promissa solum debetur. Fructus autem non veniunt in eam actionem, ne ex mora quidem. *L. videamus, §. si actionem D. de usur.* Cur ergo in hoc genere conditionis dissimiliter? Ratio in eodem. *§. si actionem* redditur: Quia in cæteris actionibus id persequimur, quod nostrum non fuit: veluti conditione ex stipulatu. At his conditionibus persequimur id, quod fuit nostrum, certe quod a nobis profectum fuit. Differentiæ ratio est in promptu: *Æquissimum est, neminem ꝑ eum iniuria nostra ex re nostra fieri locupletiores. L. nam hoc natura, D. eodem.* Proinde naturæ ratio hanc restitutionem suggestit in hoc genere restitutionum. Unde dicta est indebiti ꝑ restitutio esse naturalis; quia in ea circa restitutionem naturæ æquitatem sequimur. *d. L. indebiti D. eod.* Singulare quoque ius animadvertendum in pretio, quod is, qui indebitum accepit, consecutus est, ea re postea vendita. Nam si mihi Stichum ex stipulatu debeas, aut quavis alia actione, & eum Sti-

chum vendideris, & pretium sis consecutus, deinde sine mora tua is Stichus perierit apud emptorem: interitum Stichum liberaris: ut neque Stichum debeas, qui non est, neque pretium, quod non debebas; & quod natum est, non est ex re, sed ex negotiatione tua. *L. venditor ex hereditate, D. de hered. vel action. vendita.* Quod contra fieri dicimus in hac conditione. Id autem eadem ratione defenditur, qua superius. Quia non est æquum, te locupletiores fieri ex eo, quod meum fuit. Præterea & in re indebita soluta, quam is, qui acceperat, postea amisit, hoc ius proprium & singulare est: quod eius rei æstimationem non debet, qui eam amisit, quanvis ea res adhuc exisset apud alios possessores. Veluti si minimo distraherit, aut donaverit, aut servum acceptum manumiserit, hoc inquam, singulare ius est. Nam si quis ex aliis causis aliquam speciem debeat, quandiu ea species existat, non liberatur; sed semper rem debeat, si præstari potest. Si non potest, debeat æstimationem. *L. si domus, §. qui confisetur, D. de L. 1.* Cur rursum in hac conditione dissimiliter constituitur? Optima ratione; quia iam diximus, non tantum rem indebitam solutam restitui debere ei, qui solvit, sed etiam omnia emolumenta, quæ ex ea re obveniant. Regula naturæ dicitur, ut ad quem alicuius rei ꝑ lucrum pertinet, ad eum quoque dispendium pertineat. *L. si ea res, D. de action. empt.* Hæc non tractantur in pecunia indebita soluta; quia quod ad pecuniam solutam attinet, ea nunquam perire potest, propterea quod ea soluta, genus debeat, non certa species. *L. incendium, supr. si cert. petat.* Deinde pecuniæ nulli sunt fructus, nullæ accessiones naturales. Denique nullæ, quæ percipiuntur ex genere debito. Merito de iis de rebus in pecunia indebita nihil dicimus, & solum generaliter definimus, quod hoc loco traditur, indebitam quantitatem solutam solam in restitutionem venire.



Ad L. Si citra. 2.

Imp. Antoninus Secundinæ.

Si citra ullam transactionem pecuniam indebitam alieno creditori promittere delegata es: adversus eam, quæ te delegavit, conditionem habere potes. PP. XIV. Kal. Januar. Antonino A. IV. & Balbino Coss.

S U M M A R I A.

1. *Delegatio quomodo fiat.*
2. *Pecunia per errorem soluta a delegato debitore an repeti possit, & a quo & n. seq.*
3. *Pecunia, mandato, & voluntate mea alteri data, hoc ipso, mihi data videtur.*
4. *Quid si debitor delegatus nondum solverit creditori delegantis: an poterit in proposita specie condicere a delegante sui obligationem.*
5. *Quid si a delegato indebitum sit solutum transactionis causa.*

Habebam creditorem, cui debebam 100. Habebam etiam Secundinam quandam pro debitrice, quæ putabat se tantundem mihi debere. Eam ego delegavi debitori meo, id est, eam vice mea creditori meo dedi eam. *L. delegare, D. de novat.* Hæc tibi delegatio fit hoc modo, ut hæc mulier stipulanti creditori meo promittat eam quantitatē, quæ in stipulationem deducta est, idque novationis animo. Quæ ex re fit, ut statim ego a creditore meo liberer novationis iure. Illa autem creditori sola maneat obligata. Hæc de delegatione ita traduntur in *L. 1. & L. 3. in fin. infr. de novat. & deleg.* Mulier postea comperit, se eam pecuniam mihi non debuisse, & ita errantem se eam pecuniam creditori meo ex delegatione promississe; quam tamen ei creditori solvit. Quæritur, an tibi eam pecuniam possit repetere, & a quo. Primo, hoc certum esse debet, eam non posse repetere eam pecuniam a creditore meo, cui delegata est. Nam hinc pecuniam solvit, sed debitam. Præ enim illam promiserat stipulanti. Ex stipulatione iure civili obligatur, qui promissit. *§. de constituta, Inst. de act.* Itaque in hoc rescripto consulto de creditore nihil dicitur, & usque adeo pecunia creditori huic soluta condici non potest: ut si ea soluta adhuc non esset; tamen nro creditor actionem adversus delegatam haberet, nec debetrix ulla exceptione defenderetur; quoniam creditor vere suum petit, & ideo sine dolo malo. *L. pure, §. si cum, D. de dol. mal. except. L. doli, D. de novat.* Ac rursum

non videtur ea mulier a me eam pecuniam condicere posse. Nam mulier solvit indebitum, sed mihi non solvit. Non tenetur autem conditione indebiti ad restituendum, nisi qui ipse indebitum accepit. *L. his solis, D. eod. §. is quoque, Inst. quib. mod. re contr. obl. atque hinc dubitandi causa.* Respondetur. Mulierem recte a me pecuniam condicendam. Optima ratio: Quia mihi solvisse intelligitur: ut ad conditionem utrumque concurrat, quod necesse est, & quod indebitum solvit & quod mihi ea pecunia soluta est: nihil ad rem pertinet, quod ea pecunia creditori meo numerata est. Nam hoc ipso mihi ³ data esse videtur, quod mandato & voluntate mea alii data est. *L. solutum, D. de solut. L. restituta, D. ad Trebell.* Plus dicimus, si meo nomine pecunia soluta esset creditori meo, & ego postea solutionem eam ratam haberem: perinde haberi deberet, atque si mihi soluta esset. Quæ res facit, ut si is, qui solvit mihi, non debuerit, sed solverit per errorem; ego solus illi conditione tenear, non is, qui accepit. *L. 6. D. eod.* Quid si tibi hæc ⁴ mulier Secundina nondum solvit creditori meo? Respondetur. Nihilominus conditione indebiti adversus me uti potest, non ut pecuniam repetat, quam nondum solvit, sed ut repetat, quod per delegationem contulit, nempe obligationem sui. Itaque in hoc ager, ut ego eam liberem a creditore meo. *L. 4. infr. de cond. ob. caus. dat. ubi plura dicentur.*

Sed hæc ita sunt, hæc mulier citra transactionem creditori meo delegata est. Ut hic

hic scribitur. Nam si prius \dagger inter nos esset controversia, an ea mulier mihi deberet, deinde placnerit transigendi animo, ut ea mihi pecuniam in praesentia non daret, sed eam pecuniam promitteret creditori meo: hoc casu si creditori solvat, a me non repetet, quanvis prius revera mihi nihil debuerit, idque ex apocha mea cœperit constare. Ratio hæc est. Quia quod transactionis nomine datur, id datur ob hanc causam, ut ego a lite discedam. Si discedo, causa sequitur, propter quam pecunia soluta est. Causa secuta cessat dati petitio. Quod si iam eam mulierem liberavi per acceptilationem, ita

ut iam nulla lis esse possit; quidquid iulus transactionis nomine postea dedit, debitum dedit, & ob hanc causam, neque in hanc partem, neque in priorem repetere potest. *L. in summa, vers. 2. D. cod.* Neque tamen hæc species excipi debuit ex regula generali de conditione indebiti soluti; quia regula concepta est de indebito, & de soluto. Quod autem transactionis nomine datur, si ob causam futuram datur, non solvitur: si ob causam iam præteritam datur, solvitur, sed debitum. Ita nunquam hæc species ad superiorem regulam pertinet, proinde stulte ab ea excipitur.

Ad L. Cum & soluta. 3.

Imp. Dioclet. & Maximian. AA. & CC. Pamphilo.

Cum & soluta indebita quantitas ab ignorante repeti possit: multo facilius quantitatis indebitæ interpositæ scripturæ conditio competit, vel doli exceptio agentis opponitur. S. III. Non. April. Byzantii AA. Coss.

S U M M A R I A.

1. *Indebitum per errorem promissum, aut chirographo cautum, an repeti possit, & quatenus.*

2. *Et qua conditione.*
3. *Et an etiam exceptione.*

Indebitum per errorem solum condici posse constat. *L. 1. hoc tit.* Quid, si quis \dagger indebitum per errorem non solverit, sed promiserit, aut chirographo caverit, an huic quoque consulendum est? Et respondetur, huic multo magis hic consulendum esse. Merito; quia plus est indebitum solvere, quam promittere, aut cavere. Et tamen si quis indebitum ultro solverit, is indebitum repetere potest: proinde multo magis promittenti adversus cautionem consulti oportet. Non debet, cui quod plus est licet, quod minus est, non licere. *L. non debet cui, D. de regul. iuris.* Itaque ei, qui indebitum cavuit, duplici via hoc rescritto consulitur: utraque ex iure communi sumpta. Consultitur & conditione, & exceptione. Qui indebitum per errorem cavuit, conditionem habet, cuius rei causa chirographi & cautionis emissæ nomine agit, ut sibi chirographum suum reddatur; & si novam obligationem interposuit, agit, ut liberetur. *argum. in L. 4. de condit. ob causam dat.* Quid si creditor, cum quo agitur, chirographum non reddat, aut pro-

missorem obligatione non liberet? Respondetur. Id faciendum est, quod est in iure omnium obligationum, quæ sunt in faciundo. Reus, qui non facit, quod facere debet, condemnatur in id, quod interest. *L. si quis ab alio. S. ult. de re iudic. L. stipulationes non divid. vers. Celsus. de verb. oblig.* Tanti autem in proposito chirographum condicentis, aut liberationem petentis interest; quantum creditori solvere cogitur. Proinde creditor, cum quo agitur, in tantam pecuniam condemnatur: *L. si quis mandato, de negot. gest.* Sed quæ \dagger erit hæc conditio chirographum & cautionem repetenti? Respondetur. Non indebiti conditio; tamen hoc rescritto sub *L. 1. de cond. indebit.* situm sit. Nam conditione indebiti non repetitur, nisi quod tanquam debitum solum est. Qui autem chirographum & cautionem exponit falso creditori suo, exponit volens, non quia id facere debeat. Pecuniam enim debuit, non chirographum, etiam si vere pecuniam debuisset: sed erit conditio sine causa. Cavuit enim ex ea causa, quæ non est. *L. 2. & L. ult.*

ult. inf. de cond. ex lege. Sed rescriptum sub hoc titulo collatum est; quia utitur rescriptum argumento conditionis indebiti soluti. Quod si is, qui chirographum indebitæ pecuniæ emisit, nolit ultro agere, ut sibi chirographum reddatur, sed velit expectare, dum pecunia a se petatur ex eo chirographo, habet doll mali exceptionem, si ex eo chirographo conveniri coepit. Huius rei ratio rursum ducitur ex regula iuris; quia si hic, qui pecuniam chirographo cavit, ultro eam sol-

visset per errorem, haberet conditionem ad eam pecuniam repetendam. Ergo multo magis pecunia nondum soluta habebit exceptionem, ne eamolvere cogatur. Cui datur iure actio, ei possidentis multo magis exceptio competit. *L. invitus, §. 1. de R. I.* Est autem hic exceptio doli, ut rescripto comprehensum est. Quia actor, qui indebitum petit, dolo facit id petens, quod si consecutus esset, statim restituere deberet per indebiti conditionem. *L. dolo, D. de dol. mal. excep.*

Ad L. Ea, quæ 4.

Idem AA. & CC. Heraclio.

Ea, quæ per inficiationem in lite crescunt, ab ignorante etiam indebita soluta repeti non posse, certissimi iuris est. Sed si cautio indebitæ pecuniæ ex eadem causa interponatur: conditioni locum non esse constat. S. V. Id. April. Byzantii. AA. Coss.

S U M M A R I A.

1. *Res quomodo crescunt per inficiationem?*
2. *Res & lis quibus in causis per inficiationem crescat?*
3. *Soluti per errorem ex superioribus causis non esse repetitionem.*
4. *At soluti per errorem ex aliis causis, quæ veniunt ex delicto datur repetitio.*
5. *Differentia ratio explicatur. Contrariis occurritur n. 7.*
6. *Actio cur ex L. Aquila adversus consentem in simplum constituitur, non adversus eum, qui damnum dedit?*
7. *An qui ex superioribus causis indebitum per errorem caverit, cum effectu teneatur: Contrariis obviatur n. 9.*

Res dicuntur crescere per inficiationem, quæ petuntur a consentente in simplum. Adversus inficiantem autem petitio duplicatur ex inficiatione. In summa si res crescunt per inficiationem, cum earum rerum actio in simplum constituitur adversus consententem: adversus inficiantem autem in duplum, *§. sed furti, Institut. de act. L. inde Neratius, §. hæc actio, D. ad L. Aquil.* In his rebus dicitur crescere res in lite, quia crescit adversus eum, qui inficiando mavult litigare, quam confiteri &olvere. Eodem sensu dicitur in iis rebus lis crescere per inficiationem in *§. ult. Institut. de oblig. quæ ex quas contr. Lis, Id est, actio. L. lisis, de verb. signif.* Nam revera actio ex inficiatione duplicatur in iis rebus, ut est in *d. §. sed furti.* Hoc modo si res & lis per inficiationem crescit tribus in causis. Pri-

mo in actione de damno dato ex L. Aquila, *d. L. inde Neratius, §. hæc actio, D. ad L. Aquil.* Deinde in actione depositi ex incendiis, ruinæ, naufragiis, tumultus causa. *L. de eo, D. de pos. Postremo in iis legatis, quæ ecclesiæ, seu venerabilibus locis, relicta sunt, §. ultim. Institut. de oblig. quæ ex quas contr.* Tres autem hæc causæ uno loco comprehensæ sunt a Iuliano in *d. §. sed furti, Instit. de act.* Ex iis si causis, sic veteres definiunt, Si quis quid per errorem solverit, quod non debebat, soluti repetitionem non esse. Exstat hæc definitio in *d. §. ultim. Instit. de oblig. quæ aliis verbis eadem tamen sententia hic traditur. Exempli causa.* Cum ego telum emissem, bos occisus est. Ego convenior a domino bovis actione legis Aquiliæ, de damno dato, quod dicat, bovem suum

suum eo ictu occisum esse: si vere occisus esset, citra dubitationem ego teneor lege Aquilia. Nec ad rem pertinet, quod incogitans feci. Nam in L. Aquilia coercetur etiam levissima culpa eius, qui damnum dedit. *L. si putator, L. lege Aquilia D. ad L. Aquil.* Ego cum nescire, an meo ictu occisus esset bos, necne, veritus, ne si inficiarer, dupli poenam subirem ex L. Aquilia, quae poena constituta est adversus inficiantem: simplum malui praestare, quam in incerto duplum postea pendere. Deinde compertum est, eum bovem ab alio occisum esse, non meo ictu. Quæro, an possim indebitum per errorem a me solum repetere? Non possum. Idque ex hac regula veterum efficitur. Hic opponuntur aliae actiones, quæ ex delictis nascuntur & constituuntur, vel in duplum omnino, vel etiam in quadruplum. Nam ex his 7 causis, si per errorem indebitum solvo, possum repetere. *L. eleganter, §. ult. D. cod. Exempli gratia:* Furti nec manifesti poena dupli constituta est adversus furem nec manifestum *§. in duplum, & d. L. sed furti, Infl. de all.* Ego ex furto filii mei convenior, & nolo filium meum infamem fieri, aut convenior ex furto decessoris mei, eum puerum me vere conveniri, aut dubitarem, an vere furtum factum esset, duplum solvi petenti. Deinde compertum est, furtum factum non esse a filio meo, aut a decessore meo: placet me indebitum ex hac causa solum per errorem repetere posse. Atqui multo gravius est furti crimen, quam damni dati. Nam furtum sine dolo non committitur: damnum ab incogitante dari potest, & quodcumque damnum culpa datum est, lege Aquilia vindicatur. Quare si ex causa gravius delicti indebitum solum repetere licet: multo magis licere debuit indebitum solum ex causa minoris delicti, *arg. in d. L. non debet, cui, de R. I.* Differentia harum causarum redditur in *d. §. sed furti, Infl. de all.* Inter has causas hoc interest, quod in tribus illis causis, quas supra posuimus, actio quidem constituitur in duplum, sed ex post facto, non ab initio, id est, ex inficiatione eius, cum quo agitur. In actione autem furti & similibus in quibus poena est dupli, aut quadrupli constituta, eiusmodi poena ab initio constituitur adversus eum, qui furtum fecit. Sed nondum hoc responsio obiectio tollitur. Manet enim prior obiectio: Gravius esse delictum furti, quam damni dati. Item quid interest, utrum actio ab initio in duplum detur, an vero adversus inficiantem?

haque huius iuris ratio ab omnibus diu & multum quaesita est. Ratio 7 differentiae ex sententia legis ducitur, si quis diligenter attendat; quod ut in cæteris causis intelligatur, utemur veterum exemplo actione legis Aquiliae. Lege Aquilia actio in duplum datur adversus inficiantem. Actione in duplum ita constituta, necesse est sub contraria conditione actionem constitui in simplum adversus confidentem: idque ita lege factum est. Nam hac lege actio in confidentem in simplum datur; adversus inficiantem in duplum. Sic verba sunt *L. inde Neratius, §. hac actio, ad L. Aquil.* his verbis, actionem in simplum adversus confidentem dari, efficitur, eum, qui conficitur damnum a se datum esse, damni æstimationem ex L. Aquilia debere, sive damnum dederit, sive non dederit; quia lex confidentem notat, non facientem. Id autem intelligitur ex definitione *debiti, & debitoris*. Nam si vere debitor intelligitur, adversus quem actio constituta est, per quam pecunia ab invito exigi possit, *L. debitor, D. de verb. signif.* Hac autem lege actio de damno constituitur non adversus facientem, sed adversus confidentem. Ergo, qui conficitur ex hac causa, L. Aquilia tenetur; & quia tenetur, debet. Proinde ex hac confessione solum repetere non potest; quia de sententia legis debitum solvit. At in actione furti & similibus, in quibus actio dupli, aut quadrupli constituitur, observandum est, actionem non constitui adversus eum qui conficitur, se fecisse furtum; sed adversus eum qui furtum fecit. Proinde ex verbis legis is solus tenetur iis actionibus, qui facit, sive fateatur se fecisse, sive neget. Is autem, qui non fecit, non tenetur. Proinde si solvit per errorem, repetet; quia indebitum solvit. Sed cur ex L. Aquilia constituitur 7 actio in simplum adversus confidentem; non adversus eum, qui damnum dedit. Quid enim opus est coercere eum, qui conficitur, si damnum non dedit, eum de damno dato agatur? Respon. Id requisitum constitutum est, ut si inficiaretur, dupli poenam subiret. Ut autem ex inficiatione dupli poenam subeat, idcirco cayum est, ut is, qui damnum passus est, primo quoque tempore damni æstimationem consequeretur, quatenus sine fraude & iniuria adversarii id facere liceret. Id autem ita facile consequimur, si poena constituitur adversus inficiationem eius eum quo agitur. Nam is poenam dupli metuens mavult statim confiteri. Nec fit illi iniuria, si confiteri cogitur, & ex inficiatione du-
pli

pli poenam fufeipit. Nam ſi vere damnum dedit, ſponte debuit conſiteri & præſtare æſtimationem. Si non dedit, & nihilominus ſimplum ſolvit, de ſequenti debet: liebat enim negare. Quod ſi de factio ineerto, aut alieno agitur, de quo certum ſeiri non poteſt, licet ei neque conſiteri, neque negare. Præterea licet ei evitare dupli poenam, ſi ſolvat ſimplum nominatim lege adieſta: ut ſi paruerit, poſtea damnum datum non eſſe, pecunia reddatur. Nam hoc caſu negotium geritur inter tantam & accipientem. *L. 2.*

7 *Dig. eodem de cond. ind.* Sed † ſuperiori rationi videntur refragari verba definitionis hic propoſitæ. Nam definitio loquitur de eo, quod indebitum ex iis cauſis ſolutum eſt. Nos autem ideo non repeti dicimus; quia debitum ſolutum ſit. Reſpondetur. Quod ex iis cauſis a conſistente ſolvitur, diverſis rationibus recte indebitum & debitum dici poteſt. Si cauſam & originem conſeſſionis, ex qua origine agitur, ſpectamus: indebitum ſolvitur ab eo, qui per errorem ſolvit, quantumvis conſiens ſolvat. Sin ſpectamus conſeſſionem ſolventis: ex ſententia legis debitum quodammodo ſolvitur; quoniam ſolvitur ab eo, adverſus quem actio ex lege conſtituta. Conſtitueretur enim in conſentem.

8 Hoc poſito, ex ſupra ſcriptis cauſis indebitum per errorem ſolutum repeti non poſſe: quaſitum eſt, † an ſi quis ex iſſdem cauſis indebitum per errorem eaverit, an teneatur. Caverit, id eſt, ſtipulanti promiſerit. Nam cautio ſtipulatio eſt, vel promiſſio per ſtipulationem interpoſita. *L. ſancimus D. de verb. ſign.* Ex conſtat, eum, qui ſtipulanti promittit, iure civili obligari. *§. de conſtituta, Inſtit. de act.* Sed an ei exceptio dabitur, ne eum effectum teneatur? Et videtur, ei exceptio-

nem doli mali competere; quoniam petitur ex ea ſtipulatione, qua ſine cauſa interpoſita eſt: adverſus huiusmodi petitiones ſemper doli mali exceptio competit. *L. 2. §. circa, D. de doli. mal. exc.* Et hoc ſcriptum eſt, eum, qui ex iis cauſis indebitum promiſit, æque efficaçiter obligari. Ratio eadem eſt, quæ in eo, quod ex iis cauſis ſolutum eſt. Nam in promittente & conſeſſio eſt, ut & in ſolvente: & conſeſſio ex lege conſentem obligat; quoniam, ut dixi, in conſentem conſtituitur actio. Ita qui ex hæ cauſis quid promittit, debitum promittere videtur. Hic † opponimus *L. ult. D. de Senatuſc. Maced.* Nam ſi filius mutuam pecuniam acceperit, hanc natura debet tamen iure civili non debeat. Et ideo placeet, ſi paterfamilias factus eam pecuniam per errorem ſolverit, eum non poſſe repetere. *L. ſed ſi paterfamil. §. ult. & L. ſeq. D. ad Senatuſc. Maced.* Et tamen ſi idem paterfamilias factus eam pecuniam per errorem promiſerit, non tenetur propter doli exceptionem. Proinde idem & in hæ ſpecie dicendum videtur. Nam filiuſfamil. non minus pecuniam hanc debitam ſolvit; quoniam iſ debitum ſolvere intelligitur, qui ex ſupraſcriptis cauſis indebitum per errorem ſolvit. Reſp. Diſſimilia ſunt hæc. Nam filiuſfam. eum pecuniam mutuam ſibi datam promittit, id promittit, quod iure civili non debet propter exceptionem Senatuſconſ. & ideo ſi per errorem promittit, luſtus error ei nocere non debet, ut ab eo peti poſſit, quod ante ab eo peti non poterat. At qui promittit ex iis cauſis, in quibus iſ per inſciationem ereſcit, id promittit, quod propter conſeſſionem deberi cæpit, ideo plane debitum ex ſententia legis promittit.



Ad L. Si a patre. §.

Idem AA. & CC. Attalo.

Si a patre emancipatus, ei non intra tempora præstituta iure honorario successisset: quidquid indebitum postea per errorem (supote patris successor) dedisset, eius conditionem tibi competere, non est incerti iuris. S. XIV. Kal. Maii AA. Coss.

S U M M A R I A.

1. *Heres qui non est, si falso se heredem existimans creditoribus ut successor defuncti solverit, an postea & comperito errore possit indebitum condicere creditoribus, quibus solvit?*
2. *Contrarii & pugnantes invicem loci, qui sunt & quomodo conciliandi & n. 3.*
4. *Quæ fuerit emancipatorum causa in successione de iure veteri & quomodo a Justiniano commutata.*
5. *Quæ superiorum verborum intra tempora præstituta vis & significatio.*
6. *Heres, si intra tempus præstitutum hereditatem non adierit, excluditur, & fit locus sequentibus gradibus ex editto de iure deliberrandi.*

Heres defuncto succedendo, ut commoda, sic incommoda omnia hereditaria succipit. *L. 1. & 2. D. de bon. poss.* Ideoque & obligatur creditoribus hereditariis. *L. more, D. de acquir. hered.* Quod si quis heres non est, is creditoribus hereditariis non tenetur, ne si legatarius quidem sit. Solos enim heredes huic rei obnoxios lex facit. *L. ultim. infra, de hered. att.* Unde intelligitur: Eum, qui heres non est, creditoribus hereditariis nihil debere: Proinde si iis solvat, eum indebitum solvere. Quæsitum est igitur, si quis cum \dagger heres non esset, falso se heredem existimans, creditoribus ut successor defuncti solverit, an postea comperito errore possit indebitum condicere creditoribus, quibus solvit? Movet dubitationem, quod si persona solventis spectetur, indebitum solum est: si creditorum, solum est debitum. Nam iis vere debebatur. Et placet hic solventi repetitionem dari. Itaque efficitur ea definitione, quæ traditur in *L. si pater, §. 1. D. eodem*. Si quis heredem se esse falso existimans solverit creditoribus hereditariis, eum soluti repetitionem habere; quia ut sit repetitio, satis sit, si is, qui solvit, non debeat; etiam si ei, cui solvitur, ab alio debeatur. Idem generalius traditur in *L. in summa, in fin. D. eodem*.

Sed hæc sententia \dagger videtur habere repugnantes locos. Nam alibi hæc definitio generalis traditur: Repetitionem nullam esse ab eo, qui suum recipit; tamen ab alio, quam a vero debitore solum sit. *L. repetitio, D. eod. & L. de hereditate, supr. de petit. hered.* In qua *L.* posteriori hoc accedit ad dubitationem, quod hæc regula traditur in eo herede, qui falso existimans se heredem esse, solvit creditoribus. Nec est, quod ad has definitiones conciliandas eo confugiamus, ut quidam fecerunt: ut dicamus, repetitionem nullam esse ab eo, qui suum, id est, rem domini sui recipit. Nam in hac definitione, suum, non significat, quod est in dominio alicuius, sed significat debitum. Subiicitur enim in *d. L. repetitio*, id esse solum a debitore. Debitor & debitum coniugata sunt: si solvitur, quod a vero debitore solvi potuit, debitum solvitur, proinde & debitum recipitur. Deinde in *L. si non sortem, §. libertus, in fin. D. eod.* hæc verba: *Qui suum recipit*, Ulpianus interpretatur nominatim de eo, qui sibi debitum recipit.

Vera est ad hæc \dagger concilianda distinctio communiter recepta, ut dicamus, si quis per errorem indebitum solverit vero creditori, repetitionem esse solventi, si modo suo nomine solverit. Sic enim fit, ut qui

qui solvit, indebitum solvat, ac proinde solum repetit. Quæ pars probatur in *L. cum quis, §. de pecul. in fin. D. de solut.* Et huc referri debet exemplum eius, qui falso se heredem existimans solvit creditoribus hereditariis. Nam hic dum se heredem putat, vere suo nomine solvit. Idque est, quod dicitur in *d. L. cum quis, §. de pecul.* Quod autem dicitur, repetitionem nullam esse ab eo, qui suum sibi debitum recipit, sic intelligendum est, si ei nomine veri debitoris solum sit. Hanc partem Ulpianus rursus sic interpretatur *L. si cum sortem, §. libertus, in fin. D. eodem.* Non obstat, quod definitio generaliter ita concepta est: Nulla repetitio est ab eo, qui suum recipit. Nam is solus suum recipere dicendus est, qui aut ab ipso debitore recipit, aut ab alio recipit, nomine debitoris. Cum autem neutrum horum sit, non potest dici recipere debitum; quia ad debiti substantiam non est satis, unum esse, cui debeatur, sed oportet etiam esse, qui debeat. At nullus est, qui debeat, cuius nomine solvatur, cum is, qui non debuit, suo nomine solvit: Non obstat *L. hereditate, supr. de petit. hered.* quæ heredi falso existimanti se heredem esse & solventi creditoribus, denegat conditionem indebiti. Nam in ea specie agitur de eo possessore, qui petitione hereditatis iam instituta solvit, post quod tempus cepit dubitare, an esset heres. Unde intelligitur, si postea solvas, eum magis hereditatis nomine solvere, quam suo, ac proinde solvit nomine debitoris. Nam hereditas debetrix est. *L. hereditas, 1. & 2. Digest. de adquir. rer. domin.*

4 In specie facti hic proposita † notandum est, quod dicitur, filium emancipatum patri heredem non esse, si intra tem-

pore præstituta iure honorario patri non successerit. Hoc uti ex iure veteri scriptum est, ita ex eo iure verissimum est. Nam emancipati iure civili non succedebant, sed solum iure prætorio eis dabatur bonorum possessio, unde liberi, §. emancipati, *Instit. de hered. quæ ab intesta. defer.* Bonorum autem possessio liberis dabatur ex edicto, ita ut iis ad petendam bonorum possessionem præstiteretur annus: Intra quod tempus, si bonorum possessionem non petissent, excluderentur, & sequentibus gradibus deferretur bonorum possessio. *L. 1. §. quibus & §. largius, D. de success. edicto.* Hodie diversa emancipatorum causa est. Nam is deferretur hereditas ex constitutione Iustiniani id est, iure civili. *Nov. de her. ab intest. ven.* Quibus autem hereditas iure civili deferretur, iis nullum certum tempus ad ad eundem iure civili præstitutum est: sed quando illis videtur, licet hereditatem adire. *L. si curatoris, inf. de iur. delib.* Proinde post hanc constitutionem idem dicere non licet, quod hic † traditur, si per 5 tempora præstituta intelligimus tempora bonorum possessioni petendæ præstituta; & ideo magis est, ut hic intelligamus tempora præstituta a Magistratu ad deliberandum de hereditate ad eunda. Nam iure civili postulantibus creditoribus hereditariis, aut heredibus, qui sequenti gradu sunt, iubetur heres hereditatem adire, aut repudiare, & si spatium ad deliberandum petat, magistratus ei tempus dat, quod satis sit, prout res quæque exigere videtur. Intra hoc tempus si heres † hereditatem non 6 adierit, excluditur, & fit locus sequentibus gradibus ex edicto de iure liberandi. *L. si quis instituitur, in princip. & §. 1. D. de hered. instit. L. 1. & L. pen. D. de iur. delib.*



Ad L. Si per ignorantiam, 6.

Idem AA. & CC. Mnascz.

Si per ignorantiam facti non debitam quantitatem pro alio solvisti, & hoc adulo rectore provincie fuerit probatum: hanc ei cuius nomine soluta est, restitui eo agente providebis. S. VI. Id. August. AA. Coss.

S U M M A R I A.

1. *Indebitum posse repeti solum per errorem facti, non iuris.*
2. *Vulgaris opinio de repetitione eius quod per iuris errorem solum est contrariis iuris locis revincitur.*
3. *Eias opinionis argumenta tria. Primum ex iuris regula: iuris ignorantia non prodest acquirere volentibus, suum vero presentibus non nocet.*
4. *Secundum ex altera iuris regula: iuris error in compendiis non prodest, in damnia non nocet, Utrique loco subiecta brevis explicatio regula, & argumenti solutio n. 3. & 4.*
5. *Exempla seu species utriusque regula luculenter exposita. & n. 6.*
7. *Neutram iuris regulam ad conditionem indebiti pertinere.*
8. *Tertium argumentum: passim occurrere apud iuris auctores: solum per errorem condici posse, nullo addito, iuris aut facti.*
9. *Duplex huic subiecta responsio; & qualis.*
10. *Quid sit error iuris aut facti; & alter ab altero quomodo discernatur.*
11. *Plura utriusque exempla e re testamentaria petita.*
12. *Conditionem indebiti soluti alterius nomine eadem dari cuius nomine solum est, si hic aut mandaverit solvi, aut ratum habuerit, aut tutor fuerit.*
13. *Quid si ille neque mandavit, neque ratum habuit quod est eius nomine solum.*
14. *Contrariis occurritur & n. 15.*

HOC rescripto duo capita comprehensa sunt, ad conditionem indebiti pertinentia. Prius est, quo indicatur, quo errore solum repeti possit? Alterum cui debeat indebiti soluti conditio. Placet tamen igitur, indebiti per errorem soluti conditionem esse, sed hac conditione; si per ignorantiam, & errorem facti quid solum sit. Eadem conditio expressa est in *L. fideicommissum. seq.* Quid, si per errorem iuris quid solum sit? Vulgo recepta sententia est, idem iuris esse, & generaliter indebiti per errorem soluti repetitionem esse, quocunque errore solum sit, sive facti, sive iuris. Quæ sententia falsissima est. Nam de errore iuris manifesti sunt loci, quibus hæc sententia expressa est, si quid per errorem iuris solum sit, id repeti non posse. *L. cum quis supra, de iur. & fact. ign. L. error, infr. ad L. Falcid. L. regula, S. ult. in rescripto, quod illic refertur, in fin. rescripti, D. de iur. & fact. ign.* Hæc sen-

tentia evidenti ratione & argumento confirmatur. Non debent melioris conditionis esse stulti, quam periti. *L. quanquam, D. quod vi aut clam.* Stulti autem habentur, qui sunt imperiti iuris, & per eam imperitiam aliquid admittunt. Sic enim vocantur in *d. L. regula. in fin. rescripti*, quod illic refertur. *D. de iur. & fact. ign.* Proinde, qui per imperitiam iuris labuntur, non debent esse melioris conditionis, quam, qui ius scientes aliquid solverunt. Porro, qui scientes iure se non teneri, solvant, citra controversiam non repetunt, *L. indebitum infr. eodem.* Ergo nec ii repetent, qui ignorantes iure se non teneri, solvant. Hæc sententia nititur certissimi iuris ratione. Nam omnes ius scire debent, & si ignorant, ea ignorantia illis patrocinari non debet. *L. leges sacratissime, sup. de LL.* Neque hoc iniquum est, exigi ab omnibus ut ius norint. Non enim ab iis exigitur notitia ea, quæ est in iuris prudentibus, sed ea, quam peritiores consul-

sulendo consequi possunt. Si quis ius non didicit, impuniis est. Si quis peritiores non consulit, manifesta culpa est, quæ excusationem non meretur. Ob hanc causam traditur, nulli ignorantiam iuris prodesse debere in *L. in bonor. D. de bonor. posses.*

Huic sententiæ quædam opponuntur, quæ veteres interpretes in contrariam sententiam traxerint. † Ea autem in summa sunt tria. I. Opponitur definitio Papiniani in *L. iuris ignorantia, D. de iur. & fact. ign.* ubi traditur, iuris errorem obesse acquirere volentibus, suum autem petentibus non nocere. Respondetur. Hæc verba nihil patrocinantur indebitum condicenti. Nam qui indebitum solum petiit, alienum petiit, non suum. Nam cum primum solvit, dominium eius rei solutæ amittit, & in accipientem transit, ut ostendimus ad *L. t. supr.* Argumento est, quod conditio ad repetendum datur. Nam si res soluta manifeste eius, qui solvit, haberet eius rei repetendæ causa vindicationem non condictionem. *L. dominus, Digest. eodem.* Nunc autem condictionem habet. Dominus igitur rei solutæ esse desiit. Quare eam rem petendo alienam petiit, non suam. Nihil ad rem pertinet, quod solum repetendo, repetimus id, quod ante nostrum fuit. *L. videamus, §. si actionem Digest. de usur.* Hoc enim ipsum declarat peti, quod nunc nostrum non est. Simile enim est illud Virgilianum: *Fuimus Troes,* id est, non sumus.

Secundo loco † opponitur eiusdem Papiniani altera regula in *L. error facti, D. de iur. & fact. ign.* ubi traditur, iuris errorem nulli prodesse in compendiis, (id est, in lucro faciendo seu in acquirendo). cæterum omnibus in damnis amittendæ rei suæ non nocere. Hinc ita ratiocinantur: Qui indebitum solvit per errorem iuris, si id repetere non potest, damnum rei suæ facit. At iuris error in hoc damno petenti nocere non debet, secundum regulam supra scriptam. Proinde hic error non oblabit, quo minus per eum errorem solum condici possit. Respondetur. Ne hæc quidem regula magis, quam superior ad indebitum condicentem pertinet. Aliud est enim damnum rei nostræ, aliud damnum rei nostræ amittendæ. Cum rem nostram amissimus, si eam revocare non licet, recte dici potest, id esse damnum rei nostræ, quod nos patiamur, quale est damnum, quod patitur is, qui per errorem iuris solvit, & non repetit. At damnum rei nostræ amittendæ dici non potest, nisi in ea re, quæ nondum amissa

est, de qua non amittenda laboratur. Id vero ad condictionem indebiti soluti nullo modo pertinet. Nam res soluta, quocunque errore soluta sit, amissa est & tanquam ob amissam, repetitio comparata est. Quæ sunt igitur species, in quibus locum habent superiores definitiones Papiniani? Exempla † hæc sunt. Institutus est aliquis heres eo testamento, quod inutile erat. Ego cum utile testamentum putarem, tamen esse proximum agnatum defuncti; tamen heredem scriptum pro vero heredem habui, & ita illum passus sum habere res hereditarias pro vero domino. Hoc amplius. Ego illum de iis rebus in iudicio aliquando defendi, aur eius causam egi, ut procurator. Hæc omnia per errorem & ignorantiam iuris. Ego postea comperto errore meo, cum intellexi nullum testamentum id esse, & mihi hereditatem ab intestato deferri, coepi vindicare hereditatem, & res hereditarias ab eo coherede, cuius ego causam egeram. Ille me remouet hac exceptione, quod dicat, me illum pro vero domino habuisse, nec obstaré, quod illum habuerim pro domino per errorem. Nam hunc errorem meum, esse errorem iuris, qui nulli patrocinari debeat. Hic recte referam ex adverso de sententia Papiniani iuris errorem acquirere volentibus obesse: suum autem petentibus non nocere. Nam hic ego nihil acquirere volo, sed mihi quæsitum & meum peto. Non enim prius in re transiit, quia nolui, & si voluissem per errorem: tamen non videtur revera errans velle, qui in dominio rei suæ errat. Huc pertinet *L. inter, D. de rei vindic.* Referam etiam ex adverso alteram regulam Papiniani. Iuris errorem nulli nocere in damnis rei suæ amittendæ. Hic agitur non de re mea amissa repetenda, & iterum acquirenda, sed de re mea amittenda, quam tu postulas, ut amittam, cum nondum sit amissa. Item posterioris regulæ † hoc exemplum est in iure. Qui bona fide hereditatem possident, non tenentur, ultra quam locupletiores ex hereditate facti sunt. Et ideo si, dum se heredes putant, bona dilapidaverint, & male consumpserint, non tenentur id damnum dependere de suo. *L. sed etsi lege, §. consuluit, D. de petit. hered.* Et hoc expeditum est, si possessor in facto errans, putet se heredem esse, puta si sit institutus testamento, in quo filius præteritus est: & nuntiabatur, cum filium iam pridem mortuum esse. Quod si bonæ fidei possessor in iure errat, puta, institutus est testamento iniusto, in quo filius præteritus erat; sed nihilominus filio præ-

præterito, putabat testamentum esse utile. Aut cum hereditas priori cognato deferretur ab intestato, putavit tum sibi, ut agnato potius deferri: sicque dilapidavit multa bona ex hereditate; deinde hereditas illi evincitur: utrum non tenebitur ultra, quam locupletior factus est? Et an non cogetur dependere de suo illa, quæ dilapidavit? Et placet, eum non per prædione, sed pro bonæ fidei possessore per omnia habendum esse. *d. l. sed et si, l. seire, D. de petit. hered.* Quo declaratur, eum non debere damnum datum facere de suo, sed solum condemnari debere in id, in quo locupletior factus est. Hæc sententia quomodo defenditur? Respon. Sumitur ex definitione Papiniani. Nam iuris error nulli nocet in damnis amittendæ rei suæ. Si enim ab hoc possessore exigimus, ut quod dilapidavit, faciat: simul exigimus, ut de suo dependat, atque ita amittat rem suam, quam nondum amisit. Itaque laborat de damno rei suæ non amissæ, sed amittendæ. Hæc exempla non tantum ostendunt, quæ sit sententia superiorum definitionum
 7 Papiniani: sed etiam præ declarant, nihil eas definitiones ad condicentem indebitum pertinere.

Tertio loco hæc veterum obiectio est: Quod in quibus locis definitio de conditione Indebiti ex professo traditur, generaliter ita traditur, ut sit conditio, si indebitum per errorem solutum sit: nec quidquam adicitur de errore iuris, aut facti. Sic definitio ex professo concepta est in *§. in quoque, Inst. quib. mod. re contrah. oblig.* item in *L. 1. sup. h. f.* Et quod magis animadvertendum est in toto tit. de cond. ind. in *D.* cum repetitio indebiti datur, solum hæc conditio datur, si per errorem, quid solutum sit. Ubi in lege generaliter quid dicitur, generali oratione omnes species comprehenduntur. *L. si servitus, D. de servit. præd. urb.* Item nota est sententia iuris auctorum: Ubi generaliter lege aliquid cavetur, nec quicquam de personis, aut rebus distinguitur, nullam nos quoque in lege distinctionem admittere debere. *L. metum autem, §. animadvertendum, Digest. quod met. caus.* *L. item veniunt, §. petitum, in fin. D. de pet. hered. l. de pretio, D. de publ. act.* Lex de indebiti repetitione ita concepta est, ut tribuatur conditio ei, qui per errorem solvit. Ergo si per errorem iuris, si per errorem facti quis solverit, repetitio ei soluti danda est. Ad hæc præ duplex idonea defensio est. Primo dicimus, quod quihusdam locis generaliter dicitur, repetitionem esse ei, qui per erro-

rem indebitum solvit, id aliis locis manifestum & expressis sic accipit, ut error iuris excipiat, id est, hæc species erroris ex genere. Nam error genus est, species duæ, una facti, altera iuris. Hæc posterior certis locis: ut dixi, excipitur, proinde in generali definitione, quæ aliis locis traditur, excipienda est. Teneunda est enim hæc regula in interpretatione legum. In toto iure generi per speciem derogatur, & semper id potius habetur, quod ad speciem directum est. *L. in toto, D. de reg. iur.* Altera defensio & certior hæc est. Cum generaliter conditio indebiti datur ei, qui per errorem solvit, verbo erroris error solum facti continetur, non iuris; quia error iuris non est error, & qui in iure errant, pro erroribus non habentur. Id ostendit rescriptum, quod refertur in *d. l. regula, §. ult. in fin. rescript. de iur. & fact. ign.* ubi Imp. stultos, id est, in iure errantes opponunt errantibus. Unde intelligimus, stultos in numerum errantium non esse, & merito id ita constituitur. Nam error iuris non est iustus error & probabilis, sed vanus & stultus error, proinde pro errore non habendus. Idque hoc exemplo evidenter demonstratur. Nam edictum, quod metus causa ita generaliter scriptum est: Quid metus causa gestum est, ratum non habeo. *L. 1. D. quod met. caus.* Itaque in metu his verbis nihil distinguitur, qualis sit metus; & tamen placet apud omnes iuris auctores si quis meticulous non iuste quid metuerit, veluti minas, quæ erant tñanes, & propterea aliquid gesserit, id edicto non vindicari. *L. 6. D. quod met. caus.* Et hæc ratio redditur: quia vani timoris nulla æstimatio est. *d. l. vani de reg. iur.* id est, vanus timor pro timore non est. Consimiliter recte dicemus, quod per errorem solutum est, repeti posse, sed ita si sit iustus error. Vani autem & stulti erroris nullam æstimationem esse oportere, neque hunc errorem ad legem pertinere. Talis est autem error iuris ut probavimus. Quare hic error etiam verbis superiorum locorum nullo modo continetur.

Hæc distinctione erroris constituta, videndum est, præ qua nota recte discernamus errorem facti ab errore iuris, ne ibi demum, aut denegemus conditionem, ubi non oportet. Ut hoc intelligi possit, sic statuendum est. Nihil iure constitui de debito, aut indebito, nisi quod certis ex causis aut debeat, aut non debeat. Si quid iure debetur, ita debetur, si hæc aut illa certa causa præcesserit, propter quam

quam debeatur. Et rursum si quid non debetur, eo fit; quia illæ res & causæ præcellerint, ex quibus placeat iure nihil deberi. Hoc posito intelligimus, hanc causam, propter quam aliquid iure constituitur de debito, aut de indebito, esse illud factum ex quo ius nascitur. Ius autem constitutum esse facti illius, vel causæ effectum. Hinc de utroque errore ita recte definiemus: Cum quis ignorat, res eas intervenisse, propter quas iure aliquid non debetur: si putat non intervenisse, led contra intervenisse eas, propter quas iure fit, ut aliquid debeatur & ob hanc causam se debere putat: in facto errat, non in iure, quia facto supposito quale supponit, recte ius sibi proponit, exillimans se teneri, ut revera teneretur, si ea præcellerint, quæ putat præcessisse. Contra si quis scit eas res intervenisse, quæ vere intervenierunt, ex quibus iure civili nihil debetur: si nihilominus se debere putat, in iure errat, non in facto, exillimans id iure constitui, quod non constituitur. Definitiones planæ sient † adiectis exemplis. Sumitur igitur exemplum ex legato, aut fideicommissio indebito, quod relictum testamento heres per errorem solvit, quasi deberet. De quo genere agitur in *L. indebitum sequent*. Multis modis legatum scriptura testamenti relictum fit, ut non debeatur: Primum, si nullum testamentum est, seu id quod proponitur, est falsum. Ex eo testamento, quod non est, deberi nihil potest. Si heres ignorat falsum, & putat verum esse testamentum, in facto errat, & hoc errore solvens repetit. *L. 2. vers. 2. Digest. eodem* Quod si tam imperius esset rerum & iuris, ut sciens falsum esse testamentum, putaret tamen, se falsa scriptura a Notario confecta, teneri: in iure errat, & hoc errore solvens non repetit. Præterea non debetur legatum testamento relictum, si testamentum sit inofficiosum, cum iniustum, quod sit præteritis liberis, vel immerito exhereditatis. Si heres nullos liberos præteritos esse putet, quia nulli liberi appareant: in facto errat, & in causa legati: proinde in hoc errore solvens repetit. Quod si sciat filios esse præteritos, & nihilominus putet, testamento se teneri: solvens non repetit; quia in iure errat, existimans ex testamento iniustum, aut inofficiosum aliquid deberi, quod iure contra constitutum est. *ea L. 2. D. eod.* Idem est, si testamentum postea rumpatur, postumum nato. Itaque si heres postumum natum ignorat, solvens repetet: si

scit postumum natum, & nihilominus se debere putat, non repetet; quia ignorat ex testamento rupto, iure nihil deberi. *L. 3. D. eod.* Præterea fit hoc modum, ut legatum non debeatur etiam ex iusto testamento, si hereditas solvendo non sit, quod intelligitur ex ære alieno, quod postea emerierit. *L. si universæ, infr. de legat. L. 1. §. denique. Digest. ad Trebell.* Finge igitur heredem prius solvisse, quam æs alienum emerierit, legatum: si solvit, repetet, quia ignoravit causam, propter quam legatum non debebatur. Quod si existente ære alieno nihilominus se teneri iure putavit: hoc errore solutum, non repetet; quia ius ignoravit, nesciens hoc casu legatum non deberi. Hæc eadem species est in *d. L. 2. D. eod.* Postremo fit, ut legatum non debeatur, quanvis ex iusto testamento, si postea ademptum sit, vel codicillis, vel nuda voluntate. *L. 3. §. ult. & L. seq. de adim. leg.* Legatum ademptum si heres solvat, alias, repetet, alias non repetet. Si codicillis, quibus legatum adimitur, latent; in facto errat, id est, in ea causa, propter quam legatum non debebatur, in hoc errore repetet. *dist. Leg. 2. in fin. D. eodem.* Quod si sciens legatum ademptum esse, putet tamen nuda voluntate, aut codicillis adimi non posse: hoc errore solvens non repetet; quia in iure erravit, ignorans legata quavis voluntate adimi posse. Aliud exemplum ducitur ex *L. Falcidia* in iis legatis, in quibus supra dodrantem legatum est. Lege Falcidia caveretur, ut quarta legatorum omnium manere debeat penes heredem. Quod si supra dodrantem legatum sit: vult, quod excedit, indebitum esse hac conditione, si supra dodrantem legatum sit. *L. 1. D. ad L. Falcid. & Instit. eod. de L. Falcid.* Finge supra dodrantem patrimonii legata relictæ esse, & heredem errantem solida legata præstitisse, cum quartam posset retinere. Si quæretur de conditione eius, quod dodrantem excedet, hæc erit distinctio: si ignoravit supra dodrantem legatum esse, repetet; quia in facto erravit, nempe in ea causa, propter quam ex lege legatum sit indebitum. Ignorat autem supra dodrantem patrimonii legatum esse, si ignorat quantitatem legatorum; aut legatis cognitis, ignorat quantitatem patrimonii, existimans, multo plura esse in patrimonio, quam esset. Quod si sciens quantitatem patrimonii, & quantitatem legatorum, scit supra dodrantem patrimonii legata relictæ esse,

esse, in hoc errore solvens non repetet, si putet se solida legata debere; quia ignorat *L. Falcidia contra constitutum esse*. Hoc exemplum est *L. error, inf. ad L. Falcid. L. regula. §. ult. D. de iur. & fact. ign.*

- Hæc de priore capite huius rescripti.
12. Altero capite ꝑ declaratur, si quis alterius nomine indebitum solverit, conditionem huius indebiti non numeranti dari, sed ei, cuius nomine solum est. Quod sic intelligendum est: si is, cuius nomine solum est, aut mandavit, aut ratum habuit, aut si is, qui solvit, tutor fuit. Si quid tutor impuberis nomine indebitum solverit, impuberi conditio competet, non tutori. *L. cum indebitum, D. eodem*. Neque hic impuberis mandatum, aut ratihabitionem exigimus, quia satis iure ipso potestas & administratio rerum tutoribus commissa est, ita, ut hi pro dominis habeantur. *L. tutor qui tut. de admin. tut.* Quod si extraneus alterius nomine indebitum solverit, ita demum ei, cuius nomine solum est, conditio dabitur: si aut mandavit suo nomine solvere, aut quod suo nomine factum est, postea ratum habuit. Exempli causa: Si is, qui se debere putabat, fideiussorem creditori falso dederit, & fideiussor nomine eius, a quo datus erat, solverit: non fideiussori repetitio dabitur, sed ei, cuius nomine fideiussor intervenerat. *L. indebitum, D. eodem*. Et additur ratio: Quia ei, qui fideiussor datus est, videtur mandatum esse, ut solveret. Id & adeo verum est: ut, nisi is, cuius nomine indebitum solum est, specialiter mandaverit, ut solveretur, aut postea ratum habuerit: non competat ei conditio, quanvis is, qui eius nomine solvit, fuerit procurator eius, cui generaliter negotiorum administratio mandata sit: quomodo in generali mandato rerum administrandarum non intelligitur mandari, ut quis nostro nomine indebitum solvat, quia in eo negotium nostrum non geritur, & hoc est, quod dicitur in *L. 6. in princip. D. eodem*. Si procurator tuus indebitum meo nomine solverit, & ego ratum non habeam: repeti id posse. Procurator illic intelligitur omnium bonorum & verus procurator. Exigitur ut ego ratum habeam, quod indebitum solvit; quia mandato generali nihil de eo ei mandasse videor, ut subiciatur in *eod. L.* & satis declaratur ea ratione, quam supra reddidi. Quod subiicitur: *Id solum repeti posse*, intelligendum est, repeti posse, non a me, sed a

procuratore. Nam si a me repeti posset: nihil opus esset mea ratihabitione. Ergo ꝑ hoc casu, ubi is, cuius nomine indebitum solum est, neque mandavit solvi, neque factum ratum habuit, repetitio ei, qui solvit, datur, non alii. Est autem repetitio ob causam dati, causa non secuta. Nam, qui alterius nomine solvebat, ob eam causam solvit, ut alius liberaretur, quæ liberatio secuta non est, cum nemo deberet. Non ꝑ obstat huic sententiæ extremum *d. L. D. eodem* ubi traditur, *neque tutorem, neque procuratorem solventes repetere posse*. Nam hoc de tutore & procuratore vere solventibus dictum est. Nam verba sunt cum effectu accipienda.

Revera nemo solvit, nisi qui obligatione liberatur, vel alium liberat. Non liberatur autem quisquam, nisi qui vere debuit. Hoc casu procuratores & tutores a vero creditore repetere non possunt; quia repetitio nulla est ab eo, qui suum recipit. *L. repetitio, D. eod.* Dicit aliquis, nullam hic dubitandi causam esse posse. Sed hæc dubitandi causa est, quæ illic diluitur. Quid enim si tutor, aut procurator errans pecuniam suam solverit, dum putat seolvere pecuniam impuberis, aut domini sui? illic adicitur, nihil hoc ad rem pertinere. Ex his intelligimus, quod simpliciter hoc rescripto dicitur, si quis indebitum pro alio solverit, conditionem competere ei, cuius nomine solum est, sic accipi debet: siquidem pro alio vere solverit, id est, si ille alius aut mandaverit, aut ratum habuerit. Sed quanvis alius, cuius nomine solum est, alterutrum horum fecerit; tamen videtur ꝑ repugnare regulis huius conditionis, ut illi conditionem demus, non autem solventi. Nam cum quis indebitum falso creditori solvit, negotium geritur inter dantem & accipientem. Ut in mutuo, qui solvit, accipientem sibi obligat: qui accipit, is obligatur, *§. is quoque, Institut. quib. mod. re contrah. oblig.* Idem significatur in *L. si me & Tit. D. si cert. pet.* Proinde ex hac regula ei conditio danda est, qui solvit, non alii. Respond. Verissimum est, non alii conditionem indebiti dari, quam solventi: sed non minus isolvere intelligitur, cuius nomine solum est, si is mandaverit, aut ratum habuerit. Certi iuris regula est, eum facere videri, qui mandat; mandare videri, qui ratum habet. Et generaliter, eum facere videri, qui per alium facit. Facit autem per alium, qui fieri mandat, aut factum

factum ratum habet. *L. 5. §. gessisse, D. de admin. tus. L. 1. §. 2. prætor. D. unde vi. Cap. qui facit extr. de R. I.* Hinc intelligimus, indebiti per errorem soluti duos esse, quibus conditio possit cumpe-

tere: eum, qui solvit, & eum, cuius nomine solvitur. Priorem, si suo nomine solvat. Posteriolem, si illi mandavit solvi, aut rem ratam habuerit.

Ad L. Fideicommissum. 7.

Idem AA. & CC. Dionysiz.

Fideicommissum, vel legatum indebitum per errorem facti solum re-peti posse, explorati iuris est. S. V. Id. Septembr. AA. Cass.

Expositus est hic locus ad Leg. præced. &c.

Ad L. Creditoris 8.

Idem AA. & CC. Zyparo.

Creditoris falso procuratori solvendi, adversus eum indebiti repetitio, non obligationis liberatio competit. S. Petit. XV. Kal. Novemb. AA. Cass.

S U M M A R I A.

1. Debitor, qui vere debebat, si solvat falso creditoris procuratori absque mandato, an ea solutione sit liberatus?
2. Debitor solvens falso creditoris procuratori, nulla ratihabitione interveniente, a quo pecuniam solutam repetere possit?
3. Solvendi quæ competat actio adversus falsum procuratorem? an indebiti conditio, an potius conditio fursiva, & ob caus. datorum.
4. Qui sensus eorum verborum: adversus eum indebiti repetitio competit.
5. Quando & indebiti conditio solvendi competit adversus falsum procuratorem.

Debitor, qui vere debebat creditori, solvit falso creditoris procuratori, id est, ei, qui sibi mandatum exigendi, aut recipiendi esse dicebat, cum ei mandatum nihil esset. Hic tria quesita sunt, primo, an debitor per ea solutione sit liberatus? Et hic respondetur, liberationem obligationis ei non competere, idque ratio iuris notat; quia debitor solvendo ita liberatur, si aut creditori solvat, aut alii voluntate creditoris. *L. solutum, D. de solut.* quorum neutrum in proposito factum est. Nam quod debitor procuratori solvit, ostendit, creditori solum non esse: quod solvit procuratori falso, declarat, non esse solum voluntate creditoris. Is enim falsus procurator est, qui

Tom. VII.

voluntatem & mandatum domini non habet. Merito igitur hic liberatio non contingit. Sed hoc ita accipiendum est, nisi creditor ratum habeat. *L. si procuratori, D. de cond. causæ dat. L. si vendidero, §. si Titius, D. de furt.* Hæc ratio est; quia nihil interest, utrum alii solvatur ab initio mandato & voluntate creditoris, an vero creditor postea ratum habeat. Nam ratihabito mandato comparatur. *L. ult. infr. ad Senatusconsult. Maced.* Idem dicendum est, si creditor vere mandasset huic procuratori, sed postea mandatum revocasset. Nam si debitor ignorans mandatum revocatum esse solvat, etiam solvat ei, qui iam procurator non est, tamen liberatur. *L. vero, vers. sed essi, de solut.*

Y y

Int. idque, ne iusta & probabilis ignorantia debitoris noceat: ut est in §. *reffe*, *Instit. mandati*. Sequens quaestio est, nulla ratihabitione domini interveniente, & nulla revocatione eiusmodi, qualem supra diximus, a § quo debitor pecuniam solutam repetet, postquam liberatus non est. Nam repetere eum posse constat, siue quid indebitum solverit, siue quid dederit, ut liberaretur, & liberatus non sit: etiam hic traditur, eum repetere posse a falso procuratore. Nam a creditore repetere non potest, cum is nihil acceperit. Ita restat, ut si ab aliquo pecunia repeti potest, ea repetatur a procuratore, qui accepit. Tertia quaestio est: Quae actio § adversus procuratorem eius repetitionis nomine competat. Hic significari videtur competere solventi adversus procuratorem falsum indebiti conditionem. Quod si ita esse intelligimus, contraria est. *L. si procuratori, D. de cond. caus. dat.* Ubi in proposito debitori datur vel conditio furtiva, vel conditio ob causam dati causa non secuta: nominatim autem denegatur indebiti conditio. Et id certa & evidens ratio efficit. Nam conditio indebiti non datur, nisi adversus eum, cui aliquid tanquam debitum solutum est. Procuratori falso non datur pecunia tanquam ei debita, sed ob causam, ut pecunia creditori reddita debitor liberetur. Contraria sunt hæc aliquid ob causam præteritam debiti dare, & dare ob causam futuram. Præterea in hac specie debitori datur conditio furtiva adversus falsum procuratorem. *L. falsus, infr. de furt. L. falsus, §. 1. D. d. tit.* Proinde non conditio indebiti; quoniam conditio furtiva domino datur. *L. 1. D. de cond. furt.* conditio autem indebiti ei, qui dominus non est. Nemo enim rem suam condicit, præterquam a fure. *L. nls. D. usufruct. quemadmo. caveat.* De hac re ut liqueat, sic habendum est. Si debitor solvit falso procuratori, ut procuratori tantum, ideo quia se tamen procuratorem esse dicebat, non autem procuratorem in rem suam: procurator nummos accipiens & interceptans eos, furtum facit, quia debitor hoc casu non sic nummos dat procuratori, ut eos in accipientem transferat, sed ut eos deferat ad creditorem. Ita procurator rem, aut nummos alienos contrectat, idque invito domino. Et ob hanc causam furtum facit, *d. L. falsus, §. 1. de furt.* Hinc consequens est, hoc casu debitori & furti actionem dari adversus hunc procuratorem & conditionem furtivam. *L. falsus, infr. de furt.* Sed & hoc casu adversus

procuratorem competit conditio ob causam dati, causa non secuta; quia nummi ob hanc causam dati erant falso procuratori, ut liberatio debitoris sequeretur, quæ causa secuta non est. Et hoc est, quod de utraque hac conditione respondetur in *d. L. si procuratori, D. de cond. caus. data.* Neque natura harum conditionum refragatur, quo minus inter se concurrant. Nam quod dicitur, conditionem furtivam domino dari, hanc sententiam habet; dari ei, qui ab initio rei dominus fuit. Nam et si dominus esse desierit, puta, re perempta; nihilominus eadem conditio furtiva competit. *L. in re. in pr. L. pen. D. de cond. furt.* Quare nummis falso procuratori solutis, conditio furtiva statim debitori acquiritur; nummis deinde a procuratore consumptis, nihilominus durat furtiva conditio, & tunc etiam conditio ob causam dati nasci incipit; quia falsus procurator consumptione nummorum dominus factus est. *L. non omnis, §. si pupill. D. de cond. furt.* Hoc casu conditio indebiti competere non potest, ut in *d. L. si procuratori*, diserte scribitur, cuius rei rationem reddidimus. Non obstat hoc respectum. Nam hic tantum dicitur § debitori 4 competere repetitionem indebiti, ut sit sensus. Competere repetitionem eius pecuniæ, quæ debita procuratori non fuit. Sed non dicitur, quæ conditio pecuniæ repeti possit. Quare id prætermittimus hoc loco ex aliis locis sumendum est.

Sed fieri potest, ut falsus procurator non tantum se creditoris procuratorem dicat in ea pecunia exigenda; sed dicat se procuratorem factum in rem suam, id est, sibi a creditore mandatas esse actiones, vel sibi nomen datum esse in solutum, ut venditum esse, aut ex aliis causis traditum. Quo casu si verum esset, quod procurator dicit, is utiles haberet actiones adversus debitorem. *L. procurator in rem, D. de procur.* Et quia haberet actiones utiles, idcirco debitor iam illi procuratori debere inciperet, & procurator esse creditor. Nam is creditor designatur, cui ex quavis actione quid debetur. *L. creditorum, D. de verb. sign.* Hoc § casu si debitor huic procuratori 5 falso pecuniam solvit: ut debitam illi solvit, & hac ipsa de causa hoc animo est, ut dominium pecuniæ in eum transferat. Hoc cum fit, procurator nummorum furtum non facit. *d. L. falsus, §. 1. in fin. de furt.* His consequens est, hoc casu huic debitori adversus hunc procuratorem non competere conditionem furtivam, cui

cui locus non est, nisi furto factio. Consequens & illud, competere debitori adversus hunc procuratorem conditionem indebiti. Nam debitor tanquam illi debitum solvit; quod tamen non debebatur, cum procurator non esset. Cui rursus consequens est, quatenus procuratoris personam spectamus, non competere adversus eum conditionem ob causam datorum; quia non possit idem ob causam præteritam datum esse, & ob causam fu-

turam. d. L. si procurat. falso, de cond. caus. data; sed si spectamus personam ipsius creditoris, a quo debitor pariter liberari voluit, non absurde dicemus etiam debitori adversus procuratorem conditionem ob causam dari; quia debitor pecuniam dedit; non tantum ut procuratori solveret, sed etiam, ut a priore creditore liberaretur, quæ causa, ut dixi, secuta non est.

Ad L. Indebitum 9.

Idem AA. & CC. Gratianæ.

Indebitum solutum sciens, non recte repetit. §. 1. Cita mandatum autem ab alio re distracta: dominus evicta re, vel ob præcedens vitium satis emptori faciens, non indebitum prætereundum potest, sed per. huiusmodi factum ratum contractum habuisse probans, a se debitum ostendit esse solutum. S. IV. Non. Decemb. Nicomediæ CC. Coss.

S U M M A R I A :

1. Rescripti species liquido exposita.
2. Indebitum sciens solvens non repetit.
3. Repetitio ab eo nulla est, qui suum sibi debitum recipit, quoties nomine debitoris solvitur.

4. Solvens quid ex causa emptionis emptori, hoc ipso emptionem ratam habere videtur.
5. Consequentia qui probat actionem, etiam antecedentia probare videtur.

Species facti hæc est: Amicus aliquis meus negotium meum gerens, sine mandato meo, equum vendidit, qui meus erat, aut meus esse putabatur. Is equus emptori evictus est ab eo, qui se dominum equi dicebat & iudicio probaverat. Emptor agit adversus amicum hunc meum, eundemque venditorem, actione ex emptio ob evictionem, iuxta L. ex empto; D. de ad. empti. Aus. cum equus venditus esset, vel morbosus, vel vitiosus: emptor, aut equum redhibere vult venditori, ut pretium recipiat, aut agit cum venditore, quanto minoris equum empturus esset, si non esset morbosus, aut vitiosus; quarum rerum nomine actiones dantur emptori ex ædilitio edicto. L. 1. L. si qui venditor. L. bovem, §. aliquando, D. de ad. edict. L. Intians, in princip. D. de ad. empti. Vgo potens amicum meum ex illa venditione damnatum pati, emptori de eo, quod petebat, satisfecit, quod iure facere non cogebat. Nam cum eo emptore nihil contraxi: proinde nihil illi debui ex causa superioris venditionis. Deinde consilio mutato, vult pecuniam,

cc. Tom. VII.

tanquam Indebitum, ab eo repetere. Queritur, an possit? Respondetur, me non posse, duabus de causis: Una est; quia etiam maxime Indebitum solvibilem; tamen sciens solvi. Indebitum sciens qui solvit, non repetit, de quo dictum est ad L. 1. sup. Altera causa subiicitur. Quia ego ex causa emptionis emptori satis faciens, re ipsa emptionem ratam habui, ac proinde ex ea causa solvens debitum solvi vel meo nomine, quia volui me teneri, non amicum meum; vel nomine eius amici, qui vere debuit. Debitum solum repeti non potest. Item si nulla est repetitio ab eo, qui suum, id est, sibi debitum recipit, quoties nomine debitoris solvitur. L. repetitio, D. eod. Notandum est, quod hic dicitur, Eum, qui ex causa emptionis, quid emptori præstitit, hoc ipso quod præstitit, emptionem ratam habere videri. Ex quo colligimus, generale illud. Qui consequentia per emptionis probat sciens; hoc ipso videri etiam antecedentia; id est, emptionem totam probare. L. quidam, D. de evictio. L. illud, D. de acquir. hered. L. 2. D. de iurisdict. Y y 2 Ad L.

Ad L. pen. Si quis servum.

Imp. Iustinianus A. Iuliano praefecto pratorio.

Si quis servum certi nominis, aut quandam solidorum quantitatem, vel aliam rem promiserit: & cum licentia ei fuerat unum ex his solvendo liberari, utrumque per ignorantiam dependerit: dubitabatur, cuius rei daretur a legibus ei repetitio, utrumne servi, an pecuniae: & utrum stipulator, an promissor habeat huius rei facultatem. Et Ulpianus quidem electionem ei praestat qui utrumque accepit, ut hoc reddat, quod sibi placuerit: & tam Marcellum, quam Celsum sibi consonantes refert. Papinianus autem ipsi qui utrumque persolvit, electionem donat: qui & antequam dependat, ipsam habet electionem quod velit, praestare: & huius sententia sublimissimum testem adducit Salvium Iulianum summae auctoritatis hominem & praetorii edicti perpetui ordinatorem. Nobis haec decidentibus Iuliani & Papiniani sententia placet: ut ipse habeat electionem recipiendi, qui & dondi habuit. Dat. Kal. Augusti. Constantiноп. Lampadio & Oreste VV. CC. Coss.

S U M M A R I A.

1. Una re, aut altera disjunctim debita & utraque per errorem soluta, utraque condicatur tanquam indebita, ad quem pertinet electio.
2. Quae fuerit in hac specie I. C. Celsi Marcelli & Ulpiani sententia.
3. Quae rursus I. C. Iuliani & Papiniani.
4. Quare I. C. Papiniani sententiam

sequatur hoc Const. Iustin.

3. An idem iuris cum duo rei utrumque per errorem solvant, quod debebant sub disjunctioe.
6. Quid si unus, qui debet, puta decem aut Stichum quinque prius solverit, Stichum, deinde; num electione uti poterit, cum indebitum repetit.

CUM decem, aut Pamphilus promissa sunt, & generaliter promissum est, illud, aut illud; natura obligationis ostendit, unum ex iis debitum tantum esse, alterum indebitum. Qui illud, aut illud debebat, cum putaret, se utrumque debere: utrumque per errorem solvit. Constat unum tanquam indebitum repeti posse. Quæritur, quid possit repeti, an id, quod debitor vult, an vero id, quod vult creditor restituere? In summa hæc quaestio est: † In hac repetitione utri electionem demus, debitori ne, an vero creditori solvendi utrum velit. In hac quaestione variatum est a veteribus iuris auctoribus, ut hic refertur. † Celsus, Marcellus, Ulpianus potaverunt creditori electionem dandam, utrum vellet restituere, quæ sententia obiter posita est in *L. si non fortem*, §. *si decem*, *D. eod.* Hæc sententia ni-

titur verbis regulæ iuris, quæ est de obligationibus disjunctis, cum illud, aut illud, debetur. Nam regula iuris est: in iis obligationibus debitoris esse electionem, utrum solvat. *L. plerique*, §. *ult. D. de iur. dot.* §. *huc autem*, *Iust. de act. L. 2.* §. *Scævola*, *D. de eo, quod cert. loc.* Porro in conditione indebiti, is, qui prius creditor erat, debitor esse incipit: nam ab eo indebitum repetitur. Is debitor intelligitur, a quo invito pecunia exigitur. *L. debitor*, *de verb. sign.* Proinde secundum regulam superiorem, in hac conditione creditori, qui nunc debitor est, electionem dari oportuit. Aliud † Iuliano & Papiniano visum est, nempe debitori, qui solvit, electionem dandam, utrum petat; non creditori, utrum solvat. Hanc sententiam † Iustinianus confirmat 4 hæc constitutione, optima & æquissima ratio-

ratione. Nam æquissimum est, eum, qui ante solutionem electionem habuit, etiam post solutionem, quæ errore facti secuta est, electionem habere; quia error facti solventi nocere non debet, ex regula iuris *L. error, L. regula, D. de iur. & fact. ign.* Iam autem diximus, debitorem, qui solvit, antequam solveret, electionem habuisse, proinde & solutione secuta, retinere. Non obstat, quod in conditione indebiti is debitor est, a quo indebitum petitur, & regula iuris facit, ut cum illud; aut illud debetur, debitoris sit electio. Hæc enim regula sic accipienda est, si quis bono more electionem quaesitam habeat. Diversum est, si electionem quaesierit per errorem adversarii. Nam hic error adversario nocere non debet. Huic constitutioni tunc locus est, cum unus solus illud, aut illud debuit, & utrumque per errorem solvit. Diversum est, si duo rei illud, aut illud debuerint, & ambo pariter utrumque per errorem solverunt, id est, unus rem unam, alter alteram. Nam hoc casu creditoris electio est, utri unam restituat, & electio in ea, quam acceperat ab eo, cui restituit. *L. plane, D. eodem.* Non sunt hæc contraria, sed diversis rationibus optime constituuntur. Nam cum unus illud, aut illud debuit, is electionem ante habuit, quam & solutione secuta retinebit. At cum duo illud, aut illud debent, & singuli unam tantum rem solvunt, non possunt electionem habere singuli, qui nam tantum rem solverunt. Nam electio nisi in plures

res non cadit. Si neuter ex his duobus reis electionem habet, aut habere potest: consequens est electionem esse creditoris, ut eam restituat, quam volet, ac proinde electionem eius esse etiam in persona, ut eum eligat, cui velit restituere eam rem, quam ab illo acceperat. Sed etsi unus illud aut illud debuerit, & non pariter utramque rem totam solvat: huic constitutioni locus non erit, ut puta, qui 10. aut Stichum debebat, prius s. solvit, deinde solvit Stichum totum: is solum s. ante soluta repetet, non Stichum. *L. si non sortem, §. si decem, D. eod.* Optima ratione. Quia cum Stichus postea totus solutus est, ex eventu apparuit, hunc vere debitum fuisse. *L. cum incertus, D. de leg. 1.* proinde illa s. quæ ante soluta erant, fuisse indebita. Quapropter Stichus, ut debitus repeti non potest: s. ut indebita repeti possunt. Quod si in hac ipsa specie, is, qui prius s. solverat, postea alia s. & simul Stichum solvat: utrum hoc casu electionem habebit, utram rra. aut Stichum repetet? an vero sola prima, id est, bis quinque repetet? Ex significatur in *d. L. si non sortem, §. si decem.* Stichum hic condici non posse, non magis, quam supra. Sed ex hac constitutione dicemus, debitorem electionem habere utrum repetat, si modo utrumque, tanquam a se debitum per errorem solvit. Nam verum est, eum solutis prius s. alia s. adiecit, deinde Stichum, soluta esse & 10. & Stichum; hoc casu electionem repetendi habet ex hac constitutione.



Ad L. ult.

Imp. Iustinianus A. Iuliano preses. prat.

Pro dubietate eorum, qui mente titubante indebitam solverint pecuniam, certamen legumlatoribus incidit, id ne quod ancipiti animo persolverint, possint repetere, annon? Quod nos, decidentes, sancimus omnibus qui incerto animo indebitam dederint pecuniam, vel aliam quandam speciem persolverint, repetitionem non denegari, & presumptionem transactionis non contra eos induci: nisi hoc specialiter ab altera parte approbetur. Dat. Kal. Octob. Constantinop. Lampadio & Oreste Coss.

S U M M A R I A.

1. *Questionis status.*

2. *Dubitandi causa & ratio duplex.*

3. *Solutum titubanter repeti posse constituit hic Iustinianus.*

4. *Superior dubitandi ratio dissolvitur.*

CUM ¶ a me 10. peteres indebitam dixi incertum me esse, an tibi debeam. Veruntamen potius, quam litigem, me tibi solvere. Quæsitum est apud veteres: an errore comperto postea possim repetere, quod ita solvi? Causa ¶ dubitationis hinc est: quia regula iuris de indebito dat conditionem soluti per errorem: tunc error propriè est, cum quis se existimat debere. Hic autem non putabam me debere, sed titubabam & incertus eram. Deinde cum adieci, me tibi solvere, ne litigem: existimari possum, transactionis causa solvere. Quod ad

transactionem datur, repeti non potest, *L. in summa, D. eod.* Adversus has dubitationes est ¶ hæc constitutio, qua efficitur, quod titubante & dubia mente solvitur, tam repeti posse, quam si per errorem certum solutum esset. Nihil ad rem ¶ pertinet, quod hic vere error non est: satis est, si sit ignorantia facti: nam hæc non magis nocet, quam error. *L. regula, de iur. & fact. ignor.* Quod ad transactionem attinet, hæc omnino non præsumitur, nisi aperte probetur. Quoniam nemo existimatur iactare suum. *L. cum de indebito, D. de probat.*



A D T I T U L U M VI.

DE CONDICTIONE OB CAUSSAM DATORUM.

Ad Rubricam.

S U M M A R I A.

1. *Ratio continuationis.*
2. *Causa nomine quid hic intelligatur?*
3. *De inscriptione huius tituli.*
4. *Conditio causæ data quid?*
5. *Datum ob causam non inhonestam, causæ secuta non repetitur & quare.*

6. *Causa non secuta competit repetitio, præterquam in certis causis, de quibus alibi.*
7. *Conditioni & repetitioni locum facit conventio partium tacita; quæ tamen ex vi verborum satis indicatur, & quomodo, & n. 8.*

1. **D**ictum est de † conditione eorum, quæ ob causam præteritam data sunt. Deinceps dicitur, de iis conditionibus, quibus repetitur id, quod datum est ob causam futuram. De verbis conditionis hoc monendi sumus, dici hanc conditionem datorum ob causam, & in hac inscriptione, & in *L. si militem, inf. hoc sit.* ut verbo causæ † hæc causæ futura intelligatur, cum quid datur, ut aliquid sequatur. Sed proprie veteres id, quod ob causam futuram datur, dixerunt, dari ob rem. Quod autem datur ob causam præteritam, dixerunt simpliciter dari ob causam: hinc conditio ob rem dati, re non secuta; quæ nihil aliud est, quam conditio dati, causæ non secuta, *L. damus, L. in summa D. de cond. indeb. L. ult. de cond. causæ data. L. 1. D. de cond. ob turp. causæ. L. naturalis, circ. princ. de præscr. verb.* Itaque apparet, veteres, cum his verbis ita dilinxerunt, verbo causæ intellexisse rationem; ut sit ob causam datum, quod datum est hac ratione, quia illud, aut illud factum est. Ob rem autem dictum, cum quid datur, ut res aliqua sequatur. Sed hæc differentia confunditur, nec minus utilitate dicitur conditio ob causam dati, causæ non secuta, de eo, quod ob causam futuram datum est. Unde inscriptio huius tituli, & conditio aperte ita nominatur in *d. L. si militem, inf. L. 5. & L. 6. D. eod.* In Pandectis, de eadem conditione hæc inscriptio est, *de conditione † causæ data, causæ non secuta.*

3. In hac inscriptione consentiunt omnia exemplaria. Et vero causæ nulla est, cur

inscriptio mutetur, ut legamus *de conditione causæ dati, causæ non secuta*, idque ex usu loquendi veterum. Quemadmodum enim recte dicimus, *venditioni legem dicere*, pro eo, quod est, *venditioni legem adicere*, sic eodem sensu recte dicimus, *venditioni legem dare*, pro *adicere*, cum significamus, aliquid venditum esse hac conditione, & causæ adiectæ, ut aliquid sequatur; veluti, cum mancipium venditum est ea lege, ut manumitteretur. *L. pen. infr. si manc. fuer. alien.* Proinde eadem forma loquendi recte dicimus, *traditioni & dationi rei nostræ causam dare*, pro eo, quod est *traditioni conditionem adicere*, ut est in *L. si repetendi, infr.* Itaque conditio † causæ data est conditio eius rei, quæ data est, causæ adiectæ, ut aliquid fieret, quæ causæ postea secuta non est. Altera causæ est, cur alteram lectionem invehendam non putemus. Quia non recte dicitur Latine, *dare aliquid causæ*, pro *dare aliquid ob causam*. Quemadmodum enim recte dicitur aliquid datum ob rem, neque tamen recte dicitur aliquid datum re, pro ob rem, sic recte dicitur aliquid datum ob causam, neque tamen recte dicitur, datum aliquid causæ, pro ob causam. Et merito. Nam cum simpliciter dicitur, aliquid datum, causæ, potest intelligi datum causæ tuæ meæ, illius. Quibus casibus nulla est repetitio; quia potest dari solutionis animo, mea causæ, vel alterius debitoris causæ. Quare cum in hac ratione recti sermonis consentiant omnia exemplaria, veterem lectionem retinere debemus, ne restituamus deteriores. Hactenus de verbis.

bis; Ius ita se habet: de eo, quod ob causam futuram datum est, non eodem modo constituitur dari repetitio, sed varie, prout est causa, ob quam datum est. Quod ob causam futuram datur, aut datur ob causam non inhonestam, aut ob turpem. Aliter de priore causa conditio statuitur, aliter de posteriore. Ideo ut hæc ratione & iure distincta sunt, ita tractata sunt separatim diversis titulis. De honesta causa agitur *hoc tit.* De turpi in seq. *de cond. ob turp. causam.* Summa iuris de conditione ob non inhonestam causam dati hæc est. Quod si ob causam non inhonestam datur, veluti, ut filius emancipetur, ut servus manumittatur, ut a lite discedatur, causa secuta, cessat repetitio *L. 1. D. eod.* Et ideo in hoc genere conditionis cum hæc datur, semper adileitur hæc conditio, si causa secuta non sit, ut est titulus conditionis. *L. si militem, infr. h. t. L. 1. D. de cond. ob turp. causam.* At causa secuta ius perpetuum est, cessare conditionem. Et recte. Quoniam nihil iam naturale est, quam voluntatem domini rem suam in alium transire volentis, ratam haberi, §. *per traditionem, Inst.*

de rer. divis. Apparet autem manifeste, eum, qui aliquid dedit ob causam, velle rem fieri accipientis, si causa sequetur; proinde causa secuta, ex eius voluntate res transferetur. Contra si causa non secuta competit repetitio. *L. 2. D. eod. L. si militem, infr. hoc tit.* Sed hæc pars nonnullas cautiones & exceptiones habet, quæ comprehensæ sunt, in *L. distam, L. penult. & ult.* ubi dicitur, *infr. hoc tit.* Cæterum extra has causas, quæ illic excipiuntur, ius perpetuum est, quod ob honestam causam datum sit, causa non secuta repeti posse. Conditioni si & repetitioni locum facit conventio, quæ inter dantem & accipientem interponitur, non illa quidem expressa, sed tacita: quæ vi verborum satis intelligitur. Nam qui dat si sub conditione, sub contraria conditione datum nolle intelligitur. *L. quibus §. 2. de cond. & demonst.* Et ideo hæc conventio indicatur in *L. si extraneus, D. eod.* de quo plura diximus *ad tit. de cond. indeb. in prim. supra.* Et huius regulæ tot fere exempla sunt, quot sunt species ex facto propositæ & decisæ in rescriptis huius tituli.

Ad L. Pecuniam. 1.

Imp. Antoninus A. Callisthenidi.

Pecuniam, quam te ob dotem accepisse pacto interposito (ut fieri, cum iure matrimonium contrahitur, adsoles) proponis: impediens quocunque modo iuris auctoritate matrimonium [constare, nullam de dote actionem habes; & propterea pecuniam, quam eo nomine accepisti] iure conditionis restituere debes: & pactum quod ita interpositum est, perinde ac si interpositum non esset, haberi oportet. PP. VI. Kal. Augusti, Læto II. & Cereali Coss.

S U M M A R I A.

1. Datum in dotem futuro marito, matrimonio non secuto, repeti posse conditione ob causam dati &c. neque hoc pacto mutari posse.
2. Nec cessat in hac specie repetitio, licet iuris auctoritate impediatur

matrimonium: hoc exemplis illustratur.

3. Huic posteriori definitioni tria videri contraria: quæ illa; & quomodo removeantur & n. 4. & 5.

Quod si futuro marito in dotem datur, matrimonio non secuto repeti potest. Qua conditione? tanquam ob causam datum, causa non secuta. Quod etiam in hoc rescripto non exprimitur: tamen & ex ratione tituli, & ex conditione

rei, de qua agitur, satis intelligitur. Nam dare in dotem, est dare pecuniam ob hanc causam, ut pecunia in dotem convertatur. At dos esse non potest sine matrimonio. *L. 3. D. de iure dot. L. stipulationem, D. eod.* Proinde matrimonio non secuto

secuto, non sequitur causa, ob quam pecunia data erat; ita repetetur, tanquam ob causam data, causa non secuta. Quid si convenerit, ut dos soluto matrimonio penes accipientem maneret, aut eam alii redderet, qui eam sibi reddi stipulatus est? Et adiecit in hoc rescripto, nihil id pactum obflare, quominus pecunia in dotem data, non secutis nuptiis repetatur. Et recte. Nam hoc pactum inutile est. Quidquid enim sub conditione praestitur, aut promittitur, deficiente conditione, pro non pacto, aut promisso habetur. *L. cedere, D. de verb. sign. §. sub conditione. Inst. de verb. obl.* At pactio, quae proponitur, est sub conditione, si matrimonium solutum erit; hæc conditio existere non potest, ubi matrimonium prius contractum non est. Non enim potest solvi, quod contractum non fuit, quemadmodum dicitur testamentum non posse rumpi, quod ante nullum est. *L. §. D. de iniussu, rupt. &c.* Adiecit tertium in rescripto, de quo præcipue querendum est: adeo verum esse, id quod in dotem datum est, matrimonio non secuto, condici posse: ut si possit condici, quocunque modo iuris auctoritas matrimonium impediatur. Proponit hoc modo: Mulier avunculo suo nuptura pecuniam in dotem dedit, aut noverca nuptura privigno, nurus socero dedit. Inter hæc personas inire matrimonium consistere non potest. *§. inter, §. affinitatis, Inst. de nupt.* An matrimonio iuris auctoritate ita impedito, potest mulier condicere, quod in dotem dedit? Et significatur hoc rescripto posse, idque in superiore specie expressum est responso Papiniani in *ult. D. de cond. fin. cau.* Sed hoc casu tria videntur impedire conditionem. Primo; quia pecunia in iis causis ob turpem causam data est. Quod ob turpem causam dantis & accipientis datum est, condici non potest, quantumvis causa secuta non fuerit. *L. 3. de cond. ob turp. caus. d. L. ult. de cond. si caus.* Proinde quod illis causis datum erit, repeti non poterit, quantumvis matrimonium, id est, causa, ob quam datum erat, secuta non sit. Papinianus hoc expedit in *d. L. ult. de cond. fin. caus.* Respondet in proposito, pecuniam non datam esse ob turpem causam, sed honestam: quippe datam esse in dotem, id est, matrimonii causa, si modo matrimonium esse posset, non autem stupri. Nam dos extra matrimonium & in stupro nulla est *d. L. 3. de iur. dot.* Hic occurreba-

tur Papiniano. At matrimonium hic contrahi non potest, ita nihil relinquitur extra matrimonium, nisi stuprum. Respondet Papinianus extremo eius legis, hoc verum esse, matrimonium nullum hic esse posse, sed hanc rem efficere, non ut turpis causa sit dandi, sed ut nulla; proinde tanquam sine causa datum repeti posse. Neque tamen eo minus verum est, quod initio dixi, hic quoque competere conditionem ob causam dati, causa non secuta: Nam opinione dantis & accipientis pecunia ob causam data est. Est enim data nominatim in dotem. Re autem vera, hæc causa nulla est; quia non est secuta, nec sequi potest. Præterea hæc causa videtur in proposito impedire debere conditionem, quod pecunia ob causam impossibilem data est. Data est enim ut pecunia converteretur in dotem: quod inter illas personas fieri non potuit. Quod iure fieri non potest, id simpliciter nec fieri posse intelligitur. *L. filius, D. de cond. inst.* Porro conditione dati ita ius est; ut quod ob impossibilem causam datum, repeti non possit, veluti si dem tibi, ut hinc intra triduum Romam pervenias. *L. distam, infr. hoc tit.* Respondeo. Quod dicitur, ob impossibilem causam datum repeti non posse, tunc locum habet, cum is, qui dedit, scivit causam esse impossibilem, non etiam si possibilem esse existimavit. *L. cum ancillam, infr. eod.* At species ex pacto hic proposita sic accipi debet, ut mulier, quæ pecuniam avunculo in dotem dedit, putaverit, matrimonium contrahi posse, vel quod avunculum esse ignoraret, in facto errans; vel quod putaret cum avunculo iure matrimonium contrahi posse, in iure errans; idque ex eo colligitur, quod proponitur pecunia data esse in dotem. Non datur pecunia in dotem, nisi aut matrimonium revera secutum sit, ut dos esset; aut data sit ab eo, qui matrimonium sequi posse existimarat. Postremo tria impedire videtur conditionem *L. qui contra, infr. de incest. nupt.* ubi, quod dotis nomine datum est ab iis, qui coierunt incestas nuptias, vetatur repeti, & fisco adiicitur. Respondetur. Apparet illi constitutioni locum esse, cum aliqui incestas nuptias coierunt ita, ut res secuta sit, & coierunt scientes. At fieri potest, ut pecunia in dotem data sit inter eas personas, quas diximus; coniunctio postea secuta non sit. Fieri etiam potest, ut secuta sit: sed inter errantes, quibus casibus hinc rescripto locus esset.

Ad L. Si ut proponis. 2.

Imp. Alexander A. Asclepiadi.

Si (ut proponis) pater tuus ea lege forori tuæ prædica, ceteraque quorum meministi, donavit, ut creditoribus ipsa satisfaceret, ac, si placita observata non essent, donatio resolveretur: eaque contra fidem negotii gesti versata est: non est iniquum, actionem conditionis ad repetitionem rerum donatarum tibi qui patri successisti, decerni. PP. XIV. Kal. Decembr. Albino & Maximo Coss.

S U M M A R I A.

1. *Donata filia ob causam, sed ita, ut causa non secuta, redderentur, posse conditione repeti.*
2. *Ea dilanatur, quæ contraria videntur.*
3. *Superiora illa repeti conditione ob causam Sc. ideoque non actione præscriptis verbis.*

4. *An & eadem conditione repetantur quæ filia donata sine illa reddendi conventionione.*
5. *Contrariis occurritur vulgari responsione & n. 6.*
7. *Sed illa, etsi vera & iuri conformis, donationis pacto minus convenit.*
8. *Brevi & plena responsio.*

Pater filię prædica quædam & alia donavit, addita duplici conventionione, seu causa. Unum, ut creditoribus paternis illa satisfaceret. Alterum, ut si non satisfecisset creditoribus: donatio resolveretur, id est, rem donatam revocare liceret. Filia non satisfecit creditoribus. Quæritur, an donata ÷ repeti possint, & qua actione? Relembitur, causa non secuta donata repeti posse, & in eam rem esse conditionis actionem, ut verba sunt descripti, id est, actionem repetitionis causa, eamque in personam, ut conditio significat, *L. actionum. D. de obl. & act.* Hic statim ÷ occurritur, quasi non possit esse in hac specie actio in personam, seu conditio, ad donata repetenda: quia si dominium donatorum penes donatorem mansit, res donatæ vindicari possunt: proinde non possunt condici, quia nemo rem suam condicit, præterquam a fure, *L. ult. D. usufr. quemad. caveat.* At duobus modis hoc probatur, dominium rerum donatarum penes patrem mansisse, aut certe eum res donatas vindicare posse. Primo: quia pater donavit filię. Donatio inter patrem & filium, qui in potestate est, consistere non potest, *L. 2. sup. de inoff. donat. L. 1. §. 1. D. pro donatio.* Hic duplex responsio idonea est: Prima, donatio inter patrem & filium, qui in potestate non sit, consistere posse. Fieri

autem potuit, ut hæc filia non esset in potestate patris. Tum autem, etsi concesserimus, filiam in potestate patris fuisse; tamen donatio, quæ a principio non valuit, silentio patris confirmatur, si pater in eadem voluntate decesserit, *L. donationes, quas parentes, infr. de donat. inter vir. & uxor.* ubi hunc patrem decessisse proponitur. Nec ad rem pertinet, quod donatio morte patris confirmata, magis confirmari videtur iure supremæ voluntatis & mortis causa, quam inter vivos. Nam quocunque modo confirmetur, semper dominium in filiam transit, ut res donatæ vindicari amplius non possint: proinde & in hoc casu. Sed vindicationem esse rerum donatarum probatur in *L. 1. infr. de don. qua sub mo.* ubi patri ob causam donanti, causa non secuta rei donatæ vindicatio utilis datur. Respondetur: Apparet ex ea lege eam vindicationem illic dari in uno eo casu, de quo illic agitur. Casus hic est: cum donator donavit eâ lege, ut donatarius eum aleret, faveat alimentorum hoc ins suggestit: ut si donatarius donatorem non alat, videatur indignus donatione; & tamen quavis illic donatori vindicatio detur, nihilominus etiam datur conditio: neque hæc contraria sunt. Nam prius datur vindicatio utilis, quo verbo significatur, iure summo donatore dominum non

manfisse. Dicitur hic esse conditionem rerum donatarum; si nominatim convenierit, ut donatio resolveretur, si filia creditoribus paternis non satisfaceret.

3 Quæritur, si quæ hic sit conditio, utrum ob causam dati causâ non secuta? Movet, quod hæc conditio dari non solet nisi cum simpliciter res ob causam donata est, nulla conventionem reddendi nominatim interposita. *L. si militem, inf. hoc tit. L. si extraneus, D. eed.* Sed audenter dicemus, hic conditionem esse ob causam dati, causâ non secuta. Et si enim convenierit, ut res donatæ redderentur, tamen semper verum est, res ob causam donatas esse, & causam non esse secutam. Hoc factum pactionem non mutavit. Et si tunc hæc conditio competit, ubi nihil aperte convenit de re data restituenda; multo magis tunc competit, ubi convenit. Nam ubi nihil aperte convenit, tamen tacita conventio intelligitur de re reddenda, si causâ secuta non sit, ut initio binis tituli diximus. Non aliam vim habet conventio expressa, quam tacita. *L. 4. D. de pact. L. 3. D. si cert. pet.* Sed videbitur potius hoc casu præscriptis verbis actio danda esse. Nam cum do tibi aliquid nominatim ea lege, ut reddas, si aliquid securum non sit: negotium inter nos geritur. *L. 2. de cond. indeb.* Ex hoc genere negotiorum, cum do ut facias, nascitur præscriptis verbis actio. *L. naturalis, §. 1. & deinceps. L. solent, D. de præscript. verb.* Ita non erit conditio, ut hic dicitur; quoniam præscriptis verbis actio alias actiones excludit; quia tunc competit, cum non sunt aliæ actiones certæ. *L. 1. & 2. de præscript. verb.* Respondeo, quod dicitur, ex hoc negotio, cum de ut facias, esse mihi adversus te præscriptis verbis actionem, si non facias, sic intelligendum est: si nulla alia certa & usitata sit actio. *d. L. naturalis, §. 1. & 2. d. L. 2. D. de præscript. verb.* At iam ante diximus, ex hac conventionem esse conditionem ob causam dati, causâ non secuta, atque hæc conditio certâ & usitata actionis nomen est. *L. duobus, §. exceptio, D. de iureiurand.* Proinde ea ipsa ratione, qua prius utebamur, præscriptis verbis actio non erit.

4 Quid si res filie & donatæ sint ea lege, ut creditoribus prius satisfaceret, nulla inreposita reddendi conventionem, si creditoribus non satisfaceret: quid hic fiet, si filia non satisfecerit iuxta legem donationis dictam? Respondetur. Nihilominus patri, aut heredi eius conditio rerum do-

natarum competit, tanquam ob causam datarum; causâ non secuta. *L. 1. L. quoties, inf. de donat. quæ sub modo.* Hæc species aperte ad hanc conditionem pertinet; quia apparet res donari ob causam, ut filia satisfaciat creditoribus: ita hæc causâ non secuta, sit tunc conditioni locus. Unde intelligi debet in hoc rescripto additam esse conditionem, qua convenierit, ut filia non satisfaciente, donatio resolveretur, hoc, inquam; additum esse, quia ex facto proponebatur. Cæterum ad iuris rationem nihil pertinere, quia etiam sine hac conventionem conditioni locus. Sed videtur in hac specie & locus non esse conditioni rei donatæ. Nam pater, qui res donavit, ut filia creditoribus satisfaciat, habet actionem præscriptis verbis: qua actione agit pater in id, quod sua interest, si filia creditoribus non satisfaciat. *L. cum res, inf. de donat. L. hereditatem, D. de donat.* Hac actione pater videtur contentus esse debere, non etiam donatæ repetere; exemplo rei venditæ. Nam si vendiderim tibi fundum, ut pretium a te accipiam; vel ut præter pretium solvas creditoribus, & tibi fundum tradiderim: quanvis tu pretium non solvas, aut non satisfacias creditoribus iuxta conventionem; tamen non aliam actionem adversus te habeo, quam ut pacta impleas. Repetitio autem fundi traditi mihi nulla est. *L. si non donat, inf. de contrab. empt. L. ea conditione, inf. de rescis. vend. L. venditi, inf. de all. empt.* Proinde idem in fundo donato ob causam, ut donatarius creditoribus satisfaciat: illo non faciente, solum actio esse debet, ut pacta servet, non etiam dati repetitio. Et vulgo & ita respondetur: In contractibus nominatis, id est, iis qui in proprium nomen contractus transeunt, rem datam repetere non licet, etiam si adversarius pacta non servet. At in contractibus cum do, ut facias, penitentia locus est, ac propter penitentiam, repetitioni datorum. Hæc sententia certo probatur in *L. naturalis, §. 1. & 2. D. de præscript. verb. & L. 5. in prin. de cond. causa data.* Et differentia ratio hæc est; quia in contractibus, qui in proprium nomen contractus transeunt, statim ex conventionem nascitur obligatio & actio, etiam re nondum tradita: proinde re tradita multo magis dabitur accipienti exceptio ad rem retinendam. Nam ut maneamus in eodem exemplo venditionis: si vendidero tibi fundum certo pretio, quanvis nondum tradiderim; tamen statim obligatio inter nos contrahitur, & tibi actio est ex em-

pio, ut fundum tradam. *L. ex empto, D. de act. empt.* Proinde si fundum ultro tibi tradidero; multo magis, me repente, habebis adversus me exceptionem; quia cui damus actionem, eidem multo magis exceptionem competere quis dixerit. *L. in vitis, §. 1. de reg. iur.* At cum do tibi fundum, ut creditoribus satisfacias, & generaliter cum do tibi quid, ut facias, & conventio in proprium nomen contractus non transit; nulla obligatio inter nos nascitur, qua tibi teneat. Et ideo quemadmodum nullam adversus me actionem habes, ut tibi dem; sic re tibi a me tradita, nullam habes exceptionem, qua possis eam rem tibi retinere, si a te repetam. Hæc igitur distinctio † & vera est, & manifestat iuris rationem habet, sed donationis pacto hodie non convenit. Nam quemadmodum ex conven-

tionem emptioalis & venditionis obligatio iam olim nascitur statim a principio; sic hodie ex pacto, quo quis se donare dicit, obligatur is, qui donat. *L. si quis argentum, §. si vero & hoc prætermis. infr. de donat.* Proinde ex eadem regula, qua supra usi sumus, dicimus: si ex hoc pacto rem donatam tibi tradidero, quanvis ob causam; tamen me ideo condicere non posse; quia si re nondum tradita, actionem haberes ad eam rem petendam; multo magis re iam tradita exceptionem habebis ad eam retinendam. Vera † & certa responsio est, ius constitutum a Iuliano de pacto donandi confirmando, pertinere ad veras donationes. Nam Iulianus de donatione simpliciter loquitur. Donatio autem, quæ ob causam fit, ut aliquid sequatur, proprie donatio non est, *L. 1. de donat.*

Ad L. Ea lege 3.

Impp. Valerianus & Gallienus AA. Aurelio & Alexandræ.

Ea lege in vos collata donatio, ut neutri alienanda sua portionis facultas ulla competeret, id efficit, ne alteruter vestrum dominum prorsus alienet; vel ut donatori, vel eius heredi conditio, si non fuerit conditio servata, queratur, PP. Kal. April. Valeriano III, & Gallieno III. AA. Coss.

S U M M A R I A.

1. *Status duplicis questionis,*
2. *Distia donationi lex, ne scilicet donata res alienetur, & iure probatur, & valet.*
Contrariis occurritur ibid.
3. *Sed tamen nec irrita est alienatio facta contra legem conventionis; & vis prohibitionis reliqua, sola conditio donatori in donarium.*
4. *Offenditur eadem definitio argumentis; & confutatione contrariorum optime constabatur & n. 5. & seqq.*

6. *Primi adversariorum argumenti.*
7. *Secundi.*
8. *Tertii.*
9. *Quarti.*
10. *Quinti.*
11. *Sexti.*
12. *Septimi & postremi argumenti.*
13. *Quid si donatoris inter sit res ab illo donata non alienari; an ea poterint adversus legem donationi distam alienari.*
14. *Et quibus modis sibi cavere possit donator, & n. 15.*
16. *Referipti verba explicantur.*

Confutatio

DOnator res certas Titili donavit ea lege, ne eas res alienarentur. Hic † duo quaruntur. Primo, An eiusmodi pactio valeat, nec ne? Et respond. valere, & hoc efficere, ne donatarii res donatas prorsus alienent. Prorsus valet hic, quod explicatur in *L. ult. infr. de reb.*

alien. non alien. id est, ut nullo genere alienationis alienentur: quæ genera illic comprehensa sunt. Deinde quantum est, si hæc conventio valet, quam vim habet? Et declaratur hoc scripto, Conventionem non hæc vim habere, ut donatarii res donatas alienare non possint. Possunt enim

in quovis res donatas transferre; & si transulerint; iure procedet domini translatio. Sed si donatarii contra conventionem hoc alienaverint, hanc poenam solum esse, ut donator, vel heredes eius possint res donatas condicere, nempe conditione ob causam dati, causa non secuta. Ergo notandum est hic duo dici, quæ in disquisitionem vocentur, quoniam utrumque iustas dubitationes habet.

Primo si dicimus, conventionem supra scriptam, ne res donata alienetur, valere: quod est iuris certi. Nam conventiones servandæ sunt ex edicto *L. iurifgentium §. prator ait. D. de pact.* & nominatim hæc conventio confirmatur in *d. l. ult. inf. de reb. alie. non alien.* Sed tamen huic sententiæ duo opponuntur. Primum *L. pen. Dig. de pact.* ubi ita scriptum est: *Neminem pacifendo efficere posse, ne cui rem suam alienare liceat.* At rebus donatis & translatis donatarii domini efficiuntur: proinde pacitione effici non potest; ne iis res donatas alienare liceat. Respondetur. Quod *d. l. pen.* dicitur, pacitione effici non posse, ne domino rem suam alienare liceat, non significat eam pacitionem non valere: sed declarat, quam vim & quem effectum ea pacitio habeat, & ostendit, tametsi valeat; non tamen hoc efficere, quominus dominus rem suam alienando recte iure dominium transferat, id quod confirmatur in altera parte huius rescripti. Rursum adversus eandem sententiam hoc dicitur. Certi iuris est, nullas esse conventiones, quoties stipulantis & paciscentis nihil interest id fieri, de quo convenit, *L. stipulatio ista §. alteri, D. de verb. obligat.* At ut res donatæ alienentur, aut non alienentur, donatoris nihil interest; quia etiam si alienatæ non sint, nihil ad illum rediturum est, & ob hanc causam huiusmodi præceptum, ne res legata alienetur, in testamentis inutile est. *L. si singulis §. drui, D. de legat. 1.* Proinde hæc conventio in proposito non valet. Respondetur. Quod dicitur conventiones non valere, ubi paciscentis nihil interest, locum non habet, ubi poena adiecta est, si non fiat id, de quo convenit. Nam in poena solum spectatur conditio & quantitas stipulationis, non poena. *dist. L. stipulatio ista §. alteri, in fin. D. de verb. oblig.* At in proposito cum quid donatum ea lege, ne res alienetur, tacita conventionem poena subiicitur: ut nisi fiat, quod cautum est, res repetatur; quam conventionem diximus inesse, quotiescunque aliquid ob causam datur. Proinde in hac

causa non spectamus, quid donatoris interit, aut heredum eius.

Alterum hic statuitur, quod pertinet ad vim superioris conventionis. Dicimus autem eius conventionis non hanc vim esse, quominus donatarii res donatas alienare possint, & si animo alienandi transulerint, quo minus iure procedat alienatio: sed rebus alienatis, hanc poenam esse, ut quod donatum est, conditione revocari possit, vel a donatore, vel eius heredibus. Quæ ex re intelligimus donatorem adversus possessores novos nullam actionem habere, quia conditio sit actio in personam, quæ adversus possessores non datur, sed adversus eos, qui sunt obligati. Hic autem solum obligati sunt: qui res acceperunt, & heredes eorum. *L. alienam, D. de obligat. & act. §. 1. Instat, de act.* Hæc sententia parum liquet apud plerisque, qui iniquum & absurdum putant, res hac lege donatas ne alienentur, posse contra legem donationis dictam alienari. Ut igitur in hac sententia confirmemur, pauca si probanda est. Primo hoc loco evidenter statuitur. Nam in extremo dicitur, conditionem esse: si conditio servata non sit, id est, si res donatæ contra conventionem alienatæ sunt. Nam hæc erat conditio, ne alienarentur. His verbis aperte declaratur, conditionem in proposito posse non servari. Hæc erat conditio, *ne res alienarentur*, & tunc non servatur, cum alienantur. Proinde evidenter declaratur, res alienari posse. Id etiam efficitur hoc modo ex eodem rescripto. Nam rebus donatis alienatis datur conditio donatori ob causam dati, causa non secuta. Hæc conditio competere non potest, nisi alienatio præcessit. Nam si alienatio non præcessit, causa secuta est. Causa secuta cessat repetitio. Nec quisquam dixerit, conditionem donatori competere, si donatarii actum res donatas alienaverint. Nam in iis verbis, *ne res alienentur*, non de actu, sed de effectu alienationis cogitatum est, ut est in *L. venditor, D. de serv. export.* Et huc pertinet generale illud, verba cum effectu accipienda esse. *L. 1. §. 1. D. quod quisque iur.* Quare cum conditio datur rebus alienatis, intelligitur dari, rebus vere & iure alienatis. Possunt igitur alienari. Eadem sententia confirmatur in *L. si ita quis, 135. §. ea lege, D. de verb. obligat.* ubi quis res eadem lege donaverat, ne alienentur, & stipulatus erat a donatorio res alienatum non iri. Respondetur. Si alienatæ sint, donatorem habere actionem in id, quod sua interest. Er-

go prius significatur res vere alienatas esse; quia nihil interest donatoris, si res alienatae non sint. Confirmatur eadem sententia in *L. pen. de pact.* hac definitione: *Nemo pacificando efficere potest, ne domino rem suam alienare liceat?* Non distinguitur, utrum quis pacificetur de re penitus aliena, an vero pacificatur in traditione rei suae, sed generaliter dicitur: *Quisquis pacificatur, ne domino rem suam alienare liceat.* Hac conventionione non efficitur; quo minus illi alienare liceat. Porro rebus donatis, donatarius est dominus, non donator. *§. per traditionem; Inst. de rer. divis.* Proinde pacificando effici non potest, quo minus illi donatum alienare liceat.

Huius sententiae ratio certius intelligitur, cum § respondimus ut iis, quae adversus hanc sententiam opponuntur, quae nunc subiiciam. Primo § opponitur conventio. Omnis conventio, quae de re privata est & familiari, servanda est ex edicto. *L. 7. §. ait praetor. & §. si pacisc. de pact.* Hic conventio est, ne res donatae alienentur. Servanda igitur eatenus, ut ne alienentur. Respondetur. Etiam hic conventionem servari, sed suo modo, nempe ut liceat quidem alienare, sed non impune. Non obstat edictum praetoris. Non enim simpliciter edicto cautum est, omnem conventionem servandam esse, sed adicitur haec exceptio, dummodo non sit contra leges. Nulla pactio, quae contra leges, aut contra regulas iuris est, servanda est. *L. pacta, quae contra. supr. de pact. L. contra, D. de pact.* Omnis autem pactio est contra regulas iuris, atque adeo contra legem naturae, ubi paciscimur, ut quid non sit, quod est; aut ut quid sit, quod aperte non est. Exempli causa. Constet hanc pactiorem esse inutilem, si convenit inter nos, ne agnatus tuus sit tibi agnatus; ne filius sit tibi filius, quoniam si filius est, natura fieri non possit, quin sit. *L. ius agnationis, D. de pact.* At talis est haec conventio cum paciscimur, ne domino rem suam alienare liceat. Hoc enim nihil aliud est, quam pacisci, ne dominus sit dominus; quia si quis dominus est; is iuris gentium lege de re sua statuere potest, ut vult *L. in re mandata, infr. mandati.* Ex quo & superioris sententiae ratio intelligitur, qua certius confirmatur.

Secundo loco § opponuntur verba priora huius rescripti. Verba haec sunt: *Conventionem in proposito efficere, ne donatarii prorsus dominium alienent.* Non existit haec conditio, si res iure alienentur. Respond. Quod initio dicitur, extre-

mis verbis corrigitur. Additur enim haec exceptio, vel verius correctio, nisi donatarii velint teneri conditione, *si conditio servata non sit.* Quibus verbis significatur, non posse eos alienare dominium impune; sed si alienaverint: poenam hanc esse, ut res donatae condici possint, ut supra diximus.

Tertio § opponitur *L. ult. inf. de reb. alie. non alie.* ubi dicitur cautum est, si conventio contrahenti prohibeat rem alienari, prohiberi omnem speciem alienationis. Item omnem rationem, per quam ad alienationem postea pervenitur. Puta prohiberi, ne res pignori obligentur, ne usufructus, ne constituantur servitutes praediorum. In summa constitutio vult, prohiberi in totum omnem alienationem superiori conventioni. Respondetur. Nil verius est, quam hac conventionem omnem alienationem prohiberi. Idque & nos hoc rescripto confirmamus. Sed aliud est, alienationem prohiberi, aliud impediri. Prohibetur; quia si alienata sit, poena constituitur, conditio. Sed si res alienatae sint; alienatio non impeditur; quia licuit domino de re sua statuere.

Quarto § opponitur exemplum alienationis a lege prohibita. Exempli gratia: Fundus dotalis lege Iulia prohibetur a marito alienari. Haec prohibitio hoc efficit, ut si maritus alienare voluerit, nulla sit alienatio. *L. 2. de iur. dot. tot. tit. Inst. quib. ali. lic. vel non,* in pr. Proinde idem probandum est, etsi conventionem alienatio prohibita fuerit. Respondetur. Non recte haec comparantur. Alia vis est legis publicae, alia conventionis privatae. Lex praestitit unicuique nostrum, & est rerum nostrarum domina, ut est in definitione legis *L. 2. D. de LL. & ideo quod nostrum non est, lex nostrum facit, cum vult; & quod nostrum est, facit, ut nostrum esse desinat, cum eadem vult, ut cum res nostrae publicantur. Inde etiam, quod lex fieri vetat, si factum sit, placet pro infecto esse. *L. non dubium, supr. de LL.* At conventio non est supra legem, sed legi pareat, & contra legem interposita nulla est.*

Quinto § opponitur exemplum alienationis a testatore prohibita. Nam si testator fundum legat, & veter alienari extra familiam placet id alienari omnimodo non posse; & si is, qui prohibitus erat, alienandi animo in aliquem transulerit; placet unumquemque proximum ex familia, eam rem vindicare posse. *L. peto, §. ultim. L. cum pater, §. libertus, de L. 2.* Respond. Etiam supremis voluntatibus

ilbus plura tributum est, quam voluntati-
bus contrahentium. Quinimo supremis vo-
luntatibus hoc tributum est, ut leges &
iura sint. *L. verbis legis, D. de verb.
sign. §. disponat, in Nov. de nupt.* Hu-
ius rei argumentum est evidens in domi-
nio rerum transferendo. Nam rei legatæ
dominium recte in legatarium transit sine
ulla apprehensione rei legatæ. *L. lega-
sum, D. de leg. 2. L. a Titio, D. de ser.*
At si inter vivos vendam tibi fundum
meum, & convenerit, ut sit tuus, non
ideo erit tuus. Traditionibus enim, non
nudis pactis dominia rerum transferuntur
inter vivos. *L. traditionibus, supr. de
pact.* Sed utrique solutioni precedenti op-
ponitur *d. L. ult. C. de reb. alien. non
alien.* ubi comparatur hæc tria genera
prohibitionum, sive lex alienationem pro-
hibeat, sive testator, sive conventio con-
trahentium. Hæc enim in principio con-
iunguntur, & his unum & idem ius tri-
buit: ut consequens sit, si in prioribus
prohibitionibus impeditur alienatio rei pro-
hibita: consequens sit etiam alienationem
impediri, ubi alienatio conventionem pro-
hibetur. Respond. Hæc prohibitiones com-
parantur in una re tantum: nempe in eo,
ut prohibita alienatione, contineantur om-
nes species rerum, per quas ad aliena-
tionem pervenitur. Sed non comparantur
in effectu alienationis. Alius est enim ef-
fectus, cum lex, aut testator alienationem
prohibet; alius cum privatorum conventio.
Proinde ea lex hoc discrimen non
mutat.

11 Sexto ¶ opponitur *L. si creditor, §.
ult. D. de distr. pign.* Proponitur credi-
tor pactus esse, ne debitori liceat hypo-
thecam vendere. Queritur, an pactio nul-
la sit talis, quasi contra ius posita sit &
ideo res venire possint. Respondetur. Ut
est scriptum in Pandect. Flor. Nullam esse
venditionem, id est, nullam alienationem,
ut pactione stetur. Quibus verbis aperte
exprimitur, alienationem non tantum pro-
hiberi, sed etiam impediri. Respondetur.
Si lectionem hanc Florentinam retinemus,
respondendum est, diversam esse causam
creditoris & cæterorum, quibus res obli-
gata non est. Nam cæteri nihil iuris in re
habent. Creditor habet ius in re, quæ illi
pignori obligata est. *L. pignoris, D. de
pign. L. pignoris, infr. de pign.* Sed ve-
rius est, lectionem Florentinam menda-
sam esse, & sententiam aperte falsam.
Mendosam esse lectionem apparet, ex or-
dine rerum quaritarum: Non queritur,
an venditio sit nulla; sed queritur, an
pactio nulla sit, & per consequens an res

venire possint. Proinde si responsum con-
gruere volumus: eodem ordine responderi
oportuit, nullam pactionem esse talem, &
ideo venire posse. Aperte autem falsum
est, eiusmodi venditionem nullam esse, &
pactionem valere: quoniam, quod iam su-
pra diximus, nulla conventio valet, ubi
eius, qui pacificatur, nihil interest, *d. L.
stipulatio ista, §. alteri, D. de verb. obl.*
At nihil interest creditoris, si debitor hy-
pothecam vendat, aut quovis modo alie-
net; quoniam ea alienatione creditori ni-
hil nocetur: sed creditor semper habet
actionem in rem hypothecatam, tam ad-
versus novos posseditores, quam haberet
adversus ipsum debitorem. *L. distractus
& L. seq. infr. de pign.* Proinde rem
alienari nihil creditoris interest, eoque
nec stipulatio valet, quasi contra ius in-
terposita. Expendendum etiam est, quod
in *cod. §. ult.* dicitur certum esse, nul-
lam venditionem esse; etiam si nulla ven-
ditio esset, tamen non esset id certum,
sed multe sunt causæ, cur dubitari possit.

12 Postremo ¶ opponitur exemplum ser-
vi hac lege venditi, aut donati, ne ma-
numittatur. Nam in *d. L. ult. inf. de
reb. alien. non alien.* in eodem numero
habentur alienatio & manumissio rei alie-
nari prohibita. At cum dominus servum
suum tradidit ea lege, ne manumittatur:
non solum prohibetur manumissio, sed et-
iam impeditur. Manumitti enim iure non
potest. *L. pen. infra si mancip. ita su-
alie.* Proinde idem dicendum est, si res
donata sit ea lege, ne alienetur. Respon-
detur. Ne hæc quidem recte comparan-
tur. Nam quod cautum est, ne servus hac
lege traditus manumittatur, manumitti
possit; singulari iure receptum est. Ex
quo colligitur, ius commune esse in con-
trariam sententiam, in aliis alienationibus.
Ius hoc singulare esse declarat in *L.
servus 9. D. de manumiss. in L. ille ser-
vus, §. ult. qui & a quibus.* Huius iu-
ria constituendi ratio Romanis hæc fuit:
ut servi discerent metuere dominos, qui
scirent, si dominum offenderent, posse se
ita alienari, ut nunquam manumittantur.
Visum est autem illis potestatem domini-
orum in servos integram & illibatam ser-
vari oportere, ut est in *L. 2. de his, qui
sui sui vel alien. iur.*

13 Quid, si inter sit donatoris ¶ res dona-
tas, hac lege, ne alienentur, non aliena-
ri; an nihilominus alienari poterunt? Ex
constat, posse: solumque donatori actio-
nem esse adversus donatarium in id, quod
sua interest. *L. si ita quis promiserit.
135. §. ea lege, D. de verbor. oblig.*
Quod

Quod actio datur donatori in id, quod interest, certum argumentum est rem prius iure alienatam esse. Nam nihil interesset donatoris, si res alienata non esset; ut iam supra diximus. Sed hic obstat *L. ult. infra, de pact. inter empt. & vend.* ubi si res donata traditave sit ea lege, ne is, qui accipit, eam religiosam faciat, aut aliter usibus humanis eximar, Iulianus constituit pactum immutatum servari debere; quia fieri possit, ut dantis intersit, rem religiosam non fieri. Respond. Cum res datur ea lege, ne religiosa fiat, in ea conventionem duæ sunt questiones. Prior, An valeat? Posterior, Si valeat, quomodo servanda sit. Iulianus illic de priori questione respondet, cavens eam pactiorem esse servandam: idque fecit adversus eam dubitationem, quæ hic incidebat. Nam videri potest hæc conventio esse contra ius, quia sit contra pietatem & religionem, ut quæ veter, rem religiosam fieri. Sed Iustin. voluit, nihilominus valere; quia cum sit de re privata interposita, & dantis intersit, id servari non debeat fraudari is, qui hanc legem dixit. Nec obstat pietatis & religionis causa, quia cum dicitur, *Hanc conventionem immutatum servandam esse*, hoc dicitur, servandam esse suo modo, uti salva religione potest. Quomodo igitur servanda est? Respondemus & ex hoc loen, & ex his, quæ supra diximus, ita esse servandam, ut donatori detur actio in id, quod eius interest: si is, qui rem accepit, contra conditionem fecerit, id est, si rem fecerit religiosam, aut aliter usibus humanis exemerit. Cæterum res ipsa & religiosa, & humanis usibus exempta fieri potest; quemadmodum cum res donata est hac lege ne alienetur, nihilominus alienari potest. Nam si præter legem alienari potest: multo magis præter legem religiosa fieri potest; quia religio est favorabilior alienatione, aut retentione privata.

Itaque hoc casu cum quis donavit rem ea lege, ne alienetur, & donatoris interest, eam non alienari, re postea alienata, duæ sunt viæ, quibus § donator uti potest: Aut enim agat in id, quod sua interest, rem alienatam non esse: aut si videtur, condicet donatum tanquam ob causam datum, causa non secuta: ut sit, quotiescunque aliquid ob causam datur, & causa secuta non est. *L. naturalis, in prius.* & deinceps *de præscript. verb.* Sed si res alienata est, ut volumus, ita ut alienatio constiterit: quomodo res donata a donatario condici potest, quam non habet? Desiit enim habere alienando. Respon.

Nihilominus res ei recte condicetur, quia redimet, si potest; si non potest, præstabit rei æstimationem, ut sit, quotiescunque res debita præstari non potest ab eo, qui nihilominus rem debet. *L. si domus, §. qui constituitur, D. de legat. 1. L. in re furtiva, D. de cond. furti.* Atque hoc respondetur in eo servo, qui mortis causa donatus est. Nam si vivente donatore manumissus sit, deinde donatorem preniteat: non condicetur servus, qui iam manumissus est, sed pretium condicetur. *L. si is, cui mortis, D. de mort. caus. donat.* Quod anrem mortis causa datur, ob causam datur. *L. senatus, §. 1. D. de mortis caus. donat.* Quid, si donatarius solvendo non erit? Respondetur, quod res donatori perierit, quia rem suam vindicare a possessoribus non potest, ut qui donando & alienando dominus esse desierit. Non datur autem in rem actio nisi ei, qui dominus est. *L. in rem, D. de rei vindic.* Quod si quis adversus hoc periculum sibi cavere volet, hæc causa erit, ut ita donatio concipiatur: *Dono tibi prædium Tusculanum ea lege, ne alienetur.* Quod si vendideris, aut quid eorum feceris, heresque tuus, ex quibus res iure alienari solet; volo, ut res sit non donata. Hac lege commissoria adiecta, resolvitur donatio sub conditione, & res ipso iure ad donatorem redit. Quam ob causam ei etiam vindicatio dabitur adversus omnes earum rerum possessores; ut fieret, si in venditione lex commissoria adiecta esset, & conditio legis servata non esset. *L. commissoria, infra, de pact. inter empt. & vend. L. 1. & 3. D. de leg. commissor.* Idem fit, & cum res vendita in diem addicitur. Si hæc lex commissoria in emptione valet, non minus valere debet in traditione rei nostræ. Nam in traditionibus rerum quodcumque pactum interpositum valet, non minus, quam si in bonæ fidei iudicio intervenisset. *L. in traditionibus, D. de pact.*

Hæc de sententia scripti satis. Verba observanda sunt. Dicitur donatio collata esse ea lege, ne res alienetur: ea lege, valet, eo pacto, & conventionem interposita in re donanda: De cuius verbi significatione & ratione dixi ad *L. legem, supra, de pact.* Dicitur præterea conditionem acquiri donatori, si conditio servata non sit. Conditio hic pro causa posita est, ut in *L. si repetendi infra.* Res donata ea lege, ne alienetur, intelligitur donata ob causam, ne alienetur. Hæc causa hic conditio appellatur. Quæri potest, quæ obrem, cum conditio & causa toto genere

nere dissent, si initium & ingressum rei spectemus, ut *Dono tibi prædium sub conditione*, hoc modo: *v. c. dono tibi hoc prædium, ut tuum fiat, si 10. Titio dederis*. Huius conditionis vis est, ut prædium non prius tuum fiat, quam Titio 10. dederis *L. qui absentis, §. 1. de acquir. posses.* Dono ob causam hoc modo, *dono tibi hoc prædium ea lege, ut Titio 10. des*. Ex hac causa statim dominium transfertur. *L. 1. de donat.* Unde & conditio datur, quæ non competeret, nisi re alienata. *L. senatus, §. 1. de mort. caus. donat.* Cum hæc tam dissimilia sint, cur causa conditio nominatur? Respondetur. Recte nominatur, dum spectatur exitus conditionis & causæ. Conditionis exitus

hic est, ut causa non impleta, fundus non videatur transferri; non quia revera translatus non sit, sed quia revocatur, quod idem valet. Non enim videtur pervenisse, quod mansurum non est. *L. aliud est capere, D. de verb. sign.* Et hoc est, quod dicitur in *L. 1. infr. de sis, que sub modo*, modum in legatis pro conditione servari. Modus in legatis est id, quod in contractibus causam dicimus, cum quid ob causam datur. Nam sub modo ita legatur: *Titio 10. do, lego, ut monumentum ædificet*. *L. demonstratio, §. ult. D. de cond. & demonstr.* At in contractu si quid eodem modo datum sit, ob causam darum dicitur, *d. L. senatus, §. 1. D. de mort. caus. donat.*

Ad L. Si cum exiguum 4.

Idem AA. & Valerianus C. Æmiliz.

Si cum exiguum pecuniam re vera susciperes, longe maiorem te accepisse cavissi, eo quod tibi patrocinium adversarius repromitteres: cum dicas fidem promissi non secutus: ut libereris obligatione eius, quod non acceptum propter speratum patrocinium spondidisti, per conditionem consequeris. PP. V. Kal. Maii, Æmiliano & Basso Coss.

S U M M A R I A.

1. *Datum ob causam non inonestam, causa non secuta, condici potest.*
2. *Dare est dominium transferre.*
3. *Dati verbo quid hic intelligatur.*

4. *Dari, seu conferri ob causam possumus, res, liberatio, obligatio, & quomodo.*
5. *Quatenus singula condicantur.*

IN conditione ob causam datorum iuris definitio hæc est. Quod ob causam ꝑ non inonestam datum est, causa non secuta condici posse. *L. si militem, & L. cum ancillam, inf. b. t.* Verba si sequimur, non est hæc conditio nisi de iis, quorum dominium transfertur in accipientem ob causam. Nam proprie dare ꝑ est dominum transferre. *§. sic, itaque, Inst. de act. L. ubi autem, §. ult. de verb. oblig.* Sed hoc rescripto & aliis quibusdam monemur, verbum ꝑ, *dati*, hic generalius accipiendum esse: ut intelligatur datum, quicquid in aliquem collatum est ob causam. Tria autem in aliquem ob causam conferri possunt, res, liberatio, obligatio. Res, veluti si dem tibi decem, ut patrocinium mihi præstes, ut negotia mea geras. Liberatio, veluti si cum mihi 10. deberes, ea tibi accepta tulerim; ut vel superiora, vel quid aliquid faceres. Obligatio, veluti, si neque dem, neque te

liberem: sed promittam tibi 10. aut tanquam a te accepta caveam, me accepisse ea lege, ut quid faceres. Quidquid ꝑ horum factum erit, causa non secuta, conditio dabitur eius, quod in te collatum est. Res data condicatur citra controversiam. *L. 1. 2. & 3. supra.* Liberatione in aliquem collata sic competit conditio causa non secuta: non ut liberatio condicatur, sed condicentur 10. quæ accepto lata sunt, quasi acceptatione ad debitorem pervenerint. *L. 4. L. si mulier, D. eod.* De obligationis conditione est hoc rescriptum, quo declaratur, obligationem ipsam, quæ in te collata est, condici: quæ conditio hanc petitionem habet, ut me ea obligatione liberes, ut hic scriptum est. Hoc amplius, et si quod chirographum emissem, eo nomine possum chirographum condicere: si agere nolo, & pecuniam a me petas: est mihi exceptio doli mali adversus te, de quo in *L. 3. supr. de cond. indeb.* Aaa Ad L.

Ad L. Si militem. 5.

Imp. Diocletian. & Maximian. AA. & CC. Martiali.

Si militem ad negotium tuum procuratorem fecisti, cum hoc legibus interdictum sit, ac propter hoc pecuniam ei numerasti: quicquid ob causam datum est, causa non secuta restitui tibi competens index curæ habebit. PP. X. Kal. Octob. iplis IV. & III. Coss.

SUMMARI A.

1. Datum militi ut procuratorem agat, cum per eum non fiat, an repeti possit. Miles procurator esse a iure vetatur. ibid.
2. Sed tamen idem procurator esse potest, nisi ei militia præscriptio opponatur.
3. Error Accursi notatus, & L. cuius

per errorem §. 3. *D. de R. I. enposita* & n. 4.

5. Miles tutor a milite procuratore iuris effectus quid differat.

Alia differentia legati sub modo, & dati ob causam: qua L. ab administratione §. C. de legat. cum hoc rescripto conciliatur: ea qua sit.

DEdi militi 10. ut procurator meus esset, vel ut ageret iudicio, meo nomine, vel me iudicio defenderet. Is procurator meus factus non est; quia non potuit. Nam milites procuratores fieri ius vetat. *L. militem, sup. de proc.* Quæritur ¶ cum per militem non fiat, quo minus causam meam egerit, an possim ei datum condicere? Rescriptum est. Posse. Hic impedire videtur conditionem *L. distam, infr. b. t.* ubi traditur, quod ob causam impossibilem datum est, causa non impleta repeti non posse, quia impleri non potuerit. At videtur talis causa esse, cum quid militi do, ut fiat procurator. Nam si iure procurator esse non potest, hæc causa iure est impossibilis. Iam autem dicimus, tam impossibile esse, seu fieri non posse, quod iure fieri non potest, quam quod non potest natura. *L. filius, D. de cond. inst. Resp.* Non ¶ est hæc causa, ne iure quidem impossibilis, ut miles procurator fiat. Nam si in lite contestanda admissus sit ab adversario pro procuratore, dum ei non opponitur præscriptio militiæ; iure procurator erit, nec ei postea præscriptio oberit. *L. filius fam. §. vetet. D. de proc. L. ita demum, sup. de procur.* Proinde hæc species ad definitionem causæ impossibilis non pertinet.

- 3 Et ideo errat ¶ hoc loco Accurs. & eum secuti, qui in hac specie dat conditionem adversus militem tantum tribus casibus.

I. Si putem eum non esse militem. II. Si

sciam esse militem, sed errans in iure potem procuratorem esse posse. III. Si sciam & militem esse, & procuratorem esse non posse; tamen dem nominatim hac lege, ut si procurator non sit factus, liceat mihi datum repetere. *L. 2. de cond. indeb.* Quod si superiora sciam, & simpliciter dederim militi, ut sit procurator: negat hoc casu esse mihi conditionem. Male. Nam in hunc ipsum casum maxime hic rescriptum est, esse conditionem. Merito: cum causa non sit impossibilis; & ideo nihil sit, quod impediat conditionem. *d. L. distam, infr. b. t.* Inapte autem movetur Accurs. *L. cuius per errorem, D. de reg. iur.* Nam ea ¶ regula est de rebus solutis per errorem, non autem de rebus datis ob causam. Est enim generaliter dicatur, cuius per errorem dati conditio est, eius consulto dati donationem esse; tamen verbum erroris, de quo regula loquitur, satis declarat, agi de his, quæ tanquam debita per errorem soluta sunt; quia in rebus præteritis error natura esse potest, propter ignorantiam. At in his, quæ ob causam futuram dantur, nullus potest esse error. Scimus enim, quomobrem demus. Sed tamen in hac quoque specie videtur impediri conditio; quia per militem non fiat, quo minus fiat procurator, sed per adversarium, qui militem non admisit. Cum autem per accipientem non fiat, quo minus causa impleatur, videtur cessare repetitio ex *L. pen. & ult.*

5 & ult. inf. de eo ille dicetur. Opponitur † huic rescripto *L. ab administratione & L. penult.* in fin. *infr. de legas.* ubi si militi aliquid legatum sit, sub modo, seu ob causam, ut tutor esset: constituitur, quanvis tutor esse non possit; tamen nihilominus eum legatum consecutum iri; quia per eum non flet, quominus voluntati defuncti pareat. Respond. Dissimilis hæc causa est duabus in rebus. Primo; quia hæc causa, ut miles tutor sit, iure est impossibilis. Neque enim miles tutor esse potest ullo modo, sive ipse velit, sive alii quilibet. At hæc causa, ut procurator sit, de qua nunc agitur, est

possibilis. Potest enim procurator esse dissimulante adversario, si is prescriptionem militiæ non opponat, ut dixi. † Deinde est hæc quoque dissimilitudo; quia in testamento, cum quid legator sub modo, seu ob causam, satis est, si per legatarium non stat, quo minus causam impleat. Idemque de herede dicimus: qui heres sub modo institutus est. *L. qui sub conditione §. quoties.* in fin. *D. de cond. infr.* Diversa causa est, si quid consensu datur inter vivos ob causam. Nam in testamento plenius voluntates testantium interpretantur. *L. in testamentis, D. de reg. iur.*

Ad L. cum ancillam. 6.

Idem AA. & CC. Cyrioni & Plotioni.

Cum ancillam patrem vestrum ei, contra quem supplicatis, dedisse proponatis: interest multum, utrumne donandi animo dederit, an ob manumittendam filiam, quam ancillam existimabat: cum perfecta quidem donatio revocari non possit: causa vero donandi non secuta, repetitio competat. S. II. Id. Maii, AA. Coss.

S U M M A R I A.

1. Falli species.
2. Ancilla ob causam data, causa non secuta an condici possit: & qua distinctione definiatur questio.
3. Quando quod datum est ob causam impossibilem repeti valeat.

4. Quid causa significet in iis rescripti verbis: causa donandi vov secuta &c.
5. Datum ob causam futuram, ob causam finalem datum intelligi.
6. Qua nota causa impulsiva dignoscatur.

1 A Lquis † suscepit filiam ex ea muliere, quæ libera erat, sed ancilla putabatur. Libera liberam peperit, & ingenuam. *Instit. de ingen.* Sed quia putabatur esse ancilla, idcirco existimabatur & filia ancilla esse, quia partus conditionem matris sequitur, *L. partum supr. de rei vind.* Is pater naturalis cum filiam suam liberam esse vellet, quam ancillam putabat: dedit possessori eius filiae aliam ancillam eo animo, ut possessor filiam manumitteret. Vel cum revera ancilla prius filia fuisset, deinde esset manumissa vel testamento, vel codicillis, quod ignorabatur; in eodem errore pater idem ancillam possessori dedit, ut ea filia manumitteretur. Postea constitit, filiam esse liberam, vel quia cognitum est, matrem eius liberam fuisse; vel quia testamentum postea prolatum est, quo manumissa pro-

Tom. VII.

ponitur; quo fit, ut possessor eam filiam per rerum naturam manumittere non possit. Nam manumittere est e manu & servitute emitte, & nulla servitute præcedente, nulla manumissio esse potest. *Instit. de libert.* in princ. Notum est illud ex natura sumptum: Privationem præsupponere habitum, quem privet. Ex quo intelligitur in specie proposita, causam sequi non posse, propter quam pater filiam ancillam possessori dedit.

Hinc quaesitum, an is pater, vel heredes eius possint eam ancillam condicere? † Distinguitur, si donandi animo dedit, cessat repetitio: Quia donatio semel perfecta non revocatur. *tot. tit. infr. de revocat. donat.* Donandi autem animo tunc videitur dedisse, cum simpliciter ancillam dedit, causa uonuatim non adiecta, ut possessor filiam dantis

A 22 2

dantis manumitteret. *L. si repetendi, sequen.* Quid, si pater ancillam dedit nominatim ob filiam manumittendam? Quod datum est ob causam, condici potest, causa non secuta. Ex quo responso ¶ duo colliguntur. Primo, si quid datum sit ob causam impossibilem, nihilominus repeti posse, si datum sit ab eo, qui possibilem putaret, ut hic pater exillimabat filiam suam manumitti posse, cum existimaret esse ancillam, de quo dicitur in *L. distam, infr. b. t.* Alterum: si quid datum sit ob causam, quam qui dat, se qui vult, semper esse repetitionem dati causa non secuta, quanvis per accipientem non stet, quo minus causa impleatur, ut hic certum est, non stare per possessorem, quo minus filia manumittatur, sed stare per rerum conditionem; quia libera manumitti non possit. Simile exemplum legitur in *L. 3. §. si liber. D. cod.* Huic posteriori parti adversari videtur *L. pen. & ult. infr.* quod ibi dicitur. Notanda sunt verba rescripti hæc: ¶ *Causa donandi non secuta repetitio competit.* In quibus bene annotatur, hanc sententiam de causa finali accipiendam esse, non de causa impulsiva. Nam quod ob causam tantum impulsivam datum est, etiam causa non secuta non repetitur. *L. 2. §. ult. & L. seq. de donat.* Quicquid ¶ ob causam futuram datum, ob

causam finalem dari intelligitur, id est, ita dari, ut nisi causa sequatur, velit is, qui dat, esse dari repetitionem *L. senatus, §. 1. de donat.* Hoc ita: nisi constet causam, quæ adiecta est, dandi, fuisse impulsivam, non eam, quam is, qui dat, necessario exigeret. Huius causæ discernendi causa ¶ hæc nota erit, si causa adiecta est, quæ soli accipienti prodest, & ad solius eius utilitatem referatur. Exempli gratia. *Dono tibi 100. ut prædium tibi emas.* *Dono tibi 100. ut facilius negotia tua expedias.* *Dono, ut facilius possis habere, quauvis neque prædium emeris: neque negotia tua expedieris, neque pupillis;* tamen cessat dati repetitio, *d. L. 2. §. ult. L. Titio centum, in pr. de cond. & demonst.* Et ratio in promptu est. Quia apparet eiusmodi causam accipientis solius causa comparatam esse: licet unicuique iuri pro se introducto reuocari. *L. penult. supr. de pact. L. si index, D. de minor.* Et hoc rursum posterius ita est, nisi aperte hæc causa, quam impulsivam dicimus, ita adiecta sit, ut vellet donator omnimodo sequi, veluti, si cognato egeuti & parum industrio dederit: ut emeret. *dist. L. Titio 100.* Itaque verum est, quod dicitur in *d. L. 2. §. ult. de donat.* hanc rem ratione facti id est, ex facto, & circumstantiis æstimandam esse, quod donator censuit.

Ad L. Si repetendi. 7.

Idem AA. & CC. Gerontio.

Si repetendi quod donabas uxori eius quem ad proficiscendum tecum huiusmodi liberalitate provocare proposueras, nullam addidisti conditionem, remanet integra donatio: cum levitati perfectam donationem revocare cupientium, iure occurratur. S. VII, Kal. Septembr. AA. Coss.

S U M M A R I A.

1. Datum ob causam ea mente, ut causa sequatur; sed illa non adiecta nominatim, revocari non potest.
2. Conciliatur cum hoc rescripto *L. si ob rem 1. §. 1. D. cod.*
3. Et modi alii, exponuntur quibus,

licet non nominatim, causa ob quam datum est exprimitur.

4. Horum exempla ex *L. si filius 13. D. cod. & ex L. cum veterum 15. Cod. de donat. ant. nupt. petita & n. 5.*

IUs est, ob causam datum, causa non secuta, repeti: Quæritur, quando videatur quid ob causam datum esse? Id definitum est hoc rescripto. ¶ Ut videatur quid

ob causam datum, non tunc, cum datum est eo animo & cogitatione, ut quid sequeretur: sed cum nominatim in dando hoc ipsum dictum est, dari ob eam causam, ut illud

illud aut illud sequatur; quæ causa si adiecta non est, donatum intelligitur, proinde revocari non potest. Exempla sunt hæc: Cum vellem aliquem provocare liberalitate mea, ut necum aliquo proficeretur; eo animo & ob eam causam dedi aliquid uxori eius: veruntamen dedi simpliciter, non hac lege dicta, ut maritus eius necum proficeretur. Si maritus ingratus nolit proficisci; tamen datum non repetitur, quia non est datum ob causam. Quod exemplum est huius rescripti. Cuius simile est, si, ut fit, quidam avunculo suo de iure aliquid remittat, ut provocet eius voluntatem ad se heredem instituendum, aut ad sucessionem suam sibi relinquendam. Nam quavis avunculus alios heredes postea instituerit; tamen quod remissum est, repeti non potest, ubi nominatim non est remissum ob causam. *L. si maiores, supr. de transact.*

2. Huic loco ¶ videtur adversari *L. 1. §. ult. & L. seq. D. cod.* Quidam heres institutus est, aut ei legatum relictum sub conditione, si 10. Titio daret: is implendæ conditionis causa 10. Titio dedit, id est, decem ob causam, ut conditionem impleret, neque quidquam præterea addidit. Deinde hereditatem repudiavit, aut legatum: ita ut iam neque ad hereditatem, neque ad legatum pervenire possit. Decem Titio data repetere vult, tanquam legati consequendi causa data, causa non secuta. Illic scriptum est, Eum recte 10. conditurum; quia hereditatem, aut legatum consecutus non fit. Id ex hoc loco falsum esse videtur. Nam quod ob causam datum est, causa secuta repeti non potest. *L. 1. in princ. D. cod.* At hic 10. Titio data sunt ob causam, ut conditio impleteretur, quæ causa secuta est. Est enim vere conditio impleta. *L. si pupillis, de cond. inst.* Proinde causa secuta 10. non repetitur. Quod si dicit legatarius, se implevisse conditionem rursum ob aliam causam, ut ad legatum pervenire posset: illi hoc rescriptum opponitur. Dicitur, eum ipsum hanc causam non adiecis, proinde pro adiecta non habendam, eoque cessare repetitionem. Ut hoc recte explicetur, sic addendum est, non videri quidquam ob causam dari, nisi quod aperte causa adiecta datur, quam 3 sequi volumus. Sed hæc ¶ causa, nihil interest, utrum adiciatur nominatim verbis, an vero exprimat re aliqua adiecta, ex qua hæc causa natura sua intelligatur: & ideo quoties aliquid fit, quod natura sua ad certum aliquem finem refertur, eo facto etiam finis, ad quem refertur, pos-

tus & expressus intelligitur. At implere conditionem, factum tale est, quod refertur eo, ut heres, vel legatarius impleta conditione, possit hereditatem, vel legatum consequi. Id ex eo intelligimus quia alioquin inutile, atque etiam damnosum esset, conditionem implere: quod iu actionibus humanis existimari non debet, *argum. in L. 3. in fi. de pact. in L. si quando, de L. 1.* Quapropter qui Titio dat 10. ut conditionem impleat, hoc ipso, quod dat implendæ conditionis causa, etiam finis alterius causa dare intelligitur, ut impleta conditione ad legatum perveniat. Eiusdem conditionis ¶ exemplum est, iu *L. si filius, D. cod.* Filius emancipatus aditurus hereditatem patris, bona sua contulit fratribus simpliciter; non nominatim, ob causam, ut ad hereditatem patris perveniret. Hereditatem deinde patris repudiavit; vult bona collata condicere fratribus quasi causa non secuta, ob quam bona collata sunt. Obicitur ei hoc rescriptum, ipsum bona simpliciter contulisse, non ob causam. Resp. iu *L. si filius.* Eum bona condicere posse. Et ratio est: quia emancipatus confert bona fratribus, ut ad hereditatem patris perveniat. Id autem ex eius facto intelligitur, quia hereditas patris emancipato datur sub conditione, si bona sua fratribus contulerit. *L. 1. de coll. bon.* Cum autem bona sua confert nominatim, confert huius conditionis implendæ causa, ex quo facto finis sequens intelligitur. Interdum etiam causa adieci intelligitur ex demonstratione certa personæ accipientis, quæ in dando expressa est. Quo referri debet ¶ constitutio Constantini, de rebus a sponso sponsæ simpliciter donatis: Si sponsus sponsæ donaverit res aliquas, nulla alia causa nominatim expressa: quæsitum est apud veteres, utrum nuptiis postea casu aliquo non secutus, eæ res repeti possint. Et placebat veteribus non posse, quasi ob causam donatæ non essent, cum essent simpliciter datæ. Huic sententiæ addipulari videtur *L. distam seq.* Constantino hæc sententia displicuit, & constituit res sponsæ datas hoc ipso, quod sub appellatione sponsæ datæ sunt, non secutus nuptiis repeti posse: si modo vel sponsa, vel parentes eius matrimonii non contrahendi causam præbuerint, non aliter. *L. cum veterum, infr. de donat. ant. nupt.* Ratione nimirum constitutio hæc, quod qui dedit sponsæ, intelligitur hoc ipso dedisse, ut id sequeretur, propter quod sponsa est. Est autem sponsa, ut postea ducatur uxor. Ceterum nisi quid simile est iis causis duabus, quas

quas diximus, rata erit hæc sententia, nihil ad rem pertinere, quo animo sit is, qui dat. Non videri eum ob causam dare,

nisi nominatim causam adiecerit, ut ea non secuta posset datum repetere.

Ad L. Dictam 8.

Idem AA. & CC. Flaviano.

Dictam legem donationi, si non impossibilem contineat causam, ab eo qui hanc suscepit, non impletam, conditioni facere locum, iuris dictat disciplina. Quapropter si titulo liberalitatis res tuas in sponfam conferendo, certam dixisti legem, nec huic illa, cum posset, paruit: successores ipsius de repetendis quæ dederas, si hoc tibi placuerit, convenire non prohiberis. S. III. Id. Febr. AA. Coss.

S U M M A R I A.

1. Datum ob causam impossibilem repeti non potest.
2. Si qui tamen dedit ob causam, quam possibilem, licet falso putavit, potest datum repetere.

3. Quare in hoc posteriore casu detur repetitio.
4. Contrariis occurritur.

Quod dicitur, datum ob causam, causa non secuta, repeti posse, quæ generalis huius tit. definitio est. *L. si militem, L. cum ancillam supr.* id hoc loco sic accipitur: si causa, ob quam datum sit, sit possibile. Cæterum ob impossibilem causam datum, etiam causa non secuta, ut sequi non potest, repeti non potest. Exempli causa. Donavi tibi prædium ea lege & conventionem dicta, ut Stichum manumitteres, ut Stichum mihi dares. Non manumittis, non das. Quæritur, an possim donatum condicere? Distinguemus, si Stichus vivit, neque manumittis, aut das, possum condicere. Si Stichus iam mortuus erat; quoniam per rerum naturam mortuus manumitti, aut dari non potest, cessat repetitio; quia ob impossibilem causam datum est. Hic obliquitur, quoties aliquid ob causam datur, toties negotium geritur, ut causa non secuta reddatur quod datum est. *L. fenator, §. 1. de mor. caus. donat.* Resp. Hoc ita est, nisi ob causam impossibilem datum sit, ut hic dicimus. Nam nullum negotium geri intelligitur ab eo, qui impossibilem causam dixit. Nihil enim agi voluit, qui scivit causam existere non posse, ut est in *L. non solum, in fin. D. de obl. & act.* Sed hoc sic accipiendum est: si is, qui ob impossibilem causam dedit, scivit esse impossibilem, ut erat. Quod si

possibilem putavit, non minus erit conditio, quam si causa possibilis fuisset. Exemplum in *L. cum ancillam, supra*, de eo, qui dedit ob liberam manumittendam, quam ancillam putabat. In qua specie placet esse dati repetitionem, tametsi natura non possit manumitti, quæ libera est. Sed cur potius possibilem existimanti datur conditio, quam ei, qui scivit esse impossibilem? Quia hic cessat ratio, propter quam denegatur scienti conditio. Nam scienti ideo conditio non est; quia non existimatur serio causam adiecisse, qui eam scivit existere non posse. Contraria cogitatio est eius, qui existere posse existimavit. Denique ab eo, qui existere posse existimavit, negotium geritur: ut causa non secuta, datum reddatur: ex hoc negotio & contractu conditio est. Non tamen obstat *L. 1. sup.* ubi pecunia in dotem data est eius matrimonii causa, quod sequi non poterat; & tamen dati conditio competit. Nam illic ostendimus, datum ab ignorante fuisse. Ob eandem causam non obstat *L. cum ancillam, sup.* Non obstat *L. si militem, eod.* ubi is, qui militem aliquem esse sciebat, dedit ei pecuniam, ut procurator esset. Ex qua procurator iure esse non poterat, datur conditio. Nam in ea specie non est causa impossibilis, ut illic ostendimus, Multo minus adversatur *L. non solum, D. de obl. & act.*

ubi

ubi traditur, omnem contractum nullius esse momenti, impossibili conditione interposita. Nam hæc definitio magis hoc rescriptum confirmat. Hoc enim est, quod

dicimus: *Negotium nullum geri impossibili causa adiuncta*, id est, nullum contractum existeret, ex quo consequens est, nullam esse dati conditionem.

Ad L. Si liber 9.

Idem AA. & CC. Bibulo.

Si liber constitutus, ut filia tua manumittantur, aliquid dedisti: causa non secuta, de hoc tibi restituendo conditio competit. Nam si quid servus de peculio domino dederit: contra eum quidem nullam actionem habere potest: sed dominum, qui semel accipere pecuniam pro libertate passus est, aditus provincie vellet hortabitur (salva reverentia) favore scilicet libertatis, placito suo stare. S. III. Id. Febr. Sirmii AA. Coss.

S U M M A R I A.

1. *Libertus qui patrono pecuniam dedit, ut eius filiam quam hic habet in potestate, manumittat, causa non secuta repetit.*
2. *Servus qui ob eandem causam domino pecuniam dedit, causa non*

secuta nullam habet conditionem, & quare.

3. *Quomodo agatur extra ordinem, ut dominus in ea specie ancillam, tamque servi filiam manumittat.*

SERVUS cum voluntate domini esset in contubernio ancillæ, ex ancilla suscepit filias: Deinde domino pecuniam dedit, ut eas filias manumitteret, dominus non manumittit. Quæritur, an pater possit datum condicere, ut ob causam datum causa non secuta? Facilis distinctio est, quæ hoc rescripto traditur. Si pater prius manumissus fuit quam pecuniam patrono daret, eidemque veteri domino, citra controversiam pecuniam repetet, ex regula de conditione ob causam dati. Quod sic intelligendum est: si modo hic pater patrono dedit, vel species, non pecuniam, vel pecuniam non ob pretium filiarum. *L. naturalis, §. ac cum do, D. de præscr. ver.* Nam si pater dedit pretium, id est, pecuniam de filiis prius ælimatis, ut illæ manumitterentur: hæc non manumissæ, ipso iure ad libertatem perveniunt. *L. si is, inf. si mancip. ita fuer. alien.* ac proinde cessat repetitio, quia manumissio, ob quam pecunia data erat, sequitur. *L. penult. inf. si mancip. ita fuer. al.* Quod si pater filiarum prius pecuniam domino dedit, cum adhuc servus esset, iure adversus dominum nullam conditionem habet, ut hic scriptum est, duobus de causis. I. Quia hic dominus alienam pecuniam non accepit, sed suam.

Nam servi nihil sui habere possunt, sed quidquid adquirunt, domino adquirunt. *§. item vobis, Inst. per quas pers. no. acqui. II.* Quia etiam fieri posset, ut pecunia esset servi; tamen obligatio & actio inter dominum & servum consistere non potest. Tum si servus actionem haberet, ea statim domino acquireretur. *§. hi qui in par. Inst. de obl. que ex del.* Tamen adicitur in hoc rescripto, servum prius adire posse hoc nomine præsidem, & postulare, ut dominus fidem servet: cuius postulationis hic erit exitus, non ut præses pro imperio & iurisdictione condemnaret dominum, qui iure non tenetur; sed ut admoneatur cum officit sui, id est, quod sit officium viri boni, & hortetur, ut filias secundum fidem datam manumittat: idque ut salva sit domino reverentia, ut hic scriptum est, id est, non ut salvum sit domino ius patronatus, ut quidam imperite scripserunt. Nam adversus dominum agitur, non adversus patronum, & de præsentis reverentia agitur, non de futura, quam filia manumissæ exhibere illi debeant: Sed hoc dicitur, domino in hac petitione suum honorem servandum esse, ut officiose ab eo petatur manumissio, non ut exigatur tanquam debita. Eadem verba sunt in *L. cum affrimes, inf. de lib. caus.* *Ad L.*

Ad L. Pecuniam. penult.

Idem AA. & CC. Cononianz.

Pecuniam a te datam, si hæc causa pro qua data est, non culpa accipientis, sed fortuito casu non est secuta: minime repeti posse, certum est, S. III. Non. Decembr. Nicomedie CC. Coss.

S U M M A R I A.

1. *An datum ob causam repeti possit, si causa fortuito casu non sit secuta. Quæstio hæc interpretum dissidio satis implicata. ibid.*
2. *Sententiam affirmantem Auctor propugnat, & contrariam Bartoli opinionem confutat & seqq. per tot.*
4. *Rescripti, quod refragari videtur, duplex expositio: cuius & lectio emendatur & n. 5.*
6. *Rerum summa & conclusio.*
7. *Affirmans sententia quas cautiones sive exceptiones habeat; singula explicantur & n. 8. 9. 10.*
11. *Dati ob causam repetitio competit ex penitentia dantis, modo se penitusse re integra denuntiet debitori.*
12. *Huius sententia duas esse exceptiones, & quæ sint.*

Quæstio est: † An si quid ob causam possibilem datum sit, & causa secuta non sit: an quocunque casu factum sit, ut non sequeretur, competat dati conditio? Definitio generalis supra tradita est, quidquid ob causam datum est, causa non secuta, repeti posse: & quidem ita, ut nihil intersit, an sine culpa accipientis causa secuta non sit. *L. si militem, & L. cum ancillam, supr.* Hic autem, ut verba sunt rescripti, distinctio traditur: ut, siquidem culpa accipientis causa secuta non sit, repetitioni locus sit sin autem secuta non sit propter casum fortuitum, cesset repetitio. Exempli causa. Dedi tibi 10. ut Stichum mihi dares: si vivit, & non das, repetam: si mortuus est postea, priusquam ego possem eum manumittere, non repetam; quia non tua culpa, sed casu fortuito factum est, quo minus eum dares. Prior pars est extra omnem controversiam: posterior semper magnas dubitationes habuit, ut sunt contrarii & dissentientes loci. Ac ita est interpretum de hac re disputatio, ut res nullo modo conciliari possit. Ego † autem sic statuo ex minime dubiis locis: quamvis causa casu etiam fortuito secuta non sit: tamen competere conditionem ob causam dati, causa non secuta. Id liquido demonstratur his exemplis: Dedi tibi pecuniam, ut Stichum manumitteres, ut Capuam meo nomine ires, prohibeo,

ne manumittas, ne Capuam eas: placet hic mihi competere conditionem pecunie. Ubi tamen certum est, non modo nulla culpa accipientis fieri, quo minus manumittat, aut eat, sed aperte culpa dantis. *L. 3. circa princ. L. 5. circ. princ. D. eo.* Item, dedi tibi pecuniam, ut mihi Stichum dares: deinde Stichus mortuus est casu, sine culpa tua: placet, me tibi pecuniam condicere posse, tanquam ob causam datam, causa non secuta. *L. ult. D. eod.* Item, dedi nantæ pecuniam ut me haberet, nave tempestate amissa non vexit: nihilominus pecuniam ob vecturam datam repetam. *L. ex conducto, alias, Leg. Papinianus §. item cum quidam. D. locati.* Item, dedi tibi mercedem, ut certis ædibus tuis mihi frui liceret in proximum annum: priusquam in ædes venirem, ædes sine tua culpa publicatæ sunt, aut incendio consumptæ; placet te mihi quidem non teneri in id, quod interest, sed mercedem pro habitatione acceptam restituere debere. *L. si fundus, D. locati.* In quibus tamen causis perspicuum est, causam, ob quam pecunia data est, non sequi, non culpa accipientis, sed casu fortuito. † Bartolus ut iis obiectionibus satisfaciatur. *d. L. 3. D. eod.* ita tentat rem expedire: statetur, cum pecuniam dedi, ut Stichum manumitteres, conditionem mihi competere, si me poeniteat, ut scriptum est in *d. L. 3. & d. L. 5. D. eod.* Sed si velim

si velim condicere tanquam causa non secuta: ait me condicere non posse, & ita accipiendum esse hoc rescriptum, si causa casu fortuito secuta non sit. Hæc distinctio hoc rescriptum evertit, non confirmat. Nam generaliter hic scriptum est, causa casu fortuito non secuta cessare repetitionem. Certum est autem cum me poenitet, non minus casu fieri, ne causa sequatur, quam si alio quovis casu id accideret. Sed præter verba huius rescripti hæc distinctio refellitur aperte in *d. L. ult. D. eod.* Item in *d. L. ex conducto, §. item cum quidam, & d. L. si fundus, D. locati*. Quibus in locis ponitur causam casu fortuito secutam non esse; & pecuniam repeti ob id, quod causa secuta non sit, non autem ob poenitentiam; & tamen in omnibus horum locorum exemplis, datur conditio dati, causa casu fortuito non secuta. Hic Bartol. respondit, in his exemplis casum contingere in persona accipientis. Proinde æquum esse casum ei nocere: diversum esse, si causa secuta non sit, casu in persona, aut re eius non contingente. Hæc responsione dum studet huius loci lectionem & sententiam confirmare, magis ac magis infirmat. Nam prius dixerat ex poenitentia datum repeti posse, quavis id casu accidat, non culpa accipientis. Nunc dicit, quavis causa casu fortuito secuta non sit, tamen etiam nunc conditionem competere: si casus in persona accipientis contingerit: cum hoc rescriptum generaliter dicat, pecuniam repeti non posse, si causa casu fortuito secuta non sit. Ita Bar. dum vult hunc locum statuere, paulatim caudæ pilos vellendo, totam caudam avellit. Ego autem doceo manifestis exemplis, quavis causa secuta non sit, casu in persona dantis, non accipientis contingente, aut contingente in alia persona; tamen pecuniam ob causam datam repeti posse. Id declaratur exemplo *L. 1. in fin. D. eod.* Fundus mihi legatus est sub conditione, si 10. Titio darem. Dedi 10. Titio ob causam, ut conditionem implem, & conditione impleta ad legatum pervenirem: deinde legatum repudio. Illic scriptum est, me 10. condicere posse; & tamen hæc causa secuta non est casu in mea persona contingente, non autem contingente in persona accipientis. Nam legatum ad me pertinet, non ad Titium, & quod legatum acquirere nolo, casus est, cui Titius obstitere non potest. Est autem casus fortuitus omne, quod accidit & cui obstitere non possumus. *L. ad eos, D. commod. L. si*

Tom. VII.

ea res, D. de alio. emti. L. que fortuitis, infr. de pign. acti. Idem manifestius probatur in specie *L. si militem, supr. h. t.* Dedi militi pecuniam, ut procurator meus esset in mea causa. Is procurator non fuit, dum removeretur ab adversario præscriptione militiæ. Itaque casu fortuito sit, ut procurator esse non possit: qui casus illi contingit ex facto adversarii, & in adversarii persona, non in persona eius. Proinde quocunque casu factum sit, ut causa non sequeretur, pecunia ob causam data repeti potest. Neque distinguimus, in cuius persona, aut re hic casus contigerit, dantis, ne, an accipientis. Confirmatur hæc sententia evidentibus argumentis. Cum dantem poenitet, qui prohibet, ne is, qui pecuniam ob causam accepit, causam impleat, id casu fortuito contingit. Nam omnis vis aliena eiusmodi est, cui obstitere non possumus. *d. L. ad eos, D. commod.* At datum ob causam ex poenitentia dantis semper repeti potest. *L. 3. in prin. D. eod.* Ergo causa casu fortuito non secuta conditio competit, quavis casus in persona accipientis non contingerit. Alterum argumentum. Si tunc, cum stat per dantem, quominus causa impleatur, repetitio competit; multo magis repetitio competit, si per dantem non stat, quominus impleatur, quocunque tandem casu accidat, ut non impleatur. At iam diximus, etiam si per poenitentiam dantis, aut alio modo per dantem stat, quominus causa impleatur, locum esse repetitioni, *d. L. 1. in fin. d. L. 3. & L. 5. D. eod.* Ergo si per dantem non stat: multo magis repetitio competet, quocunque modo factum sit, ne causa impleatur. Tertium argumentum. Quoties creditor generali oratione sibi aliquid cavit, & pactus est, omnia ei tribuenda sunt, quæ generali oratione continentur, nisi manifeste aliud pactum esse appareat. *L. non est ferendus, de transact. L. quidquid, in fin. respons. de verb. obl.* At quoties pecunia alicui ob causam datur, toties negotium geritur: ut si ea causa secuta non sit, res data reddatur: nec quidquam distinguitur, quomodo causa non sequatur. *L. senatus, §. 1. D. de mor. caus. donat.*

Ergo quocunque modo causa secuta non erit, ex negotio gesto conditio danda est. Sed opponitur hoc rescriptum. De eo dico alterutrum. † Respondemus. 1. 4 Non male defendi potest, causam in hoc rescripto non significare modum & finem, ob quem pecunia data est, sed accipi debere pro lite & controversia, pro qua pecunia

Bbb

penia data est. Causam inter cætera litem significare certum est, *L. causas, supr. de transact.* de quo verbo diximus ad *L. postquam, supr. de pact.* Hæc significatione hic sensus est rescripti. Si pecunia advocato pro causâ agenda data sit: pecuniam repeti non posse, si causâ, id est, lis & controversia casu fortuito secuta non sit. Hæc sententia per se vera est, & significatur in *L. ult. inf.* Expressa est in *L. qui operas, §. 1. D. locati.* Convenit sententia etiam non male verbis rescripti. Observandum est enim non dici in rescripto: si hæc causâ, ob quam pecunia data est: sed ita dici, si causâ, pro qua pecunia data est. Particula *ob* vel *propter* indicat modum & finem, ob quem aliquid datur. Particula *pro* magis indicat materiam, in qua, vel pro qua quid datur. Ea particula cum hic usurpetur: magis est, ut videatur notari lex & lis, & controversia, in qua exercenda pecunia datur. Sed tamen non omnimodo quadrat illa verba, *si causâ secuta non sit.* Nam si de lite & controversia loqueretur rescriptum: potius ita dicendum fuit, si causâ casu fortuito acta non sit ab advocato. Nam si causa postea agitur, si non agatur, si modo non agatur ab advocato, qui casu impediatur, cessat repetitio. Si hæc sententia minus placet, † dicemus audenter: vere tamen iudicio meo, locum manifeste mendosum esse, & ita emendandum, suadentibus veteribus exemplaribus, ut pro iis verbis, *si hæc causâ, legatur, licet causâ, pro minime*, reponatur *minimum*. Hæc lectio veteri scripturæ defenditur. Nam in omnibus prope exemplaribus veteribus, pro *si hæc* legitur *licet*. Hæc particula *licet* admissa, consequens est affirmative legi debere: pecuniam repeti posse, certi iuris est. Nam adversativa *licet* huiusmodi orationem affirmativam exigit. Cum enim dicimus, pecuniam causâ non secuta repeti posse, dubitatio incidit, an possit repeti: & si causâ casu fortuito secuta non sit. Hæc dubitatio ponitur per adversativam *licet*, & per eandem removetur. Quod si negative legamus, pecuniam repeti non posse: de hoc iure non dubitatur, propterea quod causâ casu fortuito secuta non erit: sed magis hic casus causâ est, cur cessare debeat repetitio. Proinde vera & certa lectio hæc est: *Pecuniam a te datam, licet causâ, pro qua data est, non culpa accipientis, sed casu fortuito secuta non est, minimum repeti posse certi iuris est*, minimum pro ut *minimum*, siue cum *minimum*, aut saltem. Hæc sententia ut non discedit longe a

scriptura veterum, ita & verissima est, & hoc exemplo evidenti demonstratur. Dedi tibi vala, vel pecuniam, ut mihi Stichum dares: Stichus sine culpa tua perit, scriptum est in *L. naturalis, l. resp. vers. sed si scyphos, D. de præst. verb.* Stichum periculo meum esse. Sensus est: Eum Stichum amplius ex conventione petere non possum; quia interitu eius liberatus es; eoque nec agere possum in id, quod mea interest, ob id, quod Stichum non des. Sed an possum sistere vala, aut 10. quæ dedi, repetere? Movet, quod Stichus casu fortuito perierit, & hoc casu factum est, ut hæc causâ non impleteretur: & responderetur in hoc rescripto, quanvis agere non possum adversus te in id, quod mea interest; tamen quod dedi, ut minimum repetere possum, licet causâ, ob quam dedi, casu fortuito secuta non sit: quæ pars nominatim expressa est in *L. ult. D. eodem*. Credibile est etiam, pro *minimum* scriptum fuisse prius *omnino*, linea superinducta extremæ literæ o, ut esset omnimodo, postea minima inflexione lectum esse *omni me*, tandem ad extremum ab iis, qui non intelligerent, repositum esse *minime* propter affinitatem literarum. *Omnimodo* si legimus, æque rectum est.

Utra ex iis sententia placeat, certe alterutram eligere convenit, & ut de re tota certo statuere possimus † sic habendum est. Cum quaeritur, an quod ob causam datum est, causâ non secuta, condici possit: videndum est, utrum ob causam impossibilem datum sit, an possibilem. Si ob impossibilem, ab eo, qui talem esse non ignoraret, cessat repetitio. *L. distam, supra hoc titulo*. Si ob possibilem causam quid datum est, definiemus generaliter causâ non secuta, datum condici posse: neque interesse, utrum culpa accipientis causâ secuta non sit, an vero casu fortuito. Neque in casu quidquam referre, cuius in persona is casus contigerit, accipientis ne, an dantis, an alterius. Si casus in persona accipientis contigit, nemo dubitat, quin competat repetitio ex *L. ex conducto, §. item cum quidam, & L. si fundus, D. locati*, item, *L. ult. D. cod.* Nunc autem hoc amplius supra probavi, & si casus alibi contigerit: tamen competere conditionem.

Sed opponitur nobis exemplum pecuniæ advocato datæ ex *L. ult. seq.* & ex hoc ipso rescripto, si modo prior interpretatio nostra vera est. Dicendum est, duas hic sententias esse de conditione, quæ regulariter veræ sint; nonnullas † 1a-7
mea

men exceptiones & cautiones habeant. Prior hæc est, si certum sit, causam, ob quam pecunia data est, secutam non esse, & vero sequi non posse, etiam si casu fortuito secuta non sit; tamen competit dati repetitio. Hæc 7 definitio in pecunia advocato data locum non habet. Advocati si per eos non fiat, quo minus causam agant, salaria reddere non coguntur. *L. ult. d. L. qui operas, §. ult. D. locati.* Hoc ius non est proprium advocatorum, sed pertinet etiam ad eos omnes, si sint artifices, si ve alletores, si ve comites magistratum & civitatum, qui ad certum tempus operas suas locant. Nam si per eos non fiat, quo minus per id tempus operas non præstent, integri temporis mercedem consequuntur. *d. L. qui operas in princ. D. locati.* Huius iuris & in advocatis, & in iis qui operas locant, ratio hæc est; quia advocato tunc, cum causæ incumbit, & alias causas non agit: item iis, qui suas operas locant per id omne tempus, quo aliis inserviunt, vacat illis tempus & opera non minus, quam si causam egissent & operam præstitissent. Non debet occasio causæ & operæ susceptæ illis damno esse. Ratio significatur in *L. 5. §. 1. vers. quod si distractum, D. eod.* Hanc autem superioris iuris rationem esse, quod supra scriptis personis tempus vacat, & mercedem non consequuntur, quam alias operam dando consequi potuissent. Certissimum argumentum est, quod si isti per idem tempus aliis vacaverunt, & mercedem consecuti sint, restituant, quod acceperunt ab eo, cui operas non præstituerunt *L. sed adder, §. ult. D. loc.* Ergo in iis cessat repetitio causa casu non secuta; quia tam illorum interest, si causa non sequatur, quam si vere secuta esset. Non debet autem illis lex traditioni dicta nocere. Hinc proxima de causa 7 cessat repetitio in iis, qui ob causam rem aliquam dare, aut manumittere debuerint: & dum incipiunt conditioni parere, res quam manumittere, aut dare debebant, casu perit, & per eam causam damnum rei aut pretii eius fecerunt, si hic voluntas implendi rei amittendæ causam præbuerit. Exempli gratia. Dedi tibi vasa, aut res alias, ut Stichum manumiteres, cum ad præsidem, aut alium magistratum manumittendi causa proficisceris: Stichus decessit: ita casu factum est, ut causam implere non posses, ob quam prius vasa, aut alias res acceperas. Dicemus in hac specie cessare conditionem duobus casibus. Uno, si profectio mea mortis Stichi causam attulit, sive quod a latroni-

Tom. VII.

bis occisus sit, sive quod ruina stabuli sit oppressus, sive quod vinculo sit ohrtus. Altero etiam casu cessabit repetitio, si Stichus natura sua in eo itinere perit: sed tu eum Stichum distracturus esses nisi eius manumittendi causa esses profectus. Nam & hoc casu profectio tua & voluntas implendæ causæ servi amittendi causam præbuit. Hæc in *L. 5. §. 2. vers. quod si distract. usque ad fin. L. D. eodem.* Eadem dicenda sunt, si dederim tibi, ut Stichum mihi dares, & cum Stichum ad me deduceres, Stichus in eo itinere perierit. Hæc species causam superioribus similem habet; quia cum dedi tibi, ut Stichum dares, aut manumitteres, non debet tibi nocere ea conventio interposita voluntate mea. Noceret autem, si dum causam damni ea tibi præbuit, liceret mihi nihilominus datum condicere. Postremo interdum 7 etiam ex affectu dantis cessat repetitio dati, causa casu non secuta, quod sit in rebus donatis sponsæ. Nam quoties sponsus sponsæ aliquod donat, etiam simpliciter, semper inesse intelligitur hæc causa, ut matrimonium sequatur: & hac causa non secuta repetitio donati competit, si modo culpa sponsæ aut parentum eius factum sit, quo minus matrimonium contraheretur. Quod si casu factum est, ne matrimonium sequatur, vel quia maritus prius decesserit, vel quia prior decesserit sponsa: placet donati repetitionem non esse. *L. cum veterum, infra, de donat. an. nupt.* Coniectura voluntatis ducta est ex affectu sponsi donatoris. Verisimile est enim, eum erga sponsam ita affectum esse, ut simpliciter donatum repeti nolit, quamdiu illa voluntatem conjunctionis futuræ retinebit. Non est novum denegari repetitionem dati aut impensi propter affectionem dantis, seu impendentis, cum alias repetitio condiceretur. *L. quod in uxorem, L. si pater-no, supr. de neg. gesti.*

Atque hæc ita sunt, si casus prohibuit, quominus causa sequi posset. Sed quævis adhuc causa per rerum naturam impleri possit, atque adeo quævis debitor paratus sit eam implere; tamen est alia sententia veterum rata de conditione; 7 hæc nimirum: etiam hoc casu danti competere conditionem, si eum poeniteat, & denuntiet accipienti, ne causam impleat, quæ adiecta erat. *di. L. 3. in princ. & d. Leg. 5. in princ. D. eod.* Idque usque adeo placuit, ut si post hanc denuntiationem poenitentia, debitor causam impleat; tamen nihil ea res illi proffit, quo minus datum condici possit; quia

Bbb 2

causilla

caussa quidem secuta est, sed non ex dan-
 ris voluntate. *L. 5. §. 1. in pr. cod.* Sed
 12 & huius sententiæ ¶ duæ sunt exceptio-
 nes. Primo hæc sententia non pertinet
 ad eas causas quas debitor non potest
 honeste omittere, quin impleat. Huius rei
 exemplum est, si quid sponso datum sit
 in dotem. Quod ita datum est, ob caus-
 sam dari intelligitur, ut matrimonium se-
 quatur, ut diximus ad *L. 1. supr.* Si is,
 qui dedit dotem, nuptiis nondum secu-
 tis velit datum repetere, tanquam ob caus-
 sam datum, nondum causa secuta, quod
 dicat se poenitere; tamen repetere non
 poterit, quam diu pendebit, an matrimo-
 nium sequatur postea, necne. Species *L.*
quod servius D. cod. Hic opponitur, quod
 diximus de poenitentia dantis ex *L. 3.*
 & *L. 5. D. cod.* Dicendum est in dote
 propriam rationem esse, cur danti poeni-
 tere non licet; quia sponso non est inte-

grum honeste matrimonium non contra-
 here. Potest quidem non contrahere sum-
 mo iure, si velit: *L. Titia, D. de verb.*
obl. Sed propter sponsonem seu sponsa-
 lia honeste facere non poterit. Proinde
 hæc & similes causæ perinde haberi de-
 bent, quasi secutæ essent: quamdiu cer-
 rum non erit, matrimonium non esse se-
 cutum. Altera exceptio, cur ex poeniten-
 tia datum repetere non liceat, est hæc,
 si intempestive dantem poeniteat. Id au-
 tem fit tunc, cum debitor, ut causam
 impleat, aliquos sumptus fecit. Exempli
 gratia: Dedi tibi pecuniam, ut Capuam
 ires; si te ad iter ita compararis, ut eo
 nomine aliquos sumptus feceris: si qua-
 tenus ea summa erit, quam impendisti,
 tantum accipias, nulla conditio est; si
 non tantum, eatenus cessabit conditio.
 Id enim quaeritur, ut indemnitas tibi præ-
 stetur *d. L. 5. 1. resp. eodem.*

Ad L. ult.

Idem AA. & CC. Stratonicæ.

*Advocationis causa datam pecuniam, si per eos qui acceperant, quo-
 minus susceptam fidem impleant, stetisse probetur, restituendam esse conve-
 nit. S. XVII. Kal. Januar. CC. Coss.*

Dixi ad L. superiorem.

A D T I T U L U M VII.

DE CONDICTIONE OB TURPEM CAUSSAM.

Ad Rubricam.

1. *Datum ob turpem causam, & datum ob honestam causam, in quo con-*

veniant, & differant.

R Este datum ob turpem causam separatur proprio titulo ab eo, † quod ob honestam causam datum est, cum de dati repetitione quaeritur. Inter hæc data hoc convenit, quod in utraque specie interdum dati repetitio cessat, interdum competit: sed hoc interest, quod cum quid ob honestam causam datum est: veluti ut Stichum manumitteres, aut ut me aleres, in eadem re fieri potest, ut cesset repetitio, & ut eadem competat. Nam causa secuta repetitio non datur. Causa autem non secuta semper repetitio competit, præterquam in iis causis, quas supra excepimus ad *L. pen. prox. titul.* At cum quid ob turpem causam datum est, veluti ut hominem occidas, vel ut hominem non occidas, nunquam in eadem re accidit, ut possit cessare, aut competere conditio; sed aut in totum cessat repetitio aut in totum competit. In eo spectatur, utrius turpitudine versetur, dantis-

ne, vel dantis & accipientis, an vero solum accipientis. Si dantis turpitudine versatur, in totum cessat repetitio, etiam si causa secuta non sit. *L. 2. infr. h. tit.* Sin autem solius accipientis turpitudine versatur, semper competit repetitio, etiam si causa sit secuta. *L. 4. h. t.* Prioris partis exemplum est in *L. mercalem, infr. eod.* Posterioris exemplum in *L. 3. pen. & ult. eod.* Quaeritur, quando dantis, quando accipientis solius turpitudine versetur, & quam rationem superior distinctio habeat tam dissimilis a superiore conditione, de qua superius actum est, de quo suis locis pluribus dicitur: Eisi autem, quod ob turpem causam datum est, interdum maneat apud accipientem, quia reperi non potest; tamen quidquid ob turpem causam promissum est, id sine distinctione placet, aut non deberi ipso iure, aut peti non posse, propter exceptionem, de quo in *L. 1. b. t.*

Ad L. Si ex cautione 1.

Imp. Antoninus A. Ingenuo.

Si ex cautione tua conveniri cæperis: nullam pecuniam te accepisse, sed ob turpem causam, & quam fieri prohibitum est, interpositam cautionem, ei qui super ea re cogniturus est, probandum est: & eo impleto, absolutio sequetur. Sine die & Consule.

S U M M A R I A.

1. *Sipulationes turpes quid valeant?*
2. *Exceptio doli quando competat.*

3. *Et quid in ea probari necesse sit.*
4. *Promissio turpis irrita, etiam cum talis est ex parte promittentis.*

P Romisi latroni 200, ut mihi vitam servaret, & servavit, promisi, ne mihi bona mea eriperet, non eripuit. Vel promisi alicui, ut uxorem domo eiiceret, & eiecit; ut patrem non aleret, & non aluit.

In iis omnibus pecunia a me promissa est ob turpem causam. In prioribus turpitudine latronis versatur; in posterioribus turpitudine uniusque, & mea & creditoris; sed ut hæc turpitudine tegetetur, promisi pecu-

pecuniam latroci, aut alii, tanquam eam prius ab eo numeratam accepissem, & ita ille stipulatus est: 100. quæ tibi hodie mutua numeravi, mihi reddere spondes? Respondi: spondeo: & ita pecunia illi cauta est stipulatione, quæ stipulatio appellatur cautio. *L. sancimus, infr. de verb. sign. sic.* Queritur, an stipulanti si sim obligatus? Respondetur me non teneri, sed absolvi debere. Hoc verbum occasionem querendi præbet, utrum non teneret, ex hac stipulatione ipso iure, an vero per exceptionem; quia stipulatio summo iure valeat, sed non sit æquum, me ex ea condemnari: In eamque rem sit exceptio doli, vel in factum. Nam absolventi verbum commune est. Tam eum absolvitur, qui ipso iure non debet, quam, qui per exceptionem tutus est. *tot. tit. de except. Inst.* Hic loci dissidenties & contrarii esse videntur. Nam in *L. generaliter & seq. de verb. oblig.* scriptum est, turpes stipulationes nullius esse momenti, Idem traditur in *L. mercalem, infr. b. t. L. 3. infr. de inutil. stipulat.* At in hac specie Paulus promittenti exceptionem dat doli, vel in factum. *L. penult. D. eod.* in quam sententiam non est dubium, quin hoc rescriptum accipiendum sit. Nam si stipulatio proposita nullius momenti fuisset: statim denegata esset stipulanti actio. *L. veluti, D. de verb. oblig.* At hic iudicium processit, & allegatio, seu defensio promissoris audita est, & secundum eam dicitur absolvi debere. Respondetur. Utrumque verum est. Interdum stipulationes ob turpem causam interpositas ipso iure nullas esse, interdum valere, sed per exceptionem infirmari. Si stipulatio turpitudinem in se expressam habet, ipso iure nulla est; veluti si promittas te hominem occisurum, si promittam nominatim uxorem tuam elicias. De iis stipulationibus definitio est *L. generaliter, ut declarat exemplum L. seq. D. de verb. obligat. & exemplum. L. mercalem, infr.* At si stipulatio simpliciter tanquam ob causam honestam interposita est, nulla mentione turpitudinis facta: stipulatio ipso iure valet, id est, valet secundum verba, quæ rei turpitudinem adionem non habent: sed quia in re ipsa propter turpem causam promissum est, promissori exceptio datur doli, vel in factum. *d. L. penult. D. eod.*

2. Quæ exceptio si competit toties, quoties aliquid promissum est, sine causa, vel ex iniusta causa. *L. 2. §. circa. D. de except. dol. mal.* In hanc sententiam est *L. de dolo, infr. de inutil. stipulat.* Talis autem stipulatio hoc loco proponitur; quo-

niam pecunia tanquam prius accepta cautata est. Quod notandum est in hac exceptione. Proponere promissorem doo dicere: Pecuniam tibi non esse numeratam, quam numeratam esse confessus est: & se pecuniam ob turpem causam promississe. Queritur si de harum allegationum probatione, an promissor utramque in iudicio probare debeat. Quæstio nascitur ex verbis rescripti. Quia verba exigere videntur, ut utrumque probetur. De quo sic ius habet. Posteriores allegationem, qua dicitur pecunia ob turpem causam promissa esse a promissore, probare debet. Nam reus in exceptione actor est, eamque ut intentionem implere cogitur. *L. in exceptionibus, D. de probat.* Prioriorem illam, qua dicit, pecuniam tibi non esse numeratam, probare non cogitur. *L. 3. infr. de non numer. pec. L. 3. supr. de postul.* Et certe cum quis simpliciter dicit, sibi pecuniam numeratam non esse, hanc negationem per rerum naturam probare non potest. *L. actor, inf. de probat.* Proinde nec in proposito hanc exceptionem reus probare debet: si tamen probare velit, auditur: cæterum non cogitur. Non obstant verba rescripti. Animadvertendum est enim in hoc rescripto non simpliciter dici, probandum esse promissori pecuniam non esse acceptam, seu promissam ob turpem causam: verum hoc adici, probandum esse iudici. Quæ adiectione significatur, si quid in iis duabus allegationibus probandum est, id probandum esse iudici; ut necessitas huius probationis non sit in eo, ut duæ allegationes præcedentes probeantur: sed in eo, ut si quid probandum est, id probandum sit iudici. Sed videtur promissor, etiam si velit, non posse probare pecuniam se non accepisse; quia ut est in *d. L. actor, infr. de probat.* factum negantis per rerum naturam nulla probatio est. Respondetur, hoc ita est principaliter. Cæterum per consequens huiusmodi negatio probari potest, ut contingit in proposito. Nam hæc duæ allegationes sunt contrariæ; aliquid promissum esse ob turpem causam, & promissum esse ob id, quia prius acceptum erat. Quia quod acceptum est, honeste redditur, & honeste promittitur Proinde posteriore causa, id est, turpitudine probata, continuo prior causa, quasi consequens removetur, & declaratur pecuniam non esse prius numeratam. Notandum est illud in rescripto, non tantum promissionem ob turpem causam factam tunc non valere, cum solius creditoris turpitudine versatur, quod expeditum est, veluti si promittam latro-

ni, ne me occidat: sed etiam tunc, si ipsius promissoris turpitudine versatur, veluti si promissero 10. sicario, ut hominem occideret, quod est exemplum huius loci. Hic occurritur hac ratione. Nam si quid quis dederit ob turpem causam, ita da-

tio valet, ut repetere non possit propter dantis turpitudinem *L. 2. infr.* Ergo & si quid promissum sit ob turpem causam, videtur dici debuisse promissionem tenere propter promittentis turpitudinem. Hæc obiectio diluitur in *L. mercalem, infr.*

Ad L. Cum te 2.

Imp. Antoninus A. Longino.

Cum te propter turpem causam, contra disciplinam temporum meorum, donum adversarie dedisse profitearis: frustra eam tibi restitui desideras, cum in pari causa possessoris conditio melior habeatur. PP. XV. Kal. Decembr. Læto II. & Cereale Coss.

S U M M A R I A.

1. *Datum ob turpem causam, si in eo partis utriusque sit turpitudine, nunquam repeti potest.*
2. *Dubitandi ratio.*
3. *Repeti non posse datum ob turpem causam causa non secuta merito placuit veteribus, & quibus de causis.*
4. *Sed & causa secuta hoc idem non posse repeti constitutum æquissime. Contrariis occurritur.*
5. *Ob turpem causam datum causa secuta, si repeti non potest, an saltem fisco vindicari debeat.*
6. *Pignus datum ob turpem causam num idem vindicari possit.*

1. **Q**uoties in eo, quod ob turpem causam datum est, † dantis & accipientis turpitudine versatur, nunquam datum repeti potest, non tantum si causa secuta sit, sed etiam si non sit secuta. Quæ sententia est huius rescripti. Idem traditur in *L. 3. D. cod.* Dantis & accipientis turpitudine versatur, cum quid dedi, ut maleficio fiat, veluti si dono pecuniam iudici, ut male iudicaret: si quis ob stuprum, aut lenocinii causam pecuniam dederit. *d. L. 3. & L. 4. D. cod.*

2. Hæc sententia † suam dubitationem habet, ac potius videtur semper, quod ob turpem causam datum est, si dantis turpitudine versetur, repeti posse. Aut enim causa secuta non est, aut secuta est: id est, aut maleficio perpetratum, ob quod pecunia data erat, aut non perpetratum. Si causa secuta non est, ratio iuris facere videtur, ut datum ob causam causam non secuta repeti possit, non minus, quam si ob honestam causam datum esset. Nam quoties aliquid ob causam datur, hoc ipso negotio inter dantem & accipientem contrahi intelligitur, ut causa non secuta datum reddatur. *L. senatus, §. 1. de mor. caus. donat.* Nec obstat turpitu-

do. Nam turpitudine factum mutare non potest.

Natura autem, quod sub conditione datur, sub contraria conditione non dari intelligitur, *L. quibus, §. 2. de cond. & demonstrat.* Quod si tacite hic convenit, ut pecunia redderetur, conventio servanda est, quia est de re pecuniaria & familiaris. *L. 7. §. si paciscar. de pact.* Nec videtur hæc conventio esse turpis. Nam si turpe est ob causam turpem accipere, honestum est, quod ob eam causam acceperis, id reddere. Merito igitur quaeritur, cur placuerit veteribus, † cum quid ob turpem causam datum est, id repeti non posse, ubi causa secuta non est? Respondetur. Id optime & æquissime constitutum est duabus de causis, quarum utraque exposita obiectionem superiorem diluit. Primum dicendum est, cum quid ob turpem causam datur, nullum negotium geri videri de pecunia reddenda, si causa secuta non sit. Nam quod dicitur: Id, quod ob causam datum est, causa non secuta repeti posse, hanc exceptionem habet, etiam in causa honestissima, nisi ob causam impossibilem datum sit. *L. dictam, supra prox. tit.* At turpis caus-

causa iure impossibilis causa est, *L. si-
lius, de cond. instit.* Proinde ob turpem
causam datum ex eadem regula repeti
non poterit. Nec huc pertinet, quod di-
citur: cum quid ob causam datur, nego-
tium inter dantem & accipientem geri.
Hoc enim in ceteris causis recte dici-
tur, quæ existerre possunt: in causa im-
possibili adiecta locum non habent; quia
apparet, eum nihil agi voluisse, qui eam
causam adiecit, quam sciebat existerre
non posse *L. non solum, D. de oblig. &
act.* Eiusdem sententiæ etiam ratio hæc
est, quod si admiserimus hic conventio-
nem tacitam esse, ut pecunia reddatur:
tamen conventio ideo servanda non est,
quia turpis est & contra bonos mores.
Nam omnes conventiones turpes sunt,
quæ invitant ad delinquendum. *L. illud,
D. de pact. dotal.* Huius autem generis
est hæc conventio, si dem tibi, ut male-
ficium facias, & convenerit, ut nisi fe-
cisses, pecuniam redderes. Nam si hæc
conventio valebit, metu reddendæ pecu-
niæ invitaberis, ut maleficium facias. Ve-
rum est, honestum esse pecuniam redde-
re, quam turpiter acceperis, quod supra
dicebamus; sed convenire, ut eam red-
das, ideo turpitudinem habet; quia ha-
bet invitamentum delicti. Rursum si causa
secura est, id est, si is, qui accepit, ut ma-
leficium faceret, maleficium admiserit, sal-
tem hoc casu videtur datum repeti debuisse,
litis, lulis de causis duabus. I. Quia nemo
ex suo delicto lucrum facere debet. *L. 1.
D. de dolo. L. nemo fraud. §. 1. de reg.
iur.* Deinde quia etiam delictum accipientis
poena coerceri debuit. Non enim debent
delicta esse impunita. *L. ita vulneratus,
circ. fin. ad L. Aquil.* Ob has causas
4 rursum merito queritur: cur t quod ob
turpem causam datum est, causa secu-
ta, id est, perpetrato maleficio, reddi non
debeat. Respondetur. Et hoc æquissime
constituitur. Quia si nulli turpitudi-
sua prodesse debet, certe minime prodesse
debet petitori, quoniam semper favora-
biliores sunt rei, quam actores. *L. fa-
vorabiliores, D. de reg. iur.* Neque ideo
videbitur is, qui accepit, consequi lucrum
ex improbitate sua. Non enim lucrum hoc
consequitur propter delictum perpetra-
tum. Indicio est, quod consequeretur,
etiā si non perpetrasset: sed consequitur
propter turpitudinem petitoris, & præ-
terea propter eius dantis voluntatem. Et
quod dicitur: maleficia impunita esse non
debere, non facit, quo minus pecunia
apud accipientem manere debeat. Nam
in eo, quod perpetravit, delictum est:

in eo, quod pecuniam accepit, & habet,
nullum est delictum, quia per se non est
turpe, aliquid accipere, aut habere: sed
illud turpe est, accipere ob turpem causam,
cuius acceptionis nulla poena est,
propterea quod etiam in dante eodemque
petitore turpitudi non minus versatur.
Hic occurrebatur, si in petitore turpitu-
do est, & ob hanc causam petitor pecu-
niam consequi non debet: eadem ratione
dicendum est, accipientem pecuniam re-
tinere non debere, propter eandem tur-
pitudinem. Dicemus, non recte colligi ea
ratione, quæ in hoc scripto subicitur.
Nam quod in accipiente eadem turpitu-
do est, facit, ut petitor & accipiens sint
in eadem turpitudinis causa. Regula iu-
ris efficit, ut in pari causa potior esse
debeat qui possidet, proinde omnis debi-
tor, a quo petitur, aut repetitur pecunia.
*L. in pari de reg. iur. §. retinenda.
Inst. de act. L. si servum. §. sequitur.*
in fin. *de verb. oblig.* His de causis effi-
citur, æquissime constitutum a veteribus,
si quid ob turpem causam data ita sit,
ut turpitudi versaretur dantis & accipien-
tis, id repeti non posse, sive causa se-
cuta non esset, sive esset secuta. Quæsi-
tum est, si id, quod t ob turpem causam
datum est, ab accipiente repeti non
potest, quanvis ille delictum perpetrave-
rit, propter quod pecunia data est: an pec-
unia saltem vindicanda sit fisco. Nam
in *L. Lucius, D. de iure fisci*, scriptum
est: quod scelere partum est, fisco vin-
dicari. Respondetur. Nihil proponi, cur
quod ob turpem causam datum est, apud
accipientem manere non debeat, aut cur
fisco debeat vindicari. Nam species *L. Lu-
cius*, est dissimilima. Definitio autem,
quæ illic traditur, non pertinet ad ea,
quæ ob turpem causam data sunt. Quod
enim ob turpem causam datur, scelere
non acquiritur etiam contra voluntatem
dantis: si modo dantis turpitudi versetur.
Nam qui dat ut maleficium fiat, dat volens,
non coactus. Quæsitum est ex definitione
huius loci, an si quid promiserim ob tur-
pem causam, ut maleficium faceres, & ti-
bi pignus t dederim in eam obligationem: 6
quid de pignore iudicandum sit. Constat,
obligationem iure non valere, sive ipso
iure quid fiat, sive per exceptionem in-
firmetur. *L. 1. supra*, & ob hanc causam
etiam pignus, quod est accessio prin-
cipalis obligationis, non tenet. Sed an
pignus datum repeti potest? Videtur pro-
hibere definitio huius loci; quoniam ge-
neraliter traditur: ubi dantis & accipien-
tis turpitudi versatur, datum repeti non
pos-

posse. Respondetur. Nihil prohibet, quo minus in hac causa, eum pignus dedi, rem vindicem, quam dedi pignori; quoniam dominus mansit etus rei, sive quod nullum pignus fiat, sive quod, etiam si pignus esset; tamen pignus dominum non mutat. Domino autem competit in rem actio adversus quemlibet possessorem. *L. in rem de rei vindic. L. actionum, de obligat. & act.* Nihil adversatur definitioni huius loci. Nam cum ob turpem obligationem pignus tibi dedi, nihil intelligor

tibi dedisse: neque rem, neque pignus: non rem; quia dominum non transiit, ut iam dixi: dare autem est dominum transferre. *S. sic itaque, Institution. de act.* Non pignus; quia cum nulla obligatio præcedens fuerit, aut quod idem est, cum ea fuerit, quæ per exceptionem perpetuam infirmaretur: pignus consistere non potuit. *L. res hypotheca de pignor.* Tunc autem solum ex hoc loco impeditur repetitio, eum quid datum est.

Ad L. Quod evitandi. 3.

Imp. Diocletian. & Maximian. AA. Dizonti militi.

Quod evitandi tyrocinii causa dedisse te apud competentem iudicem ei de quo quereris, indubia probationis luce constiterit, instantia eius recipies: qui memor censuræ publicæ, post restitutionem pecuniæ etiam concussionis crimen inultum esse non patietur. PP. III. Kal. August. ipsis IIII. & III. AA. Cofi.

S U M M A R I A.

1. *Qui tyrones & qui milites.*
2. *Munia militum & tyronum quæ?*
3. *Tyrocinium quid?*
4. *Miles an possit pecuniam centurioni*

ad evitandum tyrocinium datam repetere?

5. *Concussionis crimen quod, & unde dictum.*

IN exercitu Romanorum, ubi vigeat disciplina militaris eorum, qui lecti erant, ut militarent, duo erant genera. † Quidam erant tyrones, alii milites. Tyrones dicebantur, qui lecti erant, ut militarent, & sumptibus publicis iter faciebant in exercitum itidem ut milites, sed nondum relati erant in numeros militum. Milites erant, qui posito tyrocinio relati erant in numeros. *L. ex eodem, D. de milit. test.* Munia militaria nobiliora erant, & versabantur in iis, quæ ad pugnam † & certamen pertinebant. Munia tyronum erant ignobiliora, & infra dignitatem militum. Adhibebantur enim vel ad eorum equorum, & ad custodiam impedimentorum, ad farcinas & vesturas adiuvandas, ad imperata militum obeunda, & si quæ erant eiusdem generis inferiores operæ. Horum opera uno † verbo tyrocinium dicebatur: cuius generis operæ non imponebantur militibus, ut qui ex tyrocinio excessissent. Hoc intellecto, ex facto quæsitum est. Centurio, aut præfectus turmæ militi imponebat munia ad tyrones per-

Tom. VII.

tinencia, vel uno verbo, imponebat tyrocinium. Miles banc contumeliam adversus dignitatem ordinis non ferens, eum evitare aliter non posset, pecuniam Centurioni, aut præfecto dedit, huius tyrocinii evitandi causa. Quæsitum est, si † causa secuta esset, id est si revera Centurio, aut præfectus non amplius tyrocinium imposuisset, an posset miles pecuniam a se datam repetere? R^{sp.} Posse; quia Centurio ob turpem causam acceperit, ita ut solius accipientis turpitudine versetur. Itaque exemplum pertinet ad definitionem *leg. seg.* Nihil hic miles facit non honeste, cum iniuriam a se repellit, quoque modo potest. Centurio turpiter accipit; quia accipit, ut non faciat, quod iure ipso facere prohibebatur, de qua definitione dicitur *ad L. seg.* Adicitur in rescripto hoc amplius: Centurionem concussionem admisisse videri, hoc crimen iudicem inultum non passurum. Concussionis † crimen est, quoties metu potestatis, vel nostræ, vel alienæ, aut iudicii futuri illicite injecto aliquid ex-

Ccc

tor-

torquetur ab alio; ut se eo metu liberet. *L. 1. D. de concuss. L. iubemus, infr. ad L. Iul. repet. L. 1. §. ult. de calumniat.* Metaphora ducta ab iis, qui ædificium ruinofum concutiant, ut caducum aliquid, quod ceciderit, inde auferant.

Vel a furibus pomariis, qui ut poma auferant ex arboribus, ne intercipientur, non decerpunt fructus: sed arbores concutiant, ut poma inde decendant, quæ statim & raptim inde auferant.

Ad L. Quotiens. 4.

Idem AA. & CC. Rufino.

Quotiens accipientis, non etiam dantis turpis invenitur caussa: licet hæc secuta fuerit: datum condici tantum, non etiam usura peti possunt. S. VII. Id. Ianuar. Sirmii AA. Coss.

S U M M A R I A.

1. *Datum ob causam in qua solius accipientis turpitudine versetur, posse repeti etiam causa secuta; & quare & n. 3.*

2. *Turpitudine solius accipientis quibus in rebus versari intelligatur.*

1. **Q**uod ob turpem causam † accipitur, si solius accipientis turpitudine versetur, semper repeti potest, etiam si causa secuta sit. Idem in *L. 1. in fin.*
 2. *D. eod.* Solius accipientis † turpitudine versari intelligitur, cum quod datum est alii, ut is a maleficio & iniuria ablineat: quod fit duobus modis; uno modo, si dem alii, ut is non faciat, quod ipso iure per se facere prohibetur, veluti ne sacrilegium, aut furtum faciat ne hominem occidat. *L. 2. D. eod.* Ad quod genus referri debet exemplum superioris legis, cum datur centurioni, ne imponat tyrocinium, cui iure non debet. Altero modo, cum do alii, ut is faciat, quod iure facere tenetur. Veluti, si dem furi, ut rem ablatam raptori, ut rem ereptam mihi restituat. *L. penult. & ult. infr. h. t.* Item si ei, cui commodavi, aut apud quem deposui rem aliquam, dem, ut mihi commodatum, aut depositum reddat. *L. 2. vers. 2. L. ult. D. eod.* Turpitudine in eo est, quod est species quædam concussionis, accipere, ut faciat, quod gratis facere te ius cogeat. Quod sequitur in *L. superiore* ob has causas data repeti posse, expeditum est si causa secuta non sit. Veluti si dederim, ne furtum facias, & feceris. Ut depositum reddas, & non reddideris. Nam quod ad me attinet, ob causam honestam dedi, proinde ex regula communi efficitur, ut causa non secuta competat repetitio, de qua dictum est su-

pra tit. proximo. *L. militem, & L. cum ancillam.* At si causa secuta sit: mirum videri potest, cur constituerint veteres repetitionem competere: veluti si dederim, ne furtum faceres, & non feceris; ut depositum redderes & revera reddideris: potius eontentaneum naturæ videri poterat cessare repetitionem; quia nihil tam naturale est, quam voluntatem domini rem suam in alium transferre volentis, ratam haberi. *§. per traditionem, Institut. de rer. div.* Ego autem volens tibi dedi, ne furtum facias, vel ut depositum reddas, & causa secundum voluntatem meam secuta est: proinde utrumque efficit, ut repetere non possim, non magis, quam si ob aliam causam honestam accepisses, & causa secuta esset. Respondetur. Recte † 3 veteres etiam hoc casu concesserunt danti repetitionem. Primum; quia ob causam non videor dedisse. Deinde; quia nulla hic mea voluntas est, ut tibi dem. Causa hic nulla esse intelligitur; quia turpis causa est. Quæ causa contra leges est, aut bonos mores, pro causa haberi non debet: imo haberi ita debet, quasi non intervenerit. *L. non dubium, supr. de LL.* Quod ad voluntatem dantis attinet, sine dubio coactus voluit: sed si originem voluntatis spectamus, non voluit; quoniam si ei liberum fuisset non dare, non dedisset; quæ de causa comparata est actio, quod metus causa, adversus eos, qui metum intulerunt, quasi

hi qui coacti sunt, noluerunt: tametsi verum est eos coactos voluisse. Et hoc est, quod supra dixi, concussioneis genus esse cogere aliquem ad dandum, ut faciam, quod sponte mea iure facere cogebat. Sed rursus, obieci potest: enim ego dedi, ne furtum facias, & non fecisti, dedi, ut depositum reddas, & reddisti: videri hic non esse datum ob turpem causam, neque hic ullam turpitudinem esse, & ob id cessare repetitionem. Nam fur-

tum non facere, hominem non occidere, depositum reddere, horum nihil turpe est, sed omnia sunt maxime honeste. Cur igitur ob hanc causam datum repetatur? Dicendum est, in eo, quod furtum non fit, aut depositum redditur, & similia sunt, nullam esse turpitudinem: sed turpitudine in eo est, quod a principio accipitur, ut ista fiant, quia in accipiendo concussio est, ut dixi.

Ad L. Mercalem. §.

Idem. AA. & CC. Bichoporo

Mercalem te habuisse uxorem proponis: unde intelligis & confessionem lenocinii preces tuas continere, & causa quantitatis ob turpem causam actionis locum non esse. Quamvis enim utriusque turpitudine versatur, ac soluta quantitatis cessat repetitio: tamen ex huiusmodi stipulatione contra bonos mores interposita, denegandas esse actiones, iuris auctoritate demonstratur. S. VI. Id. Maii. CC. Coss.

S U M M A R I A.

1. Pecuniam ob lenocinium promissam peti non posse.
2. Contraria duo; & ea refelluntur per tot.
3. Stipulationes, quæ sunt contra bonos mores, sunt inutiles.

4. De iure suo unusquisque experiri debet, non alieno.
5. Sciens se non teneri, si solvit, donat.
6. Datum donationis causa, peti non potest.

MARITUS ita proposuerat, Titium quandam sibi 10. promississe, si maritus pateretur, uxorem suam per aliquot dies apud Titium esse: id se præstitisse, ideo petere se 10. promissa a Titio, quæ Titius neget se debere. Queritur, an a Titio ea possit petere? Respondent Imp. huic impuro, apparere ex eius confessione, ipsum habuisse uxorem suam mercalem, id est in pretio, & ideo preces eius manifestam lenocinii confessionem habere; quia fateretur sibi pecuniam promissam ob tam turpem causam, cuius turpitudine in ipso maxime versetur, proinde pecuniam ob turpem causam promissam exigi non posse. Sententia eadem. L. 1. *supr.* Hinc sententiæ 1. duo opponebantur, quæ Imp. diluant. Primo obieitur promissori turpitudine, ut dicat maritus: si turpiter feci, eadem turpitudine est etiam in promissore: proinde propter turpitudinem is præstare pecuniam promissam debet. Respondent Imp. non recte colligi
Tom. VII.

hac ratione: quia huiusmodi 1. stipulationes, quæ contra bonos mores fiunt, sunt inutiles, & quod ex iis denegari debeant actiones. L. generaliter & L. seq. de verb. oblig. Confirmatur hoc responsum hac ratione. Quia 1. unusquisque de suo 4 iure experiri debet, non de alieno. L. uti frui, primo responso, D. si usus fruct. pet. id est, si quis adversus aliquem iudicio agat, & petat ab adversario sibi dari quid, aut fieri; ut is vincat, non debet spectari, an reus seu possessor eum quo agitur, nihil iuris habeat ad retinendum quod petitur, sed an petitor ius ad petendum habeat: idque est, quod aliis verbis de exceptione dicitur in L. qui ex liberis, pen. in fin. D. de bon. poss. secundo tab. Cum quis exceptione utitur, quia in exceptione actor est: exceptionem ex iure opponentis, non ex iure actoris, æstimari debet. At in proposito mariti, eiusdemque actoris nullum ius petendi est ex hac stipulatione; quia stipulatio nullius

Ccc 2

mo-

momenti est iure ipso, ut hic scribitur. Proinde ex ea stipulatione petere nihil potest, etiam si promissor nihil iuris habeat ad retinendum promissum propter turpitudinem. Poterant Imp. respondere, quod est in *L. 2. sup.* in pari causa turpitudinis potius esse causam possessoris, siue rei, unde petitur. Sed ratio superior, qua nŕus sum, est paulo apertior & firmitior. Oblabat secundo loco ratio hæc. Nam si Titius promissor ex hac cautione, sen stipulatione promissum ultro solverit, repetere non potest. *L. pen. D. cod.* quod & hic confirmatur, & pertinet ad regulam *L. 2. sup.* Si solum ex hac stipulatione repeti non potest, argumento est, etiam iure stipulationem valuisse: alioqui sine causa solum repeti posset conditione sine causa. Respondet Paulus in *d. L. penult. D. cod.* quod ex hac stipulatione solum non potest repeti, non ideo fieri, quia stipulatio valuerit; sed quia causa stipulationis sublatam, manet solventis turpitudinem, qua impeditur, ne datum possit repetere: idque ipsum tacite significatur ratione huius rescripti, cum dicitur, stipulationem contra bonos mores factam nullius momenti esse, & ita nullius momenti esse, ut turpitudine

utriusque versetur. Obiter duo hæc notanda sunt. Primum, quod ob turpem causam promissum est, si stipulatio expressam turpitudinis causam habeat, ipso iure nullius esse momenti, de quo dictum est ad *L. 1. sup.* Alterum tamen ob turpem causam promissum non debeat; tamen solum repeti non posse, obstante repetenti sua turpitudine, de qua dictum est ad *L. 2.* Hoc loco opponitur *L. non dubium, sup. de L.L.* ubi cavetur, stipulationes contra ius interpositas, ita nullius esse momenti, ut si quid ex iis secutum sit, pro non secuto haberi debeat. Quo dicto efficitur, si quid ex stipulatione proposita solum sit, pro non solum haberi debere, ideoque repeti posse. Respondetur quod ex stipulatione illicita solvitur, non dicitur, videri solum: sed donationis causa datum. Qui enim cum sciat se non teneat, solvit, donat. *L. Campanus, de oper. libert. L. cuius per errorem, de reg. iur.* Sic fit, ut quod ex hac causa datur, non tam ex hac causa, quam ex nova dari intelligatur. Donationis tamen causa datum repeti non potest. *L. cum ancillam, L. si repetendi, sup. proximo tit.*

Ad *L. penult.*

Idem AA. & CC. Eutychiez.

Ob restituenda ea que subtraxerat, accipientem pecuniam, cum eius tantum interveniat turpitudine, conditione conventum hanc restituere debere convenit. Dat. XV, Kal. Iun. CC. Coss.

S U M M A R I A.

1. *Acceptum ob aliquid præstandum, quod quis præstare tenetur semper condici potest.*

2. *Secus si quid acceptum sit ob id, quod sit alias ex humanitatis officio.*

1. **Q**uisquis tamen ad aliquid præstandum iure tenetur, is, si ut præstet, pecuniam accipiat, turpiter accipit: ita ut solius accipientis turpitudine sit, ex quo in omnem eventum sequitur condicio. Diximus, si quis ad præstandum teneatur iure. Diversum est tamen si quid ex officio humanitatis honeste fiat; quod tamen nemo facere cogatur, veluti: officium pie-

tatis & humanitatis exigit, ut servum furum domino suo indicem; sed indicare ius me non cogit, quemadmodum non cogit, aut accusare, aut agere, *tit. sup. ut nemo invitus ag. vel accus. cog.* Proinde si accepero indicium, ut domino servum suum furem, aut fugitivum indicarem, non tantum mea turpitudine est, eoque datum non condicetur. *L. 4. §. ult. D. eo.*

Ad *L.*

Ad L. ult.

Idem AA. & CC. Zenoni.

Eum qui ob restituenda quæ abegeras pecora pecuniam accepit : tam hanc, quam ea quæ per hoc commissum tenuit, restituere debere convenit : licet mortua, vel alio fortuito casu periisse dicantur : cum hoc casu in rem mora fiat. Dat. V. Kal. Decemb. Nicomediæ AA. Coss.

S U M M A R I A.

1. *Raptor, aut abactor pecorum, si ad id faciendum pecuniam acceperit, ad quid teneatur?*
2. *Sensus verborum, moram in rem fieri, vel ex re.*

Raptor, aut abactor pecorum, si ad restituenda pecora pecuniam accepit; † tenetur & ad pecuniam acceptam reddendam ex hac conditione, & causa, de qua in L. 4. sup. & præterea ad res ablatas, quanvis casu fortuito perierint, de quo dicitur ad L. ult. proxim. titul. Adicitur hæc ratio, quia in hac specie mora in rem fiat. Hæc sententia quo spectet, & quam rationem habeat, dicitur ad d. L. ult. proxim. tit. De his verbis paucis monendi sumus, quod dicitur, in hæc specie moram in rem fieri. Obstat enim L. mora D. de usur. ubi generalis definitio traditur, moram non fieri ex re, sed ex persona, quod hic negatur. Sciendum est hæc verba, *moram*
 2 † *in rem fieri, vel ex re*, ut dicitur in

d. L. mora, vel in re, ut dicitur in L. sed etsi reipub. in fin. D. de usur. hæc inquam, verba ambigua sunt. Iuter dum enim dicitur mora in rem fieri, seu ex re, eum sit ex ipso tardæ solutionis rei tempore, sine ulla interpellatione, L. in minorum persona, supr. in quib. causis in integ. rest. necesse est. Iuter dum significat moram ita fieri, ut nonnullum sit vitium in persona debitoris. Priore sensu, mora in rem fieri potest; quia potest fieri sine interpellatione, quod fit in omnibus iniustus possessoribus. Posteriore sensu mora nunquam fit ex re, sed tantum ex persona, id est, nunquam fit mora, nisi interveniat aliquod vitium personæ debitoris vel quia interpellatus sit, vel quia maleficio aliquid possideat.



A D T I T U L U M VIII.

DE CONDICTIONE FURTIVA.

Ad Rubricam.

S U M M A R I A.

1. *Conditio furtiva est ex maleficio.*2. *Quare hoc loco tractetur.*

Conditio furtiva ex furto est, proinde ex maleficio, non ex \dagger contractu, §. ult. *Inst. de oblig. quæ ex delicto*. Ex quo intelligitur, non pertinere hanc conditionem ad eas obligationes, quæ ex contractu nascuntur, de quibus

hoc libro agi initio diximus; sed \dagger tamen quia superioribus titulis de conditionibus dictum est; idcirco propter generis similitudinem, etiam de conditione furtiva hoc loco tractatum est.

Ad L. 1. §. 2.

Imp. Diocletian. & Maximian. AA. & CC. Hermogeni.

Preses provincie sciens furti quidem actione singulos quosque in solidum teneri, conditionis vero nummorum furtim subtractorum electionem esse, ac tum demum, si ab uno satisfactum fuerit, ceteros liberari: iure proferre sententiam curabit. Dat. Kal. Maiis CC. Coss.

Idem AA. & CC. Aristyneto.

Ante oblationem interemptæ rei furtivæ damnum ad furem pertinere, certissimi iuris est. Dat. Kal. Maiis CC. Coss.

S U M M A R I A.

1. *In furto quæ sint?*
2. *Pæna furti manifesti.*
3. *Furtiva actio, & conditio, quæ & quid differant?*
4. *Furtiva conditio ex maleficio oritur.*
5. *Actio furti cui detur?*
6. *Actio furti adversus quem detur?*
7. *Actio furti an adversus heredem etiam detur?*
8. *An adversus plures?*
9. *Actio furti perpetua est.*
10. *In actionem furtivam an etiam usura veniant.*
11. *Nemo rem suam condicere potest, præterquam a fure.*

12. *Actio furtiva & conditio quid differant?*
13. *Conditio furtiva cur non detur ei, cuius interfit?*
14. *Actio furti an legatario competat?*
15. *Furtum quid?*
16. *Surripere quid?*
17. *Conditio furtiva adversus quem detur? An etiam adversus plures?*
18. *Conditio furtiva an adversus heredem competat?*
19. *Conditio furtiva quamdiu duret?*
20. *In conditionem furtivam, quæ veniant?*

Mentio fit in L. 1. actionis furti, & conditionis furtivæ, sed non adii-
citur, inæquo una ab altera differat. Di-

citur præterea, quosdam furti & conditione furtiva teneri, sed non exprimitur, neque, qui teneantur, neque quibus, ne-

que quamdiu, aut quatenus. Proinde, ut totus hic locus recte explicetur, videndum est, quæ sint hæ actiones, & quid in iis spectandum sit. In \dagger furto duo sunt, delictum, & res furto ablata. Utriusque rei nomine placuit furem teneri. Nam adversus delictum poena constituta est. Poena \dagger hæc est in furto manifesto quadrupli: in nec manifesto dupli. \S . *pen. Inst. de obl. que ex del. nasc.* Præter hanc poenam etiam fur rem ablatam restituere tenetur. Utriusque nomine propriæ actiones constitutæ sunt duæ. Furti actio, & conditio furtiva. Furti actio, \dagger poenam legitimam supra scriptam persequitur. Conditio, rem furto oblatam. Quæ actiones cum tam de diversis rebus competant, nunquam una per alteram consumitur. L . *si per furem, D. eod. §. ult. Inst. de oblig. que ex del. Videndum est, quibus ex causis hoc loco nascantur, & quid una ab altera differat. Furti actio, item & conditio furtiva, utraque ex furto nascitur. De furti actione non dubitatur. De conditione furtiva nonnulli hæsitant, propter eas consequentias, de quibus dicemus. Sed dubitari non oportet, quin & hæc \dagger ex maleficio sit; nam ex furto nasci constat. Sed & huius rei certum argumentum est in L . 4. D . *eod.* Nam ibi traditur, ex furto servi conditionem esse adversus dominum, sed noxalem. Non est noxalis actio, nisi ex noxa, id est maleficio servi. L . 1. D . *de nox. actio.* Differentiæ & similitudines utriusque actionis ita intelligentur, si distincte dixerimus, quibus unaquæque datur, adversus quos, quamdiu, & quid in eas actiones veniat? Actio furti datur \dagger ei, cuius interest, furtum factum non esse, sive is dominus erit; sive non erit: veluti, si res commodata commodatario surrepta sit, aut creditori res pignoratæ, aut fulloni vestimenta, quæ polienda suscepit; quoniam isti omnes, re culpa amissa, tenentur. \S . *furti, & §. seq. Inst. de obl. que ex del.* Datur \dagger hæc actio non tantum adversus furem, qui furtum facit, sed etiam adversus eum, cuius ope, vel consilio, vel utroque, furtum factum est. \S . *interdum, Inst. de oblig. que ex del.* Sed adversus hos tantum, adversus heredes non datur, quia actio poenalis est.*

7 Heredes \dagger poena non tenentur, \S . *non autem, Inst. de perp. & temp. act. L. 1. in prin. & §. 1. D. de priv. del.* Quid

8 si \dagger plures eiusdem rei furtum fecerint, quid, si plurium ope & consilio furtum factum sit? Hic in L . 1. scriptum est, singulos teneri, & teneri in solidum, quod

ex sequentibus verbis sic accipiendum esse apparet, ut singuli ita teneantur, ut quis unus suo nomine poenam deperderit: tamen nihilominus a cæteris furti sui poena exigi possit: Et hoc verum est, ut declaratur. In L . *quis id, quod §. ult. cum L. seq. D. de iurisd.* Hæc actio tamen poenalis; tamen perpetua \dagger est. Dupli quidem actio ideo perpetua; quia est ex L . 12. *tab.* Quadrupli autem ideo; quia est ex edicto sit; tamen perpetua data est. Hæc in *prox. tit. de perp. & temp. act.* In hac actionem venit poena furti, quæ petitur, nihil amplius. Neque enim usura \dagger veniunt, cum sit iudicium stricti iuris, non bonæ fidei, argumentum in L . *quoties, in prox. tit. & L. 1. supr. de cond. ind.* Non tantum adversus furem actio furti prodita est ad poenam legitimam persequendam, sed etiam ad rem furtivam petendam conditio furtiva, ut diximus. Hanc actionem in personam esse constat; quoniam ex obligatione nascitur. Obligatio ex maleficio contrahitur. \S . *sic itaque, Inst. de alio.* Itaque hoc loco quaeritur est, qui possit hæc actio adversus furem esse ei domino, qui rem suam perit: cum ita ius sit, neminem rem suam condicere posse: dicto, \S . *sic itaque.* Sed illic res explicatur. Declaratur enim ex hæc regula furem excipi. Excipendi rationem esse odium furum, quo pluribus actionibus constitutis magis teneantur. Inde regula iuris ita concepta est, neminem \dagger rem suam condicere posse, præterquam furi, seu præterquam a fure L . *ult. D. usufruct. quemadmodum cav. & dist. §. sic itaque.* Hæc conditio non iisdem personis, neque adversus eosdem, neque eodem tempore, neque iisdem de rebus competit, ut furti actio. Itaque diligenter in singulis partibus dissimilitudo observanda est. Furti actio \dagger datur ei, cuius interest: conditio furtiva soli domino, sive eius interit furtum factum non esse, sive eius non interit. L . 1. D . *eod.* Cur non \dagger itidem datur ei, cuius interest, quanvis dominus non sit? Quia natura rei refragatur. Non enim potest res repeti nisi, ab eo, qui eam prius habuit, & cui ablata est. Non habuit autem, nisi dominus. Usque adeo autem soli domino hæc conditio competit, ut si dominus rei furtivæ desierit factio suo esse dominus, iam amplius ei conditio non competat. L . *si ve, §. ult. D. eod.* In quo notandum est, conditionem hanc, etsi ex maleficio & obligatione sit: tamen in eo actionem in rem imitari, quod propter dominium etiam datur, ac dominio amisso compete-

- re definit. Sed non omni domino datur, verum ita domino, si etiam ei res surrepta sit. *L. sed nec legatarius, D. eod.* Ex quo evenit, ut si is dominus, § cui res surrepta est, rem furtivam, priusquam restitueretur, Titio legaverit: continuo re Titio acquisita conditio extinguitur, quia neque veteri domino competat, neque legatario. Non veteri domino, quia iam dominus non est: non legatario; quia is quidem rei dominus est, sed non est ei res surrepta, quod exigimus. *d. L. sed nec legatarius.* Huic parti opponitur *L. si dominum, D. de furt.* ubi traditur in specie supra scripta, legatario furti actionem competere adversus furem. Non competit ei furti actio, nisi ei furtum fiat, §. *furti. Inst. de obl. quæ ex del.* Et vero legatario furtum fieri ex definitione furti patet: nam § furtum est contrafactio rei fraudulosa, *L. 1. in fin. D. de furt.* Constat autem, furem contrafactare rem legatarii; quare etiam eius rei legata legatario furtum facit. Respondetur. Negari non potest, quin fur nova rei contrafectione furtum novo domino faciat, ex quo etiam novo domino furti actio nascitur: sed aliud est furtum legatario facere: aliud legatario surripere: furtum ei fieri potest contrafectione, dum res eius contrafactatur. At res ei sua surripi non potest; quia eam nunquam habuit. Surripere § autem est aliquid per raptum eripere, vel auferre. *L. 4. D. ne quis eum, qui in ius voc. est.* Non potest autem 'cui quid auferri, quod prius non habuit. Ita manet rata hæc sententia. Re furtiva a domino alienata, neque veteri domino conditionem competere, quia dominus non sit; neque novo, quia ei res non sit surrepta; etsi verum est, novo domino furtum fieri. Datur § hæc conditio adversus furem heredemque eius. *L. 5. D. eodem.* Adversus furem dari certum est. Sed an adversus furem tantum? An non etiam adversus eum, cuius ope & consilio furtum factum est? Et placet adversus furem tantum non adversus ceteros; quod dissimiliter fieri in actione furti, ut supra, diximus. Hoc traditur in *L. ex causa, § L. proinde, D. eodem.* Huic loco opponitur, *L. sepe, §. sed verius, D. de verb. signific.* ubi traditur; *Si, cuius ope furtum factum est, condici posse; quia aliquando potest, etiam si non semper.* Tunc enim potest, cum res aliter adversus furem salva esse non poterit. Quod autem dicitur in *d. L. proinde, D. eod.* eum, cuius ope & consilio furtum factum est, non teneri conditione: ex sententia præceden-

tis legis temperandum est, quandiu scilicet fur, aut heres eius conditione tenebitur. Hoc etiam modo res recte explicabitur, ut dicamus eum, cuius ope furtum factum est, non teneri verbis edicti, id est, directæ conditione: at teneri utilil, quia videatur is furtum facere, qui opem præbuit, ut furtum faceret, sed ea conditione tenebitur, quam supra dixi. Fur ergo solus tenetur hac conditione. Quid si plures furtum fecerint? An quemadmodum singuli tenentur in solidum actione furti, ita singuli tenebuntur conditione furtiva? Et in *L. 1.* hic traditur discrimen, quod sit inter utramque conditionem in hac parte. Nam singuli conditione tenentur, ita ut possit dominus, quem velit, eligere, a quo rem furtivam condicat: sed hoc dissimile est. Quod si ex hac actione unus ex furibus domino satisfecerit, vel rem oblatam restituendo, vel alio modo ei satisfaciendo; ceteri liberantur. Differentiæ ratio hæc est: quia in actione furti, cum plures furtum fecerunt, & ab illis poena petitur, plures res sunt diversæ, quæ singulis debentur, nec poena, quæ ab uno debetur, est ea poena, quæ debetur a cæteris. Idque hoc modo facile intelligi potest: nam pluribus furtum facientibus, quot sunt singulorum contrafectiones, tot sunt furta; quia contrafectio fraudulosa, furtum est. Quot sunt autem furta tot sunt singulorum furtorum poenæ. Ut igitur facta & furta diversa sunt, sic poenæ diversas esse necesse est. Nunquam ubi plura delicta sint etiam in eam personam concurrentia, unius delicti poena nocentem liberat; multo magis si diversa erunt delicta in diversas personas incurrentia. *L. 2. de priv. del.* Denique nihil amplius ius vetat, quam ut his idem exigatur. *L. bona fides, D. de regul. iur.* Cum hic diversæ poenæ sint: non potest dici una poena ab uno exacta idem exigi, si ab aliis sui furti poenæ exigantur. At in conditione furtiva una res est, quæ petitur, quæque eadem debetur ab omnibus. Quotiescunque in eadem causa, & obligatione una res versatur, quæ debeatur, quanvis debeatur a pluribus; tamen & unus accipiendo, & alter solvendo omnem perimit obligationem, & omnes liberat, ut accidit in duobus pluribusve reis promittendi. *Institut. de duobus reis, vers. ex huiusmodi.* Idque consequens est superiori illi regulæ iuris, quæ efficitur, bonam fidem non pati, ut bis idem exigatur, dicta *L. bona fides, D. de regul. iur.* Hæc § conditio, ut in furem datur, sic competit in here-

heredem, omnesque successores furis: *dist. L. 5. D. eod.* Aliiter atque furti actio, quæ in heredem non datur. Differentiæ ratio hæc est; quia furti actio poenalis est: Ex maleficiis poenales actiones in heredes non dantur, ne longius progrediatur poena, quam delictum, *L. 1. D. de priv. del. L. constat, D. de obligat. & alt. §. non autem, Inst. de perp. & temp. alt.* At conditio furtiva rei persecutionem continet *L. si pro fure, §. ult. D. eod.* Quæ actiones rei persecutoriæ sunt, ut hereditus sic in heredes competunt. *d. §. non autem, Inst. de perp. & temp. alt.* Rei persecutionem continere dicuntur, quibus persequimur id, quod nobis ex patrimonio abest. *L. in honorariis, D. de oblig. & alt.* Talem esse constat hanc conditionem, quia dominus rem sibi ablatam persequitur. An huic sententiæ obstat *L. 1. inf. ex del. defuncti*, illic dicitur.

19 Quæritur: quandiu actio detur? Quid enim si res furto ablata casu perierit, cum fur paratus esset eam restituere, si a te peteretur? Quæstio in eo est, utrum fur non interpellatus, ut rem furtivam reddat, moram faciat, an non faciat. Nam si non facit, re perempta liberatur. *L. si ex legato, D. de verb. obligat. L. quod se, D. si cert. petat.* Sin facit moram; re perempta nihilominus tenetur, ut antea. Mora enim perpetuat obligationem. *L. nemo res, §. ult. L. si servum, §. sequitur, D. de verb. obligat.* Secundum hanc regulam responderunt veteres, furem, re furtiva, quanvis casu perempta, perpetuo teneri, non minus, quam si res existeret; quia semper fur moram facere videtur. *L. in re furtiva, §. 1. L. ult. D. eod.* Sed unde mora id fure, ubi is a domino interpellatus non est, ut rem redderet? Respondetur. Ex ipso delicto, ex cuius delicto tempore plusquam frustrator est, qui rem invito domino contrectavit, quam nec debuit attingere. *d. L. ult. D. eod. L. penult. D. unde vi.* Et hoc est, quod dicitur, & furem & raptorem moram in rem facere, seu ex re. *L. ult. sup. prom. tit. ut sit sensus, moram cum facere ex ipso tardæ solutionis tempore. L. 3. sup. in quib. causis rest. in integr. non est neess.* Neque tamen fur ita dicitur moram facere in re, seu ex re, ut non faciat etiam moram ex persona. Nam moram ex persona fieri oportet iure communi. *L. mora, D. de usur.* Sed moram fieri ex persona, sic accipere debemus, fieri ex vitio personæ: quod vi-

tium maximum est in fure, & omni male fidei possessore. Sed ut re furtiva peremptæ damnum ad furem pertinet; tunc, cum moram facere intelligitur: ita si furis mora finita sit, quibus modis oportet, re postea sine eius culpa amissa, liberatur, contraria de causa, ex dicta regula, *L. si ex legato, D. de verb. obligat.* Finitur autem mora duobus modis: Uno si rem furtivam recte obtulerit domino; & is sine iusta causa accipere recusat. *L. ult. hoc tit. L. in re furtiva, in princ. D. eod.* Et hoc est, quod dicitur, moram purgare, postea rem debitam offerendo. *L. si servum, §. sequitur, D. de verb. oblig.* Altero modo finitur mora, si obligatio furis de re furtiva, in aliam obligationem translata sit novandi animo. Nam priore obligatione sublata, mora inde fieri non potest, cum nulla sit mora, ubi nulla petitio est. *L. parvi, D. eo. L. nulla, de reg. iur.*

20 In conditionem rei furtivæ, cum quæritur, quid veniat, longe huius conditionis dissimilis causa est ab actione furti. Nam in actione furti poena legitima petitur, & petiri sola, ita: ut neque aliud principaliter petatur, neque eius pecuniæ principalis aliæ accessiones. At in conditione furtiva interdum res furtiva principaliter petitur, interdum eius rei æstimatio. Res ipsa petitur, si exstat. Si mora furis non finita perit, petitur corporis æstimatio; quoniam iam amplius res ipsa dari non potest. *d. L. in re furtiva, §. 1. D. eod.* Præter id autem, quod principaliter petitur, etiam veniunt in hanc conditionem accessiones, quæ ideo amissæ sunt domino, quia re furtiva caruit; & uno verbo, venit id, quod domini interest. *L. 3. D. eod.* Hoc verbum primum continentur fructus rei furtivæ, qui in hanc conditionem ideo veniunt. *d. L. in re furtiva, §. ult. D. eod.* Ubi fructus intelligere debemus, non tantum a fure perceptos, sed etiam eos, qui percipi potuerunt a domino, si res apud eum mansisset. *L. si navis, §. ult. D. de rei vind.* Continentur præterea, quidquid per occasionem rei furtivæ acquiri potuit extrinsecus, quod per causam furti amissum est; veluti si servus furtivus heres institutus fuerit, & dum dominus servo caret, is servus iussu domini adire hereditatem non potuit, atque ita decessit: in conditionem etiam hereditatis amissæ æstimatio venit. *d. L. 3. D. eod.*

A D T I T U L U M I X.

D E C O N D I C T I O N E

Ex lege, & sine causa, vel iniusta causa.

Condictionis ex lege exemplum est in
Tit. Conditionis sine causa in L.
2. & L. ult. Conditionis ex iniusta causa

exemplum in L. 3. *infra. sed.* quæ sit una-
quæque, iis locis exponitur.

Ad L. Licet ante tempus. 1.

Imp. Diocletian. & Maximian. AA. Ulpio.

*Licet ante tempus debita exigi non possint: tamen si te ex primipilo de-
bitorem constitutum fisci, ac patrimonium tuum exhaustum præses provincia
compereris, ut ad solutionis securitatem solum sœnebris pecuniæ subsidium su-
peresse videatur: commonebis debitorem tuum, si saltem ipse sit solvendo, ut
ante definitum tempus debita representet: ut fisco, cuius ob necessitates pu-
blicas causam potiore esse oportet, debita pecunia exsolvatur S. XIII. Kal.
August. Sirmii CC. Coss.*

S U M M A R I A.

1. *Condicio ex lege quid?*
2. *Condicio ex lege, quæ ex causa, qui-
bus, & in quos detur, & cuius rei
gratia. & seqq.*
3. *Illustre exemplum conditionis ex le-
ge in primipilo fisci debitere: tria*

*adversus illum privilegia fisco at-
tributa, & quæ & n. 4.
Quid primipilus veteribus latinis;
& quid usu sequiorum temporum
valeat. ibid. n. 3.*

Hoc loco, ut dixi, exemplum propo-
nitur conditionis ex lege, ad quam
speciem priusquam veniamus, dicendum
est, quid sit conditio ex lege, unde na-
scatur, quibus & in quos detur, & cu-
ius rei gratia.

1. Quid sit † hæc conditio, & quando
detur, declaratur in L. unica *D. de cond.
ex lege*, ubi hæc definitio est: *Si obliga-
tio lege nova constituta sit, nec tantum
sit ea lege, quo actionis genere experia-
mur: ex lege agendum est.* His verbis
duæ sententiæ exprimuntur. Una est;
quoties lege veteri, non nova, obligatio
constituta est, toties ex lege non agi.
Non enim de lege nova expressum est in
hæc definitione, nisi ut excluderetur obli-
gatio, quæ lege non nova, id est, veteri
constituta est. Sed hæc sententia videtur
falsa esse. Primo ex eadem definitione id
demonstrari liquido videtur. Aperte enim

dicitur: *Ex lege agi, cum obligatio lege
nova constituta est, neque de actione ex-
pressum est.* Atque eadem lex, quæ prius
vetus erat, dici potest nova, diversâ ra-
tionibus. Exempli gratia: Lex Iulia de
adulteris est lex nova, si conferatur eum
L. 12. tabul. & ideo interdum ex ea lege
nascitur conditio ex lege, ut paulo post
dicitur. At eadem est lex vetus, si con-
feratur cum posterioribus constitutionibus
Imperatorum. Itaque hæc ratione rursus
dici debet, conditionem hanc ex ea
lege non competere, quod est *delictum*.
Respondetur. Eadem lex, dum confer-
tur cum prioribus, aut posterioribus, dici
potest & vetus & nova, diversâ rationi-
bus. At cum simpliciter in usu iuris lex
vetus nominatur, aut lex nova, certa &
definita genera legum intelliguntur. Verbo
legis, seu iuris veteris intelligitur, per
discrepantiam lex 12. tabul. Cæteræ leges &

con-

constitutiones, quæ postea secutæ sunt, appellantur novæ, seu ius novum. *L. 1. §. L. 3. circ. fin. de hered. pet.* Sic autem lex 12. tabul. appellatur; quia hæc lex primum certo constituta est a Romanis, ut postea maneret. Ante fuerunt leges quædam regis, sed incertæ, & eæ, quæ lege 12. tabul. latæ exolverint, ut solum ius Romanum certum primum esse coepit in *L.L. 12. tabul. L. 2. §. ex ætis. de orig. iur.* Cum iis legibus ceteræ postea collatæ dictæ sunt novæ. Itaque superioris definitionis hic est sensus: si obligatio aliqua lege 12. tabul. constituta sit, ex lege non agi, quantumvis ab initio ea lege dictum non sit, qua actione experiremur. Sed & hæc sententia maxime falsa videtur. Generaliter enim definiendum est: quacunque lege, quocunque edicto, obligatio & actio aliqua constituta sit, semper actionem ex ea lege competere. Huc pertinet, quod dicitur, omnes obligationis actiones, aut civiles esse, aut prætorias, id est, aut lege constitutas, aut edicto prætoris, *§. 1. Inst. de oblig.* Sed id maxime declaratur exemplis quarundam actionum, quæ ex lege 12. tabul. nascuntur. Actio de pauperie, id est, de damno ab animali bruto dato ex lege 12. tabul. est. *L. 1. D. si quad. paup. fec.* Atqui hæc actio ex lege est, & qui hac actione experiri, dicitur ex lege agere. *L. 3. D. eod. si quad. Sc.* Item actio de glande legenda; item de pastu pecoris, sunt ex leg. 12. tabul. & tamen, qui iis actionibus agit, dicitur ex lege agere. *L. qui servandorum, §. ult. D. de præscript. verb.* Respondetur. Hæc omnia vera sunt, & conciliantur facile ambiguitate verborum intellecta. *Ex lege agere* verbum ambiguum est. Interdum enim & proprio significat agere secundum legem, vel agere actione lege constituta. Hoc modo, quacunque lege actio constituta, sive veteri, sive nova, recte dicimus ex lege agere, cum actione lege constituta experimur, & in hanc sententiam dicta sunt ea, quæ obiciebamus. Interdum, ut in definitione supra scripta *d. L. unica, de cond. ex L.* hæc verba, *ex lege agere*, non proprie & naturaliter significant id, ad quod significandum nostra comparata sunt, sed significant & materialiter agere actione, quæ appellatur, ex lege, ut *ex lege*, significet nomen & titulum actionis, quam sententiam esse Pauli indicat inscriptio tit. Est enim inscriptio *de conditione ex lege*, id est, de conditione, quæ ita appellatur. Hoc sensu verissimum est: quæ-

Tom. VII.

cunque obligatio lege veteri 12. tabul. constituta sit, etiam si ab initio in lege cautum non sit de nomine actionis; nunquam tamen inde agi conditione ex lege, id est, conditione, quæ ita appellatur. Ratio hæc est: quia ex lege 12. tab. statim post compositas sunt actiones a veteribus; id est, singulis actionibus sua nomina & suæ formulæ inditæ, quibus ageretur de iis causis, de quibus obligationes erant *L. 12. tab. constitutæ, L. 2. §. iis legib. §. 3. deinde ex iis legib. de orig. iur.* Hæc res fecit, ut cum obligationes legis 12. tabul. suas proprias & usitatas actiones habeant, non desiderent aliud nomen actionis.

Altera sententia superioribus verbis expressa est huiusmodi, ex iis, quæ de lege nova, deque illis verbis, *ex lege agendum est*, diximus: quoties non ex lege 12. tab. sed lege aliqua quæ postea secuta est, obligatio introducitur, neque ea lege cautum est qua actione experiamur: toties conditione ex lege agendum est. Sed & hæc sententia falsa videtur. I. Quæ actiones & obligationes edictis prætorum constitutæ sunt, si non est adiectum, qua actione experiamur, non est ex iis conditio ex lege, aut edicto, sed actio in factum, ut declaratur exemplis. *L. 3. D. de eo, per quem fact. erit, ne is, qui Sc. L. 1. §. in factum, D. de his, qui deiec. L. 1. D. si mens. fal. mo. dix.* Respond. Definitio loquitur de obligatione quæ constituta est lege: edictum prætoris, etsi vi & potestate pro iure & lege habeatur. *§. constat. Inst. de iur. nat. gent. & civ.* tamen reveta lex non est, neque proprie in ulla parte iuris ponendum est, ut declaratur in *§. quos autem, Inst. de bon. poss.* Nihil igitur exempla definitioni superiori adversantur. Hic occurrit, & rursus obiciuntur exempla obligationum civilium, ex quibus conditio ex lege non competit, tamen si obligationes ita fini constitutæ, ut non sit certum, qua actione experiamur. In hoc genere sunt obligationes, quæ nascuntur ex illis 4. generibus contractuum: *Do ut des, do ut facias, facio ut des, facio ut facias.* In iis negotiis etiam si res in proprium nomen contractus non transcat; nihilominus obligatio iure civili constituta est, qua mihi obligaris, ut des, aut facias. *L. naturalis, §. 1. & deinc. D. de præscript. verb.* Civilem eam obligationem esse, scriptum est in *L. iurisdictionum 1. resp. D. de pact. L. solent, de præscript. verb.* Atque hinc non est conditio ex lege, sed actio præscriptis verbis: quæ actiones

D d d 2

ita

ita distinguuntur, ut una nunquam sit altera, ut declaratur in tota *L. naturalis, D. de prescrip. verb.* & tamen in iis obligationibus constituendis non est cautum iure, qua actione experiamur; imo præscriptis verbis actio nunquam competit, nisi cum deficiunt usitata nomina actionum, seu cum nullæ actiones iure civili proditæ sunt. *L. 1. 2. 3. de prescrip. verb.* Falsa igitur superior definitio. Respondetur. Imo ex iis exemplis definitio verissima est. Ideo enim ex iis negotiis non est conditio ex lege, tametsi nomen actionis iure non exprimitur; quia in iis causis obligatio constituitur lege veteri, non nova. Constituitur enim iure civili, *d. L. iurigentium D. de pact. d. L. solent, D. de prescrip. verb.* Ius civile absolute cum nominatur, aut lex 12. tabul. intelligitur, aut interpretatio veterum; quæ primis temporibus ad legem 12. tab. accomodata est, ut exillimaretur esse pars & accessio legis 12. tab. eaque pars proprio nomine dicta est ius civile, teste Pomponio in *L. 2. §. iis legibus latis, & §. deinde ex iis, L. L. D. de orig. iur.* Præterea actionem præscriptis verbis ex iure veteri esse hinc colligere licet, quod obligationes empti & venditi locati & conducti ex iure veteri & primo natæ sunt, aut confirmatæ: unde non tantum civiles dicuntur, sed etiam iurigentium. *d. L. iurigentium D. de pact. L. ex hoc D. de iust. & iur.* At ex supra scriptis generibus contractuum obligationes constitutæ sunt per interpretationem ad exemplum emptionis, venditionis, locationis, conductionis & simillium, ut est in *L. naturalis, §. ult. vers. pen. D. de prescrip. verb.* Nihil autem interest, ut verbum dicatur ex legibus, utrum sit ex verbis legis, an vero ex legis sententia. Postremo obiicitur actio damni iniuriæ dati. Lex Aquilia citra dubitationem lex nova est. Est enim plebiscitum multo post leges 12. tab. latum. *L. 1. D. ad L. Aquil.* Ea lege obligatio & actio constituta est de damno culpa dato; & tamen ita constituta, ut non sit cautum ea lege, qua actione experiamur, ut patet ex verbis primi & tertii capitis eius legis, quæ referuntur in *L. 2. & L. si servus servum, §. tertio autem cap. D. ad L. Aquil.* & tamen ex ea lege non est conditio ex lege, sed actio, quæ certo nomine appellatur, actio damni iniuriæ. *Inst. de L. Aquil. in princip.* Unde hæc dicitur *L. Aquiliæ actio non conditio. L. item Mela, §. legis D. ad L. Aquil.* Resp. Lege Aquiliæ actio non est introducta primum de

damno dato. Fuerunt enim & ante legem Aquiliam multæ aliæ leges, quibus de damno cavebatur, ut est in *L. 1. D. ad L. Aquil.* quibus actionibus de actione damni exprimebatur. Secuta est *L. Aquilia*, quæ non actionem de damno introduxit, sed de quantitate damni, & æstimatione constituit. Definitio Pauli concepta est de obligatione, quæ lege nova primum introducta sit. Vera igitur est definitio utraque, quam supra posuimus. Quæritur, cum lege nova constabit, obligationem esse introductam, quid refert utrum sit conditio ex lege, an alia actio. Quid enim nomen actionis ad rem pertinet, dum res intelligitur? Respondetur. Referrî hoc debet ad rationem iuris Romani, quo placuit de singulis rebus ita actiones constitui, ut certa quoque nomina actionum essent, ne actiones quicquam prout vellet, institueret. *L. 2. §. deinde, D. de orig. iur.* Quod usque adeo obtinuit apud Romanos: ut si quis, cum nomen certum esset, non uteretur nomine certo, aut cum nullum nomen esset, certum nomen diceret: inutilis esset. intentio ut expressum est in *L. 1. D. si mens. fal. no. dix.*

Quæritur iam, † conditio ex lege, qua ex causa, quibus, adversus quos, qua de re competat, de quibus nulla definitio certa tradi potest. Nam variis ex causis constituitur obligatio novis legibus; proinde quid hic servandum sit, ex unaquaque lege æstimandum erit, qua lege obligatio erit introducta sine certo nomine actionis. Veruntamen res planior fiet propositis exemplis huius conditionis. Et exemplum illustre est ex *L. Iul. de adult.* quod quale sit, intelligitur ex iis locis coniunctis, *L. si postulaverit, §. inbet iuncto §. pen. item L. quibus ex causis seq. D. ad L. Iul. de adult.* Exemplum quoque suppeditant constitutiones duæ Iustiniani. *L. ult. §. si autem ex contr. supr. de petit. hered. L. scimus, §. licentia danda credit. infr. de iur. delib.* Ad hoc genus † referri debet exemplum, *L. 1. ubi caverit, si quis ex Primpili causa debitor ficti constitutus sit, & nihil amplius habeat in bonis, quam nomina, id est, debitores, liceat ficto convenire debitores Primpili, etiam eos, qui in diem debent, ut ante diem constitutum debita repræsentent.* Hic opponitur ratio iuris de obligationibus in diem constitutis, quo efficitur, si quid in diem debetur ante diem exigi non posse. *L. cedere, D. de verb. signific. L. eum, qui Cal §. 1. D. de verb. oblig. §. in diem, Insti-*

Institut. de verbor. oblig. Et certum est, id ius singulare constitutum esse in obligatione Primipili, cuius iuris ratio ut intelligatur, sciendum est: Primipilum veteribus Latinis appellatum esse primum Centurionem legionis, dictum ex eo, quod præfesset primo pilo. Posse usu nomen tributum fuit iis, qui præfecti sunt annonæ militari corandæ & exhibendæ exercitui. Hoc Alciatus scripsit ad Titulum de primipilo. *penult. infr. lib. 12.* in quam sententiam etiam eruditi consentiunt. Quod ne dubitemus recte dici, huius appellationis hæc argumenta sunt. 1. Constat Primipili functionem & administrationem fuisse, ex qua administratione constitueretur fisci debitor, ut oporteat hanc personam aliam esse, quam personam Centurionis & veteris illius Primipili. Esse functionem & administrationem indicat. *L. 3. infr. de cohort. tit. 58. lib. 12.* Ex hac functione Primipilum debitorem fisco constitui scriptum est in *b. L. 1.* Fuisse autem hanc administrationem de re, ad summam exercitus & Reip. pertinere, apparet ex privilegiis, quæ fisco tributa sunt, adversus Primipilum ex causa eius administrationis, quæ mox subiiciemus. Postremo hanc rem fuisse annonam, in qua sunt nervi exercitus, adparet ex *d. L. 3. infr. de cohort. lib. 12.* ubi nominatur passus, Primipili functio, id est, functio ad pascendum exercitum, quod fit, cum annona exercitui præbatur.

4 Com hæc causa ad summam exercitus & Reipob. pertineat, ut dixi: eius rei tuendæ causa multa † singulari iure in hac obligatione constituta sunt & tributa fisco, cuius generis privilegia nobis occurrunt. Unum est in *L. 4. infr. in quib. caus. pign. tac. contr.* ut si Primipili & nominatorum eius bona solvendo non sint, teneantur pignori bona uxoris Primipili, quæ Primipilo in dotem data sunt. Hoc ius aperte singulare est. Nam dos natura uxoris est, non mariti. *L. in rebus, infr. de iur. dos.* Item iure communi uxor pro marito conveniri non potest. *L. 1. & deinceps. infr. ne ux. pro mar.* Alterum privilegium est in *L. ult. infr. de primipil. Tit. pen. lib. 12.* ut si primipilus solvendo non sit, filii pro patre

teneantur, quanvis patri heredes non exstiterint. Quod & ipsum ius singulare esse apparet. Nam neque filius pro patre, neque pater pro filio emancipato conveniri potest, toto Tit. *inf. ne fil. pro patre.* Tertium privilegium & postremum est id, quod in *b. L. 1.* traditur. Itaque movere nos non debet, quod ante diem peti nihil potest. Hoc enim ex iure communi ita est. Hic autem ius singulare constituitur, ut in superioribus causis. Itaque obligatio constituitur hac lege, & introducit ea, quæ prius non fuit. Quæremus igitur, quam actionem fisco habeat adversus debitores Primipili, qui in diem debeat? Et effectum est ex superioribus, esse conditionem ex lege, ut non immerito hæc lex collocata sit sub hoc tit. Talis conditio intelligenda est adversus filios Primipili, in ea causa, de qua supra diximus. Hic quæsitum est, cum fisco Primipili debitores ante diem conveniet, & debitores debitum fisco repræsentabunt, an id facere debeant, ita, ut iis tribuatur commodum intermedii temporis? Vulgo putant iis tribuendum esse, *argu. L. si constante, §. quoties, D. sol. matr.* Mulier constante matrimonio dotem exigere non potest, nisi maritus exeperit vergere ad inopiam, quo casu aut maritus dotem restituere debet, aut uxori satisfacere de dote restituenda, *d. L. si constante, in pr.* Quod si non satisfidet, placet eum dotem restituere debere, percepto tamen commodum intermedii temporis, id est, fructibus dotis. *d. L. quoties.* Quærimus igitur, an in specie huius *L.* idem tribuendum sit Primipili debitoribus? Resp. Verba huius legis aperte refragantur, quo minus idem illis tribuatur. Nam verba exigunt, ut debita integra fisco repræsententur. Non repræsentabuntur integra, si quid de iis detrahitur. Nihil ad rem pertinet exemplum dotis. Nam in dote, quemadmodum consuli uxori debet, ita debet in primis consuli marito, quod ad fructus attinet. Nam dos uxoris & fructus sunt mariti constante matrimonio. Neque ei unquam adimi debent. *L. dotis 7. D. de iure dos.* Non recte igitur ista compa-

Ad L. Diffoluta 2.

Iidem AA. & CC. Sculatio.

Diffoluta quantitatit retentum instrumentum, inefficax penes creditorem remanere, & ideo per conditionem reddi oportere, non est ambigui iuris. S. III. Non. April. CC. Coss.

S U M M A R I A.

1. *Conditio sine causa in quibus casibus locum habeat.*
2. *Chirographa cautiones cur appellata.*
3. *Debitor pecunia exsoluta potest chirographa sua vindicare.*
4. *Debitor an possit chirographum suum condicere.*
5. *Conditio sine causa solum in tertio modo seu genere necessaria.*
6. *Cur vero eadem a pratore in unumversum proposita.*

HIC, ut dixi, exemplum est, in quo locum habet conditio sine causa, de qua in unumversum hoc præcipiendum est. Tribus modis fit, ut aliquid demus, quod sit apud accipientem sine causa, † ut totidem de causis repeti id possit conditione sine causa. Uno modo id fit, cum quid tanquam debitum damus per errorem, quod revera est indebitum. Ideo enim indebitum est; quia nulla est causa debendi. Hinc eius quoque repetendi causa competit conditio sine causa. *L. 1. D. eod.* ut appareat hanc conditionem concurrere cum conditione indebiti; hanc generalem esse de omnibus quæ ad aliquem pervenerint sine causa: illam specialem de eo, quod indebitum solum est. Altero modo fit, ut res nostra perveniat ad alium sine causa, cum quid ob causam futuram dedimus, & ea causa secuta non est, ideo & hoc nomine dati repetendi causa hæc conditio competit. Ex quo eodem intelligimus, & hanc conditionem concurrere cum conditione ob causam dati, causa non secuta. *L. 1. D. eod.* Ad hoc genus referri debet præcipue species. *L. ult. infr.* Tertio modo fit, ut quod nostrum ad alium pervenit, sit apud eum sine causa, si a principio tanquam debitum datum est, & vere debitum fuit, seu, si ob causam datum est, & ea causa vere secuta est: sed postea causa est finita, seu obligatio sub conditione resoluta est. In hac quoque specie placet datum finita causa hac conditione repeti posse; quia nihil intersit, utrum aliquid sine causa datum, promissumve

sit ab initio, an vero causa finita sit, ob quam datum, promissumve erat, *d. L. 1. D. eod.* Huius generis exemplum est in chirographo, quod creditori datum est, & creditori postea pecunia est exsoluta, quæ est species huius loci. Chirographum ab initio a debitore vero creditori tanquam debitum datur, sive quod id agitur inter utrumque, ut datur, sive quod naturaliter debitor creditori suo cavere debet: Vel datur chirographum ob causam, ut chirographo debitori cautum sit, de obligatione, seu pecunia credita, unde & chirographa † in usu iuris cautiones appellantur. *L. emptor, §. ult. D. de pact. m.* & vere chirographum debitum præstatur, & causa sequitur, ob quam datur, statim a principio: sed & obligatio & causa dandi chirographi resolvitur tunc, cum pecunia soluta est creditori. Nam causa sublata, necesse est tolli effectum. Obligatio causa erat chirographi dandi. Quare obligatione sublata inane chirographum esse oportet. Præterea datum chirographum, ut sit cautionis loco pro obligatione. Non potest cautio esse pro obligatione, ubi obligatio nulla est. Ita fit, quod hic scribitur, pecunia exsoluta chirographum inane reddi, & ideo incipit chirographum apud ereditorem esse sine causa, & ut dicitur in *L. nihil, infr. de solut.* incipit esse evacuatum. Qua de causa debitor chirographum a creditore repetere potest. Non exprimitur hic qua actione, sed ex iis, quæ diximus, intelligitur esse conditio sine causa, & probatur in *d. L. 1. D. eod.* Hoc loco

loco vulgo adversari putant *L. ult. sup. ad exhib.* ubi scriptum est, debitorem pecunia exsoluta de chiographis suis, quæ apud creditorem sint, agere posse ad exhibendum, & ita ea repetere. Ex eo colligi putant, debitorem pecunia † exsoluta posse chiographa sua vindicare; quia ad exhibendum actio propter vindicationes introducta sit. *L. 3. §. est autem, D. ad exhib.*

4 Quod si debitor chiographi † dominus est, ut necesse est, eum esse dominum, si vindicat: non potest chiographum condicere, ut hic traditur; quia nemo rem suam condicere potest. *L. ult. D. usufr. quemadmodum caveat, §. sic itaque Inst. de action.* Responderetur. Male colligitur, quia debitor de chiographo suo ad exhibendum agere potest; idcirco eum chiographi dominum esse, & chiographum posse vindicare. Ad exhibendum actio non tantum domino rem suam vindicaturæ competit, sed cuivis, cuius interest rem exhiberi, de qua re postea acturus est, vel in rem, vel actione in personam, ut patet ex *d. L. 3. §. 1. & §. sciendum, & L. 4. & 5. D. ad exhib.* Itaque in proposita specie utrumque verum est, debitorem pecunia exsoluta chiographum suum condicere posse, & vere debere; quia chiographum creditori dando id chiographum fecerit creditoris, ut in omnibus literis accidit, quas alicui eius causa mittimus. *L. pen. in princ. D. de acquir. rer. dom. & tamen nihilominus debitorem, priusquam chiographum condicat, de eo agere posse, cum adversario, ut chiographum exhibeat; quia debitoris interest, id exhiberi, ut possit dicere, hoc ipsum chiographum esse illud, quod condicere vult, & quod dicit apud creditorem esse inane.* Ex duobus prioribus ge-

neribus, in quibus conditionem sine causa competere diximus, hæc conditio non est necessaria, cum speciales conditiones ad eas causas comparatæ sint, quæ ideo abunde sufficiant. In tertio † genere necessaria fuit; quia non potest in eo locus esse conditioni indebiti soluti, cum vere debitum initio solutum sit: non conditioni ob causam datorum, quia revera causa, ob quam datum erat, locuta sit; ut consequens sit, aut deficere in eo genere omnem conditionem, aut hanc introduci oportuisse. Quæri † igitur potest, cur generaliter hæc conditio proposita sit a prætoribus, de iis etiam causis, de quibus speciales conditiones prius propositæ essent? Respond. Id ex more prætorum factum esse, qui occasione in una aliqua specie oblata alicuius actionis, aut beneficii proponendi, generaliter id beneficium proposuerunt. Exemplo est bonorum possessio ab intestato, unde liberi: hæc solis emancipatis necessaria fuit. Sui heredes satis lege tabul. ab intestato heredes sunt. *§. emancipati, Institut. de hered. quæ ab intest.* tamen cum emancipatis liberorum possessionem proponere instituit, per occasionem bonorum possessionem generaliter omnibus liberis pollicitus est, tam emancipatis, quam libris, qui in potestate patris morientis fuissent. *§. sunt autem, vers. & primo quidem, Institut. de bon. poss.* Idem factum est a prætoribus in conditione hæc causa. Idem factum in conditione certi, quæ conditio cum esset necessaria in mutuo & in stipulatione tantum; tamen per occasionem eorum contractuum generaliter edixit prætor sc, quacunque ex causa certum peteretur, conditionem certi daturum. *L. certum, D. si cert. pet.*



Ad L. Mala 3.

Iidem A.A. & CC. Galatiz.

Mala fide possidens, de proprietate victus, de exstantibus fructibus rei vindicatione, de consumptis vero conditione conventus, eorum restitutioni parere compellitur. Dat. Idib. Febr. CC. Coss.

S U M M A R I A.

1. *Bona fidei possessor quis dicatur.*
2. *Mala fidei possessor quis.*
3. *In dubio unusquisque bona fide possidere presumitur, & quando mala fidei possessor esse intelligatur.*
4. *Fructus prædiorum an a possessore mala fidei repeti possint, & quibus actionibus, & qui. Questio totius summar. præcipua.*
5. *Fructus pendentes sunt pars fundi.*
6. *Fructus ex alieno prædio percepti eius sunt, qui prædii dominus est.*
7. *Mala fidei possessor an etiam teneatur conditione de fructibus exstantibus.*
8. *Respondetur eum de consumptis & de exstantibus pariter teneri. au. 8.*
9. *Quare fructus extantes quoad eorum persecutionem a consumptis distinguantur.*
10. *Rescripti sententia ad perceptos fructus pertinet, non ad eos qui percipi potuerunt.*

Mala fide quis alienum prædium possidebat. Bonæ fidei possessor is est dictus, qui putat eam, a quo accipit, vel dominum esse, vel ius transferendi habere, puta tutorem, aut procuratorem esse. *L. qui a quolibet, D. de contr. empt.*
L. bona fidei, D. de verb. sign. Qui contra scit, eum, a quo accipit, neque dominum esse, neque ius transferendi habere, is contra mala fide possidet. Si de eo controversia erit, an possessor id sciverit, aut ignoraverit, & breviter an possessor mala fide possideat, an bona, semper in re dubia est unusquisque bona fide possidere existimatur; & ideo eius probatio est, qui possessorem mala fide possidere dicit. *L. pen. infr. de evict.* Hoc tamdiu verum est, quamdiu res a possessore non petitur. Quod si dominus rem suam a possessore petierit, non tantum iudicio, sed etiam extra iudicium, dum illi testato denuntiat, rem suam ab illo possideri: ex eo tempore malæ fidei possessor esse intelligitur. *L. item veniant, §. petitem, L. sed est lege, §. si ante, D. de petit. hered.* Hic evenerat, ut dominus prædium suum a possessore non tantum petisset iudicio, sed etiam vicisset, sententia adversus possessorem lata, qua declararetur actor dominus esse eius prædii, & condemnaretur possessor, ut prædium restitueret, quæ sunt partes iudicis

in pronuntiatione huius iudicii. *L. & ex diverso, §. 1. L. qui restituere, D. de rei vind.* Sed evenerat, vel, errore, vel quia nihil de fructibus postulatam esset, ut iudex nihil pronuntiaret de fructibus restituendis, qui a possessore percepti erant, & partim adhuc apud eum extabant, partim erant consumpti. Quæritur est, an est dominus possit eos a possessore repetere, & quibus actionibus? Videri potest dubitatio nata ex eo, quod cum de re principali sententia lata est, & ommissa est sententia de accessionibus: placet postea de accessionibus agi non posse, quasi priore sententia lis omnis finita sit, & de re principali & de accessionibus. *L. 4. infr. depositi.* Videri autem possunt in specie proposita fructus ex prædio percepti accessiones prædii esse. Iam autem lis de prædio finita erat. Proponitur enim possessor de proprietate antea victus esse. Hic responderetur, dominum nihilominus lite de prædio finita etiam fructus a possessore perceptos repetere posse, sive extant, sive sint consumpti. Nihil ad rem pertinet, quod diximus, lite iudicio de re principali finita, de accessionibus agi non posse; quoniam fructus non sunt fundi accessiones. Nam pendentes sunt pars fundi. *L. fructus, D. de rei vind.* Percepti, id est, separati a fundo proprium corpus efficiunt distinctum a præ-

prædium. Nec quidquam ad rem pertinet exemplum *L. 4. inf. deposit.* Agitur enim illic de iis accessionibus, quæ proprie aliqua actione peti non poterant: sed illa tantum, quæ de re principali compete-
bat. Hic autem de fructibus repetendis suæ sunt & propriæ actiones. Eæ autem sunt, ut rescripto expressum est, de exstantibus; id est, ut nunc rescriptum intelligit, de iis, qui percepti sunt, & nondum consumpti, vindicatione agi potest. Recte vindicatione. Nam vindicatio, id est, in rem actio domino competit. *L. in rem, D. de rei vind. L. actionum, D. de obl. & act.*

- 6 Fructus ¶ autem ex prædio alieno percepti sunt eius, qui prædii dominus est, a quocunque tandem percepti sint, etiam domino prædii maxime ignorante, dummodo non sint sati a bonæ fidei possessore; & tunc percepti, cum is adhuc bona fide possidet. *L. qui scit, in princ. & §. 1. D. de usur.* Nec obstat, quod dicitur, dominia rerum acquiri apprehensione, *L. 1. in princ. de acquir. poss. L. traditionibus, supr. de pact.* Hoc enim non pertinet ad eas res, quæ beneficio rerum nostrarum nobis acquiruntur, quales sunt eæ, quæ ex rebus nostris nascuntur. Nam eæ res iure rei nostræ efficiuntur, tanquam rei nostræ partes. *L. si quis sciens, supr. de rei vind.* Non minus conditione tenetur malæ fidei possessor de fructibus exstantibus. Nam si furum est contra-
7 ctatio fraudulosa. *L. 1. D. de furt.* etiam fructuum furtum facit possessor, qui mala fide eos invito domino contra-
ctat. Ex hoc furto & furti actio est adversus eum, & de fructibus conditio furtiva, etiam conditio ex iniusta causa, de quo genere hic Titulus inscriptus est. Cur ergo hoc solum dictum est, malæ fidei possessorem de exstantibus vindicatione conveniri posse? De eo mox dicam. Quod ad consumptos fructus attinet, hoc scriptum est, malæ fidei possessorem teneri conditione, ubi conditionem intelligere debemus conditionem furtivam, & conditionem ex iniusta causa. Nam conditio furtiva etiam re furtiva precepta manet. *L. in re furtiva, in pr. L. ult. D. de cond. furt.* Sed & de iis fructibus nihilominus tenetur vindicatione. Nam vindicatio non tantum adversus eum datur, qui possidet, sed etiam qui dolo malo desit possidere,

L. qui petit, D. de rei vind. L. parem, D. de reg. iur. Quæ si ita sunt, consequens est, malæ fidei ¶ possessorem de fru-
ctibus exstantibus & consumptis pariter teneri, & vindicatione, & propter vindicationem actione ad exhibendum; & quia furtum fructuum fecit, teneri condi-
tione furtiva, & ob eandem causam etiam conditione ex iniusta causa. Cur igitur ¶ hoc rescripto distinguuntur extlan-
tes fructus a consumptis in genere perfe-
9 cutionis, si in utroque genere fructuum eadem sint actiones? Respondetur. Non distinguuntur hi fructus in conditione. Nam pariter de utroque genere conditio furtiva competit, sed recte distinguuntur in vindicatione. Nam exstantes semper vindicari possunt, consumpti non semper vindicari; quo casu sola relinquatur con-
ditio ad eos petendos. Tunc autem consumpti vindicatione peti non possunt, cum malæ fidei possessor eos fructus vendidit ex necessitate, ne corrumpere-
10 ac deinde consumpti sunt: hæc necessitas distractionis facit, ut possessor non videatur fructus dolo desisse possidere. *L. item si verberatam, versic. 2. D. de rei vind.* Notandum est autem, ¶ hoc rescripto agi
de fructibus perceptis. Non enim possunt exstare, aut consumi, nisi percepti sint, & ad hos solum fructus sententia huius rescripti pertinet. Nam si qui fructus per-
cipi potuerunt, qui a possessore percepti non sunt, hi nec vindicari possunt, nec condici: non vindicari, quia prædii pos-
sessor eos nunquam possedit, eoque nec desit dolo possidere: non condici, quia cum eos nunquam contra-
ctavit, eorum nunquam furtum fecit, cum furtum non sit, nisi contra-
ctatio. Eorum fructuum solum tunc ratio haberi potest, cum præ-
dium principale vindicatione petitur. Nam in huius prædii restitutione omnis causa æstimatur, id est, omne, quod petitor habi-
turus sit, si tempore litis contestatæ res restituta esset. *L. Iulianus §. 1. L. præ-
terea, de rei vind.* In causa continentur fructus tam percepti, quam qui percipi potuerunt: quorum fructuum ratio habetur, ita, ut omnes æstimentur, qui usque ad rem iudicatam percipi potuerunt. *d. L. Iulianus, §. 1. L. fructus non modo, D. de rei vind.*

Ad L. Si non est. ult.

Iidem AA. & CC. Alexandro.

Si non est numeratum, quod velut accepturum te sumpsisse mutuo scripsisti: & necdum transisse tempus statutum, vel intra hunc diem habitam contestationem monstrando: reddis tibi cautionem praesidiali notione postulare potes. Dat. XVII. Kal. Ianuar. CC. Coss.

S U M M A R I A.

1. *Debitor an chirographum, sub spe numerationis pecuniae creditori datum, repetere possit, & qua actione?*
2. *Conditio de non numerata pecunia quandiu competat?*

1. **D**ebitor a creditore ꝑ pecuniam mutuatam accepturus, spe futurae numerationis chirographum creditori dedit, quocavit se certam pecuniam ab eo accepisse, neque postea ea pecunia numerata est. Hic quaeritur, quomodo hic debitori caveatur? Et placet, eum chirographum suum repetere posse a creditore, ne chirographum suum ei noceat. Qua actione? Conditio-
ne ob causam dati, causa non secuta, vel condictione sine causa, de qua hoc titulo agitur. Nam qui spe futurae numerationis ita cavet, & chirographum dat, intelligitur dare ob causam, ut postea pecuniam accipiat: pecunia non numerata, causa non sequitur, ob quam chirographum erat datum. Ita priori condictioni locus est ob causam dati, re non secuta; & quoniam causa secuta non est, fit etiam, ut chirographum sit apud creditorem sine causa, quae res locum facit condictioni sine causa. Hoc chirographum debitor ita condicere potest, ut non

neceffe habeat probare sibi pecuniam esse numeratam, sed sufficiat dicere, sibi non esse eam numeratam. *L. 3. infr. de non numer. pecun.* Sed quaeritur, intra quod tempus haec conditio competat? Competit ꝑ alias intra duos annos, alias perpetuo. Intra duos annos semper. *L. in contrahibus, infr. de non numer. pecun.* quod dicitur tempus constitutum in *d. L. & similibus locis*, in quibus de hac re agitur. Perpetuo autem competit, si intra duos annos debitor quaestionem moverit creditori de pecunia non numerata; idque testato fecerit, ut ea denuntiatio habeat contestationem debitoris & creditoris, ut hoc loco haec denuntiatio nominatur. *L. si intra inf. de non numerat. pecun.* Ei debitori, qui chirographum condicere nolit, consultur etiam exceptione non numeratae pecuniae, sed intra tempora superscripta. *L. 3. supr. de cond. ind. L. si quis, d. L. in contrahibus, inf. de non numer. pecun.*



A D T I T U L U M X.

DE OBLIGATIONIBUS ET ACTIONIBUS.

Ad Rubricam,

S U M M A R I A.

1. Continuatio huius tituli.
2. Obligatio est effectus contractus.
3. Obligationis effectus est actio.
4. Obligatio quid?
5. Obligatio cur dicatur vinculum? Et cur dicatur vinculum iuris?
6. Vinculum duplex, naturale, seu corporale & incorporale.
7. Vinculum corporale quod?
8. Vinculum incorporale quod?
9. Obligatio quale vinculum?
10. Obligatio cur iuris vinculum dicatur esse?
11. Obligationis effectus.
12. Obligationis causae efficientes.
13. Necessitas duplex, privata & publica.
14. Obligationis causae & effectus.
15. Actio quid?
16. Dissio, ius, quid significet.
17. Verbum persequendi.
18. Reus Græce dicitur.
19. Iudicium quid?
20. Iudicii ordo.
21. Iudicii antecedentia.
22. Citatio, seu in ius vocatio, omnium actionum initium est.
23. Citatio debet esse iusta.
24. Libellus quando edendus?
25. Iudicii partes.
26. Litis contestatio initium iudicii continet.
27. Cognitio iudicis, præcipua pars iudicii.
28. Cognitio causae quibus in rebus versetur?
29. Iudicare quid?
30. Iudicis processus quid?
31. A creditore quæ abesse debeant?
32. Vis a creditore abesse debet.
33. Pæna eorum qui sibi ius dicunt.
34. Vis a iudice abesse debet.
35. Deberi quid intelligatur?
36. Actio in personam quæ?
37. Actio in rem quæ?
38. Actio, petitio, & vindicatio, quid differant?
39. Actionis verbum quandoque generale.

1 CUM prioribus titulis † expositi sint varii contractus, sequentibus autem itidem alia genera contractuum subiciantur: consulto generalis hic titulus *de oblig. & actionib.* hoc loco interlicitur; quia ad omnia genera contractuum tam præcedentia, quam sequentia pertinet.

2 Contractus † omnis causa est, huius causæ effectus est obligatio. Contrahendo enim fit, ut alter alteri obligetur. Obligationis rursus effectus † actio, unde dicitur, obligationem parere actionem. *L. licet, §. ea obligatio, D. de procurat.* Idcirco de iis effectibus communia quædam præcepta hic traduntur & seqq. aliquot titulis, quæ diligenter in omnibus obligationibus & contractibus observanda sunt. Hi effectus qui sint, intelligitur ex singularum definitionibus. Obligatio sub tit. *Instit. de oblig. in princ.* ita definitur: 4 quod sit iuris † vinculum, quo necessitate

Tom. VII.

adstringimur alicuius rei solvenda, secundum nostræ civitatis iura. Dicitur † 5 vinculum, similitudine ducta a vinculis corporalibus; quia, ut vinculo corporali efficitur, ut eum, quem vinctum tenemus, & sistere, quo volumus, & alio ducere, cum volumus, possumus: ita obligatione efficitur, ut qui nobis obligatus est, eum in iudicio sistere, in ius ducere possumus, nec prius hac necessitate, quam vinculo, quo tenebatur, liberatus sit. Dicitur vinculum iuris; quia vinculum † duplex est, 6 Naturale, seu Corporale, & Incorporale. Itemque iustum, seu civile. Naturale † 7 vinculum est, quod cernitur & tangi potest, quod quale sit, omnes scimus. Et naturale ideo dicitur, quia corporale est, & natura constat. Incorporale † est, quod 8 in rerum natura non est, eoque nec cernitur, nec rangi potest: sed tantum animo intelligitur: Ut autem ita intelligatur

Ecc 2

subli-

subsistere, iure, seu iuris constitutione efficitur. Unde huiusmodi res incorporales dicuntur in iure consilire: quo ꝑ ex genere est obligatio, ut traditur in *Instit. de reb. corp. & incorp.*

10 Ergo iuris ꝑ vinculum est; quia ut hoc vinculum sit, & consilire intelligatur, iure efficitur, non rei veritate, seu, quia vinculum constituitur, iure, non natura & re ipsa, ut sunt vincula corporalia. Quo, necessitate adstringimur alicuius rei solvende. His verbis continetur effectus, in quo vinculum hoc iuris consistit, ut intelligamus, hoc vinculum tunc intelligi, cum effectum cognoverimus. Effectus ꝑ autem in eo est, ut is, in quo ius obligationem posuit, necessitate adstringatur alterius rei solvende. Cuius rei? id sumendum est ex unoquoque genere earum causarum, quæ ex obligatione nascuntur.

12 Hæ causæ, ut ꝑ initio huius libri diximus, genere sunt quatuor: contractus, quasi contractus, maleficium, quasi maleficium, §. 1. *Instit. de obl.* Id solvi ex unoquoque genere debet, quod ex eo genere debetur. Quid autem debeatur, ex singulorum natura petendum est. Secundum nostræ civitatis iura. Hæc verba Theophilus, quem multi secuti sunt, retulit ad verbum solvende, ut sit sensus: Obligationem habere necessitatem rei solvendæ; non tamen quovis modo solvendæ, sed eo modo, qui sit secundum ius civile. Quod ideo positum est, quia non omnibus eodem modo solvi potest, neque omnes eodem modo solve. Exemplo est papillus: is si debet, sine auctoritate tutoris solve- re non potest; ei si debetur, non solvitur tuto, nisi ab eo, qui per iudicem iustus sit solve. §. ult. *Instit. quibus alien. licet.* Sed hæc sententia non placet. Nam hoc sensu hæc verba, secundum civitatis nostræ iura, supervacua sunt. Quod enim secundum ius non solvitur, id simpliciter nec solvi intelligitur: quemadmodum, quod sit vitiose, heri non videtur. *L. quæ- ties; D. qui satisfar. cog.* Referenda sunt igitur hæc verba ad verba, necessitate adstringimur, ut sit hic contextus orationis: quo necessitate adstringimur secundum civitatis nostræ iura: quæ oratio ideo addita est, ut necessitas & ratio cogendi exprimeretur.

13 Necessitas, ꝑ seu cogendi ratio duplex est: Una, quæ sit vi & privata auctoritate creditoris, cum ꝑ vim auferimus, vel extorquemus, quod nobis debetur. Altera, quæ constat iure & iudicio, cum per iudicem res nostras reposcimus, aut petimus, quod nobis debetur. Posteriores

necessitatem solam ius agnoscit: priorem repudiat, & adversus eos, qui vim sec- runt, id est, qui in re sua sibi ius dixe- runt, pœnam constituit. *L. exstat, D. quod meus causa, §. 1. Instit. de vi bonor. rapt.* Huius igitur vis removendæ causa, hæc verba addita sunt; secundum nostræ civitatis iura; differentia nimirum causa, quia verbum necessitatis & ad- stringendi generale erat, utrumque ratio- nem cogendi continens. Nunc autem de- finitio vult intelligi, nullam obligationem, quantumvis necessitatem solvendi consen- tam habeat, admittere vim privatam.

Possumus etiam hæc verba, secundum no- stræ civitatis iura, recte referri ad ver- bum, obstringimur, ut intelligamus his verbis significari modos, quibus quisque iure civili ad necessitatem adstringitur. Non enim quovis modo quis obligatur iure civili, sed certæ sunt & constitutæ ob- ligationum causæ, extra quas nemo ob- ligatur, nemo necessitate præstandi ad- stringitur. Causæ hæc sunt contractus, ꝑ 14 quasi contractus, maleficium, quasi male- ficium. §. 1. *Inst. de obl.* Utrum autem ex duobus superioribus admiserimus, ni- hil refert; tantum cavendum est, ne illam Theophili relationem admittamus, quam initio dixi. Non enim tantum supervacua sententia est, ut supra offendimus, sed etiam a definitione & proposito aliena. Nam ut quis recte solvat, pertinet ad de- bitoris liberationem: Nunc autem obliga- tio debitoris definitur, non debitoris li- beratio. Obligationis effectum esse dixi- mus actionem.

Actio ꝑ definitur in *L. nihil, D. de 15 obl. & act. & tot. tit. de act.* Inst. in princ. ut sit ius persequendi iudicio, quod nobis debetur. Ius, ꝑ id est, facultas per- 16 sequendi, ut in definitionibus servitutum & ususfructus hoc verbum usurpatur, in *Inst. de servit. l. 1. D. de usufr. Usuf- fructus est ius utendi, &c. Iter est ius fundi, &c.* Hæc potestas ideo in usu iu- ris dicitur ius; quia est potestas iure tri- buta, ut hic intelligatur continens pro contento, ius pro eo, quod iure consti- tutum est & iure continetur.

Persequendi ꝑ translatio est ducta ab 17 iis, qui fugientes eosque sequuntur, donec apprehendant, & prehenso teneant. Translatio huic rei convenientissima. Nam reus, cum quo agitur, fugere intelligitur. Unde & Græcis ꝑ reus dicitur. A- 18 ctor autem reum eosque iudicio insequi- tur, donec convicerit, convictum con- demnat, ut deinde condemnationem teneat. *L. negantes, inf. hoc tit. Iudicio, iudi- cium*

- 19 cium est † legitima actio, qua de re iuter actorem & reum controversa apud idoneum iudicem recte delata agitur. Hoc
- 20 † ordine lis apud iudicem contestatur: res a iudice cognoscitur, deinde iudicatur, Actio legitima est, quia sollemnis, quia sollemni ordine & processu constat. Hic ordo in iis rebus consistit. Nam quædam sunt, quæ iudicium antecedunt, quibus ad iudicium rite pervenitur: quædam sunt ipsius iudicii propria. Iudicium † antecedit & ad iudicium pertineat, iuxta vocationem in ius, & libelli editio. A † vocatione in ius initium est omnium actionum institueendarum, ut est in §. ult. *Instit. de pœna semere litigant.* Sed vocationem † iustam esse oportet. Iusta tunc est: cum quis vocatur, ubi, apud quem, quando & qua actione oportet (*unde illa longa disput.*) Cum † vocatione coniunctum esse oportet, ut actio reo vocato edatur quæ comprehenditur libello, *L. 1. D. de edendo, L. edita, sup. de edendo. Auth. offeratur, sup. de litis contest.* Sed hæc præparatoria iudicii tantum sunt, iudicii partes non sunt; quoniam iudicium incipit a litis contestatione, ut mox dicemus. Iudicii † partes propriæ sunt tres summæ: litis contestatio, causæ cognitio, & iudicatio, seu sententia iudicis de re cognita. Litis † contestatio initium iudicii continet, ut intelligitur ex duobus illis locis coniunctis. *L. 1. sup. de iudic. L. lite, D. de n. furis.* Litis contestatio est, cum apud iudicem actor aliquid intendit; reus abnegat, aut de intentione confessus, aliqua exceptione vel defensione utitur. Sic enim fit, ut utriusque intentione & responsione iudex incipiat causam cognoscere, quod cum fit, lis contestari dicitur, in *L. 1. sup. de litis contest.* Litis † contestationem sequitur iudicis cognitio, quæ est ita iudicii propria, ut si causa non cognita sententiam iudex dixerit, nullius momenti sit pronuntiatio, *L. iudices, sup. de iudic. L. ex stipulatione, infr. de sent. & interloc.* Causæ † cognitio in eo est, ut probationes utriusque partis diligenter audiat iudex, & cognoscat, & statuatur, utrum idoneæ & legitimæ sint, an non sint. Causa cognita, qua de re iudex cognovit de eadem etiam iudicare debet. *L. de qua re, in princ. D. de iudic.* Iudicare † est sententia sua finem controversiæ imponere, aut reum absolvendo, aut condemnando.
- 30 *L. 1. D. de re iudic.* Non licet † autem iudici pro arbitrio absolvere, aut condemnare, sed in eo ius sequi debet. Iuris autem regula hoc dicit, ut actore non

probante, aut non idonee probante, reus absolvatur. *L. qui accusare, sup. de edendo.* Contra, eo recte probante, convictum reum condemnare, *L. negantes, infr. hoc tit.* Ex hoc verbo & superiore definitione † colligimus duas res abesse debere ab omni eo, cui aliquid debeatur. Primum vis abesse debet; quod ex hoc verbo ita elicitur. Nam iis quibus † aliquid debetur, nihil amplius iure tributum est ad suum obtinendum, quam actio, ut declaratur omnibus edictis prætorum, quibus prætores pollicentur se actionem, se iudicium daturus. Sed actio nihil aliud est, quam ius persequendi iudicio. Iudicium autem fit per idoneum iudicem & magistratum. Quod maxime vi contrarium est: Unde vim prohiberi intelligimus; de quo ne dubitaret quis, certo iure † comprehensa & constituta est pœna adversus eos, qui sibi ius dixerint, *L. exstat, D. quod metus causa*, de quo in definitione obligationis attingimus. Non † est satis: etiam a iudice, per quem aliquid exigimus, hoc requiritur, ne statim cogat eum, unde petitur,olvere: sed prius audiat probationes, quibus convincatur, & eius defensiones, quæ valeant ad liberationem. Quoniam iudicium exigitur: iudicii verbum hanc cognitionem exigit. (*Id quod debetur*) Deberi † intelligitur id quod exigi potest. *L. debitor, D. de verbor. signific.* Id autem potest exigi, in quo quis iure nobis obligatus est. Nam hæc necessitas solvendi, seu vinculum, quo quis ad solvendum adstringitur, obligatio appellatur, ut supra definivimus. Obligatur autem quisquam, cum in eo eæ causæ interveniunt, ex quibus obligatio iure nascitur, ut supra diximus. Proinde ex iis causis, quod quisque debeat, statuendum est. Ex his verbis apparet, hic proprie definiri actionem † in personam; quoniam actio in personam est adversus eum tantum, qui nobis obligatus est. Actio † in rem non itidem, sed adversus eum, qui rem aliquam nostram possidet, etiam si nihil unquam nobiscum gesserit, neque ab illo ullum maleficium natum sit. §. 11. *Instit. de act.* Unde etiam in usu iuris actio distinguitur a † petitione & vindicatione; ut actionis verbo significetur actio in personam: petitionis & vindicationis verbo actio in rem. *L. pecunia verbum, §. actionis, D. de verbor. signific.* Sed tamen generaliter † hoc verbum quoque accipitur, pro omni actione. *d. L. pecunia, §. actionis, D. de verb. signific.* Nec male etiam hoc sensu definitur actio ius persequendi, quod nobis debe-

debetur. Nam etiam in vindicatione rerum nostrarum est aliquid, quod nobis possessor rei nostrae praestare debeat, nem-

pe hoc, ut rem restituat. *L. officio. L. qui restituere, D. de rei vind.*

Ad L. 1.

Imp. Gordianus A. Valeriz.

Data certa pecunie quantitate ei cuius meministi, in vicem debui actionem tibi adversus debiorem, pro quo solvisti, dicis esse mandatam. Et antequam eo nomine item contestareris, sine herede creditorem fari munus implexisse proponis: quae si ita sunt, utilis actio tibi competit. PP. V. Kal. Maii. Attico & Prætextato Coss.

S U M M A R I A.

1. Actio in rem cui competas?
2. Actio in rem adversus quem datur?
3. Actio in personam ex contractu cui datur?
4. Actio in personam ex maleficio cui datur?
Et adversus quem? ibid.
5. Actio ex contractu in personam, aut tantum creditori competat?
6. Creditori vero an liceat adversus alium nomine debitoris sui agere?
7. Actio quando & qua lege mandatur?
8. Creditor duobus temporibus actionem suam alteri mandat.
9. Actio an mandari possit soluta pecunia?
10. Creditor quando frustra alteri actionem suam mandat.
11. Solutione debiti tollitur omnis obligatio & ex actio.
12. Actio inutiliter mandata, mandata non intelligitur.
13. Mandare alicui actiones quid?
14. Procurator quis dicatur?
15. Procurator vere quis sit?
16. Procurator in rem suam quis? & num. 41.
17. Mandare & cedere actionem quid differant?
18. Mandatarum actionum effectus.
19. Actio directa quid.
20. Mandatarum actionum nomine significuntur directae.
21. Directae actiones opponuntur utilibus.
22. Directa actio quid? & unde datur?
23. Traditione res corporales nostrae transferuntur.
24. Actiones cedendo, vel mandando non transferuntur.
25. Procurator dicitur procuratorio nomine agere, non suo.
26. Actiones quae ceduntur, cur mandari dicantur?
27. Actio mandatarii utilis propria in eum cum directa transit.
28. Actio directa & utilis quid differant?
29. Actio cur & quae dicatur utilis?
30. Actio utilis mandatario suo nomine competit, ex sententia legis.
31. Res, quae sunt in iure nostro, in alium transferri non possunt.
32. Actionem & directam & utilem mandatario competere.
33. Actio directa & utilis quando mandatario competat.
34. Actio utilis quando mandatario competat?
35. Actio utilis in mandatarium suo nomine transit.
36. Creditor quoties nomen suum alteri vendit, toties in emptorem utilis actio statim transit.
37. Pecunia pro re data emptio contrahitur, si non verbis, saltem re.
38. Nomen quoties alicui datum est ex iusta causa, toties in eum utilis actio transferitur.
39. Mandatarius non solum utiles, sed & directas actiones habet.
40. Procurator in rem suam habet actiones utiles suo nomine.
41. Actiones, directa & utilis, quando mandatario competant, & n. seqq. usque ad finem.
42. Creditore mandatam revocante, mandata actiones nihilominus competunt.
43. Mandatum invito mandatario, revocari non potest, & quatenus.
45. Pro-

45. *Procurator, cui mandata sunt actiones, non alienas, sed suam rem exercet: quomodo etiam alienas exerceat? & suam. ibid.*
 46. *Procurator litem cum debitore contestando dominus litis efficitur.*
 47. *Disputatio, an actio directa competat mandatario, cum utilem semper habeat, quid proficit?*

48. *Actio directa & utilis effectu deferunt.*
 49. *Mandatarius directas actiones exercens fruitur privilegiis mandantis.*
 50. *Sponsa moriente sponso, praefertur creditoribus chirographariis.*
 51. *Pupillus, vel adultus, fruuntur privilegio, quod sponsa habet?*
 52. *Privilegium quibus competat.*

Omnis actio, & certis personis iure constituta est, & adversus personas certas, extra quas si agitur, non est actio.
 1. Actio \dagger in rem domino datur, & si qui sunt, qui pro dominis habentur iure praetorio. Et datur \dagger solum adversus eum, qui rem possidet, aut pro possessore vel habetur. Actio autem \dagger in personam ex contractu solum datur ei, qui contraxit, &
 4. fidem alterius securus est. Ex \dagger maleficio ei, cui quid ex causa maleficii abest. Omnis autem scilicet actio in personam datur in eum solum, qui obligatus est. §. 1. *Iussit. de act. l. actionum, D. de obl. & act.* Quaeritur in actione in personam, an hoc ius de personis sit perpetuum? Ac primum quaeritur: an non \dagger alii competat actio, quam vero creditori? Et placet, non competere, nisi creditor actiones suas alteri cesserit; aut nomen suum, id est, actionem alteri dederit. Quod si factum erit, transit actio in eum, in quem nomen translatum est. Quae haec sit actio, quamdiu, & quando competat, quaeritur? Hic locus explicatur in L. 1. & 2. item in L. 6. & 7. *infr. hoc tit.*
 6. Quaeritur etiam, \dagger an vero creditori non liceat agere adversus alium nomine debitoris sui? Qui locus attingitur in L. 3. *infr.* sed pluribus explicatur seqq. illis titulis, *ne uxor pro marito, ne filius pro patre, & seqq.* Hic autem de cessione actionum agitur. In hac specie, debitor quidam debebat creditori suo 100. exempli gratia, ex causa emptionis, quia emisisset ab eo fundum 100. floren. quod pretium illi debet. Valeria hanc quantitatem debitoris nomine solvit creditori, sive quod pro debitore spondisset, & fidem servare vellet, sive quod debitorem amicum sibi haberet. Sed obtrinit a creditore, ut sibi actiones suas cederet. Itaque creditor actionem ex vendito, (Actio ex vendito est actio bonae fidei civilis, quo venditor utitur adversus emptorem, ut iustum pretium pro re vendita consequatur,) quam habebat adversus debitorem, Valeria mandavit, id est, ita illi exercendam actionem dedit, ut eam ex persona creditoris

exerceat in rem suam. Non adicitur hoc loco, quando creditor, & qua lege actionem suam mandaverit \dagger Valeria, sed intelligendum est, illum tunc eam mandasse, cum utiliter mandari potest, ut procedat mandatum, & quaesitio de mandatis actionibus. Duobus \dagger autem temporibus utiliter creditor actionem suam alteri mandare potest. Primum, si mandet, antequam pecunia illi soluta sit, quo tempore adhuc integram actionem habet: deinde si \dagger mandaverit pecunia soluta, cum prius convenisset, ut accepta pecunia, actionem suam solventi mandaret. Nam hoc quoque casu, creditor pecunia sibi soluta, integram actionem habere videtur, propterea, quod pecuniam non tam solutionis loco, quam pretii accepisse intelligitur, quasi pro ea pecunia actionem suam vendiderit. Quod \dagger si nulla huiusmodi conventionis interposita, Valeria solverit creditori: frustra creditor postea Valeria actionem suam mandat. Ut in L. *Modestinus, D. de solut. l. cum his, qui,* (alias cum quis) L. cum is, qui, D. de fideiussor. Quae res haec rationem habet; \dagger quia solutione eius, quod debetur, tollitur obligatio creditoris, proinde & actio, quae ex solutione nascitur, in *Iussit. quib. mod. tollitur obl. in princ.* Actione sublata non potest creditor mandare, quod non habet. L. nemo plus, D. de reg. iur. Proinde cum hic dicitur, creditorem Valeria actionem suam mandasse, sic intelligimus mandasse: ut vel ante pecuniam solutam mandaverit, vel mandaverit post solutionem, cum prius soluta esset hac lege, ut actiones mandarentur. Nec moveri oportet, quod hic nihil huiusmodi exprimitur, satis enim id intelligitur ex eo, quod dicitur actio esse mandata. Non intelligitur \dagger mandata, quae inutiliter mandata est. L. quoties, D. de fideiuss. cog. L. 4. §. condemnatum, D. de re iudic. Mandatis ita actionibus, Valeria non agit adversus debitorem vivo creditore. Deinde creditor sine herede decessit. Hic instituit Valeria mandatis actionibus experiri adversus debitorem. Summoveretur a debi-

debitore, quod dicat, & mōte credito-
ris mandatū extinctū esse, & Vale-
riam non posse actiones mandatas exer-
cere ex persona creditoris; cum nullus sit
creditor, utpote qui decesserit, nec ullum
heredem reliquerit. Consultit Valeria, nam
possit, mandatis actionibus adversus de-
bitorem etiamnum experiri? & si manda-
tis non potest experiri, an aliam ullam
actionem habeat? Rescriptum est in hæc
verba: si creditor ita decesserit sine here-
de, ut proponitur, priusquam Valeria li-
tem contestaretur cum debitore, utilem
actionem ei competere. Sensus est: *uti-
lem solum ei competere*. Nam & prius vivo
creditorē utilis actio Valeriæ compete-
bat, & compete-
bat etiam directa; sed nunc
directa actio amissa est; nihilominus actio
utilis illi relinquitur, qua sola possit ex-
periri. Quæ sit hæc sententia huius loci,
quæ sit iudicationis causa; & quæ sit cau-
sa responsi ut intelligatur: ordine hæc co-
gnoscenda sunt. I. Quid sit mandare ali-
cui actiones suas. II. Mandatarum actio-
num quis sit effectus? id est, quid, seu
quæ actio transeat in eum, cui actiones
mandatæ sunt. III. Postremum, hæc actio
quando & quandiu competeat. Ex quibus
duo posteriora hæc lege præcipue expli-
cantur.

13 Mandare † actiones, est actiones nostras
alii tradere, ut eas exerceat ex persona
nostra, in rem suam. Vel apertius: est
actionis nostræ exercendæ causa, procu-
ratorem cum in rem suam facere. Hæc
ita esse liquet ex duobus locis consun-
ctis: Nam in *L. emptor, infr. de hered.
vel all. vendita*. quod dicitur, *emptori
actionis tribui, ut ei mandari debeant
actiones*, hic in *L. ex nominis, cod. tit.*
ita exprimitur, in eadem specie & in e-
adem re, ut dicatur *fieri debere procura-
tor in rem suam*.

14 Procurator † dicitur, cui mandamus
actiones; quia is alienam rem, id est, alie-
nas actiones exercet ex persona credito-
ris, non sua. *L. ult. infr. quando fiscus
vel privat.* & exercet mandato domini,

15 eiusdemque creditoris. Est autem † pro-
curator is, qui domini mandato negotia
aliena administrat. *L. 1. D. de procura-*

16 *torib.* Idem dicitur † procurator in rem
suam; quia etsi alienas actiones exerceat,
idque ex persona alterius, nempe credi-
toris; tamen exercet in rem & utilitatem
suam; quia exercet in hoc, ut commo-
dum & incommodum actionis ad eum
transeat. *L. qui stipendia, supra, de pro-
curat.*

Mandare † actionem, & cedere actio-
nem, non differunt, ut Volsius male exi-
stimat; sed prorsus utrumque idem valet:
ut aperte declarat *L. Modestinus, D.
de solut.* ubi quæ in principio actiones
dicuntur cessæ, eadem paulo post dicun-
tur mandatæ actiones: & quod cessis actio-
nibus illic tribuitur, idem tribuitur manda-
tatis. Et merito. Utroque verbo idem si-
gnificatur; quia mandando eas actiones
alteri, eas cedimus ei, & in eum transfe-
rimus, eo modo, uti transferri possum:
& vice versa cedendo. Non possumus ce-
dere, aut transferre, nisi mandando, id
est, nisi eum cui mandamus, procurato-
rem in rem suam faciendo, ut paulo post
ex effectu mandati certius intelligitur.
Dicitur in eadem re præstari actiones in
L. cum is qui, D. de fideiussor. Man-
datis actionibus, hic effectus est: transit
lis in eum, † cui actiones mandatæ sunt. 18
Actio directa, item & utilis transit, id
est, actio † mandatæ: ea autem est actio 19
directa, sic declarat in *L. ex legato,
infr. de legat.* Etsi nihil de eo exprime-
retur; tamen cum dicitur multis locis,
mandatis actionibus, non solum mandatas
actiones habere mandatarium, sed etiam
habere utiles, ut in *L. emptor, L. post-
quam, L. ex nominis, infr. de hered. vel
all. vendita*. his verbis † satis intellige- 20
remus mandatarum actionum verbo signi-
ficari directas; quoniam quæ utilibus op-
ponuntur, eæ sunt † directæ, *S. ult. In-
stit. de lege Aquilia*. Directa actio † est, 21
quæ creditori ipso iure competit, sic di-
cta, quia competit ei recta ex verbis leg-
is; non tamen ex sententia: seu, quia
verba legis in hac actione danda ad eum
diriguntur, ut significatur in *d. S. ult.*
Exempli gratia: in proposito, actio ex
tradito, quæ venditori competit, est actio
illi directa, quia verbis suis actio ex ven-
dito datur venditori. *L. Iulianus, S. ex
vendito, D. all. empt.* hæc mandatis
actionibus transit in Valeriam, cui man-
datæ sunt actiones, sed transit suo modo
actio directa. Nam iure ipso non ita transit
actio in eum, cui mandata est, ut efficiat-
ur eius propria, & possit enim ex sua per-
sona & suo nomine exercere. Quod se-
cus sit in aliis rebus omnibus nostris.

Nam res corporales † nostras aliis tran- 23
dendo in eos transferimus, *S. per tradi-
tionem, Instit. de rerum divis.* Actiones † 24
nostras alii mandando, aut cedendo in
enim transferre non possumus, ut ille in-
cipiat habere tanquam suas. Id ratio iuris
exigit hoc modo; nam omnis actio in per-
sonam certæ conditioni personarum tri-
buitur,

bnitur, extra quam actioni locus non est. Exempli gratia. In proposito, actio ex vendito iure datur venditori, nec datur alii. At Valeria, quæ solvit creditori, non est venditrix, & quantumvis illi actiones cessæ sint; tamen natura effici non potest, ut fiat venditrix, quia factum infectum fieri non potest. Proinde directa actio, id est, ea, quæ venditori datur, in eam nulla cessione transferri potest, ut eam tanquam suam habeat, sed transferatur in eam suo modo, ut dixi: nempe hoc modo, ut eam exerceat ex persona creditoris, id est, ut dicat, se nomine creditoris agere, & petere centum ex vendito debita; quia procuratrix facta sit a creditore ad eam summam petendam. *L. ult. infra, quando sifens vel privo. L. qui sifpendia, sup. de procur.* Hinc is, cui mandata sunt actiones, dicitur procurator, ut diximus, & poterit actionem alienam ꝑ exercere; unde & dicitur procuratorio nomine agere, non suo, *L. plane, D. fam. creisc.* Et quoniam non fit procurator, nisi mandato; hinc fit ut actiones ꝑ quæ ceduntur, dicantur mandari. Non solum ꝑ directa actio hoc modo transit in eum cui actiones mandatae sunt, sed etiam transit actio utilis, quam mandatariorum propriam habet, & suo nomine. Idque inter directam ꝑ & utilem hanc actionem interest: quod directa ex persona mandantis; utilis nomine mandatariorum, tanquam illius propria exercetur. *L. ult. infra, quando sifens vel privatus. L. ex legato, inf. de legat.* Hæc ideo dicitur ꝑ utilis, quia in usu iuris utilis dicitur, quæ cessantibus verbis legis competit ex legis sententia, id est, ex æquo & bono, utilitatis causa. Unde nomen, ut declaratur exemplis in *d. §. ult. Inst. ad L. Aquil.* Talis est autem hæc actio, ꝑ quæ mandatis actionibus competit mandatariorum suo nomine. Nam ex verbis legis competere non potest, ut supra docuimus, sed competit ex sententia; quia iure ꝑ res, quæ sunt in bonis nostris, in alium transferri possunt. *d. §. per traditionem, Inst. de rer. divis.* In bonis autem nostris sunt actiones æque ac cæteræ res corporales. *L. bonorum, D. de verb. signific.* ubi dicitur: *In bonis nostris computari, præter alia: Si quid est in actionibus, petitionibus, persecutionibus.* Deinde sententia legis eodem modo transferri possunt. Veruntamen secundum verba & subtilitatem iuris non possunt fieri alterius propriæ. Ideo eo modo transferrentur ut possunt, si non ex verbis, certe ex sententia & voluntate legis. Utramque hanc ꝑ

Tom. VII.

actionem competere ei, cui actiones mandatae sunt, ex hoc scripto satis intelligitur. Cum enim dicitur, Valeriæ dari utilem actionem, si creditor, qui actiones mandavit, sine herede decesserit: declaratur, si sine herede non decesserit, aliam actionem Valeriæ competere, quam utilem. Hæc alia non potest esse nisi actio mandata, & actio mandata nihil aliud est, nisi directa, quæ creditori competebat. *L. ex legato. infra, de legat.* Deinde cum utilis nominatur, si qua utilis opponitur, ea non intelligitur alia, nisi directa, ut supra dixi. Iis actionibus constitutis, Tertium ꝑ est, ut queramus, quando ex actiones competant ei, cui actiones mandatae sunt? Et directam actionem statim mandatariorum competere nulla dubitatio est, ut eam ex persona creditoris statim exerceat. De utilis actione quæstio est. Et ꝑ vulgus interpretum ex hoc loco statuit in specie huius scripti & similibus: ubi in vicem pecuniæ solutæ creditor actionem suam mandat solventi, nunquam eodem tempore concurrere in personam mandatariorum directam & utilem actionem, sed directam statim exerceri posse: quamdiu exerceri potest, tamdiu solum competere mandatariorum. Ubi autem competere desierit, tunc mandatariorum utilem in subsidium dari. Et hanc esse sententiam huius scripti, prima fronte significare videntur illa verba extrema: *si ita est, utilis actio tibi competit.* Nam cum dicitur, utilem actionem Valeriæ competere, sub conditione, si creditor sine herede decesserit, significatur, sub contraria conditione actionem utilem non competere. Nam conditiones in præsens conceptæ, si falsæ sunt, totam sententiam infirmant. *§. conditiones, Inst. de verb. oblig. argumentum in L. 1. vers. huius rei, D. de offic. eius, cui mandat, est iurisdic.* Cui interpretationi opponimus eertam hanc sententiam. Et in specie huius loci & generaliter, cum actiones a creditore ꝑ alij mandatae sunt, in mandatariorum statim utilem actionem suo nomine transire. Huius sententiæ tria sunt, & certa argumenta. Primum, quoties creditor ꝑ nomen suum alteri vendit, toties in emptorem utilis actio transit statim: *L. postquam L. emptor. L. ex nomine, infra, de hered. vel ass. vend.* At in specie proposita, cum Valeria pecuniam creditori dedit, & in vicem eius pecuniæ, seu pro ea pecunia actio creditoris illi mandata est: emptio nominis contracta interdictur, & pecunia creditori data, non solvitur, sed prelii loco, *L. Modestinus,*

Fff

finis, D. de solut. Ergo in proposito statim Valeriae utilis actio suo nomine competit. Et reiicienda est hoc loco tergiversatio Bartoli, dicentis, in hac specie quasi emptionem contrahi, sed vere non
 37 contrahi. Nam † quoties pecunia pro re datur, etiam si de emptione verbis nihil exprimitur; tamen re contrahitur emptio *L. naturalis 1. resp. §. 1. D. de praescriptis verbis L. 1. D. de rer. permut.* Secundum argumentum est, etiam hoc concesso in specie propoſiti, non contrahi emptionem nominis, seu actionis: tamen quoties † creditori alicui nomen datum est ex aliqua iusta causa, toties in
 38 eum, cui nomen datum est statim utilis actio transferretur. *L. 2. infr. ubi plura dicuntur.* At in proposito creditor nomen suum Valeriae dedit conventionis interposita, ut pro pecunia soluta nomen in illam transferret. Nam alioquin frustra mandata esset actio. *L. Modestinus, D. de solut.* Proinde ex hac causa utilis actio in Valeriam statim transferretur. Postremum argumentum est, quavis con-
 39 cesserimus, creditorem in proposito non mandasse actionem suam Valeriae, neque ex causa emptionis, neque ex ullo alio contractu etiam innominato: tamen constat, Valeriae mandatum esse actionem. Generaliter tenendum est omnem, cui a creditore † actiones creditoris mandatae sunt, praeter actiones directas etiam utiles habere, quas suo nomine exercet: quod probatur liquido in
 40 *L. procurator in rem suam, D. de procurat.* Ubi dicitur † procuratorem in rem suam datum utiles actiones suo nomine habere hoc ipso, quod procurator est.
 41 At † procurator in rem suam est is, cui mandatae & cessae sunt actiones, non alius, ut supra probavimus, ex coniunctione duorum locorum, *L. emptor, & L. ex nominis, infr. de hered. vel act. vend.* De hoc loco, qui adversari videtur, sic respondemus: haec oratio, *utifis actio tibi competit, si creditor sine herede decesserit*, ambigua oratio est: aut enim dicitur actio utilis nunc primum competere. Aut dicitur utilis nunc primum sola competere. Prius recipiendum non est. Nam docuimus evidenter, ei, cui actiones mandatae sunt etiam utiles suo nomine statim competere. Posterior igitur sententia recipienda est, quia vitio caret, iuxta regulam *L. in ambiguis, D. de reg. iur.* ut sit sensus: si creditor sine herede non decessisset: duae actiones tibi competere, directa, quam ex persona eius exerceres, & utilis, quam haberes

tuo nomine. Nunc postquam a te proponitur creditor sine herede decessisse, directam actionem habere non potes, sed relinquitor utilis quam solam exerceas, hanc vero etiamnum exercere potes. (*si ita est utilis actio tibi competit*) Itaque in his verbis, *quod si ita est: utilis actio*, inest *nomine*, ut sit, *utilis sola*, directa exlinctae, quae prius tibi compete-
 42 hat. Videndum, quandiu † utraque actio mandatario competat, quod ex superiore interpretatione iam intelligi potest. Effectum est enim utilem competere perpetuo, directam non semper. Sic autem de directa sensus est: haec mandatario tribus temporibus sine exceptione competit: primum, quandiu creditor vivit; non enim
 43 admittitur in hoc rescripo, nisi creditore mortuo. Quid si creditor mandatum † revo-
 44 vocet? Nihilominus mandatario mandatae actiones perpetuo competent. Denique mandatum † invito mandatario revocari non potest, quia idem & mandatarius & procurator est in rem suam. *L. quae omnia, in fin. L. procurator in rem suam, D. de procur.* Hoc dicitur §. recte, in *Inst. mandati*. Ideo traditur, mandatum voluntate mandantis revocari posse, & revocatum exstingui. Sed hoc de veris mandatis traditum est. Id est, de mandatis rei alienae, seu, de re aliena interpositis, in quibus proprie procuratoris nomen locum
 45 habet. Sic enim definitur Procurator, qui mandato domini negotia aliena administrat, *L. 1. D. de procuratorib.* Et acquisitum est, rem cuiusque arbitrio domini sui permitti. At cum mandatae sunt actiones alicui, & quod idem est, si procurator † in rem suam factus est; procurator
 46 rem alienam non exercet, sed vere suam. Et ideo dicitur in *d. L. quae omnia, D. de procur.* procuratorem in rem suam datum non debere carere propria lise. Atqui prius diximus, procuratorem in rem suam datum exercere alienas actiones, cum exercet actiones mandatas, unde & procurator dicitur. Respondetur, utrumque verum est, cum alienas actiones exercere, & suas, diversis rationibus. Summo iure alienas exercet, & in iis exercendis lis & contentio suscipitur ex persona creditoris mandantis. At effectu & emolumento, ex quo res aestimare debemus, is procurator exercet actionem suam, quia actionis emolumentum ad eum pertinet. Et ad hanc sententiam commodè ita haec explicantur in *L. qui stipendia, supra, de procurat.* Secundo tempore mandatarius & procurator in rem suam actiones directas exercere potest, si cre-
 47 ditor

ditor herede relicto decesserit. Quod item ex contrario iure colligitur ex hoc rescripto. Non adveniat, quod dicitur mandatum morte mandatoris finiri. *disso §. recte, Instit. mandat.* Nam in hoc genere mandati proprium ius esse ostendimus: & certe si hoc mandatum aperto voluntate creditoris revocari non potest, multo minus tacita eius voluntate finiri potest. Nam non ob aliam causam morte mandantis finitur mandatum, quam quod morte finitur voluntas, *L. 4. D. locati.* Postremo etsi creditor sine herede decesserit; tamen mandatarius mandatas actiones, easdemque directas exercere potest, si vivo creditore litem contestatus sit, ut id quoque significatur ex contrario. Huius sententiæ hæc ratio est: quia si procurator, quisquis sit, litem cum debitore contestando, dominus litis efficitur. *L. nulla, supr. de procuratorib.* Et id eo efficitur, quia iudicium suscipiendo non minus contrahitur obligatio, quam stipulatio. *L. 3. §. idem scribit, D. de pec.* Quod si mandatarius, qualis est in proposito Valeria, vivo creditore actiones directas non exercuit, litem contestando, & creditor sine herede decessit: iam amplius mandatarius directas actiones exercere non potest sed solam utilem. Differentiæ ratio hæc est: quia mandatarius & procurator in rem suam, ut actiones directas exerceat, necesse est, aut exerceat ex persona sua, aut ex persona alterius. Huiusmodi actiones ex persona sua exercere non potest, sed tantum ex persona mandantis. *L. qui stipendia, supr. de procur.* *L. ult. infra, quando sifcus vel priv.* Rursum cum creditor sine herede decessit, non potest mandatarius ex persona alterius actiones exercere: non creditoris, quia decessit; non heredis eius, quia is nullum heredem habet. Ita fit, ut plane actiones directas hoc casu exercere non possit, sed erant utiles quæ illi etiamnum relinquuntur. Optima ratione, quia utilem actionem habet suo nomine, non ex alterius persona *d. L. ult. infr. quando sifcus vel pr.* Hoc si loco exsurgit hæc quaestio: si mandatario & procuratori in rem suam dato, utilis actio semper competit, quid opus est laborare in eo, ut sciamus, utrum illi directa actio competit: & contingat: cum tuto semper possit

exercere utilem actionem: & eam, cuius videatur effectus? *L. actio, D. de negot. gestis, antepenult.* Respondeo: minime vero idem effectus est si directæ actionis & utilis, cum actiones alicui mandatas sunt, & quaeritur, utra expediat uti. Nam ex superioribus iam intellectum est directas actiones exerceri ex persona mandantis creditoris: utiles procuratorem exercere suo nomine. Huius differentiæ effectus hic est, quod mandatarius, si utili actione suo nomine utitur, non potest uti privilegio creditoris sui. At si si actiones directas exercet, quoniam exercet ex persona creditoris, & ut creditoris procurator; idcirco in hac actione omni iure creditoris utetur, etiam privilegio, quod sit personale. *L. emptor, infra, de hered. vel actio. vend.* Pinge hoc modo, creditricem esse sponfam, quæ repetat sponso mortuo 100. data: sponfa si in repetitione huius doris habet privilegium, ut præferatur omnibus creditoribus mariti chirographariis. *L. quaestum, §. ult. D. de reb. auctoritate iudicis possid.* Item pupillo, vel adolescenti ex ratione tutelæ debentur 100. a tutore: in hac repetitione pupillus & adolescens idem privilegium habet. *L. dabimusque §. 1. D. de privi. credit.* Faciamus sponfam, vel pupillum, aut adolescentem si superiores actiones suas alteri mandasse aut cessisse. Discimus si mandatarius directis actionibus & mandatis experiat adversus heredes sponsi, vel adversus tutorem: mandatarium usum privilegio eius, qui mandavit actiones, ut omnibus creditoribus chirographariis debitoris præferatur. Quod si idem mandatarius utili actione suo nomine agat: hoc privilegium non habebit, quoniam privilegium personale est, usque adeo: ut nec ad heredes transeat, *d. L. dabimusque, §. 1.* Nec contrarium est, quod dicimus mandatarium hoc privilegium habere, cum actiones directas exercet ex persona mandantis. Nam hoc casu magis creditor uti hoc privilegio videtur, quam procurator, quoniam privilegium exercetur ex persona creditoris. Et generaliter, omne si privilegium competit, non solum creditoris, aut reo cui privilegium datum est, sed creditoris & rei procuratori, aut defensori, *L. alie D. solut. matrim.*

Ad L. Nominibus 2.

Imp. Valerianus & Gallienus AA. Celfo.

Nominibus in dotem datis, quanvis nec delegatio præcesserit, nec litis contestatio subspecta sit: utilem tamen marito actionem ad similitudinem eius qui nomen emerit, dari oportere, sæpe rescriptum est. PP. XIV. Kal. Febr. Seculari & Donato Coss.

S U M M A R I A.

1. *Actio utilis ei cui nomen creditoris datum est, semper suo nomine competit.*
2. *Nomen quid?*
3. *Creditor quando alicui nomen dare dicatur?*
4. *Res corporalis quando traditione transferri dicatur?*
5. *Nomen quibus modis transferri possit?*
6. *Utilis actio quando emptori tribuitur?*
7. *Nominis datio comparatur emptioni.*
8. *Des, nisi matrimonie secuto exigi non potest.*
9. *Nominis transferendi cur infra causa exigatur?*
10. *Actio directa ex datione simplici non transfertur?*
11. *Actio directa quibus modis in alium transfertur?*
12. *Delegare quid?*
13. *Delegatio quomodo fiat.*
14. *Delegationis vis & usus.*
15. *Actio directa quomodo litis contestatione transferatur?*
16. *Litem contestans fit Dominus litis.*
17. *Utilis actio cui nomen datum est, competit, etiam inuito & ignorante debitore.*
18. *Delegatio nisi volente debitore fieri nequit, sicut & litis contestatio.*
19. *Actio utilis an sine cessione transeat.*
20. *Actio utilis sit ne in rem, an in personam?*
21. *Debitor quo iure obligetur ei, cui nomen datum est. Et quo iure non obligetur?*
22. *Actio utilis sit ne nativa, an dativa?*
23. *Actio nativa qua?*
24. *Actio dativa qua?*
25. *Actio utilis quomodo competere possit adversus eum, qui nobis non obligatus est, sub num. 20.*
26. *Obligationes omnes aut sunt civiles, aut prætoria.*

Quacunque ex causa, ex qua dominium rei corporalis transferri solet, creditor nomen debitoris sui alii dedit: ei, cui nomen datum est, statim, ¹† utilis actio in debitorem competit suo nomine, quanvis nec delegatio præcesserit, nec litis contestatio cum debitore sit secuta. Nomen † est id, quod est in actionibus, id est, quod actione peti potest, & uno verbo, nomen est debitum *L. qui chirographum, in fin. L. nomen, in pr. D. de legat. 3.* Creditor † proprie tum nomen debitoris sui dare intelligitur, cum chirographum vel instrumentum quo debitor illi pecuniam cavet, tradit alii eo animo, ut velit nomen seu debitum illius proprium fieri, cui tradidit. Hoc modo proprie nomen dari dixi; quia etiam res ⁴ corporales † hoc modo quasi traditione

transferri intelliguntur, cum quis instrumentum domini tradit ei, in quem res translatae vult. *L. 1. infr. de donat.* Inde eleganter queritur: an † non aliter nomen dari intelligatur, quam si quis chirographum, aut instrumentum sui debitoris tradat ei, cui nomen suum datum voluit? Sed generaliter dicemus, creditorem nomen debitoris sui videri dedisse alteri, cum convenit, ut nomen debitoris esset alterius proprium, ex aliqua iusta causa, quæ inter eos intervenit. Id dicimus exemplo nominis venditi. Nam nomine † vendito statim post venditionem sine alia traditione illius rei utilis actio emptori tribuitur. *L. emptor, L. postquam, infr. de hered. vel act. vend.* Nominis † autem datio, quæ ex alia quavis causa secuta sit, emptioni comparatur in hac *L. 2.* Sed ut

aut utilis actio transeat ex nominis datione, nomen dari oportet ex aliqua iusta causa, ex qua dominium rerum transferri solet, qualis est causa dotis, de qua hoc rescripto agitur, Mulieri 100. debebantur. Mulier 100. in dotem marito data, cum non haberet praesentem pecuniam, nomen hoc debitoris sui marito in dotem dedit. Dotis & matrimonii causa eiusmodi est, ex qua dominium dotis transfertur, toto sit. *D. pro dot.* Ex hac datione marito utilis actio statim habetur adversus debitorem. Recte *marito* hic dictum, non sponso, ut bene Accurs. notavit. Nam non est dos, antequam matrimonioium secutum sit, *L. 3. L. stipulationem, D. de iur. dot.* Proinde nec is, cui nomen datum est, ante eam pecuniam ꝑ dotis nomine exigere potest, quam matrimonium secutum sit, quo secuto sit maritus, qui prius erat sponso. Sed haec causa dotis exempli loco posita est. Caeterum quaecunque erit alia iusta causa, ex qua creditor nomen debitoris sui alit dederit, seu in alium translatum voluerit, quod idem est: eodem modo utilis actio competit ei, cui nomen datum est. Veluti si nomen venditum sit *d. L. emptor. L. postquam, L. ex nominis, de hered. vel act. vend.* veluti si nomen legatum sit, *L. ex legato, infr. de legat.* Item si in solum datum sit, *L. si in solum, infr. eod. L. ult. infr. quando fiscus vel priv.* Causam ꝑ iustam nominis transferendi exigimus; quia nec in rebus corporalibus nuda traditio rem transfert, sed ita, si iusta aliqua causa praecesserit, ex qua dominium transferatur. *L. nunquam, D. de acq. rer. dom.* Ex ꝑ hac datione si nihil aliud accesserit, non transfertur directa actio, quod ea ita transfertur, si nominatim mandata & celsa sit, eo modo, ut exposuimus ad *L. 1. supr. L. ult. infr. quando fisci. vel priv. L. possessio, §. 1. D. de acquir. possess.* sed competet utilis eadem, quam definivimus in *dist. L. 1. supr.* Adilicetur in rescripto, *Utilem actionem competere ei, cui nomen datum est, etsi nec delegatio praecesserit, nec litis contestatio sit secuta.* Hoc ideo additum est, ut significet, ex hac datione utilem actionem transire, quamvis is, cui nomen datum est, actionem directam suo nomine nullo modo habeat adversus debitorem. Nam directa actio ꝑ in alium transfertur duobus illis modis, delegatione, & litis contestatione. Delegatione, si creditor vice sua debitorem suum dederit, ut alii debitor fieret. Nam delegare ꝑ est vice sua alium rem dare. *L. delegare, D. de novat. adleg.*

Ut in proposito, mulier intelligatur marito debitorem suum delegare, si debitorem suum marito ita dederit, ut is marito reus efficereetur, id est, debitor. Haec autem delegatio ꝑ sit per stipulationem, 13 ut est in *d. L. delegare.* Id quid sit, explicatur in *L. 1. infr. de novat.* Fit autem hoc modo; cum reus delegatus ei cui nomen datum est, stipulanti promittit eam summam, quam priori creditori deleganti debebat. Delegationis ꝑ usus vis 14 haec est, ut debitor a priori creditore liberetur, novo obligetur ex stipulatione. Ex quo contractus novo creditori actio directa & civilis nascitur. *L. 3. in fin. infr. de novat. §. de constituta, Instit. de act.* Litis contestatione ꝑ eodem modo 15 directa actio acquiritur ei cui nomen datum est, cum mandatis a creditore actionibus experitur adversus debitorem, aut solum nullibus actionibus, & litem de ea re cum eo contestatur. Haec contestatione nova actio & ea directa contestanti acquiritur. Fit enim dominus ꝑ litis ut ad *L. 1. diximus ex L. nulle, supr. de procuratorib.* Et huius actionis nova causa est, quia iudicio contrahitur itidem, ut stipulatione *L. 3. §. idem scribit, D. de pecul.* Itaque ex hac adiectione duo colligimus. Primum utilem actionem competere ei, ꝑ cui nomen datum est, etiam si directam suo nomine nullam habeat, ut iam dixi: deinde hanc ipsam utilem ei competere, non tantum ignorante, sed etiam invito debitore; cum ꝑ delegatio nisi eo volente fieri non possit; nec litis contestatio nisi cum volente interponitur. Quod declaratur ip. *d. L. 1. infr. de novat.* De hac utilis actione, quae ex nominis datione ita transfertur, haec quaesita sunt. Primum, ꝑ an utilis actio sine cessione transeat? Respondetur. Si hoc quaeritur, an utilis actio transeat sine cessione & mandato actionum directarum: respondimus transire sine ulla istiusmodi cessione. *L. ult. infr. quando fisci. vel priv. L. ex legato, infr. de legato.* Sin autem hoc quaeritur: an haec actio utilis transeat sine voluntate transferendi, inepta quaestio est, quod iam diximus, haec transire ex nominis datione. Non est autem nominis datio, nisi cum id creditor egit, ut nomen in alium transferret. Quaeritur ꝑ etiam, haec actio utilis qualis sit, in rem, an in personam? Et certum est, to personam esse; ut quae a creditore nata sit. Neque enim alia transferri potest, quam fuit apud creditorem. Iode rursus quaeritur, cum omnis actio in personam sit adversus eum, qui nobis obligatus est. *§. 1. Instit.*

Instit. de act. quomodo potest nobis hæc actio utilis competere adversus eum, qui nobis non sit obligatus? Respondetur. Nomine alii dato, recte dicemus, debitorum, ei, cui nomen datum est, & obligari & non obligari. Intere tamen summo non obligatur; & hoc est, quod diximus, ei directam actionem non competere. At iure prætorio ex æquo & bono obligatur; quia translatio in eum nomine, perinde est, quasi ipse contraxisset, aut successisset in locum creditoris. Quærent etiam, utrum tamen hæc actio utilis sit nativa, an dativa. Nativam tamen vocant, quæ nascitur ex aliqua causa præcedente. Dativam tamen eam, quæ nulla præcedente causa, tamen iure datur. Et ita explicant ad *L. iurisdictionum*, §. 1. *D. de pass.* Hac questione, ut & divisione nihil est ineptius, neque magis falsum. Nam nulla est actio, quæ ex ali-

qua causa iusta nascitur, quæ non eadem iure datur a prætore: id declaratur illa divisione iuris, cum traditur, omnes tamen obligationes aut esse civiles, aut prætorias, quo significatur, omnes aut iure civili dari, aut iure prætorio, §. 1. *Instit. de oblig.* Et vice versa, nulla actio datur iure, vel civili, vel prætorio, nisi ex certis & constitutis causis, ex quibus obligatio nascitur, videlicet ex contractu, aut quasi contractu, aut ex maleficio, aut quasi maleficio. *d. §. 1. & seq. Inst. de oblig.* §. 1. *Instit. de act.* Secundum hoc dicemus, utilem hanc actionem & nasci ex causa præcedente, quæ primum per creditorem nata est, & dari iure prætorio ex æquo & bono seu utilitatis causa; ita esse utramque, uti & cæteras omnes actiones, nativam & dativam.

Ad L. Ob causam 3.

Imp. Diocletian. & Maximian. AA. & CC. Rusticiano.

Ob causam proprii debiti locatoris conveniri colonos pensionibus ex placito satisficientes, per quam iniuriosum est. PP. Prid. Kal. Ian. Tyberide. Maximo II. & Aquilino Coss.

S U M M A R I A.

1. *Creditor quando debitores debitoris*

sui convenire possit.

UT actio in personam non datur alii, quam vero creditori, nisi aut ea actio cella sit alii, aut nomen debitoris alii datum, de quo dictum est *ad L. 1. & 2. sup.* sic nec vero creditori alia actio datur de eo, quod ipsi debetur, quam in ipsum debitorem ei obligatum. Quod tamen etiam perpetuum non est. Nam interdum creditor tamen debitoris debitoris sui convenire potest; cum quibus tamen nihil gessit, nihil contraxit. Qui locus hic attingitur. De eo autem hæc distinctio est. Si debitores debitoris mei iam creditori suo solverint, eidemque debitori meo: aperte iniquum est, eos a me conveniri: quia creditori suo solventes recte solve-

runt. Solutione autem omnis tollitur obligatio, in princ. *tit. Inst. quib. mod. toll. obl.* Liberatos convenire aperte iniquum est. Id autem est, quod rescripto statuitur. Quod tamen ita accipiendum est, nisi debitor meus nomen debitorum suorum mihi in solutum dederit. Nam hoc casu si denuntiaverim debitoribus eius, ne creditori suo solvant, frustra postea ei solvent; ac nihilominus nullis actio semper mihi adversus eos competet. *L. 3. in princ. inf. de novat.* Quod si debitoris mei debitores adhuc ei debent, possunt a me conveniri, sed secundum formam traditam in *L. 2. 3. & 4. infra quando fise. vel priv.* de quo opportunius ibi dicitur.

Ad L.

Ad L. Bonam fidem 4.

Iidem AA. & CC. Licinix.

Bonam fidem in contractibus considerari, æquum est. III. Non. Octob. A.A. Coss.

S U M M A R I A.

1. Contractuum effectus.
2. Bona fides quid?
3. Bona fide se gerere quid?
4. Bona fides in quibus consistat?
5. Ex bona fide præstare quid?
6. Ex bona fide non præstare quid?
7. Boni viri officium in quibus consistat?
8. Fides quid? Et unde sic dicta?
9. Bona & mala fide quis agat?
10. Fides fit tacite & aperte.
11. Boni viri signa, sive indicia.
12. Bona fide quis se gerat?
13. Mala fide quis se gerat?
14. Bona fides duobus modis consideratur,

15. Bona fides in quibus contractibus locum habeat?
16. Bonæ fidei contractus dolo malo initus ipso inre nullus est.
17. Dolus interveniens in contractu stricti iuris non vitiat eum.
18. Exceptio doli mali cui detur?
19. Excusare quibus verbis quis se debeat?
20. Index indicare debet ex bona fide.
21. Exceptiones bonæ fidei, iudiciis insunt per se.
22. Dolus allegatus probandus.

R Efferri debet hæc definitio ad effectum contractus, quem posuimus. Diximus ¹ contractus hunc effectum esse, ut quisque ex suo contractu obligetur. Id enim est, quod diximus ex contractu obligationem nasci. §. 1. *Inst. de oblig.* Hoc ita temperandum est, nisi quid convenit contra bonam fidem. Id definitione huius loci efficitur, eum dicitur, bonam fidem in contractibus considerari oportere. Bona ² fides est officium viri boni. Bona ³ fide se gerere, est se gerere ex officio viri boni, sincerè, aperti, a fraude & dolo alieni. Id intelligitur ex iis rebus, in quibus bona fides consistit. Consistit ⁴ autem bona fides in faciendo, & in non faciendo. In faciendo, ut fiat, quod æquum est, alterum alteri ex contrahentibus præstare. Nam in bonæ fidel contractibus traditur, præstandum esse omne, quod ex bona fide præstari oporteat. *L. quero, in fin. 1. responsi, D. locati.* Id autem sic veteres interpretantur, quod ⁵ alterum alteri ex æquo & bono præstare oportet. *Inst. de obl. ex consensu, in fin. §. in bonæ, Inst. de act.* In non faciendo est, ut absit ⁶ dolus malus & frans omnis, item vis & metus. Nam hæc dicuntur esse contraria bonæ fidei. Unde intelligimus, bonam fidem in eo esse, ut hæc vitentur. *L. 3. §. ult. D. pro soc. L. nihil consensui, D. de reg. iur.*

Hæc autem ⁷ omnia continentur officio boni viri, nec in aliis rebus boni viri officium consistit. Quare verum est, bonam fidem id esse, quod diximus. Significatio ducta est ex origine verbi. Origo & prima significatio huius verbi hæc est, ut ⁸ fides sit dictorum & conventorum veritas, seu facere, quod dixeris. Quam definitionem & notionem huius verbi rectam esse dixit Cic. *Lib. 1. de Offic.* Itaque ⁹ si quis præstat, quod dixit, is fidem bonam præstat. Si quis non præstat, quod dixit, is agit mala fide. At in contractibus & negotiis omnibus quædam sunt, quæ ¹⁰ homines aperte dicant & polliceantur: quædam, quæ tacite. Omnes tacite polliceri intelliguntur, se viros bonos esse, esse tales, esse præstantes. Non verbis semper id dicunt ¹¹, sed vultu, oratione, & tota compositione corporis hoc de se omnes polliceri videntur. Ex hac re factum est ¹² in usu iuris, ut si quis se virum bonum præstet, & ea faciendo, quæ sunt viri boni, & ea cavendo, quæ abesse debent a viro bono: is dicatur, se gerere fide bonæ; quia præstitit, quod de se tacite pollicebatur. Contra ¹³ si quis aliter se gerat, dicatur se gerere fide mala, id est, nulla, seu ea fide quæ dicebatur, re autem non est. Bonam fidem considerari hic dicimus. Bona fides, ut duobus in rebus superioribus consistit, ita ¹⁴ in duobus modis

modis consideratur: Uno modo, ut præstetur alteri ex contrahentibus, quod ex æquo & bono præstari oportet, etiam si de eo præstando aperte nihil convenerit. Altero modo consideratur in hoc, ut nihil fiat contra bonam fidem, id est, nihil dolo malo, nihil metu. Et si quid contra factum sit, ne ratum sit, quod ita gestum est. Priore modo bona fides consideratur tantum in contractibus bonæ fidei. In iis enim solis etiam si quid non conveniat: tamen alteri ab altero præstandum est, si æquum est præstari. In strictis autem iudiciis, veluti in stipulatione, veluti in mutuo, nihil amplius præstandum est, quam id, de quo convenit, aut actum est, etiam si æquum sit id præstare. Hæc differentia traditur in *su. tit. Infr. de obl. ex cont.* Exempli gratia, in contractibus bonæ fidei usuræ pecuniæ debitæ ex mora veniunt, accedunt etiam ex mora fructus rei debitæ. *L. quæro, D. locati. L. mora, §. in bona. L. usura, D. de usur.* In stipulatione autem neque usuræ ex mora debentur, neque fructus accedunt, nisi nominatim de iis convenerit. *L. videamus, §. si actionem, D. de usur.* Posteriore modo consideratur bona fides in contractibus omnibus. Nam si quid contra bonam fidem venit, id ratum non est. Atque hoc sensu definitio huius loci accipienda est, præcipue, ut definitio hanc sententiam habeat: bonam fidem in contractibus omnibus considerari, ita æquum esse, ut nihil contra bonam fidem gestum contractumve ratum sit. Sed dissimiliter ea, quæ contra bonam fidem gesta & contracta sunt, irrita sunt in contractibus bonæ fidei, & stricti iuris. Contractus *†* bonæ fidei, si dolo malo initus est, dum quis in hoc circumvenitur, ut contracteretur, contractus ipso iure nullus momenti est. Si quid *†* autem in contractu stricti iuris huiusmodi quid intervenierit, contractus ipso iure valet, & promittentem obligat: sed quod *†* obligatus est, exceptione doli mali defenditur. De contractibus bonæ fidei hoc traditum est in *L. §. eleganter, D. de dolo.* De contractibus stricti iuris traditur in *L. dolo, infr. de inutilib. stip.* Utriusque generis exempla hæc sunt: testator iussit heredem suum vendere Titio fundum Tusculanum, aut eum fundum a Titio emere: postea hanc necessitatem vendendi in codicillis heredi remisit. Titius legatarius subtractis codicillis petit ab herede, ut eum fundum sibi venderet, ut testamento iussus est. Heres deceptus testamento, fundum Titio vendidit, quem alioquin venditurus

non erat. Emptio ipso iure nulla est. *d. L. §. eleganter.* Ipso iure ideo; quia lex vult, unumquemque obligari ex sua venditione, aut emptione, non simpliciter: sed cum adiuncto, ex bona fide. Secundo hæc verba legis, non intelligitur obligatus esse, qui contra bonam fidem emit, aut vendidit. Proinde *†* licet ei dicere in lite contestanda, se non teneri ex empto, aut vendito. Et quodcumque postea dolum in iudicio allegaverit & probaverit, absolvi debet sententia iudicis, qui iudicare *†* debet ex bona fide. *§. in bona, Infr. de act. Idem* dicemus, si legatarius pariter & heres ignoraverint codicillos. Nam codicillis postea repertis, recte dicit heres, se ex empto non teneri; quia res ipsa in se fraudem habet. Et quanvis legatarius ab initio nihil dolo malo fecerit; tamen tunc dolo facit, cum pergit petere ex ea emptione, quam intervenire ex testamento non oportebat. Et hanc exceptionem non est necesse initio contestari; quia *†* exceptiones sua sponte infunt bonæ fidei iudiciis, quanvis non contestatus quis fuerit. *L. 3. D. de rescind. vend. L. huiusmodi, §. qui servum, D. de L. 1.* In stipulatione contra evenit hoc modo: testator Titio decem legavit, deinde admittit ea codicillis. Legatarius vel legatis, vel codicillis subtractis, vel dum ignorat codicillos, impetravit ab herede, ut heres ea decem stipulanti legatario promitteret, quod heredem facere ex edicto oportet: quo edicto iubetur heres legatorum nomine satisfacere. Postea reperti sunt codicilli, quibus ademptum legatum appareret. Dicimus, nihilominus stipulationem valere etiam si proponatur heres deceptus dolo legatarii ut promitteret. Sed exceptione doli mali consequitur, ne condemnetur *d. L. dolo, infr. de inutilib. stip.* At quid interest, quomodo liberetur, utrum ipso iure, an exceptione, cum semper in iudicio & bonæ fidei *†* & stricti, dolum adversarii allegare & probare oporteat. Nam index dolum intervenisse non divinabit. Et quanvis sciret; tamen non dicit intervenire, ne litem suam faciat. Respondetur. Hoc interest, quod in bonæ fidei iudiciis huius doli contestationem initio iudicii habere non est necesse: at exceptionem hanc contestari oportet, si de iudicio stricto agitur. *L. si quidem: L. prescriptionem, infra, de except. §.* Differentia superior ex verbis iuris, quod de his contractibus constitutum est, dicitur. Nam de emptione & venditione, & similibus contractibus bonæ fidei ita ius constitutum est, ex iis obligari unumquem-

quemque *ex fide bona*. Unde hæc verba in formula iudicii adiciebantur a prætore, teste Cicer. *Lib. 3. de Offic.* Quod intelligere licet ex *L. quaro, in primo. D. locati*. At de stipulatione ita verba iuris erant, quod quisque stipulanti promiserit, id deberi. *§. de constituta, Inst. de act. &c.* Neque additum est, qui promiserit stipu-

lanti bona fide. Secundum hæc verba, verum est, eum qui deceptus emit aut vendidit, non obligari quoniam non vendidit, aut emit bona fide. Contra, qui promisit, etiam si deceptus promiserit, necesse est tamen eum secundum verba legis obligari, quia quocunque modo promiserit, vetum est, eum stipulanti promississe.

Ad L. Sicut 5.

Idem AA. & CC. Camerino & Martiano.

Sicut initio libera potestas unicuique est habendi, vel non habendi contractus: ita renuntiare semel constituta obligationi, adversario non consentiente, nemo potest. Quapropter intelligere debetis, voluntarie obligationi semel vos nexos, ab hac, non consentiente altera parte, de cuius precibus fecistis mentionem, minime posse discedere. Dat. Non. Aprilis Byzantii, AA. & Coss.

S U M M A R I A.

1. Contrahere, cuique liberum est ab initio.
2. Contractus quid?
3. Nisi quis in eo ut contraheret, sese obligavit.
4. Obligatio aut sit aperte, aut tacite: quomodo aperte, & n. 5.
6. Obligatio tacita aut ex testamento est; aut ex tacita quadam lege contractus.
7. Quomodo ex testamento.
8. Quomodo ex tacita lege contractus.
9. Emerere, aut vendere quomodo quis iure communi cogatur? Et quibus in casibus?
10. Obligationi suscepta, invito altero ex contrahentibus, renuntiare quando liceat?
11. Huic proxima definitioni mandati, societatis, depositi, precarii, & innominatorum contractuum exempla opponuntur, & n. 12. 13. 14. Contrariis exemplis ordine singulis apposta responsio, ibid.

DUæ sententiæ hic observandæ sunt. Prior est, liberum esse unicuique ab initio contrahere, aut non contrahere: emere, aut non emere: vendere, aut non vendere. Itaque ↑ ut contrahat, neminem cogi. Quæ sententiæ & alibi sæpe occurrunt, ut *L. invitum, infra, de contrab. empt. L. reo temere, infra, de iur. deliber.* Sententiæ ducta est ex definitione contractus. Itaque ad eam ipsam definitionem confirmandam perlinet. Contractus est ↑ duorum plariumve placitum & consensus, ut diximus *ad tit. si cert. petas*. Non est consensus & placitum, nisi volentis. Nec quisquam qui vult, cogitur facere quod vult. Nam necessitas contraria est voluntati. *L. 1. D. quod metus causa*. Sed liberum est contrahere ab initio, id est, cum nondum quis contraxit, ↑ aut in hoc se obligavit, ut contraheret.

Tom. VII.

Cæterum qui se in hoc obligavit, ad sententiam sequentem pertinet, ut non possit effugere necessitatem, quam sibi intulit. Obligare autem se ↑ intelligitur quisque aut aperte, aut tacite. Aperte, ↑ ut si promiserit stipulanti se quid venditurum, aut empturum. Tacite ↑ duobus modis, vel ex testamento, vel tacita quadam lege contractus. Ex testamento, ↑ ut si heres iussus sit a testatore fundum vendere Titio, aut a Titio emere, legatum valet, ita ut cogatur heres aut vendere, aut emere, ut est iussus. *L. estis aquo: D. de leg. 1.* Hoc ideo facere heres cogitur, quia prius hereditatem adeundo tacite cum legatariis contraxisse intelligitur, & se iis obligasse. *L. 3. §. ult. D. quibus ex causis in possess. eatur*. Tacita contractus lege idem accidit, enim socius partem suam rei, quam in re communi ha-

Ggg

bet,

8 ber, vendit, † in hac specie habeo prædium cum socio meo commune, partem meam indivisam vendidi Titio, ac priusquam traderem, provocatus sum a socio communi dividundo iudicio, id est, socius mecum egit communis dividundo, ut prædium inter nos divideretur. Iudex in hoc iudicio pro potestate sibi concessa rem transegit & mihi partem alteram adjudicavit. Dicimus, Titium, cui partem meam prius venderam, cogi etiam hanc partem alteram, quæ mihi adjudicata est, emere. *L. communi, §. ult. D. communi dividund. L. Iulianus, §. idem Celsus, D. de action. empti.* Non adversatur hoc superiori sententiæ. Nam ideo Titius cogitur, partem adjudicatam emere, quia partem meam prius emendo, se in hoc obligavit, ut alteram quoque ex adjudicatione accedentem emeret: non se obligavit apertis verbis, sed obligatio ex natura contractus emptionis intelligitur. Nam emptione contracta, omne commodum & detrimentum rei venditæ ad emptorem pertinet. *L. necessarius, D. de pericul. & commod. rei vend.* At quod alteram partem ex adjudicatione accepi, est beneficium & onus partis meæ. Nam propter meam partem illam alteram accipere sum coactus, ut significatur in *d. L. communi divid. §. ult. D. com. div.* Proinde ut hoc commodum præstare debeo Titio emptori meo; ita illo recusante, si quod detrimentum est in illa accessione, ad illum pertinere debes: quod ita fit; si cogatur eam partem accipere eodem pretio. Ergo in iis causis quis cogitur emere, aut vendere; sed ideo, quia prius se in eam rem obligavit. Quod si se non obligavit, rata est hæc sententia: unicuique ab initio liberum esse contrahere, aut non contrahere, sed hoc iure communi.

9 Cæterum iure singulari † tribus in causis receptum est, ut quis vendere rem suam cogatur, quod sine eius detrimento fiat. Primum dominus iubetur servum suum vendere, quem severius & durius probatur tractare, secundum formam traditam in *L. 2. D. de his qui sui vel al. iur.* Item dominus servi communis cogitur partem suam vendere socio suo possulanti, si socius servum velit manumittere. *L. 2. inf. de communi ser. manumiss.* Postremo, si quis sepulcrum habet, nec potest ad id pervenire, nisi per prædium vicini, cogitur vicinus extra ordinem ei, qui sepulcrum habet, viam vendere ad sepulcrum. *L. si quis sepulcrum, D. de relig. & sumptib. funerum.* Quæ apparent

iure singulari constituta esse, nempe libertatis & religionis causa, quibus sine superiore venditione consuli non potest: nec sit dominus iniuria, quibus idoneum pretium præstatur, nec res sua vacat.

Altera sententia huius rescriti est: re semel contracta, obligationi susceptæ † non licere renuntiare invito altero ex contrahentibus. Quæ item sententia multis locis tradita est, ut *L. de contractu, infra, de rescind. vend. L. in commodato, §. sicuti, D. commodati.* Et plerique alii, qui in gl. citantur. Sententia ducta est ex definitione obligationis &c. Ideo ad huius quoque effectus confirmationem referri debet. Si is, qui obligatus est, obstringitur necessitate invivendi, ex definitione obligationis: consequens est, non esse in eius arbitrio, utrum velit solvere, nec ne; quod tamen futurum esset, si liceret ei pro arbitrio a contractu discedere. Sed quod invito adversario facere non licet, ut a contracta obligatione discedatur, hoc adversario consentiente licet facere rebus integris. *L. ab emptione, D. de pact.* Hæc sententia non tantum perpetua est, sed etiam necessaria; cui tamen quorundam contractuum exempla opponuntur, hæc præcipue. Primum, † in mandato obligatio; quæ contrahitur simul, atque quis mandatum recipit: contrahitur enim consensu, & tamen liberum est mandatario mandatum renuntiare mandanti, id est, denuntiare illi, nos mandatum non executuros. *L. si mandavero, §. ult. D. mandati, §. mandatum, Inst. de mandato.* Responderetur. Hoc non est renuntiare constitutæ obligationi; quia mandatarius mandato suscepto obligatur, sed non præcise, ut mandatum exsequatur, sed ut exsequatur, aut tempelive renuntiet, ut iidem locis diserte adiectum est. Ita qui renuntiat mandatum tempelive, non modo contra obligationem nihil facit, sed maxime præstat, quod erat in obligatione. Similiter opponitur † societas. Hæc consensu contrahitur, verumtamen unus solius ex locis contrahentibus dissensu dissolvitur. *§. manet, Inst. de societate. L. verum, in fin. D. pro socio.* Responderetur idem, quod supra. Qui societatem socio renuntiat in novo negotio nondum cœpto, non renuntiat contractæ obligationi, quia nemo ex societate obligatur, ut in societate invitus maneat. Quod intellectum est ex natura societatis: nam societas nihil aliud est, nisi amicitia & fraternitas quædam. *L. verum, circa prin. D. pro socio.* Est autem amicitia & fraternitas repugnans, quæ-

quenquam invitum amicum fieri; cum amicitia definitur voluntatum & studiorum coniunctio: hic occurritur: nam etsi nominatum in societate conveniat, ut ne a societate discederetur; tamen tempestive licet discedere, invito socio. *L. si convenerit, D. pro socio*. Respondetur. Etiam si nominatim adiecta fuerit hæc conventio: tamen cum renuntiatur societati, contra hanc conventionem non disceditur a contracta obligatione, propterea, quod & conventio est inutilis eoque nullam obligationem parit: inutilis ideo: quia contra naturam societatis, id est, contra naturam amicitiae & fraternitatis, qualem diximus, societate contineri. Opponitur etiam exemplum ↑ contractuum in-nominatorum. Dedi tibi decem, ut Stichum manumitteres, vel ut Romam ires: placet in iis causis & similibus omnibus permutationibus licere mihi pœnitere, & ex pœnitentia datum repetere, denuntiando tibi, ne manumittas, ne Romam eas. *L. 3. in princ. L. 5. in princ. D. de condit. causa data*. Respondetur, ne hic quidem renuntio obligationi contractæ, cum repeto, quod ob causam dedi, causa non secuta. Nam in mihi obligaberis, ut dæres, si vellem. Ego tibi non obligor, ut vel dem tibi aliquid, vel ut datum apud te esse patiar. Nam si nulla pæctio præcessit, ut tibi dærem, citra controversiam tibi non obligor. Quod si pæctio intervenit; tamen ex pæcto nudo obligatio non nascitur. *L. legem, supr. de pæctis*. Etsi nasceretur; tamen non do tibi, nisi hac lege & conditione, ut mihi des. Proinde causa non secuta tibi non obligor. Sic fit, ut datum ex pœnitentia re-

petendo non intelligar renuntiare obligationi contractæ, quæ nulla contracta est, qua tibi obligor. Postremo ↑ opponitur 14 species depositi ex *L. 1. §. pen. D. de positi* & in eandem sententiam species precarii ex *L. cum precario, D. de precario*, ubi si rem apud te deposuero, ut eam mihi post mortem tuam reddas, placeat me statim depositum posse repetere. Idem respondetur de precario, si fundum tibi possidendum precario dederim usque ad Cal. Ianuarii. Respondetur, neque deponentem obligari, ut depositum non repetat, neque eum, qui precarium dedit, ut non repetat precarium. Quin imo contra, & qui depositum accepit & qui accepit precarium, in hoc obligantur, ut dominis reposcentibus acceptum reddant. Solum in iis causis quæstio hæc est an is, qui depositum, aut precarium accepit, defendi debeat exceptione pacti conventi, quo convenit, ut depositum, aut precarium ante diem non exigeretur. Nam videtur conventio ex edicto esse servanda. *L. inrisgentium, §. sed cum nulla, & §. ait prætor, D. de pact.* Ex respondetur in deposito, hanc conventionem non nocere deponenti. Optima ratio: quia hic dies adiectus est deponentis causa, non depositarii. Adiectus est enim, ut depositarius cogereetur rem diu servare depositum. Quod autem ad precarium attinet, conventio de re precaria non repetenda naturæ precarii adversatur, ut significatur in *d. L. cum precario, D. de precario*. Quod planius intelligetur, cum dicetur de commodato, *infra, de commodato*.



Ad L. Si in solutum 6.

Idem AA. & CC. Mauricio.

Si in solutum nomen debitoris sui debitor tibi dedit tuus, ac te in rem tuam procuratorem fecis: pignora quæ specialiter vel generaliter habes obligata, persequere. Quod si ab his quibus fuerant obligata, cum potiores erant, distracta prebentur: emptoribus advocari non posse perspicis. Dat. IX. Kal. Iul. Sirmis AA. Coss.

S U M M A R I A.

1. *Actionis cessæ, vel nominis dati vis.*
2. *Ins pignoris quibus in rebus consistat.*
3. *Actio utilis quomodo differat a persecutione pignoris?*
4. *Pignoris persecutio adversus quem competat.*
5. *Persecutio pignoris quid operetur?*
6. *Pignoris persecutio adversus quos non datur.*
7. *Pignoris persecutio quandiu competat adversus possessores?*
8. *Præscriptionis in pignore præscribendo instum tempus quod?*
9. *Pignoris distrahendi ins quod?*
10. *Persecutionis pignoris transferenda causa.*

SI creditor, vel actiones suas mihi cesserit, vel nomen debitoris ex aliqua causa iusta mihi dederit, diximus ad *L. 1. § L. 2. sup.* cessæ actionis & nominis dati hanc vim esse, ut mihi utilis actio tribuatur meo nomine adversus debitorem, & ignorantem, & invitum. Adii-
cit hoc rescripto *§ sequenti*, hoc amplius, eius cessionis & donationis hunc effectum esse, ut in me transeat, quidquid ad nomen recte exigendum pertinet. Et breviter, quidquid & ad petitionem principalis pecuniæ, & ad cautionem nominis pertinet. Proinde si creditor pignus habuit, etiam ins pignoris in me transit.
Hoc *†* ins potissimum in iis duabus rebus confilii, in pignoris persecutione, & eius distraktionem. Pignoris persecutio differt ab actione *†* utili, quæ mihi tribuitur. Nam actio hæc utilis, est actio in personam adversus debitorem solum, de qua dictum est ad *L. 1. § 2. sup.* Pignoris persecutio est actio in rem, *L. pignus, inf. de pign. §. item Serviana, Inst. de act. unde & vindicatio appellatur in lege sequenti*. Nam omnes actiones in rem vindicationes appellantur. *§. appellamus, Inst. de act. L. actionum, D. de oblig. & act.* Ideo *†* hæc actio non adversus debitorem est, sed adversus eos, qui pignora tenent possidentive, ut est conditio omnium actionum in rem, *d. L. actionum*.

Id significatur in *L. seq. vers. secundo*. Huius actionis *†* potestas & exitus hic est, ut qui pignus possident, conventi vel a creditore, vel a me cui nomen datum est, solvere debeant quod petitur, aut pignus restituere, vel distraktionem pati, ut significatur in *d. L. seq. vers. 2.* Quod iustus exponitur in *L. si fundus, §. in re indicata, D. de pign.* Sed hæc actio non adversus omnes possessores datur, nec semper: Non *†* datur adversus eos, qui ab antiquiore creditore pignus emerunt, ut est in *fin. huius Leg. & L. seq.* Quod apertius traditur in *L. 1. § toto tit. infr. si antiquior creditor*. Ut puta debitor primo creditori rem aliquam pignori dedit, eandem postea dedit secundo creditori. Hic secundus nomen suum mihi in solutum dedit: non potero pignora persequi adversus eos, qui a primo creditore pignus emerint; quia in distrahendi ius habuit, distrahendo dominium in emptores transtulit *L. 4. D. de pignor. act. L. non est novum D. de acqui. rer. dom.* Dominium in emptores translatum invitis auferri non potest. *L. id quod nostrum, D. de reg. iur.* Sed et si possessores pignoris pignus possident a debitore, aut ab alio, quam antiquiore creditore; tamen *†* tamdiu competit pignoris persecutio adversus possessores, quamdiu præscriptione temporis tuti non sint. Quid *†* si posside-

possederint pignus bona fide 10. annos inter praesentes, 20. inter absentes, praescriptione temporis tuti sunt adversus creditorem: multo magis adversus me, qui causam agendi a creditore habeo. *L. 1. & 2. infr. si advers. credit. praescript. opponatur*, quae pars expressa est in *L. seq. in fin.* Ut autem mihi dato nomine in me transit pignoris persecutio; sic & ius distrahendi pignoris, quod ius proprium est creditoris in pignore, *L. 4. de pig. act.* Sed hoc ius iisdem conditionibus in me transfertur, quibus & perfectionem pignoris transferri supra diximus: nempe ut neque adversus omnes possessores pignus mihi distrahere liceat, neque semper, quod exprimitur in *L. seq. in fin.*

10 Tribuitur t mihi persecutio pignoris in hac lege, si creditor nomen suum mihi in solum dederit, & me in rem meam procuratorem fecerit, id est, mihi man-

daverit, seu cesserit suas actiones. Nam haec eadem esse ostendimus supra ad *L. 1.* Quid? Si nomen suum tantum in solum dederit, neque mihi mandaverit suas actiones? Respondetur, nihilominus idem iuris futurum est. Nam & nomine in dotem dato, utilis actio in me transit, etiam non mandatis a creditore actionibus. *L. 2. sup.* ubi diximus: Eadem perfectionis pignoris ratio est. Sed & hoc apertius declaratur in *L. seq.* ubi nomine mihi vendito, placet pignoris perfectionem mihi bene tribui debere, nullis mandatis amplius actionibus. Datur mihi pignoris persecutio in hac *L.* si nomen mihi datum sit in solum. Quid si ex alia causa mihi datum erit, veluti donationis, emptionis, dotis, legati? Et apparet ex lege sequenti idem iuris esse, ubi nomine ex causa emptionis transito, pignoris persecutio transfertur.

Ad L. Si a creditore. 7.

Idem AA. & CC. Dionysio.

Si a creditore nomen comparasti: ea pignora, quae venditor nominis persequi posset, apud praesidem provinciae vindica. Nam si debitum ex eius persona res tibi obligatas tenentes non transferant: iure communi pignora distrahere non prohiberis. Sane si creditoribus in ordine pignorum antecedentibus, venundantibus, qui possident, comparaverunt, vel longi temporis praescriptione muniti perhibentur: pignorum distrahendorum facultatem te non habere perspicis. *S. III. Kal. Ianuar. Sirmii AA. Coss.*

DE hoc rescripto coniunctim diximus cum lege praecedente.



Ad L.

Ad L. Siquidem. 8.

Iidem AA. & CC. Crescentio.

Siquidem donationis causa ei quem adfectione patris te dilexisse propolis, tuam accipere pecuniam permixisti: & hanc tuam liberalitatem [ille] remunerans, te a procuratore suo aliam pecuniam sumere præcepit, rebusque humanis ante perceptionem suis exemptus: nec quod dederas, recuperare, (cum perfectam habuisti donationem) nec quod tibi dari mandavisti, nec dum tibi traditum, petere potes a procuratore. Quod si mutuo dedisti, nec a delegato dari novandi causa stipulatus es: successores eius solutioni parere compellantur, Dat. XIII. Kal. Febr. CC. Coss.

S U M M A R I A.

1. Pecuniam Titio datam, an possim ab eius heredibus repetere, si forte non possim eam consequi, quam me ille voluit a procuratore suo sumere? Et num. 7.
2. Conditio quid?
3. Actiones rei persecutoria transeunt in heredes.
4. Pecuniam Titio datam, quam me voluit a procuratore suo sumere,

- utrum eo mortuo, possim a procuratore repetere?
5. Actio in personam nulla est adversus eum, qui obligatus non est.
6. Mandatum finitur morte mandantis.
8. Heredes eodem iure utuntur, quo defunctus.
9. Donatio facta sub conditione, ea deficiente corrumpitur.

Dedi Titio 100. aut, quod idem est, permisi, Titio 100. de meo sumere, & sibi habere; sumpsi, & sibi habuit. Is vicissim procuratori suo mandavit, ut mihi 100. daret, & mihi permisit ab illo ea sumere. Priusquam perciperem, Titius decessit. Hic duo quaesita sunt: primum, an possim ꝑ pecuniam Titio datam repetere ab eius heredibus, si forte non possim eam consequi, quam me voluit a procuratore suo sumere? Hic distinguitur, si donationis causa Titio dedi, non possim datam repetere, quia donatio perfecta revocari non potest. *L. cum ancillam, L. si repetendi, sup. de conduct. ob causam dat.* Si pecuniam illi dedi mutuo, repetere possim ab eius procuratore, si ille mihi delegatus est novationis causa, id est, si reus mihi datus stipulanti mihi eam summam promissit, iuxta formam *L. 1. § 3. in fin. infr. de novat.* De quo dixi ad *L. 2. sup.* Quod si nulla hic novatio intercessit, repetere possim a Titii heredibus. Nam Titius ex causa mutui mihi tenebatur conditione certit.

2. Est autem conditio ꝑ actio personalis, qua petitur dari aliquid. *Instit. quibus*

modis re contra, obligat. in princip. Hæc actio in heredes transiit, ut ꝑ actiones 3 omnes rei persecutoria. *L. 1. sup. si certum petitur, L. ult. infr. de hered. act.* Quoniam ergo pecuniam, quam ego Titio dedi, non possim repetere, si donationis causa dedi, hinc secundo loco quaesitum est, an ꝑ possim saltem eam 4 pecuniam a procuratore petere, quam Titius permisit mihi ab illo accipere? Respondetur, me eam pecuniam petere non posse a procuratore. Huius rei duplex hæc ratio est: Primum, quia cum procuratore nihil gessi, nihil contraxi, unde mihi sit obligatus. Quare nec vivo Titio a procuratore petere potui, cum nulla sit actio in personam, ꝑ nisi adversus eum, 5 qui mihi obligatus est. *§. 1. Instit. de act. L. actionum, D. de oblig. & act.* Deinde etsi potuissim, vivo Titio exigere pecuniam hanc a procuratore propter causam mandati; tamen mortuo Titio non possim, quia petendi causa finita esset.

Nam mandatum ꝑ morte mandatoris 6 finitur. *§. recte, Instit. mandati.* Usque adeo autem verum est, me hanc pecuniam a procuratore invito exigere non posse,

posse, ut nec volens procurator eam pecuniam in me possit transferre, si pecunia sit Titii. Non enim potuit eam alienare, nisi mandato Titii. Mandatum autem morte Titii iam finitum esse diximus. Etque hæc sententia diserte tradita in *L. 2. §. si pecuniam, D. de probat. & L. pen. vers. quas vero pecunias, D. si certum petatur*. Sed an non possum saltem hanc pecuniam repetere a Titii heredibus, ut voluntati Titii satisfiat? Respondetur. Rescriptum pro certo & confesso habet, me a Titii heredibus hanc pecuniam petere non posse; quia Titius permittendo mihi hanc pecuniam sumere, mecum nihil contraxit, ideoque mihi non est obligatus. Quare nec eius heredes mihi teneri possunt; quoniam eodem iure utantur, quo defunctus. *L. qui ius, L. heredem, D. de reg. iur.* Et ob hanc causam consulto responsum est, me non posse hanc pecuniam petere a procuratore; quia nulla esset dubitatio, quin si possem petere, possem tantum a procuratore. Hoc loco opponitur Constitutio Iustiniani de facto donationis, in *L. si quis argentum, in princ. & §. fin vero, infr. de donation.* ubi placet, solam pactionem eius qui dicit se aliquid donare, servandam esse, quanvis donator nihil tum tra-

diderit. Et quemadmodum ea pactio servatur adversus Titium: sic morte Titii, aut donatarii non finitur, ut diserte scriptum est in *L. illam, eodem tit. de donat.* Respondetur. Hic donatio nulla est, & ideo species ad constitutionem Iustiniani non pertinet. Multum enim interest, utrum quis dicat, se mihi donare pecuniam suam, quæ est apud procuratorem eius, an vero simpliciter dicat, se mihi permittere, ut illam pecuniam a procuratore eius accipiam. Qui dicit, se donare, statim rem confert voluntate sua, & donationem perficit. Qui dicit, se permittere, ut sumam, intelligitur mihi in præsentia donare, sed donationem conferre in id tempus, cum pecuniam accepero, sive donare sub conditione, si pecuniam illam acceperim. Quapropter conditione si ea deficiente, nulla donatio est. Quod significatur in *d. L. 2. §. si pecun. D. de donat.* Porro hæc conditio deficit morte Titii, quia procurator si volet, non dabit: & si dederit, tamen dominium non transfert, quia potestas alienandi, quæ illi facta erat, morte Titii domini finita est. Quare nihil neque in hoc rescripto, neque in *d. L. 2. §. si pecuniam* emendatur constitutionibus illis Iustiniani. *L. si quis argentum, & L. illam, infr. de donat.*

Ad L. Negantes 9.

Iidem AA. & CC. Glyconi.

Negantes debitores non oportet armata vi terreri: sed positore quidem non implente suam intentionem vel exceptione submoto, absolvi: convictas autem condemnari, ac iuris remediis ad solutionem urgeri convenit. Dat. Id. Feb. CC. Coss.

S U M M A R I A.

1. Ratio obtinendi iuris nostri ab invitis qua.
2. Iuris ordo quibus in rebus consistat?
3. Sententia iudicis duo continere debet.
4. Reus quatenus absolvendus.

- Reus exceptionem, actor intentionem probare debet. ibid.
 Reus, ubi actor, ibid.
 5. Reus quando condemnandus?
 6. Ordo in rebus pignori capiendis quo iuris loco exponatur.

Ratio iuris nostri adversus invitos obtinendi hic paucis expressa est. Per hos nobis aliquid deberi dicimus: ab iis negantibus ergo exigendum non est, quod petimus, sed actionibus cum illis expediendum est, id est, iure indicioque, seu

iuris ordine. *L. exstat, D. quod metus causa*, ut cum illi rite condemnati erunt, tum remediis iuris ad solutionem urgantur, ut hic traditur. Iuris i. ordo tribus iis in rebus ponitur in *L. 1. infra, de exsecut. rei indic.* Primum ut actor adversus debi-

debitorem actiones suas dirigat. Secundum, ut re & lite apud iudicem audita, is de causa diligenter cognoscat. Tertium, ut causa cognita, sententiam ferat de re controversa, de quibus plura diximus in dict. L. 1. & actum supra ad inscriptionem. Sententia iudicis, quid continere debeat, hic comprehendimus est. Debet autem hoc, ut iudex vel reum absolvat, vel condemnet. L. 1. D. de re iudic. Sed absolvere debet hac conditione, si actor intentionem suam non probet. L. qui accusare, supra de edendo: vel si probet quidem, sed exceptione submovetur, ut hic adiectum est. Quod ita fit, si reus exceptione litis initio opposita & contestata, quod in strictis iudiciis facere necesse est, postea eam exceptionem probet. L. prescriptionem. L. siquidem, infra, de exceptis. &c.

Ceterum exceptionem reus probare debet itidem, ut actor intentionem. Nam reus in exceptione actor est, L. in exceptionibus, D. de probat. Exceptione probata reum absolvi necesse est; quia æquitate exceptionis declaratur, iniquam esse petitionem, etsi summo iure constituta sit, §. 1. & seq. Inst. de exceptis. Si actor intentionem suam probat, neque reus exceptione defenditur, uti diximus, tum reum convictum condemnari sententia iudicis oportet. Adversus condemnatum iuris remedia, quæ hic commemorantur, hæc sunt: ut tempore ad iudicatum faciendum transacto, magistratus iubeat res debitoris pignori capi, & publice distrahi per apparitores, ut inde iudicatis satisfiat, L. 1. infr. de exceptis rei iudic. In iis rebus pignori capiendis quis sit ordo, declaratur in L. a divo Pro, §. in vendit. D. de re iud.

Ad L. Adversus 10.

Idem AA. & CC. Rufino.

Adversus debitorem electis pignoribus personalis actio non tollitur; sed eo, quod de pretio servari potuit, in debitum computato, de residuo manet integra. Dat. III. Non. April. CC. Coss.

S U M M A R I A.

1. Creditori pignus habenti due competunt actiones.
2. Creditor, si omissa personali actione, adversus debitorem malueris actione in rem de pignore agere, an eo facto personalis actio sublata sit?
3. Quod creditor ex distractione pignoris minus debito habuit, illud ex

personalis actione consequitur, & nihil amplius.

4. Creditor pignus non idoneum accipiendo, an non videatur pignore contentus esse debere.
5. Pignus ad quid datur?
6. Pignoris & delegati debitoris diversa causa & ratio.

QUI duas actiones habet, eiusdem rei nomine, una electa, altera tollitur, L. quod in herede, §. 1. D. de Tributoria. Creditorem, cui pignus datum est, constat duas actiones habere debiti obtinendi causa, actionem in personam, & actionem in rem de pignore: de quibus dicitur ad L. ult. infr. Hinc dubitatum est, si creditor omissa personali actione adversus debitorem, maluerit actionem in rem de pignore agere, an eo facto personalis actio sublata sit? Ut, si forte pignus idoneum non fuerit, omittat creditor exactionem reliquæ quantitatæ,

in qua pignus non sufficit? Quod superiori sententiæ consequens videri poterat. Et placuit, hac electione personalem actionem non tolli: de quo hic cautum est. Idem in L. quævis pers. infr. de pignor. Non adversatur quod supra diximus, una actione electa, alteram tolli, quæ eiusdem rei nomine competat. Nam diversum ius est, cum due actiones diversarum rerum nomine competunt, harum unius electio nunquam alteram consumit. L. si profare, §. 1. D. de condit. furtiva. L. 2. D. de pr. delict. Tales sunt autem hæc actiones, personalis, & actio in rem de pigno-

pignore. Nam personalis competit de eo, quod debetur: pignoris persecutio de pignore est. Veruntamen ne quis hic erret, sic intelligendum est: tamen hæ actiones ab initio res diversas persequantur, tamen earum finem summum rem unam continere: nempe hanc, ut creditori pecunia debita solvatur. Nam pignus non aliud datur, quam ut creditori de debito cautum sit, §. ultim. Inst. quib. mod. re contrah. ob. Hæc de causa si creditor pignus persecutus, ex eius distractione aliquid consecutus erit: non poterit personali actione totum debitum persequi, quod initio fuit: sed quod actione hypothecaria persecutus est, id in debitum impurabit. Idque est, quod hoc loco subicitur: ne potemus, sic has actiones de diversis rebus competere, ut simul & pignus consequi, & vendere, & simul debitum persequi possimus. Et generaliter illud probandum est: quidquid creditor ex pignore consecutus est, id debitum eatenus exonerat. L. 1. & L. 2. infr. de pig. act.

4 Sed an non videtur creditor pignus non idoneum accipiendo, pignore contentus esse debere? quod quis probandum esse dixerit, exemplo eius creditoris, qui admisit alium debitorem sibi delegatum.

Nam si minus idoneum admisit: tamen videtur bonum nomen fecisse qui admisit, & eo contentus esse debet. L. inter, §. abesse, D. mandati. Et placuit, creditorem non ideo amittere exactionem debitæ quantitatis, in quam pignus non sufficit. L. 1. inf. de pig. L. creditor, D. si certum pet. Ex merito. Nam si creditor nullum pignus acceperisset, totum debitum iure suo persequi potuisset. Multo igitur magis poterit, si pignus acceperit quantum non idoneum. Nam si pignus datur, 5 ut adiciat obligationi. L. 4. §. si ex confess. D. de re iud. Non igitur, ut detrahat. Item pignus datur, ut creditori magis cautum sit. d. §. ult. Inst. quib. mo. re contrah. ob. Non igitur, ut noceat creditori. Nec similis est causa debitoris 6 non idonei creditori delegati. Nam debitor delegatur creditori solutionis causa, seu satisfactionis: nempe, ut debitor qui debebat, liberetur, alium debitorem vice sua dando. Creditor hac confessione debitorem suum liberare potuit; quia aliud pro alio solutum est, voluntate eius. At pignus non datur pro debito obligationis tollendæ causa, sed magis confirmandæ. Proinde obligationem confirmabit, non minuet; proderit, non nocebit.

Ad L. Nimia 11.

Idem AA. & CC, Paulz.

Nimia credulitate circumventa es, cum quod colonis in rem suam mutuo dedisti, a domino prædii postulare posse credidisti: nec ad eum obligandum, alterum ipsius adiuvat te presentia. Dat. VIII. Kal. Augusti CC. Coss.

S U M M A R I A.

1. *Qua hic actio in personam competat? Et adversus quem?*

CUM colonis mutuum pecuniam dedi, cum illis contraxi, eoque mihi obligentur ex causa mutui. Cum domino prædii, cuius coloni erant, nihil contraxi, nihil negotii gessi, ideo dominum obligatum non habeo. Hinc fit, quod hic traditur: adversus colonos actionem habeo conditionem certi, huius mutui nomine: adversus dominum prædii nullam; quia omnis et actio in personam competit adversus eum, qui obligatus est, non adversus alios. §. 1. Inst. de oblig. L. actio-

Tom. VII.

2. *Dominus prædii quomodo obligetur, si cum eius colonis aliquis contrahat?*

num, D. de obl. & act. Quod dixi, pecunia colonis mutuo data, dominum prædii mihi non teneri, sic accipiendum est: si colonis mutuum dedi in rem ipsorum, non in rem domini prædii, ut hic adiectum est, Nam si in rem domini dedi, & pecunia revera in utilitatem domini versa est, dominus, is mihi obligatur negotiorum gestorum actione, coloni non obligantur. L. si pupilli, §. 1. D. de neg. gest.

Hhh

Ad L.

Ad L. Ob *as* 12.

Idem AA. & CC. Iovino.

Ob as alienum servire liberos creditoribus, iura compelli non patiuntur. Dat. XIII. Kal. Novemb. CC. Coss.

S U M M A R I A.

1. *Nemo ob as alienum servire cogitur. Hæc unica loci huius definitio.*
2. *As alienum quid?*
3. *Obligationis effectus quis?*
4. *Remedia iuris ad obtinendum nostrum debitore condemnato qua sunt?*

5. *Debitor, qui non est solvendo, coniciendus est in carcerem.*
6. *Debitor bonis cedendo carcerem evitat.*
7. *Superiori definitioni una species opponitur, & quæ.*
8. *Duplex responsio consequitur, & qualis utraque & n. 9.*

AUlus Gellius *lib. 20. cap. 1.* refert legem 12. tab. qua cautum erat, ut si intra tempora iudicatis constituta debitores non satisfecissent creditoribus, postea addicerentur in servitutem creditoribus. Hoc ius pridem abrogatum esse, vel aliis legibus, vel tacito consensu populi, hoc relictum declaratur. Ait enim, iura etiam vetera non pati, ut quisquam ob *as* alienum † cogatur servire. (*As* alienum est id, quod uos aliis † debemus. *L. cedere, §. as alienum, D. de verb. sign.*) Idque intelligitur partim ex definitione obligationis, partim ex iis remediis, quæ commemorantur in *L. negantes sup.* Obligatio † nihil aliud efficit, nisi ut cogatur quis, ut necesse habeat,olvere quod debet. Debet autem quis *as* alienum, non servitutem sui. Deinde, cum debitor condemnatus est, hæc sunt † remedia iuris ad nostrum obtinendum, ut iussu magistratus pignora capiantur, & distrahantur: in quibus nihil est de debitore addicendo. Quid si debitor nihil habeat in bonis, quod † capiatur? Hic nihil amplius mansit ex Leg. 12. tabul. quam ut possit debitor conici in carcerem, hæc tamen lege: ut tributum sit illi bonis cedere, & bonis † cedendo carcerem evitat. *L. 1. infra, qui bonis cedere poss.* Ex his efficitur adversus debitorem non solventem nullum locum relinqui eius servituti, sive additioni eius in servitutem. Una † species huic loco opponitur. Nam si quis servum redemerit ab hostibus: placet redemptionem posse a redimente retineri pignoris loco, velut servum, donec pretium solverit, aut per

quiquennium servierit redemptori, ut ex operis quiquennii possit redemptori satisfieri. *L. qui testamento, §. potestatis, D. qui testam. facere poss. L. ult. infra, de poss. revers.* Duo sunt in promptu, quæ hic respondeamus: primum, hanc speciem † huic legi non adversari; quia species ad definitionem & verba legis non pertineat. Hic enim dicitur, neminem compelli servire ob *as* alienum. At cum servus redemptus est ab hostibus, & retinetur pignoris loco, donec pretium solvat, non retinetur ob *as* alienum. Id est ob eam pecuniam, quam debuerit redemptori. Nam redemptori nihil debuit, propterea quod redemptor redemit tum, cum hic servus esset. Cum servo iure civili nulla actio nascitur. *L. servi, D. de oblig. & act.* Cui ergo, quærat aliquis, pretium redemptionis ab illo exigitur? Respondetur. Non exigitur, sed desertur ei conditio, ut si velit liber placere, pretium præstet. Ita volens præstat, non necessitate obligationis. Sed, ut quis concedat pretium hoc tanquam debitum solvi, & ob hoc debitum retineri redemptum in servitute; † tamen nihil ea species huic loco adversatur. Nam hic regula generalis traditur, a qua nominatim excipitur illa species in *d. L. ult. infra, de poss. revers.* & additur exceptionis ratio propter utilitatem publicam: In toto iure generi per speciem derogatur, id est, generalibus sententiis iuris exceptiones alio loco traditæ non contineri intelliguntur. *L. in toto, D. de reg. iur.*

Ad

Ad Authent. Imo.

Imo a debito creditor cadit, tantundem dando vel retento, vel eius parentibus: ipso quoque creditore corporalibus poenis subdendo.

S U M M A R I A.

1. *Servire ob debitum nemo cogitur.*

Sententia hæc perpetua est: si de iure quaeritur, neminem ꝑ ob debitum cogi servire. Quid si contra ius aliquis cogat aliquem servire veluti debitorem, aut filios debitoris sui, vel apud se retinendo, vel operas locando, vel eos pignorando: est hæc poena, quæ hic comprehensa est, & in Novella, unde hio locus sumitur, *Novell. ut nulli iudicem, §. quia vera.*

Ad L. penult.

Idem AA. & CC. Barsumio.

Eum cui mutuum dedisti pecuniam, ad solutionem urgere competenti debes actione. Nam adversus negotiatores quos ex mercibus pecunias abstulisse tuo debitori proponis, nullam habes actionem. Dat. XI. Kal. April. CC. Coss.

S U M M A R I A.

1. *Debitorum debitoris mei mihi nihil obligantur.*

Cum ꝑ debitoribus debitoris mei nihil contraxi, nihil gessi, unde illi privatim mihi obligentur. Proinde, eum debitoribus meis agere possum: eum debitoribus debitoris non possum. Quoniam, ut diximus ad *L. nimis, supra*, non est actio in personam, nisi adversus eum, qui mihi obligatus est, de quo plura dicuntur sub titulo, *quando fisco. vel priv. infra.*

Ad L. ult. cum Auth. seq.

Idem AA. & CC. Hermodoro & Nicomacho.

Est in arbitrio vestro, personali debitoris heredes actione, an eum qui ab his distracta sibi que tradita pignora tenet, in rem Serviana, si non longi temporis prescriptione munitus sit, an utrosque conveniatis. Dat. V. Kal. Decemb. Nicomedie CC. Coss.

Auth. ex Novell. 4 C. 3.

Sed hodie novo iure prius conveniendi sunt omnes fideiussores, & mandatores, & sponsores, quam ad pignorum perveniatur possessores.

S U M M A R I A.

1. *Creditori quæ actiones debiti obtinendi causa competant?*
2. *Actionis in personam varia nomina.*
3. *Actio de pignore quomodo vocatur?*
4. *Actio pignoris adversus quem datur?*
5. *Creditor an possit omissio debitoris persequi pignora?*

6. *Quid ea in re novi statutum Novell. 4. de fideiuss. §. sed neque, & quomodo hæc cum iis quæ in Novell. de litigios. §. ab hoc autem conciliantur. & n. 7. & 8.*
9. *Conciliationis summa.*

1 **C**reditori, cui res pignori obligata est, duæ competunt actiones debiti obtinendi causa, actio in personam adversus debitorem, & heredes eius; & actio de pignore, quæ in rem est. *L. pignoris, infra, de pignorib.* Actio in personam, ut ex variis causis nasci potest, ita varie ex unaquaque causa nomen habet, ut venditi, empti, locati, conducti, pro socio, mandati. Sic enim ex contractibus nomina sunt actionum. *L. 1. & 3. de præscriptis verb.* Actio in rem pignori uno nomine appellatur, ex re, hypothecaria; ex auctore Serviana, de rebus coloni; de cæteris rebus, quasi Serviana, quia ad exemplum Servianæ introducta est. *§. item Serviana, Instit. de n. l.* Unde & utilis Serviana dicitur, *L. 1. infra de precario, L. 1. in princip. & §. cum prædictum, D. de pignorib.* Eadem contempta hac subtili differentia interdum absolute dicitur Serviana, ut hoc loco, & in *L. 4. D. de pignorib.*

4 Hæc, ut in res rem est, ita datur adversus pignoris possessorem. *L. si fundus, §. in vindic. D. de pignorib.* Nec refert, utrum sit is debitor, an vero extranei possessores. Nam & ille tenetur hac actione, quanvis rem a debitore, eodemque domino emerint, & traditam acceperint; quoniam debitor nullo suo facto, aut alienatione, creditoris conditionem deteriore in pignore facere potest. *L. distrahitis, L. debitorem, infra, de pignorib.* Et hoc ita est, nisi possessores præscriptio longi temporis tui sint. *L. 1. & 2. infra si adversus creditor. præscriptio opponatur.* Hac utraque actione constituta quæritur est de electione, an possit 5 † creditor omissio debitoris, seu ommissa

actione, aut personali, aut Serviana adversus possessores, etiam extraneos, persequi pignora? Et olim placebat posse. Quod ius in hac lege traditur, & *L. 1. L. persequutione, infra, de pignorib.* Quod postea † mutatum est a Iuliano Novell. 4. de fideiussor. §. sed neque, ubi constituit, non prius perveniri posse ad pignorum possessores, quam convento debitore principali, deinde ordine fideiussoribus & mandatoribus, & horum omnium discussis facultatibus, contingerit, creditorem suum consequi non potuisse. Cui constitutioni † contraria videtur eiusdem Iuliani constitutio Novell. de litigiosis, §. ab hoc autem, ubi diserte cautum est, licere debitori hypothecas, quas dederit, pro arbitrio suo vendere, & ratam esse venditionem, si ex pretio satisfecerit creditori; sin minus, licere creditori, eandem hypothecam vindicare.

Ubi apparet, permitti creditori vindicare rem non a debitore, qui iam hypothecam non possidet, sed ab emptore, in quem hypotheca translata est. Et certe cavere de debitore stultum esset; cum nemo unquam dubitaverit, quin creditor suo arbitratu cum debitore possit experiri. Apparet & illud ex verbis, creditorem ab emptore hypothecam vindicare posse, etiam nondum prius discussis debitoris, aut fideiussorum facultatibus. Nam sine alia conditione vindicatio creditori illic datur: ut appareat, nullam solutionem ex his, quæ ab Accursio & hic & illo loco asseruntur, veram esse: Vera est sententia, † quam Bartolus refert & probat in 8 *Auth. hoc creditor, infra, de pign. exilimantium in dict. Novell. de litig.* Iulianum constituere de hypothecis, de qui-

quibus lis inter debitorem & creditorem moveri coeperat, conventionione iudiciali. De his quaritur, an liceat debitori eas vendere? Movet dubitationem, quod non licet possessori rem litigiosam, id est, de qua lis illi moveri coepit, vendere. Quod ius ad hypothecas, de quibus controversia est, videtur pertinere. Et Iustinianus de iis cavet, in hypothecis hoc ius se concedere, ut quamvis de his controversia moveri coeperit inter debitorem & creditorem, liceat nihilominus eas debitori iure suo pro arbitrio distrahere, ut rata sit venditio: hac lege tamen, ut nisi ex pretio satisfecerit creditori, liceat creditori eas vindicando persequi ab emptore. Sed hic opponuntur verba Constitutionis. Nam simpliciter Iustinianus loquitur de hypothecis, nec addidit, de quibus lis inter debitorem & creditorem mota sit?

Respondeo. Et si hæc verba aperte non adiecerit; tamen satis intelliguntur ex eo, quod dicit, se a superiore litigiosi verbo hypothecas excipere. Durius definierat Iustinianus litigiosam rem esse, de qua lis inter possessorem & actorem moveri coeperat. Ab hac definitione postea distulit se ex-

cipere hypothecas. Male aliquid excipitur ex regula, nisi quod verbis regula continetur. *argument. in L. regula, 1. D. de regul. iur.* Quare cum dicitur, a superiore definitione se excipere hypothecas, vi ipsa hoc dicere intelligitur, se excipere hypothecas, de quibus lis mota erat inter debitorem & creditorem. Nam regula præcesserat de his rebus, de quibus lis moveri coeperat.

Ex quo responso constituitur hæc distinctio ex constitutionibus Iustiniani, circa electionem pignoris persequendi, † ut si quidem res hypothecæ data pervenit ad extraneos possessores, priusquam lis de ea moveatur inter debitorem & creditorem: possessores pignoris conveniri non possint, nisi ordine discussis facultatibus debitoris & fideiussorum. Idem iuris est, si postquam lis moveri de hypotheca coeperat, debitor eam vendidit, & ex pretio creditori satisfecit. Quod si lite iam ei mota rem distraxerit, neque ex pretio solvit creditori; ius antiquum manet, ut liceat creditori pro arbitrio, aut cum debitore experiri, ut ante, aut pignora a possessoribus quibuslibet persequi.



A D T I T U L U M X I .

U T A C T I O N E S

E T A B H E R E D I B U S ,

Et contra heredes incipiant.

*L. unica. Cum stipulationes.**Imp. Iustinianus A. Joanni P. P.*

Cum stipulationes, & legata, & alios contractus post mortem compositiones, antiquitas quidem respuebat, nos autem pro communi hominum utilitate recepimus: consentaneum erat, etiam illam regulam, qua vetustas utebatur, more humano emendare: Ab heredibus enim incipere actiones, vel contra heredes, veteres non concedebant, contemplatione stipulationum ceterarumque caussarum post mortem conceptarum. Sed nobis necesse est, ne prioris vitii materiam relinquamus, & ipsam regulam de medio tollere, ut liceat & ab heredibus, & contra heredes incipere actiones [& obligationes:] ne propter nimiam subtilitatem verborum latitudo voluntatis contrabentium impediatur. Dat. XV. Kal. Novemb. Constantinop. post Consulatum Lampadii & Orestis. VV. CC.

S U M M A R I A .

1. *Veterum regula: in stipulationibus & legatis actiones ab heredibus & contra heredes incipere non posse, a Iustiniano sublata & n. 2.*
3. *An recte Iustinianus eam veterum regulam sustulerit: qua dubitandi ratio.*

4. *Hæc Iustiniani constitutio & naturæ & æquitati consentanea ostenditur; & simul contraria diluuntur & n. 5.*
6. *In aliis caussis convenit cum veteri iure hæc constitutio: quæ illa sint explicatur & n. 7. & 8.*

Veteres, quorum sententia ante Iustinianum obtinebat, improbabant stipulationes post mortem stipulatoris, aut promissoris conceptas, id est, quibus aut quis stipularetur sibi dari post mortem suam, aut quis promitteret se daturum post mortem suam: absurdum rati & contra naturam, ut vel deus mortuo, vel deus mortuus. §. *post mortem, Inst. de inutilibus stip.* In eadem causa habebantur legata relicta post mortem vel heredis, vel legatarii. §. *post mortem, Inst. de legat.* Iustinianis etiam temporibus introducebatur hæc regula, quæ itidem proinde certo obtinebat, in huiusmodi & stipulationibus, &

legatis actiones ab heredibus aut contra heredes incipere non posse: Id enim consequens est, si in persona decessorum stipulatio non constitit. Iustinianus hoc ius utrumque sustulit. Ac primum stipulationes omnes huiusmodi & legata post mortem concepta recepit. *L. scrupulosam, infr. de contrab. stipul.* Ex qua constitutione sunt illi paragraphi duo, quos supra citavimus, (*post mortem, Inst. de legat.*) Restabat regula superior, quam illa constitutione non attigerat. Itaque ne quis ea regula etiamnum impediretur, eam quoque subtulit, quod hac lege factum est. Ita utroque iure superiore sublato hic constituit

stituit in univcrsum actiones ab heredibus, & contra heredes incipere posse. Quid-
 3 quid hic Iustinianus constituit, non vide-
 tur † eius constitutio defendi posse. Pri-
 mo ratione, quominus aut naturæ adver-
 setur, aut conventioni contrahentium, ac
 proinde manifestis regulis iuris & aequita-
 tis. Primum: Non videtur eiusmodi sti-
 pulationes, quales diximus, per rerum natu-
 ram consistere posse, multoque minus
 per regulas iuris. Ius certum est, quoties
 aliquid promittitur, quod natura dari fie-
 rive non potest, toties stipulationem esse
 inutilem; quia est impossibilis.

Hæc regula iuris: impossibile nulla
 obligatio est, *L. si stipulor, D. de verb.
 obligat. I. impossibile, D. de regul.
 iuris*. Tales sunt autem stipulationes, de
 quibus agitur. Proinde certo inre inutilis,
 ut nec ulla constitutione utiles fieri pos-
 sint, aut debeant. Esse impossibiles liquet.
 Nam qui stipulatur sibi dari post mortem
 suam, & stipulatur sibi dari mortuo, &
 qui promittit se post mortem suam datu-
 rum, promittit se mortuum datum. Quo-
 rum utrumque per rerum naturam fieri non
 potest. Non enim magis aut mortuo dari,
 aut mortuus dare potest, quam mortuus
 promissus potest dari; qui tamen si pro-
 missus sit, constat stipulationem ut im-
 possibilem, nullis esse momenti. *L. si
 4 homo, D. de verb. obligat.* Respondetur. †
 Si a persona stipulatoris & promissoris non
 receditur, in iis stipulationibus sine dubio
 stipulatio est impossibilis. Neque enim, ut
 dixi, mortuo dari potest, aut mortuus da-
 re: sed si mortuo non datur, dabitur eius
 heredi; si mortuus non dat, dabit eius he-
 res. Horum utrumque per rerum natu-
 ram fieri potest: proinde ex heredum per-
 sona stipulatio est possibilis, eoque utilis.

Sed hic nobis occurrit. Nam conven-
 tio refragatur, quo minus stipulatio valeat
 ex persona heredum, sen quo minus da-
 tio ab horum persona incipiat. Ex omni
 contractu nulla obligatio esse potest sine
 conventione. *L. 1. §. 1. D. de pact.* At
 in iis stipulationibus, cum quis stipulatur
 sibi dari post mortem suam, conventio
 est, ut detur stipulatori, non heredi, &
 cum quis promittit, se datum post mor-
 tem suam, conventio est, ut promissor
 det, non heres eius. Proinde contra con-
 ventionem neque heredi stipulatoris pri-
 mum dabitur, neque heres promissoris pri-
 5 mum dat. Respondetur. † Hæc ita sunt
 secundum subtilitatem verborum: cæterum
 mens & sententia contrahentium est, ut
 stipulatoris heredi detur, & promissoris he-
 res det. Hanc sententiam in stipulatione

sequemur contemptis verbis. Et hanc ra-
 tionem indicat Iustinianus in fine burni le-
 gis, ubi dicit: *se non pati, ut propter
 subtilitatem verborum voluntates contra-
 hentium impediantur*. Sed hæc voluntas
 & sententia contrahentium nobis demon-
 stranda est, quin introducti videator præter
 verba; sic autem facile demonstratur. Sti-
 pulatio hæc, omnino *mibi post mortem
 meam dabis*, est ambigua. Potest enim
 sic intelligi, ut mihi ipi des. Potest et-
 iam sic accipi, ut mihi des in persona he-
 redis mei. Nam cum heredi meo dabis,
 mihi ipi dare videberia, propterea quod
 definitione iuris certa placuit, heredis ean-
 dem esse personam & defuncti. *Novell.
 de iurciurando præfatio a moriente, cir-
 ca med.* Regula iuris: quotiescunque sti-
 pulatio ambigua est, eam interpretationem
 capiendam esse, qua sit, ut stipulatio va-
 leat, non autem sit inutilis; quia hæc mens
 est contrahentium, qui si nihil agere vo-
 luissent, stipulati omnino non essent. *L.
 quoties in stipulat. D. de verb. oblig. L.
 quoties, D. de reb. dub.*

Et generaliter traditur: in stipulationi-
 bus semper sequendum esse id, quod actum
 est. *L. semper in stipulation. D. de reg.
 iur.* Et ne cui nova videatur hæc con-
 stitutio & interpretatio Iustiniani, idem
 etiam veteribus illis placebat in fideicom-
 missis. Nam si heres institutus, aut legiti-
 mus rogatus sit, hereditatem restituere post
 mortem suam: omnes consenteant, fidei-
 commissum esse utile, & mortuo herede
 restitutionem incumbere eius heredi, *L.
 heredi meo, in princip. §. 1. L. dedu-
 ctæ, §. hereditatem, & §. cum autem,
 D. ad Trebell.* Quod non alia de causa
 non recipiebatur, quam quod intelligere-
 tur, hanc esse sententiam de mente testa-
 toris: non ut heres mortuus ipsemet re-
 stitueret, quod fieri non potest, sed ut re-
 stitueret eius heres. Quam sententiam si
 in fideicommissis esse dicimus, cur non
 admittamus & in legatis? Cur non item
 & in stipulationibus, cum in omnibus iis
 causis eadem esse verba appareat. Recte
 igitur Iustinianus totum illud ius superius
 mutavit.

Sed verba Iustiniani expendenda sunt,
 ne secus accepta, quam oportet, in ali-
 quam reprehensionem, & repugnationem
 incidant. Alii: *actiones ab heredibus, &
 contra heredes incipere non potuisse*. Sed
 addita contemplatione stipulationum & si-
 milium causarum post mortem concepta-
 rum. Recte hoc posterius addidit. Nam †
 6 extra has causas etiam iure vetere actio-
 nes ab heredibus, & contra heredes in-
 cipere

epiere potuerunt, quod sit in stipulationibus in diem conceptis & conditionalibus.

Nam cum quid in diem promissum est, statim nascitur obligatio. Sed actio non, antequam dies venerit. Nam ante peti non potest. §. *in diem*, *Institution de verb. obligat.* *L. censesumus, in princip. L. cum, qui Calendis, §. 1. D. de verb. obligat.* Et tamen si ante diem stipulator decesserit, heredi eius actio acquiritur, & si promissor ante diem decessat, heres eius tenetur, ut det. *L. ad diem, D. de verb. obligat.* Similiter pendente conditione neque obligatio neque actio illa nascitur. *L. cedere, D. de verb. significat.* Et tamen siue stipulator, siue promissor pendente conditione decessat, spes est debitum iri: eaque spes ad heredes transmittitur, ut scilicet conditione impleta & stipulatoris heredi dandum sit, & promissoris heres dare debeat. §. *ex condicionali, Institution. de verb. obligat.*

Ex quo intelligimus, in iis causis actiones ab heredibus & contra heredes incipere, etiam iure vetere; sed non adversatur huic constitutioni, in qua id non negatur. † Observandum est & illud, quod Iustinianus ait; *licere actiones ab heredibus, & contra heredes incipere*, non dicit actiones omnes ab heredibus & contra heredes incipere, sed incipere posse, quia possunt aliquando, non semper. Quod si diceretur, actiones ab heredibus, & contra heredes incipere, talissima esset sententia. Nam si tibi promiserim, ut hominem occidas, & occideris, non obligor. *L. generaliter, D. de verb. obligat.* neque te mortuo heredibus tuis obligabor,

neque me mortuo heredes mei tibi tenebuntur. Absurdum enim plus heredibus suis tribui, quam tibi, plus heredes meos debere, quam defunctum, eum heredes nihil amplius, quam in locum defuncti succedant. *L. qui in ius, L. heredem, D. de regulis iuris, L. hered. eodem.*

Huc pertinet regula iuris. Quod initio vitiosum est, tractu temporis convalescere non potest. *L. quod initio, D. de regul. iuris.* Item: In legatis conditionalibus eveniet, ut si pendente conditione legatarius decessat, quemadmodum legatario nihil debitum fuit: sic nec debeat legatarii heredibus, ut non possit actio ab heredibus legatarii incipere. *L. 4. L. 5. D. quando dies legati cedat.* Quando igitur intelligimus, posse actiones § ab heredibus & contra heredes incipere ex hac constitutione? Respondetur ex iis, quæ proposita sunt hoc loco, nempe cum stipulatio ab initio iure constitit, & nihil amplius obstat, quam dilatio, qua obligatio in mortem dilata est, vel stipulatoris, vel promissoris. Quæstioni huius scripti locus est, cum agitur de hereditariis actionibus. Nam in iis actionibus hæc regula certi iuris traditur: Quæ actiones alicui, aut in aliquem, competunt, hæc heredibus dantur, & in heredes transeunt a defuncto. Quid si actiones non constitierint in persona defuncti, an ab heredibus incipere poterunt, & contra heredes? Poterunt in iis causis, de quibus hic agitur, secundum ea, quæ exposuimus. Ex quo apparet, hunc titulum esse appendicem tituli *de hereditariis actionibus*, infra, & ei titulo convenienter subiici debere, & posse.



A D T I T U L U M XII.

N E U X O R P R O M A R I T O ,

VEL MARITUS PRO UXORE, VEL MATER PRO FILIO CONVENIATUR.

Ad Rubricam.

S U M M A R I A .

1. *Continuatio huius tituli, & sequentium.*
2. *Actio in personam semper est adversus eum, qui nobis obligatus est.*
3. *Alius aut ex persona alicuius debitoris non possit conveniri?*
4. *Nemo ex alterius persona conveniri potest, quacunque de causa, & quicunque sit actor, & n. 5.*
6. *Non maritus pro uxore & vicissim; non parentes pro liberis, nec hi pro parentibus, nec libertus pro patro-*

no; nec servus pro domino conveniri possunt.

7. *Septem genera personarum & obligationum excipi a superiore definitione; quæ sint.*
8. *Species & modi exceptionum singuli obiter explicati, aut eorum sedes indicata.*
9. *Quare exceptis proxime obligationibus huius loci definitio non adversetur.*

His titulis sex sequentibus tractatur locus communis ¶ de actione in personam, adversus quem actio in personam competat. Seu quod idem valet, quis ex contractu, aut maleficio aliquo conveniri possit. Quæstio nascitur ex hoc principio, quo constituitur, actionem in ¶ personam esse semper adversus eum, qui nobis obligatus est. Quod traditur in §. 1. *Institutionum. de act. & L. actionum D. de obligat. & act.* Ad huius principii explanationem quæstio hæc introducitur: an ¶ ex persona alicuius debitoris alius non possit conveniri? qui locus exponitur his sex titulis, ut dixi, contineturque hic locus una definitione cum suis exceptionibus. Definitio sit hæc, quæ traditur in *L. 3. infr. hoc titulo, & in La. t. infra, titulo seq.* Ex persona alterius ¶ nemo conveniri potest, nemo obligatur, eoque nec conveniri, aut inquietari potest, neque ipse, neque res eius. Definitio ducta ex superiori principio. Hæc regula generalis est, sive causa, ex qua agitur, spectetur, sive persona eius, qui agit, sive persona eius, qui convenitur. Ex persona alterius nemo conveniri potest, quacunque ex causa agatur. Exempli gratia: uxor ex ¶ contractu mariti conveniri non potest. *L. 1. hoc tit.* non poterit, ne ex

Tom. VII.

delicto quidem mariti *L. 2. eodem.* Nihil etiam hic refert, a quo aliquis conveniatur, utrum a privato, an a fisco, ut puta, fiscus ob culpam mariti agit, aut mariti bona occupat. Hæc causa publica est, non privata; quia est fisci. Dicimus, non eo magis uxorem, aut bona uxoris pro marito inquietari posse. *d. L. 2. hoc tit.* Idem dicimus, si munerum civilium nomine, cum hæc deferrentur marito, conveniatur uxor, aut res uxoris. *L. 3. hic.*

Similiter nihil refert, quis sit is, qui nomine creditoris convenitur. Quæ sententia his duobus titulis proximis confirmatur, remotione earum personarum, de quibus præcipua dubitatio esse poterat: ut sit in eo confirmatio a maiore huiusmodi: si quæ ¶ personæ pro aliis conveniri possunt iuste: hæ sunt: quæ aut debitori lunctæ sunt matrimonio, aut lunctæ sanguine, aut debitori honorem, obsequium, & reverentiam debent. Exempli gratia: ex primo genere præcipue conveniebat conveniri posse matrem pro filia, patrem pro filio, filium pro patre, aut matre. Ex tertio genere maxime conveniebat, conveniri posse pro patrono libertum, pro domino servum, quatenus inquiet-

III

inquietari potest. At nihil horum est. Ex quo consequens esse intelligitur, neminem omnino quacunque conditione sit, pro alio conveniri posse. Non uxor pro marito conveniri potest, *L. 1. § 2. hoc tit.* non maritus pro uxore. *L. 3. circ. fin. eodem* non mater pro filia. *L. 3. § L. ult. hic* non pater pro filio, *L. 1. § penult. infr. proxim. titul.* non filius pro patre, *L. 2. § 3. infr. proximo titulo*, non libertus pro patrono, sui servus pro domino, *L. ult. infr. titulo seq.*

Nemo igitur pro alio conveniri potest. Hæc regula has exceptiones habet. Sunt, 7 † qui pro aliis conveniri possunt. Primo, qui se pro debitore oblitrinxerint, vel fideiubendo, vel mandando, vel pecuniam constituendo. Secundo magister navis ex contractu exercitoris. Tertio dominus negotiationis ex contractu insitoris sui. Quarto pater ex contractu filii, quem in potestate habet. Quinto dominus ex contractu & maleficio servi. Sexto, debitor ex contractu & obligatione creditoris sui. Postremo heredes ex obligatione defuncti. Primum † qui se pro debitore oblitrin- 8 xerunt. *L. 3. infr. hoc titulo, L. 1. infra titulo sequent.* quæ partim exceptio est, partim non est exceptio. Nam, qui se pro debitore oblitrinxerunt, si proxima causa spectatur, conveniuntur ex suo contractu & persona sua: sin origo & initium obligationis spectetur, conveniuntur ex persona alterius, pro quo se oblitrinxerunt, & ideo non male hi excipiuntur a superiori regula. In hoc tamen numero non est mulier. Nam hæc pro alterius ob-

ligatione conveniri non potest, sive se non oblitrinxerit, sive se oblitrinxerit, quia luvatur Senatufconsulto Velleiano, ne teneatur ex intercessione. *L. 1. hoc titulo.* Ex contractu exercitoris tenetur magister navis, qui cum navi exercendam præposuit. Idque in solidum, quam ad rem est constituta edicto prætoris actio exercitoria. Similiter ex contractu insitoris in solidum tenetur dominus, qui insitorem negotiationi præposuit, continua in eam rem actione insitoria, de quibus *tit. infra, de insit.* & *exercitor. act.* dicitur. Ex contractibus filifamilias tenetur pater, eo modo, ut dicitur *ad L. 1. infr. proximo titulo*, ubi etiam dicitur, quatenus ex servi facto dominus teneatur. Similiter & debitores debitoris nostri interdum a nobis conveniri possunt, quæ exceptio tractatur *infr. quando fisc. vel privat. debitores debitoris sui convenire poss.* Heredes ex persona defuncti teneri ius certum est. Hinc *tit. de hereditat. actio. infr. § tit. seq.* ut intelligi possit, ex quibus causis heredes teneantur. Non † ad- 9 versatur iis actionibus, & contractibus definitio, quæ traditur in *L. 3. hoc tit.* Nam generaliter vere definitur, neminem ex alterius contractu obligari. Verum est enim, istos, quos diximus, non obligari: neque ideo conveniuntur, quia obligantur ex contractu alieno; sed aliis de causis, vel quis obligentur ex contractu suo, ex quo se oblitrinxerunt, vel aliis de causis, quæ in singulis exceptionibus suis locis exponuntur.



Ad L. Frustra 1.

Impp. Diocletian. & Maximian. AA. & CC. Asclepiodotæ.

Frustra disputas de contractibus cum marito tuo habitis, utrumne iure steterint, an minime: cum tibi sufficiat, si proprio nomine nullum contractum habuisti, quo minus pro marito tuo conveniri possis, quod nec si sponte pro eo intercessisses, quicquam a te propter senatusconsultum exigi iure potuisset. Dat. Frid. Id. April. Diocletiano III. & Maximiano A.A. Coss.

S U M M A R I A.

1. *Uxor quomodo se excusare debeat, si conveniatur ex contractu mariti.*
2. *Ins summum possponitur Senatusconsulto Velleiani.*
3. *Mulier, si cum marito in eodem instrumento, se, aut res suas obligavit, ipso iure non tenetur.*

Si uxor ex contractu mariti non tenetur, frustra suscipit in se hoc onus, ut dicat, contractum mariti iure non constituisse: cum sufficiat dicere contractum esse mariti, siue valeat, siue non valeat: se autem ex contractu mariti iure non teneri. Quod adeo verum est, ut nec sic se obligare pro marito teneatur. I quo notandum est, ut si re iam aut contra-

Ea sua sponte se, aut rem suam obligavit
 pro marito, intercessionem tamen quidem iure
 summo valere, sed uxorem exceptione
 Senatusconsulti Velleianam tutam esse. *L. 2.*
et toto tit. infr. ad Velleianum. Quod
 si tamen una cum marito in eodem instrumen-
 to se, aut res suas obligavit, Iustinianus
 constituit, mulierem ipso iure non tueri.
Novell. ad nulli indic. §. et illud vero.

Ad L. Ob maritimum 2.

Idem AA. Terentia.

*Ob maritorum culpam uxores inquietari leges vetant. Proinde rationa-
lis [nos] si res, quæ a fisco occupatæ sunt, dominii tui esse probaveris,
ius publicum sequetur. Dat. III. Non. Septembr. Diocletiano & Maxi-
miano AA. Coss.*

S U M M A R I A.

1. *Bona uxoris cum bonis mariti ob delictum damnavi non prohiberi, & a fisco occupata uxori restitui debere. Rationalis principis quis dicatur & ins publicum quid. ibid.*
2. *Si tamen uxor probet ad dominium suum pertinere res a fisco occupatas; & hoc quam recte sis constitutum & n. 3.*
3. *Probatio uxoris infla & plena esse debet.*
4. *Quare non ut in pignore, hic qualiscumque probatio sufficiat.*
5. *Uxori quando plura, & quando minus tribuatur, quam ceteris, quia ex alterius persona conveniuntur?*

OB culpam, vel delictum mariti bona a fisco occupata sunt, ut solent bona damnatorum & proscriptorum, *sicul.*
Tom. VII.

de bonis proscriptis. & damnatis. infra, &
D. de bon. damnatis. In iis bonis, † si
 quæ prædia, aut res aliæ fuerint uxoris,
 iii 2 pla-

placet, ea restitui uxori debere, si probaverit suas res esse: in eoque rationalis Principis ius publicum sequetur. Rationalis est procurator fisci, apud quem causæ fiscales agitantur & deciduntur. *L. ad fiscum supra, ubi causæ fiscales, titul. D. de offic. procurat. Caf. seu rationalis, & aliis locis innumeris.* Ius publicum sequetur, id est, secundum ius publicum, quod supra traditum est, iudicabit, & iubebit res, quæ sunt uxoris, ei petenti restitui.

Ius publicum, id est, ius commune, ut in lege Falcidia; *quantam pecuniam cuique civi Romano iure publico dare legare volet. L. 1. D. ad L. Falcid.* Sic in *L. patronus. D. de tut. & L. ex sententia D. de test. tut. & aliis innumeris locis.* Sed hæc ¶ ea conditio, si mulier probaverit, res a fisco occupatas suas esse. Ex quibus verbis intelligitur, si de dominio harum rerum controversia sit, probationem mulieri incumbere, non fisco. In eandem sententiam scriptum est *infr. de privil. fisci.* Quod si mulier eas res, quæ occupatæ sunt, prius possidebat? Vulgaris sententia est, sufficere, si mulier probet possessionem; quod verbis huius legis adversatur, ubi exigitur ab ea domini probatio. Item *L. 1. infr. de privil. fisci.* 3 Hæc ¶ optima ratio est, cur exigatur ab uxore, ut probet res suas esse, quanvis eas antea possederit pro suis. Nam iuris certi præsumptio est, pro honore & estimatione mulierum recepta, ut uxor existimetur nihil habere, aut si quid habet, existimetur a marito suo habuisse. *L. Quintus. D. de donat. inter virum & uxor.* Hoc posito, consequens est, uxorem probare debere, eas res sibi optime esse quæsitas. Nam si illi traditæ non sunt a marito, maritus dominus existimatur. Proinde adversus eam præsumptionem uxor de dominio suo probare debet; uti solet præsumptio transferre onus in adversarium. *L. De indebito, D. de probat.*

Quod si mulier dicet, eas res sibi a marito, aut aliunde recte quæsitas; tamen

quia præsumuntur aliquando mariti fuisse, probatio eius esse debet, qui dicit, sibi a marito, aut aliunde esse quæsitas, *inæta Leg. siue possidetis, infr. de probat.* Quærimus, ¶ qualem hanc probationem esse oporteat: utrum summariam, an plenam? Vulgo placet, summariam esse debere. Quod & verbo probationis, quod est hoc loco, refellitur; quoniam non est probatio, nisi iusta probatio: sed multo magis refellitur verbis *L. 1. infr. de privil. fisci:* ubi liquida probatio ab uxore exigitur in hæc causa. Nihil pro ¶ contraria facit. *L. a Divo Pio, §. si rerum, D. de re indic.* ubi si ex causa iudicari res condemnati pignore captæ sint, & existat aliquis, qui dicat, rem aliquam captam suam esse; placet, iudicem de proprietatis eius controversia summariam cognoscere debere. Multum interest, utrum pignora debitoris capiantur, an res a fisco pro rebus fisci occupentur.

In rebus pignori captis summaria cognitio locum habet: sed res damnati, quæ a fisco occupantur, sunt fisci, quas ille iure proprio occupat, non iure pignoris. Hic monendi sumus ¶ quiddam proprie servari in persona uxoris, cum de conventionem ex persona mariti agitur: Nam uxori interdum amplius aliquid tribuitur, quam cæteris, qui ex persona alterius conveniuntur, interdum minus. Plus tribuitur in eo, quod ex persona mariti uxor conveniri non potest, quanvis se pro eo obstruxerit, de quo dictum est ad *L. 2. ad L. 1. supr.* Minus tribuitur uxori Præcipilli. Nam si excussis Præcipilli facultatibus reperitur non esse solvendo; placet, perveniri posse ad dotem uxoris, singulari iure *L. 4. infr. in quibus causis pignus tac. contrah.* Et tamen constat, dotem esse uxoris, *L. in rebus, infr. de iur. dot.* Hanc exceptionem licebit adiacere superioribus exceptionibus, quas proposuimus initio huius tituli, cum diximus, neminem regulariter ex persona alterius conveniri posse.

Ad L. Cum se. 3.

Iidem AA. & CC. Carpophoro.

Cum te possessiones non in dotem pro filia tua dedisse, sed ad sustentandam eam extra dotis causam filiae tuae pradia assignasse proponas: civilium munerum vel onerum municipalium obtentu, ex persona mariti eius, quomodo matres ex persona filiorum interpellari non possunt: cum neque maritum pro uxoris obligatione conveniri posse constet, nisi ipse pro ea se obnoxium fecit. Certissimum enim est, ex alterius contractu neminem obligari. III. Id. Septemb. Sirmii AA. Coss.

S U M M A R I A.

1. Munera civilia suscipere detrectans dupliciter tenetur.
2. Possessiones quomodo dicantur conveniri & inquietari?
3. An pradia filiae seu uxoris inquietari iure possint ex persona mariti.

4. Tria statui in hoc rescripto; ea quae sunt.

Mater filiae suae possessiones, id est, pradia quaedam assignaverat, ut ex iis filia se sustentaret. Itaque pradia manserant matris tantum, possessio tradita erat filiae, utendi fruendi causa. Huius filiae maritus vocatus erat ad munera aliqua & onera civilia, vel a magistratibus municipalibus, vel ab iis, a quibus munus aliquod deferri potest. Cuius generis munera referuntur in L. 1. & ult. D. de muneribus. Haec munera delata sunt quibus suscipere detrectat, dupliciter tenetur; Nam ad munus suscipiendum a praefide cogi potest extra ordinem iis remediis, quibus magistratus nec obediens cogere solent, L. si quis magistratus, D. de munerib. L. 1. in princ. D. de admi. tut. Remedia cogendi haec sunt: vel ut multa indicatur, vel pignora capiantur, & distrahantur, Leg. 1. §. ex hoc rescripto, D. de insp. ventre. Praeterea si is, qui ad munus vocatus est, cesset: obligatus est ad damnum Reipublicae, vel eorum, ad quos eius munus utilitas pertinebat L. Lucius, primo resp. L. 2. D. ad municip. Secundum erit: Maritus in proposito muneris civilis delati nomine conveniebatur: conveniebantur etiam eius res, quae pignori capiebantur. In iis etiam conveniebantur possessiones eae, de quibus diximus: quae filiae, eidemque uxori mariti assignatae erant: de quibus possessionibus cum agitur adversus possessores, vel vindicatione, vel hypothecaria actione, vel extra ordinem a magistra-

tu, dicuntur in usu iuris etiam possessiones conveniri; quia possessores conveniuntur propter possessionem. L. 1. D. de public. eodemque modo recte dicuntur possessiones ipsae inquietari, ut in hoc rescripto. Quaeritur: et An in hac causa pradia ista, de quibus diximus, recte inquietentur ex persona mariti? Respondetur, inquietari non posse, id est, eorum nomine neque uxorem neque matrem conveniri posse. Primum; quia haec pradia non sunt uxoris, sed maris, mater autem pro filia conveniri non potest. Deinde, quia etsi haec pradia essent uxoris; tamen uxor pro marito inquietari non potest. L. 1. & 2. supr. Huius rei argumentum est; quia neque maritus ipse pro uxore conveniri potest. Argumentum est a maiore. Nam, qui facilius onus ferre possunt, eos tolerabilis est onus ferre: facilius autem maritus onera uxoris ferre potest, propter virtutem & industriam, quam uxor onera mariti. Proinde tolerabilis est, maritum ferre onera uxoris, quam uxorem viri. At nec maritus onera uxoris agnoscere cogitur. Verum est igitur, quod diximus, & recte constitutum, uxorem debitum & onus mariti agnoscere non esse cogendam. Ita hoc rescripto tria statuuntur, matrem pro filia conveniri non posse, uxorem pro marito, nec maritum pro uxore. Et generalis sententia traditur, neminem ex contractu alterius obligari, de qua definitione initio huius tituli diximus.

Ad L.

Ad L. ult.

Idem AA. & CC. Philothera.

Cum te ideo ex persona filii tui commemorare conveniri, quod pro debitis eius aliquid intulisse videaris: defensionibus tuis uti apud eum cuius super ea re notio est, minime prohiberis: ut is ad solutionem alieni debiti urgeri te non patiat. Dat. X. Kal. Septembr. Titiano & Nepotiano Coss.

S U M M A R I A.

1. *Mater quomodo pro filio non conveniatur?*
2. *Mater si ultro partem debiti agnoverit, & solverit creditori, an reliquum solvere cogenda sit.*
3. *Partem pro altero solvens, pro altera se non obstringit.*
4. *Numeratio pecunie accipientem non obligat, nisi cum id agitur, ut obligetur.*
5. *Liberalitati unusquisque voluntate sua modum facit.*
6. *Partem praestans, quam non debeat, an ad reliqua quantitatis praestacionem obligetur?*
7. *Heres ex voluntate defuncti solvens, quod non debet, semper obligatur in reliquum.*

1 **M**ater ꝑ pro debito filii conveniri non potest. Hoc certum est rebus adhuc integris. Quid si mater ꝑ vulgo partem debiti agnoverit; & solverit creditori? An reliquum solvere cogenda non est? Et placeat: Non esse. Recte. Nam generaliter tenendum est, neminem ex alterius contractu & persona conveniri posse, nisi se pro eo obstrinxerit. *L. 3. sup. L. 1. proximo titulo.* Qui autem partem pro debitore ꝑ solvit, hac solutione minime intelligitur se in alteram partem obstringere. Ut enim numeratio ꝑ pecuniae accipientem non obligat, nisi cum id agitur, ut obligetur. *L. non omnis, D. si certum petatur*, sic multo minus numeratio tantem obligabit, ubi aperte non id agitur, ut obligetur. Nam si quis dat solvendi causa, hoc ipsum certum argumentum est, non dare eum obligationis contrahendae causa. Pugnans enim obligationem solvere velle, & velle contrahere. Quod si is, qui partem ultro solvit, ceteros donare, & liberalitatem exercere voluit, in eo, quod donatum voluit, non tenebitur. Est enim egregia sententia *L. tutori, sup. de neg. gest.* unumquemque ꝑ liberalitati suae modum facere: cum satis abundeque sufficiat, vel in minimis amici liberalitate alii consuli. Ex generaliter definiendum est. Quoties quis ꝑ parte praestet, quod non debebat, aut praestet aliquid

annuum certis annis, quod non debebat: non ideo eum ad reliquae quantitatis, aut reliqui temporis praestationem obligari. *L. si certis, sup. de pactis, L. creditor, infr. de usur.* quibus hunc locum adiungemus. Sane si quis aliquid annuum longo tempore praestiterit: potest ea praestatio argumento esse, eum qui ita solvit, debuisset, si forte de eo controversia antea fuerit: quae est sententia *L. de in rem verso, D. de usur.* Sed si constet, eum, qui praestitit, non debuisset, ut nunc de eo quaerimus: nunquam praecedens praestatio efficiet, ut in reliqui temporis, aut reliquae partis praestationem obligetur: quia, ut dixi, non id actum est. Sed haec locum non habent in herede, ꝑ qui ex voluntate defuncti solvit, quod non debebat. Nam si quid annuum legatum sit inuicem testamento, & id heres per tres annos praestiterit, non solum non repetet soluta, sed etiam in reliquum tempus obligatur, ut fideicommissum praestet: voluntate defuncti, ac domini. *L. 1. infr. de fideicommiss.* Praeterea, si legata relicta sunt utiliter, sed supra dodrantem contra legem Falcidiam: Iustinianus constituit, ut si heres unum ex illis solidum praestiterit, videatur reliqua etiam in solidum agnovisse, ut solida praestare debeat. *Auth. sed cum testator, infr. ad legem Falcid.*

Ad Authent. Sed omnino.

Sed omnino qui alium pro alio secundum formam pignorationis exigit, totum idipsum quicquid sit, in quadruplum vim passio reddet: nec non ab actione pro qua talia praesumit, cadet.


SUMMARIA.

1. *Pena eius, qui alium contra ius coegit pro alio solvere: hoc ius novum & singulare & n. 3.*

2. *Obtemperans iudici, in simplum duntaxat condemnabatur iure veteri.*

EFFECTUM est superioribus rescriptis, neminem ex alterius persona iure conveniri, & inquietari posse: sed contra ius potest. Quid ergo: si quis contra ius cogatur alterius nomine creditori solvere? quid si res alterius pignori capiantur pro alieno debito? De eo hic constituitur, & Novell. Iustinian. *Ut non fiant pignorationes*, unde est hic locus. Unde occasio huius constitutionis nata sit, Iustinianus initio huius legis exponit. Idem significatur in *Authent. habita, infra, titul. sequent.* Et ¶ constituitur hic poena. Est autem hæc: ut qui alium pignoraverit, id est, vel pignoris loco eum tenuerit, vel res eius ceperit pignori, & ita consecutus sit, ut sibi ob alterius contractum vel delictum solveretur: primum, amittit actionem de eo, quod sibi debebatur. Deinde quod extorsit, vim passio in quadruplum restituere cogitur, conditione ex hac lege nova Iustiniani: in quo ius singulare & novum observandum est. Nam iure veteri, si quis sibi ius dixerit adversus debitorem suum, & per vim eum coegerit sol-

vere, non amplius tenetur, quam actione. *Quod metus causa*: ut restituat, quod extorsit. *L. metum, §. sed quod prator, D. quod metus causa.* Hæc actio iure quidem in quadruplum: sed ita, si is qui vim fecit, iussus restituere, iudici non pareat. Quod si ¶ parebit, in simplum tantum condemnatur, §. *item alio de eo, Institution. de act.* Actio autem hoc loco constituta statim est in quadruplum. Quod si quis non extorsisset pecuniam a debitore, id est, non coegisset debitorem, ut daret, sed ipse manu sua eripuisset: poena constituitur *L. si quis in tantum, infra*: ut qui extorsit, & actionem amittat, & tantundem restituere debeat: sed non amplius, quam tantundem. Hic ¶ autem quadrupli poena statuitur præter damnum actionis. Neque tamen hac constitutione superius ius emendatum est. Nam superiora constituta sunt adversus eos, qui aliquid extorquent, aut eripiunt debitori proprio. Hæc autem constitutio est adversus eos, qui pro debitore suo alios pignorant; quod delictum gravius est.



A D T I T U L U M XIII.

NE FILIUS PRO PATRE.

*Ad L. Neque 1.**Imp. Gordianus A. Candido militi.*

Neque ex eius filii persona, qui cum sui iuris esset, mutua pecuniam accepit, pater eius, si non fidem suam obstrinxit, conveniri potest: neque ex eius, quem in potestate habet, si sine iussu eius contractum est: neque si contra Senatusconsultum Macedonianum mutua pecunia data est, amplius quam de peculio actionem sustinere cogitur. Quapropter pater tuus, si ei pecunia a creditore fratris tui extorta est, ad quam reddendam non tenebatur, præsidis provincie auctoritate eam recuperabit. PP. III. Non. Oclob. Pio & Pontiano Coss.

S U M M A R I A.

1. *Pater non tenetur actione ex delicto filiofamilias.*
2. *Pater quot modis pro contractu filii teneatur?*
3. *Pater in quantum pro filio teneatur?*
4. *Pecunia quomodo contra Senatusconsultum filio mutuo detur?*
5. *Pater persuasus, nomine filii solvens, nil repetit.*
6. *Pater si vi compulsus pro filio solvat, quam actionem habeat.*
7. *Domini tenentur nomine servi.*
8. *Domini tenentur ex maleficio servorum noxali actione.*

EX filii persona, si filius sui iuris est, pater omnino non tenetur, id est, neque ex contractu filii, & multo minus ex delicto. De contractu hic scriptum est: de delicto ius certum est, ut mox dicemus in persona filiofamilias. Quod si filius in patris potestate erit, ex eius delicto nulla actione tenetur pater, proinde multo minus ex filii emancipati delicto. §. 1. *ultim. Institutionum. de noxali. act.* At ex contractu eius, qui in potestate est, tenetur pater iure prætorio, sed certis conditionibus, quæ iustas causas habere visæ sunt. Primum tenetur in solidum, si iusserit filium contrahere, & tenetur, quod iussu. Hoc ideo, quia videtur pater contraxisse, cum iussit. *L. 1. D. quod iussu, §. 1. Institutionum. quod cum eo.*

Si pater nihil iussit, & res ex eo contractum in rem patris versa est, tenetur pater de in rem verso, id est, quatenus in rem eius versum est: æquissime, ne ex aliena iactura pater locupletior fiat. §. *præ-*

terea autem, Institutum. quod cum eo. Quod si neque iussit pater, neque quidquam in rem eius versum est, tenetur saltem de peculio filii, id est, si nihil est in peculio, non tenetur: si quid est, hæcenus tenetur. *dict. §. præterea, Institutum. quod cum eo.* Quid de cæteris contractibus dicitur, idem locum habet in pecunia filiofamilias credita, ut eo nomine pater de peculio teneatur: si modo pecunia mutuo data sit, non contra Senatusconsultum. Hoc loco lectio huius rescripti animadvertenda est. Vulgaris lectio hæc est, *si sine iussu eius contractum est, neque si contra Senatusconsultum Macedonianum pecunia mutuo data est, amplius quam de peculio actionem sustinere cogitur.* Quæ lectio hoc exprimit, patrem ex pecunia filiofamilias data, non amplius, quam de peculio teneri, etsi contra Senatusconsultum pecunia mutuo data sit: quæ sententia falsa est. Nam pecunia contra Senatusconsultum filiofamilias mutuo data, neque ipse

ipse filius tenetur, & multo minus pater: ita ut neuter, neque in totum, neque in partem eo nomine teneatur. §. *illud proprie, Institus. quod cum eo.* Lectio igitur emendanda est, & to his verbis: *Neque si contra*, particula Si delenda est, ut etiam desse in veteribus exemplaribus testatur Ruffardus, quæ Germana lectio est, ut sit sensus: Patrem pecunia § filiofamilias mutuo data, non amplius, quam de peculio teneri, si duo concurrant: nempe, si sine iussu patris contractum est: *Neque*, id est, & non contra Senatusconsultum Macedonianum pecunia mutuo data est.

Quod posterius adicitur; quia, ut dixi, si contra Senatusconsultum Macedonianum pecunia data sit, pater omnimodo non tenetur, quia nec in persona filii constitit obligatio. d. §. *illud proprie*. Quod si non contra Senatusconsultum pecunia mutuo data sit, eodem modo tenetur pater; ut ex contractibus cæteris filii. Multis tamen modis accidit, ut pecunia contra Senatusconsultum filiofamilias mutuo non detur: qui magna ex parte comprehensi sunt L. 1. & L. 2. *infra ad Senatusconsultum Macedon.* Hoc iure posito, concluditur in hoc rescripto; si pecunia filio mutuo data, creditor eam pecuniam a patre extorserit, cum non teneretur pater; patrem, aut heredes eius eam pecuniam recuperaturos. Pecunia extorta hoc locum accipienda est, non quæ extorta est suasionibus, ut Accurs. interpretatur, l. quia suasionem nihil extorquetur: deinde quia, si pater § quavis persuasus solvat nomine filii, repetere non possit, duabus de causis. Una; quia repetitio nulla est ab eo creditore, qui suum recepit, quavis is,

qui solvit, non debuerit. L. *repetitio, D. de condit. indebit.* Altera; quia pater sciens se non debere, aut in iure errans, solvit: quibus casibus cessat indebiti repetitio. L. 1. L. *qui sciens, D. de condit. indebit.* de quo diximus ad L. 1. *supra de condit. indebit.* Pecunia igitur hic extorta est vi, ut verbum ostendit, id est, vis allata est patri, ut nomine filii solveret. § ad quod præstandum non tenebatur. Ex quo intelligitur, quæ hic actio patri competat ad pecuniam recuperandam. Ea est actio quod metus causa. L. *metum, 9. §. sed quod præter. D. quod metus causa.*

Hæc de obligatione filiofamilias hoc rescripto comprehensa sunt. Ut ex persona filii tenetur pater iis modis, quo diximus: sic multo magis ex persona servi dominus. Nam § dominus ex contractibus servorum eodem modo & quod iussu, & de la rem verso, & de peculio tenetur. §. 1. & §. *præterea, Instit. quod cum eo.* Sed in persona servi hoc amplius est, quod ex omnibus contractibus servorum dominus tenetur ad eos modos, quos supra diximus. Non item pater ex omnibus contractibus filiofamilias. Nam pecunie mutuo data contra Senatusconsultum neque filius, ut dixi, neque pater ex filii persona tenentur. Præterea § ex maleficio etiam servorum dominus tenetur noxali actione. *tit. de noxal. act. Inst.* Ex maleficio filii non tenetur pater: siue filius erit emancipatus; siue in potestate patris. §. *ult. Institus. de noxal.* Hæc summam dicta sunt ad explicationem non tantum huius rescripti, sed regulæ supra a nobis prænotatæ: quæ pluribus cognoscuntur suis tit. *infra tit. ad Senatusconsultum Maced. & tit. Quod cum eo.*

Ad L. Ne contra. 2.

Imp. Diocletian. & Maximian. AA. Neotherio & Eutolmi.

Ne contra iuris auctoritatem ab eo qui patrem vestrum a quo emancipatos vos dicitis, ad munus civile devocaverat, inquietemini, præses provincie providebit. Dat. VIII. Kal. Februa. Maximo II. & Aquilino Coss.

S U M M A R I A.

1. Munus publicum detrectans aut male administrans, ad quid tenetur.

2. Filius in hac specie conveniri ex persona patris non potest.

1. Quomodo § teneatur quisque, qui ad munus civile & publicum vocatus id detrectat, aut male administrat, dit. Tom. VII.

ximus ad L. 3. *supr. proxim. titul.* Hoc § nomine filius ex persona patris conveniri non posse hic traditur.

Kkk

Ad L.

Ad L. Si filiusfamilias. 3.

Idem AA. & CC. Theogeni.

Si filiusfamilias invito patre decurio creatus sit; pro eo patrem inquietari non posse, iure manifestissimo cautum est. G. X. Kal. Maii. CC. Coss.

S U M M A R I A.

1. *Filius enim persona patris superstitis conveniri non potest actione personali.*

2. *Filius quomodo pro patre, vel ex persona patris conveniatur.*

EX persona patris superstitis nulla ex causa filius personali ꝛ actione conveniri potest. Dictum est, *patris superstitis*, quia mortuo patre, filius ex obligatione patris, ut heres conveniri potest, si heres patri existerit; potest autem existeret, si velit. Dictum est, *Actione personali*, quia actione in rem hypothecaria ex persona patris conveniri potest. Nam ꝛ si pater quid debeat, & in eam causam bona sua pignori obligarit, ex quibus bonis filius aliqua possideat, vel a patre do-

nata, vel filio assignata: filius hypothecaria actione conveniri potest, de rebus pignori obligatis, quas possidet; quoniam pignoris persecutio in rem est adversus pignorum posseditores. *L. pignoris, infr. de pignor. de qua dixi ad L. ult. supr. de obl. ꝛ act.* Atque hac actione convenitur filius ex persona, seu nomine patris. Convenitur enim eo, ut solvat, quod pater debuit, aut pignoribus cedat creditori. *L. si fundus, §. in vind. D. de pignor.*

Ad L. pen.

Idem AA. & CC. Achivæ.

Patris nomine superstitis filium, nec munerum civilium, nec debiti causa personali posse conveniri actione constat, S. XII. Kal. Mart. Sirmii CC. Coss.

S U M M A R I A.

1. *Pater, tenetur pro filio in muneribus & honoribus ei delatis.*

Pater ex obligatione filii non tenetur, nisi se pro filio obstrinxerit; exceptis iis modis, de quibus dixi ad *L. 1. supr.* ubi & regula hæc tradita est. Hoc ꝛ in muneribus & honoribus filio delatis pau-

lo aliter observatur: in quo servatur hæc distinctio, quæ commodissime expressa est in *L. 1. infr. de filiisfam. tit. 60. infr. Lib. 10.* Cuius iuris pars, & fragmentum hic positum est.

Ad L. ult.

Idem AA. & CC. Lampetio,

*Ex patroni vel domini contractu, liberti vel servi conveniri non possunt.**Dat. Idib. April. CC. Coss.*

S U M M A R I A.

1. Patronus nomine liberti non convenitur.
2. Servus, quare pro domino conveniri nequeat?

3. Servi nomine, non qui aliu est sed qui antea talis fuit, intelligendus.

1 **E**X contractu † patroni libertam conveniri non posse recte dicitur, quoniam libertus cum sit sui iuris, ex suis contractibus conveniri potest: & legitimam personam standi in iudicio habet. Quod autem hic dicitur ex contractu domini servum conveniri non posse, videtur inepte dici. Non enim † servus non convenitur, quia agitur de contractu domini, seu de contractu alieno: sed quia in totum servus conveniri non potest, neque ex alio contractu, neque ex suo. In totum enim iudicio agi cum servis non potest, qui quod ad ius civile attinet pro nullis habentur. *L. servus, L. cum debitoris seq. sup. de indic.*

Respondetur. Et hoc ita est, si servum hic intelligimus eum, qui adhuc servus

manet. Sed † hic servum intelligere debemus, servum manumissum, ut sit sensus: Si dominus, qui servum habebat, contraxerit: servus quanvis postea manumissus, ex persona domini conveniri non potest: non quod non possit iam manumissus conveniri, sed quia agatur de contractu alieno, ex quo conveniri non potest. Itaque hic manumissus dicitur servus per *analogiam*: qui olim servus fuit, quo tempore dominus contrahebat, ut tutor post pubertatem dicitur tutor, ut intelligatur is, qui tutor fuit, quoniam post pubertatem finitur tutela. *L. si tutor L. si post seq. l. 4. D. de tutel. & rationib. distr.* uti insula dicitur, quæ ante fuit insula, & nunc non est. *L. insula in fin. D. de acquir. rer. dom.*



Ad Auth. habita.

Nova Constitutio Friderichi.

Habita quidem super hoc diligenti inquisitione Episcoporum, Abbatum, Ducum, omnium iudicum, & aliorum procerum sacri nostri palatii examinatione, omnibus qui causa studiorum peregrinantur, scholaribus, & maxime divinarum atque sacrarum legum professoribus, hoc nostrae pietatis beneficium indulgemus, ut ad loca, in quibus literarum exercentur studia, tam ipsi, quam eorum nuncii veniant, & in eis secure habitent. Dignum namque existimamus, ut cum omnes bona facientes, nostram laudem & protectionem omnimodo mereantur: quorum scientia totus illuminatur mundus, & ad obediendum Deo, & nobis eius ministris, vita subiectorum informatur, quadam speciali dilectione eos ab omni iniuria defendamus. Quis enim eorum non misereatur, qui amore scientiae exsules, facti de divitibus pauperes, semetipsos exinaniant, vitam suam multis periculis exponunt, & a vilissimis saepe hominibus (quod graviter ferendum est) corporales iniurias sine causa perferunt? Hac igitur generali & in perpetuum valitura lege decernimus, ut nullus de cetero tam audax inveniatur, qui aliquam scholaribus iniuriam inferre presumat, nec ob alterius cuiusque provincie delictum, sive debitum (quod aliquando ex perversa consuetudine factum audvimus) aliquod damnum eis inferat: scituri huiusmodi sacrae constitutionis temeratoribus, & etiam ipsi locorum rectoribus, qui hoc vindicare neglexerint, restitutionem rerum ablatarum ab omnibus exigendam in quadruplum: notaque infamia eis ipso iure irroganda, dignitate sua se carituros in perpetuum. Verumtamen, si litem eis quispiam super aliquo negotio movere voluerit: Huius rei optione data scholaribus, eos coram domino vel magistro suo, vel ipsis civitatis Episcopo, quibus hanc iurisdictionem dedimus, conveniat. Qui vero ad alium iudicem eos trahere tentaverit, etiamsi causa iustissima fuerit, a tali conamine cadat. Hanc autem legem inter imperiales constitutiones, scilicet sub titulo, ne filius pro patre, &c. inseri iussimus. Dat. apud Roncalias, Anno Domini M. c. lxxviii. Mense Novembri.

S U M M A R I A.

1. Quot personae hoc Auth. beneficio utantur, & quae sint.
2. Scholares qui dicantur, & qua schola.
3. Quid si scholaris esse negetur, ad quem talis probatio pertineat? & u. 4.
5. Quae illius institutae ratio. Literae dimissoriae quae? ibid.
6. Scholares facti militibus equiparantur.
7. Pro scholaribus in Academia qui habendi?
8. Scholaribus &c. tributum I. ut secure ad studiorum loca proficiantur, & ibi secure habitent: distinctio secure quid significet.
9. Et an illa distinctio immunitatem a portoriis, & velligalibus comprehendat.
10. Remedium adversus iniuriam scholaribus illatam.
11. Pana iudicis, qui remedium scholarum negligit.
12. Alterum consilii. caput: & multiplex rerum partitio.

13. Scho-

13. *Scholaribus in quibus causis proprie iudices tribuantur.*
14. *Que verbis confis. magis accommoda videatur sententia.*
15. *Iudices scholasticis tribui in causis civilibus & criminalibus, sententia vulgo recepta.*
16. *Litigare inter se qui dicantur?*
17. *Negotii verbum ubi de crimine usurpetur?*
18. *Scholarium iudices qui?*
19. *Magister quis?*
20. *Magister scholarium cur eis iudex dari non debeat?*
21. *Rektor universitatis cur, & quo iure creatus sit?*
22. *Iudices scholarium qua iurisdictione utantur?*
23. *Iurisdiclio quid?*
24. *Iudices scholarium an possint iurisdictionem suam alii mandare?*
25. *Iudices scholarium an possint in causa ad se delata iudicem dare?*
26. *Scholasticus an possit magistratum urbis, ordinarium iudicem habere?*
27. *Scholaris, quando in iudicem consentire dicatur.*
28. *Iudices scholarium quot sint?*
29. *Scholaris an possit iudicem ex tribus eligere quem velit?*
30. *Scholasticus, an si ad alterutrum ex iudicibus constitutus vocatur, alterum elegerit, & ad eum revocari,*

possit iterum voluntatem suam mutare?

31. *Electio quando trahit secum executionem, non admittitur variatio.*
32. *Rektoribus Academicarum, quando in causis scholarium iurisdiclio attributa.*
33. *Scholasticus ad iudicem ordinarium vocatus prescriptione fori recte utitur.*
34. *Pena eorum, qui scholasticos ad alios iudices vocant.*
35. *Qui sit horum verborum sensus: qui tentaverit, a tali conamine cadat. Cadere a re quid? Ibid. Cadere opera & conatu, quid? Ibid.*
36. *Quomodo eorum verborum lectio emendanda.*
37. *Vocans scholasticum ad alium iudicem, utrum causa cadat ipso iure, an vero sententia iudicis?*
38. *Amittere aliquid ipso iure quid?*
39. *Amittere quid ob factum, quando quis intelligatur.*
40. *Scholasticus ad alium iudicem vocatus, appellare necesse non habet, cum sententia ipso iure sit nulla.*
41. *Sententia a iudice non competente lata nullius est momenti.*
42. *Quid superioribus sit consequens.*
43. *Quando ad alium iudicem scholasticus trahatur invitus.*

IN hac *Ausb.* spectandum est, quibus personis Imperator consulat; alterum, quid iis tribuat, quæ duo sunt capita huius constitutionis. Personæ t̄ hæ sunt, scholares, tam qui studiorum causa peregrinantur, quam qui in aliqua Academia habitant. Item: Divinam & sacrarum legum professores. Item: Nuntii scholarium. Scholares t̄ vocat, qui in scholis versantur studiorum causa, sed scholli, in quibus studia exercentur publice. Addere oportet, in quibus exercentur privilegio & concessione principis eius, ad quem ea potestas pertinet. Nam aliis in locis iure studia ex privilegio non exercentur, ut est in *proem. D. §. pen.* Consultur autem & scholaribus futuris, id est, qui studiorum causa proficiuntur in aliquam Academiam & scholaribus qui in Academia commorantur, id est, scholaribus iam factis. Quid si negetur t̄ aliquis studiorum causa in Academiam proficisci, & de eo sit controversia cum eo, qui beneficio huius constitutionis uti velit? Resp. 1. qui se studiorum t̄ causa proficisci di-

xerit, probare debet, quod dicit secundum *reg. in L. 2. D. de prob.* Id autem non aliter videtur facile t̄ probare posse, quam si doceat, se a parentibus aut iis, ad quos administratio rerum suarum pertinet, missum esse studiorum causa in ea loca, in quæ proficiscitur: Aut habeat literas dimissorias ab ea Academia, a qua discedit, quæ contineant testimonium studiorum, & institutæ vitæ. Quod attinet ad scholares, t̄ qui in aliqua Academia morantur, de iis iudicandum est, ut de militibus. Milites non habentur, nisi qui in numerum militum relati sunt. *L. ex eo tempore, D. de test. mil.* Sic nec in aliqua Academia t̄ pro scholaribus habendi sunt, nisi qui apud eum, penes quem ea potestas est, id est, moribus nostris apud Rectorem universitatis relatus sit in numerum scholarium: & ut vulgo loquuntur, sit in matriculam relatus. Professores legum qui sint, notum est. Nuntii item scholarium qui sint, item notum: sed de iis notandum est, quod nuntiis scholarium tribuitur hac constitutione, non tam nuntii

illis tribui, quam scholaribus ipsis, ut apparet ex *vers. hac igitur*, ubi rebus ablati actio tantum constituitur scholaribus. Unde intelligere licet, de nuntiis scholarium ideo commemorari hoc loco, ut & actio constituitur scholaribus non tantum de eo, quod scholaribus ipsis ademptum est: sed etiam de eo, quod ademptum est nuntiis, quod ad scholares perferretur.

8 His personis, quas diximus primum hoc tribuitur: ut *secure* proficiscantur in ea loca, ubi studia exercentur: & in iis *secure* habitent. *Secure* est sine metu & periculo. Sic *secure* interpretatur Ulpianus *L. 1. in pr. vers. summa. vers. seq. D. de his qui effud. vel deiecer. &c.* Itaque his verbis nihil aliud contineri intelligitur, quam id quod cavetur, in hac eadem lege: in *vers. hac igitur*, ut nemo supradictis personis damnum, aut iniuriam inferat, ut utroque loco intelligatur, idem tribui. Hoc verbum *secure* vulgo eo prod-
9 duxerunt, ut putent, a scholasticis iter facientibus & proficiscantibus in loca studiorum causa, studiis destinata, neque vestigalia exigi posse, neque portoria, neque ullas præstationes, quæ publice fisco penduntur, & exiguntur a viatoribus. Movet eos, quod semper constitutio sic accipienda est, ne sit inutilis. *L. si quan. D. de L. 1. L. in fin. D. ad mun.* Erit autem constitutio hæc inutilis, si nihil amplius tribuitur scholasticis, quam ut commovere, & habitare sine metu & periculo iniuriæ possint, propterea quod idem omnibus civibus tribuitur. Iuris enim præcepta communia sunt hæc: Ius suum cuique tribuere, neminem lædere, §. *iuris præcepta, Instit. de iust. & in L. iustitia D. eod. t.* Sed hæc interpretatio a verbis alienissima est. Est igitur optimum sit iuvare in hac quoque re studia scholarium, tamen vix est ut hoc privilegium ex hac lege defendi possit. Securitas iis tribuitur. Hæc securitas non impeditur, etiam si ab iis exigantur communes, & publicæ præstationes, & functiones. Nam hæc principi & reipublicæ debentur. Ut igitur debitores cum suum solvunt, non eo minus *secure* vivere intelliguntur, quia nulla sit illis iniuria: sic non minus *secure* ii, a quibus publicæ præstationes exiguntur. Nihil ad rem pertinet, quod dicitur: nisi hæc interpretationem admiserimus, constitutionem inutilem futuram. Nam & idem dici potest de ea parte, in qua constitutio veiat damnum & iniuriam scholasticis inferri. Nam hoc idem omnibus mortalibus tribuitur iure publico. Obicectio movere nos non

debet in utraque parte. Nam utraque pars constitutionis esset inutilis, si constitutio in iis consisteret.

Sed longius progreditur, & ea constituit, quæ sunt nova & singularia. Hæc autem sunt in summa duo, quæ præcipue hac constitutione tribuntur. Primum remedium adversus iniuriam & damnum scholasticis illatum. Alterum, quod scholasticis conventis proprios iudices scholasticis tribuit, qui futuri sint illis æqui & favorabiles. Remedium adversus iniuriam constituitur, in *vers. scituris*. Id remedium duplex est. Unum est poena quadrupli de rebus ablati, & poena adversus eos, qui scholasticos pro aliis pignorerunt, antiqua est, non nova. Iam enim ante constituta erat constitutio Iustiniani *Aurbent. sed omnino supra, prox. tit.* Adversus cæteros, qui quid scholasticis abstulerunt, vel vi, vel furto, poena nova est. Alterum remedium est in eo, quod iubet constitutio, præsidem & iudicem ordinarium interpellatum a scholastico, iniuriam passio. Istatim in iniuriam animadvertere, & si id facere negligat, poenam novam constituit. Primum ut liceat ab eodem magistratu æque quadruplum rerum ablatum exigere, uti liceret ab iis, qui damnum intulerunt. Deinde ut ei iudici infamia ipso iure irrogetur. Ipso iure: valet ipso facto sine alia sententia & condemnatione *L. palam, §. pep. D. de ritu nupt.* Non quod non oporteat condemnari eum iudicem, tanquam qui ulcisci iniuriam neglexerit: sed quod etiam de eo condemnatus erit; tamen non fiet infamis ex eo tempore, ex quo condemnatus est, sed retroversus ex ipso tempore delicti, & neglectæ animadversionis. Postremo etiam carere iubetur sua dignitate.

Alterum ut caput bulus constitutionis versatur in iudicibus qui scholasticis tribuuntur: in hoc capite hæc expendenda sunt: I. In quibus causis iudices proprii tribuantur scholasticis. II. Qui sint ii iudices? III. Quid iis iudicibus tribuatur. IV. Quot sint? V. Eos iudices eligendi potestas penes quem sit, utrum penes actiorem, an penes scholasticos, qui conveniuntur? Postremum, si ad alios iudices vocentur scholastici, quæ sit poena. De quibus hic dicam ordine. De causis 13 verba sunt hæc constitutionis: *si quis litem in aliquo negotio scholaribus moveat*: Istit verbum proprie litem & actionem civilem significat, ut & actionis verbum. *L. litis D. de verb. sig.* Negotium eodem modo rem omnem, quæ inter pri-

vatos & maxime quæ consensu geritur, *L. solent, D. de præscript. verbis L. Labeo D. de verbor. significat.* Secundum quam proprietatem verborum † quis dixerit, iudices illos scholasticis tribui in pecuniariis tantum & civilibus causis, non etiam in criminalibus: sed vulgo hæc sententia recepta est, quæ & nobis probatur: his verbis attribui scholasticis † iudices & in civilibus & in criminalibus causis; quia etiam in accusatione contentio fulcipitur inter accusatorem & accusatum: generaliter autem recte diximus, omnes, qui † inter se contendunt, ligare de re aliqua inter se. Negotii autem † verbum etiam de crimine usurpatur, & negotium eriminale dicitur in crimine in *L. §. supra de iurisdic.* Hoc ita recipi debere ratio suadet. Nam si in privatis causis prospiciendum fuit scholasticis, iis iudicibus non inquis dandis; multo magis in criminalibus causis dandi fuerunt. Quia ubi maius periculum intenditur, ibi maiore auxilio opus est. Delinquentibus subveniri non oportet. Sed prius constare debet scholasticum deliquisse: de quo apud iudices illos datos quaeritur. Et latius est, impunitum crimen relinqui, quam innocentem ab inquis iudicibus condemnari. Iudices qui tribuuntur, hi sunt: magister scholarium, † Episcopus civitatis: ubi magistrum † dici constat professorem & præceptorem. Experientia & ratio post hanc constitutionem docet, non satis consultum esse, † magistrum scholarium his iudicem dari.

Primum, quia ut plurimum plures sunt magistri & professores: deinde quia non omnes ius norunt, sine cuius cognitione recte iudicare non possunt, cum omnes jubeantur iudicare secundum leges & constitutiones. *Institus. de off. iud. in pr.* Itaque † sive moribus, sive constitutionibus posterioribus, sive utroque recte huic incommodo prospectum est, ita, ut crearetur in singulis universitatibus Rector Universitatis, qui unus esset & de consilio senatus, aut adfessorum ius diceret. Quo iure nunc utimur. His iudicibus in causis scholasticorum conventorum hæc † constitutio de ea re iurisdictionem tribuit. Iurisdicção † est potestas statuendi id, quod ius sit cum imperio, id est, cum potestate exsequendi quod statueris, & ideo coercendi, si coercionem sit opus: hoc est, quod dicitur, omnem iurisdictionem habere coniunctum imperium, id est, coercionem, & executionem. *L. ult. D. de off. eius.* Sed & hoc verbo executio criminum continetur &

animadversio in facinorosos, *L. 1. D. de off. eius.* Hinc quantum est: an hi † iudices possint iurisdictionem hanc suam alii mandare? id est, alios substituiere suo loco, qui eorum iurisdictionem exercent, & partibus eorum fungantur. *L. 1. §. 1. L. est D. de off. eius.* Ex puto non posse mandare; quoniam hæc regula traditur in *L. 1. D. de off. eius.* solum mandare posse ea, quæ iure magistratus competant. Non potest autem hæc cognitio magistris & Episcopo tributa, competere iure magistratus, cum ipsi magistratus non sint.

Sed an † poterunt in una causa ad se delata iudicem dare? Et certum est eos non posse. *L. 2. supra, de pedan. iudicibus.* Numero iudices hic duo sunt: hinc quaesitum, An † scholasticus magistratum ordinarium urhis sibi iudicem habere possit? Et dicendum est, si ad iudicem ordinarium vocatus veniat, & in iudicem consentiat, eius iudicis iurisdictionem futuram. *L. 1. D. de iudic.* Neque refragatur hæc constitutio, qua duo iudices alii scholaribus tribuuntur. Nam hoc ius pro scholaribus constitutum est. Licet unicuique iuri pro se introducto renuntiare, & maxime in hac præscriptione fori, ut est constitutum in *L. pen. supra, de pass.* Sed ut hoc nat, scholasticos consentire oportet in iudicem. *d. L. 1. D. de iudic.* Consentire † tunc videbitur, cum venerit † vocatus, & cum posset præscriptione fori uti, hac omitta aliis defensionibus suis usus est, vel inficiatione litem contestatus. *L. sed est susceptus, D. de iudic. in princ.* Quod si scholasticus apud unum aliquem ex iis iudicibus qui hic tribuuntur, vocatus sit: ad iudicem ordinarium civitatis revocare non potest, sed cogitur apud alterutrum horum iudicum se defendere. In quo hæc regula tenenda est: Quoties quis pluribus locis, vel apud plures iudices ex iure conveniri potest, vel quod idem est: quoties plura loca sunt, plures iudices, in quibus & apud quos conveniri quis potest; toties uno in loco, aut apud unum iudicem vocatus, ibi cogitur reus se defendere: nisi potestas ad alium locum, vel iudicem revocandi nominatim illi tribuatur. *L. heres, §. ult. D. de iudic.*

Porro si iudices, qui hic constituuntur, ita constituuntur, ut non tribuatur scholaribus electio, nisi alterutris horum. Proinde ad horum alterutrum vocati ad alium iudicem revocare non possunt. Non obstat proem. *D. §. alium.* ubi Iustinianus † scholasticis nominatim vult tres esse iudices, Episcopum, præ-

fectum civitatis, & professorem legum. Nam sic isti tribuuntur scholaribus, ut ad quemcunque ex iis scholares vocati sint, cogantur se apud eum defendere *d. L. heres, §. ult. D. de iudic.* nisi scholarum electio horum iudicum tribuatur. At hæc electio in ea constitutione illis non tribuitur. In hac autem *Authentica* tribuitur quidem, sed, ut possint eligere vel magistrum, vel Episcopum. Ut autem magistratum urbis possint, non datur. His iudicibus constitutis, † si nihil aliud adilectur de electione; agitur electio futura esset, apud quem iudicem ageret. Nam auctori electio tribui intelligitur, ubi agat, & apud quem, non reo, ubi conveniatur; quia alias futurum esset, ut nunquam conveniretur reus, qui semper diceret, se alium locum & alium iudicem eligere. Hoc bene scriptum & pluribus expositum est in *L. 2. §. Scavola, D. de eo. quod certo loc.* Idque est, quod iam paulo ante diximus, ubi pluribus in locis, eoque apud plures iudices quis conveniri potest, quocunque loco agatur, & apud quemcunque iudicem, ibi reum se defendere debere. *d. L. heres, §. ultim. D. de iudic.* Ob hanc causam, cum constituto hæc electionem iudicum scholaribus tribuam vellet; nominatim electionem illis attribuit, in quo apparet ius singulare & proprium scholasticorum constitui.

Ex hoc iure eligendi questum est, si
30 scholasticus † ad alterutrum ex iis iudicibus constitutis vocatus alterum elegerit, & ad eum revocaverit, an postea iterum voluntatem mutare possit? Et in summa: an possit sæpius variare, & mutare electionem? Et recte communi sententia interpretum notatus est hoc loco Accursius, qui paravit, scholasticum sæpius electionem mutare posse ante litem contestatam. Nam hæc ratione eveniet, ut nunquam iis cum illo contestari possit. Ad unum enim vocatus semper dicit, se alterum eligere; & ideo verum est, quod statuunt, ubi semel scholasticus uno iudice repudiato alterum eligit, amplius eum voluntatem mutare non posse, sed cogendum se apud eum, quem elegit, defendere.

Huius sententiæ 2. redduntur rationes bonæ: Prior est; quia non debet esse in potestate rei an conveniatur. Proinde non debet esse in eius potestate semper, ubi conveniatur. *d. L. 2. §. Scavola, D. de*

eo, quod certo loc. Hæc autem futurum est, si semper electionem mutare possit. Proinde hæc electio semel constituta, amplius illi concedi non debet. Altera ratio est; quia quoties in electione duarum † rerum quis unam eligendo, eam sibi acquirit, amplius alteram eligere non potest; quia priori electione ius suum consumpsit. *L. apud, D. de opt. L.* At scholasticus unum ex iudicibus sibi constitutis eligendo facit, ut is iudex plene eius proprius iudex efficiatur: & iure, quia prius iure datus erat; & scholasticus voluntate, quia eum elegit. Proinde amplius alterum iudicem eligere non potest. Hic monendi sumus postquam constitutis † Academicis † post Fredericum attributi sunt universitatibus Universitatum Rectores, rem eo reddidisse, ut omnis hæc iurisdiclio de causis scholasticorum tribueretur Rectoribus. Idque etiamnum observatur in iis locis, quæ iure canonico per omnia reguntur. Nam scholasticus apud Rectorem vocatus se defendere cogitur, nec potest revocare ad Episcopi iurisdictionem, nisi sit ex ipsorum iure Clericus.

In iis autem locis, in quibus per gratiam Dei nostris temporibus Ecclesiæ (*) bene constituta sunt, ut in Germania, Episcopi suas partes agere iussi sunt, id est, verbum Dei administrare, & curam gerere salutis Ecclesiarum. Idque ex mandato Christi & doctrina Apostolica, iuxta illa: *Reges gentium dominantur eis, vos autem non sic.* Item *Regnum meum non est de hoc mundo.* Item: *Nemo militans Deo implicat se negotiis huius sæculi.* Quibus omnibus locis procul removentur ministri verbi a transactione rerum politicarum & civilium. Quæ ex re factum est, ut numero iudicum superiorum sublato, una etiam sublata sit electio iudicum.

Itaque si scholasticus † ad iudicem ordinarium vocetur, recte præscriptione fori utetur, & revocabit ad suum iudicem Rectorem: si vocabitur ad Rectorem, apud eum se defendere debet. Pœna adversus eos † constituitur, qui scholasticos ad 34 eos iudices vocent: in quo & verba bene observanda sunt, & conditio sub qua hæc pœna constituitur. Pœna constituitur his verbis: *Etiamsi causa iustissima sit, qui tentaverit a tali conamine cadat, vel ut, alii legunt, pro tali conamine cadat.* Si verba hæc † præcisè sequi volu- 35 mus,

(*) Hic rursus Calviniana heresi infectus Donellus sèdè hallucinatur. Non dubium quin ipse perversam Calvinianam doctrinam, & iniquissime violatam ab illo Ecclesiæ Statum pro ingratulo suo collaudet: ut quo iure, nemo non videt, qui totius Ecclesiæ antiquitatis huiusmodi e po-

est: fontibus hauserit. Episcoporum proprium esse munus non tantum monstrare verbum Dei, sed & potestatem spirituales seu iurisdictione uti super iam dictam Civit. Commencar. Lib. 2. Cap. 4. vid. ibid. not. cum quatuor asteris. ubi & scripturarum loci, qui hæc & alias idem a Donello afferuntur, explicati.

mus, nihil aliud significatur, quam eum qui scholasticum ad alios iudices vocare tentaverit, frustra id conari, seu irritum esse eius conatum. Nam cadere a re aliqua, est eam rem perdere. Itaque cadere opera, & cadere conatu, est operam & conatum perdere. Sed si ita interpretantur, constitutio & poena in hac parte est inutilis; quia hoc idem ius constitutum est in causis omnium aliorum, ut si ad iudicem non competentem vocentur, irritus sit conatus actoris. *iuxta regul. iur. Extra territorium supradictam jurisdictionem sua non ius dicenti impune non pareatur. L. ultim. 20. D. de iurisdic.* Proinde intelligere debemus, constitutionem plus complecti velle, quod & recte vulgo acceperunt. Hoc igitur sentit, eum, qui ad alium iudicem vocaverit, cadere sua causa. Prius enim dixerat, etsi causa iustissima fuerit. Cum igitur subiicit, *cadat*, referri oportet ad verbum *causae*, ut sit, *cadat causa, quavis iustissima*: id est, actionem amittat. Et ne dubitemus ita constitutionem interpretari, non hoc ius novum est, sed vetus, ut qui aliquem in vetulo examine vocat, id est, in locum, in quem vetetur reum vocare, causam amittit. *L. in criminali, supr. de iudic.* Posteriores leges ad priores trahendae sunt, & secundum priorum sententiam intelligenda quoad licet. *L. non est novum. 26. L. sed & 28. D. de lib.* Et ideo si lectio carebit omni difficultate, si pro, a tali, legamus, ea tali, ut sit hic contextus, etsi causa iustissima fuerit, ea, nempe causa, tali conamine, id est, propter talem conatum cadat. Ait constitutio *cadat*. Quaeritur: quomodo cadet causa, qui ad alium

36 *L. sed & 28. D. de lib.* Et ideo si lectio carebit omni difficultate, si pro, a tali, legamus, ea tali, ut sit hic contextus, etsi causa iustissima fuerit, ea, nempe causa, tali conamine, id est, propter talem conatum cadat. Ait constitutio *cadat*. Quaeritur: quomodo cadet causa, qui ad alium

37 si iudicem scholasticum vocaverit, utrum cadet ipso iure an vero sententia iudicis? Male vulgo putant, hanc amissionem contingere solum sententia iudicis. Ipso iure actionem amittit, qui adversus hanc constitutionem scholasticum ad alium iudicem trahere tentaverit. Nam si ipso iure amittere aliquid nihil aliud est, quam amittere ipso facto, id est, ob id ipsum,

38 quod aliquid factum est. *L. pater. §. pen. D. de ritu nupt.* Tunc si autem ob factum ipsum amittere quid intelligitur, cum poena amissionis lege constituitur, sub conditione, *si quis quid fecit*, non autem sub conditione, *si fecisse condemnatus erit*, ut ibidem declaratur. At observandum est, in hac constitutione, amissionem hanc causae, constitui sub hac conditione, *si quis trahere tentaverit*, non autem si trahere tentasse iudicatus erit. Ergo hoc ipso, quod tentaverit, amissio sequetur, & in summa bene dicemus, quod Ulp. scribit in *D. l. pa-*

Tow. VII

lam. factum tentationis & vocationis constitui a lege, non autem a sententia. Hac de causa, si scholasticus si ad alium iudicem vocatus erit, non est illi necesse appellare, sed sententia ipso iure nullius momenti erit: & omnia quaecunque sequentur postea, erunt irrita, si iudex alius perget in ea causa adversus scholasticum aliquid constituit, *iuxta reg. super. d. l. ult. D. de iurisdic.* Et ius certum est, si sententiam nullius momenti esse, quae a non competente iudice lata sit, ut nihil appellacione sit opus, *soto tit. infr. si a non comp. iud. Lib. 7. tit. 48.* His consequens est, si quisquis scholasticum ad alium iudicem contra hanc constitutionem trahere tentaverit, quandoque adversus scholasticum de eadem re agit, etiam agat apud Rectorem, & idoneos scholastici iudices, aut agat, postquam quis scholasticus esse desierit: eum recte dicturum, se nihil debere, se agenti non teneri, quia actor priore facto & delicto adversus hanc constitutionem commisso actionem amiserit: sola haec questio in id iudicium vocabitur, an actor adversus hanc constitutionem aliquando fecerit? Sed ut poena superior, ita conditio in primis animadvertenda est, sub qua haec poena constituitur. Condicio haec est: *si quis scholasticum ad alium iudicem trahere tentaverit.* Ergo, si quis tentaverit scholasticum ad alium iudicem ducere volentem, in hanc poenam non incidet. Utrum autem si tentet volentem ducere, an invitum trahere; tunc demum intelligitur, cum scholasticus ad alium iudicem vocatus venit, & aperte ad iudicem suum revocavit, ut declararet, se ibi defendere velle. Exinde si actor pergat ad eundem iudicem scholasticum vocare, tum intelligemus, eum velle trahere, quem invitum prius esse constitit, ac tunc demum locus fiet huic constitutioni. Sed & conditio haec exigit, ut quis tentaverit trahere scholasticum. Quid ergo si actor neget eum esse scholasticum, qui se dicit esse. Probo sententiam eorum, qui putant, multum interesse, utrum actor sciverit esse scholasticum; an vero in facto & iure erraverit, quoniam nunquam eum scholasticum putaret. Nam & facti error, & iuris in damnis amissionis rei suae non nocet. *L. error 8. L. iuris, D. de iur. & fact. ignor.* Nec advertantur verba huius constitutionis, in quibus nihil distinguitur. Nam non proprie dicitur velle trahere scholasticum, qui ut scholasticum non trahit, sed ut alienum; sic enim studius & literis, & dignitati scholastici nullam injuriam facit.

LII

AD TITU-

A D T I T U L U M XIV.
A N S E R V U S E X S U O F A C T O
P O S T M A N U M I S S I O N E M T E N E A T U R .

Ad Rubricam.

S U M M A R I A .

1. *Continuatio huius tituli.*
2. *Summa huius tituli.*
3. *Servus ex contractu, quem in ser-*

vitute habuit, manumissus non tenetur: secus ex maleficio.

1 **P**ertinet hic † titulus ad maiorem confirmationem eius regulæ, quæ superioribus duobus titulis constituta est. Ideo illis titulis commodissime subicitur. Regula hæc fuit: Ex contractu alterius neminem conveniri, aut inquietari posse. *L. 3. supr. ne uxor. pro mar. L. 1. ne filius pro patre.* Id † declaratur certissimum esse ex contractu servi. Nam si servus quid gesserit, contraxerit: eo nomine post manumissionem non tenetur. *L. 2. hic.* Quod ob hanc causam maxime fit, quia servus si post manumissionem conveniatur, videtur conveniri ex alterius contractu, non suo, quia manumissus cepit alius homo esse, *L. qui res 98. §. arcem, D. de solut.* Si hoc de contractu eiusdem hominis recte consti-

tuitur; quanto magis probandum est, si quis conveniatur ex contractu, qui sit plane alterius, frustra eum conveniri. Sed quoniam tenetur servus interdum ex eo, quod in servitute fecit, inde generalis quæstio introducitur, an in universum servus suo facto post manumissionem teneatur? De quo distinctio traditur, in qua consumitur hic titulus. Distinctio est hæc: Servus † ex contractu, quem in servitute habuit, manumissus non tenetur, *L. 1. §. 2. & L. pen. hoc tit.* Ex maleficio suo post manumissionem tenetur. *L. licet, hic* præterquam, si quis adversus dominum deliquerit, *L. ult. hic.* In singulis partibus huius distinctionis quædam incidunt animadversione digna, quæ his rescriptis comprehenduntur.



Ad L. Quamvis 1.

Imp. Severus & Antoninus AA. Juventiano.

Quamvis cum statu libero contraxeris, tamen ex ante gesto te non habere cum eo post impletam conditionem libertatis, actionem, scire debes. PP. IV. Id. Decemb. Dextro II. & Prisco Cass.

S U M M A R I A.

1. *Statu, liber quis?*
2. *Statu liber an pendente conditione libertatis fit servus, an liber?*
3. *Statu liber pendente conditione est servus.*
4. *Statu liber in criminibus pro libero habetur, ad hoc, ut tanquam liber puniatur.*
5. *L. Statuliber 14. D. de question. cum L. Statuliberi in princ. D. de Statuliber. conciliatur; & quomodo.*

6. *Servus de eo quod contraxit, post manumissionem non tenetur. Quid sit, post manumissionem & u. 7.*
8. *Quare de eo quod antea contraxit servus, non teneatur post manumissionem.*
9. *Casus ab Accursio in gl. collecti ad superiorem de servi contractu postea manumissi definitionem non pertinent. de singulis obiter.*

Servum ex contractu quem in servitute habuerit, post manumissionem non teneri, traditur in L. 2. *hic*. De servi contractu hoc scriptum est. Queritur: quid si statu liber contraxerit, pendente nimirum conditione, in quam destinatum habuit libertatem? Is tamen statu liber est: qui ita destinatum libertatem habet: L. 1. *D. de statu liberis*. Questio in eo est, an tamen statu liber pendente conditione libertatis fit liber, an servus? Nam si liber est, statim ex contractu suo tenetur, ut est conditio liberorum hominum: si servus est, post manumissionem non tenetur ex reg. supra scripta. Hic rescriptum est, cum qui statu liber contraxit, post conditionem libertatis impletam conveniri non posse. Quo responso duo comprehenduntur. Prius est, statu liberum servum esse. Nam nisi servus esset: non modo teneretur post manumissionem, sed etiam statim. Id autem de statu liberis diserte traditur in L. *statu liberi*, in pr. *D. de statu lib.* & definitio manifestam rationem habet.

Nam quæ res hereditariæ sub conditione legantur, aut manumittuntur a testatore, pendente conditione in dominio sunt heredis, ita scilicet, ut existente vera conditione res eximatur ab eo, cui ad iudicata est. L. *post litem* 12. §. 1. *D. famul. heredis*. Statu liber tamen sub conditione.

ne manumittitur. Proinde pendente conditione manet in dominio heredis: si in dominio: servus est, ex definitione servitutis L. 4. *D. de stat. homin. Instit. de iur. personar.* Solum statu tamen liber in criminibus pro libero habetur, ad hoc ut tanquam liber puniatur. L. *moris* §. *ultim. D. de pun.* Idque propter prærogativam speratæ libertatis, ne videlicet ei præiudicium fiat, ut est in L. *statu liber*, 14. *D. de questionibus*. Quoniam hac in parte adversari videtur *dist. L. statu liberi D. de stat. lib.* ubi scriptum est, in publicis quoque iudiciis statu liberos easdem penas pati, quas reliqui servi patiuntur. Sed hæc magis diversa sunt, quam contraria, atque adeo contraria nullo modo sunt. Nam tamen in toto iure generali per speciem derogatur, *c. in toto de reg. iur. in 6.* Generalis definitio est L. *moris*, §. *ultim. D. de punis*. L. *statu liberi*, *D. de questionibus*. Statu liberum ut liberum poniendum esse: Excipiuntur publica iudicia in *dist. L. statu liberi*, in quibus placet, statu liberos, ut servos esse puniendos. Quod puto non de omnibus publicis iudiciis, intelligendum esse: sed de iis, quibus & liberi & servi morte afficiuntur.

Nam in iis genus mortis recte irrogabitur statu liberis, quod reliquis servis in eadem causa irrogari solet: propterea, L. 12. quod

quod non est metoendum in iis suppliciis, ne praedictum liberati fiat, quoniam mortuus liber fieri non potest. Alterum
 6 superiore responso statuitur, quod servus si contraxerit, de eo manumissum non teneri. Nam si id in statu libero hic responderetur, cum plus tribueretur, quam ei, qui tantum sit servus: quanto magis de eo, qui plane servus sit, intelligendum est. De quo est haec regula iuris antiqua multis locis tradita: ex eo actu, quem quis in servitute gessit, post manumissionem non tenetur. *L. cum actum 16. D. de neg. gest. L. si pure, 37. circa fin. D. de fideicommiss. libertas. L. Aurelius, 28. §. Stichus, D. de liber. Leg. L. si cognatus, supra, de neg. gest. Ex eo actu, sic accipimus, si quid contraxerit, si quid negotii gesserit sine contractu. De contractu est haec *L. §. 2. hic. De negotio a servo gesto est in L. pen. Sed cur dicitur, si post manumissionem, cum servus ante manumissionem multo minus teneatur, L. servi. 13. D. de obl. & act. L. servus, C. de indic.**

Respondeo. Hoc additum non est, removendi prioris temporis causa, quod manumissionem antecessit: quo tempore minime omnium servus tenetur, idque est iuris explorati: sed adicitur removenda dubitationis causa, quae propter manumissionem incidebat. Nam servus ideo videri potest non teneri, quia cum servis iudicium consistere non potest. *L. servus, supra, de indic.* Cum manumissio potest, quae res facere videri potest, ut cessante causa, & impedimento possit servus post manumissionem conveniri. Igitur adversus hanc dubitationem haec regula est: ex eo quod servus gessit, post manumissionem cum non teneri: ut sit sensus, nec post manumissionem teneri, quamvis ea conditio sit personae, ut iure conveniri possit. Huiusque sententiae rationes
 8 sunt duae sunt: una, quod servus ex contractu suo a principio non obligatur civiliter. *dist. L. servi 13. D. de oblig. & act.*

Proinde, nec manumissus obligatur, aut civiliter tenebitur; quia obligatio ex contractu nascitur, non ex manumissione. Nullus autem novus contractus manumissi intervenit. Huc pertinet §. si servus, *Institut. de nox. act.* Altera ratio est, quam initio attingimus, quod cum servus ex suo contractu initio obligaretur; tamen manumissus eo nomine conveniri non potest, quia alterius nominis contractus intelligitur. *L. qui res 98 §. arcam, D. de sol. Constat autem ex contractu alie-*

rius neminem conveniri posse. Haec sententia uti generaliter a veteribus tradita est, ita perpetua est, ob eas rationes, quas modo reddidi. Nec verum est, si eam cessare in iis casibus quos Accursius in gl. hic colligit. Quod ex singulis breviter expositis intelligitur: si servus pactus sit domino pecuniam ob libertatem, & manumissus pecuniam non det de dolo (domino) tenetur eius pecuniae nomine, *L. §. eleganter, §. servus pacti. D. de dolo. L. promissa, inf. hic.* Sed hic non tenetur servus ex sua pactione, aut promissione; sed ex dolo, quem manumissus admittit ut dicitur *ad L. promissa. 3. inf. hic.* Proinde non ex actu servi, sed ex actu manumissi. Item si apud servum res aliqua deposita sit: & manumissus depositum retineat, is depositi tenetur, *L. si apud, inf. depositi.* Hoc ideo, quia manumissus depositum retinendo, novam obligationem depositi in se suscipit. Hoc autem factum, non servi factum est, sed manumissi. Item si servus negotium gerere coeperit, deinde manumissus in eo negotio perficiendo perseveret, si negotium connexum fuit, scilicet ut separari ratio eius, quod in servitute gestum est, ab eo, quod in libertate gessit, non possit: placet, manumissum etiam de eo quod servus inchoaverat, teneri. *L. cum actum & L. seq. D. de neg. gest.* ut puta servus coepit aedificare insulam; manumissus coepit insulam perficere: totius insulae nomine debere rationem reddere negotiorum gestorum nomine. Sed hoc eo fit, quod actio nascitur ex eo, quod manumissus in negotio perseveravit. Nam negotium perficiendo etiam intelligitur suscepisse & probasse id, quod prius fecerat: quae approbatio manumissi est, non servi. Item, servus testamento domini liber esse iussus, si rationes domini servus administravit, post manumissionem rationes reddere debet, *L. si pure, 37. D. de fideicommiss. liber. L. Aurelius, §. Stichus, D. de liber. L.* Sed hoc ita est, si quid ex his rationibus apud se habet, retinet, ut, corpora instrumentorum, reddere debet: si quid ad eum pervenit ex administratione, id quoque reddere debet, sed hoc ideo, quia manumissus ista retinet; non quia prius rationes tractavit. Argumento est, quod si nihil ex his rationibus apud se habet, reliqua praestare non cogitur. Haec in *d. L. si pure, in fin. D. de fideicommiss. lib.* Quoniam autem reddere cogitur, quae ex rationibus apud se habet: ob hanc causam per consequentiam ab illo exigitur, ut reddat ratio-

tiones, non ut quidquam præstet ex præcedente administratione, sed ut sciri possit, an nunc aliquid retineat? Quæ si ita sunt: verissime definierunt veteres, ex actu servitutis neminem post manumissionem

nem teneri, quoniam quæcunque in superioribus casibus contigerunt, ea ex facto manumissi coötingunt, non ex actu servi, seu coötingunt ex eo, quod manumissus se obligavit.

Ad L. Creditoribus 2.

Imp. Antoninus A. Bexico.

Creditoribus tuis, qui tibi in servitute mutuam pecuniam crediderunt, nulla adversus te actio competit: maxime cum peculium tibi non esse legatum proponas, PP. III. Kal. Sept. Lato & Cereale Coss.

S U M M A R I A.

1. *Servum post manumissionem ex suo contractu non teneri.*
2. *Quomodo Ulpianus qui, cum auctor sit L. Prætor 1. §. item heres, D.*

quan, de pec. act. annal. contrarius sibi videtur in L. cum dos, §. per contrarium, D. de dot. præleg. secum ipse consentiat.

Servus ex suo contractu post manumissionem non tenetur: etiamne non tenebitur tunc, eum ei peculium suum legatum erit? Hic Respond. Servum post manumissionem non teneri, maxime si ei peculium ademptum sit. Ex quo intelligitur, etsi ei peculium ademptum non sit, sed legatum; non eo magis tamen eum conveniri ex præcedente actu post manumissionem posse. Non est, quod dubitemus id ita colligere. Nam hæc sententia diserte scripta existat in *L. 1. §. item heres, D. quando de pec. act. annal. gff.* Sed contraria est sententia Iuliani in *L. 1. alias in L. 2. §. per contrarium, D. de dot. præl.* Frustra nituntur interpretes, qui has sententias conciliare conantur. Nam si apparet, Ulpia-

nom contrarium diserte scripsisse in *d. L. 1. §. item heres*, sed non ideo hic, quidquam est contrarii. Nam Ulpianus in *d. L. 1. §. per contrarium* refert tantum Iuliani sententiam existimantis, servum cum peculio legatum ex actu suo, quem in servitute gessit, conveniri posse: sed Ulpianus eam sententiam eo loco non probat. Quid igitur. An eum improbare dicemus? Et non est, quod dubitemus id dicere. Nam idem Ulpianus est auctor *L. 1. D. quando de pec.* Et in *§. item heres*, apparet eum dissentire a Iuliano. At eum diserte: quæstiois fuisse, an servus hoc casu conveniri possit? Et respondetur sibi verior sententiam videri, non posse eum conveniri. Quibus verbis sententiam Iulianoq. contrariam aperte statuit.



Ad L. Promissa 3.

Imp. Alexander A. Herodi.

Promissa tibi pecunia a servo tuo, ut eum manumitteres, si posteaquam manumisisti, stipulatus ab eo non es, adversus eum petitionem per in factum actionem habes, PP. Id. Septembr. Alexandro A. Coss.

S U M M A R I A.

1. Species & summa rescripti.
2. Ex eo alio datur in manumissum: contraria diluuntur & n. 3. & seq.
4. Manumissus, quare in hac specie ex sua promissione non conveniatur?
5. Alio de dolo compositi in servum manumissum.
6. Servus manumissus cur & quomodo dolum committat?
7. Altera rescripti pars actionem in factum tribuit adversus servum

manumissum non de dolo: hac quomodo conciliantur, & n. 8.

Alio de dolo quid? ibid.

Alio in factum quid? ibid.

9. Actionem de dolo, & actionem in factum concurrere quibus argumentis ostendatur.

Exceptio doli quid? ibid.

Exceptio in factum quid? ibid.

10. Alio in factum superiori contraria: eaque dissolvuntur.

¹ **S**ervus ꝑ domino pecuniam promissit, si manumissus esset: manumissus fidem non servat. Placet eius pecuniæ promissæ actionem in factum domino adversus manumissum dari. In quo duo dicuntur; primum, ꝑ actionem in manumissum dari: deinde actionem non quamlibet, sed actionem in factum. Priori sententiæ contraria esse videtur ꝑ regula tradita in L. 1. & 2. *supra*, ex actu in servitute gesto servum post manumissionem non teneri. Respondetur: nihil dicitur hoc loco ei regulæ contrarium. Non enim manumissus in hac specie convenitur ꝑ ex sua promissione, sive ex eo, quod servus egit. Id enim fieri non posse, dno certissima argumenta sunt. Primum, quod servi ex contractibus suis ab initio civiliter non obligantur. L. *servi*, 13. D. *de obl. & act.* Si initio non obligantur, post manumissionem teneri non possunt. Nam quæ ab initio obligatio non constitit, tractu temporis confirmari non potest. L. *quod ab initio*, 29. D. *de reg. iur.* Adde, quod obligatio ex contractu nascitur, non ex manumissione. Alterum argumentum est, quod & si servus cum aliis contrahendo, illis obligari posset: tamen cum domino ipso contrahendo obligari non potest. Nam ex maleficio servus alteri obligatur civiliter: domino obligari non potest. L. *ult. infr.* Et generaliter: nulla

actio inter servum & dominum consistere potest, ut ibi dicitur. Non potest igitur, ut dixi, in specie proposita actio domino competere adversus manumissionem, ex prioris contractu, seu obligatione, quæ nulla est. Etiam si quis fingeret servum post manumissum eundem hominem esse. Quo igitur ꝑ ex facto manumissus hic teneretur? ex dolo suo, unde & adversus eum actio de dolo competere dicitur in L. & *eleganter* 7. §. *servus pactionis*, D. *de dolo*. Hunc dolum non admittit, priusquam manumissus esset, cum pecuniam promississet ob manumissionem: quæ nondum secuta erat. Hunc solum dolum admittere intelligitur, cum manumissus fidem non servat. Hic igitur actio est ex actu manumissi, non servi. Dolum autem in eo est, quod ꝑ manumissus ex conventionem libertatem retinet; ipse autem conventioni parere non vult, & non parendo aperte dominum fraudat, quia iure destituitur omni actione. Non enim potest revocare libertatem, quæ semel data non relluitur. L. *si ex causa*, §. *ult. D. de minorib.* Non potest etiam ex conventionem & promissione pecuniam petere; quia nulla fuit promissio, nulla conventio, quæ obligationem civilem pareret. Restat igitur, ut in hac fraudatione, quæ post manumissionem contingit, sit actio de dolo, deficientibus aliis actionibus; ut est conditio

tio huius actionis. *L. 1. §. ait, prætor, D. de dolo.* Sed † ex hoc responso incidit posterior pars huius responsi in difficultatem. Hic enim dicitur actio esse in factum. Nos dicimus actionem esse de dolo manumissi: idque diserte scriptum est in *d. L. §. eleganter §. servus pasci.* Nam quod Accursius hic dicit, in ea lege servum pecuniam non promississe domino, aperte verbis eius loci refellitur; ubi servus dicitur dedisse expromissorem pactionis pro libertate. Præcesserat igitur servi pactioni pro libertate. Non est autem pactioni, nisi ut quid deus, aut fiat, ut est natura omnium obligationum, *L. obligationum substantia, 3. D. de oblig. & act.* Sed hac obiectione † moveri non debemus. Nam concurrunt in eadem causa hæ actiones duæ, actio de dolo, & actio in factum. Non, ut cui actio in factum competit, ei competat actio de dolo: sed ut cui actio de dolo competit, ei, si velit, competat in factum. Actio de dolo est, cum dominus ex hac causa agens aperte dicit, manumissum dolo facere: eoque se dolo experiri. Actio in factum in eadem causa est, cum actio a domino temperatur verbis in rei & facti nudam narrationem compositis, detracta doli mentione. *L. non debet, 11. in fine, D. de dolo.* Utra harum actionum, seu potius formularum uti velit dominus, in eius potestate est. Ut enim nemo inivisus agere, vel accusare cogitur, supra, titulo, *ut nemo, &c.* Ita nemo cogitur, durior & severiore actione experiri, sed licet unicuique experiri molliore & leviori iudicio. In quam sententiam disputat Cicero in oratione pro Cæcinnia in principio. Concurrere † autem has actiones liquet ex *L.*

rei, 33. D. de dolo. Nam illic species proponitur, in qua inter omnes convenit, actionem de dolo competere; & tamen illic scriptum est, actionem in factum esse eo nomine. Idem intelligitur ex doli exceptione. Nam in quibus causis doli exceptio competit, in iis locum habet exceptio in factum: & contra, in quibus exceptio in factum competit, in iis etiam competit, & doli exceptio. *§. 1. Institut. de exception. L. 2. §. circa, & §. Generaliter, D. de exception. doli.* Est autem exceptio doli, cum reus aperte dicit, actorem dolo facere. Exceptio in factum est, cum actor dicit, se teneri non debitori, ob id factum, quod præcessit, & factum simpliciter manet, sine ulla mentione doli. Et hoc est, quod Theophilus in *d. §. 1. Instit. de exceptio.* dicit, exceptionem in factum esse, quæ *deceptio*, id est, narrative proponitur. Sed videtur in hac specie, † ne actionem quidem in factum domino dari adversus manumissum, argumento operarum a servo promissarum. Nam si servus manumittendus promiserit operas domino, atque adeo iuraverit, se illi operas daturum: tamen post manumissionem eo nomine nulla actione tenetur: nisi cum manumitteretur, aut postea operas promiserit. *L. ut iniurandi, §. 7. iurare, D. de operis libert. L. ult. D. de liberali causa.* Respondetur: dissimilia hæc sunt: nam servus pecuniam promittit propter manumissionem, ut hic sit quædam permutatio pecuniæ & libertatis. At operæ non promittuntur propter manumissionem. Proinde non decipitur dominus, si operas pro libertate non accipit, quæ pro libertate promissæ non erant.



Ad L. Lices. 4.

Imp. Gordianus A. Hieroni.

Lices servitutis tempore ea quæ pecuniam matris tuæ surripuisse dicuntur, ob huiusmodi admissum conveniri non poterat: ad libertatem tamen perducta, (nam caput noxa sequitur) furti actione tenetur. PP. Id. Septemb. Pio & Pontiano Coss.

S U M M A R I A.

1. *Servus cur potius ex delicto, quam ex contractu conveniri possit? Maleficia non debent manere impunita. ibid.*
2. *Quare servus statim obligatus ex delicto, non nisi post manumissionem conveniatur.*

3. *Regula illa: Noxa caput sequitur, quid valeat: ea explicatur incutimus, ad fin. usque. Noxa quid? ibid. Caput quid? ibid. Caput in iure frequenter personam significat. ibid. Capite diminui quid? ibid.*

Servus si quid deliquerit, post manumissionem ex maleficio tenetur. Hic statim quaeritur: Cur potius ꝑ ex maleficio, quam ex contractu? cum servus non minus possit consentire, quam delinquere? Hoc vero in totum regulæ iuris refragari videtur, quominus servus ex suo ullo facto obligetur ab initio. Quod si non obligatur, nec post manumissionem teneri potest. §. si servus, *Institution. de noxal. action.* Regula iuris hæc est: Quod attinet ad ius civile servi pro nullis habentur: qui nulli sunt, obligari non possunt: non magis ex maleficio, quam ex contractu. Nam obligatio est res iuris. Est enim iuris vinculum. Quare si obligationis ex contractu servus capax non est, non erit ex eadem regula, ne obligationis quidem ex maleficio capax. Respondetur. Hæc regula cæteris in rebus omnibus locum habet: delicta excipiuntur. In delictis servi habentur pro aliquibus, ad poenam luendam. Unde & statim ab initio ex maleficio obligantur, non naturaliter tantum, sed etiam civiliter. *L. servi. 13. D. de oblig. & act.* Constitutum id est propter utilitatem publicam, ad quam pertinet, delicta non manere impunita. *L. si is vulneratus, 51. circa fin. D. ad L. Aquil. L. licatio, 9. §. quod illicite, D. de publican.* Sed si servi ꝑ ex maleficio statim obligantur, qui sit, ut non teneantur & conveniantur, nisi post manumissionem? Non enim ante conveniuntur. §. omnis, *Institution. de noxal. actionib.* Re-

spondetur, non eo id sit, quia non statim obligantur; sed quia conveniri utiliter non possunt, nisi iudicio. Iudicium autem cum servi consistere non potest. *L. servi, 6. & L. sequent. supr. de indic.* Adde, quod servi cum de pecunia agitur, nihil habent in bonis, unde solvant. §. 2. §. item vobis, *Instit. per quas person. nob. acquir.* Et hoc est, quod traditur regula veteri: *Noxa caput sequitur*, quæ hic exstat, & in §. omnis, *Institution. de nox. action. L. supra, de action.* Huius ꝑ regulæ hic est sensus: Noxam, id est, delictum, & propter delictum delicti persecutionem sequi caput, id est, auctorem delicti. Alias caput frequenter in iure personam significat, ut cum dicitur, deportatione caput eximi de civitate. *L. D. de pub. indic.* Ubi hoc significatur, deportatione personam & civem Romanum deinere esse in numero civium, ut interpretatur §. cum actem, *Institution. quibus modis ius patriæ potest.* Hoc casu dicitur, quis capite diminui, cum caput, seu status persone minuitur, in princip. *Institution. de cap. demin.* At in hac regula non sic caput accipere possumus. Nam illo sensu semper dominus teneretur ex maleficio servi: aut certe dici posset, eum teneri ex hac regula. Nam is vere caput habet, cum sit liber. Ideo intelligere debemus, capitis verbo auctorem delicti, ut sæpe apud probatos auctores caput hoc sensu usurpatur. Sed qui sit, ut dicatur, *Noxa caput sequi*. Cum servus, quandiu servus est, no-

xali

xali actione non teneatur, sed dominus, & qui servum in potestate habet. Hoc quidem tempore noxa non sequitur auctorem, dixerit aliquis? Imo vero & hoc tempore noxa auctorem sequitur. Non e-

nim dominus conveniatur, quia dominus est: sed conveniatur propter servum, ut quodammodo in persona domini videatur servus conveniri. Num aut pro eo pecunia solvetur, aut servus noxæ dedetur.

Ad L. pen.

Imp. Gordian. A. Chresto.

Si (ut allegas) antequam a domino manumittereris, fundos eius coluisti, posteaque adempto peculio libertate donatus es: ob reliqua, si qua pridem contracta sunt, res bonorum, quas postea propriis laboribus quaesisti, inquietari minime possunt. PP. XVI. Kal. Decembr. Ariano & Pappo Coss.

S U M M A R I A.

1. *Servi res post manumissionem inquietari non possunt.*

UT ex actu servitutis servus post manumissionem conveniri non potest: sic nec res eius inquietari, ut hic traditur. Ubi generale illud definiri intelli-

gitur, neminem ex alio contractu neque in persona, neque in rebus suis inquietari posse, *L. 2. sup. ne uxor pro maris.*

Ad L. Ult.

Imp. Diocletian. & Maximian. AA. & CC. Feliciano.

Sive servus sint hi, quorum precibus fecisti mentionem, domi eos conveni: quia inter dominos ac servos iudicium constare nullum potest. Sive post delictum manumissi sint: ex antecedentibus post datam libertatem eos nulla ratio iuris a dominis quondam conveniri patitur. Sane si post manumissionem quid illicite commiserint: hoc apud præsidem provincie argue, accepturus ex iure sententiam. Dat. II. Id. April. Byzantii. AA Coss.

S U M M A R I A.

1. *Actio inter dominum & servum nulla potest consistere.* 2. *Quare nulla inter dominum & servum, cum sit tamen inter servum & extraneum.*

Servus ex maleficio post manumissionem tenetur. Hoc ita est, nisi in dominum servus deliquerit. Inter dominum & servum neque ex contractu, neque ex maleficio actio iure ab initio contrahi potest. Nulla denique civilis obligatio. §. *hi, qui in parentum. Institut. de obligation. que ex delict. nasc.* Sed quaeritur amplius, si eum non possit inter hos obligatio consistere? ut potest inter servum & extraneum. *Tom. VII.*

vum & extraneum, cum servus non ante ex maleficio teneatur, quam manumissus fuerit. Ratio reddita est in *L. servi. 17. D. de furt.* Quia inquit Ulpianus, non est necesse, eum eum servo, aut filio litigare, & contendere iudicio, ubi ipse sine iudicio in servum & filium statuere potest. Ex ideo inquit, non est actio prodita, &c. Hic locus explietur in §. *si servus. Inst. de non. act.*

Mmm

IN TIT.

IN TIT. COD. XV. LIBRI IV.

QUANDO FISCUS VEL PRIVATUS DEBITORIS SUI
DEBITORES CONVENIRE POSSIT.

Ad Rubricam.

S U M M A R I A.

1. Creditor debitores debitoris sui convenire non potest.
2. Creditor potest debitores debitoris sui

convenire, volente debitore, tribus modis, & qui sint.

3. Bona debitoris invito quomodo creditori pignori obligentur?

DE hac questione hæc juris summa est: regulariter definiendum est, creditorem ꝑ debitores debitoris sui convenire non posse. Quæ definitio traditur *L. 3. infra de hereditar. act. tit. prox.* Ratio exponitur ad *L. 2. infra*. Interdum tamen convenire potest debitores debitoris creditor. Id autem fieri potest alias volente debitore, alias invito. Volente debitore, ꝑ ut creditor debitores eius convenire possit, fit tribus modis. Primo: si creditori mandet, seu cedat suas actiones: quo mandato consequitur creditor, ut tanquam procurator in rem suam eas actiones exercere possit ex persona debitoris sui. De quo diximus ad *L. 1. sup. de oblig. & actionib.* Altero modo, si sine cessione debitor nomen suum dederit creditori suo in solutum: quæ ex datione creditor consequitur utiles actiones suo nomine adversus debitorem debitoris, *Leg. ult. hoc tit.* De huius dationis vi &

potestate diximus, quantum satis est, ad *L. 2. & L. si cum solutum, & seq. supra, de oblig. & actionib.* Unde sumi potest, quod ad interpretationem *dist. L. ult. hic* pertinet. Terrio modo, si debitor creditori suo nomen dederit pignori: Nam & hic nascitur creditor actionem personalem adversus debitorem, cuius nomen pignori accepit. *L. nomen 4. infr. que res pignor. oblig. poss.* Invito debitore creditor debitores eius convenire non potest, nisi cum bona debitoris creditori pignori obligata esse ceperint, invito debitore. Ut autem bona debitoris ꝑ invito creditori obligentur pignori, contingit aut ex causa iudicati, & similibus, ex quibus prætorium pignus nascitur, de quo in *L. 2. hic*, aut ex privilegio, ut contingit in debitoribus fisci, de quibus in *L. 3. & penult. hoc tit.* Lex prima huius tituli ad hanc questionem non pertinet.



Ad L. Propter. et 1.

Imp. Severus & Antoninus AA. Valeriano.

Propter et alienum pupilli, res tutoris, qui nihil ex bonis eius tenet, pignori capi non oportet. PP. XI. Kal. Iun. Laterano & Rufino Cass.

S U M M A R I A.

1. Tutoris res ob et alienum pupilli pignori capi non possunt.
2. Dubitandi ratio.
3. Eadem dissolvitur.
4. Tutor non potest esse debitor pupilli Momenta superioris definitionis.
5. Tutoris res an finita tutela pignori capi possint a creditore pupilli, & quatenus & n. 6.
7. Tutor quando conveniri possit?

HOC rescriptum confirmat eam sententiam, quæ tradita est titulo, ne uxor pro maris. & titulo sequent. Sententia generalis hæc fuit: neminem ex persona alterius, & alterius obligatione conveniri, aut inquietari posse, multo minus res eius. Et hæc sententia est, quod hic traditur. Ob et alienum pupilli, id est, ex persona & obligatione pupilli res tutoris pignori capi non posse; si modo tutor nihil ex bonis pupilli teneat. Dubitatio nata est ex coniunctione, quæ inter istas personas intercedit. Nam tutor prope idem esse existimatur cum pupillo: certe ubique domini aut quasi alterius parentis habetur loco. *L. cum plures, §. 1. usque ad fin. L. tutor, qui tutelam, D. de admin. tut.* Sed non est hæc coniunctio tanta, quanta est, quæ intercedit inter maritum & uxorem, patrem & filium; matrem atque filiam. Quare si maritus pro uxore, uxor pro marito, filius pro patre, pater pro filio conveniri non possunt: consequens est, multo minus tutorem, aut tutoris res pro pupillo, sive ex persona pupilli inquietari posse. Sed an possunt res tutoris pignori capi ex persona ipsius pupilli? Multo minus. Quotiam tutor, quandiu durat tutela, aut pupilli debitor non est, aut certe pupilli debitorem esse constare non potest. Non potest enim id constare iure, nisi iudicio. Iudicium eum tutore exerceri non potest. *L. 2. infra, de admin. tut.* Item non potest debitor debere pupillo, nisi subdu-

ctis rationibus tutelæ, & administrationis, appareat tutorem reliqui aliquid debere, seu reliquatorem esse. Hoc autem uisi finita tutela constare non potest. Nam rationes a tutore non exiguntur, nisi finita tutela, quemadmodum nec a curatore, nisi finita curatione. *L. rationes, 14. infra de admin. tut. L. nisi finita, 4. D. de tutel. & rationibus distrab.* Quid? finita tutela postulatne res tutoris pignori capi ex persona pupilli? Respondetur. Si tutor ex administratione tutelæ debitor est, potest pupilli creditor tutorem pupilli debitorem, ut & ceteros pupilli debitores eodem modo convenire, ut creditores reliqui possunt debitoris sui debitores convenire, de quo dicitur *ad L. 2. & sequentes.*

Sed hic exceptio adiecta est: Si tutor nihil possideat, id est, ex rebus pupilli teneat. Nam si tenebit, interdum & tutor conveniri, & bona eius pignori capi possunt: sed hoc tunc solum fiet, eum res pupilli creditori pignori obligatæ fuit. Nam hoc casu actio hypothecaria adversus tutorem, qui possidet, competit: qua actione iubetur tutor res restituere creditori; nisi restituat, econdemnatur, quanti ea res est, de qua agitur, ut est conditio huius actionis *L. si fundus 16. §. in vindicatione D. de pignoris.* Si tutor hoc modo econdemnatus non solvit, secundum ordinem consueti iuris, res eius ex causa iudicati pignori capiuntur & distrahuntur. *L. 1. inf. de execut. rei iudic.*

Ad L. si in causa. 2.

Imp. Antoninus A. Marco.

Si in causa iudicati Valentis, quem sibi condemnatum esse proponis, nihil est, quod sine questione pignoris loca capi & distrahi possit: debitores eius conventi, ad solutionem auctoritate praesidis provinciae compelluntur.

S U M M A R I A.

1. *Creditor convenire non potest debitoris sui debitores, ubi horum bona pignori non sunt obligata eidem creditori.*
2. *Debitores debitoris sui convenire potest creditor ex causa iudicati, cum idem debitor ante condemnatus est.*
3. *Debitores debitoris nostri quibus conditionibus conveniri possunt? & seqq.*
4. *Debitores debitoris nostri non statim conveniri possunt.*
5. *Nomina debitoris recte pignori ca-*

- piuntur, si nihil debitoris condemnatum praeter illa sit reliquum.*
6. *Debitores debitoris si se condemnatos inficiantur, quomodo creditori consalutur? Quid si debitores isti malitiose negent se esse debitores?*
7. *Debitores debitoris condemnati qua actione conveniantur? Et an statim ad solutionem compellendi sint?*
8. *Quare in rescripto dicitur debitores ad solutionem auctoritate praesidia compellendos.*
9. *Nomen & debitum; quomodo pignori capiatur?*

Hoc rescriptum complectitur duas utilissimas sententias; quarum continetur totam quaestionem de poeitate conveniendi debitores debitoris nostri. Prior sententia generalis haec est. † Si debitoris bona creditori pignori obligata non sunt, vel conventionae, vel lege; nunquam creditor debitoris sui nondum condemnati debitorem convenire potest. Id perspicue declaratur hoc rescripto, cum dicitur: Debitores debitoris nostri conveniri posse, sed ex causa iudicati, cum debitor ante condemnatus est. Ergo priusquam sit condemnatus, debitores eius a creditore conveniri non possunt. Haec sententia, ut initio diximus, generalis traditur. *L. 3. infra, proximo est.* Sententia ex principiis iuris notis necessario efficitur. Aut enim creditor debitorem sui debitoris convenire tanquam suum debitorem; aut tanquam eum, cuius nomen, seu debitum pignori habeat. Tanquam debitorem suum convenire eum non potest, quia cum eo nihil contraxit, nihil negotii gessit, nullam iniuriam, aut damnum ab eo accepit; neque porro obligatio nascitur adversus aliquem aliunde, quam ex his causis, §. 1. *Institut. de obligationib.* Proinde nec actio §. 1. *Institution. de action.* Multo minus debitorem debitoris convenire potest iure pi-

gnoris, quia eum debitorem creditoris ponimus, cuius bona creditori obligata non sunt. Nulla igitur ratio patitur, ut ereditor debitoris sui debitorem convenire possit, antequam debitor creditoris sit condemnatus. Dixi, si debitoris bona creditori obligata non sint. Nam cum in bonis debitoris sint nomina eius, id est, illa, quae ei debentur: haec nomina conveniri possunt, eo iure, atque ordine, de quo mox dicetur. Idque etiam intelligitur ex hoc rescripto, ubi placet, debitore creditoris condemnato, debitores eius conveniri posse ex causa iudicati. Quod non fit alia de causa, quam quod creperunt hoc casu bona debitoris pignori esse creditori. Altera sententia hic diserte expressa est: Si debitor a creditore conventus condemnatus est, tum debitores † condemnati iure a creditore conveniri possunt. Sed cur. prius condemnati conveniri possunt, quam nondum condemnati? Ratio est in promptu; quia cum condemnatus pecuniam non solvit, sententia mandatur executioni, hoc modo: ut bona condemnati pignori capiantur & distrahantur, ut ex pretio rerum distractarum iudicatis satisfiat, *L. 1. infr. de execut. rei iudic. L. a Divo Pio. 15. §. in vendit. Digest. de re iudic.* In bonis autem debi-

debitoris sunt eius nomina, id est, ea quæ ei debentur a debitoribus suis, *L. bonorum 99. Dig. de verb. significat.* Proinde & hæc quoque in his bonis iure pignori capiuntur. Hæc executio ante rem iudicatam locum non habet, *d. L. 1. inf. de execut. rei iud.* Proinde hoc iure debitores debitoris conveniri nullo modo possunt. Sed condemnati debitoris debitores cum placet conveniri non posse nisi certis conditionibus: quibus hi conveniri possint? Tum qua actione? Postremo, quis huius conventionis sit effectus? Seu, quid conventi, & quare statim præstare debeant.

3 Condemnati debitoris debitores ꝑ conveniri possunt a creditore, sed tribus conditionibus concurrentibus: Prima conditio est: si ex causa iudicari bona capta sunt, aut capi iusta, ut significatur illis verbis, *si nihil sit, quod ex causa iudicari capi possit.* Hoc eo spectat, ut intelligamus, non statim condemnati debitoris ꝑ debitores conveniri posse: quoniam non statim adversus condemnatum sententia mandatur executioni, pignori capto. Nam condemnato spatium ad solvendum datur. Intra statutum tempus pignora capi non possunt. *L. 2. Dig. de re iudic.* Proinde nec infra id tempus ad eius debitores perveniri potest. Altera conditio hic expressa est, si nihil sit in bonis condemnati, quod pignori capi possit, aut, quod idem est, si quid sit: sed non possit capi sine questione. Quibus verbis hoc significatur: si quæ res possessæ sint a debitore, & dum hæc pignori capiuntur tanquam res eius, existat aliquis, qui earum rerum proprietatis controversiam faciat, quod dicat, se earum dominum esse, aut sibi pignori obligatas esse: hæc res omittitur, quasi non essent in bonis debitoris, & aliæ capiuntur, quæ sunt sine controversia, ut explicatur in *L. a Divo Pio 15. §. si res, in fin. D. de re iudic.* Proinde si nihil aliud ꝑ sit reliquum, quam nomina quæ capiuntur sine controversia, tum demum ad nomina recte pervenitur. Hæc autem conditio est illa, quæ aliis verbis significatur, in *L. penult. infra*, cum scilicet ita dicitur: Fiscum debitoris sui debitores convenire non posse, nisi prius paverit, debitorem fisci non esse idoneum, seu non esse solvendo. Id enim tunc contingit, cum ipse nihil habet in bonis, quod capi possit. Quomodo autem constabit, nihil esse in bonis debitoris, quod possit capi? Id constabit excussis eius rebus omnibus tam immobilibus, quam mobilibus. Itaque hæc conditio discussionem bono-

rum præcedentem necessario exigit, ut perveniri possit ad condemnati creditores. Tertia conditio est: ut vere debitor sit, qui tanquam debitor condemnati convenitur. Loquitur enim rescriptum de debitoribus condemnati. Debitores sic accipere debemus, quos constat tales esse. Quid ergo ꝑ si se debitores esse condemnatos inscientur, qui, tanquam debitores eius conveniuntur? Respondetur: nomen eorum pignori non capietur, & quod idem est, conventi non compelluntur ad solutionem, ut verba sunt huius rescripti. Id autem expressum est in *L. a Divo Pio, §. sic quoque, D. de re iudic.* Quid si debitores illi vere debitores sint, sed malitiose negant, se esse debitores? Quomodo hic creditori misere consulatur? Respondetur: in hac insidiatione debitorum, nomen eorum non capietur pignori, ut dicitur in *d. L. a Divo Pio, §. sic quoque*: Sed pignori dabitur, inter quas hoc interest. Nam cum dicimus debitorem nomen pignori capi, intelligimus capi cum effectu præfenti, ut scilicet statim conventi compellantur ad solutionem; quia fatentur se esse debitores. At cum nomen tantum pignori datur creditori, hic nihil amplius creditori datur, quam actio adversus debitorem; in qua actione si debitor neget, non est statim vi compellendus: sed ut est ordo iudiciorum, prius conveniendus & convincendus est, convictus condemnandus, tum deinde ad extremum remediis iuris urgendus ad solutionem, iuxta *L. negantes, supra de oblig. & alt.*

Qua actione ꝑ conveniuntur condemnati debitoris, qui cum creditore nihil contraxerunt? Respondetur: conveniuntur ea actione, quæ condemnato competere aduersus debitores suos, quasi hæc actio in creditorem sit translata. Nam hæc actio in creditorem transfertur, cum creditor debitorum nomen pignori obligat. *L. nomen 4. infra, quæ res pignori obligat. poss.* Proinde & hic transferetur; quoniam ex causa iudicari bona condemnati pignori creditori esse iusta sunt. Et hoc est, quod dicitur in *L. 1. infra, si ex causa indicat.* huius pignoris nomine actionem competere; quia in vicem iustæ obligationis succedat auctoritas iubentis, intellige, iudicis, seu magistratus, qui pignora capi iubet. Sed actio debitoris directa in creditorem transferri non potest. Proinde creditori non directa competit, sed utilis, ut est in *d. L. nomen. 4.* Similiter ut fieret, si debitor nomen in solutum creditori dedisset, *L. 2. supra, de oblig. & alt.* Hæc conventio & actio

id consequitur creditor quod hic expressum est, ut debitores conventi ad solutionem auctoritate praesidis compellantur. Sed an statim, an cum aliquo intervallo, & quod intervallum hic intelligendum est? Respondetur: compelluntur debitores secundum formam traditam in *L. si debitori 21. D. de indic.* Nam placet debitorem confitentem & spatium ad solvendum postulantem, non esse cogendum statim solvere, sed tempus ei dandum: id nimirum, quod iudicatis dari solet. Post quod tempus si non solvant, perinde res eius pignori capientur, ut caperentur adversus condemnatum; quoniam confessi in iure pro iudicatis & condemnatis habentur. *L. unica, infra, de confes. L. 1. D. cod.* Notandum est autem quod dicitur, *conventus debitores compelli* & *auctoritate praesidis*; non dixit, *iudicis*, quoniam si index privatus, seu datus debitori debitoris condemnasset; tamen is iudex sententiam non exsequeretur, nec pi-

gnora capi iuberet: sed sententiam exsequuntur magistratus populi Romani iidem, qui iudicem dederunt. Proinde in provinciis praesides, Romae praetores. *L. a Divo Pio 15. in pr. D. de re iud.* Obiter & illud notandum est, ex hoc loco recte sumi interpretationem eius, quod dicitur, in *L. a Divo Pio 15. §. sic quoque, D. de re iud.* Praesides & iudices sic sententiam exsequi, ut nomina quoque pignori capi iubeantur. Quæritur quomodo nomen & debitum pignori capiatur, cum nomen sit obligatio, id est, res incorporalis, *L. qui chirogr. 39. D. de L. 3.* Id quomodo fiat, ex hoc loco intelligitur. Denuntiatur debitoribus condemnati, ne condemnato solvant, sed solvant creditori, cui debitor condemnatus est; & in eam rem auctoritate magistratus, qui sententiam exsequitur, conveniuntur; conventi compelluntur solvere, si fateantur se debere. In qua executione spectatur effectus pignoris.

Ad L. Si debitum. 3.

Imp. Gordianus A. Primanio.

Si debitum non inficiantur hi quos obnoxios debitoribus fisci esse proponis: potest videri non esse iniquum quod desideras, ut ad solutionem per officium procuratoris compellantur. Nam si quaestio aliqua refertur: id concedi non oportere, etiam ipse perspicis. PP. VI. Kal. Feb. Sabino & Vennusto Coss.

S U M M A R I A.

1. *Fiscus cur privato preferatur, & debitores debitoris sui statim convenire possit? & n. 2.*
2. *Bona debitoris fisci statim fisco sunt obligata.*
3. *Fiscus in quo cum privato conveniat?*

4. *Nomina inter bona nostra connumerantur.*
5. *Fiscus quibus conditionibus debitores debitoris sui conveniat?*
6. *Fisco cur non liceat pro arbitrio nomina convenire prius, quam res ceteras?*

Fiscus debitoris sui debitores statim convenire potest, etiam priusquam debitor ei sit condemnatus, & multo magis, priusquam ex causa iudicati bona debitoris eius pignori capi iussa sint. Cur & potius fiscus, quam privatus? Nam privatum id facere non posse supra dictum est in *L. 2.* Respondetur: Non utique quia fiscus est solum, qui agit: sed & quia debitoris fisci bona statim fisco sunt obligata, lege & privilegio, quod ei tributum est, *L. 2. 3. & 4. infr. de privileg. fisci,*

L. auferitur, §. fiscus, D. de in. fisci. In quo eadem ratio servatur, & quæ in privato. Nam & privatus creditor condemnati sui debitoris debitores convenire potest, quia ex eo bona debitoris ceperunt illi pignori esse. Proinde idem dicemus, si cui creditori bona debitoris eius a principio obligata sunt. Semper enim verum est, quod in *L. 2.* diximus, nomina esse & in numero bonorum nostrorum, id est, actiones & ea, quæ debentur cuique nostrum. *L. bonorum, D. de verb.*

verb. significat. Sed quia non proprie hæc sunt in bonis, neque ita tam constat, nomina esse, quæ dicuntur nomina: ideo ut in privato creditore, sic ¶ in fisco placet, fiscum non aliter debitoris sui debitores convenire posse, quam siisdem conditionibus, quas supra diximus in L. 2. Primum igitur præter pignoris obligationem exigitur, ut debitores debitoris, qui conveniuntur a fisco, fateantur se debitores esse: si negent, conveniri non possunt, ut hic scriptum est. Idem in privatis scriptum in L. a Divo Pio 15. §. sic quoque, D. de re iudic. Quid si debitores maliciose negent se debitores esse? Respondetur: Quid hic factio sit opus, supra diximus ad L. 2. Exigitur præterea, ut prius appareat, debitorem filci solvendo non esse.

Itaque si ille bona habet, quæ capi possunt: sine controversia ad debitores eius non pervenietur. L. pen. infr. hoc tit. quam conditionem etiam in privatis esse, ostendimus in L. 2. supr. Quæri hic potest: Cum omnia bona debitoris filci sint pignori obligata fisco & in bonis debitoris sint eius nomina & actiones, cur non ¶ licet fisco, pro arbitrio nomina convenire, priusquam res certas? Respondetur. Summo iure id facere potuit, postquam bona debitoris illi omnia sunt obligata. Sed placuit hic iurisdictionem temperari, ne alii inquietentur, quandiu fiscus ex rebus creditoris suum consequi potest. Eodem exemplo, quo placuit in L. 2. infr. de pignor.

Ad L. Non prius 4.

Impp. Diocletian. & Maximian. AA. & CC. Zosimo.

Non prius ad eos qui debitoribus filci nostri sunt obligati, actionem fiscalem extendi oportere, nisi patuerit principales reos idoneos non esse, certissimi iuris est. S. XII. Kal. Maii. AA. Coss.

S U M M A R I A.

1. *Fiscus qua actione debitores debitoris sui convenire possit? Et quid hac conventionem consequatur?*

2. *Creditor qui itidem ut fiscus bona debitoris habet beneficio legis obligata potest idem debitores sui debitoris statim convenire.*

¶ Querimus, qua actione fiscus debitoris sui debitores ¶ convenire possit, tum hac conventionem fiscus quid consequatur? De his responsum est ad L. 2. supr. Nam in hac re eadem servanda sunt. Cum dicamus, fiscum debitoris sui debitores convenire posse hac ratione, quod bona debitoris ei sunt obligata: con-

ut fisco, eadem in eo creditore probanda esse: ut is debitoris sui debitores convenire possit, siisdem conditionibus & eodem iure, quo supra diximus. In hoc autem numero est, exempli gratia, pupillus, cuius tutela administrata est. Nam ex hac causa bona omnia tutoris tacite pupillo sunt obligata pro administratione. L. pro officio, 20. infr. de administrat.

Ad L. ult.

Idem AA. & CC. Nandiz.

In solum nomine dato, non aliter nisi mandatis actionibus ex persona sui debitoris adversus eius debitores creditor experiri potest: suo autem nomine utili actione recte utetur. D. Kal. Ianuarii CC. Coss.

HIC locus expositus est ad L. 2. supr. de obligat. & act.

AD TITU-

A D T I T U L U M XVI.

D E H E R E D I T A R I I S A C T I O N I B U S .

A d R u b r i c a m .

S U M M A R I A .

1. *Actiones hereditariae transeunt in heredes.*
2. *Hereditariae actiones quae?*
3. *Summa §. restituta. Inst. de fideicommiss. heredit.*
4. *Unde actiones hereditariae: & quare transeunt in heredes.*

- Heres succedit in universum ius defuncti. ibid.*
5. *Ius omne defuncti quid significet.*
6. *Commoda & incommoda hereditaria quae?*
7. *Summa huius tituli.*

EX hoc titulo exceptio est eius regulae, quae tradita est supra in *L. 3. ne uxor. pro mar.* & *L. 1. ut fil. pro patre.* Regula facit, ne quis ex alterius persona & obligatione conveniri possit: Hoc ad heredes non pertinet. In hos transeunt hereditariae actiones, & lis actionibus non minus tenentur heredes, quam defunctus. *L. ult. inf. hoc tit.* Hinc quaestio introducitur de hereditariis actionibus, de qua hoc tit. Hereditariae actiones dicuntur, quae heredi dantur adversus alios, & quae contra in heredem competunt, ut sunt actiones hereditariae, & eae, quas heres habet iure hereditario adversus debitores hereditarios, & hae quibus tenetur ut heres creditoribus hereditariis. Id intelligitur ex §. *restituta, iunct. §. sed si recusabat, in fin. Inst. de fideicom. heredit.* Nam in priore §. dicuntur in eum, cui restituta est ex Trebelliano haereditas, transire actiones tam, quae heredi, quam quae in heredem competunt. In altero autem §. eae actiones uno verbo dicuntur hereditariae actiones. Hae sunt propriae actiones, quae prius defuncto & in defunctum competeant, quae successione ad heredes & in heredes transeunt. Id autem fit ex hoc iure. Nam heres in personam, coque in ius omne defuncti

succedit. *L. heres in omne, 37. D. de acq. hered.* Ius omne quod sic accipimus tam id, quod defunctus habuit, quam id, quo defunctus tenebatur: hoc efficitur ex sententia, quae aliis locis planius tradita est: heredem succedere in commoda & incommoda omnia hereditaria. Commoda, quod ut dominium defuncti, ut actiones; quas habuit adversus debitores suos, *L. cum heredes 23. D. de acquir. poss.* Incommoda sunt onus aeris alieni. In hoc etiam onere & actione hereditaria quae heres tenetur, recte numerabimus praestationem legatorum & fideicommissorum. Nam & hoc iure hereditario heredi incumbit, de quo dicitur in *L. 2.* Sed de actionibus, quas defunctus habuit, & heres nunc habet, hoc titulo non agitur, quia ad quaestionem propositam nihil facit. Solum quod agitur de obligatione defuncti, seu de actione, qua defunctus tenebatur: aut qua nunc tenetur heres, ut heres: de qua hae sunt quaestiones: an heredes teneantur creditoribus hereditariis ex persona defuncti? & an teneantur soli? de quo in *L. ult. hie.* Si tenentur & plures sunt, quatenus teneantur singuli? quae pars praecipue deciditur in *L. 2.* Sed & ad eam partem reliqua rescripta huius tituli praecipue referuntur.

A d L.

Ad L. Pecuniam 1.

Imp. Gordianus A. Hermeroti.

Pecuniam quam tibi a matre debitam fuisse dicis, ab heredibus eius coheredibus suis pro parte tibi competente petere debes. Sed & res si qua tibi ob idem debitum obligatae sunt, persequi non prohiberis. PP. XI. Kal. Mart. Gordiano A. II. & Pompeiano Coss.

S U M M A R I A.

1. Heres tenetur ex persona defuncti.
2. Confusione obligatio tollitur.
3. Obligatio quoties in eum casum incidit, a quo incipere non potest, extinguitur.
4. Confusione tollitur obligatio pro ea parte qua creditor debitori successit.
5. Creditor heres pro parte potest agere adversus coheredes pro reliquo, quod debetur.
6. Item potest pignora persequi a coheredibus, & quidem in solidum,

si pignora sint coheredibus praestata.

7. Facti species rescripto accommodata fingitur.
8. Obligatio individua an propter partis confusionem tota tollatur, & an propter partis redemptionem tota retineatur, & quomodo distinguendum.
9. Distinctionis partes exposita, in iisque tota questio expedita & n. 10.

Heres in aë alienum & obligationem defuncti succedit, ut non minus ex persona defuncti teneatur creditori, quam si defunctus viveret. *L. ult. infra.* ex hoc iure efficitur illud, quod de confusione obligationis regula iuris traditur: quoties creditor debitori suo succedit, aut contra debitor creditori, confunditur obligatio in persona heredis, eaque confusione t obligatio tollitur. *L. ut debitum 5. infr. hoc tit.* Nascitur, ut dixi, hæc regula ex superiore illo iure, quo dicimus heredem in obligationem defuncti succedere. Nam si creditor succedit in obligationem debitoris sui: evenit eodem tempore, ut idem sit & creditor & debitor. Id vero natura non patitur: proinde exinde fit impossibilis prælatio. Impossibile autem nulla obligatio est, ex regula iuris, *L. impossibilium, D. de reg. iuris.* Nec ad rem pertinet, quod a principio, quo tempore creditor heres non erat, contulit obligatio inter eum & defunctum. Nam cum obligatio t in eum casum incidit, a quo incipere non poterat, placet obligationem extinguere. *L. pro parte 11. D. de servit.* A principio nemmo idem sibi debitor & creditor esse potest. *Tom. VII.*

test, quia natura alium esse oportet, qui debet; alium, cui debetur. Proinde si ex eventu in hunc casum res deducta sit, obligatio tollitur eadem ratione, qua a principio consistere non poterat, nempe, quia sit prælatio impossibilis, regula autem generalis est: impossibile nullam obligationem esse; neque adicitur, impossibile a principio, aut ex post facto, sed generaliter impossibile, quocumque tempore impossibile rei prælatio exigatur: quid si creditor pro parte tantum heres sit: an confusione tota tollitur obligatio? Et placet t non maiore ex parte actionem & obligationem confundi, quam ex qua heres successit. *L. penult. infr. hoc tit.* Et merito. Nam si propter hereditatem actio confunditur, consequens est, ultra quam hereditatem quis obtineat, actionem non confundi. Hinc rursum consequens: eum t creditorem, qui debitori suo pro parte successit, ut reliquarum portionum actionem integram habet, sic adversus coheredes agere posse, ut hic scriptum est, pro parte tibi competente. Quæ verba sic interpretanda sunt: *Pro parte competente, non hereditatis* Nam pro hac parte actio confusa est, sed pro parte competente

N a n

tenet

tente debiti, id est, pro ea parte, quæ ei post confusionem adhuc debetur. Ea est autem pars, quæ debetur a coheredibus. Ut autem creditor pro parte heredis non prohibetur de reliquo debito ad
6 versus coheredes agere; † sic nec prohibetur pignora in eam causam sibi obligata a coheredibus persequi. Sed an pignus a coheredibus vindicabit in solidum? Respondetur, minime in solidum, quia pro parte in dominium pignoris successit. *L. heres in omne. 37. D. de acquir. hered.* Pro ea parte pignus extinguatur. Nam rei nostræ pignus non constitit, *neque pignus, D. de reg. iur.* Itaque hoc casu si pignus a coheredibus possidebatur, sic heres creditor vindicabit totum, ut pro parte hereditaria vindicet tanquam suum: pro reliquis partibus vindicet tanquam sibi pignori obligatum. Quod ita accipiendum est, nisi res obligatæ pignori aliis coheredibus creditoris prælegatæ sint. Sic enim fit, ut, cum heres creditor in illis rebus nulla ex parte dominium habeat, in totum pignus constitat. Quo casu recte a coheredibus totum pignus vindicabit: nec ei oheret, quod debitum ex parte sublatum est confusione. Nam etiam si minima pars ex debito supersit; tamen in eam partem totum pignus obligatum manet. *L. heredes. 25. §. idem iuris, in fin. D. famul. heredis. L. quando 6. inf. de distr. pig. L. 1. inf. si unus ex plur. hered. cred.* Ius hoc totum exemplo planum fiet. Sit
7 igitur † hæc facti species, ad hoc scriptum accommodata: filius matri 300. mutua dedit, & ab ea prædium & item ædes, quas dat, pignori accepit. Mater decellit tribus heredibus relictis filiis; filio hoc, & aliis duobus, ex æquis partibus. Quæritur: quantum huic filio debeatur? Respondetur, 100. quoniam cum pro tertia parte sit heres, actio eius pro ea parte confusa sit, nempe in 200. Quæritur: reliqua ducentia an a coheredibus petere possit? Et consequens est, posse, ut hic traditur. *§ in L. penultim. infr.* Quod si idem pignora, quæ a coheredibus forte possidentur, persequi volet, itidem ei licet: sed ita, ut dum ea persequetur, partem tertiam vindicet quasi suam, in quam iure hereditario successit; reliquas partes tanquam sibi pignori obligatas. Ut autem prædium & ædes vindicet, tanquam sibi obligata pignori, ius non patitur; quia pro tertia parte dominus esse coepit earum rerum: quatenus dominus est, eatenus pignus non constitit. Si tamen proponas, matrem hoc prædium & has ædes uni ex aliis heredibus præ-

legasse, recte eas in solidum vindicabit filius, ut sibi pignori obligatas, quoniam earum nulla ex parte dominus est. Nam prælegatum totum ad heredem, cui relictum est, pertinet. *L. Titia, D. ad L. Falcid.* Hæc in pecunia filio debita expeditam rationem habent: nam hæc obligatio divisionem recipit: ut consequens sit, eam pro parte tolli & pro parte manere posse. Quid fiet in iure confusionis, si huic heredi res promissa sit, quæ divisionem non recipit? Finge, matrem fuisse obligatam filio, ut opus aliquod illi exstrueret. Finge matrem promississe viam per fundum suum, aut etiam aliam aliquam servitutem facto constituisse. Faciendi obligatio indivisa est. *L. stipulationes non divid. 72. D. de verb. obligat.* Servitutis obligatio multo magis. *L. 2. §. 1. & d. L. stipul non div. 72. D. de verb. obligat.* Quæro: an his rebus ita promissis propter partis confusionem tota † tollatur & obligatio? an propter partis redemptionem tota retineatur, quoniam res indivisa est? Respondetur. Hic alia causa est obligationum faciendi, alia obligationis servitutis. Si, quod debetur heredi creditoris † in faciendo est, reliqui coheredes, solidum facere debent: sed ita, ut heres heredi sumpsum pro sua parte conferre debeat: quæ res facit, ut effectus d videtur obligatio. *L. fideicommissa. 11. §. si in opere, pen. D. de L. 3.* Consequentur etiam reliqui coheredes in hac obligatione faciendi, ut pro parte hereditaria solum condemnentur, hoc modo: si opus debitum non faciunt; ubi enim non fecerunt, condemnantur in pecuniam numeratam; quæ obligatio divisionem recipit. Et propterea singuli in pecuniam non amplius, quam pro parte hereditaria condemnantur. *L. stipulat non dividuntur, 72. vers. Celsus, de verb. obligat. L. si duo, 22. in fin. D. depositi.* Diversa conditio † est servitutis promissæ. Si creditor filius pro parte successerit matri, quæ servitutem debeat; non tota retinetur servitus, sed tota amittitur. Quoniam ubi servitutis obligatio in eam causam recidit, a quo incipere non poterat, obligatio extinguitur. *L. pro parte, 11. D. de servit.* Id autem in hac confusionem partis servitutis contingit. Nam non potest servitus imponi prædio filii pro parte coheredum solum: nam per partes servitus prædio hereditario nec acquiri, nec imponi potest. *L. si quis duas, 6. §. 1. D. communia præd.* Pro parte autem heredis creditoris imponi nullo modo potest, quia pro parte hereditaria filius est domi-

dominus fundi hereditarii, cui fundo servitus imponi debet. Eius fundo ad ipsius fundum proprium servitus imponi non potest, quia res sua nemini servit. *L. iure communi, 26. D. de serv. urb. præd. Idque utique adeo verum est; ut si ab ini-*

tio recte esset constituta servitus per fundum alienum: tamen servitus confundatur, si idem utriusque prædii dominus esse coeperit *L. si quis ades, 30. D. de serv. urb. præd.*

Ad L. Pro hereditariis. 2.

Imp. Decius A. Telemochæ.

Pro hereditariis partibus heredes onera hereditaria agnoscere etiam in fisci rationibus placuit: nisi intercedat pignus, vel hypotheca, tunc enim possessor obligatæ rei conveniendus est. PP. XIV. Kal. Novemb. Æmiliano & Aquilino Coss.

S U M M A R I A.

1. Obligatio, quæ defunctus tenebatur, an in heredem solida transeat?
2. Heredes quatenus & in quantum singuli ex persona defuncti teneantur.
3. Onera hereditaria duplicita.
4. Fiscus an actionem adversus heredem dividere debeat possitve, quam adversus defunctum in solidum habet?
5. Coheredes quidam si solvendo non sint, an & quatenus ceteri onerandi sint, ne creditores suum amittant.
6. Obligationes hereditariæ cur divisionem non admittant?
7. Obligatio faciendi omnis natura individua est.
8. Obligatio servitutis & obligatio faciendi, quid differant?
9. Obligatio cur & quomodo sit individua?
10. Obligationis conditio quæ operetur?
11. Obligationes quæ divisionem recipiunt: in his quæ observanda regula, eiusdemque regulæ exceptio.
12. Exceptiones Accursii refutantur?
13. Explicatio L. 3. §. heres, D. eodem.
14. L. 3. de aliment. legat. explicata?
15. Pars hereditaria quid?
16. Partes viriles quæ?
17. Æs alienum inter heredes dividitur?
18. Legatorum præstatio quatenus, & quomodo pro hereditariis portionibus præstetur.
19. Nominatim legata ab heredibus pro virili parte præstanda: nominatim legare quid sit.
20. Partes hereditatis a partibus legatariorum differunt?
21. Legatariorum oneribus hereditariis non tenentur?
22. Cum defuncti creditor hypothecam persequitur solus heres qui possidet tenetur, & quare.
23. Si tamen hypothecaria instituta adversus possessorem, idem contestata lite decesserit: plures eius heredes pro hereditaria portione tenentur etsi unus possideat.

Heredes succedere in obligationem defuncti, & teneri obligationibus hereditariis constat, *L. ult. infra*, ubi dicitur. Queritur, An solida obligatio, quæ defunctus tenebatur, transeat in heredem? De eo ibidem dicitur. Deinde queritur: cum obligatio defuncti transsit in heredem, si plures sunt heredes; quatenus eo nomine singuli teneantur?

Tom. VII.

Qui locus exponitur in hæc lege. Est autem hæc summa: Interesse, utrum creditores adversus heredes personali actione agant? an pignus persequantur, in quam rem est actio in rem Serviana. Personali actione si conveniuntur, hereditaria onera agnoscunt: sed pro parte, & pro parte, non qualiter, sed hereditaria. Serviana in rem actione si agitur, non omnes heredes

N n n 2

cou-

conveniuntur; sed unus, qui possidet, & is in solidum, quatenus possidet. Quam partes sigillatim explicandæ sunt.

- Dicimus heredes onera hereditaria agnoscere debere. Duo genera sunt ³ onerum hereditariorum: *Æs alienum defuncti*, id est, quod defunctus debuit, & legata, seu fideicommissa. Nam & hæc ab herede præstanda sunt, ut indicat definitio legati, quæ est in §. *legatum, Instit. de leg. att.* Hæc onera numerantur in *L. 2. infr. ad Trebellian.* Utrumque onus heredes pro parte tantum agnoscere debent. Quod attinet ad æs alienum defuncti, constat, id dividi *ipso iure* inter heredes pro portionibus hereditariis. Ipso iure, id est, ipsis verbis legis 12. tabul. quæ de hac divisione cautum est *L. passio, 26. supr. de passis L. ea, quæ, §. L. licet. 23. supr. fam. herisc. L. heredes, 25. §. an ea, D. fam. herisc.* Eadem cautæ est legatorum, & fideicommissarum. Etiam horum petitio adversus heredes pro partibus hereditariis competit, ut est, in *L. legatum, 80. Digest. de Leg. 2.* Ut merito hoc rescriptum generaliter de oneribus hereditariis omnibus conceptum sit. Hoc ius neque personæ creditoris conditio, neque paupertas coheredum movet. Fac, defunctum fisco debuisse. Fisci propter utilitatem publicam præcipua cautæ esse debet, & minime fisco iniuria fieri; divisio autem actionis nonnullum incommodum habet. *L. 3. Dig. fam. heriscund.* Dicemus ne igitur ⁴ fiscum *†* adversus heredes actionem dividere debere, quam adversus defunctum in solidum habet? Respondetur. Dicemus. Idque diserte hic expressum est, ius superius etiam in fisci rationibus observari. Et merito: quia a principio singuli heredes non plus debuerunt, quam partem. Nam & pro parte tantum heredes sunt. Extra eam partem non sunt heredes; ut merito ultra teneri non debeant. Hoc ius semper æquum est, quisquis agat. Proinde & adversus fiscum servabitur.
- ⁵ Quid, si *†* quidam ex coheredibus solvendo non sint: an non æquum est eatenus ceteros onerari, ne crediores suum amittant? Respond. Non eo magis ceteri onerantur, ut diserte scriptum est in *d. L. 80. D. de L. 3.* Merito hoc quoque. Nam si cum singuli ab initio tantum partem debeant, a ceteris amplius exigetur; id exigetur ex persona cæterorum, qui solvendo non sunt. Quemquam autem ex obligatione & contractu alterius conveniri leges vetant. *L. 2. §. 3. de toto titulo, ne uxor pro maris.* Et toto titulo

sequent. *ne fil. pro patr.* Hic tamen videtur obitare exemplum plurium fideiulorum. Nam inter plures fideiullos obligatio dividitur ex Epistola Divi Hadriani, sed hac conditione: si omnes solvendo sint, tempore litis contestatæ. Quod si quidam solvendo non sint, hoc ad cæterorum incommoda pertinet. §. *si plures, Instit. de fideiulor.* Sed dissimilis fideiulorum conditio est. Nam fideiullos iure ipso singuli in solidum tenentur. Et quod conveniuntur pro parte, quatenus solvendo sunt; id consequuntur beneficio Epistolæ Hadriani, non proprio iure. Contra, plures heredes singuli ab initio nihil, nisi partem debent, ære alieno privilegium statim diviso, *d. L. passio, supra, de pass.*

Hæc definitio etiam verbis generaliter concepta sit; tamen hanc conditionem habet; si modo onus alienum partem & divisionem recipit. Quod si obligatio divisionem non recipit, singuli heredes in solidum tenentur, ut defunctus, Nam lex 12. tabul. obligationem hereditariam dividit, si potest; si non potest, naturam obligationis sequitur. *L. heredes 25. §. an ea, Dig. fam. heriscund.* Neque id advertatur generalitati huius definitionis. Nam in his verbis, *pro partibus hereditariis*, inest conditio, si modo sint aliquæ partes hereditarie: veluti, cum stipulor hoc modo; hanc summam 100. floren. dare spondes? inest hæc conditio, si modo est summa hæc 100. floren. *L. si ita stipulat. 120. Dig. de verb. obligat.* Obligationes *†* hereditariæ divisionem non recipiunt, partim natura rerum, partim obligationis conditione. Natura rerum obligationes omnes non dividuntur, in quibus hæc res debebuntur, quæ & ipsæ divisionem non recipiunt: eiusmodi sunt via, iter, actus, aqueductus, cæteraque servitutes. *L. stipulationes non div. 72. D. de verb. obligat.* In obligationibus omnibus debentur aut res, quæ propriæ ita dicuntur; aut facta, §. *ult. Instit. de verb. oblig.* Res quæ natura sua divisionem non recipiunt, sunt servitutes prædiorum tam urbanorum, quam rusticorum, veluti via, iter, actus; item usus ex servitutibus personalibus. *L. 2. §. 1. d. L. stipulat. non div. 72. D. de verb. obligat.* Proinde iis rebus promissis, si promissor decederit pluribus heredibus relictis: singuli heredes in solidum tenentur, ut viam præstent: & nisi omnes viam præstiterint, singuli in solidum solidæ servitutis æstimationem condemnantur, quam postea repetat a coheredibus iudicio familiæ heriscundæ. *L. via 17. D. de serv. L. 2.*

§. *ex his igitur*. *D. de verb. oblig.* Idem est, et si testator viam per fundum suum Titio legaverit. *L. 11. §. si in opere, penult.* *D. de leg. 3.* Faciendi obligatio ꝑ omnis, quæ in eo est, ut quid fiat, natura individua est: veluti, si stipulator rem tradi, fossam fodi, insulam ædificari, rem mihi restitui; quoniam hæc omnia facta pro parte impleri non possunt, & divisio horum corrumpit stipulationem, *d. L. stipul. non div. de verb. obligat. L. si duo, 22. D. depositi.* Proinde si ve is, qui quid facturum se promiserat, decederit pluribus heredibus relictis, si ve testator heredes suos quid facere iusserit: omnes heredes in solidum facere debent, quia partem natura præstare non possunt: neque pars intelligi potest, priusquam totum impletum fuerit. *L. in excusatione, 85. §. secunda species, D. de verbor. obligat. L. si duo, 126. L. cum ex una, 139. D. eodem.* Sed hæc ꝑ species differt ab obligatione servitutis. Nam servitute promissa diximus, si heredes servitutum non præstent, singulos in solidum æstimationem servitutis dampnari. Hoc contra fit in faciendi obligationibus. Nam si quis, se quid facturum promiserit, & decederit pluribus heredibus relictis: singuli quidem heredes in solidum facere debent, si faciendi volunt liberari. At si facere nollunt, non a se condemnatio est adversus eos, quam in id, quod interest: quæ obligatio inter heredes dividitur: ut singuli non maiore ex parte condemnentur, quam, ex qua heredes sint. *L. stipulat. non div. vers. Celsus. L. cum ex una, in fin. D. de verbor. obligat. L. si duo, 221. in fin. D. depositi.* Conditione obligationis ꝑ fit, ut obligatio divisionem non recipiat, non natura rerum debitum: cum species aliqua generaliter promittitur, veluti, *homo, bos, equus*: aut cum duæ species certæ sub disiunctione, aut alternative promittuntur, veluti *Stichum, aut Pamphilum dabis. L. 2. §. 1. D. de verbor. obligat.* In his obligationibus res promittuntur natura dividuæ. Partes enim natura intelliguntur, et si corpore sint indivisæ. Sed ꝑ conditio obligationis facit, ut cum homo generaliter promissus est, non possint præstari plurimum hominum partes, sed necesse sit præstari unum hominem. Item, cum *Stichus, aut Pamphilus* promissus est, conditio obligationis facit, ut aut *Stichus* integer dari debeat, aut *Pamphilus* integer: non autem, ut *Stichi pars & Pamphili pars* dari possit, quoniam unus promissus est, non duorum partes. Hac de causa fit, ut si harum rerum promissor decederit pluribus heredibus re-

lictis: non prius singuli heredes liberentur, quam omnes unum hominem dederint, *o, L. 2. §. 2. & §. ex his igitur, seq. L. in excusat. 85. §. pro parte, D. de verb. oblig.*

Extra has obligationes cæteræ ꝑ omnes, divisionem recipiunt. Hæc autem sunt, quibus aut pecunia promittitur, aut species certa, puta, vel una numero, vel plures coniunctæ, ut & *Stichum & Pamphilum dabis. d. L. 2. §. 1. in princip. d. L. in excusat. 85. §. prima species. D. de verbor. obligat. L. 9. §. 1. D. de solut.* In his hæc regula perpeua est. Hereditaria onera pro partibus hereditariis ad heredes pertinent. Una tantum exceptio est: extra quam si de onere hereditario testator aliter statuerit, semper enim hæc lex servanda est: Uti quisque legasset suæ rei, ita ius esto. *L. verbis, 110. D. de verb. signif.* Secundum hanc legem, si testator damnaverit unum heredem, ut æs alienum agnosceret, solus æs alienum sustinebit. *L. cum ab uno, 53. D. de L. 2.* Neque id huic regulæ adversatur. Nam heres hoc casu sustinet æs alienum ultra portionem hereditariam, non tam ut æs alienum, quam delegatum. Item alibi generaliter traditur, heredes succedere in dominium defuncti. *L. heres in omne, 37. D. de acquiren. hered.* Et tamen semper hoc cum hac exceptione accipitur: nisi testator rem hereditariam alicui ex heredibus prælegarit. Tum enim totum prælegatum ad heredem pertinet. *L. Titia 86. D. ad legem Falcid.* Idem ius servatur in legatis, quod in ære alieno diximus; petitionem legatorum pro partibus hereditariis adversus heredes competere. Hoc sic intelligendum est, si testator, aut simpliciter, aut ab omnibus hereditariis heredibus legaverit. Si ab uno herede legaverit, is solus legato obligatur, quia testator voluit. *L. si plures, 98. D. de L. 3.* Quod si testator nihil de partibus æris alieni, aut legati caverit, hæc sententia perpeua est: non aliter teneri singulos heredes, quam pro portionibus hereditariis: nec nullus locus proponitur, aut proponi potest, qui mutet hanc sententiam, aut ei sententiæ adversetur.

Ex quo intelligitur, partim falsas, partim ineptas esse eas exceptiones, quæ ab ꝑ Accursio hic & cæteris colliguntur. Quod ita intelligitur, si ostendamus, eos casus, qui excipiuntur, aut ad hanc definitionem non pertinere, aut cum ea maxime congruere. Non obstat igitur exemplum heredum commodatariorum, *L. 3. §. heres, D. commod.* Illic traditur, heredes commodatarii

tarū singulos pro parte teneri, præterquam si unus rem commodatam possideat. Tunc enim teneri in solidum. Quod sic accipiendum est: ut si non solum teneatur ad rem restituendam, quam possidet in solidum: sed etiam ut re non restituta in solidum condemnatur propter contumaciam non restituendi. *L. 1. D. de in litem iurand.* Horum utrumque eo fit, quia tenetur heres, ut rem restituat, quæ obligatio faciendi est. Res pro parte restitui non potest. *L. si duo, 22. D. de positis. L. 4. §. ult. D. de verb. obligat.* Quod autem re non restituta heres in solidum condemnatur, non ex obligatione hereditaria condemnatur, sed sua: præstat enim poenam contumaciæ, non defuncti, sed suæ, ut est in *d. L. 1. D. de in litem iurand.* Non est igitur hæc obligatio hereditaria: non est onus hereditarium, quod a defuncto non proficiscitur. Nos de hereditariis oneribus loquimur, id est, his, quæ aut a defuncto nata sunt, aut a defuncto iniuncta suprema voluntate. Non repugnat, atque adeo huc non pertinet. *L. ex pollicitatione, 9. D. de pollicit.* Si quis opus reipublicæ pollicitus sit, non ob honorem aliquem, sed quia voluit: si opus inchoarit, deinceps in solidum civitati tenetur. Si idem decesserit, & bona liberalitati solvendo non sint: placuit, heredes extraneos solum in quintam partem, liberos in decimam teneri. Nihil hoc ad hanc definitionem pertinet. Nam quod heredes ultra quintam, aut decimam partem nihil præstent, eatenus non est onus hereditarium, quia lex noluit hanc obligationem ad onus heredum eatenus pertinere: usque ad quintam, aut decimam onus hereditarium est: hoc autem onus ad heredes pertinebit pro portionibus earum hereditariis: ita hac parte maxime ille locus, cum hac definitione congruit. Extra has partes non adversatur, quia extra has partes nullum est onus hereditarium. Regula de oneribus hereditariis composita est: Multo minus adversatur, aut ad rem pertinet species. *L. Celsus, 22. §. L. seq. 23. D. de relig.* Illie traditur, uxorem mortuam funerandam esse partim ex dote, quæ apud maritum remaneat, partim ab heredibus uxoris ex hereditate, idque pro portione. Nihil, inquam, hoc ad rem pertinet, aut de regula superiore mutat. Nam quod a marito præstatur, verum est, non præstari ab heredibus pro ulla parte hereditaria: sed eo fit, quia eatenus non est onus hoc hereditarium. Quod autem præstatur ab heredibus, id onus hereditarium est. In eo au-

tem hanc regulam servamus, ut non teneantur heredes inter se, nisi pro portionibus hereditatis. Ineptum autem est plane, quod excipitur ex *L. qui fundum, §. si tu ex parte, D. ad Trebellian.* Primus ex quarta parte heres institutus est: fecundus ex quarta parte, idque pure. Primus rursus ex dimidia reliqua institutus est sub conditione: deinde libertates & legata relicta sunt. Illie scriptum est, etiam pendente conditione libertates & legata solida præstari. Ineptissimum est, si quis hæc verba sic accipiat, quasi solida præstentur a singulis. Imo res ita transigitur pendente conditione. Sunt ex paribus partibus heredes instituti: pro eo tempore ex aquis partibus tenebuntur. Conditione existente, mutabitur divisio, & primus legatum agnosceret pro dodrante, id est, pro dimidia & tertia, ex qua heres institutus est: ita semper in ea specie hæc regula servabitur de partibus hereditariis. Quod attinet ad præstationem legatorum, nunquam hæc regula muratur in iis legatis, quæ ab omnibus heredibus relicta sunt, tamen interdum executio præstationis temperetur. Quod contingit solum in una specie, cum alimenta pluribus personis relicta sunt. Nam tunc plures legatarii uni heredi attribuantur: ne si cogantur alimentaria partes a singulis heredibus petere, magna molestia afficiantur: & legatum amittant, ad quod petendum plus impendunt, quam legatum valeat. Species si refertur in *L. 3. D. de ad. L.* In hac specie præstatio uni attribuitur, sed effectu singuli non tenentur, nisi pro portione hereditaria. Nam hi, qui non præstant, coguntur conferre pecuniam ad eam præstationem, & ei dare, a quo legatum petitur. Item, si qui solvendo non sint ex heredibus, pro his reliqui non obligantur: ut illie scriptum est.

Rata est igitur hæc definitio: si obligatio hereditaria divisionem recipit, neque quidquam de onere hereditario sustinendo testator nominatim caverit: onera hereditaria singuli heredes pro parte agnoscunt, sed ut pro parte agnoscent, ita agnoscunt pro parte hereditaria. Hoc verbum si duo genera partium remouentur: 15 primum partes viriles, quæ opponuntur hereditariis. *L. si heredes, 124. Digest. de L. 1.* Sunt autem viriles, si quæ virilis & pro numero personarum præstantur, ut declaratur in eadem lege. Ergo verbo hereditarii oneris intelligimus heredes pro parte ita teneri, ut non teneantur ex aequis partibus: sed ex iis, ex quibus heredes sunt, sive sint æquales, sive inæqua-

inæquales. Sed ita perpetuo tenentur heredes pro portionibus hereditariis, non virilibus, si de ære alieno defuncti agitur.

- 17 Hoc enim ipso iure ¶ inter heredes dividitur, quatenus heredes sunt. *L. passio*, 26. *supra*, de *passi*. *L. ea, que*, 6. & *L. licet*, 23. *supra*, *famil. heriscund*. Quod autem diximus, in præstatione legatorum idem fieri, ex *L. legatorum*, 33. *D. de L. 2.* non usquequaque verum est:
- 18 sed ita hæc præstantur ¶ pro portionibus hereditariis, si legata simpliciter relicta sint, aut relicta sint ab heredibus sub appellatione heredum, hoc modo: *fundum Tusculanum Titio do, lego*. Vel: *Titio 100. dari volo*. Vel: *Heredes mei, seu heres meus, Titio 100. dato*. Quod si testator nominatim ¶ legaverit ab heredibus, id est, legaverit nomine proprio singulorum heredum appellato: placet conjectura voluntatis, legatum præstari debere pro portionibus virilibus heredum, non pro hereditariis: veluti, si ita testator leget: *Cornelius, Titius, & Sempronius 100. dent Titio*: appellatio singulorum facit, ut videatur non heredibus, sed personæ prælatio singulorum iniuncta, hoc in *dist.* *L. si heredes*, 124. *D. de L. 1.*

- 20 Præterea verho partium de hereditarium remouentur partes emolumentum: ut cum dicitur, heredes teneri pro partibus hereditariis, hoc dici intelligatur, quod planius expressum est *L. 1. supra*, si certum petat, teneri heredes pro portionibus hereditariis, non pro modo emolumentum: ut puta, duo heredes instituti sunt. Primus ex quadrante, id est, ex tribus uncis. Secundus ex dofrante, id est, ex reliquis novem uncis: Primo tantum legatum est, quantum efficit dodrantem emolumentum hereditariis. Dicemus, Primum emolumentum dodrantem habiturum; si de ære alieno & oneribus hereditariis agitur, eum onera non pro dodrante, sed pro quadrante dumtaxat agnoscere debere; quoniam ex quadrante solum heres est institutus: quod reliquum est emolumentum: non ut heres accipit, sed ut legatarius, legatarii oneribus ¶ hereditariis non tenentur. *L. ult. infra*, hoc tit. Contra. Secundus oneris hereditarii dodrantem sustinebit, etiam emolumentum tantum tertiam partem habeat; quoniam pro dodrante heres est. Non obstat, quod regula iuris traditur par esse, ut, qui lucrum habeat, etiam onus lucro adiunctum sustineat, *L. unica*, §. *pro secundo*, *infra*, de *cad. toll.*

Nam onus hereditarium non est adiunctum emolumento, seu lucro, sed hereditati, *dist. L. ult. infra*.

Hæc omnia dicta sint, cum heredes conveniantur a creditoribus, aut legatariis personali actione, id est, ea actione, qua ab illis debitum petitur. Diversum est, ut sequitur ex rescripto, ¶ si pignus, vel hypothecca interveniat, & creditor hypotheccam persequatur. Nam tunc non omnes heredes tenentur, sed unus, qui possidet. Neque is pro parte, sed in solidum, quatenus possidet. Et si plures res diversas possident, eatenus singuli conveniuntur, quatenus possident. Huius iuris ratio exponitur in *L. ult. infra*, si unus ex plur cred. Est autem hæc: quis actio de pignore & hypothecca est actio in rem. §. *item Serviana*, *Institution. de action. L. pignoris*, *D. de pignor.* Proinde, ut dicitur, in *dist. L. 2.* hæc actio rem sequitur, & propter rem eius rei possessorem: & in summa, adversus eum, qui possidet, competit, ac proinde quatenus possidet. *L. si fundus*, 16. §. *in vind.* *D. de pign.* Cur dissimiliter servatur in personali actione, qua creditores agunt adversus heredes? Respondetur, quia actio in personam adversus eum solum datur, qui obligatus est, *L. actionum*, 25. *D. de obligat. & action.* Porro si æs alienum & prælatio legatorum iure ipso dividitur inter heredes: consequens est, singulos heredes pro parte hereditaria solum esse obligatos. Cui rursus consequens est, ut solum pro ea parte adversus eos actio competat.

Quod tamen dicitur, ex heredibus eum solum actione in rem teneri, qui possidet, sic accipi debet: si nunc primum actio in rem adversus heredes instituitur. Diversum ¶ est. Si actione in rem adversus defunctum instituta, possessor is decesserit, lite contestata, pluribus relicta hereditibus. Nam hic ex pluribus heredibus tenentur solum singuli pro portionibus hereditariis, etiamsi maxime unus rem possidet. *L. 2. in fin. D. de prætor. stipulat. L. si possessor*, 55. *D. de rei vind.* Cur hæc ita dissimiliter? Quia litem contestando, & iudicium accipiendo, defunctus se obligat ad iudicium solvendum. Nam iudicio contrahitur, id est, litis contestatione. *L. 3. §. idem scribit*, *D. de pecul.* In obligationem autem omnem defuncti heredes non succedunt, nisi pro portionibus hereditariis.

Ad L. Heredem 3.

Impp. Diocletian. & Maximian. AA. & CC. Maximæ.

Heredem mariti quondam tui de dote tibi reddenda conveni. Personalem enim actionem contra debitores hereditarios tibi decerni frustra postulas. PP. XIV. Kalend. Maii AA. Coss.

S U M M A R I A.

1. *Maritus dote a muliere accepta eam restituere mulieri soluto matrimonio obligatur.*
2. *Heredes mariti tenentur mulieri de dote ut creditrici.*
3. *Mulier longius progressa, an possit de dote convenire debitores hereditarios personali actione.*
4. *Mulier omnia bona mariti pro dote pignori sunt obligata.*
5. *Bonarum appellatiene nomina quoque continentur.*
6. *Mulier ex Confl. Iustin. dumtaxat ob dotem etiam debitores debitoris convenire potest eodem iure, quo fiscus & seqq.*
7. *Fiscus semper habet ius pignoris.*
8. *Fiscus quomodo debitores debitoris sui conveniat?*

1. **M**aritus † dote a muliere accepta obligatur mulieri, ut dotem soluto matrimonio restituat. *L. si cum dotem, 22. §. transgred. D. soluto matr.* In hanc obligationem mortuo marito mariti heredes succedunt, proinde heredes † de dote mulieri tenentur, ut creditrici. *L. ult. infr. hoc tit.* Secundum hoc expeditum est, mulierem mortuo marito heredem mariti de dote reddenda convenire posse.
2. Quæsitum est, an † mulier longius progressa possit de dote convenire debitores hereditarios personali actione, id est, debitores heredis olim defuncti, nunc debitores heredis? Et placet, mulieri personalem actionem adversus heredis debitores de dote dandam non esse. Hic occurritur: mulieri † omnia bona mariti pro dote pignori sunt obligata. *L. unica, §. & ut plenius, 2. infra, de rei ux. & al.*
3. Bonis † generaliter pignori obligatis, etiam continentur ea obligatione nomina, id est, ea, quæ a debitoribus debitoris debentur. *L. bonorum 49. D. de verb. signif. L. nomen, 4. infr. qua res pign. obl. poss.* Proinde mulier pignoris † iure etiam debitoris debitores convenire potest, ut nomina heredis, ut fieri solet, cum specialiter nomen pignori obligatum est creditori. *L. si convenerit, 4. D. de*

pign. act. d. L. nomen, 4. qua res oblig. poss. Responderetur. Facilis responsio est: nunc enim ex constitutione Iustiniani bona mariti sunt mulieri tacite obligata, sed hoc primum a Iustiniano inductum est. Temporibus autem Imperatorum, quorum hoc rescriptum est, non fuerunt obligata: si modo verum est, hoc ius primum a Iustiniano esse introductum, ut verum est, & patet ex *d. L. unica, infra, de rei ux. act. in §. & ut plenius*. Et ideo ad *L. 2. supra, quando fiscus, vel pr. proximo titulo*, recte diximus, ex hac lege colligi secundum sententiam rescripti, quoties bona debitoris creditori obligata non sunt, non posse creditorem debitoris sui debitores ante rem iudicatam convenire. Nunc bonis debitoris pignori pro dote obligatis, quid fiet? Respond. Hic sequemur fisci exemplum. Nam & debitoris fisci bona † fisco tacite obligata sunt. *L. auferuntur, 46. §. fiscus, D. de iur. fisci*. Et † tamen non aliter fiscus debitoris sui debitores convenire potest, quam si debitoris debitum non insciantur: & nisi sit in bonis debitoris, quod pignori capi possit sine controversia. *L. 3. & 4. sup. tit. prox. quando fiscus*. Idem igitur in eodem iure hypothecæ mulieri tribuitur sequemur.

Ad L. Sub prætenu 4.

Idem AA. & CC. Crispo.

Sub prætenu ætatis pupilli debitoris hereditarii creditorum actionem differri non posse, nimis evidens est. Unde cum te tutorem proponas: quemadmodum a pupillis creditoribus satisfiat, eniti debes. Dat. X. Kal. Decemb. Sirmii. AA. Coss.

S U M M A R I A.

1. Pupillus contrahens auctoritate tutoris obligatur, & iure conveniri potest a creditore.
2. Bona pupilli indefensi distrahi non possunt, priusquam perveniat ad pubertatem.
3. Pupillus si patri heres existerit, & ex eo contractu conveniatur, neque defendatur, an bona eius possint possideri a creditoribus, non tamen vendi?
4. Heres eodem iure & iisdem partibus fungitur, quibus defunctus.
5. Heres sequitur forum defuncti, nec potest proprium privilegium allegare.
6. Pupilli controversia quando in pubertatem differatur.
7. Ea dilatio cur noceat heredibus, non autem creditoribus.

SI, cum pupillo contractum sit, tutore auctore, & obligatur pupillus, & iure conveniri potest a creditore. *L. obligari, 6. D. de auct. tut.* Sed in eo hoc peculiariter servatur. Nam si cum pupillo agatur, & non defendatur pupillus: bona pupilli iuventur possideri a creditoribus vel servandæ causæ: sed decretum magistratus longius non progreditur, neque potest. Nam ex edicto bona pupilli distrahi non possunt. Ideo et distractio differtur usque in pubertatem. *L. in possessionem, 6 §. 1. D. quib. ex causis in possess. eatur.* Queritur: Si et pupillus patri heres existit; & ex contractu paterno conveniatur, neque defendatur: an pupillus eodem iure uti debeat, ut bona quidem eius possint possideri a creditoribus, non tamen vendi? Et placet pupillo hoc casu non idem tribuendum esse, sed pupillo non defenso eodem modo bona defuncti possideri, & distrahi posse, ut possent, si defunctus pater viveret, neque defenderetur. Hoc traditur in *L. 3. D. quibus ex causis in possess. eatur.* Et additur ratio: Quia iniquum sit creditorem expectare pubertatem pupilli, ubi cum pupillo nihil contraxerit. Hoc ipsum est, quod confirmatur hoc rescripto: Itaque cum hic dicitur prætenu ætatis pupilli non differri petitionem creditorum hereditarium, id est, eorum, quibus pater

Tom. VII.

pupilli debuit: hoc sic intelligendum est, ut, si pupillus conventus defenderetur: non minus pupillus condemnari, nec minus sententia more solito adversus eum executioni mandari debeat, quam si cum ipso defuncto ageretur. Quod si non defenderetur; eundem quoque patietur exitum, & in bonis defuncti possidendis, & iis veniundis a creditoribus, ex *dict. L. 3. quibus ex causis in possess.* Sed cur hoc potius æquum servatur ex contractu paterno, quam ex contractu pupilli: cum iam bona pupilli esse cœperint; & ætas non minus favore digna sit; quam si ex contractu proprio conveiretur? Respondetur. Hoc eo fit, quia convenitur pupillus, ut heres. Heredis hæc conditio est, ut quoniam succedit in locum & personam defuncti, ideoque iure defuncti uti, et iisdem partibus fungi debeat. *L. heredem 60. L. qui in ins. D. de reg. iur. L. quedam, §. 1. D. de edendo.*

Hinc fit, ut si et quod sit proprium privilegium heredis: heres eo privilegio uti non possit, ubi ex persona defuncti conveniatur. *L. heres 19. in pr. D. de iudic.* Cum de et succedendo agitur, & pupillo successore sit controversia status, quod dicitur non esse filius eius, de cuius possessione agitur: hic edicto Carboniano causa cognita, differtur status controversia in pubertatem, *L. 1. princip. D. 3.*

O o o

L. 3.

L. 3. § causa cognitio, D. de Carbon. editio. Sed hæc dilatio ꝑ creditoribus nihil nocet. Nam datur interim bonorum possessio pupillo, perinde, quasi heres esset: ideo etiam interim a creditoribus conveniri potest, eodem iure, ac si heres esset: ut nihil ea dilatio huic rescripto adverferetur. Nocet quidem ea dilatio ad tempus iis, qui se potius defuncti heredes esse

dieunt; sed non est eadem privatio damni & adventitii lucri, *L. non debet, §. 1. D. de regul. iur.* Creditores cum debitum petunt, certant de damno: qui hereditatem petunt, lucrum capiunt. Non est igitur mirum, si aliter creditoribus, aliter hereditatem petentibus adversus pupillum consulitur.

Ad L. Ut debitum. §.

Idem AA. & CC. Julio.

Ut debitum tibi ante aditam hereditatem solvatur; ac tunc si ad te pertineret hereditas, queri iubeamus, præpostera petitio est: Etenim cum tibi soceri successionem quesitam patueris, debiti petitionem extinguere per confusionem non ambigitur. Dat. Prid. Non. Mart. Sirmii CC. Coss.

S U M M A R I A.

1. *Lectioes varie huius legis.*
2. *Species facti huius legis.*
3. *Præpostera quid?*
4. *Consequens ex hoc responso utilissima regula qua fit.*

5. *Ratio exemplis illustrata.*
6. *Contraria dicens nullo modo audiendus.*

Variat hic lectio, ex qua varietate etiam varia sententia efficitur. In primis igitur lectio nobis constituenda est, ut ex ea certa sententia efficiatur. Vulgaris ꝑ lectio est, *ut debitum tibi ante aditam hereditatem solvatur.* In aliis exemplaribus & iis, ut omnes recentiores testantur, verulis ita legitur, *ut debitum ante tibi de hereditate solvatur.* Prior lectio vulgaris vitiosa est. Nam neque verbis huius rescripti convenit, neque ullam idoneam sententiam habet. Verbis non convenit. Nam ex verbis apparet de eo agi, qui dicebat, hereditatem defuncti ad se pertinere, & postulabat, ut de eo postea quæreretur, sibi autem prius solveretur de hereditate. Qui dicit, hereditatem ad se pertinere, idem dicit, hereditatem sibi esse quesitam. Proinde & aditam; quoniam non quaritur extraneis hereditibus hereditas, nisi adeundo & agnoscendo. Sententia autem ex vulgari lectione nulla potest elici, nisi vitiosa. Nam si creditor heres a debitore institutus ante aditam hereditatem debitum perat, recte petit, quia non est heres, eoque nec confusione sublata est eius actio. Quod si fingeremus, eum petere debitum sibi solvi, hac lege, ut postea hereditatem adiret,

& ob id diceremus eius petitionem relictæ recte quidem diceremus, sed hæc species verbis multo minus convenit. Non enim hic creditor postulabat, ut sibi hereditatem postea adire liceret, sed postulabat, ut quæreretur, an ad se pertineret hereditas. Deinde haud scio, an quisquam sit tam stultus, qui tam stolidam petitionem institueret. Posterior igitur lectio nobis tenenda est, secundum quam ita speciem ex facto fingi oportet. Socer ꝑ generi suo 100. debebat, socer generum heredem instituit, sed testamento, de quo erat controversia inter eum & heredem legitimum; quia forte imperfectum testamentum dicebatur. Ob eam causam hereditas possidebatur a proximo cognato, iure institui. Gener tanquam testamentum institutus eam hereditatem petere instituit a possessore. Instituta hereditatis petitione idem postea instituit debitum petere; ut sibi interim id debitum de hereditate solveretur, & proferebat certum instrumentum, quo constabat illi 100. a defuncto debita fuisse. Possessor hereditatis dicit prius de hereditate queri oportere, deinde locum futurum questionis de debito. Nihilominus gener pergit petere, ut debitum liquidum. Quæsitio, an sit audiendus,

dus, qui postulet prius sibi solvi, quam
 transigatur de controversia hereditatis?
 Consulti Imp. respondent, non esse au-
 diendum, quia sit hæc præpostera peti-
 tio. Præpostera appellamus, cum id, §
 quod natura prius est, postponi volumus,
 & quod posterius est, volumus præire:
 id quod in hac specie accidit. Nam cum
 idem dicit, se esse defuncti heredem, &
 idem petit, quod sibi a defuncto debeba-
 tur, natura prior questio est, an sit heres,
 nec ne? Posterior, an defunctus illi ali-
 quid debeat, aut defuncti heredes? Quo-
 niam posterioris questionis decisio pen-
 det necessario ex decisione prioris: id
 quod Imp. probant subiecta ratione. Nam
 si gener non probabitur heres esse, tunc
 poterit se dicere creditorem: sed si pro-
 bat se heredem esse, consequens est, cum
 tum non esse creditorem defuncti; quia
 confusione sublata erit obligatio. Prius igitur
 de hoc queratur, quod & natura prius
 est: an hic sit heres? Ex hoc responso §
 utilissima regula notanda est: quoties quis
 instituta aliqua actione, novam petiti-
 onem adversus eundem instituit, cuius pos-
 terioris decisio ex prioris pendet: toties
 non est in hac posteriore audiendus, quia
 sit præpostera petitio: & ideo iubendus
 est, ut priori actioni renuntiare, aut si in
 ea manere velit, iubendus est prius ea age-
 re: ut ea decisio ad posteriorem & con-
 sequentem perveniat. Exceptionis ratio
 est, lo. promptum, quia posterior præpostera
 petitio nature adversatur. Agitur & iuri
 manifestum: Nam id demum ius est, quod
 natura ius est: *de. post. §. D. de inst. §. iur.*
 Confirmatur hac sententia § his exem-
 plis. Primum: Titianum possides, quem
 meum esse ait: & eum ante eopi vindi-
 care. Deinde dicis mihi: ad eum ipsum
 fundum viam debere perfundum Sempro-
 nianum, qui tuus est: Placeat hanc poste-
 rioris petitionem non esse admittendam.
Li. fundum, §. 16. D. de except. Non ad-
 mittenda eadem ratio est, quam hic red-
 didimus; quia præpostera petitio est pos-
 terior: & ideo præpostera; quia eius de-
 cisio dependet ex decisione prioris. Nam
 si fundus Titianus, quem meum esse dico,

non est meus: necessario efficitur, viam
 mihi a te non debere; quia nulli servitus
 ad prædium debere potest, nisi qui præ-
 dium suum habet, *L. 1. in fin. D. com-
 mun. præd. item. Fundi*, quem tu pos-
 sides, partem meam esse dico, & eam a
 te peti iudicio. Deinde de eodem fundo
 cepi tecum agere communi dividundo
 iudicio, ut fundus inter nos divideretur.
 Placeat hanc posteriorem petitionem esse
 præposteram, eoque non admittendam. *L. fundi, D. de except.* Est autem præpos-
 tera ideo, quia non potest fundus ut com-
 munis mihi tecum dividi, nisi prius sit
 communis, meus & tuus: Prius igitur sit
 natura, ut queratur, an sit pro parte meus,
 de quo priore iudicio agitur, proinde &
 de eo prius transigatur. Simile exemplum
 in eadem lege refertur huiusmodi. Fundum,
 quem possides, totum meum esse
 dico, & a te vindico. Deinde eiusdem
 fundi fructus a te condico, tanquam fru-
 ctus ex re mea mala fide perceptos. Pla-
 ceat hic quoque non esse admittendam hanc
 conditionem, nempe quia præpostera pe-
 titio est. Pendet enim conditio ex eo,
 si fundus meus sit, de quo prius petitio
 instituta est. Proinde & de eo prius queri
 oportet: (*Idcirco exemplis his usus sum, ut
 facilius locus obscurus a vobis intel-
 ligatur.*)

Atque hæc Imp. ratio est de propo-
 sita hoc loco questione. Notandum est
 etiam alia ratione recte relici petitionem
 posteriorem generi, qui prius de heredi-
 tate sibi solvi postulat. Est autem hæc,
 quod dum se heredem esse dicit, simul
 negat, se esse defuncti creditorem; quo-
 niam si heres est, actio eius confusione
 sublata est. Quapropter cum postea se cre-
 ditorem dicit, sua ipsius petitione & con-
 fessione priori refellitur, ut satis sit illi hoc
 dici; Tu non es ereditor confessione tua,
 ut qui te heredem esse dicas. Quo loco
 generaliter notandum est: ubi actor con-
 traria § dicit, nullo modo esse audiendum §
 in ista, quæ dicit, ut qui a seipso satis
 repellatur. Notabilis locus in hanc sen-
 tentiam in *L. 2. in fin. 1. resp. D. quan-
 do appell. sit.*

Ad L. penult. Si adulta.

Idem AA. & CC. Domino.

Si adulta cuius curam geris, pro triente patruo suo (quem etiam tutelam eius administrasse proponis) heres existit, nec ab eo quicquam exigere prohibita est: debitum a coheredibus eius pro besse petere non prohibetur, cum ultra eam portionem qua successit, petitio non confundatur. Nam adversus adultam tuam rescindi postulas testamentum, siquidem coheredes eius adeuntes hereditatem se etiam obligant; & si non solvendo constitui probentur, postulata separatione, nullum ei damnum [praeses provincia] fieri patietur. Dat. Kal. Decembr. AA. Coss.

S U M M A R I A.

1. *Rescripti species: triplex inde quaestio § n. 2.*
3. *Cuiusque Imp. responsio facta descriptio § n. 5.*

4. *Institutus ea lege ut debitum cum hereditate compenset, nihil potest exigere a coheredibus.*

1. **P**ATRUUS † nepes ex fratre pupillae tutelam gesserat, & finita tutela redditis rationibus, repertus est ex reliquatione 100. debere adultae. Is decedens adultam instituit ex triente; alios autem coheredes ex besse, id est, ex reliquis duobus trientibus hereditatis. Ex mortuo curator pupillae, dum laborat, ut debitum pupillae non amittatur, constituit, repudiare hereditatem patruo, & ha rescindere testamentum, prout verba sunt huius rescripti. Nam is videtur rescindere & infirmare testamentum, qui facit ut voluntas testatoris suum exitum habeat. Hoc autem ideo constituit; quia metuit, ne hereditatem patruo adeundo non possit consequi, quod adultae debetur. In eo autem tria † metuit. Primum ne hereditatem adeundo tota actio adultae confusione tollatur. Secundum: ne si non tollatur, tamen non possit, quod reliquum est debiti, a coheredibus exigere. Postremum: ne etiam de reliqua actionem habeat adversus coheredes; tamen coheredes solvendo non sint, ut qui habeant alios creditores, qui si concurrant, bona non sint solvendo. Consultit, quid hic se facere oporteat? Imp. consulunt, ut adultae hereditatem adeat, & † dubitationes curatoris ordine remouentur. Nam primum, quod metuit, ne actio adultae in totum tollatur, non recte metuit; quoniam non maiore ex parte actio tollitur,

quam ex qua creditor heres existit debitori suo. Reliquae igitur portiones debiti integre manent. Et ut integre manent, sic a coheredibus exigere possunt.

De his duobus partibus diximus *ad L. 1. supra*. Solum † excipimus. Imp. nisi patruus neptem instituit hac lege, ut debitum cum hereditate compensaret. Quo casu hereditate adita nihil peti potest a coheredibus. *L. si compensandi, § infra de hered. instit.* Quod autem † tertium † metuit, curator, ne coheredes solvendo non sint, frustra hoc quicque metuit. Est enim adversus hoc periculum remedium in re constitutum. Nam si bona heredum solvenda non sunt, potest curator impetrare a magistratu, ut separantur defuncti bona a propriis bonis heredum; ut de bonis defuncti satisfiat creditoribus defuncti creditores autem proprii heredum propriis. Quod ius edicto constitutum est, de quo in *L. 1. in princ. statim, D. de separatis. L. 2. infra de bon. aut. ind. poss.* Hae cum ita sint, monent Imp. curatorem, si hereditatem adire nolit, ipsum contra adultam facere, id est, contra adultae utilitatem: idque in promptu est. Nam adulta hereditatem adeundo duos trientes integros debiti sui consequetur, unum trientem amittet confusione: sed pro hoc triente consequetur trientem hereditatis patriae, qui longe superat trientem debiti.

Ad L.

Ad L. Ult. Creditores.

Idem AA. & CC. Apolausto.

Creditoribus hereditariis adversus legatarios non habere personalem actionem convenit: quippe cum evidentissime lex duodecim tabularum heredes huius rei faciat obnoxios. Dat. VI. Id. Decembr. Nicomedia CC. Coss.

SUMMARIA.

1. *Heredes ere alieno obligantur, & tenentur hereditariis creditoribus.*

Et quid iuris si hereditas solvendo non sit?

2. *Unica exceptio: qua illa sit.*

3. *Legatarii an creditoribus teneantur ut heredes?*

4. *Heredes & legatarii quid differant?*

Heredes ere alieno obligari, & teneri creditoribus hereditariis, hic traditur. Ius certum est, quod ex definitione hereditatis, & conditione heredis intelligitur: de quo diximus initia huius tituli. Hoc ius perpetuum est: quādiu hereditas solvendo est, ut teneantur in solidum: idque si est unus heres. Idem est, si sint plures heredes, & queratur de universis hereditibus. Quid si hereditas solvendo non sit? Et ius antiquum fuit, ut heredes ere alieno in solidum teneantur, siue hereditas solvendo esset, siue non esset, *L. more nostra civis. §. D. de acquir. hered.* Postea constitutione Iustiniani hæc distinctio adhibita est, ut si heres inventarium fecerit secundum formam a Iustiniano præscriptam, non teneatur ultra facultates patrimonii: sin omnino non fecerit, aut non fecerit secundum præstitutam formam: ius antiquum est, & heredes in solidum tenentur. *L. scimus. 22. §. est præfatum. inf. de iur. delib.*

2. Hic tamen ¶ una exceptio vetus est, quæ & post constitutionem Iustiniani manere debet. Ea est in obligatione defuncti, quæ ex pollicitatione operis inchoati nascitur: nam heredes in hanc obligationem ita succedunt, ut si bona solvendo non sint: extranei heredes in 5. tantum partem; liberi in 10. tantum teneantur. *L. ex pollicitatione. D. de pollicitat.* Hæc exceptio cum aperte mutata non sit constitutione Iustiniani, eam manere intelligendum est. Nam & novæ leges ad priores & posteriores ad priores referendæ sunt, scilicet, nisi sint contrariæ, quod probandum est. *L. non est novum. 26. & L. sed & po-*

steriores. 28. D. de legib. Hæc ita sunt, ut dixi de quantitate æris alieni, cum aut unus est heres, aut plures quidem, sed de universis queritur, quantum omnes debeant. Quod si plures erunt, & queritur, quatenus teneantur singuli? Expositum est ad *L. 2. supra.*

Quæritur est de legatariis, an & hi creditoribus hereditariis teneantur, ut heredes? Et hic scriptum est, non teneri personali actione. Differentiæ ¶ ratio est, quia heredes iuris successores sunt: legatarii non sunt iuris successores scilicet, sed rei & sine onere, ut est in *§. legatariis. Institut. de testament. ord.* Quod sic accipiendum est, ut legatarii non sint iuris universi & totius heredes, ut hæc verbis interpretatur *L. cum 15. infr. de donat.* Nam alioqui legatarii reversi sunt iuris successores. Nam succedunt in dominium defuncti, dominium autem ius est, *L. heres in omne. 37. D. de acq. hered.* Sed ideo dicuntur legatarii non esse successores iuris, quia non sunt universi iuris successores. At heredes sunt successores iuris, nempe universi, & totius, id est sunt successores iuris, & quod defunctus habuit, & quod defunctus tenebat: legatarii successores iuris, quod defunctus habuit, non quo defunctus tenebat. Et hoc est, quod dicitur, legatum esse sine onere: & minime damnosum. *L. si hereditatem. 32. D. mandati.* Hoc ius singulari ratione mutatum est in specie *L. ult. §. & si præfatum. vers. licentia. infr. de iur. delib.* Hoc ideo: quia novæ rei a Iustiniano constitutæ novum remedium conveniebat.

AD TITU.

A D T I T U L U M X V I I .

EX DELICTIS DEFUNCTORUM

IN QUANTUM HEREDES CONVENIANTUR.

Ad L. Post litis unicum.

Impp. Diocletian. & Maximian, AA. & CC. Macedoni,

Post litis contestationem eo, qui vim fecit, vel concussionem intulit, vel aliquid deliquit, defuncto: successores eius in solidum, alioquin in quantum ad eos pervenit, conveniunt, iuris absolutissimi est: ne alieno scelere discentur, Dat. V. Kal. Maii. Sirmii. CC. Coss.

S U M M A R I A .

1. An actiones omnes quibus defunctus tenebatur, siue ex contractu sint, siue ex maleficio, in heredem competant.
2. Interest an ille rem persequantur, an vero parricium inferant: priores in heredem dantur, ut in defunctum.
3. Posteriores nullum suum tenent, non heredes.
4. Prioris definitionis ratio.
5. Item ratio posterioris.
6. Actiones rei persecutoria quae? & quid valeat id quod nobis abest.
7. Regula veterum de actionibus in personam, & seqq.
8. Actiones ex contractu in heredem dantur, non in id, quod ad eos pervenit, sed in solidum, etiamsi nihil pervenerit.
9. Huius regule exemplum in actione depositi proponitur; & hoc quale sit.
10. Superior definitio, seu regula ad omnes contractus pertinet; & quare.
11. Contrarii occurritur.
12. Actiones ex contractu quatenus parricium persecutorie in heredem dantur.
13. Actio depositi deo quod tumultus, incendii &c. causa in heredem, non nisi in simpliciter competat.
14. Item actio redhibitoria & quae huius rei ratio.
15. Actiones ex quasi contractibus adversus heredem in solidum competunt.

16. Excipitur a superiori regula actio de legato ecclesiae relicto. Et qualis exceptio ibid.
17. Rescriptum huius legis quare de maleficio tantum conceptum sit.
18. Regula, ut actio in heredem non datur, prima lenientia sit: actio, in maleficio; & hoc quare sit addendum.
19. Actiones parricium aliter ex contractu, aliter ex maleficio in heredem dantur ibid.
20. Altera superioris regule conditio non sit: actio parricium.
21. Haec si etiam rem persequantur datur in heredem; cuius generis duo, & quae.
22. Conditio fortiori in heredes: furia cui detur.
23. Actio rerum amotarum ex delicto est, & in heredem datur; & ibi.
24. L. de rebus ult. cod. rer. amotarum exponitur.
25. Superiori definitioni: n. 20. non adversatur rescriptum, & quomodo explendum.
26. Actio ex maleficio rei persecutoria datur in heredem: secus si sit parricium.
27. Actio parricium ex maleficio duobus modis cognoscenda.
28. Actio parricium proprie ea qua persequimur ultra id quod nobis abest id genus quatuor, & quae.
29. Actio parricium improprie quae? ad hanc pertinent definitiones numer. 4. seqq.

30. Actio

30. *Actio confistuta adversus agrimensorem de eo quod nobis abest, in heredes non competit.*
31. *Pretarium adversus heredem non datur.*
32. *Actio tributoria adversus heredem non datur.*
33. *Actio adversus falsum tutorem in heredem non datur.*
34. *Tertia & quarta conditio superioris regule quæ sint.*
35. *Quatuor illis concurrentibus quam certo illa consistit.*
36. *Contraria dilantur.*
37. §. Quod autem L. 3. D. quod quisque iur. de irrogata poena commode intelligitur a Bartolo.
38. *Quæ explicatio confirmatur specie L. commissa 14. D. de publican.*
39. *Actiones ex maleficio penales de eo quod pervenit, dari in heredes.*
40. *Actiones penales veteres dari, nisi alia sint ubiores: & quæ sint hæc posteriores & n. 41. & 42.*
41. *Conditio furtiva uberior est, quam vi raptorum bonorum actio, ibid.*

42. *Interdictum unde vi adversus quem datur, & eius effectus. ibid.*
43. *Ex omnibus causis lites contestatas in heredem transire.*
44. *Excipitur actio adversus statum defuncti, non autem actio de dolo & num. 45.*
46. *Quam recte proxima definitio cum superioribus cohereat.*
47. *Quid si reus qui deliquit, ultro confiteatur: num actio in heredem dabitur.*
48. *Quid si idem nec litem contestetur, nec confiteatur, sed latitet.*
49. *Actiones ex quasi maleficio penales in heredem dari, & quæ tales sint & n. 50.*
51. *Publica iudicia, seu crimina an in heredes transeant: quæ sit de illis regula.*
52. *Condemnatio secuta quæ dicatur. Qui hoc loco appellationis effectus ibid.*
53. *Pœna ademptionis bonorum quomodo transeat in heredes.*
54. *Quæ iudicia publica in heredem transeant etiam ante accusationem adversus reum insistentiam.*

Distum est in *L. ult. supr. prox. tit.* heredes creditoribus hereditariis teneri. Creditorum verbo continentur omnes, quibus ex quavis causa debetur: qui nullam exceptionem metuant, sive iis debeatur ex contractu, sive ex maleficio. *L. creditores, 10. D. de verb. signif.* Hinc ¶ quælio: An omnibus creditoribus hereditariis heredes teneantur? & quod aliis verbis eandem sententiam exprimit, an omnes actiones quibus defunctus tenebatur, vel ex contractu, vel ex maleficio pariter in heredes competant? Hic locus obscurius explicatur in hoc rescripto. Nam cum dicitur, ex delictis defunctorum post litem contestatam in solidum teneri heredes, significatur, non idem iuris esse, si defunctus, qui deliquit ante litem de delicto contestatam, decesserit. Rursum com de maleficiis hic dicitur, eodem verbo declaratur, aliud iuris esse in actionibus ex contractu descendantibus. Sed hoc, ut dixi, leviter significatur, & multo plura verba desiderat. Quare, ut hic locus plane intelligatur, dicendum est in totum, quæ actiones in personam, quibus defunctus tenebatur, in heredem quoque defuncti competant?

Summa de hac re continetur ¶ duobus his sententiis: omnis actio, quæ rei persecutionem continet, in heredem datur, itidem, ut in defunctum. Nec interest,

an ex contractu sit, an ex maleficio defuncti. Si ex contractu sit, nulla dubitatio est. Exemplo est actio depositi, de qua in *L. si hominum 7. §. 1. D. de positi*, quæ ideo illic dicitur in heredem dari, quia ex rei persecutione est: licet alias ex dolo defuncti non soleamus teneri, nisi pro ea parte, quæ ad nos pervenit. Sed nihilominus idem probandum est, etsi actio sit ex delicto defuncti. Argumento est conditio furtiva, quæ ex furto nascitur: Nihilominus in heredem dari placet, ideo quia rei persecutionem continet. *L. si pro furto. §. ult. D. de cond. furt.* Quid ¶ si actio pœnæ causa comparata est, seu pœnæ persecutionem habet? Certis regulis utimur, sine exceptione pœna heredes non teneri: item in pœnam heredes non succedere. *L. constitutionibus, 33. D. de obl. & act. L. pen. D. de oper. nov. num.* Prior sententia ¶ manifestam rationem habet, congruentem conditioni & personæ heredis. Nam hereditas est successio in universum ius defuncti. *L. heredes 62. D. de reg. iur. L. nihil est aliud, D. de verb. signif.* Proinde heres est successor universi iuris, Nam heres est is, qui eam successione obtinet. Ius universum defuncti continetur commodis & incommodis: commodis, quæ habuit: incommodis, quibus tenebatur. Inde heres succedit in com-
moda

moda & incommoda omnia defuncti. *L. 1. § 3. D. de honor. poss.* Inde dictum est, heredem succedere in locum defuncti. *L. quendam 9. §. 1. D. de edendo.* Ex quo & illud natum est, heredem esse eandem personam cum defuncto. *Novell. de iuram. a mort. praest. circa med.* Huic conditioni consequens est, quibuscunque actionibus defunctus tenebatur, iisdem & teneri heredem oportere, ut eodem iure cum defuncto utatur. Non mirum igitur, si hoc dicitur de actionibus rei persecutionem continentibus, quoscunque ex causa natae sint. Sed posterior sententia huic ipsi conditioni & iuri heredis videtur refragari. Nam superiori conditioni conveniens erat, ut heres, qui eundem locum obtinet & eandem personam gerit, iisdem actionibus quavis poenalibus teneatur; alioquin verum non est, heredem per omnia in locum defuncti succedere. Haec res sic habet: tandem si heres iisdem actionibus teneri debet, quoad non iniquum videbitur, ut teneatur. Non est autem aequum visum, ut heres in poenam succedat. Ideo poena ex hac successione excepta est. Huius iuris duae rationes redduntur a veteribus. Una est Pauli in *L. si poena 20. D. de penis*, quia poenae irrogantur ad delinquentium emendationem, quae emendatio mortuo delinquente desinit; altera certior redditur in *L. sancimus 22. inf. de pen.* Nam cum omnis poena sit delicti coercitio: *L. aliud est frans, 131. D. de verb. signif.* est aequissimum, ut ibi sit poena, ubi noxa est: aequissimum, ut poena suos teneat auctores, nec longius progrediatur metus, quam reperiatur delictum.

Hoc iure posito, querendum est, quae actiones rei persecutionem contineant? quae poenae persecutionem? Rei persecutionem continere si dicuntur, quibus persequimur, id quod nobis abest patrimonio abest. *L. in honorariis, D. de obl. §. 1. Cui definitioni videntur multa deesse.* Sic enim eam accipere debemus, ut sint rei peremptoriae, quibus persequimur tantum id, quod nobis abest, nec amplius. Alioqui ex parte poenales erunt, & ad superiorem definitionem non pertinebunt. Praeterea id, quod nobis abest, sic accipere debemus, non tantum, quod ex nostro patrimonio exit, quod repetimus; sed etiam, quod in patrimonio nostro nunquam fuit: sed esse debuit, vel vigilantia nostra parum; ut fuit ea, de quibus contrahendo nobis cavimus, vel aliena liberalitate nobis cautum: ut sunt ea, quae legantur testamento, aut donationis causa

promittuntur. Quidquid hoc, quod ita abest, excedit, poena est: sed & in eo non id etiam desideratur.

Haec cum summam & generaliter dicuntur, obscuriora sunt; ideo ut res magis explicetur, in singulis generibus actionum in personam certae regularum traduntur a veteribus, quibus de re tota plenius & explicatius statuitur. Eas subiicio: ut obligatio, sic actio in personam omnis aut ex contractu nascitur, aut ex quasi contractu, aut ex maleficio, aut ex quasi maleficio. *§. 1. Inst. de a. §. 1. Inst. de obl.* De singulis his generibus haec regulae sunt: ex contractibus venientes actiones, quavis delictum in his versetur: in si heredes dantur, non in id, quod ad eos pervenit, sed in solidum, etiam si nihil pervenerit. *L. ex depositi, L. ex contractibus, D. de obl. §. 1. Cuiusmodi sit depositi actio, is, apud quem deposita res, est, re deperdita, non aliter tenetur, quam si dolo malo eius, aut culpa lata, quae dolus est, res perierit. L. 1. §. ult. L. quod Nervae, 32. D. de pos. Fac itaque rem dolo malo depositarii perisse, neque eam rem ad utilitatem eius conversam esse, certum est, ob delictum eum teneri. Dolus enim delictum est: nihilominus eo mortuo placet heredem eius in solidum teneri. L. si hominem, 7. §. 1. D. de positi. Cur autem placet, cum hic delictum versetur? Ibi dem ratio redditur: quia actio ex contractu est: & quia ex contractu, etiam ex rei persecutione.*

Ex quo apparet, superiorem regulam ex his principiis, quae ab initio posita sunt, ductam esse. De actione depositi non dubitatur, quin rei persecutionem contineat. Nam aperte hac actione persequimur rem depositam, quae nobis abest: sed non idem dici potest, si sim a te stipulatus fundum, qui meus nunquam fuit. Quid igitur de reliquis contractibus dicendum est. Respond. generalis si haec definitio est ad omnes actiones ex contractibus venientes pertinet. *d. L. ex contractibus, 49. Nec iniuria.* Nam omnes actiones ex contractu paucis exceptis, de quibus dicemus, rei persecutionem continent: ut Iustinianus docet in *§. sequen. Instit. de a. Et si in his actionibus non persequimur, quod aliquando nostrum fuit; tamen id persequimur, quod diligentia & cautione nostra contrahendo nobis paravimus: quod ob eam causam in patrimonio nostro positum esse debuit. Nec ad rem pertinet, quod delictum in contractu versabitur, propter quod actio competat. Nam non eo minus semper actio ex contractu est; sem-*

semper enim in contractu contrahendi causam & originem spectare debemus, *L. si procurator, §. in princip. D. mandati*. Qui depositum accipit, ex depositi causa se obligavit. Si postea in re quid delinquat, depositum non mutat. Causam enim, quæ initio contracta est, spectare oportet. Huic sententiæ ꝑ contrarium scriptum videtur in §. 1. verlic. *aliquando, Institut. de perpet. & temporal. actione*. Illic ita scriptum est, *aliquando etiam ex contractu actio adversus heredem non competit; veluti, si quis dolo se versatus sit, nec quicquam ad heredem pervenerit*. Respondetur: in exemplo, quod subiicitur, his verbis, *veluti si quis dolo se, definitio præcedens repetenda est, ut constet repetendam esse, sed repetenda est tota, non ex parte, ut sit sensus, si quis dolo se versatus sit, & nihil ad heredem pervenerit*, supple, *Actio in heredem non competit, sed aliquando non competit, ut erant verba definitionis, non autem semper id contingit*. Ex quo apparet, illic non esse plenam definitionem, ubi actio ex contractu in heredem non competit. Quapropter quod eo loco omissum est, ex aliis certis explicandum est. Constat autem, ut actio ex contractu ob dolum defuncti in heredem non competat, contingere specialiter in actione depositi, ex iis causis, de quibus iam diximus, de qua est in §. *sequens, vers. plane, in Institut. de act.*

Sed ut actiones ex contractibus venientes ideo in heredes in solidum competunt, quia dicimus eas rei persecutionem continere; ita commutata ratione, si quæ huius ꝑ generis actiones pœnæ persecutionem continebunt, eæ hæcenus in heredes non dantur ex superioribus principis initio positis, quibus efficitur heredes pœna non teneri. Huius generis actiones ex contractu plures sunt: actio depositi ꝑ de eo, quod tumultus, incendi, ruinæ, naufragii causa depositum est. Ex iis causis si agitur ob dolum defuncti, actio in duplum constituta est adversus depositarium, adversus heredem non competit, nisi in simplum, *L. 1. in princip. D. depositi*. Eiusdem ꝑ generis est actio redhibitoria: quæ conventus venditor nisi pretium & accessione solvat, placet eum in duplum teneri. *L. redhibitoria, 45. D. de edil. edit.* Quod simplum excedit, pœna est. Excedit enim id, quod nobis ex patrimonio abest. *d. L. in bonorariis, D. de oblig. & act.* Proinde hæc actio in heredem venditoris in simplum dabitur, ut actio depositi ex superscriptis causis: in duplum non dabitur; quia pœnalis est.

Tom. VII.

Actionum ex quasi ꝑ contractu descendunt eadem conditio est, etiamsi in iis delictum verferetur; tamen adversus heredem in solidum competit, veluti, si tutor in tutela quid dolo gesserit, si negotiorum gestor quid dolo promiserit. *dist. L. ex depositi, 12. dist. 1. ex contrahibus, 49. D. de oblig. & actionib.* Nempe quia & hæ actiones rei persecutionem continent, id est, rei, quæ nobis abest, persecutionem. Quod si in tutela & negotiorum gestor actione recte dicitur: idem probandum est in actione fideicommissi, aut legati causa competente. Nam & hæc actio ex contractu est. *§. item heres, Institut. de obligat. ex quasi contr.* In hoc genere ꝑ excipitur actio de legato Ecclesiæ, aut aliis venerabilibus locis relicto. Nam hæc actio adversus eum, qui legatum non præstat, antequam iudicio conveniretur, in duplum constituta est. *§. ex maleficiis. verlic. item mixta. Institut. de action.* Proinde quonies ius est de actione depositi, ex iis quatuor causis, quas diximus, idem dicendum est de actione huius legati, ut adversus heredem detur in duplum, adversus heredem heredis detur in simplum duntaxat, ne heres pœna teneatur.

Ex his ꝑ regulis apparet, cur definitio huius legis de maleficiis tantum concepta sit: id eo fit, quia in actionibus ex contractu descendentibus locum non habet, ut ex sequentibus regulis intelligatur. De maleficiis hæc iuris regula est: *ex maleficiis pœnales actiones ante litem cum defuncto contestatam in heredem, ad quem nihil pervenit, non dantur*. Regula traditur in §. 1. *Institut. de perpet. & temp. act. in L. pupillum §. ult. D. de reg. iur.* Nisi, quod illic & de litis contestatione, & de eo, quod ad heredem non pervenit, nihil adiectum est: sed utrumque sumendum est ex hac lege, & aliis locis, quos postea indicabimus. Hæc regula ut actio in heredem non detur, quatuor exigit. Primum, ꝑ ut sit ex maleficio. Hoc videri potest frustra exigi, quali satis sit, dicere, pœnales actiones in heredes non dari, cum etiam pœnales actiones sint ex contractu: tamen in heredes non dantur, ut diximus de actione depositi & similibus. Respondetur: non frustra adici, de maleficio; quia aliter actiones pœnales ex contractu in heredes non dantur: aliter actiones pœnales ex maleficio. Actiones pœnales ex contractu ultra duplum, id est, quatenus pœnales sunt, in heredes non dantur; at in simplum, quod contractus natura continet,

P p p

net,

net, semper dantur in heredes. Exemplo
 et eadem actio de deposito, quæ ex eo,
 quod tumulus & similium rerum causa
 depositum est, in duplum in heredem non
 datur: at semper in simplum. *L. 1. D. de
 depositi*. Alia conditio est actionum pœ-
 naliū ex maleficio, ut superiore regula
 efficitur. Hæc neque in duplum, triplum,
 aut quadruplum in heredes dantur, neque
 adeo in simplum: & in totum in heredes
 non dantur, nisi de eo, quod ad heredes
 pervenit. Non est satis, actionem ex ma-
 leficio esse: exigimus, † *ut sit pœnalis*.
 Quod si rei persecutionem habeant, non
 minus in heredes dabuntur, quam si sint
 actiones ex contractu. † Huius generis
 actiones ex maleficio duæ sunt: conditio
 furtiva, & actio rerum amotarum. Con-
 ditio furtiva ex furto est. Proinde ex
 maleficio; & tamen in † heredem furis
 datur, non quatenus ad eum pervenit:
 sed in solidum, non aliam ob causam,
 quam quod rei persecutionem continet.
*L. si pro fure, 7. §. ultim. D. de con-
 dict. fur.* Similiter † actio rerum amota-
 rum, & ipsa ex delicto est. Facit enim
 mulier furtum, res viri amovendo. *L. 1.
 L. si mulier, 21. §. penul. D. rer. amo-
 tar.* sed eadem res persecutionem habet.
dist. L. si mulier 21. §. pen. Oh eandem
 causam placet, ut exemplo † conditio-
 nis furtivæ in heredem deitur. *L. contra
 6. §. si post, D. rer. amotar.* Quo ta-
 men loco oblatre videtur *lex ult. infr.*
rerum amotar. ubi scriptum est, actionem
 rerum amotarum † adversus heredes dari
 non in solidum, sed in quantum ad eos
 pervenit. Respondetur: hæc verba, *qua-
 tenus ad eos pervenit*, ambigua sunt;
 possunt enim sic accipi, quantum ad eos
 pervenit de rebus amotis. Possunt etiam
 sic accipi, quantum ad eos pervenit de
 hereditate. In ambigua voce legis poste-
 rius accipiemus, quia vitio caret, iuxta
 præceptum *L. in ambigua, D. de LL.*
 Nam si interpretamur, heredes teneri hac
 actione solum, quatenus res ad eos perve-
 nit de rebus amotis, pugnamus cum ma-
 nifesta ratione; quia hæc actio non mi-
 nus rei persecutionem continet, quam con-
 ditio furtiva; imo multo magis continet.
 Deinde pugnamus diserte cum dicta *L.*
contra 6. §. si post, D. rerum amotar.
 ubi diserte scribitur, hanc actionem in
 heredem dari. Hoc cum absolute dicitur,
 intelligitur in solidum dari. Hoc amplius
 adicitur, hanc actionem dari exemplo
 conditionis furtivæ.

Verum igitur est, utramque hanc actio-
 nem, quia non est pœnalis, sed rei per-

secutionem habet, etiamsi sit ex malefi-
 cio; tamen in heredes delinquentis in
 solidum dari. Sed huic sententiæ oppo-
 nitur hoc rescriptum, ubi scribitur, ante
 litem contestatam morituo eo, qui deli-
 quit, actionem in heredem dari solum de
 eo, quod ad heredem pervenit. Ad hanc
 objectionem removendam Bartolus & ce-
 teri hunc secuti respondent: Conditio-
 nem furtivam non esse ex maleficio, sed
 ex variis figuris causarum, ut est in *L.
 1. Digest. de obligat. & actionibus*, sed
 frustra tentant hoc dicere. Nam mani-
 festum est conditionem furtivam esse ex
 furto. *§. sic itaque, Institution. de action.*
 Furtum maleficium est circa controver-
 siam: sed & conditionem furtivam ex
 maleficio esse ex eo liquet, quod ex furto
 servi conditio furtiva adversus dominum
 est noxalis. *L. 4. Dig. de cond. furt.*
 Non potest esse noxalis actio, nisi ex ma-
 leficio servi. *L. 1. D. de noxal. Adde
 L. si ambo 10. §. quoties, D. de compen-
 sat.* ubi hæc actio furti, & conditio fur-
 tiva pariter ex maleficio esse significatur.
 Tum autem etsi quis concesserit, condi-
 tionem furtivam ex maleficio non esse:
 tamen nihil promovebimus. Nam actio
 rerum amotarum ex maleficio esse dicitur
 in *L. si mulier 21. §. pen. D. rer. amo-
 tar.* Et de hac nihilominus idem
 dicimus, nempe hanc in heredem dari;
 quia rei persecutionem continet. Utrum-
 que igitur verum est, has actiones ex ma-
 leficio esse: & nihilominus, quia rei per-
 secutionem continent, nec pœnales sunt,
 ideo in solidum in heredes dari: in soli-
 dum adversus unum; sed si plures sint,
 adversus singulos, pro qua parte ad sin-
 gulos hereditas pervenit. *L. in conditio-
 ne, 9. D. de cond. furt.* Non † adver-
 satur hoc rescriptum. Quod enim dicitur,
 actionem dari in heredem eius, qui
 deliquit, solum, quatenus ad heredem
 pervenit, sic intelligendum est: si de de-
 licto agatur, seu de eo quod defunctus
 deliquit, quod idem valet. Porro condi-
 tio furtiva, & actio rerum amotarum ex
 maleficio sunt: sed in iis de maleficio non
 agitur, sed de rei persecutione. Hæc re-
 sponso est *L. quia non de dolo, 8. D. de
 tribut.* Sed † ut, si actio ex maleficio
 rei persecutionem continet, hæc non mi-
 nus in heredes datur, quam si esset
 contractus; ita si erit pœnalis, ratum est,
 quod superiore regula comprehenditur,
 actionem ex maleficio pœnalem in here-
 dem, ad quem nihil pervenit, non dari.

Videndum, quæ sint actiones ex male-
 ficio pœnales? Pœnalis † actio ex male-
 ficio

- ficio duabus ex notis æstimanda est. Pri-
 28 mum, & proprie & citra † controversiam poenalis est, cum actione persequimur, ultra quam nobis ex patrimonio abest, argumen. *L. in honorariis, Digest. de obligationib. & actionib.* Huius generis sunt actiones furti, vi bonorum raptorum, quod metus causa, & similes, de quibus in §. *ex malefeciis, Institutionib. de actionib.* Altera nota intelligimus, actionem poenalem esse, † si persequimur quidem id, quod nobis abest, sed adversus eum, ad quem ex delicto res non pervenerit. In quo hæc regula tenenda est, quæ colligitur ex *L. huius, 9. Digest. quod falso tutore auctore.* Quoties ex delicto actio nominatim constituitur lege in dolum adversus eum, ad quem ex eo dolo res non pervenit, toties actio poenalis est, & in heredem delinquentis non datur. Ad hanc definitionem quatuor actiones referendæ sunt: quæ in heredem non dantur. Primum huius generis est actio
 30 constituta † adversus agrimenforem, qui falsum modum, hoc est, spatium renuntiavit. Hæc actio nobis competit de eo, quod nobis abest, in modo agri, qui noster esse debebat, atque adeo noster est. Ex tamen hæc actio in heredem non datur, *L. 3. §. pen. Digest. si mensor falsum modum dixerit.* Hæc causa est, quia in dolum mensoris constituitur, ex hoc dolo ad mentorem nihil pervenit, sed ad eos, quorum agri finitimi sunt. Eiusdem generis est interdictum de precario. Hoc
 31 interdictio aperte persequimur † rem precario datam, quæ nobis abest: & tamen hæc actio adversus heredem non datur. *L. questum, 8. §. ult. Dig. de precar.* quia hoc interdictum non competit, nisi ob dolum eius, qui precario accepit: quo dolo si res perit, ad eum nihil pervenit. *d. L. questum, 8. §. cum quoque, D. de precar.* In eodem numero est actio
 32 tributaria. Hæc † cum sit de merce, quæ nobis distribui debuit; tamen in heredem domini uou datur. *L. illud 7. §. ult. D. de tribut.* Hoc eo fit; quia hæc actio non est constituta, nisi adversus eum, qui dolo malo fecit, quo minus merx recte tribueretur. *dict. L. illud 7. §. si cuius, D. de trib.* Potremo ex eadem ratione est, quod actio adversus falsum † tutorem, qui auctor pupillo factus est, in heredem non datur. *d. L. huius, 9. D. quod fals. tut. aut. nempe:* quia non datur actio hæc, nisi adversus eum, qui dolo malo auctor factus est, cum tutor non esset. *L. novissime, D. quod falso tut. aut.* Hæc species & superior definitio eo
 33

Tom. VII.

spectant, ut intelligamus has actiones superiori regulæ non adversari, sed regulam in iis maxime locum habere, cum ostenderimus eas esse poenales: ut causa non sit, cur eas a superiore regula exciperemus: sane si personam agentis spectes in iis actionibus, videri possunt, rei persecutionem continere; quoniam actor persequitur, quod sibi abest: sed si spectetur is, cum quo agitur, vere poena est, quæ ab eo exigitur. Id enim cogitur reddere, quod non accepit. Certe in quo locupletior factus non est.

Tertium † regula proposita exigit, ut
 34 ad heredem delinquentis nihil pervenerit. Nam si quid pervenerit, eatenus tenentur heredes, ut hoc rescripto comprehensum est. Quorsum exigit eadem regula, ut qui deliquit, ante litem de delicto contestatam decesserit; quoniam lite contestata si decessit, actio in solidum adversus heredem transmittitur. Sed si hæc † qua-
 35 tuor concurrunt, quæ regula superiore comprehensa sunt, ius certum est, & perpetuum, in privatis actionibus tam pecuniariis, quam criminalibus actionibus ex maleficio poenales in heredem non dari. *L. 1. de privat. delict.* Huic tamen sententia duo loci obstant.

Obiicitur † *L. 2. D. ad L. Iuliam,* 36
repetund. ubi scriptum est, actionem ex ea lege dari in heredem intra annum duntaxat a morte eius, qui arguebatur. Hoc de actione privata scriptum est, ut nomen ostendit. Dari hanc actionem reo ante litem contestatam defuncto ex eo intelligitur, quod dicitur actio in heredem dari, non transmitti: Deinde de lite contestata nihil additum est, ut necesse sit intelligi actionem ex ea lege etiam ante litem cum defuncto contestatam in heredem dari. Respondetur. Verum est, actionem illic dari in heredem ante litem revera contestatam, sed litem pro contestata haberi debere; quia hæc actio datur in heredem eius, qui arguebatur, ut illic verba sunt; Qui arguebatur, id est, qui accusabatur, & adversus quem instituta erat de crimine accusatio. Hæc accusatio de crimine instituta ius contestationem de re pecuniaria quodammodo continet. Dixi, quodammodo; quoniam non omni ex parte continet. Et hæc de causa actio hæc in heredem eius, qui arguebatur, datur non perpetuo, sed intra annum.

Obiit etiam *L. 3. §. quod autem, D. quod quisque iuris.* cuius loci sententia hæc est. Res vendita apud venditorem perit culpa eius: certum ius est venditorem de ea re nihilominus teneri. §. *cum*

P p p 2

autem,

autem, Institut. de empt. & vend. L. si ut certo, §. S. nunc videndum, D. commodati. Empor hoc ius secutus egit cum venditore, ut rei venditæ pretium solveret. Magistratus, seu iudex pronuntiavit, re culpa venditoris amissa, venditorem non teneri, in quo aperte ius novum statuitur. Edicto, *quod quisque iuris in alium statuerit*, cavetur, ut si quando hic magistratus quid emerit, & res vendita perierit apud venditorem culpa eius; magistratus quoque agens cum venditore eodem iure uti debeat, id est, debeat ei denegari actio, quemadmodum ipse prius sententia sua emptori denegaverat, ut quod in alterius persona æquum esse existimavit, id in sua quoque persona valere patiatur. *L. s. D. quod quisque iuris.* Idem iuris constitutum est adversus venditorem: si venditor postulavit, emptori actionem denegari, & obtinuit, eadem *L. s. quod quisque iuris.* Ergo hac poena teneretur, qui novum ius statuit, aut novi iuris quid obtinuit. Queritur, si magistratus hic decesserit, & heres eius, qui in emptionem magistratus successit, agat adversus venditorem cuius culpa res perierit: an eodem iure uti debeat heres? Ex scriptum est in dicta *L. 3. §. quod autem.* poenam decessoris in heredem transmitti: ut quemadmodum magistratui agenti denegaretur actio, sic denegetur & heredi eius. Respondetur. Acute iudicio meo § Bartolus hunc nodum explicat, de cuius sententia ita dicendum est: quod dicitur, poena heredes non teneri, de poena irroganda, non irrogata dictum est. Quod si iam poena defuncto irrogata sit: hæc & personam & res defuncti afficit: ut consequens sit, eandem poenam ad heredem pertinere, quoniam nihil possit amplius pertinere ad heredem, quam quod defunctus habuit. *L. heres, D. de regul. iur. L. nihil est aliud D. de verbor. significat.* Id hoc exemplo recte demonstratur. Fraudati vectigalis § criminat ad heredem transmitti placet. *L. fraudati, D. de publ. id est, si quis ob merces vectigal non solverit, fraudandi causa, committuntur merces fisco?* Quid si priusquam merces restituerentur edicto. Quid si priusquam committantur merces fisco, fraudator decesserit? Placet, heredem eadem poena teneri. *L. commissio, 14. D. de publ.* Ne quis hoc putet adversari constitutionibus, quibus cavetur, heredes poena non teneri. Ratio reddita est in dicta *L. commissio, 14.* cur commissi poena ad heredem transmittatur. Quia res commissa statim fraudatoris esse definit, & incipit esse fisci, quæ defuncti esse deuit,

poena iam irrogata hæc ad heredem pertinere nullo modo potest. Iam vero in *L. 3. §. quod autem, D. quod quisque iur.* poena eo edicto constituta, eiusmodi est; ut simul atque magistratus ius novum dixit, aut reus ius novum obtinuit, ut denegetur actori actio: statim & magistratus & reus afficiantur hac poena, ut videantur sibi iam tum idem ius dixisse in suis causis. Hoc ius deinceps eorum personam & res eorum afficit. Merito poena heredes quoque tenebit. Ergo regula superior de actionibus ex maleficio poenalibus, vera & perpetua est, cum ea concurrent, quæ dixi.

Sed ut supra scriptis conditionibus vera est; ita mutatis iis conditionibus, ex eadem regula intelligimus, duobus temporibus actiones ex maleficio poenales in heredes dari, de quo hoc rescripto ex professo comprehensum est. Primum dantur ante litem contestatam § de eo, quod ad 39 heredem pervenit. Poenales omnes actiones, quatenus ad heredem perveniunt, eatenus in heredem competunt, ut iniustum lucrum extorqueatur heredibus, ut hic *L. in heredem, 5. D. de calum. L. quod diximus, 16. §. ult. D. quod metus causa, L. in heredem, 26. D. de dolo, L. illud, 7. §. ult. D. de tribus.* Quod non refragatur illis principiis quæ initio posuimus, neque iis constitutionibus, quibus cavetur poena heredes non teneri, sed potius ex illis principiis sumptum est. Nam cum agitur adversus heredem de eo quod ad eum pervenit, actio non poenæ, sed rei persecutionem continet, ut est in *L. quia non de dolo, 8. D. de tribus.* Ex certe ex eo apparet, poenam hic non peti; quia heres nihil de suo pendere hic cogitur, sed tantum iniustum lucrum ei extorquetur. Ut non est æquum, delictum defuncti heredi nocere; sic multo æquius est delicti emolumentum ad heredem non pertinere. *d. L. in heredem, D. de calum. d. L. quod diximus, 16. §. ult. quod metus causa.* In id, quod ad heredem pervenit, significat in id, quo heres locupletior ex delicto factus est. *L. in heredem, 26. D. de dolo, L. si ipse res, 16. D. quod metus causa.* Ad heredem semel quid pervenisse satis est, ut de eo sit perpetua actio adversus ipsum & heredes eius: licet, quod pervenit, statim consumperit. *L. videamus, 17. §. L. 18. sequent. D. quod metus causa L. itaque, 18. D. de dolo.* Quod tamen dicimus actiones ex maleficio poenales in heredem dari de eo, quod ad eum pervenit, sic accipiendum est: ut intel-

intelligamus, vel eisdem veteres dari, vel vice earum alias, quæ idem extorqueant.

40 Sciendum est enim ¶ veteres actiones pœnales de eo, quod ad heredem pervenit, semper dari, si de eo nullæ actiones sunt magis idoneæ. Quid si de eo aliæ actiones erunt, vel ubiores, vel faciliores, placet has sufficere, neque requiruntur veteres pœnales. Hoc contingit in ¶ duabus actionibus, actione vi bonorum raptorum, & interdicto, unde vi. Si quis quid rapuit, tenetur actione vi bonorum raptorum in quadruplum. *L. 2. D. de vi bonor. raptor.* Hæc actio edicto prætoris in heredem non est data, de eo quidem, quod ad heredem pervenit, ut testis est Ulpianus in *L. 2. §. ult. D. eodem.* Sed ibidem rationem adiecit, quia de eo, quod ad heredem pervenit, conditio furtiva competit. Nam conditio furtiva adversus furem datur, & eius heredem: rapinæ autem est improbus fur, *tit. de vi bonor. raptor. in princip. Institut.* Hæc, inquit Ulpianus sufficere debent. Et merito; nam est multo uberior, quam actio vi bonorum raptorum. Nam actio pœnalis vi bonorum raptorum non daretur in heredem rapinæ, nisi de eo, quod ad heredem pervenit: at conditio furtiva in solidum dabitur, sive quid ad heredem pervenerit, sive quid non pervenerit. *L. si pro fure, 73.*

42 *D. de condict. furt.* Interdictum autem ¶ unde vi comparatum est adversus eum, qui quem deiecit de possessione, & comparatum in hoc, ut reus non solum possessionem restituat, sed etiam omnia, quæ deiectus ibi habuit. Quid interdictum non datur in heredem eius, qui decessit, scilicet quia ex causa eius interdicti actio in factum datur, ex sententia interdicti. *L. r. §. ult. D. unde vi &c.* Hæc actio debet sufficere, quia est facilior. Nam in interdicto servabatur olim vetus formula. In actione ex causa interdicti illis formulæ adstrictus non erat. *§. ult. Institut. de interd.*

Alium tempus est, cum actiones pœnales in heredes dantur: id tempus, quod litem cum defuncto contestatam sequitur,

43 de quo hæc regula ¶ iuris est: Pœnalia iudicia contestata, seu lites pœnales contestatas, seu quod idem valet, actiones pœnales iudicio inclusas, quod sit litis contestatione, in heredes transmitti. *L. constitutum, 32. L. sciendum, 57. D. de obligationib. & actionib. L. omnes pœnales, 25. L. pœnales, 124. D. de regul. iuris.* Unde est hoc rescriptum translaticum. Quod si in pœnalibus actionibus recte dicitur: multo magis in aliis actio-

nibus idem esse probandum, intelligendum est: ut sic recte definiatur in *d. L. sciendum, 57. D. de obligat. & act.* ex omnibus causis lites contestatas in heredes transmitti: una ¶ excipitur actio, quæ ins- 44 stituitur adversus statum defunctorum: & ius tale est: scilicet si quis ingenuus pronuntiatus sit, licet ingenuitatis sententiam retractare intra quinquennium: sed licet vivo tantum eo, qui ingenuus pronuntiatus est, usque adeo: ut si retractationis 45 questio adversus eum moveri cœperit, deinde is decesserit, morte eius questio exlinguitur. *L. 1. §. sed interdum, D. ne de stat. defunctor.* Hoc ius non propter actionem constitutum est: nam de statu defuncti licet sententiam retractare, si pro statu defuncti agatur. *dist. L. 1. §. ult. D. ne de statu defunctor.* Ex quo intelligimus, ius constitutum esse favore libertatis & ingenuitatis. Proinde singulare ius esse, quod ad consequentiam produci non debet: non recte ¶ ex hoc iure 45 excipitur actio de dolo. Nam in *L. ult. supra, de dolo.* solum constituitur, actionem de dolo etiam post litem contestatam ultra biennium produci non posse. Hoc ad heredes nihil pertinet. Proinde si lite contestata cum eo, qui dolum admiserat, agitur adversus heredem, recte ageitur intra biennium ex regula communis. Distinctio ¶ superior de lite contesta- 46 ta, non modo non adversus superiorem principis & constitutionibus, quas initio posuimus, sed etiam ex iis ipsis sumpta est. Intelligendum est enim lite de maleficio contestata novam obligationem contrahi iudicari, quæ non ex maleficio nascatur, sed ex contractu. Nam iudicio contrahitur, non aliter quam stipulatione. *L. 3. §. idem scribit, D. de pecul. iudicio,* id est, iudicio accipiendo, & lite contestanda. Porro omnes actiones ex contractu rei persecutionem continent, nisi si quæ excipiantur nominatim, ut depositi. *§. sequens, Institut. de action.* Merito igitur & hæc actio in heredem dabitur post litem contestationem; quia omnis actio rei persecutionem continens in heredem datur.

Ex en, quod de litis contestatione dicimus, hæc quæstio sunt. Quid si reus, qui deliquit, conventus, ¶ ultro in iure 47 confessus est, nolens litigare: an mortuo eo, priusquam solveret, actio in heredem eius dabitur. Movet quæstionem, quod revera lis cum eo contestata non est. Nam in confitentes nullum est iudicium, nullæ iudicantis partes in confitentes. *L. perinde 25. in fin. D. ad L. Aquil. Respond.*

Si

Si actio datur ius heredem eius, cum quo
lis solum contestata erat, multo magis da-
bitur in heredem eius, qui iam iudicatus
erit, argu. in *L. ex iudiciorum*, 20. *D. de accusat.* Nam ex re iudicata maxime
nascitur actio iudicati. Confessi autem in
iure pro iudicatis habentur. *L. unica in-
fra de confess.* Quare & in confessi he-
redem actio eodem modo dabitur. Rursum
48 quæro: quid si reus conventus † neque
litem contestetur, neque confiteatur, sed
latitet, & sui potestatem non faciat? Si
in ea frustratione decesserit, an actio ad-
versus eius heredem dabitur? Respond.
Certum est, summo iure dari non posse,
quia nec lites contestatio, nec condemnatio
adversus defunctum intervenierit, sed
actor restituetur in integrum ex edicto,
*ex quibus causis maiores in integrum res-
tituantur*. Quo edicto comparata est res-
titutio ei actori, cuius actio exiit, id est,
amissa est, ideo, quia reus non defende-
batur, neque sui potestatem faciebat. *L. 1. D. ex quibus causis maior.*

49 Quod ius est de † actionibus ex male-
ficio pœnalibus, hoc idem iuris est de ac-
tione ex quasi maleficio, nec hæ in he-
redem dantur: sunt enim pœnales omnes.
Exempli causa: index, qui litem suam
fecit male iudicando, ex quasi delicto ten-
etur in id, quod religioni iudicantis æ-
quum videtur. *Institus. de obligat. quæ
ex quasi del. in princip.* † Hæc actio in
eum, qui male iudicavit, dabitur, in he-
redem eius placet non dari, ut diserte
scriptum est in *L. Iulianus etiam, D. de
iudic.* Id si recipitur in hoc genere actio-
nis, quæ ex quasi maleficio est; multo
magis in cæteris eiusdem generis recl-
piendum est, quas magis pœnales esse pa-
tebit, ex §. 1. & deinceps. *Institus. cod.
sis. de oblig. quæ ex quasi del.* Sed hoc
semper cum hac exceptione accipiendum
est, quæ hac lege traditur, *nisi lis de eo
delicto fuerit contestata*. Generaliter enim
ex omnibus causis lites contestatæ in he-
redes transmittuntur. *L. sciendum, 57.
D. de obligat. & action.*

Hæc de privatis iudiciis & actionibus
pecuniariis dicta sint. Cæterum in publi-
corum iudiciorum † criminibus, in quibus
de pœna ademptionis & confiscationis bo-
norum agitur, hæc aliter observantur.
Nam aut in totum pœnæ in heredes non
transeunt, et si reus decesserit, accusatio-
nem adversus eum instituta: aut in totum
transeunt, et si reus ante ullam accusatio-
nem institutam decesserit, de quibus ita
ius est. Communis iudiciorum publico-
52 rum & criminum † regula hæc est; cri-

men morte rei extinguui, si reus ante
reatum, si reus ante decesserit, id est,
si reus ante decesserit, priusquam accusaretur, si-
ve postquam accusaretur. *L. ult. in pr.
D. ad L. Iul. maiest. L. ex iudicior. 20.
D. de accusat.* Hoc ita, nisi accusatio in-
stituta, & condemnatio secuta sit. Hoc
enim secuto non agitur de pœna irrogan-
da, sed de pœna irrogata. Hæc pœnæ in
heredes transeunt, etiam si de bonis, de
ademptione & confiscatione bonorum aga-
tur. *d. L. iudicior. 20. de accusat. lib. 48.*
Condemnationem secutam accipere de-
bemus, quæ cum effectu secuta sit, id est,
quæ non sit appellatione suspensa. Nam
si reus condemnatus appellavit, appellatio
quodammodo extinguit iudicatum, ut
pendente appellatione perinde sit, quasi
nulla condemnatio præcessisset. *L. 1. in
fin. D. ad Senatufconsult. Turpil.* Hæc
res facit, ut si reus condemnatus, pen-
dente appellatione decesserit: etiam morte
eius crimen extinguatur, nec pœna adem-
ptionis bonorum in heredem transeat; si
tamen bona adempta sint propter capita-
lem pœnam irrogatam, ex qua bona pub-
licancantur. Diversum est, si pœna capita-
lis non sit, sed magistratus speciali sen-
tentia partem bonorum publicaverit. Ex-
stat hæc distinctio in *L. 3. infra, si pend.
app. mors interve.* & *L. ult. infr. si
reus, vel accus. mort. fuer.* Pro condem-
natis † rei habentur ex constitutionibus, 53
qui postulati criminis, aut in crimine de-
prehensi, mortem sibi consciverint: &
ideo si id crimen fuerit, ex quo dama-
nato reo bona publicarentur: eveniet, ut
etiam mortuo eo publicentur, atque ita
pœna ademptionis in heredes defuncti tran-
seat. *L. 3. in prin. D. de bon. eo qui
an sentent. mort. sibi conse.* Hæc, ut di-
xi, communis conditio est criminum &
iudiciorum publicorum, sed singulari ra-
tione † quædam excipiuntur: quorum iu-
dicia placuit adversus heredes exerceri 54
posse, quanvis reus ante ullam accusatio-
nem adversus eum institutam decesserit.
Sunt autem hæc: crimen læsæ maiesta-
tis, non ex omni causa, sed ex hac
una, si quis perduellionis reus sit, id
est, hostili animo adversus principem,
vel Rempubl. animatus, *dist. L. ex iudic.
D. de accusat. luncta L. ult. D. ad
L. Iul. maiest.* Item crimina omnia, in
quibus principalis, seu fiscalis pecuniæ
ablatæ questio movetur, si agatur lege
Iulia repetundarum, si de relictis, si de
peculatus. *L. ult. 1. D. ad L. Iul. pe-
cul.* Item crimen defensionis, in qua de-
fensione si miles decesserit, placet, bona
eius

eius confiscari. *L. 3. infr. de re mil. lib. 12.* Ex constitutionibus in eadem conditione sunt Manichæi & Donatistæ *L. 4. supra, de Manich.* In causa prope simili sunt apostatæ, qui a fide Christiana defecerunt, *L. apostatarum, 4. sup. de apost.*

Sed in iis hoc dissimile est, quod iudicium *de iudic.* exercetur mortuo apostata; non tamen, ut bona eius publicentur fisco; sed ut heredibus legitimis, dum Christianis vindicentur, ut est cautum *ead. L. apostatarum.*



A D T I T U L U M X V I I I .

D E C O N S T I T U T A P E C U N I A .

Ad Rubricam.

S U M M A R I A .

1. *Obligationis constituti causæ efficientes.*
2. *Constitutum solo contractu fit.*
3. *Constituens pro se & alio constituere potest.*
4. *Constitutum iustum & plenum quid?*
5. *Constituti iusti partes.*
6. *Conventionis nomine quod intelligatur.*
7. *Conventio quid?*
8. *Constituti effectus.*
9. *Pollitatio & pactum differunt.*
10. *Conventio nuda cur debeat in constituto esse?*
11. *Actio an ex nudo pacto sequatur?*
12. *Constitutum, si esset iuris civilis, nullam actionem produceret.*
13. *Fidem fallere grave est.*
14. *Fidem fallere in constituto, cur grave sit?*
15. *Constituti requisita.*
16. *Solvi quando quid dicatur?*
17. *Solutio proprie quid?*
18. *Solutio quid & quomodo accipiat?*
19. *Pecuniæ vocabulo quæ intelligantur?*
20. *In constitutum quæ veniant?*
21. *Actio de constituto in quem datur?*
22. *Debitum triplex est.*
23. *Debitum vere quid sit?*
24. *Debitum naturale quid?*
25. *Pupillus si quid promiserit sine tutoris auctoritate iure civili non obligatur, secus naturali.*
26. *Promittens aliquid alteri nudo pacto, iure civili non tenetur.*
27. *Debitum vere quod?*
28. *Verba semper cum effectu accipienda.*
29. *Pactis duobus propositis, natura æquum est, novissimum valere.*
30. *Constitutum purum an teneat?*
31. *Promissum in diem, etiam ante diem debetur, & potest ante diem constitui.*
32. *Constitutum pendente conditione an valeat?*
33. *Obligans se pro alio in graviores conditionem obligari nequit.*
34. *Fideiussor pure intercedens pro eo, qui in diem debet, non obligatur pure.*
35. *Debitor in diem 10. debens, si constituit se pro iis 10. soluturum 10. modios, an ex constituto obligetur?*
36. *Debitor aliud pro alio constituens recte obligatur de pecunia constituta.*
37. *Solutio non est solutio, nisi eius quod debetur.*
38. *Fideiussor, ut in graviores causam obligari non potest, sic multo minus in aliam rem, quæ debetur.*
39. *Constituens alium soluturum, non obligatur.*
40. *Constitutum ex iis, quæ præcesserunt, interpretationem accipere debet.*
41. *Constitutum impersonaliter conceptum nullius est momenti.*
42. *Contrahere nemo ita potest, ut alteri actio acquiratur.*
43. *Actionis constituta pecunia quæ vis?*

EXposito loco communi de effectu contractuum, qui effectus positus est in obligatione, quæ inde nascitur, & actione: redit Iustinianus ad enumerationem & tractationem reliquorum contractuum, de quibus in hoc libro agi diximus. Hos persequitur nullo quidem certo ordine: sed tamen id eum agere constat, ut persequatur, & tractet: in quibus

est constitutum, de quo hic agitur. Nam ¶ 1 obligatio, quæ ex constituto nascitur, cum ex consensu & conventionem nascatur: non potest, quin sit ex contractu, ut eil definitio ex contractu a nobis suo loco exposita. Cum ¶ autem consitet hic contractus sola conventionem, ut dicitur: apparet, numerandum esse inter eos, qui solo consensu fieri dicuntur. Itaque rectius hæc tra-

tractatio coniuncta esset cum titulo *mandati, pro socio*, & sequent. Quod ait Accursius, idcirco hic agi de pecunia constituta, qua superioribus titulis agitur de his, qui ex alieno contractu conveniuntur: constitutum autem eiusmodi obligationem habet; ridiculum est. Nam § qui constituit, tam potest pro se constituere, quam pro alio: & qui pro alio constituit, non ideo minus tenetur ex suo contractu. Ita pecuniæ constitutæ obligatio ad superiorum titulorum questionem nihil pertinet. Tum autem, si hæc ratio est, quæ ab Accursio redditur; qua ratione dicemus in Pandectis titulum hunc subiectum esse titulo de *condict. sur.* & titulo de *condict. ex lege*, ex quibus convenitur unusquisque ex suo facto & contractu, non alieno? In summa huius obligationis, quæ hinc nascitur, causa est constitutum. Itaque si causam noverimus, simul obligationem, quæ inde nascitur, id est, effectum noverimus. Hæc igitur causa consideranda est.

4 Iustum & plenum constitutum, ex quo obligatio nascitur, est id, quod describitur in §. de *constitutæ*, *Institus. de act.* si quis nimirum, qui aliquo iure obligari potuit, *constituas se vel pro se, vel pro alio, qui debeat, solviturum*, adde, *ei, cui constituit*, dum *pacis* constituit. Ut hæc descriptio plane intelligatur, partes eius spectandæ sunt. Hæc duæ sunt summae, quibus iustum constitutum § continetur. Conventio nuda & certa conventio continens res constituit proprias. Primum constitutum desiderat conventionem, seu pactum. *Constitutæ*, inquit Ulpianus, *ex consensu facta prætor custodit. L. 1. in princ. D. eod. tit.* Conventionem § cum dicimus, hoc exprimimus, non esse constitutum, nisi cum pecunia constituitur inter duos, quorum unus constituit, alteri constituitur, volenti & constitutum admittenti. Nam § conventio est duorum pluriumve in idem placitum & consensus. *L. 1. §. 1. D. de pact.* Hoc eam vim habet, ut si quis aliquibus præsentibus § dixerit, se constituere, se solviturum Titio absenti & ignorant, nulla hinc sit obligatio; quia § hæc pollicitatio est, non pactum seu conventio. *L. 3. in princ. D. de pollicit.* Conventionem § nudam exigimus sine ulla stipulatione. *d. §. de constit. Instit. de act.* non quod non maxime obligetur, qui stipulanti promittit, se aliquid solviturum; sed qui hoc ita promittit, obligatur iure civili, & propriis actionibus: nempe aut ex stipulatione, aut condictio-
ne certi, in *Instit. de verb. oblig. in pr.*

Tom. VII.

Sed non etiam obligator iure prætorio, nec tenetur actione de pecunia constituta, de qua quaerimus. Sed an non regula iuris refragatur, quo minus ex nudo § pacto actio nascatur? Resp. Refragatur *L. legem, 10. supr. de pact. L. iurisdictionum 7. §. sed cum nulla, & §. sequent. D. de pact.* Et § ideo si ius constituti relinqueretur constitutioni iuris civilis, inde obligatio non nasceretur.

Sed hæc species conventionis a prætoribus excepta est, quam ob causam proprium edictum proposuit huius obligationis & actionis constituendæ causa, ut docet Iustinianus in §. *personam, Instit. de action.* Excipiendi rationem habuit prætor, auctore Ulpiano, *quia grave est fidem § fallere. L. 1. in princ. D. eod.* Quod sic accipiendum est. Grave est in hac causa præter ceteras. Nam aliqui § generalis esset hæc ratio, intelligeremus, hæc eadem ratione ex omnibus conventionibus nudis actionem nasci, quod non ita est. Ergo præcipue in hac causa grave est § fidem fallere propter congenitam conventionem aut obligationem. Nam non est obligatio ex constituto, nisi constituitur id, quod iam ante sit debitum. Accedit igitur ad debitum nova obligatio, quæ maiorem vim habere debet, quam si esset obligatio & conventio sola. Hæc conventio, non qualibet constitutum facit, sed ea, quæ habet res constituti proprias. Exigimus igitur § in summa, ut sit hæc conventio de pecunia debita solvenda, expressis personis, a quo & cui solvi debeat, nempe de pecunia solvenda ab eo, qui constituit, & solvenda ei, cui constituitur.

Hic primum exigimus, ut quis pacificatur *se solviturum*, quibus verbis definitur id, quod est in edicto prætoris, *constituere pecuniam*. Nam cum prætor pollicetur actionem de constituto: *si quis pecuniam debitam constituerit*, pro his verbis posterioribus Iustinianus dixit: *si quis se solviturum constituerit*, in *d. §. de constituta*. Hæc de solutione ideo exigitur; quia non est constitutum, nisi de debito præstando. Cum autem § præstatur id, quod debetur, solvi dicitur. Sed monendi sumus, proprie solutionem § dici, cum pecunia numeratur & solvitur creditori. *L. solutam 49. D. de solut.* Hic generalius solvendi verbum accipimus: ut § quocunque modo quis constituerit, se præstaturum id quod debetur, constituto obligetur, siue promittat se solviturum pecuniam, siue id facturum, quod, ut fieret, in obligatione erat, ut appareat ex verbis edicti,

Q q q

- edicti, quæ sunt in *L. si duo*, 16. *Dig. eod. si appareat*, inquit prætor, *enim, qui constituit, neque soluisse, neque fecisse, quod constitutum est*. Exigimus, ut quis constituerit pecuniam. Pecuniæ ¶ verbo in hoc edicto & hac actione olim intelligebantur hæc res, quæ pondere, numero mensurave constant: cæteræ res frustra constituebantur, si Iustiniano credimus in
- 10 *L. 2. hoc tit.* Ille autem ¶ constituit, ut res omnes constitui possint, si prius fuerint debita, & id constitutum teneat, sitque ex eo actio de pecunia constituta. Neque id contra usum & significationem verbi pecuniæ; quia etiam in usu iuris pecuniæ verbo res omnes continentur. Hoc ille constituit in *dist. L. 2. de significatione huius verbi est in d. L. 2. L. 178. 221. D. de verb. signif.* Ex quo est id, quod scribitur in *d. §. de constituta* actione ¶ de constituta agi cum omnibus, qui constituunt se quid soluturos.

- Exigimus, ut pecunia sit, quæ constituitur, debita ita: ut nisi debita sit, non nascatur obligatio ex constituto. *L. 1. L. hactenus 11. D. eod.* Quod Iustinianus bis confirmat in *L. 2. vers. ita tamen*,
- 12 *¶ vers. ut non erubesc. hic.* Debitum ¶
- 13 triplex est: I. Est id, quod ¶ vere debitum dicitur, cum res ita iure civili peti potest, ut actio nulla exceptione removeatur, denique cum debitum ab invito exigere potest. Quod ita debetur citra controversiam, vere debitum est. *L. debitor, D. de verb. signif.* Proinde nulla dubitatio est, quin ex constituto obligetur, qui, quod ita debebatur, constituit, quacunque ex causa & quocunque iure debitum fuit. *L. 1. §. pen. D. eod.* Est secundum genus debiti, cum quid civiliter
- 14 non debetur, sed naturaliter ¶ tantum: cuius generis obligatio ex eo æstimatur, quod debitum peti non potest, sed si solutum fuerit, condici solutum non potest. *L. naturalis, g. D. de oblig. & actionib. L. fideiussor, 16. §. fideiussor, Dig. de fideiussor.* de qua specie videnda sunt ea, quæ pluribus diximus ad *L. 2. sup. de condit. indeb.* Hoc quoque genus debiti ad constitutum sufficit. *L. 1. §. ult. D. eod.* Exempla hæc sint: Pupillus ¶ si qui promiserit sine tutoris
- 15 auctoritate, iure civili non obligatur, *L. obligari, g. D. de auct. tut.* at naturaliter obligatur, si intelligat, quod agitur. *L. si pupillus, 127. D. de verb. obligat. L. 1. D. de novat.* Proinde si quis constituitur, se soluturum stipulatori, quod pupillus ei promisit: de constituta pecunia tenebitur. Constituit enim pecuniam

natura debitam, quod ad obligationem satis est. Item, nudo pacto si quis quid alteri ¶ promiserit, iure civili non tenetur, 16 quo iure ex pacto actio non nascitur, *L. legem 10. sup. de pact. L. iurifigent. 7. §. sed cum nulla, D. eod. de pact.* sed idem naturaliter obligatur. *L. 5. §. Imp. D. de solut.* Proinde, si qui pactus erat se daturum, novo pacto constituit, se idem soluturum, tenebitur. Est tertium genus ¶ debiti, cum quid summo iure 17 peti potest, sed actio per exceptionem aliquam submoveretur: veluti, si promiserim quid stipulatori, & stipulator postea pactus sit, se non petiturum, nihilominus iure civili teneor ex stipulatione: sed habeo exceptionem pacti, qua me tueor adversus intentionem iure civili constitutam. Idem est, si stipulator mecum iudicio egerit, & sim absolutus. Sententia non liberor ipso iure, sed habeo exceptionem rei iudicatæ, qua idem consequor, ne tenear. Idemque de similibus exceptionibus dici potest: quæ omnia dilucide probantur in *§. 1. & seqq. Instit. de except.* Hoc genus debiti verbo tantum debitum est, re nullo modo. Et ideo ut in eodem exemplo constitam, si constituerim, quod mihi pacto remissum est, aut de quo sententia absolutus eram, non tenebor. *L. 3. §. 1. D. eod.* Ubi additur hæc ratio; quia in hoc genere debiti *non est debita iurius pecunia*. Sic enim in Pand. Flor. legiitur, & recte. *Iurius*, id est, nullo omnino iure, neque civili, neque prætorio, neque naturali. Naturali, aut prætorio eiusmodi pecuniam non deberi certum est. Nam exceptio, quam habeo, iure prætorio comparata est, & comparata propter æquitatem naturalem; quia non est æquum contra conventionem me teneri, aut contra auctoritatem rei iudicatæ, ut explicatur in *d. t. de except. in princip. & deinceps*. Sed in iure civili in hoc genere pecunia non debetur: propterea quod non debetur cum effectu. Verba ¶ tem- 18 per cum effectu accipienda sunt. *L. 1. Dig. quod quisque iur. L. 5. §. 1. D. ne quis enim qui in ius voc. erit.* Hinc regula iuris: Nihil interesse, utrum quis actionem non habeat, an ea per exceptionem infirmetur. *L. nihil interest, de regul. iur.*

Sed in eo, quod diximus, si quid mihi pacto a creditore remissum sit, id non deberi; etsi postea idem constitutum me soluturum, me non teneri: contrarium esse videtur *L. si unus, §. pact. ne pet. D. de pact.* ubi ita scribitur: *Si creditor, cui stipulanti promiseram, pactus sit, ne*

a me

in me peteret, deinde novo pacto id agitur, ut ei a me peteri liceat, & ita incipium teneri, ut nihil mihi prodest prius pactum. Ex quo effici videtur, nec mihi prius pactum prodesse debere, si postea novo pacto constitutum, me eidem creditori soluturum. Respondetur. Multum interest, utrum creditor pacificetur, ut sibi peteri liceat, quod prius pacto remiserat: an ego debitor constitutum debitori, me id soluturum, quod prius remissum erat. Nam cum creditori pacificetur, ut sibi peteri liceat, pactum valet, quoniam neque ius, neque natura refragatur, quo minus idem petat: non ius, quia priore pacto actio sublata iure non erat: non natura, quia duobus pactis propositis natura æquum est, novissima valere: propterea quod id solum convenit, quod posterius cavetur. *L. pact. noviss. sup. de pact.* Si posterius pactum valet, prius pactum per posterius infirmatur, & ob id res eo deducitur, quah nihil antea mihi remissum esset, *d. §. pactus ne peteret*. At cum in eadem specie novo pacto constituo me soluturum, quod pacto prius remissum erat: posterior conventio de constituto non valet, nec iure, nec natura. Non iure, quia ex edicto non potest constitui, nisi debita pecunia: non natura, quia per rerum naturam non potest solvi, nisi quod ante debetur. Si posterior pactio de constituto nullius momenti est, non potest actione inotit prius pactum elidi: priore autem pacto manente efficitur, ut nihil ego debeam: quo posito constitui non potest, quod non debetur. Sed ut exigitur in edicto, ut pecunia, quam constituitur, sit debita: ita animadvertendum est, nihil amplius exigi, quam ut sit debita simpliciter.

Ex quo a veteribus collectum est, dummodo pecunia civiliter, aut naturaliter debita sit, nihil referre ad vim constitui, a quo debeatur, aut cui, aut quomodo. Nihil refert, a quo pecunia debeatur, utrum ab eo, qui constituit, an ab alio, *L. eum, qui §. quod exigimus, D. eod.* Et ideo is, qui constituit se soluturum, & constituit, quod debet, citra controversiam obligatur: sed nihilominus obligabitur, etsi constituerit se pro alio soluturum, quod non debebat. *L. 1. hic.* Idque est, quod traditur in *d. §. constitutus*, obligari unamquemque de constituta pecunia, si constituerit se vel pro se, vel pro alio soluturum. Similiter nihil refert, cui pecunia debeatur, eique, cui constituitur, an alii. Et ideo si quis constituat, se soluturum ipsi creditori, cui debetur,

Tom. VII.

bene est: sed nihilominus etsi quis constituerit soluturum se Sempronio, quod Titio creditori debebatur: obligabitur de pecunia constituta Sempronio. Nec ad rem pertinet, quod Sempronio nihil debebatur: satis est constitutum esse pecuniam debitori, si non Sempronio, at alii, *d. L. eum, qui, §. quod exigimus, D. eodem*. Nihil etiam refert, quomodo pecunia, quam constituitur, debita sit, purene, an in diem, an sub conditione. Si quis § 30 quod pure debetur, constituat, nulla dubitatio est, quin constitutum teneat. Quod si quis constituat, quod in diem promissum est, an ante diem recte constituetur? Movet, quod non debetur efficaciter, & iure civili ante diem, quod in diem debetur. *L. eum, qui Cal. §. ult. D. de verb. obligat. L. cedere diem, D. de verb. signif.* Sed § placuit nihilominus § 31 id statim constitui posse. Quinimo maxime propter hæc debita constituta inventa sunt, *L. 3. §. ult. D. eodem*. Et hoc Ulpiano placuit in *d. L. 3.* Si quis constitueret, quod in diem debetur, se eadem die soluturum, ut in constituto nihil amplius sit, quam in debito: nec sit gravior constitutis conditio, quam principalis debitoris. Paulus autem probat, etiam si ante diem aliquis constituat, se citiore die soluturum, id est, soluturum ante diem: nihilominus constituto eum obligari. *L. 4. D. eodem*. Hoc recte. Nam quod in diem promissum est, etiam ante diem debetur natura, tametsi iure ante peti non potest. *L. centesimis, in princ. D. de verb. oblig. L. cedere diem, D. de verb. signif.* Iam autem diximus, etiam natura debitum ad obligationem constituti sufficere. Huius rei certissimum argumentum est, quod si is, qui in diem debebat, per errorem ante diem solverit, repetere non potest: quia debitum solverit. *L. in diem, D. de cond. indeb.*

Maiores dubitationes est de eo, quod debetur sub conditione, si quis § pendente § 32 conditione constituat se id soluturum. Sed nihilominus placuit etiam id pendente conditione recte constitui. *L. id quod D. eod.* Veruntamen, cum hac exceptione, ut si quis constituerit se id soluturum simpliciter, vel soluturum statim: non ante obligetur ex constituto, quam conditio, principalis debiti exstiterit; ut sic constitutum eadem conditione suspendatur. *d. L. id quod, eod.* Hoc dissimiliter constituitur in eo, quod sub conditione debetur, atque in eo, quod debetur in diem: quia quod in diem debetur, ante diem debetur natura, ut diximus: quod debetur

Q q q 2

sur sub conditione, pendente conditione omnino non debetur. *d. L. cedere diem, D. de verb. signif.* Atque hæc etiam veterum iurifconsultorum sententiis constituta sunt, ut apparet ex iis locis, quos in hac sententia supra notavimus. Quid sibi vult igitur, quod Iustinianus in *L. 2.* ait: *se de his rebus ius constituere?* Hoc eo pertinet, quod etsi plerique ex veteribus putaverint constitui posse, & quod in diem, & quod sub conditione debetur; tamen in eo alii dissentiebant propter verbum *debiti*, quod prætor in edicto exigit. Iustinianus has dubitationes sustulit, & confirmavit eam sententiam, quam diximus, quæ eadem ex veterum scriptis relata est in *tit. eundem, D. & C.* Quod tamen dictum est, id, quod in diem debetur, ante diem constitui posse, ita ut statim debeatur, de eo accipiendum est, qui pro se constituit, quod in diem debebat; de quo loquitur *d. L. 3. in fin. & L. 4. D. eod.* Quod si quis constituerit pro alio, quod is in diem debebat, dicendum est, constituentem ante diem non obligari, quanvis pure constituerit se soluturum; non quod hic quoque non constituerit debitum; sed quia alia ratio in bulis persona impedit obligationem. Nam illud commune est omnium, qui pro aliis obligantur, ut si non possint ius gravorem conditionem obligari. *L. heres, §. illud D. de fideiuss.* Durior autem causa est eius, qui pure solvit, quam eius, qui in diem. Quam ob causam placet, 33 fideiussorem si pure intercedentem pro eo, qui in diem debet, non obligari pure. §. *fideiussor, Instit. de fideiussor.* Pro hac sententia facit. *L. ult. hoc. tit.* quæ constitutores fideiussoribus & mandatoribus comparat.

Ergo, ut diximus, dum pecunia debita sit, quæ constituitur, nihil interest, a quo debita sit, cui, aut quomodo debita, ut recte constitutur, dum nihil aliud impediatur obligationem; sed tamen semper pecuniam debitam esse oportet, ut exigitur in iis locis, quos supra notavimus. Veruntamen hic temperamentum adhibitum est ulterius; nisi quis constitueret aliud pro alio, aut constitueret se daturum principalis obligationis accessiones, puta pignora, vel fideiussores; quæ omnia qui constituit, placuit eum obligari. Hic igitur illud quaesitum est; si si debitor qui 34 10. debet, constituerit, se pro iis 10. soluturum 10. modios, an ex constituto obligetur? Dubitatio nascitur ex contrariis causis. Nam receptum est, aliud pro alio volenti creditori solvi posse. *L. ma-*

nifesti, infr. de solut. Proinde etiam aliud pro alio volenti constitui posse recte dixeris. Rursum prohibet edictum, quod exigit, ut quis pecuniam debitam constituat. Cum autem debitor constituit aliud se soluturum, constituit id, quod non debebat. Et placuit nihilominus, debitorem si aliud pro alio constituentem recte 36 obligari de pecunia constituta. *L. 1. §. an potest, D. eod.* Hoc argumento; quod placuit aliud pro alio solvi posse. Bene Ulpianus eo loco hæc inter se comparat, solutionem & constitutum. Nam ut constitui non potest, nisi debitum ex edicto; sic natura non potest solvi, nisi debitum. Nam si solutio non est, nisi eius, quod 37 debetur. *Instit. quid mod. toll. oblig. in princip.* Et tamen receptum est aliud pro alio solvi posse. Recipiendum igitur, aliud pro alio constitui posse. Non obstat, quod edictum de constituta exigit, ut constitutur debitum. Nam cum aliud pro alio volenti solvitur, aut constituitur, id ipsum videtur constitui & solvi, quod debebatur voluntate creditoris. Sed hoc rursum sic accipiendum est: si debitor ipse constituerit, se aliud pro alio soluturum, quo exemplo Ulpianus utitur *d. L. 1. §. an potest.* Diverfum est, si quis pro debitore, qui 10. debebat, constituerit se soluturum Stiehum, vel 10. modios. Nam fideiussor, si ut in gravorem causam obligari non potest, sic multo minus in aliam rem, quam quæ debetur. *L. si ita fideiussorem, D. de fideiuss.* Proinde nec is, qui constituit se soluturum pro alio in aliam rem, quam quæ debetur, obligari potest. Hi enim inter se comparantur *L. ult. infr. h. t.* Et præterea omnium, qui pro aliis obligantur, eadem causa esse dicitur: ne vel in gravorem, vel in aliam causam obligentur in: *L. Grace, §. illud, D. de fideiuss.* At dum ipse debitor constituit se aliud pro alio soluturum, recte tenebitur, quia non obligatur pro alio, sed pro seipso. Multo magis idem probandum est, si quis constituerit se daturum non aliam rem principalem pro debito, sed se daturum fideiussores, aut pignora. *L. quo autem, §. 1. & seq. D. eodem.* Dixi: *Multo magis* in iis idem dicendum esse; quia fideiussoribus & pignoribus datis magis pecunia debita constituitur. Hæc enim dantur, ut creditori de debito magis cautum sit. *§. ult. Instit. quib. mod. re contr. oblig.*

Hæc dicta sunt de pecunia debita, quam solam recte constitui volumus. Exigimus præterea, ut qui pecuniam debitam constituit, constituat se soluturum nominatim

natim, §. de constituta, Inst. de act. Hoc
 39 eo pertinet, ut si quis constituerit, † alium
 soluturum, non obligetur. *L. eum, qui,*
§. si quis constituerit, D. eod. sumptum
 ex regula communi omnium contractuum
 & obligationum: si quis promiserit alium
 daturum factumve, inutilem esse pro-
 missionem, §. si quis alium, Inst. de iust.
 stip. Item factum alienum inutiliter pro-
 mitti. *L. stip. ista in pr. D. de verb. obl.*
L. inter, D. de verb. obl. Cui tamen
 sententiæ contrarium videtur scriptum in
L. qui autem, §. sed etsi quis, D. eod.
 ubi placet, hoc constitutum valere. Si
 quis certam personam fideiussoram pro se
 constituit, ut si debitor ita dixerit: consti-
 tuo Titium meo nomine fideiussurum. Re-
 spondetur: propria ratione in hoc exem-
 plo existimatur debitor constituisse se cer-
 tam personam daturum, quæ fideiuberet.
 Colligitur hæc Interpretatio primo ex illis,
 quæ antecesserunt. Nam prius debitor id
 agebat, ut fideiussorem daret, & fideiuf-
 sore dato, impetraret aliquam dilationem
 a creditore. Quare sequens constitutum †
 40 ex illis, quæ præcesserunt, interpretatio-
 nem accipere debet. *L. Titia, §. 1. D.*
de verbor. obligat. argumentum in *L. si*
ser. plur. §. ult. D. de L. 1. Præterea
 hæc verba: constituo Titium pro me fi-
 deiussurum, possunt sic accipi, constituo
 Titium me daturum, fideiussorem, id est,
 qui fideiubeat pro me. Hæc interpreta-
 tio capienda est, ut constitutum sit in ta-
 to, iuxta reg. iur. *L. quoties in stip. D.*
de verb. obl. Præterea quod exigimus,
 41 ut quis † constituat, se ipsum soluturum,
 eo spectat, ut si quis constituerit imper-

sonaliter, nullum sit constitutum, veluti si
 quis ita dixerit creditori: *tibi satisfiet:*
vel, tibi solvetur, nec addidit, *a me.* De
 quo id *Auth. si quando, b. 1.* Non est
 satis, eum, qui constituit, constituere no-
 minatim se soluturum, sed etiam opus est,
 ut constituat se soluturum ei, cui consti-
 tuit. Quod si quis tibi constituerit, se
 Sempronio soluturum, nulla obligatio est:
 nec constitutor Sempronio obligatur, aut
 tibi. *L. eum, qui, §. item si mihi, D. eod.*
 Non obligatur tibi; quia tibi nolit, & non
 est obligatio, nisi ex consensu. Non obliga-
 tur Sempronio; quia non potuit. Ius enim
 vetat. *L. multum, infr. si quis alteri*
vel sibi. Regula iuris hæc est: neminem
 emere, vendere, stipulari, aut contrahe-
 re † ita posse, ut alteri suo nomine actio
 42 acquiratur. *L. quæcunque gerimus, D.*
de oblig. & act. Hæc sunt, quibus iustum
 constitutum continetur. Pecunia hoc mo-
 do constituta obligatur ia, qui constituit,
 ei, cui constituitur; & in eam rem una
 actio constituta est de pecunia constituta,
 sublata ex usu recepticia actione, de qua
 in *L. 2. hoc rit.* Huius actionis † placet
 43 eandem vim esse, quæ & cæterarum in
 personam actionum est, de quo cavetur
 plenius in *dist. L. 2.* nempe, ut heredi-
 bus detur, & in heredes, & præterea
 perpetua sit: manentibus tamen illius a-
 ctionis propriis privilegiis, de quibus il-
 lic dicitur. Interdum dubitatur, in quan-
 tum tenetor is qui constituit. Nam in-
 terdum, qui solidum constituit verbis;
 tamen re & iure nisi pro parte, non te-
 netur. Id quando secidat, declaratur in
Auth. si quando, & in L. ult. hic.



Ad L. Si pro 1.

Imp. Gordianus A. Felici.

Si pro alieno debito te soluturum constituisti: pecunie constituta actio non solum adversus te, sed etiam adversus heredes tuos perpetuo competit. Das. VII. Kal. Iul. Sirmii. CC. Coss.

HIC locus expositus est supra, & magis exponetur in L. 1.

Ad Auth. Si quando.

Si quando quis pro se vel pro alia persona pecuniam se solvere constituerit vel sponderit, sic dicens, satisfaciam tibi: tenetur pro quantitate quam promissit. Sin autem sic dixerit, satisfacis a me, & ab illo, & illo: illis quidem quos nominavit, non consentientibus, solus pro rata tantum portione persolvit. Sin autem dixerit, satisfaciet, verbo impersonaliter prolato: non tenebitur. Sin autem sic dixerit, erit tibi satisfactum, aut a me, aut ab illo: illo quem nominavit non consentiente, solus in solidum tenebitur.

S U M M A R I A.

1. Constituens an semper constituto obligetur?
2. Constitutum per verba impersonalia non tenet.
3. Incerta ubi iura sunt, id sumi debet, quod iure valet.
4. Incertitudo stipulationum & conventionum duplex.
5. Promittentium & stipulantium dissimilis cogitatio, & ideo interpretatio conventionum & stipulationum diversa.
6. Constituens, se quid soluturum, et si

verbis constituat solidum, quando tamen de parte solum teneatur?

7. Qui constituit se coniunctim cum aliis duobus soluturum, ipse pro virili dumtaxat tenetur.
8. Constituens disjunctim, se, aut Titium 10. soluturos, nihilominus in solidum obligatur.
9. Duobus constituto obligatis, creditor eligere potest quem conveniat.
10. Et lite cum uno contestata non cogitur ab altero pecuniam accipere.

Summa est: Eum, † qui constituit, non semper constituto obligari, & quavis verbis solidum constituerit, non tamen semper in solidum teneri. Non obligatur, quisquis impersonaliter ita constituit: *Tibi satisfaciet. Vel Tibi solvetur.* Habet hæc pars has dubitationes. Videtur potius dici debuisse ex regula iuris, eum, qui ita constituit, teneri. Nam † in his verbis: *satisfaciet tibi*, vi & potestate verborum intelligitur *satisfaciet tibi a me aut ab alio*, ut cum stipulor, mihi ire, agere licere, mihi habere licere, intelligitur mihi licere per te, aut per alios, aut per

omnes. *L. stip. ista, 1. resp. D. de verb. obl.* In hac incertitudine Regula iuris faciunt, ut † id sumi debeat, quod iure valere potest. *L. quoties in stip. de verb. oblig.* Proinde & id ipsum sumetur, ut intelligatur dixisse, satisfaciet tibi a me, sicut & responsum est in *d. L. stipul. ista*. Respondetur. Duplex † incertitudo est in stipulationibus & conventionibus. Una, quæ in aliquam partem sic accipi potest, ut stipulatio sit utilis. In hac incertitudine stipulatio & conventio sic accipitur: ut in eam partem valeat, ut dicitur in *d. L. quoties, & d. L. stipul. ista*. Quædam

dam est incertitudo tanta, ut explicari non possit; veluti, cum promittis generaliter animal, placet eiusmodi promissiones esse inutiles *L. stip. ista t. resp. D. de verb. oblig.* Hæc causa est; quia si licet debitori dare, quem velit fundum, licebit ei glebam dando liberari, quia fundi constitutiuni destinatione postea: licebit ei muscam dando liberari, quia musca animal est. His autem interpretationibus acceptis stipulatio est ridicula. Neque vero secundum verba aliter accipi possunt. Talis est incertitudo in his verbis, *satisfiet tibi*: incertum est enim, utrum dicat, *satisfiet tibi a me*, aut *ab alio*: an vero: *satisfiet tibi a me*, & *a primo*, & *a secundo*, & *a tertio*, & *a quarto*. Quo casu constituens partem tantum debet, ut dicitur in hæc *Authentica*, & ita res redigeretur ad minimam & inanem summam. Quia igitur incertitudo explicari non potest: ut aliquid utile constituitur, ideo recte Iulianus constituit inutile esse constitutum, ut inutiles est fundi stipulatio. Rursum eidem sententiæ obstat. *L. stipulat. ista, §. si quis ita. D. de verb. oblig.* ubi stipulatio valet, si stipulator stipulatus sit, *ut frui liceat*, non addito, *sibi*. Si non addita persona ereditoris nihilominus ei debetur: par esse videtur, ut qui promittit, debeat, etiam si de eo sit nihil expressum. Respondetur. Non recte colligitur. Dissimilis est enim cogitatio promissorum, & ereditorum, & secundum cogitationes communes incertitudo stipulationis interpretari solet. Qui promittunt, non sunt hoc animo, ut debeant: sed quatenus possunt, ut non debeant, iuxta illud, quod dicitur in *L. cum de indebito, D. de probat.* neminem existimari facile iactare suum. Contra omnis, qui stipulatur, hæc mente esse intelligitur, ut acquirat sibi, & consulat etiam heredibus. Proinde secundum hominum consuetudinem ita stipulationem interpretantur, ut quavies stipulatus sit dari impersonaliter; tamen intelligatur stipulatus sibi ex communi hominum cogitatione, ex qua interpretatio obscurarum stipulationum & conventionum sumi solet, ut declaratur in *L. si pactum in fin. D. de probat. L. si libertus ita, D. de oper. libert.*

- 6 Interdum qui utiliter constituit se quid soluturum, etiam verbis constituit solidum; tamen re non nisi pro parte tenetur. Id accedit duabus de causis: Una si quis con-

stituerit & se & alium, aut alios, *ro. soluturos*. De qua spee agit in hac *Authentica*. Altera causa est, si plures sint, qui pro alio idem constituerint se soluturos. Nam his beneficium divisionis datur, de quo in *L. ult. hic*. Quod ad priorem speciem attinet, sic ins est. Ex hac *Authentica*, si quis solus constituit se quid soluturum, solus obligatur in solidum. Quid si constituit se & alios soluturos, interest, utrum constituerit coniunctim, puta se & Titium & Sempronium *ro. soluturos*: an vero disiunctim, puta, se, aut Titium *ro. soluturos*. Qui coniunctim constituit, se & alios soluturos, non nisi pro parte virili tenetur. Itaque si constituit se & Titium soluturum, pro dimidia parte tantum obligatur: si se & Titium & Sempronium, non tenetur, nisi pro tertia parte: scilicet, quia enumeratione personarum in singulas personas divisa summa intelligitur. Id efficit personarum enumeratio. *L. reos, §. 1. D. de duob. reis. L. cui fundus, D. de condit. & demonstr.* Quid ergo si exteri, de quibus constitutum est, consentiant, ut constituto obligentur? Placet eos teneri non propter alienum constitutum sed propter suum. Quod si non consentiant, pro eorum persona & parte nihil agitur: sed nihilominus qui constituit, pro parte virili tenebitur, ut diximus: ita eveniet, ut hic intelligantur plura esse constituta. Unum utile pro parte constitutis, reliqua inutilia pro parte cæterorum exterorum. Utile autem per inutile non vitatur. *L. 1. §. pen. D. de verb. obligat. L. placuit D. de usur.* Quod si quis constituit disiunctim, se aut Titium *ro. soluturos*, ipse nihilominus in solidum obligatur, quasi solum se soluturum constitueret. Quid si Titius consenserit constituto? Ipse obligabitur. Ita eveniet, ut incipiant duo obligari de pecunia constituta. His obligatis quæro, si cuius sit electio, utrum creditoris, quem ex constitutionibus velit, conveniendi, an vero debitorum? Respondetur. Creditoris electio est, utrum conveniat. Et si cum alterutro semel sit litem contestatus erit, iudicium adversus eum ita procedet, ut non cogatur creditor pecuniam ab altero accipere. Alter ante litem contestatam offerre potuit, litem semel eum non contestata finis dandi ab altero nascitur, id est amplius alter dare non potest; ut est in *L. si Titius, §. D. de verb. obl.*

*Ad L. Receptitia. 2.**Imp. Iustinianus A. Ioanni P. P.*

*Receptitia a*ctione cessante quæ solemnibus verbis composita, inusitato recessit vestigio, necessarium nobis visum est, magis pecuniæ constitutæ naturam ampliare. Cum igitur præfata pecuniæ constitutæ a*ctio* in his tantummodo casibus a veteribus conclusa est, ut exigeret res, quæ pondere, numero, mensura consistant, in aliis autem rebus nullam haberet communionem: & neque in omnibus casibus longæva esset constituta, sed in speciebus certis annali spatio concluderetur: & dubitaretur, an pro debito sub conditione vel in diem constituto eam possibile esset fieri, & an pure constituta pecunia contracta valeret: hac apertissima lege definimus, ut liceat omnibus constituere non solum res, quæ pondere, numero, mensura consistant, sed etiam alias omnes, sive mobiles, sive immobiles, sive sese moventes, sive instrumenta, vel alias quasunque res, quas in stipulationem possunt homines deducere: neque sit in quocunque casu annalis: sed sive pro se, quis constituat, sive pro alio, sit & ipsa in tali vitæ mensura, in qua omnes personales a*ctiones* positæ sunt, id est, in annorum metis triginta. Et liceat pro debito pure, vel in diem, vel sub conditione constitui: & non absimilem penitus stipulationi habeat dignitatem: suis tamen naturalibus privilegiis minime defraudata sit, sed & heredibus & contra heredes competat: ut neque receptitiæ a*ctionis*, neque alio indigeat respublica in huiusmodi casibus adminiculo, sed sit pecuniæ constitutæ a*ctio* per nostram constitutionem sibi in omnia sufficiens: ita tamen, ut hoc ei inhereat, ut pro [iam] debito fiat constitutum: cum secundum antiquam receptitiam a*ctionem* res exigebatur, etiam si quid non fuerat debitum: cum satis absurdum, & tam nostris temporibus, quam iustis legibus contrarium sit, permittere per a*ctionem* receptitiam res indebitas consequi, & iterum multas proponere conditiones, quæ & pecunias indebitas & promissiones corrumpi & restitui definiunt. Ut non erubescat igitur tale legum iurgium, hoc tantummodo constituatur, quod debitum est: & omnia, quæ de receptitia in diversis libris legumlatorum positæ sunt, aboleantur: & sit pecuniæ constitutæ a*ctio* omnes casus complectens, qui & per stipulationem possunt explicari. §. 1. Et neminem moveat, quod sub nomine pecuniæ etiam omnes res exigi definiamus: cum & in antiquis libris prudentium, licet constituta pecunia nominabatur, tamen non pecuniæ tantum per eam exigebantur, sed omnes res, quæ pondere, numero, mensurave constitutæ erant. Sed & possibile est omnes res in pecuniam converti. Si enim certa domus, vel certus ager, vel certus homo, vel alia res quæ expressa est, in constitutendis rebus ponatur: quid distat a nomine ipsius pecuniæ? Sed ut subtilitati eorum satisfiat, qui non sensum, sed vana nominum vocabula amplecti desiderant: ita omnes res veniant in constitutam [a*ctionem*] tanquam si fuisset ipsa pecunia constituta: cum etiam veteres pecuniæ appellatione omnes res significari definiant, & huiusmodi vocabulum & in libris iuris auctorum & in alia antiqua prudentia manifestissime inventum sit. §. 2. His videlicet, quæ argenti distratores, & alii negotiatores indefense constituerint, in sua firmitate secundum morem usque adhuc obtinentem durantibus. Dat. X. Kal. Mart. post Consulatum Lampadii & Orestæ VV. CC.

SUM-

S U M M A R I A.

1. *Actio receptitia quæ, & unde dicta?*
2. *Recipere quid?*
3. *Actio pecunie constituta adversus quem datur.*
4. *Actio receptitia adversus quem datur?*
5. *Constitutionis huius tria capita.*
6. *Ex constituto quis obligetur?*
7. *De constituto quæ actio competat?*
8. *Actio de constituta pecunia natura.*
9. *Actio de constituta pecunia cui datur?*
10. *Actio de constituta pecunia perpetua est.*
11. *Actiones omnes, quæ rei persecutio nem habent, perpetuæ sunt.*
12. *Actio de constituta pecunia privilegia. Et quid a cæteris differat?*
13. *Plenissime consulantur qui sciunt negotiatores posse statuta condere, eaque pro iure habenda inter illos ad su. usque.*
14. *Iuris constituendi potestas hodie omnis penes principes, aut summus senatus est cuiusque nationis, aut regionis.*
15. *Municipes possunt legem municipalem condere.*
16. *Negotiatores legem ferre non possunt.*
17. *Privatorum consensus, nec iudicem, nec legem facere potest.*
18. *Lex nunquam extra id, quod propositum est, intelligi debet, nisi aliquid manifeste appareat.*
19. *Arguti distractores qui?*
20. *Indefensus proprie quis?*
21. *Ineptissimum Superioris interpretum opinio argumentum quod ducitur ex L. ali. Cod. de iurisd. omn. Privatorum consensus iudicem facere non potest. ibid.*

Theophilus in §. *in personam, Institut. de act.* argumentum & occasionem huius constituti exponens, scribit, ante hanc constitutionem duas fuisse de constituto actiones: actionem de pecunia constituta, & actionem ꝑ receptitiam: quæ ita dicta est, quod quis receperit in se, se soluturum. Id enim inter ꝑ cætera recipere significat, ut sit in se suscipere aliquid faciendum. Actionem de ꝑ pecunia constituta, ait, competiisse adversus omnes tam argentarios, quam cæteros, qui constituerent, sed de certis tantum rebus, nempe iis, quæ pondere, numero, mensurave constarent. Receptitiam ꝑ autem actionem contra competiisse tantum adversus argentarios, qui constituerent, sed de rebus omnibus, quas constituerent argentarii. Ex quibus verbis intelligimus, si alii, quam argentarii, constituerent res alias, quam quæ pondere, numero, mensurave constarent, nullam adversus eos actionem fuisse: non de constituta pecunia, quia de iis rebus hæc actio non competebat; non receptitia; quia hæc tantum constituta erat adversus argentarios. Inde etiam intelligimus, ubi de certis rebus placebat omnes, qui constituerent, obligari, de iis quoque rebus visum esse actionem de pecunia constituta dari. Iure ita constituto, existit hæc constitutio, quæ

Tom. VII.

ius superius ita emendavit. I. Constituit Iustinianus, ut quisquis quasvisque res constituerit, de constituto obligetur. Huic iuri conseqens fuit, quod sequitur, ut postquam de omnibus rebus obligantur, qui se res soluturos constituerint, etiam teneantur actione de pecunia constituta: ut olim de iis rebus, quæ pondere, numero, mensurave constabant, placebat, omnes constituentes teneri de pecunia constituta. Itaque etiam argentarii hac actione tenebantur, ut & cæteri. Rursum hac actione constituta de omni genere constituti, evenit, ut receptitia actio inutilis sit in personam argentariorum, cum prior actio sufficiat. Id ergo tertio loco Iustinianus constituit, & ita constituit, ut iuberet receptitiam actionem facessere ex uso. Non tantum, quia cœperat esse inutilis: sed etiam, quia erat actio molesta & onerosa, ut quæ certis solemnibus non necessarii uteretur. Ad extremum actione de constituta sola introducta, Iustiniano visum est eadem hac constitutione eius actionis naturam ampliorem facere.

Constitutionis ꝑ in summa tria sunt capita. Primum caput est. Quando quis ex constituto obligetur? II. Quæ sit eo nomine actio. III. Qualis sit ea actio. Ita primum caput est de causa obligationis constituti: secundum de genere actionis:

R r r

ter-

- tertiū de eius actionis natura. De causa obligationis huius constat. Hæc definitio est: si quis quid ꝑ constituerit, se pro se, aut alio soluturum, eum de constituto obligari: nihil in eo referre, quas res constituerit, se soluturum, utrum, quæ pondere, numero, mensurave constant, an cæteras omnes, eum prius referret. Nihil etiam referre, quis constituerit, argentarius, an alii, cum & hoc prius referret. Nihil etiam referre id debitum, quod constitutum est, quomodo debitum sit, utrum pure, an in diem, an sub conditione: in qua parte Iustinianus non tam ius novum constituit, quam veterum quorundam de his dubitationes subtilit: de quibus diximus satis initio huius tituli.
- Genus actionis est unum, eo nomine, nempe actio ꝑ de pecunia constituta: subacta receptitia vetere actione. Et quoniam videri poterat nomen actionis non satis conveniens de rebus immobilibus, & cæteris rebus, quæ pondere, numero, mensurave non constant: Iustinianus probat ex usu iuris auctorum & ratione verbi *pecunia*, hoc verbum omnibus rebus convenire, de quo usu & significatione initio diximus. Vide *L. pecunie. 1. 2. D. de verb. sign.* Naturam ꝑ huius actionis hanc esse constituit in vers. *ut non absumilem*, ut sit huius actionis per omnia eadem conditio, quæ & cæterarum in personam actionum quæ ex contractu nascuntur. Proinde ꝑ detur heredibus, & in heredes, & perpetua sit: tametsi prius quibuscumque talibus placeret esse annalem. Hæc omnia recte constituuntur: ex ratione iuris quoque veteris efficiuntur ex hoc principio. Nam actio de constituta, ut ex consensu est, sic est ex contractu, & quia ex contractu, rei persecutionem habet, *§. sequens. Instit. de action.* Hinc hæc consequentia. Primum hanc actionem dari heredibus eius, cui constitutum est. Nam omnes in personam actiones heredibus dantur, nisi sint ex iniuria. *§. non autem Instit. de perp. & temp. act.* Consequens & illud, hanc actionem in heredes dari. Nam omnes in heredes dantur, quæ rei persecutionem continent. *L. si hominem. §. datur. D. deposit. L. si pro fure. §. ult. D. de cond. furt.* Consequens postremo & illud, hanc ꝑ actionem esse perpetuam: ꝑ sunt enim omnes perpetuæ, quæ rei persecutionem habent. *L. in honorariis. D. de obligation. & act.* Ac rei persecutionem continere hanc actionem etiam discrete scriptum est. *in L. item. §. penult. D. cod.* Sed hæc actio ita cæteris per omnia similis est, ut ta-

men eius propria & naturalia privilegia exeipiantur, ut loquitur hæc constitutio in d. vers. *ut absum.*

Hæc ꝑ privilegia. Quibus hæc actio a cæteris diffidet; tria sunt: I. Quod hæc actio semper in diem datur, ante quem pecunia peti non potest. Nam si quid constitutum est in diem, id est, nominatim adiecto die, quo pecunia solveretur, in hunc ipsum diem petitio differtur: sin quid pure constitutum est: tamen ante decem dies peti non potest. *L. si promissor. §. 1. D. eodem.* Hoc vero privilegium & ius singulare dixeris. Nam iure communi quidquid pure promissum est, statim peti potest, *§. omnis. Instit. de verb. oblig.* Nec obstat *L. quod dicimus. D. de solution.* ubi dicitur, debitori confiteri aliquid spatium dandum esse. Hoc enim spatium intelligitur, quod iudicatis datur. Nam confessi in iure pro iudicatis habentur, de quo spatium est in *L. si debitori. D. de iud.* At decem dies, qui constituuntur edicto ad constitutum petendum constituuntur non rei iudicatis, seu executioni iudicati differendæ, sed differendæ actioni & petitioni. Itaque, qui constituit se soluturum, etsi constituitur se constituisse: tamen habet duas dilationes legitimas: unam ex hoc edicto propriam constituti, ante quam constitutum ab eo peti non potest: alteram omnium iudicatum communem, ut post hos 10. dies, quos diximus, si constituitur, & spatium petat, quod iudicatis datur ad solvendum, impetrare debeat ex d. *L. si debitori. D. de iud.* Secundum privilegium est ex eodem edicto prætoris, quod actio de constituta pecunia, quanvis sit ex eo, quod pure, aut in diem constitutum est: tamen sub conditione datur, si appareat per actorem non sterisse die constituti, quo minus constitutum fieret. *L. si duo. §. 1. D. eodem.* Cum hac conditione datur hæc actio, sub contraria conditione non dari intelligitur. *L. quib. diebus. §. 2. D. de cond. & demonstr.* Huius constitutionis hæc potestas est, ut, si debitor, qui constituit se soluturum, rem debitam obtulerit sua die, & creditor accipere recusaverit: amplius creditor actionem de constituta pecunia non habeat, quia per eum stetit, quo minus fieret, quod constitutum est. In quo rursus privilegium & ius singulare licet animadvertere: nam iure publico, eum res debita offertur creditori opportuno loco & tempore, si is recuset accipere, moram quidem facit, & si res debita postea perierit, illius periculum est. *L. qui 10. D. de solution.* Sed si res

si res debita adhuc exstat, non prohibetur venditor eandem rem adhuc petere a debitore usque adeo: ut si eam petat, & debitor recuset solvere, incipiat debitor moram facere, eaque mora posterior ei noceat: ut si res pereat postea debitori pereat, non creditori. *L. illud, in fin. D. de per. & com. &c.* Denique iure communi non aliter liberatur debitor, nisi re debita perempta, ubi neque solvit creditori, neque aliter satisfecit. *L. si ex legati causa, D. de verbor. oblig. L. quod de D. si certum petat.* Id contra fieri in hac actione animadvertimus. Nam si creditor rem oblatam, quæ constituta est, accipere recusavit, non modo finem facit, sed in totum petitionem amittit. Cur ergo & prius & hoc posterius præter regulas cæterarum actionum constituta sunt? Respond. Quia ratio huius actionis id exigere videbatur. Nam meminisse oportet, hanc actionem a prætoribus introductam esse contra ius civile: nempe ex pacto nudo, ex quo iure civili actio non nascitur, ut initio diximus. Itaque ex hoc pacto actione constituta eam obligavit, qui tunc non tenebatur. Hoc contra ius constitutum cum sit: dare debuit operam prætor, sicut & fecit, ut is, qui constituit, quam levissime fieri posset, obligaretur sine iniuria manifesti creditoris. Hinc spatium ad solvendum datum, quia non magnum damnum est in mora dati temporis. *L. si debitori, D. de iudic.* Inde etiam actio denegata, si per actorem stetisset, quo minus constitutum fieret. Nam hoc casu de se queri debet, qui constitutum cum offerretur, sine causa recusavit. Terrium privilegium æquianis ratione introductum, constitutum est magis in *L. ult. hoc titulo.* Ut si plures sint, qui eandem rem constituerint se soluturos: singuli non teneantur in solidum, ut verba constituti exigunt, sed dividatur actio inter eos, exemplo plurium fideiussorum. Accursum hoc loco inter privilegia huius actionis numerat, quod ea datur ex pacto nudo, sed perperam. Nam hoc non est privilegium & beneficium huius actionis, sed onus, propterea, quod constituitur præter regulas iuris, cum iure actio constitui non deberet. Deinde hoc onus non est tam actionis, quam conventionis, ex qua placuit teneri eum, qui iure civili alioqui non teneretur.

Ad vers. ult.

HIC locus pessime acceptus est ab interpretibus, ex quo nimis verbi significatione male intellecta, sententiam extruxerunt & falsam, & periculosam. Verba sunt hæc: *si quid argenti distraheret & alii negotiatores constituerunt, id ratum esse debere, uti antea observatum est.* Existimaverunt horum verborum hanc esse sententiam: *si quid negotiatores statuerint & decreverint, statutum pro iure habendum & servandum esse inter eos.* Hoc ideo existimaverunt; quia hoc verbo, *si constituerint*, putaverunt Iustinianum loqui de constitutione & statuto negotiatorum: cum Iustinianus loquatur de negotiatorum constituto. Si in hac sententia ageretur tantum de verborum huius loci significatione, minus laborandum esset: sed cum ex ista interpretatione extruatur sententia superior, nobis diligenter hæc interpretatio animadvertenda est: Ac primum, quod ad sententiam superiorem attinet, hæc omnibus regulis iuris & principiis adversatur, & tanquam falsa nobis explodenda est. Id autem demonstratur his argumentis. Primum quod negotiatores constituunt, id est, decernunt & statuunt, si secundum formam iuris statuunt: id valet, sed non tanquam ab illis statutum, sed ut constitutum iure publico. Quod si id contra ius est, hoc tenendum est, factis privatorum iuri publico derogari non posse. *L. ius publ. D. de pact. L. quod bonis, §. 1. D. ad L. Aquil.* Deinde constat in principiis iuris certas esse iuris civilis & communis partes, extra quas nihil ius est: legem, plebiscitum, principum placita, magistratum edicta, responsa prudentum, §. *constat, de iure natur. gent. & civ. Institur.* Nullam autem ad partem ex his pertinet, quod a privatis negotiatoribus constitutum est, ut constat. Ius ergo esse non potest. Postremo: hodie quo iure nitimur, continendi & iuris potestas omnis penes principem est, *L. 1. sup. de LL.* aut si quid largiendum est amplius, saltem penes principes & summos senatus cuiusque nationis & regionis. *L. non ambigitur, D. de LL.* In legibus autem municipalibus & etiam municipalibus tribuitur, legem municipalem condere. *L. 3. §. plene D. quod vi aut clam:* Negotiatores privati & non sunt in hoc numero: legem igitur ferre non possunt. Ex certe absurdum est,

si privatorum consensum iudicem constituere non potest, *L. 3. sup. de iurisd.*

- 17 privatorum ꝛ consensui hoc tribui, ut legem faciat. Negotiatores autem, cuiuscunque sint professionis & negotiationis, semper privati sunt; eorum igitur consensus legem facere non potest.

Ad hanc confirmationem superioris sententiæ nihil minus, quam hic locus pertinet. Loquitur enim Iustinianus de negotiatorum constituto, estque hic sensus: *si quid argenti distractores, vel alii negotiatores constituerint se soluturos, id servandum esse, ita, ut usque adhuc observatum sit.* Id sentire Iustinianum intelligimus iis rationibus quibus in verbo ambiguo voluntas scribentis explicatur.

Hæc autem primum explicatur ex iis, quæ præcedunt & quæ sequuntur. *L. si servus plur. §. ult. D. de L. 1.* At Iustia. in hac *L.* tota agit de pecunia constituta: & si Tit. spectatur, Tit. est de constituta pecunia: si spectantur sequentia, in *L. seq.* etiam de constituto agitur.² Quare Iustia. constituendi verbo hic utens, constitutum intelligit, ut prius, non constitutionem. Declaratur etiam voluntas maxime ex scribentis proposito: & cum certum est, quid sit scribenti propositum,

- 18 nunquam lex ꝛ extra id, quod propositum est, intelligi debet, nisi aliquid manifeste appareat. *L. 3. §. sed utrum, D. de mino. d. L. si ser. §. ult. D. de L. 1.* At ex principio huius *L.* & ex reliqua eius tractatione constat, Iustiniano propositum esse constituere & ampliare naturam actionis de constituta pecunia. Proinde extra id propositum nihil in hac lege accipere debemus. Postremo ex natura actionis receptiæ facile intelligi potest, quid Iustinianus hic velit, & quamobrem hæc verba postrema adiecerit, ut initio huius *L.* diximus. Theophilus nos docet, in *§. personam, Inst. de act.* actionem receptitiam olim fuisse constitutam de eo quod argentarii constituissent: hac *L.* Iustinianus receptitiam actionem sustulit, qua constitutione efficitur, argentarios actione receptitia veteri esse liberatos. Hinc oriebatur dubitatio, an similiter argentarii intelligi debeant liberati esse omni iure veteri, quo prius tenebantur, præter cæteros, qui pecuniam constituissent. Adversus hanc dubitationem Iustinianus adiecit interpretationem quæ sequitur in hoc *vers.* ad hanc sententiam: receptitia actione liberatos volumus argentarios, sed solum liberatos hæc actione. Cæterum si quid constituerint, quo prius tenebantur, etiamnum eodem modo eos

teneri volumus uti usque adhuc observatum est.

Id autem magis intelligemus, si cognoverimus, qui sint argenti distractores, qui hic nominantur a Iustiniano. Argenti distractores non hic tantum, sed & aliis locis Iustinianus nominat ut in *L. ult. inf. de pig. L. unica, inf. negotiator. ne milit. lib. 12.* Et si ex aliis locis mentem Iustiniani conciliare liceret, non alios ꝛ intelligeremus argenti distractores, quam qui publice argentum vendunt, quales temporibus nostris sunt aurifabri. Sed a Theophilo ex *d. §. in pers.* admonemur, Iustinianum hic distractores argenti intelligere argentarios: quoniam Iustinianus intelligit argenti distractores eos, qui tenebantur receptitia actione. Didicimus autem ex Theophilo, eos esse argentarios. Ideo hos quoque hic intelligi necesse est, si Iustinianus contentanea superioribus actionibus loqui vult. Et certe apparet Iustinianum his verbis exprimere voluisse vim verbi Græci. Nam argentarii Græcis dicuntur *ἀργυράριοι*, & *ἀργυροπώται*, verbum de verbo, qui argentum distrahant, quod argentarii facere videntur, cum monetæ mutant certo pretio accepto, quod videtur utrunque fecisse Bartolus, qui hos appellavit hoc loco campores, verbo barbaro; quo verbo exprimuntur etiam argentarii, eodemque verbo a Græcis appellantur. Dicuntur enim *ἀργυροπώται*, id est, argenti commutatores. Sed hic nobis occurrit. Non enim dicit Iustinianus: *si argenti distractores constituerint, quid se soluturos*: sed simpliciter: *si quid constituerint*, quare & simpliciter legem accipere debemus? Respondetur. In argumento de pecunia constituta omnes iuris auctores, & prætor ipse in edito dicunt simpliciter, pecuniam constituere, seu quid constituere. Præ eo, quod est constituere pecuniam, aut quid aliud se soluturum. *L. 1. §. 1. §. an potest. L. ult. inf. in fin. L. 3. §. 1. L. balteum, §. ult. & L. seg. D. eod.* Hæc usus cum non satis attendatur ab interpretibus, non mirum, si hæc forma loquendi eos fecerit. Sed quod argentarii & alii negotiatores constituerint se soluturos, ita demum ratum est, si ut est vulgaris lectio, indefenso constituerint. Hoc *indefenso* defendi non potest. Nam ꝛ indefensus is est, qui iudicio non defenditur: cuius defensionem nemo suscipit. *L. 11. de re iudic.* Constituere autem aliquid sine ulla defensione quid sit, non intelligimus, neque vero dici nisi inepte potest. Ego non dubito, quin legendum sit, *indefenso*, ut sit sensus:

sus: Quod negotiatores & argentarii constituerint, id, ut ante servandum esse, sed ita si constituerint inoffense, id est, sine offensa legum & iuris publici, id est, ita ut nihil contra leges fiat & ius publicum: utputa, si constituerint se maiores usuras legitimis soluturos, non tenebuntur, quia in eo offenditur *infr. de usur.* Simili forma loquendi legimus dici, *sine offensa edicti* ut L. 6. D. de *posul.* Illic ita scribitur: *Puto, &c.*

21 Adiciemus auctarii loco † quod pro superiori communi interpretatione ab interpretibus adducitur. Negotiatores statutum inter se condere possent: etenim probant ex L. ult. *supr. de iurisd.* Illic scribitur: *Negotiatores & quicumque sunt in aliqua professione, non posse effugere iurisdictionem iudicum, ad quos eius professionis & negotiationis cura pertinet.* Hinc colligunt, eos qui sunt eius negotiationis & professionis, sibi iudices constituere posse: quod argumentum hule simillimum est. Omnes privati iurisdictionem iudicis defugere non possunt, ad cuius iurisdictionem pertinent: Ergo omnes privati iudices sibi constituere possunt: quod est ridiculum. Nam pertine-

mus ad iurisdictionem iudicum non modo voluntate, sed inviti etiam. Nam iudices in nos publice constituuntur: privatorum consensus iudicem facere non potest. d. L. 3. *supr. de iurisdictione* Accursius illa verba, *ad quos eius professionis cura pertinet* sic interpretatur, *pertinet ex electione eorum qui sunt eius professionis.* Sed hæc Accursius de suo addidit, contra manifestam sententiam. d. L. 3. Proinde hæc adiectio illi concedenda non est. Sunt alii ineptiores: qui, quia sit mentio statutorum in d. L. ult. *iurisd.* exitimaverunt, nominari illie statuta eius professionis & negotiationis cum lex intelligat non statuta, sed statutos. Statutorum verbo in constitutionibus posterioribus intellicantur ii, qui sunt in numero statutorum, qui militat, qui militiam aliquam non militarem exercent. Proinde teneamus, nihil esse magis falsum, quam negotiatores, aut argentarios legem aut statutum condere posse. Nihil autem verius, quamio hac L. Iustinianum loqui de eo, quod argentarii constituerunt, se soluturos, non quod statuerunt, aut decreverunt, ut pro statuto esset.

Ad L. ult.

Imp. Iustinianus A. Ioanni P. P.

Dni Hadriani Epistolam quæ de periculo dividendo inter mandatores & fideiussores loquitur, locum habere in his etiam qui pecunias pro aliis simul constituunt, necessarium est. *Æquitatis enim ratio diversas species actionis excludere nullo modo debet.* Dat. Kalend. Novembr. post. Lampadii & Orestæ VV. CC. Consulatum.

S U M M A R I A.

1. Fideiussores idem in solidum promittentes verbis & iure in solidum tenentur.
2. Beneficium D. Adriani quod?
3. Beneficio D. Adriani non gaudet fideiussor, qui pro tutore intervenit.
4. Beneficium D. Adriani an tribuatur pluribus, qui pro alio idem se soluturos constituerunt.
5. Fideiussor in aliam rem obligari non potest, nec in duriores causam tenetur.
6. Constituire aliam rem pro alio quis non potest: nec ita obligari, ut in duriores causam obligetur.
7. Alienum diversitas non excludit æquitatis rationem.
8. Æquitas ubi eadem, ibi idem ius statuendum.

1 Si plures fideiussores † idem in solidum promiserant, verbis & iure in solidum tenentur: sed Epistola † Hadriani Imp. beneficium divisionis illis tributum est:

ut si, quo tempore lis cum aliquo contestatur ex fideiussoribus, omnes fideiussores solvendo sint: dividatur actio inter eos pro portionibus virilibus. §. si plures

res, *Instit. de fideiussor.* Præterquam ꝑ si sint fideiussores, qui pro tutoribus intervererunt: quibus non placuit idem tribui. *L. ult. D. rem. rat. hab.* Quæsitum est: an ꝑ idem beneficium tribuendum sit pluribus, qui pro alio idem se soluturos constituerint. Nam de eo nihil edicto de pecunia constituta cautum est. Ex placuit hac constitutione idem tribuendum; quia in actione de constituta eadem sit ratio æquitatis. Nam ut plures fideiussores pro aliis obligantur, quo nomine illis consultum placet. *L. Græce, §. illud, D. de fideiuss.* Sic & hi, qui pro aliis constituunt. Qua ratione dicemus, exemplo fideiussorum non hoc tantum beneficium pluribus constitutoribus tribuendum esse; sed cætera omnia, quæ fideiussoribus tribuuntur. Placuit fideiussorem ꝑ in aliam rem obligari non posse *L. si ita, fideiuss. D. de fideiuss.* Placuit fideiussorem in duriorē causam non teneri. *d. L. Græce, §. illud, D. de fideiussor. Inst. eodem.* Eadem ratione dicemus, nec quēquam posse pro alio aliam rem ꝑ constituere, nec posse ita obligari, ut in duriorē causam obligetur, de quo initio diximus, & quam huic sententiæ non adversetur. *L. 4. §. L. 1. §. an potest, D. eodem,* itidem diximus. Lectio autem huius loci animadvertenda est. Vulgaris lectio est in fine, *Æquitatis enim ratio diversas species alienis excludere non*

potest. Quorum verborum hæc sententia est, æquitatis rationem, quæ in iis speciebus actionum par & eadem est, non posse excludere diversas species harum actionum. Quæ sententia inepta est & absurda. Nemo enim dubitat, an æquitatis ratio, quæ eadem est in his actionibus, facere debeat, ut non sint diversæ actiones. Constat enim diversas actiones esse & esse debere, quanvis in iis sit eadem ratio æquitatis. Sed hoc quæritur, An propterea, quod diversæ sunt species actionum, in iis quoque diversum ius statui debeat? Et respondetur, statui propterea non debere. Nam diversitas ꝑ actionum non excludit æquitatis rationem, id est non facit, quominus in omnibus sit eadem æquitas, seu æquitatis ratio. Quod si eadem ꝑ æquitas est, idem in omnibus ius statui debet, *L. illud, D. ad L. Aquil.* Et efficitur ex definitione iuris. Nam ius est ars boni & æqui. *L. 1. D. de inst. & in re.* Quo efficitur, ubicunque idem æquum est, ibi idem ius esse oportere, ut ex iisdem causis eadem sint effecta. Proinde cum Duareno locus ita restituendus est: *æquitatis enim ratio diversa species alienis non excludit.* Quorum verborum est ea sententia, quam supra dixi, & probatur hæc lectio in *L. penult. in fin. D. de fideiuss. tut.* ubi diferte iisdem verbis, quæ modo diximus, hæc ratio expressa est.



A D T I T U L U M XIX.

D E P R O B A T I O N I B U S .

Ad Rubricam.

S U M M A R I A .

1. Probationum sedes qua?
2. Causa cognitio maxima pars iudicii est.
3. Causa cognitio in quibus consistat?
4. Ratio continuationis, & quare hic de probationibus agatur?
5. Scriptura & intelligentia ordo quis?
6. Adire non probante, reus absolvitur?
7. Probatio quando locum habeat?
8. Confessus condemnandus?
9. Probare quid?
10. Res dubia qua?
11. Fides quomodo concilietur?
12. Probare unde dictum?
13. Probare duo significat, & qua.
14. Synonyma verbi probare?
15. Implere quid significet?
16. Intentio & dictum in iudicio quibus rebus consistet.
17. Dictum in iudicio, quod non probatur, pro non dicto iure habetur.
18. Intentionem quis implere dicatur?
19. Tractandarum rerum partitio.
20. Probandi unus cui incumbat?
21. Probatio a quo praestanda?
22. Probationum modi.
23. Probationes legitimae qua?
24. Probationum divisio.
25. Probationes artificiales qua?
26. Argumentum quid?
27. Probationes inartificiales qua?

Probationum tractatio non est propria contractuum, aut ullius actionis in personam, sive ex contractu nascatur, sive ex quali contractu, sive ex maleficio, aut ex quali maleficio. Sed est omnium iudiciorum causa, sive sint actiones in rem, sive in personam, & sive iudicia sint privata, sive publica. Pertinetque haec tractatio ad iudicium, & iudicii ordinem.

2. Nam maxima pars iudicii est causae cognitio, ut dixi ad *L. negantes 9. sup. de obl. & act. ex L. indices 9. sup. de iudic. L. ex stipul. 7. inf. de sent. & interl.* Causae autem pars cognitio in eo est, ut iudex ex his, quae acta & probata sunt, cognoscat, quid sit in re, & quam sententiam ferre debeat? Proinde nulla causa fuit, cur hoc libro, & inter medios contractus de probationibus ageretur. Nec dici potest, ideo hic de probationibus, suo loco tractari; quia in actionibus ex contractu & iudiciis, quae inde nascuntur, probatio est opus. Nam ista ratione etiam hoc loco agi debuit de litis contestatione: agi debuit de sententiis & rebus iudicatis; quoniam & in iudiciis, quae (nascuntur) agitantur de contractibus, aequae litis contestatione, & sententia iudicis opus est, ut rei dubiae probatione.

Res ita habet. Prins causae actionum constitutendae sunt, & ipsae actiones: deinde videndum, quo modo obtineamus id, quod actione nobis debetur, id est, videndum de iudiciis, & iudiciorum ordine: proinde & hic de probatione, quae iudicii pars est. Hoc eo monere volumus initio duabus de causis. Primum, ut suggeremus commune vitium vulgarium interpretum, qui in continuationibus Titulorum anxie haerent, & magno conatu quaerunt rationem collocationis, ubi nulla ratio est, itaque magno conatu coguntur magnas nugae agere, & bonas horas consumere: ut id fecit Accursius. Deinde ut sciremus, si rationem iuris cognoscendi & tractandi idoneam nobis consiliuere volumus, quae eadem utamur in cognitione iuris nostri, & ratione eius obtinendi: non esse hanc rationem perendam ex collocatione ea, quam in his libris videmus: sed id sequendum, quod initio huius libri praefati sumus. Veruntamen cum cognitio probationum necessaria sit, & nobis aliquando de his cognoscendum sit: hic sumemus, quod ad eam cognitionem pertinet, postquam tituli hic de ea re proponuntur. Neque ea ratione impediemur aut in ceterorum titulorum cognitione; quia non videantur.

videantur satis idoneo loco sit esse. Nam meminerimus, nil referre, quando de probationibus cognoscamus, & discamus præcepta iuris, sed quando probationibus utamur. Scripturæ † ordo est, quod hic collocantur hi tituli: intelligentiæ ordo est, ut velimus huic quaestioni & tractationi locum esse in iudicio, cum de ordine & partibus iudicii quaeritur. Initium autem quaerendi ex hoc iure atque hoc principio nascitur: qui in iudicio aliquid dicit, & intendit, quantacunque auctoritate, dignitate, & fide præditus sit, nunquam talis est, ut ei dicenti fides habeatur, nisi probet. Sed † auctore non probante, quisque ille sit reus absolvitur, *L. qui accusare, sup. de edend. L. negantes, 9. sup. de oblig. & act.* Hinc necessitas probationis in iudicio; quam tamen intelligere debemus † tunc locum habere, cum id, quod quis dicit, adversarius negat. Nam si adversarius confitetur, quaestio tollitur, & nulla probatione opus est: sed † confessus condemnandus est, *L. ult. in pr. inf. quib. ad lib. proclam. non lic.* Hinc prima quaestio, quid sit probare? Est autem † probare, rei dubiæ, per ea, quæ iure certa habentur, fidem facere. Res † dubia est, quam adversarius negat, ut iam dixi *ex d. L. ult. quib. ad lib.* Fit fides † solum per ea, quæ iure certa habentur, id est, legitimis probationibus seu legitimis modis, *L. 4. inf. hic*, de quo paulo post plura. Probare † dictum est a probro, ut sit probare, efficere, ut quod dicimus, probum & rectum iudicetur. Nam probandi † duæ sunt significationes. Interdum probare significat probum aliquid iudicare, quod ipsi admittamus. Cui contrarium est improbare, pro, tanquam reprobum relicere. Interdum est efficere, ut aliquid aliis probum iudicetur, & ab his approbetur. Quo sensu nunc probare dicimus. Licet & definire hoc modo, fortasse apertius, ut sit probare, idoneis modis ostendere verum esse id, quod dicitur. Vide passim sub hoc titulo, & aliis locis. Pro verbo probandi † hæc verba usurpata sunt, docere aliquid factum esse, *L. cum res 12. L. frue inf. hoc t.* Item, ostendere quod dicitur *L. matrem 17. L. ad probat. 24. inf. eo.* Item monstrare, *L. si ex possess. 20. L. actor. 23. inf. eo.* Nam docendo sit, ut res intelligatur & cognoscatur; id, quod agitur probatione: ostendendo & monstrando sit, ut res videatur & cernatur, quæ prius erat obscura. Id quoque sit probatione. Sed & hic in primis notandum est, quod in usu iuris pro probare dicunt iuris auctores

intentionem implere, seu implere quod dicitur, *L. 1. hoc tit. L. in excep. L. ante 25. D. de probat.* Quod ex ea res factum videri potest, quod implere inier † cætera significat perficere, ut implere mandatum, est consummare & perficere, *L. diligenter, 5. D. mandati.* Implere usufruptionem est perficere, *L. ideoque 7. D. de usurp. & usufruc.* Perficitur autem intentio & id quod asseveratur probatione. Nam † intentio, & dictum in iudicio constat duabus his rebus, primo dicto, secundo eius probatione. Nam quod dictum non † probatur, iure pro non dicto est, *d. L. qui accus. 9. sup. de edendo.* Quare qui † postquam dixit, probationem adicit, non male dicitur intentionem, vel dictum implere, id est, perficere. Sed probabilius est, intentionem dici impleri, cum id, quod dicitur, planum sit, id est, ostenditur & demonstratur. Translatione ducta a viis inæqualibus quæ dum passim implentur, planæ fiunt. Verbo cognito, in re ipsa & iure probationum tres sunt de probationibus quaestiones, de quibus ius cognoscendum est: I. quaeritur: † Cum sit ea necessitas probandi, quam diximus, & ea poena probationis non impletæ: cui incumbat onus probationis, auctori, an reo, an utrique. II. Cui res probari debeat? III. Cum ad probandum ventum erit, quibus modis & rebus res probentur? seu quæ sunt species probationum. De † primo statuitur magna ex parte sub hoc titulo, sed præcipue locus explicatur in *L. 1. 2. 3. 4. L. frustra, L. actor, hic.* Cui † autem res probanda sit, expeditum iuris definitionem habet. Nam cum causa committatur iudici cognoscenda, non alii, *L. iudices, 9. sup. de iudic. L. de qua re 74. D. eod. de iudic.* & huius cognitionis pars sit in eo, quod probatur: consequens est, in iudicio non alii rem probari debere, quam iudici, *L. 1. sup. de cond. ob turp. caus. L. quinquaginta, 12. in fin. D. de probat.* cum locis similib. qui citantur in *glo. d. L. quinquaginta.* Quod † tertium quaeritur, quibus rebus & modis res probentur, in eo sic ius est. Non probari res, nisi iis modis, qui iure agnoscuntur. Hinc illa dicta: rem probari debere legitimis probationibus, *L. 4. b. tit. L. cum de indebito, 25. circa prin. D. eo.* Item probari debere probationibus iure proditis, *L. cum res inf. hoc tit.* Itaque cum quaerimus de his modis, hoc quaeri intelligitur, quæ sint legitimæ probationes, id est, hæc, quæ iure pro veris & certis habeantur? Huius generis † probationes ad-

ver-

versus invitos tres legitimæ habentur, argumenta, instrumenta, seu documenta, & testes, quæ tria genera indicantur in *L. ult. inf. hoc tit.* & apertius in *L. 1. inf. prox. tit. de test.* in qua divisione agnoscere possumus veterem illam sumptam à natura, traditam ab Aristotele in Rhetoricis, ut probationes aliæ sint artificiales, aliæ inartificiales. Artificiales sunt, quæ ex re ipsa arte & ratione eliciuntur. Hæc uno verbo dicuntur, argumenta. Nam argumentum definitur ratio probabilis ad faciendam fidem. Sic Cic. definit in *top. pic.* Inartificiales probationes sunt, quæ arte & ingenio elici non possunt, sed extrinsecus deferuntur, cuius generis species iure civili cognitæ sunt hæc, instrumenta & testes. Hinc duo tituli sequentes, unus de testibus, alter de fide instrumentorum.

An sint autem aliæ probationes legitimæ huius generis, oportunius dicitur ad *d. L. ult. inf. & ad d. L. 1. de testib.* De argumentis nusquam præcepta traduntur plura in iure, præter hoc unum, quod comprehensum est in *L. neque naturales, 10. infra hoc tit.* ea demum argumenta in iudiciis fidem facere debere, cum ex illis quæ sumpta sunt & probata, efficitur id necessarium, quod volumus, de quo illic dicitur. His cognitis animadvertere licebit, hoc titulo de probationibus tractari duos hos locos præcipue: quis probare debeat; & neminem audiendum, nisi qui quid probet legitimis & idoneis rationibus, & per occasionem ostenduntur pleræque probationes, quæ non sunt idoneæ.

Ad L. Ut creditor. 1.

Imp. Severus & Antoninus AA. Faustino

Ut creditor qui pecuniam petis numeratam, implere cogitur: ita rursus debitor qui solutam affirmat, eius rei probationem præstare debet. PP. Prid. Kalend. Iulii. Dextro II. & Prisco Cass.

S U M M A R I A.

1. *Regula hæc: dicenti probatio incumbit, non neganti perpetua est.*
2. *Affirmanti probatio incumbit, si reus neget, secus reo fatente.*
3. *Reus cum quid allegat in sui defensionem habendus pro auctore, hinc facilis resp. contrariis & u. 4.*
5. *Reus qui se pecuniam solvisse dicit, fatetur debitam fuisse, ut alior intendit.*
6. *L. cum de indebito 29. D. de condit. indeb. non refragatur, & quare.*
7. *Quid si reus ignorare se dicat quia sit heres v. c. an pecunia debeatur.*
8. *Regula superioris exceptio duplex: utraque quæ sit.*
9. *Utriusque exceptionis exempla & n. 10.*
11. *Quare conventus reus de administrationis officio probare debeat se recte administrasse.*

CUM quæritur in iudicio: quis probare debeat, seu cui incumbat vel probatio, vel onus probationis, de eo hæc regula iuris certi in universum traditur: ei qui incumbit probatio, qui dicit, non ei qui negat, *L. 2. D. eo.* Hoc rescripto declaratur, non solum hanc regulam veram esse, sed etiam esse perpetuam, nam pariter ad eum pertinere non minus quam ad actorem. Idque declaratur hoc exemplo. In actione in personam petit aliquis in iudicio 10. mutua a Titio, quæ se dicit ei mutuo dedisse. Hoc actor implere

Tom. VII.

& probare debet, non quia pecuniam petit, aut quia hic quicquam sit proprium actionis in personam; sed quia dicit, & iuxta regulam supra scriptam, is qui dicit, probare debet. Quod tamen sic accipere debemus, si modo Titius reus neget, se mutuum accepisse. Nam si fatetur, questio sublata est, ut iain diximus, nec in re confessio probatio ab actore exigitur. *d. L. ult. inf. quib. ad lib. procl. non lic.* Quod si reus de intentione actoris confessus dicit, se mutuum quidem accepisse, sed se ei solvisse; hoc tam reus pro-

S s s

pro-

probare debet, non autem actor, pecuniam non esse solutam. Quod rursum non fit, quia id proprium sit huius defensionis, ubi reus se quid solvisse dicit; sed quia dicit, & iuxta regulam superiorem qui dicit, probare debet. Ex generaliter de reo definiendum est, reum ¶ in omni defensione quam allegat, pro actore habendum esse, & defensionem, ut intentionem probare debere, sive ea sit defensio, qua se iure ipso liberatum dicit; veluti si dicat, se solvisse, ut in hac leg. sive ea sit defensio, qua iure non liberatur, sed per exceptionem tantum, *L. in exceptionibus 19. D. eod.* Huic pacto ¶
 4 opponitur *L. verius, 21. D. eod.* ubi generaliter definitur, quod semper necessitas probandi incumbit actori. Duplex hic Responso est idonea. I. Id ita accipi debere, si reus negat, quod actor intendo. Nam reo confitente res non est dubia. Deinde reus in defensione & exceptione non iam reus est, sed actor. *L. 1. D. de excep. d. L. in exception. 19. D. de prob.* Quod si verum est, nihil sit adversus generalem regulam superiorem *d. L. verius 21.* cum dicimus, etiam reo dicenti incumbere probationem; quoniam non incumbit, ut reo, sed ut actori.

Circa hanc defensionem, qua reus se solvisse dicit, eleganter quaeritur, num uterque probare debeat: actor pecuniam a se numeratam, ut dicit; & reus pecuniam solutam. Et ita utrique parti dilatio danda ad earum rerum probationem. An vero solus reus probare debeat pecuniam a se solutam; quasi dicens, se solvisse, hoc ipso fateatur de intentione actoris, & pecuniam vere fuisse debitam? Quidam putant eum, qui solutionem allegat, de intentione adversarii confiteri, & fateri pecuniam fuisse debitam; quidam contra, in qua sententia est Bartolus. Res expedita est, si reus aperte ita dicat, pecunia a te numerata est, sed ea tibi postea soluta est; quaestio tantum est de eo, qui simpliciter pecuniam solutam dicit. Et verius ¶ est, eum, qui hoc dicit, vi ipsa confiteri, pecuniam fuisse debitam, ut actor intendit. Hoc efficitur manifesto argumento. Privatio omnis natura sua includit & supponit habitum praecedentem, ut manumissio est privatio servitutis: qui aliquem manumissum dicit, is eum prius servum fuisse ostendit. *Instit. de liber. in princ.* Sic solutio est privatio debiti; non est solutio, nisi solutio rei debita. *Inst. quib. mo. sol. obli. in prin.* Proinde qui solutum dicit, prius debitum fuisse dicit. Argum. in *L. decem, circa fin. D. de*

verb. oblig. Sed & haec sententia non obscurare probatur verbis huius *L.* Nam si is, qui pecuniam solutam dicit, necesse habet id probare, ut hic scriptum est: consequens est, actorem non habere necesse probare pecuniam a se numeratam. Nam si necesse haberet id probare, non esset semper necesse reo probare solutionem; quoniam actorem non probante pecuniam esse numeratam, reus absolveretur, sine alia solutionis probatione. *L. si quidem, 9. in princ. inf. de excep.* Ex regula generali *L. qui accusare, sup. de eden.* Sed opponitur ¶ huic sententiae, *L. 6 cum de indebito, 25. D. eod.* ubi is, qui solvit, admittitur, ut probet, se solvisse indebitum. Quinimo saepe praesumitur solvisse indebitum. Ex quo colligitur, eum, qui se solvisse dicit, non necessario dicere, se solvisse debitum. Respondetur: Male comparantur inter se, is qui simpliciter fateatur se solvisse debitum, quod debebatur, & is qui dicit, se solvisse indebitum. Hic agimus de eo qui fateatur se solvisse id, quod actor intendebat sibi deberi. Actor autem intendebat, sibi pecuniam vere deberi, ut numeratam: Proinde reus de hac pecunia respondens, de pecunia debita respondet. At qui dicit se indebitum solvisse, primum aperte dicit, indebitum esse: deinde hoc ipso dicit, se non solvisse, quia non est vere solutio, nisi rei debita. Sed ideo dicit se solvisse, quia animo solvendi pecuniam dabit, non quia vere solveret, *§. 1. Instit. quib. mod. re contr. obli.* Quid si ¶ reus, a quo pecunia numerata petitur, ita dicat: Nescio, an pecuniam numeraveris, & an tibi debeatur, quia sum heres, & habeo istam causam ignorantiae. Sed si numerasti, tibi soluta est. Respondetur: Audiendus est reus in hac insinuatione & defensione. Quo casu recte dicemus, prius actorem cogi probare, pecuniam numeratam, deinde suo ordine reum probare debere, pecuniam esse solutam, *d. L. siquidem, in fin. inf. de excep.* Exemplo superiore confirmata est ea regula iuris, quam in initio posuimus: Semper ei incumbere probationem, qui dicit, non ei qui negat. Hinc effici haec regulas: semper actori incumbere probationem, ubi negetur, quod intenditur, nunquam reo, *L. frustra 8. L. actor, 23. inf. eod. L. verius, D. qd.* Rursum si reus de intentione actoris confessus ad defensionem opponat, vel liberationem, vel aliquam exceptionem; ex eo, quod postea factum est, semper reum in defensione & exceptione probare debere, & actoris partibus fungi.

Hac

8 Hæc regula † duas exceptiones habet. Nam interdum pro eo qui dicit, aliqua præsumptio facit, quæ onus probandi reicit in adversarium, etiam qui negat. Interdum reus qui convenitur, de officio administrationis suæ convenitur, & ob hanc causam etiam de eo conventus cogitur probare quod ad eam administrationem pertinet. Præsumptio si quæ facit pro auctore, onus probandi reicit in adversarium, *L. cum de indebito, 25. vers. fin. vero, D. eod.* Hinc Tit. Digestorum de probat. & præsum. Præsumptio est probabilis coniectura & ratio, sumpta ex eo, quod communiter ita fieri solet. Contra autem, non nisi raro. Exemplis definitio intelligitur. Huius rei † exemplum est in *d. L. cum de indebito, 25. D. eod.* Aliquis solum a se repetit, quod dicit, pecuniam debitam non fuisse: hoc ipso, quod dedit, & non probatur causa aliqua subesse, cogitur reus eam rem restituere. Sed dicit, pecuniam sibi fuisse debitam, itaque exceptione utitur ad pecuniam retinendam: & secundum regulam iuris, probare exceptionem debet, *L. in exceptionib. D. eod.* Sed placuit, auctorem probare debere solum fuisse indebitum; quia inquit Paulus, præsumptio pro reo expiciente facit adversus auctorem. Præsumptio hæc est; quia non est verisimile, quenkumque esse tam resupinum, ut facile suas pecunias læteret, & indebitas effundat. Aliud exemplum ex *L. si filius, D. eod.* Pater agit cum filio, quem dicit esse in potestate sua: filius negat, se esse in potestate patris. De ea re apud magistratum agitur cognitione prætoris. *L. 1. D. de rei vindic. L. 3. §. 1. D. de lib. exb.* In hac controversia secundum regulas iuris pater probare debet, quia actor est: non filius, qui negat, & reus est. Sed placuit filium probare debere, se non esse in potestate patris. Quia, ut illie scriptum est, pro pietate, quam filius patri debet, hoc statuendum est. Sensus est; quia præsumptio facit pro patre. Verisimile est enim propter pietatem, quæ afficitur pater erga filium, patrem in ea re non mentiri. Aliud exemplum ex *L. si pactum, D. eod.* Conveniuntur debitoris heredes de pecunia defuncto numerata. Heredes fatentur fuisse numeratam, sed exceptione pacti nituntur, & dicunt, creditorem pactum etiam cum defuncto, ne ab ipso & eius heredibus peteret. Pactum profertur, in quo nominatim creditor tantum cavet se a debitore non petiturum: heredem nulla mentio adducta est. Heredes dicunt, etiam creditorem de here-

Tom. VII.

ditibus sensisse. Secundum regulam communem iuris, quia dicunt, probare debent. Veramamen placuit in hac specie, creditorem probare debere se non sensisse de heredibus: nempe quia præsumptio pro heredibus dicentibus facit, quia, ut illie scriptum est, *plerumque tam heredibus nostris, quam nobis cavemus.*

Præter præsumptionem etiam ratio personæ & administrationis onus probandi imponit reo, quanvis neganti. Ubi generaliter † definiendum est. Quoties ex causa administrationis agitur, vel cum tutore, vel cum curatore, vel cum procuratore, & intenditur, eos non se recte gessisse in officio, huius rei probatio non est actoris, sed ii cum quibus agitur, probare debent, se recte in officio gessisse. Huius rei exemplum est in *L. non est necesse, 11. D. eod.* Est autem huiusmodi: magistratus municipales tutores dant. In tutore dando eorum officium est, ut locupletem tutorem dent: præterea ut fideiussores ab eo exigant, qui solvendo sint. Quod si neque tutor, neque fideiussores tunc solvendo fuerint, & finita tutela solvendo quoque non erunt: placet magistratus suo nomine conveniri posse. *L. 1. §. sic magistratus, D. de magist. conven.* Secundum hoc, cum finita tutela tutores solvendo non essent, nec fideiussores tutorum: magistratus conveniuntur a pupillo ob id quod tutor & fideiussores, cum dabantur, solvendo non fuerint. Hæc omnia dicere pupillus necesse habet, si vult habere actionem adversus magistratum. *d. L. 1. §. si magist.* Itaque secundum regulam communem si dicantur fideiussores solvendo non fuisse, cum dabantur: pupillus probare debebit, quod dicit, non magistratus, quod negant. Sed placuit, magistratus in hac controversia probare debere, se idoneum tutorem & locupletes fideiussores dedisse. Hic cum opponitur regula iuris interpretibus, & quaeritur, cur onus probandi imponatur reis negantibus? Respondent, eo fieri, quia præsumptio pro pupillo auctore facit. Cum quaeritur, quæ præsumptio, respondetur hanc esse; quia ex præsentis præsumitur in præteritum, id est, quia ex quo fideiussores non sunt solvendo, cum agitur, finita tutela: præsumitur retroversus, non fuisse quoque solvendo, cum dabantur. Quia præsumptione, id est, quia specie præsumptionis nihil potest dici ineptius, de qua dicitur *ad L. 3. infra.* Vera † ratio hæc est, cur imponatur in superiori specie onus probandi magistratibus. Est hæc: quia conveniuntur magistratus

S s s 2

de

de administrationis officio. Si administrationis rationem reddere debent, quorum officii fuit providere, ut idonee caveretur. Hæc ratio est Celsi in d. L. non est necesse, 11. Quæ ratio hanc rationem habet, quod omnium administrationum commune est, ut qui alienum negotium ges-

sit, is finito officio debeat reddere administrationis suæ rationem. L. 2. D. de neg. gest. Ratio autem administrationis a magistratibus reddi non potest aliter, quam si doceant, se pro officio idoneos tutores & fideiussores dedisse.

Ad L. Possessiones 2.

Imp. Antoninus A. Aulizano.

Possessiones quas ad te pertinere dicis, more iudiciorum persequere. Non enim possessori incumbit necessitas probandi eas ad se pertinere: cum te in probatione cessante, dominium apud eum remaneat. PP. XV. Kal. Decembr. Lato & Cereale Coss.

S U M M A R I A.

1. *Vindicans possessionem debet eam persequi more iudiciorum.*
2. *Actori incumbit onus probandi.*
3. *Possessionis commodum.*
4. *Petitore non probante est possessor absolutus, non inde tamen obti-*

net hic possessa rei dominium.

5. *Qui sensus horum verborum: cum te in probatione cessante, dominium apud eum remaneat.*
6. *Remanere quid significet? ibid.*

Quod dictum est, incumbere probationem ei qui dicit, non ei qui negat, ut ad actiones in personam, sic & ad actiones in rem pertinet, ut hic declaratur. Hinc qui possessiones ¶ vindicat, & ad se pertinere dicit, id est, res possidet. L. interdum, D. de rei vind. hic iubetur eas persequi more iudiciorum, id est, ita ut probet eas ad se pertinere. Nam ita ius est, actori ¶ & ei, qui dicit, incumbere necessitatem probandi. d. L. 2. L. verius, D. eod. L. actor. L. frustra, infra, hic, possessori autem non incumbere hanc necessitatem ex eadem regula, sed ¶ actore non probante reum absolvi. L. qui accusare, supra, de edend. Cui consequens est, quod hic dicitur, actore non probante, dominium apud possessorem remanere. Si re scriptum diceret, actore non probante, possessionem apud possessorem remanere: res non haberet dubitationem. Certi enim iuris est, commodum ¶ possessionis hoc esse, ut actore, qui rem vindicat, non probante rem suam esse, in suo loco remaneat possessio, etiam si possessor nihil probaverit. §. retinenda, verif. commodum, Inst. de Inter. Nunc autem dicitur, hic dominium apud possessorem remanere: quasi significetur, aut possessorem dominum esse, aut pro domino

haberi, propter superiorem solutionem. Horum de utroque diligenter monendi sumus, utrumque falsum esse. Idque probatur his argumentis. Reus absolutus non potest ex sententia plus accipere, quam sententia in eum confert. At sententia sua iudex nihil amplius pronuntiat, quam rem petitoris non esse: non pronuntiat rem esse possessoris, quia proponitur is possessor, qui nihil probavit. Quare possessor ex ea sententia dominus constitui nullo modo potest. Alterum argumentum. Eandem vim habet iusiurandum ¶ in litibus dirimendis, quam habet res iudicata. L. qui iurasse, 26. in fi. D. de iurei. At si possessor, deferente actore iuraverit, rem non esse petitoris, non autem suam esse: nulla actio de dominio possessori acquireretur, neque adversus extraneos, neque etiam adversus eum ipsum, qui iusiurandum dederit. Et ideo, si possessor postea amiserit possessionem, quæ pervenerit ad eum, qui iusiurandum prius dederit: is, qui iuraverit, nullam actionem adversus eum habebit, ex causa iusiurandi. L. sed & possessor 11. 1. responsio, D. de iureiur. Ergo idem dicemus, si iudex pronuntiaverit, rem non esse petitoris, non autem possessoris. Ex quo apparet, non tantum possessorem hac sententia dominum non

con-

constitui, sed ne præsumptionem quidem possessori acquiri, ut existimetur esse dominus: alioquin actionem haberet adversus actorem suum, si quandoque ea res ad eum pervenisset. Quid est igitur, quod hic dicitur, † actore non probante, dominium apud possessorem remanere? Respondetur. Observandum est, non diel, dominium apud possessorem esse, sed dominium apud possessorem remanere. Remanendi verbum vi sua significat, id remanere apud possessorem, quod prius apud eum fuerat. Ergo remanet dominium sub conditione,

si prius apud eum fuit: remanet possessio si prius possessio apud eum fuit: si igitur dicet, prius dominium apud se fuisse, probare debet; quia de eo non constat. Si dicat, possessionem apud se fuisse, litidem & probare debet. Sed hic expedita probatio est. Ideo enim probat possessionem penes se fuisse, confessione actoris, quia petitor ab eo rem vindicat. Non est actio in rem, nisi cum eo, qui rem possidet tenetve, §. *retinenda*, *Inst. de interd.* *L. qui petit. 36. in princ. D. de rei vind.*

Ad L. Ex persona 3.

Imp. Alexander A. Lexne & Lupo.

Ex persona collegæ aut vestri conveniri non debetis, si eundem collegam tempore depositi officii solvendo fuisse ostenderitis. PP. V. Kal. Ianuar. Pompeiano & Peligno Coss.

S U M M A R I A.

1. *Falli species.*
2. *Heredes avi eiusdemque tutoris iure conveniuntur a pupillo etiam ex persona collegæ avi & quatenus.*
3. *Nepotes ex persona collegæ avi non tenentur, si tamen probent eum non fuisse solvendo tempore depositi officii.*
4. *Contrarius occurritur, & exploditur vulgaris responsio & n. 5.*
5. *Heredes avi tutoris, dum conveniuntur ex collegæ avi persona, ex-*

ceptione utuntur, in eoque funguntur iis partibus.

7. *Tutores plures si dati sunt, & omnes pariter tutelam gesserunt, aut non gesserunt, singuli ipso iure in solidum tenentur.*
8. *Beneficium divisionis an & quando tutoribus detur?*
9. *Tutelæ divisio quo iure admittitur.*
10. *Totius disputationis summa.*

DUO fuerunt † pupilli tutores; qui tutelam pariter gesserunt, aut pariter non gesserunt. Unus, qui solvendo erat, decessit relictiis heredibus nepotibus suis, alter finita tutela solvendo non est. Ob eam causam pupillus agit tutelæ in solidum adversus nepotes heredes avi, eiusdemque tutoris: idque ex persona collegæ avi, id est, ex persona eius, qui avi collegæ fuerat in tutelæ administratione. Nam plures tutores curatoresve, ut in munere publico sibi delato dicuntur collegæ, non minus quam plures magistratus, *L. 1. infr. de adm. tut. L. minus etiam, 14. L. Lucius, 46. §. cum test. in fin. D. de adm. tut.* Quod conveniuntur heredes avi, eiusdemque tutoris iure fit. Nam tutelæ actio non tantum adver-

sus tutorem, sed etiam adversus tutoris heredes competit. *L. tutor, inf. arbit. tut.* Quod † iidem conveniuntur ex persona alterius tutoris, hoc quoque recte fit, si modo alter tutor neque nunc solvendo est, neque solvendo fuit tempore depositi officii. Quod si nunc solvendo est, dividitur inter tutores tutelæ actio. *L. 1. §. nunc tract. D. de tut. & ration. distrab.* Idem est, etiam tutor nunc solvendo non sit, verumtamen fuerit solvendo tunc, cum finita est tutela. *L. 1. inf. de divid. tut.* Hinc controversia nata est in hac specie: nepotes avi, qui conveniuntur, dicunt tutorem, ex cuius persona conveniuntur, tempore fuit officii solvendo fuisse. Pupillus actor dicit, solvendo non fuisse. Possulant nepotes ut pupil-

pupillus actor probet, tutorem solvendo non fuisse. Contra pupillus postulat, ut nepotes ostendant, eum fuisse solvendo. Quæritur, quibus onus probandi incumbat? Hic rescriptum est: † Nepotes ex persona collegæ avi non teneri, si ostenderit, eum tempore depositi officii solvendo fuisse. Quibus verbis significatur, eos id probare debere. Huic sententiæ opponuntur notæ regulæ turis: actori incumbit probatio, non reo. *L. frustra, §. L. altor. 23. inf. b. 1.* Proinde in hac specie pupillo agentī non nepotibus, qui conveniuntur. Item altera regula: ei incumbit probatio, qui dicit, non ei, qui negat *L. 2. D. cod.* At in proposito pupillus, ut possit nepotes in solidum convenire, dicit collegam non fuisse solvendo. Nam aliter ex persona collegæ heredes avi convenire non potest. *d. L. 1. inf. de divid. tut.* Proinde ipse probare debet. Vulgaris responsio † hæc est: his regulis locum esse, nisi pro actore, qui dicit, aliqua præsumptio faciat. Nam hæc onus probandi relictū in adversarium, quod & verum est, ut docuimus ad *L. 1. hic*. Nunc autem hoc sumunt, in hac specie præsumptionem facere pro pupillo, qui dicit, collegam tempore depositæ tutelæ non fuisse solvendo. Hanc autem præsumptionem esse aiunt, quam hoc rescripto confirmant; quia ex præsentī præsumitur in præteritum, id est, in hoc exemplo: ex eo, quod collega reperitur nunc solvendo non esse, cum tutelæ agitur, retroversus præsumitur etiam ante non fuisse solvendo. Quæ sententia explodenda est, † & falsam esse multis argumentis iuris demonstratur. Apud emptorem servus venditus fugit. Emptor redhibere vult servum tanquam fugitivum, quod iure facere potest, ex m. s. filio edicto, si servus ante emptionem fugitivus fuerit. *L. 1. D. de edil. dict.* Placet, si emptor intendat, eum antea fuisse fugitivum, id probare debere emptorem; neque satis esse quod postea servus fugerit. *L. 4. D. cod.* Ergo ex eo, quod post emptionem fugit, non præsumitur in præteritum, eum quoque antea fugisse: item, qui dicit, se rem usucapillæ, & per longum tempus possedisse, debet probare, totius illius temporis possessionem. *L. sup. 11. inf. de præscr. long. tem.* Ergo ex eo, quod actor uno die possedit, non præsumitur in præteritum etiam possedisse: alioqui sufficeret unius diei possessionem probare. Sed & in specie, de qua agitur, minime omnium hæc præsumptio recipienda est, ut ex eo, quod quis nunc solvendo non est, præsu-

matur antea quoque non fuisse solvendo. Nam non est præsumptio, nisi quæ sumitur ex his, quæ communiter, & ut plurimum fieri solent, ut diximus ad *L. 1. sup.* At experientia communis nos docet, eum qui ante dives fuit, ut plurimum postea pauperem fieri, & facultatibus excidere propter varios casus hectorum, incendiorum, naufragiorum, propter peritiam eorum, qui nobis debent. Sed laborandum in hac specie non fuit, si vulgo interpretes intellexissent, quæ actio pupillo competat adversus tutores plures, qui tutelam gesserunt, aut non gesserunt. Res ita habet: † in hoc iudicio, atque hac controversia quæ movetur avi hæredibus ex persona collegæ avi, heredes exceptio^{ne} ne uruntur, quæ dicunt ad sui defensionem, collegam solvendo fuisse tempore depositæ tutelæ. Quod si verum est, pertinet etiam hæc species ad regulas iuris communis: ut reus in exceptione actor sit, reus in exceptione dicat & intendat: proinde etiam probare debeat, quod dicit. *L. in exceptionibus, 19. D. cod.* Quod ut intelligatur, sciendum est, ius esse non obscurum, sed exploratum: quoties † plures tutores dati sunt, & omnes pariter tutelam gesserunt, aut pariter non gesserunt, singulis ipso iure insolvidum teneri. *L. res tut. 55. D. de adm. tut.* Sed quanvis singuli ipso iure ita teneantur; tamen si omnes solvendo sunt, aut tempore depositæ tutelæ fuerunt, singulis † datur beneficium divisionis, ut dividatur inter eos actio: & in eam rem datur singulis exceptio, quæ se tueantur, dum dicunt, alios contortores, vel nunc solvendo esse, vel tempore depositi officii solvendo fuisse. Hoc ita esse declaratur in *L. si plures 38. D. de adm. tut.* ubi dicitur *si omnes solvendo sunt, singulos excipere periculi societatem*. Exceptione igitur hanc societatem periculi consequuntur. Hæc eadem exceptio probatur exemplo fideiussorum. Nam inter plures tutores qui solvendo sunt, ita dividitur actio tutelæ, ut dividitur actio inter plures fideiussores. *L. 1. §. nunc tract. D. de tut. §. rat. destrab.* At convenit inter plures tutores dividi † actionem non ipso iure, quo iure singuli insolvidum tenentur: sed beneficio epistolæ D. Adriani, ex qua exceptionem consequuntur. *L. inter fideius. 26. L. inter eos 51. in pr. §. 1. D. de fideius. §. si plures, Inst. cod. de fideius.* Secundum quæ ita intentio & defensio huius iudicii procedit: Pupillus † adversus heredes avi insolvidum tutelæ agit: ita agendo recte agit;

acc

nec necesse habet dicere cæteros collegas non esse, aut non fuisse solvendo. Et quia non dicit, etiam iuxta regulas iuris non probabit. Heredes avi, qui conveniuntur, condemnari necesse est, nisi hanc defensionem opponant, ut dicant: non recte

agis nobiscum insolidum, quia collega, ex cuius persona agis, fuit solvendo tempore depositionis iusticie. Hæc defensio nihil aliud est, nisi exceptio. Quod si ita est, ratio iuris expedita est, nempe hoc probare debent, ut diximus.

Ad L. Proprietatis 4.

Imp. Alexander A. Vito.

Proprietatis dominium non tantum instrumento emptionis, sed & quibuscumque aliis legitimis probationibus ostenditur. PP. Kal. Nov. Alexandro A. III. & Dione Coss.

S U M M A R I A.

1. *Dominium ex causa emptionis ut transferatur, qua requirantur. & seqq.*
2. *Transitio nuda nunquam dominium transfert; sed ita si causa præcesserit, ex qua dominium sequi solet.*
3. *Dominia rerum, traditionibus, non nudis pactis transferantur.*
4. *Nuda pacta qua?*
5. *Emptio dominium non transfert, nisi transitio sequatur.*
6. *Solutio transfert dominium.*
7. *Nemo dominium in alium transfert, nisi dominus.*
8. *Instrumentum emptionis quando traditionem emptæ rei probet.*
9. *Dominium instrumento emptionis probari nunquam potest, & quare.*
10. *Dominium quando instrumento emptionis probari possit.*
11. *Dominium statim transfertur in emen-*

- tem, cum quid a fisco, vel principe emptum est.*
12. *Iudex ad unam speciem probationis alligari non debet.*
13. *Donatio probatur instrumento donationis.*
14. *Legatum probatur testamento.*
15. *Dominium quomodo, & quibus testibus probetur?*
16. *Emptio probatur testibus, etiam sine instrumento.*
17. *Dominus rei venditæ quomodo quis esse probetur?*
18. *Si emptor venditorem dominium probare non possit, commode utitur publiciana.*
19. *Fama non est legitima dominii probatio.*
20. *Proprietatis dominium quid valeat. Proprietas duplex: & utraque quid sit. ibid.*

Alt rescriptum, dominium ostendi, & probari instrumento emptionis. Quæ sententia cautione diligenti indiget. Id sic accipiendum est, ut ex parte dominium probari possit instrumento emptionis, interdum minus, interdum plenius, in totum autem probari non potest. Sciendum est enim, ut † ex causa emptionis dominium transferatur quatuor rebus opus esse. Primo emptionem vere contractam

tur. *L. traditionibus*, 20. *supr. de pact.* Nudis pactis, id est, iis, quæ traditionem adiunctam non habent. Nam etiam ex ipsa emptione † dominium non transfertur, nisi traditio emptionem secuta sit. *L. quoties*, 15. *sup. de rei vind.* Tercio in emptione requiritur, quod est huius contractus proprium, ut quanvis res tradita sit, emptor aut pretium † solverit, aut eo nomine satisfecerit, aut ei fides habita sit de precio. §. *trad. s. 1. Inst. de rer. div.* Quarto quod est omnium translationum dominij commune, opus est, † ut qui tradit, sit dominus. Nemo enim plus iuris in alium transfert, quam ipse habet. *L. traditio*, 20. *D. de adq. rer. do. L. nemo plus iu. D. de reg. iur.* Ex his quatuor, instru-

mento emptionis citra controversiam causa traditionis probari potest: nempe, emptio. Interdum etiam ꝑ eodem instrumento traditio probari potest: ut si in eodem instrumento venditor dicat, se fundum venditum nomine emptoris possidere: ex eo emptor possidere incipit. Is enim possidet, cuius nomine possidetur. *L. quod meo, 18. D. de adq. poss.* Idem est, si in instrumento scriptum sit: venditorem fundum a se venditum conduxisse ab emptore. Hæc conductio emptorem possessorem facit. *L. quadam, 71. D. de rei vind.* Idem iuris est, si venditor in eo instrumento dicat, se usufructum venditi fundi retinere. *L. quisquis, inf. de donat.* Eodem instrumento probari potest, pretium esse solutum, aut venditorem fidem de pretio habuisse: si hæc ita gesta esse in instrumento scriptum sit. Ergo hæc de dominio probari possunt: primum semper; sequentia vero ita demum, si illa facta sint quæ dixi. At quartum, ꝑ quod in primis ad translationem domini necessarium est, nunquam instrumento emptionis probari potest, proinde nec plenum dominium. Nam si venditor eo instrumento dicat se fundi venditi dominum esse, non potest eo instrumento dominium probari; quoniam nihil amplius probatur instrumento, quam quod scripturæ tenor continet. *L. ad probationem, 21. infra hoc tit.* Quod si se dominum fundi esse tellatur; tamen ne sic quidem instrumento fides habebitur; quoniam hæc testatio, testimonium domesticum est: nullus autem in re sua idoneus testis. *L. nullus, 10. D. de testib.* nullum idoneum testimonium, quod sit domesticum. *L. 2. infra de testib.* Certum est igitur, nunquam instrumento emptionis dominium probari posse, si intelligimus plenam probationem, non ex parte. Tunc ergo ꝑ instrumentum emptionis sufficiat ad domini probationem, cum inter partes conveniat, cum, qui fundum vendidit, dominum fuisse. Unam speciem excipio, ꝑ si quid a fisco emptum sit, vel a principe. In qua venditione, etiamsi res aliena sit; tamen placet statim in accipientem dominium transferri. *L. 2. L. ult. inf. de quadr. præscr.* At rescriptum, dominium etiam aliis legitimis probationibus ostendi. Quibus verbis significatur id, quod apertius scriptum est in *L. 3. §. eiusdem, in fin. D. de testib.* indicem non debere alligari ꝑ ad unam speciem probationis, sed quæcumque legitimæ probationes afferrentur, eas a iudice admitti

debere. Aliæ probationes legitimæ sunt alia instrumenta, quibus ex aliis causis res transferuntur: puta si ꝑ res donata est, 13 probabitur dominium instrumento donationis. Si res ꝑ legata est, probabitur dominium testamento, & quidem statim sine alia traditione; quoniam rei legatæ dominium statim in legatarium transit a morte testatoris. *L. a Titio, 65. D. de furt. L. legati, 80. D. de leg. 2.* Probabitur etiam dominium testibus ꝑ pariter ut instrumentis, si producantur testes, qui dicant se interfuisse, cum Titius eum fundum Sempronio venderet, & ea ex causa traderet pretio ab emptore accepto. Hoc modo etiam sine instrumento valebit ꝑ emptio, & probabitur translatum dominium, si de dominio venditoris non sit controversia. Quid si negabitur venditor fuisse dominus? Resp. multis modis facile dominus fuisse probari potest, ut si ꝑ dicitur ædificasse illas ædes venditas in sua area. *L. adeo, §. cum in suo, D. de adq. rer. dom.* si dicatur ipse fecisse eam speciem, quam vendidit, *d. L. adeo, §. cum quis ex al. de adq. rer. dom.* Quod si emptor ꝑ metuit, ne non probare possit, venditorem dominum esse: consultum est, ut omnia directa actione in rem, experietur Publiciana actione, qua intendit se ex iusta causa, eam rem, de qua agitur, bona fide accepisse a *L. Titio*. In qua actione laris est, causam iustam, & traditionem probare. *§. sed iste, Inst. de actio. L. 1. & segg. D. de Publ. in rem act.* Non est legitima probatio, quam Accursius ponit, ꝑ fama, de qua dicitur suo loco, *ad L. ult. infra*. Sed cur hic dicitur ꝑ proprietatis dominium, cum proprietas nihil aliud sit quam dominium, ut indicatur in *L. qua ratione, 9. §. hoc amplius, D. de adq. re. dom.* Resp. Quia in usu iuris duplex proprietas nominatur, proprietas nuda & plena, *§. ult. Inst. de usufr.* Plena proprietas, id est, quæ usufructum adiunctum habet, nihil aliud est, quam dominium: hoc sensu non magis recte dicitur proprietatis dominium, quam proprietatis domini. Sed est proprietas nuda, quæ usufructum separatim habet, *§. 1. & segg. eo. tit. de usufr.* Recte quis dicitur dominus huius proprietatis, ut significetur is dominus, qui tantum proprietatem habet detracto usufructu. Sic appellatur *d. §. ult. Inst. de usufr.* Idque eo fit, quia & usufructus domini pars est. *L. 4. D. de usufr.*

Ad L. Instrumenta 3.

Imp. Philippus A. & Philippus Cæs. Sertorio.

Instrumenta domestica seu privata testatio seu adnotatio, si non aliis quoque adminiculis adiuvantur, ad probationem sola non sufficiunt. PP. Id. April. Philippo A. & Titiano Coss.

S U M M A R I A.

1. Summa huius legis.
2. Instrumentorum domesticorum nomine quæ intelligantur. Et num. 5.
3. *id est* quid?
4. Chirographum idoneam fidem facit adversus scribentem. Quod amplius, etsi debitor neget a se scriptum, si testes intervenerint.
5. Instrumenta domestica fidem non faciunt pro eo qui scripsit, & n. 7.
6. Testimonium domesticum quod.
8. Testis idoneus in re sua nullus.
9. Testationis verbo quæ scriptura significatur.
10. Scripturæ inter aliquos de contractibus interpositæ testibus adhibitis plenam fidem faciunt.
11. Testatio quid hic significet?
12. Dictionis, seu, quæ vis?
13. Annotatio privata quid?
14. Testatio privata quid?
15. Testatio supremorum iudiciorum in testamentis quæ?
16. Testationum privatarum & annotationum exempla.
17. Testationes private nullam fidem faciunt pro scribente.
18. Adminiculorum nomine quid hic intelligatur?
19. Testationes private quando adminiculata fidem faciunt.
20. Dictum ab aliquo perinde habetur, quasi ab eo dictum non sit, cum id agitur, ut ei proficiat.

Huius L. & duarum sequentium summa sententia una est. Quod quis [†] scripserit, id ei ad probationem nihil prodesse. Quæ sententia expressa est in *vers. cæterum hoc quidem*, Nov. 48. de iur. in *mor. præstito*. Initio autem hic tria dominantur, quæ dicuntur ad fidem nihil prodesse. Primum instrumenta [†] domestica. Hoc verbo non significatur ea, quæ Accursius dicit instrumenta [†] privata, quæ Græci vocant *μυστήριον*, ut dissent hic instrumenta ab iis, quæ publice conscribuntur, de quibus cit. in *L. scripturas*, 11. *inf. qui per. in pig. hab.* quæ sunt chirographa. Nam hæc [†] instrumenta fidem faciunt, si debitor chirographum scripserit, quo fateretur se aliquid debere ex iusta causa, & fateretur chirographum a se scriptum, idoneam probationem habere adversus contententem, *L. generaliter, inf. de non unum pec.* Sed etsi debitor neget a se scriptum, tamen chirographum privatum fidem facit si testes intervenerint. *Novell. de instr. caut. & fide. §. 1.* Nunc autem hic negatur instrumenta domestica fidem facere. Sed [†] instrumenta domestica hic *di-*

Tom. VII.

cuntur scripturæ, quas quis sibi privatim confecit, & quos voluit, sibi debitores constituit: nam instrumenta domestica dicuntur, ut testimonium domesticum *L. 2. inf. de testib.* Est autem testimonium [†] domesticum, cum quis testes de domo sua producit, *L. pen. D. de testib.* Proinde [†] & instrumenta domestica ea quæ quis a se aut de domo scripta profert. Hæc in totum pro eo, qui scripsit, fidem non faciunt: est enim domesticum testimonium: nullus autem in re sua [†] idoneus testis, *L. nullus, 10. D. de testib.* Inde testimonii domesticii fides in totum improbat. *d. L. 2. inf. de testib.* Deinde hic nominatur privata testatio. Verbo [†] testationis interdum significantur scripturæ inter aliquos de contractu interpositæ testibus adhibitis, ut ea scriptura, quæ interponitur de sponsalibus, dicitur testatio in *L. in spons. 14. D. de sponsalib.* Nec dissimiliter accipitur hoc verbum in *L. 4. D. de pignoriis*. Non sic testationem hoc loco accipere oportet. Nam [†] eiusmodi scripturæ & testationes plenam fidem faciunt, *d. Novell. 73. de instr. caut.*

Tit

& fide

- 11 *U* *fide* §. 1. Sed † testatio hic significat scripturam privatam, qua quisque memoriz causa testatur in libris suis aliquid factum esse. Id intelligimus & ex verbo præcedente, & ex sequenti, sed maxime ex sequenti, cum adicitur, *seu annotatio*. Nam † his verbis, *seu annotatio*, præcedens verbum, *testationis* explicatur, ut intelligamus his verbis, rem unam significari, etsi verbis pluribus: quod indicant illæ inscriptiones apud Cic. *Letius, seu de Amicitia; Cato, seu de senectute*, quorum utraque inscriptione non significantur diversi libri, sed unus. Sic his verbis: seu *privata testatio* seu *annotatio*, res una significatur, nempe *annotatio privata*. Est autem † *annotatio*, cum quis memoriz causa in libris suis quid scribit, quod notatum velit, *L. pen. D. qui test. fac. possunt*. Ergo & † *testatio privata* hic nihil aliud est quam *annotatio*, qua quis privatim aliquid factum esse testatur vult. Quo sensu dicitur in *testamento* iudiciorum † *supremorum testatio*, ubi solus testator de voluntate sua testificatur, non cum aliis, *L. vnum, 24. D. qui test. fac. possunt*. Huiusmodi † *privatæ testationes*, & *annotationes* sunt, ut si quis ita scribat: *memineris eo die me*

vendidisse fundum Tusulanum Titio 100. floren. quam summam ille mihi debet. Item: nota me illo die 100. musso dedisse Titio. Item: illo die prædones venerunt, qui rem illam commodatam mihi abstulerunt. Dicimus nullam † earum scripturarum, pro eo, qui scripsit fidem facere; quia nullus sit idoneus testis in re sua: sed additur circumscriptio, *nisi res aliis adminiculis adiuvetur*. Alia † *adminicula* intelligere debemus probationes alias legitimas, quæ commemorantur in *L. 4. sup.* veluti cautiones testibus adhibitis interpositæ, aut etiam testes. Sed his probationibus intervenientibus quid opus est adicere domestica instrumenta, seu privatas testationes, seu annotationes. Ref. id quod in *L. 3. §. eiusdem*, in fi. *D. de testib.* esse iudicis † æstimare, quid credat, aut quid sibi non probatum opinetur. Itaque si testibus productis, aut aliis probatis instrumentis adhuc dubitet, potest animum suum confirmare adiectis annotationibus, & testationibus privatis ac domesticis. Cæterum hoc teneamus, quod ab aliquo † dictum sit, id perinde haberi, quasi ab eo dictum non sit, cum id agitur, ut ei profit, *d. Nov. de iurein. a mor. præst. vers. sed hoc quid*.

Ad L. 6. Rationes.

Imp. Philippus A. & Philip. Cæsar. Romulo.

Rationes defuncti quæ in bonis eius inveniuntur, ad probationem sibi debitæ quantitatis solas sufficere non posse, sæpe rescriptum est. Eiusdem iuris est & si in ultima voluntate defunctus certam pecuniæ quantitatem, aut etiam res certas sibi deberi, significaveris, PP. Idibus Martii Philippo A. & Titiano Coss.

S U M M A R I A.

1. *Rationum & mercatorum libri, etiam accurate & diligenter, & fideliter confecti, an & quatenus probent.*
2. *Testamenta sancte & religiose confici solent, & ideo non minoris fir-*

dei esse debent; sed presumptio hæc nihil facit.

3. *Scriptum a testatore, aliquid suum, esse vel sibi deberi, fidem pro testatore, aut pro heredibus non facit.*

Quod supra dictum est in *L. instrumenta*. Scripturam domesticam fidem non facere pro eo, qui scripsit, aut qui eam de domo sua profert, declaratur hoc rescripto, usque adeo ve-

rum esse: ut nihil intersit, quantum auctoritatis ac rationis & fidei sint illæ scripturæ, in quibus pro se quid scripserit. Id autem hic declaratur exemplo rationum & testamenti, seu supremæ voluntatis. Ratio-

Rationum libri non tumultuarie, sed accurate, diligenter, ac fideliter a bonis-patribusfam. confici solent; & tamen si quis in rationibus suis sibi constituerit aliquem debitorem, id est, scripserit, aliquem sibi tot debere: rationes pro eo fidem non faciunt. Quod diligenter notandum est, adversus errorem ꝑ mercatorum, qui cum quid ex sua negotiatione sibi deberi probare volunt, ad rationum suarum libros revocare solent, & hinc fidem petere. Quod hoc rescripto repellitur. Eiusdem generis scriptum præcipue est testamen-

tum. Nam testamenta ꝑ sancte & religiose confici solent a morituris, & quo quisque propius se adesse iudicio Dei intelligit, eo magis iram Dei reformidat, ut verisimile non sit, testatorem in suo testamento mentiri velle. Sed hæc præsumptio ad rem nihil pertinet, placetque, quidquid ꝑ testator in testamento suo scripserit, aut suum esse, aut sibi deberi, id fidem pro eo, aut pro heredibus eius non facere. Nempe eadem illa ratione, quam dixi in L. præcedenti; quia nullus idoneus sit testis in re sua.

Ad Auth. Quod obtinet.

Quod obtinet omnimodo, si testator non iuraverit: alioquin heredes necesse habent testatoris religioni stare, aut minime fruuntur his quæ relicta sunt, sed creditoribus nihil ex hoc præiudicii comparabitur.

S U M M A R I A.

1. Testatoris affirmationi in testamento, an & quatenus credatur.

2. Authent. quod obtinet, an & quando locum habeat, & num. 3.

Quod dictum est in L. præcedenti, testatoris affirmationi non credi, si quid in testamento de rebus suis scripserit, hoc ita est: nisi de rebus suis affirmarit, ita, ut iureiurando idem sancte confirmaret, & res agatur adversus heredes, postuleturque, ut ea affirmatio heredibus noceat, quæ sententia est huius fragmenti.

ꝑ Pluribus exposta est in *Novell. de iureiuran. a mor. præst.* Hæc sententia Iustiniani ꝑ locum habet, sive testator dixerit, se res aliquas in bonis non habere, sive contra de aliquibus dixerit, se eas habere: ut puta, rebus certis enumeratis in testamento, testator iurans subiecit, se nullas amplius alias res in bonis suis habere; præterea, nihil sibi amplius a quocumque deberi. Dicimus, si unus ex heredibus habeat rem aliquam hereditariam, quæ fuerit defuncti; tamen a reliquis coheredibus tanquam hereditariam peti non posse, aut in iudicium familiæ eriscundæ vocari, propter iurandum & affirmationem testatoris adversus heredes, qui de ea re controversiam faciunt. Idem locum habet, si dicatur unus ex heredibus quid debuisse defuncto, & reliqui coheredes pro sua parte debitum petant. Idem dicemus, & si alii extranei res ali-

quas possideant, quæ dicuntur esse hereditariæ, aut si ab extraneis debitoribus quid petatur: nam & extranei se iureiurando testatoris tueri possunt adversus heredes, adversus quos voluntas testatoris, & iusiurandum servandum est. Pingamus e converso, testatorem in rebus suis recensendis dixisse fundum Tusculanum, qui erat unius heredis, suum esse, vel unum heredem sibi 100. debere, qui vere nihil debeat, & hic fundus & summa, quæ dicitur debita, ab hoc herede recte peti poterit. Sed si dixerit testator, ꝑ alios sibi debere, aut rem suam esse, quæ ab aliis possideatur, scriptum extraneis non nocebit.

Huic constitutioni opponitur illa æquitas, quæ est comprehensa superioribus rescriptis duobus: nempe, nemini fidem haberi deberi in re sua: domesticum testimonium non admitti deberi. Hanc objectionem diluit Iustin. d. *Nov. de iureiuran. a mor. præst. in su. præfationis*, hac ratione: quod cum heres iureiurando testatoris stare cogitur, non stat alieno iureiurando, sed suo; non alienæ affirmationi, sed suæ: quoniam quod testator dixit, perinde est, quasi heredes dixerint, cum eadem sit persona heredum & testatoris.

*Ad L. Exemplo. 7.**Imp. Gallienus A. Sabino.*

Exemplo perniciosum est, ut ei scriptura credatur, qua unusquisque sibi adnotatione propria debitorem constituit; unde neque fiscum, neque alium quemlibet, ex suis subnotationibus debiti probationem præbere posse oportet. PP. III. Non. Mart. Gallieno A. VII. & Sabinillo Coss.

S U M M A R I A.

1. *Fisci scriptura & rationes, quare fidem non faciant pro illa.*
2. *Multa per se non iniqua, reiiciuntur in repub. propter exemplum.*

UT nihil refert: quantæ sit auctoritatis & fidei scriptura, cum profertur ab eo, qui scripsit: sic nihil refert, quantæ sit auctoritatis, dignitatis, aut fidei, qui scripserit, ut hic declaratur exemplo fisci.

Fiscus ꝑ ipse, si scripserit, L. Titulum sibi ex ea causa 100. debere: tamen nec rationibus fisci fides habebitur. Quod si ita est, hæc omnia eo spectant, ut in universum verum esse statuamus, nullam scripturam pro eo, qui scripsit, fidem facere, qualiscunque sit & quicunque, qui scripsit. Ratio hic additur: quia cuique credi in re sua exemplo perniciosum est. Ratio huc pertinet. Nam fieri potest, ut interdum per se non sit iniquum fidem haberi vel fisco, vel alii in eo, quod scripsit: quia potest esse curator fisci vir integritatis fidei & spectatæ, reus autem levis & perfidiae infamis. Sed quod per se iniquum

non est, id propter exemplum iniquum sit. Nam si in persona fisci, aut alterius admiserimus, ut ei affirmanti credatur: eveniet, ut eodem exemplo alij iudices in persona hominum improborum idem statuunt. Eveniet etiam, ut idem statui debeat. Quod erit perniciosum; nam non semper fidem petitores erunt, non semper eadem fides. Nec ad rem pertinet, si quis dicat, iudicem facile cogniturum virum improbum, & eius fidem non secuturum. Nam experientia vos docet, improbilissimos homines mentiri audacter solere, se esse omnium optimos, & nobilissimos, ut improbitas semper impudentiam secum adiunctam habet. Hinc notandum ꝑ est, multa per se in republica non iniqua videri, quæ propter exemplum reiiciantur. Huc pertinet L. si quis aliquid, 38. §. qui abortionis, D. de pæn.

*Ad L.*

Ad L. Frustra, 8.

Impp. Diocletian. & Maximian, AA. & CC. Publicio & Optato.

Frustra veremini, ne ab eo, qui lite pulsatur, probatio exigatur, PP. XIII. Kalend. † Basso & Quintiano Coss.

S U M M A R I A.

1. *Probatio reo non incumbit.*
2. *Lite quis pulsatur?*
3. *Probationem reo non incumbere, quo-*

- modo intelligendum sit?*
4. *Aktor & reus quando quis sit?*

1. **A**B eo, qui lite pulsatur, probatio † non exigitur, id est, a reo. Nam lis actionem significat. *L. litis, D. de verb.*
2. *fig. Is † pulsator lite, qui lite & actione convenitur, ut hoc verbum occurrat in L. 2. §. 1. & §. sed & si agant, D. de iudic. Qui convenitur reus est. L. 3. D. de iureiur. Non est huic sententiæ contrarium, quod legimus a reo probationem exigi in omni defensione, & exceptione eius L. 1. sup. L. in exceptionibus, D. de probat. Nam † quod hic dicitur, a reo*
3. *de probat. Nam † quod hic dicitur, a reo*

probationem non exigi, sic intelligendum est, non exigi ab eo, quatenus reus est. Nam si actor esse coeperit, incipit pertinere ad regulam iuris, Actori incumbere probationem; neque in eo fit contra hunc locum, quoniam iam reus esse desit. Tunc † autem reus est, cum intentionem adversarii negat. Tunc incipit esse actor, & lite pulsare adversarium, cum de intentione actoris confessus illi obicit aliquid ad suam defensionem, quod adversarius item negat.

Ad L. Cum te minorem 9.

Idem AA. & GG. Martianx.

Cum te minorem quinque & viginti annis esse proponas: adire præsidem provinciæ debes, & de ea ætate probare. Dat. Idib. April. AA. Coss.

S U M M A R I A.

1. *Restitutio in integrum qua conditione impetretur.*
2. *Restitutionem in integrum petens au probare cogatur ætate. Beneficia eatenus tribuuntur, ne aliis fiat iniuria. ibid.*
3. *Ætas quomodo probetur?*

4. *Minores 25. annis tutores esse non possunt.*
5. *Femina procuratrices esse non possunt. Idcirco ad tutelam, aut munus aliquod publicum vocata nulla excusatione uti debent.*

1. **Q**UI in integrum restitutionem postulat beneficia ætatis, is hac † conditione impetrat, si minor fuit, cum contraherat, & in eo, quod gestum est, læsus est. *L. 1. & tato sit. D. de min.*
2. *Quæritur, si is, † qui petit se in integrum restitui, dicat se minorem esse viginti quinque annis, an probare debeat?*

Movet dubitationem favor ætatis. Nam restitutio hæc ætati tribuitur. Favor videri potest id postulare, ut is, qui vult restitui, probandi onere exoneretur. Hic responderetur, eum, qui se minorem 25. annis dicit, probare debere, ex regulâ communis iuris, quæ dicitur: Actori, item ei, qui dicit, incumbere probationem. *L. 2. D. cod.*

D. eod. L. actor inf. hic. Nihil ad rem pertinet favor ætatis, & beneficium restitutionis. Nam hæcenus beneficia tribuuntur, ne alius fiat iniuria. *L. nec avus, 4. infr. de emancip. lib.* Non caret autem parva iniuria, si is, qui dicit, reiciat onus probandi in adversarium, ut dicitur ad *L. actor inf.* Obicitur *L. 4. sup. de integr. rest. min.* ubi traditur ex iure certo, cum, qui petit se in integrum restitui, adversus id, quod minor gessit, non habere necesse probare, se minorem esse, cum petit restitui: sed satis esse, si probet, se tunc minorem fuisse, cum contrahebatur. Respondetur. Id cum hoc loco non pugnat. Nam is, qui in integrum restitutionem postulat, non habet necesse amplius intendere, quam se minorem fuisse tunc, cum res gerebatur, ex verbis edicti, *quod cum minore gestum erit.* Sed si is ultro in iudicio dicat, & se etiam nunc, cum agitur, minorem esse 25. annis, probare debet; quia dicit, ex superscripta regula iuris. Etiam autem non necesse sit, illi hoc dicere, tamen utile est ad efficiendum id, quod vult. Nam si probatur, cum tunc minorem esse, cum agit, natura efficitur, cum multo magis minorem tunc fuisse, cum res gerebatur. Probatur \dagger autem æ-

tas professionibus parentum, *L. cum de ætate. 13. L. etiam, 16. D. eod.* Quid sit professio, dicitur ad *L. non nudis, 14. infra.* Probatur etiam ætas testibus, qui dicunt, se meminisse, quo tempore hic, de quo quæritur, natus fuerit. Etiam tunc locus est huic intentioni, ut quis dicat se minorem esse viginti quinque annis, cum quis olim vocabatur ad tutelam, aut curam. Nam habuit excusationem, si minor esset 25. ann. quæ excusatio si non reciperetur, licebat minori appellare. In eo iudicio appellationis hæc intentio erat: Minor sum viginti quinque annis. *L. 1. §. si quis tutor, D. quando appell. fit.* Hodie Constitutione lustrant, nihil hac \dagger excusatione & appellatione opus est; quia ipso iure minores 25. annis tutores esse non posse placuit. *L. ult. infra, de leg. tut. §. item maior, Instit. de excus. tut.* Itaque huic rescripto hodie in eo iudicio locus esse non potest: præterea hoc rescriptum refertur ad consultationem foeminae, ut inscriptio indicat. Certi autem iuris est, foeminas procuratrices \dagger esse non posse, ut iis ad tutelam, aut monns publicum vocatis, neque hac, neque alia excusatione sit opus. *L. femina, D. de regulis iur.*



Ad L. Neque natales. 10.

Idem AA. & CC. Isidoro.

Neque natales tui, licet ingenuum te probare possis, neque honores, quibus te functum esse commemoras, idoneam probationem pro filiae tuae ingenuitate continent: cum nihil prohibeat, & te ingenuum, & eam ancillam esse. D. XVIII. Kal. Maii AA. Coss.

S U M M A R I A.

1. *Ingenuitas liberorum non ex conditione patris, sed matris spectanda est.*
2. *Ingenuus quis?*
3. *Filii quando patrem sequantur?*
4. *Argumenta quoniam iure probata fidem faciant? & n. 5.*
6. *Ex definitione recte colligi definitum ex hoc rescripto efficitur.*
7. *Præceptum utile ad refellendum omne argumentum in iudicio quale sit.*
8. *Natalium nomine quid hic intelligatur?*
9. *Natalibus restitutus quis dicatur?*
10. *Parentes adsignare natales quid?*

HOC rescripto tria docemur. Primum, ingenuitatem liberorum non ex conditione patris, sed ex conditione matris spectandam esse, quod aliis locis diserte traditum est. *L. parentum, infra de rei vindicis. L. avi, 28. de liber. causa.* Idem indicat definitio ingenui. Est enim ingenuus is, qui matre libera natus est. *Institut. de ingen. in princ.* Non oblat *L. penult. infr. ne de stat. defuncti.* ubi cavetur, statum filii ex ingenuitate patris saluum esse. Nam quod dicimus, ingenuitatem ex conditione matris spectari, non ad omnem statum liberorum pertinet. Nam cum de potestate patris quaeritur, cum de origine & iure municipii, & iustae nuptiae sunt: illic filii patrem sequuntur, non matrem. *L. eum legitima, 19. L. lex natura, 24. D. de statu homin.* Alterum est, quod pertinet ad notam & regulam verorum argumentorum, estque huiusmodi. Omnia ingenuitatem iure probata esse, & fidem facere, quae cum re, quam probare volumus, ita coniuncta & affecta sunt, ut iis positis necesse sit poni id, quod volumus. In quo numero habentur omnes loci Dialectici traditi a Dialecticis, ut cum ex definitione colligimus definitum, ex partibus totum, ex specie genus, & contra, ex causis effecta, ex paribus paria, ex contrariis contraria. Id autem ex hoc rescripto intelligimus, quod placet, ex defi-

nitione recte colligi definitum, ex causis effecta. In hoc exemplo, pater de statu filiae suae, praedictio agens, & ingenuam esse intendens, recte probavit ingenuitatem ex definitione ingenui hoc modo:

*Ingenuus est qui matre libera natus est.
Haec filia mea matre libera nata est.
Est igitur ingenua.*

Idem colligitur ex causis:

*Ingenuitatis liberorum causa est libertas matris, quo tempore partus editur.
Haec causa in matre fuit.
Ex quo necesse est consequi ingenuitatem filiae.*

Tertium est, utile præceptum in contrariam sententiam, quod pertinet ad omne argumentum in iudicio refellendum; Quotiescunque id, quod ad probandum sumitur, eiusmodi est, ut eoposito non sit, necesse poni id, quod volumus, nullum argumentum est, nec a iudice recipiendum, ut eo eodem exemplo; Pater cum probaret filiam esse ingenuam: dicebat, se ingenuum esse, natum ex liberis, hoc amplius se honores gessisse, qui non soleant deferri libertinis, sed ingenuis.

Rescri-

Rescriptum est, eum nihil agere, quia nihil prohibeat eum maxime ingenuum, & nihilominus filiam eius esse ancillam; quia filiae ingenuitas non pendeat ex libertate patris, sed matris. Nam ancilla natus, & ipse servus est. Huic parti opponitur *L. fve, infra, hoc tit.* ubi traditur, ex eo, quod fundus fuit defuncti, existimari etiam fundum esse heredum, & tamen fieri potest; ut a defuncto fuerit alienatus. Denique nihil prohibet, ut hic dicitur, fundum fuisse aliquando defuncti; & tamen eum nunc heredum non esse. Resp. Nihil prohibere, quo minus fundus fuerit defuncti, & nunc non sit heredum: sed hoc ita est, sub conditione, si fundus fuerit a defuncto alienatus. Cæterum necesse est, in re, quod defuncti fuit, id ad heredes pertinere, si ex dominio defuncti non eximitur. *L. heres in omne 37. D. de adq. her.* At fundum alienatum esse a defuncto nunquam heredes dicent. Est adversarius, qui hoc dicit, fundum a defuncto sibi donatum esse, ut in specie *d. L. fve.* Hoc cum adversarius dicat, & hac exceptione utatur, probare debet. Ita nihil ille locus cum hoc loco pugnat, ubi quod defuncti fuit, necessaria consequentia colligitur esse heredum, nisi dicatur alienatus: sed si dicitur, probatio est eorum, qui dicunt. Natales, † qui hic in principio nominantur, non sunt literæ nativitatis, ut Accursius interpretatur, sed sunt parentes & maiores liberi, a quibus originem ducimus. Hoc modo natales di-

cti per excellentiam, vel intelligantur primi illi homines, qui initio generis humani fuerunt, quos constat liberos fuisse. Id declaratur in *L. 2. D. de natal. restit.* ubi qui natalibus † restitutus est a principe, dicitur restitutus natalibus illis, in quibus primi homines initio nati sunt, non in quibus nascitur. Refertur igitur verbum ad homines, in quibus nati olim dici possumus. Deinde, absurdum est, dici aliquem restitui literis de nativitate sua. Non restituantur homines literis, a quibus nunquam possessi sunt, sed restituantur hominibus literæ, quas possederunt. Huc pertinet, quod dicitur in *L. parentes, 12. inf. de liberali causa.* Parentes assignare † natales. Quo significatur, parentes, qui natura parentes sunt, nobis constituere eos, qui natales nostri dicuntur. Quia autem a natalibus & iis liberis, a quibus originem ducimus, accipimus ius ingenuitatis: factum est, ut natales quoque pro ingenuitate, & iure ingenuitatis accipiantur, ut in *§. ult. Inst. de ingen.* Cum dicitur, si ingenuus bona fide servierit, deinde manumissus sit, quasi servus esset, manumissionem non officere natalibus. Ubi apparet, non hoc significari, manumissionem non officere maioribus. Nam certum est, eam iam demortuis officere non potuisse: sed hoc dicitur, manumissionem non officere ingenuitati manumissi, quam ingenuitatem a maioribus & natalibus suis acceperat.



Ad L. Si scriptum xi.

Iidem AA. & CC. Antonia.

Si scriptum heredem ab amica tua, vel de testamenti visio vel quacunque alia ratione non posse obtinere hereditatem, probari a se posse confidis: de hac hereditate apud rectorem provinciae agere potes. S. V. Kal. Maii Heraclia AA. & CC. Coss.

S U M M A R I A.

- | | |
|---|--|
| <ol style="list-style-type: none"> 1. Hereditas defuncti intestati ad quem pertineat. 2. Hereditas intestata amica ad filium fratris pertinet. 3. Hereditas ab intestato quando deferatur? 4. Intestatus quis, vel quae decedat? 5. Hereditas quomodo visio testamenti adiri non possit. | <ol style="list-style-type: none"> 6. Testamentum cur & quomodo non valeat. 7. Testamentum quomodo sit infirmum conditione testatoris, & conditione heredis. 8. Hereditas an ex testamento obtineri possit, nec ut, si sit controversia: probatio nullitatis testamenti spectat ad heredem legitimum. |
|---|--|

FRATRIS filia amicae suae, id est, fratris sorori, legitima est heres ab intestato, si amita neque liberos, neque alios cognatos propiores gradu habeat. Nam defuncti & intestati hereditas ad proximum agnatum secundum liberos pertinet, *Inst. de L. agn. succ. in prin.* Et quia hereditas & intestata amicae ad filiam fratris pertinet, idcirco & eam hereditatem iure petere potest petitione hereditatis, *L. 1. 2. 3. D. de hered. petit.* Sed hoc ita, si defuncta, de & cuius successione quaeritur, intestata decesserit. Nam quamdiu ex testamento hereditas adiri potest, tamdiu ab intestato non deferatur. *L. quamdiu potest 39. L. in plurium 70. D. de adq. her.* Intestata & decessit, non tantum, quae testamentum non fecit: sed etiam, si id fecit, ex quo scriptus heres hereditatem obtinere non potest, vel vitio testamenti, vel alia ratione, ut hic scriptum est. Vitio & testamenti id contingit, si testamentum imperfectum sit, non adhibitis solemnibus: si iniustum sit, praeteritis iis, quos institui, aut exheredari oportebat: si item falsum sit. Alia ratione id & contingit, vel voluntate defuncti, vel conditione eius mutata, vel ex conditione heredis. Voluntate defuncti, ut si aliud tes-

tamentum iure fecerit. *S. 1. Inst. quib. mod. test. infirm.* Conditione & testatoris mutata, ut si in alienam potestatem transieris, *S. alio, Inst. quib. mo. testa. inf.* Ex conditione heredis, si sit is, qui institui non potuit, veluti deportatus. *L. 1. inf. de hered. inst.* Quibuscunque modis ex his eveniet, ut heres scriptus non obtineat hereditatem, defunctus intestatus moritur. *Inst. de hered. quae ab intest. in prin.* Quare recte hic dicit, his omnibus modis ab herede legitimo hereditatem vindicari posse. Quid si de eo sit controversia, an & ex testamento hereditas obtineri possit necne: hic rescriptum est, heredis legitimae probationem esse, ut probet testamentum non valere, aut ex eo obtineri non posse hereditatem. Hoc ex iisdem principis iuris rescriptum est. Nam cum heres scriptus se heredem dicit, id probare debet: sed satis probat, cum testamentum profert, nulla sui parte vitiatum. *arg. L. 1. inf. de edict. D. Hadr. toll.* Cum heres legitima adversus testamentum aliqua obiicit, exceptione utitur, & adversarium pulsatur lite. Proinde secundum regulas iuris, & quia dicit, & quia in exceptione astrictus est, probare debet.

Ad L. Cum res 12.

Iidem AA. & CC. Chroniz.

Cum res non instrumentis gerantur, sed in hac rei gesta testimonium conferatur: factam emptionem, & in vacuum possessionem inductum patrem tuum, pretiumque numeratum, quibus potes iure proditis probationibus docere debes. Dat. V. Non. Oct. AA. & Coss.

S U M M A R I A.

1. *Rei vindicatio quomodo probetur?*
2. *Dominii transferendi requisita. Et num. 21.*
3. *Vacua possessio quid?*
4. *Instrumenta utrum sint necessaria ad emptionem, aut emptionis probationem.*
5. *Instrumenta non pertinent ad substantiam rei gesta.*
6. *Res quid hic?*
7. *Res & negotia instrumentis non geruntur.*
8. *Scripturarum usus & testimoniorum finis quis?*
9. *Emptorem in vacuum possessionem induci, an ad dominium transferendum necesse sit? Questionis huius definitio luculente probatur deinceps, per tot.*
10. *In vacuum induci possessionem quid?*
11. *Possessio vacua qua?*
12. *Dominium inter vivos adquiri non potest, nisi traditione & apprehensione.*
13. *Proprietas seu dominium cum possessione nihil commune habet.*
14. *Duo in solidum possidere non possunt.*
15. *Dominium rei in aliquem transferri siue possessione vacua.*
16. *Dare quid?*
17. *Dare in dotem quid?*
18. *Pradium dotale non est, nisi cum traditum est, & dominium translationem.*
19. *Actio in rem cui & quando datur?*
20. *Afferens aliquid in iudicio, id probare debet.*
21. *An tria qua in hoc rescripto commemorantur, ad dominii translationem sufficiant.*

QUI rem suam vindicat, quia se dominium esse intendit, ut est natura actionis. *L. in rem, D. de rei vind.*
 1. Idcirco ꝑ iuxta regulam iuris se dominum esse docere debet, & quia dicit, & quia actor est. Ob hanc causam Chronia quædam, quæ fundum vindicabat a possessore,
 2. ut probaret fundum suum esse; ꝑ hæc tria intendeat, sine quibus ex emptionis causa dominium transferri non potest: nempe fundum a patre suo emptum, patrem in vacuum possessionem eius fundi iuductum, pretium item a patre numeratum, quæ omnia ad transferendum dominium necessaria sunt, si modo per vacuum possessionem ꝑ traditionem intelligimus, ut docuimus *ad L. proprietatis, supra*. Si pater Chroniz dominus fuit,
 3. consequens est, ut & ipsa sit domina, quæ patri successit. *L. heres in omne, 37. D. de adq. hered. L. cum beredes, D.*

de adq. possess. Possessor referebat ex adverso, non proferri a Chronia instrumentum emptionis. Itaque dicebat, sine instrumento aut emptionem non valuisse, aut probari non posse. Itaque non esse audiendam. Quæsitum est, utrum instrumenta ꝑ necessaria sint ad emptionem, aut emptionis probationem? De utroque hic rescriptum est, neque instrumenta ad substantiam rei gesta pertinere, neque ad probationem esse necessaria, sed quæ hic intenduntur a Chronia, aliis modis probari posse tum iure proditis. Primum igitur hoc statutum, instrumenta ꝑ non pertinere ad substantiam rei gesta, sed quod geritur, etiam sine instrumentis valere, quod compluribus locis apertius expressum est, *L. cum instrumentis, 10. infra de fide instr. L. contrahitur, D. de pign.* Id autem significatur in principio huius rescripti, ratione adiecta: *quia res instrn-*

6 *instrumentis non gerantur*. Res, † id est, negotia, quæ inter aliquot obligationis contrahendum, aut traditionis causa intercedunt, nempe quæ negotia, & contractus ex regulis iuris essent gerantur, id est, perficiuntur, aut consensu, aut re, aut verbis. Literas & scripturam ab initio nulli contractus desiderant. Id intelligitur ex distinctio contractuum, quæ traditur in §. *ubi iur. de obl. & act. & in L. 1. D. de obl. & actio*. Contra hos consensu, re, & verbis perfici dicimus, hoc dicimus perfici sine instrumentis; quia nihil istorum scripturam desiderat. Convenire enim possumus sine scriptura: res & verba item intervenire sine scriptura. *L. 2. D. de obl. & act.* Ex quo efficitur, quod hic dicitur, res † & negotia instrumentis non geri, aut perfici. Quod si verum est, consequens est, etiam instrumentis non intervenientibus, valere quod gestum est. Hoc ita est, nisi convenierit, ut negotium & contractus scripto conficeretur: convenis contractui legem dabit. Quod constitutum est in *L. contractus. 16. infra de fide instrum.* Quod ad probationem attinet; hic scriptum est, in instrumenta testimonium rei gestæ conferri: sensus est scripturæ † & testimonia fieri testimonii causa, ut per eas scripturas res facilius probetur, ut explicatur in *L. contrahitur, D. de pign.* Hoc eo spectat, ut intelligatur, si res alio modo probationem haberet, frustra ad probationem instrumenta requiri. Idque est, quod in hoc rescripto colligitur: cum in instrumenta rei gestæ testimoniam conferatur, posse actorem, quibus voler modis, dum legitimis, probare, quod intendit. Quæ & sententia est *L. proprietatis. 4. supra*. Ex his tribus, quæ hic commemorantur, & dicuntur probari debere: duo quæ sita sunt nobis animadvertenda, ne huius rescripti verbis decipiamur ad recipiendum falsam sententiam. Primum hic dicitur, Chroniam docere debere patrem suum in vacuum possessionem fundi inductum esse. Hinc quæsitum est, an ad dominium transferendum † necesse sit, emptorem in vacuum possessionem fundi induci, id est, ita rem † ei tradi, ut incipiat possidere, & solus possidere, ita ut possessionem ab aliis omnibus possessoribus vacuum teneat. Id verba rescripti prima fronte innuere videntur. Non est enim vacua † possessio, nisi quæ alios possessores non habet: imo vero nisi ea, quæ alios detentores non habet. *L. 2. §. ult. & L. 3. in princ. de action. empti*. Id quod satis verbum vacui ostendit. Communis sententia est,

Tom. VII.

non esse necesse ad dominium ex traditione acquirendum, vacuum possessionem in accipientem transferri: denique suo possessione vacua, atque adeo sine possessione dominium transferri posse. Quæ sententia mihi verissima videtur; non quod † ad dominium transferendum non sit necesse; rem accipienti tradere. Nam † sine traditione & apprehensione rei, dominium inter vivos acquiri non potest. *L. traditionibus, supra, de pact. §. per traditionem, Instit. de rerum divis.* Sed quia tradere rem corpore, & contingere eam corpore, ut accipias, ad acquirendum dominium satis est, etiam si alius eam rem vere possideat: Id certi ratione iuris effici mihi videtur. Certi enim iuris sententia est, nihil commune habere † proprietatem, seu dominium cum possessione; *L. naturaliter, §. nihil commune, D. de acquiren. poss.* Sensus est, ut alibi interpretatur idem Ulpianus, eum dominum esse posse, qui non possidet, & contra eum vere possidere posse, qui non sit dominus. *L. 1. §. 1. D. uti possidetis*. Quod si ita est, non necesse est ad acquirendum dominium præcedere, aut coniungi possessionem. Vulgo autem dilucide probatur hæc sententia *L. si fundum 16. D. de fund. dotal.* Illi proponitur mulier, fundum habuisse, qui ab alio bona fide possidebatur, ex quo intelligitur, mulierem non possedisse. Nam † duo in solidum possidere non possunt. *L. 3. §. ex contrario, D. de acquir. poss.* Proponitur nihilominus ea mulier, eum fundum dedisse in dotem marito. Respondet Triphonius, si maritus eum fundum petere cum posset, neglexerit, rem periculi sui facere. Ex eo responso aperte colligitur, mulierem sine possessione vacua fundum mariti tradendo, dominium in maritum transulisse, dum forte absente possessore maritus induxit in detentionem eius fundi. Id † autem ex eo responso certo colligitur quatuor argumentis: primum est, quod dicitur mulier eum fundum dedisse. Dare est † dominium transferre. *§. sic itaque, Instit. de actionibus*. Dominium ergo eius fundi transiit, quem tamen non possidebat. Nihil ad rem pertinet, quod interdum dicitur mulier rem in dotem dare, quam tamen non tradit: ut sit † in dotem dare, idem, quod doti dicere, sive promittere in dotem, *L. si rem assignatam 14. cum L. seq. D. de iure dot.*

Nam hæc significatio abusiva est, & nunquam accipitur, nisi cum manifestum est, scriptorem id sentire, ut manifestum

V v v 2

est

est in dicta *L. si rem estimatam*, juxta regulam *L. non aliter, D. de leg. 3.* Secundum eius rei argumentum est in dicta *L. si fundum*, quod fundus hic, qui marito in dotem datus est, dicitur dotalis constitutus. Non est prædium dotale, nisi tunc, cum traditum est, & dominium translatum, *L. dotale, §. dotale, D. de iure dotium*. Tertium argumentum ex eadem lege est, quod dicitur is fundus marito in dotem datus, non posse alienari ob id, quod dotalis constitutus sit. Factus igitur erat fundus mariti; alioqui si aliebus fundus mansisset, non posset quidem a marito alienari, sed hoc non ideo fieret, quia dotalis fundus esset; sed quia esset alienus, & non magis, quisvis alius, qui alienus non sit, a marito posset alienari. Postremum argumentum, idque certissimum, est ex eo, quod Triphonius ait; fundo hoc in dotem dato, maritum posse eum fundum petere, & nisi petierit, rem periculi sui facere. Non potest maritus eum fundum a possessore petere actione in personam, quia maritus cum possessore fundi nihil contraxit; reliquum est igitur, ut intelligamus eam petere posse solum actione in rem. Nam hæc ordinaria fuit tantum duo genera actionum, in rem, & personam, *L. actionum, D. de oblig. & action. §. 1. Institution. de action.*

19 Non est si maritus in rem actio, nisi dominium factus sit, *L. in rem, D. de rei vindicat*. Dominum igitur eum factum esse intelligi necesse est. Nam ridiculum est, quod quidam ariolantur, illic idcirco maritum posse fundum vindicare, quavis ei traditus non esset, nec fundi dominus; quia mulier actionem in rem sibi competentem marito cecidisset. Verba legis manifeste reclamant, quibus tantam proponitur fundus in dotem datus; de actione in rem cessa marito ne apex quidem. Proinde dubitari non potest, quin sententia superior evidenter probetur in dicta *L. si fundum, D. de fun. dot.* Ea, quæ contra hanc sententiam dici solent, in alium locum magis opportunum reuocemus, ubi de acquirendis rerum dominiis agitur: solum attingam, quod proprium est eius loci, ne quis ex eo error sit, aduersus superiorem veram sententiam. Opponitur igitur nobis hic locus; ubi observandum est, non dici, Chroniam posse probare, patrem suum in vacuum possessionem inductum, sed dici, eam debere id docere, quæ verba sunt necessitatis. Respondetur; Idcirco hic dicitur Chroniam debere probare, patrem suum inductum in vacuum possessionem; non quia

necesse esset, eam id intendere, sed quia ex facto intendebat, ita rem gestam esse. Et responderetur secundum interrogatum: quia intendebat ita esse; idcirco si eam, 20 quod intendit, probare debere, ut respondit, est in *L. cum te, Supr.* Eum, qui dicitur, se minorem esse, cum agebatur iudicio, id probare debere; cum tamen sciamus, non esse necesse ad integram restitutionem eum, qui restitutionem postulat, amplius intendere & probare debere, quam se minorem fuisse eum, cum contrahabatur, etiam si nunc, cum agit, sit maior. Sed respondendum est, ideo astorem probare debere de præsentie ætate, quia præsentem ætatem intendebat; sic hoc loco Chroniam dicitur probare debere hæc tria, quæ hic commemorantur, quia gesta esse intendebat; non quia ea ad translationem domini sunt necessaria: Hoc cum didimus, non divinamus, sed ex verbis scripti id liquido apparet; idcirco exigi probationem ulterius ætatem, non quod sint necessariae ad domini translationem, sed quia gesta esse dicebantur. Apparet, primum ex eo, quod dicitur Chroniam probare debere emptionem factam. Constat inter omnes, dominium transferri posse ex aliis causis, quam ex emptione. Item dicitur Chroniam probare debere, patrem suum inductum esse in possessionem. Ad translationem domini non est necesse patrem Chroniam fuisse in possessionem inductum. Nam multo citius facta esset domina Chronia, si ipsa fuisset inducta in possessionem. Ex quo apparet, non dici eam apte probare debere; quia ad acquisitionem domini necessaria sint, sed quia in iudicio ex facto ita convenisse intendebat.

Præterea questum est, si quoniam hic 21 tantum tria commemorantur, quæ faciunt ad dominium transferendum, an hæc etiam tria sola sufficiant ad transferendum? Rursum prima fronte ex verbis id statui dixeris, Nam istarum rerum trium inentio convenit solum ei, qui fundum suum intendat rei vindicatione, non autem ei qui agit tantum Publiciana actione. Nam ut possessor bonæ fidei Publiciana actione experietur, non necesse habet probare se pretium numerasse; sed hæc duo tantum, se rem ex emptione, aut alia iusta causa accepisse, & sibi traditam esse. *L. de pretio, D. de Publician.* Quod & quidam secuti sunt. Sed etiam hoc loco verissima est communis sententia, quantum necessarium esse, ut is, qui tradit, dominus fuerit, ut dixi ad *L. proprietatis, Supr.* idque ex manifestis regulis iuris.

L. tra-

L. traditio; D. de adquir. rer. dom. L. nemo plus iur. D. de regulis iuris. Non refragatur hic locus. Nam enim dixi, non quasi in hoc rescripto, quibus rebus con-

currentibus dominium transferatur; sed an hæc tria, quæ hic proponebantur, probare debeat Chronia, & quibus modis probare possit.

Ad L. Non epistolis 13.

Idem AA. & CC. Iustino.

Non epistolis necessitudo consanguinitatis, sed natalibus, vel adoptionis solemnitate coniungitur: nec adveniens absentem hereditatis dividende gratia velus contra fratrem pro ancillis petitus arbitri; substantiam perimit veritatis. Sive itaque quasi ad sororem, quam ancillam te posse probare confidis, epistolam emisisti, sive familie eriscunde quasi pro coherede petitus arbitri doceatur: fraternitatis questio per hæc tolli non potuit. Dat. Kalen. Decemb. AA. Coss.

S U M M A R I A.

1. Qui habuit aliquam pro sorore: sive errans, sive consulto, non prohibetur, quinimmo eam talem non esse contendat, eique denegat iura omnia sororis per tot.
2. Error facti nulli nocet.
3. Soror nostra qua sit?
4. Parentes quibus modis constituantur?

5. Soror, quæ soror natura non est, ut consensu fiat soror, effici non potest.
6. Assertio aut negatio nostra veritatem rei non mutat.
7. Confessione sua quomodo standum sit, & quando non.
8. Soror an aliqua sit necne, si sit controversa, cui onus probandi incumbat?

Si quis aliquam pro sorore habuerit, si literis ad eam scriptis eam sororem nuncuparit; si iudicium de hereditate dividenda cum ea tanquam cum sorore constitutum habuerit; & si qua alia sunt iudicia, quibus eam pro sorore habere intelligitur; nihil horum facit, quo minus mutata priore agnitione contendat, eam non esse sororem suam, eique non denegat omnia, quæ tribuuntur sorori, puta successionem patris, & iura ac titulos sanguinis. Hæc sententia dubitationem non habet, si quis eam pro sorore habuerit errans. Nam facti error nulli nocet, *L. error, L. regula, D. de iur. & fact. ign.* Præterea non potuit sororem suam facere, nisi consensu; si tamen consensu facere potuisset. Nunc autem errantis nulla voluntas, nullus consensus est. *L. cum testamentum, supr. de iur. & fact. ign. L. si per errorem, D. de iurisdic. L. 2. D. de indic.* Sed nihilominus idem hoc rescripto constituitur, etsi quis aliquam pro sorore habuerit consulto. Ratio hæc redditur: Quia necessitudo consanguinitatis non nisi natali-

bus, aut adoptione coniungitur. Natalibus, id est, parentibus, a quibus uterque natus sit: aut adoptione, vel nativitate, & origine, quæ a parentibus proficiscatur. Hoc ita demonstratur. Non est enim soror nostra, nisi ea, quæ eundem patrem, aut matrem eandem nobiscum habet. Parentes autem non constituuntur, nisi his duobus modis, vel natura, vel iure civili, adoptione. *L. 1. D. de adoption.* Natura constituuntur parentes, mater quidem, si ex ea nati sumus; pater autem, si nati sumus ex eius uxore legitima. *L. filium, D. de his, qui sunt sui, vel alien. iur.* At consensus noster pro quo volumus aliquam nobis pro sorore haberi, non potest efficere, ut ea, quæ ex patre meo, aut matre mea nata non est, videatur nata esse; nec potest efficere, ut videatur a patre esse adoptata, quæ adoptata non est. Quare consensu soror effici non potest, quæ natura, aut iure soror non est. Quod si ita est, consequens est, quod hic dicitur, eum, qui sororem habuit eam, quæ soror non erat, non prohiberi quandoque,

eam

eam sororem negare. Non obstat ei sua affirmatio, & superius consensus. Nam affirmatio nostra, aut negatio veritatem rerum non mutat, *L. cum falsa; supra, de iuris & falli ignorant. L. assumptione, D. ad municipal.*

Obiicitur *L. generaliter, infr. de non numer. pecun.* ubi cavetur, unumquemque cogi stare pro confessioni suae. Sed hoc constitutum est in iis rebus, quae consensu nostra perfici possunt, ut in iis, quae aliis cavemus tanquam iis debeamus. At consensus, manifesta natura rei, nihil ad consanguinitatis necessitudinem coniungendam facit, ut hic scriptum est: quid est

gō fiet, si de eo sit controversia, utrum ea quae pro sorore habita est, soror sit, an non sit: utriusque probationis in-
enbetur. Et significatur, huc scripto, fratrem, qui negat eam sororem, id probare debere, id quod expressum est in *L. quidam, in fin. D. eod.* Unde intel-
ligimus, etsi confessio, aut Epistola fra-
tris sororem eam non faciant, quae soror
non est: tamen eam confessionem & eas
Epistolas in re dubia probationem adver-
sus fratrem inducere, quia quodammodo
soror constituta sit in possessione eius iu-
ris, ut pro sorore habenda sit.

Ad L. Non nudis, 14.

Idem AA. & CC. Munitiano.

Non nudis adseverationibus, nec ementita professione, (licet utrique consentiant) sed matrimonio legitimo concepti, vel adoptione solenni filii civili iure patri constituuntur. Si itaque hunc contra quem supplicas; alienum esse [probare] confidis: per te, vel per procuratorem adfirmationem eius falsam detege. Dat. Kalen. Decemb. AA. Coss.

S U M M A R I A.

1. Filius qui natura non est, consensu, ut fiat filius, effici non potest: & qui hinc iuris effectus.
2. Professio parentum quid?
3. Liberos natos quis primum propterea instituerit?

4. Professionum effectus quis? Et n. 8.
5. Status persona quomodo probetur?
6. Status etatis quomodo probetur?
7. Professionis duplex acceptio?
8. Professiones an possint impugnari contrariis testimoniis?

UT affirmatio nostra sororem eam non facit, quae soror non est: sic nea nostra adseveratio nuda, nec falsa professio filium nostrum non facit, qui filius non est aut natura a nobis genitus, aut adoptione in numerum filiorum adscitus. Eadem ratione, quam in *L. prox. superiore* reddidimus. Effectus idem, qui supra: ut, qui aliquem filium suum adseveravit, vel professus est, qui filius non erat, non prohibetur quandoque negare eum filium esse: sic tamen, ut si neget esse filium: in re dubia professio eius adversus eum faciat, ac proinde adversus professionem probare debeat, eum filium non esse. Quo rescripto ostenditur ius professionum parentum, de quibus cum sit crebra mentio in libris nostris: hic locus est de iis pauca dicendi, quod necesse sit ad

eam cognitionem. Professio namque cum de parentibus dicitur, est affirmatio parentum, quae publice apud acta proficitur, illo die illos liberos sibi natos esse, & nomen liberorum edunt. *Proficentur*, id est, palam significant & testantur: ut professio nihil sit aliud, quam parentis publica affirmatio apud acta edita. Non temere est, quod de hac professione quaerimus. Nam necessitatem impositam esse omnibus Romanis, liberos suos apud acta proficendi ad certum usum sciendum est: de qua necessitate, quando, a quo, & cui bono instituta sit, docet eleganter & breviter sultus Capitolinus in vita M. Antonini Philosophi, qui locus cum hanc cognitionem dilucide comprehendat, diligenter nobis tenendus est: eius verba haec sunt de M. Antonino: *inter haec libera-*

berales causas ita munit, ut primus inberet, apud praefectum aerarii unumquemque civium liberos natos et profiteri, intra 30. diem nomine imposto. Per provincias tabulariorum usum constituit, apud quos de originibus idem fieret, quod Roma apud praefectum aerarii: ut si quando de statu quaestio esset, inde probationes peterentur, quis, a quo editus esset. Hoc ius etiam nusquam aperte in libris nostris tradatur: tamen aperte confirmatur iis locis, ubi ius et potestas professionum constituitur, ut in *L. cum de aetate, D. eodem L. 1. supr. si min. se mai. dix.*

4 De effectu ergo harum et professionum quaestum est. Is est, quem Iulius Capitolinus in superiore loco indicat, ut probationes inde peterentur, si quando de statu liberorum quaestio esset. Hic status duplex est, unus personae, alter

5 aetatis. Personae, et ut si quaeratur, an aliquis sit liber, an ingenuus, an filius *L. Titii*, quae omnia probantur professione parentum. Nam hoc ipso, quod quis dicitur natus matre libera, in professione, probatur esse non solum liber, sed etiam ingenuus, et praeterea eius filius,

6 nec non filius mariti eius. Status et aetatis itidem inde probatur. Nam in professione edebatur nativitatis tempus. Ad eam aetatem conducere professiones declaratur in *d. L. cum de aetate, D. de probat. d. L. 1. supr. si min. se ma. dix.* Et notandum est, professionem hic dupliciter et accipi; proprie significat ipsam affirmationem publicam parentum, ut hic, & in *L. potest, D. eodem, d. L. 1. supra si min.* Sc. Interdum perperam significat professionis tabulas, contentum pro continente: ut, cum dicuntur plures professiones proferri, significatur plures tabulas professionum proferri, in *d. L. cum de aetate*, sed de vi harum professionum hoc

praecipitur hoc loco, ita has pro statu et et aetate liberorum fidem facere: ut contra eas dici possit eas falsas esse, nec esse filium, quem quis filium professus est. Huius rei eadem sunt rationes, quae in superiore capite redditae sunt. Hoc loco tamen opponetur *L. census, D. eod.* Ubi scriptum est, *census et monumenta publica potiora testibus haberi*, id est, ita firma et rata esse, ut testibus infirmari non possint. At professiones, quoniam actis publicis insinuantur, sunt monumenta publica. Nam acta sunt publica monumenta, *L. in donationibus, infra, de donat.* Proinde haec professiones, testimonis contrariis infirmari non possunt. Respondetur. Professiones, id est, tabulae professionum sunt monumenta publica, sed quatenus publice aliquid testantur: non quatenus privata affirmatio illis continetur. Quatenus igitur praefectus aerarii, vel tabularii in provinciis in actis testabantur, *L. Titium eo die liberos illos suos professum esse*: eatenus publica affirmatio est. Proficiscitur enim a publica persona, et ab ipsis actis de eo, quod viderunt, affirmantibus. Haec affirmatio testibus infringi non potest. At affirmatio parentum, qua illi asseverant, sibi natos esse liberos, tota privata est, posita in testimonio privato parentum. Proinde nihil prohibet, quo minus contrariis probationibus privatis infirmari possit. Sed priusquam infirmetur, semper professio in re dubia fidem facit pro liberis, et contra liberos, sive de statu eorum quaeratur, sive de aetate. Hinc fit, quod hic significatur: si pater neget filium esse suum, quem filium professus est, ipsum probare debere; sic tamen, ut veritati semper locus supersit, id est, fiat ei potestas contra professionem suam dicendi. *L. Imperator, §. ultim. D. eodem.*



Ad L. Vis eius. 15.

Idem AA. & CC. Ifidoro.

Vis eius qui se dominum contendit, ad imponendum onus probationis servo minime prodest. Cum igitur ausugisse se de domo Severi profitearis: verum nec ab illo iusto initio, sed per violentiam adseveras te esse desentum: inquisito prius, an in possessione libertatis sine dolo malo constitutus sis, tunc etiam onus probationis quis debeat subire, per huiusmodi eventum declarabitur. Dat. VI Kal. Ianuar. AA. Coss.

S U M M A R I A.

1. *Actiones praeiudiciales quae dantur.*
2. *In actionibus praeiudicialibus quid queri solet.*
3. *In actionibus praeiudicialibus, cui incumbat onus probandi.*
4. *In his ubi controversia est uter sit actor aut reus: quid facto opus sit, ut constituatur, uter actoris partes sustinere debeat.*
5. *Actor petitoris onus sustinere debet.*
6. *Possessionis commodum quod?*
7. *Servus quando probare teneatur in actionibus praeiudicialibus.*
8. *Item dominus quando probare teneatur?*
9. *Et uterque onere probandi caret, si sit in possessione sine dolo malo, & quomodo.*
10. *Possessor quando onus petitoris sustineat & n. 12.*
11. *Possessio violenta & iusta quae sit?*
12. *In actionibus praeiudicialibus, concurrente utriusque partis iniusta possessione, quid fiat?*
14. *Fuga sequens culpa vacat, ideoque fugienti servo nocere non debet.*

SI quis aliquem in servitutem petat, quod dicat, cum servum suum esse, & is neget: aut contra si quis ex servitute in libertatem proclamet adversus eum, qui se dominum dicit: de iis rebus actiones proditae sunt, tam ei, qui se dominum dicit, quam ei, qui se dicit liberum; quae dicuntur praeiudiciales, in quibus quaeritur, si an is, qui servus dicitur, servus sit, an liber. §. *praeiudiciales, Instituit. de action. In huiusmodi controversiis si quaeratur, uter si probare debeat, an is, qui se dominum dicit, eum, cum quo agitur, servum suum esse; an vero is, qui servus dicitur, se liberum esse: difficilior haec res explicari potest. Ac primum expediri res non potest ex definitione generali, quae traditur: ei incumbere probationem, qui dicit, non ei, qui neget. Nam in his controversiis duo sunt, quorum uterque dicit, uterque negat. Unus se dominum dicit, alter negat. Item alter se liberum contendit, adversarius negat. Quod si descenditur ad regulas inferiores, & magis speciales, hic quoque laboratur. Inferior & specialis regula est: actori incum-*

bere probationem non reo, nisi in exceptione. Nam in his controversiis etiam dubitatur uter si actor, vel reus. Quid igitur si hic facto opus est, ad constituendum, uter partes actoris sustinere debeat, uter commodum possessoris frui; Et placuit in iis actionibus idem servari, quod servatur in iudiciis petitoris de rebus corporalibus, cum quis ab alio rem suam vindicat.

Nam in his si controversia sit, uter sit actor; quoniam uterque possesorem se esse contendit, res sic transigitur: non potest statim cognosci, uter sit actor; sed potest statui, uter sit possessor. Id autem deciditur interdicto *uti possidetis*, & interdicto *utrubi*: quibus interdictis ita cavetur: ut is pro possessore habeatur, qui nec vi, nec clam, nec precario, ab adversario possidet, cum quo agitur, id est, qui possidet, dummodo non iniuste adversus adversarium, §. *retinenda, Institution. de interdict.* Possessore constituto statim invenitur actor. Nam adversarium actorem esse necesse est: cum necesse sit unum esse actorem, alterum possesorem. Hoc

Hoc constituto, actor iubetur probare, & ita partes & † onus petitoris sustinere. Possessori commodum posefforis tribuitur, ut † actore non probante in suo loco maneat poseffor, ut ibidem scriptum est in *d. §. retinenda*. Hoc exemplum placuit etiam in actionibus hinc præiudicialibus sequendum esse, ut spectetur, uter sit in poseffione eius iuris, quod † sibi vindicat. Si is, qui se dominum dicit, est in poseffione servitutis, id est, ita servum habuit, ut eo pro servo uteretur: is fruatur commodò posefforis; & adversarius probare debeat, se liberum esse. Contra † si is, qui de libertate sua litigat, sit in poseffione libertatis, quia pro libero se gesserit: poseffor sit, & adversarius probare debeat, cum servum suum esse, *L. liberis, §. ult. L. quod autem, D. de liber. causa*. Sed utrumque hac conditione; † si modo sit uterque in poseffione iuris, quod vindicat, sine dolo malo, id est, dominus sine vi, quam servo intulerit: servus sine fuga, qua a domino fugerit, ut iisdem locis scriptum est. Ergo si quis alique vi abduxerit, & sibi servire coegerit, quanvis servus poseffus ex servitutis poseffione in libertatem proclametur: tamen † poseffor commodò posefforis non fruatur, sed onus petitoris sustinebit, id est, necesse habebit eum, cum quo agitur, suum servum esse probare. Nec ei proderit sua poseffio † violenta & iniusta, quæ pro poseffione haberi non debet, ut illi profit, noceat adversario, ut hic dicitur in *princip. rescripti, & in L. si quis liberum, 20. D. eodem*. Vice versa, † si is, qui se liberum dicit, cum possideretur ab aliquo, a poseffore aufugerit, & ita dolo malo se pro libero gerat, sitque in poseffione libertatis: non proderit ei hæc poseffio, ut commodò posefforis fruatur, sed docere debebit, se liberum esse, quanvis ab adversario in servitutem petatur. *L. eam que, infr. de liber. causa*. Obstat *L. ult. supra, de rei vindic.* ubi scriptum est, posefforem, a quo res vindicatur, quanvis nullam iustam causam possidendi habeat: tamen rem a se petitam restituere non debere, nisi actori intentionem suam implenti. Quo significatur, posefforem omnem, quanvis iniuste possideat, tamen commodò posefforis frui. Respondetur. Hoc recte dicitur de eo poseffore, quem convenit posefforem esse, etiam confessione adversarii: quod fit in *d. L. ult.* ubi actor ultro agebat adversus eum, quem agnoscebat possidere.

Nos autem de iis litigatoribus agimus, quorum uterque se magis possidere contendit, & commodò posefforis fruatur: in qua controversia recte dicimus, eum pro poseffore non habendum, qui iniuste adversus adversarium possidet, quod eticitur interdictione unde possidetis, *§. retinenda, Institutio. de interd.* Ex his nata est questio huius rescripti: quid fiat, si in hoc præiudicio, seu in hac actione præiudiciali, in qua unus se dominum dicit, alter se liberum contendit, concurrat † utriusque partis iniusta poseffio: puta a domino vis; ab eo, qui se liberum dicit, fuga? Propone hoc modo: ego eum, qui in poseffione libertatis erat, servum meum esse dicebam: & cum iuberem, ut me sequeretur, nec pareretur, vi eum abduxi, & coegi, ut mihi serviret: is deinde a me fugit, & pro libero se gerit. Ex poseffione libertatis ego eum in servitute peto, & servum meum esse aio. Cum oriretur controversia, utri nostrum incumbere probatio eius, quod dicit? Videtur secundum ea, quæ supra dicta sunt, res expediri non posse. Neuter enim videtur commodò possessionis frui debere; non ego, quia iniuste illum possedi: non ille, quia rursus fuga sua, id est, ut videtur, dolo malo, est in poseffione libertatis, quam possessionem illi prodesse non debere supra diximus. Si neuter pro poseffore habendus est, res natura expediri non potest. Ut enim instituitur & ordinetur iudicium, natura necesse est, ut unus sit poseffor, alter, qui a possidente petat, *d. §. retinenda, Instit. de interd.* Queritur ergo, quid inde fieri oporteat, ut partes petitoris debeat sustinere? Respondetur, in hac controversia initium spectari debere, quod fuit, antequam ego adversarium vi abducerem. Id significatur aperte illis verhis: *Verum nec ab illo iniuste initio, sed per violentiam se detentum esse asseveres*. Et ideo verba hæc, quæ sequuntur, *inquisito prius, an in poseffione, &c.* sic contextenda sunt, *inquisito, an prius in poseffione constitutus fueris*. Ut intelligamus, id spectandum, quod prius, id est, ante vim a me illatam fuerit. Nam si adversarius fuerit in poseffione libertatis sine dolo malo tunc, cum ego eum vi abduxi; ille commodò possessionis fruatur, initio inspecto.

Ex quo eventu intelligitur, me onus petitoris sustinere debere. Nam si ille poseffor est, necesse est, adversarium peti-
torem intelligi, *d. §. retinenda*. Ideo autem initium hoc spectamus; quia vi mea, quæ post secuta est, mihi prodesse non debet,

debet, ut in principio rescripti dicitur. Et manifestam æquitatem habet, quæ indicatur in *d. l. si quis liber, D. eodem*.
 14 Adversario suo fuga ꝑ sequens ideo nocere non debet, quia non est iniusta. Iniuste enim detinebatur per vim. Iuste igitur ea se vi & possessione liberavit, ex vi contrariorum: & honesta est quævis ratio expediendæ salutis & libertatis. Et certe si ei, qui iurisdictionem habet, ius dicenti iniuste, puta extra territorium, aut supra iurisdictionem suam non paretur, idque impune. *L. ut. D. de iurisd.* Multo æquius est, impunitum esse debere, si

quis latroni, aut ei qui nullam iurisdictionem habeat, non pareat. Ex quo intelligimus, non obitare, quod traditum est: cum debitor & creditor moram fecerunt, posteriorem moram auctori suo nocere. *L. illud, 17. D. de pericul. & commodo rei vendit.* Hoc enim ideo statuitur; quia posterior mora dolum & culpam habet, nempe eius, qui sine causa recusat solvere, quod debet, aut accipere, quod ei debetur: semper posterior culpa auctori suo nocere debet. At in specie proposita posterior fuga culpa & dolo vacat, eum servus fugerit ab eo, qui vi eum tenebat.

Ad L. Sive possidetis 16.

Idem AA. & CC. Philippo & Sebastiano.

Sive possidetis prædia que a patre communi sibi fratres emancipati donata comendentes vindicant, ipsis incumbit facti probationis necessitas: Sive ipsis ea prædia quasi a patre vestro sibi donata tenentibus, vos coheredes constituti patris petitis: ut intentionem vestram non constituisse detegant, unde domini facti sunt, emergente quæstione docere compelluntur. Dat. X. Kal. Feb. AA. Coss.

S U M M A R I A.

1. *Species & summa rescripti.*
2. *Prædia donata emancipatis si sui tanquam hereditaria possideant: num hi hereditaria, an vero emancipati donata sibi fuisse probare debeant.*
3. *Quid si ea possideant emancipati; & sui aut coheredes petant tanquam hereditaria.*
4. *Quam vere & hoc posteriore casu*

emancipatis donationis a patre factæ sibi incumbat probatio.

5. *Contraria diluuntur & seqq.*
6. *Titulum suæ possessionis nemo edere cogitur?*
7. *Dominii sui causam quisquis dicere cogitur.*
8. *Dominium rei quomodo probetur semper apud aliquem mansisse.*

1 **P**ater ꝑ decesserat liberis relictis, quibusdam in potestate constitutis, aliis emancipatis. Qui in potestate morientis erant, patri heredes exstiterunt, etiam ipso iure. *S. sui, Inst. de hereditat. que ab intest. defer.* Iure hereditario in ius omne defuncti successerunt: proinde in dominium rerum hereditariarum, vel in solidum, si soli heredes essent; vel pro parte, si essent heredes eum emancipatis. Quod eo dico; quia in illis verbis rescripti, *vos coheredes constituti patris*, variat lectio. Alias enim legitur, *vos coheredes*; alias, *vos heredes constituti patris*. Sed utrum ex his factum sit, ad

quæstionem propositam, quæ sequitur, nihil refert. Cum in bonis hereditariis dicebantur esse quædam prædia, quæ olim a patre possessa fuerant: emancipati dicebant, ea prædia non esse hereditaria, sed sua: fuisse enim aliquando patris, sed sibi a patre vivo donata. Quod cum fratres sui heredes factum negarent, orta est quæstio inter eos ꝑ utra pars probare debeat? An fratres sui heredes probare debeant ea prædia perpetuo in bonis patris mansisse, & ita iure hereditario ad se pervenisse? an vero debeant emancipati probare, hæc prædia sibi a patre donata esse, atque ita sua propria facta esse? Respondent Imperato-

ratores emancipatos in hac controversia omnimodo probare debere, prædia sibi donata esse ab aliquo, sive ipsi agant cum fratribus suis heredibus, qui ea prædia possident, sive ipsi possideant ea prædia, & a fratribus conveniantur. Quod ait rescriptum, emancipatis incumbere onus probandi, si agant, & ea prædia a fratribus possessoribus vindicent: convenit cum omnibus regulis iuris, quæ sunt de onere probandi: Nam emancipati hoc casu actores sunt; fratres possessores: actori necessitas probandi incumbit. *L. actor. L. si de possessione, 20. infr. cod. & L. verius, 21. D. cod. Possessor commodum possessoris fruitur, ut quavis nihil præstet; tamen actore nihil probante, res apud eum manere debeat. L. ult. supra, de rei vindicat. §. retinende, vers. commodi. Institutione, de interd. L. qui accusare, 23. supra, de edend. Præterea hi ipsi emancipati dieunt; ei, qui dicit, incumbit probatio, non ei, qui negat. *L. 2. D. cod.**

Sed alterum quod dubitationem habet, quod rescriptum dicit: etiam tunc emancipator probare debere prædia sibi donata, cum prædia possident, & a fratribus actoribus conveniuntur. Hic enim statim videtur adversus supra scriptas regulas iuris. Ut enim dicimus, actori incumbere probationem, hæc negatur incumbere reo & possessori. *L. frustra, 8. supra. L. si de possessione, 20. L. actor, 23. infra, cod.* Dicendum est, omnia hic responderi superioribus regulis iuris consentanea, dummodo ius de dominio intelligatur. Nam fratris sui heredes agunt & intendunt ea prædia sua esse. Hoc citra controversiam probare debent. Sed la propositio bene probant, hoc ipso, quod confessione emancipatorum probant, ea aliquando patris fuisse. Nam si patris aliquando fuerint, consequens est patris quoque perpetuo fuisse: non præsumptione aliqua, ut vulgo male hic docent, sed necessitate iuris manifesta. Quia quod nostrum est, perpetuo nostrum manet, nisi facto nostro alienaverimus, aut amiserimus. *L. id, quod nostrum, D. de regul. iur.* Si patris prædia ad extremum manserunt, efficitur iure hereditario, ea ad fratres suos heredes pertinere, pro qua parte heredes sunt; idque rursum non aliqua præsumptione, sed eadem necessitate iuris; quia certum ius est, heredes in ius omne defuncti succedere. *L. heres in omne, D. de acquir. hered.* Hac probatione constat & fundata est intentio fratrum suorum heredum: qua constituta necesse est viuci

Tom. VII.

fratres emancipatos, nisi dicatur, ea prædia fuisse a patre postea alienata. At hoc si quis dicit; emancipati dicunt, non fratres actores, & dicunt ad condemnationem evitandam: proinde quod secundum regulas supra scriptas iuris, duobus de causis id probare debent. Primo, quia dicunt: ei autem, qui dicit, incumbit probatio. Secundo, quia in eo exceptione utuntur. Dicunt enim prædia patris manifeste necesse esse, extra quam si a patre fuerunt alienata. Cum ergo alienata esse dicunt, & ideo patris non manifeste, exceptione manifesta utuntur. Certum est possessorem & reum omnem in exceptione actorem esse, & actoris partibus fungi debere. *L. in exceptionibus, 19. D. cod.* Neque hæc causa dissimilis est ei, cum creditor sibi pecuniam deberi intendit, quia eam mutuum dedit adversario. Nam ubi semel deberi coepit, necesse est eam perpetuo deberi, nisi reus postea sit liberatus. Ob hanc causam si reus dicat se liberatum esse vel solutione, vel pacto, vel alio modo: placet eum probare debere. *L. 1. supra, ubi diximus.* Proinde non est hic locus notandus de præsumptione. Et ob hanc causam tractare hic de præsumptione plura, ad locum minime pertinet. Cum emancipati probare debeant prædia sua esse; recte in extremo rescripti dicitur, compelli eos docere; unde, seu qua ex causa dominium ad eos pervenerit.

Hic quod obicitur *L. cogi 11. supr. de petit. hered.* ubi traditur, neminem possessorem cogi dicere titulum possessionis suæ. Respondetur: Hoc ita est, cum possessor nihil, nisi se possessorem dicit: At in proposito emancipati non tantum dicebant se possessores, sed dicebant amplius, se esse dominos. Nemo quod possessionis suæ titulum dicere debet; quia unusquisque etiam sine causa possidere potest. *L. 3. §. ex contrario, D. de acquir. poss.* Dominii autem quod sui unusquisque causam dicere debet, quoniam dominium sine causa ad nos nunquam pertinet. *L. nunquam, 31. D. de acquir. rer. dom.* Summa est in primis notanda: ut dominium apud aliquem semper fuisse probetur, satis est quod probare, semel eum dominum fuisse. Necesse est enim semper dominus maneat, nisi dominium ab eo certis & constitutis modis recesserit. Natura quidem patitur, ut his modis dominium ab eo recedat, & tam fieri potest, ut recedat, quam, ut non recedat: ideoque in neutram partem ulla præsumptio esse dici potest, cum tam frequenter unum acci-

X x x

dat,

dat, quam alterum: sed ideo qui semel fuit, perpetuo dominus mansisse intelligitur: quia dominium ab eo recessisse solus adversarius dicit, quod cum dicat, iuxta regulas iuris, probare debet: & propterea ideo probate, quia rem alienatam dicendo, exceptione utitur. Huius probatio semper exceptione utili competit. Quod de dominio dicimus, pertinet ad res omnes, quæ aliquis sunt, & non nisi certis modis amittuntur, qualis est possessio, & ideo, ut quis probet aliquem, quamdiu vixit, possedisse secundum Tusculanum,

satis est docere eam aliquando possedisse. Necesse est enim semper possederit, nisi amiserit possessionem. Porro si quis eam amisisse dicit, hoc adversarius dicit: proinde ex iisdem regulis probare eum oportet. Nec interest in hac re, utrum de dominio & possessione nostra probanda agatur, an vero de alieno domino alienante possessionem. Nam in specie huius rescripti de dominio defuncti agebatur, quærebaturque, an defunctus prædia controverſa perpetuo in bonis habuisset?

Ad L. Matrem 17,

Idem AA. & CC. Paulinz.

Matrem suam consecutam libertatem, ac 10 post editam, ut ingenua probari possit ostendi convenit. Quod enim fratribus tuis nulla moveatur questio, ad defensionem tuam nihil prodesse potest. Dat. V. Id. Feb. AA. Coss.

S U M M A R I A.

1. Patrono contra libertum suum agenti datur actio præiudicialis, & vice versa, libertis adversus patronum.
2. Liberturæ an patronus in actione præiudiciali probare teneatur?
3. Libertus quando probet?
4. Patronus quando probet.
5. Libertus, qui est in possessione liber-

tinitatis, quomodo se probet ingenuum.

6. Ingenuitatis probationes iuniles duæ?
7. Matre manumissa filia nibilominus ancilla esse potest.
8. Ancilla quæ?
9. Fratres liberi esse possunt, sorora ancilla.
10. Ingenuus quibus modis quis fiat.

SI quis se dicat patronum esse alterius, qui se libertum negat, sed dicit esse ingenuum: datur patrono ¶ de ea re agere volenti actio præiudicialis adversus eum, qui libertus dicitur: in qua actione quæritur, is qui libertus dicitur, sitne libertus, an ingenuus? Et vice versa datur ei, qui libertus dicitur, eadem actio adversus patronum agere volenti, in qua eadem questio versatur. §. *præiudicialis, Infit, de action.*

- In hac actione si quæretur, utri ex his
2. ¶ incumbat onus probandi; servatur idem, quod servari diximus in actione præiudiciali, in qua quis petitur ut servus in *L. vis, 15. supra eodem*, nempe spectamus, uter ex litigatoribus sit in possessione eius iuris, quod sibi vindicat. Si libertus est in possessione libertinitatis, ¶ patronus possessor est: libertus probare debet, se ingenuum: si libertus est in possessione ingenuitatis, is qui ¶ se patronum dicit,

actor est, & probare debet se patronum; eum autem, cum quo agitur, libertum suum esse. *L. circa, 14. D. eodem*. Hinc questio, quomodo ¶ probet se ingenuum; libertus, qui est in possessione libertinitatis? quæ questio est *L. neque natales, 10.* & huius loci. De quo aliis exemplis responderetur idem, quod in *L. neque natales, 10.* Est autem hæc sententia. Si qua probare vult, se ingenuam esse, ita recte probabit, si docebit, natam se esse matre ante libera. Quæ definitio est ingenui. *Institus, de ingen.* Cæterum ad hoc ¶ probandum, infirmam vel potius 6 nullum argumentum est, si dicat Matrem suam fuisse aliquando ancillam, sed postea manumissam esse: multo minus argumentum valet, si dicat, fratribus suis nullam unquam questionem servitutis motam esse. Ratio sumenda est ex *d. L. neque natales*, quod his, quæ mulier ita dicit, positis, non est necesse poni eius ingenuita-

nitatem. Nam quod ad matrem attinet,
 7 † nihil prohibet quo minus mater fuerit
 manumissa, & nihilominus filia sit ancil-
 la; quia potuit nasci, antequam mater ma-
 8 numitteretur. Nata † ex ancilla & ipsa an-
 cilla est: *L. partum, 7. sup. de rei vin-*
dit. L. avi, 28. infra, de liber. causa.
 9 Quod ad fratres attinet, † nihil prohibet,
 fratres pro liberis esse habitos, & tamen
 re esse servos. Nihil prohibet etiam fra-
 tres esse liberos, & nihilominus filiam eo-
 rum sororem esse ancillam; quia filii nati
 sint ex manumissa, filia autem nata, an-
 tequam mater manumitteretur. Ergo, ut
 dixi, eiusdem sententiae alia exempla sunt,
 quibus confirmatur, quod dictum est de vi
 argumenti in *d. L. neque natales, 20.*
 Quod rescriptum in principio ait, ut Pau-
 lina probet se ingenuam, convenire eam
 probare, matrem manumissam, & se pos-
 sita editam esse: falsum videri potest.
 Nam his verbis significatur necessitas huius
 probationis. Falsum est autem, ut Pauli-
 na probet se ingenuam, necesse habere
 superscripta probatione uti. Nam multis

aliis modis quis † ingenuus efficitur, quam 10
 si ex manumissa nascatur, puta, si pron-
 unciatus sit ingenuus: sententia ingenuum
 facit. *L. ingenuum, D. de statu hom.*
 Item si quia a principe natalibus restitu-
 tus sit. *L. 3. de natali rest.* Item & mul-
 to magis, si quis dicat matrem perpetuo
 liberam fuisse. Dicendum est: si genera-
 liter hic res definiretur, orationem aperte
 falsam esse. Sed respondent Imperatores
 ex hypothesi & sub eonditione: sub qua
 eonditione vere dicitur, oportere mulie-
 rem de matre & de se ea probare, quas
 hic dicuntur. Nam Paulina, quae se in-
 genuam dicebat, probare volebat, se in-
 genuam ex statu matris, & ita propone-
 bat, matrem quidem suam aliquando au-
 cillam fuisse, postea autem esse manumis-
 sam, & hoc solum afferebat ad probatio-
 nem ingenuitatis suae. Respondent Impe-
 ratores eam nihil agere, nisi probet ma-
 trem manumissam & se post editam, quasi
 dicant: necesse habes haec omnia proba-
 re, si ex statu matris tuae manumissae pro-
 bari vis te esse ingenuam, ut vis.

Ad L. Cum precibus. 18.

Idem AA. & CC. Violantillæ.

*Cum precibus tuis significes, ignorante te prædium cum, cuius memini-
 sti, sibi velut a te donatum instrumentis inseri fecisse: si vera sunt quæ
 [precibus] indidisti: nec ad nomen factæ donationis fundus iste pervenit. Un-
 de adito iudice competenti, probare te oportet contra voluntatem tuam hunc
 fundum instrumento adversarium tuum sibi adscribi laborasse: ut secundum
 tenorem rescripti nostri possis consequi sententiam. Dat. Xlii. Id. April. By-
 zantii CC. Coss.*

S U M M A R I A.

1. Facti species.
2. Fundus, qui in instrumento scribitur donatus esse, an pro donato habendus sit.
3. Instrumento donationis an fides habenda sit, & quatenus.
4. Donans si probare velit, contra in-

- strumenti scripturam se non da-
 nasse, an audiendus sit, necne?
5. Veritas plus valet, quam scriptura.
6. Donanti, si donationi se non consen-
 sisse probare velit, quæ actio com-
 petat?
7. Inter confessioni & inventario stare
 cogitur.

1 Quidam curavit † instrumentum con-
 fici, vel a Notario, vel ab aliquo pri-
 vato, in quo scriptum erat, mulie-
 rem quandam fundi dominam eum fun-
 dum Titio donasse. Is erat Titius, qui

instrumentum conficiendum curaverat. De-
 iude venit ad mulierem, & instrumentum
 exhibuit, in quo dicebat, scriptum esse,
 se misse eum fundum a muliere domia,
 vel precario accepisse, atque ita mulieri
 meu-

mentitis est. Mulier fidem Titulo habens, & volens, vel emptionem vel precarium fundi comprobare, instrumentum subscripsit, & instrumentum obsignavit, idque presentibus testibus, ut est species *L. ult. infr. plus val. quod ag.* Hic hæc quæstiones sunt: primo, an si fundus hic pro donato habendus sit, cum in instrumento scriptum sit, donatum esse? Respondetur: fundum hanc nec ad nomen donationis pervenisse, id est, ne nomine quidem donatum dicendum esse: quod eo dicitur, ut bene glossa annotavit, ut intelligamus, cui fundo nomen donationis non convenit, hanc fructu & effectu donationis carere, ut est in *L. a nulla, supr. de feriis*. Non esse autem hunc fundum donatum, ex natura & definitione donationis intelligitur. Nam donare est aliquid dare ea mente, ut fiat accipientis. *L. 1. D. de donat.* Hic autem in domina nulla voluntas est transferendi. Nulla igitur donatio est. Item non est donatio, nisi dominium transferatur, *d. L. 1. de don.* In omnibus autem rebus, in quibus dominium transferitur, nisi consensus interveniat utriusque partis contrahentium, nihil agitur. *L. in omnibus rebus, D. de oblig. & act.* Nihil igitur hic actum est ad donationem, cum dominæ consensus non intervenerit. Inde dictum, neque ignorantem, neque invitum quidquam donare. *L. nec ignorans, 10. infra de don.* Deinde quæsitum est, an si contra instrumentum proferatur, an instrumento fides habenda sit? Ex placet, si de eo controversia est, instrumento standum esse, nisi domina probet se non donasse. Ex quo recte collectum est, tam diu instrumento standum esse, quoad contrarium non probetur. Vis est hæc instrumenti, de quo in *L. in exercendis, infr. de fide instrument.* Ubi dicitur. Deinde quæsitum est: Si domina si contra probare velit se donationi non consensisse, an audienda sit? Ex placet audiendam esse: ut quemadmodum testes contrariis testibus refelli possunt; sic instrumenta contrariis probationibus. Nec obstat auctoritas instrumenti. Hic enim illud usurpari oportet: semper veritatem si plus valere quam scripturam, *toto sit. infr. plus valere*

quod agitur, de reb. al. non alien. d. L. nec ignorans, 10. infr. de donas.

Notandum est, quod rescriptum ait, mulierem, quæ negat se donationi consensisse, adire debere competentem iudicem, ut cum probaverit, se donationi non consensisse, sententiam, quam vult, referat. Quæritur, si qua actione hac de re apud competentem iudicem experitur? cum sine actione nulli sit ius apud iudicem experiendi? *L. naturalis, 9. §. ult. D. de præser. verb.* Respond. Si mulier subscripserit, vel obsignaverit instrumentum, potest condicere eam scripturam conditione sine causa, *argum. in L. 2. supr. de condit. ex lege*. Quod si instrumentum a muliere neque scriptum, neque obsignatum est, sed alias falsum esse dicitur: siquidem ipsa fundum, de quo agitur, possidet, nullam actionem habet, qua id instrumentum rescindatur: sed potest expectare, dum adversarius fretus eo instrumento fundum eum ab illa vindicet. Quod si adversarius fundum possidebit, tum mulier competentem iudicem adire poterit, ac sic rei vindicatione eum fundum a possessore vindicabit. Nam iudicii ordo hic erit: ut cum probaverit se aliquando fuisse dominam, possessor condemnari debeat, nisi ostendat, eum fundum sibi a domina donatum esse. *L. sive possidetis, 16. supra cod.* Si possessor dicet sibi donatum, & donationem instrumento superiore probare volet, hic parata est mulieri defensio, ut dicat falsum esse, quod in eo instrumento de donatione scriptum est: quo probato fundum suum sententia iudicis consequetur, instrumento irritato declarato. Solum quod diximus, adversus instrumentum probationem admitti, unam exceptionem habet, in publico inventario, in quod designante res pupilli tutore quædam relata sunt, quæ vere pupilli non erant.

Nam hic placuit, tutorem confessioni si & inventario stare oportere. *L. ultim. infra, arbit. tut.* Quod singulari iure receptum est, ex persona tutoris, quem non est verisimile falli in rebus pupilli, & ex conditione scripturæ. Nam de publico inventario agitur, cuius fidem convelli facile non oportet, cum sit publicum.

Ad L. Exceptionem 19.

Iidem AA. & CC. Menandro,

Exceptionem dilatoriam opponi quidem initio, probari vero, postquam actor monstraverit quod adseverat, oportet. Dat. XIII. Kal. April. Nicomediae CC. Coss.

S U M M A R I A.

1. Exceptio dilatoria quid?
2. Exceptionum dilatarum genera.
3. Exceptiones iudicii declinandi causa quæ?
4. Exceptiones iudicii declinatorie unde sumantur.
5. Exceptiones declinatorie ex persona actoris.
6. Exceptio procuratoria quæ.
7. Exceptiones iudicii declinatorie quæ?
8. Fori præscriptio quæ?
9. Exceptiones declinatorie ex tempore agendi.
10. Exceptiones declinatorie ex genere actionis institutæ.
11. Exceptiones solutionis differenda causa, quæ.
12. Exceptio dilatoria quando opponenda?
13. Verbum, oportere, quam necessitatem significet?
14. Exceptio procuratoria, & exceptio palli, quando opponenda?
15. Exceptionem dilatoriam initio posttam, an probari oporteat?
16. Actor monstrare debet, quod adseverat, priusquam reus exceptionem dilatoriam, quæ ipsi negatur, probet.
17. Hæc tamen definitio non obtinet in exceptionibus iudicis declinatoriis, sed in sola exceptione solutionis dilatoria & n. 18.
19. Contrarius occurritur.
20. Summa re scripti.
21. Vulgaris sententia de peremptoriis exceptionibus quæ sit.
22. Exceptiones peremptorias contestari initio oportere in strictis iudiciis.
23. Contraria diluntur; & L. peremptorias Cod. sent. resc. non poss. exponitur.
24. Exceptiones dilatorie & peremptorie quid differant.

1 **E**XCEPTIO † dilatoria est defensio, quæ reo temporis dilationem tribuit, seu petitionem actoris in aliquod tempus differt. §. appellantur, Instit. de except.

2 Exceptionum † dilatarum sunt duo genera. Quædam sunt iudicii detrectandi causa comparatæ, quæ vulgo ob id non male dicuntur iudicii declinatorie; quædam solutionis differendæ causa. Iudicii

3 declinandi † causa comparatæ sunt, quibus reus de eo, quod petitur ab actore, nihil respondet, sed dicit, secum agi contra formam iuris, & ideo, ut iudicium in se rite instituat, petit, & in id tempus dum id fiat differatur petitio. Hæc sumuntur aut ex † persona actoris, aut iudicis, apud quem agitur, aut ex tempore, aut ex genere actionis. Ex † persona actoris veluti cum dicitur; procuratorio nomine agis, procurator esse non potes; quia mandatum tibi nihil est a domino.

Sine mandato alieno nomine agi non potest. L. naturalis, 5. §. ultim. D. de præscr. verb. Vel, tu procurator esse non potes, miles es, scemina es. Quibus procuratores esse non licet. L. alienam, 18. L. militum, 7. supra, de procur.

Quæ † exceptio dicitur procuratoria, 6 in L. in except. 19. D. de probationibus. Ex persona † iudicis cum dicitur, 7 non est tua iurisdictione iudex; vel quia tibi hæc causæ committæ non sunt, vel quia non pertineo ad iurisdictionem tuam, quæ † dicitur fori præscriptio, in L. ult. 8 infr. de præscr. L. ult. supra de pact.

Ex † tempore agendi, ut cum maiore 9 causa instituta, minor instituitur, quæ maiori institutæ præiudicium faciat, aut ex maiori prodeat. Recte dicitur licet actori, premature agis, expecta, donec de priore iudicium factum sit, L. per uinorem, D. de iudic. L. fundi, D. de exce-

10 *exceptio*. Ex † genere actionis instituta, cum de aliqua re instituitur actio certa, quæ de ea iure non est prodita, veluti, cum adversus mensorem agrorum agitur ex locato, aut conducto. *L. 1. in fin. 1. resp. D. si mensor fal. mo. dix.*

11 Dilationis † differendæ solutionis causa exceptio nascitur ex pacto temporali, quo creditor pactus est, se a debitore in quinquennium, exempli gratia, non petiturum, §. *præterea etiam, Instit. de except.* ubi etiam quædam exempla prioris generis exceptionum dilatoriarum ponuntur.

De exceptione dilatoria exlat hoc loco definitio in universum concepta, quæ ob id magna cautione eget. Ergo de exceptione dilatoria tria hic statuuntur, quæ singillatim expendenda sunt. Primum, oportere † exceptionem dilatoriam initio opponi.

12 Initio significat, initio litis contestandæ, seu cum actor venit in ius ad litem cum reo contestandam. Itaque hoc tempore opponi debet, vel ante litem contestatam, vel in lite contestanda. Ante litem contestatam omnes, quæ sunt iudicii declinatoriæ. In lite contestanda ea, quæ solutionis dilatoria est. Cum dicitur; exceptionem dilatoriam oportere hoc tempore opponi, hoc verbo † *oportere* non facultas rei, sed necessitas opponendi significatur. *L. verbum oportere, D. de verbor. significat.* Unde hoc verbo intelligimus ita initio hanc exceptionem oportere opponi, ut post litem semel contestatam non liceat opponere, de quo ita definiendum est: si reus iudicio conventus, cum ab actore actio & petitio intenderetur, si reus aliis defensionibus usus, dum actori respondet, exceptionem iudicii dilatoriam omiserit, postea ad hanc redire non potest. Hoc de præscriptione fori expressum est in *L. sed et si suscipit, in princip. D. de iudic.*

14 Idem de † exceptione procuratoria declaratur in *L. ita demum, supra, de procurat.* Quo exemplo idem dicemus de exceptione pacti temporalis, ut si creditor pactus sit, se a debitore intra quinquennium non petiturum: & cum a debitore pecuniam intra quinquennium peteret, negaverit reus se debere, aut alia exceptione usus sit: postea convictus debere, exceptione pacti uti non poterit, quanvis ante sententiam id faciat, & priusquam in causa concluderit, id est, renuntiaverit allegationibus suis. Argumentum, ut dixi in *d. L. sed et si suscipit, D. de iudic. & d. L. ita demum, supra de procurat.* Quod probatur verbo, *oportere*, huius loci.

Secundum hic statuitur. † *Exceptionem* 15 dilatoriam initio oppositam probari oportere. Hoc si simpliciter accipitur, falsum est. Exempli gratia: reus procuratori dicit: procurator esse non potes, quia tibi a domino mandatum non est. Hæc exceptio probationem rei non desiderat. Nam nisi procurator mandatum proferat, non audietur, *d. L. naturalis, §. ult. D. de præscript. verbis*. Et si mandatum proferat, de quo sit dubium, sine alia probatione rei non audietur procurator, nisi satisfidet, dominum rem ratum habiturum. *L. 1. supra, de procurat.* Similiter si fœmina alieno nomine agat, alia probatione non est opus, quam hac, ut dicatur, Fœmina es. Fœmina alieno nomine agere non possunt *L. alienam, supra, de procurat.* Idem de exceptione solutionis dilatoriæ licet dicere, si creditor non neget se pactum esse, ne peteret. *L. ult. infra quibus ad lib. procl. &c.* Et hæc vera sunt; neque tamen huic loco adversantur. Quod enim dicitur, exceptionem dilatoriam probari oportere, natura docet sic intelligendum esse, si modo res probationem desideret. Nam probatio non est, nisi rei dubie aut controversæ. Non est autem exceptio dilatoria dubia, si sit exceptio iuris, ut cum dicitur, Fœmina es, fœminæ procuratrices esse non possunt. Item cum dicitur, Procuratori sine mandato alieno nomine agere non licet. Hæc sunt iuris certi & ideo alia probatione non indigent. Similiter nec tunc probatione est opus, cum creditor exceptionem pacti non negat, *d. L. ult. infra, quibus ad lib. procl. non licet*.

Tertium, quod hic statuitur, maiorem dubitationem habet: est autem huiusmodi: priusquam reus probet exceptionem dilatoriam, quæ quidem illi negetur, & probationem requirat, oportere actorem † 16 monstrare, quod asseverat. Hæc sententia ex verbis aperte colligitur. Ait enim rescriptum, *exceptionem dilatoriam probari oportere, cum actor monstraverit, quod asseverat*, iis verbis, *cum monstraverit*, conditio exprimitur, si monstraverit. *L. quodcumque, §. penult. D. de verb. obligat. L. si Titio, D. quando dies leg. ced.*

Porro his verbis, *exceptionem probari oportere, si actor monstraverit, quod asseverat*, hoc significatur: si prius id non monstraverit, reum exceptionem dilatoriam probare non debere, eoque & absolvendum esse. Collectio est Papiniani in *L. 1. versic. huius, D. de offic. eius cui mandata est iurisdictio*. At

17 At hæc ¶ sententia, exceptione dilatoria opposita prius auctorem probare debere quod intendit, manifesto falsa est in omnibus exceptionibus iudicii declinatoriis: veluti cum procuratori opponitur exceptio procuratoria, cum adversus iudicem opponitur præscriptio fori, idque probatur iis argumentis. Primum, nunquam probatio exigitur ab auctore, ubi de intentione eius non est controversia, seu, ubi reus intentionem auctoris non negat. *L. si quidem, verfic. 2. infr. de except. dicta L. ult. infr. quibus ad lib. procl. §c.* At cum reus dicit: tu procurator esse non potes, tu iudex competens non es, de intentione auctoris nihil dicit, nihil negat. Igitur auctor eam probare cogendus non est. Secundum argumentum. Non exigitur ab auctore probatio, nisi ut re probata sententiam pro se referat & reus condemnetur. *L. negantes, supr. de obl. & act. L. 1. infr. de execut. rei iudic.* At ubi exceptio iudicii declinatoria opposita est, nullus iudex esse potest: proinde nulla sententia iudicis, qui non est. Quare cum auctor probationis suæ fructum consequi non possit, probare cogendus non est. Dicendum est, vera hæc quæ esse in omnibus exceptionibus iudicii declinatoriis, & definitionem hanc postremam locum habere non posse, nisi in exceptione solutionis dilatoria. Non obstat, quod definitio huius rescripti generaliter concepta est. Nam quemadmodum in illis verbis prioribus, *exceptionem probari oportet*, inest hæc conditio, si modo res probationem desideret: sic in his quoque verbis postremis: *cum auctor monstraverit, quod asseverat*, natura inest hæc conditio: siquidem intentio eius probatione egeat, aut probatio a reo desideretur. At in exceptionibus iudicii declinatoriis non est necessaria probatio intentionis, quæ per negationem adversarii dubia non efficitur, cum adversarius eam non neget. Ex præterea probationem intentionis reus non exigit, sed potius totum iudicium a se relinquit. Solum huic sententiæ ¶ locus esse potest, cum reus ita dicit: Petis a me centum mutuo, sed præmature: quia pactus es, ne ante quinquennium a me peteres. Hac exceptione opposita, dicimus, reum exceptionem suam probare debere, si creditor eam negat: sed adiicimus, non cogi reum id facere, priusquam auctor de intentione sua docuerit: ut si non docuerit: reus, sine alia exceptionis suæ probatione absolvatur: si docuerit, tum liceat reo omnia exceptione ad tempus probare; ut de preempto-

Tom. VII.

ria exceptioe scribitur in *L. præscriptionem, infr. de except.*

Sed rursum etiam in exceptione solutionis dilatoria quædam ¶ obitare videtur, quo minus auctor cogendus sit, ante de intentione sua docere. Primum in hoc, quod reus de intentione adversarii nihil negans, quasi debitum sit, aut indebitum quod petit, solum dicit, sibi pactum esse, ne infra quinquennium a se peteretur. Hac exceptione videtur vi ipsa reus de intentione auctoris confessus esse, eoque eius intentionem fundasse. Quod quidam admittentes dicunt, non aliter auctorem prius debere intentionem suam probare, quam si reus ita dicat: nego me debere, quod petis, & si deberem, pactus es mecum, ne ante quinquennium peteres. Sed hac defensione rei non est opus, quanvis reus futuri pacti temporalis exceptionem obiecerit. Satis est, ut auctor cogatur ante de intentione sua docere, ut hoc rescripto exigatur. Non enim verum est, reum confiteri de intentione auctoris, cum dicit: illum pactum esse, ne a se peteret. Nam auctor id pacisci potuit, etiamsi ei nihil deberetur. Potuit enim indebitum iniuria petere. Non adversatur huic sententiæ, quod de opposita solutione diximus in *L. 1. supr. hoc tit.* ubi diximus, si reus simpliciter dicat, se solvisse pecuniam, quæ petitur, hoc ipso videri de intentione auctoris confessus esse. Aliud est enim dicere se solvisse, aliud dicere sibi pactum factum esse, ne a se peteretur. Nam non est solutio nisi debiti. Ita qui posterior dicit, vi ipsa prius dicit. At pactum de non petendo esse potest etiam, ubi nihil prius debeat, ut dixi. Rursum videtur etiam in exceptione solutionis dilatoria non esse postulandum ab auctore, ut prius intentionem probet. Nam si prius intentionem probare debet, ut deinde ea probatione cognita reus ad probationem exceptionis suæ admittatur: eveniet, ut reus possit producere testes, cum testificata auctoris cognoverit. Quod videtur esse contra *Authent. sequent.* ubi denegatur testimonium productum ei, qui prius testificata cognoverit, vel suorum testimonium, vel testimonium adversarii. Bene hoc vulgo expeditur, hoc modo: In *authent. at qui semel, seq.* Productio testimonii denegatur ei, qui testificata prius didicit, si producere velit testes de iisdem rebus & articulis, de quibus ante testes produxerat, & nunc novos alios producere vult. Diversum est, si cognitis partis adversariæ testimoniiis reus velit de alia re testes producere, quam de qua priores testes dixerunt: quod fit, cum

Y y y

cum

cum testes ab actore producti de intentione actoris dixerunt. Reus autem producere vult testes de sua exceptione, quæ cum intentione actoris non modo nihil commune habet, sed etiam ex diametro pugnat. Quæ distinctio recte confirmata est, in *cap. fraternitatis ext. de testib.*

20 Ergo summa sententiæ huius rescripti hæc est: exceptionem dilatoriam cuiuscumque generis sit, ante litem contestatam, aut in lite contestanda opponi oportet: ea omissa post ad eam redire non licet. Oppositam a reo probari oportet: si modo probationem desideret; quia negetur ab adversario, & exceptio sit in facto posita, non in iure certo. Sic tamen a reo probari illam oportet, si prius actor probaverit intentionem suam. Quod rursus ita intelligendum est: si modo de intentione actoris reus inficietur. Nam aliter intentio actoris probationem non requirit. Hoc autem, ut intentio probationem requiratur, contingit solum in exceptione pacti temporalis opposita, ubi reus de intentione actoris aperte non confessus dicit, pactum intervenisse, ne a se intra certum tempus peteretur.

Locus hic de exceptione dilatoria scriptus est, quod differentia causa additum esse manifestum est: & tamen de peremptoria exceptione idem plane, quod hoc loco de dilatoria, scriptum est in *L. si quidem*, in fin. *infra de except.* ubi hæc verba sunt de exceptione peremptoria: *habita exceptionis contestatione, tunc deum cum actor intentionem suam probaverit, ei exceptioni locum esse monstrare convenit.* Cum ait rescriptum: *habita exceptionis contestatione*, significat, hanc quoque exceptionem initio contestandam, proinde initio opponi oportere, quod hic de dilatoria exceptione scriptum est. Cætera autem de probatione & ordine probandæ intentionis & exceptionis plane conveniunt. Itaque pertinet ad huius loci explicationem querere; quid etiam de peremptoriis exceptionibus hic sequi debeamus? Vulgaris est sententia est; exceptiones peremptorias non esse necesse initio contestari, sed in lite contestanda omittas, quodcumque ante sententiam opponi possit. Quæ sententia primum illis ducitur ex hoc loco. Cum enim dicitur, exceptionem dilatoriam initio opponi debere, dictum hoc intelligendum est, ut excludantur aliæ exceptiones. Hæc autem sunt peremptoriæ, *§. appellantur, Instit. de except.* quarum species eo titulo prius enumerantur. Sed apertius hæc sententia prope exprimi videtur in *L. 2. infra*,

sententiam rescindi non posse. Ubi hæc verba sunt: *peremptorias exceptiones omissas in initio, antequam sententia feratur, opponi posse manifesti iuris est.* Sed verum est, in strictis iudiciis, veluti ex stipulatu, aut ex testamento etiam peremptorias exceptiones initio opponi, id est, initio contestari oportere. Primum id probatur in *d. L. si quidem, infra, de except.* cum dicitur, exceptionem peremptoriam probari debere, *habita exceptionis contestatione.* Hic ablativus absolutus conditionem habet, periunde quasi dictum esset; si exceptionis contestatio habita sit. *L. a testatore, D. de condit. & demonstr.* Hac autem conditione, *si exceptionis contestatio habita sit*, significatur, si habita contestatio non sit, non esse locum reo ad opponendam & probandam postea exceptionem, *argumen. in d. L. 1. versic. eius D. de offic. eius.* Probat eadem sententia dilucide in *L. prescriptionem, infra, de except. & in L. emptor, infr. de prescrip. long. temp.* Quibus in locis constanter scriptum est, exceptionem peremptoriam sufficere contestari, vel sufficere exceptionis contestationem haberi. Quotiescunque dicitur, sufficere aliquid fieri, hoc exprimitur, id saltem fieri necesse esse. Exempla sunt in his locis. *L. 1. §. ult. D. de pec. constit. L. sufficit, D. de condit. indeb. L. si de possess. seq. in fin. infra, hoc titul.* Tertio probatur superior sententia evidenter regula veterum, qua tradiunt, exceptiones inesse bonæ fidei iudiciis. *L. 3. D. de rescind. vend. L. huiusmodi, §. qui serv. D. de legat. 1. qua sententia non significatur, exceptionem reo competentem, si omnino non allegetur in bonæ fidei iudicio, eam æstimandam esse a iudice.* Nam iudex divinare non potest, an reo competat: non potest etiam divinare an si competit, ille uti ea velit. Itaque a reo alleganda est quamquam ante sententiam, & si negetur, probanda est. Sed significatur, etiam si reus eam contestatus initio non sit, & per litem contestationem in iudicium deduxerit, tamen eam pro contestata & in iudicium deducta haberi oportere, quasi in sit & continetur iudicio. Idque efficitur natura iudicii bonæ fidei, cuius potestas hæc est, ut iubeatur iudex iudicare ex fide bona, id est, ex æquo & bono. *§. in bonæ fidei, Instit. de actio.* Non est autem æquum, condemnari reum, qui aliquam iustam exceptionem alleget, etiam si nominatim in iudicium verbis initio non deduxerit. Ergo superiore regula hoc exprimitur, exceptiones non esse nec-

cesse initio contestari in bonæ fidei iudiciis. Frustra additum esset, in *bonæ fidei iudiciis*, nisi alia iudicia excluderentur, nempe stricti iuris: ut cum dicitur, in actionibus bonæ fidei in litem iurari, intelligimus non iurari in litem in strictis iudiciis. *L. in actionib.* iuncta *L. alias seg. D. de in lit. iur.* Et certe stricta iudicia inde nomen habent, quod index adstringatur iis, quæ in iudicium ab initio deducta sunt. Ea autem deducuntur in iudicium, quæ deducuntur litis contestatione.

- 23 Non ꝑ obstat *L. peremptorias, inf. sententiam rescind. non posse*. Quod enim illic dicitur, peremptorias exceptiones initio omittas, potest ante sententiam ꝑponi posse, non arguit, eas initio contestandas non esse. Nam & in *L. prescriptionem, inf. de except.* eadem plane verba leguntur de exceptione peremptoria: & tamen ibidem adiciunt, eam sufficere contestari. Quo significari diximus, eam saltem contestari necesse esse. Quid est igitur omittas exceptio? Et in *d. L. precept.* & in *dicta L. precept.* omittas exceptio illic utroque in loco significat intermissam exceptionem. Estque hic sensus: exceptionem peremptoriam initio contestari oportet; sed non necesse eam probare statim. Prius enim actor intentionem suam probare debet. Si non probat, reus absolvitur sine alia exceptionis probatione. Si probat, tunc licet reo omittam, id est, intermissam prius exceptionem nunc oblicere, & si negatur, probare. Id ita explicatur in dicta *L. si quidem*, in fine, *inf. de au-*

cept. Id arguitur etiam liquido ex eo, quod contestatæ exceptioni opponitur exceptio omittas in dicta *L. prescriptionem, inf. de except.* Ubi tamen utrumque de eadem exceptione, quæ contestata ut, dicitur. Non obstat hæc lex. Favet enim, cum dicitur, *exceptionem dilatoriam initio opponi oportere*, non temere additum esse, *dilatoriam*: sed ideo additum, ut separantur peremptoriæ exceptiones. hæque etiam in hac re discrimen esse fateor inter exceptionem dilatoriam, & exceptionem peremptoriam.

Sed discrimen in eo est: quod ꝑ maxima pars exceptionum dilatarum initio opponi debet, & si opposita non sit, potest repeti non potest: quales sunt omnes exceptiones iudicii defugiendi causa comparatæ. At exceptiones peremptorias non est necesse contestari in quibusdam iudiciis. Non enim necesse est, eas contestari in bonæ fidei iudiciis. Insunt enim iudicio etiam sine contestatione. At in strictis iudiciis omnium exceptionum hoc commune esse statui debet, ut sive dilatoria sit exceptio, sive peremptoria, initio eam iudici contestari debere: nisi contestata sit, non liceat reo etiam ante sententiam eam opponere; sed iudex reum ex iis, quæ in iudicium deducta sunt, condemnare debeat. Fiet iniuria, dices, reo? Respond. Licet illi hoc emendare, si cum condemnatus fuerit, appellet. Nam in iudicio appellationis omnia revocare potest, quæ omiserat, ad ius suum faciens. *L. reos, §. 1. inf. de appell.*



Ad authent. At qui semel.

At qui semel produxerit testes, aut bis, aut ter, & testificata tractaverit, aut ab adversario hoc faciente disputationem acceperit, & ex hoc testificata didicerit: non habebit licentiam ulterius uti productione testium ex divina etiam iussione. Si vero hoc non egerit: tunc danda est quarta productio testium, sacramento ab eo prius dando quod neque subtraxerit, neque percontatus est ipse testificationes, vel aliquis advocatorum eius, vel alius pro eo agens; nec per dolum, nec per machinationem, vel artem quartam productionem testium petat fieri.

S U M M A R I A.

1. *Tria tempora, quibus actor testes producere amplius non potest, ex hisque duo in b. Authent. pratermissa quæ sint & n. 2.*
3. *Constitutionis huius ratio; & quid si hæc aliquando cesset, & n. 4.*
5. *Tempus aliud testium minime producendorum hic expressum & quodnam?*
6. *Hæc constitut. non abrogari L.L. veteres unam dumtaxat, vel alteram dilationem indulgentes ad producendos testes.*
7. *Intra dilationem ad proferenda instrumenta constitutam plures dari testium productiones.*

Productionis verbum quid significet, & quid sint plures productiones. ibid.

8. *Quinta testium productio etiam intra constitutam dilationem a Iustiniano prohibetur, & quibus de causis.*
9. *Postquam conclusum in causa, novi testes produci non possunt, & quatenus.*
10. *Et quibus in casibus aliter observetur.*
11. *Fragmentum hoc, seu authentica, quam vocant, non recte hic collocata, & quare.*

Quædam sunt tempora, quibus actor testes in id, quod intendit, producere non potest. Unum tamen illud certum est & commune, si actor post dilationem ad testes producendos constitutam producat novos testes. Non enim potest is id facere, nisi nova dilatio ei detur: non datur autem altera, nisi causa cognita, & hæc sola *L. oratione, L. ult.*

D. de fer. Præter hoc tempus tamen duo tempora hic statuuntur a Iustiniano *Novell. de testib. §. quia vero*, unde hoc fragmentum sumptum est. Si actor producat novos testes, postquam in lite concluderit, & testificata suorum testium didicerit, aut didicerit exceptionem adversarii, & quæ de ea exceptione probata sunt. Ita hic duo addimus, quæ omnia sunt in hoc fragmento: prius, si actor in causa concluderit, id est, dixerit se amplius nihil velle addere in causa. Quod verbum exitat in *d. §. quia vero, in princ.* Alterum adiicimus, si actor cognoverit exceptionem adversarii, & quæ de ea testificata sunt.

Hoc addidit Iustinus. in *dicto §. quia vero, in extr.*

Huius constitutionis hæc ratio est, quam Iustinianus ibid. reddidit. Quia periculum est, ne si cognitis iis, quæ testes sui dixerunt, alios producere velit, subornationem novorum testium molietur, ut emendet ea, quæ in prioribus testimoniis non placent. Quid si actor non concluderit in causa, sed tantum testificata suorum testium didicerit? Respondetur. Hic quoque superior ratio locum habet, proinde idem statuimus. *L. illud D. ad leg. Aquil.* Quid si contra reus concluderit, neque testificata didicerit? Respondetur. Hic cessat ratio Iustiniani, ac proinde nihil prohibet, quo minus nova productio admitatur, ut mox pluribus dicemus. Alterum tamen tempus hic statuitur, cum testes producere non concedatur: si plures productiones testium in eandem rem præcesserint. Nam hic quinta productio in totum relictur, quarta admittitur, sed hac conditione: si is, qui quartum testes producere

cere desiderat, iuret se neque per se, neque per advocatorum, aut procuratorum suorum quemquam testificata cognovisse, & præterea neque dolo malo, neque calumniæ causa se postulare quartam productionem: sed tantum ideo, quia prius his testibus uti non potuerit. Cæterum secunda & tertia productio sine ulla conditione permittitur, quarta sub conditione superscripta. Hoc loco obiciuntur constitutiones, quibus permittitur litigatori instrumentorum causa, una tantam dilatio, aut secunda quidem, sed tamen causa cognita. *L. oratione, L. ult. D. de feriis.* Quibus locis quidam moti, quos iuris Pontifici interpretes secuti sunt, existimaverunt, hæc constitutione ¶ abrogari superiores constitutiones, quasi hac constitutione nova, plures dilationes ad testes producendos concedantur. Sed hoc admittere non oportet, nisi plures productiones significant aperte plures dilationes. Nam hæc regula tenenda est in correctione legum veterum. Quidquid novis legibus specialiter expressum non est, id veterum legum regulis relinquitur. *L. precipimus, in fin. infr. de appell.* Item, nunquam credendum esse Imperatorem veteres leges, præsertim bene constitutas, mutare velle, nisi id aperte dictum sit. *L. si quando, sup. de inoffic. test.* At productionis verbum non significat dilationem, proinde nec plures productiones significant plures dilationes; ob id nostri interpretes bene inter se has constitutiones convenire dicunt. Omnium autem conjunctarum hæc esse summam: plures dilationes instrumentorum causa non dari, neque nunc, neque ex iure veteri, ¶ sed dilatione ad instrumenta proferenda constituta, concedi intra eam dilationem constitutam plures productiones testium. Quid est igitur productio, quid sunt plures productiones? Respondetur. Productio est actus, quo aliquot testes producantur. Plures productiones sunt, plures vices, pluresve actus, quibus separatis & diversis temporibus aliquot testes producantur. Quæ plures vices, & qui actus plures, incipere possunt intra tempus ad testes producendos constitutum.

Sed si hoc modo interpretamur, non debet denegari neque quarta, neque quinta productio; quoniam cum dilatio ad testes producendos data est, simul potestas data est semper producendi intra eam dilationem. Respond. Iustinianus in *Novell. de testib.* unde hæc *auth. sumpta est, ¶* denegat quintam productionem etiam intra dilationem constitutam;

sed ei, qui prius concluderit in causa, id est, qui dixit, se amplius nihil addere velle, ut supra dixi, in §. *quia vero, in princ. Novell. de testib.* Ergo Iustinianus quintæ productionis denegandæ duas causas habuit: Unam, quod iam litigator concludisset in causa, & aliis productionibus renuntiasset: deinde, quod quinta productio suspicionem haberet corruptionis. Rursum hic occurritur: si hæc constitutio accipienda est de eo, qui conclusit in causa, & post conclusionem postulat adhuc testes producere, non solum debet ei denegari quinta productio, aut quarta, sed etiam secunda, & tertia; quia licet unicuique, ex regula iuris, renuntiare in re pro se introducto: & cum renuntiavit, eo iure amplius uti non potest *L. pen. supr. de pact.* Id quod generaliter constitutum in aliis causis, specialiter constitutum est in instrumentis, quibus litigator dixit se usum non esse, in *L. 3. infr. de fid. instr.* ubi eum de instrumento aliquo sit controversia, placet, si quis dixerit, se eo non usum, amplius eo uti non posse. Quare & in legibus idem dicendum est, si quis ostenderit, se iis uti nolle, quod is facit, qui conclusit in causa. Respond. Et nos idem in productionibus testium admittimus, ¶ nempe post conclusionem in causa, non posse novos testes produci, invito adversario, si modo litigator certis testibus se non usum dixerit: aut cum de certis producendis ageretur, dixerit se amplius testibus uti nolle, vel se renuntiare in causa. Sed si de certis testibus ¶ actum non est, quibus litigator diceret, se renuntiare, conclusio in causa non est impedimento, quo minus novæ productiones testium admittantur, duabus de causis: primo, quia nemo videtur iis renuntiare, quæ sibi competere prius ignorabat. *L. mater, D. de hered. petit.* Deinde, quia iustæ ignorantie pacti venia data est & quæ postea emergunt, auxilio indigent. *L. de atate, §. ex causa, D. de interrog. in fin. fac.* Proinde recte audietur litigator novam productionem postulans, si dicat, se eos producere, quos nesciebat testes esse posse, aut quorum copiam prius non habuerit. Neque id illi probare necesse erit: sed deest fides habebitur ex hac constitutione, nisi contra esse, convineatur.

Quod ad collocationem huius fragmenti attinet, notandum est, ¶ non recte hoc loco esse collocatum, & multo minus recte collocatum esse ad exceptionem præcedentis legis, ad quam collocatum esse

apparet ex his verbis: *At qui semel*. Nam in L. præcedente cum dicitur, reum probare debere exceptionem dilatoriam, a se oppositam, sed tunc debere probare, cum actor monstraverit, quod intendit: his verbis aperte declaratur, reum posse probare exceptionem suam, & ideo ad eam probandam posse testes producere, cum prius cognoverit testificata actoris. Nam, an actor probaverit intentionem suam, non aliter cognosci potest, nisi levis & cognitio eius testimoniis. At in hac authentica & in Novella Iustinianus. unde hæc authentica sumitur, nihil contrarium huic sententiæ dicitur, sed potius hæc sententia confirmatur. Nam cum Iustinianus prohibet quintam productionem aut quartam; item cum prohibet secundam, si litigator testificata didicerit: ex ratione eius constitutionis apparet, de qua productione Iustinianus sentiat. Verat enim secundam

productionem, ne litigator, qui iterum testes producere vult, molietur emendationem priorum testificatorum. Hanc autem moliri non potest, nisi qui testes producere vult in eundem articulum, de quo prius testes alios produxerat, quorum testimoniis diffidebat. Hæc ratio cessat, si quis testes in novum articulum velit producere, qui cum præcedentibus nihil commune aut connectum habeat. Id quod accidit reo, cum vult producere testes ad exceptionem suam probandam. Nam hæc non modo non est coniuncta cum inreutione actoris, sed etiam ei in tantum adversatur, ut eam oppugnet. Sed hoc cum obscurius colligatur ex hac constitutione, recte faciemus, si ad veram sententiam confirmandam utamur eo testimonio. *cap. fraternisatis, extr. de sessibus*. Ubi hæc sententia bene constituta.

Ad L. Si de possessione. 20.

Idem AA. & CC. Phrominx.

Si de possessione servitutis, emptionis instrumentis subtrahis, in libertatem proclamant Eutychia: cum petitori probationis onus incumbat, intentione sua defecta, his iuvare minime potest. Nam si in servitutem petatur: ad emptionis probationem non est indicis aliis opus, sed instrumentorum furtum monstrare sufficit. IV, Non. Decemb. Nicomedia CC. Coss.

S U M M A R I A.

1. Qui ad pretium participandum se venditari passus est, si ex possessione servitutis ad libertatem proclamatur, quod intendit probare debet: nec instrumentum, quod apud se habet, sibi suffragatur: & quare § n. 3.
2. Contra qui illam in servitutem petit, si non potest alio modo, sat est ut probet subtrahum sibi fuisse instrumentum emptionis.
4. Contrariis occurritur.

Phromina quædam domina dicebat Eutychiam quandam ancillam suam esse. Quod cum Eutychia maior esset 20. annis, passa esset se venditari ad pretium participandum, quo modo iure civili servi fiunt. §. ult. *Instit. de iur. person.* Eutychia se liberam esse dicebat, in eamque rem utebatur hoc argumentum, quod diceret, instrumentum superioris emptionis penes se esse, & ideo esse inane: cum de ea re actio præiudicialis mota esset inter dominam & Eutychiam, secundum L. *vis eius, supra*, Phromina de his rebus consuluit Imp. Primum in hoc iudicio, cui

necessitas probationis incumbat? Deinde, si Eutychia necessitas hæc incumbit, an possessio instrumenti emptionis eam adiuvet. Contra si Phromina probare debet, illam ancillam esse, an emptionem superioris, quam allegat, aliis modis probare debeat, quam instrumento; & quid ipsam in hac re facere oporteat. De his coniunctim respondent Imp. hoc modo: si Eutychia † est in possessione servitutis, & ex ea possessione in libertatem proclamatur, pro petitrice habenda est; & quoniam petitori probandi onus incumbit, ideo ipsa docere debebit, se liberam esse, de quo

plu-

plura diximus ad *d. L. vis eius supr.* Quod ad probationem eius attinet, si illa aliis modis se non probat liberam, quam quod instrumentum emptionis apud se habet: intentione sua desinitur, id est, intentione sua excidit, quoniam his instrumentis iuvare non potest. Quod si Eutychia est in possessione libertatis, & ex hac possessione in servitutem a domina petitur, † domina petrix est, proinde & se dominam esse probare debet, ut diximus in dicta *L. vis eius*. Sed quod ad probationem attinet, domina si aliis modis emptionem superscriptam probet, bene est: si non probet, ad eius emptionis probationem aliis probationibus non indiget, sed furtum instrumentorum ab Eutychia factum monstrare sufficit. Quod ait rescriptum, Eutychiam agentem non iuvare instrumentis emptionis, quæ apud se esse dicit, certam rationem habet † eaque duplex est. Primum, quia pro confesso id sumitur, hæc instrumenta fuisse subtrahita ab Eutychia; nemo ex suo furto actionem consequi debet. *L. itaque fallo. 12. primo responsio. L. cum quis. 14. §. his autem. Dig. de furtis*. Altera ratio, quia etsi Eutychia instrumenta illa subtraxisset non proponatur: tamen instrumenta recitantem & possidentem non adiuvant, sed eum tantum, quem tenor instrumenti demonstrat, ut est in *L. sequent.* Tenor autem instrumenti solum demonstrabat Phrominam esse dominam, non autem Phrominam manumississe Eutychiam: Si Eutychia diceret, hæc instrumenta sibi a domina reddita esse, idque idonee probaret, sufficeret hoc ad probationem manumissionis & libertatis datæ. *auth. ad hoc §. ille autem, infr. de lat. libert. soll.* quemadmodum alias, ad probationem liberationis sufficit debitori probare, chirographum sibi a creditore esse redditum, *L. 2. D. de pactis*. Sed nihil tale hic ab emptitia dicitur. Illa tantum possessionem instrumentorum emptionis allegat. Reddito instrumenti Eutychiam liberat propter voluntatem dominæ, quam instrumentum emptionis reddendo declarabat. At possessio instrumenti voluntatem dominæ manumittere volentis nullo modo arguit. Sunt igitur longe hæc dissimilia:

Quod ait rescriptum, dominam agentem non debere probare emptionem Eutychie

aliis legitimis modis, † contrarium videtur iis locis, in quibus constanter traditur: si creditor debiti instrumentum amiserit, non prohiberi eum debitum adhuc petere, si modo aliis modis debitum esse probet: ceterum aliis modis id probare debet. *L. testium, in fin. prox. titul. de testib. L. sicut, infra, de fide instrum. L. cum citra, infra, de iur. dot.* Sed contrarium non est, & res recte in glossa expeditur ad hanc sententiam: adversus eum, qui instrumentum non subtraxit, quod a creditore amissum est, nihil agit creditor, nisi aliis modis probet id, quod instrumento continetur, quod superioribus locis cavetur. At adversus eum, qui instrumentum ipsum subtraxit, nihil amplius ereditorem, aut actorem probare oportet ad confirmationem eorum, quæ instrumentum continentur quam furtum instrumenti a reo factum esse, ut hic eorum est: optima ratio; quia nemo ex suo dolo lucrum facere debet. *L. 1. in prin. D. de dolo*. Sed nondum res expedita est: nam hoc ipso, quod iubetur Phromina probare furtum instrumentorum emptionis, simul iubetur probare emptionem. Nam non potest aliter constare ea instrumenta fuisse instrumenta, quibus emptio continebatur. Idque expressum est in *L. quidam tabularum, D. de furtis*. Respondetur: ideo hæc probatio in proposito non exigitur a Phromina, quod Eutychia profitebatur instrumenta eius emptionis, quæ dicebantur apud se esse, sed non fatebatur veram esse emptionem. Itaque postulabat, ut domina probaret. Respondetur: satis esse, si domina probet Eutychiam subtraxisse ea instrumenta, quibus fateatur contineri emptionem, quæ dicitur fuisse. Notanda sunt verba illa rescripti: *nam si in servitutem petatur*. Apparet hæc verba causam præcedentium continere. Queritur igitur, in iis verbis quæ ratio præcedentium continetur? Et continetur argumentum a maiore. Prius dixerant Imp. Eutychiam non iuvare instrumentis emptionis: rationem hanc reddunt. Quia etiam instrumenta ipsa ei ultro nocent. Faciunt enim pro actrice domina, & multo magis furtum eorum instrumentorum ei nocet, si instrumenta hæc Eutychie nocent, sine dubio eam iuvare non possunt.

Ad L. Ad probationem dominii 21.

Iidem AA. & CC. Crispo.

Ad probationem dominii aliena subtrahentes instrumenta, his vi minime possunt: quippe cum horum lectio non recitanti, sed quem teneor scriptura designat, adiuvet. Cum itaque nec cetera probationum indicia reprobentur: iure competenti, prædiorum, quæ in questionem veniunt, dominium ad se ostende perimere. Nam res vindicantem ab emptore, suos numeratos nummos adseverantem, erga probationem laborare non convenit. Siquidem huiusmodi licet probetur factum [tamen] intentioni nullum præbet adminiculum. S. VI. Id. Decemb. Singiduni AA. Coss.

S U M M A R I A.

1. *Instrumenti possessio seu detentio sola dominium emptæ rei non probat nec possidentem adiuvat, & quare & n. 2.*
3. *Pecunia mea emptum, est ab alio emptum, & a domino ei traditum*

est, meum non est: sed eius, qui emit, & emptum accepit.

4. *Summa rescripti.*

5. *Instrumentum emptionis a domini traditione probationem dominii habet idoneam & quare.*

Crispos fundum Tusculanum vindicabat a possessore, & quoniam in eo iudicio dominum fundi se esse dicebat, eum probare oportebat. Ad probationem dominii instituebat duo asserre. Primum argumentum, quod hic fundus venditus esset Titio, & a domino ex ea causa traditus: huius emptionis instrumentum apud se esse dicebat: alterum argumentum, quod diceret, eum fundum a Titio ex sua pecunia emptum, & se paratum esse, id probare. An his rebus recte probaturus sit dominium, consuluntur Imperatores. Respondent: actorem instrumento emptionis ad dominii probationem non iuvare, hac ratione: quia instrumenti lectio, atque adeo instrumentum ipsum recitanti & possidentem non adiuvat, sed eum tantum, quem tenor scripturæ, id est, series & contextus instrumenti designat. Hæc ratio certius intelligitur, si suggererimus rationis rationem ductam ex conditione instrumentorum. Hæc autem instrumenti omnis vis & conditio est: instrumentum nihil cuiquam inris tribuit per sese, sed tantum rei gettæ, & iuris constituti probationem continet. Et ideo instrumentum nihil amplius probat, quam quod gestum esse in instrumento scriptum est. L. 4. D. de pig. L. 4. D. de fide instr. At cum fundus Titio venditus est

& traditus, deque eo Instrumentum scriptum est, nihil illic scriptum est de Crispo actore; proinde instrumentum de Crispo probare, aut efficere nihil potest: tantum scriptum est rem emptam & traditam Titio, proinde instrumentum solum Titium iuvabit. Quod ad alterum argumentum attinet. Respondent, posse actorem aliis modis probare se dominum esse, sed eum id facere debere iure competenti, id est, idonea & conveniente ratione. Nam hæc ratio probandi non est idonea, quod dicit, fundum eum, de quo queritur, emptum esse ex pecunia sua, & ideo in ea re probanda laborare non debet. Frustra enim probat, quod probatum ei nihil profit. Quod hic dicitur de re ex aliena pecunia emptæ, de eo ita ius est, quod ex pecunia mea emptum est, si ab alio emptum, & ei a domino traditum est, meum non est, sed eius, qui emit, & emptum accepit. L. si ex ea pec. sup. de rei vind. L. 1. L. multum, infr. si quis alteri vel sibi. Excipiuntur quædam personæ, quibus iure singulari utilis vindicatio datur, si res ex pecunia eorum emptæ sit, qui indicantur in gl. L. si ut proponis, supr. de rei vind. quam videre licet. Cæterum his exceptis, qui pauci sunt, commune ius ita est, ut supra dixi: quod ex pecunia mea emptum est,

est, meum non esse, si nihil aliud interveniat, quam pecunia mea.

4 Summa huius exempli & rescripti hæc est, ad questionem de probationibus pertinens: dominium certis & constitutis ex causis nascitur, proinde ad dominium probandum eas causas adferre oportet. Extra has si quid assertur, dominium non oritur. Nihil enim verat, illa vera esse, quæ afferuntur; & tamen dominium nostrum non esse. Itaque argumentum refellitur ea ratione quæ est in *L. neque naturales, sup. h. t.* Dominium rei alienæ in nos transfertur hoc modo, si ex iusta causa, puta emptionis, aut donationis, rem aliquam a domino acceperimus, nobis traditam, in hoc, ut domini efficeremur. §. *per traditionem, Instit. de rer. dom.* *L. traditionibus, sup. de pact. L. nun-*

quam nuda, §. L. traditio, D. de adq. rer. dom. Non est in hoc numero is, ex cuius pecunia res empta est, si alii empta sit, & ei a domino tradita: multo minus is, qui alienæ emptionis & donationis instrumentum penes se habet. Proinde neutrum horum ad probationem domini quidquam facit. Si Crispus hic diceret, § instrumentum emptionis sibi a Titio emptore & domino esse traditum, recte diceret, & id, quod sufficeret ad domini probationem. Nam instrumentorum emptionis traditione res instrumento contentæ traditæ videntur. *L. 1. inf. de donat.* Nunc autem Crispus nihil amplius hic allegat, quam instrumentorum possessionem, unde & dicuntur hæc instrumenta subtracta. Hæc vero possessio illi prodesse non potest.

Ad L. Ad probationem servitutis 12.

Idem AA. & CC. Agathoclez.

Ad probationem servitutis Glyconis, matrem eius ac fratrem servilia fecisse ministeria, non sufficit: cum neque ingenuorum conniventia coniunctis necessitudine præiudices; neque de servis ex eadem matre natis libertatem unus adipisci prohibeatur. Dat. IX. Kal. Iun. ipsi. CC. Coss.

S U M M A R I A.

1. *Qui aliquem ex libertate in servitutem petit, hic servitutem aliterius probare debet idoneis causis.*

2. *Et quæ illæ sint.*

3. *Aliæ extra superioris causas servitutem non probant.*

4. *Servus esse quis non presumitur?*

Quod de ingenuitate probanda dicitur in *L. neque naturales, sup. de consanguinitate in L. non epistolis, §. L. seg. de libertate in L. matrem, de dominio in L. prox. sup.* hoc idem de servitute probanda hic respondetur. Superiora illa omnia certis & constitutis ex causis iure nascuntur, quibus causis positæ & probatis, recte probatur ingenuitas, consanguinitas, libertas, dominium: extra has quidquid assertur, idoneum argumentum non est: & refellitur ea ratione, quæ est in *d. L. neque naturales, in fin.* Idem de servitute probanda hic dicimus.

5 Si § quis alium servum suum esse dicat, ille autem dicat se esse liberum, & sit in possessione libertatis: is servum esse probare debet, qui servum esse intendit, *Tom. VII.*

ut dixi ad *L. vis eius, supra.* Ad hoc demonstrandum asserre oportet eas causas, ex quibus servi iure constituuntur. Servi § aut nascuntur, aut fiunt. Nascuntur ex ancillis nostris: fiunt captivitate, aut venditione, si maior 20. annis passus sit se vendicare ad pretium participandum. §. *ult. Institution. de iur. person.* Extra has causas, § si quid ab actore adfertur, ad probandum servitutem nihil pertinet, quale est, quod hic asserbatur: dicebat enim actor, eius cum quo agebatur, matrem & fratrem servilia fecisse ministeria. Ex hac re servus nemo constituitur. Nam & liberi eadem exercere possunt. Nihil ad rem pertinet, quod & mater & frater eum, cum quo agitur, pro servo haberi passi sint. Nam eorum conniventia illi nocere non debet, & præter-

Z z z

ca

ea nihil prohibet aliquem ex fratribus servum esse, & cæteros consecutos esse libertatem. Quare ad hæc argumenta refellenda valet ratio *d. L. neque natales*. Nihil prohibet hæc omnia facta esse, quæ allegantur, & nihilominus liberum esse eum, de quo agitur. Sed an in re dubia
 4 † præsumatur hic, cum quo agitur, esse servus? Respondeo: apparet ex rescripto eum pro servo non haberi: alioqui domi-

nus, qui adversus eum agit, non laboraret in eo, ut servum eum esse probaret. Non ergo præsumitur servus, quia intellegi oportet, eum fuisse in possessione libertatis. Id intelligitur ex eo, quod iungitur probatio ei, qui se dominum dicit: quod non fit, nisi tunc, cum is, qui de libertate sua litigat, est in possessione libertatis. *L. liberis, §. ult. D. de liber. causa* & diximus ad *L. vis eius, supr.*

Ad L. Actor. 13.

Idem AA. & CC. Menelao.

Actor, quod adseverat probare se non posse proficendo, reum necessitate monstrandi contrarium non adstringit: cum per rerum naturam factum negantis probatio nulla sit. Dat. VIII. Kalend. Ianua. CC. & Coss.

S U M M A R I A.

1. Probatio ei incumbit, qui dicit.
2. Neganti probatio non incumbit.
3. Reus negans probare non est cogendus quod negat, siue actor probare nolit, siue non possit intentionem suam.
4. Prima definitionis ratio in eo est quod nemo alieno facto onerari debet.
5. Altera huius loci propria, quia factum negantis per rerum naturam nulla est probatio.
6. Superior hæc rescripti ratio exponitur, & defenditur a contrariis & num. 7.
8. Triplex negativæ distinctionis vulgata ab interpretibus: ea quæ sit.
9. Negationis probationem a reo nun-

quam exigi nec in civilibus neve in criminalibus.

10. Contrariis occurritur; & vulgaris negativa distinctio revincitur & num. 11.
11. Negatio rei non estimanda ex verbis sed potius ex actoris intentione, si quando cum hac illa directio pugnet.
12. Nonnulli iuris loci explicati, quibus ut probens reo neganti incumbere probationem in criminalibus quidam abstantur.
13. An reus qui negando item aliquid affirmat si hoc probare velit, an sit audiendus & quæ huius probationis utilitas & n. 15.
14. Quid si reus probare non potuit quod suscepit: an sit condemnandus.

Regula illa, cuius meminimus ad *L. 1. supra, h. titulo*, ei incumbere probationem, qui dicit, non ei, qui negat, quæ est in *L. 2. D. eod.* hæc inquam regula, ut patet ex verbis, duas partes habet: unam de affirmante litigatore, alteram de negante. De affirmante hæc sententia est certis iuris: ei incumbere probationem † qui dicit, de qua satis dixi *d. L. 1. supr.* Altera est de negante, in hanc
 2 sententiam: ei, † qui negat, necessitatem probandi non incumbere, de qua in *b. L.* agitur. Ac primum circa eam exurgit hæc dubitatio: quid si actor, qui aliquid

intendit, quod reus negat, profiteatur se non posse probare, quod intenditur; an etiam hoc casu cogendus non est reus, probare quod negat? Videtur cogendus. Primo: quia necessitas, quæ accidit in persona actoris, excusationem mereri videtur. Is autem necesse habet non probare, quia non potest, *arg. in L. 2. §. 1. & seqq. D. si quis cautionibus*. Præterea perinet ad fidem & auctoritatem rerum indicatorum: res dubias cognosci, & probari.

Hic cavetur, reum † negantem non esse cogendum probare quod negat, siue actor
 no-

solit probare quod intendit, siue non possit. Huius iuris duæ sunt rationes; una, quæ aliunde ex principiis iuris ducitur; altera, quæ hic comprehensa est. Prior ratio hæc est; quia si cogimus reum probare, quod negat, imponitur ei grave onus. Fit enim, ut nisi probet, condemnari debeat. *iuxta reg. l. qui accusare, supr. de edend.* Gravo est autem & molestum suscipere alicuius rei probationem; & interdum res facile probari non potest. Hoc autem onus nascitur reo ex facto actoris, qui si quiescisset, nec actionem movisset: hoc onus reo non imponderetur. *Æquitatis ratio* dicitur, neminem alieno facto onerari debere. *L. in causa, in fine s. respons. D. de procurator.* Quo illa pertinent. Non debet alteri per alterum iniqua conditio inferri, *L. non debet alteri, D. de reg. iur.* Item factum cuique suum, non adversario nocere debet. *L. factum, D. de reg. iur.* Quod actor egit, factum eius est: si probare factum non potest, æquum est hoc factum illi nocere, non adversario. Quare semper illud manebit, ut reus ante actionem institutam commodo possessionis fruebatur: sic & is, cui debetur, quandiu actor pro se nihil probaverit, nec facto adversarii quod habebat, amittit. *S. retinenda, veric. commodum, Institution. s. de interd.* Altera ratio, quæ est huius per scripti, hæc est: quia factum negamus, per rerum naturam nulla probatio est.

Hæc ratio in difficultatem incidit, ex eo, quod dicitur, si nullam esse probationem per rerum naturam. Si diceretur nullam esse probationem iure, res careret dubitatione: sed falsum videtur esse, nullam esse probationem per rerum naturam, & aperte refelli videtur exemplo, *L. optimum, infr. de contr. emptio. & vendit.* ubi traditur: quoties factum circumscriptum est certo loco & tempore, & quis id factum negat, is qui negat per rerum naturam probare potest quod negat. *Exempli causa*, creditor dicit, se contraxisse Ephesi cum Titio Calendis lanuarii illo anno: si reus negat, id probare potest hoc modo, si dicat se eo die Romæ fuisse. Nam per rerum naturam fieri non potest, ut utroque in loco eodem tempore fuerit. Sunt & huius rei innumera alia exempla. Inter cætera hoc. Heres, cum legatum ab eo petitur, dicit, se solidum legatum non debere; quia testator supra dodrantem legaverit. Si legatarius id negat, placet, heredem probare debere, non legatarium, qui negat. *L. cum de lege. D. eodem.* Et tamen

Tom. VII.

certain est, legatarium facillime hanc negationem probare posse per rerum naturam. Nam potest demonstrare quantitatem patrimonii defuncti: ex altera parte potest ostendere, quæ & quot sint legata, prolatis testamenti tabulis & codicillis. Patrimonii autem & legatorum constituta quantitate in promptu est videre, utrum legata patrimonii dodrantem excedant, an non. Similiter & in actione in rem, cum actor intendit se dominum esse, possessor negat. Possessor hanc negationem facile & expedite probare potest, si contra se dicat dominum esse & probet. Nam hoc probato efficitur, actorem dominum non esse; quoniam duo in solidum eiusdem rei domini esse non possunt. *L. si ut certo, §. ult. D. commod.* Item in petitione hereditatis si possessor neget, petito rem esse heredem, in promptu est id probare, si doceat possessor se heredem esse. Nam duo in solidum eidem heredes esse non possunt. *L. qui contra, §. 1. de reg. iur.*

Hæc res movit plerisque, cum aliter se expedire non possent, ut hæc verba *per rerum naturam*, interpretarentur, secundum consuetudinem iudiciorum: optima scilicet ratione; quia consuetudo est altera natura, id quod etiam (si Deo placeat) probant ex *L. si quis possimus, D. de possum.* in qua interpretatione resutanda si immoremur, ipsi ineptiores simus. Constat, rerum naturam dici vim & potestatem rebus a natura, id est, a Deo inditam, quæ est immutabilis, ex qua vi & potestate consuetudo agendi in rebus nascitur: sed ita, ut sit consuetudo naturæ, de qua in *dict. L. si quis possimus*. Ordo autem iudiciorum ab hominibus constitutus est, non natura: idemque & pro varietate rerum mutabilis: neque rerum idem valet, atque iudiciorum. Itaque *per rerum naturam* significat: ut res a Deo creatæ & ordinatæ sunt, negantis nulla probatio est: quæ sententia verissima est, si recte accipitur. Est autem hic sensus. Negantis quatenus negat, seu, quatenus solum negat, neque quidquam affirmat præterea, probatio nulla esse potest per rerum naturam. Quod facile ita demonstratur. Nam hæc negatio non probatur, nisi instrumentis, aut testibus, qui idem affirmant, quod negamus. At nulli testes possunt affirmare, me Calend. lanuar. tecum non contraxisse. Possunt quidem dicere, se non vidisse, non interfuisse, cum contraxerem: sed dicere me non contraxisse, non possunt, ut certum affirmant. Quavis autem mille testes producam, qui dicant, se non vidisse, cum contraxerem:

Z z z z

rem:

rem: non tamen ideo consequens est, me non contraxisse. Fieri enim potest, ut aliqui viderint, qui non producuntur. Fieri etiam potest, ut nulli viderint: & tamen contraxerim. Similiter & de instrumentis dicendum est: quanvis 100. instrumenta proferam eo die inter nos interposita, in quibus nihil scriptum sit de eo contractu, de quo nunc agitur; non tamen efficitur, me non contraxisse. Nam potest aliud instrumentum esse, quod non profertur. Fieri etiam potest, ut sine instrumento contraxerimus. At qui negat, potest probare, quod negat, si prius contrarium aliquid asseruit, & probet. Quo probato recte colligitur contrarium falsum esse: sed tunc probatio non est probatio negantis, sed affirmantis, non negationis probatio, sed affirmationis. Exemplo sunt ea, quae supra obieciimus. Possum prohabere, me Calend. Ian. tecum non contraxisse hic: sed ita, si dicam me eo die fuisse Romae, & ita prius asseram aliquid, quod probem. Unde colligitur, me hic eo die oon fuisse. Item, cum legatarius negat, legata relicta esse supra dudentem, id probare potest: sed ita, si prius asserat, patrimonium defuncti esse quadringentorum: legatorum autem quantitatem esse ad 100. aut 300. Similiter possit, qui actorem dominum negat, postest id probare: sed si prius affirmat, se esse dominum. Verum, ut dixi, hic non iam negantis probatio est, sed eius, qui prius asseruit & probat, quod asseruit. Nec obstat, quod ex ea affirmationis probatione sequitur negationis probatio. Nam id fit per consequens: ceterum principaliter nihil hic probatur, nisi assertio. In rebus autem spectamus id, quod principaliter fit, non quod per consequens. Item causam & originem, non id, quod ex causa ea & origine nascitur. *L. 1. D. de auct. tut. L. qui id quod in pr. D. de don.* Vera igitur hæc quoque huius rescripti ratio est. Quare iis rationibus stat hæc sententia, ei qui negat, non incumbere probationem.

8 Dubitatum est, an esset hæc regula perpetua. Et vulgo f docent, eam in quibusdam iudiciis criminalibus locum non habere, in civilibus etiam & pecuniariis tria genera negativæ faciunt, negativam facti, negativam iuris, negativam qualitatis. Negativam facti probare reos posse, nec debere probari a reo concedunt. Negativam iuris ab eo probandam dicunt. *arg. L. ab ea parte D. eod.* Similiter etiam & negativam qualitatis, argumento quorundam locorum, de quibus dicemus

postea. Huius sententiae error nobis animadvertendus est, & diligenter cavendus. Non enim tantum sententia falsa est, sed magis ex turpi errore & ignorantia nascitur: quod facilius intelligitur, cum de locis, qui contrarii videntur, respondero. Sic autem statuendum est, nunquam, neque in civilibus, neque in criminalibus probationem a reo negante exigi, si nihil amplius, quam neget. Probatur hæc sententia in *L. 2. D. eod.* ubi hic scriptum est, non incumbere probationem ei, qui negat. Non dicitur ei, qui factum negat, sed generaliter & infinite qui negat. Quisquis igitur erit, qui negat, & quodcunque id, quod negatur, probatio ei non incumbet *arg. in L. metam autem, 6. §. animadvert. D. quod met. causa. L. item veniant, §. petitam, vers. a quo, D. de petit. hered.* probatur in *L. frustra, supr. h. tit.* scriptum est, non esse verendum ei, qui lite pulsatur, ne ab eo probatio exigatur. Esset verendum, si ai quando a reo probatio exigeretur. Cum dicitur, ab eo, qui lite pulsatur, intelligendum est, quatenus pulsatur, id est, quatenus negat id, quod intenditur. Ut auctoritate certa constat hæc sententia, ita evidentem aequitatem habet, omnium causarum communem: Nam non debet factum actoris onerare reum, qui ipse nihil faciat, ut supra ostendimus. Est etiam absurdus actorem petere a reo, ut ipse adversus se arma administret actori. *L. ult. in fin. sup. de eden.* Hæc æquitas ad omnes causas pertinet, & præcipue locum habet in causis criminalibus. Proinde in omnibus hæc sententia retinenda est. *L. illud, D. ad L. Aquil. L. ult. supr. de constitut. pec.*

De contrariis locis, qui citantur, videamus. † Et in civilibus causis tres in genere opponuntur. *L. ne codicillos, infra de codicill.* ubi dicitur, heredem, qui prolatis a fideicommissario codicillis, negat defunctum fuisse compotem mentis, dicitur eum probare debere. Recte 10 respondet vulgo, hanc orationem: nego defunctum fuisse compotem mentis, verbis negativam esse, re ipsa affirmativam. Valet enim idem, ac si heres diceret, aio defunctum fuisse furiosum, vel dementem. Hanc affirmationem spectare debemus, propterea quod cum heres hæc dicit, utitur exceptione manifesta adversus codicillos, quibus tamdiu standum est, quamdiu contrarium probetur. *L. cum precibus supra, hoc tit.* Certum est, reum in exceptione asserere, & ob id exceptionem probare debere *L. in exceptionibus, D. eod.*

Secun-

Secundo loco opponitur *L. ab ea parte, D. eod.* ubi scriptum est. Eum, qui negat emancipationem rite factam, id probare debere. Hic se aperit error vulgaris. Dicunt illic esse negativam non facti, sed iuris: sed quia negatur hic ius intervenisse, addunt, cum qui ius negat, probare negationem debere; quia omnes idonei exilimantur, & omnia per ius licere si non prohibeantur. *L. musus, §. 1. D. de procur. L. 1. in fin. 1. respons. D. de legat. 3.* Hic duplex peccatum est animadvertendum; primum, quod dicunt, non esse hic negationem facti, sed iuris; at maxime hic facti negatio est. Nam qui dicit alicui, quid non licere iure; qui etiam dicit aliquid iure factum non esse, dicit ideo hæc non licere, quia iure prohibeatur, ut est in ea *L. ab ea parte* in prin. At aliquem iure prohiberi facti est. Qui enim hoc dicit, nihil aliud dicit, quam ius esse factum, quo id prohibeatur, & qui id negat, negat factum, quod non potest probari, nisi instrumentis iuris, ubi ius illud perscriptum est. Deinde quam hic negationem vocant, non est negatio, sed affirmatio. Cum enim dicitur, *negotio emancipationem rite factam*, hoc dicitur, *aito emancipationem esse vitiosam. Aio emancipationem iure prohiberi.* Veluti cum procuratori dico, nego te idoneum esse procuratorem, nihil aliud dico, quam te prohiberi iure, ne sis procurator. Et ideo qui hoc dicit, probare debet, non quia verbis negat, sed quia re affirmat. Huiusque rei evidentissimum argumentum hoc est, quod cum reus procuratori actoris id obicit, vitur procuratoria exceptio, ut dicitur in *L. in exceptionib. D. eod.* Constat autem, omnem reum exceptionem suam probare debere. Hæc igitur causa est, cur huius generis defentiones probari a reo debeant; quia exceptiones sunt, in quibus affirmat & dicit, non autem negationes. Et ne moveamur illis verbis, *negotio emancipationem rite factam*, meminisse illos oportebat, quid de eiusmodi formula respondeant in *L. ne codicillos*, ubi fateatur contineri affirmationem, non negationem.

Tertio loco opponitur *L. cum pater, §. rogo, D. de L. 2. & in eandem sententiam L. servos, D. de manu. test. & L. omnimodo, supra, de inoffic. test.* In prioribus duobus dicitur legatum esse iis, quos heres iudicaverit promeruisse, aut qui promeruerint; si heres neget eos promeruisse, placet, eum id probare debere. Cum opponitur regula *L. 2. D. eod.* & hæc lex, *affor.* Respondent, hæc non

esse negationem facti, sed qualitatis. Unumquemque autem qualitate idoneum esse præsumi donec contrarium probetur. Hic apertius utrinque superius peccatum est, quam in priore negativa iuris. Nam qui negat, servos aut alios promeruisse, aperte factum negat. Dicit enim eos fecisse, propter quod se indignos reddiderint: aut si actores dicunt se promeruisse, id est, fecisse aliquid, quo promerereatur, si heres id negat, apparet hic negationem esse facti. Sed hoc amplius constat, hic negationem non esse, sed affirmationem heredis. Nam heres cum negat, servos promeruisse, nihil aliud dicere intelligitur, quam affirmare, eos esse indignos, seu ea fecisse, propter quæ indigni sunt legato, aut libertate. Ut expresse in dicta *L. servos, D. de manu. test.* Et vero ob hanc solam causam heres hanc allegationem probare debet, quia in ea allegatione vitur exceptione adversus certam intentionem actorum. Nam actores petunt legatum aut libertatem ex testamento, & nihil amplius dicunt: heres ad eos removendos hac allegatione vitur, quod dicat, eos esse indignos. Merito igitur probare debet: primo, quia affirmat. Secundo, quia exceptione vitur. Ex quibus ¶ apparet, neque iis locis probari, esse ullam negativam iuris, aut negativam qualitatis, quæ non sit negativa facti. Deinde nunquam in illis reo imponi necessitatem probandi, quia negat; sed quia affirmat. Ita hæcenus manet rata regula, non incumbere probationem ei qui negat. Hoc loco non immerito queritur: cum ea omnia, quæ verbis negationem habent, ut plurimum re continuent affirmationem, unde colligemus & certo statuemus reum negare? In eo hæc regula ¶ tenenda est, nunquam id estimandum esse ex verbis rei, sed ex intentione actoris. Nam si actor aliquid intendit ad fundandam intentionem suam, si reus id negat, tum vere reus negare dicitur, quibuscunque verbis utatur, etiam si utatur affirmativis, ut si actore intendente se dominum esse, possessor dicat contra, se esse dominum, ut proponitur in §. 1. *Institution. de aff.* His verbis possessor affirmat, re negat actorem esse dominum. At contra, ubi actor nihil intendit, quod reus neget; sed adversus intentionem actoris reus aliquid nunc primum addert, quod dicat ad sui defensionem & ad exceptionem, adversus intentionem: tum vere dicitur reus dicere & affirmare, etiam si verbis negativis utatur, ut sit in supra scriptis omnibus exemplis, quæ pro con-

tra-

trariis supra obiciebantur. Et negationem, aut affirmationem ex verbis intelligendam non esse, intelligitur appositissime exemplo negatoriae actionis. Negatoria actio de usufructu competit domino, adversus eum, qui se fructuarium dicit. Hæc verbis negativa est, unde & negatoria dicitur. Iudicandi enim dominus, ius non esse, fructuario re sua utendi fruendi. At inter omnes convenit, hanc actionem re esse affirmativam, & ita affirmativam ut dominus eam affirmationem probare debeat. Dicit enim mōdes suas ab usufructu esse liberat: dicit sibi ius esse prohibendi, ne alius re sua utatur. Hoc in *L. usufructu, D. si usufructus petat*.

Si in iudiciis civilibus & pecuniariis æquum est, non onerari reum, qui negat, propter factum & intentionem actoris: 13 multo æquius est, ¶ in iudiciis criminalibus idem reo servari, non probatio neganti iniungatur. Neque hic excipere debemus ullum crimen vel falsi, vel læsæ maiestatis, aut si quod est his simile. Nam quo maius periculum intenditur reo, eo magis illi consulendum est, ut bene scriptum est ab Ulpiano, & in eandem sententiam *L. 1. §. sed & si quis D. de Carb. edict.* Hic obicitur *L. ult. infra, ad L. Iul. de falsis*, ubi in crimine falsi cavetur, iudicem soli accusatori non indicare necessitatem probandi. Sed ex eo colligi non debet, necessitatem indicendam esse reo neganti. Nam neutri iudicant ea necessitas, ut eo scripto caveatur. Placet enim illi, iudicem se gerere debere inter accusatorem falsi, & reum, ut medium quandam, qui utramque partem interroget. Quod eo spectat, ut iudex dissimulando quid quærat, facilius investiget veritatem: sed non eo pertinet, ut si forte actor non probavit, iudex debeat reum condemnare, nisi ipse probaverit. Servanda enim est hæc regula, accusatore non probante reum absolvi, *L. qui accusare, supr. de edend.* Deinde opponitur *L. fallaciter, ult. in fin. infra, de abolit.* ubi hæc verba sunt: *iudex non minus accusatorem ad probanda, qua dicit, quam reum ad purganda, qua negat, urgere debet.* Respondetur: aliud est ngeri reum ad purgandum quod negat; aliud urgeri ad probandum, quod negat. Probare est idoneis modis ostendere, quod dicitur. Purgare est excusare, & reddere rationes, cur aut quo animo illud aut illud feceris, ut probatur dilucide in *L. 5. in princip. D. de publ. iud. (Is, qui reus falsus est, purgare debet innocentiam)* Hæc purgatio eo spe-

ctat, ut existimare possit iudex, quid veri sit, aut falsi, ut postea statuat, quid sibi probatum existimet: non autem ut reum, qui negationem non probavit, condemnet. Hæc autem indagatio purgationis in illis criminibus de quibus illic agitur, ideo requiritur, quia propter gravitatem criminum iubetur maior indagatio criminum fieri, ut in *L. penult. infra, ad L. Cornel. de fals.* & *L. ubi ibid.* Rata est igitur hæc sententia: nullis in iudiciis neque civilibus, neque criminalibus reo neganti incumbere probationem. Vis & potestas huius regulæ hæc est, ut intelligamus, sic actori dicenti probationem incumbere, ut eo non probante reus absolvi debeat, quanvis nihil ipse præstiterit, ut est in dicta *L. qui accus. supra, de edendo*.

Hoc loco quæritur ¶ est. Quid si reus 14 qui negat, idem aliquid affirmet, & ultro in se suscipiat probationem eius, quod affirmat, aut negat. Veluti possessor, qui convenitur rei vindicatione, negat actorem dominum esse, & vult probare, quia dicit se esse dominum: an possessor id postulans audiendus est? Respondetur in *L. circa, in fine, D. eod.* Et reo, qui id postulet, morem gerendum esse, id est, ex usu loquendi Latinorum, non consuetudinem iudiciorum ei servandam esse, ut imperite Accursius interpretatur: sed ei parendum esse, eum audiendum esse, & admittendum ad eius rei probationem. Hoc respondetur in *d. L. circa*, de eo, qui erat in possessione liberatis, & dicebat se esse ingenuum, adversus eum, qui præiudiciali actione instituta dicebat, hunc esse servum suum: possessor ingenuitatis negabat se esse servum, & amplius, dicebat se esse ingenuum, & postulabat, sibi potestatem fieri id probandi, placet morem ei gerendum esse. Hoc si in hoc iudicio admittitur, multo magis in rei vindicatione, ubi de dominio agitur, & similibus admittendum est. Nam ubi quis sententia iudicis ingenuus pronuntiatus est, hæc sententia prodest ingenuo adversus omnes, id est, adversus omnes ingenuus postea habebitur, ut in aliis actionibus præiudicialibus fit: veluti, cum quis in præiudiciali actione pronuntiatus est esse filius L. Titii agente & negante Titio, hæc sententia filium facit, etiam adversus fratres & reliquos consanguineos, qui in iudicio non fuerint. *L. 1. in fin. L. 2. & 3. in princip. D. de agnoscend. liberis.* At cum in rei vindicatione possessor pronuntiatus est esse dominus, hæc sententia non nocet, nisi ei, cum quo actum est, secundum regulam rerum iudica-

dicatarum. *L. fape, Dig. de re indic.*
 Multo igitur citius hæc probatio possessorii tribuenda est. Quæres, cum possessor sine alia probatione absolvi debeat, actore non probante: quid necesse est eum in se suscipere onus probandi, se ingenuum, aut dominum esse? Respondetur: Utilitas † hæc est, quia ubi se probavit dominum, aut ingenuum, talis pronuntiatur sententia iudicis: at ubi nihil probaverit, nihil de eo pronuntiatur, sed solum de actore, hunc videlicet dominum non esse: & ideo prior sententia semper actori nocebit, posterior non semper. Nam si possessor exciderit possessione, eaque possessio ad eum, qui prius actor erat, pervenerit: non poterit prior possessor eam vindicare, quia dominus pronuntiatus non est: quod facere potuisset, si dominus esset pronuntiatus. *L. sed si possessori, D. de iureiur.* Quid si reus † susceptus in se probatione dominum probare non potuerit, an condemnari debet?

Respondetur; Minime. Nam initio duo tibi sumpti, possessionem & dominium, si dominium obtinere non potest, quia non probavit; nihilominus alterum relinquitur, quod illi tribuendum est, nempe possessio, quam eius fuisse constituit, etiam confessione actoris. Nec debet ei nocere, quod dominii probationem in se suscepit: quasi id recipiendo possessioni renuntiaverit: nemo enim rem suam esse dicens, possessioni renuntiare intelligitur; quoniam nihil commune habet proprietas cum possessione, *L. naturaliter, §. 1. de adquir. poss.* Quid si actor & reus ambo de suo dominio docere velint, uter prior probans audiendus est? Respondetur: Par hac in re utriusque litigatoris causa est. Proinde uterque eodem tempore probare iubendi sunt, & ad eam rem utrique dilatio danda, & si hac in re alter alteri præferendus esset, diceremus prius audiendum esse reum, ut favorabiliorem. *L. foror, D. de regul. iur.*

Ad Leg. Penult. Iubemus.

Imp. Valens, Gratian. & Valentinian. AAA. ad Antonium præfectum præf. post alia.

Iubemus omnes qui scripturas suspectas comminiscuntur: cum quid in iudicio promiserint, nisi ipsi adstruxerint veritatem, ut nefaria scriptura reos, & quasi falsarios esse detinendos, Dat. Prid. Id. Ianua. Tiberiade, Valente V. & Valentiniano Iun. Coss.

S U M M A R I A.

1. Continuatio. De pena actoris promittentis in iudicio scripturas, nec probantis tria queri, & quæ.
2. Primo penam constitui, adversus eum qui scripturas comminiscitur suspectas, & eas in iudicio proferat. Scriptura quos modis incipiat esse suspecta.
3. Scripturam comminisci quid sit ibid.
4. Secundo falsi penam infligi adversus eum qui suspecta instrumenta promittit in iudicio, si ea non probet.
5. Tertio penam infligi a iudice coram quo productum sit suspectum instrumentum, etiam si non sit competens iudex.
6. Tria in hac pena sanctione singularia & quæ sint & n. 6. & 7.

Actore non probante † nihil amplius constituitur in iudiciis pecuniariis & civilibus, quam ut reus absolvatur. *L. qui accusatore, sup. de edend.* Sed interdum etiam alia pena adversus actorem non probantem constituitur, quod fit in *b. L.* Quod ut plenius intelligatur: tria hic capita observanda sunt. I. Adversus

quos pena constituitur. II. Quæ pena. III. A quo iudice infligatur. Constituitur hæc † pena adversus eos, qui scripturas suspectas comminiscuntur, & eas in iudicio promittunt, seu proferunt. Lex non exigit scripturas aperte falsas, sed solum suspectas. Suspecta scriptura esse incipit, cum dicitur ab aliquo scripta esse & is negat:

negat: & multo magis, si is dicat, se non nosse literas. Item, si in ea scriptura sint scripti aliqui testes, & hi nusquam appareant. Item, si dicatur a Notario scripta, & is negat. Item, si quid abrasum sit, & arte mutatum, vel in persona debitoris, vel in tempore instrumenti scripti, vel in quantitate debita, quibus in rebus summa instrumenti fere continetur. Non quisquis scripturam ita suspectam habet, puniatur hac lege, sed duo exiguntur: ut eam scripturam commentus sit, & præterea eam in iudicio proferat. Exigitur, ut comminiscatur, id est, ut excogitet, confingat, fabricetur. Ergo lex dolum exigit, idque eo spectat, ut is, qui instrumento suspecto in iudicio usus est, non teneatur hac lege, si nihil dolo in ea re fecerit, id est, si docuerit, se errore usum esse, puta quia heres erat; quia tutor erat, & instrumentum inter bona defuncti reperit, aut deceptus est similitudine literarum. Exigitur præterea, ut qui commentus est scripturam, eam in iudicio prouulerit, quod eo pertinet, ut intelligamus, non pertinere ad hanc legem eos, qui instrumenta quanvis falsa apud se habent, si in iudicio his non utantur. Usus falsi instrumenti, non possessio, falsarium facit *L. 2. infra, de fide instrum.* Denique qui instrumento non utitur, dolo nihil facit. Non tenetur autem falsi, nisi qui dolo falsum admittit. *L. 2. L. impube, D. ad L. Cornel. de fals.*

Ex his apparet, hanc constitutionem non pertinere ad eos, qui accusant instrumentum, sed ad eos qui accusantur. Non ad eos, adversus quos instrumentum proferitur, sed ad eos, qui proferunt. ³ Adversus tamen hos hæc poena est, ut cogantur adituere scripturae veritatem, aut tanquam falsarii detineantur, aut puniantur, si id non probaverint. Opponitur. *L. ult. seq.* ubi cavetur, reum manifestis probationibus convinci oportere, priusquam condemnatur. Respondetur: Qui suspectam scripturam profert, in hac probatione reus non est, sed actor, & ideo

non exigitur adversus eum probatio adversarii: deinde hic, quem supra diximus, coercetur, non quia falsum fecerit, etsi tanquam falsarius puniatur; sed quia calumniose scripturam suspectam protulit. Itaque temeritas coercetur magis, quam falsitas. Neque sit proferenti iniuria, qui priusquam scriptura suspecta uteretur, potuit apud se deliberare, quomodo eam probaret. Et si putaret, probare se non posse, potuit ea non uti. De iudice, a quo tamen hæc poena infligitur, nihil expressum est, sed intelligi oportet eum iudicem, apud quem scriptura suspecta prolata est, etiam si in eum, qui scripturam profert, iurisdictionem non habuerit, quod probatur in *L. nullum, infr. de testib.* Quo loco tamen tria singularia notanda sunt, *5 b. L. constituta.* I. Actore non probante, non solum hanc poenam esse, ut reus absolvatur, sed etiam hanc, ut tanquam falsarius puniatur, si de scriptura suspecta probanda agatur. Alterum singulare est, quod reus hic coercetur sine tamen ullo accusatore; qui tamen in re communis in omni crimine puniendo requiritur. *L. 2. §. si publ. D. de adult.* Hoc autem ideo recipitur in hac, & aliis similibus plerisque causis, quoties in iudicio de alia re suscepto crimen incidit, quod iudici, ut iudici in eo iudicio manifestum sit. Exempla hic & in *L. nullum, infr. de testib. & in d. L. 2. §. si pub. D. de adulter.* Tertium singulare est, quod cuius iudici tribuitur tamen iurisdiclio adversus eum litigatorem, qui apud iudicem in iudicio deliquit, *d. L. nullum, infr. de testib.* Sed notandum est, hic solum iudici iurisdictionem tribui in personam, non autem in modum poenæ. Nam iudex, si ad certam usque poenam condemnare tantum potuit, & crimen falsi maiorem poenam desiderat, iudex maiorem poenam non statuet; ut excedat formam, id est modum iurisdictionis suæ, sed rescribet Principi æstimaturo, quomodo reus coercendus sit. Hæc in *L. ante penult. D. ad L. Cornel. de fals.*



Ad L. ult.

Imp. Gratian. Valentinian. & Theodos. AAA. Floro præfecto prætorio.

Sciant cuncti accusatores eam se rem deferre in publicam notionem debere, quæ munita sit idoneis testibus, vel instructa apertissimis documentis, vel iudiciis ad probationem indubitatis & luce clarioribus expedita.

S U M M A R I A.

1. Onus probandi cui in iudiciis criminalibus incumbat.
2. Probatio qualis in criminalibus esse debeat.
3. Probatio accusatoris qualis esse debeat?
4. Accusatoris in probando facultas quæ.

TRia hic constituuntur circa probationem in iudiciis criminalibus. I. In iis iudiciis cuius sit onus probandi II. qualis debeat esse probatio accusatoris. III. Quæ sit potestas eius in probando.

I. Onus probandi ¶ Idem hic constituitur, quod est in iudiciis civilibus, ut scilicet quemadmodum actori necessitas probandi imponitur, sic in criminalibus intelligatur imperatum esse actori, ut probet crimen, quod intendit. Hoc eo pertinet, ut intelligamus, accusatore non probante, itidem reum absolvi debere, ut in iudiciis cæteris. Item ut intelligatur, non continuo reum esse, qui accusatus est, ut est in *L. accusationis infr. de accusat.*

2. Quod ¶ ad probationem accusatoris attinet, exigitur h. L. ut sit certa & indubitata, non autem ut omni sit luce clarior, ut male vulgo hanc legem accipiunt. Nam quod de probationibus luce clarioribus hic dicitur, nominatim dicitur de iudiciis, & signis, quæ talia esse debent. Cæterum hoc idem de testibus & instrumentis exigi non debet. Nam testes quantumlibet idonei, tamen homines sunt, & tamen verum dicant: hoc tamen, quod dicunt, non potest esse luce clarius; quoniam mentiri possunt, possunt etiam errare, falsum dicere: sed in summa nihil amplius hac lege exigitur, quam ut probationes omnes, quæ afferuntur, sint indubitatae pro qualitate probationis. Hic notandum est, non minus in iudiciis pecuniariis probationes certas & indubitatas esse debere. Nam in accusatione hac lege exiguntur idonei testes: At idem exiguntur in omnibus causis. *L. 3. in pr. L. testes. L. nullus, D. de testib.* Instrumenta in eadem vi sunt. *L. in exercendis, infr. de fide instrument.*

3. Cur ergo hoc de ¶ accusationibus hic

Tom. VII.

cavetur. Respondetur. Ut intelligeremus idem in criminum probatione exigi ab accusatore, quod ab actori in iudiciis pecuniariis, Idque removendæ dubitationis causa, quæ hic incidebat. Nam publice interest, maleficia puniri. *L. vulneratus, D. ad L. Aquil. L. locatio, §. quod illicite, D. de public.* Ideo videri poterat utilitas publica postulare, ut quæcunque probatio adferretur adversus reum, delictum puniretur; sed placuit non ita esse. Nam publice interest delicta coerceri, sed prius nota & convicta. Nam, ut supra dixi ad *L. actor.* eo magis consulendum est, quo gravior periculum intenditur. Et hoc referri debet ad id, quod scriptum est in *L. absentem, D. de pen.* neminem unquam ex suspicionibus damnari oportere.

Quod ad potestatem ¶ probandi attinet, tribuitur hoc illi, ut & testibus probare possit, dum idoneis, hoc est, & documentis & instrumentis, dum indubitatis, & iudiciis, seu signis, dum hæc sint luce clariora. Quibus verbis intelligitur accusatori in facultate probandi idem tribui, quod actori in causis civilibus. Quomodo probentur delicta idoneis testibus, notum est. Instrumentis probatur delictum falsi, cum quis accusat scripturam aliquam, tanquam falsam, quæ contineat, aliquid certo die & loco factum esse: & probat falsum esse ex instrumentis publicis, quæ eodem die cum eadem persona alio loco remotissimo facta sunt. Exemplum in *L. optimam, in fin. infr. de contr. stipul.* Iudicia luce clariora sunt, quæ Aristooteles *unicuique* appellat. Ea sunt luce clariora, quæ sunt necessaria, veluti: eam virginem non esse, quæ hac in mammis habeat: Eum vivere, qui spiret: Eum natum esse, qui probetur esse mortuus, & quæ sunt generis eiusdem.

Aaaa

AD TITU.

A D T I T U L U M XX.

D E T E S T I B U S .

Ad Rubricam.

S U M M A R I A .

1. Probationum genera duo.
2. Probatio interna quæ?
3. Probatio externa quæ?
4. Testimonium quid?
5. Argumentum quid?
6. Ratio quid?
7. Argumenti appellatio generalis & specialis est.
8. Argumentum generaliter quod?
9. Argumentum specialiter quod?
10. Testimonium quid?
11. Testimonii species quæ?
12. Testes quid?
13. Instrumenta quid?
14. Probationis legitima quot sunt species?
15. Indicium quid?
16. De argumentis cur nusquam in iure civili trahatur?
17. Argumentum in quibus versetur?
18. De testibus & instrumentis in iure cur agatur?
19. Testium loci præcipui.
20. Instrumentorum loci præcipui.
21. Probationum legitimarum plures ne sunt species, an tres tantum?
22. Confessio adversarii quæ? Et quatenus ei standum.
23. Interrogatus quis dicatur?
24. Confessus in iure pro indicato habetur.
25. Insiurandum quam vim probationis habeat.
26. Confessio & insiurandum cur in enumeratione specierum probationis prætermittantur?
27. Probatio, confessio, & insiurandum, quid differant?
28. Tormenta, quæstiones de fama, de præiudiciis, an inter species probationum sint referende?
29. Tormenta nihil confirmant, nec probant?
30. Fama per se fidem non facit.
31. Fama quid?
32. Testium numerus & dignitas nunquam fidem faciunt.
33. Præiudicia quid?
34. Præiudicia cur inter legitimas probationes numerari non possint.

HOc constituto, quis ex litigatoribus rem controversam iudici probare debeat, de quibus superiore titulo dictum est, restat, ut videamus, quibus modis probet, quod illum probare oportet. Quæstio in eo est, quæ sint species legitimæ probationis? Tot enim modis res quæque probatur iure, quot sunt legitimarum probationum species, qui locus exponitur sequentibus titulis duobus. Attingitur autem præcipue in *L. 1. hoc titulo*. Probationum genera summa sunt duo. Est enim quædam probatio interna, seu, quæ ex re nascitur, quædam externa, quæ extra rem assumitur aliunde. Interna † probatio uno verbo dicitur *argumentum*. Externa † docendi causa *testimonium* licet appellare. Sic Cicero hoc verbo complectitur omnes probationes extrinsecus assumptas, in *Topicis*, iis verbis: *Hæc ergo argumentatio,*

quæ dicitur artis expert, in testimoniis posita est: Testimonium † autem dicimus omne, quod ex aliqua re externa sumitur ad faciendam fidem: Hæc divisio indicatur in L. 1. hoc titulo, cum ex probationibus quædam vocantur argumenta aliæ quæ argumenta non sunt, quæ duo testimonia vocamus.

Argumentum, † auctore Quintiliano *lib. 5. Institution. cap. 10.* sic definitur, *ratio, quæ rei dubie præstat fidem*, Cero eadem sententia definit, *Probatio inventum ad faciendam fidem*. Invenit nomine significans eam rationem, quæ diximus. Nam ratio invenitur arte, testimonium non item. Est autem † ratio res omnis, & veluti causa, quæ posita id sequitur, quod colligi volumus propter eorum rerum inter se coniunctionem & affectionem. Exempli gratia, & finitio

- finitio est argumentum definiti, quia definitio est ratio, seu res, qua posita sequitur definitum. Partes sunt argumentum totius, quia sunt ratio & res, qua posita statuitur totum propter naturalem illarum rerum inter se coniunctionem. Eademque ratio est ceterorum locorum inventionis, ex quibus ducuntur argumenta, de quibus Dialectici præcipiunt. Interdum tamen argumentum aliter accipitur. Nam in usu
- 7 Iuris & bonorum auctorum, argumentum appellatur & generalis est, & specialis.
- 8 Generaliter probationes & omnes dicuntur argumenta. Itaque etiam hoc verbo testes & instrumenta subdiciuntur, ut in *L. 3. §. eiusdem, D. de testib. & L. generaliter, infra, de non numer. pecun. L. sicut. §. infra, de fid. instrument.* Similiter & Cicero in *partitionibus* in illis verbis, *quibus resbus fides sit argumentis, aut in re ipsa insitis, aut assumptis*: ubi assumpta vocat testes & instrumenta, quæ extrinsecus assumuntur ad rem probandam.
- 9 Specialiter autem & proprie testimonium dicitur species probativus ea, quam supra definivimus; quod verbum huius speciei proprium factum est propter excellentiam nominis. Nam proprie & vere solum probantur res ratione, non autem testimonio. Quia res ratione & argumento arguuntur necessario, seu necessitate naturæ, quæ fallere non potest. Nam positus partibus necessario sequitur totum: posita definitione necessario sequitur definitum: at testimonio testis, aut testimonio instrumenti non arguitur res necessario. Non enim si quis dicit, rem ita se habere, idcirco ita res se habet. Potest enim testis mentiri, aut errore falsum dicere, & ideo bene Cicero dixit, *argumenta esse verum; testimonia voluntatum*, quæ voluntates mutari possunt, & falli, atque alios fallere.
- 10 Testimonium & docendi causa nunc dicimus omnem affirmationem aut personæ, aut scripti alicuius de facto aliquo, cum id dicitur ita esse, aut non esse, & testimonio creditur, quia dicit sine ulla ratione seu argumentatione.
- Huius generis species proprie sunt duæ
- 11 & testes & instrumenta, ut hæ species nominantur in *L. 2. hoc titulo*. Testes & sunt personæ, quæ interrogatæ dicunt aliquid factum esse, aut non esse. Instrumenta sunt & scripturæ, quibus scriptum est, quid ita gestum esse, aut non esse, de quibus sequenti titulo plura dicentur. In hac divisione duo querenda sunt. Primo
- 14 an iure civili tot & sint species probatio-

num iure cognitarum, quibus in iudiciis uti liceat, & cum uti fuerimus, reus, aut adversarius pro convicto haberi debeat? Et certum est hæ species tres iure civili esse cognitæ, & legitimæ. Hæ tres nominantur in hac *L. 2. hoc titulo*, item in *L. ubi 22. infra, ad L. Cornel. de falsis*. Et significantur in *L. ult. supr. prox. titul. de probationibus*. Nam illic nominantur testes, deinde documenta, quo verbo significantur *instrumenta*. Tercio loco *iudicia* manifesta. Quo verbo sub una specie argumenta significantur. Nam & iudicium indubitatum est signum, quo

15 posito colligimus id quod antecedit natura vel necessario, ut id intelligatur antecedens & consequens; causa & effectus.

Si hoc ita est, ut argumenta etiam haberi debeant inter legitimas probationes, cur de argumentis nusquam agitur in iure civili. Nam titulos legitimis de testibus & instrumentis, de argumentis nullus est. Cur igitur id ita sit, si etiam argumentum est legitimum & probatio, non minus,

16 quam testes, aut instrumenta? Respondetur. Quia argumenta ad ius nullo modo pertinent. Nam argumentum est positum &

17 in naturali coniunctione & affectione, quæ est inter rem probandam & eam, quæ probatur: quæ coniunctio & affectio natura efficitur, non iure; & ita natura, ut ius in ea coniunctione neque addere, neque mutare quidquam possit. Cur ergo potius iure præcipitur de testibus & instrumentis, cum testes, id est, homines, qui testificantur, natura existant; instrumenta hominum voluntate; utrum iure?

Respondetur. Eo fit, quia de & testibus

18 & instrumentis quædam queruntur, quæ non nisi iure regi & constitui possunt. Nam testes non omnes fidem faciunt, sed idonei. & itaque queritur, qui sint idonei. Item, testes fidem faciunt, sed

19 interrogati. Queritur a quo, & quomodo interrogari debeant? Item fidem faciunt, cum venerint, ut testimonium dicerent. Quid si venire nolint, an cogi possint, & quomodo possint? De iis igitur ius constituitur, suntque isti loci præcipui, de quibus tractatio de testibus continetur. Similiter & instrumenta & fidem faciunt,

20 verum non omnia, sed ea, quæ rite confecta sunt, quæque suspecta non sunt. Queritur igitur, quomodo fiant, & quæ suspecta non sint, de quo non nisi iure constitui potest? Sunt igitur hæ tres species legitimæ, ut dixi, nec minus argumenta, quam testes & instrumenta.

- 21 Sequens questio est, an hæc ÷ solæ sint probationes legitimæ. Et plures species non nominantur. in *L. 2. hoc titulo*, in dicta *L. ult. supr. proxim. titul.* in dicta *L. ubi, infra*, ad *L. Cornel. de falsis*. Sed & cum de probationibus ex professo agitur, non alii tituli suor de speciebus probationum, quam de testibus & de fide instrumentorum; quæ omnia ostendere videntur, non plures esse probationum legitimarum species. Et ita est, si proprias & veras probationes querimus. Sed quædam cum veræ probationes non sint: tamen probationis & testimonii vim habent. Hæc sunt duæ, confessio in iure facta, & iurandum deferenti adversario præstitum.
- 22 De confessione ÷ adversarii, qui aliquid confessus est, ita scribitur in *L. de atate*, §. 1. *D. de interrog.* Fides enim ei adversus se haberi debet. Simpliciter hoc dictum est de omni confitente. Sed observandum est, illie questionem esse de eo, qui interrogatus, confessus est. Interrogatus accipere ÷ debemus ex edicto eius loci, cum, qui in iure interrogatus est, *L. 1. §. 1. D. eod. tit. de interrogat.* Unde de confessis dicitur, confessos
- 24 ÷ in iure pro iudicatis haberi. *L. unica, infra*, de confessis. In iure adicitur, ut intelligamus confessionem adversarii extra iudicium editam cum non tenere, nec qui extra iudicium confessus est, cum pro convicto, aut condemnato haberi. Iurandum deferente ÷ adversario præstitum adversus eum, qui detulit, probationis vim habet. *L. 5. §. dato, D. de iurjurand.* Unde & in *L. 32. infra de fideicommissis*. Is, qui iravit, dicitur testis, & iurandum nominatur a iustitiano probatio. Cur ergo ÷ hæc species in locis supra scriptis prætermissa sunt? Cur in argumento de probationibus nulla mentio fit aut iurjurandi, aut confessionis in iure factæ? Quia hæc species dum polteriores probationis vim habent, veræ probationes non sunt: his argumentis: quia reus, qui confitetur, exempli gratia, se debere, non id confitetur testificandi causa, aut quidquam probandi, sed aut bonæ fidei agnoscendæ gratia, aut vitandæ iudicii molestiæ causa, & eius poenæ, quæ constituta est adversus temere litigantes. Similiter & cum quis iurat se non debere, iurat, ut a lite discedatur. Principalis igitur finis non est probatio, sed per consequens fit, ut illa pro probationibus habeatur, quia neque confessionem in iure redditam, neque delationem iurjurandi revocare licet.

Præterea omnis probatio ÷ vera est adversus invitum, cum probamus rem, quam dicimus, sive adversarius probet, sive improbet, sive velit, sive non, quod sit argumentis, & testibus, & instrumentis. At confessio & delatio iurjurandi non est, nisi adversus volentes. Recte igitur dicimus, hæc species polteriores probationis vim habere, probationes non esse; & tamen propter vim earum inter probationes recte numerabimus. Questum est, an sint plures legitimæ probationes? ubi de his tribus questum est: ÷ de tormentis, seu 28 questionibus, de fama, de præiudiciis. Nam & hæc probationis speciem videntur habere; & a Quintiliano numerantur inter probationes in *Cap. de probat. orat. Instit. libr. 5.* De iis breviter sic habendum est: questiones & tormenta adhibentur ad exprimendam confessionem. Ipsa ÷ tormenta & questiones nihil probant; quia nihil affirmant. Sola est confessio tormentis expressa, quæ affirmat, aut negat. Hæc pro probatione habetur, similiter ut voluntaria confessio in iure reddita. Sed ideo cum de hac probatione agitur, non nominatur confessio, sed nominatur tormenta & questiones; quia in iure non tam queritur, an hæc confessio fidem faciat, quam an & quando adhibenda sint tormenta, aut questiones ad confessionem eruendam, unde titulus de hac specie, *de questionibus* inscriptus tam in *Pandectis*, quam *Cod.* Quod ad famam attinet, fama per ÷ se fidem non facit. Nam iure 30 civili omne testimonium rejicitur, quod est de auditu, id est, quo quis non dicit, se vidisse, aut sensitse, sed audivisse ab aliis, qui dicerent; quia hoc omne testimonium interzetur. *L. testium, 14. infra hoc tit.* Et præcipue testimonium de auditu improbandum est, ubi quis se audisse dicit, & nullum certum auctorem nominat, a quo audierit. At horum utrumque convenit in fama & rumore.

Nam ÷ fama est de eo, quod quis ita vulgo dicit & iactari prædicat. Propterea fama ita definitur ab eruditissimis, *sermo vulgo sparsus inserto auctore.* Dubius, rursum de causis fama fidem non facit. Obstat *L. 3. §. eiusdem, D. de testib.* ubi hæc verba sunt, *alias numerus, testimonium, alias testimonium dignitas & auctoritas, alias veluti consentiens fama confirmat rei, de qua queritur, fidem.* Respondetur, Verba hæc expensa sola faciunt ad probandum, famam per se fidem non facere. Non enim dicitur, famam fidem facere rei, de qua queritur, sed confirmare fidem. Non confirmatur fides, nisi

nisi quæ præcessit. Probationem igitur prius legitimam præcedere oportet; tum si accesserit fama, ea confirmabit præcedentem probationem. Et omnino est hic sensus illius loci: si qua probatio legitima præcedit, sed obscurior & incertior, ita ut iudex adhuc de fide probationis dubitet: tum si consentiens fama accesserit, poterit iudicem dubitantem confirmare in fide eorum, quæ probata sunt. Hunc esse sensum liquet ex eo, quod de numero testium & de testium dignitate, atque auctoritate illic dicitur. Nam hæc tria eo loco inter se comparantur, numerus testium, dignitas testium, & consentiens fama. Omnibus unam & idem tribuitur, ut confirmet fidem rei controversæ. At nunquam ¶ numerus testium solus facit fidem, si testes non sint per se idonei, nunquam etiam dignitas testis fidem facit. Nam solus testis, quantacunque auctoritate sit præditus, fidem non facit. Et si plures adhibentur, qui nullis iustis de causis reici possunt, nihilominus fidem faciant, etiam si nulla dignitate & auctoritate sint præditi. Quid igitur

significatur, cum dicitur hæc confirmare rei, de qua quæritur, fidem: nempe illud, quod iam dixi, si probatio & fides præcellerit, sed adhuc iudex sit paulo incertior; cum confirmari posse in fide rerum probatarum, ubi maiorem numerum testium viderit, ubi perspexerit in testibus dignitatem & auctoritatem. Ergo idem de fama intelligendum est, postquam hæc eo loco in eadem causa habentur.

Præiudicia ¶ sunt res ante ab aliis iudicibus iudicatæ. Hæc inter legitimas probationes numerari ¶ non oportet propter eas constitutiones, quæ iubent nos non exemplis, sed legibus iudicare, quæcunque tandem, & quantacunque auctoritate prædita sint illæ præfecturæ, a quibus illæ sententiæ natae sunt. *L. nemo, 13. infra, de sentent. & interloc.* Itaque si res prius secundum leges iudicata est, & id præiudicium sequimur, leges sequimur, non præiudicium. Sin res contra ius iudicata est, eas sententias sequi vetamur, id est, vetamur pro probationibus iustis habere.

Ad L. Si tibi 2.

Imp. Alexander A. Carpo.

Si tibi controversia ingenuitatis fiat: defende causam tuam instrumentis & argumentis, quibus potes. Soli etenim testes ad ingenuitatis probationem non sufficiunt. PP. X. Kal. Maii. Maximo II. & Aeliano Coss.

S U M M A R I A.

1. *Facti species.*
2. *Qualis sit hic, questio, & quamprobe Imp. responsio Consistenti sive reo, sive actori conveniat. & seqq.*
3. *Rescripti duas esse partes; prior qua sit & que adversus illam dubitandi ratio & n. 4.*
5. *Probe sibi constare priorem partem contraria diluendo ostenditur.*
6. *Posterior rescripti pars exponitur; atque ea re dubitandi multiplex ratio exploditur & n. 7.*

8. *Legitime probationis species quæ.*
9. *Ingenuitatis legitima probationes.*
10. *Instrumenta ad ingenuitatem probanda quæ sint?*
11. *Professione parentum quando locus sit in ingenuitate probanda?*
12. *Ingenuitas quando testamento & actis iudicialibus probetur?*
13. *Ingenuitas testibus probatur.*
14. *Probatur eadem argumentis, & quibus.*

Carpus quidam ¶ se ingenuum esse dicebat, id est, ingenus libera matre natum, nec servivisse postea, & manumissum esse, & omnino se esse libertinum. Nam hæc definitio est ingenui, qui ita li-

ber natus est, ut non sit postea manumissus, nec ullum patronum habeat, ut patet ex *tit. Instit. de ingen. in princ. & tit. de libertin. in princ.* Contra erat aliqui, qui negabat Carpum esse ingenuum, id est,

est, dicebat, se Carpum habuisse servum, eumque manumississe; ideo se eius patronum esse, & illum libertum. Nam patronus dicitur, qui ex servitute manumissit. *L. adoptivum, §. §. patroni D. de in ius voc.* in hac controversia agitur inter istos præiudicio, seu præiudiciali actione,

in qua ¶ queritur, Carpus sit ingenuus, an libertinus, & libertus adversarii? §. *præiudiciales, Inst. de act.* in hoc iudicio Carpus actoris partes sustinet, si prius in possessione libertinitatis fuit. Contra, rei commodo fruatur, si fuit in possessione ingenuitatis sine dolo malo, ut pluribus exposuimus ad *L. matrem, sup. de probat.* Carpus in hoc iudicio, si quod necesse haberet probare ingenuitatem, si quod vellet alio in se eam probationem suscipere, & non haberet testes, quibus ingenuitatem probaret, consulit Imperatorem, an possit aliis modis (*ingenuitatem*) probare, ut vincat se ingenuum? Hæc questio Carpo convenit siue agat in hoc iudicio, siue conveniatur. Nam si agit, ei incumbit probatio: si reus est, & postulet, se admitti ad probandum se ingenuum esse, audiendus est. *L. circa, in fin. D. de probat.* Quare utroque caso recte querit, quid se facere oporteat in hac probatione.

3 Sententia vera ¶ rescripti hæc est. Non debere Carpum laborare in probatione, etiamsi testibus deficiatur. Iubetur igitur defendere causam instrumentis & argumentis, testes desiderare cum non debere, quoniam testibus res probantur, sed non solis. Et verba hæc sunt: *Soli etenim testes ad ingenuitatis probationem non sufficiunt.*

4 Duæ partes huius rescripti ¶ dubitationem habent. In primis illa, qua rescriptum iubet, Carpum, cui sit ingenuitatis controversia, *defendere causam instrumentis, aut argumentis.* Hæc verba consistere posse non videntur, nec nullo modo Carpo convenire, siue is actor, siue reus sit. Nam si actor est, recte quidem iubetur probare rem, de qua queritur; quoniam actori probatio incumbit. *L. actor, supra, de probat. L. 2. D. eodem.* Sed verba actori non conveniunt. Nam actor controversiam facit, non patitur; & præterea actor non dicitur se defendere. Hoc verbum proprium est eorum, qui oppugnantur & pulsantur. Reus autem pulsatur, non actor, & ideo defendendi verbum proprium est solam rei. Utramque probatur his verbis in *L. permittendum, §. D. si pars heredi petat.* Rursus si Carpus reus sit: verba quidem rescripti ei conveniunt; nam reo recte dicitur fieri

controversia: idem recte dicitur se defendere, ut diximus: sed non recte iubetur causam defendere, hoc enim verbum est necessitatis. Reo autem necessitas probationis non incumbit. *L. frustra, §. 8. U d. L. actor, 23. supra, de probat.*

Ob has difficultates exstiterunt variae illæ interpretationes, quæ sunt apud Accursium in *L. 1.* Dicendum ¶ est, & verba rescripti & sententiam Carpo recte convenire siue is actor sit, siue reus, & ita utroque modo rescriptum optime consistit. Nam si actor est, recte iubetur probare, cum probandi onus sit actoris. Verba rescripti actori conveniunt. Nam actor, non tantum dicitur controversiam facere, sed etiam pati. Facit controversiam eius rei, quam adversario auferre vult, idem vicissim patitur controversiam rei a se petitæ, dum adversarius de ea litigare paratus est, & non prius dimittit, quam iudicio totus sit. Idque declaratur in *L. non solum, §. si statim, D. de procurat.* Quod si verbum defendendi animet, fatendum est, non recte dici, actorem se defendere, cum possit, sed recte dicitur defendere causam suam, ut hic scriptum est. Nam defendit causam, qui eam tuetur & vindicat a casu, qui imminet litiganti actori non probanti.

Convenit item rescriptum Carpo reo, de verbis non dubitatur. Sed convenit etiam & sententia. Observandum est enim, non simpliciter eum iuberi defendere causam, quasi de eo quereretur, an reus deberet defendere; sed iuberi defendere instrumentis, aut argumentis, nec de testibus laborare debere: quod respondetur ex hypothesi & consultatione, cum Carpus quereretur, an recte probaret causam aliis modis ingenuitatis, quam testibus. Et respondet Alexander. Defende causam aliis modis, & vinces, quia aliis modis uti potes. Quæ sententia magis intelligitur ex explicatione posterioris partis.

Sed & interdum necessitas probandi ingenuitatem incumbit reo, puta si adversarius probaverit, se Carpum, ut servum manumississe. Nam hic nisi Carpus exceptione utatur, & dicat servitute non fuisse instam, quia ingenuus erat, necesse omnino est eum vinci, nisi probet se prius fuisse ingenuum. Quo probato manumissio non officiet natalibus. §. *ultim. Instat. de ingenu.* Sed in hac exceptione Carpus actor est, & recte iubetur probare ingenuitatem. Posterior ¶ pars huius rescripti maiorem dubitationem habet, ex cuius interpretatione pendet totius rescripti sententia. Verba hæc sunt: *soli ete-*

nim

nim testes ad ingenuitatis probationem non sufficiunt, ut est hic contextus orationis. Est hic sensus verborum, ingenuitatem non probari solis testibus & ideo Carpum debere querere alias probationes, nempe defendere causam instrumentis, aut argumentis. At hæc sententia falsissima est. Primo inter legitimas probationes constat maxime legitimam esse, idoneos testes, etiam in causis criminalibus, nedum in privatis & pecuniariis. *L. ult. supra, de probat.* Et quod ad statum & ingenuitatis probationem attinet, certum est, statum æque testibus probari posse: alioqui amissis instrumentis, totus simul status everteretur, contra quod rescriptum est in *L. statum, 6. infra, de fide instrument.* Præterea in hoc rescripto dicitur, ingenuitatem probari posse instrumentis: ex quo efficitur, multo magis probari posse testibus, vel saltem eodem modo. Nam in exercendis litibus eandem vim obtinent instrumenta & testes. *L. in exercendis, 15. infra, de fide instr.* Huc accedit, quod controversia status & ingenuitatis regitur iisdem regulis, quibus cæterarum rerum controversiæ. Argumentum in *L. eum, qui, 30. §. pen. D. de in re iur.* *L. cum proponas, 6. supra, de reb. cred. L. non solum, 39. §. si status, D. de procur.* Nec ad rem explicandam quidquam valent interpretationes Accursii & aliorum: ut dicamus, testes solos non sufficere; & interpretemur solos, sine iureiurando, cum non iuraverint; vel solos, si non reddant rationem dicti sui. Nam hic soli quid significet, ex præcedentibus æstimandum est.

- 7 Dicuntur igitur hic soli testes, qui sunt sine aliis probationibus, de quibus dictum est. Nam soli testes opponuntur instrumentis & argumentis, quæ prius commemorata sunt, quo sensu eadem falsitas definitionis manet. Dicendum est, in his verbis particulam, *Non*, debere referri, non ad verbum *sufficiunt*, sed ad nomen *Soli*, & ita accipiendam esse orationem, quasi ita scriptum esset. *Non soli enim testes ad ingenuitatis probationem sufficiunt:* ut sit sensus, si testes haberes, Carpe, & his uteris, il sufficerent ad ingenuitatis probationem. Testes enim ad fidem faciendam sufficiunt, sed non soli. Itaque defende causam tuam instrumentis, aut argumentis, & nihilominus vinces sine testibus. Hæc locutio non est sine exemplo veterum iuris auctorum, sed extat similis profus in *L. si servus. §. 1. D. si quis cautionib.* Dominus cum conveniretur furti, plurium fervorum no-

imine promisit, se omnes iudicio staturos, & nisi stetit, promisit poenam. Quosdam stetit, unus tantum status non est, queritur, an poena in solidum committatur? Respondet Labeo optimus & iuris & latinæ linguæ auctor, in solidum committi: *quia verum est, omnes status non esse.* Secundum hunc contextum hæc sententia est, neminem statum esse. Quæ sententia aperte falsa est. Nam proponimus quosdam esse status, unum tantum statum non esse. Sed illam orationem sic interpretari oportet, ut particulam, *Non*, referatur, non ad verbum, *Esse*, cui adiungitur, sed ad nomen, *Omnes*, & ita accipiendam, quasi ita scriptum esset: verum est enim, non omnes status esse. Quomodo interpretantibus nobis hunc locum primum constat ratio iuris; deinde efficitur ea sententia responsi, quam initio proposuimus. Itaque in summa duo ex hoc rescripto notanda sunt.

Primo legitimas et probationis species 8 has esse, testes, instrumenta argumentum, de quo initio huius tituli dictum est. Secundo et ingenuitatis causam testibus quidem 9 probari posse, & ad eam probationem solos testes sufficere, sed sine testibus æque probari posse & instrumentis & argumentis.

Instrumenta ad et ingenuitatem probandam idonea sunt professiones parentum, testamentum libertatis relicta, acta iudicialia libertatis datæ. Professionibus tunc locus est, cum Carpus dicit, se natum esse ex Titia, quam liberam esse constabat, sed negatur ex ea natus esse. Idem probabit, se ex ea natum professione matris, professione patris, de quo genere diximus ad *L. non nudas, 14. supra, de probat.* Sc. Huc pertinet. *L. cum de ætate. L. etiam, D. de probat.*

Testamento et actis iudicialis libertatis datæ tunc locus est, cum Carpus dicet, se natum ex Titia, quæ dicebatur esse ancilla; probabit matrem manumillam esse, antequam ederetur, si proferat testamentum, quo libertas relicta est, vel acta iudicialia, quibus perspicuum est, illam manumillam esse apud illum, vel illum magistratum. In eandem rem et valent 13 testes citra ullam dubitationem, ut dubitari non oporteat, quin hæc causa ingenuitatis, æque probari possit testibus, ut instrumentis.

Argumentis et probatur ingenuitas, cum 14 de facto constat, & de iure queritur, ut si Carpus dicat se ingenuum esse, quia natus sit ex Titia, quæ fuit tum libera. Si ex Titia natum esse constabit, & præterea

terea Titiam esse liberam: recte probat Carpus ingenuitatem, argumento sumpto a definitione ingenui. Nam ingenuus is est, qui matre libera natus est. *Iussit. de ingen.* Eiusdem generis argumentum est, si dicet, se aliquando in iudicio contra-

dictorio pronuntiata esse ingenuum, si de hoc facto constabit, recte colliget ingenuitatem ex definitione; quoniam etiam sententia ingenuum facit. *L. ingenuum, 25. D. de statu hominis.*

Ad L. etiam 3.

Impp. Valerian. & Gallien. AA. Rosæ.

Etiam iure civili domestici testimonii fides improbat. PP. III. Kal. Septemb. Valeriano III. & Gallieno II. AA. Coss.

S U M M A R I A.

1. *Testes idonei qui sint?*
2. *Testes quibus de causis reiiciantur, & pro minus idoneis habeantur?*
3. *Infantes, muti, furiosi, testes esse non possunt.*
4. *Servi testes esse non possunt.*
5. *Testimonium quot & quibus modis fiat suspectum?*
6. *Testimonium quomodo fiat suspectum propter personam?*
7. *Testimonium domesticum quod?*
8. *Testes domestici qui?*
9. *In patrisfamilias potestate qui sint?*

10. *Patrisfamilias imperio quinam subiecti sint?*
11. *Uxor est subiecta imperio viri?*
12. *Uxorem esse domesticam viro.*
13. *Uxor in causa mariti testis esse non potest.*
14. *Domestici cur testes esse non possunt.*
15. *Frater emancipatus an in causa fratris testimonium ferre possit?*
16. *Testis amicus nihil probat.*
17. *Quid illa verba rescripti significant, etiam iure civili.*

TESTIBUS res probatur, ut initio huius tituli genera probationum posuimus, sed non aliter, quam si testes sint idonei. *L. ult. supra de probat.*

1. Iure omnes \dagger idonei habentur, quicunque iustis de causis testes esse non prohibentur. *L. 1. §. 1. D. eodem.* Multæ sunt autem causæ, propter quas placet, \dagger testes reiici posse, ut non idoneos. Quidam ideo esse non possunt, quia prohibentur natura, vel quia non intelligunt id, de quo agitur, vel quia effari non possunt, ut infantes, muti, \dagger furiosi, & similes. Quidam ideo, quia et si res optime intelligant; tamen legitimam personam standi in iudicio non habent, ut \dagger sunt servi. *L. quoniam 10. infr. hoc tit.*
2. Alii enim & res intelligant, & in iudicio consistere possint; tamen vetantur testes esse, quia eorum testimonium suspectum est. Nam hoc primum est in præceptis testium, ut testimonium careat omni suspitione iusta. *L. 3. primo responsi, D. eod.*
3. Suspectum \dagger testimonium sit aut propter personam testis aut propter causam, qua impellitur \dagger testimonium dicendum

quæ duæ causæ notantur in *d. L. 3. D. eod.* Propter \dagger personam si persona testis honesta non sit, veluti si infamia laboret: propter causam, veluti si vel amicitia, vel odio, vel spe lucri & commodi alicuius consequendi ducatur, ut testimonium dicat; vel pro eo, pro quo producit, vel adversus eum, adversus quem testimonium dicit. Ad tertiam causam pertinet testimonium domesticum, de quo hic agitur. Unde res ita definitur: domestici testimonii fidem improbari.

Domesticum \dagger testimonium est testimonium domesticorum, id est, eorum, qui producantur de domo eius, pro quo testimonium dicunt, ut aliis verbis in *L. penult. D. eod.* scriptum est, non esse interrogandos eos testes, quos accusator de domo producit. Quod significat, non esse interrogandos testes domesticos. Domestici sunt, qui in domo \dagger alicuius degentes subiecti sunt potestati imperiove eius, qui domui præest, a quo eodem producuntur.

In potestate \dagger patrisfamilias sunt servi, \dagger filiifamilias, & liberi homines, qui ei bona fide serviunt. Proinde hi omnes domestici

filiis patrifamilias, eoque nec ei idonei testes sunt. Id ita intelligimus. Nam hi omnes dicuntur esse ex familia eius, cuius in potestate sunt. *L. adiles etiam, 25. §. 1. D. de edil. edicto.* Omnes autem, qui sunt ex familia alicuius, iidem sunt eius domestici, ut declaratur in *L. quod si nolit, 31. §. idem melius, D. eod. de edil. edict.*

10 Imperio patris et familias, sive potestati subiecti sunt ii, qui domi ei inserviunt, aut famulantur, vel gratis, vel mercede. Gratis, veluti libertus, qui in domo patroni degit. Mercede, ut sunt famuli & coloni in villis, qui nobis operas suas locant. Ideo hi quoque domestici esse dicuntur, in *L. perspicuum, §. furta, D. de penis, L. ult. §. supr. de his, qui ad Ecclesias confug.* In hoc numero habenda est et uxor. Nam & hæc si non potestati, at certe imperio mariti subdita est. Est igitur uxor marito domestica, proinde non idonea testis in causa mariti. Domesticam esse ita facilius intelligimus.

12 Nam & uxor dicitur esse ex familia mariti, non minus, quam servi, aut filifamilias mariti. *L. quicumque, infr. de re militari, lib. 12.* Item autem dixi, qui ex familia sunt, eosdem domesticos appellari in *d. L. quod si nolit, §. Idem Pedius, D. de edil. edicto.* Reiciendi huius testimonii ratio et hæc est. Quia ut dixi, suspectum est. Suspicionis causa in et eo, quia domestici metuunt iram eius, cuius potestati & imperio subiecti sunt, a quo male accipi possunt, si adversus eum testimonium dixerunt, possunt etiam domo eici. Denique iratis dominis multi sunt modi ulciscendi, sive iure, sive iniuria. Huius incommodi vitandi causa, credibile est domesticos testimonium etiam facile pro domino esse dicturos. Merito igitur reiectum eorum testimonium. Ex his intelligi potest, quale sit, id quod

15 quæsitum est de testimonio et fratris emancipati in causa fratris. Quidam putant, testimonium etiam emancipati fratris idoneum non esse, quia sit domesticum, ut Duarenus *lib. 1. disput. cap. 28.* Sed ex his, quæ diximus, apparet, neque fratris emancipati testimonium domesticum esse, neque causam esse cur emancipatus frater non sit fratri testis idoneus, si aliud, quam consanguinitas non impediatur. Primo, non est domesticum testimonium, quia frater non est ex domo fratris, etiam si quis concederet ambos fratres esse ex eadem domo patris. Hi non sunt idonei testes, qui ab aliquo de domo eius producantur. *L. penult. D. de testibus.* Fra-

Tom. VII.

ter fratrem emancipatum de domo sua non producit, proinde emancipatus recte producitur, nec est domesticus. Huc accedit, quod emancipatus ne in domo quidem patris, & familia est, quoniam emancipatione, & domus & familia moratur, incipitque emancipatus novam familiam constituere. *L. tutelæ, 7. D. de cap. minutis.* Omnes quidem fratres sunt ex eadem domo & familia, quia ex ea orti sunt; sed emancipatus post emancipationem in domo esse desinit. Idem aperte probatur in *§. in testibus, Institution. de testam. ordinand.* Nam illic fratris testimonium dicitur fratri esse domesticum, si ambo sint in eiusdem patris potestate. Ex quo colligitur, si quis desierit in potestate patris esse, huius testimonium amplius non esse domesticum. Et merito hæc ita distinguuntur, quia cum frater dicit testimonium fratri, qui in eiusdem patris potestate est, ipsi patri suo testimonium dicere intelligitur, propter potestatem. At hæc ratio cessat in fratre emancipato. Non est igitur testimonium emancipati fratris domesticum. Atque ut domesticum esset; tamen nulla causa est, cur eius testimonium reiciatur. Diximus domesticum testimonium reici, quia domestici metuunt iura & imperium eius, cui parent. At frater emancipatus non est sub potestate & imperio fratris, nec habet, cur fratrem metuat. Utraque igitur de causa frater emancipatus fratri idoneus est testis. Adieci, nisi quid aliud impediatur. Nam fieri potest, ut sit ea amicitia & coniunctio voluntatum inter fratres, ut ea res facile fratrem reiciat, ne pro fratre dicat testimonium. Nam et amicitia iusta causa est reiciendi testis, & *3. circ. princip. D. eod.* Quæsitum est, si hi, qui aliquando domestici fuerunt, desierunt esse domestici, & producantur de ea re, quæ gesta est, tunc cum domesticis essent, quid hic sequi oporteat? Respond. idoneos testes esse; quia tunc cum testimonium ducunt, domestici non sunt; iure autem solum domestici prohibentur dicere, domestici qui sunt, non qui fuerunt. Et vero in his cessat ratio prohibitionis iuris. Diximus enim ideo testimonium domesticorum testimonium repudiari; quia metuunt iram domini, cuius domestici sunt: nunc autem qui domestici esse desierunt, nihil habent eiusmodi, quod metuant. Idque probatur in *L. 1. §. item Munia, D. de quæst.* Quod tamen sic accipimus, nisi data opera paterfamilias liberaverit potestatem, aut imperio suo domesticos, dum illorum testimonio uti vult: hæc fraus illi prodesse

Bbbb

non

non deber. Itaque si iudex cognoverit, fraude hæc gesta esse: non magis istos audiet, quam si in potestate patrisfamilias mansissent, *argumentum in d. L. 1. §. si servus, D. de question.*

17 *Intervandum est in rescripto dici, testimonii domesticæ fidem improbari etiam iure civili.* Quo significatur ꝑ citra dubitationem hoc testimonium improbari iure naturali, propter evidentem testimonii suspicionem. Sed non tantum hoc iure improbat, verum etiam iure civili. Ius naturale indicat prohibitionis æquitatem. Nam ius naturale semper æquum & bo-

num est. *L. penult. D. de iust. & iur.* Ius civile scriptum ostendit prohibitionis certitudinem, quæ scripto comprehensa est. Hoc ergo eo additum est, ut intellexeremus, hoc ius non tantum æquum esse, sed etiam esse exploratum: & ob hanc causam sæpe hæc duo coniungi legimus, ut dicatur, non tantum æquitatis ratione, sed etiam iuris civilis aliquid constitutum esse: ut priore aequitas; posteriore certitudo iuris exprimatur, ut legimus in *L. solvendo, 38. D. de negot. gest. L. qui accusare 23. L. ult. sup. de edendo.*

Ad L. Sola. 4.

Imp. Carus, Carinus & Numerinus AAA. Valerio.

Sola testatione probatam, nec aliis legitimis adminiculis causam approbatam, nullius esse momenti certum est. PP. VIII. Kalend. Decemb. Caro & Carino AA. Coss.

S U M M A R I A.

1. *Testatio quid?*
2. *Testatio sola quæ?*
3. *Testimonii veritas, aut falsitas ex quibus dependeat?*
4. *Testimonii solis quando non productis testibus credatur?*
5. *Testes aut a iudice, aut ab arbitris interrogantur.*
6. *Testimonii quando credatur testibus a iudice non interrogatis?*

7. *Interrogationem testium quando iudex aliis mandare possit?*
8. *Testium interrogatio qualis adhibenda in criminalibus?*
9. *Interrogatio testium ad futurum examen iure civili improbat, in mores tamen vulgo abiit.*
10. *Testis b. L. emendatur, & quatenus.*

1 **T**estatio est id, quod ꝑ testes pro testimonio deferunt, seu uno verbo tantum testimonium scripto comprehensum. Sola est, cum ꝑ nihil profertur amplius, quam testimonium, quod recitatur, nec testes prolucentur, qui coram iudice interrogati testimonium dicant. Sola huiusmodi testatio nullius momenti est. Quia iubentur iudices ipsi interrogare testes, & testibus credere, non testimoniis. Hanc sententiam intelligimus ex *L. 3. §. eiusdem, & §. seq. D. eod.* Huius testationis, & ut in *d. L. 3.* scriptum est, testimoniorum, quæ recitantur, non productis testibus reiiciendorum duplex maxime causa est. Prima, quia præsentia iudicis testem deterrebit, ne mentiatur. Absentia, & quod in absentia scribitur, facit testem dicentem nihil pudeat; & quia

nihil pudeat, non veretur mentiri, scite Cicero; *Epistola, seu litera non erubescit.* Deinde cum iudicium & sententia sit iudicis, convenit iudici æstimare, quantum fidem testibus habere debeat, ut præclare scribitur in *d. L. 3. vers. ideoque, & §. eiusdem, D. eod.* At hoc iudex æstimare non potest, nisi ipse præsentis testes interroget: quoniam ꝑ quam verum, aut falsum dicant testes, maxime deprehenditur ex voce, vultu, & ex oratione testis. Ex vultu cognoscitur trepidatio, aut præsentia; ex voce quoque; ex oratione autem intelligitur, an consentanea ex tempore respondeat, an vero præmeditatum sermonem attulit de re tota, quæ omnia diligenter examinanda sunt iudici, ut declaratur in *d. L. 3. §. eiusdem, & maxime hæc ratio redditur in L. de minore,*

more, 10. §. plurimum, D. de quest. Hoc posito consequens est, quod sequitur in scripto, causam ipsam, si ante adminiculis, quam solis testimoniis approbata non sit, itidem nullius momenti esse; quoniam sola testatione probata est pro non probata, cum statuamus solam testationem, seu sola testimonia nullius esse momenti.

- 4 Interdum tamen solis testimonii fides habetur, etiam ubi testes non producuntur. Id contingit, cum testes iam ante in legitimo aliquo iudicio a iudice, cuius ea de re cognitio erat, interrogati testimonium dixerunt, & testimonium in acta relatum. Nam si causa postea ad alium iudicem superiorem perveniet ex appellatione, in eo iudicio testimoniis credetur sine nova testimonii inquisitione aut productione; idque sive ab arbitro testes interrogati sint, sive a iudice. Sed si ab arbitro interrogati sint, non creditur illorum testimoniis in sequenti iudicio, nisi iis cautionibus, de quibus constitutum est in L. ult. infr. eodem, ubi dicitur. Quod si a iudice interrogati erunt, re deinde per appellationem ad iudicem superiorem delata, testimonio fidem faciunt sine exceptione, non productis iterum iisdem testibus. Quod bene cautum est, in Cap. veniens, 2. extra de testibus, sumptum ex iure civili, sed obscurius. Sumitur autem recte ex Novell. de testib. §. quia vero, ubi cautum est, ne testimoniis apertis & publicis, quod sit in priore iudicio ante latam sententiam, testes postea in eandem rem producantur. Quod multo magis vetari intelligitur, ne refricentur iidem testes. Sed quia hoc apertius cavetur in d. C. veniens, melius erit, id ex eo sumi ad maiorem certitudinem huius iuris.

- 6 Nonnunquam etiam testimonii creditur, quanvis testes a iudice interrogati non sint, si eo iudice, cuius de causa notio & iurisdictio est, decernente, aut mandante, testes ab alio interrogentur, quibus in causis hanc interrogationem mandari concessum est. Duobus autem solum temporibus, si licet iudici de causa cognoscendi interrogationem testium aliis mandare. Unum tempus est, si testes sint quidem in eodem territorio, sed propter morbum ad iudicem venire non possint, aut propter conditionem personae venire non cogantur, quales sunt personae egregiae, ad quas domum mitti debet, L. ad personas 15. D. de inreiar. Cum eiusmodi personae testium occurrunt, si iudex ipse ad eos ire non vult, sit ei potestas mit-

Tom. VII.

tendi ex suo officio idoneum aliquem, qui eos testes interroget. Hoc in persona Episcoporum cautum est, Novell. de sanctiss. Episcop. §. multi vero, unde auct. Nullus, supr. de sacros. Eccles. Sed hoc de uno genere istarum personarum cautum est. De omnibus cautum est apertius & diligentius in C. si qui testium, extra cod. Alterum tempus est, cum eiusmodi interrogatio alii committi potest, si testes degant in alia provincia. Quo casu quid fieri oporteat, cautum est in Novell. de testib. §. & quoniam. Summa est: in testimonialibus causis, in quibus maius periculum versatur, iudicem curare debere, ut omnimodo ad se evocentur testes, & coram testimonium dicant. Quod consequetur precibus a magistratu eius provinciae, in qua degunt. In pecuniariis autem causis, impetrabit a magistratu eius loci, ut testes interroget. Magistratus autem interrogabit ita, ut si ipse iudex esset. Deinde testimonia in acta relata & consignata mittere ad suum iudicem. Quod si testes neque a suo iudice, cuius de ea re iurisdictio erat, interrogati sint, neque ab alio interrogati, mandante eo, cuius de re iurisdictio est: nunquam testimonii soli, seu testimoniis solis fidem haberi oportet, sed testes produci, & a iudice coram interrogari.

Idque adeo verum est, ut si iure civili aperte improbetur interrogatio testium, quae fieri solet apud magistratum idoneum, ad futurum examen, seu ad periculum futuri temporis, cum scilicet aliquis metuit, ne testes, quos vult habere, aut discedant, aut moriantur, & ita illi testimonium intercidat. Hoc eo dicimus: quia eiusmodi interrogatio testium ad futurum examen, sententia interpretum recepta est, in §. ult. in Novell. de testib. Eadem sententia in mores recepta, & tandem etiam constituta nominatim in C. significatur, extra de testib. quae cum ita & moribus & illo capitulo recepta sit: non puto, nos ab eo facile discedere posse: praesertim cum nullam manifestam iniquitatem contineat, sed potius hac sententia periculo evidenter occurratur. Sed tamen, ut ius, quod tractamus, penitus intelligatur, monendi sumus, totum hoc genus examinis esse incognitum iuris nostri auctoribus. Primum generaliter sola testatio omnis improbatum hoc loco. Deinde diserte iubentur iudices testes interrogare in d. L. 3. §. eiusdem, & seq. Nec ad rem pertinet, si metuamus, ne testes intercidant, priusquam de causa liceat agere. Nam hoc quoque periculum contemni-

Bbbb 2

tur,

tur, neque propter id permittitur præfinita Interrogatio in *L. 3. §. dua, D. de Carbon. edit.* Nec loci, quibus hæc sententia confirmatur ab Accursio in *d. §. ult. Novell. de testibus*, quidquam ad rem faciunt, sed potius hanc sententiam oppugnant. Sed cum, ut dixi, aliud mores receperint, & constitutiones Pontificiæ illæ, quæ pro iure habentur: ab hac sententia discedendum non puto. In quibusdam exemplaribus † legitur: *sola testatione causam prolatam*. Quæ lectio aperte vitiosa est, & repudianda. Nam

proferre est edere, & cognoscendi potestatem facere. Iam vero non dicimur edere causam, sed *edere instrumenta in causa & iudicio*. Quod si etiam liceret recte dicere causam proferre; tamen causam non proferimus testatione, seu testimonio, sed ante prolatam & deductam in iudicium testatione confirmamus. Legendum est igitur *ultra hætationem, solam testationem, nec aliis adminiculis causam approbatam*, in eam sententiam, quam exposuimus; & ita legisse Accursium suo tempore, ex eius glossa apparet.

Ad L. Eos. 5.

Imp. Diocletian. & Maximian. AA. Candido.

Eos testes ad veritatem iuvandam adhiberi oportet, qui omni gratiæ & potentatui fidem religioni iudiciarie debitam, possint præponere. PP. V. Kalend. Maii, Maximo II. & Aquilino Coss.

S U M M A R I A .

1. *Fidem gratiæ & potentatui præponere quoniam intelliguntur?*
2. *Testes idonei esse non possunt, qui gratiam & potestatem fidei præponunt.*
3. *Domestici cur testes esse non possint?*

4. *Amici cur a testimonio repellantur? Et qui nam amici eiusmodi.*
5. *Amicitia intima unde æstimanda?*
6. *Subditi alicuius potentis & nobilissimi esse non possunt pro eo nobili, & quare.*

1 **I**ntelliguntur fidem † testimonio debitam posse præponere gratiæ & potentatui ii, de quibus nullus iustus metus est, cur propter gratiam, aut potentiam falsum dicant. Ex quo intelligimus, eos † non esse idoneos testes, in quibus eiusmodi aliquid metuitur. Itaque hoc rescripto duo genera testium a testimonio remouentur. Primum ii, de quibus periculum est, ne gratiæ ineundæ causa ab eo, pro quo producantur, falsum dicant. In hoc genere sunt duo. Domestici testes, & amici intima amicitia coniuncti.

3. Domestici † aperte improbantur in *L. 3. Inpr.* Improbandi hæc ratio est; quia periculum est, ne quidvis pro domino suo dicant, ut hanc gratiam ab eo inean, vel, ut melius tractentur, vel, ut ne tra-

4. stentur durius, ut *ibid.* diximus. Amici † quoque testimonium ut suspectum reicitur in *L. 3. 1. resp. D. eod.* Sed ibi amicos intelligere debemus, non quavis amicitia coniunctos, sed intima, quæ eadem faciat, ut unus sit alter. Id intelli-

gimus ex eo, quod nominatim in *L. testis, D. eod.* vetatur pater esse testis filio, & filius patri. Quod si propter quamlibet coniunctionem & amicitiam repudiaretur testimonium, non oportuit consilium in iis duabus personis; sed generaliter de omnibus sanguine coniunctis dicere, hos cognato quem ament, testes esse non posse. Intima autem † amicitia ex magnis & multis officiis, item ex assidua consuetudine vitæ, eaque voluntaria, æstimanda est. Nam si qui munere publico, aut alia necessitate vitæ simul esse coguntur, hæc consuetudo amicitiam intimam non arguit. Non dubium est autem, quin amicus summus omnes occasiones capiet, quibus amici gratiam magis ac magis ineat. Alterum genus testium reicitur eorum, qui potentia metu impelluntur, ut falsum dicant. In hoc genere sunt † subditi alicuius potentis & nobilis. Pro eo potente testes produci non possunt, quoniam dum eius potentiam metuunt, coguntur multa sæpe tum facere, tum dicere, quæ non

lunt. Ergo priores testes removet suspicio. Suspicionis causa est spes commodi ex testimonio consequendi. Posteriores

removet potentia & incommodi metus. Ita cum superioribus hi coniungendi sunt, de quibus diximus ad L. 3. *supr.*

Ad L. Parentes. 6.

Idem AA. & CC. Tertullo.

Parentes & liberi invicem adversus se, nec volentes ad testimonium admittendi sunt. PP. IV. Non. Decembr. Nicomedia CC. Coss.

S U M M A R I A.

1. *Filius invitus non cogitur testimonium invitum adversus patrem dicere, sed nec volens admittitur.*
2. *Nec filius tantum, sed nec liberi: & qui liberorum appellatione continentur.*
3. *Patens adversus liberos testimonium dicere non cogitur, etiamsi velit, & quomobrem.*
4. *Profectio matris an in re dubia fidem faciat?*
5. *Pater filio, aut filius patri, idoneus testis non est.*
6. *Testimonium domesticum improbat.*
7. *Testes idonei non sunt, quibus imitari potest, ut testimonium dicant.*
8. *Testimonium fit suspectum propter gratiam & amorem.*
9. *Pater quibus de causis filio testis esse non possit?*
10. *Professionibus parentum quando fides habeatur, & quare.*
11. *Pater testis esse potest in testamento filii.*
12. *Pater an testis esse possit inter duos liberos.*

Singulare ius in testibus relictendis inter parentes & filios constitutum est, cum id agitur, ne invicem adversus se testimonium dicant, placet eos invicem adversus se, nec volentes esse admittendos, ut hic scriptum est. Exempli gratia. Aliquis in causa, quam habet conflitam adversus Titium, producit pro se filium Titii.

Item Placet filium invitum & non cogi testimonium invitum adversus patrem dicere. *L. lege Julia, D. de testib.* Sed & si filius testimonium dicere velit, hoc placet, nec volentem admittendum esse invito patri. Hanc reiectionem testimonii singularem esse dicimus. Non enim reicitur filius propter suspicionem. Nam nulla causa est, cur filius velit adversus patrem suum falsum dicere. Potius omnes sunt causae, cur testimonium dicere velit pro patre. Cur ergo reiciatur testimonium? Singularem rationem propter pietatem, quam filius patri debet: quam eandem nulla re, ac proinde nec testimonio eius violari oportet. Quid si filius velit testis esse, nec repugnabit pater? Officium boni iudicis est, ne sic quidem filium admittere ad testimonium adversus patrem, idque

efficiant verba huius rescripti. Simpliciter enim dicitur liberis adversus patrem ad testimonium non esse admittendos, nec distinguitur, utrum velit pater, an nolit filium admitti. Nihil ad rem pertinet consensus patris. Nam optimi iudicis est curare, ne laedatur pietas, & praeterea curare, ut litea minuantur, *L. quidam, D. si cert. petat.* Multo ergo magis, ut minuantur rixae & dissensiones inter parentes & liberos. De liberis hoc rescriptum est, non de filiis tantum. Hoc & antem verbo omnes continentur, qui ex nobis descenderunt, usque in infinitum. *L. liberos, D. de verb. significat.*

Haec eadem et converso dicenda sunt, si parens producat testis adversus liberos. Primum invitum & testimonium dicere non cogitur, dicta *L. lege Julia, D. eod.* Sed etiam velit esse; tamen non admittetur ex hoc rescripto, si filius reiciat testimonium, si admitti velit. Hoc non utique propter suspicionem falsi, quod metuitur in patre, cum natura incredibile sit, patrem velle testimonio suo falso filium laedere, sed propter caritatem & amorem summum; quo completitur filium naturae, quem testimonio laedi non oportet. Hoc

Hoc loco opponitur *Li. imperatores, §. ult. D. de probat.* ubi professio matris ꝑ admittitur, & fidem facit in re dubia, tamen si neget, eum, qui ex se natus est, iustum filium esse, sed professu sit in actis esse spurium. Respondetur; Hic excipiuntur parentum professiones de liberis, de quo mox dicetur. Hic scriptum est: *non esse admittendos parentes, & liberos adversus se.* Quid? utrum pro se invicem admitti possunt? Respondetur, nec pro se idonei testes. Testis idoneus ꝑ pater filio, aut filius patri non est, ut est in *L. testis D. eod.* Filius quidem patri testis esse non potest; quia si est in potestate patris, domesticus est: domesticus ꝑ testimonium improbat, *L. 2. sup.* Est etiam, cui pater imperare potest. Idonei testes non sunt, quibus imperari ꝑ potest, ut testimonium ꝑ dicant. *L. idonei, D. eod.* Quod si filius emancipatus est, et si superiora in hunc non cadant; tamen ideo patri testis esse non potest; quia amor inter parentes & liberos constitutus, omnem amorem excedit. Ita fit, ꝑ propter gratiam & amorem suspectum ꝑ sit testimonium. *L. 3. err. pr. D. eod.* Pater autem testis ꝑ filio esse non potest propter naturalem extremam caritatem, qua pater filios complectitur, quæ eiusmodi est, ut magis in rebus filii afficiatur, quam in suis, ut bene scriptum est in *L. ipsi, quidem, D. quod metus causa.* Sed si hoc ita est, ut nec parentes liberis, nec liberi parentibus testes esse possint: cur hic scriptum est, non posse eos esse testes adversus se? Quia id additum est, eos adversus se testes esse non posse nec volentes, quod secus est, si invicem pro se testimonium dicant. Nam adversario non recusante, si pater producat ꝑ filium, non tantum volens filius recte dicet testimonium pro patre, sed etiam invitatus dicere cogetur, ut pro caritate & pietate adjuvet patrem, Quod pietas ab eo exigit.

Quod tamen de testimonio patris diximus, huic filio testem esse non posse, habet duas exceptiones. Primo, hic excipiendæ sunt professiones parentum, de civitate liberorum. Hæ professiones nihil aliud sunt, quam testimonium patris & matris profitentium in actis, sibi illum natum esse illo, aut illo die. His tamen ꝑ professionibus fides habetur cum de statu & ingenuitate, aut ætate liberorum queritur. *L. cum de ætate, L. etiam, D. de probat.* ut docuimus ad *L. non nudis, supra, de probat.* Ideo autem placuit his professionibus fidem haberi utilitatis causæ.

Quia duæ res has professiones ab omni suspitione falsi vindicant, tempus, quo eduntur, & persona eorum, qui proficiuntur. Nam quo tempore parentes liberos sibi natos in actis profitentur, nondum ulla lis est eum liberis, nec sciunt, utrum ea professio liberis nocitura sit, an profutura: ac etsi profutura sit, quibus in causis, aut quando profutura sit? ut non possint dici parentes aliquid commodum inde captare liberis, aut aliquos velle lædere. Quod ad personam profitentium attinet, ii sunt parentes, qui dicunt, eos, qui nati sunt, esse liberos suos, aut negant, si non sunt liberi. Nemo est tam amens, ut velit cognoscere suos esse liberos, qui non sunt: si sunt, nemo est tam impius, ut velit negare esse liberos qui sunt. Omni igitur suspitione iusta hinc remota, merito placuit his professionibus fidem haberi, quod tamdiu faciendum est, donec contrarium probetur. Nam veritati locus superest, ut est in *d. L. Imperatores, in fin. D. de probat.* Excipitur præterea ꝑ testamentum filii, in quo placet, patrem adhiberi posse testem. *L. qui testamento, §. per contrarium, D. qui test. fac. possunt.* Sed hoc de testamento militis intelligendum est, & eius militis, qui testamentum facit iure militari, non communi, ut probatur in *§. in testibus, Instit. de testam.* ubi scriptum est, si filiusfamilias miles testamentum faciat post missionem, patrem testem adhiberi non posse. Et ratio est, quia post missionem iure communi testamentum faciet. *§. sed tamen, Instit. de milit. test.* Unde intelligimus, quod scribitur in *d. L. qui testamento*, ita temperandum esse ex superiore loco, si filiusfamilias miles testamentum facit iure militari ante missionem. Ergo propter privilegium militis hoc testimonium recipitur in testamento filii. Alioqui ius commune contra se habet. Accursius hoc loco rem ita expedit, ut dicat, patrem in testamento filii adhibere testem non videri filio testem esse, sed magis heredi, cuius causa testamentum scribitur, & ob id hoc quoque iure communi recte recipit. Sed quod ait, testem heredi esse, recte dicit: quod neget testem esse testatorem, falsum est; quoniam negotium testamenti inter testatorem & heredem geritur, & præcipue agitur negotium testatoris, *§. sed neque, Instit. de test. ord.* Proinde dicendum est, quod supra, hic exceptionem esse in privilegio militum.

Eleganter hic queritur. Utrum ꝑ pater possit esse testis inter duos liberos, an ꝑ,

utputa, lis est inter duos fratres, unus pro se producit patrem testem, an pater idoneus hic testis est? Repugnat regula iuris in *d. L. testis, D. eod.* quæ negat patrem filio testem idoneum esse. Rursum charitas patris erga alterum filium facit, ut non videatur pro filio uno falsum dicturus. Et hæc sententia placuit Bartolo hoc loco, non ineleganti ratione; quoniam par causa affectionis erga utrumque filium patris testimonium ab omni suspitione falsi liberat, *L. non solum, §. 1. in fin. D. de ritu nupt.* Idem confirmat argumento servi, qui iure adversus dominum interrogari non potest; & tamen si res agatur de causa duorum dominorum, quorum unus dicatur alterum occidit: placuit recte servum interrogari inter istos duos dominos, pro uno adversus alterum, *L. hoc quod placet, in fin. inf. de quest.* Ego autem puto, patrem multo minus inter duos liberos ad testimonium admittendum esse; quia hic iam incipiunt pro una duæ esse causæ, quæ patrem reiciunt. Primum, quod dicit te-

stimonium pro filio, quod regula iuris vetat *d. L. testis, D. eod.* Deinde, quod dicit testimonium adversus filium, ad quod testimonium vetatur hoc rescripto admitti. Et merito admittendus non est: ne lædat eam conjunctionem, quam Deus inter patrem & filium constituit, & ne aperiatur fenestra odio & dissensionis, quam procul abesse inter parentes & liberos oportet. Nihil ad rem facit, quod par ratio affectionis omnem suspicionem falsi removel. Non enim reiciimus hoc testimonium propter suspicionem falsi, sed propter violatam charitatem & conjunctionem, quam nulla re imminui decet. Nec recte comparatur hæc species cum servo, qui torquetur inter duos dominos. Nam non magnopere laboratur, an servus offendat dominum, contra quem testimonium dicit, cum in ea re nec conjunctio naturalis violeatur, nec metatur, ne dominus servo irascatur. Hæc sententia humanior & æquior est, colendæ amicitiae & conjunctionis causa, quam involutam inter patrem & filium esse oportet.

Ad L. Nimis 7.

Idem AA. & CC. Diogeni & Ingenux.

Nimis grave est quod petitis urgeri partem adversam ad exhibitionem eorum per quos sibi negotium fiat, unde intelligitis, quod intentionis vestrae proprias afferre debetis probationes, non adversus se ab adversariis adduci. Dat. VI. Kal. Maii CC. & Coss.

S U M M A R I A.

1. Verbum exhibere quid significet, cum de personis agitur.
2. Actor an recte postulet a reo exhiberi testes domesticos.
3. Quomodo fiet actori potestas domesticorum quos exhiberi vult.

Actor, qui petebat 200. mutua a se data, dicebat, rem gestam esse præsentibus liberis, aut domesticis rei. Itaque postulabat a reo, ut eos domesticos, quibus imperare poterat, in iudicio exhiberet, id est, in publicum produceret, ut esset illos tangendi & interrogandi copia. Quod verbum † *exhibere* significat, cum ad personas exhibitæ refertur. *L. 3. §. ait prætor, D. de libero homine exhib.* Negat reus id se facturum. Quæritur, an actor id † recte postulet? Hic respondetur, actorem non esse audiendum, hac

ratione; quia quos postulat sibi exhiberi, postulat, ut testimonium dicant adversus eum, qui exhibebit. Nimis grave est, quenquam subministrare adversus se arma adversario. Hoc bis iniquum est; & quia qui subministrat, perit; & quia perit suis armis. Elegans est versiculus ex vetere Mîmo.

Interimitur bis, qui suis armis perit.

In quam sententiam est *L. 1. L. qui accusare. L. ultim. supra, de edendo.* Hoc

3. Hoc responso non ꝑ admittitur auctori facultas testimoniorum, nec sit potestas reo impediendi suos domesticos, ne testimonium vocati dicant. Nam actor per iudicem consequi potest, ut illi, quos vult exhiberi, a iudice vocentur ad dicendum testimonium, ut omnes testes cogi possunt, *L. si quando, infra*, sed ipse reus exhibere cogendus non est. Non adversatur huic rescripto *L. si post, supra, de affect-*

foribus, ubi omnes, qui in officio & magistratu fuerunt, post depositam administrationem, postulantis provincialibus, aut curialibus, aut qua alia necessitate, iubentur exhibere domesticos suos. Nam nemo testimonii causa iubeatur exhibere domesticos adversus se, ut hoc loco. Alterius rei causa interdum iubetur, quod fit in magistratibus, ut illic caveatur, inter quæ optime convenit.

Ad L. Servos 8.

Idem AA. & CC. Deruloni.

Servos pro domino, quemadmodum adversus eum interrogari non posse, pro facto autem suo interrogari posse non ambigitur. Dat. Kalen. Nov. N. comedie CC. Coss.

S U M M A R I A.

1. *Servi testes esse non possunt.*
2. *Servi, si alia probationes non suppetant, interrogantur, & eorum responso credendum est, & quantum.*
3. *Servi enī pro domino testificari non possunt.*
4. *Servus quando adversus dominum interrogari possit.*

5. *Servi an etiam in pecuniariis causis adversus dominum interrogari possint.*
6. *Delicta non debent manere impunita.*
7. *Servo inter duos dominos interrogato fides adhibetur.*
8. *Dominus an adversus servum testis esse possit.*

1. **S**ervi iure civili testes esse non possunt, prohibet solus status personæ: quod attinet ad ius civile, servi pro nullis habentur: servi ꝑ iuris civilis aut prætorii communicationem non habent, *L. quod attinet, D. de regul. iur. L. qui testamento, §. servus, D. qui test. fac. poss.* Id expressit ex iure antiquo Terent. in Phormione his verbis:

Servum hominem causam orare leges non sinunt.

Neque testimonii dilio est.....


2. Hoc autem de servis cautum est in *L. quoniam, infr. h. tit.* sed hoc ita est, si aliunde probationes suppetant. Quod si alia probatio ad ꝑ veritatem erendam non est, placet servos interrogari posse, & eorum responso credendum, *L. servi, D. eod.* Sed tamen neque hoc passim & in omnibus causis & adversus omnes receptum est. De eo sic ius est: servus tunc cum veritas aliter erui non potest, recte interrogatur ex facto suo ut *hic scriptum*

est. Exempla in *L. interrogari infr. de quest.* sed & de facto alieno adversus exteros interrogari potest. In causa autem domini locum habet, quod hic scriptum est, ut servi neque pro domino, neque adversus dominum interrogari possint, seu idonei sint testes. Pro ꝑ domino cur testificari non possint, hæ sunt causæ: idonei testes non sunt, quibus imperari potest, ut testimonium dicant, *L. idonei, D. eod.* In hoc numero constat esse servos, *L. ad ea, D. de reg. iur.* Item, domesticis testimonii fides improbat, *L. 2. sup. h. tit.* servi domesticis sunt, ut ibi docuimus. Summa autem huius testimonii reiiciendi causa hæc est, quod servus dominum metuit, & timet, ne si pro illo testimonium non dixerit, male accipiat, suspectum igitur testimonium. Omne autem testimonium suspicione vacare debet. Est igitur hoc perpetuum, servum pro domino interrogari non posse, nec debere. Quod autem dicitur, *servos adversus dominum interrogari non posse*, perpetuum non est. Si de crimine agi-

4 agitur, placuit † servos adversus dominum interrogari posse, in iis tribus iudiciis, in crimine adulterii, in accusatione fraudati census, in crimine læsæ maiestatis. *L. x. infr. de quæst.* In prioribus duobus ideo, quia non solent perpetrari ea delicta, nisi consensu domesticis; In tertio admittitur quivis testis, quanvis accusator, propter criminis gravitatem. In cæteris criminibus possunt etiam servi interrogari adversus dominum, sed hac lege, si aliæ quoque probationes suppetant, quibus sine servi interrogatione res probaretur, ut ibi scriptum est in *d. L. x. infr. de quæst.* Sed si aliæ probationes sunt, quid interrogatione servi opus est? Resp. Ut magis confirmetur rei probatæ fides, ut dicitur in *L. 3. §. eiusdem, D. cod.* Si pecuniaria causa est, ibi locus est proprie huic rescripto, ut nunquam servus adversus dominum interrogari possit, nec inopia probationum, sic enim legendum est ex veteribus exemplaribus in *dist. L. x. in fin. infra, de quæst.* non autem ut reposuit Haloander, *ex inopia probationum.* Hæc enim lectio facit, ut † in pecuniariis causis servi adversus dominum 5 interrogari possint. Quod repugnat huic *L. servos, & L. hoc quod placet, infr. de quæst.* Hæc sententia manifeste vitiosa est. Nam in eadem *L. x. de quæst.* vetantur servi adversus dominum interro-

gari in criminibus exceptis tribus prioribus. Muko igitur magis vetantur interrogari in pecuniariis causis. Nam rigor disciplinae publicæ hoc exigere videbatur, ut citius interrogarentur servi in criminibus, ne † delicta manerent imposita. 6
L. locatio, §. quod illicite, D. de publ. L. ita vulneratus, D. ad. L. Aquil. Hæc de servi testimonio adversus dominum dicta sint, si adversus dominum servi interrogentur per externos.

Quid si Interrogabitur † servus Inter 7 duos dominos, admittetur eius interrogatio *L. hoc quod placet, in fin. infr. de quæst.* Sed quia hoc casu propter parem rationem honoris & affectionis erga dominos removeatur omnis suspicio mendacii, *L. non solum, §. x. D. de rit. nupt.* Quid si dominus † adversus servum producat testis? 8 Resp. Nihil causæ est, quæ dominum prohibeat, quo minus testis esse possit. Nam servus domino imperare non potest, dominus servi domesticus non est; denique dominus servum non metuit. Quæ causæ erant, cur non videretur pro domino, aut contra dominum servus audiendus esse? Non obstat *c. causam qua, de officio deleg.* Nam illic relictur iudex tanquam suspectus in causa subditi, non quia sit iudex adversus subditum, sed quia iudex sit etiam pro subdito, & verisimile est, eum subdito suo fautorum.



Ad L. Iurifurandi. 9.

Imp. Constantin. A. ad Iulianum Praesidem.

Iurifurandi religione testes priusquam perhibeant testimonium, iamdudum artari praecipimus: & ut honestioribus potius testibus fides adhibeatur. §. 1. Simili modo sancimus, ut unius testimonium nemo iudicum in quacunque causa facile patiatur admitti. Et nunc manifeste sancimus, ut unius omnino testis responsio non audiat, etiamsi praecleara curiae honore praesulgeat. Dat. VIII. Kalend. Septembr. Naisso, Optato & Paulino Coss.

S U M M A R I A.

1. Summa huius legis
2. Ratio constitutionis huius legis.
3. Testibus quanvis idoneis non habetur fides, si testimonium dixerint, nisi rite testimonia eorum recepta sint.
4. Testes quo pacto a iudice examinandi sunt.
5. Iurandum an ab omnibus testibus exigatur? Et an Episcopus iurare cogatur.
6. Iurandum veterum quale?
7. Iurifurandi religio ad decidendas lites Verbo Dei confirmata est.
8. Artes & periti in arte, adhibiti ad renuntiandum aliquid, utrum iurare cogantur; & an non nisi iuratis iis fides adhibeatur.
9. Iurandum a patre remissum an nihilominus praestari oporteat.
10. Pactio omnis, de re familiari servanda est.
11. Testes quid iurare oporteat?
12. Index an iurandum remittere possit, & eo remisso, an testes nihilominus iurare cogendi sint.
13. Legem contra quod est, pro infecto habendum est.
14. Vitiose factum pro falso haberi non debet.
15. Testimonium non exacto iureiurando prius, sed post testimonium, nullum est.
16. Testis in re sua idoneus nemo.
17. Testibus omnibus creditur, modo inonesti non sint, & infamia laborent.
18. Testibus honestioribus potior fides habenda.
19. Testis unius testimonio credendum non est.
20. Testis unicus an & quando admitteatur.
21. Causae dubiae quae sint?
22. Testis unus cum non sufficiat, quot ergo sufficiant.
23. Testes quot in testamentis adhibendi. Et quot in instrumentis, num. 24.

TRia hic praecipuntur: primum, testes ante omnia iureiurando a iudice obstringendos esse, ut iurati testimonium deinde dicant. Huius constitutionis ratio est & vetus, & aequissima est, ut religione iurifurandi obstricti non mentiantur. Hic locus pertinet ad formam recipiendorum testimoniorum. Itaque ut magis intelligatur, de hac forma sic habendum est: etiam tunc cum idonei testes testimonium dixerunt, tamen testimoniis eorum non creditur, nisi rite testimonia eorum recepta sint. In iis recipiendis forma iuris haec est: Interrogari eos oportet, & interrogari a iudice, qui de re cognoscit, & cui fidem fieri volumus. Caeterum testimoniis, quae recitantur, ubi testes producti non

sunt, fides non habetur, ut docuimus ad L. 3. *sup. h. tit. ex L. 3. eiusdem, & seq. D. cod. l. iudex in testibus interrogandis hunc ordinem servare debet.* Testes interrogare debet, praesente utraque parte, aut saltem ea, quae testes producit, *L. si quando. infr. h. tit.* quod quomodo accipiendum sit, ibi dicitur. Praeterea seorsim singuli interrogandi sunt, ut significatur in *L. nullum, infra, cod. ubi dicitur.* Sed ante omnia illud est, quod hic exigimus, ut priusquam testes interrogentur, iurandum ab eis exigatur. An ab omnibus testibus hoc iurandum exigatur? Respondetur; Constitutio generalis est, & in omnibus testibus eadem exigendi iurifurandi causa. Proinde ab omnibus

honestioribus fides habeatur, *L. ob carmen, §. ult. D. eod.* Quid si ab eadem parte testes contraria dixerint, an hanc ipsam legem in iis testibus servabimus, ut honestioribus fides habeatur, repudiato testimonio aliorum testium. Dicemus, hic etiam hanc legem tenendam esse, ut honestioribus credatur. Pro qua sententia expendenda sunt verba *d. L. ob carmen, §. ult. D. eod.* Sed obstat, *L. scriptura, §. L. in exercendis, inf. prox. tit. de fide inst.* Nam in *L. scriptura*, si ab eodem contrariæ scripturæ proferantur, placet, nulli standum esse. Quod de instrumentis dicitur, videri potest ad testes transferendum esse *ex d. L. in exercendis*, ubi caveatur, in exercendis litibus eandem vim habere testes & instrumenta. Resp. In hac re multum distant testes ab instrumentis, non in fide, quæ par est; sed in vitio & culpa eius, qui profert instrumenta, aut testes producit. Nam manifesta culpa est proferentis contraria instrumenta, qui cavere potuit, ne contraria profertret. Præterea dum ea profert, manifeste omnia approbat; quia sciebat quia is contineretur. At in testibus nihil imputari potest ei, qui testes produxit, tamen contraria dixerint. Non enim licebat, qui & quales essent, aut quid dicturi essent; & ob hanc causam etiam quæ dicturi erant, non approbavit. Proinde merito honestioribus testibus creditur; neque illi fraudi erit, quod alii improbi contradixerint. Quid si ab una parte plures sunt testes, ab altera parte pauciores, sed maioris dignitatis & auctoritatis? Resp. Hic etiam id sequendum, quod hic scriptum est, ut plus honestas & auctoritas valeat, quam numerus, & honestioribus credemus. Id obcurius significatur hoc loco, sed recte expressum est & definitum *in c. in nostra, extr. de testib.*

19 Tertium præcipitur hoc loco, quod ad numerum testium pertinet, ut testimonius credatur. Positum est non tantum in persona testium, ut sint idonei, sed etiam in numero. Ac ius etiam verus ita fuit, ut unus testis testimonio credendum non esse, *L. maritus, D. de questionib.* Id hoc loco apertius constituitur. Non enim tantum dicitur, testimonio unius credendum non esse, sed etiam veratur, ne unus audiatur, id est, ne a principio recipiatur eius testimonium. Et adicitur hoc amplius: *id ita fieri debere, quantumque dignitate sit præditus, qui producitur.* Hoc ius perpetuum est, pertinereque non tantum ad testes, qui dicunt de eo, quod sensu perceperunt, sine ulla arte; sed et-

iam ad artifices, qui de artificio adhibiti sunt, ut renuntiarent quid sibi videretur, de quibus paulo ante diximus. Id liquet *ex L. 1. D. de insp. ventre*, ubi ut cognoscatur, an mulier sit gravis, iubentur adhiberi tres obstetrices ad minimum, & iubetur credi eis, non quod una renuntiaverit, sed quod omnes, aut plures. Obstat tamen videtur, *L. Teopompus, D. de dote prælegatâ*, ubi Polliano cuidam dicenti, testatorem voluisse certam summam filiae suæ molimæ dari, creditur. Sed hic Polliano creditur; quia testator ei credi voluit, quod cum sit, non creditur testis, sed testatori. Nihil enim iocretur, utrum testator quid dicat, aut decernat; an vero is, cui testator negotium dicendi aut decernendi dedit, *arg. in L. item eorum, §. 1. D. quod cuiuscunque universi.* Sed videtur Constantinus hoc loco, de hac re pugnancia scribere. Nam primo dicit se sanxisse, *ne quis iudicium facile pateretur unum testem admitti.* Post subiungit se constituisse, *ne ullo modo unus testis audiretur*, quæ sunt pugnancia. Nam his verbis, *ne quis facile admittatur*, significatur, unum testem, sine magna causa admittendum non esse: cæterum ex magna & gravi causa esse admittendum. Id verbum facile declarat, ut liquet *ex L. est, D. de reg. iur. L. pen. D. de integ. rescriptis.* Mutatur hæc sententia, cum sine exceptione veratur unus testis ullo modo admitti. Resp. Sine dubio hæc pugnancia essent, si Constantinus utrumque hic constitueret, sed verba animadversa, rem planam faciunt. Constantinus ait: *se olim sanxisse, ne unus testis facile admitteretur, sed nunc ait, se discedere ab eo iure.* Nunc enim manifeste se sancire, ne unus testis ullo modo audiatur, id est, ne audiatur, siue quis nullam causam se esse dicat, siue magnam causam, cur audiatur. Et merito hoc ita constituitur, mutato iure priori; quia magna dubitatio relinqueretur, si querendum esset, quæ esset illa magna & gravis causa, propter quam unus testis admitteretur. Præterea materia præberetur ambigiosis & corruptis iudicibus, semper unum testem pro arbitrio admittendi, hoc prætextu, quod diceret, se ex magna causa admisisse.

Noiandum est autem diligenter, quod Constantinus verat, *ne unus testis etiam audiatur.* Ex quo intelligitur unum testem testimonium non dicere: proinde unius testis nullum esse testimonium. Non est enim testimonium, ubi non dicitur; sed etiam testimonium diceret; tamen pro

non dicto est, ubi leges ei testimonio fidem haberi vetant. Hinc apparet falsissimam esse sententiam vulgarium interpretum, qui tradunt *ad. L. 3. sup. de reb. cred. & ad L. admonendi, D. de iurjur.* unum tellem facere semiplenam probationem. Semiplena probatio, est probatio *modica*. Nos autem unius testis testimonium, non aliquo modo testimonium esse dicimus, sed plane nullum ita: ut ne quidem recipi ad dicendum debeat. Movit interpretes, ut ita decernerent, quod scribitur in *d. L. 3. ex inopia probationum*, iusiurandum deferri oportere. Sic ratiocinantur: si sunt duo testes, plena probatio est, nec est inopia probationum, *L. ubi D. eo. de testib.* si nullus est testis, iusiurandum deferri non potest, sed statim actore non probante, reus absolvitur. *L. qui accusare, supra de edend.* Relinquitur igitur medium, in quo sit ei constitutioni locus: quod medium aliud intelligere non possunt, nisi eum unus testis testimonium dicat: ut sic testi plene fides non habeatur, unde dubia causa efficitur; sed tamen faciat semiplenam probationem, propter quam iusiurandum a iudice exigi oporteat. Hanc consecutio nascitur illis ex ignorantia illorum verborum, *ex inopia iusiurandum deferri oportet*. Inopia probationum docuimus illic accipi oportere, non ubi nulla legitima probatio est, sed ubi casus est dubius: sic enim Interpretari illam legem oportet ex *L. admonendi, D. de iurjur.* ubi in eadem re traditur iusiurandum a iudice exigi in dubiis causis. Dabias tamen causas intelligere debemus, non eas, in quibus nihil probatur, aut ut ipsi volunt, in quibus semiplene probatur. Nam in his non est dubium, quid iudex sequatur, *ex d. L. qui accusare*, Sed dubias, accipies, ubi ab utraque parte sunt probationes pares, ut iudici in certum sit, utrum sequatur.

Si unus testis tamen non sufficit, quot sufficiunt? Res definita est in *d. L. ubi, D. eod.* his verbis: *ubi numerus testium non adicitur, ibi etiam duo sufficiunt*, pluralis enim locutio duorum numero contenta est. Pluralem elocutionem Ulpianus illic intelligit, elocutionem legum, quibus de hoc genere probationis cautum est; nam leges ita loquuntur: testes testimonium dicant; testibus res probabitur: si testibus probatum sit; & si quæ sunt similes orationes, quibus eadem res exprimitur. Hæ orationes duorum numero

contentæ sunt; quia verum est testes testimonium dicere, etiam ubi duo tantum dicunt testimonium. Sed adicitur hæc conditio, nisi lege amplior numerus adiciatur. Quarendum est igitur, quibus in causis amplior numerus testium requiratur, quam duorum. De hæc re sic commode definimus: maior numerus desideratur legibus, partim in supremis voluntatibus, partim in instrumentis, quæ sunt de negotiis inter vivos gestis, partim in certa specie solutionis. Supremæ voluntates sunt testamenta & codicilli. In testamentis tamen sollemnis numerus testium est septimus. *L. hac consultissima, in pr. infr. de testam. §. sed cum paulatim, Inst. de test. ordin.* In testamento cæci unus testis adicitur, ut fiant octo. *d. L. hac consultissima infr. qui testam. facere possunt.* In testamentis rusticorum remittitur hic numerus, & desiderantur tantum in pagis quinque, *L. ult. infr. de testam.* In testamento patris inter liberos ita cavetur, ut quomodo necne pater testamentum fecerit, id servandum sit, *L. hac consultissima, §. ex imperfecto, infr. de testam.* Quibus verbis res revocatur ad regulam dictæ, *L. ubi.* ut quoniam numerus testium hic non adicitur, duo sufficiant. In codicillis desiderantur quinque testes ex constitutionibus. *L. ult. in fin. infra de codicill.* Hæc de supremis voluntatibus.

In tamen instrumentis quæ interponuntur de rebus contractis, & negotiis viventium, si res excedat libram auri, & negotium geratur in urbe, exiguntur tres testes, *§. si quis igitur, §. seq. & §. oportet, versic. ut autem, Novell. de instrument. caut. & fide.* Quod si is, qui contrahat, sit imperitus literarum, placet Iulianiano quinque testes adhiberi debere, & in his unum, qui sit tabularius, si potest fieri, *d. Novell. de instr. caut. §. oportet.* Quod si res instrumentis non geritur; tamen in una specie quinque testes desiderantur, cum scilicet debitor, quod instrumento interposito debebat, solvit nullo instrumento liberationis a creditore accepto, de qua specie est in *L. testium, infr. hoc tit.* Ex his licet colligere in omnibus maleficiis & delictis sufficere duos testes. Deinde in omnibus negotiis & contractibus, ubi res instrumento & scriptura non geritur. Postremo in solutione omnique negotii distractione, ubi debitor, quod solvit, prius instrumento non cavet.

Ad L. Omnibus. 10.

Impp. Valens, Gratian. & Valentinian. AAA. ad Gracchum P. Urb.

*Omnibus in re propria dicendi testimonii facultatem iura submoverunt.
Dat. V. Kalend. Decembr. Valente V. & Valentiniano Inn. Coss.*

S U M M A R I A.

1. *Testis in re sua propria nemo admittitur, & quatenus & n. 9.*
2. *Testis cur in re sua nemo esse possit.*
3. *Res sua, seu propria quid sit?*
4. *Res universitatis an res propria sint?*
5. *Conseil idonei testes pro res non sunt.*
6. *Donator pro donatario testis idoneus non est.*
7. *Patronus testis in ea causa esse non potest, cui operam præbuit.*
8. *Proxenetæ testes esse non possunt, inter eos, inter quos operam navant.*
10. *Legatarii testes esse possunt in eo testamento, ex quo legatum accipiunt.*
11. *Exceptionis ratio duplex & quæ & n. 13.*
12. *Heres testis esse non potest in eo testamento, in quo eius res agitur.*

NUllus testis idoneus in re sua intelligitur, ut est in *L. nullus, D. cod.* Cui consequens est, quod hic constituitur, ut scilicet nemo in re sua, seu propria admittatur ad testimonium dicendum. Frustra enim admitteretur ad dicendum, ubi dicenti fides non haberetur, nec haberetur non idoneo testis, *L. ad probationem domini, in fin. sup. de probat.* Reiciendi huius testimonii causa hæc est, quod, ut sæpe iam diximus, testimonium suspitione iusta vacare debet, *L. 3. D. eo.* Est autem omnium maxime suspectum, quod dicimus in re nostra, propter spem commodi nobis propositi. Nam omnes homines sibi & suis commodis favent, nec facile reperitur quisquam, qui dicere velit adversus se. Quare si quis in re sua testimonium dicet, necesse est, pro se dicat, cum adversus se dicturus non sit; & ita dicat, ut vel prudens mentiatur, victus utilitate, vel perturbatione obsecutus non videat id, quod est, & errore falsum dicat.

3. Rem suam, seu propriam cuiusque intelligimus eam, cuius commodum, aut incommodum ad aliquem suo nomine pertinet, *L. 1. §. in propria, D. quando appellandum sit.* Hoc commodum tunc maxime proprie commodum est, & rem propriam facit, cum est commodum pecuniarium, id est, cum testis pecuniariter interest, cum vlcere, pro quo dicit. Talis est venditor in causa evictionis, quam emptore agitur de re vendita. Nam

ea re evicta venditor tenetur emptori ob evictionem, *L. ex empto, infr. de alt. empt.* Absoluto emptore venditor non tenetur. Proinde secundum hanc regulam in hac causa venditor pro emptore idoneus testis non erit. Talis est fideiussor in causa debitoris; quia debitor condemnato, fideiussor obligatur. Talis est debitor in causa fideiussoris. Nam & fideiussore solvente, debitor fideiussori obligatur. Proinde nec fideiussor in causa debitoris, nec debitor in causa fideiussoris testimonium dicet, ex hac regula. Sed commodum cuiusque latius accipere debemus, qualecunque id commodum sit; ita ut nihil interit, utrum sit pecuniæ commodum, quod ad aliquem redeat ex victoria; an vero commodum pœnæ exemptionis, an gratiæ, an laudis & existimationis. Pecuniæ commodum eorum est, quos supra indicavimus, in quorum numero recte ponimus in causa Universitatis singulos, qui sunt ex ea Universitate; quoties de iis rebus Universitatis agitur; quibus amissis, singuli minus commodi habituri sunt, & præsertim si agatur de rebus Universitatis collegiorum, quarum ex rerum proventu hi, qui sunt ex eo collegio, aluntur, aut salaria percipiunt, quæ manifesta est pecuniæ utilitas. Ideo cum de iis rebus agitur, singuli pro Universitate idonei testes non erunt.

Non obstat, quod dicitur, rem & causam suam Universitatis non esse rem singulorum, *L. in tantum, §. Universitatis, D. de*

D. de rer. divis. Nam hoc de proprietate rerum dictum est, ut illic declaratur. Res Universitatis non sunt res propriæ singulorum, neque in totum, neque pro parte. Sed non eo minus verum est, ex quibusdam rebus Universitatis utilitatem quoque ad privatos pervenire, Non obstat, quod in eadem lege scriptum est, servum Universitatis, & contra civem, & pro cive torqueri posse. Nam in causa privati civis recte Universitas, & ea, quæ Universitatis sunt, testificari possunt; quia utilitas privatorum non est Universitatis, cum singuli privatim sua teneant; sed in causa Universitatis, non item singuli testes esse possunt, ubi utilitas rei, de qua agitur, reddit ad singulos, Idque utique adeo verum est: ut putem, si ex iis rebus Universitatis, de quibus agitur, tantum utilitas ad honestam voluptatem ad cives redeat: singulos cives in ea causa idoneos testes non esse, ut si agatur de stadiis & theatris, quæ sunt in civitatibus, rebus solum ad honestam voluptatem comparatis. Commodum poenæ exemptionis pertinet ad confcios & participes eiusdem criminis, quæ de causa placuit, hos idoneos testes pro reo non esse, de quibus in *L. quoniam*, seq. Gratia commodum acquiritur donatori ex beneficio rei donatæ, cum res apud donatarium manet.

- 6 Nam si qui donat, beneficium debitorem sibi acquirit: quæ acquisitio genus lucri est, ut est in *L. si pignore*, *S. cum*, qui *D. de furtis*. Debitum in eo est, quod is, qui beneficium accepit, naturaliter obligatur ad remunerandum, vel ut gratiam referat, si potest; si non potest, ut habeat, *L. sed etsi lege*, *S. consuluit*, *D. de petit. hered.* Proinde si quis rem donatam a donatore vindicet, in ea causa donator pro donatario idoneus testis non erit: & tamen re evicta donator non tenetur, si in donando nihil dolo malo fecit, *L. Aristo*, *S. ult.* *D. de donat.* ut certum sit, ex eius rei evictione nullum pecuniarium incommodum ad donatorem pertinere. Sed pertinet ad eum commodum gratiæ & beneficii, quod diximus, quod re evicta donatario amittit, non evicta, retinet. Laus & exultationis commodum ad omnes pertinet rerum alienarum administratores: quorum interest exultare, eos rem bene gessisse, & ex fide. Hac de causa cautum est de patronis, qui si patrociniū præstiterunt, deque exsecutoribus negotiorum, ne in ea causa, in eoque negotio, cui operam præbuerunt, testimonium dicant, *L. ult.* *D. eodem*. Cur id cautum sit, mandatis Imperatorum mul-

tum quæsitum est. Nam si patronus in primo iudicio causam egit & vicit, deinde ex appellatione de eadem causa cognoscitur, si idem litigator vincit, totius causæ commodum ad eum pertinet, non ad priores patronos; si vincitur, nihil decedit patronis. Itaque ad patronos pecuniarium commodum, aut incommodum nullum pertinet. Cur igitur a testimonio in hac causa remouentur? Quia pertinet ad eorum exultationem & laudem intelligi, eos fuisse peritos iuris, ut scirent, quid ex iure suscipere & defendere deberent. Præterea quod recte susceperunt, eos fideliter & religiose defendisse, & tandem ingenui viribus rem eo deduxisse, ut vincerent: quam laudem honesti homines, plerumque rebus aliis omnibus anteponunt. Hanc autem amittunt, si reus in eadem causa postea vincatur. Una enim & de ingenio & fide eorum iudicium fieri videtur. Merito igitur res eorum agi putatur: eoque nec in ea causa idonei sunt testes. Idem ius est de exsecutoribus negotiorum. Quo verbo intelligimus omnes, qui alieno negotio adsumt, ut id procurent & exsequantur. Quo verbo in iudiciis intelligere debemus eos, qui dicuntur advocati, in *L. 1.* *S. advocatos*, *D. de extraord. cogn.* Extra iudicium autem omnes alienorum negotiorum administratores, item introes, curatores, cum in re a se gesta producantur testes.

Ad hunc locum referendi sunt si proxenetæ & omnes mediæ, qui inter duos operam navant, ut negotium & contractum inter eos promoveant, de quibus sub titulo, *D. de proxenetis*. Iis quoque interdictum testimonium in ea causa, in qua proxenetæ & mediatores fuerunt, *S. penult.* *Novell. de testib.* nempe eadem illa ratione, quam supra diximus; quoniam interest eorum exultare eos nihil temere, neque mala fide commendare, ut contrahentes in errorem & fraudem inducerent. Quæ si vera sunt in singulis his speciebus propositis, de quibus etiam nominatim ins constitutum est, apparet verum esse, quod initio posuimus, generalem hanc definitionem rei, quæ cuiusque sit, hanc intelligi oportere, cuius commodum, aut incommodum qualecunque ad eum pertineat, dum sit commodum ex eorum genere, quæ supra exposuimus. Veruntamen hæc definitio, neminem idoneum testem in re sua intelligi, duas cautiones habet, Nam primum monendi sumus, sic eam accipiendam esse, si ut nemo in re sua idoneus sit testis repugante adversario. Cæterum adversario con-

consentiente nihil impedit, quo minus testimonium in re nostra redditum valeat. Et ideo si quis nobis iusiurandum detulerit, & conditione delata iuraverimus: placet servari id iusiurandum, tamen ego in re mea iudex & testis sim constitutus, *L. ult. infra de fideicommiss.* Hoc ideo, quia volente adversario id factum est. Deinde ex ea regula excipiuntur legatarii, ex quo testamento legatum capiunt, *10* nihilominus \dagger in eo testamento recte adhibentur testes *L. qui testamento*, in pr. *D. qui testam. fac. poss. § legatariis*, *Instit. de testam. ordin.* Et tamen certum est, in testamento rem agi legatarii. Primum id intelligitur ex definitione rei nostrae. Nam ut testamentum valeat, aut non valeat, eius rei commodum, aut incommodum ad legatarios pertinet. Nam si valet, & adita erit hereditas, legatum debetur: si testamentum non valet, nihil debetur, *L. Papinianus, § ult. D. de inoffic. testam. L. eam, quam, infra, de fideicommiss.* Declaratur idem hoc argumento: nam si de testamento agatur inter heredem scriptum & legitimum: placet legatarios ei causae adesse posse, ut suae, & recte herede scripto placet legatarios appellare posse ab ea sententia, ut in causa sua, *L. si suspecta, de inoffic. testam. L. ab exsecutore, L. a sententia, §. 1. D. de appellation.* An non igitur hoc superiori regulae contrarium est? Dicimus, non esse, sed magis legatarios excipi ab hac regula. Excipiendi *11* sunt causae coniunctae. \dagger Prior est, quod in testamento res legatarii non agitur principaliter, sed per consequens tantum. Hanc exceptionis unam causam esse, & maximam argumento est, quod \dagger *12* heres, cuius in testamento res agitur, testis in eo testamento esse non potest, *L. qui testamento, D. qui test. fac. poss.* Huus rei haec ratio redditur in *§. sed*

neque, Inst. de test. ord. quod negotium testamenti inter heredem & testatorem geritur, nempe principaliter; non item inter testatorem & legatarios. Nam etsi testamentum valeat; tamen prima causa est heredis, ut hereditatem adeat. Eam autem adire potest, si vult; si non vult, liberum est ei non adire, & ea non adita legatum non debetur, *d. L. eam quam, infr. de fideicommiss.* Ita per consequens tantum aditae hereditatis legatum debetur. Ergo haud dubie una haec ratio est, cur legatarii testes esse possint, non item heredes. Sed haec ratio sola non sufficit. Semper enim illud manet, commodum & incommodum legatarii in hac re versari. Quod si testamentum valet, potest adiri hereditas: ita spes est, legatum deberi posse. Quod si testamentum non valet, statim id incommodum ad legatarium pertinet, quoniam legatum nunquam debetur. Iam autem diximus, nullum idoneum esse testem, ubi de re eius agitur, id est, de eius commodo & incommodo. *13* Adiungenda igitur est haec \dagger altera ratio exceptionis: quod placet legatarium testem esse non ubique, sed in testamento, ubi septem testes ex iure intervenire oportet, & reliquas solemnitates, de quibus in *§. sed cum paulatim, Inst. de test. ord.* hic numerus testium sollemnis & reliqua solemnities facile a legatario omnem mendacii suspicionem remouent, ubi tam multi & tam multa cum eius testimonio consentiant. Itaque probo, quod Bartolus hic scripsit. Cum a testamentis discesserimus, quae iure communi sunt, non posse legatarios, aut fideicommissarios, & generaliter eos, qui ex aliquo instrumento aliquod commodum sperant, testes in eo instrumento adhiberi; quoniam cessat ratio superior, qua cessante bene dicitur, ei iuri locum non esse, *L. quod dictum, D. de pactis.*



Ad L. Quoniam 11.

Imp. Honor. & Theodos. AA. Cæciliano P. P.

Quoniam liberi testes ad causas postuluntur alienas, si socii & participes criminis non dicantur, sed fides ab his notitiæ postuletur: in exhibitione necessariarum personarum, hoc est testium, talis debet esse cautio iudicantis, ut his venturis ad iudicium per accusatorem, vel ab his per quos fuerunt postulati, sumptus competentes dari præcipiat. Idem iuris est & si in pecuniaria causa testes ab alterutra parte producendi sunt. Dat. XIII. Kal. Febr. Ravennæ, Hono. VIII. & Theod. IIII. AA. Coss.

S U M M A R I A.

1. Testibus ad dicendum testimonium vocatis sumptus præbendi sunt.
2. Officium suum nemini debet esse damnosum.
3. Testibus qui sumptus præstandi sint?
4. Sumptus testibus præstandi ex conditione & dignitate cuiusque personæ, & longinquitate itineris æstimantur.
5. Sumptus testibus præstandi a quibus debeant suppeditari?
6. Commoda rei ad quem pertinent, eam quoque incommoda sequuntur.
7. Sumptus testibus quando præstandi sint?
8. Constitutionis ratio, ea duplex & quæ & n. 9.
10. Ad testimonium liberos homines admitti oportet, non servos.
11. Servi interrogati testimonio nunquam creditur sine iuramento.
12. Socii & participes criminis pro reo idonei testes non sunt.
13. Latrones, & alii rei comprehensi, interrogari debent de consociis & participibus sceleris.
14. Consocii sceleris in testimonium adhiberi non debent.
15. Socii an pro socio testimonium ferre possint.
16. In teste quæ requirantur?

HÆC lex primum habet præfationem, quæ continet rationem subiectæ constitutionis. Deinde continet constitutionem ipsam; quoniam re constituta natura prior est constitutio, quam ratio & confirmatio constitutionis. Ideo prius expendemus, quid hic principaliter constitutur; præsertim cum sine eo ratio initio posita facile intelligi non possit. Constitutio hæc est: testibus ꝑ ad testimonium dicendum evocatis sumptus præstari debere. Huic constitutioni occasionem præbuit ius antiquum, quod etiam nunc obtinet. Ius ita est, testes etiam invisos evocari posse testimonii dicendi causa, evocatos cogi testimonium dicere, *L. si quando, inf. hoc tit.* ubi dicitur. Hoc ius manifestam iniuriam habere visum est, cum testes hoc modo a rebus suis avocentur, sed inprimis, quod cogantur, dum absunt, non necessarios sumptus facere in causa aliena, ut se alant, hoc vero ini-

Tom. VII.

quum. Nulli enim ꝑ officium suum damnosum esse debet, *L. sed si quis ex signatorib. D. quemadmodum test. aper.* Adversus hoc incommodum itum est hac constitutione; qua cavetur, ut venturis testibus præstentur sumptus. In hac parte observandum est, legem hic tria complecti, primum, qui sumptus præstandi sint testibus; deinde a quo præstandi: postremo, quando.

lubet ꝑ constitutio præstare sumptus competentes, id est, convenientes. Hi autem, qui sint, ex ꝑ conditione & dignitate personæ cuiusque æstimandum est, argum. in *L. cum post, §. gener. D. de iur. dos.* Hoc verbo declaratur, non esse in potestate litigatoris, & eius, qui testes producit, suppeditare sumptus pro arbitrio, ut nihil præstet, nisi panem & potum quemlibet. Deinde non esse in eius arbitrio, ut certam quantitatem, & unam omnibus testibus suppeditet. Alia est conditio

Dddd

ditio nobilis, alia pagani, alia civis honesti, alia rustici. Et si qui sunt, qui pro conditione personæ non solent proficisci, nisi equites, & cum famulo, aut famulis, in viaticum iltorum omaium sumptus suppeditandi sunt, ut conditio personarum & animalium exigit. Idemque iudicium esse debet de cæteris, ut qui pedes ire solent, non desiderant equos: si non sit longum, nec molestum iter. Quæ omnia arbitrio iudicis permittenda sunt. Et ad confirmationem huius sententiæ pertinet, quod dicitur, unumquemque videre posse, quod pro dignitate sua facere potest, *L. Nepos, D. de verb. sig. in fin.* Deinde constitutio notat eos, a quibus velit hos sumptus suppeditari.

- 5 Hi t̄ autem sunt in summa, a quibus testes producuntur, seu postulantur, sive sit accusator, sive alii, nempe reus, qui ad purgationem & defensionem sui testibus utatur. Merito exigitur ab iis, ut sumptus præstent: nam ad eos testimonii commodum pertinet: secundum naturæ legem est, ut t̄ ad quem cuiusque rei commoda pertinent, eum quoque sequantur incommoda adiuncta, *L. unica, §. pro fecero, inf. de cadue. sol.* Quando t̄ autem hi sumptus præstandi sint testibus, lex ostendit, cum ait, præstandos esse *ventariis*. Quo verbo significatur, præstandos esse iam ab initio, priusquam iter ingrediantur, ut habeant testes, quo iter ingressi certo sumptus facere possint. Id apertius declarat in *L. eos, §. si qui, inf. de appell.* ubi dicitur, testibus vocatis sumptus præstandos esse itineris faciendi causa. Non dicitur, itineris facti, sed faciendi: ut intelligamus, pecuniam ad futurum iter prærogari iis debere, aut miti debere eos, qui sumptus ad eam rem faciant. Atque hæc ita fieri debet iudex iubere, ut hic præcipitur. Quæro, quid si index non iubeat; quid si lubenti iudici non pareat is, qui testes producit, & omnino sumptus non suppeditentur testibus. Resp. Poena hæc erit, ut testes non cogantur venire. Generaliter enim cum litigatori postulant aliquid permittitur sub conditione, si quid prius faciat: eo non faciente poena hæc est, ut iurisdicção illi denegetur, id est, denegetur auctoritate iudicis, id quod postulabat, *L. mutus, §. pana, D. de procur.*

- 8 Hactenus constitutio huius legis. Sequitur ratio, quæ initio præmissa est præstationis loco. t̄ Est autem hæc: quoniam liberi testes postulantur ad causas alienas: optima ratio. Hanc enim vim habet, quasi ita diceretur: si is, qui testes

producit, produceret servos suos, liberrim ei esset, eos alere, aut non alere, quoniam in eos summam potestatem habet: & si vellet alere, liberum ei esset, alere quomodo vellet, suppeditando iis atrum panem, & solum aquam, quibus vitam suam tolerare possent. Nunc autem tui testes postulantur, hi sunt liberi homines, & præterea postulantur ad causas non suas, sed alienas: ut merito pro arbitrio producentis ali non debeant, sed sumptus iis suppeditandi sint, & quidem competentes, id est, unicuiusque dignitati & conditioni convenientes: ne alioqui his fiat iniuria, & damnosum sit ipsis officium suum. Sequitur t̄ alia ratio: quia ad causas alienas postulantur hi, qui conscii & participes criminis non sunt. Bona hæc quoque ratio: quia si postularentur socii conscii & participes criminis, ii rei essent, & se suo sumptu alere deberent, ut reus ipse principalis alere se debet. Nunc autem conscii & participes criminis non postulantur, sed ii, a quibus fides notitiæ postulat: qui posteriores bene opponuntur per adversativam consciis & participibus criminis, quia a consciis minime petitur fides notitiæ, de quo mox. Qui has rationes referunt ad confirmationem legis præcedentis, non tam sunt inepti, quam historiæ manifeste imperiti. Nam diversissimas has constitutiones fuisse apparet ex inscriptionibus & subscriptionibus cuiusque legis, quæ sunt diversorum Imperatorum, diversorum temporum, diversorum locorum. Esti autem hæc obiter rationis loco posita sint; tamen hic tria maxime notanda sunt, ad ius testimonii pertinentia.

Primum, Liberos homines ad t̄ testimonium adhiberi oportere. Quo significatur, servos testes esse non posse. Id quod apertius confirmatur in *authent. si testes, sequens*. Unde occasio eius quætionis, quæ illic tractatur, ut non immerito sit subiecta huic legi. Interdum tamen testimonio servi creditur, de quo diximus ad *L. servos, supra*. Sed adiciendum est: quandocunque t̄ servus interrogabitur, nunquam sine tormentis eius testimonio credi, *L. ob carmen, §. si ea, D. eod.*

Alterum hic cavetur, Servos t̄ participes criminis pro reo idoneos testes non esse. Hoc ideo, quia de re conficiorum agitur. Interest enim eorum, crimine rei celeri, ne crimen prodentes, se quoque ipsos prodant: cum si reus absolvatur, ipsi quoque latere & effugere possint. Itaque ad regulam pertinet legis præcedentis, quæ elicetur nullum idoneum testem

testem in re sua esse. Hinc sententiæ opponuntur hæc constitutiones, quibus iubentur † latrones, & alii rei prehensi, interrogari de consciis & participibus sceleris, *L. divus Hadrianus, D. de custod. reor. L. 1. infra de fals. mon. L. ult. infr. de malef. & mathe*. Sed hæc constitutiones nihil adversantur.

- 14 Hic enim vetantur † consilii sceleris adhiberi, ut testimonium dicant. Constitutiones autem iubent reum interrogari de consciis, non ut eius iudicio & testimonio fides habeatur, & debeant haberi pro consciis, qui sunt indicati, sed ut consilii innotescant, sive, ut loquitur *d. L. ult. inf. de malef.* ut publicentur consilii: nempe ad hoc, ut possit in eos inquiretur, in qua inquisitione non priori iudicio fides habebitur, sed idoneis testibus, aut signis indubitatis, iudicium prius confirmantibus, *L. ult. sup. de probat.* Ex hoc loco quesitum est, an quemadmodum participes criminis idonei testes non sunt pro reo in iudicio criminali: ita & in causa civili socii, cum † quibus rei communio est, non sint idonei testes pro socio: ut pariter omnes rei communio socios a testimonio reiciat. Distingnendum est ex *L. si qui separatim, §. ult. D. de appellat.* ut siquidem in re pecuniaria in utroque socio una & eadem causa est defensionis, intelligatur utriusque res agi, eoque neuter pro altero idoneus sit testis. Sin autem diversa sint causæ defensionis in utroque, nihil prohibet, quo minus alter pro altero testis adhibeatur,

ut in re aliena, non sua. Exempli causa, duo sunt qui ædes in commune emerunt, existit tertius quidam, qui partem ædium ab uno ex sociis vindicat, emptionem priorem in dubium revocans: dicemus alterum socium in hac causa testem socio esse non posse, quoniam una est in utroque causa defensionis. Nam si in reo emptio confirmatur, confirmatur quoque in socio eius. Sin iurimatur, pariter iurimatur in utroque; quia utriusque una fuit emptio. Quod si unus ex his sociis dicatur partem suam creditor suo oppignorasse, illo die, & illo loco, illis & illis presentibus: nihil causæ est, quo minus in hac causa alter socius pro altero socio recte testimonium dicat; quoniam hæc oppignoratio partis ad socium omnino non pertinet, neque ei prodest, neque nocet, in utramque partem iudicatum fuerit, *L. unica, infra, si commun. res pigno. data sit*. Tertium hic notandum est, quod constituitur his verbis: Postulari eos testes, a quibus fides notitiæ postuletur: quibus verbis intelligimus, duo † in teste 16 requiri: Primum notitiam rei, ut certo de re affirmare possint, de quo dicitur in *L. testium, infr. cod.* Alterum, ut sit in iis fides, id est, sint li, qui omni suspitione careant, ut fidem testimonio facere possint. Unde intelligimus hos recte opponi consciis & participibus criminis; quoniam in iis notitia criminis esse potest. Iia autem fides haberi non potest, cum manifesta suspitione testimonium laboret.



Ad Auth. Si testis.

Si testis productus dicatur servilis esse fortunæ, & testari voluerit, ipse vero se liberum esse adfirmet, siquidem ex natione, impleatur testimonium eius: ut si is habita disputatione servus esse apparuerit, respuatur eius testimonium. Si vero libertinum se dixerit: prius instrumentum suæ manumissionis ostendat, quam testificetur: nisi iuraverit se alibi probationes habere: quo facto, testificatio quidem scribatur: sed nisi instrumentum monstraverit, respuatur testimonium eius. Si vero dicatur odiosus ex lite criminis inter eos mota, & hoc apparuerit: non ante audiat, quam de crimine iudicetur. Si vero ex lite pecuniaria, vel aliter est odiosus, procedat quidem testatio, tempore vero disputationum serventur huiusmodi quæstiones.

S U M M A R I A.

1. Inimici ad testimonium ferendum non admittuntur.
2. Inimicitie quibus ex rebus & factis probentur?
3. An iuramentum quæ?
4. Pro inimico quis habendus? Et n. 6.
5. Inimicitie capitales quæ sint?
6. Inimicus quandiu habendus sit is, qui accusationem criminalem adversus reum instituit?
7. Inimicus quis esse desinit, reconciliatione intercurrente?
8. Novellæ de testibus, explicatio.
9. Tutor a tutela excusatur, si passus sit controversiam status a patre pupillorum.
10. Testis qui in alio iudicio adversus eundem reum testimonium dixit, an pro inimico habendus, & hac de causa reiiciendus sit?
11. L. produci, D. de testib. explicata.
12. Velle nemo existimatur, quod facere cogitur.
13. Persona testium quando & quo tempore reici, & adversus eos obici possit?
14. Reiectio testium quæ vis sit?
15. Reiectio testis an differat interrogationem eius in aliud tempus, & quodnam illud tempus sit?
16. Paragraphæ in iudicio quid sint?
17. Ius, quo placet, propter id, quod testi obicitur, non differri interrogationem testis, an ad omnes causas pertineat, ex quibus testis reici potest?
18. Testis si neget se talem esse, qualis re dicitur, cui in hac controversia onus probandi incumbat.

Utiles loci complures de iure testium attinguntur in *b. auth.* qui nobis separatim norandi & expendendi sunt. Primum notandus est locus de duobus generibus testium, qui hic reiiciuntur. Hi sunt servi, & inimici eius, contra quem testimonium dicunt. De servis diximus ad *L. servos, supr. cod.* De inimicis & hic & aliis multis locis constanter traditur, hos ad testimonium ¹admitti non oportere: iustam esse causam suspitionis, inimicitias, *L. 3. in pr. L. ob carmen, §. 1. D. cod. L. si quis testib. infr. b. t. L. comparationes, §. 1. infr. de fid. instr.* Id per se patet. Nam inimicus cupit ulcisci, & eum adversus quem dicit, quovis modo lædere, aliquin inimicus non est. Sed inimicum esse dicere non est fa-

tis: Inimicitie probandæ sunt. Quæritur igitur: Quibus ex ²rebus & factis probentur inimicitie? Hic traditur duabus ex rebus inimicitias argui, ex causa criminali, & lite pecuniaria. Ex causa criminali, si reus criminalem accusationem adversus reum instituerit. Dicimus criminalem, ut *hic* scriptum est. Nam iustin. in *Nov. de testib. §. si vero quis dicat*, nihil amplius exigit, quam *hanc* causam, non exigit *hanc* ³dispositio, id est publicam, seu publici iudicii accusationem, ut vertit Ha-loander. Est autem ⁴hanc causam *hanc* causa & actio criminalis. Ex quo intelligimus pro inimico ⁵admittendum esse, qui accusationem de crimine aliquo instituit adversus reum, sive sit crimen iudicii publici, sive privati. Proinde multo minus id exigendum

dum esse, ut sit accusatio capitalis criminis. Obicitur §. inimicitia, *Inst. de excus. tut.* ubi inimicitia a tutela excusant tutorem, si capitales inter eum & patrem pupillorum intercellerint. Proprie autem § capitales sunt, quæ vitam aut libertatem petunt, *L. 2. D. de pub. iud. L. 2. D. de panis.* Dicendum est, capitales inimicitias hic ex usu latiorum latius dici, omnes inimicitias etiam quæ existimationem petunt. *L. licet, D. de ver. sig.*

Quod si capitales inimicitias libet specialiter intelligere; tamen non recte comparantur & testis, & tutor pupillorum. Nam tutor non excusatur propter inimicitias exercitias a patre pupillorum, nisi propter iniuriam ab illo tutori illatam. Testis autem inimicus non propter iniuriam removetur, sed propter suspicionem testimonii. Ad hæc autem suspicionem quævis inimicitia iuste sufficit. Sunt autem iustæ quæ arguuntur ex accusatione criminali. Id quod intelligitur, si expendimus, quid accusatio criminalis petat. Omnis criminalis accusatio aut vitam rei oppugnat, aut libertatem, aut incolumitatem corporis, aut existimationem, aut bonam. Hæc enim genera poenarum enumerantur, *L. 6. §. ult. & LL. seqq. D. de pen.*

6 Is autem § inimicus habendus est, qui aut vitam oppugnat, aut ea, in quibus vita continetur, ut est libertas, incolumitas, existimatio. Quæ sæpe honestis viris etiam vita potiora sunt. Atque hinc etiam colligimus, si is inimicus habendus sit qui hac instituta criminali actione petit: multo magis pro inimico habendum esse, qui hæc eadem extra iudicium oppugnavit vi aut dolo malo, veluti, si quis violentas manus nobis intulerit; si vitæ nostræ sit insidiatus; si atrocem aliquam iniuriam nos affecerit, si scriptis, aut convitiis, vel famosis libellis famam, aut vitam nostram prosciderit: ut dicendum sit, una aliqua ex iis rebus probata, satis esse ad reiiciendum testem, ut inimicum. Nam iudicium iure peragitur, ut sit iure agenti nonnulla excusatio. At vis & iniuria extra iudicium illata ullam iuris defensionem habent. Quæ-
7 riuntur: quando § inimicus habendus sit, qui accusationem criminalem adversus reum instituit? Hic scriptum est: tamdiu inimicum habendum esse, & eo usque reiiciendum, donec de erimine iudicetur. Quod aperte falsum est: nam qui semel inimicus esse cepit, tamdiu inimicum esse necesse est, quamdiu inimicus esse defuerit.
8 Desinit autem esse inimicus § reconcilia-
tione interveniente, §. inimicitia, *Inst.*

de excus. tut. Quod si aliis modis quis inimicus esse defuerit; non tamen defineret tunc, cum reus esset condemnatus, aut absolutus. Nam eo quisque gravior inimicus iudicandus est, quo in accusatione iustituta continuanda est perseverantior. Is autem perseverat, qui usque ad condemnationem & sententiam rem deducit. Tum autem condemnatio rei inimicitias non minuit, sed augeat. Neque hic laborandum est. Nam qui composuit hæc fragmenta, is secutus est veterem interpretem Novellorum in d. §. *si vero quis dicat, Nov. § de testib.* ubi ille eodem modo vertit, puerili plaue inficitia & digna homine utriusque lingua pariter imperito. Nam Iustinianus ita scribit: *ut quisque* *quisque* *propter* *et* *plura* *verba* *hæc* *de* *quæ* *hæc* *verba* *ubi* *illa* *verba* *plura* *verba* *de* *interpres* *vertit* *Et* *usque* *adeo* *ut* *Et* *instaur.* interpretatus est iudicari; eum *instaur.* sit *accusatio*, id est, litem intendere, in *iudicium* *vocare* *accusationem* *instituitur*. Est igitur hæc sententia verborum Iustiniani, ne ad testimonium abhibeat is, qui usque adeo inimicus vel infensus est, ut accusationem criminalem institueret, vel ut litem de criminibus intenderet. Ex pecuniaria lite adversus reum instituta hic quoque significatur, argui inimicitias, in fine *auth.* Sed non absolute. Vult enim Iustinianus de ea re inquiri apud iudicem suo tempore. Qui declarat interdum ex pecuniaria lite mota argui inimicitias eius, qui litem movit, interdum non argui. De quo sic habendum puto, si quis status controversiam reo fecerit, quod eum servum suum esse diceret, satis argumenti est ex ea re, testem inimicum esse, argument. in §. *item, qui statuit, Inst. de excus. tut.* Ubi tutor § a tutela excusatur, si passus sit controversiam status a patre pupillorum. Et hæc species subiicitur ei causæ in qua posuit inimicitias: ut videatur in hac controversia positum esse exemplum inimicitiarum. Et certe qui statum oppugnat, is libertatem oppugnat, quam qui oppugnat in iudicio criminali, hunc inimicum esse dicimus: proinde & inimicum dicemus, quocunque alio iudicio libertatem oppugnavit. Multo magis idem dicendum est de eo, qui extra iudicium conatus sit intervertere instrumenta libertatis nostræ *argum. in L. isti, 9. si is D. quod met. caus.* Si tamen testis, qui status controversiam fecit, liquido probet, se iusto errore ductum esse ut existimaret eum servum suum esse, pro inimico haberi non debet. Venia enim ignorantie, & iusto errori danda est. Quod si quis

quis litem de bonis aut hereditate moveat adversus reum, non ideo inimicus indicandus est, qui id fecit. Nam eiusmodi lites inter cognatos, affines, atque etiam amicos intercedere consueverunt. Nec hinc colligi inimicitias recte probatur ex §. *propter litem, Infitution. de excus. tutor.* ubi placet, propter litem cum patre pupillorum interpositam, tutorem a tutela excusari, si lis sit de omnibus bonis, aut de hereditate. Nam hic excusationis causa nascitur, non propter inimicitias, quæ ex lite instituta arguantur, sed propter solam litem hac de causa; quia tutor in ea lite necesse habet, dum suam causam agit, pupillum oppugnare. Non potest autem fungi officio tutoris, qui pupillum oppugnare necesse habet, cum tutor idem sit & defensor.

Quæritur est circa inimicitias: an is
 II quoque testis pro inimico ꝑ habendus sit, & hac de causa reiiciendus, qui ante in alio iudicio adversus eundem reum testimonium dixit? Et sententia recepta est, eum, qui semel adversus reum testimonium dixit, adversus eundem reum testem in alio iudicio produci non posse, nempe ut inimicum, quod testatur sit priore testimonio. Hæc sententia nititur verbis *L. produci, D. de testib.* Verba hæc sunt, ut leguntur constant in omnibus exemplaribus, cum aliis, tum Florentinis. *Produci testis non potest, qui in eum reum ante testimonium dixit.* Hæc sententia, ut videatur certior, diserte confirmatur, cap. *meminimus, Sc. cum Petrus extr. de accusat.* Hanc eandem secutus est *Duarenus libr. 1. disput. c. 29.* Budæus contra *L. produci*, mutilam esse dicit, & locum vult ita reponendum esse. *Produci testis non potest, in reum qui ante in reum testimonium dixit*, ut sit sensus: non potest produci testis in reum, qui reus ante in eum testem testimonium dixit: ut intelligamus, his verbis reiici testem, non qui ante testimonium dixerit in reum, sed in quem ante reus testimonium dixit. Huius sententia nobis assentiendum est, quod nulla ratione facere deberemus, nisi necessitas manifesta nos cogeret. Sed ut id faciamus, duæ res cogunt: vitium contrariæ scripturæ, & contrariæ sententiæ manifesta falsitas. Oratio hæc est: *qui in eum reum*; hoc demonstrativum necessario demonstrare debet aliquem reum, qui præcesserit, aut qui sequatur. Hæc enim est vis demonstrativi. At reus nullus ante nominatur, sed nec nominatur postea; non debet igitur, nec potest ita legi. Quod ad sententiam attinet, evidenter falsum

est, eum qui ante in reum testimonium dixit, pro inimico habendum, & propter id testimonium reiiciendum esse. Nam si hic testis inimicus est, aut fuit in eo iudicio, in quo testimonium prius dixit, aut postea inimicus factus est: non fuit inimicus in eo iudicio, in quo testimonium dicit, alioqui reiectus fuisset. Deinde nemo ideo, quia testificatur adversus aliquem, inimicus eius habendus est: alioquin omnes testes reiicerentur, quia semper adversus aliquem testimonium dicunt. Rursus nullum factum proponitur, ex quo postea inimicus factus sit, non potest igitur dici inimicus. Deinde si inimicus habendus est, qui in reum testimonium dixit, aut propter testimonium præcedens inimicus habendus est, aut propter testimonium sequens: non propter testimonium præcedens, ut ostendimus; multo minus propter testimonium sequens. Primo, quia si reiiceretur, testimonium non diceret. Secundo, quia nemo ideo, quia testimonium dicit, inimicus est, ut infra ostenditur. Postremo, nemo inimicus dicendus est, qui reum lædere nolit, seu qui lædendi animum non habuit. At testis cum testimonium dicit, non dicit lædendi causa. Non est igitur propter testimonium pro inimico habendus. Nolle autem testem, dum testimonium dicit, lædere reum, ita demonstratur: Nemo ꝑ velle existimatur, quidquid facere cogitur, *L. 1. D. quod met. caus.* Omnes testes testimonium dicunt, non volentes, sed coacti: coguntur enim partim religione iurisperiti verum dicere, partim iuris necessitate simpliciter dicere. Non potest igitur dici is inimico animo esse, qui coactus testimonium dicit. Vera autem sententia est, quam diximus recipiendam & sequendam esse, ut non sit idoneus testis is, in quem testem reus ante testimonium dixit. Nam quia hoc modo reus iæcit testem testimonio suo, iusta suspicio est, testem ea iniuria offensum, (iniuriam enim posuit) ulcisci velle, & vicissim testimonio suo reum lædere. Quæ sententia confirmatur exemplo in *L. 1. §. cum quis, D. de questionibus*, ubi placet, si qui latrones, aut alios reos detulerint, reos non esse admitte-
 12
 13
 14
 15
 16
 17
 18
 19
 20
 21
 22
 23
 24
 25
 26
 27
 28
 29
 30
 31
 32
 33
 34
 35
 36
 37
 38
 39
 40
 41
 42
 43
 44
 45
 46
 47
 48
 49
 50
 51
 52
 53
 54
 55
 56
 57
 58
 59
 60
 61
 62
 63
 64
 65
 66
 67
 68
 69
 70
 71
 72
 73
 74
 75
 76
 77
 78
 79
 80
 81
 82
 83
 84
 85
 86
 87
 88
 89
 90
 91
 92
 93
 94
 95
 96
 97
 98
 99
 100
 101
 102
 103
 104
 105
 106
 107
 108
 109
 110
 111
 112
 113
 114
 115
 116
 117
 118
 119
 120
 121
 122
 123
 124
 125
 126
 127
 128
 129
 130
 131
 132
 133
 134
 135
 136
 137
 138
 139
 140
 141
 142
 143
 144
 145
 146
 147
 148
 149
 150
 151
 152
 153
 154
 155
 156
 157
 158
 159
 160
 161
 162
 163
 164
 165
 166
 167
 168
 169
 170
 171
 172
 173
 174
 175
 176
 177
 178
 179
 180
 181
 182
 183
 184
 185
 186
 187
 188
 189
 190
 191
 192
 193
 194
 195
 196
 197
 198
 199
 200
 201
 202
 203
 204
 205
 206
 207
 208
 209
 210
 211
 212
 213
 214
 215
 216
 217
 218
 219
 220
 221
 222
 223
 224
 225
 226
 227
 228
 229
 230
 231
 232
 233
 234
 235
 236
 237
 238
 239
 240
 241
 242
 243
 244
 245
 246
 247
 248
 249
 250
 251
 252
 253
 254
 255
 256
 257
 258
 259
 260
 261
 262
 263
 264
 265
 266
 267
 268
 269
 270
 271
 272
 273
 274
 275
 276
 277
 278
 279
 280
 281
 282
 283
 284
 285
 286
 287
 288
 289
 290
 291
 292
 293
 294
 295
 296
 297
 298
 299
 300
 301
 302
 303
 304
 305
 306
 307
 308
 309
 310
 311
 312
 313
 314
 315
 316
 317
 318
 319
 320
 321
 322
 323
 324
 325
 326
 327
 328
 329
 330
 331
 332
 333
 334
 335
 336
 337
 338
 339
 340
 341
 342
 343
 344
 345
 346
 347
 348
 349
 350
 351
 352
 353
 354
 355
 356
 357
 358
 359
 360
 361
 362
 363
 364
 365
 366
 367
 368
 369
 370
 371
 372
 373
 374
 375
 376
 377
 378
 379
 380
 381
 382
 383
 384
 385
 386
 387
 388
 389
 390
 391
 392
 393
 394
 395
 396
 397
 398
 399
 400
 401
 402
 403
 404
 405
 406
 407
 408
 409
 410
 411
 412
 413
 414
 415
 416
 417
 418
 419
 420
 421
 422
 423
 424
 425
 426
 427
 428
 429
 430
 431
 432
 433
 434
 435
 436
 437
 438
 439
 440
 441
 442
 443
 444
 445
 446
 447
 448
 449
 450
 451
 452
 453
 454
 455
 456
 457
 458
 459
 460
 461
 462
 463
 464
 465
 466
 467
 468
 469
 470
 471
 472
 473
 474
 475
 476
 477
 478
 479
 480
 481
 482
 483
 484
 485
 486
 487
 488
 489
 490
 491
 492
 493
 494
 495
 496
 497
 498
 499
 500
 501
 502
 503
 504
 505
 506
 507
 508
 509
 510
 511
 512
 513
 514
 515
 516
 517
 518
 519
 520
 521
 522
 523
 524
 525
 526
 527
 528
 529
 530
 531
 532
 533
 534
 535
 536
 537
 538
 539
 540
 541
 542
 543
 544
 545
 546
 547
 548
 549
 550
 551
 552
 553
 554
 555
 556
 557
 558
 559
 560
 561
 562
 563
 564
 565
 566
 567
 568
 569
 570
 571
 572
 573
 574
 575
 576
 577
 578
 579
 580
 581
 582
 583
 584
 585
 586
 587
 588
 589
 590
 591
 592
 593
 594
 595
 596
 597
 598
 599
 600
 601
 602
 603
 604
 605
 606
 607
 608
 609
 610
 611
 612
 613
 614
 615
 616
 617
 618
 619
 620
 621
 622
 623
 624
 625
 626
 627
 628
 629
 630
 631
 632
 633
 634
 635
 636
 637
 638
 639
 640
 641
 642
 643
 644
 645
 646
 647
 648
 649
 650
 651
 652
 653
 654
 655
 656
 657
 658
 659
 660
 661
 662
 663
 664
 665
 666
 667
 668
 669
 670
 671
 672
 673
 674
 675
 676
 677
 678
 679
 680
 681
 682
 683
 684
 685
 686
 687
 688
 689
 690
 691
 692
 693
 694
 695
 696
 697
 698
 699
 700
 701
 702
 703
 704
 705
 706
 707
 708
 709
 710
 711
 712
 713
 714
 715
 716
 717
 718
 719
 720
 721
 722
 723
 724
 725
 726
 727
 728
 729
 730
 731
 732
 733
 734
 735
 736
 737
 738
 739
 740
 741
 742
 743
 744
 745
 746
 747
 748
 749
 750
 751
 752
 753
 754
 755
 756
 757
 758
 759
 760
 761
 762
 763
 764
 765
 766
 767
 768
 769
 770
 771
 772
 773
 774
 775
 776
 777
 778
 779
 780
 781
 782
 783
 784
 785
 786
 787
 788
 789
 790
 791
 792
 793
 794
 795
 796
 797
 798
 799
 800
 801
 802
 803
 804
 805
 806
 807
 808
 809
 810
 811
 812
 813
 814
 815
 816
 817
 818
 819
 820
 821
 822
 823
 824
 825
 826
 827
 828
 829
 830
 831
 832
 833
 834
 835
 836
 837
 838
 839
 840
 841
 842
 843
 844
 845
 846
 847
 848
 849
 850
 851
 852
 853
 854
 855
 856
 857
 858
 859
 860
 861
 862
 863
 864
 865
 866
 867
 868
 869
 870
 871
 872
 873
 874
 875
 876
 877
 878
 879
 880
 881
 882
 883
 884
 885
 886
 887
 888
 889
 890
 891
 892
 893
 894
 895
 896
 897
 898
 899
 900
 901
 902
 903
 904
 905
 906
 907
 908
 909
 910
 911
 912
 913
 914
 915
 916
 917
 918
 919
 920
 921
 922
 923
 924
 925
 926
 927
 928
 929
 930
 931
 932
 933
 934
 935
 936
 937
 938
 939
 940
 941
 942
 943
 944
 945
 946
 947
 948
 949
 950
 951
 952
 953
 954
 955
 956
 957
 958
 959
 960
 961
 962
 963
 964
 965
 966
 967
 968
 969
 970
 971
 972
 973
 974
 975
 976
 977
 978
 979
 980
 981
 982
 983
 984
 985
 986
 987
 988
 989
 990
 991
 992
 993
 994
 995
 996
 997
 998
 999
 1000

fo, everti quoque eam sententiam, quæ inde sumebatur. Sumpsisse autem Canonistas hanc sententiam ex *dist. L. produci, D. de testibus*, patet ex *quarta causæ questio. 3. §. item in criminali*.

13 Alter locus generalis hic notandus est, quid servari oporteat in exceptionibus, quæ adversus personas testium ad eos reiiciendos opponuntur ex iis causis, propter quas testes reiici posse diximus. Continetur autem hic locus tribus locis specialibus. I. Quando adversus personas testium obicitur potest, quod ad eos reiiciendos pertineat. II. Huius obiectionis quæ vis sit. III. Si de eo, quod obicitur, sit controversia, utri parti incumbat probatio, ei ne, qui obicit, an testis? Primum quaeritur. Quando ¶ adversus personas testium obicitur potest? Utrum ante testimonium an vero etiam, postquam testimonium dictum est? Et hic traditur ante testimonii dictionem opponi posse, quod valeat ad testem reiiciendum, ne testimonium dicat. Sed an necesse est, semper id initio facere? Respondetur. Ne hic locus non decipiat, monendi sumus, etiam omissa initio exceptione, per quam testes reiiciantur, nihilominus & post testimonium dictum easdem exceptiones opponi posse ad testes reiiciendos. Idque non tantum ante publicata testimonia, & partibus cognita, sed etiam testimoniis publicatis. Id quod declaratur in *L. ult. inf. h. t.* ubi testes interrogati erant ab arbitro, in sequenti iudicio proferebantur eorum depositiones: non proferantur, nisi aperte & publicatæ. Et tamen in fine eius *L. sit potestas adversario*, adversus personas testium opponendi. Publicatis igitur & cognitis testimoniis nihilominus adhuc testes reiici possunt. Verumtamen ne qua hic sit causa subornationis, bene cautum est in *C. presentium, extra de testib.* non temere reiici posse testes cognitis & publicatis testimoniis, nisi horum trium aliquid præcesserit, vel, ut is, qui testes reiicit, prius testatus sit ante editionem testimoniorum, se testes reiicere velle: aut si post publicata testimonia solum coeperit cognoscere ea, propter quæ testem reiicere instituit: aut si nihil horum est, tamen cavetur ut saltem obstringatur iureiurando, se reiiciendum testium non institere dolo malo. Quæ cum intervenerint; recte placet audiendum esse eum, qui testes reiicit. Dices, fieri posse, ut is peieret? Respondemus, etiam si peieraverit, hoc testis, aut litigator non nocere: quoniam reiicienti fides non habebitur, nisi probeat. Hæc ideo dicimus, quia

ratione aperta niruntur, non autem sumuntur ex hac authentica, aut ex Novella Iustiniani; unde hic locus sumptus est. Nam et si in fine huius Authenticæ dicitur, si controversia sit, an testis sit inimicus, prodere debere testationem; tamen hic testatio non significat protestationem de teste reiiciendo, sed significat, quod in Novella Iustiniani scriptum est, *ut nullo precepto auctor, id est, testificatio testium ne impediatur: seu, ea, quæ ad testimonii dictionem pertinent*. Secundo quaeritur, cum testis reiicitur ex aliqua causa earum, propter quas ¶ reiici te- 14 stem posse diximus, quæ vis sit huius obiectionis? Et hic significatur obiectionis huius hanc vim esse; ut si testis fateatur quod obicitur: subdata omni quaestione non admittatur ad testimonium dicendum, veluti, si cum diceretur esse servus, fateatur se esse servum. Ex quo bene colligitur, semper cum aliquod adversus testem opponitur, ipsum testem de ea re interrogandum esse, an ita sit: sed si testis negabit ita esse, non statim fides reiicienti habebitur, sed de ea re quaerendum erit iustis probationibus.

15 Sed utrum statim de ¶ ea re quaerendum est, priusquam ad testimonii dictionem veniatur? Et hic cautum est, si quid initio obicitur testis, & de eo sit controversia, eiusmodi obiectionem non differre interrogationem testis. Nam nihilominus statim interrogabitur testis, & testimonium dicet. Quæsitio autem, an verum sit, quod illic obicitur, in aliud tempus differtur. Quaeritur, quod nam sit hoc tempus? Hic dicitur, tempus disputationum, ut veritit imperitus interpres. Iustinianus autem vult disceptationem huius quaestionis servari *ut in authentica, & mox in aliis authentica. de generali tunc ¶ in iudiciis exceptiones, & 16 præscriptiones*, ex quo genere sunt exceptiones, quæ adversus testes opponuntur, qualis est exceptio procuratoria, cum dicitur: tibi procuratorem esse non licet, ob has aut illas causas. *L. in exceptionibus, D. de probat.* Quondam autem hoc præscriptionum tempus est? Id colligi potest ex hoc loco. Nam cum dicitur prius interrogandum esse testem: deinde quaerendum de persona testis, aperte declaratur, harum præscriptionum disceptandarum tempus legitimum esse, cum testes omnes testimonium dixerint, ut nihil amplius super sit, quam ut testimonia, expendantur, & quaeratur, quanta fides habenda sit testibus. Quæsitum est: an hoc ¶ ius, quod placet, propter id quod 17 testis obicitur, non differri interrogatio-

nam

nem testis & dictionem testimonii, pertineat ad omnes causas, ex quibus testis reici potest? Movet, quod hic scriptum est tantum de duabus causis, si dicatur testis esse servus, aut dicatur esse inimicus: aliis autem locis videtur significari testem ob alias causas reiectum testimonium dicere non posse, ut videatur ante de conditione testis querendum esse, ut dicitur patronus testimonium dicere non debere in ea causa, in qua patrocinium præstitit. *L. ultim. Dig. de testibus*. Proinde si dicatur, illum fuisse patronum in hac causa, omnino testimonium non dicet, ac proinde de eo prius statuendum videtur. Item in *L. omnibus, sup. b. tit.* dicitur: Neminem in re propria testimonium posse dicere. Respondetur. Quod hic dicitur in certis speciebus exceptionum, id ad omnes exceptiones, quæ testi opponuntur, transferendum est: ut scilicet exceptio, quæ opponitur, si de ea controversia sit, differatur in aliud tempus disceptanda: nec impediat, quo minus testis audiat pro testimonio. Non obstat, quod dicitur: Neminem in re sua testimonium dicere posse: item Neminem patronum in re quam defendit, testimonium dicere. Hæc enim sic accipienda sunt, si certum sit, rem testis agi; si certum sit patronum patrocinium præstitisse. Sed si id negetur, ad hanc negationem illi loci non pertinent; quoniam non potest dici rem esse testis, ubi de eo non constat: proinde ad hanc legem redeundum est, quæ propter æquitatem maxime servanda est. Nam eo pertinet, ne mora iudicio afferratur, ubi non est necesse.

18 Postremo ¶ quæritur, in hac controversia, cui probandi onus incumbat? De quo hic etiam cautum est, obscure quidem; sed ita, ut in summa id statuatur, quod comprehensum est regulis iuris de his quibus onus probandi incumbit, secundum quas ita hic distinguimus: si testis negat simpliciter se talem esse, qua-

lis esse dicitur, is probabit talem esse qui obicit: veluti, si litigator dicat testem esse servum, & testis simpliciter se servum esse neget: is probabit servum esse, qui servum dicit. Primum quia dicit: ei autem, qui dicit, probatio incumbit, ex regula iuris *L. 2. D. de probat.* Deinde quia litigator in hac obiectione exceptionem utitur, uti uteretur, si procuratorem vellet reicere. In exceptionibus autem etiam reus actor est: ut actor exceptionem velut intentionem probare debet, dicta *L. in exceptionibus D. de probat.* Quod si testis fatebitur se aliquando talem fuisse, qualis dicitur, nunc autem se non esse talem: id testis probare debebit non autem contra probare adversarius. Veluti, si dicitur testis esse servus, & dicat, se liberum esse, ut est species huius loci: hic exigitur, ut se liberum esse probet, & nisi probet, reicietur tanquam servus. Quid ergo interest, dixerit aliquis, utrum testis dicat se esse liberum; an vero se esse liberum, cum omnis liberus sit liber; & tamen si simpliciter se liberum dicit, id probare non debet: si dicit se liberum, id debet probare, quæ videtur contraria? Respondetur: omnia hic regulis iuris optime consentanea. Nam qui simpliciter se liberum dicit, nihil amplius dicit, quam negat se esse servum, quod obiciebatur; neganti probatio non incumbit, sed obicienti. At qui se liberum esse dicit, dicit quidem se esse liberum; sed hoc amplius fatetur, se aliquando servum fuisse, & postea se esse manumissum; quoniam liberus est is solum, qui ex iusta servitute manumissus est, *tit. de libert. in pr.* secundum regulas iuris, qui aliquid fuisse fatetur, & id postea mutatum esse dicit, hanc affirmationem & mutationem probare debet, & quia dicit, & quia exceptionem utitur. *L. cum qui, D. de probation. L. siue possidetis sup. de probat.* ubi hunc locum exposuimus.



Ad L. Libertorum. 12.

Idem AA. Georgiz.

Libertorum adversus patronos illicitas atque improbas voces pœnæ obiectione præcludimus: atque ita ut non solummodo sponte prodire non audeant, sed ne vocati quidem in iudicium venire cogantur. D. IV. Id. August. Ravennæ Mariniano & Asclepiodoto Coss.

S U M M A R I A.

1. *Libertus adversus patronum testimonium dicere nec debet, nec potest, etiamsi velit.*
2. *Libertus qua pœna puniatur, si spon-*

te adversus patronum testimonium dixerit.

3. *Denegatum uni cæteris concedi videtur.*

Quod ius est de testimonio libertorum, cum adversus parentem testes producuntur, hoc idem iuris est de testimonio libertorum adversus patronos, &c. De priorum testimonio cautum est in *L. parentes, sup.* De posteriorum hac *L. in eod. tit.* Ergo si libertus denuntiatus erit, ut adesset ad testimonium adversus patronum dicendum: † nec venire, nec invitum testimonium dicere, eum venerit, cogitur. *L. lege Julia, D. eodem.* Sed etsi sponte venerit, paratus testimonium dicere, non admittitur ad dicendum invito patrono. Plus dicimus. Ne volente quidem patrono admittitur, ubi iudici visum erit non admittere. Simpliciter enim lex libertum adversus patronum admitti vetat. Reiciendi causa est, non suspicio testimonii, sed honor & reverentia, quam libertus patrono debet, quam testimonio violari nefas putatur. Verba legis notanda sunt, dicitur enim ibidem: *voces libertorum adversus patronos pœnæ obiectione præcludimus.* Quæritur, quæ sit hæc pœna, quæ statuatur adversus libertum, qui sponte testimonium adversus patronum dixerit? Id sic intelligemus. Non est † pœna, nisi delicti vindicta. *L. aliud est frans, D. de verb. significat.* Delictum autem,

quod a liberto in hac re admittitur, est offensæ adversus reverentiam & honorem, quam patrono exhibere debet. Iam vero ob omnes offensas eiusmodi, quæ in faciendo sint, placuit libertos tanquam ingratos, in servitutum revocari posse. Idque cautum est in *L. 2. infra, de libert. & eorum liberis.* Hinc licet enlligere, si libertus adversus patronum testimonium sponte dixerit, aut dicere paratus venerit; pœnam hanc esse, ut pro ingrato habeatur, tanquam ingratus in servitutum redigatur, exigente patrono. Notandum etiam, quod hic libertus prohibetur etiam sponte testimonium dicere: ex quo colligimus, cæteros testes posse sponte testimonium dicere, si a parte producti sint: quanvis non sint vocati a iudice, ut ad testimonium dicendum adessent. Hoc ideo ex hoc loco intelligi dicimus; quia cum id denegatur libertis, cæteris † id concedi videtur, argument. in *L. cum prator, D. de indic. L. ex eo, D. de testib.* Hoc monere eo pertinet, ut sciamus non posse tellem tanquam suspectum reici, qui postulante solo litigatore productus, sponte venit ad testimonium dicendum, neque expectavit, dum per apparitorem ei testimonium denuntiaretur.

Ad L. Qui falsa. 13.

Imp. Zeno.

Qui (*) falsa in testimonio protulerit, primum quidem de periurio, deinde falsi crimine convenitur. Quod si eum in ipso testimonii tempore mentiri suspicio sit, verberatur. Quod si is, qui ex falso testimonio damnatus est, civiliter contra testem agere voluerit, quicquid damni fecit ab eo recipiet, ac præterea falsus ille testis definitam legibus poenam sustinebit. Quod si etiam in ipsa lite principali convictus mendacii fuerit, officium iudicis esto, ut eum vel in totam litem, quæ illi mota est, contra quem testimonium dixit, vel in minus condemnet, vel etiam poenis subiciat, servatis omnibus, quæ iam statuta sunt de his, qui falsum testimonium perhibent.

S U M M A R I A.

1. Poena eorum, qui falsum dixerint,

quæ?

UT testes a falso dicendo deterreantur, adversus eos qui falsum dixerint, poena legibus constituta est duplex. Una est, quod testimonii illorum non creditur: ut intelligant se frustra falsum dicturos. Unde adversus testimonia obicere licet, sicut adversus personas ipsorum testium. L. ult. in fin. infra, eodem. Altera est, quod qui falsum dixerunt, coer-

ceri iubentur. Hic etiam duplex via est constituta ad falsos testes puniendos: una ordinaria, ut possint iudicio publico accusari falsi, ex lege Cornelia de falsis. §. item lex Cornel. Institution. de publ. iudic. Altera extraordinaria, quæ hoc loco constituta est, ut possint pro qualitate dicti coerceri ab eo ipso iudice, apud quem testimonium falsum dixerunt.

Ad L.

(*) Hæc L. sumpta est ex Basilicis lib. 21. tit. 3. Cap.

34. & est interpretatio Leonacilii.

Ad L. Nullum 14.

Imp. Zeno A. Arcadio P. P.

Nullum penitus, cum semel ad iudicem quemlibet, licet non suum, dicendi gratia testimonium fuerit ingressus: armatam forte militiam, vel quamlibet aliam fori prescriptionem ad evadendum iudicis motum, quem vel testimonii verborum improbitas, vel rei qualitas flagitaverit, posse prætereundum præcipimus: sed omnes, qui in civili scilicet causa suum præbent testimonium, separato, & tanquam ante iudicium interim deposito exceptionis fori privilegio, huiusmodi præsidio denudatos, ita ad iudicantis intrare secretum, ut quicumque aures eius offenderint, non dubitent sibi met formidandum: data cunctis iudicibus absque ullo prescriptionis obstaculo (sicut sæpe dictum est) in testes, quorum voces falsitate vel fraude non carere perspexerint, pro qualitate videlicet delicti, animadvertendi licentia. Dat. XII. Kalend. Iun. Decio & Longino Coss.

SUMMARI A.

1. Falsos testes qui iudices punire possunt, & quatenus.
Falsis instrumentis utens, & falsum dicens in iudicio pariter falsus, & lege Cornelia de falsis tenentur, ibid.
2. Iudices punire possunt quoslibet testes falsos, etsi non subiectos illorum iurisdictioni; & qui tales sint.
3. Falsitas testimonii, vel fraus unde æstimatur, & quibus in causis puniatur.
4. Testis, qui falsum testimonium dixit, siue ulla accusatione a iudice coerceri potest.
5. Regula, neminem siue accusatore da-

- mnandum, quomodo intelligenda.
6. An testis qui iusto errore falsum dixit, incidat in penam.
7. Pœna hic ex delicti qualitate infligenda: pœnarum genera varia & n. 8.
9. Qualitas delicti aut ex improbitate testimonii pendet: improbitas huiusmodi qua.
10. Aut ex qualitate rei de qua agitur: hæc quomodo crimen augeat, aut minuat.
11. Quæ gravitatis huius criminis æstimanda ratio, & item minuenda.
12. Quid hisce verbis notetur: intrare iudicis secretum.

IN hac constitutione hæc observanda sunt. I. Quibus iudicibus fiat potestas animadvertendi in falsos testes. II. In quos testes. III. Ob quod delictum. Postremo: quæ sit pœna? Fit potestas † animadvertendi in testes iudicibus, apud quos testes falsum testimonium dixerunt, & sit omnibus etiam qui in testes iurisdictionem non habent, cuiuscunque causæ iudices sint, siue criminalis, siue pecuniaræ. Hæc generaliter & sine exceptione. Sic enim verba sunt in fine, *cunctis iudicibus data animadvertendi licentia*. Sed tamen hoc ita temperandum est, dummodo iudex constet infra modum & formam iurisdictionis suæ. Exempli gratia: si erit is

Tom. VII.

iudex, qui de causis civilibus tantum iudicare possit, pœnam autem corporalem non possit infligere; aut si sit is, qui pœnam corporis inferre possit, sed certam, non autem omnem: iudex hanc formam non excedet, sed testes hanc detinebit, & rescribet principi, æstimaturo, quomodo testes coerceri debeant? Hoc constitutum est in persona eius, qui falsa instrumenta prout in iudicio, in *L. Divus Pius D. ad L. Corn. de falsis*. Nam & hic iubetur pro mensura delicti puniri: sed cum hac exceptione, dum coercitio formam iurisdictionis non excedat. Hoc dissimili in causa constitutum non est, ne quis forte putet, eum locum hæc trans-

Eccc 2

trans-

transferendum non esse. Nam & qui falsis instrumentis utitur, & qui falsum dicit in iudicio, pariter falsi & lege Cornelia de falsis tenetur. *L. 1. in priu. §. 1. D. ad L. Iul. de fals.* Nihil ad rem pertinet, quod ea lex est *D. Pii*, & ideo multis temporibus prior hac lege Zenonis. Nam & priores leges ad posteriores, & posteriores ad priores trahendæ sunt: ut posteriores ex prioribus interpretationem & temperamentum accipiant, ubi eandem rationem esse apparet *L. non est novum, L. sed & posteriores, D. de L.L.* Non obstat hæc lex in extremo, ubi generaliter fit potestas omnibus iudicibus animadvertendi in testes. Nam additur exceptio, si nihil aliud impediatur, quam præscriptio fori, quæ testi concessa est. Cæterum si quid aliud impediatur in potestate iudicis, & iurisdictione quo minus aliquam poenam iussigere possit: hæc constitutio locum non habet.

Fit potestas iudicibus animadvertendi in testes falsos quolibet, etiam iurisdictioni iudicantis subiecti non sint, veluti quia sunt ex aliena provincia, aut alio territorio; aut si ita subiecti sint, ut tamen alios iudices sibi attributos habeant, ad quos revocare possint, ut militibus iudices militares attributi sunt. *L. magisteria, sup. de iurisdic.* Scholasticis Rectoribus Universitatum. *Auth. habita, supra, ne sit. pro patr.* His, qui sunt in ministerio Ecclesiastico, Episcopi, ex quibusdam constitutionibus. Dicemus hos omnes, si ad iudicem non suum producti, in falso deprehensi erant, licere iudici in eos animadvertere, adempta illi omni fori præscriptione, ut hic cautum est. Nec excipimus (*) eos, qui sunt in ministerio Ecclesiastico. Quia imo, ut bene scriptum est in *L. presbyteri, supra, de Episcop. & cleric.* quo plus honoris ministris verbi tribuitur, in privilegiis iurisdictionis, tanto gravius puniendi sunt, quod sub prætextu honoris deliquerunt. Et certe ad præceptum Apostoli pertinet, qui iubet omnem aulam subditam esse potestati bus sublimioribus, & qui potestati resistit, ait ordinationi Dei resistere, *ad Rom. 13. cap.*

(*) Excipiunt utique ab hac lege Ecclesiasticos homines Canonici iuris interpretes omnes, & non pauci qui ius civile commentarii sunt doctissimi viri, ut testatur Covarr. *pract. de Cap. 13. n. 8. & Van-Espen iur. Eccl. ant. p. 3. tit. 4. n. 18.* Qui quidem Canonici & civiles iuris Interpretes Ecclesiasticum hominem falsi testimonii reum coram seculari iudice ab Ecclesiastico puniendum censent. Quam sententiam teste eod. Covarr. de *decant. ex Cap. si diligenti 12. xar. de for. Comp. ex Cap. 2. de Cler. censur. in 6. Locut Apostoli ad Rom. 13.*

Factum, ob quod ius testem animadverti potest, exprimitur in extremo his verbis, *† si vel testimonium falsitate, vel fraude non carere apparebit.* Falsum testimonium ex depositione deprehenditur, si contraria testis dixerit. Fraude non carere intelligitur, si varie dicat, id est, si vacillet in testimonio, *L. qui falso, D. eodem.* Non distinguitur autem, in qua causa testis falsum dixerit, aut vacillet, utrum in civili & pecuniaria, an in criminali. Quinimo in *versu secundo* huius legis nominatim comprehensum est, non minus ob falsum testimonium puniendos esse testes, si in pecuniaria causa deliquerint. Ex quo colligimus, magis magis eos coercendos esse, si falsum dixerint in criminali. Tanto enim severius delictum vindicandum est, quanto de gravioribus rebus & periculosis agitur, sed & falsum solum exigitur, non etiam exigitur, ut apud iudicem accusentur testes. Unde intelligimus, & sine ulla alia accusatione *† testes*, qui falsum testimonium dixerunt, a iudice coerceri posse.

Hoc loco sententia generalis hæc tenenda est: regulariter ueniam sine *† accusatione* damnamus esse, præterquam si in iudicio ipso aliquid delictum lucidat, per occasionem causæ principalis. Quod cum fiat, toties probatur, iudicem posse in eum, qui in iudicio deliquisse deprehensus erit, officio suo poenam statuere pro modo & qualitate delicti: ut adversus testes, qui falsum dixerunt, de quo hic: ut adversus litigatorem, qui falsa instrumenta protulit, de quo in *L. divus, D. de fals.* ut adversus maritum, qui uxorem accusat, si vicissim lenocinium ab uxore illi obiectum sit. Nam & cognito lenocinio iudex adversus maritum quoque statuet, sine ulla alia accusatione. *L. 2. §. si publico, D. ad L. Iul. de adult.* Huc pertinet. *L. penult. sup. de probat.* Quod tamen de falso testimonio hic scriptum est, posse nunquamque testem ob falsum testimonium a iudice coerceri, *† sic accipiendum est*, nisi testis errore iusto falsum dixerit, non dolo malo; veluti si de persona falsum dixerit, speciei personæ deceptus, cum similitudine putaret

quo frequenter more suo abutitur Donellus, nihil perferre eius opinioni suffragatur. Namque a Christo Domino constituta est Hierarchia seu sacer principatus in Ecclesia: qui obique summa quam in sacris res se personas obant, potestate, non potest condicere: quare & ab hac quoque constituenda priores superius iudicia apostoli authoritas. Vide que etiam alioquin cum *officiis* Civil. Commensur. lib. 10. cap. 10. col. 982. et lib. 17. cap. 10. col. 1100. ibique laudatis.

taret Titium esse, qui non erat. §. *neque igitur*, in fin. *Novell. de testib.* argument. in *L. Divus*, in fin. *D. ad L. Cornel. de fals.*

- 7 Poena ex constitutione est † hæc, ut iudex animadvertat in testem pro qualitate delicti: ut intelligamus nullam hic certam poenam esse, sed poenam æstimandam ex qualitate & mensura delicti. Hoc eo dicitur, quia varia sunt genera † poenarum, aliæ aliis sunt graviore. Præter poenam sanguinis & amissionis libertatis, est deportatio, relegatio, corporis coercitio, damnum eum infamia, dignitatis depositio, actus alicuius interdictionis. *L. 6.* in fin. & *LL. duobus seqq. D. de pœn.* Hæ poenæ statuentur, ut erit delictum. Qualitas delicti † æstimatur partim ex improbitate testimonii, partim ex rei, de qua testimonium dicitur, qualitate, ut hæc ipsa constitutio interpretatur in prin. *L. improbitas testimonii* est in iis, quos nihil pudet pro duobus diversa testimonia dicere, quos constat lege Cornelia teneri. *L. eos*, in prin. & §. 1. *D. de falsis.* Poena legis est deportatio & bonorum publicatio. *L. 1.* in fin. *D. eod. & §. item lex Cornelia, D. de falsis.* Institution. de public. iudic. Est etiam improbum testimonium eorum, qui aut pecuniam acceperunt, aut nominatim coierunt, ut testimonium falsum dicerent, quos & ipsos lege Cornelia teneri certum est. *L. 1. L. falsi, D. de fals.* Rei, de qua testimonium dicitur, † qualitas augeat, aut minuit crimen falsi. Nam quo gravius periculum ex testimonio intentatur reo, eo maius delictum est falsi: ut puta, nemo dubitat, quin gravius delinquat testis, qui testimonium dicit adversus reum ad eum opprimendum, quam qui falsum dicit pro reo ad eum liberandum: & adversus reos maius delictum est, mentiri in causa criminali, quam pecuniaria: & in criminalibus maius mentiri adversus eum, in quem capitale iudicium est, quam in eum, in quem iudicium est privatum. Ut autem de hac re certius aliquid statuere possimus, sic habendum † puto: si testis testimonium falsum dicit adversus reum, &
- 10

dicit consulto, non errore: quacunque poena reus afficeretur, si testimonii falsi creditum esset, eadem poena testes falsi afficiendi sunt. Hæc sententia probatur illa definitione generali, quæ est in *L. ult. infra, de accusat.* Calumniantes ad vindictam poscit similitudo supplicii. Nam dubium non est, quin & testimonium falsi & calumnia eiusdem generis sit. Nam calumniari est falsa crimina intendere. *L. 1. & §. 1. D. ad senatusconsult. Turpill.* quod maxime faciunt falsi testes, qui affirmant, ea delicta patrata esse, quæ non sunt. Et ideo secundum hanc regulam interdum poena capitis iussugetur testibus, quæ poena gravior est, quam quæ constituta est lege Cornelia de falsis: interdum etiam minor poena adversus testes statuetur. Nec obstat, quod dicitur, poenam legis Corneliæ esse deportationem cum amissione bonorum: ut neque sit maior, neque minor. Hoc enim tunc locum habet, cum ex hac lege accusatur quis falsi, non cum ob falsum testimonium ab eo iudice, apud quem testimonium dictum est, testis coercetur. Hic enim coercetur testis non tam, ut qui falsum dixit, quam qui calumniæ reum opprimere & velut occidere voluit. Calumniæ poenam esse iam diximus similitudinem supplicii. Quod si ad rei qualitatem accesserit improbitas testimonii: ut scilicet doceatur testis diversa testimonia diversis dixisse, augebitur etiam hæc poena, ultra rei qualitatem. Nam hanc improbitatem iam dixi lege Cornelia de falsis teneri, cuius poena est, quam item diximus.

Notandum obiter, quod in hac lege dicitur, testes, dum testimonium dicunt, *intrare iudicis secretum*. His † verbis 10 significatur, *secrete*, id est, seorsim & separatim ab aliis testibus singulos testes esse interrogandos. Quod apertius scriptum est in cap. *venerabili, extr. de testib.* idque cum pertineat ad formam testimonii interrogandorum, referri debet ad ea, quæ de hac forma dicta sunt ad *L. iurisperandi, supra*. Huius iuris optima ratio redditur in *gloss. d. c. venerabili*.

Ad L. Si quis 17.

Imp. Iustinian. A. Mennz Praef. prat.

Si quis testibus usus fuerit, iidemque testes adversus eum in alia lite producantur: non licebit ei personas eorum excipere: nisi ostenderit, inimicitias inter se & illos postea emeruisse, ex quibus testes repellit leges praecipimus: non adimenda scilicet ei licentia, ex ipsis depositionibus testimonium eorum arguere. Sed & si liquidis probationibus, datione vel promissione pecuniarum eos corruptos esse ostenderit: etiam eam allegationem integram ei servari praecipimus. Dat. VII. Kalend. Iun. D. N. Iustiniano A. II. Consf.

S U M M A R I A.

1. Si quis usus sit testibus, non potest hos contra se in alia lite producos reicere; & quas ob causas non possit §. n. 5. & 6.
2. Damnatu publico iudicio, infamis, inimicus, suspiciosus, ad testimonium non sunt admittendi: quae speciei huius excipiendi ratio. Quod quis iuris in alium statuerit, eodem ipse uti debet. ibid.
3. Testibus usus semel, eos non potest postea reicere in alia lite adversus se a quocunque productos.
4. Ut testes reicere non possit, quibus aliquis prius usus est, tria concurrere oportet: ea quae sunt §. n. 5. & 6.
9. Ob causas postea emergentes potest

reicere testes quibus usus est aliquis: & an ob res hic exceptas dumtaxat.

8. Contrarii occurrunt.
9. Etiam ob veteres causas potest quis testes reicere, quibus usus est tunc ex iusto errore, & quo. Qua postea emergunt, venia digna sunt. Iuri suo renuntiare nemo videtur. ibid.
10. Testimonia semper coargui possunt & quare.
11. Testis reiciatur, siue pecuniam accepit, siue ei causa fuit: nec amplius queritur.
12. Quomodo hinc loco L. testium 3. §. Lego Iulia satis probe conveniat.

EX iis causis, propter quas saepe dicimus, testes idoneos non esse, seu testes prohiberi a testimonio, testes relici posse constat. *L. ult. in fin. infra, hoc sit.* Una exceptio est, quae hic constituitur. Est autem scripti summa haec sententia: Si quis testibus usus sit, & iidem adversus eum in alia lite producantur, eorum personas reicere non potest, ob eas causas, quibus tunc relici poterunt, cum testibus usus est. Ceterum ob novas & postea emergentes causas reicere eos potest, quia ratione etiam eorum testimonia potest reicere. Itaque scriptum & de personis testium dicit, quibus quis ante usus est, & de eorum testimoniis. De personis reiciendis sit haec propositio: qui testibus usus est, eos adversus se postea producos reicere non potest. Hic opponitur ratio iuris com-

munis. Nam qui iudicio ꝑ publico damnatus est, qui infamis est, qui inimicus est, cuius testimonium aliqua suspitione laborat, is vetatur admitti ad testimonium. *L. 3. in pr. & §. lege Julia. D. eod.* Cur non igitur eodem iure utetur adversus infames testes, adversus suspensos, qui illis ante usus est? Respondetur. Excipiendae huius speciei causa haec fuit, quod qui testibus ante usus est, utendo tales approbavit, quales tunc erant, probatos improbare postea non potest. *L. uxor, §. ult. D. ad L. Int. de adult. L. Pomponius, 1. D. de neg. gest. C. quod semel, de regul. iuris in 6.* Sed addendum est: quia qui testibus usus est, usus est adversus alium, proinde aequum est, ut adversus se eodem iure aliquando utatur ex edicto, quo cavetur: Quod quicumque iuris in alium statuerit, ut eodem ipse

ipse iure utatur. *L. 1. D. quod quisque iuris.* Qua ratione recte dicimus eum, qui aliquando testibus usus est, cogi eodem adversus se admittere, non tantum postulante eo, qui ab illis laesus est, sed etiam postulante alio quovis adversario. Hæc enim poena est eius edicti, quod modo diximus: ut hæc poena eum teneat, qui in edictum incidit, quovis postulante. *L. 3. §. hæc poena. D. quod quisque iuris.* Et ideo quod in hac lege dicitur: eum, qui testibus usus est, non posse eos reicere, si in alia lite adversus eum producantur, hoc, *producantur*, † sic accipiendum est, sive producantur ab eo, cum quo prior lis fuit, sive ab alio quovis, cum quo nulla lis antea intercesserat.

† Sed hæc sententia † habet tres conditiones, quæ diligenter expendendæ sunt. Prima conditio est ex persona reiciantis testes. Si is testibus iisdem, prius usus sit. Testibus uti tunc quis intelligitur, non cum producit tantum, sed cum producti testimonium dicunt, nec reiecti sunt ab adversario. Nam si testes producti reiecti sunt, is, qui produxit, uti voluit, sed non est usus. Proinde si iisdem adversus eum quandoque producantur, nihil prohibet, quinominus eos possit reicere. Hoc primum ex significatione verbi dictum, deinde ex sententia edicti, *Quod quisque iuris.* Quo edicto non teneatur, ut eodem iure quis utatur, nisi qui prius eo iure usus est cum effectu. *L. 1. §. 1. D. quod quisque iuris.* Non obstat, si quis obiciat, eum qui testes aliquando produxit, videri producendo tales approbasse, & ideo non posse improbare, quod semel probavit. Non enim verum est, eum qui testes producit, hoc ipso testes tales probare; product enim & probat sub conditione, si non reiciantur. Bene igitur hoc dictum. *si quis testibus usus sit.* Secunda † conditio est, si iidem testes adversus eum, qui usus est, producantur in alia lite. Ex quo intelligimus, si adversus eundem producantur in eadem lite, non prohiberi eum, qui illis prius usus est, eos reicere, si modo super iisdem articulis producantur. Optima ratione. Aut enim hi testes iidem dicent, quod prius, hoc autem est supervacuum: aut dicent contrarium, hic autem eos audiri, aperte iniquum est. Quinimo propter depositionem ipsam, testimonium refellitur; quia contraria dicunt, *arg. L. scriptura. infr. prox. tit. de quo plura ad L. ult. in fin. infr.* Sed si super aliis articulis iidem testes producantur adversus eum, qui in aliis articulis his testibus usus est: mul-

to minus reici poterunt, quam si in alia lite adversus eundem producerentur; quiniam hic non producantur, nisi ab eo, qui prius testimonio laesus est. Sed si producantur in alia lite hic bene dicitur, citra exceptionem, eum qui illis prius usus est, non posse eos reicere: quia in alia lite producantur de aliis articulis, alioqui alia lis dicenda non esset. Tertia † conditio est ex lis causis ducta 6 propter quas testes reiciuntur: Si is, qui testibus usus est, reiciat testes ob eas causas, ob quas tam tum reici potuerunt, cum testibus usus est: ut puta, testibus aliquis usus est inimicis, impuberibus, infamibus, servis; ob has omnes causas testes ab initio reici poterunt. *L. 3. in pr. & §. lege Julia, D. eod.* Iidem testes adversus eundem in alia lite producantur, eodem modo servi, aut impuberes, aut inimici, aut famosi: ob has causas non poterit eos reicere is, qui illis pro talibus prius usus est: cæterum ob novas causas post priorem litem incidentes nihil impedimento est, quo minus possit eos reicere.

Id subobscure intelligitur ex hoc rescripto, ex iis casibus quos lex excipit. Excipit enim tres: nisi inimiciæ postea emergerint inter testes, & eum, adversus quem nunc producantur; aut nisi testes pecuniam acceperint, ut in hac lite testimonium dicerent; aut nisi pecunia eodem nomine his promissa sit. Sed quoniam Iustinianus † enumerat tantum hos tres casus, quos excipit, hæc pars legis questionem attulit, utrum in omnibus aliis causis, propter quas testes iure reici possunt, idem dicendum sit, si postea emergant. Exempli causa: aliquis testibus usus est in alia lite: hi testes adversus eundem producantur, sed il, qui post primam litem coeperunt esse domestici adversarii, aut ab eo adoptati sunt, aut postea accusati, iudicio publico damnati sunt, aut etiam in hac lite de re eorum agitur, quæ omnia post priorem litem acciderunt, & propter quæ placet testes non esse admit-tendos ad testimonium fidem. Quæro: an ob has causas testes reicere possit is, qui illis prius usus est? Prima fronte verba huius legis refragatur. Nam aperte in initio regula ponitur. Ex hac regula excipiuntur tres hi casus, quos dixi, non plures. Verum est, quod vulgo traditur, exceptionem certarum specierum nominatim expressarum, confirmare regulam in omnibus aliis speciebus non exceptis, quod dilucide traditur in *L. questum, §. idem respondis, demo instructa, D. de instru-*
do,

Ho, instrumentove legato. Sed recte placuit, quod de calibus his expressis dicitur, idem de omnibus causis postea emergentibus dicendum esse, propter quas iure testes reici possunt, scilicet, quia in omnibus causis postea nascentibus eadem ratio est. Ubi autem eadem ratio est, ibi ius idem statui oportet. *L. illud, D. ad L. Aquil. L. ult. sup. de constit. pec. L. a Titio, D. de verb. obl. L. non possunt, & L. seg. D. de LL.* Eandem autem rationem esse in omnibus causis postea nascentibus, ita intelligemus, si cognoverimus, quæ sit ratio, cur is, qui testibus usus est, possit eos reicere propter inimicitias postea emergentes, aut propter corruptionem testimonii postea secutam. Cur ergo ob has causas potest reicere testes is, qui iis usus est? Respond. Quia non potest videri tales testes approbare, cum nondum tales essent, cum usus est. Deinde alia ratione. Quia beneficium testes reiciendi iure concessum, nulli citra culpam, aut delictum eius auferendum est, *c. indulgentia, de reg. iur. in 6.* At aperte nulla culpa imputari potest ei, qui testibus usus est, si eos non repudiavit ob eas causas, ob quas repudiare non poterat, etiam si vellet, *arg. in L. cum quisdam, S. pupillo, D. de usur.* Non potuit autem testes repudiare propter inimicitias, aut propter corruptionem, si hæc nondum intervenerat. Iam vero apparet in omnibus aliis causis reiciendi testes, postea nascentibus eandem rationem esse, ex quo efficitur idem ius esse statuendum.

- 8 Non obstat, quod diximus, † exceptionem certarum specierum confirmare regulam in aliis omnibus. Nam in hac *L.* observandum est diligenter, non excipi ex regula inimicitias, aut corruptionem testimonii, sed excipi tempus, quo hæc emerferunt postea. Unde intelligimus, regulam confirmari non in aliis causis reiciendi testes, sed in contrario tempore, quo causæ exsiliant. Apparet enim excipi hoc loco inimicitias, non propter inimicitias, sed propterea, quod inimicitie postea emerferunt. Item, excipi corruptionem testimonii, non propter ipsam corruptionem; sed quia post priorem item, in sequenti iure testes corrupti sunt. Unde intelligimus, quod priori regula definitum est: eum, qui testibus usus est, non posse eos testes postea reicere; accipiendum esse de iis causis, quæ iam tum natæ erant, cum testibus usus est. Licet etiam respondere hoc modo: quod dicitur exceptionem certarum specierum confirmare regulam in casibus non exceptis, hactenus verum est,

nisi appareat aliud sensisse scriptorem, aut legislatorem. Semper enim mens cum in omnibus scriptis, tum maxime in *LL.* spectanda est. *L. ult. D. de exhib.* At in hac lege, sententia legis manifesta est, Iustinianum velle, ut propter omnes causas postea emergentes liceat testes reicere; etiam quibus usi sumus. Nam si licet reicere eos tantum propter inimicitias, aut propter corruptionem testimonii, distinctio erit in causis, non in causarum tempore. Porro apparet Iustinianum tempus distinguere voluisse, quo illæ causæ natæ sunt, cum ait: *inimicitias postea emerfisse.* Teneamus igitur hanc distinctionem, quam initio posuimus: eum, qui testibus usus est, non posse eos adversus se postea productos reicere, ob eas causas, quibus tunc laborabant, cum iis usus est. Cæterum ob novas causas ubi esse impedimento, quo minus reici possint, etiam ab eo, qui prius illis usus erat.

Plus dicimus † etiam qui testibus usus est, potest eos testes adversus se productos reicere ob veteres causas, quibus tunc reici testes poterant, cum illis usus est: si modo iusto errore ignoravit, testes illis vitis laborare. Exempli gratia. Aliquis testamento manumissus erat: eum pro libero produxit testem sibi. Deinde codicillis postea apparuit, libertatem fuisse ademptam, atque ideo liberum non fuisse, qui liber putabatur: dicemus nihil esse impedimento, quo minus is possit eum tanquam servum reicere, qui eo prius usus est. Nam iusto errori venia danda est. Item, quæ postea emergunt, novo indigent auxilio. *L. de etate, S. ex causa, & S. qui iusto, D. de interro. in iur. fac.* Et certe nemo videtur iuri suo renunciare, qui id sibi competere ignoravit. *L. mater, D. de inoff. test.* Item: non potest videri testes tales approbare qui tales fuisse ignoravit, & iustam causam habuit, cur erraret. De testimoniis eorum testium, quibus quis ante usus est, hic constituitur, neminem impediri ea arguere. Quod quomodo fiat, dicitur ad *L. ult.* Hoc autem de testimoniis conficiens est superioribus. Ut enim is, qui testibus usus est, potest eos reicere, propter causas postea emergentes: sic necesse † est, semper eorum testimonia coargui 10 posse, quoniam testimonia hæc postea secuta sunt. Obiter notandum est, duabus de causis testem reici posse, propter inimicitias, & propter corruptionem testimonii, si testis testimonii dicendi causa pecuniam acceperit, vel ei pecunia cautæ sit. † Quod cum generaliter dicitur, si quæ-

quærendum non est, utrum is, qui corruptus est, verum dixerit, an falsum. Huic parti opponitur. *L. 3. §. lege Inst. D. de testib.* Ubi reiiicitur a testimonio, non qui pecuniam accepit, ut testimonium diceret, sed qui pecuniam accepisse damnatus est: ubi duo exigunt, ut quis acceperit: & præterea damnatus sit acceperit. Hic autem alterum tantum exigimus. Resp. Inter hæc optime convenit. Qui reiiicitur, ob id, quod in præsentia lite pecu-

niam accepit, adversus hunc satis est dicere, eum accepisse, etiamsi prius damnatus eo nomine non sit: quia spe lueri eodem modo ductus falsum dicit. At cui obicitur, quod, ut in alia lite testimonium diceret, pecuniam acceperit: ad eum reiiiciendum necesse est, dici eum eodemmodo esse, quod acceperit: ut scilicet damnatione fiat infamis, quæ infamia illum a testimonio reiiicit.

Ad L. Testium. 18.

Imp. Iustinian. A. Mennæ P. P.

Testium facilitatem, per quos multa veritati contraria perpetrantur, prout possibile est refecantes, omnibus prædicimus [ut] qui in scriptis a se debita retulerint, non facile audiantur, si dicant omnis debiti vel partis solutionem sine scriptis se fecisse, velinque viles, ac forsitan redemptos testes super huiusmodi solutione producere: nisi quinque testes idonei, & summe, atque integræ opinionis præsto fuerint solutioni celebratæ, bique cum sacramenti religione deposuerint sub præsentia sua debitum esse solutum: ut scientes omnes ita ea statuta esse non aliter debitum, vel partem eius persolvant, nisi vel securitatem in scriptis capiant vel observaverint præstatam testium probationem: his scilicet qui iam sine scriptis debitum vel partem eius solverint, a præsentis sanctione merito excipiendis. Sin vero facta quidem [per scripturam] securitas sit, fortuito autem casu, vel naufragii, vel incendii, vel alterius infortunii perempta, tunc liceat his qui hoc perpeffi sunt, causam peremptionis probantibus, etiam debiti solutionem per testes probare, damnumque ex amissione instrumenti effugere Dat. Kalend. lun. D. N. Iustiniano A. II. Coss.

S U M M A R I A.

1. Debitor solutionem probare potest instrumentis, & testibus.
2. Instrumentis, sive apocha: quid sit apocha, & quatenus ea probetur solutio.
3. Si creditor apocham neget, quos testibus debitor solutionem probare possit?
4. Apocha non exstante qui testium numerus solutionem probet, & quæ hic habenda distinctio.
5. Quare quæ ex chirographo debuit, probare solutionem debeat quinque probatis testibus, ex hac constitut. & aliter probet qui sine scripto debet.
6. Ad quem debitorem & debitum hæc pertinet Constitutio.
Tom. VII.
7. Debitor ut probare solutionem possit amissa apocha per duos testes, quæ requirantur.
8. Testes omnibus in causis integræ summe esse debent: ideoque infames in universum a testimonio repellantur.
9. Sed tamen admittuntur infames in duobus causis, & quæ illæ sint, & num. 10.
10. Infamibus adfines qui sint?
11. Infamibus adfines an a testimonio repellis debeant?
12. Gravis cuiusque criminis seu publicorum iudiciorum rei non accensur a testimonio, nisi damnati: contraria diluuntur, & n. 16.
13. Et quare damnati.
Ffff
14. In-
15. In-

15. *In famis ipso facto a testimonio reii-
citur & ante damnationem.*
17. *Testibus non creditur, nisi dicant se
interfuisse, adeoque vidisse aut
audivisse quod gestum est.*
18. *Testes qui dicunt se ab aliis audi-
visse, fidem non faciunt.*
19. *Nec si fidem faciunt qui affirmant
aliquem rei dominum esse, nisi ido-*

*neam testimonii sui causam red-
dant. Exempla & n. 20.*

21. *Quare obstericum aut artificum di-
ctio creditur.*
22. *Si de memoria facti operis queritur,
testes qui ab aliis audivisse se di-
cant, admittuntur, & habentur
idonei.*

Debitor, qui creditori solvit, solutio-
nem ꝑ probare potest instrumentis
& testibus instrumentis ꝑ id est, apo-
cha, quæ hic securitas appellatur, &
in *L. in contrahibus §. super, infra,*
de non num. pec. Est autem apocha, seu
securitas scriptum, quo creditor profic-
itur sibi pecuniam solutam esse a debito-
re. Hæc scripto debitor solutionem probare
potest iure communi & uliato, &
ideo nō hic singulare in hac probatione
constituitur in hac lege. Sic igitur res
apocha prohibetur; si creditor fateatur,
apocham a se scriptam, aut suo mandato:
confessione suæ cum ilare oportet post 30.
dies. Nam intra hos habet exceptionem
non numeratæ pecuniæ *L. generaliter L.*
in contrahibus §. super, infra, de non
num. pec. Quod si ꝑ creditor negabit apo-
cham a se & suo mandato scriptam, de-
bitor eam testibus probare debet, quo fa-
cto vincet. Hic autem certus numerus
testium non addicitur in hac questione,
& ideo ad eam rem probandam duo tes-
tes sufficient. *L. ubi, D. eod.* hoc ta-
men ita, nisi quantitas debiti excedat 50.
libras auri, in qua specie cautum est, tres
testes ad minimum adhiberi debere, &
eorum testium subscriptiones. *L. ult. sup.*
si cert. pet. Nihil de iure hoc mutavit
Consist. Iustin. in *Nov. de instr. cau. &*
si §. si quis igitur, & §. oportet, ubi
in instrumentis conficiendis exigit Iustin-
ianus alias tres testes, quam minimum,
alias 5. Nam hæc Const. loquitur de iis,
qui contrahunt, & alios instrumento sibi
obligare volunt, quod ad liberationis in-
strumentum producendum non est. Nam
ad liberandum faciliores esse debemus.
L. Arriannus, D. de obl. & act.

4. Quid si debitor ꝑ siue scripto solutio-
nem probare volet testibus: hic singulare
ins constituitur, cuius gratia potissimum
hæc questio edita est. Sic autem distin-
guitur: refert, utrum debitor in scriptis
pecuniam a se debitam esse retulerit, an
vero non retulit. Nam si retulit in scri-
ptis, placet eum, si apocham non acce-
perit a creditore, non posse solutionem
probare, nisi quinque testibus adhibitis in-

tegræ opinionis, qui iurati dicant, se in-
terfuisse solutioni, quo in numero testium
ius singulare, ut dixi, constituitur: cum
regulariter duo testes ad fidem faciendam
sufficiant, *d. L. ubi, D. eod.* Sed hic nu-
merus exigitur ab eo debitore, qui prius
in scriptis a se debitum retulerit, ut ver-
ba sunt questionis. Is in scriptis debitum
a se retulit, qui scripto & chirographo,
aut alio quovis instrumento vel privato
vel publico cavit, se pecuniam Titio de-
bere ex illa, aut illa causa. Non exigitur
hac constitutione, quomodo debitor id
scripto declaraverit, utrum ex conventio-
ne, quia prius convenisset, ut scriptum
daret; an vero sponte chirographum cre-
ditori dederit, quod ille accepit. Proinde
utrum sit, nihil interest. argumentum in
L. item veniant, §. petitam, vers. a quo,
D. de pet. hered. L. metum autem, §.
animadvertendum, D. quod met. caus.
Interim hoc exigitur, ut debitor scripto
interposito pecuniam a se debitam cave-
rit. Ex quo colligitur, si debitor sine
scripto quid debuit, & sine scripto itidem
solvit, non exigi ab eo hunc numerum
testium, de quo hic cautum est. Proinde
res revocatur ad solemnem numerum, ut
duo sufficiant. *dist. L. ubi, D. de testib.*
Non obstat *L. ult. sup. si cert. pet.* ubi
tres testes exiguntur ab eo debitore, qui
solvit quod debebat supra 50. libras. Hic
enim numerus exigitur, cum res instru-
mento scripto geritur, ad cuius instrumen-
ti fidem desideratur tres testes, & eo-
rum subscriptiones. Nullo autem solutio-
nis & debiti scripto interposito, res ad
communem iuris regulam pertinet, ut qui
sine scripto debuit, si sine scripto solvit,
solutionem probare possit duobus testibus,
quantacunque summa sit, de qua agatur.

Hic queritur, quid interfit, ut utrum
debitor aliquid instrumento interposito de-
buerit, an nullo instrumento interposito:
cum proponatur is debitor, quem constat
debuisse, etiam ipsius confessione: & cum
nihil interfit, utrum debitum probetur tes-
tibus, an instrumentis. *L. in excendis,*
infra, de fide instrument. Differentia ra-
tio est, quia qui sine scripto solvit, quod
sine

sine scripto debuit, si se solvisse dicat, affirmatio eius caret omni suspitione mendacii, quoniam dicit rem gestam, uti more hominum geri solet. Sic enim homines solent, ut quod sine scripto debuerunt, etiam sine scripto solvant, non exigant a creditore, quod creditori non praestiterunt. At qui scripto interposito debuit, si dicat, nulla apocha a creditore recepta, se solvisse: haec affirmatio iustam suspitionem habet fraudis & mendacii, quia est contra hominum solventium consuetudinem. Nemo est enim tam negligens rerum suarum, ut si chirographum dedit creditori, non id velit recipere a creditore, cum ei solvit; aut si chirographum non recipit, non velit saltem ab eo apocham habere: ut si forte chirographum adversus se aliquando proferatur, se contrario scripto tueri possit, quod ad manum habeat, cum velit: aliter si quis dicit se fecisse, verisimile est, eum mentiri, & moliri aliquid subornationis. Proinde recte visum est, eum debere hanc suspitionem iusta aliqua & magna probatione a se amoliri. Hinc numerus testium, qui hic requiritur, & ea conditio, & id testimonium testium, quod adicitur. Haec con-

stitutio ¶ ad omnem debitorem pertinet, siue debitum caverit instrumento ex conventionem, siue sponte, ut supra ostendimus. Similiter pertinet ad omne debitum, etiamsi debitor infra unam libram auri debuerit: hanc si scripto cavit, non potuit solutionem probare, nisi ex forma huius L. Non obstat §. ut autem Nov. de infra. cau. & fide. ubi iustin. si contractus fiat, qui non excedat libram auri, non exigit, neque tres, neque quinque testes, ut prius fecerat, sed vult id servari, quod prius iure obtinebat. Nam haec constitutio pertinet ad eum, qui contrahit. Is qui duobus testibus interpositis se contraxisse dicit, nihil dicit improbabile. At debitor, qui scripto debuit, si sine scripto dicat se solvisse, dicit, quod plane verisimile non est: proinde merito alia solemnitas probationis ab eo exigitur. Quinimo superior illa constitutio hoc ipsum confirmat, quod diximus, nempe etiam eum debitorem, qui ultra libram auri non debuit, si eam scripto debuit, & sine scripto solvit, non posse hanc solutionem probare, nisi quatuor testibus ex praescripto huius legis: quoniam iustin. in supra scriptis verbis vult in hac specie servari, quod prius obtinebat. At ante N. illam constitutionem obtinebat haec eius constitutio, proinde eam etiam in hac specie servari vult.

Tom. VII.

Quod tamen dictum est de debitore, qui sine scripto solutionem testibus probare velit, cum prius scripto interposito debuisset, ita temperatur in extremo huius questionis: nisi debitor, qui scripto interposito debebat, solverit, apocha a creditore accepta, eamque apocham postea casu fortuito amiserit. Nam hic licet ei solutionem probare per testes, ut verba sunt huius const. Cum non adicitur, per quot testes, haec verba sic accipere debemus: ut liceat debitori solutionem probare per testes, usitato & solemni numero, id est, per duos testes d. l. ubi, D. eod. sed ut ¶ debitor id possit facere, exiguntur tres conditiones. I. Est, ut debitor probet se, eum solvit, apocham a creditore accepisse. Haec conditio non exprimitur verbis hoc loco, sed satis dilucide significatur, cum dicitur, debitorem probare debere apocham amissionem. Nam debitor non potest apocham amittere, nisi prius habuerit. Similiter nec testes possunt dicere, eum amisisse, nisi illis constet, & dicant illam prius habuisse. II. Conditio est, ut debitor, qui se apocham amisisse dicit, casum probet: quod in omnibus receptum est, qui re amissa casum fortuitum obtendant, ut casu liberentur. L. 4. infra, de pignor. aff. L. 2. infr. de testam. Quoniam utrumque sumptum est ex regula communi iuris, qua efficitur, eum probare debere, qui dicit. L. 2. de prob. Hic notandum est, ideo huius casus probationem exigi a debitore, quia casus proponitur eventus sine culpa creditoris. Quod si culpa aliqua creditoris intercessisset, aliud probandum ex L. si de possessione, supra, de prob. III. Conditio est, ut debitor probet solutionem a se factam. Cum enim dicitur licere ei probare solutionem, hoc ipso ut probet, exigitur; tantum numerus testium, de quo prius cautum erat, illi remittitur. Hoc loco merito nobis occurrunt. Nam si debitor primum probavit, se apocham a creditore accepisse, postremum satis probavit, ut supervacua sit solutionis probatio. Nam non potest probare apocham se a creditore accepisse, nisi testes dicant, ipsum accepisse a creditore instrumentum, quo instrumento utebatur creditor, sibi pecuniam solutam. Nam non aliter est apocha, sen securitas, quam si instrumento creditor id caverit. L. in contractibus, §. super, inf. de non num. pec. At hoc probato solutio probata est. Haec enim confessio creditoris pro iusta solutionis probatione est. auth. rogat. inf. eod. Resp. Et hoc verum est, Et ff. 2 con-

confessionem hanc pro solutione haberi, ubi confessio interposita est, solummodo testimonium adhibito, qui in *b. l. exigitur*, ut ad *d. auct.* dicitur. At ubi duo tantum testes de apocha testimonium dicunt, non idcirco consequens est, vere pecuniam esse solutam, ut creditor creditori pecuniam solverit; debitori apocham datam esse a creditore, quam cum debitor in saccum, aut peram reposuisset, & se commisit navigationi, naufragio omnia amiserit; aut cum simul proficiscentes incidissent in latrones, peram debitori esse ablatam, in qua erant instrumenta eius.

Obiter ex hac quaestione notandum est, quod cavetur de iis testibus, quos lex vult solutioni interesse. Nam exigit testes numero 5. conditione personarum, testes integre opinionis; religione iuratos; certitudinis testimonii eos, qui dicant testimonium de eo quod viderint, non ab aliis audierint. Videndum est, an hæc ad alias causas etiam pertineant, ut in omnibus testibus requirere debeamus? Et quod de numero testium hic cautum est, ius singulare est, ut *supra* diximus, & ad *L. iurandi in fu. supra*. Quod dicitur iuratos testes esse oportere, priusquam testimonium dicant, omnium testium commune est, de quo in *d. l. iurandi*. De duobus reliquis dubitatio est, an ad omnes testes, & ad omnia testimonia pertineant? In conditione testium 1. lex exigit testes integre opinionis, integre famæ & existimationis, proinde contrarios repudiat. Contrarii sunt infames, ideo intelligimus infames testes a testimonio prohiberi. Sed an omnes infames? an in omnibus causis? Si sequimur id ius, quod in *Pand.* relatum est, non omnes infames a testimonio removentur: argumentum est, quod nominatim removentur adulterii damnati, repetundarum damnati, & generaliter damnati iudicio publico. *L. scio, l. repetundarum, l. 3. §. Leg. Julia, D. eod.* Cum nominatim hi prohibentur, cæteris testimonium videtur concedi: alioquin generaliter ita diceendum fuisset: *infames ne testimonium dicant arg. in L. ex to, D. eod.* argumentum & hoc, quod omnes ad testimonium diceendum admittuntur, qui nominatim non prohibentur lege, *L. 1. §. 1. D. eod.* Nec obstat, quod in *L. 3. in princ.* iubetur spectari, cuius sint existimationis testes: nam infames omnes in ea sunt causa, ut minor

fides eis haberi debeat, sed non propterea omnes a testimonio reiciuntur. Non obstat etiam quod in *d. l. 3. §. Leg. Jul. in fu.* dicitur quosdam non admitti ad testimonii fidem, propter infamiam. Hoc enim non significat, omnes propter infamiam reici, quales sunt publico iudicio damnati. Sed Novella Iulian. *de testib. §. 1.* hoc ius apertius constituit in hanc sententiam, ut omnes infames pariter a testimonio removeantur. Nam illic Iustinianus siue discrimine causarum & testimonium exigit, ut testes omnes sint integre famæ & opinionis, quibus nulli magis contrarii sunt quam infames, id est, qui famam & existimationem iure amiserunt. Proinde in hac numero habebuntur omnes, qui comprehensi sunt in *L. 1. de his, qui notan. infr.* & aliis locis, qui ibi notantur in gl. Quod merito constitutum est: nam omnes infames pariter removentur a dignitatibus *L. 2. infr. de dignit. lib. 12.* Omnes pariter ab accusatione. *L. qui accusare, D. de accus.* Par est igitur, ut pariter removeantur a testimonio. Non enim minor integritas requiritur in testimonio, quam in accusationibus.

Interdum tamen 1. etiam infames ad testimonii dictionem admittuntur, quod contingit alias propter conditionem eorum, adversus quem producantur: alias propter conditionem rei, de qua agitur. Ex conditione eius, adversus quem infamis producit, infamis reici non potest, cum hæreticus adversus hæreticum producat, de quo cautum est in *L. quoniam, sup. de her. & man.* Illic constitutum est, exceptis iis hæreticis, qui illic enumerantur, qui in totum reiciuntur a testimonio, cæteros inter se testimonium dicere posse, & pro aliis, & adversus alios. Quod merito constitutum est. Non enim potest hæreticus alium hæreticum, ut virum improbum relicere, qui opinionem & sententiam eius non solum falsam non agnoscat, sed etiam pro vera & pia ipse profiteatur. Hæc constitutio producenda non est ad eos reos, qui testi obiciunt id crimen, quo & ipsi laborant. Exempli gratia: reus adulterii damnatus si accusetur, recte reiciet eum testem, qui & ipse adulterii damnatus sit, & infamem. Nec obstat reo, quod dicatur & ipse eodem crimine damnatus esse. Nam in accusationibus idonei testes præcipue exiguntur. *L. ult. sup. de prob. & in criminibus* hæc sententia diligenter retinenda est: satius esse impunitum relinqui facinus, quam inno-

inno-

innocentem damnari. *L. absentem, D. de penis.* Id autem facile futurum erit, si turpes & infames personas ad testimonium admittimus. Nec simile est exemplum hæretici hæreticam testem reitulentis. Nam hæreticus eandem hæresim probat & proficitur. In cæteris autem delictis, qui deliquit, non ideo id delictum probat, aut in se, aut in aliis. Ex condicione ¶ rei, de qua agitur, etiam interdum infames testes admittuntur, ut sunt arenarii, id est, qui in arenam descendunt, ut illic pugnent cum bestiis, mercede constituta, quales sunt etiam servi, tametsi non infames. *L. ob carmen, §. si ea, D. de testib.* Condicio autem rei id tunc exigere videtur, cum aliter veritas inveniri non potest, argum. in *L. servi, D. eod. & L. divus, D. de quest.*

- 10 Infamibus ¶ affines sunt, qui deliquerunt, tametsi damnati eo crimine non sint. Inde quæsitum, an ¶ qui aliquid deliquisse dicuntur, & præsertim, si iam eo crimine accusati sint, a testimonio removeri possint? Dicemus iure neminem ob delictum a testimonio removeri, quanvis accusatus sit, nisi delictum cum infamia sit coniunctum, priusquam damnatio secuta sit, & damnatio, ex qua infamia sequeretur. Argumento sunt gravissima crimina. Adulterii crimen grave est, nemo tamen a testimonio ob adulterium repellitur, nisi adulteri damnatus. *L. scio L. ex eo, D. eod.* Grave crimen repetundarum; nemo tamen hoc nomine removetur a testimonio, nisi repetundarum damnatus. *L. repetundarum, D. eod.* Et
- 13 ut generaliter dicatur, ¶ gravia omnia crimina, quæ sunt, iudiciorum publicorum, quæ recensentur in *L. 1. de publ. ind.* nemo tamen a testimonio reiticitur ob crimen iudicii publici, nisi iudicio publico damnatus. *L. 3. §. lege Julia, D. eod.*
- 14 Cur ergo ¶ damnatus potius, quam qui nondum damnatus est? Quia ex delictis publicorum iudiciorum infamem sententia facit, non delictum solum. *L. infamem, D. de publ. ind.* Quod si infamia ¶ præcederet damnationem, eadem ratione diceremus, cum, qui infamis ipso facto esset, pariter a testimonio removeri. Exemplo est ea mulier, quæ corpore quæstum facit, aut fecit. Hæc enim testis prohibetur esse in *d. L. 3. §. L. Julia.* Non exigitur damnatio, quia quæ quæstum facit, aut fecit, hoc ipso infamis est, *L. palam §. pen. & ult. de rit. nupt.*
- 16 Non ¶ obstat *L. in testimonium, D. eod.* ubi scriptum est, testimonium non denuntiari ei, qui accusatus est, hoc enim

in hanc sententiam accipiendum est: ut accusatus productus testis non cogatur testimonium dicere, ne testimonio alios offendant, & illorum odium in se convertat, quod illi fraudi sit in suo reatu. Cæterum volens si testimonium dicit, ius non prohibet.

In certitudinem testimonii diligenter hic loens notandus est, ex quo colligitur, ¶ non credi testibus, de eo, quod 17 gestum est, nisi iis, qui dicant, se interfuisse & vidisse id, quod gerebatur. Quod non sic accipiendum est, quasi semper testes dicere debeant, se vidisse, sed ut dicere debeant, se id quod gestum est, & de quo dicunt, sensu aliquo corporis percipisse, eo modo, quo id, de quo agitur, sensu percipi potest. Utpote, cum debitor solvit creditori, hæc res percipitur visu: proinde dicere debebunt testes se vidisse, cum ille creditori solveret. Sed si interrogentur testes de eo, quod testator in suprema voluntate dixit, aut de eo, quod stipulator stipulatus est, aut promissor respondit, dicere debebunt se audivisse, cum testator id diceret, aut stipulator, vel promissor, quia sermo auditu percipitur, non visu. Cæterum summa huc redit, ut quidquid dicent testes, dicant se interfuisse ei, quod gestum est, & id, de quo dicunt, se certo corporis sensu percipisse, sive res visum desideret, sive auditum. Consentit cum hoc loco *§. si vero. Nov. de hered. & Falcid.* Huo perinet, quod in *§. nulli vero. Nov. de SS. Episc.* cavetur, ut testes dicant, quæ noverint. Non noverunt autem certo, nisi ea, quæ sensu usurparunt. Ex quo colligimus ¶ non esse recipiendum testimonium 18 eorum, qui dicunt, se audivisse ab aliis, cum de eo quæreretur, an quid factum esset. Eadem ex re colligimus, si agatur de re aliqua, quæ intelligentia & cognitione percipitur, non autem corporis sensu; non ¶ esse idoneum testimonium, quid- 19 quid testes de eo dixerint: ut si in rei vindicatione quærat, an actor sit dominus fundi, non est recipiendum testimonium illorum testium, qui dicunt, illum esse dominum: si nihil amplius causæ reddiderint, cur sciant, cum esse dominum, & ideo interrogandi erunt, quomodo sciant. Quod si dicent, se scire, ¶ quia erat la- 20 pillus, quem in litore invenerant, materiam fuisse ex qua speciem fecerint, locum in prædio eius aluvionem accrevisse, tum fidem facient testes: quia incipient id dicere, quod sensu corporis perciperint. Quo pacto consequentia iuris efficietur, illum esse dominum, de quo quæ-
ritur,

1. ritur. Non obstat, † quod obfetricibus & artificibus in arte sua confultis creditur de eo, quod dicunt sibi videri. *L. 1. de vent. in sp.* Nam ii magis adhibentur ut iudices, quam ut testes. Unde adhibentur, ut dicant, quid sibi videatur, non autem quid sit in re certo. Sed adversatur. *L. 2. §. ante. D. de ag. plu. ar. cen. L. si arbit. de probat.* quibus in
2. locis scriptum est: cum queritur, an † exstet memoria alicuius foffae factae, audiri testes non tantum, qui dicant, se vidisse, cum illa foffa fieret, sed etiam si dicant, se audisse eos, qui dicerent se interfuisse, cum foffa fieret, aut factam meminisse. Dicendum est, multum interesse, quid queratur in iudicio. Nam si queritur, an aliquid factum sit, nunquam au-

dientur testes, nisi qui dicant, id ita factum esse, & se scire, quia interfuerint, & sensu aliquo corporis perceperint, quod dicunt. Quod si in iudicio queritur, an aliqui audiverint ab aliis, tum sine dubitatione admittentur testes, qui dicant se audivisse ab aliis, & merito fidem facient, quia de eo querebatur, an audivissent. Hic autem auditus sensus est corporis. Atque huic quaestioni locus tunc est, cum queritur, an exstet memoria operis facti, ut declaratur in *d. L. 2. §. antep. de ag. plu. ar.* & rursum an exstet memoria operis facti, quaestio tunc locum habet, cum agitur de aqua pluvia arcenda in ea specie, quae proponitur in *d. L. 2. in §. antepennult.*

Ad Auth. Rogati.

Rogati, ut in testamentis, non fortuiti vel transeuntes veniant. Idem est si post solutionem rogati intersint confessioni creditoris, dicentis pecuniam sibi debitam solutam fuisse.

S U M M A R I A.

1. Debitor si sine scripto solvit, quod scripto caverat, non aliter solutionem probare potest, quam quinque testibus.
2. Testes solutionem probantes oportet esse rogatos.
3. Testium numerus ubi non adiicitur, duo sufficiunt.
4. Confessio creditoris contentis sibi pecuniam esse solutam, quid operetur, & an valeat? Et quomodo probanda sit?
5. Confessio debitoris contentis se debere, quam vim habeat, de hoc alibi, & quo in loco.
6. Confessio creditoris, qua sine scripto pecuniam solutam esse dicit, quae chirographo tanta erat, quinque testibus probanda, & quare & n. 7.
7. Confessio solus a pecunia quae sine scripto debebatur, probatur duobus testibus a debitore.
8. Testes solutionem probantes, an rogatos esse oporteat.
9. Num in omnibus causis testes roga-

- tos esse oporteat post hanc constitutionem: qua dubitandi ratio.
11. Haec Auth. rogatos testes in tribus dumtaxat casibus ibidem expressis habet.
 12. Testes in quibus speciebus rogatos esse oporteat?
 13. Testes in testamentis debent esse rogati.
 14. Testamenta maxime obnoxia sunt satisfati.
 15. Testes rogati requiruntur in solutionibus.
 16. Testes rogati requiruntur in confessione creditoris dicentis, sibi pecuniam esse solutam.
 17. Testes rogati requiruntur in repudio.
 18. Testes debent esse rogati in codicillis.
 19. Testes rogati intelliguntur, qui adhibentur.
 20. Testes debent esse rogati in confessione debitoris contentis, se alieni pecuniam debere.
 21. Testes debent esse rogati in instrumento, contracta vel solutione de summa, quae 50. aureos excedit.
 22. Monere quid?

Haec auth. duo adiicit legi superiori. Nam primum illic cavetur, si debitor † sine scripto solverit, quod scri-

pto caverat, non aliter solutionem probare posse, quam 5. testibus: sed quinque testes solum lex requirit, de rogatis nihil

hil adiecit. Quo fiebat, ut secundum regulam veterem iuris, etiam rogati testes non sufficerent. *L. ad fidem, D. eod.* Hic igitur adiecit, etiam testes eos in specie proposita rogatos esse oportere, quod expressum est ex Nov. Iustin. *de testib. §. & licet.* Deinde in *L. superiore* quinque testes exiguntur ibi solum, ubi debitor se solvisse dicit. Ex quo intelligitur, si debitor dicat creditorem confessum esse, se pecuniam accepisse; ad hanc confessionem probandam, ordinarium & usitatum numerum testium sufficere, nempe duorum. Idque iuxta regulam veterem iuris, et ubi numerus testium non adiecit, duo sufficiunt. *L. ubi numerus, D. eod.* Nihil autem de hac confessione cautum est superiore lege. Proinde & hic adiecit, idem dicendum esse, si testes rogati interfuerint confessioni creditoris dicentis, sibi pecuniam esse solutam. Idem sic accipere debemus, quod in *L. superiore* cautum est de probatione solutionis: cum debitor sine scripto dicit, se solvisse quod scripto caverat: ut scilicet, quemadmodum eam solutionem probare non potest, nisi quinque testibus: sic nec confessionem creditoris, de qua dicimus, probare posse, nisi totidem testibus & iisdem rogatis. Non intelligimus, ut vulgo, idem in hac confessione dicendum esse, quod prius in hac *aurea* dictum est, ut scilicet in hac confessione probanda, testes rogati produci debeant: alioquin superflua essent illi verba, si testes rogati interfuerint solutioni. Perinde enim esset, atque si dictum esset: rogati testes esse debent, si rogati interfuerint, quod est nugatorium. Ex hoc loco de confessione creditoris, qui confitetur sibi pecuniam esse solutam, idque sine scripto, duo notanda sunt: quorum unum pertinet ad vim huius confessionis, alterum ad probationem.

De vi huius confessionis et hoc notandum est, hanc confessionem valere & confitenti nocere: ut si debitor quoque hanc confessionem probet, non minus absolvi debeat, quam si doceret, se solvisse. Id, quod ex Nov. Iustin. melius intelligitur, ubi Iustinianus admittit huius confessionis probationem, dummodo probetur testibus quinque & rogatis. Non obstat, quod dicitur, confesos in iure pro iudicatis haberi. *L. 1. D. de confes. L. unica, inf. de confes.* ubi cum in iure adiecit, aperte non idem tribuitur extrajudiciali confessioni. Nam aliud est confesos pro iudicatis haberi, aliud confessionem valere. Confesi non habentur pro iudicatis, nisi in iure confesi: sed eum dicimus haberi

ens pro iudicatis, significamus eos confessionem suam retractare non posse: quoniam post rem iudicatam nihil amplius quaeritur. *L. post rem, D. de re iud.* Hoc extrajudiciali confessioni non tribuitur; sed non eo minus confessio valet: verum hactenus valet, ut tamen admittatur probatio in contrarium: ut si creditor doceat, sibi pecuniam solutam non esse, confessio ei non noceat. Quinimo, intra 30. dies, ex quo creditor confesus est, potest creditor eam confessionem revocare testato; potest etiam petere quod sibi debetur a debitore. Et si debitor confessionem creditoris alleget, poterit creditor se tueri replicatione non numeratæ pecuniæ: dum id faciet intra 30. dies, ut bene Accursius sensit hoc loco, *arg. L. in contractibus, §. 1. inf. de non numer. pec.* Non obstat etiam *L. 1. §. ult. D. de inter. in iur. fac.* ubi scriptum est, confessiones expressas apud iudices solummodo ad probationes sufficere. Nam hoc dictum est de confessionibus in iure expressis, non ut excluderentur confessiones extrajudiciales, sed ut excluderentur actiones interrogatoriæ, quæ olim ex confessionibus iis nascebantur. O tendere enim vult Iurisconsultus, illis actionibus hodie locum non esse, sed solum eas confessiones ad probationes valere. Quam vim et habet confessio debitoris confitenti se debere. alias dicitur opportunius ad *L. generaliter, infra, de non numer. pec.*

Quod attinet ad probationem huius confessionis, qua creditor confitetur, sibi pecuniam solutam esse, ex verbis huius authenticæ intelligimus, idem hic dicendum esse, quod in probatione solutionis, cum debitor, se solvisse dicit. Et ideo, si creditor confesus sit sine scripto, se pecuniam accepisse, quæ chiographo debitoris cauta erat: si de hac confessione erit controversia, non poterit debitor eam probare, nisi 5. testibus. Hoc expressum non est in Novell. Iustinianus in *§. & licet*, unde hoc fragmentum translatum est, sed ex verbis Constit. satis colligitur. Nam Iustinianus eo loco eodem numero habet, eum debitor dicit se solvisse, & cum creditor fatetur se pecuniam accepisse. Proinde de utraque specie idem ius statendum est. *L. illud D. ad L. Atyia. L. ult. supra, de confisus. pec.* Sed hæc huius sententiæ et argumenta certa sunt. Nam *L. superior* exigit quinque testes, cum debitor dicit se solvisse quod scripto caverat. At eum idem debitor dicit, creditorem confessum esse, sibi pecuniam esse solutam, nihil aliud dicit, quam se pecu-

enniam solvisse, & probat ex confessione creditoris. Proinde etiam verbis lex superior ad hanc speciem pertinet. Est & huius rei hoc argumentum certissimum. Nam nihil recipiendum est, quod in fraudem legis fit. *L. non dubium, sup. de L. L.* Fit autem fraus legi superiori, si in hac confessione creditoris probanda non exigimus quinque testes; quia facile dicturus est debitor, se pecuniam solvisse creditori, & ad hoc probandum facile dicet, creditorem esse confesum, ut deinde ad hanc confessionem probandam duos corruptos testes adhibeat, ut sic obliqua via consequatur, quod directa fieri prohibetur. Hoc igitur repudiandum, tanquam in fraudem legis superioris. Huc pertinet regula iuris, cum quid una via fieri prohibetur, hoc alia via admitti non debere. *C. cum quid una, ex. de reg. iur.* Quid si creditor ꝑ confessus erit, se pecuniam accepisse, quæ sine scripto debebatur? Licet debitori hanc confessionem opponere creditori, & oppositam probare duobus testibus. Sed quæcunque confessio creditoris erit, in ea exigentur testes rogati, ut hoc expresse est apertius in *§. & licet* unde *hæc authent.* sumpta est in *vers. hæc autem*. Nec dicemus referre, utrum debitum scripto interpolito debeatur, an non. Nam in *d. §. & licet* *vers. hæc autem* nominatim Iustinianus exigit rogatos testes, ubi debitor confitetur, sine scripto se aliquid debere, & in eadem causâ habet confessionem creditoris, qui confitetur sibi pecuniam solutam. Ergo & hoc de eo dictum est, qui sine scripto confitetur, quod sine scripto debebatur. Merito ꝑ autem in iis confessionibus tam debitoris, quam creditoris exiguntur a Iustiniano rogati testes; quoniam sæpe homines confitentur se aliquid debere, aut se aliquid accepisse, non hoc animo, quod serio id dicant, sed ut aliquid celent de rebus suis. Proinde testes eiusmodi confessiones non recte probant, nisi intelligatur, eos qui sunt confessi, serio confesos esse: quod tunc intelligitur, cum ad confessionem rogati erunt testes, ut intererint, & aliquando testes essent, si de hac confessione quæreretur. Ergo in tribus causis hic testes rogati exiguntur citra controversiam. Nam præter has duas species, quas comprehendimus, etiam hic testamenta enumerantur.

Sed quoniam initio huius *Auth.* verba generalia sunt hæc: *rogati testes, ut in testamentis veniant*; neque adicitur, in hac, aut illa causa: quæsitum est ꝑ an post hanc constitutionem in omnibus causis

testes rogatos esse oporteat. De iure vetere non dubitatur, quo iure rogatos testes esse non oportuit, *L. ad fidem, D. ead.* Sed si aliud hac constitutione cautum est, ius vetus tollitur. Est enim non solum posterior constitutio Iustiniani, sed etiam Novella, cuius generis constitutiones citra controversiam derogant Pandectis & Codici. De hac igitur constitutione quæritur, & prima fronte verba efficere videntur, in omnibus causis testes rogatos esse oportere. Nam, ut dixi, hæc verba generalia sunt, nec quidquam adicitur de causis, ubi rogatos esse oporteat; quo fit, ut generaliter accipi lex debeat, ut multis locis testatur est, *L. item veniant, §. petitam, vers. a quo, D. de pet. hered. L. de pretio, D. de publ. L. metum autem §. animadvertendum, D. quod metus causa*. Hanc sententiam maxime confirmant verba constitutionis Novellæ, in *d. §. & licet, vers. hæc autem*, ubi Iustinianus generaliter se repudiare dicit fortuita hæc testimonia, tanquam vana. Et quod adicit tanquam vana & inania, ratio est, quæ efficere videtur, in omnibus iis testimoniis idem dicendum esse; quoniam eadem ratio ad omnia istiusmodi testimonia æque pertinere videtur: ut non omnino temere fuerit, quod plerique ex veteribus putaverint, ex iis locis, in omnibus causis rogatos testes esse debere. Sed recte ꝑ placuit, neque hanc *auth.* neque constitutionem Iustiniani sic accipiendam esse, sed tantum referri debere ad duas & tres species, de quibus in constitutione Iustiniani agitur, nempe, cum debitor se dicit solvisse sine scripto id, quod scripto caverat. Item cum dicit, creditorem confesum esse, sibi pecuniam esse solutam. Item cum aliquis debitor confessus est se pecuniam debere. Id ut ita esse intelligatur, adversus generalitatem verborum his argumentis confirmare debemus. I. Hoc certum est, non intelligere Iustinianum in omnibus causis testes rogatos esse debere. Nam in omnibus maleficiis fieri non potest, ut rogentur testes, qui producuntur de maleficio. Nam qui iniuriam accepit, exempli gratia, non potest rogare testes ad futuram iniuriam, cum nesciret sibi iniuriam illatam iri. Eademque cæterorum maleficiorum ratio est. Item, si quis depositum dolo malo interverterit, si in aliis contractibus debitor culpa rem amiserit, dici non potest, creditorem ablentem posse testes rogare ad eam rem, quam fieri ignorabat. Ergo ad has res exigere rogatos testes non

can-

tantum iniquum, sed etiam absurdum est. Proinde in iis causis Iustinianus non sensit. Quod si non sensit in omnibus causis rogatos testes esse debere, querendum est, in quibus causis velit esse rogatos? Et non potest intelligi de aliis causis sentire, quam de his quas commemorat. Et sane de iis tantum eum sentire sequentia declarant: cum enim dixisset, se repudiare sortuita testimonia, tanquam vana, subiecit, se nolle ea ulla ratione obtinere, cum quis forte interveniens dieeret, se audivisse aliqueum, qui diceret, sibi pecuniam solutam esse, aut se pecuniam debere. Quod cum ita sit, tenenda est in hac re regula vetus. Est autem hæc: ad fidem rei gestæ faciendæ, etiam non rogatus, testis intelligitur, *L. ad fidem, D. cod.* Sensus est: etiam qui rogatus non est, ut rei gerendæ interfuerit, intelligitur testis ad fidem rei gestæ faciendam, id est, testis eo usque, ut fidem nihilominus rei gestæ faciat. Non adversatur hæc *auth.* Nam ea regula & olim & nunc suas habet exceptiones, nunc plures, olim pauciores.

- Vulgo in hac *auth.* quatuor species numerantur, in quibus rogatos ¶ testes esse oporteat. Sunt autem hæc: prima est in
 12 testibus: ius ¶ verus est, testes rogatos
 13 esse debere. *L. heredes, §. in testamen-*
tis, D. qui test. fac. possunt. Quod ius
 hic referitur, ¶ in *Nov. de testib. §. Et*
licet, vers. neque igitur. Hoc eo con-
- 14 stitutum, ut occurreret salutaribus qui-
 bus maxime obnoxia sunt ¶ testamenta,
 ut testatur *L. ult. infra, de fideicomm.*
- 15 Secunda ¶ species est solutio ea, de qua
 agitur in *L. testium, supra*, cum debitor
 sine scripto dicit, se solvisse, quod scrip-
- 16 to interposito debebat: de qua in hac
auth. Tertia ¶ species est confessio cre-
- 17 ditoris dicentis sibi pecuniam esse solutam,
 ita ut nihil interfit, utrum ea pecunia de-
 bita scripto fuerit, an sine scripto, ut su-
- pra exposuimus. Quarta species est ¶ re-
 pudium, quod intellectum est ex verbis
L. nullum, D. de repud. Illic enim scrip-
- 18 tum est, nullum repudium ratum esse,
 nisi quinque testibus adhibitis. Adhibiti
 testes sunt iidem, qui & rogati, ut intel-
 ligitur ex *d. L. heredes, §. in testib.* At-
- que hæc quatuor species tantum cognitæ
 sunt vulgo, in quibus oporteat testes esse
 rogatos: sed tres adicere debemus, ut ef-
- ficientur. VII. Quina igitur ¶ species est
 codicillorum, de quibus cautum est in *L.*
ult. in fin. inf. de codicill. In codicillis
 quinque testes adhiberi debent. Iam dixi

adhibitos testes ¶ intelligi rogatos, ex *d. 19*
L. heredes, §. in testam. Hoc alio argu-
 mento receptum est, in repudiis testes
 debere esse rogatos. Nam ut dixi *L. nul-*
lum, D. de repud. nihil amplius, quam
 adhibitos testes exigit. Non obstat, quod
 in ead. *L.* dicitur: in codicillis adhiberi
 debere testes, qui vel rogati vel fortui-
 to venerint. Nam eos, qui fortuito ve-
 nerint, sic accipere debemus esse idoneos,
 si ab initio sortuito venerint, sed postea
 moniti sint, se ad codicillos adhiberi, id-
 que sequentibus verbis non significatur
 tantum, sed exprimitur. Subiicitur enim,
 omnes, qui veniunt, adhiberi debere, non
 adhiberi, nisi rogati, non iam diximus.
 Itaque illis verbis idipsum exprimitur,
 quod est in *diffl. L. heredes, §. in testa-*
mentis: ut scilicet videantur testes rogati
 esse, nihil interelle, utrum iam a princi-
 pio rogentur ad codicillos, vel testamen-
 tum: an vero a principio sortuito inter-
 venerint, vel alterius rei causa; deinde
 moniti, adhibiti sint ad codicillos. Cæ-
 terum semper eos adhiberi oportet, id est,
 rogati.

Sexta species est confessio ¶ debitoris
 confitens se pecuniam alicui debere. 10
 Nam & hac confessio admittitur in *Nov-*
vell. de testib. §. Et licet, vers. hæc autem.
 Sed hac lege, ut ad hanc confessio-
 nem probandum testes rogatos producti
 oporteat. Quam speciem prætermittam ef-
 se ab eo, qui hanc authenticam transu-
 lit, miror, cum hæc *auth.* sit ex eo loco
 sumpta, ubi tamen non minus confessio
 debitoris, quam creditoris recensetur. Sep-
 tima species est instrumentum vel con-
 tractus, vel solutionis de summa, quæ
 11 *L. libras auri excedit.* Ad hoc instrumen-
 tum ¶ testes tres debent, iidemque 21
 rogati. Id colligitur ex *L. ult. supr. si*
cert. pet. Nam illic non solum res testes
 exiguntur, sed hoc amplius, ut ipsi sub-
 scribant instrumento. Non possunt subscri-
 bere, nisi subscripti, vel certe, nisi prius
 moniti, quod illic agatur, ut subscribant
 rei cognitæ. Neque enim incognita sub-

12 scriptione sua approbarent. Hic autem ¶
 21 monere, nihil aliud est, quam rogare tes-

tem. *d. L. heredes, §. in testamentis.*
 Rogati testes sunt, non tantum, qui ab
 initio rogantur, ut ad rem gerendam ad-
 sint, sed etiam hi, qui cum alia de causa
 intervenissent, moniti sunt, qua de re ag-
 rectur, & tum rogati, ut testes esse vel-

13 lent. Definitio est *d. L. heredes, §. in*
testamentis, D. qui test. fac. possunt.

Ad L. Si quando penult.

Imp. Iustinian. A Iuliano P. P.

Si quando inuitos testes in pecuniariis causis ex nostra lege aliquis trahere maluerit, si quidem sua sponte fideiussionem sua persona sine damno prestare velint, hoc fieri: sin autem noluerint, non carcerali custodia detruhi, sed sacramento eos committi censemus. Si enim pro toto lisis certamine iurando testium credendum esse putaverint hi, qui eos produxerint: multo magis praesentiam suam testibus sacramento eorum credere debent. Sed cum minime oporteat testes in huiusmodi casibus protelari, & pro alienis commodis suas invenire difficultates: disponimus non amplius testes observare compelli iudices, postquam fuerint admoniti, nisi tantum quindecim dies, intra quos iudices provideant quatenus cognitionem suscipiant, in qua testes necessarii visi fuerint: ut omnino licentia eis concedatur, & alterutra parte cessante, & minime eos observare volente, si per executores admoniti venire noluerint, testes accipere, & alterutra parte praesente, quae eos introducit, eorum testimonia capere. His autem diebus affluentibus, liceat quidem testibus discedere a iudice, nullam habente licentiam eos, postquam abfuerint, iterum retrahere: ipsum autem iudicem, si per eum steteris, quo minus testimonium praestetur, parti lese omnem iacturam pro huiusmodi causa illatam ex suis facultatibus resarcire disponimus. Dat. XII. Kalen. April. Lampadio & Orestia Coss.

S U M M A R I A.

1. Dicendi testimonii necessitas, & indicis officium in testibus interrogandis duo huius consistit. capita.
2. Testium evocandorum necessitas unde deducatur.
3. Testes venire cogendos quibus argumentis ostendatur.
4. Necessitate veniendi testibus res quatuor remittunt, & quae.
5. Iter longum testibus excusationem tribuit, quando, & quatenus.
6. Persona testis interdum a testimonio dicendo excusatur: quot sunt eiusmodi genera personarum, & quae.
7. Qui a dicendo testimonio excusantur in totum.
8. Qui item excusantur eo nomine quod absunt: & quot iusta non veniendi causa.
9. Isti tamen qui propter absentiam excusantur, testimonium deservire non debent, si ad illos mittatur, qui domi eos interroget: & quibus argumentis ostendatur.
10. Contrariis occurritur, & LL. inuiti. 1. & 2. de testib. exponuntur.
11. Ex culpa producentis quando testes nec venire, nec testimonii causa manere debeant.
12. Longior mora testes excusat: & quae sit talis.
13. Testes in testamento adhibiti evocati non coguntur venire, & quomodo, & quare.
14. Legatarius us testis evocatus adversus defunctum testimonii dilationem excusare debet.
15. Quid si iniuste compellatur a iudice dicere testimoniam, num legatum amittet?
16. Superiorum summa & conclusio.
17. Testes vocati si non veniant, quo pacto cogendi sint a iudice?
18. Testes quomodo retineri possint. Et quid, si iurare nolint?
19. Officium iudicis in eo est ut testes mature interroget, & quibus praesentibus.

20. *Testes intra quod tempus interrogari debeant; & quid si eo tempore non interrogentur, & n. 22.*
21. *Et quod hic notandum discrimen causæ capitalis a causâ pecuniaria.*
22. *Testes interrogandi sunt alterutra parte præsentem. Et quæ pars esse debeat; & quid parte absente minime vocata.*
23. *Præsentia partium num in testium iuramentis damtaxat, an etiam in testimonii dictione intervenire debeat.*

24. *Quæ sit ea de re vulgo recepta Sententia.*
25. *Quæ iterum auctoritatis opinio: ea multis argumentis ostenditur.*
26. *Posterior hæc sententia ab adversariorum argutis, ut vocat auctor, defenditur.*
27. *Item momenta contraria sententiae expugnantur, per tot.*
28. *Partes quo pacto seu qua lege interesse possint testium depositioni.*
29. *Secretum indicis quem excludat?*

Huius legis ¶ duo sunt capita. Unum de necessitate testimonii dicendi, sen veniendi manendive, ad testimonium dicendum, cum vocatus fueris. Alterum de officio iudicis in testibus interrogandis, cum ad testimonium dicendum venerint. De necessitate ¶ testimonii dicendi hæc questio est: testes a iudice interrogari oportet, ut docuimus ad L. 3. *supra*. Non interrogabuntur a iudice nisi venerint. Et si sponte venerint producti a litigantibus bene est: nihilominus fidem facient, & questio omnis tollitur de illis cogendis, de quo diximus ad L. *libertorum supra hoc cit.* Quod si non veniant, cum lis denuntiata erit, iudicis officium est, ut evocandis curet per apparitores, ut institutus ex L. 3. §. *penult. D. eod.* Hinc ergo questio, quam diximus. Si vocati non veniant, an sit impune, seu, an invitati ¶ venire & testimonium dicere cogantur? Placuit testes invitos cogi ad veniendum & testimonium dicendum. Id obscure significatur in hac L. in princ. ubi hæc verba sunt: *si quis invitos testes trahere maluerit, ab iis tantum insiurandum esse exigendum, ut mancant, donec testimonium dixerint.* Sed post hæc verba adhuc dubitari potest, an quavis litigator velit, invitos testes trahere possit? Sed ius vetus est, testes invitos non solum testimonium cogi dicere, si præsentem sint, & interrogentur, sed etiam si abint, & denuntietur eis testimonium, eos ad testimonium dicendum venire debere: non tantum in criminalibus causis, in quibus de rebus gravius agitur, de quibus aperte constitutum est in *Nov. de testib. §. & quoniam* in fin. sed etiam pecuniariis causis quibuscunque, etiam si de rebus levissimis agatur, ut hac L. declaratur in pr. &c. Huius iuris argumenta certa hæc sunt: primum, quod si quis olim promississet, se iudicio soluturum, & is ad iudicium non adfuerit; quis ad testimo-

nium dicendum desideratus esset, placuit illi adversus promissionem exceptionem dari. L. 2. §. *si quis municipalis, D. si quis cautio.* Ergo necessaria hæc cautio est, ad testimonium dicendum venire, cum vocatus fueris. Nam necessaria solum causæ non veniendi & sistendi iudicio, tribuunt eiusmodi exceptionem, quam diximus, *dist. L. 2. §. si quis iudicio, & §. segg. D. si quis cautio.* Item, si quis testimonii dicendi causa abint, & per id tempus aliquid admittat, placet eum in integrum restitui posse; necessaria igitur hæc absentia est; quia non nisi necessaria absentia tribuit in integrum restitutionem maioribus. Horum utrumque positum est in L. *sed si per prætores. §. ult. D. ex quibus causis maiores.* Postremo huius necessitatis certissimum est argumentum, quod quidam sunt, quibus nominatim hoc tribuitur, ne inviti testimonium dicant, aut testimonii dicendi causa vocati veniant. L. *inviti, §. 1. & 2. D. eod.* Quod ex multis personis nullius generis, quibusdam nominatim tribuitur, hoc exteris ademptum intelligitur, alioquin frustra quædam personæ enumerarentur, quibus hoc tributum lex vellet, argum. in L. *cum prætor, in princ. D. de iud. & L. ex eo D. de testib.*

Sed tamen hanc necessitatem quædam res ¶ remittunt, numero 4. interdu longum iter, per quod evocantur testes; interdu persona ipsa tellis, interdu culpa producentis, nonnunquam longior mora, quam traserint testes, dum expectant, ut testimonium dicant. Iter longum ¶ excusationem tribuit, sed interdu ¶ de quo ita scriptum est in L. 3. §. *penult. D. eod.* testes non temere per longum iter evocandos esse. Sed cum adiciatur, *non temere*, significatur, interdu etiam per longum iter posse eos evocari. Itaque hic quæretur, quando possint, quando non possint. De quo ita statuendum est. Si

Gggg 2

agitur

agitur de causa pecuniaria, & nulla consuetudo in eo loco, ubi agitur, facit, ut per longum iter testes evocentur: nunquam per longum iter evocandi sunt: sed hæ sunt conditiones, si de pecuniaria causa agatur. Nam in criminalibus causis, placet, omnimodo testes ad iudicem venire debere, ut coram ab eo interrogentur: quodcumque sit iter, per quod evocentur. Quod constitutum in *Nov. de testib. §. & quoniam, in fin.* addita ratione: Quia in iis causis de gravioribus rebus agitur, ut permagni referat, iudicem noile, quæ fide, & constantia testes testimonium dicant. Deinde hæc conditio etiam est, si nulla consuetudo contraria in eo territorio obtineat. Nam si sæpius ante evocati sint testes per longum iter, iudex hunc morem servabit, *d. L. 3. §. ult. D. cod.* Cum autem testes longe absint, & per longum iter evocandi non sunt, quid fiet? Respondetur. Id, quod constitutum est in *L. iudices, infra, prox. tit.* ubi dicitur.

- 6 Persona ꝑ quoque testis interdum excusationem tribuit. Sunt autem quidam testes, quibus in totum tribuitur, ne testimonium dicere cogantur; quidam non ut ne cogantur dicere testimonium, sed ut si absint, non cogantur vocati venire. In
7 totum ꝑ testimonium dicere non coguntur, cognati adversus cognatos, dummodo non sint inferiores sobriño patris, *L. 4. D. cod.* Item affinis adversus affinem, ut socer adversus generum, gener adversus focerum, & similes, *d. L. 4. de testib.* Item libertus adversus patronum, & eos, qui patronum sanguine attingunt, nec patronus adversus libertum. Libertus adversus patronum ob honorem & reverentiam, quam patrono debet, patronus adversus libertum, propter charitatem & voluntatem & iudicium inter eos susceptum. In eodem numero sunt, qui iudicio publico reus est, item minores 25. annis. Sic enim interpretor, quod dicitur in *L. inviti, 19. D. cod.* Iis personis testimonium denuntiari non posse, seu in testimonium eos citari non posse. Reus iudicio publico ideo non cogitur dicere adversus quemquam ex civibus, ne testimonio suo convertat in se odia civium, quorum favore in reatu suo indiget. Minores 35. annis non prohibentur testimonium dicere, si velint; alioqui male prohiberentur solum pupilli, in *L. 3. §. lege Julia, D. cod.* sed minores inviti non coguntur. Possunt enim obtinere avaris & iudicii excusationem, ut dicant, se per ætatem bene de re gesta cognoscere non potuisse. Po-

sterioris generis sunt, ꝑ qui aut propter 8 iustas causas venire non possunt, aut propter necessariam absentiam, aut operam publicam, vocari non debent. Non possunt venire iustis de causis impediti, senes, valetudinarii, qui morbo impediuntur, & hi, quibus venire non licet, ut est in *L. inviti, 9. D. cod.* Quibus verbis contineri intelligimus eos, quibus non licet venire, vel propter tempestatem, vel quia exercitu hostium impediuntur, vel impediuntur nivibus, aut flumine, aut alia difficultate ingruere; item qui in vinculis, aut custodia publica detinentur, quibus per rerum naturam adesse non licet. Non debent autem vocari hi, qui munerere, aut officio aliquo publico funguntur, a quo sine fraude Reipub. vocari non possunt, ut sunt, qui legatione funguntur, magistratus, milites, publicani, qui aliquid exercitui præbendum conduxerunt, ut annonam, ut calceos, ut arma. In hoc numero etiam habentur ex constitutionibus episcopi, non solum propter dignitatem, sed etiam & maxime propter muneri obsequii necessitatem, *§. nulli vero, Nov. de SS. Episcop.* Eodem in numero sunt, qui absint non detrectandi testimonii causa, id est, qui cum ad testimonium dicendum evocati essent, ierunt, ne testimonium detrectarent, qui epomerantur in *L. inviti, 19. D. ca.*

Hanc posteriorem causam absentiae supra necessariam esse ostendimus, & etiam nunc in eo versamur, ut necessariam esse ostendamus. Sed quaeritur, an recte hoc posterius genus a priori distinguamus, id est, an ii, quos in hoc posteriore genere posuimus, solum non cogantur venire. Cæterum si iudex ad eos miserit aliquem, qui eos domi interrogaret, an cogantur testimonium dicere. Verba *L. inviti, prima & secunda*, elicere videntur, non recte istos a nobis a prioribus distingui. Nam & istos posteriores non cogi testimonium dicere. Sic enim verba sunt legis: *inviti testimonium non dicunt, qui sequuntur.* Nos autem ꝑ statuere debemus, ꝑ istos omnes, quibus hoc tribuitur, ne testimonium dicant, vel quod venire non possunt, vel quod sine fraude vocari non debent, omnes inquam istos esse in hac causa, ut testimonii dicendi causa venire non cogantur, sed si ad eos mittatur, non possint detrectare, quo minus testimonium dicant. Huius sententiae hæc argumenta sunt. Primum; quia quod istis tribuitur, eius tribuendi hæc ratio est, ne avocentur, aut ne molestia afficiantur, aut quia venire etiam non possunt. Hæc ratio

ratio omnis p̄sstat, si ad eos eatur. Proinde ratione cāstante, legi & beneficio locus non erit. *L. de eo iuncta L. seq. D. de iudic. L. in omnibus causis id observatur D. de reg. iur.* Præterea argumento sunt milites, qui ideo dicuntur evocandi non esse, ne a signis avocentur. *L. 3. §. ult. D. eo.* At non avocantur a signis, si ad eos itur, recipiendi testimonii causa. Proinde etiam testimonium dicere coguntur. Est argumentum *L. de eo §. L. seq. D. de iudic.* Postremo argumento certissimo sunt episcopi, qui cum testimonii dicendi causa evocari non possint, tamen si ad eos eatur, testimonium detestari non possunt. *d. §. nulli vero. Nov. de sanctiss. episc.* Ergo quod in *L. inviti 1. & 2. †* dicitur † istos, quos in posteritatem genere recensimus invitos testimonium non dicere, sic accipere debemus, invitos non dicere, ut cæteri inviti testimonium dicant. Non enim citati venire coguntur, ut cæteri, sed nihilominus, si ad eos eatur, nulla ratio patitur, ut testimonium detestentur. Culpa producentis testimonii † excusationem præstat, si testibus sumptus non suppedientur ad iter necessari, quæ causa nascitur ex *L. quoniam; sup. h. t.* Meminisse enim debemus, sic testibus imponi necessitatem testimonii dicendi; ut tamen simul iis prospectetur, ne cogantur de suo sumptus titinare facere, ne damno pecuniario afficiantur, iubentur igitur ea lege, quoniam ii, qui eos producent, sumptus competentes venturis suppediunt, nec tantum venturis præstare debent, sed etiam manentibus, cum venerint testimonii dicendi causa. *L. 3. §. Gabinio, D. eod.* Ex quo recte colligimus ad *d. L. quoniam* si is, qui producit, sumptus non suppediaret, merito etiam hoc ei denegari, ne testes testimonium dicerent, aut testimonii causa venirent. Longior mora † eandem excusationem tribuit ex hac lege. Nam si testes, cum venerint testimonii causa, intra 15. dies interrogati non sint, sit eis h. L. potestas discedendi, eo pacto, ut nec iterum inviti evocari possint.

Extra has personas atque has causas, quæ necessitatem testimonii dicendi remittunt, manet illa necessitas dicendi quam posuimus, ut quisquis ad testimonium consideratus erit, si venire debeat ad iudicem, a quo vocatus est, & cum venerit, testimonium dicere. Quæ tamen necessitas ad cæteros testes pertinet, non † etiam similiter ad testes recensorios, qui vocati sunt, ut signa sua recognoscerent. Nam si hi absunt, ad eos mitti-

tur testamentum, ut domi signa sua recognoscant. *L. sed si quis D. quemad. test. aper.* Hoc illorum testimonium proprium est; quia proprie testes non sunt, cum de recognoscendis ipsorum signis agitur. Hi enim magis de re sua testimonium dicunt, quam de aliena. Deinde hic supervacua est præsentia iudicis; quoniam præsentia iudicis in cæteris interrogationibus ideo exigitur legibus, ut iudex ex vultu, ex oratione, ex constantia, aut titubatione testis cognoscere possit, quanta sit fides testi adhibenda, Quæ res supervacua sunt in recognitione signi, quod uno verbo vel aspici, vel negari potest. Videtur tamen hæc necessitas negari in *L. post legatum, §. his vero, D. de his, que ut indignis aufer.* ubi ita scriptum est, *his, qui intentionem accusatoris testimonio suo adinverunt, legati actionem denegari, ut indignis.* Propone hoc modo: testator legavit fundum Titio. Testator defunctus accusatur peculatus, aut repetundarum, aut de residuis, aut læsæ maiestatis, quæ omnia iudicia etiam post mortem exerceri possunt. *L. ult. D. ad L. iul. Maiest. L. ult. D. ad L. iul. pecul.* In hoc iudicio Titius legatarius citatus testis testimonium dixit pro accusatore. Superioribus verbis hoc exprimitur, fundi legati actionem Titio denegari, ut qui sit indignus legatum a defuncto accipere, quem testimonio suo lædere non dubitavit. Huic sententia consequens videtur non habuisse Titium necesse testimonium dicere. Nam si necessitate coactus esset, legatum non amitteret, ut diserte traditur in *eod. L. post, legatum, §. advocatum* Respondetur. Testimonium dicere necesse est, veruntam. non semper. Nam iusta de causa detestari testimonium potest, ut accidit, si quis vocetur, ut testimonium dicat adversus parentem, adversus cognatam, adversus affinem, libertus adversus patronum. *L. 4. D. de testib. de quo supra diximus.* Eadem causa † excusari intelligitur legatarius, ne testimonium adversus defunctum dicat, a quo legatum accepit. Huius enim causa similis est liberti, qui ideo patronum testimonio lædere non debet, quia beneficium libertatis ab eo accepit: & beneficium, atque honos magnus est in legato. Proinde ex sententia eius L. idem legatario tribuendum est, ne adversus testatorem suum testimonium dicere cogatur. Proinde si dixerit, merito legatum ei auferetur, ut qui dixerit, cum necesse non haberet, si modo excusatione legati relictus apud iudicem uteretur. Itaque hunc quoque recte numerabimus inter eas personas,

sonas, quas excusari diximus, ne testimoniū dicerent. Quid tamen, si hic †
 15 legatarius ad testimonium evocatus dixerit, sibi legatum relictum esse ab eo, qui accusatur, & petierit, ne cogereur testimonium dicere; verumtamen iudex non audierit, sed contempta eius postulatione, coegerit eum testimonium dicere, an legatum amittit? Negabimus, neque obstabit. § *iii vero, L. post legatum*. Nam illic denegatur actio illis, qui *adiuverunt intentionem accusatoris*. Adiuvere est animi & destinationis. Est enim adiuvere opem ferre, quod non fit, nisi animo & destinatione, ut iuves. Hæc destinatio non est in eo, qui deprecatur testimonii dictionem, nihilominus invitus cogitur testimonium dicere. Rata igitur hæc sententia est; † eos, quibus nominatim necessitas veniendi & testimonii dicendi non remittitur, necesse habere, cum evocati sunt, venire & testimonium dicere. Quid
 16 si vocati † non veniant? Cogendi sunt a iudice. Cogendi ratio est, ut trahantur, quo verbo hæc constitutio utitur In principio, eoque significatur, si testes non veniant, eos vi duci posse. Sed & præter hanc rationem cogendi hæc sollemnis est & usitata, ut a iudice coerceanur, ut poena deterriti veniant & testimonium dicant. *L. 3. §. exhibere, D. de tabul. exhib.* Coercitio posita est in remediis magistratus, cōmparatis ad cogendos nec obediētes cives. Sunt autem hæc remedia notanda; pignora capere ab eo qui non parat; & si pergat non parere, distrahere; aut nec obediendi mulctam dicere. *L. 1. §. ex hoc rescripto. D. de ventre inspici.* Quæ necessitas est ab initio veniendi, ut testis vocatus veniat, testimonium dicat, eadem est necessitas manendi, cum testis venerit, donec sit interrogatus, de qua necessitate *b. L. præcipue caveat*. Sed quoniam fieri potest, ut qui testes venerint, statim discedant, nisi retineantur, quantum est; quomodo †
 18 retineri possint? Et hoc cautum est, non esse eos detinendos carceris custodia, sed nec fideiutores ab his exigendos esse, qui sponteant eorum nomine; satis est, si iurent se mansuros, donec interrogati testimonium dicant, Nam quorum testimonio litigator totam litem committit in testimonio, multo magis hanc mansionem eius iurifurando committere debet. Quid si testes ne iurare quidem velint? Respond. Cum carceris custodia hac lege repudietur, si testis aut fideiutorem det, aut iure se mansurum; his duobus posterioribus detractis relinquitur custo-

dia, qua detineri possint ex hac lege. Sed ne hæc mansio sit longior, & procedat non sine magna iniuria testimonii, hic adiectum est, non debere eos manere amplius, quam 15. dies, quibus exactis, licet illis ita dicere, ut nec postea vocati venire cogantur. Hæc de necessitate testimonii dicendi, quod prius caput huius *L.* esse diximus.

De officio iudicis in testibus interrogandis duo † completitur hæc constitutio. 19
 19. Primum, intra quod tempus interrogari testes debeant. Secundum, quibus presentibus. In tempore iuberi testes interrogari † ad summum intra 15. dies. 20
 Quod nisi fiat, facit potestatem testibus abeundi, ea lege, ut iterum vocati venire non cogantur. Hæc pars nominatim constituitur in causis pecuniariis, ut declaratur initium legis. Unde quaeritur est, †
 21 an idem servandum sit in causis criminalibus? Et recte placet, non idem servandum, sed quoties iudici expedire videbitur, ut testes adiant, & coram interrogentur: testes vocari recte posse, quoniam publice expedit, delicta nocentium nota esse, aut innocentes absolvi. *L. eum, qui voc. D. de injur. L. absente, D. de publ. iud.* Horum autem neutrum recte fieri potest, nisi iudex coram testibus interroget, propter eas causas, quas exposuimus. *ad L. 3. supra* Quæ intelliguntur ex *L. de minore, §. penult. D. de quest.* Quid ergo in causa pecuniaria, si † culpa iudicis factum sit, ut intra præstatum tempus testes non interrogarentur, & testes discesserint, an non licebit postea eosdem testes interrogare? Respondetur. Constitutio non vetat interrogari, sed vetat cogi, ne veniant ad iudicem, proinde interrogari poterunt, sed missis ad eos iis, per quos interrogentur. Quam ad rem, si qui sumptus faciendi sunt, aut etiam si propter testes non interrogatos causa omilla sit, placet hac lege totum id damnum a iudice parti lætæ faciendum esse. Quæritur qua actione? Recte reprehenditur Accursus, qui putavit actionem in factum dari, de qua est in *L. ult. D. de extraord. cogn. §. in princip. tit. de oblig. que ex quasi delicto in Instit.* Nam illic actio datur adversus iudicem, qui male iudicavit, de quo iudice hic non agitur. Restat igitur, ut si conditio ex lege in hanc rem constituta. Cui conditioni torres locus est, quoties nova lege actio aliqua introducta est: neque adiectum est, quo nomine appellaretur. *L. unica, D. de cond. ex lege.*

De præsentia personarum necessarium ita cautum est *b. L.* Testes interrogandos ¶ esse, utraque parte præsente, si modo utraque adesset, & vult interesse interrogationi. Quod si una pars abest, placet, interrogandos esse testes saltem altera parte præsente. In quo notandum est, quid exigit constitutio in parte præsente & in parte absente. De parte præsente notandum est, nihil interesse, utra pars præsens sit, utrum ea, pro qua testes producuntur, an ea adversus quam producuntur: vel, nihil interesse, utrum sit actor, an reus. At enim constitutio, testes interrogandos alterutra parte præsente. Solum hoc exigitur, ut ea pars præsens sit, quæ testes introducit, ut verba suæ legis. Quibus verbis apparer, significari eam partem, non quæ testes producit, sed quæ petit, ut testes producti interrogentur, & introducantur ad iudicem interrogationis causâ. De absente parte constitutio hoc exigit, ut prius illa admonetur per apparitorem, ut adit, si velit. Unde intelligimus, una tantum parte præsente testes interrogari non posse, si altera abest, nec sit prius vocata. Tunc solum interrogari posse testes, cum una pars præsens est, altera abest per contumaciam & neglectum, cum prius ei denuntiatum esset, ut adesset. Cum exigitur, ut testes interrogentur, alterutra saltem parte præsente, satis significatur, utraque parte absente testes a iudice interrogari non posse, quanvis iudex ambas partes ad audiendum testimonium vocaverit. Idem ius placuit in sententia ferenda, tot. tit. *infra. quando, vel quomodo iudex.*

Interim hoc dicere constituitur, iudicem debere testimonia capere, vel utraque parte præsente, si adesset, vel præsente alterutra, si altera abest per neglectum. Quæsitum est, quam ¶ præsentiam, & quibus in rebus ius exigit? Utrum sic præsentiam partium exigit, ut tantum satis sit, partes interesse, dum iudex testes, & testimonium iurandum recipit, ut deinde partes discedant? An vero opus sit, partes præsentes esse etiam tum, cum testes interrogantur & testimonium dicunt? Vulgo recepta est ¶ hæc sententia: partes præsentes esse non debere, cum testes testimonium dicunt. Neque enim testimonium debere partibus esse cognita, priusquam testimonia publicentur, id est, edantur a iudice testibus, ut publice nota fiant. Itaque quod *b. L.* & similibus locis exigitur, ut iudex testimonia recipiat, præsentibus partibus, aut alterutra parte: sic recipi debere, ut recipere debeat parti-

bus præsentibus iurandum testimonium, ad futurum testimonium dicendum. Huic sententiæ causam præbuit authentica, *At qui semel, supra, de probat.* & Novella Iustiniani, *de testib. §. quia vero*, unde ea authentica translata est. Nam illic diserte cautum est, si quis ex iuratoribus etiam semel testes produxerit, & testificata cognoverit, eum amplius alios testes producere non posse. Movit etiam eos *L. nullum, supra b. t.* ubi in testibus interrogandis nominatur *secretum iudicis*. Addunt etiam nonnulli exemplum Danielis, quod secutus est in causa Susannæ, in interrogandis testibus. Adiciunt ad extremum hanc sententiam consuetudine recepta observari debere. Sed hæc sententia neque iure civili, neque Pontificio, neque ulla æquitatis ratione defendi potest. Quinimo contraria iis rebus omnibus ita probatur, ut infirmari non possit: secundum quam ita statuendum est, ¶ Testes a iudice 26 interrogari debere partibus præsentibus, vel alterutra parte, quæ testes introducit. Quod si testimonium præsente actore, aut reo sub iureiurando dictum non erit, nullam interrogationem & nullam sententiam fore. Probatur hæc sententia primum *b. tit.* ita ut etiam verbis expressa sit. Non enim iubet lex iurandum testimonium recipi præsente parte, sed recipi testimonia. Iurandum non est testimonium. Tunc testimonia sunt, cum interrogati testes testimonium dicunt, proinde non præsentes partes esse debent, & ideo testimonia audire & intelligere, quia non est præsens, nisi qui audit & intelligit, *L. coram, 209. L. apud Labonem, ult. D. de verb. sign.* Probatur idem in *L. iudices, 18. infra, de fid. instrum.* &c. ubi placet depositiones fieri debere sub utriusque partis præsentia. Tercio etiam expressa est hæc sententia in *Nov. de testib. §. ult.* ubi Iustinianus vult, partes adesse cum testes interrogantur, & testimonia audire. His enim verbis utitur, *de iuramentis vel de iure iurandi*, Et dicit verbo necessitatis. *Oportet*, ut intersint & audiant testimonia. Et ut intelligamus, hoc sentire Iustinianum in iis omnibus locis, quos citavimus, nempe partes interesse debere, non tantum cum recipitur testimonium testimonium, sed etiam tum, cum testimonium dicunt, hæc testimonia audire: hoc ius non primum a Iustiniano datum est, sed ius est vetus & translatitium, omnibus temporibus observatum in iudiciis apud Romanos. Id declarant præcepta Rethorum, quæ sunt de testibus interrogandis a reo patronis causarum, de-

que arte, qua uti deberent in testibus interrogandis. Exstant hæc præcepta passim apud alios, maxime apud Quintil. *lib. 5. Cap. de testib.* Vixit autem Quintilianus sub Dumitiano. Et ne quis ideo hæc testimonia repudiet, quia non sint testimonia iuris auctorum: huius iuris certissimum vestigium atque adeo expressum extat in *L. si postularerit, 27. §. quaestioni, D. ad L. iul. de adult.* Sc. ubi nominatim quaestioni, quæ habetur de servis, iubetur interesse reus, reave, & patroni, sique illis etiam potestas interrogandi. Quaestio autem habetur de servis, ut interrogentur, & interrogantur, ut testimonium dicant, quod interdum fieri posse dixi ad *L. servos, supr.* Hæc sententia uti iure civili & vetere & novo, bene & aperte constituta est: ita non minus aperte constituta in *Can. in primis* vers. *deinde causarum, 2. quest.* 1. ubi hæc verba sunt: *Iudicem in sententia ferenda in primis spectare debere, an præsentem eo, qui accusatus est, testimonium sub iuramentum dictum sit.* Quibus verbis aperte duo exiguntur: Primum ut testimonium dictum sit; deinde, ut dictum sit sub iuramentum, utrumque præsentem reo. Hæc sententia ut utroque iure dilucide probatur, ita manifestam æquitatem habet; quam nullo modo convenit in iudicio exercendo contemni. ideo enim opus est, ut testes interrogentur, & testimonium dicant, præsentem actore & reo; quia non poterunt (teates) de re respondere, nisi interrogati. Non possunt autem interrogari recte, nisi a partibus, quæ sciunt, de quibus rebus testes interrogari velint. Nihil ad rem pertinet, quod actor potest libello completi articulos interrogatorios ut vulgo loquuntur, id est, capita de his rebus, de quibus testes velit interrogari. Nam multa initio effugere possunt, quæ postea, dum interrogantur testes, in mentem venient, quæ iudici possint suggerere. Et si de reo quaeritur, iniuste exigetur, ut prius complectatur istiusmodi articulos, quos det iudici. Non enim potest reus statueret, de quibus rebus velit testes interrogari pro sua causa & defensione, nisi prius intellexerit, quibus rebus & interrogatoriis ab adversario oppugnetur.

Hanc sententiam ita dilucide exprefsam utroque iure, & tam manifesta ratione nitentem, conantur tamen vulgo eludere argutis & cavillis, sed ita inanibus, ut facile argutæ se ipsæ resellant. Nam cum obicitur hæc lex, & dicitur, iudicem debere capere testimonia, utraque par-

te præsentem, respondent testimonia hæc accipere debere pro iuramentum testimonium: ut sit sensus iudicem debere recipere iuramentum testimonium præsentem parte. Cum obicitur illis significatio verborum, respondent, tunc videri testes testimonium dixisse, cum iuraverint, se testimonium fidele dicturos. Quod perspicue falsum est. Nemo est enim, qui ignoret, nihil commune habere iuramentum cum testimonio, certe utrinque res esse maxime diversas. Nam fieri potest, ut testes iurent, & testimonium postea non dicant. Et contra fieri potest, ut testimonium dicant, neque prius iurent. Et plene refellitur hæc argutia in *§. pen. Novel. de testib.* ubi nominatim dicuntur interesse debere partes, ut testimonia audiant. Similis illorum responsio est ad *L. si postularerit, §. quaestioni, D. de adult.* Quod enim illic dicitur, reum interesse debere quaestioni, quaestionem interpretantur non tormenta, sed quaestionem, id est, tractationem de quaestione habenda. Cum quaeritur, an quaestio haberi de servo debeat, cum plus, quam certum sit, Ulpianum eo loco loqui de quaestione, id est, de tormentis. Item quod illic dicitur, fieri potestatem reo interrogandi, sic interpretantur, fieri potestatem concubendi articulos interrogatorios. Quæ interpretatio refutatione maiore non eget. Ut certis locis confirmatur superior sententia, ita minime offenditur iis, quæ tamen contra asseruntur. Opponitur autem, *at qui semel, sup. de probat. §. §. quia vero, Nov. de testib.* ubi si quis semel testes produxerit, & testificata cognoverit, placet eum amplius testes producere non posse. Resp. Hoc non est ei sententiæ contrarium. Patemur enim partes testimonia audire posse, sed tamen ea lege, ut cum audierint, alios testes, quos prius non celarunt, producere non possint: & ideo si quis alios testes producere cogitat, abstinere debet ab auditione testimoniorum, & facere potestatem iudici testimonium interrogandum se absente. Quo casu videbuntur testes ipso præsentem interrogati; quoniam ita voluit, & ius eius causa constitutum est, cui potest pro arbitrio renuntiare. *L. pen. sup. de pact.* Sed si litigator alios testes producere non vult, superiores constitutiones non prohibent, quo minus parte præsentem testes interrogentur, & quia non prohibent, concedere intelliguntur. *L. 1. §. 1. D. de testib.* Præterea cum lex in unum casum quid prohibet, in alterum casum concedere intelligitur. *L. ex eo, 28. D. de testib.* Obstat magis *§. §. quæ-*
niam

18

19

niam in d. Nov. de testib. ubi si testes ex aliena provincia mandante iudice causæ interrogentur a magistratu eius provincie: placet testimonia partibus edi non debere. Ergo iis presentibus ventantur testimonia recipi. Nam frustra vetarentur edi iis, qui prius illa cognovissent. Resp. Non simpliciter illic ventantur edi partibus testimonia, sed addita hac causa, ne si forte testes adhuc producendi sint, impediatur nova productio. Ergo, si partes nolint amplius testes producere, non prohibetur interesse interrogationi testium. Cessante enim legis actione, legi locus non est. *L. de eo. & L. seq. D. de indic.* Obstat etiam *L. nullum, 14. sup. eod.* ubi in interrogandis testibus nominatur secretum iudicis. Resp. Hoc secretum non excludit omnes personas præter iudicem & 30 testem, † qui interrogantur, sed solum excludit personas non necessarias. Cæterum nihilominus & aliæ personæ interesse possunt, dum necessaria: argumento est, quod & scriba interesse potest & debet, qui testimonia testibus distante indice. Non minus autem necessariæ personæ sunt litigatores, ut suggerant iudici, quibus de rebus testes interrogari velint, secundum ea quæ *supr.* diximus. Huc etiam confertur exemplum Danielis ex hi-

storia Susannæ, quæ in Græcis exemplaribus est initium prophetiæ Danielis. Sed hoc exemplum contrariam sententiam oppugnat. Nam ut ex lectione eius loci patet, Daniel testes singulos interrogavit seorsim, sed id fecit præsepte populo, & presentibus Susanna, marito, & tota familia. Ad extremum opponitur consuetudo, quæ de facto servatur, ne presentibus partibus testes interrogantur, sed ne hæc quidem consuetudo refragatur. Nam volumus testimonium testium recipi a iudice, presentibus partibus, hoc idem servat hæc consuetudo. Amplius volumus presentibus partibus & testimoniis audientibus testes interrogari. Hoc non vetat superior consuetudo, nisi ob hanc causam solum; quia si partes testificata dixerint, novos testes producere non possint. Fugamus cessare hanc rationem, ut litigatores novos testes producere nolint, dicendum est, consuetudini illi locum non esse. Quod si dixerimus, consuetudinem hanc omnimodo denegari litigatoribus, ne audiant testimonia, sive testes alios producere velint, sive nolint, consuetudo aperte in publico refragatur, nempe *d. antb. at qui semel, supra, de probat. d. §. quia vero, Nov. de testib.* Proinde ex errore manifesto nata serenda non est.

Ad Authent. Sed & si quis.

Sed & si quis ab aliquo aliquid patiatur contra leges, aut aliter latus, aut damnum patiens, & testes apud iudicem producere voluerit, & eorum testimonia publicare: adversarius moneatur a iudice, & sic eo presente iudex attestaciones recipiat. Quod si venire noluerit, etiam eo absente attestaciones recipiat: & perinde valebunt, ac si eo presente recepta fuissent: nec opponere poterit, quod ex una parte data sunt.

S U M M A R I A.

1. Continuatio, & huius authenticæ summa: ea unde sumpta.
2. Constitutio, unde hæc sumpta, emendatio est, sive interpretatio. *L. iudices 18. Cod. de fid. instrum.*
3. Quo in casu obtineat hæc auth. sive constitutio, unde sumpta est.
4. Qua in re vulgo male accipitur ab

Interpretibus ea consistit. Novel. §. ult. de testib.

5. Iure Pontificio testes & ante litem contestatam recipi coram iudice ordinario, ne alicui vel reo testationes depercant.
6. Pontificia constitutio obtinet ubique & optima æquitate mittitur.

1 Quod constitutum est, † *L. si quando præced.* cum testes a iudice causæ interrogantur, satis esse ad iustam interrogationem, si testes interrogantur alter Tom. VII.

contra tantum parte præsepte, dummodo altera sit admonita, & per contemptum abist. Idem in hac authentica constituitur, cum testes interrogantur ab alio magistrato.
Hhhh gillra-

gistratu, quam eo iudice, qui de causa cognoscit, unde bene in initio ita scrip-
tum est, *sed & si quis*. Sumpta est au-
thentica ex §. ult. Nov. de testib. Cui
constitutioni occasione dedit *L. indices*,
18. infra, prox. tit. Nam cum testes sunt
ex aliena provincia, & mandante iudice
interrogantur a magistratu ordinario eius
provinciae, illic constitutum est, deposi-
tiones testium fieri debere sub utriusque
partis praesentia. Hoc ius ad aliquid ¶
mutavit Iustin. in d. Novell. de testib. §.
ult. & constituit, ut si una pars admo-
nita absit; nihilominus hoc casu posse al-
tera parte praesente testes interrogari; nec
eo minus testationes valituras; nec iis pos-
se obici, quod testationes receptae sint,
altera parte absente. In quo apparet, ut
dixi, contineri aut emendationem, aut in-
terpretationem, dict. *L. indices*, ut non
minus commode haec authentica illi legi
subiici potuerit. Sed non videtur haec
auth. & constitutio, unde sumpta est,
posse consistere. Nam Iustinianus in ea
constitutione non agit de iudice causae,
qui testes interroget. Apparet ex eo, quod
nominat certos magistratus; cum, si de
causae indice ageret, sufficeret dicere, si
testes apud indicem sistantur. Apparet &
ex eo, quod alioqui supervacua esset ea
constitutio, cum de eo satis cautum sit
io *L. si quando*, praeced. Agitur ergo in
ea constitutione de aliis magistratibus, qui
causae iudices non sunt, apud quos tes-
tes sistuntur; a quibus si testes sint in-
terrogati alterutra parte praesente; placet,
eas testationes in iudicio fidem facere non
minus, quam si testes ab ipso iudice causae
interrogati essent. At hoc iuri adver-
satur. Primum, quia ius inbet testes a
iudice interrogari. *L. 3. §. eiusdem*, &
§. sequens. D. cod. Deinde prohibet, *L. 3. supra*, hoc tit. quae vetat, solas testa-
tiones sine testibus in iudicio admitti, ut
locum illic dilucide exposuimus. Respon-
detur, Solemne ius est & ordinarium, ne
testationes solemnii iudicio admittantur,
ubi iudex ipse testes non interrogavit. Sed
interdum aliud receptum est. Id autem ¶
contingit vel tunc, cum hi sunt testes,
qui aliquam excusationem habent, ne ven-
iant, de quibus diximus ad *L. si quan-*
do, in princ. *supra*, aut, cum testes sunt
ex aliena provincia. Nam tunc in pecu-
nariis causis destinantur partes, aut pro-
curatores earum ad magistratum ordina-
rium eius provinciae, aut territorii, cui
subiecti sunt testes, & tunc recte ab eo
magistratu interrogantur, ita ut acta testi-
moniorum referantur postea ad iudicem,

qui de causa cognoscit, de quo tantum
est in dicta *L. indices*, infra, prox. tit.
& in Novell. de testib. §. & quoniam.
In iis casibus locus est dictae Novell. in
§. ult. nec ad alios casus iure civili alibi
non expressos ea constitutio trahenda est.
Certa eorum regula utimur in novis legi-
bus: quidquid ova lege specialiter ex-
pressum non est, id veterum legum &
constitutionum regulis relictum esse. *L. precipimus*, in fin. infra, de appell.

Ex quo apparet, ¶ non recte accipi
eam constitutionem vniuso ab interpretibus,
cum ex ea colligunt, posse ante litem
contestatam, ut necessitas urgebit, testes
sisti apud quemvis ordinarium magistra-
tum, ut testimonium in acta publica refe-
rantur, ex quibus actis deinde probatio-
nes sumantur, cum opus erit, in iudiciis
sequentibus. Ius, ut dixi, vetat, & do-
cui ad *L. 3. supra*, nec pro ea senten-
tia vel tantillum facit *L. in lege Aquilia*
si deletum, D. ad *L. Aquil.* aut *L. ult.*
infra, de usufr. pupill. Nam io priore le-
ge testes producuntur in iudicio, & in-
terrogantur ab eo iudice, qui de corrupto
chirographo cognoscebat. In poste-
riore lege nulli testes omnino producun-
tur a tutoribus, de quibus illic proponi-
tur. Et vero ab illis produci non potue-
runt. Nam tutores proponuntur illic di-
cere, se nihil debere pupillo. Hanc ne-
gationem per rerum naturam probare non
possunt. *L. actor*, supra, de probat. &c.
Deinde supervacuum esset id probare,
quoniam hoc ipso, quod tutores illic in-
terpellant pupillum, ut tutelae agat, idque
testantur apud acta: interpellantur usurae
debiti, si quod fuit, ut non sit opus alia
testium productione. Itaque pendendum est
error, quod ad eius sententiae confirma-
tionem illis locis usi sunt. Sed haec iure
civili Romanorum ita sunt. Caterum iure
Pontificio ¶ receptum est, ut interdum
etiam ante litem contestatam recipi pos-
sint testimonia a iudice ordinario, voca-
ta adversa parte: ut testationes receptae
quandoque in iudicio fidem faciant. De
quo ita cautum est. Nam si actor ante
litem contestatam de eo, quod petere in-
stituit, velit testimonia suorum testium re-
cipi, & publica fieri, tunc illi id facere
conceditur, si testes aut videantur mori-
turi, aut si sint exteri, qui discessuri sint;
quoniam necessitas in his urget, ut testes
mature interrogentur, ne testationes de-
percant. capis. quoniam frequenter, ex-
tra ut lite non contest. Quod si reus erit,
qui testes recipi velit de suis exceptioni-
bus, aut is, qui actor esse potest & reus,
pla-

placuit eum curare posse, ut testes interrogentur quovis tempore, & quivis testes, ita, ut testationes inde receptæ valeant ad perpetuam rei memoriam, cum a iudice publicatæ erunt, id est, in acta publica relatæ: ut ostendit *c. significavit*, & *c. Albericus de testibus*. Hoc ideo, ne probationes reo depereant, cuius in potestate non est, quando secum agatur.

6 Hæc tamen iure civili cauta non sunt; defenduntur tamen optima rationis æquitate, & regulis etiam iuris. Nam ex sole-

mnibus nihil facile immutandum est; sed tamen ubi evidens æquitas poscit, subveniendo est. Regula iuris est in *L. penult. D. de integ. restit. Sc. L. testis nihil facile, de regul. iuris*. Ius solemne est; ne testes interrogentur, nisi lite contestata, & a suo iudice; sed ubi periculum manifestum est, ne probationes depereant, æquitas suadet, ut tum actori, tum reo subveniatur, ut ante testimonia prævertantur.

Ad L. Ult.

Imp. Iustinian. A. Iuliano P. P.

Cum apud compromissarios iudices testes fuissent producti, variatum erat utrum deberet eorum depositionibus in iudicio litigator uti, an non esset audiendus. Sancimus igitur, si quidem in compromissis aliquid pro huiusmodi causa statutum est, hoc observari. Sin autem nihil conventum est in huiusmodi casibus: siquidem supersint testes, licentiam habere eum contra quem depositiones eorum proferuntur, si eas recusaverit, concedere testes iterum adduci, & non opponi eis quod iam testimonium suum dederim. Vel si hoc concedere minime maluerit, depositiones eorum quasi factas accipere: omni iure legitimo quod ei competitis adversus eas, servato. Sin autem ab hac luce omnes subtrahi sint: tunc necessitatem ei imponi, fide scripturæ approbata, in qua depositiones eorum referuntur, eas quasi factas accipere. Si vero res permixta fuerint, & quidam ex his mortui, alii viventes: tunc in superstitum quidem testimonium eandem electionem servari litigatori, adversus quem testimonia proferuntur: in morientium autem personas depositiones eorum non esse respuendas: omni (secundum quod iam prædiximus) adversus eas & testes legitimo iure, quod ei competitis adversus quem proferuntur, integro reservato. Dat. VI. Kalend. April. Lampadio & Orestia Coss.

S U M M A R I A.

1. Testationes ab alio receptæ, quam ab eo, qui nunc de causa cognoscit, an fidem faciant?
2. Testes apud arbitrum producti quan-

do producantur iterum coram ordinario iudice, aut secus.

3. Cur testes coram ordinario producti, nunquam deinde repetantur coram iudice appellantis.

TESTIMONIIS ab alio receptis, quam ab eo, qui nunc de causa cognoscit, placet, eas testationes in iudicio fidem tamen non facere. Sententia est *L. 3. supra, hoc tit.* Hoc ita esse diximus, nisi prius testimonia recepta sint ab eo, cuius de ea re notio erat, sive is fuerit arbiter ex compromisso sumptus, sive iudex ordinarius, qui in prima instantia cognosceret.

Tom. VII.

De arbitro tamen ius comprehensum est hac lege, cuius hæc est distinctio: cum ab arbitro testes interrogati sunt, & testationes in acta eius iudicii relatæ, si de ea causa apud iudicem ordinarium agi cœperit, in eo iudicio interdum superiores testationes solæ fidem facient: interdum non facient, nisi testes interrogentur. Fidem faciunt, si testes mortui sunt.

H b h h 2

Idem

Idem est, si adversa pars non possint testes vivos adhuc interrogari; contra vero fidem non faciunt, si testes iidem adhuc vivunt, & possint adversarius testes repeti, & de novo interrogari. Distinctionis huius hæc ratio est: quod placet testationibus fidem haberi, ubi testes mortui sunt; ideo placet, quia quæ apud arbitrum in iudicio arbitrii gesta sunt, rata habentur, *L. cum antea, §. ult. supra, de arbitr.* Non obstat, quod placet, testes interrogari a iudice debere, nec testationibus fidem haberi, hoc enim ut testes interrogentur, tunc recte postulatur, cum adhuc vivunt: ubi mortui sunt, inique repetuntur, quia natura testimonium dicere non possunt. Quod autem placet, si testes adhuc vivunt, eos petente adversario iterum interrogari debere, in eo servatur regula iuris, quæ præscribit, ut

quoad fieri potest, testes a iudice ipso interrogentur.

Hæc distinctio ad testimonia a iudice ordinario recepta non pertinet. Nam si ³ ab eo iudice, qui testimonia semel recepit, appelletur, hæc testationes in causa appellationis fidem facient, sine nova testimonium inquisitione; quia hæc testationes in acta prioris iudicii relatæ sunt. Acta iudicii, publicam fidem habent, & obtinent perpetuam firmitatem. *L. ult. infr. de re iudic.* Non eandem vim habent ea, quæ acta sunt apud arbitrum. Nam ea acta privata sunt, ut arbiter iudex privatus. Nec ad rem pertinet, quod ad eum litum est ex consensu litigatorum. Nam privatorum consensus iudicem non potest facere eum, qui nulli præest iudicio. *L. privatorum, supra, de iurisdic.*



A D T I T U L U M X X I.

DE FIDE INSTRUMENTORUM, ET AMISSIONE EORUM, ET
DE APOCHIS, ET ANTAPOCHIS FACIENDIS, ET DE HIS,
QUÆ SINE SCRIPTURA FIERI POSSUNT.

Ad Rubricam.

S U M M A R I A.

1. Continuatio huius tituli.
2. Instrumenti verbum ambiguum.
3. Instrumenti Etymologia.
4. Instrumentum generaliter quid?
5. Instrumenti significatio cur variet?
6. Instrumenti significatio quomodo distinguatur?
7. Instrumentum fundi quid?
8. Instrumenta fundalia quæ?
9. Rem instrumentis probari quid significet?
10. Instrumenta iudicialia aut sunt generalia, aut specialia.
11. Instrumentum iudiciale generale quod?
12. Personæ & testimonia hic quid?
13. Summa legis primæ in D. de fide instrumentorum.
14. Instrumentum iudiciale speciale quod?
15. Significatio vocabuli propria unde distinguitur?

16. Instrumenti vocabulo quid hic proprie continetur?
17. Testes ab instrumentis quid differant?
18. Instrumentorum species, in rebus publicis, privatis, & supremis voluntatibus.
19. Instrumentorum vis duplex.
20. Instrumenta utrum ad rei gesta fædem persineant?
21. Instrumenta a veteribus tabula dicta.
22. Verbum tabulæ unde ortum? Et apud quos adhuc in usu sit?
23. Verbo tabularum quomodo Inreconsulti utantur?
24. Verbo instrumenti quando Inreconsulti utantur?
25. Instrumenta alio nomine documenta appellantur?

Probationum externarum, quæ proprie probationes sint, duas species esse diximus ad L. 1. *supra*, de *testibus*. Testes & instrumenta. De testibus dictum est. Sequuntur instrumenta, de quorum fide hoc tit. agitur, ut Inscriptio declarat; item & de vi in universum. *Instrumenta* ¶ verbum ambiguum est; hæc ambiguitas initio explicanda est, ut sciamus quid hic proprie instrumenta vocemus, & cur ita vocemus. Instrumentum ¶ dicitur ab instruendo. Itaque instrumentum ¶ est omne, quo res aliqua instruitur, quo ea re uti, eam tractare commodius & facilius possimus. Quoniam ¶ autem res non sunt eadem, coque non eadem instrumenta desiderant, quibus instruantur; eo fit, ut pro conditione & varietate rerum varientur & mutantur instrumenta, proinde & varietur instrumenti significatio. Ergo instrumenti ¶ significatio, adiuncto, seu subiecto distinguitur. Exempli enim gra-

tia, illud est instrumentum fundi, aliud instrumentum, quo in iudicio utimur. Instrumentum ¶ fundi est apparatus rerum ¶ diu mansurarum, sine quibus possessio exerceri non potest, L. *quæstam*, 12. D. de *inst. ve leg.* Huius ¶ generis sunt aratrum, ligones, paleæ. Nihil simile *instrumenti* verbum significat, cum de iudiciis agitur; quoniam iudicium iis rebus non instruitur. Hoc loco de instrumentis aliarum rerum non loquimur, & ideo cum dicimus rem probari ¶ instrumentis æque, ac testibus, non intelligimus in questione fundi rem probari, aratris, ligonibus & similibus; sed de instrumentis hic agitur, quibus usus est in causis & iudiciis. Atque in his etiam *instrumenti* verbum ambiguum est. Nam & huius verbi ¶ generalis appellatio est, & specialis. Generaliter ¶ instrumentum dicitur etiam in iudiciis id omne, quo causa instrui potest, ut est definitio. L. 1. D. *cod.* Quo verbo con-

- bo continentur non solum testimonia, sed etiam personæ, ut illic scriptum est. Personæ ꝑ Paulus vocat testes, item cæteras personas, per quas negotium administratum est, ut servi actores. *L. notationem, 99. §. ult. D. de verb. signific. Hæ personæ omnes instrumenti verbo continentur, quia per eos causa instruitur. Testimonia vocat Paulus illic scripturas continentes alicuius rei testimonium & fidem: quæ proprie instrumenta appellamus, ut mox dicitur. Sic testimoniorum nomen usurpari solet, cum testimonia personis & testibus opponuntur, ut in *L. 3. §. eiusdem. & §. sequent. D. de testib. Negat Imperator, se testimoniis crediturum, sed testibus.* Aperte hic testimonia dicit testationes testium seorsim prolatas, non interrogatis ipsis testibus. Summa ꝑ autem sententia est *d. L. 1. eodem.* Instrumenti verbum generale esse, huius species esse non tantum instrumenta, quæ proprie ita appellantur, sed etiam testes & personas omnes, quæ de re gesta in iudicio interrogantur, ut cognoscatur, quid gestum sit. Sic verbum instrumenti accipitur in *L. quotiescunque nihil est in lege, quod refragatur. Exemplo est oratio M. imp. quæ constitutum est de dilationibus dandis instrumentorum causa, quæ exstat in *L. oratione & L. ult. D. de feriis.* Hic quæritur est, quid esset instrumenta? Hoc verbum sic omnes iuris auctores acceperunt, ut pertineret oratio non tantum ad dilationem, quæ petitur scripturæ alicuius proferendæ causa, sed etiam quæ petitur ad dilationem testium producendorum gratia. Itemque aliarum necessariarum personarum. *L. notationem. 99. ult. D. de verb. signific. Specialiter ꝑ autem instrumenta proprie dicuntur scripturæ, quæ sunt de rebus, quibus scripturis quid gestum sit, comprehensum est, ut in his exstat fides & testimonium rei gestæ. Hæc definitio exstat in *L. 4. D. de pignor. & L. 4. D. de fide instrument. &c.****

Hanc autem esse definitionem & significationem instrumenti declaratur in *L. cum res. 12. supra, de probation. & L. exempla, 8. D. de edendo.* Hoc modo instrumenti verbum accipimus, cum dicimus rem probari argumentis, instrumentis, & testibus: significatio ꝑ enim distinguitur ex speciebus probationis adiunctis. Cum enim instrumenta a reliquis speciebus distinguuntur, facile est intelligere, hic instrumenti verbo testes non significari. Personis autem ad probationem necessariis re motis, relinquuntur solæ scripturæ, quæ

fidem faciant præter argumenta. Hinc intelligimus, instrumenti ꝑ verbo hæ scripturas notari: sic verbi usus & significatio est in hoc titulo *d. tit. instrum.* Item in Pandectis, *sub eod. tit. & in Novell. de instr. caut. & fid.* Sed cur hæ scripturas proprio vocabulo instrumenta vocamus potius, quam testes, cum testibus pariter causa instruitur. Respondetur. Fit hoc propter excellentiam nominis & instructionis. Nam ꝑ testibus causa instruitur, sed solum in iudicio, & tunc, cum testimonium dixerint. Prius enim incertum est, an dicant & quid dicant. At scripturæ, quæ sunt de rebus, iam a principio rem instruant, & perpetuo instruant live res in iudicium vocetur, live non vocetur. Licet enim semper consulere instrumentum, quod de aliqua re scriptum est, & scire, quatenus illi fidas, aut non fidas, priusquam rem in iudicium voces. Instrumentorum species ꝑ hæ sunt in rebus publicis, census & monumenta publica. *L. census, 10. D. de probationib.* In negotiis privatis, rationes, chirographa, apochæ, antapochæ, quæ nominantur in hac inscriptione, de quibus in *L. plures, infr. eodem.* In supremis voluntatibus, testamenta, codicilli. Hæc de verbo, ut intelligeretur, quid hic instrumenti verbo significemus, cum dicimus rem probari instrumentis. De vi instrumentorum, id est, harum scripturarum, quas proprie diximus vocari hic instrumenta, hoc titulo quæritur. Vis est ꝑ duplex. Aut enim ad substantiam negotii pertinet, aut ad fidem & probationem rei gestæ. Ad substantiam pertinere dico instrumentum, cum sine scripto & instrumento nihil valet, quod geritur. Ad fidem pertinere, cum instrumento res probatur. Utraque vis comprehensa est in inscriptione huius tituli. Nam illa: *de fide instrumentorum*, illa: *de amissione instrumentorum.* Item de iis, *quæ sine scriptura fieri possunt*, indicant, quatenus instrumenta ad substantiam negotii pertineant. Illud autem membrum de fide instrumentorum proprie aperte ad fidem & probationem instrumenti refertur. Cum quæritur: An instrumenta ꝑ ad fidem rerum gestarum pertineant? sic habendum est: Regulariter non pertinere. In quo hæ sententiæ tenendæ sunt. Fieri de rebus scripturæ, ut per eas facilius res probetur. Cæterum sine his valere, quod gestum est, si habeat aliunde probationem. Quæ sententia totidem verbis exstat in *L. 4. D. eodem, L. 4. D. de pignorib.* Item huic similis: Res instrumentis non geri, sed in instrumentum conferri rerum gestarum testimonia.

nia. *L. cum res, supra, de probationib.* Hæc sententia expressa est in *L. instrumentis* & *L. cum instrumentis, infr. eodem.* Huic sententiæ consequens est, si forte ab initio rei gestæ instrumentum interpositum sit vel a debitore, quod datum sit creditori, ut chirographum; vel a creditore, quod datum sit debitori, ut apocha, vel instrumentum commune, ut emptionis & venditionis, hoc instrumentum amisso amissionem possessori nihil nocere. Quæ sententia proponitur in *L. 1. hoc tit.* & multis aliis re scriptis eiusdem tituli. Habet hæc sententia aliquas exceptiones, de quibus dicitur commodius ad *L. instrumentis, infr. hoc. tit.* Quod ad vim instrumentorum attinet, tenendum est, quod traditur in *L. in exercendis, infr. h. t.* eandem vim esse instrumentorum, quæ testium, in exercendis litibus. Hæc summam indicant huius tituli, & habent inscriptionis explicationem. Obiter autem, ne in verbis eiusdem rei fallamur, monendi sumus, quæ nunc instrumenta proprie dicimus, † veteres appellasse tabulas. Unde nata appellatio, *de honorum poss. secundum tabulas testamenti*; & *de honorum poss. contra tabulas testamenti*. Origo † verbi ex eo nata est, quod veteres initio in scribendo tabulis usi sunt, aut lapideis, aut ligneis, aut æneis, aut ceratis. Res postea usu mota est. Nam posteri cœperunt uti charta, membrana & similibus rebus, sed ni-

hilominus re mutata nomen vetus mansit: quo significantur omnes scripturæ, quæ sunt de re aliqua. *L. 1. D. de honor. poss. secundum tab.* Hoc verbum maxime retinuerunt Rhetores: unde locus apud illos communis; *pro tabulis, & contra tabulas*, id est, pro scripto & contra scriptum. Eodem verbo & iuris auctores utuntur, sed magis † cum significare volunt materiam, ut cum dicunt, tabulas instrumenti surreptas, tabulas instrumenti deletas. *L. qui tabulas, 27. L. sed et si imaginem, 13. & L. quidam sequent. 32. D. de furt.* Cum autem † usum scripturæ significare volunt, id est, probationem & fidem, fere instrumenti verbo utuntur, nomine notationi conveniente. Dicitur enim instrumentum, quo causa instruitur, ut initio diximus. Hæc eadem etiam Imperatores recentiores vocant † documenta, quæ significatio est in *L. ult. supra, de probationib.* notatione ex eadem re ducta. Instrumento enim causa instruitur, cum docetur, quid sit in re: quanquam documenti verbo omnes probationes comprehenduntur, etiam quæ sine scripto fiunt, in *L. in extraneos 29. infr. de donationib.* Nam & testibus res docetur, id est, probatur. Ita ex materia instrumenta dicuntur tabulæ: ex eo quod fit, dicuntur scripturæ, & ex usu & fine, quem præstant, dicuntur instrumenta, item & documenta.



Ad L. Debitores 1.

Imp. Antonius A. Marchiz.

Debitores tuos quibuscunque rationibus debere tibi pecuniam si probaveris, ad solutionem compellet aditus præses provincie: nec oberis tibi amissio instrumentorum, si modo manifestis probationibus eos debitores esse apparuerit PP. V. Id. Septembr. Antonino A. IV. & Balbino Coss.

S U M M A R I A.

1. Amisso instrumentorum non nocet si aliis modis pecuniam deberi probari potest. Quæ h. L. species.
2. Probari quot modis res possit?

3. Debitor ad solutionem compellendus est quibuscunque modis probetur eum debuisse, § n. 1.
4. Debitor quomodo ad solutionem compellendus? Et ordo eius iudicii.

1 SUMMA sententia est: Amissionem † instrumenti nihil nocere, si aliis modis res probari potest. Exempli gratia: Creditor 100. petit, & dicit, sibi hæc 100. chirographo a debitore cauta esse: petit debitor, ut exhibeatur instrumentum, alioquin negat se soluturum. Creditor dicit, se instrumentum amisisse. Dicemus non eo minus debitorem teneri, ut solvat, si aliis modis creditor docere potest sibi 100. deberi, ut testibus, ut iudiciis indubitatis. Hæc sententia confirmatur innumeris rescriptis huius tituli, quæ recensentur in gloss. & quisvis legendo observare potest. Huius autem sententiæ duplex ratio redditur. Una in L. cum instrumentis, infra hoc tit. quod ab initio sine instrumentum valet, quod gestum est. Cui consequens est; si instrumentum ab initio interpositum sit, nihilominus, sed & multo magis valere, quod gestum est, si instrumentum amissum fuerit. Nam hoc casu saltem ab initio instrumentum fuit adhibitum, quod fecit, ut res magis valeret. Altera ratio redditur in hac lege, quod dum creditor probet, sibi aliquid deberi, &, ut alibi dicitur, dum reus convincatur, compellendus est, ut solvat, L. negantes, 90. supra, de obligation. & actionib. Porro res probari potest † non instrumentis tantum, sed aliis probationibus in iure proditis. L. 5. supra, de probat. L. proprietatis. 4. supra, de probationib. In iis autem probationibus sunt testes & argumenta, L. ult. supra, de probat. L. 1. supra, de testib. Proinde dum res probetur idoneis testibus, debitorem ad solvendum cogi oportet, etiam si nulla instrumenta, nullæ scripturæ offerantur. Quod ait rescriptum: debitorem † compellendum esse solvere, si probetur debuisse, sic accipiendum est, ut † compelli possit, eo ordine & iis remediis, quæ in hac re constituta sunt: non autem temere & pro arbitrio iudicis. Ordo iudicii hic est, ut actione instituta convincatur reus probationibus legitimis; eo convicto sententia iudicis sequatur, qua condemnatur; si condemnatus non solvit, remedia hæc sunt ad sententiam exsequendam, ut bona condemnati pignori capiantur, & si pergit non solvere, distrahantur. Hæc ex dicta L. negantes, supra, de obligat. & act. & L. 1. infra, de execut. rei indic.

Ad L.

Ad L. Si uteris 2.

Imp. Alexander A. Mabiliano.

Si uteris instrumento, de quo alius accusatus falsi visus est, & paratus est (si ita visum fuerit) a quo pecuniam petis, eiusdem criminis te reum facere, & discrimen periculi [pœnæ] legis Cornelia subire: non oberis sententia, a quo nec is contra quem data est, appellavit: nec tu, qui tunc crimini non eras subiectus, appellare debuisti PP. III. Kal. Octob. Maximo II. & Eliano Coss.

S U M M A R I A.

1. Instrumentorum vis non maior esse debet, quam est testium.
2. Instrumentis falsis non creditur?
3. Instrumentum falsum quod?
4. Instrumento in re dubia quando standum?
5. Instrumentum falsum esse quomodo constet, aut probetur?
6. Instrumento, quod alio agente falsum esse pronuntiatum est, alius recte utitur: rescripti sententia: species eiusmodi quæ.
7. Sententia, qua alius falsi condemnatus ab ea non appellavit, alii eodem instrumento utenti non nocet.
8. Nec coheredi utenti instrumento de quo falsi coheres alter damnatus, sententia nocet adversus hunc latam; qua hic dubitandi ratio.
9. Ita tamen non nocet sententia adversus alium latam: si ille qui utitur instrumento non sit eidem criminationi, qua damnatus alter, & ipse subiectus.
10. Sententia falsi adversus instrumentum lata non nocet alii eodem utenti, & si reus paratus sit falsi utentem accusare & n. 19.
11. Particula si posita pro et si vel quavis.
12. Conventus civiliter non prohibetur criminaliter accusari.
13. I lege Cornelia de falsis quis teneatur?
14. Falsum instrumentum faciens, & eo utens, quid differant?
15. Allorem falso instrumento utentem quando quis accusare possit?
16. Verbum periculi & pœnæ quid significet?
17. In crimen quomodo quis se subscribat?
18. Falsum accusare ut quis possit, an necesse habeat, se in crimen subscribere?
19. Sententiam alicui nocere, & accusationem nocere quid differant?
20. Summa rescripti.
21. Contrariis occurritur. L. Papinianus, §. si ex causa exponitur: hac ad instrumenta non pertinet: explicatur differentia & n. 23. & 24. & 26.
22. Conciliatio L. 1. de except. rei ind. cum L. Papinianus, §. ult. de inoffic. testam.
23. Constitutum de instrumento an porrigendum sit ad testes?

CUM de fide instrumenti quaeritur, hoc certi iuris est, instrumentis res probari. L. 1. supra de testib. Sed ita, ut si non maior sit vis instrumentorum, quam testium. L. in exercendis, infr. eod. Ut ergo testibus creditur, sed non falsis: sic nec instrumentis falsis si creditur. Falsam & calumniosam scripturam in iudiciis obtinere non convenit, ut est in L. 2. D. eod. Falsum instrumentum Tom. VII.

est, in quo si falsum aliquid comprehensum est, id est, factum esse, quod non est, aut non esse, quod est. Sed in re dubia si si nullum vitium instrumenti appareat, instrumento statim. L. cum precibus, supr. de probat. Proinde si quis falsum instrumentum esse intendit, prius probare, aut constare debet, id falsum esse. d. L. cum precib. Id si constat duobus modis, qui indicantur duobus seq. rescri-

scriptis. Aut enim constat confessione eius, qui instrumentum utitur, de quo in *L. seg.* aut sententia iudicis, qua instrumentum, de quo agitur, falsum esse pronuntiatum est, de quo in *b. L.* Sed hoc ita est, si sententia adversus instrumentum lata, lata sit adversus eum, qui instrumentum utitur. Quod si aliqui agente, instrumentum falsi accusatum sit, † & falsum esse pronuntiatum: hæc sententia alii non nocet, quo minus hoc instrumentum recte utatur, quæ est sententia huius rescripti. Exempli gratia: instrumentum comprehensum est, defuncto 100. mutuo a Titio debenti. Is decessit duobus heredibus relictis. Unus ex heredibus quinquaginta sibi debita a Titio petit pro portione hereditaria, & hoc instrumentum utitur. Is a Titio falsi accusatus est, & vitus sententia iudicis, qui instrumentum falsum esse pronuntiavit. Dicimus, non prohiberi eius coheredem a Titio partem hereditariam petere, & ad debiti probationem eodem instrumentum uti, neque utentem priorem sententiam nocere. Hæc sententia ex regula iuris sumpta est, res inter alios actas & indicatas, aliis non præiudicare. *L. sepe 63. D. de re ind. L. 1. D. de excep. rei iudic. L. 2. & tot tit. infr. quibus res indic. non noc. L. 1. & toto tit. infr. res inter alios actas & indic. aliis non nocere.*

Sed in hac specie nascitur dubitatio ex facto personarum. Primum victi, deinde eius, qui instrumentum nunc utitur: tum eius, adversus quem instrumentum nunc profertur. Ex persona victi primum. Quid enim, si is, qui falsi condemnatus est, ab ea sententia non appellavit? Ex respondetur *in fin.* sententiam alii utenti non nocere, a qua is, adversus quem sententia lata est, non appellavit, ut sit sensus, non nocere eam sententiam, *quavis reus ab ea non appellaverit.* Hoc ideo in rescripto adiectum est, quia pertinet ad augendam dubitationem, & priorem sententiam rescripti magis confirmandam. Nam si is, qui de falso victus est, appellasset, citra controversiam sententia adversus eum lata, neque ipsi noceret, neque alii; quia remedio appellationis extinguitur pronuntiatio, quasi nulla sententia præcellisset. *L. 1. in fin. D. ad Turpill.* At cum victus a sententia non appellavit, sententia coepit obtinere auctoritatem & vim rei iudicatæ. Vis autem hæc est, ut a quo sententia appellatum non est, ei sententia stare oporteat, *L. cum prolati. 32. D. de re iudic. L. 1. infr. eo. de re iudic.* Ergo hoc rescripto

declaratur, † sententiam priorem alii non nocere, quavis victus ab ea sententia non appellavit: ut intelligamus sententiam priorem aliis non nocere, qualiscunque sit sententia, sive quæ suspensio sit appellatione, sive quæ transierit in vim rei iudicatæ.

Ex persona eius, qui nunc instrumentum utitur, queritur, quid si is † coheres, 8 quem fingimus nunc eodem instrumentum uti, scivit coheredem suum de falso condemnatum esse, neque ab ea sententia iple appellavit? Ex respondetur *in extremo*, ne sic quidem sententiam priorem illi nocere. Hoc quoque additum est; quia facit ad dubitationem. Nam in specie a nobis proposita, cum unus ex heredibus de falso instrumentum victus est, potest eius coheres ab ea sententia appellare; quia eius interest instrumentum falsum non haberi. *L. a sententia in prin. D. de appell.* Si potuit appellare, neque appellavit, videri potest eius culpa esse, eoque merito ei imputari debere, quod non appellavit. Igitur adversus hanc dubitationem hoc respondetur, non eo magis coheredi sententiam priorem nocere hæc ratio; quia a priore sententia appellare non debuit, id est, appellare necesse non habuit. Potuit quidem appellare, si vellet, sed appellare non coegebatur. Ideo si non appellavit, integrum ei nihilominus ius suum manet. Sciebat enim ius suum sibi manere, argumentum in *L. ficut. 8. §. non videtur, 10. D. quib. mod. pign. vel hyp. toll.* Sed adiciatur in fine rescripti hoc ita esse, † si is, qui nunc instrumentum utitur, priori crimini subiectus non fuit, id est, ut recte Accursius interpretatur, subiectus non fuit priori criminationi, id est, una cum coherede eodem iudicio falsi accusatus non sit. Hoc ideo adiciatur, quia si eodem iudicio cum utroque actum esset: sententia pariter utrique noceret, non tanquam lata adversus alios; sed tanquam lata adversus ipsos.

Ex facto & persona eius, adversus quem instrumentum profertur, queritur. Quid si is non tantum dicat instrumentum falsum esse, & si vicit, exceptione utatur: sed † etiam ultro paratus sit, eum, qui nunc eodem instrumentum utitur, falsi accusare criminantem ex lege Cornelia. Respondetur in principio rescripti, si reus paratus sit actorem eiusdem criminis falsi reum facere, & discrimen periculi legis Corneliæ subire, tamen sententiam non nocere ei, qui instrumentum nunc utitur. In quibus verbis monendi sumus, partem *et* quæ in initio rescripti ponitur, non

non esse accipiendam pro conditionali, ut est usitata particulæ significatio. Nam si pro conditionali accipimus, consequens erit, si is, adversus quem instrumentum nunc profertur, tantum dicat, civili exceptione & defensione instrumentum falsum esse, neque paratus sit de falso criminaliter agere: sententiam priorem nocere ei, qui instrumento nunc utitur. Nam quod sub conditione affirmatur, sub contraria conditione negatur: & e converso. Item quod sub conditione denegatur, sub contraria conditione tribuitur, & contra.

L. 1. vers. huius. D. de offi. eius, cui mand. est iurisd. L. quib. 40. §. 2. D. de cond. & demon. Aperte autem falsum est, sententiam priorem nocere alii, qui instrumento eodem nunc utatur, si ei civilis tantum exceptio opponatur. Nam quo minus oppugnatur instrumentum falsum, eo minus sententia de falso lata alii nocere debet. Proinde quod Accursius in gloss. prima notavit, id tenendum est, si particulam initio hic positam accipiendam esse pro *et si*, vel *quavis*. Quo modo & apud probatos auctores accipi solet. Notus est locus apud Terent. in *Adelphi*. Si ego digna hac contumelia fui, tu indignus, qui faceres tamen. Est igitur hic sensus: priorem sententiam adversus instrumentum latam tanquam falsum alii eo instrumento utenti non nocere: non tantum, si is, adversus quem instrumentum profertur, civiliter tantum de falso agat, sed etiam quavis criminaliter agere instituat de falso adversus eum, qui falso utitur, ut sit sensus: nunquam priorem sententiam alii nocere.

Ex hac parte hæc notanda sunt. Primum: Eum, si adversus quem instrumentum profertur, non tantum adversus instrumentum, sed falsum dicit, consistere posse civiliter, quod etiam criminaliter, ut ultra via agere velit, illi sit parata *L. de fide. 16. infr. ad L. Cornel. de falsis*.

Secundum: Non tantum enim, si qui falsum instrumentum fecit, aut faciendum curavit, lege Cornelia de falsis teneri, sed etiam eum, qui falso instrumento utitur quavis non fecerit, neque faciendum curaverit, ut *h. & L. si falsus 8. inf. ad L. Cornel. de falsis*. Solum hoc ioterest, quod qui fecit, perpetuo si tenetur, etiam si non utatur instrumento. Qui autem uti coepit falso, desinit teneri, si monitus usu instrumenti abstinet: quæ distinctio est *d. L. si falsus*. Tertium notandum: Eum, si qui falsi accusare velit auctorem, qui instrumento utitur, ita demum id facere posse, si paratus sit in crimen subscribere.

Tom. VII.

re, & discrimen periculi legis Corneliæ subire: periculi, id est, poenæ. Nam in vetustis exemplaribus, *Pœne*, si additur: in nostris additur. Et verisimile est, glossulam fuisse, quæ interpretaretur verbum *periculi*, tamque in contextum irrepisse. Ex his verbis quaeritur quomodo si quis in crimen inscribat. Respondetur. Id fit ea formula, quæ de libelli accusationis concepta est in *L. libellorum. 3. D. de accusatione*. Rursum quaeritur: An, ut quis admittatur ad accusationem, necesse habeat, non tantum se inscribere in crimen, sed etiam nominatim in libello accusationis dicere, se paratum esse discrimen poenæ subire? Respondetur. Hoc necesse non est. Nam etiam si accusator nominatim se ei poenæ non subiecerit, nihilominus in re poenæ subicitur, ut declaratur *L. ult. infr. de accusatione*. Et ideo, quod in hac lege adiecitur de hoc discrimine, verba sunt principis denuntiantis poenam legis, non autem verba, quæ ab accusatore exigantur. Discrimen autem huius periculi est poena talionis, si accusator calumniatus fuerit, dicta *L. ult. infr. de accusatione*. Postremum in hac parte si notandum, quantumvis is, adversus quem instrumentum profertur, criminalem accusationem instituat; tamen ne in hoc quidem iudicio, quavis ad Reipublicæ utilitatem pertinente, priorem sententiam utenti instrumento nocere. Hic quaeritur: Quid referat dici, priorem sententiam utenti non nocere, si accusatio instituta ei nocet, & facit, quo minus instrumento falso uti possit? Respondetur. Multum refert. Nam si prior sententia noceret ei, qui instrumento utitur, satia esset accusatori priorem sententiam proferre, qua instrumentum illud falsum esse pronuntiatum est, & ea sententia pro iusta probatione haberetur. Nunc autem id non fit, sed placet accusationem ei, qui instrumento utitur, nocere: verum hac lege, si accusator novis & legitimis probationibus instrumentum idem falsum esse probet.

Ergo summa rescripti hæc est: sententiam de falso instrumento si latam adversus aliquis aliis non nocere eo instrumento uti volentibus, quavis qui prius victi sunt, ab ea sententia non appellarent: quavis, qui nunc utuntur, ab ea sententia appellare poterint, nec id fecerint: & quantumvis reus, qui idem instrumentum nunc quoque falsum dicit, non tantum civili defensione id dicit, sed ultro iudicio criminali instituto falsi, id facere instituit: ut intelligamus regulam iuris perpetuam

lii 2

petuam esse, res inter alios iudicatas aliis non nocere.

Huic sententiæ quædam opponuntur.

- 12 Primum illud 7 commune: rebus iudicatis, a quibus appellatum non sit, standum esse. dicta *L. cum prolati*, *Dig. de re iudic. d. L. infr. de re iudic.* Respondetur. Huiusmodi sententiæ omnes sic accipiendæ sunt, si res revocetur inter eos, inter quos res primum iudicata est. Cæterum perpetua hæc exceptio est: quod inter aliquos actum est, aliis non nocere, neque prodesse, ut probant loci supra a nobis citati. Veruntamen hic quoque 7

- 23 occurritur ex *L. Papinianus*, 8. §. ult. *Dig. de inoffic. testam.* ubi si filius præteritus, aut immerito exheredatus & quilibet est, qui de inofficioso testamento queri potest, egerit adversus scriptum heredem de inofficioso, & testamentum vitiosum pronuntiatum sit: placet testamentum ipso iure rescindi ita, ut nec libertates, nec legata ex eo testamento ipso iure debeantur. Quo significatur, sententiam de testamento latam inter heredem scriptum & legitimum nocere & præiudicare legatariis, ut amplius eodem instrumentum testamenti uti non possint. Quod de inofficioso testamento illic scribitur, non minus valet in testamento, quod falsum esse pronuntiatum sit, agente legitimo herede adversus scriptum heredem, si testamentum falsum esse pronuntiatum sit. Nam falsum testamentum multo minus testamentum est, quam inofficiosum testamentum. Nam inofficiosum testamentum revera est testamentum. Est enim testatio patris, etsi inofficiosa. At falsum testamentum ne testamentum quidem est. Nam ideo falsum esse dicitur, quia non est defuncti testamentum. Respondetur. In hoc exemplo revera contineri regulæ iuris superioris interpretationem. Ergo, quod dicitur, *res inter alios iudicatas, aliis non nocere*, sic accipiendum est, si ad eos, a quibus eamdem res nunc revocatur in iudicium, principaliter pertineat, æque, atque ad eos inter quos prius res iudicata est. Cæterum, si de re aliqua principali principaliter inter aliquos iudicatum sit; hæc sententia ius facit in omnibus accessionibus, & his, quæ ex re principali consequuntur, inter quoscumque postea de ea re agitur. Hæc sententia declaratur 7 exemplo superiore *d. L. Papinianus*, §. ult. Nam heredis institutio, sive hereditas in testamento est res principalis, ex qua & testamentum pendet, & pendent cætera, quæ in testamento relinquuntur, ut legata, fideicommissa, li-

bertates. §. *ante heredis*, *Instit. de legat.* Cum autem heres legitimus adversus heredem scriptum agit de inofficioso testamento, agit de re principali, nempe de heredis institutione, quam negat valere. Et agit principaliter, non per consequens, quia recta de ea agit ultro hereditatem sibi vindicans. Dicimus, sententiam inter istos heredes latam de inofficioso testamento nocere legatariis & fideicommissariis, quia lata est de re principali testamenti, id est, de hereditate, seu heredis institutione: qua eversa, necesse est legata & libertates rescindi. Idque ratione naturæ necessaria efficitur; quia cum principalis causa rescinditur, non potest locus esse accessionibus. Nihil est enim, quod accedat, ubi nulla res est, cui accedatur *L. cum principalis* 128. *D. de reg. iur.* Hæc ratio facit, ut si inter eodem heredes, nempe legitimum & scriptum heredem, actum sit de falso testamento, & testamentum falsum esse pronuntiatum sit: æque hæc sententia noceat legatariis & fideicommissariis, quo minus legata petant. Nam ubi nullum est testamentum, ibi nihil in eo testamento scriptum valet *L. cum quam, inf. de fideic.* Ex præterea hereditate heredi scripto ablata, nemo est, qui legata debeat. Non enim relicta sunt ab herede legitimo. Sed hic duo exigimus: primum ut sententia lata sit de re principali testamenti, nempe de heredis institutione: idque principaliter, cum de ea re questio moveretur inter coheredes. Et ideo si legatarius egerit adversus scriptum heredem legatum petens, & scriptus heres ideo neget se legatum dehere, quia testamentum sit inofficiosum, & in hac questione testamentum inofficiosum esse pronuntiatum sit: hæc sententia non nocebit aliis collegatariis, 7 de qua specie scriptum est in *L. 1. D. de excep. rei ind.* Hoc eo fit; quia legatarius legatum petens non agit de re principali testamenti, sed de legato. In hanc questionem de legato incidit questio de heredis institutione, cum negatur institutio valere, quia testamentum sit inofficiosum. Sed hæc questio incidit per consequentiam, cum principaliter de legato ageretur: prout de reliquis legatariis non nocet. Et hoc modo conciliatur *d. L. 1. de excep. rei ind.* cum *d. L. Papinianus*, §. ult. *de inoffic. test.* Exigimus præterea, ut non solum sententia lata sit de re principali & principaliter inter heredes; sed etiam, ut qui postea eodem testamento utuntur, seu, de eadem re agunt, agant de accessioni-

boni.

sonibus & consequentis, ut illis prior sententia noceat. Proinde si alii, qui eandem rem in iudicio postea revocant, de eadem re principali agant, non de accessionibus, illis prior sententia non nocebit: cessante videlicet ea ratione, quam supra posuimus. Exempli causa, duo sunt præteriti testamenti patris: filius emancipatus, & filia, instituto filio, qui in potestate patris manserat; filius egit de inofficioso testamento; siue is vincatur, siue vineat; ea sententia sorori neque nocebit, neque proderit, quia soror postea agens de inofficioso non agit de legato, id est, accessione institutionis heredis, sed æque agit de hereditate. Argument. in *L. filio. 16. in princip. D. de inoffic. testament.* Sit & hoc exemplum: filius præteritus est, duobus heredibus institutis; egit adversus unum ex scriptis heredibus de inofficioso, & testamentum inofficiosum pronuntiatum est. Hæc sententia non nocebit alii coheredi. *L. cum duobus. 13. supra, de inoffic. testam.* Idem dicemus & converso, si filius a primo herede victus sit, quia pronuntiatur sit, testamentum non esse inofficiosum. Dicimus, eam sententiam non modo aliis non nocere, sed ne ipsi quidem filio, si agat adversus alium coheredem scriptum, dicta *L. cum duobus, supra, de inoffic.* Hæc ideo; quia posteriore iudicio non de accessionibus agitur, sed de eadem re principali, nempe heredis institutione. His intellectis, facile est intelligere nihil *L. Papinianus, §. ult. rel. quibus instrumentis*, de quibus agimus, adversari, neque ad ea pertinere. Nam testamentum pendet ex heredis institutione, & pendet legata, ut diximus; ut consequens sit, re principali non consistente, nec consistere posse accessiones. At reliqua instrumenta non pendet ex his rebus, quæ instrumento scriptæ sunt, sed ex fide & auctoritate scripturæ. Proinde æque ad omnes principaliter pertinent, qui instrumento comprehensi sunt, seu de quorum re instrumento agitur. Ea res facit, ut si uno agente, cum uteretur instrumento, id instrumentum falsum esse pronuntiatur sit; ea sententia alii non noceat, quo minus instrumento recte utatur; quia cum alius utitur, æque re principali & principaliter utitur, ut priores, qui instrumento uti sunt.

27. Questum est, an quod de *†* instrumento hic constitutum est, parrigendum sit ad testes? Questio intelligitur in eodem exemplo, quo initio usi sumus, cum diceretur Titius 100. mutua defuncto debe-

re; unus ex heredibus defuncti cum Titio egit, & eius debiti partem hereditariam petiit, puta 50. & cum Titius se quidquam debere negaret: producti sunt ab herede testes, qui dicerent se interfuisse, cum defunctus 100. mutua daret Titio. Hi testes falsi convicti sunt. Quæro: an alter defuncti heres possit reliqua quinquaginta a Titio petere, ita, ut ad mutui probationem iisdem illis testibus utatur? Vulgo probatur, cum posse, argumento huius legis, quia de instrumento, quod prius falsum esse pronuntiatum sit, id statuitur hoc loco. Scimus autem testes & instrumenta comparari, cum de fide istarum rerum queritur, *L. in exercendis, infra, hoc tit.* Hæc sententia sub distinctione recipi potest. Nam si in eodem iudicio priore testes falsi convicti sint, & tales pronuntiati a iudice, qui de causa cognoscebat, non prohibetur alter heres iisdem testibus ad eandem rem uti: sed si testes prius accusati sint iudicio publico ex lege Cornelia, vel quia dicerentur pecuniam accepisse, ut testimonium dicerent, vel quia dicerentur contraria testimonia diversis dixisse, quibus in causis admittitur crimen legis Corneliæ de falsis, *L. 1. cir. princ. L. eos, qui, in princ. & §. 1. D. ad L. Corn. de fals.* Si eo iudicio condemnati testes erunt, alii amplius iisdem testibus uti non possunt, quia iudicio publico sunt damnati. Quo iudicio, qui damnati sunt, prohibentur testimonium dicere, quia sunt infames, *L. 3. §. lege Julia, D. de testib.* Nec obstat, quod dicimus, priorem sententiam adversus alios latam aliis non nocere. Nam ii testes in sequenti iudicio non prohibentur testes esse propter priorem sententiam, sed propter delictum, & iudicii infamiam. Et ideo aperte sententia superior vulgaris falsa est, cum quod de instrumento hic dicitur, ad testes transferunt. Non obstat, quod ista in iudiciis comparantur. Nam hæcenus comparari convenit, dum manifesta ratio ista non distinguat: hæc autem ratio inedit in hac specie manifesta. Nam cum instrumentum iudicio publico falsum pronuntiatur, instrumentum non fit infame: ut quis dicat propter infamiam instrumenti, instrumentum prohiberi, ne ad fidem admittatur. Quod contra est in testibus: nam testes iudicio publico damnati infames sunt, *L. infamem, D. de publi. iudic.* Hæc infamia publico iudicio contracta, testem removet, non sententiam, ut suo loco docuimus, cum ageremus de infamia testium.

Ad L.

Ad L. Si adversarius 3.

Imp. Alexander A. Eliano.

Si adversarius tuus apud acta praesidis provinciae, cum fides instrumenti quod praeserebas, in dubium revocaretur, non usurum se confessus est: vereri non debes, ne ea scriptura, quam non esse veram etiam professione eius confitit, negotium denuo repetatur. PP. III. Non. Decembr. Maximo II. & Eliano Coss.

S U M M A R I A. *

1. Qui in iure falsum esse instrumentum confessus est, eo amplius uti non potest adversus eum quocum agit.
2. Confessio in iure pro indicatis habetur. ibid.
3. Item nec eo amplius utitur qui se eo non usurum apud acta confessus est id temporis, cum fides instrumenti vocabatur in dubium.
4. Contestari quid?
5. Quare apud acta contestari debeat: quid si hoc idem, sed non apud acta confessus & n. 9.
6. Ius hic quid?
7. Acta quid?
8. Acta publica pro actis iudicialibus.
9. Apud acta quid significet?
10. Contestatio quando in iure sit necessaria.
11. Fides instrumenti quando in dubium revocetur.
12. Dubia quomodo res in iudicio efficiatur.
13. An videatur is de falso confessus

qui se non usurum instrumento dixit, cuius fides in iudicio dubia; & qualis hac coniectura.

Responsio generalis interrogationi subiecta ad eandem solum speciem referri intelligitur. ibid.

13. Quid si ultro contestatur quis apud acta se non usurum instrumento de quo nulla est controversia?

14. Quod hic diversum ius; & quae differentiae ratio.

In ambigua oratione id sumi debet, quod commodum est ea utenti, ibid.

15. Qui in iure confessus est ultro se instrumento non usurum, potest eo uti in alio iudicio dumtaxat, non in eodem, & quare.

16. Contrariis occurritur; & quorsum in rescripto contestatio requiritur, & simul dubia instrumenti fides.

17. Summa rerum.

18. Superior contestatio an utilis illam habenti.

§ *Si quis* † confessus sit in iure instrumentum aliquod falsum esse, instrumentum pro falso adversus eum habetur, neque eo amplius uti poterit, aut in eodem iudicio, aut in alio, quandocumque res revocabitur in iudicium tamen eandem personas. Hoc colligitur ex extremo huius legis. Sumptum est ex regula iuris, qua efficitur, confessos in iure pro iudicatis haberi, *L. unica, infr. de conf. L. 1. D. eod. de confessis*. Hoc hanc vim habet, ut de eo, quod quis in iure confessus est, nihil amplius quaeratur, quam an sit confessus, et quae confessio pro veritate habeatur. Nam post rem iudicatam nihil amplius quaeritur, *L. post rem, 56.*

D. de re iud. Traditur in hac lege † idem iuris esse, et si quis non aperte confessus sit, instrumentum falsum esse, sed solum dixerit, se instrumento non usurum: si modo id contestatus sit apud acta tunc, cum eius instrumenti fides in dubium revocaretur. Quibus verbis tria exiguntur: Primum, ut quis contestatus sit. Contestari † est aperte & palam dicere praesentibus 3 testibus. *L. 1. cir. fin. priu. D. quod iusu. Unde testatio supremae voluntatis, quae non fit nisi testibus adhibitis, dicitur suprema contestatio in L. qui testamento 35. §. ult. D. qui test. fac. possunt*. Hoc ideo exigitur, ut † audiatur contestatio a iudice, eo- que iubente referatur contestatio in acta.

Nam

Nam ut fiat contestatio, apud acta postea exigitur. Id frustra fit, nisi contestatio a iudice audiat, & mandetur actis. Audiri & intelligi non potest, nisi quis palam contestetur apud acta. Exigitur, ut contestetur apud acta, id est, in iure. Ius est ⁵ *¶* locus, in quo magistratus, vel iudex iuris dicendi iudicandive gratia constitit, *L. 4. in fi. D. de inter. in in. fac.* Acta sunt quæ aguntur, *pertransiunt* sunt scripturæ, in quas acta referuntur; per excellentiam dicuntur acta publica, id est, monumenta publica, quæ sunt auctore magistratu *L. in donationibus in prin. inf. de donationib.* Sed inter *¶* cætera proprie hæc significatio ponitur in actis iudicialibus, *L. 2. supr. de edendo, L. acta 25. L. actorum 46. D. de re iud.* Hinc apud acta oratio nostris usitata ut hic & *L. honores 7. §. ult. D. de decur. L. 2. D. de appell.* Quibus verbis *¶* ex eo, quod fit in loco, ipse locus designatur, ut sit *apud acta*, in loco, ubi acta iudicialia conficiuntur, id est, uno verbo, ut dixi, in iure. Ergo in summa, ut quis instrumento uti non possit, quo se dixit non usum, exigitur, ut id contentum sit in iure. ⁹ Ex quo colligimus, si *¶* extra ius idem fecerit, contestationem ei non nocere, quo minus eo instrumento postea recte utatur. Idque est, quod supra diximus, confessos pro iudicialis haberi, sed confessos in iure. Quod tamen sic intelligendum est, nisi ad contestationem accesserit conventio. Nam si quis extra ius non solum dixerit, se instrumento non usum, sed parti adversæ promiserit, se non usum, cum de ea re ageretur: postea uti non poterit, obstante facti exceptione. Nam omnia pacta non iniusta exceptiones pariunt, *L. iurigenæ 7. §. sed eum nulla, & §. 1. in fi. D. de pact. L. in bona, 13. supra de pact.* Id est, valent omnia pacta ad relictiendum eum, qui contra pactationem aliquid facere instituit, opposita pacti exceptione. Tertium exigitur, ut qui dixerit, se non usum, contestatus sit in iure tunc, cum fides instrumenti in dubium revocaretur: quod fit, cum *¶* actor proferens instrumentum dicit instrumentum se verum proferre: adversarius negat, aut ultro falsum esse contendit. Nam *¶* iutentione actoris, & inficiatione adversarii, res in indicio efficitur dubia, *L. ult. inf. quib. ad libert. procl. non licet.* Hoc autem ideo exigitur, quia, qui tunc contestatus est, se instrumento non usum, videtur confessus esse, instrumentum esse falsum; & inficiationi adversarii acquiescisse, quæ ratio in extremo

rescripti adicitur. Qua ratione colligitur id, quod initio posuimus. Nam si is, qui contestatus est, se instrumento non usum, cum de instrumenti fide ei set controverfia, eo instrumento uti non potest, quia videtur de falso esse confessus: multo magis, si aperte in iure de falso confessus erit, eo instrumento uti non poterit. Sed huic rationi *¶* rescripti verba contestationis opponuntur. Nam actor solum dixit, *se instrumento non usum*, non dixit: *se non usum*, quia falsum esset. Proinde id eum dixisse existimari non debet; quia fieri potest, ut dixerit se non usum ideo, quod putaret sibi alias probationes abundare. Non probat aliquid esse, quod ab hoc contingit, ut absit, *L. neque natales supr. de probat.* Resp. Hæc conjectura voluntatis & confessionis, de qua hic scriptum est, non colligitur ex verbis solum per se positis, sed ex iis, quæ præcesserunt. Quemadmodum responsio generalis interrogationi specialis subiecta ad eandem solam speciem referri intelligitur, *§. præterea, Inst. de inutil. stipul.* Sic quæstioni præcedenti subiecta oratio generalis ad eam orationem pertinet ad ea, de quibus specialiter actum est, referri, & intra fines eius quæstionis contineri intelligitur, *L. quid tamen 21. §. plenam 6. D. de recept. qui arbit. recep. L. si de certa 31. supr. de transact.* Proinde cum prius quæstio esset: an instrumentum esset falsum, si huic quæstioni actor subiecerit, se eo instrumento non usum: existimari debet, cogitationem ad eam quæstionem retulisse, & dixisse, se ideo non usum, quia falsum haberetur. Quid ergo, *¶* si quis apud acta, seu in iure ultro contestatus sit, se instrumento quod proferebat, non usum, cum de eius instrumenti fide nulla esset controversia? Resp. Aperte ex hoc rescripto intelligitur, non de eo videri eum confessum esse, instrumentum esse falsum, neque eum prohiberi, quo minus eo instrumento utatur, quod ex conditione huius rescripti colligi manifestum est, *arg. in L. 1. vers. huius. D. de off. eius, cui mand. est iurisdic.* Quæritur *¶* differentia ratio, & merito quæritur: cum utrobique actor iisdem verbis sit usus, & eadem contestatione: ut proinde in iisdem verbis & eodem facto idem ius statui oportuerit, *L. illud 32. D. ad L. Aquil. L. a Titio 108. D. de verb. obl. 2.* Differentia ratio hæc est. Quia qui dicit se instrumento aliquo non usum, ambigua, aut certe incerta oratione utitur. Incertum est enim utrum dicat se non usum; quia in-

instrumentum falsum putet, an vero quia putet, sibi superesse alias probationes. Quoties in iudicio aliquis intentione, aut oratione ambigua utitur, placet id sumi quod ei commodum est, *L. si quis intentione* 66. *D. de iud.* Diversum est, cum is id contestatus est, cum de fide instrumenti quaereretur. Nam tunc definit contestatio esse ambigua; propterea quod subiecta quaestioni praecedenti de falso, ex ea quaestione interpretationem capit: ut videatur is qui contestatus est, ideo dixisse se instrumento non usurum, quia falsum esset, ut diximus. Quod tamen dictum est, † cum, qui ultro apud acta dixit, se instrumento non usurum, posse eo instrumento uti, sic accipiendum est, ut possit uti in alio iudicio. Cæterum post hanc contestationem in iure factam, in eodem iudicio amplius eodem instrumento uti non poterit; quia non debet cuiquam concedi, revocare id, cui renuntiandum in iudicio existimavit, *L. si quis iureiur.* 11. *sup. de reb. cred. & iur.* Quod apertius in renuntiatione testium positum est in

15

16

C. de testibus. in fin. de testib. Non † obstat hoc rescriptum quod ut quis instrumento uti non possit, exigit, ut contestatio interposita sit, cum fides instrumenti esset dubia. Nam hoc exigitur propter effectum, qui sequitur in rescripto. Est autem hic effectus duplex notandus. Primum, quod contestatione interposita, tunc, cum fides instrumenti in dubium revocaretur, videtur actor de falso confessus esse. Alter effectus huic consequens est, ut amplius eo instrumento uti non possit, non solum in eodem iudicio, sed etiam ut denuo idem negotium revocare non possit. Quo significatur, eum instrumento uti non posse, neque in eodem, neque in alio iudicio. Diversum esse dicimus, si quis ultro contestatus sit, se instrumento non usurum, cum de fide instrumenti non ambigeretur. Et recte diversum esse dicimus, quia idem, qui hoc dixit, non ideo videtur confessus instrumentum falsum esse, proinde eodem instrumento uti potest, sed in alio iudi-

cio, puta in iudicio appellationis. In eodem autem iudicio ideo uti non poterit, non quia falsum instrumentum habeatur, sed quia instrumenti ulni renuntiaverit, quæ renuntiatio in eodem iudicio illi nocere debet. Ex his intelligimus, effecti † hanc summam, cum quis testatus est, se aliquo instrumento non usurum, tribus modis & temporibus fit, ut eo uti non possit: sed varie. Primum, si id testatus sit extra ius, dummodo promiserit adversario se non usurum: postea enim illi non contestatio obstat, sed sua conventio. Secundo, si id contestatus sit apud acta, sive in iure, cum de fide instrumenti nulla esset controversia; quo casu instrumento in eodem iudicio uti non poterit propter renuntiationem: in alio iudicio uti non prohibetur, idque probatur ex contrario, in hoc rescripto. Tercio cum quis contestatus est in iure, se instrumento non usurum, cum prius fides instrumenti in dubium revocaretur, quod rum accidit, cum demum is, qui id contestatus est, eo instrumento neque in eodem iudicio, neque in alio uti poterit, si ut initio posui, res revocetur quandoque inter easdem personas. Nam si is, qui id contestatus est, aut etiam ultro confessus de falso adversus alios experietur: non prohibetur eodem instrumento uti; quia res iudicatae inter alios ut aliis non nocent, sic aliis non prosunt, *titulo infra, res inter alios act.* & *iud.* Dicit aliquis: Frustra † queri de hac contestatione, quia nemo fere reperitur in iudicio tam stultus, ut dicat, se instrumento uti nolle, priusquam constiterit, an nihil ei instrumentum prosit, propter incertos casus probationum? Respondeo: imo non frustra quaeritur. Prodest enim hæc contestatio sæpe. Utilitas huius contestationis est hæc; quod qui instrumento aliquo uti constituit, si cognito falso dicat, se eo instrumento uti nolle, falsi non tenetur, si modo id instrumentum ipse non fecit, aut faciendum curavit. Quod contra est in eo, qui instrumento falso utitur, *L. si falsos, §. infr. ad L. Cornel. de falsis.*

18



Ad L. Illata. 4.

Imp. Gordianus A. Martiano

Illate dispensatori pecunie, si ob amissionum instrumentorum casum probatione deficeris: inspectio rationum fiscalium fidem demonstrabis. Dat. II. Id. Februar. Gordiano A. & Aviola Coss.

S U M M A R I A.

1. *Amisso instrumenti nulli nocet; præsertim debitori non nocet, si alio modo probet se solvisse & n. 7.*
2. *Dispensator fisci quis?*
3. *Dispensatoris officium, quibus in rebus consistat?*
4. *Dispensator a quibus præponatur?*
5. *Procurator Cæsaris quicquid gerit & agit in rebus ad fiscum & Principem pertinentibus, tam ratum est quam si a Principe ipso gestum esset.*

6. *Dispensator fisci quid a Procuratore differat.*
7. *Fisci debitor apoca amissa recte postulat fisci rationes exhiberi, ut ex his iusta solutionis probatio habeatur.*
9. *Instrumenta fisci privata pro fisco fidem non faciunt: sed contra fiscam.*
10. *Interpretatio L. nimis grave 6. Cod. de Testib.*

Generalis definitio est: amissionem instrumenti nulli ¶ nocere. Hæc in re pecuniaria pertinet ad creditorem, de quo in L. 1. *supra*. Multo magis pertinet ad debitorem etiam fisci, de quo in hoc rescripto, in specie huiusmodi. Debitor fisci pecuniam debitam intulit, id est, solvit dispensatori fisci. Dispensator ¶ fisci est, qui dispensat rationes fisci, id est, qui præpositus est rationibus fisci consiciendis. Quod ¶ munus positum est in pecuniis expendendis, in rebus ad fiscum pertinentibus, & pecuniis exigendis recipiendisque quæ omnia deinde in rationes fisci deferantur. Præponitur ¶ autem dispensator ab iis, quibus præponendi ius est. Hoc ius habet non tantum Princeps, sed Procurator Cæsaris, seu ¶ rationalis, a quo quæ aguntur & geruntur in rebus ad fiscum & Principem pertinentibus tam rata sunt, quam si ab ipso Principe gesta essent, L. 1. *D. de off. procurat. Cæs. vel rat.* Non est igitur dispensator fisci ¶ idem, ¶ qui Procurator fisci aut Procurator Cæsaris. Dispensator minister est rationum. Procurator fisci, seu Cæsaris, index est, qui de causis ad fiscum pertinentibus cognoscit. L. ad fiscum s. *supra*, ubi *causæ fiscales*. Solventi debitori dispensator apocham dedit, qua prosteretur sibi pecuniam ex illa causa ab illo solutam, & pro officio eandem solutionem in rationes fisci retulit. Hic traditur, ¶ quan-

vis debitor eam apocham postea amiserit; tamen ex aliis probationibus fidem soluti demonstrari posse. Sententia est hæc: amissionem instrumenti debitori non nocere, si alio modo probet, se solvisse. Eadem sententia est L. 1. ut diximus in creditore, amisso obligationis instrumento. Alia autem probatio hic indicatur, ¶ ut inspiciantur rationes fisci. Hæc fidem demonstrabunt, &, ut aliis locis scriptum est, ex iis fides veri constabit: ut si in eas relatum sit, tunc debitorem solvisse, hoc pro iusta probatione habeatur, L. non est novum s. L. iustum 6. *seq. supra*, de edendo. Hinc intelligere licet, instrumenta domestica, & rationes ¶ fisci privatas fidem non facere pro fisco, L. instrumenta s. L. exemplo 7. *supra* de probat. At contra fiscum facere idoneam fidem, si reus postulet a fisco eas rationes exhiberi. Hoc vero reus ab omni actore etiam si actor sit fiscus, recte desiderat, ut traditur in d. L. non est novum s. & d. L. iustum, 6. *supra* de edendo. Unde rursum intelligimus, reum recte desiderare ab actore, ut rationes suas etiam adversus se edat. Non est ¶ contraria L. nimis grave 6. *supra*, de testib. ¶ Unum vetatur pars adversa cogi ad exhibitionem eorum, quibus ei negotium fiat. Nam hæc verba pertinent ad creditorem, qui petit a reo, ut rationes suas exhibeat, quibus negotium faciat reo. Pertinent etiam ad reum, qui

Kkkk

qui ad fundandam exceptionem suam, postulat ab actore, ut actor rationes suas exhibeat. Non pertinent ad reum, qui desiderat ab actore ad suam defensionem rationes actoris exhiberi. Nam cum reus id postulat, non postulat, ut negotium facessat actori, sed ne sibi negotium facessatur. Quod iuste desiderat, opposita acto-

ri doli exceptione, ut est exposita differentiae ratio in *L. ult. sup. de edend.* Nam si rationes actoris pro actore faciunt, non est, quod metuat eas exhibere, quæ eum iuvant: Si autem id confirmant, quod reus dicit, non debet actor inique petere, & ideo petens dolo facit, proinde & doli mali exceptione submovetur.

Ad L. Sicut 5.

Imp. Gordian. A. Prisco & Marco Milisibus.

Sicut iniquum est, instrumentis vi ignis consumptis, debitores quantitarum debitarum renuere solutionem: ita non statim casum conquerentibus facile credendum est. Intelligere itaque debetis, non existentibus instrumentis, vel aliis argumentis, probare [debere] fidem precibus vestris adesse. PP. Ill. Kalend. Iun. Sabino II. & Venusto Coss.

S U M M A R I A.

1. *Amisio instrumenti quando creditori noceat, aut secus.*
2. *Probare fidem adesse precibus, quid?*
3. *Amisitionem instrumenti creditor probare debet.*
4. *Amisio instrumenti fortuita ut probetur, quæ requirantur.*
5. *Testium ad res probandas non maior est fides, quam instrumentorum.*
6. *Authentico, non exemplari transcripto creditur.*
7. *Authentico cur magis credatur, quam exemplari?*
8. *Testibus instrumentum apud aliquem*

fuisse dicentibus quomodo credatur?

9. *Scripto aliquo nemo obligatur, nisi ab ipso scriptum sit, aut eius mandato.*
10. *Actoritas diplomatum principalium unde cognoscatur?*
11. *Creditor amittens instrumentum quomodo debitum a debitore possit exigere?*
12. *Res & contractus quomodo probentur?*
13. *Instrumentum & eius amissio quomodo probentur?*

Dicimus, creditori amisso obligationis instrumento amissionem non nocere, ut debitores liberentur. Sed additur conditio, si modo creditor aliter debitum probare possit. Quam ad rem, quavis alia legitima probatio idonea est. Hoc enim in *L. 1. supra.* In hoc rescripto adicitur alia conditio, qua fiat, ne instrumenti ¶ amissio creditori noceat: & ita adiicitur, ut ultra via creditor uti velit, illi liceat. Est autem hæc conditio, si creditor dicat instrumentum casu sibi amissum, & id iusta probatione doceat: hanc esse sententiam rescripti, ex verbis intelligemus. Dicitur hic, si creditor dicat, instrumentum *vi ignis sibi consumpta*: dicenti non facile credendum esse, non facile, valet, sine ulla & evidenti probatione.

Unde inferitur in rescripto, si creditor instrumentum se casu amisisse contendat, ipsum probare debere, id est, saltem aliis argumentis fidem adesse precibus suis. Argumenta hic pro quavis probatione posita sunt, ut ex præcedentibus apparet, de quo verbo dixi *ad L. 1. sup. de rescriptis.* Fidem adesse precibus ¶ probare, est, probare veram rationem præeum, id est, libelli supplicis Principi oblatis, ad quod nunc respondetur, *sis. de precibus Imp. off. supra.* Narrabatur autem in precibus, creditori instrumenta vi ignis esse consumpta: proinde rescriptum significat, creditorem hoc probare debere. Cum id a creditore exigatur, apparet non frustra exigi, sed probato casu ¶ amissionis, creditorem recte agere, & cogendum debi-

debitorem recte solvere. Quæritur, quomodo id recte efficiatur? Dubitationis causa hinc est. Creditor, ut amissionem instrumenti sortiri probet, necesse habet hæc probare. Primum, ⁴ *†* se instrumentum habuisse, quo instrumento debitor fateatur, se pecuniam creditori ex illa, aut illa causa debere. Id efficitur necessitate consequentiæ ex eo quod exigitur, ut creditor probet amissionem. Non enim potuit amittere, nisi prius haberet. At non videtur idonee probare posse, se instrumentum habuisse, quo debitor teneatur: proinde nec probatio huius causæ procedere potest. Non videtur autem superius probari posse. Nam si testes dicunt, se scire, fuisse instrumentum apud creditorem, quo creditor diceret sibi pecuniam cautam esse ab illo debitore, nihil dicunt; quoniam nesciunt, an species illa instrumenti fuerit. Non creditur autem testibus, nisi de his, quæ sciunt. Si testes amplius dicant, se legisse id instrumentum, quo continebatur, illum debitorem illi creditori pecuniam debere, ne sic quidem instrumentum obligationis probant. Nam ad res probandas non maior ⁵ est fides testium, *†* quam instrumentorum, *L. in exercendis, infr. hoc tit.* At si authenticum obligationis transcriptum esset in alio instrumento, exemplato non ⁶ *†* creditur, sed semper recurri oportet ad authenticum, *L. 2. D. de fide instr. auth. si quis in aliquo, supra de edend.* Proinde nec testibus de authentico referentibus habebitur, nisi authenticum ⁷ ipsum proferatur. Et merito; quia *†* in charta authentici multa vitia latere possunt, quæ aliis legentibus non sunt observata, quæ nunc emergunt in iudicio, ubi diligentius inquiritur. Dicendum est, ⁸ *†* et *†* probari instrumentum obligationis penes creditorem fuisse, si testes hæc dicunt: primum, se scire instrumentum fuisse apud creditorem: hoc amplius sibi cognovisse fuisse tenorem scripturæ. Scire se, in eo scriptum fuisse, illum debitorem ex illa causa actori suo debere. Scire autem se, quia legerint aut quia alio legente, debitor ipse approbaverit, & tunc interfuerint. Non est satis: addicere debent, se scire, id instrumentum scriptum fuisse ab ipso debitore, aut ab alio quodam, sed mandato eius debitoris, & se ei rei interfuisse, aut etiam audivisse a debitore, cum fateretur, a se scriptum instrumentum, aut suo mandato. Quod postremum

cum accedit, tunc omnis dubitatio tollitur, apparetque fuisse vere instrumentum, quo debitor creditori suo consensu obligaretur. Hoc consensu ad tenorem scripturæ non probato, nihil probatur de obligatione instrumenti; quoniam nemo obligatur *†* aliquo scripto, nisi ab ipso scriptum sit, aut eius mandato. Non obstat *C. cum olim, extr. de privileg.* ubi testibus de tenore instrumenti authentici affirmantibus, placet, instrumentum satis probari, quanvis amissum sit. Proinde & instrumentum in eandem formam redintegrari debere. Hic enim scriptum est de diplomate publico eius, qui illic Princeps habetur. Diplomatum principalium auctoritas *†* & in his voluntas Principis cognosci potest ex genere membranæ, ex genere scripturæ, & ex sigillis publicis. Dum ergo hæc dicantur cognita esse ab hominibus earum rerum peritis, non est mirum, si fides instrumenti publici confirmatur. Huc accedit, quod in eo rescripto proponitur is, qui Princeps habetur, prius id instrumentum approbasse. Nihil istorum est in instrumentis privatis, aut instrumentis tabulariorum, ex quorum scriptura non potest colligi, utrum instrumentum scriptum sit a debitore, aut eius mandato. Hoc probato de fide instrumenti & eius possessione, casus deinde probatus est. Quomodo probetur, diximus ad *L. testium, in fin. supra, de testibus.* Ex iis apparet, creditorem, *†* qui instrumentum obligationis amittit, debitum exigere posse a debitoribus duobus modis, si aut contractum probet, de quo in dicta *L. 1. supra.* aut probet casum & amissionem instrumenti. Inter utramque probationem hoc interest. Res & contractus *†* probatur hoc modo, si testes dicant se interfuisse, cum creditor debitori illam pecuniam mutuum daret, dicta *L. testium, supra, de testibus.* Instrumentum *†* autem & eius amissio ita probatur, si testes dicant, se interfuisse, cum de ea pecunia debita debitor instrumentum scriberet, aut scribendum mandaret, aut cum fateretur a se scriptum esse. Casus probatio propriam etiam utilitatem habet. Nam cum de contractu prohando agitur, sæpe tres testes requiruntur, ut sit in *L. ult. supra, si cert. petat.* At ubi casus probandus est, legitimus numerus testium sufficit, cum certus numerus non exigitur, nempe duo, *L. ubi, D. de testib.* De quo plura in *d. L. testium, in fin.*

Ad L. Statum. 6.

Impp. Diocletian. & Maximian. AA. & CC. Lucido.

Statum tuum, natali professione perdita, mutilatum non esse, certi iuris est, Dat. XIII. Kal. Febr. Nicomedie Maximo II. & Aquilino Coss.

S U M M A R I A.

1. *Libertas & ingenuitas quomodo probetur?*

2. *Amisio instrumenti status, sive inge-*

unitatis un liberis noceat.

3. *Ingenuitas constat iure sanguinis, non literis, aut asseveratione.*

1. **S**Tatus, id est, libertas † & ingenuitas probatur recte natali professione parentum de liberis, de quo genere probationis diximus *ad L. neque natales, & L. non nudis, supra, de probat.* Sed ex hac professione status non pender. Ea res facit, quod in hoc rescripto dicitur, ut si forte ea professio † parentum de liberis intervenerit, deinde amissa sit: ea amissione status non mutiletur, id est, non lædatur, non imminuatur, sed maneat integer & illæsus. Id autem ita se habet, & a iure, & a probatione. A iure; quia libertas & ingenuitas † constat iure sanguinis, non autem literis & asseverationibus, *L. parentes, 22. L. nec amissa 16.*

inf. de liber. caus. A probatione; quia si supertora parentum professionibus non probantur, at aliis modis probari possunt, ut testibus & argumentis, *L. 1. sup. de testib.* Quæ res illæsum statum æque præstat, nec nocet instrumenti amissio, ut sæpe iam diximus, *L. 2. L. 4. & 5. sup.* Sed etiam status aliæ probationes non sunt; tamen semper verum est, in re ipsa statum non lædi. Nam qui vere liber est, aut vere ingenuus, non eo minus liber est, aut ingenuus, etiam id probare non possit. Sed hic locum habet, quod scriptum est in *L. duo sunt, 30. D. de test. sup.* non ius deficit, sed probatio.



Ad L.

Ad L. Si solemnibus. 7.

Iidem AA. & CC. Zinimæ.

Si solemnibus stipendiis & honeste sacramento solutus es: licet super huiusmodi re instrumenta (ut dicis) facta perdisa sint: tamen si aliis evidentibus probationibus veritas ostendi potest, veteranorum privilegia etiam te usurpare posse, dubium non est. Dat. XV. Kalend. Iun. Maximo II. & Aquilino Coss.

S U M M A R I A.

1. Veteranorum privilegia.
2. Veterani in delictis non subiiciuntur pœnis, quibus alii obnoxii sunt.
3. Veteranorum privilegio ut quis gaudeat, quæ requirantur?
4. Veteranus quis? exponitur definitio & seqq.
5. Sacramentum militiæ quod?
6. Sacramento militiæ militem solvere quid?
7. Sacramento militiæ solutus, an statim quis sit veteranus?
8. Particula a pro post usurpata.
9. Stipendia solemnia quæ?
10. Solemne quid dicatur?
11. Ferie solemnæ quæ?
12. Solemnia in iudiciis quæ?
13. Solemnia munera quæ?
14. Stipendia 20. annorum cur solemnia vocentur?
15. Mittendi tempus solemnæ propter quas causas prævertatur?
16. Emeritus miles quis dicatur?
17. Stipendia emeriti quæ?
18. Sacramento solvi post 20. stipendia, & emeritis stipendiis idem sunt.
19. Veteranorum numero qui non comprehendantur?
20. Veteranum qui se dicit, id probare oportet.
21. Probatio debet esse legitima.
22. Honestum se dicens, probare non cogitur, sed adversarius.
23. Probatio cui incumbat?
24. Veteranus, qui est in quasi possessione privilegii, si ad munera vocatus ea detrectaverit, an nihilominus probare debeat se esse veteranum?
25. Privilegium allegans, cur causam privilegii probare cogatur?
26. In quasi possessione quis dicatur esse?
27. Possessionem aliquam obtinens in quibus controversiis onus probandi in adversariam reiciat?
28. Reus in exceptione semper actor, & eam exceptionem probare debet.
29. Sententia huius legis generalis.

Veteranis militibus privilegia quædam iure publico constituta sunt, ut vacatio ꝑ munerum, & onerum personalium, & quod in delictis quibusdam pœnis ꝑ non subiiciuntur, quibus alii rei obnoxii sunt, L. 1. 2. D. de veter. L. 1. & tit. inf. de veter. lib. 12. L. veteranis 9. inf. quando provoc. non est necesse. Quidam miles cum ad munus aliquod publicum vocaretur, puta ad tutelam: excusavit se, quod diceret, se esse veteranum. Cum ei fieret huius rei controversia, vel quod negaretur miles fuisse, vel quod negaretur esse veteranus, consulit, quid se facere oportet in hac controversia? Hic tria respondentur: Primum, ꝑ illum veteranum esse oportere, ut privile-

gium veteranorum usurpet, & additur veteranus definitio. Secundum, ipsum probare debere, se esse veteranum, id est, talem, qui supra descriptus est. Tertium, probandi rationem hanc esse, ut vel instrumentis, vel aliis rebus doceat, nec in eo noccat amissio instrumentorum. Primum veteranum esse oportet, qui veterani privilegia usurpat, Veteranus hic ꝑ in principio definitur, qui a solemnibus stipendiis honeste sacramento solutus est. Hæc definitio notanda & expendenda est: qui sacramento solutus est. Sacramentum hic intelligitur ex conditione personæ. Sacramentum ꝑ militiæ, id est, iusiurandum quo milites initio cum militiæ nomen dant, adstringuntur, se fideliter Imperatori,

6 tort, aut Duci militaturos. Solvere ꝑ sacramento militiæ militem, est declarare eum non amplius sacramento militiæ teneri, vel quod idem est, est solvere militiæ laboribus & proinde mittere eum ab exercitu, id est, liberum ei facere ab exercitu discedere. Quæ omnia probantur in *L. 2. §. ignominie causa, D. de iis, qui notant. infam.* Hinc hæc solutio a sacramento missio dicitur: *ibidem*, & qui missus est, & qui solutus est, dicitur missionem impetravit. Sed non omnis veteranus est, qui sacramento ꝑ militiæ solutus est, aut qui missionem impetravit. Is solus veteranus est, qui *solutus est honeste*, ut hic adiciitur: ideo, quia quidam mittuntur ignominie causa: quidam exautorantur; quidam causariam missionem impetrant, non honestam, quæ genera qualia sint, docetur in *d. L. 2. §. ignominie causa.* Ne hoc quidem satis, honeste missum esse, ut quis efficiatur veteranus miles; solvi oportet a *solemnibus stipendiis*. Sic enim hoc loco legendum putamus, ut sit, non *si solemnibus stipendiis, sed si a solemnibus stipendiis, a pro* 7 *post:* ut sit, ꝑ a solemnibus stipendiis, idem, quod post solemnia stipendia, ut hæc res explicatur in *d. L. veteranis, 9. inf. quando provoc. non est necesse.* Solemnia ꝑ stipendia hic sunt non ordinaria, & quæ more consueto pendi solent militibus in singulos annos, sed intelliguntur stipendia 20. annorum, ut eadem res explicatur in *d. L. veteranis, 9. quando provoc. non est neces. & L. 1. inf. de excus. vet.* Quæ ita appellantur, quia ꝑ 10 *solemne* dicitur non tantum, quod est ordinarium & anniversarium, id est, ita ordine constitutum, ut quotannis recurrat certo tempore: sed etiam, quod ita constitutum est, ut servari & impleri oporteat. Quomodo ꝑ dicuntur feriæ solemnes, *L. sed et si per prætorem, 26. §. si feria 5. quibus ex causis maior.* Et ꝑ solemnia in iudiciis, quæ ad ritum iudiciorum ita constituta sunt, ut omitti non liceat, *L. pen. D. de integ. restit. ut* 13 *solemnia ꝑ munera*, quæ præstare iure constituto necesse est, *L. 2. D. de veter.* Ex hac ratione stipendia 20. annorum in 14 militibus dicuntur solemnia ꝑ stipendis, non quod singulis annis anniversarie præstari soleant; sed quod necesse sit militibus ea implere, ut priusquam illa impleverint, non possint, non dico discedere ab exercitu, aut non militare; sed ne impetrare quidem missionem, nisi aliqua necessitas dimittendi urgeret, ut valetudo, aut nisi interveniat indulgentia Prin-

cipis, propter ꝑ quas causas præverti solemne tempus mittendi potest. *d. L. 2. §. ignominiam causa.* Ex necessitate viginti stipendiorum complendorum nata sunt hæc verba Latinis: *emeritus miles, emerita stipendia.* Nam emeritus miles ꝑ dicitur, non veteranus tantum, sed qui excessit stipendia viginti, id est, qui viginti annorum stipendia meruit, quasi dicas: militem positum extra id tempus, quo merere stipendia cogitur. Et emerita stipendia sunt, ꝑ non quæ miles non meret, sed quæ miles merere non cogitur. Unde solvi sacramento ꝑ post viginti stipendia, & solvi sacramento emeritis stipendiis, pro eodem usurpantur, ut intelligere licet ex duobus locis coniunctis, nempe dicta *L. §. ignominie causa circ. princ. de his, quæ not. infam. iuncta L. veteranis, 9. infr. quando provo. non est necesse.* Hic definitioe excluduntur e numero veteranorum ꝑ omnes, qui mittuntur ante solemnia hæc stipendia impleta: quales sunt, qui indulgentia principis ante mittuntur: aut qui mittuntur ex causa, propter valetudinem: aut qui ignominie causa dimittuntur. Sed & ii, qui mittuntur post stipendia viginti annorum, excluduntur hac definitione, si causarie mittuntur, non honeste, id est, si mittuntur causa valetudinis adiecta, non autem quia sint emeritis stipendiis. Sed obicitur hoc loco *L. veteranis, 9. infra, quando provoc. non est necess.* ubi veteranorum privilegia tribuuntur omnibus, qui post viginti stipendia soluti sunt, sive honestam missionem impetraverint, sive causariam. Respondetur, non tunc hæc contraria. Nam qui post viginti annorum stipendia missionem impetravit propter valetudinem, id est, ut nunc loquimur, non honeste, ut *honeste* per excellentiam hic dicitur: hi revera veterani non sunt, quod congruit definitioni huius loci; sed effectu pro veteranis habentur, & ideo eadem privilegia illis tribuuntur, etiam si adiectum non sit, eos mitti propter emerita stipendia, quod traditum est diserte in *L. 1. infra, de excusat. veteran.*

Ad privilegia veteranorum usurpanda, ut veteranum esse oportet, id est, talem, qualem diximus; ita si de eo sit controversia, id probare oportet eum ꝑ qui se veteranum dicit, ex regula iuris: ei incumbit probatio, qui dicit *L. 2. D. de probat.* Probationem ꝑ cum ab eo exigimus, legitimam & iustam probationem exigimus, *L. 4. supra, de probat.* Hic quædam opponuntur: primum illud, quod

quisquis se honestum, aut honestam vitam
esse dicit, si negetur, † de honestate pro-
bare non debet: sed adversario proban-
dum est, ipsum honestum non esse, L.

12. ¹ esse dicit, si negetur, † de honestate probare non debet: sed adversario probandum est, ipsum honestum non esse. *L. cum quidam*, 24. *D. de leg. 10. L. fer-*

vos 20. *D. de manumiss. testamen.* Huius obiectioni tacite occurrens respondet Accursius in *glossa*, ideo militem in proposito probare de honestate missionis debere; quia non esset in quasi possessione privilegii, sive huius honoris. Hæc solu-

tiō ineptissima est sic enim respondet, quasi obiectio quidquam ad rem pertinuerit, quod fecus est. Non enim in hac controversia queritur, an veteranus sit honestus, necne, sed queritur de facto, an missus sit ab Imperatore, seu solutus sacramento, idque post viginti annorum stipendia. Omnis, qui factum aliquid di-

23 cit, id † probare debet, & adversarii factum negantis nulla probatio est. *L. 2. D. de probat. L. attor. supra. de pro-*

²⁴ *bat.* Quid tamen, si † *veteranus* hic, qui vocatur ad munera publica, sit in quasi possessione privilegii, quia saepe ad mu-

bera vocatus detrectavit, & pro veterano hucusque habitus sit. Respondetur: superior responso Accursij declarat, cum hoc accidit, veteranum probare de privilegio non debere, sed onus contrarium probandi reici in Rempublicam, aut eps, qui vocat ad munera. Quæ sententia meri-

ab omnibus reprehensa est, sed non idonea ratione. Vulgo ratio hæc redditur: quod qui privilegium allegat, iure communi oppugnat, quo iure intentio reipublicæ fundata est; certi enim iuris est, omnes debere onerum civilium præstationem Reipublicæ suæ, nisi habeant aliquam excusationem. Hæc ratio non est firmæ, neque usquequaque vera est. Nam

si quis non est veteranus, aut ex numero eorum, qui excusationem habent, hic sine dubio iure communi ad munus suscipiendum cogitur; sed si est veteranus, eodem iure communi privilegium habere debet, ita pro eo iam lus commune facit: solum quaeritur, quis probare debeat?

ent; totum quæritur, quis probare debeat: In qua controversia ius commune non magis adversus veteranum, quam adversus Rempulicam facit, quæ contra ius onus exigit a veterano. Sed veræ ratio-

nes, cur ¶ qui privilegium allegat, de
caussa privilegii probare debeat hæc sunt;
primum, quod privilegii nulla est quasi
possessio.

Nam is in \dagger quasi possessione rei incorporalis esse intelligitur, qui aliquid facit, quo facto usum eius rei usurpat. Exempli gratia in controversia de servitutibus, qui

est in quasi possessione servitutis, onus
probandi transfert in adversarium: sed is
in possessione est, puta alius tollendi, qui
alius ades suas tollit, & sublatas habet
in possessione ligni immittendi is,
qui ligna immisit in parietem vicini, &
immittit habet, *L. est si forte, §. 1. l. si*

ent 8. §. *sed si queritur, D. si serv. vindic.* At in usurpatione privilegii, nulum eiusmodi factum intelligitur, aut intervenire potest. Nam qui vocatus ad munera hæc non suscipit, est nihil facit, sed cessat. Non potest igitur dici, propter eam cessationem esse in possessione privi-

legii. Altera ratio est, & certior, quodcum dicimus, eum, qui est in \dagger possessione alicuius juris, non debere de suo iure probare, sed probationem transferre in adversarium, ut verum est in universum: ita tunc solum locum habet, cum quaeritur in illis controversiis, uter sis

actor, uter possessor, & non constat, uter actor sit. Exempla sunt in *L. liberis* 7. *D. de liber. caus.* *L. circa*, 14. *D. de probat.* diximus ad *L. vis eius* 15. *super pra.* de probat. At cum de privilegio veterani quaeritur, & quaeritur, an sit veteranus, qui le veteranum dicit, in hoc

controversia constat, quis sit actor, & quis reus, ut de quasi possessione querendum non sit. Respublica, quæ vocatur ad munera, actrix est; intendit enim sibi præstationem oneris deberi ab iis, quibus onus inungitur. Veteranus cum minus detrectat, exculpatione utitur, quod si-

veteranus, quam excusationem alligare debet, §. *anteponit. Iustit. de excus.* In hac excusatione veteranus excusatione utitur; semper reus in exceptione actor est, & eam exceptionem probare debet, L. *in exceptionibus, D. de probat.* Proinde rata sit hæc sententia,

quæ & vulgo placet, omnem, qui se a muneribus publicis excusat, eo quod iure privilegium conlictum habeat, propter aliquam causam, quam usurpat: eum, qui id facit, causam privilegit probare legitimis probationibus debere, siue antea privilegium usurpaverit, siue non usurpa-

verit. Nullam hic quasi possessionem esse, & si eilet, eam alleganti patrocinari non debere, cum factum alleget, cuius facti probatio dicenti incumbit, d. L. 2. *D. de probation. d. L. affor. supra, de probation.* Recte igitur hæc sententia confirmata est in *Capit. cum persona, de*

privilegium. in 6. Hac duo capita proprie ad Titulum de probation. pertinent, Tertium, quod sequitur, non est huius tituli, in quo respondet de ratione probandæ

conditionis. Probabit igitur veteranus, se missum esse honeste, impletis solemnibus stipendiis, si quæ instrumenta de ea missione acceperit, & ea proferat: si amiserit, amissio non nocet, si aliis legitimis modis missionem honestam probare possit, puta testibus idoneis, qui tunc in-

terferat, cum mitteretur, & sciant eum viginti annorum stipendia impleisse. Quo confirmatur ea sententia, quæ iam sæpe inculcatur, & nullis in rebus possessori amissionem instrumenti nocere; hæc lege tamen, sit res idonee aliter probari possit. Eadem sententia expressa est in L. 1. *supra*.

Ad L. Si constiterit. 8.

Idem AA. & CC. Alexandro.

Si constiterit proprietatem possessionis de qua agitur, apud vos esse: providebit index ex persona fructuarii nullum præiudicium domino vestro comparari propter amissionem instrumentorum. Dat. XV. Kal. Mart. Diocletiano II. & Maximiano AA. Coss.

S U M M A R I A.

1. Domino quomodo præiudicium fieri possit ex persona fructuarii, & n. 4.
2. Ususfructus in eo est, ut fructuarius rem habeat, eaque fruatur, quamdiu durat ususfructus.

3. Fructuarius ususfructu finito soli domino restituere debet fundi fructuarii possessionem.
5. Ob amissionem instrumenti ex persona fructuarii domino seu actori præiudicium non parari, si aliter de huius iure constiterit.

AIT rescriptum, propter amissionem instrumentorum præiudicium parari non debere domino ex persona fructuarii. Hoc ideo, quia aliis modis proprietarius dominum probare potest, ut domino probato, rem suam a fructuario consequatur. Quæritur, quomodo præiudicium domino fieri possit ex persona fructuarii, ut hoc periculum metui poterit. Ex hoc quid sit? Respondetur intelligitur hoc ex natura ususfructus. Sciendum est, cum ususfructus in re aliena alieni constitutus est vel testamento, vel pactionibus, ut ususfructus constitui solet, naturam præiudicium hoc exigere, ut res tradatur fruenda fructuario; ut proinde fructuarius re tradita, rem tenere, & in eius possessione esse incipiat. Idque tamdiu fiat, quamdiu durabit ususfructus, L. 3. *vers. dare, D. de ususfruct.* Idem declarat stipulatio fructuaria, qua fructuarius stipulanti proprietario promittit inter cætera, se finito ususfructu restitutum, quod ex ea re exstabit, L. 1. *D. de ususfruct. quemadmodum caveat*. Non restituit fructuarius, nisi quod penes se habebit. Finito ususfructu fructuarius restituere præiudicium fundi fructuarii de-

bet, non cuius, sed soli domino, & ut loquitur hoc rescriptum, soli ei, ad quem proprietatem possessionis, id est, rei possessionem pertinet L. 3. §. ult. *D. de ususfruct. quemadmodum caveat*. Hoc intellecto, species præiudicium ex facto huiusmodi: cum ususfructu fundi constituto, possessio fundi tradita esset fructuario, ut fundo uteretur, frueretur, & constitutus esset ususfructus ad tempus: finito tempore, ac proinde finito ususfructu, proprietarius fundum repetit a fructuario, qui cum fundum tenebat. Nam finito ususfructu, ususfructus ad proprietatem redit, §. *finitur, Instit. de ususfruct.* Fructuarius negat eum, qui agit, dominum esse fundi. Recte actorem removet, si dominus non est, ut diximus. Proinde actor si dominum se esse intendit, cum dicat, probare debet, L. si actor, 23. *sup. de probat.* Probabit igitur actor dominum, quod diceret, se eum fundum olim emisse a Titio domino, aut sibi ab eo donatum esse, & ex ea causa traditum, quibus ex causis dominum transferri solet, L. *traditio*, 20. L. *nunquam nuda*, 31. *D. de acq. rer. domin. §. per traditionem, Instit. de rer. divis.* Dicit præterea, de his rebus instru-

menta

mente initio facta esse, sed quæ amiserit. Fructuarius dicit actorem non esse audiendum, nisi instrumenta proferat, vel emptionis, vel donationis: si recte dicit fructuarius, præiudicium domino nascitur ex persona fructuarii possessoris, propter amissionem instrumentorum. Nam certi iuris est actore non probante, possessorem & rem omnem absolvi, *L. qui accusare 4. supra de eden.* Quod si in proposito res solum instrumentis probari potest: actor probare non potest, quod intendit. Nam instrumenta amittit: aliis autem probationibus locus non est. Ita regulæ iuris consequens est, fructuarium eundemque possiderem absolvi debere. Nec ad rem pertinet, quod fructuarius finito usufructu nullam causam rei retinendæ habet. Nam actor non probante,

commodum possessionis in eo est, ut in suo loco maneat possessio, quanvis possessor nullam justam causam detentionis habent, *L. ult. supra, de rei vind. §. retinende, vers. commodum, Instit. de interd.* Respondetur hoc rescripto: † si aliis modis de proprietate actoris constiterit, præiudicium illi parari non debere ob amissionem instrumenti. Quo significatur id, quod tam multis rescriptis supra comprehensum est: amissionem instrumenti actori non nocere in re qualibet, dum id, de quo agitur, aliis legitimis modis probare possit. Potest autem emptio, donatio, traditio rei probari idoneis testibus. Hi si producuntur, nihil nocet, instrumenta aut non intervenisse ab initio, aut interposita amissa esse.

Ad L. Instrumentis 9.

Idem AA. & CC. Aristzneto.

Instrumentis etiam non intervenientibus, semel divisio recte facta non habetur irrita.

S U M M A R I A.

1. Divisio hereditatis & communione bonorum etiam sine instrumentis facta, rata est, & quatenus & n. 2. & 3.
2. Dominus rei, quam possidet, & exceptionem & actionem habet. Ibid. n. 2.
3. Ex stipulatione actio est adversus promissorem, ut res tradat de quibus in divisione convenit.
4. Conventio divisionis sine stipulatione irrita est.
5. Ex traditione aut stipulatione rata

- est divisio consensu facta; si tamen ab ea dolus absuit.*
6. Generalis huius sententia, sine scripto valere quod gestum est, duas esse rationes & argumenta; & quæ illa sint & n. 8. & 9.
 7. Excepti a superiori regula alla iudiciaria, & quare.
 8. Item actus iurisdictionis voluntariae qui fiunt apud magistratum.
 9. Item donatio excipitur quæ excedit 500. solidos.
 10. Item de quo convenit inter partes ut scripto gereretur.

† Divisio † hereditatis inter coheredes, bonorum communium inter socios, quanvis non intervenientibus instrumentis facta, rata est, si ut in rescripto adicitur, recte facta sit. Recte facta intelligitur, quæ ita facta est, ut iure effectum habeat. Hunc effectum sumit vel traditione, vel stipulatione, ut est in *L. divisionis 45. D. de pactis.* Traditione, † cum partes inter socios consensu cuiusque designatæ, iis traditæ sunt, quibus designatæ erant. Nam traditione dominus efficitur, qui accepit. *§. per traditionem, Tom. VII.*

Instit. de rerum divis. Qui dominus est, is non solum possidens exceptionem habet ad rem suam retinendam, sed etiam re amissa actionem in rem ad recuperandam. *L. rem in bonis 52. D. de acquir. rer. domin.* Stipulatione † item fit, cum res traditæ non sunt, quibus partes destinatæ erant: sed singuli eas sibi dari a sociis stipulati sunt. Hac stipulatione dominium non transfertur in stipulatorem. Traditionibus enim, non pactis dominia rerum transferuntur, *L. traditionibus, 20. supr. de pactis. L. quoties, 15. supra de*

- 4 *de rei vindic.* Sed ex stipulatione † actio constituta est adversus promissorem iure civili, ut res, de quibus convenit, tradat.
- 5 *§. de constituta. Instit. de act.* Sine † stipulatione conventio divisionis nihil valet. Nam neque traditione domini efficiuntur illi, quibus partes designatæ sunt, neque stipulatione illis actio acquiritur. Ex pacto non queritur, quoniam nuda pactio actionem non parit, *L. iurigentium, 6. §. sed cum nulla, Digest. de pact. L. legem*
- 6 40. *supr. de pactis.* Quamvis autem † aut traditio, aut stipulatio intervenire; tamen non aliter hæc rata sunt, quam si sine dolo malo divisio consensu facta sit. Generaliter facta dolo malo improbantur edicto prætoris, *L. iurigentium 7. §. ait prætor, D. de pact.* Quod si hæc sine dolo malo intervenerint: scilicet est huius reſcripti, hæc rata esse, quamvis neque conventionis, neque traditionis, neque stipulationis ullum instrumentum intervenire.

Notandum est hoc de divisione exempli causa dictum esse, ut & de quibusdam speciebus dicitur *infra*, puta, de cessione, in *L. cum instrumentis, sequent.* & donatione, *L. non idcirco, 12. infr.* Cæterum exempla hæc pertinent, ut generalis regula statuat de omnibus, quoniam in omnibus eadem ratio est, *L. illud, D. ad L. Aquil.* Generalis autem sententia est, de qua initio tituli diximus:

7 † Et sine scriptura valere, quod gestum est, si habeat probationem, quæ sententia statuitur generaliter in *L. 4. D. eod.* & *L. 4. D. de pign.* Huius sententiæ

8 due † rationes redduntur, quæ notandæ sunt in *L. cum res, supr. de probat.* Una, quod res, id est, negotia, ex quibus obligationes nascuntur, instrumentis non geruntur, quod ex causis obligationum intelligi potest: aut enim nascuntur ex contractu, aut quasi contractu, maleficio, aut quasi maleficio, *§. 1. Instit. de obligat.* Nulum hic verbum est de instrumentis. Rursum quæ contrahuntur obligationes, aut consensu contrahi dicuntur, aut re, aut verbis, *eod. tit. de obligat.* Nulla hic mentio instrumenti, aut scripturæ. Et quod dicuntur quædam obligationes esse literarum, in *Instit. de lit. obligat.* non significat, literas ab initio esse necessarias ad rem contrahendam. Nam pecunia mutua sine instrumento dari potest: sed significat, si chirographum de pecunia accepta datum sit creditori, post tempus constitutum chirographum certam probationem habere, adversus quam contraria probatio non admittitur. Nos autem hoc loco dicimus,

ab initio ad rem gerendam non esse necessaria instrumenta, sed sine his valere, quod gestum est. Altera † ratio redditur, in *dist. L. cum res*, quæ prioris rationis certior ratio est: quod lu scripturas rei gestæ testimonium confertur, id est, quod apertius dicitur in *dist. L. 4. D. de pignor.* sunt de rebus scripturæ, ut per eas facilius res probentur. Hoc argumento convenientissime efficitur, instrumenta ad res gerendas non esse necessaria, argumento a fine ducto: nam si propter probationem instrumenta sunt, consequens est hunc usum esse supervacuum, ubi aliunde idoneæ & legitimæ probationes suppetunt. Suppetunt autem aliæ ex iure, ut argumenta, ut testes, *L. 1. supra de testib.* proinde illis posterioribus intervenientibus instrumenta supervacua. Sententia superior est verbis generalibus concepta sit in *dist. L. 4. de pignor. & dist. L. 4. de fid. instrum.* tamen non est perpetua. Principio monendi sumus, † eam 10 non pertinere ad acta iudicialia. Hæc iubentur referri in acta, id est, in scripturas, quæ excipiantur, vel a scribis publicis ad eam operam destinatis, vel a Notariis eodem officio fungentibus, vel si hi non sunt, a duobus idoneis scriptoribus. Hoc magis significatur, quam exprimitur, in *L. ne in arbitris, 4. penult. supr. de recept. arbitr.* Sed comprehensum est apertius & diligentius in *cap. quoniam contra falsam, 11. extr. de probat.* quod bene & salubriter constitutum est, ne fenestra aperiat improbis iudicibus ad innocentes pro libidine vexandos, aut opprimendos, dum iudex negabit in iudicio facta esse, quæ facta sunt, se constituisse, quod constituit; aut dicat facta esse, quæ non sunt, se constituisse, quæ non constituit. Ob hanc causam recte illic cautum est, actis non intervenientibus ad aliam probationem recurri nec posse, nec debere. Nec tantum superior sententia ad acta iudicialia non pertinet, † sed nec ad omnes actus, qui sunt apud magistratum, & pertinent ad voluntariam iurisdictionem, non contentiosam. Exempligratia: manumittere liberos apud magistratum, adoptare apud magistratum, non sunt actiones iudiciales. Nam sine contentione hæc expediuntur inter volentes; sed tamen ad iurisdictionem voluntariam magistratus pertinent; quia non nisi apud magistratum transigi possunt, *L. 2. D. de offic. procurator. & legati.* Dicimus etiam in his acta intervenire debere, ut rata sit, de quo dicitur in *L. emancipatione, infra, eodem.* In iis autem, quæ

extra iudicium nec apud magistratum geruntur, sic instrumenta intervenire necesse non est; ut tamen quædam causæ excipiantur. Partim ex qualitate causæ & negotii, partim ex contrahentium conventionione.

12. Ex qualitate negotii ꝑ excepta est donatio, olim, quæ excedebat ducentos solidos (*aureos*) nunc quæ excedit 500. Nam quæ eiusmodi est, non tantum iu-

betur transigi instrumentis privatis, sed etiam actis publicis insinuari, apud eos magistratus, apud quos hæ res perficiuntur, *L. sancimus. 34. infra de donat. §. alia. Insist. de donat.* Ex conventionione contrahentium ꝑ excipiuntur omnes contractus, 13 de quibus inter contrahentes initio convenit, ut res scripto gereretur. De quo in *L. contractus, infr. eodem.*

Ad L. Cum instrumentis. 10.

Idem AA. & CC. Victorino.

Cum instrumentis etiam non intervenientibus venditio facta rata maneat: consequenter amissis etiam quæ intercesserant, non tolli substantiam veritatis placuit. Dat. VIII. Kal. Novembr. Retinassi. AA. Coss.

S U M M A R I A.

1. *Amisso instrumenti possessori nihil nocet, si res aliter probari potest. Nuptia legitime contractæ, furoris incidente, non rescinduntur. ibid.*

2. *Amisso instrumentorum, cum hæ ab initio intervenire, nunquam nocet rei gesta. Regula hæ perpetua.*

SI instrumentis ab initio non intervenientibus res gesta valet, consequens est, his ab initio interpositis, si ea amissa sint, amissionem veritati non nocere. Hæc est sententia, quæ tot reſcriptis in variis causis confirmata est: Amissionem ꝑ instrumenti possessori nihil nocere, si res aliter probari potest. *L. 1. L. 4. L. sicut 5. L. si solemnibus 7. L. si constiteris 8. supr.* Hoc autem ex priore recte consequens esse dicitur: Primum, argumento ducto a paribus. Nam si amissio instrumenti initio rei gestæ non nocet, nec nocere potest; quoniam idem factum est, & quod initio fuit, & quod est postea. Idem etiam consequens est argumento ex comparatione maiorum. Nam difficilius aliquid permittitur initio, quam rite factum retinetur. Nam multa impediuntur ab initio propter aliquam causam, quæ recte facta propter eam causam non rescinduntur, ut propter furorem anius ex coniugibus impediuntur nuptiæ. At hæ ab initio inter sanos recte contractæ, fu-

rore incidente non rescinduntur, *L. patre furioso, 8. D. de his, qui sunt sui, vel alien. iur.* Alia exempla in *5. furiosi, & §. sequens. Insist. quib. non est perm. fac. test.* Quare, si ab initio instrumentis non intervenientibus res gesta valet, quod maius est; multo magis instrumentis ab initio intervenientibus valebit, multoque minus rescindetur, si ea instrumenta exstare desierint. Hæc ꝑ sententia ita generalis est, ut sit perpetua; nam etiam ad ea instrumenta pertinet, quæ initio in re gerenda intervenire oportet, ut interdum intervenire debere dixi *ad L. preceden.* Exempli causa, quæ in iudicio aguntur, nisi in acta iudicii relata sint: aliam probationem idoneam non admittunt. Hoc ita est, si ab initio acta non intervenerint, sed si intervenerint, eorum interitu res non rescinditur, nec prohibetur aliis modis probari, quæ sententia est *L. sequens. emancipatio:* ubi dicitur.

Ad L. Emancipatione 11.

Idem AA. & CC. Theagenæ.

Emancipatione facta, etsi actorum tenor non existat; si tamen aliis indubiis probationibus, vel ex personis, vel ex instrumentorum incorrupta fide factam esse emancipationem probari possit: actorum interitu veritas convelli non solet, Dat. III. Id. Novembr. AA. Coss.

S U M M A R I A.

1. *Emancipationem & aliis legitimis modis præter acta, si hæc extare desierint, probari posse & u. 9. & seqq.*
 2. *Emancipatio unde dicta, quæ eius forma, & effectus & u. 3.*
 4. *Quæstiones de emancipatione cur frequenter incident?*
 5. *Dicens aliquem esse emancipatum, id probare tenetur.*
 6. *Emancipatio actis recte probatur, acta quid sint.*
 7. *Actus voluntarie iurisdictionis eorum magistratu explicari posse sine scriptura quidam sentiant.*
 8. *Contrarium verius esse cum in adoptionibus tum emancipationibus ostenditur.*
 9. *Emancipatio quibus aliis modis probari possit.*
 10. *Testes quomodo emancipationem probare possint?*
 11. *Scriptura quoties ad rem aliquam necessaria est, non creditur ei, qui se casu amisisse dicit, nisi casum probet?*
 12. *Amisio actorum quomodo probetur?*
 13. *Emancipatio quomodo actis amissis, aliis instrumentis probetur?*
- E**mancipatio facta actis citra contrarium recte probatur, sed quanvis actorum tenor non existat, nihilominus & aliis legitimis modis recte probari potest, ¶ ut personis, id est, testibus, & aliis instrumentis non dubiis, quæ sententia summa est rescripti. Emancipare dicitur parens liberos, cum dimittit e sua manu, id est, potestate. ¶ Nomen nam hinc, quod in hac liberatione potestatis interveniebant olim mancipationes, id est, imaginariæ venditiones liberorum emancipatorum, & eorundem emancipationes, Forma vetus sublata est, nomen mansit, *S. præterea, Inst. quib. mod. ius patr. potest. solvi.* Emancipatio ea rata est, quæ recte fit, id est, secundum formam iure constitutam. Forma est ex constitutionibus, ut emancipentur liberi apud magistratum, *d. S. præterea, L. ult. ius. de emancip. liber.* An acta emancipationis intervenire necesse sit, mox dicitur. Emancipationis ¶ effectus, & utilitas eadem est, quæ reliquarum liberationum a patria potestate. Hac consequitur filius, ut quidquid acquirit, sibi acquirit: cum in potestate manens acquirit patri aut proprietatem, aut usufructum, *S. 1. Inst. per quas person. nobis acquir.* Consequitur item liberam facultatem testandi, quam filiusfamil. non habet, *tit. quib. non ess. permis. fa. test. in princ.* His de causis læpe de ¶ emancipatione quæstiones incidere solent, cum filius emancipatus bona ad se pertinere dicit, ut sibi quæritur, quia sit emancipatus. Item cum testamento emancipati scripti heredes vindicant hereditatem ex testamento, quod dicant recte factum esse ab eo, qui fuerit emancipatus. In his quæstionibus, si sit controversia, an filius fuerit ¶ emancipatus, necne, is probare debet, qui emancipationem dicit, sive sit actor, sive reus. Si actor est, nulla est dubitatio, *L. actor, sup. de probat.* Sed etsi reus, idem iuris est, quis qui emancipatum dicit, factum esse aliquid dicit. Proinde pertinet ad regulam communem, ei incumbere probationem, qui dicit. Præterea tateatur, cum aliquando fuisse in potestate patris, sed postea liberatum ea potestate emancipatione, Et quod idem est, mutatum esse eman-

emancipatione potestatem: qui aliquid fuisse fatetur, & postea mutatum dicit, probare mutationem debet eadem regula, *L. siue possideris 16. supra, de proba. L. cum qui 22. D. de proba.* Quenit ergo, quomodo emancipatio facta recte probetur. Iam dixi, † actorum fide recte probari, ut hic aperte significatur. Acta intelligimus scripturas, in quas relatum est, emancipationem apud illum magistratum eo tempore factam esse: de quo verbo dixi *ad L. 3. sup.* Circa controuersiam iis scripturis emancipatio probatur recte: sunt enim acta publica, quæ habent perpetuam, & inconcussam firmitatem, ut est in *L. ult. inf. de re iud.* Quid si horum actorum tenor non existat? Hic scriptum est, nihilominus emancipationem aliis legitimis modis recte probari. Hic opponitur *L. ne in arbitris, §. pen. supra, de recept. arbit.* ubi placet, vim iudicii & rei iudicatæ non habere omnia, quæ fiant apud iudices sine scripturis. Quidam † putant, aliam esse causam actorum iudicialiorum, aliam eorum, quæ aguntur apud magistratus, sed sine iudicio, quæ dicuntur esse voluntariæ iurisdictionis, qualia sunt; emancipare liberos, servos manumittere, adoptare, quæ omnia fiunt apud magistratus, sed ita, ut fiant inter volentes sine ulla contentione iudicii; unde hæ iurisdictionis voluntariæ esse dicuntur, *L. 2. D. de offic. procons. & leg. In iis, loquam, actis volunt scripturas intervenire posse, sed si non interuenerint, nihil nocere, ac nihilominus ratam esse emancipationem. Confirmatur hæc sententia ex L. 2. infra, de mancip. lib.* His verbis: *in emancipationibus liberorum, nec non donationibus, non tam scriptura, quam veritas spectari solet.* Negat scripturam spectari in emancipationibus; hoc amplius comparat emancipationes cum donationibus. Constat autem in donationibus scripturam non esse necessariam, *L. non idcirco, sequen.* Eodem pertinet hoc rescriptum, ubi simpliciter dicitur, non existentibus actis emancipationem probari posse. Sed verus † est id, quod & vulgo placet, in omnibus iis, quæ apud magistratum geruntur, acta seu scripturas rei gestæ intervenire debere, ita ut sine his non valeat, quod actum est. Id si negetur, quia alia probatio non admittatur, exemplo est emancipatio, de qua hic querimus. Hæc acta etiam desiderat, ut & adoptio, quarum de utraque scriptum est in *L. ult. infra, de adopt.* Illic cavetur, omittis mancipationibus & emancipationibus imagina-

riis veteribus recte unumquemque dare liberos adoptandos, si apud magistratum id faciat, *actis intervenientibus.* Ea lex complectitur non tantum adoptionem, sed etiam emancipationem; quia cum pater dat filium suum adoptandum parem naturali, veluti avo materno, eadem opera & filium dat emancipandum, & liberat eum sua potestate, *§. sed bodie Institut. de adopt. L. penult. infra, de adopt.* Præterea et si ea lex de adoptione tantum scripta esset tamen non eo minus ad emancipationem pertinet; quoniam adoptio est actus iurisdictionis voluntariæ non minus, quam emancipatio, *dist. L. 2. D. de offic. procons. & legati.* In hac acta intervenire oportet, ex dicta *L. ult.* Proinde & in emancipatione, in qua eadem causa & ratio est, argument. in *L. ult. supra, de const. pec. & L. illud, D. ad L. Aquil.* Confirmatur magis hæc sententia ex *L. penult. infra, de emancipat. liber.* Ubi cum parens alienum filium emancipare vult, illi conceditur, si modo id obrineat rescripto Principis: sed hac lege rata est emancipatio, si hoc factum insinuetur actis apud idoneum magistratum. Nihil ad rem pertinet, quod hic agitur de absente emancipato. Nam eius absentia satis suppletur rescripto Principis; post quod tamen acta magistratus desiderantur.

Hanc sententiam non modo non offendit hoc rescriptum, sed etiam maxime confirmat. Nam cum dicitur, emancipationem probari posse, si actorum tenor non existat: hoc significatur, acta intervenisse, sed nihil nocere, si nunc non exstent. Quod obscurius dictum explicatur in extremo rescripti, ubi dicitur, actorum interitu veritatem rei non convelli. Desiderat igitur rescriptum acta, sed negat interitum nocere: non obstat. *L. 2. infra, de emancipat. liberor.* Quod enim dicitur, magis veritatem spectari in emancipationibus, quam scripturam, non significat scripturam intervenire non debere: sed si scriptura intervenierit, & aliud actum sit in emancipatione, quam quod scriptum est; scripturam non facere, quomodo veritati sit locus, id est, si scriptum falsum sit, cum aliud actum sit iuxta partes, scriptum non valere. Idem in testamentis scriptum est. In testamento nihil valet, nisi scriptum sit: sed tamen si in scripto aliquis sit error, ut testator noluerit quod scripsit, scriptum non valet: ut nunquam scriptura potius spectetur, quam veritas, *L. quoties, 9. in pr. D. de hered. instit.* Notandus igitur est hic

hic locus, quo significatur, etiam ea in quibus a principio acta intervenire oportet, nihilominus in ea causis esse, ut si acta postea non essent, amissio instrumentorum non noceret, quo minus aliis modis res probari possit. Exemplo est hoc loco emancipatio, quam diximus apud magistratum ita recte transigi, si fiat actis intervenientibus. Placet tamen hic etiam actis non exstantibus aliis modis probari posse, ut efficiatur perpetua sententia, de qua diximus in *L. cum instrumentis, preed.* Quaecunque instrumenta sint, amissionem eorum non nocere, si aliis modis res doceri potest.

9 Quæritur deinde, si aliis modis emancipatio probari potest, quibus possit? Hic scriptum est, posse personis, vel instrumentorum incorrupta fide. Personarum interpellantur testes, qui interfuerint, cum pater apud magistratum emanciparet. Si personarum verbo testes interpellantur in *L. 1. D. de fide instrum.* hic quæritur, quid si testes deponere debeant, ut emancipatio probetur? Movet questionem, quod qui emancipationem factam esse dicit, & eam actis intervenientibus non probat, tria dicere & docere debet: primum, eum qui emancipatus est, emancipatum esse apud magistratum. Nam aliter non transigitur nunc emancipatio, *d. §. præterea, quib. mod. ius patr. pot. solu.* Deinde dicere debet acta intervenisse. Nam non est emancipatio, nisi quæ recte facta sit, ut de divisione diximus in *L. instrum. sup.* Huc pertinet *L. quoties, D. qui satisf. cog.* Non fit autem recte emancipatio, nisi actis intervenientibus, ut docuimus. Tertium adicere debet, acta non exstare, idque etiam docere.

11 Nam quoties acta rem si aliquam scriptura necessaria est iure, non creditur ei qui se amissile casu dicit, nisi casum probet, *L. testium, in fin. sup. de testib. L. 2. infra de testament.* Hæc cum ita sint, quærimus, an testes ad res illas omnes probandas adhiberi oporteat. Respondetur: etsi verum sit, hæc omnia dici & probari debere ab eo, qui emancipationem factam dicit, nec proferat acta: tamen satis est primum probare. In duobus sequentibus laborandum non est. Dico, dum testes producuntur, qui dicant se interfuisse emancipationem apud magistratum factam, non esse necesse, ut dicant acta intervenisse. Hoc quidem dici & probari debet, sed satis probatur ex præsumptio-

ne iuris, quia fit, ut quæ apud magistratum gesta esse dicuntur, solemniter gesta esse dicantur, *L. sciendum, 30. D. de verb. obligat.* Unde est, quod dicitur in *L. ab ea parte, 5. D. de probat.* ei incumbere probationem, qui negat emancipationem rite factam. Tertium de amissione si actorum ita probari debet, ut probatio sit in promptu. Nam venietur ad archivum iudicis, venietur ad Notarios publicos, apud quos sunt acta. In illis locis si acta non exstant, impletur conditio, quam quærimus. Verum est enim actorum tenorem non exstare. Eadem emancipatio instrumentis probari potest, ut hic scriptum est, dummodo sit eorum incorrupta fides. Quæritur, quomodo si id possit contingere, ut amissis actis emancipationis, aliis instrumentis non dubiis probetur emancipatio. Nam instrumenta hic privata intelliguntur. Quod si hæc scripta sunt ab eo, qui emancipatus est forte, qui in rationes suas retulit, se eo die emancipatum esse, hæc fidem non faciant pro emancipato. Nullus enim idoneus testis in re sua, *L. nullus, D. de testib. L. 2. Cod. eodem de testib.* Si sunt instrumenta scripta ab adversario, quæ apud eum sunt, hoc ideo fidem non facient, quia postulante actore ea exhibere non cogitur, *L. 1. supra de edend. L. nimis grave, supra de testib.* Respondetur: hic privata instrumenta intelligere debemus, quæ sunt interpolis inter emancipatum & adversarium, in quibus adversarius de emancipatione filii confiteretur. Hæc confessio adversus illum fidem faciet. In eadem causa sunt adversarii epistolæ ad emancipatum scriptæ, in quibus forte ita scriptum est: *hæc tunc acciderunt, cum una essemus: tunc, cum pater tuus te emancipabat, apud illum magistratum.* Hæc epistolæ veritati non nocent, quo minus contrarium probari possit. Sed in re dubia fidem faciunt adversus eum, qui scripsit, *L. non epistolis, supra, de probatio.* In eadem causa sunt, & alia instrumenta, quibus in iudicio adversarius utetur, in quibus scriptum sit de emancipatione filii: etsi enim exemplaria sumpta ex authentico fidem non faciant, per se, *L. 2. D. de fide instrum.* tamen si quis illis utitur pro se, etiam adversus se nti cogitur, *authent. ad hæc, infra hoc tit.* argumentum in testibus, in *L. si quis testibus, supra, de testib.*

Ad L. Non idcirco 12.

Idem AA. & CC. Dionysii.

Non idcirco minus in vacuum inductus prædii possessionem donationis causa, quod eius factis prætermissum instrumentum adserveratur, hanc obtinere potes. Dat. Id. Decembr. Nicomediæ AA. Coss.

Species est pertineans ad regulam, quam exposuimus in *L. instrumentis, supra*, quod hic dicitur de inductione in vacuum possessionem. Qualis sit & an sit ad dominium transferendum necessaria, exposuimus, ad *L. cum res, supra, de præbat.*

Ad L. Apud eos 13.

Idem AA. & CC. Leontio.

Apud eos qui rem gestam ignoraverunt, amissorum instrumentorum habita testatio nihil ad probationem veritatis prodesse potest. Dat. XVI. Kal. Ianuar. Nicomediæ AA. Coss.

S U M M A R I A.

1. *Instrumentum obligationis se habuisse, & amisisse dicenti fides non habetur, nisi probetur.*

2. *Amissorum instrumentorum facta testatio apud eos qui id alias ignoraverunt, nihil alicui prodest ad probationem.*

Traditur in *L. sicut, sup. eod. ei*, qui se instrumentum obligationis habuisse dicat, & id amisisse, fidem tamen non haberi, nisi probetur. Quæsitum est, an ad huius rei probationem quidquam prodest eritori testatio habita instrumentorum amissorum. Propone hoc modo: Creditor domo egressus testibus præsentibus ita dixit: *Is prædo qui modo ex adibus meis axiit, absulis vi instrumentum debui, que Titius mihi obligabatur in 100. ex causa mutui. Vos mihi eritis testes; vel hoc modo: In illis adibus meis, quas scitis heri incensas esse, fuerunt instrumenta mea omnia, & in his instrumentum, quo mihi Titius in 100. obligabatur, ex causa mutui. Peto ut mihi testes sitis.* Quæritur, an eiusmodi testatio eritorem adiuvet, ut fidem faciat, vel eum instrumentum habuisse, vel casu amisisse. Hic tamen scriptum est, ad veritatis probationem eiusmodi testationem nihil prodesse, apud eos, intellige testes, qui rem gestam ignoraverunt. Et merito: aut enim volumus

credi ei, qui testatus est, aut testium depositioni.

Testanti fides haberi non debet. Is enim de re sua testatur: nemo in re sua idoneus testis, *L. omnibus, sup. de testib. L. nullus, sup. de testib.* Depositioni autem testium multo minus fides haberi debet de re, de qua controversia est. Nam quæritur, an creditor instrumenta habuerit, & ea casu amiserit: in proposito autem testes non dicunt, eritorem ea instrumenta habuisse, & casu amisisse; sed dicunt se audivisse, eum creditor id testaretur, quod testimonium de auditu ad rem non pertinet, & iure improbatum est, de quo dixi ad *L. testium, sup. de testib.* Adiecitur: *Apud eos, qui rem gestam ignoverunt.* Nam si testes sciunt instrumentum fuisse penes eritorem, & id instrumentum vel incendio, vel vi prædonis amissum esse, recte testificabuntur de re, quam noverunt, & sensu perceperunt. Sed non ideo fides illis habetur, quia creditor sit testatus, se instru-

men-

menta amississe; sed quia, ut dixi, testes & sine testatione creditoris id cognovissent. Et generaliter definimus, quotiescunque exigimus ab actore, ut factum aliquid dicat, veluti, dolum admissum ab adversario, vel metum ab adversario sibi illatum, & quaecunque sunt eiusmodi, exigi ab eo, ut ea probet: ad eam probationem nihil

prodesse facti constellationem, id est, nihil prodesse actorem aliquando testibus praesentibus testatum esse, ea facta esse, de quibus queritur. Huc pertinet, *L. si maior transgessi, sup. de transact. L. metum, sup. de his, quae vi metusve causa sunt.*

Ad L. Scripturae. 14.

Idem AA. & CC. ad Severum Comitem Hispaniarum.

Scripturae diversae fidem sibi invicem derogantes, ab una eademque parte prolatae, nihil firmitatis habere poterunt Dat. IV. Kal. Maii Viminacii CC. Coss.

S U M M A R I A.

1. *Instrumenti refellendi ratio; si diversa & pugnautes inter se scripturae proferantur: quae tales sint, & a quo proferenda & n. 2. & 4.*
2. *An L. ubi pugnancia 188. D. de R. I. huc pertineat.*
3. *Si diversa & contraria a diversis partibus instrumenta proferantur, qua distinctione res temperetur.*
4. *Qui contraria invicem producit instrumenta nihil agit, tametsi paratus sit docere unum saltem verum esse.*
5. *Quare aliud iuris, si haec a diversis proferantur.*
6. *Quid si pars eadem unum proferat a Notario confectum, & aliud privatim, an non fides saltem priori habeatur.*
7. *Contrariis occurratur. & n. 10.*
8. *Contrariae scripturae ab uno auctore proferre nihil valent, etiam si non ab una parte, sed a diversis proferantur.*

Istrumentis publice confectis a Notario in re dubia fides habetur, donec contrarium probetur. Sed quaecunque sunt instrumenta eiusmodi, refelli possunt vel aliis instrumentis, vel etiam testibus, *L. cum precibus, sup. de probat. L. optimam, infr. de contrah. & commis. stip.* Refellendi instrumenti inter ceteras expedita haec ratio est, de qua hic cavetur, si diversae scripturae inter se pugnautes ab eadem parte proferantur. Nam neutri fides habebitur. Verba legis expendenda sunt. Lex exigit, ut proferantur diversae scripturae. Hoc ideo, quia una scriptura sibi contraria esse non potest. Sunt enim contraria, ubi est unum, quod affirmat, alterum, quod negat: quod nisi in res plures cadere non potest. Sed scripturas diversas hic non intelligere debemus, non plura & diversa instrumenta tantum, sed etiam in uno & eodem instrumento plures clausulas & rationes diversas, & inter se pugnautes, ut utrumque genus hac lege contineri intel-

ligatur. Instrumenta singula dici scripturas constat, ut in *L. 4. D. eodem.* Fiunt de rebus scripturae, ut per eas res probetur, id est, fiunt instrumenta: sed non minus in uno etiam instrumento singulae clausulae sunt totidem scripturae. Nam unaquaeque pars scripturae, scriptura est, unaquaeque pars carnis dicitur caro, ut accidit in omnibus partibus similaribus. Hinc nostris, talis scriptura in testamento, pro, talis clausula, seu talis oratio testatoris, in *L. talis, D. de leg. 1.* Unde & illud: in legatis novissima scriptura valent. *L. 12. §. ult. de leg. 1.* Quo significatur, non in diversis testamentis novissimum testamentum delegato valere, sed in uno eodemque testamento, si sapius eadem res legata sit, aut adempta, novissimam scripturam valere. Haec definitio eo spectat, ut intelligamus, si quis diversa instrumenta proferat pugnantia, neutri fidem haberi. Idem etiam iuris esse, si quis unum instrumentum proferat,

in

in quo sint diversæ scripturæ, & clausulæ inter se pugnantia, ut non toti instrumenti fides derogetur, sed ut neutra scriptura ex contrariis valeat. Et ideo ¶ errat hoc loco Accursius, & qui eum sequuntur, cum putat, *L. ubi pugnantia, D. de regul. iur.* ad hanc legem non pertinere: cum maxime pertineat, ut verba regulæ declarant. Verba sunt hæc: Ubi pugnantia inter se in eodem instrumento inveniuntur, neutrum valet: id constituitur hac ipsa lege. Nam illa *pugnantia*, de quibus est in superiori regulæ, sunt quæ hic appellantur, *diverse scripturæ inter se pugnantia*, de quibus & hac lege, & superiori regulæ idem constituitur, ut neutra scriptura valeat. Exemplum pugnantium scripturarum in eodem testamento sit hoc: testator ita scripsit: sciant heredes mei me Calendis Ianuarii hoc anno Spira acceperit pecuniam a L. Titio, quam is mihi ex mutuo debebat. Deinde alio loco ita scripsit: Sciant heredes mei, me Calendis Ianuarii Colonia acceperit centum mutuo a Titio: pugnantia hæc sunt scripturæ; quia non potuit idem testator iisdem Calendis esse Spira & Colonia. Proinde neque Titio liberatio, neque actio competet, quia pugnantia hæc sunt, quorum neutrum valet ex hoc testamento. Quod movit interpretes, ut putarent, *L. ubi pugnantia*, non pertinere ad hanc legem, hoc est, quod de testamentis traditur: in legatis novissimam scripturam valere, ubi sunt diversæ scripturæ, *d. L. 12. §. ult. D. de legat. 1.* Sed hoc nihil obstat. Intelligere enim debuerunt, hoc recte dici in legatis, id est, in rebus, quæ pendunt ex voluntate testatoris, & quas testator in futurum vult fieri: in eiusmodi voluntatibus novissima valent, quia testator priorem voluntatem mutare potuit, & cum mutavit, posterio- re scriptura fecit, ut prior voluntas nulla esset. Priore voluntate sublata, sola relinquitur posterior: ut iam dici non possint diversæ esse scripturæ pugnantia. Diversum est in rebus præteritis, de quibus testator testamento suo affirmat. Nam præteritis mutare non potest: nec potest facere, quin si Spira quid fecit, id Spira non fecerit.

Ergo in iis rebus si affirmationes contrariæ testatoris inveniuntur, neutra valet, & maxime si testamentum ab eadem parte proferatur. Exigit lex non ¶ tantum, ut sint diversæ scripturæ, sed etiam, ut fidem sibi maiorem derogent. Id ita fit, si inter se sint pugnautes & contrariæ. Tales autem sunt non tantum, quæ

Tom. VII.

verbis tales sunt, sed quæ vi & potestate verborum: cum scilicet vi ipsa in una scriptura aliquid affirmatur, in altera id negatur. Exemplum appositissimum est in *L. optimam, infra, de contrab. stipulat.* in instrumentis, quæ eodem die, aut proximo diversis in locis remotis facta esse dicuntur, propone ita: actor petebat a Mævio centum mutuo, Mævius dicebat, se ea solvisse Spira vel actori, vel eius instituti, & in eam rem proferit instrumentum, quo scriptum est, Mævium centum quæ debebat, actori solvisse Calendis Februarii Spira. Idem Mævius mutua petitione utebatur, & petebat decem, quæ dicebat se secundo die Februarii eodem anno mutuo dedisse actori Antuerpiæ, aut dedisse eius instituti, & eius rei quoque instrumentum proferit. Hæc instrumenta fidem non facient, neque de solutione, neque de credito, quia sunt contraria, non verbis apertis, sed vi ipsa, quia fieri non potest, ut qui Spira Calendis Februarii fuit, is fuerit Antuerpiæ secundo die Februarii. Ita qui prius dicit, vi ipsa posterius negat, & contra, qui posterius dicit, prius negat. Hoc exemplum ad intelligenda reliqua satis est: unusquisque enim prolatis pluribus instrumentis, aut pluribus scripturis in eodem instrumento facile ex re nata existimabit, utrum scripturæ diversum affirmet, an non.

Exigit præterea lex, ut diversæ scripturæ & pugnantia ¶ ab eadem parte proferantur. Quid ergo si proferantur a diversis partibus. Distinctio hæc est: si instrumenta ab eodem auctore nata non sunt, creditur ei, cui fidem præcipue collare credibilis est, *L. cum de etate, D. de probat.* Sin ambo instrumenta sunt eiusdem actoris, ac proinde eiusdem auctoritatis, ut auctoritas ad fidem discerni non possit, id instrumentum sequemur, quod pro reo facti, *L. Sempronius Proculo, D. de legatis 1.* In hac specie testator testamentum faciens duo exempla instrumenti scripsit, aut scribenda curavit, iisdem solemnibus adhibitis, iuxta consilium & usum traditum in *§. penult. Instit. de test. ord.* In uno testamento centum Mævio legavit: in altero exemplo Mævio legavit tantum 50. Mævius centum petit: heres offert tantum 50. Mævius proferit id instrumentum, quo centum legata sunt: heres ruerit se eo testamento, quo legata sunt 50. Non possumus hic sequi hanc regulam, ut fides habeatur ei, in quo sit maior fides. Nam par est fides & auctoritas utriusque. Placuit quinquaginta solum deberi, ut ipe- setur hic quod heredi, eidemque reo est

M m m m

com-

enimmodius. Sumptum hoc est ex æquitate & regula iuris, favorabiliores esse reos, quam actores in pari causa; procliviores nos esse debere ad liberandum, quam ad obligandum. *L. favorabiliores, L. in pari, D. de regul. iuris, L. Arrianus, D. de oblig. & ass.* Cum autem hæc concurrunt, ut pugnantia scripturæ proferantur ab una & eadem parte, effectus hic est, qui in hoc titulo constituitur, ut neutra scriptura quidquam valeat.

- ¶ Quid si actor, qui utramque profert, paratus sit docere unam saltem veram esse? Respondetur: verba *L.* nihilominus utramque excludunt. Sed ¶ cur, cum instrumenta contraria proferantur a diversis partibus, creditur ei, in quo fides maior est potius, quam cum proferuntur ab eadem parte? Respondetur. Quia cum pars unum instrumentum profert, non debet eius instrumentum vinci instrumento adversarii, nisi id verum sit; quoniam instrumentum adversarii non probat. At qui ipse duo instrumenta inter se pugnantia profert, is utendo utrumque probat, certe utroque pro vero utitur. Probandum facit, ut utrumque adversus eum valere debeat: quod si valet, utrumque alteri fidem derogat, non tam vi sua, quam utentis professione & approbatione. Et generaliter dicendum est, quemadmodum, qui testibus aliquibus pro se utitur, æquum est, ut eisdem quandoque adversus se admittat, *L. si quis testibus, supr. de testib.* Sic in instrumentis, qui aliquibus pro se utitur, iidem & adversus se uti debet.

- ¶ Quid si ¶ eadem pars proferat instrumentum publice a Notario confectum, & huic contrarium privatum: an non saltem publico credetur, cum publicum præstet privato? *L. scripturas, infr. qui pos. in pign. hab.* Respondetur. Verba huius legis efficiunt, neutri fidem haberi: nec ad rem pertinet, quod publicum maioris fidei est, quam privatum. Hoc enim ita verum est, si cuiusque auctoritas per se spectetur: diversum est, si utrumque pariter approbetur ab eo, adversus quem instrumentum prolatum est, quod fit, cum idem uirque instrumento utitur.

- Sed huic sententiæ duo videntur adversari. ¶ Primo *L. cum de ætate, D. de probationib.* ubi proferebantur duæ professiones de ætate non tantum diversæ, sed etiam contrariæ, quia proponitur una prodesse, altera nocere, quæ sunt contrariæ. Et tamen placet, non neutram valere, sed unam saltem, ei autem standum esse, cui præcipue fidem constare credibilis est. Pinge hoc modo: quidam

fundum emerat, postulabat in integrum restitui adversus emprionem, quod diceret se minore 25. annis fuisse, cum emerat. Ad probationem ætatis profert professionem patris sui, id est scripturam, in qua pater in actis apud præfectum ætatis Romæ aut apud tabellarios in provinciis professus erat, tibi filium illum natum esse illo die, secundum quam professionem, hic erat natus tantum 24. annos, quæ ætas tribuit illi in integrum restitutionem. In eodem iudicio proferitur alia professio matris, secundum quam hic dicitur natus esse citius, & intelligitur natus esse annos 25. quæ ætas excludit restitutionem. Hic respondetur, sequendam esse eam professionem, non quæ nocet ætati, neque rursum, quæ prodest ei, qui postulat in integrum restitutionem, sed eam, quæ sit credibilior. Respondetur. Proferebantur illic contrariæ professiones, nec ab una parte, sed a diversis, ut recte vulgo is locus acceptus est. Non exprimitur id quidem in ea lege, sed ex circumstantiis facti propositi aperte intelligitur, cum dicitur, professiones prolatas esse, quarum una noceret, altera prodesset. Nemo enim est tam amens, ut cum protulerit professionem, quæ sibi prosit, velit item proferre contrariam, quæ noceat. Intelligi igitur oportet, contrariam prolatam ab adversa parte. Quod idem factum intelligere debemus in *L. Sempronius, Digest. de Leg.*

Opponitur ¶ secundo loco exemplum 10 restitui ab eadem parte producturum. Nam si ex iis alii aliud dixerint; non ideo tamen omnium testimonia improbantur, sed iis statur, quæ sunt magis rei & vero consentanea. Denique dignioribus creditur, *L. ob carmen, §. ult. D. de testib. L. iurisiurandi, supr. de testib.* Si hoc in pluribus testibus ab ea parte productis valet, valeat etiam in pluribus instrumentis, quæ ab eadem parte proferuntur, iuxta regulam *L. seq. in exerc.* Respondetur. Alia causa est in hac re testium, alia instrumentorum. Nam qui plures testes producit, non ideo probat eorum testimonia; qui ignorat, quid illi dicturi sint, & producit tanquam viros bonos, quos non putat contraria esse dicturos. Vitium quorundam testium producenti nocere non debet, quod minus veris testibus fides habeatur, cum nihil sit in producente, quod illi imputetur. At instrumenta plura qui profert, hoc ipso probat, quod profert; quia statim ex lectione scire potest, quid in singulis continetur, nec quisquam solet proferre, quæ

non legit. Hæc approbatio facit, ut cum pariter omnia valeant adversus illum, simul quoque alia aliis fidem pariter derogent. Non obstat, quod dicitur in *L. seg. eandem vim esse instrumentorum*, quæ de testum. Hoc enim hæcenus verum est, quatenus sunt instrumenta, quæ proferuntur. Nunc autem in hac specie pluribus instrumentis contrariis ab eadem parte prolatis, non ideo reiiciuntur instrumenta, quia instrumenta sint, quæ minorem vim habeant, quam testes: sed quia qui his utitur, ea probat, cui probationi adversus se stare debet *L. generaliter, instr. de non num. pecun.*

- II Monendi sumus; † quod prius dictum est, contrariis instrumentis prolatis non ab una parte, sed a diversis ei standum esse, cui magis fides constet, peculiare ius habet in testamento, & omni instrumento, quod ab eodem auctore conscriptum est: ut si in testamento contrariæ scripturæ & affirmationes testatoris repellantur, neutra valeat, sive proferantur ab eadem parte, sive a diversis: ut puta, defendit sibi aliquis liberationem ex testamento defuncti, quia defunctus in eo testamento scripserat, sibi ab eo debitore pecuniam debitam solutam esse Spiræ illis Calendis: dicimus, si alia parte testamenti testator scripti, se aliquid eodem die fecisse Coloniae, aut Antuerpiæ, heredem recte usurum hoc testamento, ut convin-

cat pecuniam non fuisse solutam Spiræ eodem die. Ita fiet ut neutrum valeat, neque quod testator dixit, se fecisse Spiræ, neque quod testator dixit, se fecisse Coloniae eodem die, tametsi hæc scripturæ a diversis partibus proferantur. Ratio hæc est; Quia, qui aliqua parte testamenti pro se utitur, non probat quidem contrariam scripturam eiusdem testamenti, sed probat testimonium testatoris, quo nunc utitur ad suam liberationem. Equum est, ut eiusdem testatoris testimonio tunc adversus se. *L. si quis testibus, supr. de testib.* Et ideo bene scriptum est in *L. ubi pugnantia, D. de regul. iur.* ubi pugnantia in eodem testamento inveniuntur, neutrum valere; bene inquam, hoc scriptum est generaliter: ut intelligeremus, neutrum valere, non tantum si utrumque ab eadem parte proferatur, sed etiam si proferatur ab alio petitore, & ab herede contradicente. Diverlum est in his scripturis & instrumentis, quæ proferuntur a diversis partibus, cum scripturæ non sunt eiusdem auctoris & eiusdem instrumenti. Nam tunc qui unam scripturam profert, neque contrariam scripturam profert, quæ proferatur ab adversario, neque eius scripturæ auctoris probat testimonium: ut nihil sit hoc casu, quod alterutri parti opponatur, quo minus instrumento a se prolato recte utatur.

Ad L. In exercendis 15.

Imp. Constant. A. ad populum.

In exercendis litibus eandem vim obtinent tam fides instrumentorum, quam depositiones testium *Dat. Romæ XII. Kal. Aug. Gallicano & Basso Coss.*

S U M M A R I A.

1. Instrumenta rerum gestarum fidem faciunt.
2. Instrumentorum divisio in publica, privata, & media.
3. Instrumenta publica quæ?
4. Instrumenta publica quam fidem habeant?
5. Instrumenta publica privatis refelli non possunt, cum nec testibus infirmari possunt.
6. Instrumenta privata quæ sint?
7. Instrumenta privata in eo ut fidem faciant, interest an ab eo producantur a quo & scripta sunt.
8. Hæc quare nullam fidem faciant.
9. An vero ab illo profecta adversus quem proferuntur: horum authenticum fidem facit; non exemplum, nisi sit publica fide transcriptum.
10. Quo minus instrumentum privatum authenticum fidem faciat adversus consistentem tria impediunt: & quæ.
11. Forma scripturæ: qualis hæc in privatis instrumentis requiratur.
12. Forma confessionis privato instrumento comprehensa causam debendi desiderat: quæ hæc sit.

Tom. VII.

Mmm m 2

13. Ne.

13. *Negotium de quo confessio est in chi-
rographo, interdum consentientem
non tenet, & hoc quale sit.*
14. *Summa iuris de privati instrumenti
fide constituitur.*
15. *Instrumentum privatum si ab ad-
versario negetur, quomodo proba-
tur, & quot testibus; & an idem
semper testium numerus, an ma-
ior interdum requiratur.*
16. *Instrumentum privatum testibus aut
comparatione literarum, aut ad-
versarii confessione probatum an
refelli possit, & quomodo.*
17. *Instrumentum ut refelli possit, quot
testes requirantur?*
18. *Instrumentum, quo quis probat se
alio loco fuisse, quale esse oport-
teat.*
19. *Qui instrumentum a se scriptum fa-
tetur, sed tamen confessionem in
illo factam affirmat esse falsam,
an sit audiendus, & quibus de
causis.*
20. *Summa rerum.*
21. *Instrumenta media quæ sunt; & cur
ita dicta, & quomodo differant a
publicis monumentis seu actis &
n. 22.*
22. *Eadem non publica simpliciter appel-
lari, sed publice confecta.*
23. *Talium instrumentorum vis in eo est,
ut rite sint facta.*
24. *Ritus consistit aut in persona tabel-
lionis, & quomodo.*
25. *Aut in forma scripturæ; & quæ
hic præcipua forma requiratur
& n. 27.*
26. *In instrumento quot testes requiran-
tur?*
27. *Instrumentum an suspellum reddatur,
si testes interrogati dicant, se non
interfuisse.*
28. *Instrumentum an suspellum reddatur
ex eo, si testes dicant se interfuisse,
sed rem non ita gestam esse,
& quid si omnes mortui.*
29. *Instrumentorum publice confessorum
maior vim esse quam privato-
rum quatuor in rebus; & quæ
sint harum singule.*
30. *Instrumentum privatum ab alio scrip-
tum, non tenet eam, cuius man-
dato scriptum est, si literas no-
verit, & subscriptionem eius non
habeat. ibid.*
31. *Instrumentum tabellarii publice con-
fessum subscriptionem partium non
desiderat. ibid.*
32. *Quæ una in re instrumentum publice
confessum fidem adversus consen-
tientem non faciat.*
33. *Adversus quodcumque instrumentum
etiam publice confessum probatio
admittitur.*
34. *Instrumenta publice confecta refel-
lendi ratio duplex, & quæ.*
35. *Rerum summa & conclusio.*
36. *Eadem vis instrumentorum & testium
in faciendis fides, & contrariis oc-
curritur, & n. 37.*

PAUCIS verbis tria hic statuuntur: primum, quod pertinet ad fidem instrumentorum, nempe instrumentis fidem fieri. Nam testibus fidem fieri constat. *L. ult. supr. de probat. L. 1. & toto tit. supr. de testib.* Comparantur autem hic instrumenta cum testibus, ex quo intelligimus, hic dici, instrumentis similiter fidem fieri. Secundum est huiusmodi: instrumenta non solum fidem facere, sed etiam ad fidem faciendam eandem vim habere, atque testes. Tertium est: sic quoque testibus fidem fieri, ut eandem vim habeant cum instrumentis. Singula expendenda sunt. Prima hæc sententia est, prope summam huius tituli continens, & eius vis, quam in instrumentis quærimus. Instrumenta rei gestæ fidei faciunt. *L. supr. de testib. L. 4. D. de fid. instrument. L. 4. D. de pignor. L. cum precibus, & L. cum res supr. de probat.* Sed hæc sententia per omnia vera non est, & magna cautione indiget. Multa enim genera sunt

Instrumentorum, neque omnium vis est eadem.

Instrumenta ¶ quædam publica sunt, 2
quædam privata, quædam media. Publica ¶ sunt, quæ publica monumenta dicuntur 3
in *L. in donationib. infr. de donat. L. ult. infr. de re indic. L. census, D. de probat.* Ea sunt, quæ auctore magistratu, vel iudice per officarios facta sunt de rebus apud eum gestis, iisdemque ad iurisdictionem & officium eius pertinentibus, quæ sunt acta infinuacionum, id est, donationum & eorum negotiorum, quæ apud magistratus in actis infinuantur, *d. L. in donationibus infr. de donat. Sc.* Item acta iudicialia, *d. L. ult. infr. de re indic.* Item census, id est, scripturæ, quæ tiebant de censu civium, vel apud censes, vel postea apud magistrum census, ut apud Romanos bona singulorum civium censuebantur, *d. L. census, D. de probat.* Hæc ¶ instrumenta vim & fidem habent pu- 4
blicam, ita ut nec desiderent alios testes.
d. L.

d. L. in donationibus, inf. de donat. Sed & inconciliam firmitatem habent, id est, eiusmodi, quæ contrariis probationibus refelli non possit; intellige, privatis, aut non eandem auctoritatem habentibus. L. in hac, infr. de donat. L. ult. infr. de re indic. Idque est, quod dicitur in dicta L. census, D. de probat. Censuræ & monumenta publica potiora esse testibus. Huc eo pertinet, ut hic colligamus: † monumenta seu instrumenta publica instrumentis privatis refelli absurdum est, sed nec refelli possunt testibus, quia sunt testibus potiora, ut illic scriptum est; nullo igitur modo, aut testimonio privato refelli possunt.

6 Privata instrumenta † sunt, quæ Græcis dicuntur *αἰδέα*, quæ facta sunt a privatis, non a publicis personis, ut auctore magistratu, aut a Notario publico, de quibus in L. scripturas, infra qui pot. in pignor. hab. quales sunt rationes cuiusque, privatarum annotationes cuiusque, chirographa debitorum, creditorum apochæ, debitorum antapochæ. Hæc † vero non item fidem faciunt, sed genera diligentius hic sunt distinguenda. In primis refert, utrum privatum instrumentum scriptum sit, aut profectum ab eo, qui profert; an vero profectum ab eo, adversus quem profertur, puta vel ab eo scriptum, vel eius mandato, aut profectum ab iis, quorum iure utitur. Quod proficiscitur ab eo, qui instrumentum profert, id instrumentum domesticum est. Generaliter † domestici testimonii fides improbat. L. 2. supra, de testib. Quod non tantum ad testes pertinet, sed etiam ad instrumenta, ut ad rationes actoris, annotationes privatas, testamentum defuncti, quo heres utatur, & similia L. instrumenta L. rationes L. exemplo, sup. de prob. Sola sunt † igitur quæ adversarium tenent, ea quæ ab eo scripta aut profecta dicuntur. Sed ne hæc quidem valent omnia: interest, utrum sit authenticum instrumentum, quod vulgo vocatur Originale; an vero exemplum ex authentico transcriptum, aut annotatio authentici mentionem faciens. De exemplis generalis hæc sententia est: exempla fidem non facere, etiam si quis fateatur exemplum a se scriptum, mentionem facies eius, quod scriptor debeat, ut cautum est in authentico & originali. Semper ad authenticum recurri oportet, L. 2. Dig. eodem authentic. si quis in aliquo, supr. de edendo. Hoc tamen ita est, nisi exemplum publica auctoritate & fide transcriptum sit, ut fieret publicum. L. infr. de testam. Exemplo sunt, pri-

vata chirographa, quæ in inventario, quod per magistratum conficitur, auctoritate magistratus integra describuntur. Nam placuit, amissis chirographis, recte fidem debiti peti ex inventario. L. chirographum, D. de admi. tut. Sed est instrumentum † privatum authenticum sit, quod scriptum est ab eo, in quem profertur; tamen ne sic quidem omne fidem faciet, quanvis quis a se scriptum fateatur. Tria impediunt, quo minus instrumentum privatum scriptorem etiam coexistentem teneat; forma scripturarum, forma narrationis instrumenti comprehensæ, & negotium de quo agitur, & confessio est.

Forma † scripturæ in privatis instrumen- 11
tis hoc exigit, ut vel scriptum sit ab eo, adversus quem instrumentum profertur, vel si ab alio scriptum est, habeat eius, adversus quem profertur, subscriptionem: si ab eo scriptum est, supervacua est subscriptio, sed si ab alio scriptum est, saltem desiderat eius subscriptionem L. scripturas, infra, qui pot. in pignor. §. 1. Institution. de empt. & vendit. Hæc in eo dicimus, qui novit scribere: ab eo qui non novit, frustra scriptio, aut subscriptio exigitur: sed tamen ab eo exigitur, ut mandari suo nomine scribi, & si negetur, quoque testes in eam rem intervenire oportet, §. oportet vero, Novell. de instrument. caut. & fid. Subscriptionem cum exigimus, hoc intelligitur: si neque scriptum sit instrumentum ab eo, adversus quem profertur, neque ab eo subscriptum sive subsignatum, instrumentum nullam vim habere, proinde ne ei quidem adversus quem profertur, quanvis contenti, nocere. Contenti, loquamur suo mandato scriptum esse. Nam fieri potest, ut initio mandari scribi, sed postea revocaret mandatum. An autem ius mandatum perseveraverit, sola subscriptio eius declarabit. Si instrumentum privatum ab eo, in quem profertur, aut scriptum, aut subscriptum est, nihil amplius ad formam scripturæ instrumentum desiderat. Itaque valebit, quanvis is, qui scripsit, neque tempus adiecerit, neque locum, neque ullam subsignationem. L. cum tabernam, D. de pigno. Forma † confessionis instru- 12
mento privato comprehensæ exigit, ut qui se debere confitetur, adiciat causam, propter quam dicat se debere, veluti ex causa mutui, ex empto, pro socio, & similes; causa debendi non adiecta, confessio debiti est inutilis: veluti si in chirographo ita scripserim: fateor me L. Titio 10. debere, quæ illi solvam Calen. proxim. Hæc confessio me non tenet, quan-

quantis dies, locus, subscriptio, adiecta sit. Adde etiam oblationem. *L. cum de indebito, in fin. D. de probat. L. generaliter, infr. de non numer. pecunia.* Ratio hæc est, quia nemo potest debere iure civili, nisi ex aliqua causa, ex quibus obligationes nascantur. Titul. *de obligat. in Institution.* Proinde cum creditor sibi deberi dicit, nisi adiciat causam, propter quam debeat, nihil illi debetur ipsius professione: si causam adiciat, propter quam dicat sibi deberi, quia dicit, probare debet. *L. 2. D. de probat. L. actor, supr. de probation.* nisi probet, nihil agit. *L. qui accusare, supra, de edendo.* At hanc causam ex instrumento, quod profert, probare non potest, quia causa instrumento non est adscripta: proinde instrumentum ei ad intentionem probandam est inutile. Negotium, de quo agitur, et etiam facit interdictum, ut confessio chirographi, aut alterius instrumenti consistentem non teneat. Id accidit, cum in instrumento confitetur quis sibi pecuniam esse numeratam, utputa, debitor in chirographo profertur se accepisse 10. mutuo sibi numerata a L. Titio: vel creditor in apocha, id est in instrumento solutionis profertur, se accepisse 10. a Titio sibi ab eo soluta: hæc instrumenta atque hæc confessio pecuniæ numeratæ neque debitori neque creditori statim nocet: quoniam adversus confessionem pecuniæ numeratæ prodita est iure exceptio non numeratæ pecuniæ intra certa tempora, quæ exceptio facit, ut nisi is, qui dicit se pecuniam numerasse, probet se numerasse revera, nihil proficiat instrumento & confessione adversarii, *L. contrahibus & prope toto Titulo, infra de non numer. pecunia*, ubi dicitur. Ergo tunc instrumentum et privatam authenticum, eum adversus quem profertur, tenebit, si ab eo, aut eius mandato scriptum sit, & causa debendi adiecta: si forte fateatur se aliquid debere: & non agatur de pecunia numerata, sed de aliis debendi, aut satisfaciendi causis: agitur quidem de pecunia numerata, sed post id tempus, quo desit exceptio pecuniæ non numeratæ competere. Hæc inquam cum concurrent, instrumentum privatam tenebit eum, adversus quem profertur, non tamen simpliciter, sed hac lege, si fatebitur a se scriptum, aut suo mandato.

Quod si neget, nondum instrumentum privatam fidem faciet, sed prius adstruere oportet scripturæ fidem, id est, docere, scriptum esse ab eo, aut eius mandato. Et si enim dicatur, instrumenta fidem fa-

cere, *L. cum precibus, supr. de probat. L. scripturas, infr. qui por. in pign. hab.* hoc tamen ita est, si prius confiterit, esse instrumenta scripta ab iis, adversus quos profertur; ante enim instrumentum esse oportet: sic deinde de fide instrumenti queritur. Quid ergo, si adversarius negabit instrumentum a se scriptum, aut suo mandato. Id, ut dixi, ab eo, qui instrumentum profert, probandum est. Probandi ratio duplex, vel testibus, vel literarum comparatione, id est, literis aliis prolati, quas constat ab adversario scriptas esse. Ex quarum comparatione arguitur, eas, de quibus nunc agitur, esse illius, quia ex comparatione agnoscat eadem manus. Testibus hæc res probatur, alias paucioribus, alias pluribus, de quo est hæc distinctio constituta in *Novell. de instrument. cau. & fid.* Si summa, de qua agitur, non excedit libram auri, Iulianus constituit, in instrumentis de hac summa interpositis, servandum id esse, quod antea obtinebat. *§. oportet vero, vers. ubi autem, Novell. de instrument. cau.* Ex quibus verbis intelligimus, satis esse intervenire duos testes, qui dicant, se interfuisse, cum instrumentum ab eo, de quo queritur, scriberetur, vel eius mandato. Nam ante duo testes sufficiebant, ubi numerus testium non adieciatur. *L. ubi, D. de testib.* Idem iuris est, si summa, de qua agitur, excedat libram auri, sed res geratur in agris, ubi minor est testium copia. Nam & hic voluit servari, quod prius in usu erat. *Novell. de instrument. caut. & fid. §. ult. in princ.* Iam autem diximus antea ita fuisse, ut duo testes sufficerent, ubi numerus testium non adieciatur. Quod si res & libram auri excedat, & geretur negotium in urbe, constituit Iulianus, ut cum minimum tres testes idonei interveniant, dum instrumentum subscribitur, ut sit eorum usus, si is adversus quem instrumentum profertur, neget a se scriptum. Et ideo ait, semper propter periculum negotiationis unumquemque, qui instrumentum ab adversario accipit, si caute vult contrahere, adhibere debere tot testes. Eadem *Novell. de instrument. caut. §. si quis igitur, & §. sed etsi quis seg.* Hæc in eo, qui novit scribere, in eo autem, qui literas ignorat, exigit, ut quinque testes adhibeantur, in quibus unus sit tabellio, aut si tabellio non existat, adhibeatur unus ex quinque testibus, qui pro imperito literarum scribat. *eadem Novell. §. oportet vero.* Quod si nulli testes intervenireant, qui dicant instrumentum ab eo,

de

de quo queritur, scriptum esse: restat; ut evanescat fides scripturæ, nisi probetur comparatione litterarum ab eodem adversario scriptarum, de qua quid Iulianus constituit, dicitur ad *L. comparationes, infr. hoc tit.* Fide instrumenti adstructa ¶ testibus, aut comparatione litterarum, aut sine his confirmata adversarii confessione, privatum instrumentum adversus eum, in quem profertur, fidem facit, tam, quam si esset publicum, vel publice confectum a tabellione *L. scripturas, infr. qui pos. in pign.*

Sed hæcenus omne instrumentum privatum fidem facit, ut tamen refelli possit. *L. cum precib. supr. de probat.* Adversus instrumentum ad id refellendum duo dici possunt: vel falsum esse, id est, non esse scriptum ab eo, a quo scriptum dicitur, neque eius mandato: vel scriptum quidem ab eo esse, sed confessionem eius esse falsam. Qui instrumentum prius confirmatum negat a se aut suo mandato scriptum, nihil agit, nisi hæc concurrant: ut in eo instrumento adiectum fuerit, quo die scriptum fuerit, & quo loco; is autem contendat, se eo die alio loco fuisse: nisi inquam hoc intendat, nihil proficit, si simpliciter neget, quoniam negatio per rerum naturam probari non potest. *L. actor, sup. de probat.* Ex ideo, ut probet, non fuisse rem scriptam eo loco, & eo tempore, necesse est oblique dicat, se eo tempore fuisse in alio loco, ut exigitur in *L. optimam, infr. de contrab. & commiss. stip.* Hoc cum dicat adversarius, audietur, si modo probet. Se autem eodem die alio loco fuisse, probare potest, & testibus & instrumentis, ut scribitur in *dict. L. optimam.* Testibus, qui dicant se hunc, de quo queritur, vidisse eo ipso die in alio loco, nempe eo, quem nominat. Instrumentis, si in alio loco eodem die instrumenta conscripta sint a tabulario, in quibus dicebatur res gesta esse, cum hoc, de quo queritur, aut gesta esse illo præsentē & testificante. Sed queritur: ad hoc ¶ probandum, adversarium fuisse alio loco, quot testibus sit opus: utrum tot sufficiunt ad id probandum, quot actor produxit, ut probaret instrumentum scriptum esse ab adversario: puta, actor probavit tribus testibus instrumentum a reo scriptum fuisse, aut eius mandato; reus probat, se eodem die alio in loco fuisse & probat testibus, qui in loco alio enim viderint, an ad hanc rem probandam tres contra testes sufficiant, an vero pluribus testibus ad refellendum instrumentum esse opus? Vulgaris sententia est, pluribus re-

stibus opus esse ad instrumentum refellendum, quam quot instrumentum probatum est. Utuntur ratione ex hac *L. sumpta*: quia instrumentum saltem vim habeat unius testis aut duorum, quoniam instrumentum testibus comparatur, ita instrumento tribus testibus probato, instrumentum videtur vim habere quarti testis, & ideo ad id refellendum necessarij erunt non tantum quatuor, sed quinque. Utuntur etiam argumento sumpto ex *L. cum precibus, supr. de probat. & L. optimam, infr. de contrab. stipul.* ubi placet, in re dubia instrumenti fidem magis sequendam esse. Ex quo efficitur, nisi probatio contraria maior sit, instrumento esse standum. Ego puro, instrumentum tribus testibus confirmatum totidem testibus neque pluribus recte refelli, si dicant testes idonei, adversarium de quo queritur, alio in loco fuisse eodem die. Nam ubi utrinque tres testes idonei producantur, quidam pro instrumento, quidam adversus instrumentum, hæcenus par utriusque partis causa & probatio est. Regula iuris dicitur: in pari causa potior est debere reum, unde petitur, & contra actorem pronuntiandum esse. *L. in pari. L. favorabiliores, D. de regul. iur.* In hac autem controversia, is qui instrumentum profert, actor est, siue sit creditor qui profert chirographum, siue debitor qui profert apocham creditoris. Nam in exceptione reus actor est. Non obstat, quod dicitur instrumentum vim habere unius testis, aut etiam duorum testium. Hoc enim dicitur de instrumento, de cuius fide constat. At ubi negatur, verum esse instrumentum, tota eius fides est in testibus, non autem in instrumento solo. §. *si quis igitur, & §. seq. Novell. de fide instrument.* Et. Multo minus obstat, quod dicitur, in re dubia instrumentum standum esse. Nam hoc sic intelligendum est, ubi adversus instrumentum nihil probatur, cæterum ubi probatur, & anceps utrinque probatio est, hic sequi oportet regulam iuris, de qua supra diximus. De instrumentis, ¶ quibus quis probet se alio loco fuisse, queri non debet, qualia esse oporteam? Certum est enim publice confecta esse debere, ut illis constet publica quodammodo auctoritas. Nam si reus proferat (nam aliquam scripturam alio loco scriptam: scriptura fidem non faciet, quia domestica est; si ab alio scripta est, multo minus fidem faciet, cum sit scriptura unius testis, unius autem testis nulla sit fides. *L. iurifurandi, de testib. supr.* Restat igitur, ut instrumentum alio in loco publi-

ee confectum adsit, ut fides ei instrumentum constet, eum, de quo quæritur, eo in loco fuisse, de quo instrumentum testatur.

Potest & privatum instrumentum refellere, etsi si quis fateatur a se scriptum, si confessionem suam falsam esse dicat. Quæret aliquis, an sit quisquam audiendus qui confessioni suæ refragetur, præsertim cum diserte negetur, quenquam in hac re audiendum esse, in *L. generaliter, inf. de non num. pec.* Respond. Multis modis accidere potest, ut sit audiendus is, qui in chirographo, aut cautione qualibet confessus est, se ex certa aliqua causa quid debere, si dicat id indebitum fuisse. Primum fieri potest, ut vi coactus indebitum promiserit. Præterea fieri potest, ut nominatim aliud actum sit inter contrahentes, & tamen placuerit, ut aliud simuletur in scriptura, id est, aliud scriberetur, quam actum est. Fieri etiam potest, ut quis putans se debere, errore indebitum promiserit. Qui metu coactus promisit, exceptionem habet quod metus causa. *S. 1. Inst. de excep. L. metum autem, S. sed quod prætor ait, D. quod met. causam.* Si aliud scriptum sit, quam actum est, locum habet rit. seq. *instr. plus valere quod agitur, &c.* Qui autem indebitum per errorem promittit, is ut indebiti conditionem habet, ita adversus petitionem ex chirographo constitutam multo magis exceptione doli tutus est. *L. 3. sup. de cond. indeb.* Sed harum rerum probatio observanda, quoniam est dissimilis. Metus recte probatur testibus, qui interfuerunt, cum quis cogeretur, ut promitteret. Conventio quoque qua aliud actum est, recte probatur testibus qui ei conventioni interfuerint. At indebitum solum placet non posse probari ab eo, qui se debere scripto cavit, nisi instrumentis. *L. cum de indebito, in fi. D. de prob. d. L. generaliter, inf. de non num. pec.* Sed cur non item testibus, præsertim cum hic locus aperte videatur refragari, in quo placet ad res probandas eandem vim esse testium, aut etiam maiorem, quam instrumentorum? Resp. Id accidit ex eo, quod natura rei nullos admittit testes. Nam cum quis fateatur in chirographo, se debere Titio creditori 100. ex causa mutui, possunt interesse testes, qui dicunt, se id audivisse. At qui dicant, quo animo promisor id caverit, & an sciverit se debere, an non, nulli sunt testes, qui possint divinare, aut etiam certo asseruere. Sed res hæc probari potest instrumentis. Finge hoc modo:

heres existimans testamento 100. legata esse, cum essent tamen legata 50. promisit legatariis ex edicto, se iis 100. ex testamento legata præstaturum. Recte dicet postea se 100. indebita promississe, & probabit, instrumento testamenti prolato. Idem est, si vere testamento 100. legata essent, quæ postea adempta essent codicillis, quos codicillos heres ignorasset. Iis prolatis docebit indebitum esse, quod cavet.

Hæc vis est privatorum instrumentorum. Summa autem hæc est: Non omnia instrumenta privata fidem faciunt, etiamsi constet ab eo scripta esse, adversus quem proferuntur. Quæ autem eiusmodi sunt, ut fidem admittant, hæc non admittuntur, nisi hac conditione, si aut is, adversus quem proferuntur, fateatur a se scripta, vel suo mandato; aut negans convincatur scripsisse, vel testibus, vel comparatione literarum, ubi comparationi locus est: de qua re dixi notarios *ad L. comparationes, inf.* Sed etsi instrumenta confirmata erunt; tamen hæcenus fidem faciunt, ut refelli possint. Refellendi ratio duplex, vel ut quis dicat, falsa esse, id est, rem falso dici ita gestam, uti scripta est; vel ut de scripturæ fide confusus dicat suam ipsius confessionem falsam esse. Ex quibus intelligimus, quanta sit instrumentorum fides, de qua superiori sententia comprehensum est.

Media instrumenta sunt, quæ si publice confecta sunt per tabellarios. Huiusmodi quædam esse instrumenta, quæ differant a privatis, declaratur in *L. scripturas, inf. qui pos. in pign. hab.* Hæc media voco, non quod hoc verbum sortasse in libris nostris occurrat, sed quod re talia sunt hæc instrumenta: ut mediam & interiectam vim habeant inter privata & publica, de quibus diximus. Quod si verum est, dubitari non debet, quin recte media sint. Publice confecta per tabellarios, maiorem vim interdum habere quam privata, constat ex *d. L. scripturas.* sed non hæc sunt publica, qualia publica diximus antea: differunt instrumenta a tabellariis confecta a publicis si duabus manifestis rebus, ex quibus appareat, omnino publica non esse monumenta. I. Publica monumenta, seu acta privatorum testium præsentiam non desiderant. *L. in donationibus, inf. de don.* Publice confecta per tabellarios ita desiderant, ut sine his nulla sint. *S. sed etsi, instr. Nov. de instr. cau. & fid.* Deinde publica ita vim publicam habent, ut neque privatis instrumentis, neque aliis testibus

stibus privatis refelli possint. *L. census, D. de prob.* Unde dicuntur habere inconcunctam firmitatem, & perpetuam. *L. in hac, ius. de donat. L. ult. infr. de re ind.* At quæ confecta sunt per tabularios, ut testibus confirmari possunt, ita refelli possunt contrariis, ut postea de vi dicitur. Non sunt igitur hæc instrumenta publica, aut monumenta, ut publica supra definivimus. Unde notandum est, † hæc in *d. L. scripturas*. non dici pleno ore publica, sed publice confecta, ut sit: confecta per publicas personas, & confecta publice in foro. Inde etiam a Iustiniano in *d. Nov. de instrument. can. §. sed etsi instrum.* hæc instrumenta non dicuntur *publica*, id est, publica sed *publica*, id est, forensia, seu in foro publice facta, ubi fortasse publicis tabulariis locus erat, ut esset parata opera iis, qui tabulas publicas desiderarent.

- 24 Horum instrumentorum vis hæc est: † ut hæc instrumenta valeant, concurrere hæc oportet, ut rite facta sint; deinde, ut si negentur, hi, qui interfuerunt instrumentum, testimonium præbeant, si eorum sit copia. Ritus † instrumentorum publice confectorum per tabularios positus est in persona scriptoris, in forma instrumenti, & in præsentia tellium. Personam scriptoris oportet esse publicam, id est, eam, quæ operam præbet instrumentis scribendis, in eoque publico officio fungatur, quæ personæ in usu iuris a tabulis, quas consuevit, dicuntur tabularii, Titulo de *tabul. Lib. 10. infr.* A tabellis dicuntur tabellarii in *L. scripturas, infr. qui pot. in pig.* Item tabelliones. *L. contractus, infr. b. t.* Per hos instrumentum scribi oportet, ut sit id, quod publice confectum dicimus, ut declarat *d. L. scripturas*. Sane per ministrum tabularii instrumentum recte scribi potest, ut significatur in Novell. de *instr. can. & fi. §. in his vero*. Sed hoc sic accipiendum est, dummodo id instrumentum approbationem tabularii habeat, quam manu sua & subscriptione sua declarat; semper enim tabularios instrumentum exigimus, id est, eas personas, quæ publico munere in ea re fungantur. Forma instrumenti † huius generis desiderat formam narrationis eandem, quam requirimus in privatis: nempe ut si quis scietur se debere, fateatur expressa causa, ex qua debeat *L. cum de indebito, in fin. D. de probation.* Nam si id exigimus in privatis instrumentis, ubi magis breviter omnia aguntur; multo magis in instrumentis publice confectis adhibendum est, ubi maior cautio a ta-

Tom. VII.

bulario perito exigitur. Adde, quod causa debendi prætermittenda non magis ex hoc instrumento probari potest, quam privato. Causam autem debendi a creditore probari oportere diximus. Desiderat præterea huius instrumenti forma peculiarem quandam formam scripturæ, quæ in privatis instrumentis non attenditur. Consistit autem † hæc forma iis rebus; tempore, quo res gesta & scripta est; loco, ubi scriptum est instrumentum; & tellium præsentium nominibus. Tempus, quo res gesta est, designandum est ea forma, quæ cautum est in Novella, ut *præponatur nomen Imperatoris*. (Illic cavetur, ut annus dicatur, anni mensis, mensis dies.) De loco nusquam occurrit, ubi iis diserte exigatur, sed ex *L. optimam, infr. de contrab. empt.* satis colligitur, hunc non minus instrumentum adici debere, quam tempus, quo res gesta est. Illic enim declaratur, reo, adversus quem profertur instrumentum, semper salvam esse debere potestatem dicendi, se eodem die alio loco fuisse. At loco omisso, nulla eiusmodi refutandi instrumenti potestas datur. Non enim potest dicere reus se eo tempore ibi non fuisse, nisi adiciat, se eo tempore fuisse alio loco. Præter hæc in instrumentum comprehendendi debent, qui testes interfuerint, & eorum nomina. Idque est, quod Iustinianus iubet, ut instrumenta hæc accipiant præsentiam tellium. *d. §. sed etsi, Novell. de instr. can.* Ut accipiant, id est, ut in le inclusum accipiant, quod sit eorum expressis nominibus. Quidam putant, iis instrumentis etiam præponi debere hæc vetha: *In nomine domini, Amen*. Ex qua etiam sententia consuetudo publica inolevit, ut tabularii hæc verba initio apponerent solent, quæ si adiciuntur, recte fit: sed si prætermittuntur, ad substantiam rei gestæ non pertinent. Nam invocatio nominis Dei ad res omnes ex æquo pertinet, & parvas & magnas: sed substantiam rei gestæ non mutat aperia huius invocationis omissione. Nos autem in his instrumentis formam exigimus, quæ caveatur paribus, ut cum opus erit, veritas deprehendi, aut salitas possit.

His tellis accedere oportet: non loquor de tellium nominibus exprimentis, quæ expressio ad formam scripturæ pertinet, sed loquor de numero tellium, qui intervenire debent. Requirit autem constitutio † Iustin. tres testes *d. §. sed etsi instrum.* Hic ritus est, quem observari oportet in his instrumentis conficiendis: ex quo intelligimus, si quid horum desit, instrumentum pro publice confecto habendum

Nann

dum

dum non esse, quia vitiose factum sit, *argum. in L. quoties, D. qui satisd. cogun.* Non est satis hic ritus ad vim instrumenti, si quis neget verum esse instrumentum. Hic iubet Iustinianus requiri tabularium; requiri præterea testes, si vivant, & sit eorum copia in eo loco, ubi res agitur. *d. §. sed est instrum. §. si vero moriantur. §. seq. d. Novell. de instrum. cau. & fide.* Si requisiti adsunt, consulatur tabularius, an scripserit, consulatur testes an interfuerint: si & tabularius se scripsisse dicet, & testes dicent se interfuisse, tum certo constat instrumenti fides.

- Sed quid si ut omnes testes, aut aliqui interrogati dicant, se non interfuisse, an
 19 † instrumentum suspectum redditur, & an iis fides habenda sit? De quo magna questio. Non videtur iis de sua absentia dicentibus fides habenda esse. Certi iuris est, unus testis testimonio fidem habendam non esse. *L. iurifurandi sup. de testib.* At etiam si omnes testes, quorum nomina instrumentum comprehensa sunt, dicant se non interfuisse; tamen singuli in suo dicto sunt unus, seu singuli in suo dicto sunt singulares. Nam unus dicit, se non interfuisse, ceteri de eius absentia nihil dicunt. Denique singuli de sua tantum absentia affirmant, de aliena nihil affirmant. Hinc recte constitutum in *Cap. cum dilectus, extr. de elect.* quoties plures testes huiusmodi incident, qui in suis affirmationibus sunt singulares, nullo modo eos fidem facere. Quod recte sumptum est ex *d. L. iurifur. sup. de testib.* Distinguendum est: si testes sunt ex numero necessariorum, non tantum si omnes dixerint se non interfuisse, sed etiam si unus tantum de se dixerit, instrumentum sit suspectum: ut puta, tres testes cum minimum adhiberi iubentur, ut supra dixi: si vel unus ex his tribus interrogatus dixerit se non interfuisse, quanvis ceteri dicant se interfuisse; tamen vacillat fides instrumenti, & pro suspecto habetur. *L. 1. §. ult. D. quemadmodum test. aper.* ubi de uno teste testamentario subscriptionem suam & annotationem non agnoscente, placet tabulas testamenti fieri suspectas. Quod de testamento dicitur, ad omnia alia scripta pertinet, ubi testes sunt necessarii. Non obstat, quod unus testis testimonium fidem non facit. Non enim dicimus, in hac specie instrumentum fieri suspectum, propterea quod testis testimonium dicit; sed propterea, quod testimonium non dicit, seu quia testimonium presentie suae non praeberet. Nam huius presentie detracta, soli relinquuntur duo

testes, qui ad instrumentum publicae confectum non sufficiunt. Adde & hanc rationem, quod testes adhibentur ad instrumentum publicae confectum, ut instrumenti compleatur fides. *d. Novell. de instrum. cau. §. sed. est instrum.* At & fides non completur, ubi testis vel unus negat se interfuisse: proinde ut re necessaria deficiente, instrumentum suspectum habetur. Quod si ii testes, qui dicunt se non interfuisse, sint extra numerum necessariorum testium, quicumque ii sint, nihilominus fides instrumenti constabit, si necessarii testes dicant se interfuisse, & sint viri idonei. Exempli gratia: interveniunt in instrumento §. testes, quia ita contrahentibus visum est, tot adhibere ad maiorem cautionem. Dicimus: si ex his tres idonei dicant se interfuisse, instrumentum valere, quanvis reliqui quinque se abstulisse dicant. Non obstat, quod maior est numerus quinque testium, quam trium, & quod pluribus & dignioribus credendum est. *L. iurifur. sup. de testib. L. ob carmen, §. ult. D. de testib.* Nam hoc ita est, si plures testes idem dicant, ut sint unus rei testes plures. At in proposito, cum quinque dicunt singuli, se non interfuisse, revera singuli in suo dicto sunt unus; singuli enim de sua ipsorum absentia affirmant, de aliena absentia nihil affirmant. Iam autem diximus, testibus in sua affirmatione singularibus non magis fidem habendam esse, quam si unus tantum esset testis, ut bene scriptum est in *d. C. cum dilectus, extr. de elect.* sumptum ex *d. L. iurifur. sup. de testib.* Non enim verum est, quod Bartolus hic ait, scribit enim: cum plures testes dicunt, se non interfuisse, eos in sua affirmatione non esse singulares, sed in unam & eandem rem omnes consentire; quia omnes falsum instrumentum esse dicant: tamen in causa falsitatis dissentiant, cum reddant hanc rationem: falsum esse instrumentum, quia singuli abstulerunt. Hoc, inquam, falsum est. Nam ii testes non simpliciter dicunt instrumentum esse falsum, sed dicunt esse falsum in ea parte, quod scriptum sit, eos adfuisse. In quo loco singuli de sua tantum absentia respondent, non de aliena. Ut igitur, si equus diceretur esse coecus, & claudus, & prodicerentur duo testes, quorum unus diceret fuisse coecum, alter diceret fuisse claudum: non diceremus istos testes in eandem rem consentire, tamen utroque vitio equus sit vitiosus, quoniam singuli de diversis partibus aut speciebus viti respondent: sic in instrumento non consentiunt.

tuunt testes in eandem rem, qui de diversis absentis singuli respondent, tametsi ex unaquaque absentia dici possit, instrumentum esse falsum, si modo absentia recte probaretur.

90 Quid si testes § confessi sint se interfuisse, ut scriptum est, sed rem non ita gestam esse, ut instrumentum scriptum? Respondetur. Si dicant rem non ita gestam & adiciunt, quomodo gesta sit, fidem adversus instrumentum faciunt, quia omnes in eandem rem consentiunt, quam dicunt esse gestam: & ex eo, quod rem gestam narrant, declarant se bene meminisse, quomodo gesta sit. Sed si dicant, rem ita gestam non esse: ceterum, quomodo gesta sit, dicunt, se non meminisse, neutra in parte fidem faciunt, quia credibile est, eos multo minus meminisse rem ita non esse gestam, quia non meminissent, quomodo gesta sit. Adde, quod cum dicant, rem non ita gestam, negant: huius negationis per rerum naturam nulla probatio est idonea; quia nulla est certa affirmatio. Fieri enim potuit, ut praesentes non attenderent; fieri potuit, ut non meminissent: fieri etiam potuit, ut alii aliquid meminissent: proinde utraque de causis illis fides adversus instrumentum non habebitur. Quod si omnes & tabularius, & testes scripturae testimonium praebuerint; tum instrumenti constabit fides. Quid si omnes mortui sint, placet idem iuris esse, & instrumentum standum. Idem iuris est, si vivant aut omnes, aut aliqui, & eorum non sit copia: quia longe absint, vel ignoretur vitium, vel venire non possint, ut colligitur ex §. *si moriantur omnes*, & §. *in iis vero*, Novell. de instrum. caut. & fide.

31 Haec inquam, cum intervenerint, instrumentum publice confecto statim, etiam si adversarius neget rem ita gestam esse, & falsum dicat. *L. cum precibus, supra, de probat.* Quo loco de vi publice confectorum instrumentorum monendi sumus § quatuor in rebus horum maiorem vim esse, quam privatorum. Primo, privata instrumenta fidem non faciunt, nisi is, adversus quem proferuntur, fateatur a se scripta, aut suo mandato, ut *sup. dixi*. Instrumenti publice confecti haec auctoritas est, ut quamdiu nihil contra probetur, fides ei habetur, quantumvis is, adversus quem profertur, neget suo mandato scriptum, ut colligitur ex *d. L. cum precibus, supra, de probationib.* ubi adversarius negabat sua voluntate in instrumentum scriptum esse, quod scriptum erat, idque de privato instrumento intelligi non

Tom. VII.

potest. Secundo, si instrumentum privatum ab alio scriptum sit, non tenet eum, cuius mandato scriptum est, si modo literas noverit, & subscriptionem eius non habeat. *L. scripturas, infr. qui pos. in pign.* Instrumentum tabularii publice confectum subscriptionem partium non desiderat, nusquam enim haec desideratur in *Novell. Const. de instrum. cautela*, & non esse necessarium intelligitur ex *L. contractus seq.* Tertio Maior vis instrumenti publice confecti, quam privati in hac specie pignoris. Nam si uni creditori eadem res pignori obligata sit privato chirographo, & eadem alii creditori postea obligata, instrumentum publice confecto: posteriori creditori in pignore potior habetur, quamvis de utriusque instrumenti fide non dubitetur. Species est *d. L. scripturas, infra, qui pos. in pign.* Quarto, est scilicet maior vis instrumenti publice confecti. Nam si mulier pro alio intercedat, quia dicat se ab eo pecuniam eo nomine accepisse; siquidem haec dicat instrumentum publice confecto, fides affirmationi eius habetur, & intercessio valet: si privato instrumento, instrumentum ei non nocet. *L. antiquae, infra, ad Senatuseonsult. Velleian.* In una hac re instrumentum § publice confectum fidem adversus confidentem non facit, si quis confessus sit, se pecuniam accepisse: ut adversus hanc confessionem competit exceptio non numeratae pecuniae, si quis vel privato instrumento, vel sine scripto confessus sit se accepisse. *L. in contrahibus, infr. de non num. pecun.* Sic, etiam confessus erit idem instrumentum publice confecto; ut in dote exemplum est, quam maritus instrumentis dotibus sibi numeratam esse confessus est. *L. 1. L. ult. inf. de dot. caut. non num.* Et merito hic eadem exceptio est, quae in confessione privatis instrumentis comprehensa est, quia exceptio comparata est, non adversus fidem & auctoritatem scripturae, sed adversus confessionem pecuniae numeratae: proinde ubicunque haec confessio constabit, locum habebit eadem exceptio.

Cum instrumento publice confecto standum esse dicimus, ubi supra scripta interveniunt, haecenus standum esse dicimus, si contra nihil probetur. Ceterum & adversus § haec probatio admittitur. 33 Haec sententia probatur in *L. cum precibus, supra, de probat.* ubi haec probatio adversus instrumentum admittitur. Et ex praecedentibus eius rescipi verbis satis liquet de instrumento agi, quod a tabulario confectum sit, non autem a privato

Nnnn 2

adver-

adversario: cum illic dicatur, actorem ignorante, aut invito adversario, quædam instrumentum inferi curasse. Sed ut id aperte non exprimitur; tamen ex eo efficitur, quia rescriptum non distinguit, quale instrumentum sit, de quo illic agitur; proinde nihil intereat ad sententiam rescripti, sitne privatum, an publice confectum, argum. in *L. metum autem §. animadvert.* *D. quod met. causa. L. item veniunt. §. petitam, vers. a quo, D. de petit. L. hered. de pretio, D. de Publ.* Eadem probatio adversus Instrumentum admittitur in *L. optimam, infr. de contrab. stip.* & generaliter admittitur; nec distinguitur adversus quale instrumentum; proinde nec a nobis distingui oportet, ut iam dixi. Efficitur eadem sententia certa ex regula iuris: non debet actori licere, quod reo non permittitur. *L. non debet actori, D. de regul. iuris.* At actori licet ad instrumentum confirmandum uti testibus: & vero ita licet, ut si fides instrumenti in dubium revocatur, non possit confirmari, nisi testium præsentia. *§. sed et si instrument. Novell. de instru. cant.* Quare & reo permittendum est, testibus uti ad instrumentum refellendum & se defendendum. Non obstant illi loci, in quibus scriptum est, publicorum monumentorum fidem inconculsam esse, ut & fides publica est. *L. ult. infr. de re iud. L. in hac, infr. de donat.* Initio enim huius generis ostendi, instrumenta per tabularios confecta, non esse ex genere eorum monumentorum & actorum, quæ dicuntur publica.

Hoc constituto, etiam instrumenta publice confecta refelli posse; de ratione
34 refellendi cognoscendum est. Hæc tamen eadem est, quæ in privatis instrumentis, nempe duplex: vel ut quis dicat rem ita gestam non esse, & falsum esse instrumentum; vel ut verum esse confessus, dicat suam ipsius confessionem esse falsam. In quibus probandis eadem ratio est, quam in privatis instrumentis diximus. Itaque quæ hoc pertinent, illinc assumi possunt.

35 Ex his intelligimus, tamen quam vera sit ea sententia, quam posuimus initio, instrumentis fidem fieri. Res autem continetur his locis, ut intelligamus, quæ instrumenta fidem faciant. Secundo loco, cum sunt eiusmodi ut natura sua fidem facere possint, qua conditione fidem fa-

ciant. Tertio & postremo, cum fidem faciunt, quatenus faciant, id est, an ita faciant, ut tamen refelli possint? & quomodo possint?

Secundum dicimus hac lege statui: non enim tantum dicitur, instrumentis fidem fieri, sed adicitur, tamen in fide faciendâ eandem vim esse instrumentorum, quæ est & testium. Quid igitur, si instrumenta & testes inter se colligent, aut cum instrumentum ab actore prolatum unum dicit, testes a reo producti contrarium dicunt? Respondetur. Quid hic sequendum sit, supra diximus in refellendis privatis instrumentis. Sed videtur huic tamen sententiæ adversari exemplum. *L. ob carmen, §. ult. D. de testib.* Nam si idem plures testes producit, qui diversa dicant; tamen nihilominus creditur testibus dignioribus, & qui probabiliora dicere vili sunt. At cum idem producit duo instrumenta diversa, quæ pugnantia continent, neuri creditur. Ex quo etiam videtur, maiorem vim in hac re esse testium, quam instrumentorum? Respondetur. Non recte colligitur, neque species huic loco adversatur: cum enim dicimus, instrumentorum eandem vim esse, quæ & testium, intelligimus, instrumentorum idoneorum, & quorum fides non est suspecta. Nam & cum dicimus, testibus credi, intelligimus testibus idoneis. *L. ult. supr. de probation.* Sic & cum dicimus, credi instrumenti, idonea intelligimus. At cum idem profert instrumenta contraria, utrumque falsum habetur propter producentis professionem, proinde neutri creditur, & exemplum ad hunc locum nihil pertinet, ubi dicimus instrumentorum idoneorum eandem vim esse, quæ est idoneorum testium.

Postremo hic statuitur, non minorem vim esse testium, quam est instrumentorum. Hoc rursum falsum videtur in eo, qui dicit, se indebitum promississe. Nam hoc qui dicit, probare potest instrumentis, non potest autem probare testibus. *L. cum de indebito, in fin. D. de prob.* Respond. Non est hoc contrarium; non enim dicimus hanc speciem non posse probari testibus, quia in hac specie testibus productis fides non habeatur; sed quia in hac specie natura rei testes nulli sunt, neque esse possunt. Quod si essent, sine dubio æque fidem facerent, atque instrumenta.

Ad L. Contractus 17.

Imp. Iustinianus A. Mennæ P. F. P.

Contractus venditionum, vel permutationum, vel donationum, quas insimari non est necessarium: dationis etiam arrarum, vel alterius cuiuscunque causse, [quas tamen] in scriptis fieri placuit: transactionum etiam, quas in instrumento recipi convenit: non aliter vires habere sancimus, nisi instrumenta in mundum recepta, subscriptionibusque partium confirmata, & si per tabellionem conscribantur, etiam ab ipso completa, & postremo a partibus absoluta sint: ut nulli liceat prius quam hæc ita præcesserint, vel a scheda conscripta (licet literas unius partis, vel ambarum habeat) vel ab ipso mundo, quod necdum est impletum vel absolutum, aliquod ius sibi ex eodem contractu vel transactione vindicare; adeo ut nec illud in huiusmodi venditionibus liceat dicere, quod pretio statuto necessitas venditori imponatur vel contractum venditionis perficere, vel id quod emptoris interest, ei persolvere. Quæ tam in postea conscientis instrumentis, quam in his, quæ iam scripta, nondum autem absoluta sunt, locum habere præcipimus: nisi iam super his transactionum sit vel iudicatum, quæ retractari non possunt: exceptis emptionalibus tantum instrumentis iam vel in scheda vel in mundo conscriptis, ad quæ præsentem sanctionem non extendimus, sed prisca iura in his tenere concedimus. Illud etiam adicientes, ut in posterum si quæ arræ super faciendâ emptione cuiuscunque rei date sint, sive in scriptis, sive sine scriptis: licet non sit specialiter adiectum quid super iisdem arris non procedente contractu fieri oporteat; tamen & qui vendere pollicitus est, venditionem recusans in duplum eas reddere cogatur; & qui emere patrus est, ab emptione recedens, datis a se arris cadat, repetitione earum deneganda. Dat. Kal. lun. D. N. Iustiniano A. II. Coss.

S U M M A R I A.

1. Rerum quæ in I. huius constitution. Capite tractantur, summa & partitio.
2. Scriptura in quibus contractibus desideretur ex conventionione. Singuli enumerantur & quare in his scripturæ conventio sit interponenda, obiter explicatur ibid. Insinuare alius quid? Intimare idem, quod insinuare.
3. Gestum inter aliquos sine scripto non valet, si convenerit, ut contractus scripto fieret.
4. Conventionem banc esse de futuro, non de præterito, & quare.
5. Conventionis eius effectus duplex: prior talis ut nihil actum intel-
- ligatur, nisi quatuor concurrant, & quæ illa.
6. Singulorum explicatio & numer. 7. & 8.
9. Alter priori consequens in eo est ut & penitentia locus sit, ius nondum gestis quæ desiderantur in priore.
10. Superior constitutio, ad præteritos sed tamen adhuc pendentes contractus pertinet. Triplex huius capitis exceptio, & qualis unaquæque & n. 11.
11. Secundum hoc constituit. Caput inutile post Iustinianum, & quare.
12. I. Constitutio. Caput hoc 3. Capite temperatur, & qua in re.
14. Pæ-

14. *Pena discedere volentis ab emptio-
ne in qua arra date sunt, sed
per scripturam emptio nonnullum
perfecta, amissio arrarum in
emptore: in venditore duplicata arra
restituitur.*
15. *Emptor quam actionem habeat ad-
versus venditorem, ut duplicatas
arras reddat.*
16. *De arrarum amissione idem iuris es-
se in emptio scripto celebrata,
ac sine scripto.*
17. *Emptor si contracta emptio sine
scriptis ab emptione velis discere
arris relictis, quas vendi-*

- tori dedit, an & invito adver-
sario sit audiendus, & e contra?*
18. *Momenta affirmantis sententia pro-
ponuntur.*
19. *Negans sententia defenditur & pro-
pugnatur, ut huic consuetudini
magis conformis.*
20. *Contrariis occurritur.*
21. *Emptor si venditore venditionem re-
censante duplicatas arras ab eo ac-
ceperit, an nihilominus possit ab
eo petere, ut rem tradat, ant
ni tradat, petere, quod sua in-
terest.*

¶ **H**ulus legis tria sunt capita. Primo ꝑ capite ita cavetur. Omnis contractus, omnique transactio sine scripto, & instrumentis teste sit, sed hac lege, nisi placuerit inter eos, inter quos res geritur, ut scripto fieret. Hac conventionem interposita, nihil agitur, nisi & res scripto comprehensa sit, & in mundum redacta, & mundum partibus approbatum, & approbatio declarata, vel scripto partibus, vel subscriptione. Hæc constitutio tribus partibus continetur. In ea enim spectandum est: quibus in rebus exigatur scriptura, sive instrumentum. Deinde, qua conditione: postremo, quis sit huius conditionis effectus. Desiderat ꝑ instrumentum contractus emptio. Emptio solo consensu perficitur, unde & solo consensu contractus esse incipit. *Inst. de empt. & vend. in pr. L. ex hoc iure, D. de iust. & iur.* Contractus permutationum. Permutatio tunc contractus esse incipit, cum non convenit tantum, ut ego tibi darem, tu mihi vicissim aliud dares: sed cum re ipsa dedi tibi aliquid, ea lege, ut mihi aliquid dares. *L. ex placito, infr. de rer. permut.* Contractus donationum. Donatio ex lege Iustiniani contractus esse coepit. Ex quo constituit, ut quisquis dixit se donare solo pacto, is donationis causa obligetur. *L. si quis argentum, §. sui vero, infr. de donat.* Addit constitutio, donationum, quas intimari non esse necessarium, hoc ideo additum est, quia quedam donationes actis insinuandæ sunt. *L. sancimus, infr. de don.* Hæ donationes ad hanc legem non pertinent, quia hæ instrumenta desiderant, sed non propter conventionem. Nam etsi non convenerit, ut instrumentis comprehenderentur, in actis insinuandæ sunt. Proinde ad hanc constitutionem solæ pertinent donationes, quæ insinuationem non desiderant. Hæ sine alia conventionem recte sunt

sine instrumentis. *L. non idcirco, supr.* Sed si placeret, ut scripto fierent, quavis alias non sit necesse eas insinuari; tamen sine instrumentis non valebunt; bene igitur hic additur negatio, male detrahitur in quibusdam exemplaribus. Insinuare actis a posterioribus, Imp. dictum est: pro in sinum actorum recipere, seu, in acta referre, pro quo Iustinianus vel Tribonianus hoc loco dixit parum latino vocabulo *intimare*, significare volens in intimum sinum actorum recipere. Contractus item donationis arrarum, ubi arræ sponsalitiæ intelliguntur, de quibus in *L. 3. & tot. tit. inf. de spons. & ar. ris.* Legendum autem donationis, non donationes non tantum ut conveniat cum casibus præcedentibus, sed multo magis propter inferiora verba, *vel cuiuscunque alterius cause.* Non enim recte dicimus, cuiuscunque causæ donationis pro donationes cuiuscunque rei, quæ datur, sed recte dicimus, contractus cuiuscunque causæ pro cuiuscunque negotii. Est autem datio arrarum contractus innominatus. Nam qui dat arras sponsalitiæ, is dat ob causam, id est, ea lege & pacto, ut sponsalibus non secutis reddantur. Igitur dat, ut dicitur, pertinetque ad illa genera 4. de quibus in *L. naturalis, §. 1. & deinceps, D. de præst. verbis.* In eodem numero sunt transactiones, sic enim hic recte legitur, non transactionis. Non enim recte dixerimus contractus transactionis, vel transactionum, nisi admodum improprie, quoniam transactione non contrahitur, sed detrahitur negotium, unde transigere negotium opponitur ei, quod dicimus, contrahere negotium, in *L. 1. §. 1. D. de pact.*

Summa est: ꝑ quidquid est, quod inter aliquos geritur, sine scripto non valet, si interverit ea conventio de qua supra diximus. Conventio hæc est: si pla-

placuerit, ut contractus, vel transactio scripto fieret. His verbis nihil aliud significatur, quam si conuenierit, ut negotium futurum scripto reciperetur, vel comprehenderetur. Quibus verbis Iustinianus paulo post in *pr. b. l.* utitur. Ex quo intelligimus, non esse necesse, ut nominatim conueniat inter contrahentes, ne contractus aliter ratus sit, quam si scriptum interuenerit: satis est simpliciter conuenisse, ut scriptum interponeretur. Nam hoc idem valet, ut mox dicetur. Et Iustinianum hoc sensisse apparet illis verbis subiectis, quæ ostendimus. In hac conuentione † exigitur, ut fiat de contractu futuro, non autem iam perfecto. Verba enim sunt hæc: si placuerit, ut scripto fiat, vel fieret: nempe in futurum, ut fiat, quod nondum factum est. Nam de contractu iam perfecto, non possumus conuenire, ut fiat, quod iam factum est. Sit igitur hoc exemplum: offero tibi prædium vendendum cærtis quibusdam conditionibus: dixisti, te paratum emere, sed ut res sit certior, tibi placere, ut conditiones & totum negotium scripto comprehenderetur. Hæc est conuentio, quam hic exigimus, & ex qua ea sequuntur, quæ dicimus. Quod si iam emptione contracta, exempli gratia, cum de re vendenda, & de pretio inter nos conuenit; placeat, ut is contractus iam perfectus scripto recipiatur: etiam sine scripto emptio valebit; quia conuentio interposita est, perfectæ venditionis magis confirmandæ causa: proinde etiam scripto non secuto, ab eo non recedetur. Nec quidquam mutat hæc constitutio, quæ ad futuros contractus pertinet, non iam perfectos. Differentiæ ratio est: Quia cum conuenit, ut contractus futurus scripto fieret, vi ipsa hoc conuenit, ut sine scripto contractus non existeret. argument. in *L. quibus diebus*, §. 2. *D. de cond. & demonstratio*. At cum iam perfectus contractus idem conuenit, non potest hæc interpretatio admitti, quoniam non potest conuenire, ut fiat in posterum, quod iam perfectum est.

§ Sequitur huius † conuentionis & conditionis effectus. Hæc autem duplex est. Primus, ut hæc conuentione interposita nihil agi intelligatur, nisi hæc concurrant, primum, ut negotium scripto comprehendatur. Secundum ut in mundum redigatur. Tertium, si hoc ipsum mundum approbetur partibus. Quartum, ut hæc approbatio declaratur ex eo, quod vel partes instrumentum scripserint, vel alio scribente subscripserint. Et hoc, si priuatum

sit instrumentum. Quod si a tabulario conscribatur, scriptura, aut subscriptio partium non est necessaria: satis est instrumentum a tabulario completum fuisse, deinde a partibus absolutum, id est, a partibus pro absoluto habitum. Primum exigimus, † ut res scripto comprehendatur. Non obstat, quod placet, res gelias sine scriptura valere. *L. instrumentis, supr.* Hoc enim ita est, nisi inter eos, inter quos res geritur, aliter conuenierit. Conuentio enim semper seruanda est, quæ L.L. aut bonis moribus non est contraria. *L. iurisdictionem §. prator ait, D. de pall.* Huc pertinet, quod traditur, contractus ex conuentione legem accipere *L. 1. §. si conuenit. D. de pos.* Exigitur secundum † ut in mundum redactum sit, quod scriptum est. Hoc eo pertinet, ut excludatur prima scheda deletitia, in qua partes aliquid detrabi, addere, & deleri voluerunt, ut fieri consuevit est in eiusmodi rebus. Si hæc scheda sola sit, nihil dum agi intelligitur. Hic opponitur natura emptionis, exempli gratia: nam simul atque in emptione de re vendita, & pretio conuenit, solo consensu emptio perficitur. *L. 1. §. ult. D. de contrab. empt. Instit. eod.* At prima scheda eam præcessit, partes in id scriptum consenserunt & de re vendita, & de pretio. Non enim prius volunt id scriptum in mundum redigi, quam dixerunt, sibi ita negotium placere, ut in illa scheda scriptum est. Quare eo consensu emptio perfecta est, ut consequens sit, frustra postea requiri aliud mundum, aut certe si requiritur; non tamen licere postea ab emptionis contractu discedere. Respondetur. Quod dicitur, emptionem consensu contrahi; ubi in rem & pretium certum conuenierit, sic accipiendum est, nisi contrahentes amplius aditæ voluerunt aliquid ad emptionem contrahendam. Iam enim dixi, contractus ex conuentione legem accipere. At in proposita specie conuentio accessit; ut præter conuentionem de pretio & re vendita accederet etiam scriptura, proinde sine hac etiam ex consensu nihil agitur. Hic rursus occurrit & opponuntur verba conuentionis. Nam conuentio nihil amplius exigit, quam ut conuentio scripto fiat. Prima scheda, in quam consenserunt contrahentes, est scriptura. Proinde hæc sola simpliciter interveniente conuentioni satisfactum est, neque alia scriptura desiderabitur, aut alia approbatio contrahentium. Respondetur: secundum verba conuentioni satisfactum est, ubi prima scheda præcessit: secundum mentem contra-

hæc.

hentium satisfactum non est; nam verbo scripti contrahentes intellexerunt scriptum idoneum ad probationem, id est, mundum, in quo essent nullae additiones. Et porissimum ad hanc rem hæc constitutio laia est, ut tolleret dubitationes quæ de interpretatione, & sententia voluntatis contrahentium incidere poterant: & certam sententiam constituit. Tertium ¶ exigitur, ut mundum ipsum approheatur a contrahentibus. Merito: quia non est hoc mundum ex sententia contrahentium, nisi ab illis sit approbatum. Postremo requiruntur subscriptiones contrahentium, ubi instrumentum privatum ab illis scriptum non est, ut subscriptione approbatio eorum intelligatur. Et notandus locus in §. 1. *Institutio. de empt. & vendit.* ubi subscriptio contrahentium tunc sola exigitur, cum instrumentum a contrahentibus scriptum non est: ut intelligamus, si quis totum instrumentum scripserit sua manu, non amplius requiri eius subscriptionem. Et recte: quoniam enim subscriptio, nisi ut nomen, & manum scribentis indicet? Quæ multo certius offenduntur, si quis totum instrumentum scripserit: & nomen suum præposuerit. Alter effectus est lu-

9 periori consequens, ¶ ut priusquam hæc omnia gesta sint, non solum nihil agi intelligatur, sed etiam interim poenitentiae, sit locus: & liceat ab eo negotio, quod institutum erat, sine poena discedere contrahentibus. Hoc obscurius dicitur in *b. l.* sed ita explicatur in *d. §. 1. Institutio. de empt. & vendit.* Non obstat, quod dicitur: a contractu semel perfectio non licere invito alteri ex contrahentibus discedere. *L. emptioe, D. de pact. toto tit. infr. quando lic. ab empt. dis.* Iam enim diximus, non videri negotium contractum, seu perfectum, ubi conuenit, ut res scripto fieret: nisi illa præcesserint omnia, quæ diximus.

Secundum caput est in *vers. que tam.*
 10 Hoc capite cavet Iustinianus, ¶ ut quod de contractibus & conventionibus futuris cavit, hoc idem locum habeat in contractibus & negotiis præteritis, adhuc tamen pendentibus, id est, iis, de quibus conuenit, ut negotium scripto transigeretur: & de quibus iure instrumentum aliquod scriptum est: nondum tamen aut in mundum reductum, aut a partibus approbatum, aut subscriptum. Hoc ideo adiicit Iustinianus, quia leges nunquam ad præterita negotia pertinent, etiam pendencia, nisi nominatim id lege cautum sit. *L. leges & Constit. supr. de LL.* Tres excep-

11 tiones ¶ addidit hoc capite Iustinianus.

Prima exceptio est: nisi scheda iam ante scripta iudicata fuerit esse munda & recte approbata a contrahentibus. Merito: nam rebus iudicatis standum est. *L. 1. infr. de re iud. l. post rem D. de re iud.* Secunda exceptio, nisi scheda iam ante scripta dicta sit esse idonea & perfecta, & in ea controversia transactum sit. Nam & transactionibus item, ut rebus iudicatis standum est. *L. non minorem supr. de transact.* Tertia exceptio est, nisi de emptione & venditione agatur, in qua iam ante scheda aliqua intervenierit. In hac ius antiquum vult servari, id est, emptionem valere ex eo, quod in scheda consensus contrahentium est, etiam si nondum mundum, aut approbatio secuta sit. Hoc specialiter de emptione ab illo exceptum videtur, propter utilitatem commercii, quod facile infringi non convenit. Hoc caput ¶ hodie inutile est: nam nullæ sunt venditiones, nulla negotia, quæ tempore Iustiniani pependissent: aut enim postea perfecta sunt, aut tam longo tempore exoleverunt. Denique quæcunque negotia nunc contrahuntur, aut ante contracta pendent, hæc Iustiniani constitutionem multis temporibus secuta sunt: proinde constitutioni sunt futura, non præterita.

Tertium caput est in §. *illud.* Hoc capite ¶ temperat id, quod initio constituit: licere ab emptione discedere impune, antequam instrumentum de contractu completum sit, ubi conuenit, ut negotium scripto gereretur. Hæc exceptio est, nisi de emptione & venditione agatur, & arræ datæ sint. Nam hoc cum accidit, etiam ante completum instrumentum non licet impune ab emptione recedere. Prima est arrarum damnum. Et hanc poenam constituit, non tantum in emptione, quæ scripto sit, sed etiam, quæ sit sine scripto. Hæc partes nobis expendenda sunt: primo poenam statuit in emptione, arris datis: si quis ab emptione recedat. Hic videtur Iustinianus sibi pugnantia constituisse, Nam initio voluit licere, ut recedatur a contractu, nunc recedenti poenam statuit. Hæc sunt pugnantia: nam quod sit lege permittente, poenam non meretur. *L. Gracchus, infr. de adult.* Respondetur. Hæc essent pugnantia, si initio constituisset generaliter & simpliciter, licere a contractu discedere, sed hoc simpliciter non constituit; nam excipit hunc casum, qui hoc loco continetur. Exceptus non intelligitur priore parte constitutionis contineri, extremum enim interpretatur initium legis, & semper sequentia legis ad præcedentia referri oportet: & sequentia pri-

prioribus inesse intelliguntur. Indicatur hoc in *L. utrum, D. de petit. hered.*

- Secundo, poena observanda est. Est autem
 14 tunc hæc, ut emptor ab emptione recedere volens arras, quas dedit, amittat, venditor duplicatas emptori reddat. Quæritur, quam actionem tunc habeat emptor adversus venditorem, ut duplicatas arras reddat? Respondetur: arras a se datas repetet conditione sine causa, vel conditione ob causam datam. Dedit enim arras, ut emptio sequeretur. Hæc causa secuta non est, proinde locum habet conditio ob causam datam nulla non secuta, & ob eandem causam, conditio sine causa. *L. ex empto, §. is qui, D. de all. empt.* Alterum autem tantum quod non dedit, non potest his conditionibus repetere, multo minus actione ex emptio, quia venditor non reddit arras duplicatas, nisi tunc, ubi cautio non procedit, ut hoc cap. cautum est: non potest autem actio ex emptio esse, ubi nulla emptio est. Erit igitur conditio ex lege, quæ toties competit, ubi nova obligatio lege aliqua constituitur. Neque adicitur, qua actione experiamur, *L. unica, D. de cond. ex lege.* Id autem fit in h. lege de altero tantum, quod venditor restituere debet cum arras a se acceptis. Quod attinet ad venditorem, si arras a se datas repetere velit, emptio non stare volens, habet quidem summo iure conditionem sine causa, quæ competit contractui non procedente, sed submovebitur doli mali exceptione, petens arras contra legem, quæ iubet eum arras amittere. Ut facit dolo malo, qui contra conventionem petit, quia hoc modo facit oblique contra dictum prætoris de pactis, *L. 2. §. circa & seq. D. de excep. doli mali.* sic multo magis, qui petit aperte contra legem. Tertio loco notandum est, idem tunc de amissione arrarum constitui hoc loco in emptione, quæ fit sine scriptis, quod constituitur in emptione, quæ scriptis fit. Ex quo intelligimus, idem constitui in emptione iam ante contracta: nam quotiescunque sine scriptura convenit inter aliquos de re & pretio rei, statim emptio & venditio contrahitur. in *pr. tit. de emt. & vend. in inst.* Et tamen superioribus verbis Iulianus cavet, ut si in hac emptione emptor venditori arras dederit: si ipse ab emptione discedere velit: ut arras amittat; si venditor velit discedere, ut duplicatas arras reddat.

- Ex hac parte quaeritur est: si contra
 17 ita tunc emptione sine scriptis velit emptor discedere ab emptione relictis arras, quas venditori dedit, an sit audiendus? Et con-

tra: an si venditor velit discedere a venditione præstitis emptori duplicatis arras, idem quoque audiendus sit? Non defuerunt, qui his conditionibus & emptorem, & venditorem audiendos putarint: ut generaliter efficeretur hæc sententia ex hoc loco: quotiescunque in emptione vel futura, vel contracta emptor arras dedit, licet ubique invito alio discedere ab emptione: emptori quidem, dum arras relinquit venditori: contra autem venditori, dum arras duplicatas offerat emptori. Hæc sententia defenditur ex hoc loco tunc duobus modis: primum hoc modo. In emptione, quæ scripto fieri debet, placet, antequam instrumentum completum sit, licere emptori ab emptione discedere invito venditori, & tantum arras amittere: item licere venditori eodem modo discedere a venditione, & tantum arras duplicatas restituere debere. At Iulianus in hoc loco similem facit venditionem, quæ sine scripto contracta est; proinde & similiter emptori ab emptione recedere licebit invito venditori, dum relinquit arras; & venditori licebit discedere ab venditione, dum duplicatas arras præstet. Hoc idem ex hac eadem parte legis effici videtur, hoc modo: fingamus emptorem velle discedere ab emptione; aut consentit venditor, aut refragatur: si consentit emptor, arras suas recipit. Nulla est enim poena, ubi disceditur ab emptione communi consensu, idque differte scriptum est in *L. ex empto, §. is, qui vina, D. de all. empti.* Si venditor refragatur, & emptio non stare vult, valetque eo postulante emptio; emptor multo minus arras amittit, ex hac ipsa lege, quia emptor non amittit arras, nisi tunc, cum emptio non procedit, ut hic scriptum est. Idemque e converso dicendum est. Finge venditorem discedere velle ab emptione; aut emptor consentit, aut refragatur: si consentit, venditor non debet restituere, nisi arras acceptas. *L. ult. inf. quando lic. ab empt. reced.* Si emptor emptio non stare vult, & emptio valet, venditor de arras restituere nil debet; quoniam venditor actione ex empto coactus, tradet rem venditam, ideo & mutuum pretium accipere debet. Deinde ex hoc loco emptione procedente, venditor duplicatas arras non restituit. Restat igitur ex h. L. ut si emptor arras amittit, id solum tunc contingat, cum emptio non constitit, idque contingit invito adversario. Adiciunt ad has rationes hoc etiam argumentum. Venditor arras accipiens, & hæcenus sibi cavens, videtur cæteris beneficiis & remediis

Oooo

diis

diis renuntiasse, arris contentus. Et hoc probant hac definitione, quod qui nominatim in rem aliquam sibi cavet, cætera beneficia repudiare intelligitur *arg. in L. & habet, §. cum quis, D. de precar. in L. ult. infr. de pact. convent. tam super dote*. Et in eadem sententiam referre oportet eas LL. quæ citantur ab Accursi. in *gl. pen. hac L.*

Adversus hanc sententiam & has dubitationes confirmandi sumus; & sententia t̄ huius legis bene constituenda. Sic igitur habendum est: cum emptio sine scriptura contrahitur, pro certo habendum est, quod iam dixi, simul atque de pretio convenit, emptionem contrahi, sive instrumenta postea interveniant, sive nulla, *d. loco, de empt. & vend. in Inst.* Certi iuris hæc sententia est: obligationi semel contractæ renuntiare non licet, invito adversario, *L. sicut, supr. de oblig. & act.* Id generaliter dictum præcipue valet in emptione & venditione a qua discedere non licet, nisi utriusque partis consensu. *L. 1. & 2. infra quando lic. ab empt. dist. L. ab emptione, D. de pact.* Hanc regulam non mutat arrarum interveniens, sed magis confirmat, quod dilucide probatur his argumentis. Si sine arris emptio contracta esset, omnes concedunt, non licuisset ab emptione discedere invito adversario; multo ergo minus licebit arris intervenientibus, quoniam arræ dantur non infirmandæ emptionis causa, sed confirmandæ. Dantur enim, ut sint argumentum emptionis iam contractæ. *Inst. de empt. & vend. in princip.* Alterum argumentum: quotiescunque obligationi contractæ aliquid adiciatur, nunquam ea accessio eam vim habet, ut ab obligatione priore recedatur; ut puta, feci, ut mihi condemnaretis, & mihi paravi actionem iudicati, si mihi etus obligationis nomine fideiussorem dederis, aut dederis pignora, non ideo ab obligatione iudicati receditur, sed magis obligatio prior confirmatur. *L. 4 §. si ex convent. D. de re indic. At emptione contracta, cum arræ dantur, arræ accedunt emptioni. Nunquam igitur id valebit, ut ab emptione priore recedatur. Tertium argumentum certissimum. Nam si venditor paratus sit duplum pretium restituere emptori, & velit rem suam recipere, aut velit non tradere; tamen non auditur. *L. non est, infr. de re. vend.* Ergo multo minus audiendus est, si velit ab emptione recedere, offerens non duplum pretium, sed duplicatas tantum arras, minimam partem pretii. De his, quæ obiecebamus, ordi-*

ne t̄ responderetur. Non obstat igitur, quod 10 hic comparatur emptio sine scriptis facta emptioni, quam scripto fieri placuit. Nam non comparantur hæc emptiones in eo, ut ab emptione pariter recedere liceat invito altero; sed solum in eo, ut is, qui recedere vult, invito altero, pariter damnum arrarum patiatur, si alter damnum admittat, ut mox dicitur.

Non obstat dilemma, quo secundo loco usi sumus. Verum est enim, ubi emptioni statuitur, neque venditorem duplicatas arras reddere, neque emptorem arras amittere, quoniam ex hac lege non contingit damnum arrarum, nisi venditione non procedente. Sed quod dicitur, ubi communis consensu venditione receditur, neque emptorem arras amittere, neque venditorem duplicatas reddere, id distinctionem recipit: nam si simpliciter utriusque consensu a venditione receditur, verum est nullum hic damnum fieri arrarum; sed si emptore recedere ab emptione volente, venditor velit recedi hac lege, ut arras retineat, id recte fit, & ex hac lege. Similiter, si venditor ab emptione recedere velit, & emptor id promittat, non simpliciter, sed hac lege, ut venditor, duplicatas arras præstet, hic quoque huius legis locus est. Secundum hæc, verba constitutionis sic accipienda sunt: venditor venditionem reculas duplicatas arras præstet: nempe si emptor duplicatas arras admittat, quod ita fit; si non refragetur, quo minus recedatur a reliqua emptione, dummodo duplicatas arras accipiat. Item, quod dicitur: si emptor ab emptione recedere velit, cum arras amittere, sic intelligendum est: si venditor arras amittat; cæterum, si neque emptor, neque venditor patiatur ab emptione recedi, emptioni prius perfectæ stabitur. Non est verum, quod tertio loco dicebamus, eum, qui arras accepit, videri reliquæ emptioni renuntiasse arris contentum; nam contra ideo arras accepit, ut emptionem confirmaret, ut supra ostendimus. Et quod dicitur, eum, qui nominatim in rem aliquam sibi cavet, videri aliis beneficiis & remediis renuntiasse, locum habet in beneficiis & remediis iure constitutis: qui sua cautione sibi prospexit de re aliqua, in qua re illi prospiciebatur iure, sine privata cautione videtur cautioni iuris renuntiasse, ut docent exempla earum LL. quas in hanc rem supra indicavi. Cæterum locum non habet in pluribus cautionibus, quas quis sibi privatim constituit. Exempli gratia: si quis rem aliquam sit stipulatus, is fideiussorem accipiendo, aut pigno-

pignora, non renuntiat præcedenti obligationi, sed eam confirmat, dicta *L. §. si ex convent. de re iudic.* Item, qui stipulatur a venditore rem tradi, & nisi tradat, stipulatur poenam, is priore stipulatione sibi cavet in id, quod sua interest; posteriore sibi cavet poenam, nam una obligatio alteram non tollit. *L. prædia, D. de action. empti.* At in proposito is, qui emit, aut vendit sine scripto, privata cautione sibi parat obligationem empti, aut venditi, proinde nova cautione arrarum non repudiat priorem cautionem suam.

Ex his expedita est ea quaestio, quæ hic vulgo introducitur: nam si venditore venditionem ꝑ recusante emptor duplicatas arras ab eo acceperit: quaeritur, an nihilominus possit petere a venditore, ut rem tradat, aut nō tradat, petere quod sua interest. Quaestio ex parte nascitur ex superioribus: nam diximus invito eo ab emptione discedi non posse. Quod si emptio statit, & res vendita ei non tradatur, agere potest in id, quod sua interest, ex regulis emptionis & venditionis *L. 1. in princ. D. empt. & vendit.* Nec ad rem pertinet, quod iam arras duplicatas acce-

pit; hoc enim non prohibet, quo minus, quod ultra arras est, id possit petere, ut accedit, cum emptor stipulatus est rem sibi tradi, & nisi traderetur, stipulatus est poenam. Nam si poenam petierit, non prohibetur petere id, quod amplius sua interest. *L. prædia, D. de action. empti.* Hæc, inquam, quaestio ex hac lege absoluta est. Non potest emptor, qui arras duplicatas a venditore accepit, amplius ex empto agere, neque in id, quod sua interest, neque in rem ullam aliam, quæ continetur potestate huius iudicii. Nam ex hac lege non potest recipere duplicatas arras, nisi venditione non procedente, ut sunt verba legis, id est, nisi hac lege, si prius emptio non procedat, seu, si prius ab emptione discessum sit. Qui vult, quod est consequens, is etiam admittit, quod necessario antecedit. *L. illud, D. de acquir. hered.* Arræ duplicatæ non accipiuntur, nisi præcedat infirmitas emptionis ex hac lege. Proinde qui arras accepit, quod est consequens, etiam antecedens admittit, ut vellet emptionem non procedere.



Ad L. Iudices 18.

Imp. Iustinianus A. Mennæ P. F. P.

Iudices sive in hac inclitya urbe, sive in provinciis, [secundum] ea, quæ disposuimus, ut possint si hoc perspexerint, occasione testium in aliis locis degentium litigantes vel procuratores eorum ibi destinare, ut depositionibus sub utriusque partis presentia factis, res ad eos referatur: etiam in illis servare volumus, qui prolatis instrumentis fidem adhibere exiguntur, ut si poposcerint, in aliis locis id eis facere permittatur: & hoc si iussu peti iudex invenerit, similis proferatur sententia: ut postquam in locis opportunis fides instrumento data vel minus data fuerit, referatur negotium ad priorem iudicem. Dat. VIII. Id. April. Decio V. C. Coss.

S U M M A R I A,

1. Summa alterius legis, quæ non exstat, & in priori Constitut. huius parte refertur, quæ sit.
2. Testes in alia provincia interrogari posse, & eorum testimonibus fidem haberi apud iudicem qui de re cognoscit, si tria concurrant, & quæ & n. 1.
3. Tria hæc qualia sint exponitur & n. 4. & 5.
4. Hæc constitutio ius idem statuit de instrumentis in alia provincia factis, quibus ex illa provincia fides adstrui debeat: & quam merito hoc est a Iustin. constitutum & n. 7.
5. Lætio huius legis emendatur.

SI testes in causa aliqua necessarij degant in alia provincia, quam in qua causa agitur, non videbatur antes eorum testimonium utiliter ad causam recipi posse. Nam si vellemus eos testes apud iudicem produci, ut ab eo interrogarentur, & testes venire recusarent, cogi non potuerunt, ut venirent, & testimonium dicerent; nam iurisdictioni iudicis subiecti non sunt, extra territorium autem suprà iurisdictionem suam ius dicenti impune non pareretur. *L. ult. D. de iurisd.* Rursum si vellet litigatores testes in sua provincia interrogari, ut deinde eorum testimonia referrentur ad iudicem causæ, hisque fides haberetur, oblabunt constitutiones, quæ præcipiunt, ut iudex causæ testes ipse interroget. Volunt testibus fidem haberi, non testimoniis, quæ recitantur, seu non testimoniis soli, ut alibi satis scriptum est, *L. 3. §. eiusdem, & §. seq. D. de testib. L. sola, sup. de testib.* Huic incommodo ¶ occurrit Iustinianus constitutione quadam sua quæ non extat; quam tamen hic refert, & cuius summam complectitur. Summa hæc est: Cum testes ad causam necessarij in alia provincia degunt, permit-

tit eos in provincia, interrogari: ut recte interrogatis, tum eorum relationibus non minus fides haberi debeat apud iudicem, qui de re cognoscit, quam si ipsi testes a iudice interrogati essent. In quo Iustinianus recessit ab iis constitutionibus, quæ testes ipsos a iudice interrogari iubent. Id factum a Iustiniano, necessitate in hac causa ita exigente. Nam utilitas publica postulat, ne auferatur facultas probationum, *L. quoniam, in fin. sup. de heret. & Manich.* Cum autem testes in alia provincia degunt, copia eorum testimoniorum facile haberi non potest, nisi mittatur in provinciam, in qua degunt, ut ibi interrogentur; quoniam deest iudici, qui de causa cognoscit, potestas eos evocandi & cogendi, cum sint ex aliena iurisdictione. Sed concessit Iustinianus, eos testes ¶ in provincia interrogari, si tria hæc concurrant, quæ complectitur hæc constitutio: primum, si iudex causam destinet litigatores, aut procuratores eorum in provinciam. Secundum, si in provincia testes interrogentur sub presentia utriusque partis. Tertium, si receptis testimoniis res & acta referantur ad iudicem, qui de re cognoscit,

scit, in qua re illis testimoniis opus est.

3 Exigit ꝑ ut iudex causæ litigatores destinet in provinciam, id est, ut decernat, seu pronuntiet, illis licere in provinciam ire, ubi sunt testes, & ibi curare testes rite interrogandos. Quod facit interposita sententia, cuius mentio est in fin. L. Hanc sententiam intelligere debemus, interlocutoriam, ut appellatur in *L. qualem*, §. 1. *D. de receptis, arb.* In hac dimissione iudex dimittit litigatores cum suis literis ad eos iudices, ad quos ea res pertinebit; exponet se mittere litigatores istos in provinciam eorum iudicum, ut ibi interrogentur; petet, ut iurisdictionem suam non deagent hac in re litigatoribus, sed testes pro officio interrogent.

4 Exigit ꝑ constitutio, ut interrogentur testes sub præsentia utriusque partis. Hoc emendatum est. Novell. Const. cuius fragmentum existat in *auth. sed & si quis, supr. de testib.* Satis enim est, testes etiam in provincia ab alieno iudice interrogari sub præsentia unius partis, dum altera pars vocata sit, & vocata venire neglexerit. Quomodo autem accipi debeat, testes interrogari sub præsentia parium, seu partibus præsentibus, exposuimus ad *L. si quando, pen. supr. de testib.* Postremo

5 exigit ꝑ constitutio, ut testibus in aliena provincia interrogatis, res, id est, testimonia recepta, seu acta, in quæ testimonia relata sunt, referantur ad iudicem causæ. Hoc eo additum est, ut intelligeremus, cum iudex alicuius causæ committit alienis iudicibus interrogationem testium, non ideo committi iis iudicibus iurisdictionem, aut cognitionem causæ; sed solum nudam potestatem interrogandi testes. Cognitionem autem causæ, & definitionem, seu sententiam definitivam manere penes eum, qui iudex litis esse coeperat. Ex hac constitutione nata deinde dubitatio est, quæ potissimum in hac lege deciditur. Quæsumus est enim: Si non agatur de testibus, qui in aliena provincia interrogandi sint, sed agatur de instrumentis, quibus fides adhiberi ꝑ debeat

6 in aliena provincia, quid hic factu sit opus? Et constituit Iustinianus, ut si iudices animadverterint rem æque in provincia transigi debere, quia aliter commode non possit: ut iudices hoc casu idem fer-

vent quod de testibus supra constituerat: nempe in summa vult in hac quoque causa permitti litigatoribus, ut in provinciam eant, ibique de instrumenti fide cognoscatur sub præsentia parium, qualem supra exigimus; tum deinde, quod compertum erit de fide instrumenti, in acta relatum referatur ad iudicem causæ, qui litigatores in provinciam dimiserat. Sed non videtur hæc posterior ꝑ quæstio posse procedere, seu aliquando locum habere: ut stulta sit de ea quæstione hæc constitutio: nam cum actor instrumentum aliquod profert, si reus negat a se scriptum, aut suo mandato, & id non constat, convincendus est reus testibus. Hi si degum in alia provincia, res iam factis priore constitutione decisa erat, utpote quæ caveat de testibus in aliena provincia degentibus: quod si de fide scripturæ constat, tum instrumento statim, nec necesse est, fidem instrumento adhiberi, *L. cum precibus, supra, de probat.* Respondetur: Superiori quæstioni tunc maxime locus est, cum instrumentum profertur publice confectum in alia provincia: nam hoc fidem non facit adversus eum, qui negat scriptum esse a tabellione, quod cum accidit, necessario prius interrogandus est tabellio: si mortuus est, consulendæ sunt eius chartæ, & videndum, num protocolum existet inter eius partes, si nullum reperitur, comparatio literarum adhibenda est ex scriptis tabellionis, ut scripturæ conferantur, & ex collatione videatur, an sit eadem manus, an diversa. De quibus diximus ad *L. in exercendis* & dicemus ad *L. comparationes, infra*. Hæc autem transigi commode non possunt, nisi in ea provincia, ubi instrumentum publice confectum dicitur. Recta igitur & utilis constitutio. De lectione, quæ est in initio, monendi sumus, in illis verbis ꝑ *Secundum ea, quæ 8 disposuimus*, delendum esse illud, *Secundum*. Est enim hæc sententia legis: iubemus iudices servare ea, quæ disposuimus, & quæ sequuntur. Et vero recte plerique monent, in veteribus exemplaribus deesse. Et ne longius abierimus, apparet ex gl. Accursii, defuisse hoc verbum Accursii temporibus. Dicit enim orationem legis sic esse ordinandam: iubemus ea, quæ disposuimus, ut antea dixi.

Ad Authen. Apud.

Apud eloquentissimum aliquem iudicem vel defensorem civitatis, sive a provincia in provinciam, vel ab urbe in urbem, sive ab urbe in provinciam hæc petantur, sed hoc in civilibus tantummodo causis. Nam in criminalibus testes apud iudices representandi sunt, & cum res exegerit, tormentis subiiciendi.

S U M M A R I A.

1. *Auth. hæc est superioris constitut. interpretatio: tria videlicet dubia illius capita decidit, & quæ sint.*
2. *Litigatoribus an in omnibus causis*

permittatur petere ut testes in aliena provincia interrogentur.

3. *Quomodo iudex qui de causa cognoscit, testes cogere possit qui sunt in aliena provincia.*

* **H**Æc auth. † superiorem constitutionem interpretatur, & quæ in eo dubitationes erant, decidit. Tres autem occurrunt in ea constitutione dubitationes. Primo constitutio permittit litigatores dimitti in provinciam, ut ibi testes interrogentur, sed non exprimit, a quo interrogari debeant. Id hoc loco expressum est, ubi iubentur interrogari apud iudicem, vel apud defensorem civitatis. Iudicem ordinarium intelligit, seu magistratum, qui iudiciis & iuri dicundo præest. Defensor civitatis quæ persona, & quod munus fuerit, docet *L. 2. 3. 4. & pen. l. tit. sup. de defens. civis*. Summa autem hæc est. Cum iudex iubet litigatores ire in aliam provinciam, ut ibi testes interrogentur, non potest hæc interrogatio committi privatis; solum committi potest iis, qui iurisdictionem habent, & qui alioqui in sua provincia iure testes interrogare possunt de rebus ad eorum iurisdictionem pertinentibus. Congruit, §. *illud in Nov. ut desuncti, seu funera eorum*. In quo notandum est, ita superiore constitutione discendi ab iis constitutionibus, quæ iubent testes ab ipso iudice litis interrogari, ut tamen semper hæc constitutio velit testes interrogari ab aliquo, qui sit iurisdictione præditus. Deinde superior constitutio loquitur de litigatoribus dimittendis ab urbe in provinciam, vel a provincia in urbem. Quid si possulent litigatores, se in eadem provincia dimitti ab urbe in aliam urbem? Et sit potestas in hac lege nova dimittendi ab urbe Roma in provinciam, a provincia in urbem: a provincia in provinciam, & in eadem provincia ab urbe in urbem. Postremo superior constitutio loquitur de litigatoribus, quod verbum proprie pertinet ad

causas & lites pecuniarias, ut litis nomen actionem significet, id est, ius persequendi, quod nobis debetur, *L. litis, D. de verb. sig.* Et tamen constitutio causas non distinguit, in quibus testimonium testium desideretur. Hinc ergo quaesitum: An in omnibus causis, tam civilibus, quam pecuniariis, permitti † possit litigatoribus, ut testes, qui sunt in aliena provincia, ibi interrogentur? Hæc constitutio nova vult constitutionem anteriorem ad causas pecuniarias tantum pertinere; in causis autem criminalibus vult omnimodo testes in conspectum iudicis, qui de causa cognoscit, prodire, & ab eo coram interrogari propter periculum, quod in his causis veritatur, ut Nova Const. adiciit. *Novel. de testib. §. & quoniam in fin.* Hoc loco exoritur quaestio: Nam † quomodo iudex, qui de crimine cognoscit, cogere potest testes, qui sunt ex aliena iurisdictione: cum, ut iam diximus extra territorium ius dicenti nemo pareat, & quidem impune? Respondetur: Hic servandum est, quod præscribitur in *auth. si vero, infra de adult.* nempe iudex causæ literas publicas, id est, sigillo iurisdictionis suæ: obsignatas mittet ad eos iudices, ad quorum iurisdictionem testes pertinent, & occasione petendi exposita, petet, ut præ iurisdictione sua testes ad se mittat: quibus literis acceptis, iubentur iudices alieni parere, non propter iurisdictionem iubentis, nam par in parem imperium non habet, sed propter constitutionem Iustiniani, quæ parendi necessitatem imponit. Loquitur quidem ea *auth. de facinorosis* mittendis in eum locum, ubi deliquerunt, sed in testibus, qui mittendi sunt, eadem ratio est proportionis.

Ad L.

Ad L. Plures 19.

Imp. Iustinianus Demostheni præf. præf.

Plures apochis vel redituum vel usurarum perceptis, si quando super his fuerit dubitatio exorta, eas habere se negando, ius agentium faciunt vacillare, cum coloni adversus dominum certantes, & sibi iniquam sorte libertatem vindicantes, vel debitores creditoribus suis temporalem præscriptionem opponere cupientes, ad easdem infirmitates perveniunt. Quod refecantes, iubemus ut in præfatis casibus vel aliis privatis similibus, si voluerit is qui apocham conscripsit, vel exemolar cum subscriptione eius, qui apocham suscepit, ab eo accipere, vel [antapocham suscipere] omnis ei licentia hoc facere concedatur, necessitate imponenda apochæ susceptori antapocham reddere: ita tamen, ut si hoc is qui apocham conscripserit, facere neglexerit, vel non curaverit: nullum ei præiudicium ex eo, quod antapocham non recepit, generetur, cum hoc quod pro quibusdam introductum est, inferre eis iacturam minime rationi conveniat æquitatis. Dat. XII. Kal. Octob. Chalcedone, Decio C. V. Coss.

S U M M A R I A.

1. Summa constitutionis; sex eius partes & que & n. 2.
2. Creditori permittitur petere antapocham a debitore.
3. Antapocha quid sit, & unde, & quare ita dicta & n. 5.
4. Apocha quid? Et num. 18.
5. Antapocha quomodo fiat?
6. Creditor cui bono antapocham petat; utilem esse eius petitionem & hanc constitutionem æquitatem nisi ostenditur & n. 8.
- Antapocha quæ continere debeat ibid.
- Agnitio debiti omnis, qua debitor constituitur se debere, præstationem longi temporis interpellat. ibid.
9. Antapocham quibus in causis creditor a debitore petere possit?
10. Eandem peti non posse in præstatione rerum que semel præstantur.
11. Differentiæ ratio.
12. Antapocha petitio, qua conditione permittatur creditori.
14. Que sit ex hac constitut. antapocha præstande necessitas, & n. seq.
- Verbum reddere quid? ibid.
15. Creditor quomodo obtineat a debitore ut antapocham præstet, & qua actione ei debitor teneatur & n. 16.
17. Contrariis occurratur.
18. Antapocha petitio omnia creditorum non nocet, & quare sit hoc cautum a Iustiniano.
19. Cui bono debitori sit, accipere apocham a creditore.
20. Apocha, an sit debitori necessaria, si nullum debiti chirographum intervenierit.
21. Debitor an suo iure possit exigere a creditore apocham.
22. Apocha a creditore denegari non potest: & debet ea confici manu Notarii publici, si debitor velit, dummodo id faciat suis sumptibus.
23. Debitor solutionem recte recusat, si creditor apocham denegat, nec moram facit.
24. Debitori que actio competat in creditorem apocham non reddentem?
25. Chirographum quid?
26. Cautio quid?

¹ IN præstatione † redituum, & usurarum, & generaliter in præstationibus omnibus annuis consultum est creditori, cui pensio solvitur, cum apocham debitori suo

dederit, vicissim antapocham ab eo petere, quam apud se retineat. Ob hanc causam permittitur ei hac lege, eam antapocham petere, & si petat, caveatur ut debitor

bitor oecessse habeat præstare: hac conditione tamen, ut si creditor negligat petere, ea res nullum præiudicium iuri eius afferat. Huius constitutionis partes nobis expendendæ sunt. Sunt autem sex numero, in quibus hæc constitutio continetur. Primum videndum est, quid permittatur creditori petere? † Permittitur petere antapocham a debitore. Videndum, quid sit antapocha. Secundo loco: cui bono creditorem habere apud se antapocham rei sibi revera solutæ, & eius rei petitionem constituere. Tertio, quibus in causis petere antapocham permittatur. Quarto, qua conditione. Quinto, quæ sit hæc necessitas, quam lex debitori imponit, & quomodo ab eo, & quo iure obtineri possit. Postremo, quid noceat, aut non noceat neglectus huius petitionis. Primum querendum, quid sit antapocha, quam petere creditori permittitur. Antapocha † est scriptura, quam debitor dat creditori suo, qua confitetur, se pecuniam illam solvisse, quam solvit illo tempore tantum, & ex illa causa. Dicimus esse scripturam, quam debitor dat creditori, id hac lege expressum est. Quod autem dicimus esse eam scripturam, qua debitor confitetur, se pecuniam solvisse quam solvit, intelligitur ex vi & potestate verbi. Verbum enim Græcum est, compositum ab *anti*, contra & *apocha*, itaque si intellexerimus, quid sit apocha, hoc quid sit, intelligemus. Est autem † apocha scriptura omnis solutæ pecuniæ, *L. ult. §. Tit. D. de cond. in d. L. qui tabulas, vers. apocha, D. de furtis*. Cum ergo dicimus, hanc apocham dari a debitore creditori, & eandem scripturam continere scripturam solutæ pecuniæ: perspicuum est, hoc significari, esse scripturam, qua debitor confitetur, non creditorem, qui non solvit, sed se qui debuit, solvisse. Dicitur autem antapocha ita, ut idem valeat Latinis, quod † *mutua & contraria apocha*, seu quæ mutua & ex adverso refertur apocha. Sic autem dicitur: Quia antapocha non redditur a debitore, nisi cum prius a creditore apocham acceperit, ut *h. L.* declaratur, & postea dicemus. In usu iuris, cum aliqua actio, aut aliquid alii adversus aliquem iure constituitur si eadem adversus eum, cui petitio data est, aliqua petitio mutua deitur, dicitur hæc petitio posterior dari contra, & petitio dicitur contraria: ut ex commodato datur actio directa commodanti adversus commodatarium: in deposito datur directa depoenti adversus depositarium. Cum vicissim commodatario, & depositario dantur mutua

actiones, hæ actiones dicuntur dari contra. Dicuntur actiones contrariæ iō usu iuris, *L. in commodato, §. 1. D. commodati §. ult. Inst. de pen. temp. litig.* Contrariæ actiones oihil aliud significant, nisi actiones mutuas & ex adverso comparatas, *d. L. in commodato, §. sicut, D. commod.* Ex hac significatione, sunt illi tituli in Digest. *commodati, vel contra: depositi, vel contra: mandati, vel contra*. Antapocha dupliciter † fit. Aut enim debitor privata scriptura confitetur, se pensionem solvisse, quæ vere est antapocha: aut creditor pensionem accepta scribit duas apochas, quas dat debitori, unam, ut apud eum perpetuo maneat; alteram, ut debitor ei subscribat, subscriptam reddat creditori. Hæc subscriptio creditoris continet agnitionem solutionis, cuius mentio fit in apocha. Ideo pro confessione & antapocha debitoris habetur. Significatur hæc duo genera in *h. L.* in illis verbis, *quod refecantes*.

Secundo loco querimus: cui bono creditorem antapocham † huius solutionis petere, & cui bono constituere hanc petitionem? Dubitationis causa iustissima est. Oblat enim huic constitutioni, primum inutilitas petitionis & constitutionis, deinde æquitas, quæ prohibet petitionem hanc creditori adversus debitorem dari. Inutilitas hæc est: quoties petitio aliqua petenti huic nihil prodest, ei a quo petitur, est gravis, aut molesta, nunquam petitio indulgenda est, quæ id tantum spectat, ut alteri noceat sine commodo tuo, *L. in fundo, D. de rei vind. L. si cui simp. D. de serv.* At petitio antapochæ creditori est plane inutilis. Non fuit igitur constituenda, & inutilis est etiam a creditore peti. Inutilem esse hanc petitionem, ex eo intelligitur, quod creditori neque ad rem, de qua agitur, utilis est, neque ad rei futuræ probationem. Non ad rem; quoniam creditor iam rem & debitum suum consecutus est, ut de eo amplius laborare non debeat. Non est utilis ad probationem, quia creditor pensionis iam solutæ nullam probationem desiderat. Tunc enim probatio illi necessaria est, cum aliquid in iudicio petit, quod negatur. At hanc petitionem nunquam iure petit, quia soluta est. Non indiget igitur iō ea re probatione: stulta igitur petitio & constitutio petitionis huius iniqua; proinde nec constitui debuit. Æquitas, quam dixi, huiusmodi est: non debet petitio constitui, nisi eius, quod debetur, ut declaratur definitione actionis, quæ definitur ius persequendi, quod nobis debetur, *Institut. de act. pr.*

At

At debitor pensione non soluta, nihil debuit, nisi pensionem. Pensione soluta omnino nihil debet; quia solutione pensionis, quæ debetur, tollitur omnis obligatio. *Instit. quib. mod. toll. obl. in prin.* Proinde huius antapochæ petitio nulla esse potuit adversus eum, qui antapocham non dedit.

His obiectionibus occurrit hæc constitutio: ac primum in præfatione huius constitutionis ostenditur, quam si sit utile creditori antapocham petere. Hæc occupatio eo pertinet, ut occurratur superiori obiectioni. Facit enim, ut intelligatur, non esse inutilem constitutionem huius petitionis: denique petitionem non esse maliciosam, ut propterea relictæ debeat, sed manifestam esse utilitatem antapochæ. Utilitatem docet ex periculo, quod imminet, si antapocha reddita non sit. Imminet autem periculum partim dominis adversus colonos, redditus & pensiones annuas solventes, imminet & periculum creditoribus adversus debitores annuas usuras sortis præstantes. Periculum dominorum adversus colonos hoc est. Nam procedente tempore, ubi memoria locationis evanuit, fieri potest, ut coloni, cum diu possederint aedes locatas, vel agros conductos, gerant se pro dominis, & iustis possessoribus; veros autem dominos negent dominos esse. Ex hac negatione adducitur in discrimen ius dominorum: nam hæc negatione fit res dubia, *L. ult. inf. quib. ad lib. præcl. non sic.* In hac dubitatione & controversia, si domini rem suam vindicent, secundum formam iuris coguntur probare, se esse dominos, quia sunt actores: & nisi probent, possessio manet penes possessores & detentores, quanvis nullo iure rem teneant. *L. ult. sup. de rei vind. L. qui accusare, sup. de eden.* Non semper autem facile est dominis probare se esse dominos, & detentores esse colonos, aut inquilinos: adversus hoc periculum remedium dominis constitutum est in antapocha. Nam apocha declarat, eos, qui antapocham dederunt, esse colonos, non possessores; & eos, qui apocham dederunt, esse dominos, a quibus rem eunductam tenent: nam omnis apocha, ac proinde antapocha continere debet, quis, eui, quantum, & qua ex causa, quoque tempore solverit, ut intelligimus ex *L. r. inf. de apoch. publ. lib. 10.* Periculum creditorum adversus debitores tale est: nam si per 30. annos fors manserit penes debitorem, qui usuras annuas sortis solvit, fieri potest, ut post id tempus dicat debitor, se amplius non debere, neque sortem, neque usuras; quia

Tom. VII.

se tueatur præscriptione longissimi temporis 30. annorum, quod dicat, se nullam sortem debuisse, & si debuit, iam intra 30. an. hanc sortem a se petitam non esse, nec se eo nomine quidquam solville. Fieri, inquam, potest, ut debitor id alleget, quanvis falso, neque creditor contra probare poteit ex apochis, quas dedit debitori. Nam debitor eas apud se habet & suppressit: quod si verum est, ereditorem per 30. annos neque sortem, neque usuras petiisse, aut accepisse, constituta est adversus eum præscriptio temporis, qua in perpetuum submovetur, *L. 1. notiff. in pr. inf. de præscr. 30. an.* Hæc præscriptio in h. L. appellatur præscriptio temporalis ideo, quia ex tempore quaritur. Quo loco notandum est, temporalis exceptionis verbum esse ambiguum. Interdum enim temporalis dicitur ex causa & initio, interdum temporalis dicitur ex effectu. Ex initio dicitur temporalis quæ tempore acquiritur, talis est ea, de qua nunc loquimur: interdum dicitur ex effectu. quæ ad tempus tantum obstat, quo modo exceptio dicitur temporalis, cum opponitur perpetuæ. *S. appellantur, Inst. de except.* Non sic hoc loco præscriptionem temporalem accipere debemus; nam præscriptio, quæ post 30. an. nascitur ob id, quod nihil petitum est a debitore, hæc perpetua est. Ut autem nocet hæc præscriptio in sorte: sic sortis obligatione sublara per hanc præscriptionem nec usura amplius eius sortis currunt. *L. eos, in pr. inf. de usur.* Hinc ergo periculum creditoris, cui non semper facile est probare se petiisse sortem, aut usuras sortis accepisse, quia alias probationes contempsit, dum putat, sibi cum hominibus integris rem esse. Adversus hoc periculum proficit antapocha: nam antapocha habet agnitionem, & confessionem debiti. Omnis agnitio debiti, qua debitor agnoscit se debere, præscriptionem longi temporis interpellat, *d. L. cum notiffimi, S. pen. infra de præscr. 30. an.* Non est igitur hæc petitio inutilis, proinde nec inutilis, aut iniqua hæc constitutio, quæ hanc petitionem constituit. Quod diximus, non debuisse, aut potuisse constitui actionem eius rei, quæ non deberetur, facile solvitur ex hac lege: nam hæc constitutio fecit, ut debitor antapocham creditori reddere deberet, qua obligatione constituta, recte antapocham creditor petit, & hæc causa est, quamobrem hæc lex sit constituta.

Tertio loco observandum est, quibus in causis permittatur creditori si antapocham

Pppp

cham

cham petere a debitore. Permittitur in
 vers. *quod refectant* in præfatis casibus
 & aliis privatis similibus. Præfatos casus
 intelligit, annuas pensiones, & annuos re-
 ditus, quos coloni præstant dominis pro
 usu rerum locatarum; item, usuras quas
 præstant debitores pro usu fortis, quæ
 apud eos est; nam hos casus constitutio
 prius commemoraverat. Iis casibus similes
 casus sunt, omnes præstationes annuæ,
 quæ ex aliis causis, & ab aliis personis
 præstantur, ut pensiones, quæ ab emphy-
 reutis præstantur dominis pro fundis em-
 phyreuticariis, & vectigalibus, de quibus
 in *L. C. & segg. D. si ager. vel. vel*
emphy. per. Item pensiones, quæ præstan-
 tur a superficiariis pro ædibus, quas in
 alieno solo constitutas habent, *L. idem*
est, D. de rei vind. Et in summa his
 verbis intelligimus hac constitutione per-
 mitteri petere antapocham a debitore in o-
 mnibus præstationibus annuis, vel redi-
 tum, vel pensionum, vel usurarum quæ
 aut dominis præstantur, aut præstantur
 creditoribus a debitore pro usu fortis. Ex
 10 hisdem verbis intelligimus ꝑ creditorum hac
 constitutione petere non posse a debitore
 antapocham in præstationibus earum re-
 rum, quæ semel præstantur. Et ideo, si
 debuisti mihi 100. ex causa mutui, & ea
 mihi solvas, & ultro tibi apocham dede-
 rim, qua contineat me pecuniam hanc a
 te accepisse: non ideo possum a te pete-
 re antapocham, neque privatam, neque
 eam, quæ publice per Notarium consti-
 ciatur.

Vulgo contra putant, sed manifestum
 est, constitutionem id sentire, quod di-
 ximus. Quod probatur his argumentis.
 Quoties aliquid permittitur in certis cas-
 sis, hoc ipsum in aliis omnibus causis
 adimi debet, *L. maritus, supra, de pro-*
cur. in leg. cum prator. in prin. D. de
iud. in L. ex eo. D. de testib. Petitio,
 de qua quæritur, nominatim permittitur
 hac lege in certis casibus: proinde in cæ-
 teris omnibus denegari intelligitur. Est
 huius rei & hoc argumentum: semper
 verba legis ita interpretanda sunt, ut ne
 quid in his sit superfluum, aut otiosum
L. 1. in fin. D. ad municip. Nec tamen
 legis, sed & testamenti, & aliorum in-
 strumentorum verba sic accipi debent, *L.*
si quando, in prin. D. de leg. 1. At si
 in hac lege intelligimus, permitti petiti-
 onem antapochæ adversus debitorem in
 omnibus solutionibus, etiam earum re-
 rum, quæ semel debeantur: hæc adfectio
 in præfatis casibus, & aliis similibus, non
 tantum otiosa est, sed etiam stulta, cum

uno verbo dici potuerit: licere creditori
 in omnibus casibus antapocham petere.
 Superfluum est etiam in principio præfa-
 ri de præstationibus reddituum & usura-
 rum, proinde non sic constitutionem ac-
 cipere debemus, ut ad alias quoque so-
 lutiones omnes constitutio pertineat. Quæ-
 ritur ꝑ differentię ratio: nam si hic red-
 di non potest, hi casus distingui non de-
 bent, *L. a Titio, D. de verb. oblig. leg.*
illud. D. ad leg. Aquil. Respondetur.
 Differentię ratio est in promptu. Nam in
 præstationibus annuis reddituum, pensio-
 num, usurarum, nunquam ita pensio sol-
 viitur, quin res principalis retineatur apud
 colonum, aut debitorem. Si pensio a co-
 lono solvitur, remanet apud eum res lo-
 cata, quam dominus non repetit, quia in-
 de percipit redditus & pensiones consu-
 etas. Apud debitorem qui solvit usuras,
 remanet fors, quam creditor non petit,
 quia usuras annuas ex ea sorte percipit.
 Ob has res adducitur dominus & credi-
 tor in periculum, si quando coloni, aut
 debitores vel dominium vel debitum ne-
 gent; adversus hoc periculum proficit an-
 tapocha, ut diximus. At in præstationi-
 bus earum rerum, quæ semel debeantur &
 præstantur, iis solvis nihil apud debito-
 rem remanet. Itaque creditor nullum pe-
 riculum deinceps metuit, neque in præ-
 teritum, neque in futurum: non in præ-
 teritum, quia debitum confectus est: non
 in futurum, quia debito soluto nihil ei
 amplius debetur, quod petat. Periculo
 omni sublato inutilis est antapocha, quæ
 tantum petitur adversus futurum pericu-
 lum,

Sed opponitur, *L. qui tabulas, D. de*
furtis, ubi dicitur, utile esse creditori,
 si chirographum apud eum sit, etiam pec-
 unia soluta; quia debitores possunt ca-
 lumnari, se indebitum solvisse. Respon-
 detur: propter hoc periculum antapocha
 peti non debet, quoniam adversus hoc
 periculum antapocha & confessio omnis
 soluti est inutilis. Nam si debitor qui se
 indebitum solvisse dicit, sit ex eorum nu-
 mero, qui indebitum allegantes, id pro-
 bare non debent, confessio debiti illis ni-
 hil nocet: si sunt ex iis, qui indebitum
 probare debent, ne his quidem confessio,
 aut solutio illis obstat, quod minus inde-
 bitum solum condicant. Omnibus enim
 qui indebitum per errorem solverunt, com-
 petit condictio indebiti soluti, & multo
 magis condictio confessionis non debite.
L. 1. & L. 3. supra, de cond. indeb. Et
 quod dicitur in *d. L. qui tabulas*, lo-
 tesse creditoris, tabulas, seu chirogra-
 phum

phum debiti habere, in chirographo non inutiliter dicitur, ubi confessio debitoris præcedit, quam confessionem deinde solutione nova confirmat. Antapocha autem eadem est cum solutione, & eodem tempore præstatur creditori, quo tempore solvitur. Tum autem utile est creditori chirographum habere ad hoc tantum, ut statim pudeat debitor, si debitum repetat, ubi & chirographum suum opponetur. Cæterum chirographi retentio ad solum repetendum inutilis est; semper enim adversus solum indebitum conditio indebiti competit, ut diximus.

12. Quartum observandum est, qua conditione permittatur hæc petitio creditori? Permittitur sub conditione, si prius ipse apocham debitori dederit. Sic enim verba sunt L. licere antapocham petere ei, qui apocham conscripsit, in vers. *quod rescantes, & mox, necessitate imponenda apocha susceptori*. Unde intelligitur, si pecunia soluta creditori debitori apocham non dedit, inutile debitorum creditori antapocham denegare, etiam si de annuis præstationibus agatur. Et merito hoc ita constituitur; nam si creditor cautionem debitori suo denegat, æquum est, ut pariatur & cautionem sibi a debitore denegari. Quod quisque iuris in alium statuit, id in se quoque valere pati debet, ex edicto. L. 1. D. *quod quisque iur.* Apocha est scriptura, quam creditor dat debitori suo, qua promittitur, se pecuniam sibi debitam a debitore accepisse, tantam, illo tempore, ex illa causa, ut est forma apocharum in L. 1. *infra, de apoch. publ. lib.* 10. Hanc significationem indicant hi loci, L. *qui tabulis, §. apocha, D. de furtis. L. si accepto latum, §. ult. D. de acceptis. L. ult. §. Titius, D. de condit. indeb.* Indicat & etymologia verbi multo magis, verbum enim Græcum est dictum *ἀποχὴ* a recipiendo.

14. Quinto loco observanda est necessitas, quæ imponitur hac L. debitori ut antapocham reddat, id est, præstet creditori: ubi verbum *reddere* pro simpliciter accipi potest, ut sit dare, quod sit interdu in usu iuris, L. *verbum reddendi, D. de verb. sign.* Potest etiam non incommode proprie accipi pro composito.

Est enim proprie reddimus ea quæ prius accepimus, debitor autem prius antapocham non accepit; tamen prius accepit apocham a creditore. Hanc apocham reddit creditori, cum præstat antapocham; nam, ut supra diximus, antapocha

Tit. VII.

nihil aliud est, nisi *apocha mutua & contraria*, seu: quæ *mutua & contra datur*. Hoc loco exiit subditiis dubitatio: Quomodo potest obtineat creditor a debitore, ut antapocham præstet, si nolit præstare? Mover dubitationem, quod creditor vi antapocham extorquere non potest; sed si eam consequi vult, iudicio persequi debet, nec potest iudicio, nisi actionem ad eam rem utilem habeat, L. *exstant, D. quod met. caus.* At in proposito huius antapochæ consequendæ causa aut nulla est actio creditori, aut si qua est, est inutilis: proinde nulla necessitas dandæ antapochæ, quanvis verbis huius L. constituitur. Primum, nullam hic esse actionem hoc nomine viceris: nant non est actio, ut in secundo loco diximus, nisi quid debeat, ut est definitio actionis. Debitor autem pensionem debuit, non antapocham; non igitur peti potest antapocha. Resp. iam supra, hæc constitutio factum esse, ut antapocha creditori deberetur, postquam huius rei petitio constituta est. Est autem æquissime constituta adversus metum futuri periculi, de quo diximus. Sed si est aliqua actio, quænam erit? nam hic nihil exprimitur. Respondet aliquis, esse conditionem ex lege, quæ toties competit, ubi lege constituitur nova actio, neque exprimitur, qua actione experiamur. L. *unica, D. de cond. ex lege*. Sed hic statim occurrit: nam etiam velimus hanc esse conditionem; tamen hæc conditio ad obtinendam antapocham est inutilis. Nam si debitor hac actione conventus non præstet antapocham, non potest condemnari, nisi in id, quod creditoris interest; ut accidit in omnibus faciendi obligationibus & petitionibus; & ideo si nihil interest, nulla est actio, nulla condemnatio L. *si quis ab alio, in prin. D. de re iudic.* Porro in proposito si debitor neget antapocham creditori, nihil interest his de causis. Primum non interest creditoris habere antapocham, nisi tunc, cum debitor inficiatur aut eum dominum esse, aut esse creditorem: petitur enim antapocha propter periculum huius futuræ inficiationis, ut significatur in *pr. h. L.* At cum creditor nunc a debitore antapocham petit, debitor nondum negat debitum, sed tantum dicit, se solvillæ, & se antapocham eam dare nolle. Nihil igitur adhuc creditoris interest. Nec dices, damnum esse debitorem in id, quod posita interit. Nam certi iuris est, nullum iudicium esse posse in pendenti de his rebus, quæ posita in obligationem ventura sunt. L. *nov, §. quemadmodum,*

Pppp 2

D. de

D. de iudic. Præterea hac etiam ratione creditoris nihil interest, antapocham a debitore accipere; quia si debitor in iudicio fateatur, se pecuniam creditori solvisse, & eum debere hac solutione esse contentum: hæc confessio in iure facta idonea in primis probatio est solutionis factæ, quæ maiorem vim habeat, quam antapocha privata, lia igitur de causis, ut creditoris nihil interest, antapocham a debitore accipere; sic nec debitor illi condemnari potest, ac proinde petitio plane est inutilis.

16 Dicendum est, creditorem non posse facile conditione ex lege consequi a debitore suo, ut is antapocham reddat. Nam si hac conditione perficere vult, ut debitor antapocham denegans condemnetur in id, quod interest, frustra laborat, quia eius nihil interest, ut ostendi; sin autem ea conditione utitur, ut extorqueat a debitore confessionem pensionis solutæ, ne id quidem hac conditione tuto consequitur: fieri enim potest, ut debitor improbus, vel colonus neget, se ullam pensionem debuisse, aut solvisse, neget etiam se ullam apocham accepisse, quod si sit, petitio antapochæ non procedit ex hac lege. Sed hac via creditor ꝑ consequetur antapocham, quæ cautio diligenter notanda est: primum, extra iudicium interpellabit colonum, aut debitorem suum, ut accepta a se apocha, sibi antapocham præstet: si negat debitor, creditor adhibebit in eam rem testes, ne forte postea debitor iudicio conventus causetur, per se non stetisse, quo minus antapocham creditori daret. Sic deinde creditor iudicio agat adversus debitorem: agat autem non nova actione, sed actione veteri, qua pensionem, aut usuras iam solutas petet a debitore. Petitionis huius hic erit effectus. Aut enim debitor necesse habebit iterum pensionem solvere, aut si solvere non vult, necesse habebit dicere, se iam eam solvisse, & in eam rem proferre apocham creditoris. Non erit tam sultus, ut vis velit solvere, & si quis tam sultus proponeretur, abunde cautum esset creditori. Nam solutio alicuius rei debiti confessionem habet; quoniam non solvitur, nisi debitum. Sed quoniam nemo volet iterum solvere; restat, ut dicat se iam solvisse, & in eam rem proferat apocham. Quia qui solutionem allegat, eam probare debet, *L. 1. sup. de probat.* Hac confessione edita acquiescet creditor, & petet, ut ea confessio referatur in acta iudicii, & sibi exemplar iudicis auctoritate detur; ita debitor absolvetur senten-

tia iudicis, ut qui iam solverit, quod petebatur, & simul creditori consulatur, dum confessio in iure facta illi redditor, non privata, sed publica fide. Nam acta iudicii publicam fidem habent, *L. ult. inf. de re iud.* Hic nobis ꝑ occurrit: 17 dicitur enim, etiam sine hac constitutione creditorem idem petere, & consequi potuisse: ac proinde constitutionem hanc esse inutilem, quod admitti non debet. Respondetur: ante hanc constitutionem creditor idem petere non potuit impune: nam si petiisset, debitor absolveretur, & creditor condemnaretur in expensis litis, eo quod petiisset quod non deberetur, ut est poena iuris adversus temere litigantes constituta. *L. proferendum, §. sin autem, sup. de iudic.* Nunc autem post hanc legem creditor non condemnabitur in expensis ex eiusdem iuris forma, quia temere non litigavit, qui voluit a debitore antapocham, seu confessionem debiti exprimere, quod ex hac *L.* facere potuit; is autem solus victus condemnatur in expensis litis, qui temere litigavit, *L. cum qui temere, D. de iud.*

Sextum, & postremum est observandum in hac constitutione, de neglectu antapochæ petendæ. Hic cautum est, ita licere creditori antapocham petere, ut si non petierit, ꝑ ea res nihil ei noceat, quo minus dominium aliter probare possit adversus colonum quam antapocha; fortem sibi deberi adversus debitorem, qui usuras pendat. Hoc constituitur ex causa firma & regula iuris, ut merito hic queratur, quamobrem sit adiectum a Iustiniano: videri enim potest otiosum. Nam in omnibus *LL.* & constitutionibus, quæ quid alicui tribuunt, hæc lex & conditio inesse intelligitur, ut is cuius causa constituta lex est, eo iure uti possit, si velit. Cæterum licere unicuique iuri pro se introducto renuntiare, *L. pen. sup. de pact. L. si iudex, D. de minor.* Item, quod favore alicuius introductum est, placet in eius damnum, aut perniciem converti non debere, *L. quod favore, sup. de LL. L. nulla, D. de LL.* Hæc cum sint iuris certissimi, & æquitatis manifestæ, quid opus fuit de his hac lege cavere. Respondetur: factum videri potest propter quasdam alias Iustiniani constitutiones, quibus ita beneficium novum aliquibus datur, ut non utentibus constitutur poena, ut accidit in exemplo *L. ult. inf. de pact. conu.* tam super dote, & in beneficio inventarii, de quo in *L. ult. §. sin autem hic aliquis, & §. seq. inf. de iur. dot.* Hoc ergo voluit intelligi Iustin. nihil se tale

tale hic constituere in specie huius loci.

Atque hæc capita sunt huius constitutionis. Sed ex hac constitutione introducitur utilis questio. Nam hic cavetur creditori, quod illi liceat anapocham exigere a debitore, eum debitori etiam apocha non minus sit utilis. Quæritur, quid in hac exigenda a creditore debitor facere debeat, & quid iure suo possit? Hic
19 primum illud † statuendum est, semper debitori, cum solvit pecuniam, consultum esse, ut apocham accipiat a creditore, id est, scripturam & confessionem solutæ pecuniæ. Nam fieri potest, ut creditor iterum petat, quod sibi solutum est: debitor necesse habet solvere, nisi probet, se solvisse, *L. 1. sup. de probat.* Probabit solutionem apocha creditoris. Nec aliter sine testibus recte probari potest, sed & testes mori possunt: apocha eius manebit diligenter servata. Quid si creditor reddat chirographum debitori, & dicat, debitorem eo esse debere contentum? Respondetur. Nec sic quidem satis cavetur debitori sine apocha, si debitor semper probare posset, sibi chirographum a creditore esse redditum, satis esset ad liberationem. Redditio enim chirographi parit exceptionem debitori, quasi creditor eo facto factus sit, se nunquam petiturum, *L. 2. D. de pact.* Sed non semper ea redditio probari potest, si creditor se reddidisse neget. Quid enim si reddita sit cautio sine testibus: quid si præsentibus testibus reddita sit, sed qui abint, aut mortui sint?

Nec quicquam proderit debitori ad probandam solutionem proferre chirographum in iudicio, ut ex possessione chirographi probet se nihil debere, aut se liberatum esse. Nam chirographi tenor non eum adjuvat, sed eum, quem chirographi tenor demonstrat, *L. ad probationem, sup. de probat.* At chirographum nihil continet aliud, nisi pecuniam ereditori deberi. Nihil etiam proderit debitori, si proferat chirographum cancellatum; nam dici illi potest, ipsum coexistisse chirographum, quod postea deleverit, ut solutionem fingeret. Non oblat, *L. si chirographum, D. de probat.* ubi dicitur, *si chirographum cancellatum sit, videri debitorem presumptione liberatum.* Hoc enim dictum est de chirographo, quod creditor ipse proferat; nam tunc cancellatio a creditore nata intelligitur, nec adhiberi potest a creditore, nisi debitore liberato, aut nisi hoc animo, ut liberetur. Ita relinquitur, si reddatur chirographum, si non reddatur debitori, semper consultum esse

debitori apocham soluti a creditore accipere.

Sed quid si nullum debiti chirographum intervenerit, nulli etiam intervenerint testes, an etiam hic dicemus † apocham
20 necessariam esse debitori? quod non videtur; quoniam creditor debitum probare non potest *Resp.* Etiam hoc casu apocha necessaria est debitori, si recte sibi cautum velit. Nam potest creditor iterum petere, & si debitor neget, se debere, potest creditor deferre ei iusiurandum, quo delato, non audebit debitor negare, se illam pecuniam debuisse. Itaque nihil aliud dicere audebit, nisi se debitum solvisse. Ita necessitas eadem illi inest, ut probet solutionem, quam recte non probabit, nisi apocha creditoris. Potestne
21 igitur † debitor apocham suo iure exigere a creditore? *Resp.* Potest rebus integris, ut neget se soluturum, nisi creditor paratus sit illi apocham solutionis dare: idque a creditore consequi potest, opposita doli mali exceptione. Sciendum est enim, quemadmodum debitor solvere creditori debet, sic ereditorem pecunia soluta debere debitorem suum liberare, ita, ut eo nomine amplius inquietari non possit, *L. 4. D. de liber. leg. L. si papillus, in pr. D. de novat.* Proinde recte dicitur ereditori: si tibi tantum vis accepta a me pecunia, etiam mutuo mihi præstita, quod debes, id est, omnem liberationem, ac proinde præstita apocham, sine qua ego non sum liberatus. Æquitas hæc ducitur ex edicto, quod quisque turis in alium statuit, ut ipse eodem iure utatur. *L. 1. D. quod quisque iur.* Exceptio doli mali competit, quotiescunque aliquid petitur contra naturalem æquitatem, *L. 1. D. de except. doli mali.* Præterea generaliter definiendum est, omnem eum dolo facere, qui denegat petenti, quod petenti prodest, concedenti nihil nocet, *L. 2. §. quamquam, D. de aqua & ag. plu. arc. act.* Apocha † reddita
22 debitorem securum facit; reddere eam ereditori nihil nocet; proinde vis malitiose denegari non potest; hinc adversus denegationem doli exceptio. Hæc ratio recte dicemus, posse debitorem utiliter desiderare, ut sibi conficiatur apocha manu Notarii publici, si Notarius sit præfens: omnem enim cautionem, que sibi prosit, creditori non nocet, recte existit, dummodo petat sibi confici suis sumptibus: qui aliquid uti vult, sumptus in eam rem facere debet, *L. quoniam sup. de testib.* Ex his intelligimus, si creditor apocham denegat, recte debitorem † sol-
23 lutio-

intentionem recusare, nec moram in eo facere; non enim moram facit, qui iustam recusandi causam habet, *L. sciendum, D. de usur.* Hinc consequens est, si pecunia, quam debitor paratus erat creditori solvere, & quam illi obtulit, illo apocham denegante, casu perierit, vel ablata a prædonibus, vel incendio consumpta; debitorem exceptione doli liberari, *L. qui 10. in princ. D. de solut.*

Hæc dicta sint de eo debitore, qui nondum pecuniam solvit. Quid si debitor non accepta apocha, ultro creditori solverit, quid hic illum ad cautionem suam facere oportet? Etiam quid iure potest? Dicendum est, debere illum recipere chirographum suum, si quod penes creditorem fuit. Hoc autem consequi potest conditione sine causa, de quo cautum est in *L. 2. sup. de cond. ex lege*, ubi diximus. Nihilominus & causam & apocham desiderare potest a creditore, idque ei consultum est facere ob eas causas, quas exposuimus. Quid si creditor ꝑ apocham non det? Responderetur; Nulla est in hanc rem conditio ex hac lege; quoniam lex de creditore antapocham petente lata est, nihil hic de debitore apocham petente. Rursum, nulla actio vetus hic debitori competit; quoniam ipse est, qui debuit creditori; non autem is, cui creditor ante deberet. Dicemus in hanc rem competere debitori conditionem ob causam dati, causa non secuta. Nam debitor cum solvit, duas ob causas solvit; unam, ut satisfaceret creditori; alteram, ut ipse in posterum liberationem consequatur. Hanc non consequitur, nisi habeat probationem solutionis expeditam & probatam, cum volet. Hæc probatio est in apocha, proinde apocha non data, non sequitur causa, ob quam pecunia soluta erat, unde conditio ob causam datur. De his rebus hac lege a Iustiniano cautum non est, quia ea iuris erant magis explorati, & in hanc rem erat actio, quæ in specie hic proposita nulla erat. Obiter locus nos admonet, ut indicemus species privatorum instrumentorum, quæ ad cautionem partim creditoris, partim debitoris pertinent. Occurrunt autem in usu iuris hæc species,

atque hæc nomina, *Chirographum, apocha, antapocha, cautio.*

Chirographum, ꝑ quod compositio Græca ostendit, est scriptum propriæ cuiusque manus, sive sit creditoris, sive sit debitoris, sive eorum, qui aliquid annotant, vel in testamentis, vel codicillis, vel in aliis libris suis, unde subscriptiones testium, in testamentis dicuntur chirographa testium, *L. penul. D. qui test. fac. poss.* Et hoc modo chirographi verbum usurpari videtur in *L. comparationes, sequen.* Sed usus iuris obtinuit ut per excellentiam verbi chirographum, cum simpliciter nominatur, intelligatur chirographum debitoris, quo debitor se debere profiteatur, ut probant evidenter hi loci, *L. qui chirographum, D. de leg. 3. L. servum filii, §. cum qui, D. de leg. 1. L. si chirographum, D. de probat. L. qui tabulas, D. de furtis.* Apocha & antapocha quid sint, supra diximus. Cautio varie ꝑ usurpatur in iure. Est autem hæc varietas: Extra scripturam, cum agitur de rebus, aut quæ sine scripto factæ sunt, aut quæ scripto continentur, Cautio significat stipulationem, *L. sancimus, infr. de verb. sign.* Hoc ideo, quia cum ex facto nudo non nascatur actio: una maxime idonea cavendo creditoribus nostris ratio est, si per stipulationem illis promittamus; semper enim ex stipulatione nascitur actio iure civili, *§. de constituta, Inst. de act.* Unde per excellentiam stipulatio Cautio nominatur. Cum autem de scripturis agitur, Cautio significat omnem scripturam, tam debitoris, qua confitetur se debere, quam creditoris, qua is confitetur se pecuniam debitam accepisse: quoniam utraque confessione fit, ut adversario ad futuram probationem caveatur. Hoc indicat, *L. emptor, in prin. D. de pass.* Cæterum, quod in verbo chirographi factum est, hoc idem factum est in verbo cautionis. Nam in usu iuris fere semper, cum de scripturis agitur, cautio specialiter pro chirographo accipitur, quo debitor se debere confitetur: ut indicat *L. 2. L. emptor, §. ult. D. de pass. L. qui tab. D. de furtis.*

Ad L. Comparationes. pen.

Imp. Iustinianus.

Comparationes literarum ex chirographis fieri, & aliis instrumentis quæ non sunt publice confecta, satis abundeque occasionem criminis falsitatis dare & in iudiciis & in contractibus, manifestum est. Ideoque sancimus non licere comparationes literarum ex chirographis fieri, nisi trium testium habuerint subscriptiones, ut prius literis eorum fides imponatur, vel ex ipsis hoc deponentibus, sive cunctis, sive omnimodo duobus ex his, sine comparatione literarum testium præcedente: & tunc ex huiusmodi chartula iam probata comparatio fiat: aliter etenim comparationem fieri nullo concedimus modo, licet in semetipsum aliquis chartam conscriptam proferat: sed tantummodo ex forensibus vel publicis instrumentis, vel huiusmodi chirographis, quæ enumeravimus, comparationem trutinandam. Omnes autem comparationes non aliter fieri concedimus, nisi iuramento antea præstito ab his qui comparationem faciunt, fuerit affirmatum, quod neque lucri causa, neque inimicitii, neque gratia tenti, huiusmodi faciunt comparationem; & hoc observari tam in omnibus sacris nostris scriniis, quam in apparitione omnis sublimissima præsentia, nec non magisteria potestatis, ceterisque omnibus iudiciis quæ in orbe nostro constituta sunt: his omnibus imposterum observandis. Comparationes etenim iam antea factas retractari, extra periculum minime est. Dat. XIV. Kalend. April. Lampadio & Orestia Coss.

S U M M A R I A.

1. Comparatio literarum quid?
2. Probationis species, eaque necessaria & quare & n. 3.
Comparatio literarum prudentibus semper suspecta visa. ibid.
4. Comparatio literarum non admittenda, nisi certis conditionibus harum tria genera, & quæ sint & n. 5.
6. Comparatio literarum ex tribus dumtaxat instrumentorum generibus petitur & admittitur ex b. constitut. & quibus.
7. Quomodo ex instrumentis forensibus, & quod instrumentum forense.
8. Quomodo ex publicis, & quæ publica instrumenta.
9. Ex chirographis comparatio admittitur, si hoc trium testium habeant subscriptiones, & duo saltem scripturam suam recognoscant; minime vero si non habeant.
10. Contrariis occurritur.
11. Sine subscriptione trium testium comparatio non admittitur, etsi privatum instrumentum adversus se proferat actor: & hoc quale sit.
12. Consistente reo tamen etiam ex tali chirographo admittitur comparatio literarum.
13. Comparatio sumitur ex privatis instrumentis, quibus utitur adversarius, etiam si testium trium subscriptionem non habeant ex iure Novell. 49.
14. Quinta talium instrumentorum species ex quibus datur comparatio, est eorum qui proferuntur ex Archivo.
15. Qui comparationem literarum petunt, iurare debent: tale iniurandum continet tria capita, & quæ sint, & n. 16.
17. Qui sint ii qui hoc iniurandum præstare debeant: vulgaris error improbat.
- 18.

x8. *Partes ipsas seu actores esse qui in-
rare debent, non autem peritos
qui de scripturarum similitudine*

*aut contra indicant non indubii
argumentis ostenditur* § n. 19.
§ 20.

DE comparatione literarum agitur hac
lege & duabus authenticis *segg.*
1. Comparatio literarum est species proba-
tionis sumpta ex instrumentis & quavis scri-
ptura qua probare volumus, non gestum esse
id quod instrumentis continetur, sed ali-
quid scriptum esse, de quo nunc ambigitur.
2. Species probationis utilis & necessaria
in hac specie, cum proferatur aliquid in-
strumentum, quod dicitur scriptum esse
ab adversario, aut ab alio eius nomine,
& adversarius a se scriptum negat, aut
ab eo, de quo queritur. Sic autem in
3. hac specie hac probatio est necessaria est:
nam qui aliquid instrumentum ab aliquo
scriptum esse intendit, si id negetur, nihil
agit, nisi scriptum esse probet. Eius enim
probatio est, qui intendit, quive dicit ali-
quid. *L. 3. D. de probat.* Hoc duobus
modis probari potest, testibus, aut com-
paratione literarum. Testibus hoc modo,
si testes producantur, qui dicant se in-
terfuisse, cum is de quo queritur, hoc
instrumentum scriberet, aut ei subscriberet;
& scire quid eo instrumento contineretur;
idque ipsum esse, quod illo in-
strumento continetur, §. *si quis igitur*,
& §. *sed etsi quis*, *seq. Nov. de instr. caut.*
& *fid.* Literarum comparatione tunc
eadem res probatur, cum proferuntur
alia instrumenta, aliæve literæ quas constat
scriptas esse ab eo, de quo queritur:
docemulque scripturam esse similem ei,
qua nunc utimur, & de qua questio est,
ut ex comparatione & similitudine lite-
rarum, seu scripturæ arguatur, eandem
esse manum, & hinc colligitur, cum qui
scripti eas literas de quibus constat, &
eas scripsisse, de quibus nunc ambigitur.
Testes & in hac causa, & in aliis semper
admissi sunt, dum essent idonei, &
nunc quoque admittuntur, *d. Novell. de
fid. instr. §. si quis igitur*, & *seq.* Com-
paratio autem literarum semper pruden-
tibus suspecta atque modo visa est, quia
fieri potest, ut sint similes scripturæ, &
non sint eiusdem auctoris: fieri etiam po-
tuit, ut sint dissimiles; & tamen ab eo-
dem auctore exaratae, de quo plura *auth.*
at si contractus, *instr.* Ob hanc causam
visum est iuris auctoribus, comparationis
literarum probationem non facile recipien-
dam esse in hac specie, & placuit, non
esse admittendam, nisi per certis conditio-
nibus. De iis conditionibus comprehen-
sum est in *b. L. & auth. seq.*

Hæ conditiones genere sunt tres. 5
Quædam enim spectantur in instrumentis,
quæ comparatione aliorum instrumentorum
probare volumus: quædam spectantur
in his instrumentis, ex quibus hæc
comparatio & probatio scripturæ sumitur:
quædam in persona eius, qui compara-
tione utitur. Instrumenta, quæ compara-
tione literarum probare volumus, olim
omnia admiserunt hanc speciem probatio-
nis: potuerunt omnia probari per compara-
tionem literarum æque, ut probari po-
tuerunt testibus, sive essent instrumenta pub-
lice confecta, sive privata, & sive con-
fecta essent nullis adhibitis testibus, sive tes-
tibus adhibitis, idque indicat *b. L. com-
parationes*, ubi ad comparationem litera-
rum admittendam nihil amplius requiritur,
quam ut ex idoneis instrumentis aliis
comparatio sumatur, & is, qui utitur com-
paratione, id præstet iurandum quod
hic exigitur. Sed hoc emendavi postea
idem Iustinianus in *Nov. de instr. caut.*
& *fid.* Cuius constitutiōnis summa cum
sit comprehensa in *auth. at si contractus*,
instr. ibi de eo dicitur. De instrumentis
autem, ex quibus comparatio petitur, de-
que eo, quod præstare debet qui utitur
comparatione, comprehensum est in *b. L.*
& in *authen. ad hæc*, *prox. seq.* De in-
strumentis, ex quibus comparatio & proba-
tio petitur, sic cautum est *b. L.*: non
omnia instrumenta idonea esse, ex quibus
sumatur comparatio, seu probatio per
comparationem scripturæ, sed ex tribus
tantum generibus instrumentorum com-
parationem peti posse, ex forensibus, ex
publicis, & ex privatis chirographis, sed
iis, quæ habeant trium telorum subscrip-
tiones. Ex quibus testibus aut omnes,
aut saltem duo agnoscant suas subscrip-
tiones, & testificentur instrumentum scri-
ptum esse ab eo, de quo queritur.

Hæc tria genera notata sunt in *b. L.*
in fin. i. resp. in illis verbis; *sed tan-
tummodo ex forensibus, vel publicis*. Pri-
mum constituto ut admittit forensia in-
strumenta. Forense instrumentum vocat,
instrumentum publice confectum per ta-
bularium seu tabellionem, ut hoc genus
vocatur in *L. scripturas*, *infra*, *qui pot.*
in pig. hab. Hoc genus instrumenti in-
telligi hoc verbo, liquet ex *Novella, de
instr. caut. & fid. §. sed & si instru-
menta*. Nam Iustinianus ibi quædam in-
strumenta vocat, *ut ibi dicitur enumerare*, id
est,

est, in foro confecta. Non est autem aliud in foro confectum, quam forense. Item ex eadem *Novella*, §. si vero moriantur ubi quædam vocat *confectio*, quod nihil aliud significat, nisi forensis. Constat autem utroque in loco a Iustiniano indicari ea instrumenta, quæ per tabellionum publice confecta sunt, ut patet ex dicto §. si vero moriantur, & §. in his vero, seq. Sic autem petitur recte comparatio ex forensibus instrumentis. Pinge me dedisse decem mutuo tabellioni publico. Is a me convenitur ex chirographo suo: sed chirographum inficiatur. Ut probem id ab eo scriptum esse, recte ntor comparatione literarum, si proferam aliud instrumentum, quod constet publice ab eo confectum esse, & doceam scripturas plane esse similes.

Deinde admittit constitutio § instrumenta publica, quæ definitimus, in *L. exercendus supra b. tit.* ut acta iudicii, *L. ult. infra de re iudic.* et acta inscriptionum, idoneis magistratibus auctoribus confecta, *L. in donationibus. L. in hac, infra de donat.* Ex his sic comparatio recte sumitur: propono, me scribæ publico dedisse mutuo decem, eum a me conveniri ex suo chirographo. Si is negat chirographum a se scriptum, recte convincam ab eo scriptum esse, prolatis actis publicis, quæ ab eo scripta sunt. Tercio loco admittit Const. etiam § chirographa & instrumenta privata, sed hæc solum sub conditione, de qua initio Constit. Iustinianus præstat; nempe, si hæc instrumenta privata, ex quibus comparationis probationem sumimus, habeant subscriptiones trium testium, ex quibus saltem duo scripturam & suam, & eius qui scripsit, agnoscant. Hoc ideo exigit Iustinianus, ut prius certo constet, id instrumentum, ex quo probationem petimus, ab eo scriptum esse, de quo quæritur, & scriptum esse serio. Hoc autem ideo, quia omnis probatio est probatio rei dubiæ per ea, quæ certa sunt. Ita semper certa esse oportet ea, ex quibus fides petitur.

Ex hac conditione intelligimus, si quæ instrumenta privata ab eodem adversario scripta sint, ut ab eo, de quo quæritur, si subscriptionem testium non habeant, ex his probationem comparationis peti non posse. Quid si adversarius fateatur illa a se scripta. Respondetur, periculum esse sententiam huius Constitutionis esse, ne ex iis etiam instrumentis comparatio ducatur. Nam cum permittitur comparatio sub conditione, ea sub contraria conditio-

ne denegari intelligitur. *L. 1. vers. huius, D. de off. eius.* Propone ita: convenio te ex chirographo tuo, negas chirographum a te scriptum esse, ego habeo aliud instrumentum, seu chirographum tuum, quod subscriptiones testium nullas habet, sed tamen ultro confiteris a te scriptum esse. Ob hoc volo ex eius instrumenti comparatione probare hoc chirographum de quo quæritur, a te quoque scriptum esse. Efficitur hac constitutione te invito comparationem ex eo instrumento, quanvis a te confecto, peti non posse. Hoc § reprehenditur; nam confessio adversarii pro omni testium subscriptione haberi debet; ideo enim subscriptiones testium hic desiderantur, ut fides imponatur instrumento, ex quo comparatio sumitur, ut hic diceret scriptum est. At cum adversarius id instrumentum constituitur a se scriptum esse, præsertim cum confiteretur in iudicio: hæc confessio pro legitima probatione habenda est, & suæ confessioni cogitur stare, *L. generaliter, inf. de non num. pec.* Item, adversario confitente, omnis alia probatio adversus eum supervacua est, cum probatio non sit, nisi rei dubiæ probatio, *L. si quis, inf. de except. L. ult. inf. quib. ad lib. proel non licet.* Proinde etiam ex hoc instrumento privato, quod adversarius a se scriptum faceret, recte comparatio sumitur, non minus, quam si 10 testium subscriptiones haberet. Respond. Hæc omnia vera sunt, si subscriptiones trium testium tantum hic exigenter ad probationem instrumenti privati. Certum est enim confessionem adversarii vincere omnem probationem. Sed animadvertendum est, duabus de causis exigi in proposito trium testium subscriptionem in instrumentis privatis, ex quibus comparatio ducitur. Primum exigitur, ut constet instrumentum scriptum esse ab eo, de quo quæritur; sed hoc amplius exigitur ideo, ut constet hoc instrumentum ab eo serio scriptum esse, id est, ea manu & scriptura, qua uti solet in rebus gerendis; alioqui cum adversarius noller faceret, instrumentum privatum, quod comparationis causa adversus eum profertur, a se scriptum esse, potest causari a se scriptum non esse serio, aut usitata manu; sed se voluisse aliam scripturam imitari, & experiri quod posset: proinde non recte ex ea scriptura colligi id chirographum, ex quo nunc convenitur, a se scriptum esse; quoniam non sit hæc eius ordinaria manus.

11 Addit constitutio, adeo verum esse \dagger comparationem litterarum sumi non posse ex privatis chirographis adversarii, quæ trium testium subscriptiones non habent: ut ne tunc peti possit, quanvis actor ea instrumenta privata in semetipsum proferat. Ut autem instrumentum ab adversario scriptum actor in semetipsum proferat, sic contingere potest in specie proposita: convenio debitorem meum ex suo chirographo; negat chirographum a se scriptum; docere volo, ab eo scriptum esse ex comparatione alterius instrumenti, quod penes me est. Id instrumentum est instrumentum emptionis scriptum ab adversario, cui & ego subscripsi, quo continetur, me emisisse ab eo ligna 100. ea ligna mihi tradita esse. Hoc instrumentum adversus me profero; nam ex eo instrumento nihil aliud probatur nisi me debere adversario 100. ex causa empti & venditi, ex quo videbatur comparatio, quæ ex eo instrumento petitur, non esse suspecta, proinde admitti debuisse. Constitutio significat, quanvis eiusmodi aliquod instrumentum proferam; tamen me ex eo comparationem litterarum sumere non posse, si trium testium subscriptionem non habeat: quid si reus fateatur chirographum id, ex quo comparatio petitur, a se scriptum esse, & consentiat, ut ea eo chirographo comparatio scripturarum fiat: an ne sic quidem comparatio admittitur, eo volente? Vulgo putant, ne sic quidem comparationem sumi posse ex eo chirographo, propter constitutionis verba hæc: *aliter enim comparationem fieri nullo concedimus modo.*

12 Sed probandum est, \dagger consentiente reo, & manu suam agnoscante comparationem admitti posse ex quavis eius scriptura; si convenierit inter litigatores, quid iudex in iudicando sequi debeat, id iudicem sequi debere, scriptum est in *L. si convenit, D. de re iudic.* Et merito hoc sequendum est. Nam hæc constitutio prohibet, ne fiat reo iniuria, suspecta aliqua probatione introducta. Nemo autem sciens & volens fraudari intelligitur, *L. nemo videtur, D. de regul. iuris.* Non obstat, quod Iustinianus ait *aliter*, quam supra dixit, se comparationem nullo modo concedere. Hoc enim licet accipiendum est, *invito adversario.* Nam in omnibus legibus, quæ nominatim non prohibent quid fieri, si alienius privati causa constituta sunt, hæc conditio inest: si is cuius causa constituta sunt, eo iure uti velit. Cæterum licet unicuique iuri pro se introducto renuntiare, *L. penult. supr. de pact. L. pacisci, D. de pact. L. si iudex, D.*

de minor. Obiter locus notandus est, in quo aperte distinguuntur forensia instrumenta, id est publice confecta per tabelliones: distinguuntur, inquam, a publicis. Itaque verum est, quod docuimus ad *L. in exercendis, supra, eodem*, alia esse publica instrumenta, quæ ita absolute dicuntur, alia instrumenta media, quæ per tabelliones confecta sunt.

Quarta \dagger species instrumentorum privatorum, ex quibus comparatio sumi possit, admittit est deinde a Iustiniano in Novell. *de his, qui ingred. ad appell. §. illud etiam*, unde sumpta est *authent. ad hæc, sequ.* Ea sunt instrumenta privata, quæ nec trium testium subscriptionem habent, si modo adversarius iis utatur. Ex his, inquam, non minus, quam ex superioribus comparatio sumi potest. Id autem accidit in specie huiusmodi: aliquis petit a me decem, quod dicat se mihi ligna vendidisse tanti, & ligna tradidisse. In eam rem proferet instrumentum emptionis inter nos contractæ: quod instrumentum ab eo scriptum est, sed a me subscripsum esse dicit. Ego mutua petitione adversus eum utor, & peto decem, quæ illi dedi mutuo. In eam rem profero chirographum eius, is negat, chirographum a se scriptum. Ego ab eo scriptum esse probare volo ex eo instrumento emptionis, quod ipse protulit; quod tamen nullas testium subscriptiones habet. Ex hac *L. comparationes* non potui id facere; ex *Nov. superiore* licet. Quia etsi privatum instrumentum sit, ex quo comparationem facere volo: tamen adversarius eo utitur, & hoc ipso non tantum scripturam agnoscit, sed etiam a se serio scriptum profertur. Si ego idem instrumentum emptionis proferrem, tamen proferrem adversus me; tamen ab eo comparationem ducere non possem, ut ell cautum in hac *L. comparationes.* Sed quia adversarius ipse hoc instrumentum a se proferit, & eo instrumento utitur pro se, æquum est etiam, ut me patiatur eo instrumento adversus se uti. Quod recte constitutum est, & ex æquitate naturali edicti. Quod quique iuris in alium statuit, ut ipse eodem iure utatur. *L. 1. D. quod quisque iur.*

Quinta species \dagger vulgo existimatur adiecta esse eadem Novella constitutione, & in *authent. ad hæc.* Ea est eorum instrumentorum, seu earum scripturarum, quæ proferuntur ex archivo publico. Est autem archivum, tabularium publicum, id est, locus, in quo tabulæ, id est, instrumenta & acta publica reponuntur & asser-

servatur, cuiusque mentio sit in *L. moris*, §. *nonnunquam*, *D. de panis*. Verum est, ex iis scripturis comparisonem duci, quod in ea *auth.* expressum est, & in *Nov.* unde fumitur. Sed erramus, si putamus, hic novam speciem constitui. Nam in hac *L. comparationes*. Conceditur comparisonem sumi ex publicis instrumentis. At quæ instrumenta proferuntur ex archivo publico, publica sunt, aut certe pro publicis habentur, ut in *b. auth.* discrete expressum est, & in *Nov.* unde fumitur. Sed ista ratione putant vulgo inutilem esse constitutionem de his chartis, quæ ex archivo proferuntur; quoniam iam satis in *d. L. comparat.* de publicis instrumentis cautum erat.

Respondetur; non ideo constitutio nova Iustiniani inutilis est, nam *L. comparationes* simpliciter habet de publicis instrumentis, *Nov. Const.* Iustinian. hoc interpretatur, & veluti definitione eius verbi utitur: ut intelligamus, non tantum ea publica habenda esse, quæ ex sigillis & subscriptionibus publicis constet munita esse a magistratu, penes quam eius rei potestas est; sed etiam omnia scripta, quæ a scriba publico confecta, relata sunt in archivum, & deinde ex archivo prolata. Quid tamen si scriptura incerto auctore scripta sit, ut nullum testimonium publicæ fidei habeat? Respondetur; ex verbis constitutionis Novellæ appareat, id non esse instrumentum publicum, tamen si proferatur ab eo, cui archivi publici cura commissa est. Atque hæc sunt instrumenta idonea, ex quibus comparatio sumi potest ad probandum, scripturas esse similes & eiusdem auctoris, tam eas, quas probare volumus, quam eas, ex quibus hæc probatio petitur.

15 In persona eorum, † qui comparisonem petunt, exigitur in hac lege, ut iurent, priusquam ad comparisonem faciendam admittantur, & simul adiicitur iurandi forma in vers. *omnes autem*. Quo exigitur, ut hi, qui comparisonem introducunt, iurent. Vulgo exilimant contrariam esse Novellæ Iustiniani, de his, qui *ingrediantur ad appell.* in §. *ult.* quoniam Iustinianus vetat, his iurandum exigi de calumnia ab eo, qui initio de calumnia iuravit; vult enim Iustinianus hoc iurandum ad omnes partes iudicii pertinere. Sed nihil illa constitutio huic loco adversatur. Nam vetat iurandum iterum exigi a reo, & vetat exigi tunc, cum probationes desiderat ab adversario. In hac petitione supervacuum est, exigere iurandum calumniæ a reo, qui ini-

Tou. VII.

tio de eo iuravit. In specie autem huius loci agitur de auctore, & agitur de eo, vov qui probationem ab adversario exigit, sed qui probationem a se introducat. Nihil igitur illa constitutio ad hanc speciem pertinet. Iusurandum, quod exigitur ab his, qui probationem fieri volunt, tria † capita continet. Unum comprehensionem est in hac *L.* Duo posteriora addita sunt in *Nov. Const. de instr. caut.* & *fid.* Primum caput est, ut qui comparisonem instituit, iuret se id facere nullius alterius rei causa, quam quod verum esse exilimet, quod dicit. Secundum caput est, ut iuret, se neque in eo instrumento, quod probare vult, neque in eo, ex quo probationem & comparisonem petit, quidquam machinatum esse. Hoc in §. *si vero moriantur, in fin.* *Nov. de instr. caut.* Tertium caput est, ut iuret, se aliis omnibus probationibus destitutum, ad comparisonem tanquam ad extremum subsidium venire. Hoc in *d. Nov. in §. in his vero, vers. si vero nihil*.

In hac parte animadvertendum est, † 17 a quibus personis hæc lex iurandum hoc exigit. Exigit autem ab iis, qui comparisones literarum faciunt. Queritur: quinam iis verbis intelligantur? In quo error vulgaris animadvertendus est. His ceterum verbis intelligunt significari testes, seu homines peritos, qui adhibentur ad iudicandum de scripturis, utrum similes sint, an dissimiles: & utrum putent scripturas esse eiusdem auctoris, ex quo deinde iurificas consecutiones extruunt. Verba & forma iurandi refragantur: quæ vos doceat his verbis significari partes ipsas, seu actores, qui instrumentum, de quo queritur a quo scriptum sit, probare volunt, scriptum esse ab eo, de quo queritur; & in eam rem alias scripturas proferant, quarum comparisonem & similitudine utuntur, ut probent ab eodem auctore hæc scripta esse. Verba primum id † ostendunt: Nam literarum comparisonem facere, nihil aliud est, nisi literas inter se comparare. Is autem comparat, qui comparatione & hac probatione in iudicio utitur. Is autem est actor, qui instrumenti a se initio prolatis fidem confirmare vult. Sed in primis id arguit iurandi formula, quæ hic expressa est. Nam hi, qui comparationem faciunt, iubentur iurare, se non calumniæ causa comparisonem facere: non autem iubentur iurare, se non calumniæ causa comparisonem facturos. At si hoc iurandum exigeretur a testibus & artificibus peritis, qui adhibentur testimonio causa,


Q q q q 2

iurare

iurare deberent, non se comparationem facere, quam nondum faciunt; sed comparationem non facturos calumniæ causa, propterea quod semper a testibus iusiurandum exigitur, priusquam testimonium præbeant, *L. iusiurandi sup. de testib.*

- 19 *Constitutus.* Iustiniani, quæ hæc verba interpretatur. Nam in *Nov. de instr. caus. in §. si vero moriantur, in fin.* Iustinianus vult, iusiurandum intici proferenti instrumentum, ex quo comparationem petere vult: Item in *§. his vero, vers. si vero nihil*, diserte ita scribit: *si comparatio locum habere ceperis, se iubere, ut is, qui instrumentum profert, solemniter iuret.* Solemne iusiurandum intelligit, iusiurandum in hac re præstari solitum & ordinarium. Itaque notat iusiurandum constitutum in *b. L. comparas.* ex qua lege hoc iusiurandum coepit esse solemne. Diserte autem hoc iusiurandum imponit ei, qui documentum profert. Accedit ad hæc † absurditas contrariæ sententiæ.
- 20 Nam cum de duabus scripturis contro-

versia est, an videantur ab eodem auctore scriptæ, non adhibentur alii artifices, qui de ea re cognoscant & pronuntient; sed hæc cognitio est indicis, est elus assessorum, qui sunt homines periti literarum, & quibus nemo melius de scripturis iudicare potest. Hæc omnia servari vult Iustinianus in omnibus sacris scriniis. Sacra scrinia, quæ continerent, intelligemus ex *L. 1. & 3. infra, de prox. sac. scrin. lib. 12.* Idem observare vult in apparitione sublimissimæ præfecturæ. Intelligit præfecturam prætorii. Nam præfectus prætorii inter magistratus summam dignitatem & potestatem obtinuit. *L. 1. D. de præf. præton.* Item in apparitione magisterii potestatis. Hæc potestas erat magistri militum, de quo in *L. magisteria, supra, de iurisd.* Et generaliter in omnibus iudiciis vult hæc observari. Has species nominatim recensuit, ut intelligeremus, hoc ius de comparatione constitutum ita servari debere in omnibus iudiciis; ut neque summæ, neque minimæ iurisdictiones excipiantur.



Auth. *Ad hæc.*

Ad hæc, ex his literis quibus adversarius tuus utitur, & proferis; recte petis examinationem fieri. Item & charta, quæ proferitur ex archivo publico, testimonium publicum habet.

Exposuimus hunc locum ad L. comparationes *supra*.

Auth. *At si.*

At si contractus fiat in civitate, & unam libram auri excefferit, omnimodo collationi adsit argumentum quodlibet, nec credatur ei soli.

S U M M A R I A.

1. Duo instrumentorum genera probari posse comparatione literarum etiam post hanc auth. & quæ sint n. 2. & 3.
4. Instrumenta confecta in urbe, & auri libram excedentia probari non posse comparatione literarum, ubi is instrumentum 3. aut 5. testes non adfuerint.
5. Ratio an constet Iustiniano huiusce constituti.
6. Quid si testes adfuerint: an non sit in h. specie comparatio literarum inutilis.
7. Literarum comparatione non probari instrumenta, quatenus id accipi debeat.
8. Item credi interdum comparationi, ubi testes intervenerint, quem sensum habeat.

Diximus ad L. compar. omnia instrumenta olim comparatione literarum probari potuisse, idque indicant verba L. comparationes Hoc ius emendatum est a Iustiniano in *Novella de instr. caus. & fid.* Summa de ea re comprehensa est breviter in hac authentica. Ius igitur de eo ita se habet: Duo sunt genera instrumentorum, quæ etiam nunc admittunt probationem ex comparatione literarum, seu quæ comparatione literarum probari possunt. Primum genus est eorum, quæ confecta sunt de re libram auri non excedente; & ideo hoc loco dicitur, comparationi soli non credi, si contractus libram auri excedat. Hoc nunquam expressum est in dicta *Novella de instrum. caus.* sed colligitur tantum subobscurè ex §. oportet vero, vers. ut autem, d. *Novell.* Nam Iustinianus ibi cavet, si res libram auri non excedat, ut res geratur, prout ante observatum est: non autem, ut imperitus interpret vertit, secundum id, quod tunc actum est. Nam verba Græca Iustin. hæc sunt: *οὐδὲν αὐτῶν εἰς ἀγοράν ἢ πώλησιν ἢ ἄλλῃσιν πράξεσιν ἢ ἑτέροις ἔργοις ἢ ἑτέροις ἀνθρώποις* rem geri debere, prout usque nunc in

Rep. seu in iure publico dicundo obtinuit. Ex quibus verbis duo colliguntur. Primum, si instrumentum, quod libram auri non excedit, testibus probandum sit, probari posse etiamnum duobus testibus. Nam ante observabatur hic numerus. L. ubi numerus, D. de testib. Alterum colligitur, si sine testibus id instrumentum probare velimus, licere probare comparatione literarum. Nam & hoc iam ante observabatur ex L. comparationes, *supra*. Secundum genus est instrumentorum, quod comparatione probari potest sine testibus, est eorum instrumentorum, quod de quavis summa confectum est in agris. Et ideo in hac authentica dictum est, comparationi soli non credi, si contractus gestus sit in urbe; ut intelligamus, contra esse, si res gesta sit in agris. Hoc colligitur ex d. Nov. §. hæc autem omnia, ult. Nam & illic ita cautum: si res geratur in agris, id servandum esse, quod antea obtinuit. Iam autem diximus, antea obtinuisse ius, ut instrumentum probari posset duobus testibus, sine testibus autem probari posset comparatione literarum.

Atque

Atque hætenus servatur in iis generibus,
 4 *L. comparationes supra*. At si † contra-
 ctus, & in urbe fiat, & excedat libram
 auri: placet soli comparationi literarum
 non credi, sed augmentum adici debere.
 Augmentum intelligit testes, ut declarat
Novella, de instrumen. caut. unde hic
 locus sumptus est. Ex his verbis primum
 illud colligimus: si instrumentum confe-
 ctum sit sine testibus, comparationi lite-
 rarum locum non esse, id est, instrumentum
 nec testibus, qui non sunt, probari
 posse, nec posse probari comparatione lite-
 rarum; quia hæc probatio hoc casu rei-
 ciatur a Iustiniano. Id autem huiusmodi
 est. Iustinianus cavet, ut si quis caute
 contrahere velit, & instrumentum caute
 conficere, ut adhibeantur cum minimis
 tres testes: si is, qui instrumentum scri-
 bit, aut cuius nomine scribitur, sit peri-
 tus literarum. Quod si sit literarum im-
 peritus, exigit, ut adhibeantur quinque
 testes. Ni id fiat, cavet instrumentum nul-
 lus momenti esse, si adversarius neget,
 aut a se scriptum, aut ab alio, de quo
 queritur. Hæc in dicta *Nov. de instrumen.*
caut. in §. si quis igitur, & in §. sed
est quis. Item in *§. oportet vero*. Ita
 sine testibus instrumentum comparatione
 literarum probari non potest, quia deest
 id augmentum, de quo hic scriptum est.
 5 Queritur, † quam causam habuerit Iu-
 stinianus, ut remotis testibus non ad-
 ferret probationem ex comparatione lite-
 rarum, cum iure vetere sine controversia
 admitteretur? Respondetur: imple rationem
 reddit in prin. huius *Nov. de instr. caut.*
 Summa autem rationis eius hæc est: ideo
 se comparationem literarum in certis ca-
 sibus repudiasse sine testibus; quia com-
 paratio res sit natura sua suspecta. Suspi-
 cionis causæ hæc sunt; quia fieri potest,
 ut scripturæ, quæ proferuntur, sint plane
 similes; & tamen sint a diversis auctori-
 bus scriptæ; quoniam quidam possunt alie-
 nam manum imitari tanta arte, ut ne ipsi
 quidem, qui scripserunt, ad eam simili-
 tudinem possint accedere propius. Rur-
 sum fieri potest, ut scriptura, quæ
 proferuntur, sint dissimiles, sed tamen eius-
 dem auctoris; quoniam, qui scripsit, vo-
 luit diversis modis scribere, vel etiam eo-
 dem modo scribere non potuit; ut sunt
 infinitæ res, quæ mutationem manus, &
 scripturæ asserunt, ut valetudo & mor-
 bus, ut senectus, ut ebrietas diversa, atra-
 mentum malum, calamus male attempe-
 ratum. Cum ergo tanta sit incertitudo in
 literarum similitudine, & comparatione,
 putavit recte Iustinianus, non temere hanc

probationem admittendam esse sine te-
 stibus.

Deinde ex verbis huius authenticæ hoc
 colligitur: si testes in instrumento confi-
 cendo intervenerint, qui testimonium de
 scriptura dicant, tunc recte comparatio-
 nem admitti, ut ei fides habeatur adiun-
 ctis testibus. Hic occurritur: nam ista ra-
 tione otiosum est comparationem litera-
 rum admittere, nec dici debuit, compa-
 rationi soli non credi, sed in totum com-
 parationi non credi. Quod sic demonstra-
 tur: uam sine testibus volumus compara-
 tionem non admitti, testibus accedentibus
 comparatio est inutilis; quia satis testibus
 res probatur sine comparatione.

Respondetur, Testibus ab initio inter-
 venientibus nihilominus sæpe † compar-
 6 tio literarum utilis esse potest ad adstruen-
 dam fidem scripturæ instrumenti. Nam
 primum in instrumentis privatis, etsi non
 solum testes tres intervenire debent, cum
 instrumentum conficitur, sed etiam iidem
 testes debent testimonium dicere, ut in-
 strumento credatur, dicto *§. si quis igitur*,
& §. sed est quis, Novell. de instrumen.
caut. Tamen fieri potest, ut adver-
 sarius contra probet, se eodem die alio
 in loco fuisse, quo probato, refellitur in-
 strumentum, & in pari causa reus absol-
 vitur, ut docuimus ad *L. in exercendis*,
supra. Hic igitur consultum est actori,
 qui instrumentum utitur, adiungere ad re-
 ctas comparationem literarum, qua pro-
 bet instrumentum scriptum esse ab adver-
 sario, aut ab eo, de quo queritur. Nam
 hoc modo actor in probatione superior
 erit; quoniam iam nititur, & testibus, &
 comparatione literarum. In instrumentis
 autem publice confectis testes quidem ab
 initio intervenire debent: ad etiam mortui
 sint, nihilominus instrumentum valet; sed
 nihilominus exigitur adhuc probatio, ut
 actor probet, instrumentum scriptum esse
 ab eo tabellione, de quo dicitur. Ad hanc
 rem probandam adhibetur comparatio li-
 terarum ex instrumentis tabellionis. Ter-
 tium ex hac authentica vulgo colligitur:
 quemadmodum sine testibus non admittit
 comparationem; ita & testes sine com-
 paratione fidem non facere, cum queritur,
 an instrumentum ab alio scriptum sit,
 necne. Hoc vero ex hac authentica non
 colligitur, neque etiam per se admitten-
 dum. Authentica tantum loquitur de com-
 paratione literarum, cui dicit fidem non
 haberi, si sola sit: de testibus, & augmen-
 to collationis nihil hic dicitur, proinde
 nihil hic ex iure veteri immutatum pu-
 tare debemus, *L. præcipimus, in fin. infra*,
de appellatione. Ex

Et sententia iuris certi est: semper testibus idoneis fidem haberi. *L. iusiurandi supra, de testib. L. ubi numerus, D. cod.* Hoc loco notandum est, cum dicimus, † comparationem litterarum non admitti ad probandum aliquod instrumentum, hinc hanc significationem habere, ut omnino non admittatur, etiam si illa concurrant, de quibus cautum est in *L. comparat. supr.* id est, quanvis aliqui parati sumus facere comparationem ex in-

strumentis, vel forensibus, vel publicis, & his, quæ ibi commemoravimus, & præterea parati sumus præstare id iusiurandum, de quo illic diximus. Rursum cum hic dicimus † interdum comparationi credi, ubi testes intervenierunt, meminisse oportet, hoc sic accipiendum esse: dummodo comparatio fiat ex aliis idoncis instrumentis, & addiciatur iusiurandum, de quo comprehensum est in *d. L. comparationes*.

Ad L. Cum quidam, ult.

Imp. Iustinianus Iulianus P. P.

Cum quidam instrumentum protulerit, vel aliam chartulam, eique fidem imposuerit, postea autem persona, contra quam ista chartula vel instrumentum prolatum est, quasi falsum hoc constitutum redarguere nitatur: ne diutius dubietur utrum necessitatem ei qui protulit, imponi oporteat repetita vice hoc proferre, an sufficiat fides iam approbata: sancimus, si quid tale eveniat, eum qui petit iterum eam chartam proferri, prius sacramentum præstare, quod existimans se posse falsum redarguere quod prolatum est, ad huiusmodi veniat petitionem. Quid enim, si cum nosset deperditam esse chartam, vel forte concrematam, vel alio modo deminutam, hanc requiri adsumulans, & ad difficultatem productionis respiciens, huiusmodi petitionem? Et postquam hoc ab actore vel petitore fuerit iuratum, & inscriptionum pagina apud competentem iudicem deposita: tunc necessitatem imponi ei qui protulit chartam de qua queritur, iterum eum apud iudicem criminis proferre, quatenus possit apud eum crimen falsitatis ventilari. Sin autem dicat non esse sibi possibile eam ostendere, quia per fortuitos casus huius copia ei abrepta sit: tunc subeat sacramentum, quod nec eandem habeat chartulam, nec alii eam dederit, nec apud alium voluntate eius constituta sit, nec dolo malo fecerit quo minus appareat ea, sed revera ipsa chartula sine omni dolo sit deperdita, & productio eius sibi impossibilis sit, & si tale subeat sacramentum, ab huiusmodi necessitate relaxetur. Quod si prædictum iusiurandum subire minime maluerit, tunc quasi falsa chartula nullas habeat vires adversus eum contra quem prolata est, sed sit penitus evacuata. Neque enim ulterius pœnam produci contra eos qui non iuraverint, volumus: cum forsitan quidam subtili reverentia tenti, nec verum sacramentum præstare patiuntur. Eandem autem copiam ei præstamus, donec causa apud iudicem ventilatur. Si enim iam plenissimum finem accepit, & neque per appellationem suspensa est, neque per solitam retractionem adhuc lis vivere speratur: tunc satis durum est huiusmodi querelæ indulgeri; ne in infinitum causæ retractentur, & sopita iam negotia per huiusmodi viam iterum aperiuntur, & contrarium aliquod nostrum eveniat proposito. *Dat. V. Kal. Mart. Lampadio, & Orestia VV. CC. Coss.*

SUM.

S U M M A R I A.

1. *Occasio quaestionis qua h. L. deciditur.*
2. *Quaestio eadem per partes exposita § n. 3. 4. & 5.*
6. *Dubitandi ratio qua.*
7. *Novam instrumenti editionem peti posse, & praestari debere permittitur h. L. certis conditionibus.*
8. *Tres ex persona editionem petentis; & qua sunt.*
9. *Prima, ut petat, cum nondum causa finita est: finitur causa tribus temporibus, & qua sunt eorum singula.*
10. *Secunda, ut petens agat, non civiliter, sed criminaliter, & quare § num. 12.*
13. *Tertia, ut petens iurandum praestet, & qua de re.*
14. *Ille a quo petitur editio, tum deum edere non cogitur instrumentum si iuret se non habere, nec dolo fecisse quominus habeat.*
15. *Contrariis occurritur.*
16. *Quid si, licet superiora concurrant, non edatur iterum a quo debet, instrumentum.*
17. *Summa constitutionis.*

USUS quaestionis, quæ hac lege deciditur, intelligi non potest, nisi cognita occasione huius quaestionis. Quaestio autem § ex hac occasione nascitur. Diximus ad *L. in exercendis, sup.* quodvis instrumentum ita fidem facere, si verum sit: omnis autem instrumenti reiiciendi rationem hanc esse in promptu, si dicatur falsum esse. Unusquisque instrumentum falsi coarguere potest, ita ut de falso agat & civiliter, & criminaliter. Civiliter excipiendo, & diceodo falsum instrumentum quod adversus se profertur, falsum esse; criminaliter cum quis ultro eum qui instrumentum utitur, accusat falsi, & se inscribit in crimen, & poenam talionis in eo suscipit, *L. penult. & ult. infr. de fals.* Hoc modo de falso recte agi non potest, nisi sit accusanti instrumenti copia. Nam ut plurimum falsitas ex ipso authentico apparet, alias ex litura, aut rasura, alias ex interpolatione literarum; alias ex vetustate vel novitate aut chartæ, aut scripturæ, interdum ex incertitudine & titubatione scripturæ, ex qua deprehenditur nonnunquam imitatio alienæ manus. Proinde ei qui de falso agere vult vel civiliter, vel criminaliter, hoc sæpe obstat, si instrumenti quod argueret vult, copiam non habeat. Hinc quaestio huius legis. Est autem § hæc: cum quis instrumentum in iudicio adversus aliquem protulit. Et id instrumentum permixta iudiciali ad se recepit, fide ei instrumento prius imposita; an adversarius eius iure petere possit ab actore, ut iterum id instrumentum edat, seu exhibeat in iudicio, quia adversarius dicat se velle & posse id instrumentum falsi coarguere. Quaestio

hæc proposita est de eo § qui instrumentum in iudicio protulit, eoque usus est. Quia si quis instrumentum aliquod apud se habeat, quo nunquam usus est, non potest alius ab eo iure petere, ut id instrumentum exhibeat. Primum quia edicto prætoris de edendo ita quisque instrumentum quod apud se habet, edere cogitur, si in iudicio dicat se eo usurum. *L. 1. §. ult. D. de edendo.* Deinde, quis nemo adversarius cogitur ut instrumenta ut alias res ullas adversus se subministrare. *L. 2. sup. de edendo, L. nimis grave. sup. de testib.* Proponitur deinde quaestio, de eo § qui instrumentum protulit, & idem rursum ad se recepit; quoniam si prolatum instrumentum adhuc exstat apud acta iudicis, non est necesse desiderare ab actore eius instrumenti editionem, quia semper eius instrumenti potest esse copia sine nova editione, cum instrumentum sit in potestate iudicis. Tertio loco proponitur quaestio de eo § qui instrumentum ad se recepit, sed prius fidem instrumentum imposuit. Hoc ideo, ut quaestio procedat; quoniam ubi actor semel instrumentum in iudicio protulit, si adversarius de eo movet controversiam, iubetur instrumentum tandem apud acta manere, donec ei fides imposita sit. Fides autem instrumento imponitur iis modis, vel si probet actor testibus instrumentum scriptum esse ab eo de quo quaeritur, vel si prolato instrumento & eo lecto adversarius non contradicat. Nam sine iudicatione adversarii confirmatur actoris intentio. *L. si quidem, infra, de excep. L. ult. infra, quibus ad lib. procl. non licet.* Vel si adversario dicenti se para-

rum esse falsum instrumentum docere, dilatio ad id probandum data sit, & intra eam dilationem nihil probaverit. Nam reus tempore exclusus pro confitente habetur. Certe ab omni probatione postea remouetur. *L. oratione. D. de feriis.* Dubitationis ꝑ causa nascitur ex edicto de edendo. Ac secundum id edictum hæc editio nova concedi non debet. Primum, quia eo edicto iubet prætor actorem edere instrumenta, sed ea quibus usus sit. *L. 1. §. ult. D. de edend.* At in proposito is qui instrumentum protulit, & ei fidem imposuit, non petit ut eo instrumento utatur, neque eo usus est, sed iam eo usus est. Deinde eodem edicto neminem cogit prætor, instrumentum iterum edere, nisi ex magna causa, quæ sine facto & culpa adversarii contigerit. *L. si quis, §. ult. & L. seq. D. de edend.* Hæc autem quæsitio proponitur de eo qui non solum instrumentum edidit, sed etiam edicto fidem imposuit. Iustinianus hæc lege ꝑ permisit ei qui hanc editionem petit, iterum petere; & eum a quo petitur, iubet iterum instrumentum edere, sed certis conditionibus, in quibus partim edictum illud de edendo confirmat, partim ab eo edicto recedit, aut id edictum interpretatur. Conditiones hæc partim spectantur in persona eius qui novam editionem petit; partim in persona eius, unde hæc editio petitur. In persona eius, qui editionem petit, ꝑ tria concurrere debent, quæ sigillatim expendenda sunt: tempus petendi idoneum ꝑ causa propter quam hæc editio petitur; & iururandum quod ab eo exigitur. Tempus idoneum hoc statuitur ꝑ si nondum plane finita sit causa, in qua instrumentum prolatum est. Quod si iam ea causa finita sit, ita ut nullo remedio attentari possit: non licet petere, ut id instrumentum iterum edatur. Hæc pars posita est in extremo huius legis. Itaque ordine scripturæ postrema est, sed ordine querendi & numero est prima. Nam si alieno tempore hæc editio postulat, frustra postulat, etiamsi cætera, quæ sequuntur concurrant. Ut causa nondum plane finita sit, accidit ꝑ tribus temporibus. Primo si res nondum iudicata sit. Nam sententia imponit finem controversiæ, *L. 1. D. de re iudic.* Secundo si res quidem iudicata sit, sed aut appellatum sit, aut appellari possit; quoniam appellatio suspendit, & quodammodo rescindit prius iudicatum. *L. 1. in fin. D. ad Turpil.* Tercio, si iudicatum sit, & tempora legitima appellationis præterierint; sed si qui victus est, possit in in-

Tom. VII.

tegrum restitui, veluti si sit minor. Nam alias etiam adversus rem iudicatam tribuitur in integrum restitutionem *tot. tit. sup. si advers. rem iudic.* Ergo is qui petit instrumentum de quo queritur, iterum exhiberi, recte id petit, si nondum res iudicata sit, in qua id instrumentum prolatum est; aut res sit intra tempora constituta ad appellandum; aut is qui victus est, in integrum restitui possit. Quod si res iudicata est, neque appellatione, neque in integrum restitutione retractari potest: frustra petitur ut instrumentum de quo agitur, iterum proferatur, ut est in *vers. extr.* huius legis: Hoc ideo ut sit aliquis litium finis, & ne lite finita alia lis ex priore seratur. *L. fratris, sup. de transact. L. 3. infr. de fruct. & lit. expens.* Non adversantur hoc loco hæc constitutiones, quæ permittunt causam retractare quovis tempore, si ex falsis instrumentis iudicatum sit. *L. 1. & 2. inf. si ex fals. instrum.* Nam hæc constitutio non vetat agi de falso quovis tempore, sed vetat peti, ut idem instrumentum causa omnino finita iterum edatur: ut is qui de falso acturus est, probationes falsi ab adversario postulet. Quod nec iura vetera concedebant. *L. nimis grave, sup. de testib. L. 1. sup. de edend.* Causa petendi accedere debet. Permittitur autem petitio ꝑ huius editionis ex causa petendi, si is qui editionem hanc postulat, velit de falso agere criminaliter, & ob id se prius in crimen inscribat, secundum solemnem formam iuris in ea re usitatum. *L. ult. infr. de accus. L. 3. inf. de fals. L. libellorum, D. de accus.* Ex quo intelligimus, hanc petitionem editionis ei non concedi, qui falsum quidem instrumentum coarguere velit, sed tantum agere de eo civiliter. Hoc ex *vers. & postquam, in b. L.* Quod Iustinianus hanc petitionem non permittit ei, qui de falso civiliter agere vult, in eo edictum prætoris confirmat, quod non concedit ut instrumentum sæpius edatur invito eo, qui semel edit. *d. L. si quis, in fin. D. de edend.* Cui parti non obstant hæc constitutiones, quæ potestatem faciunt de falso instrumento querendi, & agendi, non tantum criminaliter, sed & civiliter. *L. penult. & ult. infr. de fals.* Nam, ut iam dixi, hæc constitutio non vetat agi de falso etiam civiliter: sed vetat eum, qui semel instrumentum protulit, cogi iterum id instrumentum edere, si de falso tantum civiliter agatur. In quo, ut dixi, edictum superius confirmat. Quod autem constitutio permittit hanc editionem petere ei qui de falso

R r r r

falso

falso criminaliter acturus est: in eo vel ab editio superiore recessit, vel interpretatus est, quid sit illud, quod est in editio, cum prout edicit se neminem coacturum instrumenta iterum edere, nisi ex causa. Itaque Iustinianus causam cogendi est interpretatus idoneam hanc esse, si adversarius de falso agere institueret criminaliter.

12 Quæritur, † cur potius hanc editionem permittit criminaliter acturo, quam acturo civiliter, cum in utraque causa pariter agatur de falso? Respond. Quia in civili actione versatur utilitas tantum privati agentis, in criminali utilitas publica, quæ privatæ anteponi debuit. In crimine enim & accusatione vindicta criminis petitur. Publice interest delicta nocentium non esse impunita. *L. ita vulneratus, Digest. ad L. Aquil. L. locatio, §. quod illicite, Dig. de public.*

13 Ius iurandum prætereā † exigitur ab eo qui hanc editionem etiam ad criminalem accusationem postulet, ut iuret se petere novam editionem eiusdem instrumenti, quia putet se posse id falsi coarguere. Hoc in prin. *L. in vers. sancimus.* Non obstat *L. 2. sup. de iurjur. an propt. calumn.* item *§. illud Novell. de his, qui ingred. ad appell.* in quibus cavetur, suscipere ab initio causæ semel iurasse de calumnia; nec hoc ius iurandum sæpius exigi debere. Nam hæc causa quæ de falso instituitur, non est prior causa, sed nova: ut merito in principio ius iurandum ab actore exigatur. Hæc spectantur, ut dixi, in persona eius, qui novam hanc editionem petit.

14 In persona autem † eius, unde hæc editio petitur, ut cogatur iterum instrumentum edere, non tria exiguntur, sed ex tribus unum: vimirum ut aut instrumentum id habeat, aut per eum factum sit quominus habeat; aut si negat se habere, & dolo suo factum, quominus haberet: nolit iurare ita esse: ceterum si paratus est iurare, se id instrumentum neque habere, neque dolo malo fecisse quo minus haberet, securus est ex h. constitutione. Hoc in *vers. fin autem.* Hoc loco adversus † hoc ius iurandum opponitur *L. si creditor, infr. de pign. act.* ubi ei, qui se casu aliquid amisisse dicit, non creditur, nisi casum probanti. Respondetur. Ca-

sus probatio ab eo exigitur, qui eam rem debuit, quam se casu amisisse dicit, ut in specie *dist. L. si creditor.* In proposito autem is, qui prius instrumentum protulit, non fuit obligatus adversario, ut id instrumentum amplius ei ederet; sed tantum cogitur ei edere propter utilitatem publicam, ut in falsi crimen inquiratur. Proinde non debet ab eo exigi probatio amissæ rei quam præstare iure non debuit. Et quod hic ius iurandum ab eo exigitur, non exigitur probationis causa, sed eius purgandi gratia. Quid si † his concurrentibus, propter quæ instrumentum iterum edi debet, instrumentum non editur ab eo, a quo editio petitur? Respondetur: interest, utrum instrumentum apud se habeat, an vero neget se habere. Si habet, vi cogendus est exhibere, si modo reperitur ubi sit, argument. in *L. qui restituere, D. de rei vind.* Quod si non habet aut negat se habere, poena hæc constituta est, ut instrumentum nullam vim habeat pro eo a quo prolatum est, adversus eum adversus quem prolatum erat. Hoc in *hac L. in vers. penult.* Summa constitutionis † hæc est. Qui semel instrumentum in iudicio protulit, si fide ei instrumento imposita, instrumentum ad se recepit, non est cogendus iterum id instrumentum adversario edere, nisi adversarius dicat se id instrumentum falsi coarguere velle. Quod tamen adversario postulat non simpliciter conceditur, sed hac conditione: si postulet id instrumentum iterum edi, nondum causa plane finita, in qua id instrumentum primo prolatum est, & de falso criminaliter agere velit, eoque se in crimen inscribat: & iuret se non calumnie causa hanc editionem petere, sed quia putet se posse docere instrumentum esse falsum. Et postremo, si is a quo hæc editio petitur, nolit iurare se id instrumentum neque habere, neque dolo habere decessisse. Ex quibus si quid delit, editio nova eiusdem instrumenti non impetrabitur. Quo autem casu instrumentum iterum edi debet, si non editur, hæc solum poena est non edentis, quod instrumentum pro vano & irrito habetur solum adversus eum adversus quem prolatum erat.

A D T I T U L U M XXII.

PLUS VALERE, QUOD AGITUR, QUAM QUOD SIMULATE CONCIPITUR.

Ad Rubricam,

S U M M A R I A.

1. *Continuatio huius tituli cum superiori.*
2. *Instrumento falso nunquam fidem haberi constat ex huius tit. inscriptione, & ex L. tit. inscriptionis verba exponuntur § n. 3.*
4. *Ideo nec scriptum valere quod fuit simulatum,*
5. *Sed illud potius valere quod actum seu gestum fuit: contraria diluuntur § n. 6.*
7. *Quam significationem habeat illud: quod per comparationem plus valere dicitur quod actum est.*
8. *An § quando nec quod gestum est valeat, nec quod simulatum, & scriptum.*

HIC titulus superioris pars est & appendix: ideo merito ei titulus subiungitur. Sic ¶ autem ad titulum præced. pertinet: diximus in *L. in exercendis, prox tit.* Instrumentis fidem haberi, sed cum hac exceptione, nisi instrumentum falsum sit. Nam falso nunquam fides habetur in iudiciis. *L. de fide. L. sicut, infr. de fals.* Hanc exceptionem hic titulus explicat, & magis confirmat, remota dubitatione, quæ hic incidere poterat. Quæritur enim: quid si aliud revera actum est, & aliud scriptum in instrumento, non tantum invito uno ex contrahentibus, sed utroque contrahentium consentiente, dum id agunt, ut unum agatur, alterum simulatur: an hic quoque dicemus ei scripturæ & instrumento credi non oportere? Dubitatio ex his causis nascitur: si superiores exceptionem sequimur, huic instrumento credendum non est, quia falsum est. Rursum ex altera parte movet conventio contrahentium. Certi iuris est, conventioni standum esse ex edicto de pactis. *L. iuris gentium, §. ait prætor, D. de pactis.* Conventionem autem & consensu contrahentium factum est, ut aliud in instrumento scriberetur: ita videtur huic conventioni potius standum esse, & ideo scriptum sequendum. Hic titulus, confirmat, ¶ si quid cuiusmodi aliquando acciderit, ne tunc quidem scriptum sequendum esse, quia falsum sit: ut efficiatur generalis hæc sententia & perpetua, nunquam instrumento fidem fieri, si do-

Tom. VII.

ceatur falsum esse. Id autem declaratur huiusmodi sententiis, quæ existant sub hoc titulo: quoties aliquid revera actum est, & aliud de sententia contrahentium scriptum in instrumento & simulatum, semper veritatem potius, quam scripturam inspiciendam esse. *L. 1. hic.* Item, valere quod gestum est, non quod scriptum est. *L. 3. & L. seq. hic.*

Item, ut titulus inscriptus est: *plus valere, quod agitur, quam quod simulate concipitur.* ¶ Quod agitur, id est, quod fit & geritur revera, non quod *simulate concipitur*, id est, non quod concipitur verbis in instrumento, dum contrahentes dissimulare volunt & tegere, quod actum est, & verbis aliud simulare. Hæc sententia duas partes continet, seu duas sententias particulares. Prior hæc est: cum ¶ quid simulatum est in instrumento, scriptum non valere. Hoc merito constituitur, quia scriptum falsum est. Itaque non obstat. *L. eum precibus, supr. de probat.* ubi placet instrumento stari. Hæc enim exceptio est, quæ & illic additur; nisi instrumento falsum contineatur. Id autem instrumentum falsum esse, in quo de sententia contrahentium aliud scriptum & simulatum est, quam revera gestum sit, declarat falsi definitio. Falsum est, cum dicitur, aut scribitur aliquid factum esse, quod non est. Id autem contingit, cum in instrumento scribitur aliquid gestum esse, quod gestum non est. Falsum igitur est hoc instrumentum. Nihil ad rem per-

Rrrr 2 tinet,

riuer, quod contrahentes id affirmarunt. Nam affirmatio contrahentium substantiam veritatis mutare non potuit, ut est in *L. 2. b. r.* id est, non potuit efficere, quin quod gestum est, gestum non sit. Ex quo consequens, si dicatur id gestum non esse, sed aliud, affirmationem esse falsam. Non obstat quod dicitur, *conventioni contrahentium standum esse*. Non enim hic convenit inter contrahentes, ut ei instrumento staretur, sed solum, ut scriberetur veri quod gestum est, regendi causa. Nunquam autem actus & conventiones contrahentium eos tenent, aut obligant, ultra quam inter eos actum est. *L. non omnis, D. si certum petat*. Ita perpetua hæc sententia est: falso instrumento fidem haberi non oportere. Altera sententia est: tametsi in proposito scriptum non valeat: tamen ⁵ nihilominus id quod actum & gestum est, potius valere. Ut fundus emptus est. Placuit in instrumento scribi, fundum donatum esse. Donatio non erit, quia scriptum falsum non valet: sed erit & valebit emptio, quæ revera gesta est. Huic sententiæ duo obstant. Primam, quod de eo quod gestum est, nullum instrumentum factum est. Deinde hæc conventio qua placuit, ut instrumento aliquid aliud conciperetur: quo factum videtur, ut recedatur a priori conventionem. Sed hæc ⁶ tam move nos non debent. Id, quod gestum est, non est collatum in instrumentum revera; sed non eo minus per se valet: sine instrumentis valet quod gestum est, si habeat probationem. *L. 4. D. de fid. instrument.* dixi ad *L. instrumentis*, *supr. de fide instrument.* conventio contrahentium, qua placuit, ut aliud instrumento scriberetur, non facit quo minus valeat quod gestum est. Non enim hac conventionem id actum est, ut ab eo, quod revera gestum est, discederetur; sed potius ut id maneret, & manens dissimularetur: tanto igitur magis id quod gestum est valere debet. Est igitur certissima hæc sententia: cum aliud actum est, & aliud

scriptum, semper plus valere, quod actum est, quam quod scriptum est. Sed diligenter cavendum est, ⁷ quod dicitur in hac specie, valere quod actum est, non simpliciter dictum esse, sed per comparisonem. Dicitur enim plus valere, quod actum est. Hoc eo animadvertendum esse monendi sumus; quia non simpliciter verum est, valere id, quod agitur, etiam si simulate conceptum sit aliud in instrumento; sed ita interpretandum est, ut valeat quod actum est, si nude & sine instrumento per se valere potuisset. Quod si sine instrumento per se valere non potest: multo minus ⁸ valebit, et si simulate instrumento aliud conceptum erit. Exemplum in *L. 1. supr. de cond. ob turp. causam*. Promisi tibi 10. ob turpem causam, puta oh flagitium: ut sacrilegium faceres, ut aliquem verberares: hæc promissio ipso iure est inutis. *L. generaliter, & L. seq. D. de verb. oblig.* Id cum intelligeres, impetrasti a me, ut communi consensu scriberetur in instrumento, me tibi debere 10. ex mutui causa: ut sic simulate scripto, turpitudine promissionis tegetetur. Illic rescriptum est, primum, mutui obligationem nullam esse, quia revera mutuum non intercessit; nec ad rem pertinere instrumentum, quia simulatum & falsum est: & ex hac parte iuris instrumentum valere non debet. Quid principalis obligatio, & id, quod gestum est, an valebit? Et hoc minus valebit, cum pecunia promissa sit ob turpem causam. Ergo dixerit aliquis, falsum est, quod hic dicimus, cum quid simulatum est instrumento, valere saltem quod gestum est. Dicimus, non ideo falsum esse: quia non simpliciter dicitur, quod gestum est, valere; sed per comparisonem plus valere, quam quod scriptum est: ut intelligamus, si sine scripto valere potuisset, futurum, ut si scriptum simulatum accesserit, etiam nunc valeat potius, quam scriptum. Exempla huius sententiæ sunt in *L. 2. & L. 3. hic*.

Ad L. In contractibus. 1.

Impp. Valerian. & Gallien. AA. Ruffino.

In contractibus rei veritas potius, quam scriptura perspicui debet.

S U M M A R I A.

1. De qua scriptura sit constitutio hæc accipienda.
Scriptura semper inspicienda, quando falsa esse non ostenditur, ibid.
2. Rei veritas potius quam scriptura spectari debet ubique, si aliud actum, aliud vero sine errore, sive per simulationem scriptum esse probetur.
3. Cur adiectum est, in contractibus.
4. Contraria superiori interpretationi & definitioni diluuntur, C. n. 5. 6. 7.
8. Veritas indicati cur potius spectetur, quam rei debite veritas, aut potius veritas iurisperitandi præstiti, quam veritas rei debite.
9. Unica exceptio superioris regule n. 2. indicata, & qualis ea sit.
10. Altera interpretatio adiectionis illius: in contractibus.

Alit, in contractibus potius veritatem, quam scripturam inspicere debere. Ex his verbis apparet, hoc dictum non esse generaliter de omni scriptura, sed solum de ea, cui veritas refragatur, ut ideo queratur, utrum spectanda sit potius, veritasne, id est quod revera gestum est, aut non est; an vero scriptura, quæ veritati adversatur, id est, in qua aliud actum esse scriptum est. Cæterum si de scriptura simpliciter queritur, hæc sententia certi iuris est: semper scripturam inspiciendam esse, quam falsam esse non doceatur. *L. cum precibus, supr. de probat.* Quod si falsa esse probetur, tum veritas spectanda est, & ad hanc rem hæc probatio cuiusque admittitur. *d. L. cum precibus, L. optimam, infr. de contr. stipul.* Sed cur adiectum est *in contractibus*? an quod in testamentis aliud sequimur? Respondetur, minime: nam etiam in testamentis si testator aliquid scripserit, neque voluerit, quia erravit: veritatem voluntatis sequemur potius, quam scripturam, *L. quoties 9. D. de her. inst. L. qui quartam D. de leg. 1.* An quod non idem servamus in iudiciis? imo & in iudiciis eadem regula obtinet, si aliud apud magistratum actum sit, & aliud scriptum. *L. 2. inf. de emancip. liber.* ut appareat, quo tempore hic locus scriptus est, non generalem fuisse hanc sententiam: si aliud actum & gestum est, aliud scriptum, vel errore, vel per simulationem, semper probato eo, quod verum est, plus valere veritatem, *Tom. VII.*

quam scripturam, eoque veritatem magis inspicere oportere. Hoc autem tempore post constitutiones Iustiniani non recte dicemus hæc verba *in contractibus* ideo addita esse, ut intelligeremus, semper in contractibus veritatem potius, quam scripturam inspicere debere: extra contractus autem non semper. Quod contingit in specie *L. ult. inf. arbit. tut.* de qua mox.

Hæc sententiæ opponuntur quedam. Primum *L. antiquæ, infra ad Velleian.* ubi si mulier dixerit in instrumento publice confecto, se pecuniam accepisse a Titio, ut pro eo sponderet: placet, ei confessioni & scripto stare oportere, etiam si mulier revera nihil acceperit. Respondetur. Hoc ideo contingit in hac specie, ut scripto stet, quoniam mulier contrarium probare non potest. Nam simpliciter confessa est, se pecuniam accepisse. Deinde dicit, se non accepisse. Hæc negatio est simplex, cuius negationis per rerum naturam nulla probatio esse potest. *L. actor, supr. de probat.* Merito igitur instrumento confessionis suæ stare cogitur, quæ contrarium docere non potest, quod sententiæ huius loci non adversatur. Quod enim dicimus potius veritatem inspicere debere, sic accipiendum est: ut inspicere debeat, si modo veritas probetur. Nam in re dubia instrumento semper standum est. *L. cum precibus supr. de probation.* Si mulier confessa esset, se pecuniam accepisse a Titio illo loco & illo die, contrarium probare posset: si doceret, ret, ret,

ret, se eo die alibi fuisse. Ad hanc vero probationem recte admitteretur, ut potius inspiceretur veritas, quam scriptura, ut additum est in *d. L. cum precib. & expressum est in d. L. optimam, infr. de contr. stipul.*

- 5 Obiicitur *†* deinde *L. si alii, D. de usufruct. legat.* ubi in fine hæc verba sunt: *Interdum etiam in testamentis plus scripturam valere, quam quod peractum est.* Respondetur: & hoc verum est, sed tunc locum habet, cum doceri non potest, aliud actum esse, quam quod scriptura continetur, ut supra diximus. Id autem accidisse in specie eius loci, specie proposita, intelligitur: quæ ideo proponenda est *magis*, quia locus est obscurior. Testator legavit fundum Titio hoc animo, ut Titio legaret fundum detracto usufructu, dum putat se his verbis id consequi; deinde eiusdem fundi usufructum legavit Sempronio hoc animo, ut Sempronio legaret solidum usufructum. Testator in hac opinione erat. Nam dum Titio legavit fundum, vi & potestate verborum legavit fundum una cum usufructu fundi; nam usufructus domini pars est. *L. 4. D. de usufruct.* Itaque cum postea legat Sempronio usufructum eiusdem fundi, non legat Sempronio solidum usufructum, sed solum partem dimidiam; quia duobus, nempe & Titio & Sempronio legat usufructum; itaque Titius & Sempronius coniuncti sunt in eandem rem; coniuncti concursu partes faciunt. *§. si res altera, Instit. de legat.* Quæsitum est, cum hic scriptura dissentiat a voluntate testatoris, utrum sequi oporteat? Illic respondetur, scripturam sequi oportere: Respondetur: Id eo fit in ea specie, quia non potest doceri, testatorem aliud sensitse, quam verba exprimunt. Quod sic docetur. Nam etsi priusquam testamentum scriberet, constet cum fuisse in hoc errore, ut dum fundum simpliciter legat, putaret se legare nudam proprietatem, seu fundum, detracto usufructu; tamen priusquam legaret, potuit hunc errorem & hanc opinionem omittere, potuit etiam voluntatem mutare. Quandiu contra id nihil prohibuit, dicendum est, eum voluntatem & opinionem mutasse; quia tandiu verbis testamenti standum est, quandiu non probatur manifeste, aliud sensitse testatorem. *L. non aliter, in prin. D. de leg. 3.*

- 6 Obiicitur *†* *L. 4. de Leg. 1. & L. La-beo, D. de suppellect. Leg.* quibus in locis scriptum est: si testator quid scripserit errans in nomine appellativo, dum ali-

quid legare vult, & verbis aliud legat, neque voluntatem eius valere: ut puta, legare voluit aurum, & scripsit electrum, neque debebitur electrum, quia legare noluit, neque aurum, quia non legavit. Respondetur. Tantum abest, ut hoc exemplum faciat adversus regulam huius loci, ut sit potius accomodatissimum exemplum ad regulam confirmandam. Nam hic non spectamus scripturam, ut hac regula comprehensum est, quia testator noluit, quod scripsit; sed rursus spectamus voluntatem. Ideo enim non debetur electrum, seu quod scriptum est; quia testator revera id deberi noluit. Sed non debetur, inquires, etiam aurum, quod testator legare voluit; Respondetur. Hæc iolum ideo fit, quia veritatem inspiciamus. Voluit enim testator legare, sed revera non legavit. Igitur hanc veritatem rei inspicimus, ut ne sit legatum aurum. Generaliter enim designandum est, ad omnem institutionem & legatum duo necessaria esse, ut institutio & legatum constiterit. Primum, ut velit testator quem institueret, aut quid legare. Non est satis, alterum desideratur: ut institutionem, seu legatum, vel scribat, vel nuncupet; quoniam non fit suprema voluntas, nisi aut testamento scripto, aut nuncupativo. Denique non est legatum, nisi testator velit & scribat, cum testamentum scribit. *L. 9. D. de her. inst.*

Ad extremum obiiciuntur *†* ea, quæ tradita sunt de re iudicata, de transactione, de iureiurando, in quibus non videtur veritas inspicere. Nam de re iudicata traditur, rem iudicatam pro veritate haberi, etiamsi index pronuntiaverit, deberi quod non debetur; eile, quod non est, aut contra. *L. res iudicata, D. de regul. jur. L. ingenuum, D. de statu ho.* De iureiurando eodem modo iusiurandum præstitum deferente adversario servandum esse, quanvis peieraverit. *L. quod si def. D. de dolo L. 5. §. dolo, D. de iureiur.* Similiter & transactionem esse servandam, quanvis interpolitam de eo, quod non debebatur. *L. non minore, infr. de transact.* Respondetur. Et harum rerum exempla omnia regulam confirmant. In iis enim omnibus inspicimus veritatem; quoniam inspicimus in re iudicata, quod vere iudicatum est, & nisi vere præcessisset sententia, hanc non sequeremur: In transactione, quod vere transactum est: in iureiurando, quod vere iuratum est; & nisi vera transactio, & verum iusiurandum intervenisset, hæc non sequeremur; & si contra scriptum esset, non valeret scri-

scriptum. Sed in iis non servamus veritatem rei debitæ, aut veritatem rei de qua iudicatur, transactum, iuratum est. Fa-
 teor. Sed hæc res non facit, quominus
 veritatem inspiciamus; quoniam potius in-
 spicimus veritatem iudicati, transactionis,
 iurisiurandi. Quod si quæritur, cur potius
 † veritatem iudicati spectemus, quam ve-
 ritatem rei debitæ, aut potius veritatem
 iurisiurandi prælitæ, quam veritatem rei
 debitæ. Ratio hæc est: quia in rebus iu-
 dicatis sequimur rerum indicatarum au-
 thoritatem propter utilitatem publicam.
*L. servo invito, §. cum prator, D. ad
 Trebell.* In iurisiurando autem servamus
 conventionem: iurisiurandum propter con-
 ventionem litigatorum valet, & propter
 religionem. *L. sed & servu. L. qui in-
 rasse, seq. §. ult. D. de iurisiurand.* Et
 ob hanc causam maxime servamus trans-
 actiones, in quibus conventio est manife-
 stior. *L. non minore, supr. de transact.*
 9 Una tamen † exceptio est regulæ pro-
 positæ in specie *L. ult. inf. arbitr. tut.*
 Nam si tunc cum conficitur publice in-
 ventarium rerum pupillarium, tutor in
 descriptione rerum quasdam res dixerit
 esse pupilli, quæ non sunt, idque in in-
 ventario eo auctore scriptum sit: placuit

Iustiniano hic scripturam solam esse spe-
 ctandam, neque ad veritatem contrariam
 probandam, iutorem admittendum esse:
 sed hic singulare ius est, propter circum-
 stantias incurrentes in hanc speciem. Pri-
 mum, quia tutor est, qui hoc affirmat, qui
 omnium maxime scire potest facultates pu-
 pilli. Tutor est, qui volens, non coactus id
 affirmat. Deinde affirmat in inventario pu-
 blico, ubi maxime res serio agitur, & tuto-
 rem verum dicere oportet. Adde extre-
 mum, quod nemo tam stultus est, ut adver-
 sus se sciens aliquid affirmare debeat. At
 quidquid in inventario scribitur, adversus
 tutorem scribitur, qui ea omnia, quæ hic
 sunt, curare debet, ut bonus paterfamili-
 as, & eorum omnium rationem reddere
 finita tutela. *L. 1. D. de tut. & ratio-
 nib. distr.* Postquam exceptionem recte
 dixerimus in regula huius *L.* addita esse
 hæc verba, in *contractibus*, secundum
 ea, quæ initio monuimus: alioqui † ante
 hanc legem Iustiniani hæc verba, in *con-
 tractibus*, hoc loco sic accipienda fue-
 runt, ut sit: in contractibus maxime ve-
 ritas inspicere debet potius quam scriptura;
 quoniam in contractibus conventio præ-
 cipe spectatur.

Ad L. Afa 1.

Imp. Diocletian. & Maximian. AA. & CC. Soteriz.

*Afa simulata, velut non ipse, sed eius uxor comparaverit, veritatis
 substantiam mutare non possunt. Questio itaque facti per iudicem vel præ-
 sidem provincie examinabitur. Dat. X. Kalend. Maii CC. Coss.*

SUMMARI A.

1. *Hac constitut. exemplum contineri
 regula h. tir. proposita, & hoc
 quale, & quæ exinde consequen-
 tia.*

2. *Questionem facti hic esse, eamque
 ad cognitionem iudicis pertine-
 re, & quare & n. 3.*

1 **E**xemplum † est regulæ h. tir. propo-
 sitæ, quæ specialiter concepta est in
L. penult. inf. Maritus fundum suo no-
 mine emit a Titio; placuit tamen, ut in
 instrumento quod postea scriptum est,
 scriberetur uxorem eius emisit a Titio.
 Scriptum hoc non valebit, sed quod re-
 vera gestum est. Cui hæc sunt consequen-
 tia. Ergo mulier ex empto non aget ad-
 versus Titium; & si aget, recte remove-
 bitur, quasi non emerit. Nec ei patroci-

nabitur instrumentum, quia falsum est; ete-
 nim aliud in eo scriptum, quam revera
 gestum. E converso maritus recte adver-
 sus Titium ex empto aget, quia revera
 emit; nec ei nocebit instrumentum, in
 quo scriptum est alium emisit; quia spe-
 ctamus quod revera gestum est, non quod
 scriptum. Sed hæc ita sunt, si modo pro-
 betur maritum emisit, non uxorem; &
 convenisse ut aliud in instrumento scri-
 beretur. Hæc quæstio † facti est, ut hic 2
 scri-

scribitur. In ea enim quaeritur; quid factum sit; proinde hic dicitur, quaestionem facti ad iudicem remittendam esse, qui examinatorius est, an haec ita sint, ut dicuntur. Quaestio facti ad cognitionem iudicis pertinet, ut hic scribitur, in *L. si ita quis promiserit, §. Scio*, in fin. de *verb. oblig.* Hoc ideo † quia factum non potest doceri nisi probationibus legitimis,

ut testibus & instrumentis. Res autem iudici probanda est. *L. quinquaginta*, in fin. *D. de probat.* Et docuimus ad tit. de *probat. supr.* in prin. ideo autem iudici probanda, quia est iudicis existimare, quid sibi probatum opinetur, ut ex religione officii iudicet. *L. 3. §. eiusdem, D. de testib.*

Ad *L. Emptione* 3.

Idem AA. & CC. Maximæ.

Emptione pignoris causa facta, non quod scriptum, sed quod gestum est, inspicitur. Dat. Kal. Maii Sirmii. CC. Coss.

S U M M A R I A.

1. *Emptio pignoris causa facta non valet, sed pignus valet.*

2. *Quid intersit, utrum emptio, an vero pignus contractum sit.*

Aliud exemplum eiusdem regulæ initio traditæ. Si emptio pignoris † causa facta sit, pignus valet, quod revera contractum est: emptio non valet, quæ revera contracta non est, etsi eam contractam esse in instrumento scriptum sit. Species ex facto huiusmodi. Debitor acceptis 100. mutuis, creditori suo Titio fundum eo nomine pignori dedit: cum vellet creditor pro usuris pecuniæ fructus fundi percipere, & lucrari, quod secundum ius facere non poterat: impetravit a debitore, ut in instrumento simularetur emptio, & scriberetur, debitorem vendidisse eum fundum Titio 100. floren. quæ venditori iam solvit. Vendidisse autem ea lege, ut quodocunque venditor restituerit 100. flor. emptori, fundum suum reciperet. Dicimus, si debitor probaverit, se hunc fundum pignori obligasse, & convenisse ut simularetur instrumento emptio: se eum repetiturum fundum suum pignoratitia actione, quia pignus vere contractum sit: ex empto autem actionem non habiturum, atque adeo emptionem in totum hic nullam futuram, quæ ei obset, quoniam pignus vere contractum est. Pignoris autem causa, id est, propter pignus interpositum emptio facta & simulata est. Plus gestum, quam scriptum valet, ex regula huius tituli. Hic quaeritur: quid intersit, utrum debitor fundum

suum repetat, ut pignori datum; an vero, ut venditum: vel quid intersit † utrum dicamus, hic pignus contractum esse, an vero contractam emptionem? Quaestionis causa hæc est: quia etsi dixerimus emptionem esse contractam, quæ statim probari potest instrumento: tamen debitor semper fundum suum repetet, ex *L. emptioni adiecta L. 1. infr. de pact. inter empt. & vend. compos.* Non aliud consequeretur debitor pignoratitia actione. Nam si vellet debitor pignus suum repetere, non posset id consequi, nisi solutis 100. quæ accepit. *L. si rem, §. omnis, D. de pign. act.* Cur igitur hic laboramus & oneramus debitorem probatione non necessaria? Respondetur: si de fundo ipso repetendo quaeritur, sane nihil intersit, utrum hic pignus contractum dicamus, an emptionem; sed in fructibus fundi multum intersit, utrum emptio fuerit, an pignus. Nam si emptio est, emptor idemque fundi dominus fructus suos facit, quoniam rei venditæ commodum omne ad emptorem pertinet, *§. cum autem, Inst. de empt. & vend. At si pignus est tantum, creditor fructus ex fundo perceptos suos non facit, sed aut restituere debet pignoratitia actione, aut in sortem imputare. L. 1. & 2. infr. de pign. act.*

Ad *L.*

Ad L. Si quis penult.

Idem AA. & CC. Decio.

Si quis gestum a se, alium egisse scribi fecerit: plus actum, quam scriptum valet. Dat. VIII. Kal. Decemb. CC. Coss.

Eadem definitio est, quæ in inscriptione tituli, ubi diximus.

Ad L. Si falsum ult.

Idem AA. & CC. Victori.

*Si falsum instrumentum emptionis conscriptum tibi velut locationis, quam fieri mandaveras, subscribere non relegentem, sed fidem habentem, suasisit: neutrum contractum (in utroque alterius consensu deficiente) consi-
sisse, proculdubio est. Dat. XIII. Kalen. Ian. CC. Coss.*

S U M M A R I A.

1. *Species huius Constitutus. exponitur.*
2. *Nec venditionem, nec locationem in ea specie consistere & quare.*
3. *Contrariis obviatur.*
4. *Subscribens instrumento per errorem, non obligatur, si errorem adfuisse probet, & quomodo hoc probetur.*
5. *Quid si procurator, cui mandavi, ut locaret aedes, ipse eas vendidit, sed scriptum est me vendidisse.*
6. *Emptio alienæ rei consistit & valet, & quo iuris effectu.*

Si non valet, quod scriptum est, cum aliud scriptum est, quam gestum, tamen si scriptum sit de consensu contrahentium, ut supra diximus in princ. Multo minus scriptum valebit, si aliud scriptum sit quam gestum, si scriptum sit invito eo, adversus quem agitur, ut traditur in *L. precibus, supr. de probat.* Eiusdem rei & hic exemplum est, sed obscurius. Speciem autem sic fingere oportet. Ego mandavi alicui, puta procuratori meo, ut certas quasdam aedes meas locaret. Is cum eas locare vellet Titio, Titius dixit, se conducere nolle: sed si dominus vendere vellet, se paratum emere. Procurator promisit, se perfecturum, ut illi emptæ essent a me. Ad eam rem hunc dolum commentus est. Consecit instrumentum consentiente Titio, in quo scriptum est, me qui sum dominus ædium, vendidisse illas aedes Titio 100 floren. Quoniam instrumentum falsum erat, procurator instrumentum ad me detulit, & ait, se aedes meas locasse Ti-

tio, ut mandaram. Dixit, hoc instrumentum esse locationis, quod mihi obtulit; superesse, ut ego subscriptione mea confirmarem locationem. Ego illi fidem instrumentum non relegi: & tanquam locatione contracta instrumento subscripsi. Placet, hic & neque emptionem esse, neque locationem; quia neutrum consensu duorum geritur. Non erit emptio; quia etsi Titius emere aedes voluerit, ego tamen vendere nolui. Non perficitur autem emptio & venditio, nisi consensu. *L. 1. in fin. D. de contr. empt.* Non erit etiam locatio; quia locare quidem volui, sed Titius noluit conducere: emere enim volebat, non conducere. Consilium itidem locatio & conductio duorum consensu, ut emptio & venditio. *L. 1. D. locati. condit.* Sed in emptione hic & obstitabat mihi instrumentum, quo scriptum est, me aedes vendidisse Titio; Respond. ex regula h. tit. scriptum non valere; quia id scriptum, quod gestum non est. Rursum enim ob-

stat mihi mea subscriptio, quæ declarat me revera vendidisse: ut dici non possit, aliud scriptum, quam gestum. Nam qui instrumentum vel scribit, vel ei subscribit, intelligitur consentire iis, quæ in instrumento scripta sunt, nec quidquam habet subscriptio, nisi approbationem præcedentium scriptorum. §. 1. *Inst. de empt. & vend. L. scripturas, infr. qui pos. in pign. L. fideiussor. §. 1. D. de pignor.* Respondetur. Hoc ita est, si quis sciens, quæ scripta erant, subscribat, aut si quis sciens quæ gesta erant, scribat. d. *L. fideiussor. §. 1. de pign.* Diversum est, si quis subscribat ignorans, seu per errorem, ut hic a me factum est. Nam errantis nullus consensus, nulla voluntas est. *L. cum testamentum, supr. de iur. & fact. ign. L. si per errorem, D. de iurisdic. L. 2. D. de iudic.* Ex quibus ¶ apparet, ita in proposito instrumentum & subscriptionem mihi non nocere, si probem errorem. Quod ita sit, si interfuerunt testes, cum procurator mihi diceret, instrumentum cui subscripsi, esse instrumentum ædium locatarum Titio, & me non relegendem subscriptile instrumentum. Cæterum priusquam hæc probem, instrumento stabitur, *L. cum precibus, supr. de probat.* idque est in *L. 2. sup.* Dicitur in questione huius loci facti questionem a iudice examinandam esse: uti facti quæ-

stio intelligitur, cum quæritur, an instrumentum simulate conceptum sit, & falso. Cavendum est autem, ne fingamus in hac specie ¶ procuratorem, cui mandaveram, ut locaret ædes, eas ædes vendidisse. Nam si vendidisset, etiam postea scriptum esset me vendidisse, scriptum quidem non valeret; sed valeret, quod gestum, i. e. emptio inter procuratorem & tutorem contracta. Nam procurator cum aliquid emit, sibi emit, & actionem empti cedere debet domino suo. *L. possessio, in fin. de acquir. poss.* Sic cum procurator vendit, ut hoc loco, vendit adversus se; non autem dominum suum obligat: nam ut domino actionem quærere non potuit illi contrahendo. *L. quæcunque gerimus, D. de oblig. & action.* multo minus vendendo dominum obligare potuit. *L. inter in princ. D. de verb. oblig.* Denique procuratorem vendentem suo nomine teneri, expressum est in *L. procurator, qui pro evict. D. de procu.* Nihil ad rem pertinet, quod res vendita procuratoris non fuit, sed mea. Rei ¶ enim alienæ emptio & venditio constitit. *L. rem ab. D. de contr. empt.* propterea quod qui vendit rem alienam, obligat se ob evictionem, aut in id, quod interest, re non tradita. Quæ obligatio cadit etiam in eos, qui domini non sunt. *L. 1. in pr. L. ex empto, in princ. D. de act. empt.*

F I N I S.

005646266

